



**TETRACHORDIUM**  
*Tragicam Passionis Mortisque*  
**SALVATORIS AC DOMINI**  
**NOSTRI**  
**IESU CHRISTI**  
*VERI DEI ET HOMINIS*

*Pro salute humana inhumaniter ab hominibus passi.*

**HISTORIAM RESONANS.**

*Ad concordem quatuor SS. Evangelistarum harmoniam intentum*

**In tetraphonam**

*Id est*

1. In Eleachum seu Compendium gestorum CHRISTI à resuscitatione Lazari.
2. In Textum genuinum SS. quatuor Evangelistarum Passionem Domini describentium cum annotationibus ad margines.
3. In Quæstiunculas quasdam & responsiones eundem Textum explanantes.
4. In Meditationes, Considerationes & pios affectus erga IESVM crucifixum & dolorosissimam Matrem ejus.

**Divisum.**

*Quæ omnia tam ex Sacra Scriptura & SS. Patribus,  
quàm varijs S. Scripturæ Commentarijs atque appro-  
batis Authoribus*

*A quodam Diæcesis Vilnensis Presbytero collecta.*

*A Sede Ordinaria approbata*

*Typis Academicis usui publico consecrata.*

**VILNÆ Anno M. D. CCI.**

*Ex Bibliotheca Primi Viroviciensis Præ-  
toris Cameracensis Senatus ad Illud  
Honoris Episcopo Kionien 1702*



Charitas enim **CHRISTI** urget nos æstimantes hoc, quoniam si unus pro omnibus mortuus est, ergo omnes mortui sunt: & pro omnibus mortuus est Christus: ut, & qui vivunt, jam non sibi vivant sed ei, qui pro ipsis mortuus est & resurrexit. *S. Paulus 2. ad Corinth: 3. v. 14. 15.*

**C**ithara est charitas ipsa, voces verò, loquentes verba quæ ad citharam pertinent, omnes in unam suam conspirant consonantiam. Musicus porrò est charitatis vis: illa dulcem melodiam pulsando affert. Hæc Melodia & **DEUM** & Angelos lætificat: hoc totum in cælo spectaculum excitat, hoc dæmonum furorem cōpescit, & affectionum demulcet impetus. *S. Chrysost: hom: 4. in Acta.*

**N**ecesse est ut quisquis sibi, quia certum est, persuadeat firmiter, & sibi imprimat fortiter: quidquid **CHRISTUS** passus est pro omnibus, id passum pro singulis: adeò, ut illud beneficium redemptionis quod toti humano generi est commune, sit cuilibet singulare. *Guilelmus Staniburstus.*

**N**on tantum tibi extorqueas amorem erga **CHRISTUM**, sed & dolorem propter **CHRISTUM**; & illud certissime crede **CHRISTUM** non modo passum esse propter te, sed per te. Idem qui commisisti culpam, intulisti & pœnam. Quare quidquid criminis commiserunt vel Iudas, qui eum prodidit, vel miles qui ligavit, vel Caiphas qui accusavit, vel Pilatus qui condemnavit, vel Herodes qui illudit, vel Romanus qui crucifixit; horum omnium criminum, quia author, es & reus. *Idem.*

Bj Bien. C. VIII. 20

DEO

DEO P  
stat: si  
conten  
mula  
tant

Vetus au  
Qui seq  
Ludovicu  
Alphonf  
Christiann

Ioseph  
Iudo

Did



DEO Patienti devotum lectorem hoc opusculum  
 Etat: si tamen curiosus quispiam contigerit, nec libro  
 contentus Authorem nosse voluerit; ut illi quoq; cu-  
 mulatiùs fiat satis: pro uno quem inquirat, tot ac-  
 tanti (nam reverà sunt) hujus operis exhibent  
 se alphabetica serie Authores.

S. MATTHÆUS.

S. LUCAS.

S. MARCUS.

S. IOANNES.

Vetus autem Testamentum sparsum quædam suppeditavit.  
 Qui sequuntur augent & auctoritatem libro faciunt.

|                   |                         |   |
|-------------------|-------------------------|---|
| Ludovicus         | Abelly                  | Episcopus Ruthenensis in Gallia.                  |
| Alphons: Tostatus | Abulensis               | Archiepisc: Toletanus.                            |
| Christianus       | Adrichomius             | Delphensis.                                       |
|                   | Egidius Romanus         | ex Ord: Erem: S. Aug: Ar-<br>chiep: Bituricensis. |
|                   | B. Albertus Magnus      | ex Ord: Præd: Episc: Ratis-                       |
|                   | B. Alcuinus vel Albinus | Caroli Magni Magister.                            |
|                   | Alexander ab Alexandro  | Iurisperitus Neapolitano.                         |
|                   | Alexander Monachus      | Anglus Ord: S. Bened:                             |
|                   | S. Ambrosius            | Doctor Eccl: Archiep: Mediolanensis.              |
|                   | Ambrosius Bergomas      | Ord: Erem: S. August:                             |
|                   | B. Amedeus              | Episc: Lausanensis ex Ord: Minor:                 |
| Iosephus          | Anchieta                | Soc IESV.   |
| Iudoous           | Andries                 | Soc: IESV.  |
|                   | S. Anselmus             | Archiep: Cantuariensis ex Ord: S. Bened:          |
|                   | S. Antoninus            | Arch: Florentinus ex Ord: Prædic:                 |
|                   | Antonius Monchiacensis  | de Moscharis.                                     |
|                   | Arnoldus Abbas          | Bonervallis Ord: Cisterc:                         |
|                   | S. Athanasius           | Doctor Eccl: Episc: Alexandrinus.                 |
|                   | Athenæus                | Grammaticus.                                      |
|                   | S. Augustinus           | Doctor Ecclesie Episc: Hypponensis.               |
| Didacus           | de Bæsa                 | Soc: IESV.  |



Bonifacius Bagatta Cler: Reg: Theatinus.  
 Balduinus à Niremburgio relatus in Theopoliti-  
 tico & alibi.  
 Cesar Baronius Cardinalis ex Congr: Oratorij.  
 Sebastianus Barradius Soc: IESV.  
 Paulus de Barry Soc: IESV.  
 S. Basilius Magnus Eccl: Doct: Episc: Casariensis.  
 S. Basilius Episc: Seleuciensis.  
 Bernardus Bauhusius Soc: IESV.  
 Venerabilis Beda Ord: S. Bened:  
 Robertus Bellarminus Card: è Soc: IESV.  
 S. Bernardus Abbas Clarevallensis Ord: Cisterc:  
 S. Bernardinus Senensis Ord: Minorum.  
 S. Birgitta Sueca.  
 Thomas le Blanck Soc: IESV.  
 Adrianus de Bolougne Soc: IESV.  
 Ignatius Bomplanus Soc: IESV.  
 Ioannes Bona Cardinalis Ord: Cisterciensis.  
 S. Bonaventura Card: Ord: Min: Doct: Seraphicus.  
 Bernardus de Britto Ord: Cister: Historiographus.  
 S. Bruno Episc: Signiensis Ord: S. Bened:  
 Ioannes Busæus Soc: IESV.  
 Abrahamus Bzovius Ord: Predic:  
 Petrus Calentinus.  
 Thomas de Vio Cajetanus Card: Ord: Pred:  
 Vincentius Caraffa Generalis Soc: IESV.  
 Simon de Cassia Ord: Erem: S. Aug:  
 Aurelius Cassiodorus ex Cancellario Regis Theodorici, Ord:  
 S. Bened:  
 Georgius Cedrenus Historicus Græcus.  
 Didacus de Celada Soc: IESV.  
 Ludovicus dela Cerda Soc: IESV.  
 Cicero  
 Clemens Alexandrinus Presbyter.  
 Clemens Romanus I. hoc nomine Papa.  
 S. Petrus Chrysologus Episc: Ravennas.  
 S. Ioannes Chrysostomus Doctor Eccl: Episc: Constantinopol:  
 Con-



**Concilium Tridentinum.**

**Albertus**

Crantzius Historicus.

S. Cyprianus Episc: Carthaginensis M.

S. Cyrillus Archiep: Alexandrinus.

S. Cyrillus Archiep: Ierosolymitanus.

**S. Ioannes**

Damasceus Monachus Theologus.

**S. Petrus**

Damiani Cardin: Ord: S. Benedicti.

**Ioannes**

David Soc: IESV.

Didymus Alexandrin: oecus à nativitate Theol:

& Philos: insignis.

S. Dionysius Arcopagita Episc: Athen: Martyr:

B. Dionysius Rikelius Carthusianus.

S. Dorotheus Archimandrita.

**Hieremias**

Drexelius Soc: IESV.

Drogo Ostiensis Card: Ord: S. Benedicti.

Drutmarus Corbeiensis Ord: S. Bened:

**Gaspas**

Druzbecki Soc: IESV.

Egesippus Historicus temporum Apostolicorum

D. Emmanuel Thesaurus Taurinensis Patritius.

S. Epiphanius Episcopus Salamina Cypri.

**Antonius**

de Escobar Soc: IESV.

S. Eucherius Lugdunensis Episcop:

Eusebius Episc: Cesariensis, Historicus.

Eutychius.

Euthymius Zigabennus Ord: S. Basilij.

L. Florus Historicus.

**Ildefonsus**

de Flores Soc: IESV.

**Baptista**

Folengius Ord: S. Benedicti.

Franciscus Lucas Decanus Audomarensis.

**Xaveiius**

de Fresneda Soc: IESV.

S. Fulgentius Episc: Russensis. (cionator.)

**Ioannes**

Gagnejus Cancel: Acad: Paris: Francisci I. Con-

S. Germanus Archiep: Constantinop:

**Ioannes**

Gerson vel Carlerius Canc: Acad: Paris: Ordin:

Celestinorum.

S. Gertrudis Abbatissa, Ord: S. Bened:

Glosa Ordinaria Authoribus Anselmo Laudu-

nensi



- nensi Scholastico, & Strabofuldensi Benedictino.*  
 Gilbertus Abbas de Hoylandia Ord. Cisterc:  
 Gillibertus Cler: Reg: Theatin:  
 S. Gregorius Magnus Papa Doctor Eccl:  
 S. Gregorius Episc: Nazianzenus Ord: S. Basilij.  
 S. Gregorius Episc: Nyssenus Frater S. Basilij. Or-  
 dinis ejusdem.  
 Carolus Grobendoq. Soc: IESV.  
 Gverricus Abbas Igniacensis Ord. Cisterc:  
 Antonius de Gvevarra Episc: Mondovenis. Ord: Min: Caroli  
 V. Imp: Conc: & consiliar:  
 Gvilelmus Abbas S. Theodorici Ord: Cisterc:  
 Iacobus Hautinus Soc: IESV.  
 Haymo Episc: Halberstattensis Ord: S. Bened:  
 S. Hieronymus Presbyter Eccl: Doctor.  
 S. Hilarius Episc: Pictaviensis.  
 S. Hildebertus Archiep: Turonensis.  
 S. Hildefonfus Archiepisc: Toletanus.  
 Ioannes Hondemius Ord: Min: in Anglia M.  
 Hugo Carenfis Cardin: Ord: Præd:  
 Cornelius Hugo de S. Victore Canonicus Regul. S. Aug:  
 Ianfenius Episc: Gandavensis.  
 Idiota sive Raymundus Iordanus Præp: Vticensis.  
 Imperfecti operis Author inter opera S. Chrysost:  
 Innocentius III. Papa.  
 Ioannes Aquilanus  
 Iosephus Hebræus Historicus.  
 S. Isidorus Pelusiota Ord: S. Basilij, S. Chrysostomi  
 Discipulus.  
 Aloysius Iuglares Soc: IESV.  
 S. Iustinus M.  
 Iustinus Historicus.  
 S. Laurentius Iustinianus Pairiarcha Venetus.  
 Iustinianus Imperator sive ejus eodex.  
 Franciscus Labata Soc: IESV.  
 Petrus Labbe Soc: IESV.  
 Samuel Laberhittel Soc: IESV.



Laetantius Firmianus.  
 Landspargius Ord: Præd:  
 Cornelius à Lapide Soc: IESV.  
 S. Leo Magnus Papa.  
 Ioannes Lorinus Soc: IESV.  
 Thobias Lohner Soc: IESV.  
 Ioannes Lucidus Samofatheus Chronologus.  
 Ludolphus de Saxonia Carthusianus.  
 Nicolaus Lyranus Ord: Min:  
 Adrianus Lyræus Soc: IESV.  
 Mænanter Poëta Græcus.  
 Carolus Malapertius Soc: IESV.  
 Ioannes Maldonatus Soc: IESV.  
 Ioseph Manfi Congr: Oratorij.  
 Iacobus. Marchantius.  
 Martialis Poëta.  
 S. Maximus Episc: Taurinensis. (orientalis.  
 Simeon Metaphrastes Logoteta sive Cancellar: Imperij o-  
 Nicephorus Historicus Græcus.  
 Ioan: Eusebius. Nirembergius Soc: IESV.  
 Don Aloysius Novarinus Cler: Reg: Theatin:  
 Ioan: Bapt: Novatus Cler: Reg: Ministrantium infirmis  
 Ioan: Paulus Glaus Magnus Archiep: Vpsalensis.  
 Oliva General: Soc: IESV Concion: summorum  
 Pontificum.  
 Origenes Alexandrinus.  
 Ovidius.  
 Paulus de Palatio Granatensis insignis Theologus.  
 Augustinus Paoletti Ord: Erem: S. Aug:  
 Matthæus Paris Soc: IESV.  
 S. Paschasius Radbertus Ord: S. Bened:  
 S. Paulinus Episc: Nolanus.  
 Petrus de Natalibo Episc: Exquilinus Ord: Præd:  
 Philo Hebræus.  
 Ioannes Pineda Soc: IESV.  
 Plautus Comicus.  
 Plinius Iunior.



- Plutarchus.
- S. Prosper Episc: Rbegiensis.
- Rabang Maurg Archep: Moguntin9 Ord: S. Bened:
- Remigius Antisiodorensis Ord: S. Bened:
- Richardus à S. Victore Canon: Reg: S. Aug:
- Robertus à Crypta Minervæ Capucinus.
- Ioannes de Rubeis in vita Bonifacij III.
- S. Rupertus Abbas Tuitiensis Ord: S. Bened:
- S. Franciscus de Sales Episc: & Princeps Genevensis.
- Alphonsus Salmeron Soc: IESV unus è decem primis Patr:
- Salvianus Episc: Massiliensis.
- Ælius Sincerus Sannazarius Poëta Christianus.
- Matth: Casim: Sarbievius Soc: IESV.
- Paulus Segneri Soc: IESV Conc: Alexandri VIII.
- Seneca Philosophus.
- Sixtus Senensis Ord: Præd:
- Solinus Polyhistor.
- Iulius Stanihurstus Soc: IESV.
- Guilelmus Stella Ord: Min:
- Didacus Svarez Soc: IESV.
- Franciscus Tacitus Historicus.
- Tertullianus
- Titus Bostrorum Episcopus.
- Theodoretus Episcopus Cyri in Syria.
- Theophylactus Episc: Bulgarie.
- S. Thomas Aquinas Doctor Angelicus.
- S. Thomas de Villa nova Episc: Valentinus. Ord:
- Erem: S. Aug.
- Franciscus Toletus Cardinalis Soc: IESV.
- Ioan: Anton: Velasquez Soc: IESV.
- Lucas Velloso Soc: IESV.
- Victor Antiochenus.
- Antonius Vieira Soc: IESV. Regum Lusit: Conc: & Mis-
- sionarius celebris in Indijs occidentis.
- Vincentius Belluacensis. Ord: Præd:
- S. Franciscus Xaverius Soc: IESV. Indiarum Apostolus.

PRO-

P  
Tetrac  
aptius  
Nam  
Sicut Ci  
cantum  
Proemiu  
usquam c  
animos  
V

I  
nter  
strem  
strum  
probatu  
xandru  
mia arte  
mò tota  
tib9 sum  
omnes d  
excultu  
peritus  
cusâflet,  
Ad  
à Pytha  
ficis rat  
narcho a  
tradit tr  
ab alio



# PROOEMIUM.

Tetrachordio huic Præfationis loco nihil aptius præfigi potest, quàm Proœmium.

Nam juxta Ambrosium Bergomatem *Sicut Citharædi pauca illa, quæ, antequam legitimè cantum inchodent, emerendi favoris gratiâ canunt, Proœmium cognominavêre: sic Oratores ea, quæ, priusquam causam exordiantur, ad conciliandos Iudicum animos præloquuntur; eadem appellatione signârunt.*

Vtroq; igitur motivo & nos jure merito.

proœmiamur.

**I**Nter varia humani genij oblectamenta, non potestremum Musicam quis dixerit, cujus suavem instrumentorum concentum maximis ingenijs non probatum solum, verum etiam cultum reperio. Alexandrum & Epaminondam Græciæ Principes eximia arte fidibus cecinisse testantur Authores, quinimò tota planè Græcia in numerorum, vocumq; cantibus summam eruditionem sitam esse censebat: eamq; omnes discebant artem. Neq; satis aliquis doctrinâ excultus putabatur, si illâ carvisset. Cujus dum imperitus Themistocles esset, lyramq; in convivio recusâisset, indoctior est habitus. Vt testatur Lemnius.

Ad hanc sedulam Musices studij applicationem à Pythagora forsitan totius mundi Machinam ex Musicis rationibus compositam esse asserente, vel à Dinarcho animam humanam harmoniam ( ut Hermias tradit tract: in gentiles Philosophos ) affirmante, vel ab alio quopiam Philosophorum incitamentū sump-

B

fisse



fisse existimo.

3. Et certè Pythagoræ sectatores Discipulosq; tanto in pretio Musicam habuisse compertum est, ut summo mane vocales excitarentur ad chordas, & eadem die quietem capturi, collectas curas diurnoq; tumultu agitatam mentem lyræ sono demulcerent.

4. Quòd verò natura disponente animum hominis curis mundanis fractum Musica recreat reficitq; mirum non est. Siquidem non jam ex antiquorum Philosophorum deliramentis, sed Sanctorum Patrum Orthodoxæ fidei assertionibus instruimur. Inter quos D. Gregorius Nissenus tract. 1. in Psal. c. 3. ideo naturalem ad Musicam censet hominis proclivitatem, quia organica, inquit, corporis nostri structura ad Musicas operationes à natura scitè videtur esse affecta. Nam intueri licet arteriæ veluti tibiam, palati veluti laminam seu tabulam quâ nervi intenduntur, modulationem, quæ fit per linguam & maxillam & per os quasi per chordas. Cum igitur omne, quod naturale est, naturæ sit amicum, demonstratur Musicam naturæ esse consentaneam.

5. Nec ego dissentaneum puto, dum paucis hisce pagellis Tetrachordij titulum inscribo, pij etenim Lectoris animum cælesti svavitate demulcere conor. Siquidem non ex Citherone Bæotix, Apollini sacro monte, pluribus superstitiosis fabulis, quam chordis instructam citharam; non Iubalis Lamechi filij, patris verò *canentium Cithara* & *Organo* testudinem; qui innoxio angue portatili sua domo eliminato ut harmoniam vacua illa in latebra conderet, secta pectus viscera imparibus discreta numeris tetendit; ut pollice verberata aures mulcerent; non deniq; al-

terius

Genes. 4.  
21.

Emman:  
Thesaur9.



terius cuiuspiam profanæ melodix cultoris instru-  
 mentum: sed veri DEI hominifq; IESV CHRISTI  
 Salvatoris mundi, de Ierofolymitano Golgotha mon-  
 te, adfero Tetrachordium; cuius increata Sapientia  
 & incarnatus DEVS author est: & non sicut ingrat9  
 ille pastor Iubal, *greges in Citharæ eqvuleo torquens,*  
*U inter tormenta canere iubens, crudelis, ut letos ad* Emman:  
*agnorum gemitus choreas ducerent pastorum chori, a* Thesaur9.  
*gnorum visceribus lusst:* Sed verus & immaculatus A-  
 gnus in trabali crucis Cithara extensus, *cum in forma* Ad Philip:  
*DEI esset, semetipsum exinanivit,* ut magis canoram 2.  
 redderet harmoniam DEO Patri, suumq; gregem ve-  
 rus ac bonus pastor lætum ad æviterna deduceret  
 pascua. Ad cuius citharæ symphoniam quis non jam  
 corporis, sed totius animi viribus admirabundus non  
 exiliet cum Vincent: Caraffa considerando: carnem  
 cum sanguine, animam, personam, & divinitatem, fa-  
 cilèq; fatebitur, carnem ejus pro nobis cum profusi-  
 one sanguinis laceratam, animam causâ nostri con-  
 turbatam, divinam personam incarnatam, divinita-  
 tem ipsam, cum omnibus thesauris gratiæ & gloriæ  
 genti humanæ communicatam. Svavis profectò hic  
 infiniti in nos CHRISTI amoris & nunquam cessans  
 concentus. Nam sicut *IESVS CHRISTVS heri* Ad Hebr:  
*U hodie U in secula,* ita & immensa ejus charitas nū- 13. 8.  
 quam mutatur, minuitur, aut evacuatur: prout idem  
 S. Paulus ad Hebr: 7. 25. ait. *Vnde U salutare in per-*  
*petuum potest accedentes per ipsum ad DEVM: semper*  
*vivens ad interpellandum pro nobis.*

Quotq; magis nos delectare debet, si profana Mu- 6.  
 fica irritatos hominum demulcet animos, quidni  
 hæc divinissima, justè in nos DEI Patris commotam



iram efficacius placare soleat? Refert Sozomenus Theodosium Imperatorem Antiochenis iratum, ob temerarium tam in ipsius personam debacchantibus, quam in ejus statuas everfas, soloq; æquatas, ausum. Et licet erroris sui crimen advertere, temeritatem deplorare, delictum agnitum lachrymabilibus precibus ad Imperatoris pedes decantare non neglexissent; omnia tamen in cassum juere. Flavianus Præsul non semel ad deprecandum Imperatoris animum operam adhibens, dum implacabilem advertit, novum & feliciori successu arripit consilium. Symphoniacos Cæsari ad epulas occinere solitos adit, eosq; obnixè (oblato etiam xenio) rogat, ut Antiochenarum precum seriem, musica modulatione decantarent. Quod dum cænannte Imperatore exequuntur, inexpectatâ Symphonix novitate, & dulci sono ad clementiam flexus Imperator cessit Flaviani Præsulis precibus hæc proferendo: Cedo, inquit, & veniam concedo Antiochenis. Valuit hoc ingeniosum ad placandam Cæsaris iram inventum, & offensum cum nullæ cumulæ supplicationes subditis placatum reddere possent, sævavis Melodia reddidit.

7. Nec prætereunda est similis alterius Præsulis, non jam pro alijs sed pro se ipso in placanda ira industria. Contra Imperatorem Ludovicum pium, Lotharium impium filium instinctu ac consilio Theodulphus Episcopus commoverat, qui Patrem regno exuens ipsumq; captum in carcerem conjecerat. Liberatus tandem, & regno restitutus Imperator Theodulphum Maiestatis suæ læsæ reum, carceribus includit. Pontifex redeundi in gratiam Principis, placandæq; ejus iræ hoc adinvenit medium: In palmarum

Crantzius  
lib. 1. Me-  
trop:

rum Do  
illum m

Imperat  
cantatu  
veniam  
liberum  
nitatem  
semel il  
Et certe  
mus; ni  
semper  
ret irar  
plicatio  
morte,  
auditu  
nitæ m  
opitula  
passion  
nostræ  
non al  
vi illi  
grapha  
neribu

Et c  
litate  
talis g  
infect  
mede  
Tri



rum Dominica, sonora dulciq; voce in carcere sacrū  
illum modulatur cantum.

Gloria, laus & honor sit tibi Rex CHRI-  
STE Redemptor

Cui puerile decus promptit Hofanna piū  
Imperator conscriptum carmen voce Pontificis de-  
cantatum signari iussit, cujus dulcedine permollitus  
veniam dedit Theodulpho, vitæq; suæ insidiatorem  
liberum abire permisit. Non semel divinissimam bo-  
nitatem ad justam indignationem provocamus, non  
semel illi9 vindictam ad exequendas pœnas irritam9.  
Et certè actum esset de nobis, æternasq; pœnas luere-  
mus; nisi benignissimi Salvatoris nostri acceptissima  
semper auribus æterni Patris harmonia demulce-  
ret iram. Nam sicut *in diebus carnis suæ preces sup-  
plicationesq; ad eum, qui possit illum salvum facere à* Hebr: 5.7.  
*morte, cum clamore valido & lacrymis offerens, ex-  
auditus est pro sua reverentia:* ita semper ad suæ infi-  
nitæ misericordiæ asylum confugientibus peccatorib9  
opitulatur, quando eidem DEO Patri infiniti valoris  
passionem meritaq; sua repræsentat. Sicq; *sententia  
nostræ mortis, firmata divino decreto, & pœnâ æternâ,  
non aliter deletur: quam vulneribus CHRISTI. Cla-* Caraffa  
conf: 19.  
*vi illi, qui ejus carnem transfixerunt, discerpunt chiro-  
graphum damnationis, & ille sanguis, qui ab illis vul-  
neribus promanavit, extinguit characteres mortis.*

Et cum non solum nostra pravitate seu imbecil-  
litate in DEI offensam incurrimus, sed magis capi-  
talis generis humani hostis invidiâ sauciati, lætiferis  
infecti vulneribus, vitam æternam perdere cogimur;  
medetur & huic malo Salvatoris nostri bonitas.

Tritum & indubitatum, quod à gravissimis Autho-  
ribus

8.

9.



Alexander  
ab Alexan-  
dro.  
& Iulius  
Solinus.

ribus ac oculatis testibus de Tarantula traditur. Hoc aranei dirum genus, si casu spectes, sine noxa putabis, & reliquo anni tempore non adeò perniciosum & exitiale (quod vix aliquid virium habeat) existimabis. Cum verò æstu flagrantissimo, assiduo sole, Apuliæ campos (cui peculiare hoc malum existit) torreri cæptum, tum maximè, seu afflatu noxio, seu æstu accensum, morfu virulento pestiferam perniciem affert. Huic pesti, & tam præsentī malo, subvenire hoc salubri remedio compertum est: si protinus citharista aut aliquis musicus varios concinat modos. Tunc enim morbo huiusmodi percussus (qui moribundus oculorum sensus amiserat, quiq; nec ingredi nec fari, neq; alio sensu frui valuerat) mox ubi tibiam, aut citharam admotam propius audit, illo miti sono & concentu captus, & demulsus, velut è gravi excitus somno, oculos attollit parumper, mox se in pedes erigit, ac se se recipiens paulatim pro modulo & pulsu sonorum, servata psallendi lege, ingreditur in ægescenteq; sono exultabundus, maximo nisu atq; impetu in saltus gestusq; nec indecoros, neq; à pulsu Citharæ dissonos erumpit. Cumque vis illa tabifica motu gestuq; vehementiori musicâ excitato penitus extincta fuerit, ille tarantatus sanitati redditur.

10. Genus humanum in primo Protoplasto ab infernali phalangio mortifero ac venenato aculeo infectum est: Nam inobediens parens stirpem quoq; suam, quam peccando in se, tanquam in radice vitia verat, pena mortis & damnatione obstrinxit: ut quidquid proles ex illo ac simul damnata, per quam peccaverat, conjuge per carnalem concupiscentiam, in qua inobedientia pe-

S. August.  
in Enchi-  
r. 25. 26.  
27. Tom:  
3.

na similis  
peccatum  
quidquid  
seminari  
vel etiam  
batur tot  
quidem d  
tur sym  
tus conc  
ad gener  
gvens; ac  
Ad mede  
pharmac  
tensi in c  
phonia.  
osa chari  
tiā ac co  
de, mem  
tiæ, qua  
tata spe  
virtutum  
persana  
stituit v  
De man  
ro mors  
Nec o  
stis reso  
gnitates  
Carni  
gibus nu  
vento; q  
sono. E



*na similis retributa est, nasceretur: traheret originale peccatum.* Hoc est omnium vitiorum, morborum, & quidquid mali patimur, tum deniq; & ipsius mortis seminarium. *Iacebat* ( ut idem ait Sanctus ) *in malis, vel etiam voluebatur, & de malis in mala precipitabatur totius humani generis massa damnata;* anima siquidem diversis in partibus sauciata, varijs exagitabatur symptomatibus: intellectus ignorantia, appetitus concupiscibilis pravâ concupiscentiâ, irascibilis ad generosas virtutum operationes debilitatus ac languens, ad vitia verò supra modum vividus existerat. Ad medendum exitialis veneni malignitatem nulla pharmaca, remedia nulla prodesse poterant nisi extensi in cruce Christi efficacissima saluberrimaq; symphonia. Quâ intellectum viva fide, voluntatem actiuosa charitate, appetitum concupiscibilem temperantiâ ac continentia, irascibilem inconcussa fortitudine, memoriam æternæ salutis omnisq; boni tam gratiæ, quam gloriæ ac æternæ vitæ obtinendæ indubitata spectum & omnia lethifera vulnera efficacissimis virtutum remedijs idem Salvator noster non tantum persanavit, sed & ipsa perempta morte nos beatæ restituit vitæ: secundum Osæ Prophetæ promissum: *De manu mortis liberabo eos, de morte redimam eos: et ro mors tua ô mors, morsus tuus ero inferne.*

Nec quisquam conantis semper in nos maligni hostis reformidet impetus, qui eadem quâ & aliæ malignitates ejus, arte feliciter repelluntur.

Carnivoræ rapacesq; feræ innocuis insidiantes gregibus nullo tam facilius arceri fugariq; possunt invento, quam tibiæ vel alterius terrifico instrumenti sono. Eamq; ob causam gregum custodes pastoresq;

Ose: 13.  
14.

II.

12.

fistu-



fistulas vel cornu sæpè inflant, ut vel insidiantes pecoribus suis deterreant belluas, vel raptam jam prædam clangore concitato dimittere cogant. Exitialis animarum nostrarum bestia circumiens ac quærens quem devoret, passionis ac mortis Dominicæ modulatione efficacissimè absterretur, aufugit enim cum suis phalangijs absconditq; se in cavernis infernalib9, crucifixi DEI auditâ resonantiâ. *Tanta est virt9 vulnerum CHRISTI* (ait S. Bernardus) *ut ad eorum memoriam totius peccati & mortis fugetur exercitus.*

13. Sanctam illam peccatricem, quam ipsemet Christus diviniſſimo ore suo absoluit (*dimittuntur ei peccata multa*) post Domini in cælum ascensionem avernalis hostis in spelunca degentem, salutiferâq; passionis Magistri sui reminiscentiâ assiduò occupantem, aggredi toties conabatur. Ad cujus multum molestos impetus arcendos, missus à Dno Angelus, qui passionis Salvatoris instrumentis ostium antri illius insigniret, & dulcissimo cælestis lyræ sono recrearet. Ex quo tempore loci illius beata inquilina, ab inimici insultibus immunis remansit. Iure merito cum S. Augustino potuisset dicere: *In omnibus adversitatibus tam efficax remedium non inveni, quam vulnera CHRISTI. In illis dormio securus, & requiesco intrepidus.* Sed nobis ejusdem S. Patris memoriâ tenenda est præcautio. *Ibi vincuntur invisibiles potestates, ubi vincuntur sensibiles cupiditates.*

14. Plurimas & alias Musices qualitates ad diviniſſimam Citharam nostram applicare possem, nisi Prooemij hujus molem excedere vererer. Hoc tamen minimè silentio prætermittendum est: quòd prout noxiæ feræ sono clangoreq; absterrentur & fugantur,

tur, ita al  
tur mirifi  
S. Ioa  
dentem in  
stemq; as  
malia plen  
simile Leo  
tium ani  
animal si  
limi illa  
diversa a  
idem S. B  
primat:  
animali  
alius pr  
verus Ag  
obsignat  
dere fig  
gnus est  
divinita  
norem &  
lestes i  
prout i  
vocem,  
tium in  
Hæc  
cisi, &  
nans in  
animal  
niasos  
es Don  
quonia



tur, ita alia animalia suavitate ac concentu alliciuntur mirificèq; delectantur.

S. Ioannes Evangelista in Apocalypsi sua vidit festumq; assistentiam circa thronum vidit *quatuor animalia plena oculis ante & retrò. Et animal primum simile Leoni, & secundum animal simile vitulo; & tertium animal habens faciem quasi hominis, & quartum animal simile aquilæ volanti.* Nemo miretur in sublimi illa supremi Domini aula animalia quoq; tam diversa ac mirifica inveniri. Consideret attentè quod idem S. Evangelista ac Propheta sequenti cap: 5. exprimat: *Et vidi, & ecce in medio throni & quatuor animalium agnum stantem tanquã occisum &c.* Non alius profectò, nisi ille in crucis Cithara expansus verus Agnus qui abstulit peccata mundi: Ille, inquam, obsignati arcanorum decretorum libri meruit recludere sigillum; Huic inter festivos applausus: (*Dignus est Agnus, qui occisus est, accipere virtutem, & divinitatem, & Sapientiam, & fortitudinem & honorem & gloriam & benedictionem &c.*) Musici cœlestes in instrumentis suis lætum pœana decantant: prout idem S. Apocalypcticus audisse profitetur. *Et vocem, quam audiui sicut Citharædorum citharisantium in citharis suis.*

15.

Apoc: 4. 6.

Apoc: 4. 7.

Apoc: 5. 6.

Apocal: 5. 12.

16.

Hæc igitur Domini nostri, ac Agni immaculati occisi, & in cruce intenti harmonia in cœlesti aula resonans in similes concentus & illa mirifica convocavit animalia: quæ antequam inter cœlestes DEI symphoniacos annumerari, illudq; novum canticum: *Dignus es Domine accipere librum & aperire signacula ejus: quoniam occisus es, & redemisti nos Deo in sanguine tuo,*

Apoc: 5. 9.

tho,



quo, accinere meruerunt, prius in terris ejusdem Agni melodiam concordi dissonantia & dissona concordia per totum orbem ediderunt. *In omnem terram exiit sonus eorum, & fines orbis terræ verba eorum.*

Psal: 18.

17. Minimè igitur à proposito meo aberro, quando SS. quatuor Evangelistarum ad Tetrachordium meum, tragicam Salvatoris nostri tragædiam decantantium, advoco sonum: neq; enim alia præter mystica hæc animalia: id est Hominem, Leonem, vitulum; Aquilam, (quæ Matthæi, Marci, Lucæ ac Ioannis Symbola sunt) agnosco: neq; plures præter istos S. Evangelij historiographos recipio. Nam cæteros, etsi specioso Sanctorum Bartholomæi, Thomæ, Barnabæ, vel aliquopiam nomine callidè ac subdola arte intitulatos, omnesq; confictos à Cacangelicis cum Matre mea S. Romana Ecclesia abhorreo ac rejicio.

18. Nemo autem sacros hos scriptores dissonare inter se ob diversum scribendi modum, criminari audeat; nam in re ipsa ac sensu omnes concordare quisq; fatebitur, si matura consideratione perpenderit quomodo S. Matthæus in sui Evangelij initio humanam Christi naturam Regiamq; (dum ejus genealogiam enarrat) dignitatem: Marcus vocem clamantis in deserto dum intonat, Prophetica: Lucas à Zachariæ Sacerdotio ordiens, Sacerdotalem eminentiam, Ioannes divinam naturam exprimunt ac promulgant. Diversa dissonaq; hæc posset aliquis dicere. Et tamen concordi sensu omnes in unum collinant scopum. Nam ut ait S. Hieron: lib: contra Iovin: & Ruperto in cap: 1. Ezech: c. 7. CHRISTVS fuit Rex, Propheta, Sacerdos, & DEVS. Quem illi unanimi voce  
toti

toti terrarum  
quæ cognoscitur  
in quatuor  
mnibus  
hom: 2.

Quam  
tuor sit  
versum

Quæ  
SS. Eva  
unum c  
aut iota  
sonèq; o  
plures f  
Lector  
cujuslib  
dijudic

Mot  
hoc in  
in hum  
vel ma  
Sancta  
intenc  
mus S  
Pater  
ftis pr  
( SS.  
CHR  
alij ex  
guitu  
circa  
ob r



toti terrarum Orbi promulgant. *Quia notitia fidei quâ cognoscuntur à DEO, ipsa est in uno quæ est simul in quatuor, quidquid enim in uno inveneris, hoc in omnibus simul quatuor cognoscēs.* S. Greg: P. in Ezech: hom: 2. l. 1.

Quamvis itaq; quadruplici ordine & stylo à quatuor sit conscriptum, unum tamen atq; minime diversum est Evangelium. 19.

Quæ cum ita sint non absq; fundamento quatuor SS. Evangelistarum Passionis CHRISTI historiam in unum colligo textum; nec quidem unum apicem aut iota addens vel immutans, sed ita connexè cōsonèq; omnes rem concinantes exhibeo, ac si non plures sed unus id scribere videretur, quod prudens Lector ex numero capitum versuum, tum & nominis cujuscunque Sancti, sedulâ curâ ubiq; adjectione facile dijudicabit. 20.

Motivum verò hujus pusilli ast dulcissimi laboris hoc in me fuit: cum legere aut audire contigit DEI in humana carne passi historiam, quam ut aliàs, tum vel maximè in hebdomada Sancta singulari modo Sancta Mater Ecclesia in memoriam nobis revocare intendit, sæpè sæpius considerabam, quod exactissimus Sacræ Scripturæ explanator & religiosissimus Pater Cornel: à lap: facem Evangelij & Evangelistis præferendo innuit canone. 2. *Sæpè non servant (SS. Evangelistæ) ordinem temporis in recensendis CHRISTI dictis & factis; multa enim silet unus quæ alij exprimunt, & tamen sic suam continuat & proseguitur narrationem, quasi nihil sit omissum &c. quo circa disparatas non rarò jungunt sententias &c. Quâ ob rationem cum animum, unius S. Evangelistæ audien-* 21.



diendo verba aliorum enarratione, & quasi dissonantis textus reminiscentiâ distrahi, etsi invitè, expertus sum; ad imbecilis intellectus & labilis memoriæ meæ suffragium, hanc Sanctorum historiam, in unam consonantiam pro privato usu solum colligere placuit. Nam facile ijs afficimur quæ ipsi scribimus. Quod dū magnæ authoritatis, prudentiæ, doctrinæ ac pietatis Præfuli cæterisq; multis intentionem meam, & vix inchoati opusculi lineamenta innuere contigit, languenti addiderunt calcar, ut communi non denegarem usui exhibere. Et quandoquidem omne bonum sit communicativum, CHRISTI vero passio summum nostrum sit bonum & summa Sapientia, non decuit eam privato lare obtegere & occultare. *Itaq; quam sine fictione didici, sine invidia communico, & honestatem illius non abscondo.*

Sapient: 7.  
13.

22. Quod verò libellum hunc Tetrachordij titulo insigniri vides, non mireris. Nam à Clemente Alexandrino CHRISTVM Dominum Citharam nostram nominatum esse scias. Quid enim Agnus ille intrabe infami extensus magis repræsentet; quam Citharæ figuram? Ille enim non jumentorum nervos, non ovium intestina, in emortua buxo adhibuit, ut in magadio extenta, digitis vel plectro irritata, invitum ederent sonum: sed nervos suos sacratissimumq; corpus totum supra modum intendi, & pænali ferro percuti voluit, ut suavissimum æterni Patris auribus in nostri reconciliationem ac salutem ederet concentum. Quem dum quatuor SS. Evangelistæ concorditer nobis detonant resonantia, ex illorum tetrachordia Tetrachordum denominari libuit. Ut profectò diversis modis Redemptoris nostri innocua pro nobis à varijs

js author  
ventum  
Olaus  
trionis p  
clara vet  
cantare,  
ram con  
laxiora  
Princeps  
CHRIS  
noster?  
quatuor  
tant re  
Ne v  
vocant  
um (c  
venire  
appro  
quas d  
bus So  
gij &  
cura  
pieta  
induc  
in ma  
tum i  
copis  
bore  
totar  
Min  
terp  
geuu



js authoribus passio exhibetur, ita utinam & hoc inventum felici eventu animos nostros demulceat.

Olaus magnus lib: 4. c. 8. tradit extremos septem-  
trionis populos Citharâ in convivijs excitatos præ-  
clara veterum Heroum facinora patrio carmine de-  
cantare, hinc in lachrymas resolutos, pronos in ter-  
ram concidere, tandem Citharædis excitantibus ad  
lætiora carmina confurgere. Et quisnam Heros, Dux,  
Princeps, Rex bellicosior existit unquam, quàm  
**CHRISTVS IESVS**, Dominus, Salvator & **DEVS**  
noster? cujus heroica & inenarrabilia gesta dum Sancti  
quatuor Citharædi nobis enarrant, ad debitam exci-  
tant recordationem ac gratitudinem.

Ne verò hic sacer tonus, *Durus* tantum (ut musici  
vocant) à quopiam denotetur, ad levandum fastidi-  
um. (quod nemini **CHRISTI** passionem recolenti ob-  
venire puto) annotationes pauculas SS. Patrum &  
approbatorum authorum in marginibus adjecimus:  
quas dum copiosiori longè numero quidam ex Patri-  
bus Soc: IESV, cui ab Adm: Reverendo Patre Colle-  
gij & Academiæ Rectore Magnifico Typographiæ  
cura commissæ est, ex sua in Crucifixum Dominum  
pietate, & in commune bonum zelo, insigni labore ac  
industria non tantum auxerit, vacua majori ex parte  
in marginibus spatia in toto explendo, verum & tex-  
tum ipsum Evangelicum (ut ita dicam sententiarum  
copiâ aggravaverit: hunc supererrogatorium ejus la-  
borem non gravatim recipere placuit. Siquidem &  
totam hanc, qualiscunq; est, opellam non propriâ  
Minervâ, sed ex varijs SS. Patribus, S. Scripturæ In-  
terpretibus & approbatis authoribus me collegisse in-  
genue fateor. *Magna enim negotia magnis egent ad-  
juto-*

Tacit. lib:  
1. annal:



*jutoribus.* Et ut Ægid: de regim: Princ: p. 2. 1. 3. c. 17. ait: *Licet* homo à se ipso possit invenire vias & modos ad aliquid peragendum; attamen imprudens est, qui soli suo capiti innititur, & renuit aliorum audire sententias.

25. Hoc tantum pio Lectori propono, ut dum **CHRISTI** Domini passi historiam & sacrum textum legerit; sinat protunc marginales annotationes multâ diversitate adjectas, quæ facillè possent animum varijs distrahere considerationibus. Sed potiùs collectam in ipsa S. Scriptura (quæ omnes superat sensus & sententias) mentem stabilem retineat.

26. Adjungimus etiam Quæstiones nonnullas textum Sacrum aliqua ex parte, explanantes quas non inutiles fore opinor, judicioq; prudentis ac pij Lectoris subjicio. Quem ad dolorosam Salvatoris nostri compassionem nullis stimulo adhortationibus, satius ipsemet illis indigendo. Hoc solum insinuare visum est, quod Dominus noster S. Mechtildi (ut lib: s. c. 11. notatur) revelavit. Ideo damnatos æternas luerè pænas, quia nunquam dulciter unâ horâ passionis ac mortis ejus recordati fuerint. E contrario verò inferre possumus, qui in **CHRISTI** doloribus morantur, æternis fruituros gloriæ gaudijs, prout primus **CHRISTI** in terris Vicarius Petrus nos animat lætosq; esse jubet. *Communicantes CHRISTI passionibus gaudete, ut & in revelatione gloriæ ejus gaudeatis exultantes.*

Epist: 1. c.  
14. v. 13.

27. Post obtentam ex Goliath victoriam cum triumpho Davidi revertenti, in occursum venerunt mulieres de urbibus Israel *cantantes chorosque ducentes in tympanis letitiæ & in sistris.* Anima quoque cum ab hac  
vita

vita abier  
passi) hal  
cantant  
tharæ p  
cor & an  
dorum ci  
præstole  
Frue  
huius T  
harmon  
nostra s  
tur in c  
opere, h  
ptore.

Si  
pro refe  
refectus  
do fecit  
mira, &  
In pri  
dit, m  
pro m  
DEC

SAn  
tra  
Eliam  
Ierusa  
cessum  
stra c



vita abierit onusta spolijs & trophæis, ( CHRISTI  
passi ) habebit Cæli cives, paradysi incolas obvios  
cantantes in citharis, ejus heroica facinora. Qui Ci-  
tharæ passi Domini in terris non tam aures, quàm  
cor & animum lubens adhibet, is cælestem *Citharæ-  
dorum citharisantium in citharis suis* non vana spe  
præstoletur audire symphoniam. Apoc: 14.  
v. 2.

Fruere igitur benevolentissime Lector dulcissima  
hujus Tetrachordij sacri svavitate: cujus salutifera  
harmonia, assiduaq; CHRISTI passi recordatio ut in  
nostra semper resonet mente, amor Crucifixi excite-  
tur in corde, imitationis ejus studium exhibeatur in  
opere, hoc unâ mecum à communi precare Redem-  
ptore.

28.

*Si totum me debeo pro me factò, quid addam jam  
pro refectò; & refectò hoc modo. Nec enim tam facile  
refectus quàm factus; nam qui semel & tantum dicen-  
do fecit, in reficiendo profectò, & dixit multa, & gessit  
mira, & pertulit dura, nec tantum dura, sed & indigna.  
In primo opere me mihi dedit, in secundo se; & ubi se de-  
dit, me mihi reddidit. Datus ergo & redditus, me  
pro me debeo, & bis debeo. S. Bernard: de diligendo  
DEO.*

## Ingressus ad totum opus.

SANCTUS Lucas cap: 9. ubi describit CHRISTI Domini  
transfigurationem memorat adfuisse Sanctos Moysen &  
Eliam; & hi dicebant excessum ejus quem completurus erat in  
Ierusalem. Quis iste excessus? S. Cyrillus Respondet esse ex-  
cessum bonitatis in Servatore nostro quem in assumenda no-  
stra carne ostendit. S. Augustinus Credit hunc esse excess-  
sum



am pœnarum & suppliciorum quem perferre debuit. *S. Chrysostomus* Existimat excessum incredibilis humilitatis toto quo patiebatur tempore. *S. Bernardus* affirmat fuisse paupertatis excessum, quando voluit omnino nudus in cruce mori omnium spectantium oculis expositus. *S. Ambrosius in c. 3. Luca: & S. Hilarius in Matth:* In passione potius quam in omnibus gestis excessus amoris apparet: utpote in quo continetur quidquid egit, quidquid agere cupiebat aut pati, si per Patrem licuisset. *apud Barry in Blanditijs sacris.*

In hac Passione Fratres tria specialiter convenit intueri: opus, modum, causam. Nam in opere quidem patientia; in modo humilitas; in causa charitas commendatur. *S. Bernardus fer: 4. Dom: penose.*

### *Quo' ad patientiam operis.*

**N**on fregerunt ejus crura. Ioan: 19. hoc ipsum præfigurabatur in Agno paschali *Exod: 12. non comminuentis os ex eo.* Cur autem Dominus noluerit sua ossa frangi, cum suam carnem flagellis & clavis lacerari permiserit? Respondet Theodoretus. Quia ossa CHRISTI robur & fortitudinem ejus designabant: corporis enim robur in ossibus est: robur autem & vigorem noluit CHRISTVS in sua passione deesse. Quin etiam cum tædere & pavere cepisset, pavorem & tristitiam admisit, ut sic ejus passio acerbior esset, si enim læto animo passus esset, lætitia illa dolorem & pœnam mitigasset. *Labata tom: 1. ad lit: c. p. 426.* Iam quæ passus sit, præter ea quæ ex Evangelio constant, & tractatu nostro proponuntur ac dilucidantur: etiam sequentia habe ex probatis authoribus *P. Paulo de Barry in blanditijs sacris & P. Iodoco Andries in Anno Fausto &c.* quæ inibi authores memorati ex alijs antiquioribus minimè suspectis quasdam revelationes Divinas citantibus exscripserunt. Et hi sunt. *Petrus Calentinus. Ioan-*  
*nes*



*nes Landspargius Ioannes Aquilanus & Adrichomius.* Por-  
sequentiā libellum rationum dicere potes quo continentur  
expensæ Salvatoris nostri in pretium redemptionis nostræ.  
Hic ergo Salvator toto passionis decursu à loco orationis in  
horto usq; ad crucem confecit gressus 4949. hos omnes vide  
specificatos apud *Andries* Fudit lachrymarum guttas 62200.  
*Calentin: in via crucis.* Guttas sudoris sanguinei in horto  
97305. Ictus in flagellatione excepit 6666. quod S. Bernardo  
revelatum testatur *Aquilanus*. Guttas sanguinis sub idem tem-  
pus fudit 235000. hoc Ioan: Lanspergius viro cuidam sancto  
revelatum scribit additâ ad praxim doctrinâ, nempe si quis  
per viginti annos singulis diebus centies Dominicam oratio-  
nem repeteret, fore ut subductâ ratione, unâquaq; precati-  
unculâ quamlibet sanguinis guttam sit veneraturus: quas ta-  
men omnes intra unam horæ partem Amor noster dissipavit.  
Alapas accepit 110. ictus in collo 120. in brachijs 40. in co-  
xendice ac tibijs 32. Sputa fædissima virgineo-divino vultu  
excepit. 32. Os illi contusum vicibus 30. pedibus instar ca-  
nis pulsatus 170. protrusus & solo illisus 13. Capillis tractis  
300: barba ejus vulsa & implicatis manibus distracta 58. Spi-  
nea corona in capite vulnera fecit juxta Sanctum Anselmum  
1000: juxta mitiorem aliorum calculum 300. Pro nostra con-  
versione & salute ingemuit ac ex corde suspiravit vicibus 900.  
Tormenta, quæ singula sat erant ut perimerent: pertulit 162.  
supremo in agone quasi jam mortuus, fuit vicibus 19. Sub  
onere crucis concidit ter, gravissimè verò ultimùm ad radi-  
cem montis Calvarii. A Prætorio Pilati ad locum supplicij  
ultimi crucem bajulans cruenta impressit vestigia 1321. Ne  
autem Compatientis quoq; Virginis Matris symbolam omit-  
tamus. Et hæc sub Filij passionem teste S. *Germano* Lachry-  
mas dedit 30900, quarum multæ fuere sanguineæ. Vulnus au-  
tem lanceâ, CHRISTI lateri impactum jam demortui, quò  
ad doloris sensum ex toto fuit vulnus Virginis Matris: ita e-



ejus ossum percepit quemadmodum Filius vivens per-  
cepisset. *Tam filius quam Mater quid meruere? Et verò.*  
Leviter ex merito quidquid patiare ferendum est.

Quæ venit indignè, pœna dolenda venit. *Ovid:*

Ex consideratione remedij, periculi mei æstimo qualita-  
tem. Nesciebam: sanus mihi videbar & ecce mittitur Filius  
DEI & jubetur occidi, ut vulneribus meis pretioso sanguine  
fui balsamo medeatur. Agnosce o homo quam gravia sint vul-  
nera illa, pro quibus necesse fuit CHRISTVM Dominum  
vulnerari: si non essent hæc ad mortem & mortem semper-  
nam; nunquam pro illius remedio DEI filius moreretur. Sic  
medicinæ æstimatio & doloris & timoris mihi exaggeratio est.  
*S. Bernard: serm: 3. de nat: D.*

*Quod attinet humilitatem in modo,  
hæc certè sine modo.*

**O** humanæ pudor superbiæ, o altitudinis terrenæ confuta-  
tio singularis; videre DEI filium aquam infundere, re-  
fundere, pedum pulverem abluere, linteo extergere, atq; sin-  
gulorum pedibus oscula imprimere dulcissimæ charitatis! &  
quis post hanc submersionem superbiat, aut dicat, major illo  
sum qui suorum substernitur pedibus! *S. Laurent: Justinian:*  
*Per infinitos contemptus eò ventum est.* Vt nec mori dignus  
haberetur intra aliquam hominum habitationem neq; inter  
homines nisi execrabiles; neq; sub tecto aliquo nisi sub cælo  
de quo ejici non potuit, ut secundum Prophetam opprobri-  
um hominum & abjectio plebis. *S. Anselmus ep: 137.* Omnia  
quæ in te sunt IESV bone quandam habent alliciendi effica-  
ciam, & cogitationes sollicitant in affectum; sed ad omnia non  
possumus attingere: sublimia solis sublimibus sunt, humilia  
omnibus. Quæ maior humilitas quam exaltari in cruce? & de  
hac ait cum exaltatus fuero à terra, omnia traham ad me.  
*Effi-*



**E**fficax ad trahendum humilitas est, quid mirum? quis  
ad simplicem cogitatum hujus rei stupore & ecstasi replea-  
tur? cujus non affectum fides hæc exhauriat & infatuet &  
reddat insufficientem? facilis est ad contemplandum locus,  
sed fecundus ad gratiam. *Gillibertus serm: 20. in cont.* Pro-  
pter hominem omni se humilitate dejecit usq; ad mortem,  
mortem autem crucis. *Tertullianus de carn: Xti c. 4.* Nec  
ultimo (tamen) five carceris five crucis supplicio deformata  
majestas: imò his omnibus admirabilior: quid aliud quam vi-  
ctus de victoribus, quia Carthago non cesserat, de fortuna  
triumphavit. *L. Florus l. 2. c. 2. de Attilio Regulo; quod sano*  
*sensu CHRISTO Domino applicari potest.* Decorâ facie quæ  
non erubescat authorem quæ non confundatur Redemptore  
*S. Ambr: Quodcunq; DEO indignum est mihi expedit, sal-*  
*vus non sum si non confundar & ego eum.* Alias non invenio  
materias confusionis, quæ me per contemptum ruboris pro-  
bent bene impudentem & feliciter stultum: natus est DEI fi-  
lius; non pudet quia pudendum est: mortuus est DEI filius,  
prorsus credibile quia ineptum est: & sepultus resurrexit,  
certum est, quia impossibile est. *Tertullianus.* Quantò major  
es humilia te in omnibus. Secundum magnitudinem dignita-  
tis, æqua sit mensura humilitatis: humilitas in honore, honor  
est ipsius honoris, & dignitas dignitatis. Omnis dignitas ip-  
so dignitatis nomine indigna est si humilia dedignetur. Hu-  
militas autem sine honore ipsa sibi sufficit ad honorem: ho-  
nor vero sine humilitate, sese perducit ad confusionem. Bal-  
duinus apud Nirembergium in *Theopolit: p. 1. lib: 2. p. 286.*

*Pensanda ultimò charitas summa, imò  
unica passionis. Causa.*

**E**Xcessus quidam clementiæ & humanitatis erat in Traiano  
D<sub>2</sub> Im-



Imperatore qui purpuram suam in frustra scindi voluit, quibus militum suorum vulnera obligarentur: quomodo non excessum charitatis agnoscamus in CHRISTO, qui non modo vestes, verum etiam cutem carnemque sanctissimam dilacerandam obtulit, quibus nostrae cicatrices alligarentur. Christi charitas in sua morte violentior fuit quam Iudæorum iniquitas, nec potuit iniquitas, nisi quantum permisit charitas. Iudas Christum vel Iudæus morti tradidit & hoc ex maligna iniquitate: tradidit Pater filium, tradidit & se filius, & hoc ex charitate: nec traditionis rea est charitas, sed innocens est etiam in morte CHRISTI: soli enim charitati licet quidquid libet, & impune sola DEVM cogere potest quasi imperiosa. Hæc de cælo DEVM deposuit, hæc in cruce posuit: hæc tam innocentem quam salubriter CHRISTI sanguinem fudit in remissionem peccatorum. *Baldwinus apud Niremberg: in theopoeitico.* Propter nimiam charitatem quam nos dilexit, cum essemus mortui peccatis, vitam nobis desideravit & sibi mortem. Hinc ejus vulnera in cruce suspensi: hinc nostra vulnera sunt sanata: hinc nobis salus est ministrata. Desiderium ergo nostræ salutis, & pro nostra salute desiderium propriæ mortis, duo vulnera sunt alterum doloris, alterum amoris: imò utrumque; amoris, utrumque; enim desiderium de amore processit: utrumque; amorem probat, ipsa jam patientiâ figillatum, utrumque; plus illum sauciavit quam clavi quam lancea *Baldwinus ibidem pensans verba Cantic: 4.* Vulnerasti cor meum soror mea, sponsa, vulnerasti cor meum & verborum repetitionem. *Quid quod tantum amorem non solum omnibus hominibus in genere, sed singulis in specie impendere non dubitabat: pro ut ipse revelavit S. Birgittæ lib: 1. c. 58.* Ego (inquit) si possibile esset pro uno quoque; homine talem penam exciperem qualem semel in cruce pro omnibus recepi, ad hoc ut ad promissam hæreditatem redirent. & lib: 7. c. 19. ad illos quoque; mortuos a corde otiosos eterno dignos nempe damnatos amorem suum videtur exten-

tendere. S  
sunt anim  
tem susti  
corpus m  
voluntate  
nostri ad S  
verbis con  
me dereliqu  
quod sibi  
Ista unica  
pateretur?  
uti prorog  
Similem e  
ignosce illi  
lonensis a  
itinere, p  
ab Ange  
vis per  
miraculi  
bris. Q  
ritas spec  
le, sputo,  
jſq; com  
tusq; lin  
sumus, C  
natus ut  
invisibilis  
est ut vi  
& ideo v  
hom: 16.  
sum, quã  
Luc: Qu  
nos infec



tendere. Si adhuc possibile esset quod ego toties morerer quod  
sunt animæ in inferno, ita quod pro qualibet earum talē mor-  
tem sustinerem, qualem tunc pro omnibus sustinui, adhuc  
corpus meum paratum esset subire hæc omnia cum libenti  
voluntate & perfectissimā charitate. *Hactenus amator generis  
nostri ad S. Birgittam.* Admirandus charitatis excessus in illis  
verbis comprehendebatur *DEVS meus: DEVS meus quare  
me dereliquisti:* velut dicere & amanter exposulare voluisset:  
quod sibi plura pro mortalibus tolerare concessum non esset.  
Ista unica CHRISTO jam morienti cura fuit, cur plura non  
pateretur? cur sibi Pater vitam in tormentis non prorogaret  
uti prorogaturus erat pluribus Sanctis Martyribus. *ex Barry.*  
Similem excessum in charitate illa quoq; verba sapiunt Pater  
*ignosce illis &c.* Quæ eadem cum S. Engelbertus Archiep: Co-  
lonensis ab hostibus intersectoribusq; suis circumventus in  
itinere, patienti Domino succinens orasset; statim à cæde sui;  
ab Angelis in cælum ferri visus, obtinuit privilegium, quid-  
vis per sua merita precantibus largiendi, plurimis deinceps  
miraculis confirmatum, quod *Surius testatur ad 7. Septem-  
bris.* Quid porro excessiva humilitas, quid patientia, quid cha-  
ritas spectant? Fecit ( Dominus noster ) antidotum spiritua-  
le, sputo, aceto, felle, sanguine, flagellis, irrisione, opprobri-  
isq; compositum: quo vulnera, dolores, tentationes crucia-  
tusq; linirentur nostri. *S. Laur: Iustin:* Livore ejus sanati  
sumus, Caro enim factus est, ut nos faceret spirituales: incli-  
natus ut levaret; exiit ut introduceret: visibilis apparuit, ut  
invisibilia monstraret: flagella pertulit ut sanaret: mortuus  
est ut vivificaret. Agamus ergo gratias vivificanti & mortuo:  
& ideo vivificanti, quia mortuo. *S. Gregorius Papa in Ezech:  
hom: 16.* Plus Domine injurijs tuis debeo, quod redemptus  
sum, quàm operibus, quod creatus sum. *S. Ambros: l. 1. in  
Luc:* Qui habitâ creationis ratione DEVM non amat, æter-  
nos inferni cruciatus meretur: ille verò qui IESVM DEVM  
homi-



hominem ob illa tormenta quæ nos redimendo perpeffus est, non diligit: dignus est cui novus infernus creetur: cujus tormenta sint centies millies acerbiora illis, quibus damnati apud inferos cruciantur. *S. Augustin: apud Barry.* Quis est tam durus quem non emolliat amor DEI sic hominem præveniens & tam vehemens amor! si amare nolebas, redamare cura. Nimis durus est animus qui si dilectionem nolebat impendere, nolit rependere! *S. Augustin: Manual: cap. 26.* **CHRISTVS** Passus est pro nobis, vobis relinquens exemplum ut sequamini vestigia ejus. 1. Petr: 2. O! rem mirandam & stupendam inde obligamur usque ad mortem obnoxij, unde per mortem dimittimur liberi: inde debitum mortis contrahitur, unde meritum mortis absoluitur. *Baldwinus in Theop: Niremb:*

**DEVS** Pater revelavit *S. Melchitildj lib: gratiarum c. 14.* Quicumq; Filio meo pro extremis laboribus quos in cruce pertulit, gratias egerit; rem illi tam gratam faciet velut si facras ejus plagas pretiosissimo unguento unxisset: Qui ejus ardenti in cruce siti condoluerit: hunc tanti faciet, atq; tunc ejus sitim extinxisset. Qui gratias illi retulerit, quod clavis se in crucem passus sit agi: ita illum oblectabit, tanquam de cruce deposuisset. *B. Angela de Fulginio* audivit **CHRISTVM** sibi dicentem: Benedicat vobis Pater meus, quicumq; dolores meos acerbissimos commiseratione prosequimini: cælum in vos omnia dona depluat, quotquot meos cruciatus amatis, Benedico vobis cruci meæ devotis, qui pluris Martyrum meorum cruces quam universi orbis gloriam æstimatis. *In ejus vita.* Simplex Dominicæ passionis memoria & meditatio plus utilitatis homini adfert, quam si in pane solo & aquâ anuum integrum jejundet: plus etiam, quàm si diebus singulis ad sanguinem se flagellet: Plus deniq; quàm si psalterium integrum quotidie recitet. *B. Albertus Magnus.* Nihil nobis tam salutiferum, quàm quotidie cogitare quanta pro nobis



nobis pertulit DEVS homo. *S. Augustinus ser: 23. ad FF*  
*in eremo.* Frequens Passionis memoria indoctum reddit do-  
 ctissimum, imperitos & idiotas facit proficere in Magistros,  
 Magistros inquam non scientiæ quæ inflat, sed charitatis quæ  
 ædificat. Ipsa est velut quidam liber vitæ, in quo omnia sa-  
 luti necessaria inveniuntur. *Ludolphus de Saxonia Carth:* Si  
 vis o homo de virtute in virtutem, de gratia in gratiam, de  
 bono in melius proficere; quotidie quantâ potes devotione,  
 mediteris dominicam passionem: nihil enim in anima ita o-  
 peratur universalem sanctificationem; sicut meditatio Passio-  
 nis CHRISTI. *S. Bonaventura de Passione Domini.* Devotus  
 miles non sentit sua, cum benigni Ducis intuetur vulnera. *S.*  
*Bernard:* Nemo ita cordialiter sentit passionem CHRISTI;  
 sicut is cui contigerit similia pati. *Gerson:*



ELEN-



E

Compen

**E**

rus effu  
jam fact  
& evic  
qui ve  
fecit I  
hilomi  
five an  
rent; p  
tiam ca  
do, ut

Lazari  
torem  
fufcit  
accende

dixerun

**C**

multa  
eum; id



# ELENCHUS,

Sive

*Compendiosa Aetorum Salvatoris nostri post resurrectionem à morte Lazari series.*

**E**T si semper perfida Iudæorum gens Christum I. Dominum ac Salvatorem mundi, odio persecuta sit gratis, in ejus innocentissimam vitam conspirando, vel maximè tamen diu conceptum virum effudit; quando in Bethania Lazarum mortuum & jam fatentem ad vitam revocavit. Hoc enim tam magno & evidenti miraculo permoti, quamvis multi ex Iudæis qui venerant ad Mariam, & Martham, & viderant, quæ fecit IESVS, crediderunt in eum: Ioan. II. v. 45. Nilominus tamen quidam ex illis abierunt ad Phariseos: sive annuntiando ut crederent, sive prodendo, ut faverent; prout Glossa observat; sive etiam Phariseorum gratiam captando, malè de Christo, & ejus miraculo loquendo, ut ait Cyrillus; sive calumniando hanc suscitationem Lazari quasi præstigiosam, ac Christum quasi præstigiatores accusando, ut Euthymius putat; sive ut per hanc suscitationem, Phariseorum invidiam in Christum magis accenderent, ut sensit Rupertus: abierunt ad Phariseos dixeruntq; eis, quæ fecit IESVS. Ioan. II. 46.

**C**ollecto itaq; Concilio Pontifices, & Pharisei con- 2. sultabant dicendo: Quid facimus: quia hic homo multa signa facit? si dimittimus eum sic, omnes credent in eum; & venient Romani, & tollent nostrum locum, & gentem.



tem. Ioan. II. V. 47. & 48. O excecata malitia! si multa signa facit? ergo Filius DEI: ergo Messias: ergo Propheta: ergo credendum ei, vel satius credendum in eum. Sed odio & invidiâ excecati, hominem merum & vilem vocant, de eius cæde consulunt, qui est omnium vita: ei mortem inferre decernunt, qui recentissimè à Lazaro mortem repulit, vitæq; restituit: & à quo æternam vitam sperare ac petere debebant.

3. **H**Oc Concilium magnum, quod Sinedrim vocabatur, certè dicam impiorum, impius Præses Caiphas (quod ex Hebr. juxta Pagninum vomens ore seu sagax investigator) illo effato conclusit: *Vos nescitis quidquam nec cogitatis, quia expedit vobis, ut unus moriatur homo pro populo, & non tota gens pereat. Hoc autem à semetipso non dixit, sed cùm esset Pontifex anni illius prophetavit, quòd IESVS moriturus erat pro gente, & non tantùm pro gente, sed ut filios DEI, qui erant dispersi congregaret in unum.* Ioan. II. v. 49. & 52.

4. **C**Aiphas impius, quem licet prophetâsse dicit Evangelista, minimè tamen Propheta fuit; quia ut S. Chrysost: ait; Spiritum Sanctum lingvam illius non cor movisse: ideoq; mysterium mortis Christi non intellexisse. Vnde Origines notat, quòd Spiritus S. per os ejus locutus est, sicut Angelus locutus est Balaam impio per os asinæ. Num. 22. V. 28.

5. **I**Mpij Præsulis effata, à subditis pari impietate infectis, sine debita discretionem facillè acceptantur. Ioan. II. 53. *Ab illo ergo die cogitaverunt; ut interficerent eum.*

6. **I**ESVS ergo tanquam DEVS quid de se statuissent Iudæi, nemine nuntiante cognovit: tanquam homo, se subduxit; ait Cyrillus. Quoniam nondum passionis ac mor-

mortis ejus  
an. 7. v.  
vestrum  
rum, sec  
quæ dicitu  
Ioan. II.

**I**mmi  
sti, d  
lymam; u  
Patris æt  
deret, Sa  
an. II. 55.

**M**V  
x  
scipulis f  
Matt. 2  
sumpsit  
scendim  
pibus Sa  
re, (19)  
landum,  
Marc. 10  
& ipsi n  
fcondit  
Quinim  
22. testa  
stus con  
post me S  
DEI su  
à sustine  
animo co  
bant, &



3  
mortis ejus destinatum advenerat tempus, de quo ait Io-  
an. 7. v. 6. *tempus meum nondum advenit: tempus autem  
vestrum semper est paratum: cessit pro tunc furori Iudæo-  
rum, secessitq; in regionem juxta desertum in civitatem,  
quæ dicitur Ephrem, & ibi morabatur cum discipulis suis.*  
Ioan. II. 54.

7.  
**I**mmimente autem Paschate ultimo, ante necem Chri-  
sti, de civitate Ephrem ascendit, juxta legem Ieroso-  
lymam; ut suæ passionis expleret vota, atq; ex decreto  
Patris æterni pro mundi redemptione in crucem ascen-  
deret, Salute nq; nostram in medio terræ operaretur. Io-  
an. II. 55.

8.  
**M**ultoties de passione ac morte sua prædicens, ma-  
ximè tamen omnia, quæ passurus erat, enucleat di-  
scipulis suis, in illo ultimo Ierosolymam arrepto itinere.  
Matt. 20. v. 17. *Et ascendens IESVS Ierosolymam as-  
sumpsit duodecim discipulos secretò, & ait illis (18) Ecce a-  
scendimus Ierosolymam & filius hominis tradetur Princi-  
pibus Sacerdotum, & scribis, & condemnabunt eum mor-  
te, (19) & tradent eum gentibus ad illudendum, & flagel-  
landum, & crucifigendum, & tertia die resurget. Idem*  
Marc. 10. v. 33. Luc. 18. 31. Qui etiam ait: c. 18. v. 34.  
*& ipsi nihil horum intellexerunt, & erat verbum istud ab-  
fconditum ab eis, & non intelligebant. quæ dicebantur;*  
Quinimò Petrus cepit increpare IESVM ut Matth. 16.  
22. testatur: *absit, à te Domine: non erit tibi hoc: cui Chri-  
stus comminatur Mar: 8. v. 33. Matth. 16. v. 23. Vade  
post me Satana: scandalum es mihi: quia non sapis ea, quæ  
DEI sunt, sed ea, quæ hominis.* Nulla persuasio potuit  
à sustinenda morte Christum retardare: quinimò alacri  
animo cum essent in via, præcedebat eos IESVS, & stupe-  
bant, & sequentes timebant. At ille inevitabile mortis



<sup>4</sup>  
sux decretum illis reculcat. Mar. 10. 32. *Et assumens iterum duodecim cepit illis dicere, quæ essent ei eventura.* Luc. 18. 31. *Consummabantur omnia, quæ scripta sunt per Prophetas de Filio hominis.*

9. **N**otandum Ephrem Ierosolymâ distabat stadijs 210. nempe ab Ephrem ad Iericho stadia, 60 ab Iericho ad Ierusalem 150. stadia numerantur juxta Ioseph. lib. 5. de bello. cap. 4. Stadium continet passus 125. octo stadia faciunt milliare Italicum, mille passus continens: tria autem milliaria Italica faciunt leucam, seu iter unius horæ; Itaq; stadia 210, quibus Ephrem Ierosolymâ distabat, faciunt leucas novem, & circiter mediam.

10. **N**otandum Christus Dominus ex civitate Ephrem per Iericho Ierosolymam tendebat. Et quia Ierosolyma in altiori loco quàm Iericho erat, ideo inde euntes ascendere (unde Christus dicit: *ecce ascendimus Ierosolymam*) Qui verò ab Ierusalem in Iericho proficiscebantur descendere, dicebantur; prout patet Luc. 10. 30. *Homo quidam descendebat ab Ierusalem in Iericho &c.* Sed sicut ille homo, qui descendebat ab Ierusalem in Iericho, sic & DEVS Homo, qui ab Iericho ascendebat in Ierusalem, uterq; incidit in latrones; Ierichontini quidem latrones, despoliaverunt illum hominem, & plagis impositis abierunt, semivivo relicto, Ierosolymitani verò latrones, non tantum vestibus, sed honore, famâ, vitâ deniq; spoliaverunt, ignominiosissimè crucifixerunt, & ceciderunt Hominem DEVM.

11. **I**acbus & Ioannes Filij Zebedæi, existimantes Christum Ierosolymam ascendere ad capeffendum regnum; & eo quòd esset propè Ierusalem: & quia existimarent quòd confestim regnum DEI manifestaretur Luc. 19. v. 11. postulant per Matrem, ut S. Matth. c. 20. v. 20. exprimit; vel

vel ut S.  
exposcu  
ad sinistr  
37. Quib  
proponi  
vel ad  
ratum es  
Dum ex  
forte ale  
Christi;  
fed offic  
luerit in  
27. Mar  
P Ro  
die  
Mar cum  
Matth.  
Matth  
T  
salutem  
murmur  
divertiss  
P  
ba  
exosi: H  
norum v  
cani Gal  
A N  
La  
no incie  
schiz pra



vel ut S. Marc. c. 10. V. 35. asserit, ipsimet à Domino  
exposcunt: *da nobis, ut unus ad dextram tuam, & alius  
ad sinistram tuam sedeamus in gloria tua.* Marc. 10. V.  
37. Quibus IESVS non regnandi sed patiendi tempus  
proponit. *Sedere autem ad dextram meam (inquit)  
vel ad sinistram, non est meum dare vobis, sed quibus pa-  
ratum est.* v. 40. ( addit Matth. 20. 23. ) à Patre meo.  
Dum cæteri Apostoli indignati sunt de duobus fratribus;  
forte altiore locum quilibet eorum appetens in regno  
Christi; docentur, non potestate & ostensione Domini;  
sed officio ministerij, debeant esse maiores: *Quicumq; vo-  
luerit inter vos maior fieri, sit vester minister.* Matth. 20.  
27. Marc. 10. 43. Luc. 22. 24.

**P**Rope Iericho cæcum secus viam sedentem & men- 12.  
dicantem illuminat. Luc. 18. 35. qui cæcus juxta S.  
Marcum 10. 46. Bartimæus filius Timæi vocabatur. S.  
Matth. duos ibi cæcos à Christo illuminatos asserit.  
Matth. 20. 19.

**T**Ransiens IESVS per Iericho in domum Zachari 13.  
Principis Publicanorum se invitat, eoq; divertens  
salutem Domui ejus, ipsumq; filium Abraham denuntiat,  
murmurantibus multis, quòd ad hominem peccatorem  
divertisset.

**P**ublicani, qui publica vestigalia & telonia exige- 14.  
bant, apud Hebræos habebantur iniqui, infames, &  
exosi: Hebraicè vocabantur latrones. Princeps Publica-  
norum vocabatur Gabba. Vnde nomen Gabellæ. Publi-  
cani Gabbaim, teste Angello Conimo.

**A**Nte sex dies Paschæ venit IESVS Bethaniam ubi 15.  
Lazarum mortuum suscitavit. Pascha enim eo An-  
no incidebat in feriam quintam; quare sex dies diem Pa-  
schæ præcedentes hi sunt: Sabbatum, Dominica, feria  
2da,



6  
2da, 3tia, 4ta, & 5ta seu dies Iovis: ante quos IESVS in Bethaniam venit, scilicet die Veneris, vesper ante Dominicam Palmarum. Fecerunt ei cœnam Cives in Bethania; Lazarus unus erat ex discumbentibus cum eo; Martha ministrabat, Maria unguento nardi pistici pretiosi unxit pedes ejus; domus impleta ex odore unguenti murmurante Iuda, quem Christus arguit. Principes Sacerdotum cogitaverunt & Lazarum occidere: *quia multi propter illum abibant ex Iudeis & credebant in IESVM.* Ioan: 12. V. 11.

16. **Q**Vinta die ante Pascha quæ erat dies 10. primi mensis Nisan; quo juxta legem Exodi 12. Agnus Paschalis inducendus, die autem 14. ejusdem mensis immolandus erat: id est Dominicâ palmarum, quæ illo anno incidit in diem 20 Martij. IESVS abiens Bethaniâ cum appropinquâset Ierosolymis & venisset Bethphage ad montem Oliveti mittit duos discipulos in castellum ad adducendum asinam cum pullo, super quem jactatis vestimentis suis discipuli IESVM desuper sedere fecerunt: sicq; Ierosolymam proficiscebatur. Nam ex Bethania per Bethphage montem Oliveti & vallem Iosaphat, quam interluit torrens Cedron, ibatur Ierusalem. Vbi per portam auream tam in templum, quàm in urbem intrabant, juxta quam etiam erat Aquila aurea ab Herode erecta in gratiam Cæsaris. Tradunt aliqui hanc auream portam solere esse semper clausam, sed advenienti Christo sponte per miraculum fuisse referatam.

17. **B**Ethphage vicus erat Sacerdotum ad radicem montis Olivarum in concavitate quadam quasi in ore vallis Iosaphat situs. Vbi agnos, capras, boves, pro Sacrificijs templi alere solebant, indeq; educabant agnos Paschales, & alias victimas in templo offerendas; eaq; de  
causa



7  
causa Christus ex eo loco triumphalem suum ingressum  
in Ierosolymam deduci voluit, ut ostenderet se agnum  
pro peccatis mundi immolandum.

18.  
Cristus antea semper pedes totam Iudæam circum-  
eundo inceserat: jam verò ut ostenderet se Davi-  
dis filium, & hæredem, Regem Iudææ seu Messiam, regali  
pompa Metropolim ingreditur. At ut monstraret suum  
regnum alterius esse ordinis, scilicet Spirituale ac cæleste:  
non phalerato equo, vel aurato curru vehitur: sed super  
asellum tranquillitatis & pacis, oneris quoque ac laboris  
patientissimum animal. Sicq; proficiscenti IESV multa  
turba occurrit, *alij vestimenta sua, alij ramos de arborib9*  
*cadentes sternunt in via* cum applausu clamantes: *Hosan-*  
*na Filio David &c.* Verum Messiam agnoscentes & pro-  
fitentes. Matth. 21. Mar. 11. Luc. 19. Ioan. 12.

19.  
IN hoc triumphali progressu suo IESVS, videns civi-  
tatem Ierusalem, super eam flet; exterminium ejus  
prædicens. Luc. 19. 41.

20.  
URbem ingressus primò templum adit, ex eo emen-  
tes & vendentes ejicit, multos ægros sanat, accla-  
mantibus pueris: *Hosanna in excelsis*: admirante turba  
super doctrina ejus, freudentibus Phariseis. Matth. 21.  
Mar. 11. Luc. 19. Ioan. 12.

21.  
GEntiles qui ascenderant, ut adorarent in die festo,  
IESVM dum videre cupiunt Philippi & Andreæ  
operâ, IESVS horam suæ clarificationis instare, sed gra-  
num frumenti prius mortificandum, ut multum fructum  
afferat, ministrantes sibi & se sequentes dicit à Patre ho-  
nificandos. Vox Patris auditur, de clarificando nomine  
suo; Princeps mundi foras eijciendus: de excæcatione  
Iudæorum, prophetia Isaïæ: in Christo Pater honoratur  
vel spernitur. Ioan. 12.



22. **E**Adem die, quâ triumphali modo Urbem ingressus fuit; vespere relictis illis abiit foras extra Civitatem in Bethaniam, ibiq; mansit. Matth. 21. 18. *erat autem diebus docens in templo, noctibus verò exiens morabatur in monte; qui vocatur Oliveti.* Luc. 21. 37. *Et omnis populus manebat (id est manē ibat) ad eum in templo audire eum.*
23. **Q**uartaitaq; die ante Pascha id est feriâ 2dâ post Dominicam palmarum die 21. Martij regrediens ex Bethania, vel monte Oliveti in urbem, esuriens & non inveniens fructum, sed tantum folia in ficulnea in via, maledixit ei, quæ statim arefacta est. Matth. 21. 19. Mar. 11. 12. &c. In templo tota die docet turbam. Inde in Bethaniam exit.
24. **F**eriâ 3tiâ ante Pascha die 22. Martij redeundo in urbem mirantibus discipulis arefactam ficulneam ac dicenti Petro Rabbi ecce ficus cui maledixisti aruit. exponit fidei & orationis efficaciam: *Si habueritis fidem, & non hesitaveritis, non solum de ficulnea facietis, sed & si monti huic dixeritis, tolle & jacta te in mare, fiet. Et omnia quæcunq; petieritis in oratione credentes accipietis.* Matth. 21. 20. Mar. 11. 21.
25. **I**n Templo docens, interrogatus à Principibus Sacerdotum & Senioribus populi, *in qua potestate hæc facis? & quis dedit tibi hanc potestatem?* id est: Quis ei dedit jus & authoritatem docendi in templo, ementes & vendentes ex eo ejiciendi, populum ad se accersendi? quasi Doctori eximio ac Messie sibi acclamandi? Hosanna Filio David? cavillantium retundit quæstionem interrogatione: *Baptismus Joannis unde erat? è celo an ex hominibus?* dicentibus illis: *nescimus.* Christus similiter illis respondet: *Nec ego dico vobis, in qua potestate hæc facio.* Matth.



Matt: 21. V. 24. 25. 27. Mar: 11. 29. 30. 33. Luc: 20. 3. 4.  
5. 7. 8.

**E**odem tempore ex parabolis de homine duos fili- 26.  
os habente uno obediente, altero inobediente: item  
de patrefamilias conducente vineam suam agricolis, qui  
missos ab eo servos, ad accipiendos fructus alios occide-  
runt, alios lapidaverunt. Novissimè etiam ejus proprium  
filium hæredem apprehensum, & extra vineam ejectum  
occiderunt: utrâq; hæc parabolâ prædicat regnum DEI  
(id est Ecclesiam) à Iudæis Christum occisuris ad gen-  
tes transferendum. Matt: 21. V. 29. & c. 33. 34. 36. 41.  
43. Mar: 12. 9. & c. Luc: 20. 10. & c. 16.

**E**t cum audissent Principes Sacerdotum, & Phari- 27.  
sæi parabolâ ejus, cognoverunt, quòd de ipsis di-  
ceret; & querentes eum tenere, timuerunt turbas: quo-  
niam sicut Prophetam eum habebant. Matt: 21. 45. 46.

**A**t Christus nihilominus nectit parabolam de Rege, 28.  
qui fecit nuptias filio suo, ad quas invitati vole-  
bant venire, sed abierunt alij in villam suam, alij verò ad  
negotiationem suam, reliqui verò tenuerunt servos ejus,  
& contumelijs affectos occiderunt. Matt: 22. 1. ad 7. Rex  
iratus missis exercitibus suis perdidit homicidas illos, & ci-  
vitatem illorum succendit. V. 7.

**I**tem mittit servos ad exitus viarum, ut quoscunq; 29.  
invenerint, vocent ad nuptias: *Et congregaverunt*  
*omnes, quos invenerunt malos, & bonos, & impletae sunt nu-*  
*ptiæ discumbentium.* Matt: 22. V. 9, 10.

**R**ex intrans videt inter discumbentes hominem 30.  
non vestitum veste nuptiali, eumq; obmutescen-  
tem jubet ministros ligatis manibus & pedibus ejus, mit-  
tere in tenebras exteriores, ibi erit fletus & stridor den-  
tium; multi enim sunt vocati, pauci verò electi. Ibidem.



31. **A**vditis his parabolis ut IESVM caperent in sermone, captiosas ei proponunt quæstiones: imo mittentes Pharisei discipulos suos cum Herodianis, interrogant: licet censum dare Cæsari, an non? sed Christus ostenso sibi numismate census, spectataq; in illo imagine Cæsaris, jubet reddere quæ sunt Cæsaris, Cæsari, & quæ sunt DEI, DEO. Matt: 22. V. 21. Mar: 12. 14. Luc: 20. 22.
32. 2do Phariseis confutatis succedunt Saducæi non credentes resurrectionem, interrogant IESVM: mulier, quam septem fratres unus post alterius mortem (juxta legem Moysis Deut: 25. 5.) duxerat, in resurrectione cujus erit de septem uxor? sed Christus errorem eorum, & inscitiam scripturarum exprobrando, affert, *in resurrectione neq; nubent, neq; nubentur, sed erunt sicut Angeli DEI.* Matt: 22. V. 24. &c. Mar: 12. 10. Luc: 20. 28.
33. 3tio Phariseis & Saducæis imposito silentio, unus ex eis legis doctor tentat IESVM quærens! *Magister, quod est mandatum magnum in lege?* respondente IESV: *Diliges Dominum DEVM tuum, ex toto corde tuo, & in tota anima tua, & in tota mente tua: hoc est maximum & primum mandatum; secundum autem simile est huic: diliges proximum tuum, sicut te ipsum.* Matt: 22. 35. &c. Mar: 12. 28.
34. **C**ongregatis verò iisdem Phariseis vicissim IESVS interrogat eos, cujus filius sit Christus? respondentibus illis David: *quærit Christus, quomodo ergo David in Spiritu eum vocat Dominum (Psal: 109) Si ergo David eum Dominum vocat quomodo filius ejus est? Et nemo poterat respondere ei verbum: neq; ausus fuit quisquam ex illa die ampliùs interrogare.* Matt: 22. 41. Mar: 12. 35. Luc: 20. 41.

Chri-



**C**hristus Dominus docet turbas, ut doctrinam scribarum ac Phariseorum super cathedram Moyfi sedentium sequantur, illis obediant; non verò vitam & mores imitentur. *Omnia ergo quaecumq; dixerint vobis, servate & facite, secundum verò opera eorum nolite facere, dicunt enim & non faciunt.* Matt: 23. 3. 35.

**R**etegit Christus Phariseorum & scribarum hypocrisim, jaectantiam, avaritiam, arrogantiam, ambitionem: quomodo amant primos accubitus in cœnis, & primas cathedras in Synagogis &c. ibidem W. 5. &c. Discipulos verò contrariam docet humilitatem. 36.

**D**einde ob hypocrisim, avaritiam, superstitionem & alia scelera multiplex vix interminatur. Et sicut olim octo beatitudines, id est benedictiones consignavit; Matt: 5. Ita vice versa octo vix id est maledictiones Scribarum & Phariseorum ingeminat. Matt: 23. W. 13. &c. &c. 37.

**D**eniq; prædicit eos Patrum suorum mensuram, in persecutionibus iustorum impleturos, ideoq; extremum excidium Ierosolymæ, & Templi destructionem prædicit. Matt: 23. 38. *Ecce relinquetur vobis domus vestra deserta.* Matt: 23. 38. Luc. 13. 35. 38.

**S**edens contra gazophylacium, aspiciebat quomodo turba jaectabat æs in gazophylacium, & multi divites jaectabant multa. Mar: 12. W. 41. Vidit autem & quandam viduam pauperculam mittentem æra minuta duo, Luc. 21. 2. quam cæteris prætulit. Mar: 12. 43. Luc: 21. 3. 39.

**C**um tota die in templo docuisset jejunus, exit de Templo sub vespere ad sumendum cibum in Bethania, ac pernoctandum in monte Oliveti. 40.

**O**cçasionem prædictæ desolationis Ierosolymæ, & 41.



12.  
templi, discipuli ut Christum excitarent ad commiserationem, & ad revocandam excidij sententiam ostendunt ei admirandam templi fabricam, pulchritudinem, ac magnificentiam, quæ æternitatem mereri videbantur, dicentes, Matt: 24. 1. Mar: 13. *Magister aspice quales lapides, & quales structurae. Luc: 21. 3. & quibusdam dixeribus de templo quod bonis lapidibus & domis ornatum esset.* Nihil tamen hoc movit Christum ad immutandam excidij sententiam, dicente Matt: 24. 1. Mar: 13. 2. Luc: 21. 6. *Hec quæ videtis, venient dies, in quibus non relinquetur lapis super lapidem, qui non destruitur.*

42. **E**T cum federet in monte Olivarum contra templum, interrogabant eum separatim Petrus & Iacobus, & Ioannes, & Andreas, dic nobis, quando ista fient? & quod signum erit, quando hæc omnia incipient consummari. Mar: 13. 3. & 4. Matt: 24. 3. *quod signum adventus tui & consummationis seculi?*

43. **C**Hristus verò monet discipulos, ut caveant à seductoribus pseudo-Prophetis, quos præcedere exponit bella, seditiones, afflictiones varias, persecutiones, abominationem desolationis, signa in cælo, sole, luna stellis: Orbis totius exterminium prædicit; tum Adventus sui, & extremi iudicii diem nemini hucusq; cognitum, sed improvisum, improvisosq; homines, sicut in diebus Noë, & diluvij tempore occupandos denuntiat: ideoq; ut se strenuè ad id parent, & ad continuam vigilantiam seriò admonet. Matt: 24. 42. 44. *ideo & vos stote parati: quia quæ nescitis horâ Filius hominis venturus est.* Mar: 13. 33. *Videte, vigilate, & orate: nescitis enim quando tempus sit.* Ad quod varijs exhortatur parabolis. Marci ibidem X. 34. de homine peregrè profecto & servis suis curâ domus suæ commissâ ac lanitori vigilare præcipiente.

Item

Item Mat  
ventus fu  
pore fam  
servo, co  
de quinq  
am exten  
distribut  
ant puni  
tiam ad  
forte gra  
ris hujus  
35. tanqu  
dent supe  
pore oran  
tura sum  
quando I  
galli car  
co: vigil

T  
demnan  
bunt hi i  
nam. M

HA  
f  
22. Mart  
cipiebat  
usu trip  
ta in ves  
diem usq

Q



Item Matt: 24. 43. de Patrefamilias nesciente horam ad-  
ventus furis. Item de fidei & prudente, cibum in tem-  
pore familiæ Domini ministrante. ac de malo ebrioso  
servo, conservos suos percutiente. Item Matth: 25. 1. & c.  
de quinque prudentibus & quinque fatuis Virginibus, obvi-  
am exeuntibus sponso, de talentis ad negotiationem servis  
distributis, quorum Dominus peregrè rediens præmiat,  
aut punit juxta ipsorum merita. Item ad eandem vigilan-  
tiam admonet. Luc. 21. 34. *Attendite autem vobis ne  
forte graventur corda vestra in crapula, & ebrietate, & cu-  
ris hujus vitæ: & superveniat in vos repentina dies illa:  
35. tanquam laqueus enim superveniet in omnes, qui se-  
dent super faciem omnis terræ; 36. Vigilate itaque omni tem-  
pore orantes, ut digni habeamini fugere ista omnia, quæ fu-  
tura sunt. Mar: 13. V. 35. Vigilate ergo, nescitis enim  
quando Dominus domus veniat. Sero an media nocte, an  
galli cantu an mane. Quod autem dico vobis, omnibus di-  
co: Vigilate. Mar: 13. 37.*

**T**Andem denique formam ac processum extremi ju- 44.  
dicii graphice deducit, sententiamque malos con-  
demnando, bonos præmiando ferendam detonat. *Et i-  
bunt hi in supplicium æternum: jussi autem in vitam æter-  
nam. Matt. 25. 46.*

**H**æc Divinissima Christi monita, uti & præcedentia 45.  
fuerunt feria 3<sup>ta</sup> post Dominicam Palmarum die  
22. Martij ad vesperam, quo more Hebræo feria 4<sup>ta</sup> in-  
cipiebat. Sciendum enim est apud Iudæos, fuisse olim in  
usu triplex genus dierum, diem scilicet legalem, à vespe-  
ra in vesperam, diem naturalem, ab ortu solis ad ortum;  
diem usualem à media nocte ad mediam noctem.

**Q**uartâ igitur & quintâ feriâ post Dominicam Pal- 46.  
marum, non venit IESVS Ierosolymam ad do-  
cen-



cendum, uti fecit anterioribus diebus, sed mansit in Bethania, donec feriâ quintâ id est die Iovis, sub vesperam inde regressus in Ierusalem, ut Pascha celebraret, & passionem suam perficeret. Ita cum multis sentit Iansenius, & Maldonatus.

47. **F**eriâ quartâ id est 23. Martij congregantur Principes, & Seniores populi ad Caipham consulendo, quomodo Christum caperent & occiderent. Quod Iudas praesentens advolat, Christum tradere illis spondet, triginta denariorum pretio constituto. Vnde in memoriam Innocentissimi Christi à Iuda venditionis non tantum veteres Christiani, uti S. August. Theophylactus, & alij testantur; sed etiam nostri temporis aliqui devoti in varijs gentibus solent qualibet feriâ quartâ jejunare, ab esuq; carniū abstinere, quia Christi caro pro nobis ea die vendita est.
48. **F**eriâ quintâ id est 24. Martij incidit dies Azymorum, in qua necesse erat occidi pascha, praemittit Ierosolymam Petrum & Ioannem ut necessaria ad cœnam agni paschalis praearent, quod & executi sunt, juxta iussionem Christi sequentes hominem, aquæ amphoram portantem ostensq; sibi à Domino domus illius, in quam intravit, cœnaculo magno strato, paraverunt pascha. Luc: 22. 13. Mar: 14. 16. Matt: 26. 19. Quo Christus cum discipulis vespere venit, ibiq; cœnam agni Paschalis juxta legis praescripta celebravit.
49. **C**œnâ factâ surgit, sepositisq; vestimentis suis, & linteo praecincto, discipuloruū lavat pedes: exhortatur ut idem invicem faciant? *Exemplum enim dedi vobis, ut quemadmodum ego feci vobis, ita & vos faciatis.* Ioan: 13. 15.



**D**iviniſſimum Eucharistiæ Sacramentum instituit, 50.  
panem in corpus verum, & vinum in sanguinem  
verum consecrando, tradit discipulis manducandum  
præcipiens, ut idem faciant in sui commemorationem:  
Tradendum se ab uno eorum dicit: contristatisq; & ſi-  
ngulis quærentibus: Nunquid ego ſum Domine? proditori  
id ipſum interroganti reſpondet: *tu dixiſti*. Matt: 26. 25.

**E**X Petri inſtinctu Ioanni de eodem ſuſcitanti Do- 51.  
*mine quis eſt?* Reſpondet *cui ego intinctum panem*  
*porrexero, & cum intinxisset panem, dedit Iudæ Simonis*  
*Iſcariotæ*. Ioan: 13. 26. Nil tamen agunt discipuli con-  
tra proditorem, diſtracti forte exorta contentione, *quis*  
*eorum videretur eſſe maior*. Luc: 22. 24.

**O**Mnes ſcandalizandos, Petri conſtantiam ſuam ja- 52.  
ctanti, trinam negationem, prædicit: tunicam ven-  
dere & emere gladium jubet.

**I**udas buccellâ ſumptâ dum exit, Chriſtus nunc cla- 53.  
rificatum ſe à DEO, & DEVM in eo clarificatum eſſe  
dicit. Ioan. 13. 31. Ibidem novum mandatum dilectionis  
promulgat: tum mæſtos diſcipulos, qui de diſceſſu ſuo  
meritò gaudere deberent, longo eoq; amore pleno ſer-  
mone conſolatur, quem ſuſe S. Ioan: à cap: 14. ad 16. de-  
ſcribit: ac ſequenti cap. 17. Orationem Chriſti ad Patrem  
pro illius, & ſui clarificatione, pro diſcipulis, ac ijs, qui  
per illos in ipſum eſſent credituri, ut unum ſint, & ſer-  
ventur à malo, deſcribit. Hiſq; peractis omnibus, in cæ-  
naculo, Hymno dicto exierunt in montem Olivarum.  
Matt: 26. 36. Mar: 14. 26. Luc: 22. 36. Ioan: 13. 1.

**E**X cænaculo & urbe exiens Chriſtus venit in villam 54.  
Gethſemani. Matt. 24. Luc. 22. Mar: 14. quæ diſta-  
bat à cænaculo ſexcentis circiter paſſibus; villa hæc fuit  
ad radices montis Oliveti, olearum fæcunda, ubi & tor-  
cular



cular fuisse videtur, in quo olive in monte eo copiose  
provenientes deferebantur ad exprimendum oleum. Ge-  
thsemani idem est quod & torcular Olei. Ibi relictis octo  
Apostolis dixit: *Sedete hic donec vadam illuc, & orem.*  
Matt: 26. 36. Mar: 14. 32. Assumpto Petro, Ioanne, &  
Iacobo cepit contristari & mæstus esse. Tunc ait illis:  
*Tristis est anima mea usq; ad mortem.* Manere illos, & vi-  
gilare jubet: à quibus paululum progressus Matt: 26. 39.  
(Luc: 22. 41. *avulsus est ab eis, quantum jactus est lapidis*)  
*procidit in faciem suam orans & dicens: Pater mi si possibile*  
*est, transeat à me calix iste.* &c.

55. VEniens ad discipulos, inventis dormientibus, Petrum  
increpat: *non potuistis, unâ horâ vigilare mecum.* &c.  
Matt: 26. 40. Mar: 14. 37. Iterum abit, & orat, reversusq;  
ad discipulos etiam invenit eos dormientes: *erant enim*  
*oculi eorum gravati.* Quibus relictis jam tertio oravit e-  
undem sermonem. Factus in agonia sanguineo sudat su-  
dore. Apparuit autem illi Angelus de celo, confortans  
eum. Redit ad discipulos, quibus dicit: *Dormite jam &*  
*requiescite. Ecce appropinquavit hora & filius hominis*  
*tradetur in manus peccatorum.* Matt. 26. 45. Mar: 14.  
41.

56. A Dhuc eo loquente Iudas cum cohorte, & ministris  
venit comprehendere IESVM, qui contra eos proce-  
dens voce *ego sum*, prostermit omnes retrorsum. Petrus  
auriculam Malcho amputat, quem Christus sanat. Iudas  
osculo IESVM tradit; cohors IESVM apprehendit, li-  
gat, & ad Annam primo, deinde ad Caipham ducit. Vbi  
libere respondenti, alapâ à milite percutitur, blasphe-  
mus proclamatur, illuditur, reus mortis judicatur, &  
pessime tractatur.

Petrus



**P**etrus ad ignem se calefaciens negat coram adstantibus, se esse discipulum Christi, neq; nosse illum asserit. Respiciente autem Christo, recordatur verbi Christi, egressus flet amarè. Hæc omnia gesta sunt feriâ quintâ nocte post ultimam cœnam.

**F**eriâ 6ta id est die 25. Martij, summo manè Caiphas Summus Pontifex concilium grande convocat, in quo Christus condemnatur, ac Pilato Præsidi, plectendus traditur. Iudas videns condemnatum esse Christum refert triginta argenteos, & restituit Iudæis, confitetur se peccasse tradens sanguinem innocentem; & se ipsum suspendit. Ager figuli emitur, pro sepultura peregrinorum. Accusant apud Pilatum in multis Iudæi Christum, præcipuè, quod se Regem Iudæorum fecerit, censum Cæsari dare prohibuerit, tumultum concitârît, incipiens à Iudæa usq; Galilæam. Pilatus tacentem IESVM interrogat utrum sit Rex Iudæorum, asserente Christo, quod sit Rex, sed regnum ejus non esse de hoc mundo; agnoscit illum esse innocentem, audiensq; quod homo Galilæus esset, mittit eum ad Herodem tanquam potestati ejus subiectum, eaq; ex occasione sibi invicem reconciliantur.

**H**erodes à IESV signa & mirabilia avidissimè expectat, sed nihil tale videns, spernit eum cum tota aula sua, & alba veste indutum, illudum iterum ad Pilatum remittit.

**P**ilatus volens Christum innocentem eliberare, cum & apud Herodem nihil dignum morte actum esset ei; per diem solemnem consueverat præses populo dimittere unum vinctum quem voluissent. Matt: 27. 15. Barabbam ergo seditiosum, & homicidam, cum innocente IESV comparat, quem vultis vobis de duobus dimitti,

C

Barab-



Barabbam an IESVM? Pontificum suggestu, Barabbam liberari, IESVM verò crucifigi postulat populus. *Matt: 27. 21. Mar: 15. 6. Luc: 23. 17. Ioan: 18. 39.*

61. **N**Ova ad liberandum Christum instantia Vxor Pilati. *Sedente autem illo pro tribunali misit ad eum uxor dicens: Nihil tibi & iusto illi: multa enim passa sum hodie per visum propter eum. Matt: 27. 19.*

62. **C**um ingravarentur voces Iudæorum contra IESVM, ut crucifigatur, ad quem liberandum Pilatus, dum alij non successissent modi, alium adhuc acriorem adhibet modum, scilicet flagellationem, etiam si innocentem eum esse agnosceret. *Nullam causam mortis invenio in eo, corripiam ergo illum, & dimittam. Luc: 23. 22.* ut odio in Christum furentes Iudæorum animos acerbitate doloris ad commiserationem flecteret.

63. **N**on tantum acerbissime flagellatur IESVS à tota militum Præsidis cohorte, sed & spinis coronatur, chlamyde coccinea circumdatur, & tanquam fictus Rex illuditur: sicq; sanguine manantem Christum præsentat populo Pilatus, ut hoc cruento spectaculo ad commiserationem flectat furibundam gentem.

64. **S**ed nihil effecit & hæc flagellationis acerbitas, imò rabidi canes, innocentissimi agni gustato sanguine, inextingvibilem sitim suam exacuunt vociferantes: crucifige, crucifige eum. Postq, multas Pilati circa eliberationem Christi instantias, dum à furibunda plebe audit: *Si hunc dimittis non es amicus Cesaris &c.* Convictus eo vel maxime respectu, sedit pro tribunali Ioan: 19. 12. Acceptâ aquâ lavit manus coram populo dicens: *innocens ego sum à sanguine Iusti huius, vos videritis. Matt: 27. 24.* Tunc tradidit eis illum, ut crucifigeretur. *Ioan: 19. 16.*

Susci-



**S**uscipiunt lictores IESVM, crucem humeris bajulantem, è prætorio in Calvariam educunt; lassum frequenterq; cespitantem, metuentes ne in via ante crucifixionem exspiraret; angariaverunt prætereuntem quendam Simonem Cyrenæum, venientem de villa, patrem Alexandri & Rufi, ut tolleret crucem ejus. Mar: 15. 21.  
Luc: 23. 26. Matt: 27. 32.

**P**las mulieres plangentes, super se ipsas & filios suos plangere jubet. *Quia si in viridi ligno hæc faciunt, in arido quid fiet.* Luc: 23. 31.

**I**N montem Calvariæ locum crucifixionis venientes, vinum felle mixtum deinde myrrathum Iudæi IESV propinant: quo gustato noluit bibere. Vestibus spoliant, cruci affigunt ipsum, & causam mortis ejus. Duosq; latrones à dextris ac à sinistris ejus (tanquam ipse Dux & Princeps latronum esset) suspendunt. Milites vestimenta ejus inter se partiuntur, & super incōsutilem tunicam mittunt sortem. Matt: 27. 34. &c. Mar: 15. 23. &c. Luc: 23. 33. &c. Ioan: 19. 19. &c.

**I**N cruce pendenti Principes & Seniores cum populo tum etiam milites insultant & subsannant. Vnus latronum cum eo pendens conviciatur, alter verò deprecatur dicens: *Domine memento mei, cum veneris in regnum tuum.* Ideoq; à IESV audit: *Hodie mecum eris in paradiso.* Luc: 23. 43.

**I**ESVS Matrem dilectissimam Ioanni, Ioannem discipulum, quem diligebat, Matri commendat. Se à Patre derelictum queritur, sitio clamat, aceto potatur, ac tandem clamans voce magna: *Consummatum est,* Spiritum suum in Patris æterni manus commendat.

**C**Hristo mortuo sol & luna obscuratur, terra concutitur, petra & velum templi scinditur, monu-



menta aperiuntur. Omnes creaturæ sui Creatoris mortem deplorare videntur. Quibus visis Centurio Christum iustum profitetur & glorificat DEVM. *Verè Filius DEI erat iste. Matr: 27. 54. Verè hic homo Filius DEI erat Mar: 15. 39. Matt: 27. 54.* Multi de populo spectantes percutientes pectora sua revertebantur. Luc: 23. 48.

71. **I**udæi ut non remanerent in cruce corpora Sabbatho, rogaverunt Pilatum, ut citò morerentur, frangerentur crura, quod & fecerunt duobus latronibus: sed IESVM cum viderunt jam mortuum, non fregerunt ejus crura, sed unus *militum lanceâ latus ejus aperuit, & continuo exiit sanguis & aqua. Ioan: 19. 34. &c.*

72. **I**oseph ab Arimathæa, impetratum à Pilato, Christi corpus, de cruce illud depositum, cum Nicodemo aromatibus linitum, sindone nova involutum, in monumento suo novo sepelivit. Ioan: 19. 38. &c. Iudæi petunt Pilatum, ut jubeat corpus Christi custodiri; quod & præstat illis: lapis ad os monumenti advoluitur, sepulchrum clauditur & obfigillatur. *Signantes lapidem cum custodibus Matt: 27. 66 Mar: 15. 42. &c. Luc: 23. 20. &c.* Maria autem Magdalene & Maria Ioseph, aspiciebant, ubi poneretur Mar: 15. 47.

73. **M**aria Magdalene & Maria Iacobi minoris, & Ioseph Mater, id est Cleopha, sive Alphæi uxor, & Salome Mater filiorum Zeb dæi. Viderunt monumentum & quemadmodum positum erat corpus ejus. Luc: 23. 55.

74. **E**t revertentes paraverunt aromata & ungenta, sed propter diem illum magnum Sabbati, obsequium suum ungendi corpus IESV, in crastinum distulerunt. Igitur die Dominico summo manè quæ fuit 27. Martij; inveniunt lapidem revolutum à monumento, ab Angelis; discunt resurrexisse Christum à mortuis; quod reversæ Petro & discipulis lætæ denuntiant. Matth: 28. Mar: 16. Luc: 24. Ioan: 20.

CHRI-

CH

D  
et Salome  
mortuis  
nem Iuda  
jus nond  
cessit in C  
v. 54. V  
num: 6to  
rem pasce  
immacul  
m. Lodu  
lymam

M  
Att  
IES  
pfi  
cretò. M  
via, &  
stupeba  
Et assun  
pit illis  
tura. L  
ce asce  
confum  
pta sur  
hominis  
bus & i  
conspu  
laverint

e Passio  
in x. cruce



# CHRISTUS

## DOMINUS

*et Salvator noster, resuscitato a mortuis Lazaro, sciens conjurationem Iudeorum in mortem suam, cujus nondum tempus advenerat, secessit in Civitatem Ephrem Ioan: II. v. 54. Vti insinuat in Elencho num: 6to et sequent: Imminente autem paschate ultimo, quo ipse Agnus immaculatus pro salute mundi immolandus erat, de Ephrem Ierosolymam ascendens, passionem suam Discipulis prædicit.*

**M**atthæi 20. v. 17. Ascendens IESVS <sup>a</sup> Ierosolymam assumpsit duodecim Discipulos secretò. Marci 10. 32. Erant autem in via, & <sup>b</sup> præcedebat eos IESVS, & stupebant, & sequentes timebant. Et assumens iterum duodecim <sup>c</sup> cepit illis dicere quæ essent illi eventura. Lucæ 18. 31. <sup>d</sup> Et ait illis: ecce ascendimus Ierosolymam, & consummabuntur omnia quæ scripta sunt per Prophetas de Filio hominis. 32. tradetur enim gentibus & illudetur & flagellabitur & conspuetur, 33. & postquam flagellaverint, occident eum: <sup>e</sup> & tertia

<sup>e</sup> Passione, ostendit quid sustinere pro veritate, resurrectione quid sperare in æternitate debeamus, unde dicit, & tertia die resurget S. Thom: in car: Intel-

<sup>a</sup> Bethleem praelegit natiuitati, Ierosolymam passioni S. Leo de Epiph:

Quia non capit Prophetam perire extra Ierusalem Luc: 13. 33. <sup>b</sup> Exultavit ut Gigas ad currentem viam Ps: 18. Sol: cognovit occasum suum Ps: 103. Christus agnovit passionem suam S. August:

<sup>c</sup> Ideo duodecim Apostolis secretò mortis suæ annunciavit mysterium, quia semper pretiosior thesaurus in melioribus vasis includitur. S. Chrysos:

<sup>d</sup> Tempus moriendi elegit locum & modum, in potestate namq: hæc habebat omnia. Barradius. Tom. 3 c. 11.

S. Ang: hom: 35. Dominus ut occideret mortem, vestitus est morte, non poterat mors mori, nisi in vita. Ego sum via, veritas, & vita. Ioan: 14.



<sup>a</sup> Intellexerunt quidem verba  
significare amaram crucem &  
mortem, sed non intellexerunt  
passionis dulce mysterium, utili-  
tatem, causam, ideo contristati. S.  
Hilarius Can: 17.

die resurget. 34. <sup>a</sup> Et ipsi nihil ho-  
rum intellexerunt, & erat verbum  
istud absconditum ab eis, & non  
intelligebant, quæ dicebantur.

*In eo itinere Christus Bartimæ-  
um cæcum illuminat, in Iericho  
ad Zachæum Principem publica-  
norum divertit, &c. ac tandem ad  
Bethaniam venit.*

<sup>b</sup> Sex diebus omnia fecit DE-  
US. sexta mundi ætate redimere  
mundum voluit. Sextâ feriâ pas-  
sus, sextâ horâ cruci affixus, ad  
cujus præparationem sex diebus  
ante pascha venit, Bethaniam.  
Glossa Ordin.

Lazarus in schola tumuli pro-  
fecisse se probat, à vitæ ne divi-  
datur auctore. Ne tu unquam se  
jungaris à Christo, hoc à mortis  
meditatione discas.

<sup>c</sup> Maria blanditur mortis a-  
matori innocens assentatrix, dum  
triclinium, cum sepulchro con-  
fundens, servanda mortuo mune-  
ra, viventi exhibet. Aloysi In-  
glar: Soc: IESU.

<sup>d</sup> Domus impleta odore cælum  
& terra est, fractum alabastrum  
carnale est desiderium, quod fran-  
gitur ad caput ex quo omne cor-  
pus compaginatum. S. Hieron:

<sup>e</sup> Unguento ungimus caput  
Christi, cum omnia opera nostra  
dirigimus ad gloriam Dei, pedes  
iisdem sincere quærimus. Buseus.

<sup>f</sup> Receptissimo apud omnes more, quibus dum pietas frivolis olere capit,  
placere desinunt: nam alienam virtutem, occasionem sui criminis faciunt.  
Tanto pretio alacritatem & pietatem erga Christum declaravit. Victor. Antioch:

Et

Ioan: 12. 1. IESVS ergo ante <sup>b</sup> sex  
dies paschæ venit in  
Bethaniam, ubi Lazarus fuerat  
mortuus, quem suscitavit IESVS.  
2. Fecerunt autem ei cænam ibi: &  
Martha ministrabat, Lazarus verò  
unus erat ex discumbentibus cum  
eo. <sup>c</sup> 3. Maria ergo accepit libram  
unguenti nardi pistici pretiosi, &  
unxit pedes IESV, & exterfit pe-  
des ejus capillis suis, <sup>d</sup> & domus  
impleta est ex odore ungenti.  
Marci 14. 7. 3. & fracto alabastro  
effudit super <sup>e</sup> caput ejus. <sup>f</sup> 4. E-  
rant autem quidam indignè feren-  
tes intra semetipsos, & dicentes:  
ut quid perditio ista ungenti fa-  
verò, cum nostram & proximorum salutem

Et est? s  
tum istu  
trecentis  
ribus, &  
12. 7. 4.  
scipulis e  
erat eum  
unguentu  
denarijs,  
xit autem  
pertineb  
rat & loc  
tebantur  
IESVS:  
pulturæ  
14. 6. q  
num op  
per em  
scum, &  
lis bene  
per hab  
fecit: e  
um in f  
vobis u  
Evange  
do, &  
in men

nec miru  
vinem.  
Qua c  
ipsum n



Et est? 5. Poterat enim unguentum istud vānundari plusquam <sup>a</sup> trecentis denarijs, & dari pauperibus, & fremebant in eam. *Ioan:* 12. v. 4. <sup>b</sup> Dixit ergo unus ex Discipulis ejus, Iudas Iscariotes, qui erat eum traditurus; 5. quare hoc unguentum non vāniit trecentis denarijs, & datum est egenis? 6. dixit autem hoc, non quia de egenis pertinebat ad eum, sed quia fur erat & loculos habens, ea quæ mittebantur, portabat. 7. <sup>c</sup> Dixit ergo IESVS: finite illam, ut in diem sepulturæ meæ fervet illud. *Marci* 14. 6. quid illi molesti estis, <sup>d</sup> bonum opus operata est in me. 7. Semper enim pauperes habetis vobiscum, & cū volueritis potestis illis benefacere, me autem non semper habetis. 8. Quod habuit, hoc fecit: <sup>e</sup> prævenit ungere corpus meum in sepulturam. 9. <sup>f</sup> Amen dico vobis ubicunq; prædicatum fuerit Evangelium istud in universo mundo, & quod fecit hæc narrabitur in memoriam ejus.

nec mirum si mihi dederit odorem fidei bonæ, cū ego pro ea fufurus fim sanguinem. S. Hieron.

Quæ conscientia mulierem confundis quæ in sepulturam corpus ungit; te ipsum non confundis, qui me in mortem tradis. Theophilactus.

<sup>a</sup> Quantum insumpserit aruerunt & magnanimitatem ejus. S. Chrysofost.

<sup>b</sup> Melior peculij custos, quàm fidei ut fervaret non sua, seipsum perdidit. Unus vocatione non prædestinatione: numero; non merito, corpore, non animo, specie, non virtute. S. Hieronymus: Ipsum vili æstimans Dominum, unguentum carò æstimavit, 30. enim argenteis vendidit, quem illa (ut ipse taxat,) unxit 300. S. Paulinus Epl: 4.

Lucri plerumq; est damnum Iudæ displicuisse, unde Christo plūs placeas.

Itamalus (Iscariotes) ut vel à bono depravaretur unguento, cōtinuit dentes & b efcæ, ut interim morderet infontem. Idem Aloys: Profecit per, suos gradus impietas, alimenta primò pauperibus abstulit, mox verò etiam Deum sibi. Aloys: Iuglar:

<sup>c</sup> Dimittenda est facere quod tunc faceret, si posset consolans hæc dicebat, ne mulieris fidem tunc germinantem discipulorum increpatio tabefaceret. S. Chrysofost.

<sup>d</sup> Ex integra causa bonum, quia Xto gratissimum propter Xtm, idque omni respectu humano & defectu carens. Viera tom; 4.

<sup>e</sup> Quod putatis perditionem unguenti, officium sepulturæ est:

Uni-



f Univerſus orbis cogniturus  
quoniam mente pia, feruen-  
ti fide factum eſt: non enim pro-  
pter impenſas gratum fuit ſed  
propter fidem quam cum ungvē-  
to obtulit. Viſtor Antiochi. Mo-  
deſtus Dominus opus bonū per-  
petuo celebrandum prædicens: fu-  
turam impij infamiam ſilentio  
præterit Beda.

a Curioſitas hos, non charitas  
adduxit. Gloſſa.

b Oſulta cogitatio & exca ſe-  
vitia! Chriſtus Dominus qui ſu-  
ſcitare potuit mortuum, non poſ-  
ſet occiſum &c ſi aliud vobis vi-  
detur mortuus, aliud occiſus: ec-  
ce Dominus utrumq; fecit, & La-  
zarum mortuum & ſe ipſum oc-  
ciſum ſuſcitavit. S. Auguſt.

c Ecce oves ex Iſraël veniunt  
ad Paſtorem; rami ſunt laudes ſi-  
gnificantes victoriam ſuperaturi  
diabolum. Gloſſa

d Non licet ſine palma obviam  
ire Xto. Quot vitia ſuperāſt tot  
palmas habes: ſi nullum viciſti  
nullam habes. S. Bruno Signien:

e Hoſanna, Deo ſalus plurima.  
Salva Dñe Uſ Regem noſtram  
Meſſiam. Vel ſalva nōs Rex Meſſia  
S. Hieronym. Proceſſionem ha-  
bere voluit cum mox futuram  
noverat paſſionē. Forte ut amari-  
ore eſſet paſſio quam proceſſio præ-  
ceſſiſſet S. Bern:

f Iſti duo ſunt timor & amor:  
timor ſoluit aſinam & pullum;  
nam timor expellit peccatum: A-  
mor veniam impetrat & ad IE-  
SUM adducit. Hugo Caren:

Duo iſti Petrus & Philippus qui primi gentes ad Chriſtum duxerunt: Aſina  
Iudæa iugo domita ſed tamen peccatis irretita; pullus indomitus populus gen-  
tium. Gloſſa.

g Libertatis aſſertor ne aſinam quidem patitur alligatam teneri? Iugl.

duci-

24  
Ioan: 12. 9. Cognovit ergo tur-  
ba multa ex Iudæis quia illic eſſet:  
& venerunt non propter IESVM  
tantum, a ſed ut Lazarum viderent,  
quem ſuſcitavit à mortuis. 10. b Co-  
gitaverunt autem Principes Sacer-  
dotum, ut & Lazarum interfice-  
rent: 11. Quia multi propter illum  
abibant ex Iudæis, & credebant in  
IESVM.

12. c In craſtinum autem turba  
multa, quæ venerat ad diem feſtum,  
cū audiſſent, quia venit IESVS  
Ieroſolymam, 13. acceperunt d ra-  
mos palmarum & proceſſerunt obviam  
ei, & clamabant: e Hoſanna,  
Benedictus qui venit in nomine Do-  
mini Rex Iſraël.

Lucæ 19. 29. Et factum eſt, cū  
appropinquāſſet ad Bethphage &  
Bethaniam ad montem, qui voca-  
tur Oliveti, f miſit duos Diſcipu-  
los ſuos, 30. dicens: ite in caſtellum,  
quod contra vos eſt, Matth: 21. 1.  
& ſtatim invenietis aſinam alliga-  
tam & pullum cum ea, Marci 11.  
2. Super quem nemo adhuc homi-  
num ſedit, g ſolvite illum, & ad-

ducite. 3.  
quid facit  
a neceſſari  
dimittet  
nerunt pu  
am foris b  
5. Et qui  
cebant ill  
pullum?  
præceper  
runt eis.  
totum fac  
quod die  
dicentem  
9. 9.) D  
tū venit  
ſuper aſin  
jugal. 1  
gnoverun  
d ſed qu  
SVS, tun  
erant ſcri  
ei.

Matt:  
finam &  
e ſuper e  
de ſuper  
35. &

e Apoſto  
Apoſtoli o  
S. Bruno:



ducite. 3. Et si quis vobis dixerit: quid facitis? dicite: quia Domino <sup>a</sup> necessarius est: & continuo illum dimittet huc. 4. Et abeuntes invenerunt pullum ligatum ante ianuam foris <sup>b</sup> in bivio, & solvunt eum. 5. Et quidam de illic stantibus dicebant illis: quid facitis solventes pullum? 6. Qui dixerunt eis, sicut praeceperat illis IESVS, & dimiserunt eis. *Matt: 21. 4.* Hoc autem totum factum est, ut adimpleretur quod dictum est per Prophetam dicentem. 5. (*Isai: 62. 11. Zach: 9. 9.*) Dicite filiae Sion; ecce Rex tuus venit tibi mansuetus, <sup>c</sup> sedens super asinam & pullum filium subjugalis. *Ioan: 12. 16.* Hæc non cognoverunt Discipuli ejus primum: <sup>d</sup> sed quando glorificatus est IESVS, tunc recordati sunt, quia hæc erant scripta de eo, & hæc fecerunt ei.

*Matt: 21. 7.* Et adduxerunt asinam & pullum, & imposuerunt <sup>e</sup> super eos vestimenta sua, & eum de super sedere fecerunt. *Luce 19. 35.* & iactantes vestimenta sua

<sup>e</sup> Apostolorum vestimenta & ornamenta sunt virtutes & mores honesti, his Apostoli ornati alios ornant, ut apti & pulchri sint super quos DEUS sedeat. *S. Bruno:*

<sup>a</sup> Magna prudentia est non omni jure ac potestate uti. *Sylveira.*

Considerate quanto ad vos salvandos utitur artificio: necessitatem se habere facit, dum vestris cupit necessitatibus subvenire. *S. Bern:*

Asina & pullus: peccatores sunt, quibus DEUS videtur indigere ut exponat thesaurum misericordiae suae. *Hugo Carenfis.*

Dni autem demones denotant: valde crudeles in illos quos peccatorum vinculis detinent. *Sylveira.*

Prohibentes, sunt demones, quibus Apostoli sunt fortiores. *Theophylactus.*

<sup>b</sup> Ante ianuam in bivio. Extra Xpi qui est, foris est. In bivio: qui unam fidei vitaeque viam non tenebat sed pluribus deserviebat. *Glossa.*

<sup>c</sup> Qualis ipse est, talem te esse vult. Manifeste jugum ejus portare ut ipse sedeat super te Asinam & pullum filium subjugalis. Asina mulier, pullus ejus, masculus vir. Asina subjugalis, quia mulieris caput est vir & tamen vir filius subjugalis quia per mulierem vir. Sedet super utrumque; Rex mansuetus faciens pacem ut hæc sibi invicem non adversentur. *Drogo Ostiensis.*

<sup>d</sup> Quia adhuc erant simplices & illiterati. *Lorinus.*



**a** Mansuetudinem ostendere voluit eundo ad passionem non elegit currus & equites Equus si perbum animal. *B. Alb: M.*

**b** Asinū vehitur ut omnem suspicionem fugiendæ passionis tam pigrum animal avertat. Sapientia Patris infidet asello cui propria stultitia est. Novit enim ex summa stultitia summam sapientiam facere: quod si unquam, fecit in passione, *Palatior.*

**b** Notavit eorum levitatem in frondibus, quas quilibet excuteret turbo. Ab iisdem arboribus crucem expectans à quibus ramos habuisset.

**c** Certa Christo de hostibus victoria est; ante pugnam palmas exposcit, mors tamen nuper in Lazaro victa iustam triumpho potuit causam dare. *Alex: Inglar: S. I.*

**c** Vere memorabile divinæ operationis insigne ut adversum se testimonium extorqueat invitis: cum Deum negant effectus, vocibus consentunt. *S. Ambrosio.*

**d** O quam dissimile tolle Crucisge & Benedictus qui venit: Hosanna quam dissimile! Rex Israel: & non habemus Regem nisi crucis, & quam dissimiles rami virtute, & crux: flores, & spinæ? *S. Bernardus.*

**e** Pax Hebræis, prosperitatem, salutem, felicitatem omneq; bonum tam corporis quam animi significat. *Cornei: d. Lapid:*

**f** Mira invidorum dementia quem vera docentem noverunt, cum Magistrum appellant, discipulos ejus quasi melius edocti redarguendos æstimant, quos ille instituerat, quem DEUM apparet esse per miracula. *Glossa.*

**g** In medio triumphi in lacrimas prorupit, intuens has mundanas dignitates

**a** super pullum, imposuerunt IESVM. *Mar: 11. 7.* Et sedit super eum. 8. Multi autem vestimenta sua straverunt in via: alij autem frondes cædebant de arboribus, & sternebant in via. 9. Et qui præibant, & qui sequebantur, clamabant dicentes: Hosanna. 10. Benedictus qui venit in nomine Domini: Benedictum quod venit regnum patris nostri David, Hosanna in excelsis.

**c** *Lucæ 19. 37.* Et cū appropinquaret iam ad descensum montis Oliveti, cæperunt omnes turbæ Discipulorum gaudentes laudare Deum voce magna, super omnibus quas viderant virtutibus. 38. Dicentes: **d** Benedictus qui venit Rex in nomine Domini, **e** pax in cælo & gloria in excelsis. 39. Et quidam Phariseorum de turbis dixerunt ad IESVM: **f** Magister increpa Discipulos tuos: 40. Quibus ipse ait: dico vobis, quia si hitacuerint, lapides clamabunt.

**Luc: 19. 41. 8** Et ut appropinquavit, videns civitatem flevit super illam, dicens: 42. Quia si co-

gno-

gnovisses  
die tua, q  
autem ab  
tuis. 43.  
circunda  
& circum  
bunt te u  
prosterne  
in te sunt  
lapidem i  
non cogn  
nis tua.

*Matthæ*  
set Ierosol  
niverfa c  
hie: 11. F  
est IES  
Galilææ.  
um ergo  
rat eum  
cavit de  
vit eum  
obviam  
runt eu  
Pharise  
ipsos: v  
mus; c  
eum abi

exemplo  
faciam. E  
Comm  
bus incip  
c Si di



gnovisses & tu, & quidem in hac die tua, quæ ad pacem tibi: nunc autem abscondita sunt ab oculis tuis. 43. Quia venient dies inte, & circumdabunt te inimici tui vallo, & circumdabunt te, & coangustabunt te undiquè, 44. Et ad tertiam prosternent te, & filios tuos, qui in te sunt, & non relinquent in te lapidem super lapidem: eò, quòd non cognoveris tempus visitationis tuæ.

*Matthæi* 21. 10. <sup>b</sup> Et cùm intrasset Ierosolymam, commota est universa civitas, dicens: Quis est hic? 11. Populi autem dicebant: hic est IESVS Propheta à Nazareth Galilææ. *Ioan:* 12. 17. Testimonium ergo perhibebat turba, quæ erat cum eo, quando Lazarum vocavit de monumento, & suscitavit eum à mortuis: 18. propterea & obviam venit ei turba, quia audierunt eum fecisse hoc signum 19. Pharisei ergo dixerunt ad semetipsos: videtis quia nihil proficimus; <sup>c</sup> ecce mundus totus post eum abiit.

exemplo facturum se dicebat S. Ignatius M. Si bestia venire noluerint, ego vim faciam. Ego urgebo ut devorer: quid mihi profit ego scio. Vide brevior 1. Feb:

Commota civitas mirans frequentiam, nesciens veritatem. *Glossa.* A minori-bus incipit Confessio ut ad majores perveniat. *Ibidem.*

<sup>c</sup> Si dicerent quod ille post mundum vadit: condemnent illum, bene est. Sed quam

potius tristitia quam gaudio ea prosequendas. *Didacus Stella.*

Ostendit viscera misericordie per fletum, *Theophyl:*

Futura præspiciens bonus augur excidium ex tripudio præsigivit. *Iugl:*

Qui dixerat Beati fientes, ipse flevit. *Origenes.*

De suis non habebat quod lugeret, hoc agebat pro alienis. S. *Cbryso:*

Ipsam angit graviter populi contumacia & Sanctæ civitatis oblivio. *Theodoret.*

Videns pulchritudinem exteriorum, deflevit ejus culpam & prænam non tam temporalem quam æternam. *Dionysius Carth:*

Flevit incredulitatem quia resurgente Lazaro non crediderunt S. Aug:

Flet furditatem Ierusalem. *Theophylactus.*

Stupiditatem, quod ipsum non cognoverit. *Idem.*  
Ut singuli discant flere sua, ipse deflet aliena. *Paschasius.*

<sup>a</sup> Post 25. abhinc annos Titus evertit Ierusalem: & ipse everfor tantæ ruinæ illacrymatus. Ex *Baronio.* Flevit & non liberavit, impossibile enim est eum etiam iniuste misereri & parcere *Rupertus.*

<sup>b</sup> Qui serio oblatum regnum fugit, scenicum acceperat: & hoc ad breve tempus: doloris autem & contumeliæ regnum usq; ad mortem retinuit. Intravit urbem cum plausu, ut sævitia irritaret hostium passurus. *Glossa.* Quod postea Dni



quia mundus vadit post illum! Ecce qualia crimina in iudicio hominum agitantur! euntes post mundum nemo damnabit. Si post quem mundus eat, hunc nec ipsa sanctitas liberabit. *Viera. tom: 5. pag: 48.*

*Gentiles qui ascenderant, ut adorarent in die festo, dum IESVM videre operâ Andreæ & Philippi, volunt; Christus horam suæ clarificationis dicit. Sed granum frumenti mortificandū prius, ut multum fructum afferat; ministrantes sibi & sequentes, à Patre honorificandos asserit. Vox Patris auditur, de clarificando nomine suo, Princeps huius mundi foras eijciendus de excacatione Iudeorum secundum prophetiam Isaie. In Christo honoratur aut spernitur Pater. Ioan: 12. à versu 20. ad finem illius capitis.*

*a* Ingressus Ierosolymam Christus cuius adiret diversorium antequam Patris? Expiatio urbis sacrilegæ quàm intendebat inchoari nisi à templo non debuit: unde & authoritas vitijs & origo solet esse virtutibus.

Non ea frons homini Deo, ut in aliena domo posset corrigere, quod neq; dum emendasset in sua.

*b* Armat flagellis affvetam benedictijs manum, indignatus ibi at tolli rerum pretia ubi à se omnia gratis dantur.

*c* Certus ibi, ut plurimum, magis abundare virtutes ubi minus pecuniæ. Non suffert latrocinium in templo quod cum periculo exercetur in sylvis.

*Matthæi 21. 12. ET* intravit IESVS in<sup>a</sup> Templum DEI. *Ioan: 2. 14.* Et invenit in templo vendentes boves & oves, & columbas & nummularios sedentes 15. *b* Et cum fecisset quasi flagellum de funiculis, omnes eiecit de templo, oves quoq; & boves, & nummulariorum<sup>c</sup> effudit æs, & mensas subvertit. 16. & his, qui columbas vendebant dixit: auferte hæc hinc, & nolite facere domum Patris mei, domum negotiationis. 17. Recordati sunt verò discipuli eius

eius, quia  
10.) zelus  
18. Respon-  
dixerunt ei  
nobis, quod  
dixit IESVS  
plurimum hoc  
tabo illud  
dari: quod  
ficatum est  
tribus diebus  
ille autem  
poris suis.  
xisset am-  
scipuli eju-  
crediderunt  
quem dixit  
& erat de-

*Matt:*  
eum cæc-  
sanavit o-  
Principes  
mirabiles  
mantes in  
sanna fili-  
16. Et di-

tes: prius  
officiunt.  
Si in temp-  
fecto in tem-  
greditur ad  
percipiend-  
pet &c. Id  
clamare no-



ejus, quia scriptum est, (*Psal: 68.*  
*10.*) zelus domus tuæ comedit me.  
*18.* Responderunt ergo <sup>a</sup> Iudæi, &  
dixerunt ei: quod signum ostendis  
nobis, quia hæc facis? *19.* Respō-  
dit IESVS & dixit: <sup>b</sup> solvite tem-  
plum hoc, & in tribus diebus exci-  
tabo illud. *20.* Dixerunt ergo Iu-  
dæi: quadraginta & sex annis ædi-  
ficatum est templum hoc & tu in  
tribus diebus excitabis illud? *21.*  
ille autem dicebat de templo cor-  
poris sui. *22.* Cum ergo resurre-  
xisset a mortuis: recordati sunt di-  
scipuli ejus, quia hoc dicebat, &  
crediderunt scripturæ & sermoni,  
quem dixit IESVS. *Lucæ 19. 47.*  
& erat docens quotidie in templo.

*Matt: 21. 14.* Et accesserunt ad  
eum cæci & claudi in templo: <sup>d</sup> &  
sanavit omnes. *15.* Videntes autem  
Principes Sacerdotum & scribæ  
mirabilia, quæ fecit, & pueros cla-  
mantes in templo & dicentes: Ho-  
sanna filio David: <sup>e</sup> indignati sunt.  
*16.* Et dixerunt ei: *faudis* quid isti

tes: prius enim gravioribus malis occurrendum, qualia sunt quæ cultui divino  
officiunt. *Idem.* Negotiatores expelluntur, qui oraturi venerant sanantur. *Idem.*  
Si in templo Christus sanat ut templa revereamur: animæ excitatem &c. pro-  
fecto in templo contrahunt, qui irreverenter versantur. *Idem.* Post præconia pro-  
greditur ad facta prodigiola & Zelos: hæc nempe utilitas ex laudibus humanis  
percipienda ut ad magna urgeamur. Indignus laude qui laudibus auditis tor-  
pet &c. *Idem.* <sup>e</sup> Quod audierunt pueri maioribus acclamatum Christo, ac-  
clamare non cessant. Facile maiorum exemplo *etas* hæc provocari solet. *Forma*  
*da*

Martyriū avaritiæ tolerant quod  
zevius conscientia quam Christus  
flagellat.

<sup>a</sup> Indigni veniā, qui flagellis  
terga subtrahunt non causas. *A-*  
*lojs: Iugl: S. I.*

<sup>b</sup> Si malitia vestra voluerit cū  
mea misericordia contendere, ve-  
stra malitiæ summus conatus erit  
templum hoc solvere. Sed vincet  
ne ob id malitia vestra? minime  
verò, nam adhuc misericordia  
mea invicta triumphabit. Resur-  
rectio enim Christi est summum  
beneficium sine quo inanis esset  
fides nostra. *Bapt: Novat9. tom:*  
*I. n. 234.*

<sup>c</sup> In huius templi structura o-  
mnes SS. progenitores conven-  
runt. Patriarchæ cum gemitibus  
& suspirijs. Prophetæ cum vati-  
cinijs, revelationibus, desiderijs.  
Et iam ædificato templo cum dies  
festivus dedicationis advenisset  
apparuit epigramma. *Hic est Fi-*  
*lius Ioseph.* Sicut olim in quodam  
templo *Sophia me fecit.* Cum  
tantum illa jumentis materiam  
convehentibus fanum suggere-  
ret. Ita Ioseph qui Mariam aluit.  
*Robertus acscripta Minerva. pag:*  
*318.*

<sup>d</sup> Ut deinceps templum viola-  
re auderet nullus, cujus vindicta  
editione miraculorum confirma-  
ta *Novarin in Matth.* Prius eiecit  
vendescentes tum sanavit indigen-  
tes.



hæc ætas ad DEI laudes cum loqui incipit, & si quæ loquitur non intelligat. Idem. f Hic nimirum invidiæ tabescentis mos est ut cum carpere aliquem non potest, alia arguat, ut priora eleuet & condemnet. Idem.

a Bene literati non indignantur sed gaudent. *Glossa.*

b Sumpsit Dominus verba ex Psal: 8. sed subiuncta quæ poterant faciare Iudæos reticuit pro sua mansuetudine.

c Monstrans nobis quod oportet nocte quidem per quietem colloqui cum DEO, die autem morem gerere & prodesse hominibus. *Theophylactus.*

d Mane viget sensus: ideo optima illa diei pars DEO danda *Corn. alap d.*

e Inspicit omnia corda ubi capit reclinet & non invenit in contradicentibus veritati. Secessit ad fideles, & in eis qui obediunt mansionem facit. Bethania namq; significat Domus obedientiæ. *Glossa.*

f Esuriens non fuit naturalis sed significabat desiderium de salute populi *Lycanus.*

g Quare non aliam arborē sed fici accedit? quia alix amplitudine foliorum ita fructum non promittunt. Ingenti spe implere & fructu carere maledictione dignissimum *Sylvestria.* Quia non præmissa flore dare solet poma adeoq; singularitatem affectat. *Ex S. Ambrosio.* Maledictioni

obnoxii qui non sensim per gradus sed repente ad summa evolvant. Idem. In illa arbore salutem hominis esuriebat & ab homine sibi debitum fructum petebat. *S. Paulinus epl: 33.* Arbor hæc synagoga iuxta viam, quia legem habebat; ad viam tamen id est Xpi non pervenit. *S. Hieron:*

b Folia sola verba sine bonis operibus *Sylvestria.*

i Dominus vult hominem speciem perpetuitatis induere ut fructum non accipiat de tempore sed in omni tempore sit maturus illi. *S. Paulinus. Dabit fructum*

dicunt? IESVS autem dixit eis: utiq; nunquam a legistis: quia ex ore b infantium & lactentium perfecti laudem. *Luce 21. 37.* Erat autem dieb; docens in templo, c noctibus verò exiens morabatur in monte, qui vocatur Oliveti. 38. & omnis populus manicabat ad eum in templo audire eum.

*Mar: 11. 11. e* Et circumspēctis omnibus cū vespēra esset hora. *Matt: 21. 17.* Relictis illis abiit foras extra civitatem in Bethaniam, ibiquē mansit. *Mar: 11. 11.* Cum duodecim, 12. Et alia die cū exirent à Bethania. *Matt: 21. 18.* Mane revertens in civitatem, f esuriit, *Mar: 11. 13.* Cūmq; vidisset à longē ( *Matth: 21. 19.* secus viam ) ficum, g habentem folia, venit, si quid fortē inveniret in ea, & cū venisset ad eam, nihil invenit, b præter folia, non enim erat tempus ficorum i 14. Et respondens dixit

ei: iam nunc ex te fructus eet. *Mat: 21. 19.* te fructus & arefactus. 20. Et vultis dicere aruit?

*Mar: 11. 19.* Iymam: & plum capientes in mulieriorum tium b o non fineret vas pbat dice, est, quia tionis vos aute latronum pes Sacerdotes bant quomēbant versa turstrina ejfacta esse

nisi indigni nobis: sub Ultio D e Nunq nomen n e Quia i



ei: <sup>a</sup>iam non amplius in æternum ex te fructum quisquam manducet. *Matth: 21. 19.* Nunquam ex te fructus nascatur in sempiternū; & arefacta est continuo ficulnea. 20. Et videntes discipuli mirati sunt dicentes: quomodo continuo aruit?

*Mar: 11. 15.* Et veniunt Ierosolymam: & cum introisset in templum cepit eicere vendentes & e-  
mentes in templo, & mensas nummulariorum, & cathedras vendentium <sup>b</sup> columbas, evertit. 16. Et non finebat ut quisquam transferret vas per templum. 17. Et docebat dicens eis: nonne <sup>c</sup> scriptum est, quia domus mea, <sup>d</sup> domus orationis vocabitur omnibus gentib⁹? vos autem fecistis eam speluncam & latronum. 18. Quo audito Principes Sacerdotum & scribæ, quærebant quomodo eum perderent: timebant enim eum, quoniam universa turba admirabatur super doctrina ejus. 19. <sup>e</sup> Et cum vespera facta esset, egrediebatur de civita-

nisi indignationis materiam DEUS inveniret: super quo propitius esse poterit nobis: sub quo alio testō securitatem sperabimus. *Idem.*

Ultio Domini est ultio templi sui. *Jerem: 50. v. 15.*  
<sup>e</sup> Nunquid ergo spelunca latronum facta est domus ista in qua invocatum est nomen meum &c. *Jerem: 7. v. 11.*

<sup>a</sup> Quia in Iudæis tenebras reliquit sol egrediens. *Glossa interl:*

3  
in tempore suo. *Psal: 1.* Vita spatium tempus nostrum: nullum sine fructu esse in hac vita debet. *Lorinus.*

<sup>a</sup> Ficus transgressionis arbor est ne amplius viâ ducat ad peccatum arefit. *Isid: Pelusiota.* De-structurus transgressionis peccatum arefecit operculum peccati. *S. Athanas⁹: vias Genes: 3. v. 7.*

*Eicctio vendentium illa de templo superius à S. Ioanne cap: 2. descripta ab hac Marci c. 11. est diversa. Nam illa contigit ab initio prædicationis Christi: hæc vero paulò ante passionem ejus, posuimus tamen utramque illam, quia coram Caiapha in consilio falsi testes obijciebant Christo: nos audivimus eum dicentem: ego dissolvam hoc templum &c. *Mar: 14. 50.* Hanc vero, quia in textu passionis à S. Marco posita est. Bis ergo Christus vendentes de templo eiecit.*

<sup>b</sup> Quomodo pateretur in templo accipitres, prædatoresq; vul-  
turos qui ne columbas venales passus esset? Grave delictum quod à Christo principe propriâ manu punitum est. *Segneri: Conc: 28. in quadrag:*

<sup>c</sup> Scriptum hoc. *Ieremix. 7.*

v. 11.

<sup>d</sup> Non quod alibi præfens non sit. Sed Quod in templo ab omnibus agnosci & honorari velit. *Idem.* Si intem-  
plis etiam nil

Non



<sup>2</sup>  
a Non perfuntoriè pereunt,  
quos DEUS exauthorat. Vide  
Glossam hic.

Mitior pœna Nabuchodonozor-  
is, cujus radices in terra relictæ.

Danielis 4. v. 18.

Gens impia non ad tempus vel  
ex parte corripienda externorū in-  
curribus & per penitentiam libe-  
randa sicut sæpe factum est. Sed  
omni & æterna damnatione puni-  
enda. Non solum humano ex-  
trinsecus, sed divino intus fa-  
vore funditus destituenda, nam  
& vitam perdidit in cælis, & pa-  
triam in terris. V. Beda.

Vita sine fructu, idem est ac  
mors. Ideo ficus cum fructu pri-  
vatur, vitam deperdit. Sylveira  
si exiguus ille labor quo paululū  
de via divertit iusta causa habitus  
est tam severæ maledictionis, quid  
erit cum totius vitæ labores tot  
fatigationes, tot itinera producet  
Christus quæ frustra pro nobis  
suscepit? quam severam maledi-  
ctionem timere debemus? unde  
non mirum si tempore iudicii a-  
rescere homines tanquam arbores  
præ timore dicantur. Novarin9.

b De montium translationibus  
vide in vita S. Gregorij Thau-  
maturgi. 17. 9bris & in vita S.  
Francisci de Paula 2. Aprilis. Et  
Bonifacius Bagata de Admirandis

tom: 1. l. 5. c. 1. parag: 4. Mons hic erat Thabor Abulen: Mons, gravis tentatio  
præsertim ambitionis & superbix quæ vincitur fide & spe. Deum orando & fi-  
duciam in eo reponendo. Sylveira ex S. Augustino.

c Nemo orat nisi qui credit & sperat. S. Bernard: Ser: 4. sup Missus. Oratio  
est conversatio sermocinatioq; cum DEO: eorum quæ concupiscuntur, certa  
fides. S. Greg: Nyss: Sermon: 4.

d Eccl: 28. homo homini. Servat iram: & à DEO querit misericordiam! qua-  
si dicat: frustra. Lyrano. Vide hic glossam pulchrè de orationis effectu ac disposi-  
tione animadvertentem.

Per gratuitam injuriæ vobis ab homine illatæ condonationem, viam vobis ad  
Ic-

te. 20. a Et cum mane transirent  
viderunt ficum aridam factam à ra-  
dicibus. 21. Et recordatus Petrus  
dixit ei: Rabbi, ecce ficus, cui ma-  
lidixisti, aruit. 22. Et respondens  
IESVS ait illis: habete fidem DEI.  
Matth: 21. 21. Amen dico vobis,  
si habueritis fidem & non hæsitaveritis,  
non solum de ficulnea fa-  
cietis, sed et si b monti huic dixeritis:  
tolle & iacta te in mare, fiet.  
Et omnia quæcunq; petieritis in o-  
ratione credentes, accipietis. Mar:  
II. 24. Propterea dico vobis: omnia,  
quæcunq; c orantes petitis, credite,  
quia accipietis, & evenient vobis. 25.  
Et cum stabitis ad orandum dimittite,  
d si quid habetis adversus aliquem, ut & Pa-  
ter vester, qui in cælis est, dimittat  
vobis peccata vestra. 26. Quod si  
non dimiseritis; nec Pater vester,  
qui in cælis est dimittet vobis pec-  
cata vestra. 27. Et veniunt rursus

Ierosolym  
templo, a  
Sacerdote  
28. Et dic  
hæc facis  
potestatem  
SVS autem  
interrogab  
bum, & r  
vobis in q  
30. Baptis  
rat, an ex  
mihi. 31.  
dicentes:  
dicet: qu  
32. Si dix  
mens pop  
bant loan  
esset. 33.  
IESV: ne  
IESVS ai  
in qua po  
Vide in  
que ad  
Christus  
rabolis i  
deducit  
Ierosoly  
excidio,  
de opera  
perato  
stabili



Ierofolymam, & cum ambularet in templo, accedunt ad eum summi Sacerdotes, & scribæ & seniores. 28. Et dicunt ei: in qua potestate hæc facis? & quis dedit tibi hanc potestatem, ut ista facias? 29. IESVS autem respondens, ait illis: interrogabo<sup>a</sup> vos & ego unum verbum, & respondete mihi: & dicam vobis in qua potestate hæc faciam. 30. Baptismus Ioannis, <sup>b</sup> de cælo erat, an ex hominibus? respondete mihi. 31. At illi cogitabant secum dicentes: si dixerimus, de cælo, dicet: quare ergo non creditis ei. 32. Si dixerimus, ex hominibus, timens populum, omnes enim habebant Ioannem, quia verè Propheta esset. 33. Et respondentes dicunt IESV: nescimus. <sup>c</sup> Et respondens IESVS ait illis: neq; ego dico vobis, in qua potestate hæc faciam?

*Vide in Elencho à numero 26. usque ad numerum 48. Quomodo Christus Dominus in multis parabolis Divinum sermonem suum deducit clarissimeq; ait de Urbis Ierofolymitane & Orbis totius excidio, de extremo Iudicij die, de operum bonorum studio, de insperato adventus sui tempore, de stabili & diligenti vigilantia,*

E

DEVM munite ansamq; ut vestras vobis noxas condonet, ultro offerte. *Vision: Antioch:*

<sup>a</sup> Dominus interrogat illos de Ioanne non frustra nec sophistice, sed quia de eo Ioannes perhibuerat testimonium. *Theophil:*

Potuerat aperta responsione calumniam tentatorum confutare: sed prudenter interrogat, ut vel silentio suo, vel sententia condemnentur. *Idem.*

<sup>b</sup> De lucerna mundi obscurantur: unde dicit Psal. 131. Paravi lucernam Christo meo, inimicos ejus induam confusione. *S. Hieronym:*

Duabus de causis scientia occultatur quærentibus: cum aut hic qui quærit minus intelligit, aut odio contemptuque veritatis, indignus est, cui debeat aperiri, propter alterum dicitur, adhuc multa habeo dicere sed non potestis portare: propter alterum nolite dare sanctum canibus. *Beda.*

<sup>c</sup> *Nescimus.* Quid aliud sciat avaritia & turpe lucrum, quibus templum Scatet: quæ bonum & honestum cerni non sinit. *Vision: Antiochenus.*

IHM



tum suam etiam instantem passionem prædixit. Ne qui alia longè eventura prophetarat, sibi mox eventura videretur ignorare, & ne discipuli morte ejus scandalisarentur, putarentq; illa Christo inscio & invito accidere. Quod omnes S.S. Evangelistæ exprimunt, quibus finitis addit S. Matth:

*a* Post sermonem quo se venturum in claritate prædixit, passurum se ostendit, ut sacramentum crucis admixtum esse gloriæ æternitatis ostendat. *Glossa.*

Magnus gloriæ ac passionis nexus: qui illam sperat, hanc pati non defugiat. *Novarinus.*

Judicio memorato, de sua passione agit, ut qui duri judicis iræ se subducere vult, agni passionem & meditetur & imitetur. *Idem.*

*b* Perversos unitas corroborat dum conciliat: & tantò magis in corrigibiles, quantò unanimes facit. S. Gregor: lib. Moral: in Iob. 33. c. 24. & 31.

Ineunt familiaritatem ad malè dicendum, concordēs ad discordiam, conciliant inter se inimicissimas amicitias &c. Conventibus sic in unum, non est dominicam carnem manducare. S. Bernar: Ser: 24. in Cant.

*c* Propter atrium puto, in quo concilium fecerunt, ut Iesum dolo tenerent, & occiderent, desolata est Ierusalem. *Orig. tr. 35 in Matth:*

*d* Gen: 49. Simeon & Levi vasa iniquitatis bellantia in consilium eorum non veniat anima mea de Simeon fratrib; de Levi Sacerdotes. Hoc consilium illorum horrebat Patriarcha Iacob &c. S. Euch: lib: 3 in Genes:

*e* Providentibus Principibus ne Sancto die tumultus oriretur, non festivitati sed facinori studebant. Seditioes enim fieri in præcipua solennitate metuebant, non ut populus non peccaret, sed ne Christus evaderet. S. Leo: Ser: 7. de Pas:

Matth: 26. 1. **E**T factum est: *a* cum consummasset IESVS sermones hos omnes: dixit Discipulis suis: 2. Scitis quia post biduum Pascha fiet, & Filius hominis tradetur, ut crucifigatur. 3. *b* Tunc congregati sunt Principes Sacerdotum & seniores populi, *c* in atrium Principis Sacerdotum, qui dicebatur Caiphas. 4. Et *d* consilium fecerunt, ut IESVM dolo tenerent, & occiderent. 5. Dicebant autem: non in die festo, *e* ne fortè tumultus fieret in populo.

Luce 22. 3.

cognomin  
de duodec  
tus est cur  
tum, & m  
dum c tra  
sunt & pa  
re. Matth  
vultis mib  
tradam. A  
triginta ar  
spondit  
tunitatem  
turbis. 7.  
morum, in  
Pascha. 8.  
Ioannem  
nobis pal  
i at illi di  
10. Et di  
tibus vob  
vobis hon  
aquæ po  
domum, i  
tis patrif

tur S. Ambro  
crebat. M  
lucris etia  
g Viderat  
dign: retine  
tel: Novar  
b Petrum



**Luce 22. 3. <sup>a</sup>** Intravit autem satanas in Iudam, qui cognominabatur Iscariotes, unum de duodecim. 4. Et abiit, & locutus est cum Principibus <sup>b</sup> Sacerdotum, & magistratibus, quemadmodum <sup>c</sup> traderet eis. 5. <sup>d</sup> Et gavisi sunt & pacti sunt pecuniam ei dare. *Matth: 26. 15.* & ait <sup>e</sup> illis quid vultis mihi dare? & ego vobis eum tradam. At illi constituerunt <sup>f</sup> & triginta argenteos. *Luc. 22. 6.* Et spopondit, 8. Et quærebat opportunitatem, ut traderet eum sine turbis. 7. Venit autem dies Azymorum, in qua necesse erat occidi Pascha. 8. <sup>b</sup> Et misit Petrum & Ioannem, dicens: euntes parate nobis pascha, ut manducemus. 9. <sup>i</sup> at illi dixerunt ubi vis paremus? 10. Et dixit ad eos: ecce intrôeuntibus vobis in civitatem, occurret vobis homo <sup>l</sup> quidam amphoram <sup>m</sup> aquæ portans, sequimini eum in domum, in quam intrat. 11. Et dicetis patrifamilias domus: dicit tibi

*tur S. Ambrosius.* Vendidit Christum Iudas, quem certè emere debuerat, nam eo carebat. Mercator non melior quàm Apostolus, depopulator salutis suæ, qui lucrari etiam alienam debuerat.

<sup>g</sup> Viderat Iudas toties Xtm immunem ab inimicis evasisse & alia ejus prodigia retineri tamen non poterat: Tantùm in mentem, quam possidet avaritia, potest. *Novarinus.*

<sup>h</sup> Petrum & Ioannem Xtus misit mensam instructuros: non commisit hoc Iudæ:

E2

quia

<sup>a</sup> Jam ante intraverat ipsum, cum esset fur & oculos habens sed tunc intravit ad eum amplius possidendum: sic in omni peccato diabolus intrat in homines vel ut de novo, vel ut amplius quam ante possideat. *Glossa.*

<sup>b</sup> Pessimè de Sacerdotibus iudicans, qui Deum nisi à se emerent, non haberent. Eorum manus oblata illis re tam Sancta, profanat. *Aloysius Ingle: S. I.*

<sup>c</sup> O Iudas proditor unguentum passionis Iesus trecentis denarijs æstimas & vendis? dives in æstimatione, vilis in sceleris. *S. Ambrosius.*

<sup>d</sup> Gavisi de complice invento, hoc enim est malorum. *Novarinus.*

<sup>e</sup> Demens qui Deo amissio quæreret, non quid dare sibi homines possent, sed quid vellent, cum DEUM non haberi dare quidpiam vel si velint, non possint. *Aloysius Ingle: S. I.*

<sup>f</sup> Obtulerunt Iudæi Ioanni dignitatem Messie, obtulit dæmon Xto totum mundum: recusavit uterq; oblata, quia peccatum exigebatur. At Iudas tam immane peccatum perpetravit, non Messie honore, non regnis omnibus captus, sed solum 30. argenteis: idq; non oblati sed requisiti. Nullum peccatum avarus pro pecunia recusat. *Labata.*

<sup>g</sup> Tam vili auctione patitur æstimari se Christus, ut ab omnibus ematur, ne quis pauper deterreatur.



quia hic aliam mensam parabat, mortem scilicet & supplicia, quæ amantis Domini suavissima sunt fercula. *Novarin:* Petrus & Ioannes paschalem agnum parant; actione nempe & contemplatione paranda mensa Eucharistica. *Idem.*

Ingens Domini paupertas! domo viliq; habitaculo caret: unde inquit ubi vis paremus, proprio scilicet hospitio carenti. *Novarin.*

Sine nomine designatur, ut pauper & ignobilis æstimetur, qui à Dno eligitur. Cujus Sanctitas in hoc apparet, quòd in strato ejus Dnus cum discipulis cum sublimium delectatione virtutum requiescit. *Glossa.*

*m* Cum amphora æquæ ductor ad trichinium paschale designatur ut purificatio omnimoda ad epulum Eucharisticum commendetur.

*a* Pascha transitum vel saltum significat, & cæna Agni sic dicitur, ut in ea transitum ad meliora faciamus. *Novarin.*

*b* Non sibi tantum pascha, sed & discipulis. Domini est etiam servorum curam habere. *Idem.*

*c* Capacitatem ne stupeas si hospitem agnovisti, omnes odit angustias, qui immensus est. *Aloys: Ingl: S. I.*

Cænaculum grande Ecclesia magna est, quâ nomen Domini: strata varietate virtutum & linguarum circumamicta varietate, in qua paratur DEO Pascha. *S. Hieronym:*

*d* Agno pascit, quos ad mansuetudinem educat. *Aloys: Ingl: S. I.*

*e* 4decima die Martij ad vesperam, luna iam terris apparente, juxta legem. *Glossa.*

*f* Desiderat imo Agnum typicum manducare & sic passionis suæ mysteria mundo declarare; ut & antiqui paschatis probator existat, & hoc ad suæ dispensationis figuram pertinuisse demonstrans, iam adveniente veritate umbra cessare debeat, sicut defecit manna postquam Filij Israël comederunt de frogibus terræ. *Glossa.* Etnos ad similia desideria impelli decet. Illene tanto desiderio arserit sese mortalibus donandi & hi cum nausea excipiant &c. *Hautius in Sacm: Amoris: l. 2. pag: 437.* Indignum ut quid aliud concupisceret DEUS. *Tertulia ut.* Non pertinet ad guttur Ecclesiæ, qui fructum hunc non esurit, *Richard: à S. Lau:*

Magister: ubi est diversorium, ubi pascha *a* cum discipulis *b* meis manducem? *Matth: 26. 18.* Tempus meum prope est, apud te facio pascha cum Discipulis meis. *Luc: 22. 12.* Et ipse ostendet vobis *c* cænaculum magnum stratum, & ibi parate. *13.* Euntes autem, invenerunt sicut dixit illis, & paraverunt *d* pascha. *14.* Et *e* cum facta esset hora, discubuit, & duodecim Apostoli cum eo, *15.* Et ait illis: desiderio *f* desideravi hoc pascha manducare vobiscum antequam patiar. *16.* Dico enim vobis: quia ex hoc non manducabo illud, donec impleatur in regno DEI. *Ioan: 13. 1.* Sciens IESVS quia venit hora *g* ejus, ut transeat ex hoc mundo ad Patrem:

S. Ger-

S. Ger-  
cohibere non  
quæ hodie  
pere perfect  
dam ad zte  
b Unatant  
Quia ille die

cum dile  
mundo, i  
cænâ fact  
fisset in c  
Simonis  
omnia ei  
quia à DE  
dit. 4. *d* S  
stimenta  
liateum,  
mittit aq  
lavare pe  
tergere li  
6. Venit e  
& dicit e  
hi lavab  
IESVS &  
tu nescis  
ea. 8. Di  
mihi pec  
ei IESVS

Non lavit  
etiam dita  
illas ipsas  
quæ Pater  
Quis unice  
f Factur  
de obijcere



g S. Gertrudi dixit Xtus: Tanto cum desiderio festino ad te o dilecta quasi me  
cohibere non valeam. Quandoquidem iam in suum meum universa contuli. im  
quæ hodie (dies erat parasceve) per totam Ecclesiam cogitatione, verbo & o-  
pere perfecta sunt, ut ea simul omnia cum Sacramento corporis mei tibi infun-  
dam ad æternam salutem. Lib: 4. i. insinat. c. 36.

b Unatantum hora diei hujus multo maior est die Iosue. d: quo vide Ios: 10.  
Quia ille dies erat Iosue: & hæc est hora IESU. Viera tom: 4to.

cum dilexisset: a suos qui erant in  
mundo, in finem dilexit eos. 2. Et  
cena facta, cum diabolus jam mi-  
sisset in cor ut traderet eum Iudas  
Simonis Iscariotæ. 3. Sciens c quia  
omnia ei Pater dedit in manus, &  
quia a DEO exivit, & ad Deum va-  
dit. 4. d Surgit a cena & ponit ve-  
stimenta sua, & cum accepisset  
lintheum, præcinxit se. 5. Deinde  
mittit aquam in pelvim, & e cepit  
lavare pedes discipulorum, & ex-  
tergere lintheo quo erat præcinctus.  
6. Venit ergo ad Simonem Petrum,  
& dicit ei Petrus: Domine tu mi-  
hi lavabis f pedes? 7. Respondit  
IESVS & dixit ei; quod ego facio,  
tu nescis modò s scies autem post-  
ea. 8. Dicit ei Petrus: non lavabis  
mihi pedes in æternum: respondit  
ei IESVS: si non laverò te, non ha-

a In incarnatione, Pater æter-  
nus tantum amavit homines, ut  
eos plus dilexisse videatur, quam  
suum Filium. In Eucharistia Xp  
tantum dilexit homines, ut plus  
illos dilexisse vidatur quam Pa-  
trem. Idem.

b Adverte ut Patrem vocat si-  
ne addito suum, alias ubiq; fere  
addere solitus: homines autem  
tantum vocat suos, aliud illis no-  
men non imponendo. Et hoc an-  
notat Ioannes cordis Xti secre-  
tarius. Idem.

c Illis manibus in quibus Pater  
omnia collocarat, pedes hominū  
lavat. O humilitas! Idem.

d Dominus ille qui (Psal. 92.  
Regnavit decorem indutus est)  
ponit vestimenta sua, semetipsum  
exinanivit, formam se vi accipi-  
ens: &c. (ad Phil: 2. 6.) Abij-  
cit vestimenta ut expeditior sit:  
præcingit se, ut sordidos p des  
lavatos abstergat, & omnes p res  
servilis officij expedit. Drexler:

e Baptisma pedum affectu tu-  
more capitibus (contusio, quis  
eorum esset maior) applicat. Et  
ijs, a quibus deferendum se sci-  
ret, charitatis pedicas per oscula  
insemit. Iuglar:

Non lavit manibus vacuis, sed plenis: DEUS  
etiam dicit Porro si plenæ manus erant omnibus, quæ Pater in eas posuerat, &  
illas ipsas pedibus supponit, quomodo non plus æstimat hos pedes, quam omnia  
quæ Pater ei dederat. Viera.

Quis unicus prodigus invenitur sicut unigenitus Patris. Guilelmus.  
f Facturus consuetudinem apud suos, ut quæ possederent, ad Apostolorum pe-  
des abjicerent. (Act: Apost: 4. 35.) primus ante alios sciens quia omnia dede-  
rat.



at ei Pater in manus, omnia apud eosdem deponit. Quam speciosi nunc pedes Evangelizantium (ad Rom: 10. 6. Isaix 52. 7.) quando eos ille ipse, qui cælos ornavit, expolit.

Non iam in medio (Luc: 22. 27.) sed ad pedes inclinatus vile munus ministraturus, potentiam infinitam ac divinam ad humanam imbecillitatem inclinauit &c. cælestes manus divinumq; caput sordidorum pedibus subiecit: ut eos abiectionis indignos, ultimosq; servos ad honores cælestes, dignitatem immortalem, divinitatem prope ipsam eveheret. Drexel: de Xto morien: parag: 2.

Tu mihi! ait Petrus, ac si diceret: Videris mihi non novisse te, aut saltem non novissime: certum nihilominus, quod noveris te, & ames me, tantaq; est scientia tua ad dignoscendas has improprietates, quanta amoris potentia ad unien- das distantias. In amore verò infinito distantia dari possunt infinita, quod probant manus DEI pedibus hominum junctæ. *Viera* tomo 2. p. 319. &c.

g Scies postea. In cælo cum eundem revestitum videris sua majestate, quem hodie ex dimidio vides exutum & servili præcinctu linteo. Sublimitatem mysterij incarnationis cælesti lumine piscator unus assequi potuit in terra, 2di hujus profunditatem in tam modica aqua penetrare nequit maximus Apostolus &c. *Viera*.

a Hic patet quam sit anima toto mundo pretiosior. Pro toto mundo Christus non curvavit, nec curvare potuit genu ante diabolum in hominem transfiguratum: & propter animam unam se demittit ad pedes hominis jam diaboli, & ab eo inhabitati Iudæ. *Idem*.

b Emphatica hæc interrogatio, & negatio videbatur & interrogatio: scitis idem erat ac nescitis ita superius, illis verbis. *Sciens*. Sciebat Evangelista studuit Xti scientiam demonstrare, ut sequatur Christum voluisse hic demonstrare hominum ignorantiam. *Ex eodem*.

c Sciens IESVS in finem dilexit quasi perfectus de amandi arte Magister. *Salmeron*:

Nihil frigidius doctore qui verbis duntaxat Philosophatur: neq; enim hoc doctoris est, sed histrionis & Hypocritæ. *S. Chrysost*:

Illius vox fortius auditorum corda penetrat, quam dicentis alio commendat. *Quis*

Quis n

ster: &  
lavare pe  
dedi vob  
feci vob

Matth  
facto dis  
Discipul  
illis dixi

unus ve  
(Mar: 14

22. Et d

singuli o

Domine

ait (Mar

cim) sq

in parop

lius qui

scriptum

mini illi

tradetur

non fuis

dens au

dixit: i

illi: tu

tem eis,

cidit, ut q

est express

cavit lupo

proditores

g Post b

quam flech

remedijs.



*d* Quis nodum argumenti huius solvere valeat? *Labata.*

ster: & vos debetis alter alterius lavare pedes, 15. Exemplum enim dedi vobis, ut quemadmodum ego feci vobis, ita & vos faciatis.

*Matth: 26. 20.* *a* Vespere autem facto discumbebat cum duodecim Discipulis suis. 21. *b* Et edentibus illis dixit: Amen dico vobis, *c* quia unus vestrū me traditurus est, ( *Mar: 14. 18.* qui manducat mecum ) 22. Et *d* contristati valde cæperunt singuli dicere: *e* nunquid ego sum Domine? 23. At ipse respondens ait ( *Mar: 14. 20.* Vnus ex duodecim ) *f* qui intingit mecum manum in paropside, hic me tradet. 24. Filius quidem hominis vadit, sicut scriptum est de illo *g* vā autem homini illi, per quem Filius hominis tradetur: *b* bonum erat ei, si natus non fuisset homo ille. 25. Respondens autem Iudas, qui tradidit eū dixit: *i* nunquid ego sum Rabbi? ait illi: *tu dixisti.* 26. Cænantibus autem eis, accepit IESVS panem, &

cidit, ut quos delicatius accipit Christus, eum gravius ut Iudas offendant. Hoc est expressum. Psalm: 40. Homo pacis meæ qui edebat panes meos, magnificavit super me supplantationem. Iudam hominem pacis suæ vocat; quia etiam proditores pacem afferre possunt, tantum abest, ut auferre queant. *Idem.* *g* Post benevolentia signa etiam minas adhibet, ne ulla res omittatur, per quam flecti Iudæ mens possit. Pij hoc Patris est, post mollia duris quoque, uti remedijs. *Novarinus.*

*a* Arcanis suis diligens noctes, in earum una invisibilem DEUM ostendit in carne, in altera visibilem hominem celavit in pane. *Aloys: Ingl: S. I.*

*b* In mensa de passione agit, hæc enim ejus epulum, hæc amoris delicia, hæc omnes mentis condenda, ut fraves sint. *Novarinus.*

*c* Novit, & non designat nomine, discite aliena scelera in lucem non producere, alieno nomini consulere. Forte etiam ideo non nominat proditorem, ne is fiat impudentior, huc enim evadit, qui timorem evomuit. *Idem.*

*d* Cum alieno ceteri Apostoli trepidarent exitio; Iudas non inhorruit suo. *Ingl:*

*e* Mira discipulorum humilitas, sui que diffidentia. Nullius conficij malitia, tamen singuli Nunquid ego quarant: potest enim qui hodie Ioannes, cras esse Iudas. Non de alio ullus inquit, sed de se sollicitè timet. Quan a bonitas! plus Xti verbis, quam suæ conscientia credunt. Vnus peccaturus & damnandus erat, & timent omnes: in mundo multi damnandi sunt, pauci enim electi, & quotusquisque timet? *Novarinus.*

*f* Voluit Xtus Iudam eadē secum lance uti, ut in amorē alliceret, dum nullum charitatis exhibendæ locum relinquit. Ita amicus habendi inimici. Sic fere acc-

Dispu-



<sup>b</sup> Disputat Philosophia, utrum cuilibet damnato melius foret non esse, quam esse, sed apage istas a guttas post conclusionem Xti, quâ extremam Iudæ miseriam ita exaggeravit. ut nil supra. *Viera.*

<sup>i</sup> Audacia bonam conscientiam, mentitur. *S. Hieron.* Familiari perditis dolo, sat correxisse se crimina credidit, si celasset.

Quis crederet prodigam quandoq; existisse avaritiam? Ecce Iudas paucis nummulis in exhaustum ararium, in quo omnes sunt thesauri sapientiæ & scientiæ absconditi (ad Colos. 2. 3.) commutavit, imò unica effusione abligurivit.

<sup>a</sup> Vocat ea quæ non sunt tanquam ea quæ sunt Rom. 4. v. 17. Frigidè quàm moreretur sepultus in suis, ne totus esset in potestate hostium.

Nomina, quæ humilitas componit minus semper sonant, quàm continent: quod dicit est corpus & sanguis: quod subicit, est anima & divinitas. *Viera tom. 5.*

Quò magis in Xtum Iudas Iudæiq; faviebant, eò maiori amore ardebat majusq; beneficium exhibebat Divinissimam Eucharistiam instituens. *Nowarin.*

In qua nocte tradebatur, instituit Sacram: ut in periculis & angustiis ad illud confugiamus *Idem.*

<sup>b</sup> Et panem gratias agens fregit & calicè gratias agens dedit, ut ostenderet se non ingratis sui corporis fractionem idest occisionem suscipere. *Theophilactus.*

Nathan ut Davidi indicaret quanto amore pauper suam ovem prosequeretur, dixit quod illa ovis de pane sui Domini comedit, de calice bibebat. Quantus iam amor boni Pastoris qui se manducandum bibendumq; propinat *Nowarinus.* Mercedem Xtus Matth. 10. promisit qui vel calicem aquæ frigidæ in ejus nomine dedisset: quid nos exhibebimus Xto, qui calicem non frigidæ, sed amore calentis sanguinis dat nobis. *Idem.*

<sup>c</sup> Erit cum erit virtus colabilis & non fatigabit mandentem, quæ bibentem abiq; opera delectabit tanquam utiq; potus non esca. *Donec inquit bibam illud novum S. Bernard.* Jer. 72. in Cant. Sumpto poculo renunciat corporali portioni *Theophylactus.* Vide Bæzæam de Xto figurato tom. 2. l. 5. c. 12.

benedixit, ac fregit deditq; Discipulis suis, & ait: accipite & comedite: <sup>a</sup> *Hoc est corpus meum.* 27. Et accipiens calicem <sup>b</sup> gratias egit, & dedit illis dicens: <sup>c</sup> bibite ex hoc omnes. 28. *Hic est enim sanguis meus novi testamenti, qui pro multis effundetur in remissionem peccatorum.* Dico autem vobis: non bibam amodo de hoc genimine vitis, usq; in diem illum, cum <sup>d</sup> illud bibam vobiscum novum in regno Patris mei. *Luc. 22. 21. e* Verumtamen ecce manus tradentis me, mecum est in mensa. 22. Et quidem filius hominis, secundum quod definitum est vadit: <sup>f</sup> verumtamen vix homini illi, per quem tradetur. 23. Et ipsi cæperunt querere inter se quis esset ex eis, qui fa-



Adde præceptorem despexerat, ut jam eum non vereretur, sed cum eo intingeret. *Euthymius*. Cum se alij a cibo in quo judicium Dominus posuerat, continerent, tu Iuda manum non retrahis a paropside, quia nec animam a crimine S. Leo.

c Pæna prædicitar, ut quem pudor non vicerat, corrigant denunciata supplicia S. *Hieronymus*.

f Nota sibi erat cuiusq; conscientia, verumtamen quia proximi erat ignota, ita sibi quidem singulus erat certus, ut incerti essent, & in cæteris singuli, & in singulis cæteri. S. *Augustinus*:

Eturus hoc esset. a 24. facta est autem contentio inter eos, quis eorum videretur esse major. 25. Dixit autem eis: b Reges gentium dominantur eorum & qui potestatem habent super eos, c benefici vocantur. 26. d Vos autem non sic: sed qui major e est in vobis, fiat sicut minor: & qui f præcessor est sicut ministrator: 27. Nam quis major, & qui recumbit, an qui ministrat? non ne qui recumbit? ego autem in medio vestrum sum, b sicut qui ministrat. 28. Vos autem estis, qui permanistis i mecum in tentationibus meis. 29. Et ego dispono vobis, l sicut disposuit mihi Pater

a Contentio importuna agere discipulos de primatu, cum Magister ageret de proditore: sed voluit bonus quisq; a se trudere suspicionem proditoris, inito censu honestatis domesticæ. *Velloso In Iudith: pag: 177.*

Verosimile, quod inter se dixerint tu proditurus es: & inde pervenerint; ut dicerent: ego sum melior, ego major &c. *Theophylactus*.

Piscaturæ obliti majores se prætendebant *Viera tom: 2. conc. 8.*

Spiritu Sancto nondum exalto afflati, ambitionis Spiritu multum inflati pulveris instar marini gestiebant elevari. *Idem tom: 2 Serm: 3.*

Opportuna fuit inquisitio ad investigandū sceleris tanti auctorem: non ab alio fonte nisi a vena ambitionis hic riv9. Tu proditor9 es! quare? quia tu videris velle inter nos esse major: & ex tali ambitione proditor demonstraris

*Vincentius Giliert. in Ps: 3 p. 50.* Certiores facti de morte magistri inquirebāt quis eorum videretur major, ut fieret Magister. *Euthym: Nemo est tam tui, tam ignarus sui, ut locum ipsum post te concupiscat. Plin: Paneg: ad Traian: Non est incredibile, quod honore se præveniendi certaverint. Beda.*

b Gentilium meminit, ut ex hoc rem vituperandam ostendat *Cyrillus*. c Princeps & beneficus uno communi termino exprimitur in Hebræo. *Sylveira*. Qui Pater patriæ est, quomodo Dominus est! sed gratius est nomen pietatis, quam potestatis *Tertull: de Augusto nomen Domini recusante*. Blandi sermones eis offeruntur a subditis. *Cyri lus*. Laudatur peccator in desiderijs animæ suæ, potestatibus siquidem omnes adolantur. S. *Bernard: A subditis bene a-*

F

gen-



entes dicuntur, etiam cum agunt iniuste. *Dion: Carth:*  
*d* Multum ab eis distare debetis. *Sylveira.*

*c* Qui Major est auctoritate & honore fiat sicut minor modestia ac animi demissione. *Idem.* Theophylactus pro Minor legit Junior. Iuniorem dicit potestatem Eulbim: Cuidam S. revelatum est. *Hec in calo sedes magni unius e ruentibus Angelis fuit, & nunc humili servatur Francisco.* S. Bonav: vitæ. c. 6. *Idem* S. Fratres suos minores dici voluit. S. verò Franciscus de Paula quâdam sanctæ ambiciosa æmulatione humilitatis, suos Minimos. S. Magd: de Pazzis à DEO accepit dogma: esto Ordinis minimorum & minimorum minima. Cornel: à lapid:

*f* Præesse non audeat qui subesse non didicit. S. Greg: 1. Dial: c. 1. Ecce constitui te super regna ut exellas &c. & plantes Ier: 1. Disce prophético exemplo præsidere non tam ad imperitandum quam ad facitandum, & sarculo tibi opus esse non sceptro. S. Bern: l. 2. ad Eug. Pap:

*g* Videtur mihi non obiter huius recubitus meminisse: sed reducere illis in memoriam, qui de uno pane comeditis, ac de uno calice bibistis; amicos & uanimes una mensa fecerit. *Theophylact:*

*b* Hoc ostenderat in lotionem pedum defacto: addit tamen tanquam, & hinc concludit illum aptum ad succedendum sibi in regimine Eccl: qui fundatus in vera humilitate. *Lyan:*

*i* Non inchoatio patientiæ sed perseverantia celestis regni gloriâ donatur. Cunctarum hæc est columna virtutum: quæ cum bene recta & firma consistit, nihil est certius, nihil tutius bonis moribus: quodsi aliquo deiciatur impulla turbine, non sola labitur: omnia enim prorsus animi bona simul corruunt. *Beda.*

*l* Qui pervenire Regis meretur ad mensam manducabit, quidquid Regni dominatio possidet & Potestas. *Chrysolog:* Hinc Cant: 2. Introduxit me Rex &c. Non sponsus, non amicus, non frater, sed Rex: tanta enim hac in mensa vis deliciarum, quam DEUS Rex dare potest. *Velloso,*

*a* Ut in cribro sapius concusso, sic in mundo hoc undiq; perforato: transeunt grana, paleæ remanent: transit vita cum suis delicijs, & in novissimo nil remanet, nisi peccatum. S. *Chrysost:*

*b* Mi Domine, quare non pro alijs? nonne dixisti omnibus, omnes scandalum patiemini: si periculum naufragiumq; imminet omnibus, quare pro solo rogas Petrum? Quia Petrus providentiâ regebatur Christi: alij sub providentiâ erant Petri: ut patet ex verbis seqq: *Viera tom: 4. Ser: 4.*

*c* De ardore fidei promittebat (inquit S. Hieron:) & Salvator quasi Deus, futura prædicabat.

meus regnum. 30. Ut edatis & bibatis super mensam meam, in regno meo: & sedeat super thronos judicantes duodecim tribus Israël. 31. Ait autem Dominus: Simon, Simon: ecce satanas experivit vos, ut a cribraret sicut triticum. 32. Ego autem rogavi pro te, b ut non deficiat fides tua: & tu aliquando conversus confirma fratres tuos. 33. c Qui dixit ei: Domine tecum paratus & in carcerem

& in

& in mo  
xit: dico  
hodie b  
me non  
hora, &  
ni unus  
lum reli  
quia Pat

Lnc:

Quando  
ra, & c  
quid de  
runt: e  
nunc qu  
similiter  
bet, ver  
mat gla  
quoniam  
oportet  
quis dep  
sunt de  
illi dix  
gladij h

Ioan:

i Spirit  
xit: Am  
unus ex  
spicieba

gladium,  
forte ut  
sed nolui  
S. Ambr:



& in mortem <sup>a</sup> ire. 34. At ille dixit: dico tibi Petre, non cantabit hodie <sup>b</sup> gallus, donec <sup>c</sup> ter abneges me nosse. *Ioan: 16 32.* Ecce venit hora, & jam venit, ut dispergami- ni unus quisq; in propria, & me so- lum relinquatis: & non sum solus, quia Pater mecum est.

*Luc: 22. 34.* Et dixit eis: 35. <sup>d</sup> Quando mihi vos sine sacculo, & pe- ra, & calceamentis, nunquid ali- quid defuit vobis. 36. At illi dixe- runt: <sup>e</sup> nihil. Dixit ergo eis: sed f nunc qui habet sacculum, tollat, similiter & peram: & qui non ha- bet, vendat tunicam suam, & <sup>g</sup> e- mat gladium. 37. Dico enim vobis, quoniam adhuc hoc, quod scriptū, oportet impleri in me: & cum ini- quis deputatus est. Etenim ea quæ sunt de me, finem habent. 38. <sup>b</sup> At illi dixerunt: Domine, ecce duo gladij hic; at ille dixit eis: fatis est.

*Ioan: 13. 21.* IESVS turbatus est <sup>i</sup> Spiritu, & protestatus est, & di- xit: Amen, amen dico vobis: quia unus ex vobis tradet me. 22. <sup>l</sup> A- spiciebant ergo adinvicem Disci-

gladium, qui ferire me prohibes, cur haberi præcipis quem vetas promi? nisi forte ut sit parata defensio; non ultio necessaria & videatur potuisse vindicari sed noluisse; ut sit in lege æquitatis eruditio, in Evangelio bonitatis perfectio. *S. Ambr:* Acumamus ingenium, exerceamus affectum, ut gladium illum quem

<sup>a</sup> Multa charitas animosum reddit Petrum. Theophylact: Hoc verbum fuit amoris, & fer- voris, sed tamen & cuiusdam præsumptionis. Hæc compeſcen- da erat & propterea subditur. *Dico tibi &c. S. Bonav:*

<sup>b</sup> Galli potissimum cantus signū datur, & non aliud: quo notata vana Petri animositas. *Velasq:* in *Epl: ad Phil:* porro de hoc Plato in *Thexteto.* Galli dege- neris instar ante victoriam canit. Qui inaniter præsumit maximè cadit: *Sylveira.* Ex egregio præ- sumptore, de gratia novi testa- menti, tam creber negator factus. *S. Aug: apud Sylw:*

Voce Galli admonetur, ut tene- bras peccati, & dæmonem Leonē fugitet. *Sylveira.*

<sup>c</sup> Nisi modum 3tio negandi Dominus statuisſet, forſan sæpi- us interrogatus, sæpius abnegas- ſet. *S. Maxim:*

<sup>d</sup> Non pera tibi ſumenda eſt, non virga affatim dives eſt, qui cum Xto pauper eſt. *S. Hier: eplā 1. ad Hel:*

<sup>e</sup> Quis ſui operis curam ne- gligat? quis deſerat, ac deſtitu- at, quod ipſe condendum putavi. *S. Amb: 1. 1. Offic:*

Iuſtitia regnantis & generan- tis affectu, in ſe totam tui reci- pit ſolicitudinem. *S. Chryſolog:*

<sup>f</sup> Acſi diceret, hæcenus cuncta vobis uberrimè affluebant, nunc autem volo vos & inopiam expe- riri. *S. Chryſoſt:*

<sup>g</sup> Domine cur emere me jubes



venditâ veste emi Dominus iubet, paratum semper & lucidum, tanquam in vagina mentis reconditum habere possumus. *Idem proemio in Lucam.*

*b* Iussit X<sup>us</sup> venditâ etiam tunicâ parari gladium: cum vero gladios exhibuissent discipuli, manu abnuvit Magister & satis inquit est. Laus nempe maxima est cum possis non ulcisci. *Velloso.*

Potestatis cedit ad gloriam, injurias ulcisci nolle, cum possis. *S. H. Iacobus.*

Duo gladij forte unus novi, alter veteris testamenti, quibus adversus diaboli armamur infidias. *S. Ambrosius.*

*i* Præ nimia compassione turbatur, vehementer enim super eo dolebat. *Euthymius.*

*l* Proditorem Magistri patere posse vultu crediderunt Apostoli, ne lateret proditor aspectant: se mutuo. *Salmeron: & Velloso.*

*a* Quare omnibus alijs, & Petro tremente, Ioannes quasi delicatus recumbit in sinu Domini? cautâ una est, quod præ omnibus diligebatur maximè, & hoc erat signum dilectionis: altera quod volebat se ostendere alienum à crimine, per hoc, quod tam libera illi cū Christo familiaritas. *Theophylactus.*

*b* Panis intinctio significat fictionem Iudæ, qui fictus amicus, venit ad cenam: quæ enim tinguntur, non muntantur sed inficiuntur. *Idem.*

Sicut panis intinctus habet in superficie sporem alium, quàm interiùs, ita Iudas se interiùs simulabat Christi discipulum, cum tamen interiùs esset illius proditor. *Lyranus.*

Rabidum canem intincto studet in paropside sua pane placare; his non illectum blanditijs, deterret minimis.

*c* Cum homini ingrato intrasset, panis inventrem, hostis in mentem. *S. Augustinus.* Quod erat causa salutis, illi factum est materia condemnationis. Quia instrumentum peccatis non peccatus accepit. *S. Petrus Damianus.*

*d* Hoc Christus Iudæ ironicè dixit. *Viera tom: 3. Sermon: 8.* Non imperantis est, a q; constitutis, sed exprobrantis, & permittentis ei, ad prodicionem venire. *S. Chrysostomus.* Non desiderando iniquitatem festinatam Iudæ, sed celerem redem

puli hæsitantes de quo diceret. 23. Erat autem *a* recumbens, unus ex Discipulis ejus in sinu IESV, quem diligebat IESVS. 24. Innuit ergo huic Simon Petrus, & dixit ei: quis est? de quo dicit? 25. Itaq; cum recubisset ille supra pectus IESV, dicit ei: Domine quis est? 26. Respondit IESVS: ille est, cui ego *b* intinctum panem porrexero. Et cum intinxisset panem, dedit Iudæ Simonis Iscariotæ, 27. Et post buccellam introivit in eum *c* satanas. Et dixit ei IESVS: *d* quod facis, fac citius. 28. Hoc autem nemo scivit discumbentium, ad quid dixerit ei. 29. *e* Quidam enim putabant, quia oculos habebat Iu-

redemptione  
Vox hæc no  
tat adversari  
e Innocent  
font ausi, h  
tia iudicium

dis, quod  
ea, quæ o  
festum: a  
30. Cum  
cellam, ex  
*a* nox. 31.  
xit IESV  
filius hon  
tus est in  
mno dicto  
ibat tecum  
montem  
tem illu  
27. Et ai  
dalizabin  
quia scrip  
storem &  
Sed post  
dam vos j  
autem ait  
lizati fue  
30. Et ait  
tibi, quia  
priusquam

(ait S. Hie  
sentit.

*b* Ut de



redemptionem humanæ naturæ. *Dion: Carthus.*

Vox hæc non iubentis est sed finentis, sed intrepidi, sed parati. *S. Leo.* Provo-  
cat adversarium ad pugnam. *Origenes.*

*c* Innocentes & Sancti cum essent Apostoli, nihil mali de proditore cogitare  
sunt ausi, humilis enim difficulter corda proximorum scrutatur & conscien-  
tiæ iudicium refugit alienæ. *S. Iustin: M. de ag: Xti c. 5.*

dis, quod dixisset ei IESVS: eme  
ea, quæ opus sunt nobis ad diem  
festum: aut egenis aliquid daret.

30. Cum ergo accepisset ille buc-  
cellam, exivit continuo, erat autē

*a* nox. 31. Cum autem exisset, di-  
xit IESVS: *b* nunc clarificatus est

filius hominis: & DEVS clarifica-  
tus est in eo. *Mar: 14. 26. c* Et hy-

mnino dicto. *Luc: 22. 39.* Egressus  
ibat secundum consuetudinem in

montem olivarum, secuti sunt au-  
tem illum & Discipuli. *Mar: 14.*

27. Et ait eis IESVS: omnes *d* scan-  
dalizabimini in me in nocte ista,

quia scriptum est: *e* percutiam pa-  
storem & dispergentur oves. 28.

Sed postquam resurrexero præce-  
dam vos *f* in Galilæam. 29. Petrus

autem ait illi: *g* et si omnes scanda-  
lizati fuerint in te, sed non ego.

30. Et ait illi IESVS: *b* amen dico  
tibi, quia tu hodie in nocte hæc

priusquàm gallus vocem bis dede-  
rit.

*(ait S. Hieron:)* Causam dat *S. Aug:* Putat Petrus se posse, quod se velle  
sentit.

*b* Ut DEVS, modum, tempus, horam ac numerum negationis prædicit. *S*  
*Beda*

*a* In eo egressu nox erat, nec  
enim præsto illi erat vir cui no-  
men oriens, cum egrediendo iu-  
stitiæ solem reliquisset. *Origenes.*

Corporales quoq; tenebras nequi-  
tiæ magis opportunas libenter  
accipiebat. *Rupertus.*

*b* Ac si honestatum se Magi-  
ster significaret, cum improbum  
discipulū à sua schola abegisset.

Nexus Magistri, discipulus notæ  
impietatis. *Velloso.*

*c* Urget ad cantiones mensa Eu-  
charistica. *Idem*

In voce exultationis, & confes-  
sionis sonus epulantis. *Pf. 41.* Ut  
quisq; de scripturis sacris, vel

de proprio ingenio potest, pro-  
vocatur in medium DEO canere.

*Tertul: inapolog.*  
*Vinum germinans Virgines. Zach. 9.*  
Hebræus legit Vinum canere faci-  
ens virgines.

*d* Scandalū patiemini, id est metu &  
infidelitate turbabimini. *S. Hilari:*

*e* Scriptum hoc, Zachar. 13.  
n. 7. Percussio Christo pastore,  
ut dispersæ fuerint oves, vel ex

eo patet, cum post resurrectionē  
peregrinum indutus, errabundas  
in Emmaus recolligit. *Viera.*

*f* Ut à timore ludæorum libe-  
ri facilius verbis ejus attenderēt,  
& crederent. *S. Chrysost.*

*g* Est ardens affectus erga Dō-  
minum, qui sic eum loqui cogit,



*Beda.* in Luc. Instruitur ad cavendum non cogitur ad negandum. *S. Ambrosi.*  
Cadit Petrus ut praelati discant compati lapsis. *Novarin.*

*a* In tantum & affectu & charitate Xti efferebatur, ut & imbecillitatem carnis suæ, & fidem verborum Dni non contueretur. *S. Hieron.*

*b* Ante prælum Leones, in prælio cervi.

*c* Gethsemani vallis pinguedinis ex Hebræo. Sicut adipe & pinguedine anima repletur, quæ pro DEO pati incipit. *Novarin.*

*d* Xti oratio nostra quies est ac firmitas. Sedere non possemus nisi ille oraret. *Idem.*

*e* Orat in horto: Oratio vel desertum in hortum deliciarum vertit. Ubi oratio ibi hortus & delicia. Omnia Spiritualia germina in horto mentis pullulant, cum oratione irrigantur. Non legitur in horto orasse Adamus, qui fors non cecidisset si orasset. Orat Xtus, ut lapsos erigat: orat inter arbores, quia inter arbores peccavit et non oravit Adam. *Novarin.*

*f* Participes hi discipuli fuerunt, sunt participes & tristitiz. *Idem.*

*g* Appropinquante morte in se mentis nostra certamen expressit, quia valde timemus morte appropinquante. *S. Greg. 24. Moral. c. 17.* Doles ergo Domine non tua sed mea vulnera. *S. Ambrosi.* in Luc.

*b* Multi vigilant sed non cum Christo, imò contra Xtum: vigilant in sceleribus, impietatibus, & rerum terrenarum amore: more demonum non dormiunt, nisi ut noceant; aut supplantent. *Novarin.*

*i* Oratio elevatio mentis in DEUM: quanto mens elevatur in DEUM, tanto facilis tentatio superatur. *Lyranus.*

*l* Quid avellitur, nisi quod inhæret, & quod infixum, & innexum est ei, a quo avellitur: cum quid extraneum, ita convisceratur, & concarnatur, ut cum

avell-

rit, ter me es negaturus. 31. *a* At ille amplius loquebatur etiam si oportuerit, me simul commori tibi non te negabo. *b* Similiter autem & omnes dicebant.

32. *c* Et veniunt in prædium cui nomen Gethsemani; & ait discipulis suis: *d* sedete hîc, donec *e* orem. 33. Et *f* assumpsit Petrum & Iacobum & Ioannem secum *g* & cepit pavere & tædere. 34. Et ait illis: tristis est anima mea usq; ad mortem: sustinete hîc *b* & vigilate. *Matth. 26. v. 38.* Mecum.

*Lucæ 22. 40.* Et cum pervenisset ad locum, dixit illis: *i* orate, ne intretis in tentationem. 41. *l* & ipse avulsus est ab eis quantum *m* iactatus est lapidis, & positis genibus, *Matt. 26. 34.* *n* Procidit in faciem suam orans & dicens: *o* Pater mi, si possibile est, transeat à me calix iste. *p* Verumtamen non sicut ego volo, sed sicut tu. *Luc: 22. 43.*

avellitur, rapi  
Hic lapis  
fronte & statu  
In terram  
heret. *Novarin.*  
sustineat. *Salm.*  
*o* Postulat n  
bibberet calice  
*p* Licet retr  
da est volunta  
*Augustin.* in P  
mortem, sed  
Majori n

Apparuit a  
confortans  
gonia, p  
factus est si  
gvinis de  
Et cum su  
venisset ad  
eos dorm  
Et ait il  
gite, orate  
nem.

*Mar. 2*  
mon dorm  
râ vigilare  
non intret  
ritus quid  
verò infr  
ens oravit

rum sit: ma  
*d* Prompti  
carnis peric  
prompto. fo  
& Spiritus



avellitur, rapiat secum aliquid ex corpore, cui avellitur. *Tertul. de car. Xti.*

Hic lapis abscissus de monte sine manibus, & jactus & percussit Goliath in fronte & statuam in pedibus. *Dro: Ostien: vid: 1. Reg: 17. & Dan: 2.*

*n* In terram procidit, ut maledictionem terræ auferret, & nos in cælum eveheret. *Novar.* Erubescit faciem levare ad DEUM, cum totius mundi peccata sustineat. *Salmeron.*

*p* Postulat non timore patiendi, sed misericordiâ prioris populi, ne ab illis biberet calicem passionis. *Paschasius.*

*p* Licet retrahente natura sequi oportet DEI voluntatem. *Euthym: Corrigenda est voluntas tua ad voluntatem DEI, non Divina ad tuam incuruanda. S. Augustin: in Ps. 35. Omnes repugnantia in horto non erant, ad excusandam mortem, sed ad declarandam conformitatem. Viera tom: 4.*

Majori necessitate magis decet orationi insilire. *Lyran.*

Apparuit autem Angelus de cælo, confortans eum, & factus in agonia, prolixius orabat. 44. *a* Et factus est sudor ejus sicut guttæ sanguinis decurrentis in terram. 45. Et cum surrexisset ab oratione & venisset ad discipulos suos, invenit eos dormientes *b* præ tristitia. 46. Et ait illis: quid dormitis? surgite, orate, ne intretis in tentationem.

*Mar: 24. 37.* Et ait Petro: *c* Simon dormis! non potuisti unâ horâ vigilare! 38. Vigilate & orate, ut non intretis in tentationem. *d* Spiritus quidem promptus est, *e* caro verò infirma. 39. *f* Et iterum abiens oravit eundem sermonem: di-

rum sit: magnitudo periculi somnum fugat. *Drogo.*

*d* Promptitudinem discipulorum laudat, sed orandi necessitatem ex infirmæ carnis periculo aperit. Iam si periculose agebatur cum illis quorum spiritu prompto, sola caro erat infirma, quo in periculo sunt, quorum & caro infirma, & Spiritus segniss, ac torpidus. *Novarinus.*

*a* Timor quidem sanguinem ad cor revocat, sed vis obedientia, & amor timorem superarunt, & sanguinem, in membra ac sudorem egerunt. *Escobar.* Non solis oculis, sed membris omnibus flevisse videtur. *S. Bern: Sermon: 3. 4dr: Aperiatur terra os suum, & bibat sanguinem tuum, & clamet ad te, & tecum ad Patrem, melius, quam sanguis Abel. Drogo.*

*b* Statim ut recefferis, somnus occupat nos, nec vigilare possumus, nisi quamdiu nobiscum es & suscitatus nos. *Drogo Ostiensis.*

*c* Omnes dormiunt; Petrum signatè alloquitur: superioris error maximè arguendus, ne paria subditi committant. *Novarin: Dormit Petrus; jam via sternitur ad negationem. à minimis scilicet itur ad maxima scelera. Dormiunt discipuli, fugient b evi: torporiste Petri, futura ruina indicium. Idem.*

Dormiunt nunc quia non attendunt, quid post paululum futu-

*Infr.*



*c* Infirmitas ista fortis est violentia. *Tertull.*

*f* Ter orat Dnus ut oremus præteritis peccatis veniam, præsentibus malis medelam, futuris cautelam. *Rabanus.*

*a* Tentati sunt discipuli Dominum deferendo, quia somno potius indulserunt, quàm orationi. *Tertull.*

*b* Numquid alium concedit somnum, ubi requiescitur, & alium prohibet, in quo oculi gravantur? ita est: qui enim vigilat in te, suaviter dormit, & silet, & somno suo requiescit: qui autem dormit à te, sicut ebrius nocte ne scius agitur. *Drogo Ostiensis.*

*c* Contra inermem & paucis stipatum egregiè obarmatos milites ducit: timet scilicet aggredi sine valida manù: & metum ducit à natura scelerum. *Velloso.*

*d* Perditissimus ille mercator monstroſæ impietatis antesignanus, isthic inauditæ perfidiæ suæ prodigium edere statuit, ubi sciebat magistrum nocturnis horis orationi vacare.

Scientia sine virtute, diaboli svasu est, ita Damian: *Epl: 105.* in illud *critis sicut Dij scientes:* Qui vitiorum omnium cavervas moliebatur inducere, cupiditatem scientiæ quasi Ducem exercitus posuit, sicq; postea infelici mundo cunctas iniquitatum turmas invexit.

*e* Cæca nequitia ut est, oculatum pati DEUM non potest.

Cæcitatem laternis prodens non juvens.

*f* Querit ut recognoscant quæ quærant. *Sylveira.*

Tam horrendum erat facinus comprehensionis Christi, quod per admirationem sciscitatur. sunt enim crimina, super quæ DEUS obstupescit. *Idem.*

Propriam divinitatis vocem certa intentione protulit, quod ab effectu claudit, quia adversarios in terram dejecit. *Rupertus.*

cens: (v. 36. Abba Pater omnia tibi possibilia sunt, transfer calicem hunc à me. Sed non quod ego volo, sed quod tu) 40. Et reversus, denuo invenit *a* eos dormientes, erant enim oculi eorum gravati, & ignorabant quid responderent ei. 41. Et venit tertio, & ait illis: *b* dormite jam & requiescite, sufficit: venit hora: ecce filius hominis tradetur in manus peccatorum. 42. Surgite, eamus, ecce qui me tradet, propè est. *Matth: 16. 47. c* Adhuc eo loquente ecce Iudas unus de duodecim venit, & cum eo turba multa. *Ioan: 18. 2. d* Sciebat autem & Iudas, qui tradebat eum, locum; quia frequenter IESVS cōvenerat illuc cum discipulis suis. 3. Iudas ergo cum accepisset cohortem & à Pontificibus & Phariseis ministros, venit illuc cum *e* lucernis, & facibus, & armis. 4. IESVS itaq; sciens omnia quæ vètura erant super eum, processit, & dixit eis: *f* quem quæritis? 5. Re-

ponderu  
Dicit eis:  
& Iudas.  
ipſis. 6. V  
abierunt  
in terram.  
gavit eos:  
dixerunt  
Respondi  
ego sum;  
te hos abi  
mo, quem  
ſti mihi n  
quam.

*Mar: 2*  
dator ejus  
cundq; o  
tenete eu  
Et cum  
ad eum, a  
latus est  
xitq; illi  
venisti? I  
filium ho

mine lzditu  
Suo malo  
xus intentat  
traxit. *Idem*  
*f* Impij c  
præſtandum  
*g* Magiſtr  
dilat hoc p  
*ſunt* Pf. 84.  
*b* Suſcipi



sponderunt ei: IESVM Nazarenū. Dicit eis: <sup>a</sup> ego sum. Stabat autem & Iudas, qui tradebat eum, cum ipsis. 6. Vt ergo dixit eis: ego sum <sup>b</sup> abierunt retrorsum, & ceciderunt in terram. 7. Iterum ergo interrogavit eos: quem quæritis? illi autē dixerunt IESVM Nazarenum. 8. Respondit IESVS: dixi vobis, quia ego sum: <sup>c</sup> si ergo me quæritis, finite hos abire. 9. Vt impleretur sermo, quem dixit: quia quos <sup>d</sup> dedisti mihi non perdidi ex eis quemquam.

*Mar: 24. 44.* Dederat autem traditor ejus, signum eis, dicens: quicumq; <sup>e</sup> osculatus fuero, ipse est, tenete eum, & ducite cautē. 45. Et cū venisset <sup>f</sup> statim accedens ad eum, ait: Ave Rabbi: <sup>g</sup> & osculatus est eum. *Matth: 26. 50.* Dixitq; illi IESVS: <sup>h</sup> amice<sup>i</sup> ad quid venisti? *Luc: 22. 48.* <sup>i</sup> Iuda osculo filium hominis tradis?

mine læditur DEUS. *Iuglares.*

Suo malo didicit perfidus, folis DEUM amoribus capi: funes illi per amplexus intentat, morsus per oscula. Omnem suppellectilem charitatis in usum odij traxit. *Idem.*

<sup>f</sup> Impij citi celeres in malo sunt: tardi & testudinei, ubi aliquid bonum præstandum est. *No-varinus.*

<sup>g</sup> Magistrum vocat & tradit! ut ita ejus doctrinam irrideat & negligat. Quam dicit hoc proditorium osculum ab illo, de quo Propheta: *Iustitia & pax osculatae sunt* Ps. 84. hic iniustitia pacem, & pacis peremptor justitiam osculatur. *Idem.*

<sup>h</sup> Suscipit osculum proditoris ne prodicionem fugere & hostes suos timere

<sup>a</sup> Exurgat DEUS & cadat armatus iste, cadat & conteratur inimicus homo, contemptor DEI, cultor sui, amator mundi, servus diaboli. *S. Bernard.*

<sup>b</sup> Xto prostravit verbo omnes, ut Iudam erigeret. *P. Samu: Laberbittel: S. I.*

Quid jam poterit majestas iudicatura cujus hoc fecit humilitas iudicanda. *S. Leo.*

Tonabit DEUS in voce sua mirabiliter. *Iob: 41. v. 15.*

Imago autem casus ille fuit omnium qui Christo adversantur, quibus omnino terribilis casus imminet. *S. Cyrillus.*

Surgendo lapsus est gravius quam cadendo.

<sup>c</sup> Charior discipulorum quam sua vita Xto, sui oblitus de illis curam agebat, ut bonus Pastor suā salute neglectā. *Sylveira.*

Prius jubet abire antequam fugiant: intendit nempe suorum defectus occultare. Cū enim fuga hæc videri posset indecora ac reprehensione digna. Mandavit *Sinite.* ut non timiditati sed promptæ obedientiæ adscriberetur. *Idem.*

<sup>d</sup> Cum essem cum eis ego servabam eos in nomine tuo quos dedisti mihi custodiri. *Ioan: 17.*

<sup>e</sup> Et osculis & vinculis ab ho-



videatur: amicum vocat à quo traditur: verū si Xti Spiritum induas, amicos cen-  
sebis qui te persequuntur. Amicus etiam qui osculo fingit amicū: vel ideo vocat  
amicum, ut ex ficto faciat verum. *Novarinus.*

*i* Quirit non quia nesciret, sed quia scelus admirabatur. Tot beneficijs do-  
natum in X'm insurgere tam magnum est, ut X'm in admirationem rapiat. *Idem.*

*l* Iuda osculo! admonet eum per ipsius appellationem (Iudas enim vocatur  
confitens) argentum accepisti, confitere citò. *S. Cyril: Hieros.*

Virgas, spinas clavos pertulit nullā expositulatione, Iudæ verò formidat am-  
plexum, catenas non exhorrescit: timet osculum: timet! quod gravissimum te-  
lum sit illecebra virulenta. *Oliua Strom: l. 6.*

X'tus ante Eucharistiam, in Iudæ dura verba. *Satanas.* Et *vx* illi dixit. Sum-  
pta autem Eucharistia à traditorem salutatur *amice* ad quid venisti quid blandius quid  
suavius audiri poterat. Nimirum sit lingua Eucharistis post Eucharistiam, mites,  
fravesq; det sermones ex pectore, quæ in pectus illam dulcedinem trajecit. Ex  
*Novarino in Agro Euch: n. 150.* Diabolum in cœnaculo, amicum vocat in  
horto: acerbitate vocabuli inhiberi non potuit: blandiori titulo nominatus, pœ-  
nitentiā ducitur, crumenam repperit in atrium, utinam sic & fataliorem cupidi-  
tate pestem, veniæ scilicet desperationem non excepiisset. *Oliua.*

*a* Dnus præcepit emere gladi-  
um, non percutere. *S. August: l.*  
*22. contra Faust: c. 22.*

Interrogatur in cassum, si an-  
te responsum exitur in opus &c.  
Levitate usus est Petrus qui ante  
responsum Dni vulneravit. *Simon*  
*de Cassia apud Escobar.*

*b* Petrus eruditus lege, prom-  
ptus affectu, qui sciret Phineæ  
reputatum ad justitiam quod sa-  
crilegas peremisset. *S. Ambr:*  
Petrus qui animosiori constantia  
Dno coharebat. *S. Leo.*

*c* Ipsi Principes Sacerdotū jam  
servi erant peccati, quorum o-  
mnis auditus non in dextris, sed  
in sinistris erat legis & ideo jure  
amputatur ab eis quidquid dex-  
trum erat &c. præciditur auditus  
dexter, cum aufertur intelligen-  
tia divini verbi. *S. Paschasius.*

Percussit aurem: docuit quod au-  
rem habere in specie non deberent, quam in mysterio non habebant. *S. Ambr:*

*d* Aurem viri ferocius instantis abscidit. *S. Leo.*

Andacior hic cæteris fuit heri auctoritate confusus, & infestior Xto Domini sui  
invidiam & malevolentiam imitando. *Escobar.*

49. Videntes autem hi, qui circa  
ipsum erant, quod futurum erat:  
dixerunt ei: Domine *a* si percuti-  
mus in gladio? *Ioan: 18. 10.* Simon  
ergo Petrus habens gladium *b* e-  
duxit eum, *c* & percussit Pontifi-  
cis servum, & abscidit auriculam  
ejus dexteram. Erat autem nomē  
*d* servo Malchus. *II.* Dixit ergo IESVS  
Petro: *e* mitte gladium tuum  
in vaginam; calicem quem dedit  
mihi Pater, non vis, ut bibam illū?  
*Matth. 26. 52. f* Convertite gladiū  
tuum in locum suum. *g* Omnes e-  
nim, qui acceperint gladium, gla-

Offen-



*e* Offendit innocentiam tuam (Christe) qui indigere te credidit defensore, converti jubes gladium, ac si te ulciscendo peccasset. *Iugl.*  
 Voicunq; tu es, locus est beneficentiae, non vindictae. *Idem.*

Patentia Domini in Malcho vulnerata est. *Tertull. de pat. c. 3.*  
 Noluit se Xtus a persecutorum defendere vulnere, qui voluit omnes sanare. *S. Ambr. Contra Sacram.* erat redemptionis nostrae, ut qui mori venerat pro omnibus capi nollet. *S. Leo.*

*f* Locus gladij est vagina non hominis caro &c. Quod est iudicis, piscator non faciat. *Simon de Cassia.*

Quid fanstius intimari ficario potuit si Oniam trucidaret in saltu? Doeg vivit tot Levitis interfectis; & moriatur Petrus praecisa femiauricula laternarij? *Oli-va.*  
 Reponendus est quia gladius Petri non Xti. Non Xti quia infimos vulnerat, & a somno ad ordem profilit. *Oli-va.*

*g* Non arcet tantum a vindicta discipulum sed comminationem addit: quam ergo procul a nobis vult esse Spiritum vindictae in rebus proprijs, qui ita increpat discipulum semet defendentem. *No-varinus.*

dio peribunt. 53. An putas non possum *a* rogare Patrem meum, & exhibebit mihi modò plusquam duodecim Legiones Angelorum? 54. Quomodo ergo implebuntur scripturae, quia sic oportet fieri? *Luc: 22. 51.* Sinite usq; huc, *b* & cum tetigisset auriculam ejus sanavit eum. 52. Dixit autem IESVS ad eos, qui venerant ad se Principes Sacerdotum & Magistratus templi & seniores: *c* quasi ad latronem existis, cum gladijs & fustibus. 53. Cum quotidie *d* vobiscum fuerim in templo, & non extendistis manus in me: sed hæc est hora vestra *e* & potestas tenebrarum.

*a* Videbat Petrum praesumentem, ideo dicit possum rogare Patrem, non vocare Angelos vel adduce e. *S. Thom: Aqu.*

Magna orationis virtus, quã si necesse sit, in nostri defensionem Angelorum legiones mittuntur. *No-varin.*

Quid Angelos poscat in auxiliũ qui Angelorum ruinam patiendò erat, reparaturus? Angelorum legiones in defensionem non postulet qui libenter patiendò Angelus quidam sit. Nam & Stephanus visus est tanquam Angelus. *Idem.*  
 Duodecim legionum meminit quarum summa 72. millia: in quot gentes & hominum linguae sunt divisae, scilicet ut quis se à lingvarum omnium ictibus tueatur vel 72. millia Angelorum in auxilium vocari deberent. *Idem.*

*b* Indignaris profanari cruore sacrilego hortum, quem tuis sudoribus & lachrymis consecrasti. *Iuglares.*

Servum sine lingua tolerasses fortasse, quem sine aure non toleras. *Idem.*

*c* Num mori timet? imò à Petro defendi non vult: quid ergo timet? gloriam suam. Maluisset in templo teneri quam ab armatis circumveniri, tum quia



citiùs passus esset pro nobis: tum quia vinciri posset sine gloria: tædunt miraculorum non vinculorum, horruit quod in luto opprobrii tanti, lerere cogeretur margaritas omnipotentis suæ in elisione cohortis & Malchi curatione. *Oliua Str: l. 4.*

Querens tanquam latronem in agro quæsitum, quem paratissimam victimam semper inuenissent in templo. *Iugl:*

d In templo comprehendi noluit neullam sui causa templum injuriam acciperet: violari templum noluit, cultus divini instaurator. *Novarin:*

e Quando securius potestas tenebrarum vim suam effudit, quam sole captivo? *Iuglaris.* In tenebris adversus me congregamini, quia potestas vestra quæ contra lucem mundi armamini, in tenebris est. *Beda.* Revera noctis attentatis opera & potestas vestra tenebrarum est, atq; idcirco hanc horam observatis, quæ convenit vobis & operi quò me invaditis. *Theophylast:*

a Quotquot graves oculos habuimus ad vigiliam, levissimos habemus pedes ad fugam. *Aloyf: Iugl:*

Pedes Xti manibus paulo ante loti tam turpi fugâ fadantur, lavit eos Xtus, ut puriores in via DEI incederent, non ut eos hac inhonora fugâ collutularent. *Novar:*

b Adolescens ut fugeret abusu viribus suis, nudior relicto præceptore quàm sindone. *Iuglar:*

c Occupant paratum teneri & trahunt volentem trahi: qui si vellet obniti, nihil in injuriam possent. *S Leo.*

Arctatur in vincula myrrhæ fasciculus. A nullo magis sejuncti, quam ab eo, quem sic stringerent. *Iugl:*

Duobus manifestis subitaneisq; miraculis conspectis, mox erecti à terra pedibus Xti debuerunt advolvi, sed ecce è diametro contrarium: *injecerunt manus &c. Vi- era tom: 2.*

Tenetur & ligatur Christus in hortu, quia nimis liberè per hortum vagata est prima mater. Tenetur Xtus comprehenditurq; quia nos sensus nostros per illi c. ta permittimus vagari. *Novarinus.*

d Ad Annam primum ducitur cum esset à Caipha judicandus, ut ad contumelia augmentum & huic ostentarent ministri communem hostem captivum & o-

culos

*Mar: 14. 50.* Tunc discipuli ejus relinquentes eum a omnes fugerunt. 51. b Adolescens autem quidam sequebatur eum amictus sindone super nudo, & tenuerunt eum. 52. At ille rejecta sindone, nudus profugit ab eis. *Ioan: 18. 12.* Cohors c ergo & tribunus & ministri Iudæorum comprehenderunt IESVM & ligaverunt eum. *Ioan: 18. 13.* Et adduxerunt eum d ad Annam primum, erat enim Socer Caiphæ, qui erat Pontifex anni illius. 24. Et misit eum Annas ligatum ad Caipham Pontificem. 14. Erat autem Caiphas, qui e consilium dederat Iudæis: quia f expedit unum hominem mori pro populo.

culos ejus opt  
pro voluptate  
e Facienti  
f Sacerdote  
felicitatem  
homo esset li  
expedit. Non  
Quod iustum

(*Matth: 2*  
duxerunt  
Sacerdotu  
res conve  
autem IES  
lius Discip

*Matth:*  
quebatur  
trium Pri  
an: 18. 15  
erat notu  
cum IES  
16. Petru  
foris. Exi  
qui erat r  
ostiarix  
*Matth: 2*  
d sedebat  
e finem. I

accipientem  
Malè Ev  
d Non po  
lerati se inf  
scuro al. qu  
& aulicis se  
Inter impie  
finum erat



culos ejus optato spectaculo pascere ut ait S. Chrysost. quasi triumphum ducentes & præ voluptate de hac re gloriantes. Sylveira.

<sup>c</sup> Facienti nequissimum consilium, si per ipsum devoluetur. Eccl: 27.  
<sup>f</sup> Sacerdotes, populi electi, hæredes videndum eò cæcitatibus venerunt, ut summâ felicitatem suam reponerent in occidendo homine, quin haud aliter quàm si nec homo esset licere arbitrantur eum è medio tollere non alia de causa, quam quia expedit. Non dignum, non decens est, sed tantum expedit. Segneri.  
 Quod justum non est, non potest esse utile. Cicero & Plutarchus.

(Matth: 26. 57. At illi tenentes duxerunt ad Caipham Principem Sacerdotum, ubi scribæ & seniores convenerant) 15. Sequebatur autem IESVM Simon Petrus, & alius Discipulus.

Matth: 26. 58. Petrus autem sequebatur eum <sup>a</sup> à longe usq; in atrium Principis Sacerdotum. Ioan: 18. 15. <sup>b</sup> Discipulus autem ille erat notus Pontifici & intravit cum IESV in atrium Pontificis. 16. Petrus autem stabat ad ostium foris. Exivit ergo Discipulus alius qui erat notus Pontifici & dixit <sup>c</sup> ostiarix & introduxit Petrum. Matth: 26. 58. Et ingressus intro <sup>d</sup> sedebat cum ministris ut videret <sup>e</sup> finem. Ioan: 18. 19. Pontifex ex-

accipientem impulit in exitum. Drexel.

Malè Eva induxit Adam: malè Petrum introduxit famina S. Ambr:

<sup>d</sup> Non potuit noxia non esse improborum Societas: aulicorum Principis scelerati se inferere nec Petro tutum fuit. Satiùs & consultius ipsi fuisset in obscurò al quo angulo gemere ac precari, quàm impij Pontificis aulam ingredi & aulicis se conjungere. Novarinus.  
 Inter impios impiorum ministros negavit X'm, quem inter discipulos DEI filium erat confessus, tantum bonorum consortium & colloquia ad bonum tan-

Themistocles svaferat Spartanos quadam fraude aggrediendos: sed Aristides subjunxit consiliu hoc utile esse Reip: sed minime honestum: mox cuncti assensu: quod honestum non est, non potest esse utile. Segneri: conc: 4da: 33.

<sup>a</sup> A longè X'm sequitur qui tepidè X'tum sequitur, parum distat quin dimittat & prolatur. Novarinus.

Timor retrahit, Charitas trahit. S. Hieron:

Negare potuisset si X'to proximus adhæssisset. S. Remigius.  
 Satiùs duxit sequens negare, quàm fugiens confiteri. Theodoretus.  
 Petrus promissior egregius caput ambulare longinquius. S. August:  
 Metus naturæ est, cura pietatis: alienum quod timet, suum quod non fugit: quod sequitur, devotionis: quod negat obreptionis. S. Ambr:

<sup>b</sup> Quia rem præclaram narrat quod alijs fugientibus ipse sequeretur ideo suum nomen silet, & Petrum sibi præponit S. Chrys:

<sup>c</sup> O infelix beneficium, quod



tantum malorum ad malum. *Idem.*

<sup>e</sup> Ante finem non est ferendum iudicium, finem si Petrus expectasset, X<sup>m</sup> non negasset. *Viera tom: 5.*

Humana curiositate scire cupiebat quid iudicaret de Domino Pontifex? *S. Hilar: Curiosus nemo qui non sit malevolus & presumptuosus. Plautus.*

Petre ingrederis ad videndum, egredieris ad flendum. *Viera tomo 1.*

Non humiliter neq; constanter ingressus est, & fortasse ideo corruit, quoniam non ut pugnaret sed ut finem videret accessit. *S. Laur: Iust:*

<sup>a</sup> Interrogat ut eum sic accusare possit. *S. Alb: Magn:*

Volens arguere tanquam novæ rei inventorem. &c. *Euthymius.*

Constat non audisse Caiphā quid Magister disputasset, cum petat iudex quæ Christi schola fuerit. *Velloso.*

Dominus taxat ignaviam Pontificis, quod doctrinam publicam non audivisset. Magnates enim raro DEI verbo audiendo vacant. *Salmeron.*

<sup>b</sup> Et si quid dicebatur occulte, nō dicebatur in occulto, quia non dicebatur ut taceretur, sed ut prædicaretur. *S. Augustin:*

Dominus qui multa secretō dixerat, dicit ego palam &c. Sic apud homines increvit consuetudo secreta propalandi, ut in occulto locutus sit nihil, qui in secreto multa dixerat. *Sylveira ex Ruperto.*

<sup>c</sup> Quasi notaretur digito servo h<sup>c</sup>, quod Christum audiverit aliquando & forte laudaverit. Nunquam sic locutus homo Ioan: 7. Notam sibi impactam colapho detergere voluit. *Velloso.*

Ne de animo suo benevolentiaq; Principes suspicarentur, alapa X<sup>m</sup> cadit: solent enim ministri non ferre quidquam adversum se principibus referri. *S. Cyrill: Alexandr:*

Iste tortis percussor & mollis adulator & pro Dno suo Pontifice non fortiter sed stultè zelatus. *S. Rupertus.*

<sup>d</sup> Osconatur occludere veritati servilis aduatio.

Quid hoc impudentius? exhorrescat cælum, contremiscat terra de X<sup>ti</sup> patientia

go <sup>a</sup> interrogavit IESVM de Discipulis & doctrina ejus. 20. Respondit ei IESVS: ego palam locutus sum mundo, ego semper docui in Synagoga & in templo, quo omnes Iudæi conveniunt, & <sup>b</sup> in occulto locutus sum nihil. 21. Quid me interrogas? interroga eos, qui audierunt, quid locutus sum ipsis, <sup>c</sup> ecce hi sciunt, quid dixerim ego. 22. Hæc autem cum dixisset, unus assistens ministrorum, dedit <sup>d</sup> alapam IESV dicens: sic respondes Pontifici? 23. <sup>e</sup> Respondit IESVS: si malè locutus sum, testimonium perhibe de malo; si bene, quid me cædis?

*Lmc. 22. 55.* Accenso autem igne in medio atrij & circumstan-

etia & servi in  
<sup>e</sup> Ad calum  
ne mendacio  
Fit per patie  
lib. 5 in Lu  
te vindicare  
Ubi non resp  
S. Augustinus

tibus illis  
eorum. Io  
servi & m  
frigus er  
Mar: 14.  
in atrio d  
cillis sum  
cum vidit  
se, aspici  
IESV Na  
70. At ill  
bus, dice  
Lmc: 22.  
lum. Mar  
que novi,  
ras ante a  
vit. Mar  
illo janua  
& ait his,  
cum IES  
Alius vid  
illis es? P  
non sum  
negavit c  
tanti crim



tia & servi impudentia. *S. Chrysost.*

*e* Ad calumnias tacendum non est, non ut contradicendo nos ulciscamur, sed ne mendacio inoffensum cursum permittamus. *S. Basil: epl: 65.*

Fit per patientiam ut sua amplius penitentia reverberes verberantem. *S. Ambro: lib. 5 in Luc: Sitis sine querela & simplices Filij DEI. Philip: 2. Quasi is qui se vindicare non posset puerili quodam loquebatur affectu. S. Ambrosius.*

Ubi non respondebat, sicut ovis filebat: ubi respondebat, sicut pastor docebat. *S. Augustinus.*

tibus illis erat *a* Petrus in medio eorum. *Ioan: 18. 8.* Stabant autem servi & ministri ad prunas quia frigus erat & calefaciebant se. *Mar: 14. 66.* Et cum esset Petrus in atrio deorsum, venit una ex ancillis summi Sacerdotis. *67.* Et cum vidisset Petrum *b* calefacientem se, aspiciens eum, *c* ait: & tu cum IESV Nazareno eras. *Matth: 26. 70.* At ille *d* negavit coram omnibus, dicens: neq; scio quid dicis. *Luc: 22. 57.* Mulier, *e* non novi illum. *Mar. 14. 68.* Neq; scio, neque novi, quid dicas? & exivit foras ante atrium, & gallus cantavit. *Matt: 26. 71.* Exeunte autem illo januam, vidit eum alia ancilla, & ait his, qui erant ibi: & hic erat cum IESV Nazareno. *Luc: 22. 58.* Alius videns eum dixit: & tu de illis es? Petrus *g* verò ait: ô homo, non sum! *Matt: 26. 72.* Et iterum negavit cum *h* juramento, quia non

tanti criminis voraginem protractus? una periodus colloquij cum ancilla eum de-

*a* Nocuit brevi etiam tempore inter improbos egisse. *Drex: parag: de Petro.*

Proh quàm facilè inhærent, vel optimis aulæ mores! vix ingressus in illam piscator est, illico & simulare didicit & mentiri.

*b* Corripere Ianitorem Regni sui DEUS oppositâ illi ostiariâ voluit, quæ solertiùs custodiret fores Palatii, quàm ille czli.

Ideo igne indigens quia solè suum sequebatur à longè. *Aloyf: Ingl: S. I.*

Frigus Petrum obgelaverat, non enim erat in atrijs domus Domini, sed in atris Caiphæ. *S. Pasch:*

*c* Ut & iste sexus peccasse in Domini necem videretur. *S. Ambro: Ac si non posset dæmon Petri scelus & magistri necem urgere sine opera muliebri. Velloso.*

*d* Ibi negat ubi veritas non est. *S. Pasch: In domo Caiphæ, ubi potest valere mendacium. Idem.*

*e* Planè non noverat hominem, deferere illum qui poterat.

*f* Ita sopitus, ut ne se quidem Galilæum jam sciret: adesse sibi tempus surgendi ante gallicinium non agnovit.

Non satis est confitentis IESUM involuta, sed aperta confessio: quid prodest verba involuere si videri vis denegasse. *S. Ambros:*

Quâ machina Petrus de czlo in



deiecit: adeo sermonis præsentaneum virus est in morum exterminium. *Oli-va. Strom: 15.*

Corrumpunt mores bonos colloquia prava. 1. *Cer: 15.*

*g* Planè non erat is, quem in horto viderant; ille cohortem contempserat, hic reformidat ancillam.

*b* Iuratus perfidiz suæ testis. Ecce columna firmissima ad unius auræ impulsam tota contremuit. *S. August: Ideo cecidit Petrus quia festaturum credit: & si omnes inquit ego nunquam scandalizabor. Ita est non scandalizaberis sed scandalizabis. Oli-va. Strom: l. 6.*

*a* Peccatum quod pænitiâ non diluitur, ad aliud trahit mox suo pondere. *S. Gregor:*

*b* Quia negavit Xti Societate utiq; se negavit. *S. Ambrosi:*

*c* En quò alij magis urgent, & affirmant, eo Petrus vehementius jurat & obstinatiùs agit. *Visior: Antioch:*

Unum peccatum gradus ad aliud est, sic fit ut ubi lapsi semel fuimus in graviora deinceps labamur. *Novarinus,*

*d* Ter Petrus negavit Christum quia trina verborum formula de se præsumpserat primò. *Et si omnes &c. Matth: 26. v. 33. Tecum paratus sum &c. Luc: 22. v. 33. Etiam si oportuerit me mori. &c. Math: 26. Respondet trinæ præsumptioni trina negatio. Idem.*

*e* Turpe est sese ut fide indignum accusare, & ad juramentum confugere. *S. Basil: in Ps: 14.* Magnum igitur dogma hinc discimus, quia videlicet nullo modo hominis voluntas sufficit, nisi auxilio superiore roboretur. *S. Chrysost:*

*f* Nec jurat se eum tanquam Magistrum minime nosse sed neq; tanquam hominem; in peccato nempe perseverare dat incrementa scelerum. *Novarin:*

*g* Conjecit Christus oculos in Petrum, gallus cantavit, conversus est Petrus. Non respiciente Christo prædicator clamat in deserto: respiciente autem Xto, quamvis voces sint unius galli, convertitur Petrus. Ut Xtus convertat non sunt necessarij Baptista, celebres ve prædicatores seu graves rationes: bruti cujusdam animantis ad convertendum immutandumq; illum, qui ter negaverat, vox sufficit

novi hominem. *Luc: 22. 59.* Et intervallo facto quasi horæ unius, *a* alius quidam affirmabat dicens: verè & hic cum *b* illo erat, nam & Galilæus est. *Matth: 26. 73.* Accesserunt *c* qui stabant & dixerunt Petro: verè & tu ex illis es, nam & loquela tua manifestum te facit. *Ioan: 18. 26. d* Dicit ei unus ex servis Pontificis cognatus ejus, cuius abscidit Petrus auriculam: non ne ego te vidi in horto cum illo? *27.* Iterum negavit Petrus. *Mar: 14. 71.* Ille autem cæpit anathematizare *e* & jurare quia nescio hominem illum, quem dicitis. *Matth: 26. 74.* Tunc cæpit detestari & jurare, quia non novisset *f* hominē, & continuò. *Luc: 22. 60.* Adhuc eo loquente *g* cantavit gallus. *61.* Et

fic. Viera. t.  
B. Torellu  
aliquando ex  
bonam fuge  
phalangiis  
tum canit i  
conversitur.  
DEL clamav  
lus est tibi.

conversus  
trum, & b  
verbi Dom  
14. 72. Pr  
bis, term  
sus foras

Mar: 14  
cerdotes d  
rebant ad  
nium, ut  
nec inven  
testimoni  
versus eup  
monia no  
furgentes  
rebant ad

rus aspectu  
Et ligatus a  
ut in negati  
Respectus e  
S. Aug: legi  
Respicie Do  
S. Ambrosi: i  
viderat esse  
b Pleriq;  
cuntur. Ne  
Xtus ludam



ficit. *Viera. tomo 5to.*

B. Torellus Eremita cum adhuc adolescens lascivam vitam duceret: gallus aliquando ex fenestram ejus humerum devolans ter cecinit: quâ re Torellus ad bonam fugam conversus sancte deinceps vixit. *Bzovius ad Ann. 1282.* Sicut à phalangijs istu medetur non qui peritissimè sed qui appositè ad laborantis affectum canit: ita & peccator non discretissima concione sed quam DEVS magis attemperat convertitur. *De Rupeis.* Pro gallus cantavit, *Origines habet:* postquam Angelus DEI clamavit ei, tunc recordatus est. Qui te à peccato excitat tanquam Angelus est tibi. *Sylveira.*

conversus Dominus <sup>a</sup> respexit Petrum, & <sup>b</sup> recordatus est Petrus verbi Domini sicut dixerat (*Mar: 14. 72.* Priusquam gallus cantabit bis, ter me negabis) 62. Et <sup>c</sup> egres-  
sus foras Petrus <sup>d</sup> flevit amarè.

*Mar: 14. 55.* <sup>e</sup> Summi ergo Sacerdotes & omne concilium quærebant adversus IESVM testimonium, ut eum morti traderent, nec inveniebant. 56. <sup>f</sup> Multi enim testimonium falsum dicebant, adversus eum, & convenientia testimonia non erant. 57. Et quidam surgentes, falsum testimonium ferebant adversus eum, dicentes. 58.

rus aspectu censorio convenitur. *S. Ambros:*

Et ligatus aspexit atq; aspectu opprobavit ei. *Theophylact.* Fieri non poterat ut in negationis tenebris permaneret, quem lux reip x rat mundi. *S. Hieron:* Respectus ejus, profectus tuus. *S. Bernard:* Aspexit & dissolvit gentes. *H. bac: 3.* *S. Aug: legit.* Misertus est DEVS & fecit populos penitentes. *lib: 15. de Civit:* Respice Domine IESU ut sciamus nostrum d fierè peccatum & lavare del. cū. *S. Ambros: in Luc:* Illis turbatum discipulum convenit oculis, quibus eum viderat esse turbandum. *S. Leo.*

<sup>b</sup> Pleriq; penitentiam prætermittunt: quia divinorum verborum obliviscuntur. *Novarinus.*

Xtus ludam septies tum suavis tum comminatorijs verbis aggressus erat tum

H

in

<sup>a</sup> Respici & corrigi idem à Christo provenit. Vidit in te Dominus (*Petrum alloquitur S. Leo Serm: 9. de Pass:*) non idem fectam, non dilectionem averiam, sed constantiam fuisse conturbatam.

Respexit Petrum non corporis sed pietatis intuitu eodem modo quo respexit humilitatem ancillæ suæ. *S. Laur: I. 15. in.*

Quamvis gallus cantasset casum suum à se ipso non sensit, sed Magistri admonitione indiguit: cujus inspectio quasi vox quædam corripientis, auribus Petri insonuit. *S. Chrysost:*

O Bonica! etiam cum negaretur non neglexit discipuli salutem. *Theophylact.*

Petrus in mari (*Matth: 14.*) titubabat, sed non labitur: & confusus in fluctibus, negavit interis: Itaq; illic quasi devotus manu apprehenditur: hic quasi obli-



In triclinio tum in horto: Iudas tamen nec suavibus emollitus, nec penetratius compunctus, nec compassivis contritus in sua obduratione perseveravit. Petrum semel respexit, & hic mox convertitur! tantum refert à Xto respici.

*Viera tom: 1.*

Respicit terram & facit eam tremere *Psalm: 103.* Non est sufficiens concionatoris vox, nisi adsit simul Xti in peccatorem respectus. *S. Gregor: Pap.*

¶ Egre ditur foras occasionem peccandi fugit: hæc veræ penitentia nota est; non horret peccatum, qui peccati periculum non devitat. *Novarinus.*

Exiit foras, exiverunt simul & lacrymæ: quia quousq; non exibat, in occasione & desiderio videndi persistebat, oculi verò dum vident, flere non possunt: videre & flere oculi sunt munia, sed simul exerceri non possunt nisi successivè: exiit ergo non ut fleret, sed ut flere posset. *Viera tom: 1.*

¶ Abundavit fletus, ubi non defecit affectus, & fons charitatis lavit verba formidinis. *Iuglares.*

Omnes negationes Petri fuerunt peccata lingvæ. Si lingua peccavit, cur oculi luunt! lingua potius erat damnanda silentio. Luant oculi, quia licet lingua pronuntiavit; oculi in crimine præcesserunt. Ingressus ut videret fruem licet igitur lingua fuerit negationis instrumentum, oculi puniuntur, qui dederunt aniam. Quare signanter dicitur *flevit amare*? hoc adverbium non copiam lacrymarum, non doloris vehementiam significat: fletus enim oculis, amaritudo debetur linguæ: flebant oculi pro sua & lingvæ culpa; iustum ergo erat, ut amaritudo transferret à lingua ad oculos. Soluit fletus curiositatem; amaritudo negationem. *Viera tom: 1.*

¶ Fatigantur in fingenda calumnia Insulati Poëtæ pravitatem ubi non inveniunt, suppleant suâ. *Iuglares.*

Inquirebant testimonia ut zelo iustitiæ puniretur, quem ipsi zelo invidiæ infectabantur, & iustitiæ velamento invidiam animiq; crudelitatem palliare tentabant. *Simon de Cassia.*

Inter leges ipsas delinquitur, quis inter hæc subveniat? Patronus? sed pravificatur? Index? sed sedet crimina vindicaturus. Et ut reus innocens pereat, fit nocens testis iudex. *S. Cyprianus.*

¶ Testium numerus non fides attenditur. *Iugl.* Falsa testimonia tum locum habent quando cum colore aliquo proferuntur: adversus IESUM autem nec color inveniebatur, qui posset adjuvare mendacia: adeo munda fuit vita IESU. *Origenes.*

Non invenerunt: non quia falsum non invenerunt; sed quia sic invenire non potuerunt, ut falsitas non videretur. *S. Paschasius.*

Iure conveniens non erat, quia dolus & fraus convenerunt. *Sim: de Cassia.*

Non bene conducti vendunt perjuriam testes. *Ovidius.*

¶ Xtus dixerat Ioan: 2. v. 19.

Soluite templum hoc & in tribus diebus excitabo illud. Quomodo falsi testes, si ea dicunt, quæ Dominus dixerat? sed falsus testis est, qui non

¶ Quoniam nos audivimus eum dicentem: Ego dissolvam templum hoc manufactum, & per triduum eodem

eodem sensu  
poris sui, sed

aliud non

59. Et non

monium il

gens summi

interrogav

respondes

bi obijciun

tem taceb

Matth:

cerdorum

DEVM vi

es Christo

IESVS: t

dico vobi

hominis

tis DEI &

cali. 65.

ros ac stolid

Majus est

c Pari ibi

Ne pontific

ponhene in

sum torquen

casione car

logiam & ex

defensione n

d Non ad

stimoniam no

cogendo ad

blasphemum

c Non vi

Diviti.



eodem sensu dicta intelligit quo dicuntur: Dñs enim dixerat de templo corporis sui, sed & in ipsis verbis calumniantur & paucis additis vel mutatis quasi justam calumniam faciunt. S.

*Hieronymus.*

aliud non manu factum ædificabo.

59. Et non erat conveniens testimonium illorum. 60. <sup>a</sup> Et exurgens summus Sacerdos in medium, interrogavit <sup>b</sup> IESVM dicens: non respondes quidquam ad ea, quæ tibi obijciuntur ab his? 61. <sup>c</sup> Ille autem tacebat, & nihil respondit.

<sup>a</sup> Surrexit ut ab omnibus conspiceretur, velut eximium aliquid facturus. Prz ira contineri folio non potuit. Præcepit & impatiens iracundia vel pontificem contra gravitatis & dignitatis formam de folio excussit, tanquam pontificia sede indignus esset, cuius menti iracundia insideret. Sed sic Pontificem illum furor à sede submovet, ut interim vel invitatus vel imprudens Xto DEI Filio ejusq; innocentiz assurgat *Novarinus*.

*Matth: 26. 63.* Et Princeps Sacerdorum ait illi: <sup>d</sup> adjuro te per DEVM vivum, dicas nobis, si tu es Christus Filius DEI? dicit ei IESVS: tu dixisti: <sup>e</sup> verumtamen dico vobis, à modò videbitis filiū hominis sedentem à dextris virtutis DEI & venientem in nubibus cæli. 65. Tunc Princeps Sacerdo-

Eusebius hæreticus Xtiq; abnegator cum in conciliabulo Tyri contra S. Athanasium iudex sederet: S. Potamon E. M. liberè exclamavit Eusebi tu sedes! & Athanasius reus coram te stat! quis hoc ferat? vide Baron: ad An. 335.

<sup>b</sup> Malè interrogantib9 Rex sapiens non respondet, apud inep-

tos ac stolidos opportuniùs quidquam silentio non invenit. *Iugl:* Majus est liberè & fertiter filere: quam defendere se sine ullo profectu. *Origens*

<sup>c</sup> Pari ibi periculo tacet, ac loquitur. *Iuglaret.*

Ne pontifice quidem urgente quidquam adversarijs respondet. An quod responsione indigna erant quæ obijciebantur: An quia sciret quod omne responsum torquendum in calumniam esset: defensionem illi non quærebant sed occasionem carpendi ac calumniandi. Tandem tacuit ut sua taciturnitate Apologiam & excusationem Adæ absolveret. *Novarinus* ex S. Hier: Bene tacet, qui defensione non indiget. S. *Ambr:*

<sup>d</sup> Non adjurat ut fateatur utrum vera testentur: sciebat enim & videbat testimonia non congruere: recurrit ergo ad cardinem & originem controversiæ, cogendo ad fatendum palàm sit ne Filius DEI? si affirmaret, convicturus ut blasphemum: si negaret ut mendacem. *Sylveira.*

<sup>e</sup> Non vidit unde melius corrigeret humana judicia, quàm ingesta mentione Divini.



**a** Indignum se probat vestibus illis, quas lacerat; detegit diloriatatus cariosa conscientia cicatrices. *Ingl:* Mentitur Caiphas dolorem iustum de læsa DEI maiestate. *Vcl. lofo.*

Quem furor de folio excusserat, eadem rabies ad vestes scindendas provocat. *S. Hieron:*

Scindite corda vestra & non vestimenta vestra. *Idél 2. n. 13.*

Nesciens quid hæc significaret infantia, Sacerdotali se honore privavit. *S. Leo.*

Ipse te sp. has & proprijs manibus vestimenta discerpis, oblitus præcepti illius *Levit 21. Cydanim de capite suo non deponet & vestimenta sua non dirumpet. Tu vero à quo alienabatur hæc dignitas ipse tibi executor es opprobrij. Idem.*

Pontifex sua vestimenta scidit, cum tunica Domini ne ab ipsis qui eum crucifixere, scinderetur. *Beda.*

Sæpe qui religiosiores videntur, majori urore Sancta & sacra prosequuntur & contemnunt. *Sylv:*

**b** Punitur blasphemix Sanctus Sanctorum. *I. gl:*

Blasphemos ignis de celo absumpsit vide in vita S. Benitij: Olympius in Africa sub Anastasio Imp: dum SS. Trinitatem in balneo blasphemat ignito iaculo cælitus veniente in cineres reductus. *Vincens in spec. Hist:* alias raras blasphemorum vide apud B. gatam tomo 2. p. 64. n. 7. & 67. n. 5. & 387. n. 13. His omnibus lege rationis dignus erat, qui blasphemix Xrum insimulabat.

Adeo consputus apparuit quod quasi leprosus apparebat. *S. Anselmus.*

Quid his contumelias potest exquiri? in faciem illam quam fluctus maris reverteri sunt quam sol in cruce videns radios suos occuluit; spuebant, cædebant abunde animos suos explentes. *S. Chrysost:*

Isti falsi forte & veraciter longevi. sic irruunt in DEI fortitudinem sicut phreneticus in medicum. *S. Rupertus.* Consputur: qui sputo cæcum illuminarati: hi sputatores densis spuitis Xrm frè, se omnino excant in mente. *Novagrinus.* Hæc cuncte retræ facies quæ sicut sol in Thabor splenduit: certè oculis Patris non minus placet. *Idem.*

tum **a** Scidit vestimenta sua dicens: blasphemavit; quid adhuc egemus testibus? ecce nunc audistis blasphemiam. 66. Quid vobis videtur? at illi respondentes dixerunt: reus est mortis. 67. Tunc exspuerunt in faciem ejus, & colaphis eum cæciderunt, alij autem palmas in faciem ejus dederunt, 68. dicentes: c prophetiza nobis Christe, quis est, qui te percussit? *Luc: 22. 63.* Et viri, qui tenebant illum, illudebant ei cædentes. 64. **d** Et velaverunt eum, & percutiebant faciem ejus; dicentes: prophetiza, quis est, qui te percussit? 65. Et alia multa blasphemantes dicebant in eum. 66. Et ut factus est dies, convenerunt seniores, & Principes Sacerdotum, & scribæ, & duxerunt illum in concilium suum dicentes: si tu es

Spuat in fac  
c Percussor  
râsse. In unu  
gulos intellig  
Prophetare  
velatos: est ill  
quis daturus  
cum quidam  
d Impij, e  
De ijs loqui  
Tam gratiosi  
& eum odio p  
sed emolli  
atrocius eum  
rent, pulvere  
Alij solem p  
nam utin di  
Non avertit  
vultus ejus q  
Velaverunt  
dam Moyse

Christus  
lis: a si vo  
mihi. 68.  
non resp  
mittetis.  
filius homi  
tutis. DE  
mnes: Tu  
ait: vos  
At illi di  
sideramus  
audivimus

ut & verum  
probare, qu  
obiciunt G  
d Quasi d  
Sic termina



gravius ipse se condemnat, & cessante iustitia iudicatur. Quem enim alter iudicat potest utcumq; esse excusabilis: reus autem sine excusatione est, qui conscientia suae iudicio condemnatur. *S. Maxim. Turin. Ser. 2. de pas.*

*f* Confessio Iudae nulla: quia poenitentia fera; quia coram ineptis ministris: quia sine praeparatione: quia non integra. *Escobar.* Nil profuit Iudae fera poenitentia, per quam scelus corrigere non potuit. *S. Hier. Melior filius prodigus qui Luc. 15. Surgam ibo ad Patrem meum & dicam.* Intellexit lapsum, sensit ruinam, jacere se respexit in lubrico: ideo ait surgam. *S. Chrysost.* Effectus huius impraeprationis Confessio non integra. Peccarat indigna sumptione corporis & sanguinis, id est antipata traditione; item peccavit furto multiplici: & solum dicit peccavi tradens &c. *Escobar.* g Stimulante conscientia proditoris pretium retulit, clamat peccavi: audiunt Principes & suam aequae sacrilegam emptionem dissimulantes solum venditorem exagitant. Nihilne ad illos spectabat contractus cum Iuda initi flagitium, in quo hic venditor, illi essent emptores? *Gobendoq* Professio audax atq; caeca emisit se Iusti sanguinem audiunt & extra iudicii reatum futuros esse credunt: cum dicendo *tu videris*; facinus suum in vendente constitunt. *S. Hilarius.* Quid ad nos? Ecce quales Sacerdotes, qui nec suam nec poenitentis attendebant animam! eligendus est confessarius, qui tantum de sui poenitentis quantum de sua sollicitus sit conscientia. Parum est doctum esse, timoratum: oportet esse insuper cordatum: ea est mentis humanae pusillanimitas, ut etiam in tribunali Christi magnates tanquam magnates attendant. *Philipp. 11. Hisp.* Rex in venatione extemporali venae sectione indigebat: advocatur chirurgus ex pago: interrogatus a Rege sciretne cui venam esset secturus? Respondit homini. Estimavit rex responsum pro merito, eumq; in aulae ministerium adlegit. *Viera tom. 1.* Periculosum est humaniter & benevole non excipere peccatores. *Novarin.* Censent Iudam peccasse & inquiunt *tu videris*: peccatum suum non vident. Hae impiorum caecitas est, aliena crimina videre, ad sua oculos non habere. *Idem*

Apparenter namq; audacissimae iniquitatis testantur se passione ferri, & nolle a perperam captis desistere ficto ignorantiae velamine stultè se adoperientes. *S. Chrys.*

a Videre quanta vis Dominicae

Et a projectis argenteis in templo, recessit, & abiens b laqueo se suspēdit. 6. Principes autem Sacerdotum, acceptis argenteis dixerunt:

pecuniae quam inde Iudas reiecit: inde Pharisei oculos non recludunt: iusti enim sanguinis pretii pertimescit iniquitas possidere. *S. Maxim.* Quantum ponderabat eos non projecit in sterquilinum, sed in templo. Nimirum talibus dijs

templum suum devoverat. Avaritia enim simulacrorum servitus est. *ad Colos. 3. v. 5.* Drogo Offens: Aurum Iudaicum populum (vide exod. 32. v. 4.) Sic captivavit aspectu, vicit illecebris & specie praecepit, ut hoc esse DEUM crederent & DEUM verum. *S. Chrysost.* S. 29. Iure sacra loculos moriturus ponit in ara: Nam vivo loculi numinis initar erant. *de Bologne.*

b Ps. 22. Fiat mensa eorum in laqueum. David imprecatus mensam transire in laqueum: & Iudas unam in se mortem laqueo, alteram mensam fuit executus: la-

queo;



deat iniquitatis torrenti se opponere aut in perendinum causam rejicere. *Oliva. tom: 3. con: 6.*

*a* Hoc mane vobis Iudæi templum & altaria diruit, legem & prophetas ademit; regnum & Sacerdotium fustulit, in luctum æternum omnia festa convertit. *S. Leo, Serm: 3.*

*Qui in tenebris & in nocte offendit veniã dignus est, qui autem in die clara offendit nunquam potest culpæ errorem sed incontinentiam suam. Xti quidem discipuli nocte scandalizantur & Petrus antegalli cantum ter negavit, qui autem consilium accipiunt contra IESUM, mane facto in lumine peccant id est scientes. Origenes.*

*b* Consilium hoc sine consilio, Iudicium sine iudicio fuit.

Deum suum vovet furori victimam Sacerdotes. Sceleri ne desit

authoritas, illud coacto consilio publicum faciunt.

*c* Puniuntur in illo virtutes, in quo crimina nequeunt. Non iudicandus sed crucifigendus adducitur. *Iuglares.*

Innocentiam iudici sistunt, vinctum adducunt, quem suis prius funibus vinxit charitas. *Novarinus.*

*d* Tam multis admonitionibus Christi nil flexus est Iudas. Cum verò in ultimum jam effectum res venit, tunc pœnitentiã ducitur, neq; utiliter tunc & ut oportebat. *S. Chrysostomus:*

Diabolus non permittit homini (nisi vigilet) ante ultimum effectum peccati magnitudinem prœvidere ne resiliat: postquam autem peccatum expletum est tunc videre permittit, ut mœrore afficiat & in desperationẽ præcipitet. *S. Chrysostomus:* Tam perversa impij confessio, ut etiam pœnitendo peccaret. *S. Leo Serm: 6.* Ubi pœnitentiæ festinavit ad portum, ibi incidit in æternum & sine reparatione naufragium. *S. Chrysostomus:* Pœnitentia Iudæ non fuit vera, uti spe veniæ carens & desperabunda, qualem patitur mala conscientia torquens & remordens damnatos. *Idem.* Iniquitatem, quam in SS. omnium armaveras, caput in tuum retorquisti, (Iudas alloquitur *S. Leo. Serm: 3.*) ut quia facinus tuum omnem mensuram ultionis excesserat, te haberet impietas tua iudicem, te pateretur tua pena carnificem. Turpius pœnitens, quam peccasset expertus facilius vendi Deum quam redimi. In nullo magis injurius Præceptor, quam quod illi veniæ voluptatem invideret. *e* Videns Iudas, quod ipsemet damnatus esset propter crimen traditionis. *Origenes.* Non Iudam damnat Pilatus, non populus. Sed quod est

gra-

*Matth: 27. 2. a* Mane autem facto *b* consilium inierunt omnes principes Sacerdotum & seniores populi adversus IESUM, ut eum morti traderent. *2. c* Et vinctum adduxerunt eum, & tradiderunt eum Pontio Pilato Præsidi. *3. d* Tunc videns Iudas, qui eum tradidit, *e* quod damnatus esset, pœnitentiã ductus, retulit triginta argenteos principibus Sacerdotum & Senioribus. *4.* Dicens: *f* peccavi tradens sanguinem justum. At illi dixerunt: *g* quid ad nos tu videris? *5.*

gravius ipse se  
potest utcumq;  
suz iudicio co  
f Confessio  
quia sine pœni  
per quam scel  
Surgam ibo ad  
respexit in lu  
onis Confessio  
est antic' pata  
tradens &c. F  
clamat peccat  
mulantes solu  
cum Iuda ini  
Professio auda  
tum futuros e  
stituunt. S. K  
nitentis atte  
nitentis quan  
ratum: oport  
etiam in trib  
Rexin venati  
ex pago: inter  
homini. Edm  
Viera tom:  
catores. No  
um non vide  
non habere.  
Apparenter  
perperã cap

Et *a* proje  
recessit, &  
dit. *6.* Pr  
tum, acce

templum su  
Drogo Offici  
vit aspectu  
& DEUM v  
Nam vivo l  
*b* Pl. 22.  
laqueum: &



gravius ipse se condemnat, & cessante iustitia iudicatur. Quem enim alter iudicat potest utcumque esse excusabilis: reus autem sine excusatione est, qui conscientia sua iudicio condemnatur. *S. Maxim: Turin. Ser. 2. de pas.*

*f* Confessio Iudæ nulla: quia pœnitentia sera; quia coram ineptis ministris: quia sine præparatione: quia nō integra. *Escobar.* Nil profuit Iudæ sera pœnitentia, per quam scelus corrigere non potuit. *S. Hier: Melior filius prodigus qui Luc: 15. Surgam ibo ad Patrem meum & dicam.* Intellexit lapsum, sensit ruinam, jacere se respexit in lubrico: ideo ait surgam. *S. Chrysost.* Effectus huius impræparationis Confessio non integra. Peccarat indigna sumptione corporis & sanguinis, id est anticypata traditione: item peccavit furto multiplici: & solū dicit peccavi tradens &c. *Escobar:* g Stimulante conscientia prodicionis pretium retulit, clamat peccavi: audiunt Principes & suam æque sacrilegam emptionem diffimulantes solum venditorem exagitant. Nihilne ad illos spectabat contractus cum Iuda initi flagitium, in quo hic venditor, illi essent emptores? *Gobendoq* Professio audax atq; cæca emisit se Iusti sanguinem audiunt & extra iudicii reatum futuros esse credunt: cum dicendo *tu videris*; facinus suum in vendente constituant. *S. Hilarius.* Quid ad nos? Ecce quales Sacerdotes, qui nec suam nec pœnitentis attendebant animam! eligendus est confessarius, qui tantum de sui pœnitentis quantum de sua sollicitus sit conscientia. Parum est doctum esse, timoratum: oportet esse insuper cordatum: ea est mentis humanæ pusillanimitas, ut etiam in tribunali Xti magnates tanquā magnates attendant. *Philipp: 11.* Hic Rex in venatione extemporalis venæ sectione indigebat: advocatur chirurgus ex pago: interrogatus à Rege sciretne cui venam esset secturus? Respondit: homini. Estimavit rex responsum pro merito, eumq; in aulæ ministeriū adlegit. *Viera tom: 1.* Periculosum est humaniter & benevolē non excipere peccatores. *Novarin.* Consent Iudam peccasse & inquit *tu videris*: peccatum suum non vident. Hæc impiorum cæcitas est, aliena crimina videre, ad sua oculos non habere. *Idem.*

Apparenter namq; audacissimæ iniquitatis testantur se passione ferri, & nolle à perperâ captis desistere ficto ignorantia velamine stultè se adoperientes. *S. Chrys:*

*a* Videre quanta vis Dominicæ pecuniæ quam inde Iudas rejicit: inde Pharisei oculos non recludunt: iusti enim sanguinis pretiū pertimescit iniquitas possidere. *S. Maxim:* Quantum ponderabat eos non projecit in sterquilinio, sed in templo. Nimirum talibus di-

templum suum devoverat. Avaritia enim simulacrorum servitus est. *ad Colos 3. v. 5.* *Drogo Osiens:* Aurum Iudaicum populum (vide exod: 32. v. 4.) Sic captivavit aspectu, vicit illecebris & specie prædecepit, ut hoc esse DEUM crederent & DEUM verum. *S. Chrysost: S. 29.* Iure sacra loculos moriturus ponit in ara: Nam vivo loculi numinis instar erant. *de Bologne.*

*b* Ps. 22. Fiat mensa eorum in laqueum. David imprecatus mensam transire in laqueum: & Iudas unam in se mortem laqueo, alteram mensam fuit executus: laqueo;



queo; quia se suspendit, mensa quia in peccato communicavit: & corpus occidit & animam, sed crudelior anima quam corporis latro & carnifex. Corpus enim suum mortis occidit instrumento laqueo; Animam verò instrumento vitæ, pane qui dat vitam. *Viera tom. 2.* Divitiæ strangulant guttur mentis nec bonum desiderium in cor intrare sinunt. *Beda.* Laqueus diaboli divitiæ hic Iudam Apostolum strangulavit. *S. Ambrosius.* Ecce infelix qualiter exccatus est, maluit se ipsum perdere, quam denarios perire; denarios templo, seipsum laqueo addixit. Amabat heredes suos, qui eisdem denarios exinde colligerent. Qui etiam nunc reservant in suo corban. Iam diu erat quidem quod à Xto recesserat, & avaritiæ laqueo se suspenderat, sed quod fecerat in occulto, tandem palam innotuit. *Drogo.* Proiecit argentum: invenire quietem in pecunia non potuit, quæ ipsius terror fuit, majorem anxietatem retenta quam acquisita voluptatem afferendo. *Novarinus.* Perdidit Iudas animam suam non pro, sed contra Christum, ideoque nunquam illam invenit.

*a* Vere culicem liquant camelum glutunt, pretium sanguinis non licet recipere, & licuit sanguinem innocentis effundere. *Novarinus.*

O abominanda & odiosa pecunia! quæ nec furto ablata, nec restituta, neque in templo neque in corbona locum habuit cum DEO! Et omnino sic se habet. Si pecuniam furamini, perditis DEUM: si restituitis perditis pecuniam. Si vultis servire DEO: DEUS & pecunia eidem templo non congruunt: si Mammonæ: (*Vide Matth. 6. v. 25.*) DEUS & pecunia non conveniunt in eadem crumena. *Viera tom. 2.*

*b* Peregrinis paravit tumulum, laqueum sibi. *Iugl.*

Xristi sanguis pretium est quo requies comparatur ijs, qui in hac vita se habent, velut peregrini. *Novarinus.* Providentia DEI factum puto: ut pretium salvatoris non peccatoribus sumptum præbeat, sed peregrinis requiem subministret. *S. Ambrosius.* Ut jam exinde Xrus & vivos sanguinis sui passione redimat, & mortuos suscipiat. *S. Augustinus.*

*c* Nomen loco inditum omni clarius tuba sceleratam eorum prædicat eadem, scilicet ager Haceldama iugis exstat testis prænitentiæ Iudæ, innocentis Christi & Chrifticidij Iudæorum. *S. Chrysostomus.*

*a* non licet eos mittere in corbonam: quia pretium sanguinis est. 7. Confilio autem inito, *b* emerunt ex illis agrum figuli in sepulturam peregrinorum. 8. Propter hoc vocatus est ager ille *c* Haceldama, hoc est ager sanguinis usque in hodiernum diem. 9. Tunc impletum est, quod dictum est, per Ieremiam Prophetam dicentem: & acceperunt triginta argenteos pretium appretiatum, quem appretiaverunt à filiis Israël. 10. Et dederunt eos in agrum figuli, sicut constituit mihi Domi-

nus

nus: Ioan.  
IESVM à  
Erat autem  
troierunt  
contamin  
rent pasch  
ad eos for  
sationem  
hunc? 30.  
runt ei: f  
ctor, non  
31. Dixit  
eum vos,  
stram jud  
Iudæi: e  
re quemqu  
impleret  
qua mort  
troivit en  
Pilatus, &  
ei: 8 Tu e  
spondit I  
dicis? an  
35. Respo  
go Iudæu  
e Contra  
Theophyl:  
hoc uno cas  
regni affectu  
Corn: alapide  
f Ego si es  
8 Rex iste  
jugare, Veni



nus: *Ioan:* 18. 28. <sup>a</sup> Adducunt ergo IESVM à Caipha in prætorium: Erat autem manè & ipsi non introierunt in <sup>b</sup> prætorium ut non contaminarentur sed ut manducarent pascha. 29. Exivit ergo Pilatus ad eos foras & dixit: <sup>c</sup> quam accusationem affertis adversus hominē hunc? 30. Responderunt & dixerunt ei: si non esset <sup>d</sup> hic malefactor, non tibi tradidissemus eum. 31. Dixit ergo eis Pilatus: accipite eum vos, & secundum legem vestram iudicate eum. Dixerunt ei Iudæi: <sup>e</sup> nobis non licet interficere quemquam. 32. Vt sermo <sup>f</sup> IESV impleretur, quem dixit significans qua morte erat moriturus. 33. Introivit ergo iterum in prætorium Pilatus, & vocavit IESVM & dixit ei: 8 Tu es Rex Iudæorum? 34. Respondit IESVS: à temet ipso hoc dicis? an alij dixerunt tibi demē? 35. Respondit Pilatus: Nunquid ego Iudæus sum; gens tua & ponti-

<sup>a</sup> Multitudo venit ut quem ratione superare non poterant, saltem vincerent multitudine. *S. Bonav.*

Offerebant IESVM duris nexibus vinculis & clamoribus prædamnatum, ut inter tot præjudicia quæ omnes vellent perire non auderet Pilatus absolvere. *S. Leo Serm.* 8. Tam multos ante iudices sistitur amoris reus, ut quod plures iudices ferrent sententiam, & gravior DEO injuria fieret & iustior in reum censura videretur quæ tam multis doctisq; placuisset. *Velloso ex Salmerone.*

<sup>b</sup> O impia & stulta cæcitas! habitaculo videlicet contaminarentur alieno, & non contaminarentur scelere proprio. *S. August.*

<sup>c</sup> Ad profanum forum novo scelere causa sacra traducitur. *Iugl.* Tradiderunt Pilato ad interficiendum non ad inquirendum, at ille non tulit ut priusquam inquireret, occideret: ideo discere voluit quam accusationem &c. *Euth.*

<sup>d</sup> Quasi dicerent nos sumus tantæ veritatis & iustitiæ quod nobis deberet credi simplici verbo sine alia disquisitione. Et sic homines malitiosi se iustificunt. *Glossa.* Nos ejus factum diligenter examinavimus & invenimus dignum morte non oportet amplius examinare. *Lyran.*

<sup>e</sup> Contra se ipsos dicunt, quia interficiebant quem interficiendum offerebāt. *Theophyl.* Vos Romani abstulistis nobis jus gladij absolute: nolumus ergo illud hoc uno casu usurpare, hoc verò dicebant, quia volebant X̄m ut seditiosum & regni affectatorem ignominiosa morte plecti, quales Romani crucifigebant. *Corn. alapide.*

<sup>f</sup> Ego si exaltatus fuero: &c. *Matth.* 20. v. 18.

<sup>g</sup> Rex iste non venit reges pugnando superare, sed moriendo mirabiliter subjugare. Venit ergo non ut pugnet vivus sed ut triumphet occisus. *S. Fulgert.*

I

Hoc

nus



*a* Hoc est credentes in me etiam si sint in hoc mundo non sunt tamen de hoc mundo. *Glossa interl.* Non quod dominium creaturarum rerum abjiceret, sed quia usum diffimularet. *Oliua. tom. 1. c. 2.* Dicentibus maleficum esse & quo arguerent non habentibus, tacuit tamen: & cum de regno interrogatus est tunc locutus est ad Pilatum, erudiens eum & ad altiora erigens. *S. Chrysost.*

Promptior nempe Xtus ad contumelias suas quam laudes audientas. *Sylveira.*

Erat Rex non talis qualis ab hominibus fit, sed talis ut homines reges faceret. *S. Aug.*

Tritum est illud Caroli Martelli avi Caroli M. qui oblato sibi Franciæ regno respondit nolle se

Regem esse sed velle Regibus imperare. In his qui amorem mundi, DEI amoris præponunt non dignatur divinitas sibi facere mansionem. *S. Cyprianus.*

Nolite timere Reges terræ, non impedit Dominacionem vestram. *S. Aug.*

*b* Regiam Majestatem per concionandi dignitatem, quasi causam per effectum demonstrat; nempe qui Rex est natus, per prædicationem est testificatus. *Vinc. Gillib. t. 1. in p.* In hoc natus sum ut Rex sim: naturā enim hoc habeo, & ex eo quod natus sum de Patre, nam istud ipsum de Rege natum esse, Regem me esse testatur. Et propterea veni in mundum ut istud ipsum dicam & doceam. *Theophylactus.*

*c* Monstrabo tibi cuius rei inopiā laborent magna fastigia quid omnia possidentibus desit, scilicet illi qui verum dicant. Senec: l. 6. de benef. Diogenes sub hasta positus cum rogaretur quo titulo vellet prædicari, isq; responderet se scire imperare liberis. Ubi vidisset quendam bene cultum præterire, huic inquit me vende nam is eget Domino. Veritatem Domini quæ est ipse eme pretio corporis, vel boni operis vel eleemosynarum: nec est timenda simonia si pro hoc spiritali datur temporale. *Hugo carensis.* Hic semel ingressa est incarnata veritas in prætorium Pilati quasi diceret. Eme me quia indiges Domina expandens lucem suam Ego veni &c. Tunc ille pulchritudine divinæ lucis illectas, iudicis munus in Philosophum commutans Quid est veritas? sed quia pretium non muneravit, non obtinuit. Imo cum hoc dixisset iterum exivit ad Iudæos. *Vinc. Gillibert: tom. 1. in p.* Eodem tempore fuit IESUS vir sapiens (si tamen eum virum fas est dicere) erat enim mirabilem patratorem & doctorem eorum qui libenter vera suscipiunt Ioseph Iudæus 18. Antiquitt. cap: 4.

*Qui ex veritate:* opponuntur ijs qui sunt ex contradictione ad Rom: 2. Corn: alapide latus

fices tradiderunt te mihi, quid fecisti? 36. Respondit IESVS: *a* regnum meum non est de hoc mundo; si ex hoc mundo esset; regnum meum, ministri mei utiq; decertarent, ut non traderer Iudæis: nunc autem regnum meum non est hinc, 37. Dixit itaq; ei Pilatus: ergo rex es tu? respondit IESVS: tu dicis quia rex sum ego. *b* Ego in hoc natus sum, & ad hoc veni in mundū, ut testimonium perhibeam *c* veritati: omnis qui est ex veritate, audit vocem meam. 38. Dicit ei Pi-

latus: *a* hoc dixi-  
dæos, &  
venio in

*Luc: 2*  
lum accu-  
venimus  
stram, &  
re Cæsari  
regem esse

ritatis ne d-  
interrogati  
re multorum  
Pulchrior e-  
pro ista eni  
adversus T-  
& vita. *Ioan*  
cundum na-  
Dionys: Pa-  
fortissima  
doctor Bah-  
Babylon pr-  
falsum con-  
demum pro-  
quamus ergo  
orum. *Me*  
men, præci-  
num princ-  
Res Arragon

*b* Non ex-  
tō reverber-  
ad Iudæos,  
veritas per-  
atq; in exi-  
rogat, scien-  
gatione con-  
onem: sic n-  
cipiunt, se-  
proposito n-  
eo qui vos



latus: <sup>a</sup> quid est veritas! & cum hoc dixisset, <sup>b</sup> iterum exivit ad Iudæos, & dicit eis: ego nullam invenio in eo causam.

*Luc: 23. 2.* Cæperunt autem illum accusare, dicentes: <sup>c</sup> Hunc invenimus subvertentem gentem nostram, & prohibentem <sup>d</sup> tributa dare Cæsari, & dicentem se Christum regem esse. 3. Pilatus autem inter-

rogatus ne definitionem quidem audierat, optimum Præceptorem: cuius tamen interrogatione contentus non sustinuit expectare responsum. Ut pote qui more multorum videri vellet veritatis avidus: cum non esset. *Iugl:*

Pulchrior est incomparabiliter veritas Christianorum, quam Helena Græcorum: pro ista enim fortius nostri Martyres adversus sodomam, quam pro illa Heroes adversus Troiam dimicaverunt. *S. Aug:* Quid est veritas? Ego sum via veritas & vita. *Ioan: 14.* Est præstantissimum bonum. *S. Basil:* Unum non multa secundum naturam, verum quippe unum est, mendacium autem multiplex. *S. Dionys:* Facultas res obumbratas in lucem produciens *Philo* Omnium rerum fortissima est veritas. *S. Nazianz: de hoc vide 3. Esdr: c. 4.* Zorobabel id est doctor Babylonis Xrum figurabat cum in Babylone de veritate disputaret. Babylon prætorium imo pectus Pilati, in quo iustitia & iniquitas, verum & falsum confusa tumultuantur: Xrus hanc Babylonem docet veritatem sed illo demum proventu curavimus Babylonem (*Jerem: 51.*) & non est sanata, derelinquamus ergo eam. *Neotericus.* Cæli civis est veritas & sola fruitur convictu deorum. *Menander.* Veritas quidem omnibus innata esse debet, principum tamen, præcipuum ornamentum: adeo ut ad fidem faciendam tantum habeat unum principis verbum quantum privatorum jus iurandum. Dicebat *Alphonfus Rex Arragonum.* Vide plura *Corn: alap: in Ioan: hic.*

<sup>b</sup> Non expectabat ejus responsum quia fuit indignus audire. *Alcuinus.* Merito reverberata acie protinus resiliuit, & responsum non subsistendo egressus est ad Iudæos, qui ambulare cepit in magnis & in mirabilibus super se quid esset veritas percontatus. *S. Bernardus.* Missus Pilatus est in Iudæum vir improbus atq; in exiguo ponens mendacium. *Egesipp: hist: l. 2. c. 5.* Scire cupiens interrogat, sciens autem quod mora opus esset ad questionem, subsistit ab interrogatione confestim egressus. *Euthymius.* Fecit questionem non expectavit solutionem: sic multi transitorio favore conversi ad DEUM vera bona desiderare incipiunt, sed eadem mutabilitate iterum ad transitoria effusi affectu, in mentis proposito non persistunt. *Hugo Victor:* Mirum quod tam cito transferimini ab eo qui vos vocavit &c. ad *Galat: 1.* Quid hoc est ruris in viro nobili? querit



de veritate & suspenso responso Magistrum fugit? metus Pilato erat ne doleret. si Magister veri naturam explicaret, ac proinde suum fuga dolorem redemit. *Velloso.*

c Ah lingvæ non tantum sacrilegæ ob prodicionis perfidiam: sed indigna venia ob immanem simulationem & fictionem &c. *Oliua tom: 2. Conc: paragi: 416. Vbi hoc vitium exagitat.*

d Nisi à blasphemijs causam traduxissent ad tributa, in iudicatus abscessisset IESUS è cancellis prætorij. Uiq; adeo iniquum est regni templiq; jura confundere. *Oliua in Strom:*

a Accersitus de Regno non negavit crimini fidem, quod probabile faceret insita vultui Divino Majestas. *Iugl:*

Certè fulgor ipse & Majestas divinitatis occultæ etiam in humana facie relucebat. *S. Hieron:*

b Hoc est quod IESUS de se dixerat pridie *Venit princeps hujus mundi & in me non habet quidquam.* *Glossa.*

c Maligni querunt obtinere per clamorem, quod non possunt per rationem. *Glossa.*

d Non illum sed se accusant docuisse enim populum & à pristina torporis ignavia commovisse, taliq; actu Iudæam pertransisse non criminis sed indicium est virtutis. *Glossa.*

Oneratum tanta rei gravitate sentiens, molestiam hanc Inimicum in Herodem exonerat adeo apud magnates, ipsa plerumq; officia vindictæ sunt. *Aloys: Iugl: S. I.*

e Non putatur gaudium tantum esse nisi DEI in se habeat injuriam. *Salvianus.* Gavissus non propter devotionem sed propter curiositatem. *Glossa.*

f Si videre Herodes avert & audire, cum missio puero magistrum non evocat: antimet ne Xtus venire negligat! quod si timet? quare non adit, ut quæ Magister docet, auditor excipiat. *Velloso.* Ad illum videndum exire designabatur. *Salmeron.* Evincit sua ignavia Herodes Principes aut raro aut serò veri auditores esse. *Velloso.* Perspicuum est Christi prædicationem reges mundi audire novissimos. *S. Hieron: ad Ionæ. c. 3. v. 5.*

rogavit eum dicens: tu es Rex Iudæorum? a at ille respondens ait. tu dicis. 4. Ait autem Pilatus ad Principes Sacerdotum & turbas: b nihil invenio causæ in hoc homine. 5. At illi c invalescebant dicentes: d commovet populum, docens per universam Iudæam incipiens à Galilæa usq; huc. 6. Pilatus autem audiens Galilæam, interrogavit si homo Galilæus esset. 7. Et ut cognovit quod de Herodis potestate esset; remisit eum ad Herodem, qui & ipse Ierosolymis erat illis diebus. 8. e Herodes autem viso IESU, gavissus est valde: f erat enim cupiens ex multo tempore videre eum; eo, quod audierat multa de eo,

& speraba  
re ab eo fi  
tem eum  
se nihil  
autem P  
scriba co  
II. Spre  
eum exer  
tum veste  
tum. 12. g  
des & Pil  
tea inimic  
Pilatus a  
pibus Sac  
& plebe,  
stis mihi  
vertentem  
coram vo  
sam inven

ademit, a  
citius glori  
vangelicæ  
vulgo & ind  
pertè à sup  
Gregor: E  
cupiebat, il  
tempore  
poralia dum  
c Non oti  
dicia passio  
ciperet. S.  
DEI in testi  
tur, & valde  
stis alba erat  
nam. Notat  
Mysticè sign  
Matth: Parit



& sperabat signum aliquod videre ab eo fieri. 9. <sup>a</sup> Interrogabat autem eum multis sermonibus; at ipse nihil respondebat. 10. Stabant autem Principes Sacerdotum & scribæ constanter accusantes eum. 11. Sprevit autem illum Herodes eum exercitu suo, & illudit <sup>b</sup> indutum veste alba & remisit ad Pilatum. 12. <sup>c</sup> Et facti sunt amici Herodes & Pilatus, in ipsa die, nam antea inimici erant ad invicem. 13. Pilatus autem convocatis principibus Sacerdotum & Magistratibus & plebe, 14. Dixit ad illos: obtulisti mihi hunc hominem, quasi avertentem populum, <sup>d</sup> & ecce ego coram vobis interrogans nullam causam invenio in homine isto, in his, in

ademit, adhuc ab eo responsum exigeret. *Iugl:* Apud hoc hominum genus citius gloriam refert funambulus quidam aut prestigiator, quam sincerus Evangelica veritatis evulgator. *Escobar.* Putavit esse hominem loquacem coram vulgo & indoctas turbas eum sequi, propterea sprevit illum. *Caetan.* Elegit apertè à superbientibus despici, quam à non credentibus vacua voce laudari. *S. Gregor.* Ecce quem vulpes illa malitiosa desideraverat, sprevit, quem videre cupiebat, illudit. *S. Petr. Dam:* In Domino non Spirituale aliquid sed tantum temporale quæsit: quid mirum, quod consecutus spreverit: bona enim temporalia dum habentur in fastidium abeunt. *Sylveira.*

<sup>c</sup> Non otiosum quod veste alba induitur ab Herode immaculatè tribuens indicia passionis: quod Agnus DEI sine macula cum gloria mundi peccata susciperet. *S. Ambr:* In veste alba spretus, in casta carne est passus. *Beda.* Angelus DEI in testimonium innocentie veste alba induitur: eadem de stultitia damnatur, & valde gloriosum est ab iniquissimo stultitia damnari. &c. *Sylveira.* Vestis alba erat ambientium magistratum, hinc candidati: Principum & morionum. Notat ergo Herodes hac veste X<sup>m</sup> affectasse principatum sed ex fatuitate. Mystice significat Xti innocentiam, victoriam, gloriam, immortalitatem. *P. Matth. Paris.*

<sup>a</sup> Quia vidit Xtus Herodem non querere profectum, sed signa vel scientiam velle mirari, requisitus ab eo tacuit. *S. Greg:* Sciens eum signum velle non utilitatis sed oblectationis causâ. *Euthym:* Noluit coram Herode concionari & miracula patrare quia si id fecisset, omnino eum liberasset. *Dion: Carth:* Nihil respondit quando quidem illud erat. *Theophyl:* Neq; decebat ut celestia signa coram eo ederet, qui prestigijs spectandis, quam divinæ virtutis miraculis addictior erat. *Titus Boslr:* Nec Herodes merebatur videre divina: & Dnus jactantiam declinabat. *S. Ambr:* Vt exemplum nobis præberet ostentationis coram magnatibus, vitandæ. *Dionys: Carth:* Lupum quia viderat Agnus, tacet. Non habes quod majus obicias DEO misero, verbo muto. *Iugl:*

<sup>b</sup> Illudit planè Herodes Christum in eo vel maximè, quod cum illi vocem. Ioannem videlicet,

Impi-



*d* Impios qui veræ amicitia capaces non sunt, solius conciliat improbitatis affinitas. *Iugl.* Vide quam discrepantia congreget diabolus, solum ut Xto mortem præparet: in unam enim conspirationem copulat & conciliat inimicos. *Theophyl.* O novum livoris effectum! tam tenaciter novit dissidentia conglutinare: tam firmiter dissociata connectere, ut iure pacifici nomen ei tribuendum foret in oñonario Beatitudinum: nisi pax ista ad infelicitatem & intereccionem non ad beatitudinem traheret. *Vinc. Gillibert.* Decebat eum qui mundum pacificaturus erat, ut prius ipsos suos iudices pacificaret. *S. Cyrill. Ieruf.* F ciens utraq; unum duos ex diverso parietes in se copulare capit. *S. August.* Herodes Iudæos, Gentiles Pilatus significabant. Hoc nefandissimum Herodis & Pilati fædus quod in occidendo Xto pepigerunt, hac enus eorum velut hæreditario iure successores custodiunt: cum Iudæi & gentiles in Xtianis persequendis consentiunt. *Beda.*

*c* Æstuat Proconul inter innocentiam accusati & rabiem calumniantium, inde desiderans non adhærere accusantium iniquitati & agnum innoxium non obicere Leonum laniens, inde autem popularem auram consequi cupiens & primatum gratiam, suscepit consilium in speciem mansuetum sed ipsa re crudelissimum: Columnam posuit ad quam Xtus nec dimissus nec necatus laceraretur verberibus. *Emendatum ergo* *Gr.* Consequentia pessima & Tartarea deformitas mediæ conditionis. Quæ nunquam non est noverca: decretorum in speciem æquorum mater & perniciosorum consiliorum: ubi agitur de inflectenda iustitia seu civili inter litigantes, seu capitali inter reos innoxios & calumniatores violentos. *Oliva. Conc. tom. 2. parag. 388. ubi recenset quæ absurda ex medio hoc ab Herode adinuento fluxerint nempe tormenta intermedia ante crucem.*

*a* Quem occidi satis superq; fuisset concidit primum Pilatus, tum spinis coronatum crucifixit, ecquando tantum, vel somniavit scribarum livor probrorum dolorumq;: impetravit quod non poposcerat, in Dnum supplicia fasto principum præferox. Adeo tetrior sæviorq; livore pietas est: nisi statim invidorum postulata rescindat in limine. *Idem in Strom.*

*b* Vide Matth. habet Non audis *Gr.* 27. v. 13. Non audiebat Xtus quia tanquam non audivisset audiebat. Xty Dnus illa die pro peccatis nostris quæ sua fecerat, satis facturus erat, & qui Deo pro peccatis, vult satisfacere, non habet aures quid homines contra se loquantur. *Psal. 37. v. 14. Ego tanquam furdus.* Dicant homines iudices, condemnent quantumcunq; & quodcunq; velint, qui de satisfaciendo pro peccatis tractat serio idq; agit ut a DEO iudicetur bene, hominum iudicium flocci facit. *Viera tom. 5.*

quibus eum accusastis. 15. Sed neq; Herodes: nam remisi vos ad illum, & ecce nihil dignum morte actum est ei. 16. *a* Emendatum ergo illum dimittam. *Mar. 15. 3.* Et accusabant eum summi Sacerdotum in multis. 4. Pilatus autem rursus interrogavit eum, dicens: non respondes quidquam? *b* vide in quantis te accusant. 5. IESVS autem amplius nihil *c* respondit, ita, ut miraretur

*c* Fortius reddit: silentium necesse est, ut vinceret &c. lum, certe patientia tua silentium habite inhortatur magis ac foliis elucefcit: ito magis se præfigit lere proprium ne doloris remissa nulla possit e

Pilatus. 6. Solebat dicitur, quem 27. 16. Hæc cum infigebat rabbas. M. tiosis erat ne fecerat ascendisset cut semper autem refectis dimittitur? Io. invidiam Sacerdote

Patre diabolo diabolus Barabbas Hieronymus adfunt Callisto populi torum ut ag Magister cor



*c* Fortius multo respondisse visus est qui immerito accusatus responsum non reddit: silentio refutans accusationem indignissimam. *Velloso.* Taceat lingua necesse est, ubi ipsa veritas sibi adest: scivit enim salvator quomodo tacendo vinceret &c. *S. Aug.* Contumeliam iratus intulit: vince & amove silentio malum, certè si despexeris, acrius illum cordis sustinendo. *Tertul.* Vocem suam hoc silentium habet ad patientiam animiq; perferendis calumnijs fortitudinem alte inhortatur. *No-var.* Pleriq; secus fecissent, ubi major liberationis spes ibi magis ac sollicitius se excusassent. *Idem.* Plerumq; in modesta taciturnitate magis elucescit innocentia quam in elaborata excusatione: & à crimine falso objecto magis se purgat qui humiliter se non purgat. *Idem.* Hanc taciturnitatem præfigit Ieremias. *Dabit insepulturam os suum* *Thr. 3.* Tanquam sepeliat os proprium ne loquatur, & velut quodam aggere virtutem obstruat, ne vocem doloris remittat. Ac vocem ipsam veluti busto quodam ac tumulo sepeliat, quæ nulla possit excitare injuria. *S. August.*

**Pilatus. 6.** *a* Per diem autem festum solebat dimittere illis unū ex vinctis, quemcunq; petissent. *Matth. 27. 16.* Habebat autem tunc vinctum insignem, qui dicebatur *b* Barabbas. *Mar. 15. 7.* Qui cum seditiosis erat vinctus, qui in seditione fecerat homicidium. 8. Et cum ascendisset turba, *c* cepit rogare sicut semper faciebat illis. 9. Pilatus autem respondit eis, & dixit: vultis dimittam *d* vobis regem Iudæorum? 10. Sciebat enim quod per invidiam tradidissent eum summi Sacerdotes. 11. Pontifices autem

*a* Romanorum jugum noviter Iudæi susceperant: servabatur eis lex & consuetudo ut beneficijs provocati libentius servarent. *S. Paschasius*

Ubi primus dies Paschalis extiterit, nullum teneat carcer inclusus, omnium vincula dissolvantur: sed ab his secernimus eos à quibus contaminari potius gaudia latitiamq; communem si dimittantur animadvertimus: ut sunt sacrilegi, adulteri effractores, homicidæ &c. *Cod. Iust. l. 1. tit. 4.* In quæstionibus latronum & maxime Isaurorum nec Paschæ venerabilem diem existimamus excipiendum. Cum facillimè in hoc summi numinis speretur venia, per quod multorum salus procuratur. *Cocl. Iust. lib. 3. tit. 12.*

*b* Barabbas ex Hebræo Filius Patris sed ejus? certè illius vos ex

*Patre diabolo Ioan. 8.* *DEVS Pater hic proponebat IESV M hic est Filius meus: & diabolus Barabbam hic est filius meus, ut in suo Paradyso sponsi pingit P. Ioan. David. S. Hieronymus. Idem nomen Barabbæ explicat Filius magistri eorum. Hic duo hirci adsunt (alluditur ad Levit. 16.) Unus apompeos id est emissarius cum peccato populi in desertum inferni absolutus dimittitur: alter pro peccatis absolutorum ut agnus occiditur. Pars Domini semper mactatur. Pars diaboli qui est Magister eorum (quod sonat Barabbas) vivit, sed effrenata in tartarum præcipi-*



*capitatur. S. Hieronym:*

*c* Moris erat ut in festo Paschæ quotannis populus condemnatum aliquem à Principe peteret quem solemnitatis gratia Princeps condonaret Nunc contra, Princeps ipse à populo petit, neq; tamen sic mitigantur. Difficile qui invidia laborat morbo ab incæptis revocari potest ad meliorem mentem. *Nowarin:*

*d* Magis flagitiosum proponit eis ut eum petere erubescant. *Hug: Car:* Ut si principes propter invidiam volebant eum perdere, populus qui expertus erat ejus multiplicia beneficia peteret eum vivere. *Drutmarus.*

*a* Diligebant enim sui similem  
*Theophyl:*

*b* In nativitate mundi uxor duxit virum ad mortem, in passione Xti, uxor provocat ad salutem. *S. August:*

Pilato vigilanti non audent consilia præclara se sistere ad illum non nisi per uxoris somnia veniunt. *Iugl:*

Terretur hæc visis, magis tamen ille auditis. *Idem*

*c* In palatijs degentium conditio est, ut ab illis patrociniū nō extorqueatur nisi terroribus ac tormentis. Qui ergo miser ab aulicis aliquid sperat, oret Deum ut illis aliquem inferat terrorem tunc enim solum sapiunt miseris patrocinari. *Sylveira ex Bæza.*

*d* Subit mortis sententiā Xto, & statim Barabbas absoluitur: in ipso protinus initio condemnationis crux liberationem largitur. *S. Athanas:*

Infantis merita oppositis Barabbæ sceleribus juvat, non feliciori consilio, quàm eventu. In eo plurimum injurius causæ tam bonæ, quod eam nisi compositam pessimæ, videri veniā dignam non crederet. *Iugl:*

*S. Athanas:* Hæret ludæis usq; hodie sua petitio quàm tanto labore impetrarunt. *Beda.* Iudæi reprobos mores Barabbæ diligentes virtutem persecuti sunt. *S. Athanasius.*

*e* Qui omnes dixit, neminem excludit: non soli aut carnifices arte infames, aut soli milites armorum usu in licentiam effusi, aut plebs sola facilis flecti ad crudelitatem: fuerunt Sacerdotes opulenti, purpurâ, autoritate pollentes; doctores magni nominis, &c. *Oliva.*

concitaverunt turbam ut magis *a* Barabbam dimitteret eis.

*Matth: 27. 19.* Sedente autem illo pro tribunali misit *b* ad eum uxor ejus dicens: nil tibi & justo illi: *c* multa enim passa sum hodie per visum propter eum. 20. Principes autem Sacerdotum & Seniores persvaserunt populis ut peteret *d* Barabbam, IESVM autem perderent. 21. Respondens autem præses ait illis: quem vultis vobis de duobus dimitti? at illi dixerunt: Barabbam. 22. Dicit illis Pilatus: quid igitur faciam de IESV, qui dicitur Christus? 23. Dicunt omnes: *e* crucifigatur: ait illis præses: quid enim mali fecit? at illi

magis

magis *a* elatigatur. *M* volens pop 24. *b* Ad eorum, 25 qui propter onem miss quem pet didit *d* vol Ioan: 19 hendit Pil vit.

*Matth:* præsidis pratorium universam

sanctos inuen *d* Suam e suam consec omnium dia rijs, Providen providentia manz, tant centia & sp verbum vol omnis viti ramus crud S. Petr: Da *e* Præses i molliat, rem dius misero sumnam, nu Non mitior punit inreo, innocentia f Perierat stes, duriores



magis clamabant dicentes: cruci-  
figatur. *Mar: 15. 15.* Pilatus autē  
volens populo satisfacere. *Luc: 23.*  
24. <sup>b</sup> Adjudicavit fieri petitionem  
eorum. 25. <sup>c</sup> Dimisit autem eum,  
qui propter homicidium & sediti-  
onem missus fuerat in carcerem,  
quem petebant, IESVM verò tra-  
didit <sup>d</sup> voluntati eorum.

*Ioan: 19. 1.* <sup>e</sup> Tunc ergo apprehendit Pilatus IESVM & flagella-  
vit.

*Matth: 27. 77.* Tunc <sup>f</sup> milites  
præsidis suscipientes IESVM in  
prætorium congregaverunt ad eum  
universam cohortem. 28. Et exu-

sauros inveniunt. *S. Augustin.*

<sup>d</sup> Suam explevit voluntatem Iudas, suam Caiphas, suam executus Pilatus;  
suam consecuti scribæ & Pharisei, suam deniq; implevit inceptor & instigator  
omnium diabolus. Et mediantibus tot voluntatibus, omnibus divinæ contra-  
rijs, Providentia Divina finem suum consecuta est. Quantō plus contrariorum  
providentia permittit, tantō magis est providentia, quantō magis concedit hu-  
manæ, tantō magis Divina. *Viera tom: 4to.* Quid fuit causa mortis Illius Inno-  
centiæ & solidissimæ sanctitatis! hoc verbum volo. Mors redemptoris per hoc  
verbum volo in opus redacta fuit. Tradidit voluntati. Propria voluntas in nobis  
omnis vitij & cuiusvis culpæ semen existit. *Ioseph Mansi conc: t. 3.* Quis ty-  
rannus crudelior! quæ lævior homini potestas quàm hominis ipsius voluntas.

*S. Petr: Dam:*  
<sup>e</sup> Præses innocentie patrociniū suscipiens, ut plebis efferatos animos e-  
molliat, remedium malorum, sed malis omnibus peius aggreditur, utq; commo-  
dius misericordiam reo conciliet; planè miserabilem facit. Obligari iubet ad co-  
lumnam, nudum & suā tantū modestiæ coopertum. *Lyræus.*

Non mitior lictoribus ludex est, qui vel in ipsa crudelis clementia, hoc unum  
punit in reo, quod nullam in eo causam invenerit. In foro nequitie fuit semper  
innocentia summum crimen. *Iugl:*

<sup>f</sup> Perierat illi plurimum de laude patientie, nisi quæ armatis licent, toleras-  
set, duriores illos expertus est ferro suo.

<sup>a</sup> Nullam causam inveniebat  
Pilatus; scribæ autem clamabant  
crucifigatur. Xtus habebat pro se  
rationem: contra se clamores, &  
hi prævaluerunt, ratio nihil vale-  
bat ad liberandum, clamores sus-  
ciciebant ad crucifigendum. Et  
quia clamores in mundo præva-  
lent, bonum est aliquando clama-  
re Prædicatores. &c. *Viera tom: 5.*

<sup>b</sup> Quibus muneribus ab æqui-  
tate deflexus nullis. Quā terribus  
seditione quoque armorum appara-  
tu deiectus ē sede iustitiæ in ex-  
anum oppressionis? nullo. Oratio-  
ne detractus de folio suo: num  
longa? quis Demosthenes pertor-  
nuisti? quot clepsydris de sua sen-  
tentia dimovisti? una & quidem  
manca periodo, decem vix verbis  
perstreptentis turbæ. *Oliva in strome*

<sup>c</sup> Ipsa est infelicitas hominum  
hic dimittuntur, & ipsa peccata  
secum portant & supplicij the-

K

entes



<sup>a</sup> Sub ludicro palliastro Rex verus, quod nullus tibi invidet regnum ambis. Offendit in latrones vel ipso prætoris in atrio viator DEUS. *Iugl: Luc: 10. De homine qui incidit in latrones eundo in Hiericho.* Non defuit purpura vestis irrisoria, quamvis ipse vestis corporis sui, sanguinis pretiosissimi effusione multo nobilius purpuravit. Purpura enim non plus quam bis tingitur, ipse verò purpuram corporis sui etiam tertio sanguineo torrente pertinxit. *S. Bernard:*

Ex quo Rex purpuram ferre caput, omnes ejus milites togulis purpurea signa apposuisse, ut ex his appareat Regios esse, & Regi militare, sic & nos purpureum signum pro amictu nostro sumpsimus, ut appareat commilitare nos Xto: & quod tot illius gratiâ perferre debemus quot ille nostri gratiâ pertulit. *S. Doroth: de abr: l. 1.* Tunicam hanc Moses induit infectam sanguine, quoniam tota vita Remp: administrantis contaminatur: dum bellum aut infertur, aut propulsatur, infestantibus subinde alijs atq; alijs casibus. *Philo Hebr: A cane dum conchyliis Tyrio in littore vorat, oraq; sibi colore mirabili tingit, purpuræ usum hominibus ostensum ait Cassiodorus. l. 1. ep: 2.*

Sanguine de nostros tinctas ingrate lacernas

Induis, & non est hoc satis, eica sumus. *Purpura apud Martialem.*

Sacrilegij est reatus, negligentiam in tali veste peccare. *Cassiod:*

<sup>b</sup> In regno patientiæ non aliud coronat quàm quod cruciat. *Iugl: Tali diamate redimitur qui mundum redimit. Corona signum lætitiæ est Eccli 1. Corona exultationis Coronari vult Xtus, ut appareat quàm lætus patiatur mortiq; occurrat. Peccata nostra spinæ fuerunt, quibus contexta hæc corona est: quia nos rosas floresq; querimus quibus coronemur: quia delicias sectamur, Xtus spinis coronatur. *Novarin.* Moris fuit antiquis turpes fornices, amantes & amentes affectu juvenes floribus coronari. *Tertul: de coron: c. 13. & Cerda inibi.* Veteris descensus initium instaurans ac de integro velut in summam redigens, ut ostenderet esse omnia unius potentie *Clemens Alex: 2. pæd: c. 8.* Dum Xtus spinis pungitur, eam sibi inesse virtutem probat, quàm de rubo ostentavit neq; enim minor est virtus pati quàm agere. *Velloso.* Hoc signum est rei a Dno bene gestæ *Clem: Alex: Spineâ corona ut victor redimitus est. S. Isid: Pelus: Abstulit crucis virtus omnes crucis aculeos in dominici capitis tolerantia obtundens. Tertull: Cur manus in sentes non injicio Xto duces? nihil jam pungit spina quæ flores parit. Velloso. Carolo M. pars spinæ Xti coronæ obtigit, & hæc in flores erupit. Brito l. 6. bisi: Cist: Non ineptè scripsit Pilatus in titulo. Nazarenus. quod ex Hebræo significat floridus, quasi natos de spinis flores probaret. Velloso. Spinæ & tribulus germinabit tibi. Gen: 3. Ne tamen vepres lædant graviter, suo Xtus cerebro stimulos gestat, emollit aculeos; suo dolore DEUS hominum dolores mulcet & sanat. *Idem.* Corda intricata velut spinæ dura velut petreæ audite verbum Dni; sumite exemplum ab ipsis spinis & petris. *Iste spinæ & pe-***

entes eum, & chlamydem coccineam circumdederunt ei. 29. Et plebentes<sup>b</sup> coronam de spinis posuerunt super caput ejus, & arundinem in dextera ejus, & genu flexo<sup>d</sup> ante eum illudebant ei, dicentes: Ave Rex Iudæorum. 30. Et exspu-

tra modo r  
mabunt: &  
in orbem p  
de noc enit  
na, id est i  
Sanctum D  
eum Magist  
Iudæi cruen  
pungamus e  
buunt moni  
cem, pro do  
pro coronis  
Qui coronat  
catenas, ex  
rostr. Sap: 2.  
folijs spinas  
nos rosas: qu  
dios? noli m  
pungitur, se  
mel imposit  
est à capite  
nobis abstul  
nis uvæ ex  
c Potestas  
Rexer eos in  
regnum dic  
prehensâ cor  
secutores lu  
quia peperci  
d Experie  
Iugl: Crude  
ves agnovit  
ferali scenæ  
scornata: ap

entes in e  
nem, & p  
Ioan: 19.  
4. Exivit  
ras & dix  
foras, ut c  
invenio in



tra modo resistunt feminatori caelesti: sed veniet tempus quo & petra illi acclema-  
bunt: & spinæ ipsum coronabunt. *Viera t. 1.* Corona dicitur circumstans  
in orbem populus: nam corona spinæ id declarat fore, ut divinam sibi plebem  
de nocentibus congreget: nos autem qui ante cognitionem DEI fuimus spi-  
næ, id est iniusti, mali, & nocentes eramus: electi verò ex dumis & sentibus,  
Sanctum DEI caput cingimus: quia convocati ab ipso & circumfusi undiq; ad  
eum Magistro & doctore assistimus. *Lactantius.* Videte FF. ne spinas quas Dno  
Iudæi cruentis manibus imposuerunt nos iniquis sensibus imponamus & com-  
pungamus eum non asperitate sentium sed operum pravitate. *S. Ambr:* Retri-  
buunt monstriferi pro beneficio maleficium, pro throno lignum, pro regno cru-  
cem, pro dono damnum, pro unctione compunctionem, pro vita mortem, &  
pro coronis rosarum, coronam spinarum: *Fecit DEO nostro Reges.* Apoc: 1. v. 6.  
*Qui coronat te in misericordia & miserationibus Ps: 102.* Quis expectaret ex coronis  
catenas, ex floribus spinas? malignantium hoc conventus protulit *Coronemus nos*  
*rosis.* Sap: 2. quid deinde? *Circumveniamus ergo iustum.* Ecce ex teneris rosarum  
folijs spinas! *Vinc: Gillib: in Ps: 2.* Lenes jam dudum loquebantur, coronemus  
nos rosis: quid blandius? quid delicatius? de hac lenitate sperâsles cruces & gla-  
dios? noli mirari: lenes sunt & radices spinarum si quis eas contrectat, non  
pungitur, sed quo pungaris inde nascitur. *S. Aug: in Ps: 2.* Corona spinæ se-  
mel imposita, nunquam deposita: arbitror quod spinæ illa corona consumpta  
est à capite IESV: ut iam non sint spinæ nostræ antiquæ, postquam semel eas à  
nobis abstulit IESVS per venerabile caput suum. *Origenes.* Colligamus de spi-  
nis uvæ ex quo vepres inocularunt in vite. *Iugl:*

c Potestas & Regnum impiorum est arundo vento agitata. *Drogo.* Xto vero  
*Reges eos in viga ferrea suum regnum salvum est.* *Velloso.* Ezech: 29. Pharaonis  
regnum dicitur *baculus arundineus.* In calamo gentium infirmitas, Xti manu cõ-  
prehensa confirmatur. *S. Hilar: Calamus quassatus non conteret.* Is: 42. Per-  
secutores Iudæos qui sunt calamus quassatus perditâ integritate: non contrivit  
quia pepercit eis. *S. Augustinus.*

d Experitur quid sibi liceat, qui adorationem quoq; contemptum facit.  
*Iugl:* Crudeles Ludiones, suis descriptos sibi Christus vidit in donis; le-  
ves agnovit ex arundine, cruentos ex purpura, rapaces ex spina. Nobilis Actor  
federali scenæ serviens, dum ageret Regem, tributî nomine, alapas collegit, &  
scornata: apud talem populum scierat talia abundare. *Iugl:*

entes in eum acceperunt a arundi-  
nem, & percutiebant caput ejus.

*Ioan: 19. 3.* Et dabant ei alapas.

4. Exivit ergo iterum Pilatus fo-  
ras & dixit eis: ecce adduco eum  
foras, ut cognoscatis, quia nullam  
invenio in eo causam. 5. <sup>b</sup> Exivit

a Caput Xti DEVS. 1. Cor: 11.  
Calamo Xti caput percutiunt di-  
vinitati ejus contradicentes. *S.*  
*Th: Aqv:*

b Diadema & paludamentum  
ostendit Regem: & si hæc non  
sint, licet aureas vestes habeat nõ-  
dum Rex est. *S. Chrysost:* Dat prin-  
cipibus gemmas, sibi assumit spi-  
nas. DEVS. *Bompl:*

Pannam vestivit honore, ipsaq;  
san-



sanctificans in se tormenta beavit. *Sedulias.* Sicut gloria mea erat ligata ne in corpus meum redundaret: Sic & p̄na. Uiq; gloria, sic & p̄na illi æquabatur. *Christus in Reveli S. Brigitta.*

*a* Non populum: accersit ad-spectaculum Principes; Pilate. Ecce homo, imo Ecce DEUS! ē capite vepres non radij, manus arundinem non falmen gerit. Sanguinem non lucem corpore fundit. Iudicram vestem non paludamentum ostendit: excipit sibilla non obsequia populorum: illuditur à mille bus non adoratur. Hic cine DEUS exercituum est? quis Princeps fidet militibus, si militum ludus DEUS est. *Bomplanus in elegij.* Homo dixit præcompaffione ut & ipsi compaffione moverentur. *Euthym.* Homo nascitur ad laborem. *Iob 3.*

*b* Irritatur spectaculo illo barbaries non expletur. *Iugl.* Exigunt à Pilato carnificis partes non iudicis.

*c* Oportebat etiam opera ipsius in medium afferre ut Lazarum suscitatum; Filium viduæ in Naim. &c. Hæc, cæteraq; huiusmodi quibus DEUS monstrari poterat malitiosè prætereuntes, cavillationibus utantur. *S. Cyrilli Alex.* Pessimè bona tacent, quæ mala iudicant, & quæ iram accendant, evulgant. *Sylveira.* Pilatus ut audivit Filium DEI, ut gentilibus suspicabatur Xmanicujus falsi DEI filium esse. *S. Cyrilli. Al.*

*d* Non sufficit timor infelix liberare, aut se à molestia, aut innocentem à p̄na &c. Oblitus illi DEUM est, cum tibi Cæsare plebemq; peroravit, abiit in accusatorum perniciem.

*e* Noluit respondere quia inaniter interrogabat. *S. Chrysost.* Inanis quaestio de

ergo IESVS portans coronam spinēam & purpureum vestimentum) & dicit eis: *a* Ecce Homo. 6. Cum ergo vidissent eum Pontifices & ministri clamabant dicentes: *b* crucifige, crucifige eum. Dixit eis Pilatus: accipite eum vos, & crucifigite: ego enim non invenio in eo causam. 7. Responderunt ei Iudæi. Nos legem habemus, & secundum legem debet mori, quia Filium *c* Dei se fecit. 8. Cum ergo Pilatus audisset hunc sermonem magis *d* timuit. 9. Et ingressus est prætorium iterum & dixit ad IESVM: unde es tu? IESVS autem responsum non dedit ei. 10. Dicit ei Pilatus: mihi non loqueris? nescis quia *e* potestatem habeo crucifigere te & potestatem habeo dimittere te. 11. Respondit IESVS: non haberes potestatem adversus me ullam, nisi tibi datum esset desuper, propterea qui me tradidit tibi, majus peccatum habet. 12. Et exinde quærebat Pilatus dimittere eum. Iudæi autem clamabant dicentes: *f* Si hunc dimittis, non es amicus Cæ-

de patria, ubi demnavit; si nians non ab ista tenebrarum tentia, propter potestatem. Plures autem plures ciliorem habita autem Pilatus deludentia sola gratiam, amoblectio, diffum, mutis dicit: Magnum tur potius Romanorum & crucifigenem & inter antepontis: fimi crudeliter bellandos locum Phari lutiones rui amicicia ipsi sine digni,

faris: omnicit, contra autem cum adduxit tribunal. thostrotos batha, 14. schæ, hora dais: ecce clamabantum, dicitrum cruc Pontifices



de patria, ubi virtus & merita sunt in propatulo. Vide qualiter seipsum condemnavit! si enim in te totum pondus est; cuius gratiâ, nullam causam inveniens non absolvis? *S. Thom: Aquin: Mala potestas licere, quod noceat, potestas ista tenebrarum est. S. Ambr: Tua voce Pilate, costringeris, tua damnaris, sententia, pro potestate igitur & non æquitate crucifigendum Dominum tradidisti: per potestatem absolvisi latronem; auctorem verò, vitæ interfecisti. S. Ambr:*

*f* Plures animas perdit respectus, quàm pecunia: tum quòd tentationes respectus plures sunt & majores, quàm pecuniæ: tum quòd acta respectus ergo difficiliorem habent restitutionem, accepta enim cadunt sub oculos eorūq; seruiunt facta autem gratiâ respectus, non ita facile scrupulum movent &c. Fuitne Pilatus delinens accepta à Iudæis pecuniæ summa? non. Solus respectus, dependentia sola Xpi condemnavit. *Si hunc dimittis. Ne de gratia Cæsaris periclitaretur, gratiam, amicitiam perdidit DEI &c. Vieira t. 1.* Ne in totum inanis videatur obiectio, discute diligenter Præses. Cæcis visum, surdis auditum, claudis gressum, mutis donavit eloquium, febres abegit, dolores resoluit, mortuos suscitavit: Magnum ista Regem prorsus demonstrant. *S. Leo.* Eheu! itane! quia igitur potius Romanorum timeris potentiam, quàm DEI iustitiam: DEI iustitia Romanorum vos castigabit potentia. Vos Xpi militibus Romanis capiendum & crucifigendum traditis, ergo & vos Xpi iisdem in captivitatem, in occisionem & interitum tradet. Vos imperatorum Romanorum amicitiam gratiæ DEI antepontis: permittente igitur DEO Impp: Rom: tanquam hostes insensissimi crudelissimè in vos deservient: venientq; Titus & Vespasianus ad vos debellandos locaq; vestra expugnanda & funditus evertenda, Ita ut omnes Pontificum Phariseorumq; politiz in caput eorum convertantur, Concilijq; resolutiones ruinæ eorum fiant instrumenta. Ad hoc timor, respectus, dependentia, amicitia ipsis deservivit, Porro hic infelix huius concilij fuit exitus, non alio sine digni, quòd talia media elegit. *Vieira tom: 2.*

faris: omnis enim qui se Regem facit, contradicit Cæsari. 13. Pilatus autem cum audisset hos sermones, adduxit foras IESVM: & sedit pro tribunali in loco, qui dicitur Lithostrotos, Hæbraicè autem Gabbatha. 14. Erat autem Parasceve paschæ, hora quasi sexta, & dicit Iudæis: ecce Rex vester: 15. Illi autē clamabant: tolle, tolle crucifige eum, dicit eis Pilatus: Regem vestrum crucifigam? responderunt Pontifices: non habemus Regem

*a* Offerebat ille Regem Filium DEI, illi ad hominē recurrerant, digni qui illum haberent, & illū non haberent. *S. August:*

Xpi abjicitis & Tiberiū vultis? servietis illi quem desideratis, non regnabit cum eo quem exhorreiscitis, idq; est satis ad corpora vestra perdenda & animas. *Oliiva. tom: 2. Con:*

Ex tunc perpetuæ subjectioni Romanorum se obligaverunt renunciantes omni alteri regis dignitati. Patet eorum obstinatio ad procurandam Xpi mortem, cum pro ejus procuracione confessi sunt in perpetuum seipsos subiectos servituti. *Lyrannus.*

*Di:*



*Dilexisti omnia verba precipitationis lingua dolosa, propterea DEVS destruet te in finem, exellet te, & emigrabit de tabernaculo tuo. Pſal: 51. quæ verba S. Hilarius explicat de punitione Hæbreorum qui precipitatione electione Cæsarem Xto prætulērunt.*

*a* Omnis fuit Pilato ratio furoris alieni, nulla muneris sui. *Iugl.* An non illi omni jure celata definitio veritatis, qui ita parum patrocinari, cognita posset? *Idem.* Nullam causam invenisse Pilatus crebrò prædixerat, sed causam traditionis iciebat esse invidiam, quæ nunquam quiescit, quousq; sit deleta felicitas. *Simon de Cassia.* Mala cætera habent terminum, & quodcunq; delinquitur delicti consummatione finitur: livor terminum non habet permanens jugiter malum & sine fine peccatum. *S. Cypr:*

*b* Impie linguam absterge non manus, contractam labem aqua non eluit, quam nec æternus ignis purgabit. *Iugl.* Quid refert lotas esse manus Conscientiâ inquinatâ! *Vieira.* Lavet licet Pilatus suas manus, tamen sua facta non diluet; ipse enim occidit X̄m quem tradidit occidendum *S. Maxim: hom: 25.* Non purgant contaminatum animum manus lotæ, nec in aspersis aqua digitis expiatur, quod famulante impiâ mente committitur. *S. Leo.* Lavit quidem manus sed culpam non lavit: quia iudex non cedere debet timori nec ullis adversantium impulsibus ut sanguinem condemnet innocentem, quem prædicabat Iustum. *S. Paschaf:*

Demens qui toto scelus indelebile ponto

Eluere affusâ posse putavit aquâ. *Malapert.*

Ah nimium faciles qui tristia crimina cædis

Flumineâ tolli posse putatis aquâ. *Ovid:*

*c* Hæc eadem voce olim usus est Daniel in causâ Susannæ: sed Daniel meliùs quàm Pilatus, ille enim pudicum sanguinem non condemnat, sed liberat, hic autem iustum sanguinem & confitetur & tradit, quid enim profuit testimoniū perhibuisse innocentiz, & veluti reum addixisse nequitiz, nisi quòd gravius peccatum est unum eundemq; & pronunciare iustum & tradere criminosum. *S. Maximus.* Tradidit X̄m Iudas: tradidit & Pilatus. *Tradidit eum voluntati &c.* *Mat: 26.* Pilatus agnovit innocentiam X̄i. *Innocens ego à sanguine iusti huius* & Iudas peccavi tradens sanguinem iustum uter plus restituit? utiq; Iudas: retulit enim pecuniam in templum. Pilatus nullam fecit restitutionem: quare ille & non hic? quia Iudas X̄m tradidit pro pecuniâ: Pilatus ob respectum. Fiunt ne modo multa ob respectum? imo quid non ob respectum? est ne autem aliquis vivens aut mortuus qui restituat. Hoc nec videmus nec audimus: quomodo constentur! *Vieira t. 1.* Excessit quidem Pilati culpam facinus Iudæorum qui illum nomine Cæsaris territum & invidiosis vocibus increpatum ad effectum sui sceleris impulerunt: sed nec ipse evasit reatum qui cooperatus seditionis reliquit judi-

iudicium pro  
Mentitur cum  
poterat. *Ejco*  
mori cedas, j

*d* Sentus  
pellitis, sed c  
O si dixisset  
impellens ad  
revocare ac si  
cio. *Ejco*

*4.* Fluvij ex  
virtutes. *No*  
*Geon* qui circ  
cumeunt he  
terij Tygris &  
luptates. *Flu*

pugnat quenqu  
lim iudex *(a*  
à quo flectere  
pronunciavit  
est ab illa occ

*Sic Apoc: 21*  
cum homicid  
mundalem p  
bar. *Timid*  
onibus DE  
oram fiduci  
Si crederent  
alis timor ju

populus

per nos &

*Ioan. 1*

dit eis illu

sceperunt

xerunt,

*Mar: 1*

illuserunt

purâ, & d

tis suis: &



judicium proprium & in crimen transivit alienum. *S. Leo.*

Mentitur cum dicit innocens sum, nec enim condemnato iusto innocens esse poterat. *Escobar.* Falsò te o iudex prædicas innocentem, qui eò ipsò quod timori cedas, iam quod amplius laves contraxisti. *Idem.*

*d* Sensus est. Vos me ad iudicandum hominem innocentem importunè compellitis, sed cum pœnam sustinebitis huius sceleris, cognoscetis. *Simon de Cassia.* O si dixisset Pilatus nos viderimus, & vos videritis. Pœnam etenim sustinebit impellens ad crimen & impulsus. Totus Pilati error, Iudæis iudicium cæleste revocare ac simul falsò sibi blandiri, nullatenus se huiusmodi subiacere iudicio. *Escobar.*

4. Fluvij ex paradyso egrediebantur, quibus totidem designantur Cardinales virtutes. Nomen uni Phison ipse est qui circuit omnem terram *Hevilat*, Nomen 2di *Geon* qui circuit omnem terram *Athiopie*. Gen: 2. En prudentia & fortitudo, circumcumeunt hæc terram, personas considerant, circumstantiis perpendunt: Nomen tertij *Tygris* & ipse vadit contra *Assyrios*. Temperantia est quæ pugnat contra voluptates. *Fluvius 4tus ipse est Euphrates.* Porro iustitia quam hic fluvius refert nec oppugnat quenkum nec circumvallat nec habet adversarium. Philo apud *Escobar.* Olim iudex (apud *Pierium*. l. 35.) pingebatur averfis oculis ut nihil respiceret à quo flecteretur. è contra Pilatus averfis oculis à Xto ad Iudæos, contra Xpm pronunciavit: quærebat quidem quid est veritas! sed mox exivit ad Iudæos: id est ab illa oculis averit. Ex *Escobar.* Iudices timidi incredulis annuerandi. Sic Apoc: 21. Timidis & incredulis pars illorum in stagno ignis. Non jungit timidos cum homicidis, aut &c. Sed cum incredulis: quia timidi iudices, qui propter mundislem potentiam à sententia iusta recedunt, se infideles profitentur. *Escobar.* Timidi sunt qui neq; fidem neq; spem habent futurorum & de promissionibus DEI debitantes, nihil arduum propter spem vitæ, nihil propter præmiorum fiduciam aggrediuntur: id circo cum incredulis, sociantur. *S. Rupertus.* Si crederent DEUM esse, futurumq; novissimâ die iudicem; nullatenus mundialis timor iudiciarij gladij æciem hebetaret. *Escobar.*

populus dixit: <sup>a</sup> sanguis ejus super nos & super filios nostros.

*Ioan.* 19. 16. Tunc ergo <sup>b</sup> tradidit eis illum ut crucifigeretur. Susceperunt autem IESVM & eduxerunt.

*Mar:* 15. 20. Postquam autem illuserunt ei, exuerunt <sup>c</sup> eum purpurâ, & <sup>d</sup> induerunt eum vestimentis suis: & educunt illum ut cruci-

<sup>a</sup> Cruorem quem avent conculcare, supra se postulant; & quo tanti pœna sceleris manet in plures, ipsa posteritas culpæ vocatur in partem. *Ingl.*

Non desiderabant sanguinem illum ad abluenda capita sua, cui se per baptismum subicerent, flagitabant quem pedibus cum Evangelio conculcarent. *Oliwa.* Conc: tom: 1.

<sup>b</sup> Facilitate crudeli perdidit se ipsum & DEUM.

Cave te coactum excuses, memorem mendacem esse par est.

Pur-



<sup>c</sup> Purpuram exue venturus ad crucem: bene Regem non exprimis tuo nondum fixus in Throno. *Iugl.*

<sup>d</sup> Tuas iterum vestes induere (IESU) Mariæ labori venerationem hanc debes, ut nisi nudus incedas, alia tegumenta non quæras. *Idem.*

<sup>a</sup> Christus cruci impar ferendæ, eo ipso, quo relevatur labore, torquetur, gravat illud beneficium, quod extorquetur ab invito; Condonanda tamen rusticitas de villa venienti. *Idem.*

Crucem IESU suscipiunt nationes, peregrinus obediens portat ignominiam Salvatoris. *S. Hiero.* Simon ex hebr. obediens. Hic post IESUM crucem portare festinat: obediendo meruit ut tanto dignus munere esset. *S. Pasch.* Ubi adest obedientia ibi Xtus liberatur à cruce. *Escobar.* Portavit Simeon IESUM in infantem in ulnis; portat Simon crucem: uter illo- rum felicior? Ex Paschasio. Ille autem potest fieri subditus Xti & tollere crucem suam: qui virtutis operarius est, qui venit à villa relinquens mundum & ea quæ sunt in mundo, & ad Hierusalem supernam & liberam tendit. *S. Pasch.* Crux quæ à IESU portabatur non erat propria, sed aliena crux nempe nostrorum peccatorum, & cum esset valde onerosa, de comportitore fuit providendum: at latrones suorum criminum ac scelerum cruces portabant, & cum propriæ essent, inde tam gravi pondere non premebantur. *Sylveira.* Crux propria levis: aliena gravis. *Idem.* In tanta hominum multitudine nullus repertus qui vellet humerum Xti cruci subicere: nempe fugiunt omnes crucem, delicias quærun. omnes naturâ à Xti cruce abhorrent, quæ si post Xm bajuletur levis & dulcis est. *Novat.*

<sup>b</sup> Agunt nondum mortuo præfatas piæ mulieres, miserationem tamen non laudat Christus, quæ tolerantem injurias lugeant, cum lugere magis debuerint inferentes. *Idem. Iugl.* Manare eas lacrimis non patitur, quando ipse toto corpore pluit, exundatq; mista sanguine, sanie, usq; adeo & sui immemor, & nostri memor, amor Salvatoris. *Olivæ. Str. l. 2.*

<sup>c</sup> Lugere illis licet muros futurum post annos 40. excidium, & DEUM fu-

figerent eum. 21. Et <sup>a</sup> angariaverunt prætereuntem quemdam Simonem Cyrenæum venientem de villa patrem Alexandri & Rufi ut tollet crucem ejus.

*Luc. 23. 27.* Sequebatur autem illum magna turba populi, <sup>b</sup> & mulierum quæ plangebant & lamentabantur eum. 28. Conversus autem ad illas IESVS dixit: filiæ Ierusalem nolite flere super me, sed super vos ipsas flete & super filios vestros. 29. <sup>c</sup> Quoniam ecce venient dies, in quibus dicent: beatæ steriles, & ventres qui non genuerunt, & ubera, quæ non lactaverunt. 30. Tunc incipiet dicere mortuis; cadite super nos, & collibus

um jam incru-  
di potest, lab-  
es illa laxetur  
sine ut tibi in-  
tuo possint co-  
maniumq; ru-  
Sustinui qui si-  
Xti Apostoli  
qui in fletus  
Xtm. Non aut  
tristabar, &  
prohibet No-  
stigmata oscu-  
nanes fletus.

operite no-  
ligno hæc  
et? 32. D  
duo nequ  
rentur. I  
sibi cruce  
citur <sup>c</sup>  
autem G  
dabant ex  
& non a  
Matth  
bibere cu  
gustasset  
Mar:  
tertia &  
19. 18. V  
cum eo a

di in Petru  
nisi cum fl  
c Beatu  
In calvari  
M. ch. l. U  
89.



um jam in cruce moriturum flere non possunt? saltem quod ruenti lapidi impē-  
di potest, labenti DEO impendi liceat. Videns civitatem luxisti & tamen stru-  
di potest, labenti DEO impendi liceat. Num Xtus villior Saxo? Si lapis angularis es,  
es illa faxerum diu erat statuta. Num Xtus villior Saxo? Si lapis angularis es,  
fine ut tibi ijs lacrymis filia Sion parentent, quibus lapsuris iux patriæ faxis;  
tuo possint consilio & exemplo parentare. Idem. Futuras facit pluris faxorum  
manumq; ruinas quam inceptum suorum membrorum excidium. Idem.  
*Sustinui qui simul contristaretur & non fuit.* Pl. 68. An non doluerunt de vulneribus  
Xti Apostoli? Constat doluisse, constat luxisse discipulos. S. Aug: Sed dolore muliebri  
qui in fletu silet, non qui saperet magnanimitatem Prælatorum vindicantium  
Xtm. Non ait qui contristaretur, sed qui simul contristaretur, id est ex ea re quā ego con-  
tristabar, & non fuit. S. Aug: Lacrymas quibus tantum sanguis suus abluitur  
prohibet Nolite flere super me hoc est: si quis parcendo flagitijs satis haberet Xti  
stigmata osculari, meritò audiret Mulier quid ploras? Zelum à te reposito non i-  
nanes fletus. Idem tom: 1. Conc: parag: 291.

operite nos. 31. <sup>a</sup> Quia si in viridi  
ligno hæc faciunt, in arido quid fi-  
et? 32. Ducebantur autem & alij  
duo nequam cum eo ut interfice-  
rentur. Ioan: 19. 17. <sup>b</sup> Et bajulans  
sibi crucem, exivit in eum, qui di-  
citur <sup>c</sup> Calvaria, locum Hæbraicè  
autem Golgotha. Mar: 15. 22. <sup>d</sup> Et  
dabant ei bibere myrrhatum vinum  
& non accepit.

Matth: 27. 34. Dederunt ei vinū  
bibere cum felle mixtum, quod cū  
gustasset noluit bibere.

Mar: 15. 25. Erat autem hora  
tertia & <sup>e</sup> crucifixerunt eum. Ioā:  
19. 18. Vbi crucifixerunt eum <sup>f</sup> &  
cum eo alios duos hinc & hinc me-

di in Petrum. Exiit aulā Xtus sed crucem ferens: Petrus, sed amare flens: non  
nisi cum fletu aut cruce ab aula exit pius. Romplanus.

<sup>c</sup> Beatus locus in quo figitur crux, bona caluities quæ tali fronde vestitur &c.  
In calvaria loco vexillum crucis erigitur &c. Decalvabit verticem filiarum Sion.  
M: ch: 1. Ut ibi figatur gloriosa Xti crux ubi sedem sibi superbia locaverat. Dro-  
82. Sole-

<sup>a</sup> Si iustus in terra recipit, quā-  
tò magis impij & peccator. Prov:  
11. Per huiusmodi ligni exem-  
plum nihil in se ariditati mortis  
obnoxium significat. S. Hilar: in  
Psalm: 1. Si Sancti omnes per ignē  
tribulationis exeunt de mundo;  
quæ tormenta manent ipsos qui  
omnibono sunt vacui & peccatis  
pleni? Hugo Car: Amici Iob ob-  
stupefacti ad ejus calamitatem  
septem diebus totidemq; noctib;  
velut elingves federunt. Origenes  
dat rationem Non solum pro Iob  
sed etiam pro se unusquisq; eorū  
solicitus erat, metuens quid eti-  
am de se fieret vel quid expecta-  
retur! nam si iustum talia inve-  
nerunt mala, nos qui longè sumus  
ab his justificationibus quid expe-  
ctabimus vel quid sustinebimus.

<sup>b</sup> Aula non admittit Xtm nisi  
captivum, Petrum nisi Xtò ingra-  
tum. Non adeat aulam pius: ubi  
Pilatus iudicat, Ancilla & famu-  
li villissimi jus arrogant inquitren-



d Solebat alijs supplicio afficiendis vinum propinari: pro Xto, consulto vap-  
pam evanidam, acetosam & myrrha & felle mixtam pararunt & porrexerunt  
vel solam myrrham quæ vocaretur fel propter amaritudinem *P. Matth. Paris.*  
Tam vinum Myrrhatum quam felle mistum recusavit IESVS bibere: quia in  
imo erat bonum malo mixtum, in 2do malum malo cumulatam. Nempe sic ab-  
horrendum bonum malo mixtum, ut malum simpliciter ac si absq; ulla boni  
mistura existeret. Malorum enim societas ita bona corrumpit, ut statim penitus  
convertantur in malum. *Ex Vieira tom: 5.*

e Affixa salus tua in Cruce (ô homo!) salutem sine cruce ne spera. *Ingl:*  
Sola crux rependit beneficium Salvatori; quam enim ille prius, hæc eum sus-  
fert vicissim. *Idem.* Pependit ab arbore homo peccando: pendet ab arbore DE-  
US patiando: eò acerbius quo ille svariùs. Manus hominis tulit fructum: cla-  
vum fert manus DEI; caput extulit homo videndo, caput inclinat DEUS ex-  
pirando: Hoc portentum sustinere natura non potes, nec debes: non sedet sed  
pendet in terra DEUS; non adoratur sed damnatur: clavo utitur pro sceptro:  
trabe pro throno: felle pro nectare: nuditatem pro maiestate, sanguinem pro  
purpura, stigmata ostentat pro insignibus. Stipatur doloribus ut comitatu; pa-  
tibulo gloriatur ut regiâ: mortem adit ut regnum. Sustinere debes natura hoc  
portentum: caritatis portentum est. *Bomplanus.* Oh! cur non fui loco felicissi-  
ma crucis! fuisset Xto manibus & pedibus inseparabiliter conclavatus, dixisset  
omnino: Ioseph, non auferas ipsum à me sed me sepelias secum in sepulchro.  
*S. Bonav: in sum: amor.* Quoniam is qui patibulo suspenditur & conspicuus est  
omnibus & cæteris altior: crux potius electa est, quæ significaret illum tam con-  
spicuam tamq; sublimem futurum, ut ad eum cognoscendum & colendum  
cunctæ nationes ex omni orbe concurrerent. Extendit in passione manus suas  
orbemq; dimensus est, ut jam tunc ostenderet ab ortu solis usq; ad occasum ma-  
gnam populum ex omnibus tribubus atq; lingvis congregatum sub alas suas es-  
se venturum *Lactantius. l. 4. c. 26.* IESVS moriturus erat, ut Filios DEI qui erant  
diffusi congregaret in unum. *Ioan: 11. 52.*

f Latrones adjuncti ut Xti innocentia obscuraretur: imo ut latronum prin-  
ceps & antesignanus videretur. Tribus crucifixis multa miracula facta sunt: ne-  
mo latronum sibi alterive nisi soli IESU adscripsit: ita diaboli insidix irritæ  
factæ, & Xtus DEI Filius creditus. Disce: virtus etiam inter malorum tenebras  
elucet, & obscurari aliorum malitiâ sanctitas & innocentia, diu non potest. No-  
varinus.

a Illis petebat veniam, à quibus  
adhuc accipiebat injuriam. *S. Au-  
gust: tract: 31. in Ioan:*

Verbum magnæ patientiæ, ma-  
gnæ dulcedinis, magni amoris &  
inenarrabilis charitatis. *S. Ansel:*  
Flagellis cæsus, spinis coronatus  
clavis confixus, affixus patibulo  
omnium tamen dolorum impe-  
mor clamat! Pater ignosce. *S. Ber: Ser: 4. de pass:* Quam dulce tibi guttur mi

dium autem IESVM. *Mar: 15. 28.*  
Et impleta est scriptura, quæ dicit:  
& cum iniquis reputatus est.

*Luc: 23. 34.* IESVS autem dice-  
bat: a Pater dimitte illis: non enim  
sciunt quid faciunt. 35. Et stabat  
IESVS

IESU! quod n  
te æternæ verbi  
talitas nostræ  
quàm cum ab  
tionis effectus  
lani labia tua m  
accusatori bus  
protulit: cum  
chra pandi, si  
tibus veniam  
bus rogavit &  
oratione non  
affert quibus  
Oliwa. ibidem  
verò absuit u  
tia peccatum  
cognoscendum  
dorant & agn  
ta quamq; en  
sa: nec DEO  
gnita. Non co  
mæq; excitat  
excusat & ext  
spera; lucra  
nec ea disci  
clata Nolit  
lari ignorant  
ignosci. *S. B.*  
oporteat. Illi  
gratos, simili  
gittas acuit,  
nit ut amoris  
tegeret defect  
deremur min  
dice. *Ingl:*

populus f  
eum princ

*Matth:*  
tem blasph  
capita b f  
qui destrui



**IESU!** quod ne felle quidem potatum, amarum quidpiam eructavit. Habes vitæ æternæ verba vel moriens: idioma tamen hoc tuum quia vitæ æternæ est, mortalitas nostra non percipit. *Iugl.* Nunquam dignior appellare **DEUM** Patrem quam cum ab ejus indulgentia se non degenerem ex hiberet. *Idem.* Omnem ultionis affectum elementis excussit tantæ lenitatis auctoritas. *Idem.* *Favus distillans labia tua mel & lac sub lingua tua Cant.* 4. Quamdiu actum est de refutandis accusatoribus: convincendis iudicibus. Xtus linguam non habuit, nec verbum protulit: cum vidit cælum obscurari, terram mugire, montes conquassari, sepulchra pandi, simul ipse oris feras fregit: & per suum sanguinem, eum effundentibus veniam petiit &c. *Oliua t. 2. con.* Nunquid tunc Dominus pro rogantibus rogavit & non potius pro insultantibus, & interficientibus. *S. Aug.* Hac in oratione non tantum exponit desiderij sui vim summam, sed etiam rationes offert quibus id postulet extenuans peccati improbitatem, malitiæ ignorantiam. *Oliua. ibidem.* Si ignorantia eos liberasset à culpa, non indigerent veniam: tantum verò abfuit ut à peccato eximerentur per ignorantiam, ut ipsa potius ignorantia peccatum peccato accumulaverit tantâ obligatione confectis, quantâ ad cognoscendum eum evident. à convictis. *Idem.* videtur hodie in illis qui X<sup>m</sup> adorant & agnoscunt; & non ex raro contingenti, sed communiter, quot & quanta quamq; enormia videmus peccata, nec in vita emendata, nec in morte confessa: nec **DEO** tantum sed toti prepatula mundo, & committentibus solis incongnita. Non cognoscunt ob vivendi laxitatem, conscientie dissolutionem, animæq; cæcitatem inde ortam: non agnoscunt ob amorem proprium qui semper excusat & extenuat quod damnationi addicit. Non agnoscunt ob mundi prospera; lucra & commoda, quæ alterius vitæ oblivionem secum trahunt. Quia nec ea discutere nec consulere quem deberent volunt: sed hæc ignorantia affectata *Noluit intelligere ut bene ageret. Ps. 35. v. 4. &c. Viciratom: 3.* Peccato singulari ignorantiam copulavit, ut sub aliqua umbra justitiæ, ignorantibus posset ignosci. *S. Bernard:* O amabilis condonator & tuus amor novit quid te facere oporteat. Illi nesciunt quid faciunt tu scis! si nostra ignorantia minus nos facit ingratos, similiter minus te facis amantem: in cote enim ingratitude amor sagittas acuit, & quanto durities est major, tanto magis illas acuit. Xtus eò de venit ut amoris sui deprimeret & imminueret excellentiam, ut dissimularet & obtegeret defectus nostri amoris: maluitq; videri minus amans, tantum ut nos videremur minus ingrati. *Vicira.* Impiorum Patronus ex Iudice excusator ex vincede. *Iugl:*

populus spectans, <sup>a</sup> & deridebant eum principes cum eis.

*Matth: 27. 39.* Prætereuntes autem blasphemabant eum moventes capita <sup>b</sup> sua & dicentes. 40. Vach qui destruis templum **DEI**, & in

<sup>a</sup> Quasi omnes ex composito convenissent, ita signo dato ad choream omnes diabolus concitabat: voluptatem enim ex contumelijs propter immanitatem suam capiebant. *S. Chrysost:* Ecce spectaculum universale fecerunt de Filio **DEI** ut ab omnibus derideretur. *B. Alb: M.*



*b* Movebant capita sua, qui corda debuissent. *Iugl.* Et caput agitabant, quia vero capiti non inhærebant. *S. Aug.*

*a* Ut Christum esse illum credas, abire jubes à cruce, in qua idèò solum persistit, quia Christus est. *Iugl.*

Christus in cruce, quàm omnibz votis expetebat, ita svaviabatur, ut nequē ad tot blasphemata irritamenta descendere voluerit, neq; per amicum Nicodemi & Iosephi obsequium deponi se permitteret, nisi in sinum suæ matris collocaretur, quæ olim de sinu æterni Patris, eum in suo collocavit utero.

*Consummata omni tentatione Diabolus recessit ab illo ad tempus* *Luc: 4.* quodnam illud est tempus? *S. Athan:* &c. PP. dicunt diem & horam mortis Xti, quando diabolus extremas vires exerit ad tentandum. *Descendat de cruce si Filius est.* Vere & phrasis & modus artificem eundem produnt, qui X<sup>m</sup> tentaverat in deserto & templo. Astutiam & consequentiam, atq; dicit, in priore tentatione quæ victus recessit, offerebat totum mundum: porro cum nihil mundo pretiosius est quàm anima, in ultimis animabus X<sup>m</sup> tentat: *descendat & Credimus ei* animarum oblatione speraverat certam victoriam, quando toto mundo oblato nihil profecit. *Vicira.* Noverat quantum pro salute illius populi zelum videretur gerere, propterea suggerebat, ut dicerent descendat & credim<sup>9</sup>. *S. Bernard:*

*b* Imò si Rex titulum regni non deserat. *S. Ber:* Cruci affixus erat non ad potentie exemplū sed ad pietatis. *Nov:* Insultat impij Xto crucifixo, cur non & latronibz! innocentia in cruce pendentis torquebat eorum pectora. *Nov:* Necessè erat periclitari aut maiestatem regis maximi nisi descenderet, aut charitatem humanæ salutis nisi permaneret: maluit apud homines periclitari opinionem suæ maiestatis, quàm suæ Charitatis. *Velloso.* Ut discas bene operandum esse, & si homines malè de nobis senserint. *Theophylactus.*

*c* Acetum Iudæi à vino Patriarcharum de generes. *Glossa.*

triduo illud reedificas; salva temetipsum si Filius DEI es descendere. *a* 41. Similiter & Principes Sacerdotum illudentes cum scribis & senioribus dicebant. 42. Alios salvos fecit, se ipsum non potest salvum facere. Si rex Israel est descendat *b* nunc de cruce, & credimus ei. 43. Confidit in DEO: liberet nunc si vult eum. Dixit enim: quia Filius sum. 44. Id ipsum autem & latrones qui crucifixi erant cum eo improperabant ei.

*Luc: 24. 36.* Illudebant autem ei & milites accedentes & *c* acetum offerentes ei. 37. Et dicentes: si tu es rex Iudæorum, salvum te fac.

*Ioan: 19. 19.* Scripsit autem & titulum Pilatus.

*Mar: 15. 26.* Et erat titulus causæ ejus inscriptus *d* Rex Iudæorū.

Cum



<sup>a</sup> Cum esset omnium Iudæorum regis titulum assumpsit, prius significatur per 4. latera crucis, quod in totidem orbis partes imperium extendat; & titulus 3. linguis scriptus ostendebat huic dominium deberi nationum omnium. Quamvis igitur Rex esset omnium & mortuus pro omnibus: Iudæi tamen eum interfecerunt: ubi ergo erat major inimicorum amor: ibi titulus regis melius quievit: qui intensiores illi hostes; à quibus majora passus odia. Eorum Rex ipse specialiter. *Vicira.*

*Matth: 27. 37.* Imposuerunt super caput ejus <sup>a</sup> causam ipsius scriptam. Hic est <sup>b</sup> IESVS Rex Iudæorum.

*Ioan: 19. 20.* Hunc ergo titulum multi Iudæorū legerunt quia prope civitatem erat locus ubi crucifixus est IESVS. Et erat scriptum Hæbraicè Græcè & Latine. 21. dicebant ergo Pilato Pontifices Iudæorum: noli scribere Rex Iudæorum, sed quia ipse dixit: Rex sum Iudæorum. 22. Respondit Pilatus: <sup>c</sup> quod scripsi scripsi. 23. Milites ergo cum crucifixissent eum, <sup>d</sup> acceperunt vestimenta ejus (& fecerunt quatuor partes, unicuiq; militi partem) & tunicam. Erat autem tunica inconsutilis de super contexta per totum. 24. Dixerunt autem ad invicem, non scindamus eam, sed fortiamur de illa, cujus fit, ut scriptura impleretur dicens: partiti sunt vestimenta mea sibi, & investem meam miserunt sortem.

tunius invenisti, admovisti illud propius argo capiti, & eo quasi galea usus, irato te opposuisti celo. *Iugl:* Patentes habes ab hominibus literas, quibus, quam egregiè opus tuum impleveris certò constat. *Iugl:*

<sup>a</sup> Si Pilatus nullam invenit, quomodo causa imposita cruci? En discrimen clarum inter iudicatum cum intellectu, & iudicatum cum voluntate. Pilatus innocentiam deprehensam, omne iudicium ad voluntatem Iudæorum remisit tradidit voluntati eorum: & quomodo iudicatus in iudicio voluntatis? statim invenerunt causam: in iudicio intellectus contra Xtm non fuit causa: in iudicio voluntatis inventa. Quare voluntas ceca plus invenit quam intellectus Argus: quia intellectus invenit quod est; voluntas invenit quod vult. Voluntas infavorem inclinans invenit merita in Iuda, à verba invenit culpas in Xto. *Vicira t. 5.* Nec titulum Xti abigit honorarium, nec se hominum regem negat: imò urget ut negantibus dicat iudex quod scripsi, scripsi: scilicet videri voluit nomenclaturam dignam regis cum salutem peregrisset humani generis, vitam pie donatam & condonatum injuriam. *Velloso.* Exorando crucifixoribus veniam tunc nomen Regis inscriptum super caput retinere voluit, cum alibi oblationem regis dignitatis recusavit. *Novatus.*

<sup>b</sup> Condimentum aliquod doloribus tuis IESU quærens, iracundia nominis tui, nullum oppor-

Tuus



Tuus inte aspectus non est (Isai: c. 53.) suppleri illum affixione nominis oportuit. *Idem.*

c Unum quemq; fallunt sua scripta & authorem prætereunt: atq; ut filij etiam deformes delectant parentes: sic etiam indecores quoq; sermones palpant. *S. Ambr:* Quod quis eruditus & tumidus semel scripsit, pro nullius respectu revocat & si hac de causa innocentiam damnari sit necesse; intolerabilis ista cæcitas intellectus, rationis abusus, justitiæ simul & veritatis injuria; ut quod scribendum non erat, sustinendum sit, solum quia scriptum est: & quia semel; necessariâ consequentiâ semper sit scriptum relinquendum, libros suos isti prædestinationis libro æquales volunt; in quo quidquid scriptum deleri nequit. Characteres suos sacramentorum characteribus, qui semel impressi indelebiles existunt. Non sic D. Augustinus cujus 118. libros habemus exceptis qui intercederunt. Hic cum calamum ponere & sapientiæ templo velut scientiarum trophæum figere potuit: eundem resumpsit, aptavit ut singulari libro *Retractationum* omnes suos corrigeret libros. *Vieira t. 3.*

d Mortis suæ studium in lictoribus, quia conveniebat cum suo, datis munerat vestibus; scindi tamen illas non vult, hinc etiam probaturus quam amaret integritatem in moribus, qui eam ne ladi quidem pateretur in vestibus. *Iugl.* Indumenta exteriora sunt bona temporalia homini à DEO data: tunica interior est anima. Ecce nunc quam justè Xtus conqueritur *diviserunt sibi vestimenta mea & super vestem meam miserunt sortem* Ps. 27. v 35. Bona temporalia tanti æstimant ut dubio sortium ea permittere nolint ad filum usq; attenti ea partiuntur & quilibet suam sibi partem assecurat. Animam verò ita vilipendunt ut fortib9 fortuna & jactui alex subijciant. *Vieira tom. 1.* Partiti inter se Xti vestimenta milites, & ille qui inconsutilem tunicam acceperat, cum in sua indumenta vertissent, nec pectora percusserunt cum Centurione, nec, agnoverunt Dominum cum bono latrone: perseverarunt in priore malitia: adeo parum confert sacer habitus ad meliorem frugem nisi adsit Sancta voluntas. *Idem.* Partiuntur ea vestimenta per quæ miracula facta sunt sed nunc nihil efficiebant, Xto ineffabilem illorum virtutem cohibente. *S. Chrysost:* Quantos verò X9 suâ veste vestivit? puto quod non quatuor sed omnes vestivit milites & omnibus abundavit. *S. Ambros:* Acerbissimus erat sensus Xti morientis dum cerneret sibi cum vita & vestes eripi; & adhuc esse quod miles desideraret post sanguinem. Ut grata erat centurionis adorantis pietas, ita pungebat, corpus denudantium crudelitas: affligebat per tunicam projecta alea; ut solabatur per sinus profusa lacryma. Ut amabat eos qui debitos honores deferabant numini, ita oderat eos qui vestes eripiebant homini. *Diviserunt sibi &c.* Miserum me! cui milites in mortis tristitia ne vestium quidem relinquant solatia: plus alea quam spina me cruciat. Hæc culpa militum, sed en & pænam. Nulla pæna gravior martiali animæ quam timidi & ignavi animi divulgata infamia: mallet suo sanguine miles quam ignavi metus pallore, imo etiam labe contaminari. Impudentes illi patientem DEUM privarunt vestibus: iidem turpiter suis vigilijs indormierunt. Illi DEO cripere tunicam: iidem vix non timor animam: *Præ timore ejus exterriti sunt custodes & facti velut mortui.* *Matth:* 28. Pudendum factum militi ante ictum concidere, & metu hostis, non ferro exani-

examinari: hoc  
Freseda. in co  
suz firmantes,  
am unus, id  
hinc nihil mor  
coagmentata,  
texta anima si  
stael scindere  
verò quis Xti  
hærens, divisi  
homini collaps  
per tuam tuni  
scindi. Idiotæ

Et milites  
Luc: 23.  
qui pendebat  
mabat eum  
stus: b Salv  
nos. 40. R  
increpaba  
mes DEV  
mnatione

rat: inter mo  
rimè: ignosce  
b Quod lat  
est Regibus,  
restitutione  
c Bene lacer  
gnum prob  
& socium q  
servatus est.  
mò. Bonus  
signis est ch  
S. Aug: Hoc  
S. Chrysost:  
enim malum  
d In cruc  
damnatio q  
imprecatur



examinari: hoc eos manet qui imbelli manu amicis detrahunt spolia. &c. &c.  
*Freseda. in conc. exequo:* Tunicam milites dividere noluerunt, unitatem Ecclesie firmantes, a cuius forte excluduntur hæretici, quoniam forte provenit ut eam unus, id est unitas possideret. *S. Prosper; lib. de prom. p. 1. c. 26.* Discimus hinc nihil morari si qui dividant vestimenta ex quadruplici elementorum serie coagmentata, quid enim nocuementi afferre queant, si tunica superis in oris contexta anima salva & integra permaneat. *Germanus Constant;* Cum 12. tribus Israel scinderentur; vestimentum fusi Ahjas Propheta discedit. 3. Reg: 11. At verò quis Xti populus non potest scindi, tunica ejus per totum textilis & co-hærens, divisa non est. *S. Cypr:* Ista vestis ex pretiosis filis id est tuis beneficijs homini collatis contexta & futili magisterio facta & decorata, quæ designatur per tuam tunicam inconsutilem nec divisam quia Amor neq; dividi debet, nec scindi. *Idiota.*

Et milites quidem hæc fecerunt.

*Luc: 23. 39.* Vnus <sup>a</sup> autem de his, qui pendebant latronibus, blasphemabat eum dicens: Si tu es Christus: <sup>b</sup> Salvum fac te ipsum & nos. 40. Respondens autem alter <sup>c</sup> increpabat eum dicens: neq; tu times DEVM, quod in eadem <sup>d</sup> damnatione es. 41. Et nos quidem

erat: inter mortuos computatus erat, propterea vitam quam habebat juxta se nimè agnoscebat. *S. Laur: Iust;*

<sup>b</sup> Quod latro malus petiit à Xto, idem furibus & latronibus à suis petendum est Regibus, licet malo sint latroni nequitia pares: nec tu Princeps nec nos absq; restitutione salvi esse possumus. Tu nos coge ut saluum facias & te & nos. *Vicira.*

<sup>c</sup> Bene latro auspiciatur suam salutem à refutando socio scelerum quod est signum probatae penitentia. *Velloso.* Ex abundantia receptæ justitiæ proximum & socium quondam arguit. *S. Aug:* Infortunio suo felix, pereundi occasione servatus est. *Iugl:* Sodalem arguens, se ipsum accusans ab utroq; recessit extremo. Bonus latro priusquam quidquam petat sibi, curat socium lucrari quæ insignis est charitas. *S. Chrysost:* De altero curam gerebat in cruce doctor effectus. *S. Aug:* Hoc amici, hoc pii Officium est in tantis bonis amicos facere socios. *S. Chrysost:* Quia exiguo tempore DEVM timuit, beatus factus est: nullum est enim malum quod non extinguat DEI metus. *S. Chrysost:*

<sup>d</sup> In cruce sinistri pœna pro culpa & post damnatio. *Hugo viél:* Et quæ major damnatio quam de cruce transire ad infernum. *Sylveira.* Et hoc est quod Ps: 17. imprecatur duplici contritione conterere eos.

juste



*a* Nulla est fers pœnitentia. *S.* Hier: Nemo vim fecit sed ipse se divulgavit. *S. Aug:* Increpat maledicum nec sibi parcat. *Arnold:* Ab. Hic bonus fungitur vice Iudicis condemnatus, & incipit de veritate censere: X<sup>m</sup> pronunciat innocentem *nihil mali fecit* quasi dicat nos viventes occidimus, hic mortuos suscitavit; nos aliena sumus furati hic & tua jubet tribuere. *S. Chrysost:* Crucem libens patitur qui se agnoscit reum scelerum. *Velloso.*

*b* Mutavit furti materiam furacitate retenta. Exeuntem de mundo Regem in ærem usq; secutus, adhæsit lateri; & festinatæ noctis opportunitate usus, quando jam non poterat manu, furatus est halitu calum. Verum latroni ne bono quidem plus æquò fidendum Plures hic piè moriendo quàm impiè vivendo peremit. *Ingl:* Quid enim regni vides? clavi & crux est quòd inspicis: sed ipsa crux inquit regnum est: & ideo ipsum Regem nomino: quia crucifixum inspicio: imperatorum est pro omnibus mori: & Regis optimi pro communi utilitate nunquam recusare supplicium. *S. Chrysost:* Fuit ille confixus omnibus membris, manus clavis inhærebant, pedes transfixi erant, totum corpus adungebatur ligno: lingua vacabat & cor: corde credidit, ore confessus est. *S. August:* Latro honorificat patientem quem Iudas prodidit osculantem: ab hoc pacis blandimenta venduntur: ab illo crucis vulnera prædicantur. *S. Ambr:* DEUM credit quem reum nescit: intellexit quod pro alienis peccatis has plagas susceperet. & scivit quod illa in corpore, Xti non essent vulnera, sed latronis. Atq; ideo plus amare capit postquàm in corpore ejus sua vulnera recognovit. Plus in cruce latro X<sup>m</sup> diligit, quàm Iudas dilexit in cœna: ille per cibum supplantat magistrum, hic ei credit per dolorem. *Idem.* Ubi convictus ibi damnatus, sed ibi liberatus ubi mutatus. *S. August:* Unde hæc in latrone cura, pietas, religio? attendit latro ad crucis titulum, oculis perlegit, & totam de Xto doctrinam hausit: unde sanam mentem recipit improbitatem exiit sacra lectione. *Velloso.* Iam tum ad hanc scripturam latro pertinebat, & eum intra se literæ colligebant. *Arnold: Abb:* Simul tecum ad mortem eo, meminere comitis tui, omnis enim homo afficitur ad comitem suum. *S. Cyril: Ierosl:* Petiit latro, & memoria Xti effecit ut ambo se eodem die in paradylo viderent: Hæc memoria maxime Regibus convenit, & eam inculcare tenentur qui auribus Regijs sunt proximi: ut meminerint latrones ducere ad paradysum & quidem secum. Neq; enim regibus fas est intrare in paradysum sine comitatu latronum; neq; latrones pergere possunt in infernum sine comitatu Regum. *Vieira.* Confessus est & tantæ fiducia robur accepit ut regnum de latrocinio deposceret. *S. Aug:* Ignosce Cæsar: deprehensus Cinna vitæ tuæ nocere non potest, famæ prodesse potest. *Hic Livia præ Cinna apud Augustum instabat: his poterat pro se bonus latro. Domine etc.* Una vox Xto

Xto impendit  
vox emendica  
lra. Nihil tan  
Divinitati  
sa caret à loco  
cuit quàm X  
c Quantum  
meruerit. S.  
tis metu dam  
terum sine al  
sperans à serà  
spe conceptæ  
ipsum. S. Be  
peccator vix  
ægrè parari.  
Eris in parady  
regni emptio  
lia hoc effeci  
ciabatur blas  
plici confer  
rent, loco fa  
thensur. Ab  
vicem tuam  
citar latro in  
agit, clavos  
videntia cla  
adhibito fo  
talis emerfer  
tis titulis v  
Xtus sacrati  
cans parady  
troitu sed il  
d Deficien  
adhuç MARI  
B. MARIA  
divinæ Vol  
dum secund  
obtulisset, n  
nebræ factæ  
nocte Lucen  
virgine fuit  
Basil. Seleu  
madæus. Sta  
not: Dolore  
compassion



Xto impenditur, reliquas pro se lavernio effudit: & tamen vox sceptro donatur: vox emendicantis non psallentis. Sed palam coram scribis & pontificibus prolata. Nihil tam exile adeoque tenue offerri Xto potest, quin ei gratificare, si palam Divinitati ejus obsequare. *Oliua*. Inanissima vox una est, sed pretium quo ipsa caret à loco turbatq; habet. *Idem*. Primus fuit hic latro qui exemplo suo docuit quam Xm Crucifixum pie & devote alloqui sit fructuosum. *Barry*.

cuit quàm Xm Crucifixum piè & devotè alloqui sit fructuosum. *Bury.*  
 Quantum præstat confessio ut sine dilatione introduci latro in paradysum  
 meruerit. *S. Chrysoſt.* Latronem servat, damnat alterum ut spem salu-  
 tis metu damni temperatam promoveat. Absurda est hominum spes, quæ al-  
 terum sine altero latronem respicit, & quæ peccati reus peccat iterum opem  
 sperans à seipso pœnitentiâ. Quod rarò fit, argumento esse non potest, ut pecces  
 spe conceptæ veniæ. *Velloſo.* Noli tam periculoso expectationi credere temet  
 ipsum. *S. Bernard.* Promittit cum affirmatione paradysum: tam insignis enim  
 peccator vix crederet sibi dandum. *Salmeron.* Adverte veniam serâ pœnitentiâ  
 ægrè parari. *Velloſo.* DEUS nihil potest amplius dare quàm quod latroni dedit.  
*Eris in paradyso.* Nec minus DEO dari potest, quàm quòd illi latro obtulerat.  
 regni emptionem conficiens paucorum verborum comprehensione. Contume-  
 lia hoc effecit illata donanti ab eo cui datur, & hic enim improperebat, convi-  
 ciabatur blasphemabat: id fecundit Xti amorem immoderatum in donis sup-  
 plici conferendis. *Olivæ Conc. p. 2.* Lyndij, ut ab Hercule suo quidpiam inpetra-  
 rent, loco sacrificiorum in eum plurima convitia ac impropria jactabant. *A-  
 thenaus.* Absens eras o Petre, & ministerij claves modo non proferis: supplet  
 vicem tuam summus Sacerdos, apertisq; seris antiquis aperiente Xto introdu-  
 citur latro in regnum cælorum. *Arnold. Abb. Carnot.* Vicarij sui vicarium Xus  
 agit, clavos pro clavibus adhibuit: ecce quâ ratione nunquam defutura sit pro-  
 videncia clavium Petri. *Vicira.* Videris Xte quodammodo cælestem aulam tali  
 adhibito socio dehonestare & beatitudinis gloriâ offuscare: minime: Nam  
 talis emerferat latro ex vera pœnitentiâ, ut condecoratus ipse plurimis sanctita-  
 tis titulis valeat præsentia suâ cæli regnum condecorare. *de Flores in Eccl.*  
 Xtus sacratissimam ingrediens patriam secum latronem introduxit non concul-  
 cans paradysum istius pietatis opere sed honorans: neq; confundens latronis in-  
 troitu sed illustrans. *S. August.*  
 DEUS quæcunq; omnino non ruerit, causam attende. Stabat

*d* Deficiente DEO cur mundus omnino non ruerit, causam attende: Stabat  
adhuc MARIA regendo mundo potuit basis ista sufficere. *Ingl:*  
*B. Alb. Mar. sup. Missns. Stabat Virgo ita*

adhuc MARIA regendo mundo potuit basis ista luiscere. *Ingl:*  
B. MARIA adjutrix redemptionis. *B. Alb. Mag: sup: Missus:* Stabat Virgo ita  
divinæ Voluntati conformis ut (sicut Angelus ait) si opportuisset ad imple-  
dum secundum rationem voluntatem DEI, ipsa filium in cruce posuisset ac  
obtulisset, nec enim minoris fuit obedientiæ quàm Abraham. *S. Antoninus:* Te-  
nebræ factæ sunt super universam terram sed juxta Prov; 31. Non extincta in-  
nocte Lucerna ejus. *Novatus:* Fides explicita de Xto resurrecto in sola tunc  
virgine fuit. *Abulen:* Universos Martyres tantum excedit quantum sol sidera.  
*Basil. Seleu:* Vicit sexum, vicit hominem, & passa est ultra humanitatem. *A-*  
*madeus:* Stabat juxta crucem, non miror quia Xti matrem decebat. *Arnold: Car-*  
*not:* Dolores quos effugit pariens, illos tempore passionis sustinuit ex materna  
compassione viscerum, lacerum reparturiens. *S. Damascen:* Stabat juxta crucē  
parata



parata ad quamlibet penam fuscipiendam si percussoris manus accessisset. *S. Ildesofus*. Ipsa sibi per affectum quodammodo erat crux. *Guilelmus in Cant.* Tantus fuit dolor virginis, quod si in omnes creaturas quæ pati possunt divideretur, omnes subito interirent. *S. Bern. Senen.* Omnino tunc erat una Xti & MARIE voluntas, unumq; holocaustum: ambo pariter offerebant DEO: hæc in sanguine cordis, hic in sanguine carnis. *Arnoldus*. Stabat juxta crucem fortiter, non collapsa, non dejecta merore, divina enim virtus & Spiritus S. gratia ipsum corpus virgineum nova accingebat fortitudine. *Assitit Regina adextris tuis in vestitu de aurato.* Arabs legit in vestitu purpureo. *Psalm. 44.* Tanquam Martyr & commartyr Xti strenuissima. *De Flores de Martyrio B.V.M.* Stabat in fide constantissima & patientissima, pulchrè stabat, verè stabat, disciplinata lacrymis plena, doloribus immersa. *S. Anselm.* Spectabat unigeniti sui passionem: stantem lego, flentem, non lego. *S. Ambrosius*. Stabat nimirum tanquam miles stationarius juxta crucis vexillum interrita & invicta. *Arnoldus Carnoten.* Nunquid tantum juxta crucem? Imò certe in cruce cum filio, ibi crucifixa eras secum. Sed hoc distat quod ipse corpore, tu corde. Nec non & vulnera per corpus ejus dispersa sunt, in corde tuo unita: o Dna! cur voluisti immolari pro nobis, nunquid non sufficiebat passio nobis Filij, nisi crucifigeretur & mater: o Cor amoris cur conversum es in globum doloris! *S. Bonav.* Præterita quoq; præsentia & futura prospectans quasi tribus clavis ferreis jacebat spiritualiter innati cruce confixa. *Idem.* Olim nil jucundius ac MARIA ad cunas IESU; ibi meridies nocte mediâ fulsit: nunc nihil funestius ac MARIA ad crucem, ecce enim meridie nox irruit. Hoc unum non debuit amor permittere ut staret prope crucem MARIA, crux MARIE IESUS erat. *Bomplanus.* Stabat juxta crucem MARIA altior cruce: Filius patibulum matri; Mater Filio fuit. Crux erat opposita cruci. Duplex & una arbor, gemina & una victima: graviora perpessa est quam omnes martyres; sapius moritura nisi miraculo fecisset ut mater viveret; qui contra se miracula fecit ut mori posset: deniq; aspexit morientem & mori voluit. *Labbe in elogijs.*

*a* Si dixisset Mater: cor defecisset in virgine, divisumq; esset aut ruptum pietate quam videbat. *Gerfon.* Voluit indicare in ea affectum matris humanum adeo animi fortitudine fuisse cohibitum: quod ipsa in devovendo filio proprio ita se gereret, ac si mater non esset. *Novatus.* Mulier dicit non mater ut ipse se privaret omni honore qui sibi ut tantæ Matris Filius debebatur. *Idem.* Quia ibi dolores ut parturientis sustinuit omnium nostrum salutem B. V. M. peperit, & facta plenè est omnium nostrum Mater. *S. Rupertus* Paulisper publicam differt salutem, ne matrem inhonoram relinquat. *S. Ambrosius.* An non plus quam gladius fuit sermo ille. *Mulier ecce &c.* O commutationem! filius Zebedæi pro Filio DEI; servus pro Domino redditur.

*S. Ber-*

ophe & Maria Magdalene. 26. Cum vidisset ergo IESVS Matrem & discipulum stantem quem diligebat: dicit Matri suæ: *a* mulier ecce filius tuus. 17. Deinde dicit discipulo: *b* ecce mater tua. *c* Et ex illa hora, accepit eam Discipulus in sua.

*S. Bernardus:* in  
tur cum I. E.  
ht: humilis n  
lubens au  
rat & saluter  
sed matrem  
DEI iusta fa  
Rachel Lab  
lesam esse pat  
mat Patrem p  
huisset Matr  
tudinem, at  
Domine si z  
sti, dives fat  
ne MARIA  
b Per Ioan  
facta est Mat  
annes: IESU  
tiz populus  
lij natus  
MARIE se  
c Cur ve  
quàm prim  
seposita mo  
poterat, ra  
Patris unie  
suis amplec  
scit, matrem

*Matth.*  
hora 4tes  
diversam  
nam. 4  
clamavit  
Eli, Eli,  
DEVS  
quid de  
autem il  
cebant:  
continuo



*S. Berrard: in Apocal.* Non legimus turbatam talibus auditis Virginem: Turbatur cum I El Mater eligitur. non turbatur cum ex DEI Matre hominis mater fit: humilis nempe Virgo quod celsitudinem sonat exhorret: quod demissionem, lubens audit & secura amplectitur. *Novat: in Umbr: Virg:* In Cruce IESUS erat & salutem curabat hominum ex DEI scito: Matrem discipulo commendat, sed matrem appellat mulierem, ac si non meminerit maternæ appellationis cum DEI iussa facit. Solet enim affectus iste hominem à verò & bono avocare: Benè Rachel Labano Patri suo non assurgit dum idolis insidet. Gen: 31. Nemo credat IESUM esse paternam reverentiam quod stante patre sedit: quoniam scriptum est. Qui amat Patrem plus quam me non est me dignus Matt: 9. *S. Ambr: apud Velloso.* Cum demississet Matrem, mulierem dixit: fragilitatis titulo, amplificare roboris fortitudinem, atq; imprimere in hominibus MARIE venerationem voluerat. Iugl: Domine si mihi testamento Mariam pro matre & crucem pro hereditate legasti, dives fatis sum & explesti vota mea; nam nec vivere sine cruce, nec mori sine MARIA volo. Iugl:

*b* Per Ioannem intelligimus animas electorum quarum per dilectionem B. V. facta est Mater. *S. Ber: Sen:* An Ioannes alter IESUS? MARIE enim filius Ioannes: IESUM in praesepe, Ioannem peperit sub cruce. Quid Ioannes? Gratia populus: non vult solus & nasci & amari IESUS à MARIA. Moritur ut filij nascantur. Ideo dicitur nascens primogenitus: quia moriens daturus erat MARIE sobolem electorum: dubitas? nihil differt dilectus, ab electo. *Bompl:*

*c* Cur verò cum dicit à se receptam: non ait vicissim se ab illa acceptum? quam primum enim Virginem in Matrem nostram accipimus, mox illa omnia seposita mora in filios nos recipit. *Vieira.* Expresit quod magis dubium esse poterat, tacuit quod mirus dubium erat. *Salmeron.* Ipsa unica V. Mater quæ se Patris unicum genuisse gloriatur eundem unicum suum in omnibus membris suis amplectitur omniumq; in quibus X<sup>m</sup> suum formatum vel formari cognoscit, matrem se vocari non confunditur. *Gverricus.*

*Matth: 27. 45.* A sexta autem hora tenebræ factæ sunt super universam terram usq; ad horam nonam. 46. Et circa horam nonam clamavit IESVS voce magna dicēs: Eli, Eli, lamma sabachthani! hoc est DEVS meus, DEVS meus *b* ut quid dereliquisti me! 47. Quidam autem illic stantes & audientes dicebant: Eliam vocat iste. 48. Et continuo currens unus ex eis *c* acce-

*a* Miserrata nuditate Parentis sui naturæ, involvere eum tenebris studuit. *Iugl:* Pudore suffusus, honesti amore: virginis, modestiæ, pudicitæ zelo, fecit ab hora crucifixionis ut ad obitum suum tenebræ crassissimæ essent *Robertus à Crypta.* Humilitatis Magister qui gloriam nunquam amavit, in cruce illam exhorruit, acrius illum pupugere miracula quam clavi: hinc tenebræ. *Olivæ.* Ut malos tegetet carnifices & à turpi nota vindicaret, tenebras toto offudit celo: eo scilicet velo Si non scelera, auctores certè Dominus amoris reus tegit, ne quod male



male patratum est, notam inurat infamiz. *Velloso.*

Testatur sol ipse cavâ sub nube dolorem

Jam latilans atrâq; notans ferrugine frontem. *Sannaz.*

*b* Nec cum blasphemaretur à scribis, nec cum configeretur à milite, nec cum derideretur à turbis, sed cum in confirmationem divinitatis ejus in noctem dies degenerasset, derelictum se clamat. *Oliva.* Non dicit Pater mi sed DEUS meus. Noverit nempe mundus tantam Patris mei integritatem ut cum Pater esset & DEUS, me dereliquerit, quasi Pater non esset; noverit & matris magnanimitatem, quæ cum sit Mater & mulier, me offerat quasi neutrum esset. Ut iusq; encomium grande, sed pace Patris, B. Virginis grandius. *Vieira.* Pater illum dereliquit; quia ille similiter dereliquit Patrem amore hominum. Interim neq; filius unquam magis placuit patri: neq; Pater unquam magis agnovit filium quam per hæc eadem quibus homines amavit extrema. &c. *Vieira.* O quanta consolatio nunc desolari, quanta dilectio nunc derelinqui, ut unico Patri mereamur in passionibus similari. *G-ver: Abb.* Omnia incommoda si DEI causa uti par est, subeantur: profectò magna solatia sunt, & materia multarum magnarûq; cælestium voluptatum. *Experientissimus talium S. Fr: Xav: ep. i.* Christus privari voluit delectatione Deitatis, & saginari voluptate patientiæ seposuit gaudia cæli, & in prædam se dedit tormentis & doloribus vulnerum. *Vincent: Caraffa. consid. 42. lib. 1.* Quam diu tibi mater adit, quid te quereris derelictum à Patre? plena DEO MARIA est; eâ præsentem DEUS abesse non potest. *Ing:*

*c* Spongia fraudulenta sunt corda, quæ impietatis humorem ebibunt statim, licet ebuisse non videantur. *Novarin:* Acetum gens Hebræa, quæ ex forti optimoq; vino in acetum degeneraverat: Quò generosius! vinum: eo magis accendunt. *Novarin:*

*a* B. Bonajunta Generalis servorum B. V. M. addictissimus colendæ & meditandæ Xti Dni passioni: moribundus cum præcipua capita passionis Xti, magna affectus energiâ percurrisset: ubi ad crucifixionem ventum est, magna vi lacrymarum profusâ, brachijs in crucem tensis, dicens. *In manus tuas &c.* eo situ felicem spiritum reddidit: & pleriq; sancti in his verbis expirare gaudebant. *Barry.*

*b* Poterat hoc verbum videri non amoris excellentissimi, sed appetitus naturalis, si refrigerium peteret non tormentum: si aquam sibi propinandam sperasset leva-

ptam spongiam implevit aceto & implevit arundini & dabat ei bibere. 49. Cæteri verò dicebant: sine, videamus an veniat Elias liberans eum. 50. IESVS autem iterum clamans voce magnâ. *Luc: 23. 46.* Ait *a* Pater in manus tuas commendando Spiritum meum.

*Ioan: 19. 28.* Postea sciens IESVS quia omnia consummata sunt ut consummaretur scriptura, dixit: sitio. 29. Vas ergo erat positum aceto plenum: illi autem *b* spongi-

men

men peteret, homines rec magnis vocib In horto vic prior ille vic Vieira. Quid clamar. Siti animarum v

Potatorem m nmiam, pau & siti! lugl Idem Profan Patris oscula hæc tota sit di osculo si S. Brigitta Xti palatum

am plena ponentes Cum ergo dixit: *a*

clinato *a* Matth

templi si atq; ita fa cælesti, ob invocarâ gener. Incl Moses mort endi ob ho intueri, & acerbum o tem accele impenden ctans. Ve spiceret se cia, cumq etiam part deret, ut n



men peteret, verum sciens fel propinandum nova postulabat tormenta *sitio*: o homines recordemini fellis &c. *Vicira*. In horto averfabatur transeat à me: nunc magnis vocibus ait *sitio* alius enim calvaria & alius horti calix: iste & non ille. In horto calix separationis à carissimis discipulis: in calvaria calix mortis, & prior ille videtur fuisse acerbior: quod & innuitur Luc: 22. *Avulsus est ab eis. Vicira*. Quid *sitio*! ergone plus cruciat *sitis* quàm crux? de cruce siles & de *siti* clamas. *Sitio*: quid? vestram fidem, vestram salutem, vestrum gaudium; plus animarum vestrarum quam corporis mei cruciatus me torret. *D. ogo Host.*

Ah! *sitio*! clamas delunt his rupibus undæ

Sola fluunt oculis flumina, sola bibe. *Sarbiev:*

Potatorem mi IESU te iterum ludzi si dixerint, quâ dilues excusatione calumniam, paucas intra horas calicem exhausisti, quem à Patre plenum acceperas, & *sitis*! *Iugl:* Præter fel & acetum quid propinet sitientibus mundus non habet. *Idem* Profanatum contactu ludæ fædo, divinissimum guttur, venire mox ad Patris oscula horruit, nisi se prius, quâ felle, quâ myrrha, quâ aceto lavaret, fuit hæc tota *sitis* in cruce, quàm detergere spongia voluit, si quid in labijs de perfidi osculo supererat, ideò cum gustasset affecutus jam vota, bibere noluit. *Iugl:* S. Brigitta Sveca cibos sibi admixto absinthio corrumpibat ut eo pacto coleret Xti palatum myrrha & absinthio male tractatum. *Barry.*

am plenam aceto hyssopo circumponentes obtulerunt ori ejus. 30. Cum ergo accepisset IESVS acetū, dixit: <sup>a</sup> consummatum est. Et <sup>b</sup> inclinato capite tradidit Spiritum.

*Matth:* 27. 51. Et ecce <sup>c</sup> velum templi scissum est in duas partes à

atq; ita facto capitis annutu Xtus obiit. *S. Athanas:* Inclinauit caput ut Patri suo cælesti, obsequentis & ad nutum parati filij signum exhiberet, quem paulò ante invocarat ex *S. Bernard:* Quasi supra Patris gremium caput repauians. *Origenes.* Inclino caput quia per obedientiam morior. *Hugo Card:* Sicut olim *Moses mortuus est jubente Dno* Leut 34. Agit gratias Patri pro data facultate moriendi ob hominum salutem. *Barry.* Cupiebat matrem ad pedem crucis stantem intueri, & extremum dicere vale, quàm quia vidisset adeo afflictam, idcirco tã acerbum dolorem percepit ut expiraverit, matris carissimæ tristi aspectu mortem accelerante. Demisit caput, velut eo habitu honoratum titulum regis sibi impendentem recusaret non aliud imperium quàm cordium nostrorum affectans. Vel ut honorem nomini IESU supra caput affixo haberet. Ut circumspiceret seipsum num in toto SSmo corpore pars ulla super esset nondum sancta, cumq; vidisset latus & pectus adhuc illæsum, capitis nutu significavit illam etiam partem vulnerandam. Inclinauit caput ut extremam paupertatem ostenderet, ut nec habuerit ubi caput reclinaret vivens ac moriens. *Barry.* Homo post

<sup>a</sup> Tu autem considera quomodo crucifixus omnia sine aliqua perturbatione transiit: matrem commendavit, prophetias implevit latroni spem bonam dedit &c. *S. Chrysost:*

<sup>b</sup> Absoluto redemptionis mysterio, nil nisi mors defuit, quæ & ipsa suo officio perfuncta est postquam illi DEI filius ut mortis ac vitæ Dnus potestatem fecit:



post peccatum mansit versus terram inclinat9 *Concidi9 vultus ejus. Gen: 4. Xty*  
 requirit capite inclinato *levate capita vestra. Luc: 21. S. Amb.* Ut respiceret Adamū  
 sub cruce jacentem *surge qui dormis! Eph: 5. Inclinauit cervicē sub onere criminū*  
*nostrorum: iniquitate: vestra supergressi sunt caput meum & sicut onus grave gravata*  
*super me Psal: 37. Demisso capite petit abluī, abstergi, curari, foveri, tumulari maxi-*  
*mē in cordibus. Ex Staniurfo. Inclinat caput pastor ad ovem perditam suppo-*  
*nens humeros ad nos & onera nostra. Hugo Car: Caput suum inclinauit ad in-*  
*dulgentiam. S. Laur: Iust: Quasi in signum reconciliationis & condonationis*  
*hominibus noxarum, caput prouum habuit ut amicis suis bene precaretur, &*  
*cum manus ejus essent impedita, capite ad eam rem usus quod solum in pote-*  
*state habuit. Ut mundo valedicat quasi nutu, vale munde perfide, fallax, crudē-*  
*lis qui tam indignis modis tuum conditorem tractasti. Commendat at Patri Spi-*  
*ritum, sed hunc etiam DEUS Pater hominibus debere monuit, proinde ut alius*  
*Evang: tradidit Spiritum inclinato capite ad homines, quod pondus ejus amor*  
*eius, tanquam ad suum centrum gravitabat Barry. SS. August: & Bernard: ideo*  
*putant ut nos ad se amandum invitaret, Ideo locum illum aspexit, quo vulnus*  
*postea cordi debuit insigi, docens hoc esse vulnus amoris: hanc latebram ubi*  
*nostri amores collocandi, in quem mens nostra pro eorum quā pro nobis pertu-*  
*lit, recordatione secedat apud Barry. B. Agnes Ord: Minim: moribunda curavit*  
*sibi praelegi passionem. Cum audiret Xū alapā percussū: sibi quoq; excussissi-*  
*mam influxit: & hic fuit supremus conatus velut ultimi igniculi morientis can-*  
*delae: cum verō proferretur Inclinato capite &c. ipsa quoq; caput inclians expi-*  
*ravit. Barry.*

Cernitis ut prouum flectat caput ut pia pandat  
 Brachia: & ingratas vocet ad sua vulnera gentes.

Scilicet amplexus non rejecturus amicos. *Sannazar:*

Caput habet inclinatū ad osculandum, brachia extētia ad amplectendum, to-  
 tum corpus expositum ad redimendum. *S. Aug: Recedite Parca accedite gratia,*  
*vestro in sinu moriatur vitā parens: caritas non mors vulnerat DEUM: vulnus*  
*charitatis quis mortale crediderit! seu habitu charitatis armata mors vitam at-*  
*tulit cum abstulit: vel os mortis induens vita mortem attulit DEO: ut mors di-*  
*sceret vivere & vita reviviscere. Bomplanus.*

Luce obijt Veneris, Veneris fle turba: videtur

Causa DEI passi non minima esse Venus. *Baub:*

e Eodem fungebatur officio quo Xti corpus: postquam ergo caro ipsius, vela-  
 mentum ignominiae effecta est, propterea velum templi scissum. Qui charitatē  
 proximi quā operit multitudinem peccatorum scindit, Xti corpus non ut Xti  
 sed ut gentilis: scindit *S. Cyril: Ieros: Ob fistam blasphemiam DEI Filio*  
*imputatam Pontifex vestem scidit, nunc DEUS ob innumeras maximē sacer-*  
*dotum blasphemias templi sui vestem scindit, ut statim appareat quā peccata*  
*in DEI templo commissa displiceant. Novarin:*

a Xto adhuc vivente sol occi-

dit; terra vix emortuo mota est.

Serō terra commouetur ad mortē

Dni, citō solem tristi velo tectū

summo usq; deorsum a & terra mo-  
 ta est b & petra scissa sunt. 52. Et

video:

video: Qui pr  
 Vello. Nobil  
 paret hic sum  
 concutit, lap  
 digere posse  
 & clementia  
 b O durior  
 rantur: horu  
 Celebravit in  
 in choreas ex

a monume  
 corpora S  
 rant, surre  
 de monum  
 ejus vener  
 & apparu  
 rio autē &  
 dientes II  
 dens quia  
 viso terr  
 timuerun  
 lius DEI  
 a omnis tu  
 derant ad  
 debant, p  
 reverteba  
 omnes n  
 27. 55. E  
 res a long  
 SVM a G  
 Inter qua  
 ria Iacob  
 & tanti san  
 se redempt



video: Qui præest luminaribus præeat sensu conditoris interempti necesse est. *Velloso*. Nobiliora citius vim divinitatis & radios ejus senserunt. *Salmeron*. Apparet hic summa Xti morientis clementia & pietas in suos persecutores: terram concutit, lapides scindit: ostendit se longè facilius eos perdere & in nihilum redigere posse si vellet: vires suas in elementis ostendit ut in hominibus bonitatis & clementiæ divitias ostenderet. *Novarin*:

*b* O duriora faxis pectora ludæorum! finduntur petra, sed horum corda durantur: horum immobilis duritia manet orbe concusso. *S. Ambr*: l. 10. in *Luc*: Celebravit ingenti natura tripudio, inferias mortis, exilière laxa præ gaudio & in choreas excitata cadavera, tumulos resinquere. *Iugl*:

*a* monumenta aperta sunt, & multa corpora Sanctorum qui dormierant, surrexerunt. 53. Et exeuntes de monumentis post resurrectionē ejus venerunt in sanctam civitatem & apparuerunt multis. 54. *b* Centurio autē & qui cum eo erant custodientes IESVM. (*Mar*: 15. 39. Videns quia sic clamās exspirasset <sup>c</sup>) viso terræ motu, & his, quæ fiebant, timuerunt valde, dicentes: verè filius DEI erat iste. *Luc*: 23. 48. Et *d* omnis turba eorum, qui simul aderant ad spectaculum istud, & videbant, percutientes pectora sua revertebantur. 49. Stabant autem omnes noti ejus à longè. *Matth*: 27. 55. Erant autem ibi & mulieres à longè quæ secutæ erant IESVM à Galilæa ministrantes ei. 56. Inter quas erat Magdalene & Maria Iacobi & Ioseph Mater, & <sup>e</sup> Ma-

*a* Nascituro Xo tellus negavit hospitium, sul eum non receperunt; denato aperuit tumulos, ipsi mortui certarunt officijs, surrexerunt ut tumultando Deo locum concederent: intrantem autem in orbem vivi excluderunt ab aditu & omni diversorio. *Xaver*: *Fresneda*. Tubā nōdum auditā novissimā jam resurgunt mortui, perire DEUM posse non crederent, nisi iterum viverent ut viderent. Noctem hanc ne somno natam putares, corpora quæ dormierant, surrexerunt. *Iugl*:

*b* Bene te hominem credere Cæturio desijt cū ita morientem, ita exclamantem audivit. *Iugl*:

*c* Cur Xtus lapides in se correptos. Ioan: 8. & 10. evasit? crucis autem supplicium subiit! *W. S.* Chrysost: Tumultuarium genus necis est lapidatio, & inter lapidū fragorem non poterant exaudiri Xti verba. *Novarin*: quod in schedæ notat in decursu passionis non aliud miraculum Xm patrasse, nisi Malcho aurem restituisse: nimirū ut ubiq; auris integræ usus est necessarius: tum maxime, ubi DEUS pro nobis passus dicitur: ut per aurem ad cor eat. *lib*: 9. n. 12.

*d* Compuncti corde conversi;

& tanti sanguinis, tam impiè & immaniter fusi indulgentiam perceperunt, ipse redempti sanguine, quem fuderunt. *S. Aug*: in Ioan: Tract: 92.

Ma-



<sup>c</sup> Magna harum mulierum fortitudo: ut cum discipuli fugissent, ad fuerint. Virile induunt mulieres pectus, femineum viri. Adfuisse mulieres dicuntur & Xto ex suis substantijs ministrasse: ut hic quoq, hospitalitatis & beneficentiae fructus extiterit, tam magnum in tot discriminibus animum habuisse. *No varing* Quae regnum suis filijs postulaverat usq; ad crucem sequitur. Hic nihil postulat: sed majori laude dignum Crucifixo adherere quam dextram sinistramve Regni petere. *Idem.*

<sup>a</sup> Offa quae ubiq; in scripturis mystice pro virtutibus accipiuntur nihil nobis mysterij praedicarent in eo quod frangerentur. *S. Rupertus.*

<sup>b</sup> Si fuisset in loco lanceae illius numquid de latere illius exivisset. *S. Bonav. Carolus IV. Imp:* ab Innocentio IV. impetravit festum lanceae Xti & clavorum feria 6. post octavam Paschae: <sup>c</sup> Elatus in cathedram, veri Magister amoris, idiomate amantium post hanc locuturus, ore clauso, cor aperuit. *Ingl.*

Ut viderunt eum mortuum non fregerunt ejus crura hoc fecerunt milites oculos habentes, Longinus vero (juxta communem traditionem) caesus quid! percussit Xti lancea: cæco in manus dans lanceam, illam in Xti latus mitti desiderat. Heu quot hodie tales in mundo Longini, tam longi extensi presumptuosi. &c. *Vieira. tom: 1. p. 215.* Ecclesia de Xti sui sponsi latere est formata sicut Eva de latere Adæ: & formata quando illinc exivit sanguis & aqua; sanguis redemptionis pretium, & aqua baptismatis: exiverunt simul; quia vim & efficaciam aqua capit ex sanguine: jam unus militum lancea latus aperuit: ergone & milites ad formandam concurrunt ecclesiam! etiam frequenter enim milites necesse est suis armis aditum aperire, liberumq; per portam introitum pandere, per quam sanguis & aqua communalia regna: Hispani in Indias utraq; Non dixit percussit aut vulneravit, sed aperuit, ut illic quodammodo vitae ostium panderetur, unde sacramenta Ecclesiae manarent, sine quibus ad veram vitam non intratur. *S. Aug.* Ecclesia & fit & consistit per Sacramenta. Nam Baptismo nascimur, confirmatione roboramur, Eucharistia pascimur & perficimur, poenitentia sanamur, extrema uncti-

ter filiorum Zebedæi.

*Ioan: 19. 31.* Iudæi ergo (quoniam parasceve erat) ut non remanerent in cruce corpora Sabbatho (erat enim magnus dies ille Sabbathi) rogaverunt Pilatum ut frangerentur eorum crura & tollerentur. 32. Venerunt ergo milites, & primi quidem fregerunt crura, & alterius, qui crucifixus est cum eo. 33. Ad IESVM autem cum venissent, ut viderunt eum jam mortuum, non fregerunt ejus crura. 34. <sup>b</sup> Sed unus militum lancea <sup>c</sup> latus ejus aperuit, & continuo exivit sanguis & aqua. 36. Et qui vidit testimo-



one munimur, ordine gubernamur, matrimonio propagamur. *S. Chrysost:* Qualis sudor in horto fluxit ex corpore; talis in cruce manuit ex corde. Cum flere adhuc multa volentem Spiritus defecisset, quos jam non posset dare fletus ex lumine, dedit ex vulnere. *Idem Iugl:* Quis iste sanguis in corpore penitus exangvis, quæ aqua in mortuo præfuit? sanguis ille fuit (juxta Cyrillum) quem super se induxerunt ejus interfectores. *Sanguis ejus super nos.* Et aqua illa quæ Pilatus manus lavit: *Cerant hæc duo de latere: judicanti aqua, clamantibus vero sanguis.* *S. Cyril:* Et quoniam utraq; fuit injuria ac ingratitudo immanis, quid mirum si *Xus tactus dolore cordis intrinsecus* (quod Gen: 6. de aqua diluvij dicitur) sentiret: quod ad cor usq; penetrarent, ibidemq; usq; ad mortem conferrentur. Quid hæc sunt cum illinc exeunt! SS. PP. sentiunt in aqua baptismi, in sanguine fuisse Eucharistiam. Si igitur sanguis & aqua pectus Xti intrando fuerunt duo mortis instrumenta, quomodo exeundo duo sunt vitæ nostræ elementa? hæc nempe excellentissima est cordis Christi qualitas: sic immutantur ibi contumeliæ in beneficia, injuriæ in misericordias, sacrilegia in sacramenta. ingratitudines summæ destillantur in amorem (ut Theophylac:) *contumelia invertitur.* Fecit autem hoc amor non ob Centurionis conversionem & confessionem, non ob plebis pectora tundentis penitentiam: sed ob 3tiam eamq; maximam ingratitudinem. Omnium ingratitudinum maxima, lateris fuit percussio: quia alii omnes in Xto vivunt, hæc in mortuum: & quidem pro hominum salute mortuum hinc Ps. 21. *Erue à framea DEUS animam meam.* Sive à lancea. Liberari petit non ob dolorem corpori subeundum, hoc enim jam mortuum erat: sed propter horrorem qui jam ejus ferebat animam: tantam apprehendendo atrocitatem. Hæc immanissima ingratitudo maximum elicit beneficium, clavis facta (juxta Chrysost:) ultimorum gratiæ thesaurorum. Sic Xus contumelias vindicat & injurias, hæc monetâ solvit ingratitudines. *Vicira.* Lancea, non ait, vulneravit latus sed aperuit. Illa enim percussio non fuit vulnus pro corpore, sed porta pro sanguine: non inflixit vulnus corpori, illud enim non sensit, portam aperuit sanguini: quia sanguis emanavit: in corpore mortui sensus non vigeant ad patiens: in sanguine etiam post mortem impulsus erat ad exeundum. *Vicira.* Aquam quæ manus laverat Pilatus; & sanguinem quem super se accusatores petierunt duo velut authentica suæ innocentiz testimonia posuit Xus in corde suo, sicut quispiam per calumniam accusatus defert in sinu suo defensionis chartam & literas. Deinde innocens (quod quotidie in mundo accidit) ivit ad supplicium. Præco proclamabat culpas, cor habebat defensiones: præsonis culpæ erant falsæ; defensiones cordis veræ. Sed quia cor in mundo non valet pro testimonio, innocentia est crucifixa. Moritur tandem & lancea aperiente cor patefit: exeunt illæ defensiones in publicum, sanguis & aqua. Et hæc est distinctio judicii unius ab altero. In judicio DEI post mortem, proficiunt conscientiz defensiones: in judicio hominum stante vitâ nullum valorem habent *Vicira.* Exiit sanguis & aqua; ut ita redemptio & emundatio prioris Adæ dimanaret. *S. Athan:* Aqua ut mundaret, sanguis ut redimeret. *S. Ambr:* S. Melchitidis sacri amoris flammam vidit è vulnere lateris eruere. IESUS autem illam ad ingressum & deambulationem illuc invitabat, dicebat q. locum illic spatiosum esse ob desideria & amores quibus nos fuit complexus totâ aternitate: longum verò ob



immensam diuturnitatem infinitæ suæ bonitatis. Aliàs eidem Divæ in acutissimis capitis doloribus ad captandum solatium cum DEI Filius copiam faceret, in quo vellet vulnere quiescendi: atq; illa desinere nollit, divinæ charitatis arbitrium secutura: Xti lateris sui vulnus ostendit dixitq; huc intra hic quiesce: quod illa tantâ sui consolatione fecit ut nil doloris in capite sentiret. An non & nobis idem domicilium in SSmi lateris plaga capite inclinato demonstravit, cum digito non posset ob manus cruci affixas: ut illuc nostri oculi, vota & meditationes pie respicerent. Ut perfugium in caverna ista cordis quærerent: ut illic cœu in fonte in spiceremus, quid nostri causa voluerit, fecerit pertulerit, & nostram vicem conferamus. Ostendit cor nostri amore penitus saucium, ut ipso vulnere vicissim sauciaret. *Barry.* Aperi nobis Domine: aperi nobis ostium lateris tui quod est in arca tua; ut introducas nos cum mundis animalibus. Introduc nos ad te per ostium lateris tui quod est fides Ecclesiæ &c. *Drogo.* Inspice vulnera, cor habet apertum ad diligendum. *S. Aug.* Auri argentiq; venas quicupis, hic siste. Non aliunde magis ditabere quam è Xti latere. Latus Xti amoris fodina est: sanguis pro auro, pro argento aqua; in illo pretium, in hoc innocentiam cape: hauries libentius quò amantius offertur. Quid lancea! amoris clavis: amor aperit, dum ferit. *Bomplanus.* De latere tuo fons egreditur in vitam æternam proficiens & de eadem consubstantiali origine divisim limitibus aqua & sanguis emanant ad complementum perfectionemq; totius iustitiæ. *S. Cyprianus.* Ut nos faceret aquâ vocatos, sanguine electos: hos duos baptizmos de vulnere perfossi lateris emisit: quique sanguinem ejus cruderent, aquâ lavarentur: qui aquâ lavissent, etiam sanguinem potarent. *Ter tull.*

*a* Dives dicitur: an ut hoc inter miracula Xti morientis recensetur, quod dives Xti crucifixum quærat, ut conferri cum petrarum scissione &c. possit. *No-varin.* Dives ut ostendatur cur à Pilato impetrare potuerit: si pauper, rejectus facile fuisset sed divitiarum vis potuit, quod religio ac pietas non potuisset. *Idem.* Præclarum facinus ausus est, neq; enim ignotus aut obscurus erat sed unus ex senatoribus. *Vislor: Antioch.*

*b* Exemplo Xti mortis animatus ostendit se publice Xti discipulum esse. *Lyran.* Sensit Arimæus emollos mucrones patientiæ magistri qui nec prætorem nec lictorem timet, & si minas intentant graves: nam crux DEUM explicans hominibus lex est imperas necessitatem patiendi. *Velloso.*

nium perhibuit, & verum est testimonium ejus. Et ille ipse scit quia vera dicit, ut & vos credatis. 36. Facta sunt autem hæc, ut scriptura impleretur: os non comminuetis ex eo. 37. Et iterum alia scriptura dicit: videbunt in quem transfixerunt.

*Matth. 27. 57.* Cum autem serò factum esset venit, quidam homo *a* dives ab Arimathea nomine Ioseph, qui & ipse discipulus erat IESV. *Ioan: 19. 38.* *b* Occultus autem, propter metum Iudæorum. *Luc: 23. 50.* Vir bonus & iustus, hic non

con-

conferat  
rum. *Mar:*  
qui & ipse  
DEI, *a* & a  
latum & p  
Pilatus aut  
jisset, & ac  
terrogavit  
set. 45. Et  
tutione dor  
*an: 19. 38.*  
Venit ergo  
39. Venit *b*  
qui venerat  
mum, feren  
aloes quasi  
perunt ergo  
verunt illu  
bus, sicut  
*Mar: 15. 40.*  
tus *c* findon  
involuit *f* fi  
Et accepto  
in findone  
monument  
derat in pe  
tem in loc  
hortus &  
novum, in  
positus erat  
nis. Sit ceci  
phum est an



consenserat confilio & actibus eorum. *Mar: 15. 43.* Nobilis decurio, qui & ipse erat expectans regnum DEI, <sup>a</sup> & audacter introivit ad Pilatum & petijt corpus IESV. 44. Pilatus autem mirabatur, si jam obijisset, & accersito Centurione, interrogavit eum, si jam mortuus esset. 45. Et cum cognovisset à centurione donavit corpus Ioseph. *Ioan: 19. 38.* Et permisit Pilatus. Venit ergo & tulit corpus IESV. 39. Venit <sup>b</sup> autem & Nicodemus, qui venerat ad IESVM <sup>c</sup> nocte primum, ferens mixturam Myrrhæ & alodës quasi libras centum. <sup>d</sup> Acceperunt ergo corpus IESV & ligaverunt illud linteis cum aromatibus, sicut mos est Iudæis sepelire. *Mar: 15. 46.* Ioseph autem mercatus <sup>e</sup> sindonem, & deponens eum involuit <sup>f</sup> sindone. *Matth: 27. 59.* Et accepto corpore involuit illud in sindone munda. 60. Et posuit in monumento suo novo quod exciderat in petra. *Ioan: 15. 41.* Erat autem in loco, ubi crucifixus est, & hortus & in horto monumentum novum, in quo non dum quisquam positus erat. *Matth: 27. 60.* Et po-

nis. Sit cecidit sic jacet columen & culmen rerum. Erravi: cadaver DEI, trophæum est amoris: si gloriari vellet DEUS hoc gloriaretur. Cum ab amore vincitur

<sup>a</sup> Mori non timet qui videt & cogitat vitæ auctorem pro se mortuum: in magistri morte didicerat mortem non timere vitamq; libenter prodigere *Metaphrastes* &c. placuit nec improbabile est, arduum hoc opus agtessum Iosephum, virginis quæ aderat, hortatu: ut discamus difficilia quæq; in B. V. obsequium nobis adeunda. Nec periculum timendum dū B. V. svadet aut aliquo pacto seu indicio invitat. *Novarin:*

<sup>b</sup> Seu te crux nollet dimittere, seu tu crucem; inferenda utriq; à Nicodemo vis fuit. *Iugl:*

<sup>c</sup> Dimidia tantum parte Xtum amans. *S. Greg: Naz:*

<sup>d</sup> Repuerascere visus es, Matris iterum rlnis exceptus, fuit hæc infantia mortis tuæ, quæ lactata *MARIÆ* lacrymis immortalem utiq; adolevit ad vitam. *Iugl:* De filio male tractato satuari non poterat. *S. Bernard: Tunica filij mei est cruentam pueri vestem quasi filij corpus deosculans: eadem re dolorem incendens & leniens. S. Gr: Naz: de Iacob: orci: 14.* Nimia filii in patriam charitas, nimiaq; simul humanitas te: simul & me perdidit. Dicebat *Segistrata Mater Super Agi filio principe Spartano cæso apud Plutarch:* Mater deponere filij cadaver: amoris pondus, pondus est doloris. Hiccinē DEUS! squallet crinis flos potentix, squallet frons majestatis speculum: jacet supercilium æternitatis horoscopus, rigent signa felicitatis oculi, langvent manus rerum artifices: frigent pedes naturæ Domini: horrefit corpus pompa pulchritudini-



citur triumphat DEUS: hoc cadavere mors animatur in vitam. *Bomplanat.*

*e* Quantiscunq; sumptibus confect, lucrum est pietatis nomine facere sumptum. *Tertul.* Ille X<sup>m</sup> in munda sindone involuit qui purâ eum mente suscipit.

*S. Hieronym.*

*f* A mundissimis manibus in Sindone munda depositus, ne mortuus quidem toleras sordes. *Iugl.*

*g* Ut DEO mortem fuisse in delicijs scias tumuli locum attende: non Eremus sed Hortus est. *Iugl.* Quid si in horto geniali sepulchrum, ne quis genio largè indulgeret? *Velloso.* Renascitur homo ubi tumulatur X<sup>us</sup>: inchoatur immortalitas hominis, ubi desinit mortalitas DEI, Eheu! exanimis DEUS est! quia homo deseruit Spiritum DEI. Dejicitur in tumulum, quia e corde ejicitur: nisi doles t<sup>u</sup> me: prope tumulum Tribunal erit: imò gaude, sepulchrum DEI, limen cæli est. *Bomplanus.*

*a* Vide in isto pietatis & sanctitatis semina, ac veluti fundamenta: novum sibi sepulchrum exciderat, mortem & sepulchrum cogitabat: quidni pijs operibus det operam? si Sacerdotum principes mortem, si sepulchrum cogitassent, in tam immania scelera fors non cecidisset. *Novarin.* In simplici sepulchro Dominus ponitur, ut divitū ambitio arguatur, qui etiam mortui fastus & superbiz insignia præferunt. In aliena sepultura locari voluit, quia pro aliena salute mortuus. Suum non habuit sepulchrum qui non sibi mortuus sed nobis. Cur denique propriū curaret brevi surrecturus. *Idem.* Non admissurus ad ostium lapidē nisi cum eo sepulta mors esset, quam ultra liberam nollet? *Iugl.*

*b* Vide conversum Ordinem: Discipuli siquidem fugerant, Discipulz verò assistentes permangebant. *Euthymius.* Cæteris abeuntibus solæ mulieres perseverâr; ideo meruerunt primæ videre X<sup>i</sup> resurrectionem. *Novarinus.*

*c* Nardus mea dedit odorem suavitatis. Cant: 1. Unxerat ante mortem Magdalena Christum nardo: at Virgo Mater multo plus habuit de pretiosiore a labastro, multo pretiosiore nardum in filium jam mortuum sepul-

fuit illud in monumento suo novo, quod exciderat in petra, & advoluit saxum magnum ad ostium monumenti & abiit. 61. Erat autē ibi Maria Magdalena & altera Maria <sup>b</sup> sedentes contra sepulchrum.

*Mar:* 15. 47. Maria autem Magdalene & Maria Ioseph aspiciabant ubi posuerunt. *Luc:* 23. 55. Viderunt monumentum & quem admodum positum erat corpus ejus. 56. *c* Et revertentes paraverūt aromata & ungenta, & Sabbatho quidem filuerunt, secundum mandatum. *Matth:* 27. 62. *d* Altera autem die quæ est post parasceven convenerunt Principes Sacerdotū & Pharisei ad Pilatum. 63. Dicen-

tumq;



tumq; effudit, tota illi commorēdo & se totam illi per maternum consepeliendo affectum. *Guilelmus in Cant:* Indivisa affidebat sepulchro. *Metaphr:* In ipsa sola remansit fides (*vide dicta superius*) & propterea dies Sabbati attribuitur ei. *S. Bonav:* Alias quoq; Marias adhortata ut secum versarentur pertraxit, utq; essent forti & generoso animo: & vellent adherere huic ipso qui non videtur & tamen cum non cernatur appropinquat. *Metaphr:* Infundunt mulieres oleum; Apostoli fundunt sanguinem; mortem ista stupent; hi subeunt mortes: illæ portant aromata; hi flagella. *S. Chrysol:* Non hoc præcipuum amicorum munus est præsequi defunctum ignavo questu, sed quod voluerit meminisse: quod mandaverit exequi. *Tacitus.*

*d* Id est Sabbatho quare non exprimit Evang: An ut oblique principes sacerdotum perstringat & arguat quod hac die Sabb: tam solenni, tanquam Sabb: non fuisset: quā alias Xpi facientem miracula calumniabantur ex mera superstitione: nunc ipsi nullā sabbati religione tacti Præsidem adeunt, militem petunt, revoluta lapide sepulchrum aperiunt, claudunt obsignant, operibus servilibus minime abstinētes, tanquam si Sabbathum non esset: adeoq; nec Evang: nominat: quia non erat, quantum ad Iudæorum insaniam. Hic impiotum mos ut alijs per calumniam legis violationem objiciant, ut invidia & malitiæ suæ famulentur; nullā religione tangantur; nimirum in quo alios reprehendunt, magis reprehensibiles datā occasione redduntur; & errorem quem in alijs damnant, in se non vident. In tota historia passionis vix alibi Phariseorum mentio fit: cur ergo signatē hic exprimuntur? an ut notanter illos perstringeret qui cum exactissimam legis & traditionum observationem profiterentur: nunc Sabbathum violenti ut suæ malitiæ satisfaciunt. Perē accidit ut qui alios calumniosē carpunt, in eandem culpam facile labantur. *Novarinus.*

tes: Domine recordati sumus quia  
a seductor ille; dixit adhuc vivens:  
post tres dies resurgam. 64. Iube ergo  
custodiri sepulchrum usq; in  
diem tertium, ne forte veniant discipuli ejus, & furentur eum, & dicant plebi surrexit à mortuis. Et erit novissimus error peior priore. 66. Ait illis Pilatus: habetis custodiam, ite custodite, sicut scitis. 66. Illi autem abeuntes munierunt b sepulchrum signantes lapidē cum custodibus.

a Seductor vocatus titulum hunc pro epitaphio excipis nullā tibi magis laude placens quā quod ambulantes in tenebris seduxeris in viam lucis. *Iugl:*

Epitaphiū sepulti IESV.

b Conditur hoc tumulo conditor, exemplar hominis & exemplum DEI. Prius fecit quæ doceret; opus enim in homine animat verba: verbum in DEO animat opera. Puer latuit; paruit juvenis, vir toleravit. Non conditur pueritia nisi lateat, non regitur juvenus nisi pareat: nisi toleret, vir degenerat. Mitis vixit ac humilis corde; & mansuetudo conciliat homines: humilitas DEUM. Quid verō est vivere? nisi



nisi Deo hominibusq; placere. Demum ex alto moritur: non bene enim moritur qui non procul à terra. Natus in stabulo, in cruce mortuus, in sepulchro novo conditur: zn quia novum in orbe, nasci & mori DEUM. Bomplanus.  
*Aliud epitaphium Xto sepulto, instrumentis passionis ejus deniq; Iuda proditori, invenies apud Aloisium Iuglarem, in elogijs DEI hominis.*

Cui sit honor & gloria. Amen.

## ADMONITIUNCULA AD LECTOREM

*De annotationibus hujus secundæ partis  
 deq; earum usu.*

**A**Nnotationes marginales non singulis versibus textus Evangelici apponuntur; sed ijs tantum qui moralitatis, præsertim rarioris capaces visi. Nec omnes quotquot reperi in Sanctis Patribus, probatisve Authorib; possent: sed illæ duntaxat quas suggesserunt authores, qui ad manũ erant; idq; semper habito delectu. Literulæ annotationib; præfixæ remittunt lectorem ad textum eadem literâ prænotatum; & vicissim à textu ad annotationem. Numeri qui in versibus textus sparguntur, ubi sunt bini, prior caput Evangelistæ, posterior versum designat: ubi singuli, solum versum illig capitis quod superius fuit expressum. Dum uberior seges moralitatum occurrit, non solum oppleti margines, verum etiam in aversam alicubi, alicubi in oppositam paginam, subinde integram, annotationes excurrerunt: scito proinde Lector benevole quidquid supra textum sequentem est, ad antecedentem totum spectare. Authores cuilibet textui subjunguntur: sicubi vero nomen authoris non est appositum: ex arguto eharactere facile Aloisium Iuglarem conjicies. Ne autem dimidiata authorũ nomina dubium faciant; syllabum omnium initio libri invenies, ex quo & nomina & qualitatem Authorum addiscas. Textus eorũ perlerumq; ea fide posui, prout in fontibus, aut ab alijs citatos inveni: si prolixiorẽ alicuj; discursũ brevitatis studio fuit opꝝ: cõtrahere, non apposui Authorẽ in recto: sed ex eo dũtaxat hoc vel

vel illud  
 multiplex  
 mini per  
 excurre  
 gendam u  
 tius per p  
 bra, quan  
 nes, & in  
 nes, offen  
 cturus, co  
 recollige

2do Si e  
 mini seu u  
 ges totum  
 partem,  
 Ex quibu  
 tionis ad  
 quam (u  
 complur  
 lucubrat  
 tarios, se

Deniq;  
 ti facun  
 gesta su  
 ris, forsit  
 literula  
 pagina a  
 P. Gvile

Q Væ  
 tab  
 incurvo



vel illud esse annotatum. Vfus porro annotationum istarum multiplex esse potest. imò si continuâ lectione passionem Domini percurrendam statueris: identidem ad notas marginales excurrere non erit in utile, manducentibus literulis ad colligendam uberiores meditandi materiam. Verum expediret potius per partes sacram hanc Historiam commentari; & per mēbra, quàm totam simul: aliàs enim frequens excursus ad margines, & in ipsis marginib9 ad varias nec rarò oppositas reflexiones, offendiculo magis erit quàm auxilio. Totam passionem lecturus, consultius oculum ab annotationibus ad solum textum recollegerit.

2do Si concionem, exhortationemve sacram de passione Domini seu universa, seu in mysteria dispersita, institueris: perleget totum opusculum: nec enim prolixum est, aut certe illam partem, quæ ad propositum est, adibis cum suis annotationib9. Ex quibus (ni fallor) tum argumenta dictionis, tum confirmationis adjuncta, tum amplificationis semina decerpes. Quamquàm (ut fatear) siccius nonnihil illa mysteria tractavim9 quæ complures alij patrio latineve idiomate tractant, & quorum lucubrationes præstò occurrunt. Nec enim luculentos commentarios, sed breves reflexiones scribere fuit institutum.

Deniq; ad alias quasvis sacras conciones cujuscunq; argumenti fecundandas & ornandas, moralitates hic non paucæ congestæ sunt: quarum si indicem in calce libri positum consulueris, forsitan subinde poteris juvari. Numerus in indice paginæ, literula annotationem indigitat. Cæterum pro complemento paginæ affectum ab argumento proposito non abludentem ex P. Gvilelmo Stanihursto habe.

*Supplex affectus ad CHRISTVM Passum.*

**Q**Værens me sedisti lassus, redemisti crucem passus, tantus labor non sit cassus. Te obsecramus per illam crucem, quam incurvo corpore, inclinato vertice, capite spinis coronato, frangis



etis humeris, lacero tergo, sangvinolentis pedibus, lacrymantibus oculis, suspirante corde, pro nostra salute portasti, repens per plateas Ierusalem, ad montem Calvariae. Per illam crucem te obsecramus, quam perfudisti tuo sudore, tuis lacrymis, tuo sanguine, in qua pro inimicis Patrem orasti, latroni paradisum promisisti, Patri Spiritum reddidisti, ut hæc Crux in die iudicii sit nobis instrumentum vitæ, non mortis: salutis, non perditionis; clavis denique Cœli, ubi tecum æternum regnemus, qui regnasti à ligno.



Q  
 & resp  
 starum

Quando  
 la gens  
 tem tum  
 Et iam f  
 revocatur  
 dimer ut

Quis  
 CHR  
 ma

L  
 nu  
 le  
 testatur  
 pem CH  
 vitant;



# QVÆSTIONES

& responsiones Textum SS. Evangelistarum, passionem CHRISTI describentium elucidantes.

*Quandoquidem Principes Sacerdotum & tota perversa gens Iudaica in Salvatoris innocentissimam mortem tum vel maximè conspirârunt dum quatrIduanum & iam fatentem Lazarum de monumento ad vitam revocavit & nos opusculi hujus materiam inde exordimur uti in Elencho n. I. exprimitur. Opera pretium est inquirere ac elucidare.*

I.

Quis nam ille fuerit Lazarus quem CHRISTUS à morte suscitavit? & an majus sit miraculum obstinatum peccatorem converti, quàm à mortuis resurgere?

**L**azarum Marthæ & Magdalenæ fratrem inde bonum virum cognoscimus, cum eum CHRISTO dilectum esse Discipulus ille quem diligebat IESVS testatur Ioan: 11. Neq; alia persuasione ad ferendam ei operam CHRISTVM absentem Sorores quam dilectione invitant; Domine ecce quem amas infirmatur. CHRISTVS

O

etiam



etiam Dominus postpositis in suam vitam Iudæorum machinationibus accinxit se itineri in Iudæam, non obstante discipulorum disuasionem: *Rabbi nunc querebant te Iudæi lapidare, & iterum vadis illuc.* Ut Lazarum, quem amicum suum vocat, à somno excitaret. Deniq; & Iudæi dum IESVM lachrymantem advertunt, profitentur teneritudinem amoris ejus in Lazarum: *dixerunt ergo Iudæi: ecce quomodo amabat eum.*

2. Et quamvis idem S. Evangelista non faciat mentionem, post suam tamen ad vitam revocationem Lazarum ingentes CHRISTO egisse gratias vitamq; ab ipso receptam æternum dedicasse, piè existimandum est, factus enim ejus Discipulus, Prædicator & Episcopus.

3. Vitam ejus describit Petrus de Natal: Episc: Esquilinus lib: i. Catal: Sanct: c. 72. *Lazarus Episcopus frater Marthæ & Magdalene, nobilis de genere Iudæorum; dives ac præpotens, patre Syro, matre Eucharía exortus: quatri-duanus defunctus, à Domino ex mortuis suscitatus, Discipulus CHRISTI & Apostolorum consocius fuit, & in die Pentecostes unus ex numero centum viginti Discipulorum exstitit, in quos Spiritus Sanctus corporaliter effusus est. Et deinde una cum cæteris prædicationi verbi Domini instabat &c. Verùm persecutione Iudæorum, quæ facta est post Stephani lapidationem, ut dicitur Act: 8. ipse una cum sororibus suis & S. Maximino, & S. Celidonio, qui fuerat cæcus à nativitate, & cum Marcella pedisequa Marthæ, navicula sine remo vel duce impositi sunt, & mari expositi, à Iudæorum finibus expulsi. Qui DEO duce Massiliam pervenerunt; ubi prædicante Magdalena, & omni Provincia ad DEVM conversa, ipse anno decimo quarto, à Clero & populo Episcopus Massiliensis constitutus est. Et postquam Magdalena deserta montium petijt, ipse Massiliæ degens, DEI popu-*

populum se  
10. Kalen.  
ostenditur  
Addit idem  
suscitatus  
iterum mo  
Certè po  
errorem: d

Si qu  
morte ful  
panitenti

S. Gr  
est miracu  
catorem co  
enim resu  
in æternu

Con  
passim di  
xit: Lax  
excitem et  
tem & m  
rituali p  
Ne tamen  
ternam v  
proponit  
delictoru  
torum co  
debita san  
iusdem S  
Dominic  
sic luge  
O Homo



populum feliciter gubernavit, ubi & in Domino requievit  
 10. Kalen: Ianuarij cuius ibidem in matrice Ecclesia caput  
 ostenditur.

Addit idem Author: Dicitur quòd Lazarus à Domino 4.  
 suscitatus confestim CHRISTVM interrogavit, an eum  
 iterum mori oporteret: & quod de cetero nunquam risit.  
 Certè posset de se dicere Ecclesiast: 2. Risum reputavi  
 errorem: & gaudio dixi: quid frustra deciperis?

Si quæras quod fuerit majus miraculum an Lazarus à 5.  
 morte suscitatus an Soror ejus Magdalena peccatrix ad  
 pænitentiam conversa?

S. Gregor: lib: 3. dialog: c. 17. hoc resoluit. Majus 6.  
 est miraculum prædicationis verbo, atq; orationis solatio pec-  
 catorem convertere, quam carne mortuum suscitare, in isto  
 enim resuscitatur caro iterum moritura, in illo verò anima  
 in æternum victura.

Confidera hoc etiam quòd in S. Scriptura mortui 7.  
 passim dicuntur dormientes: & CHRISTVS Dominus dixit:  
*Lazarus amicus noster dormit, sed vado ut à somno  
 excitem eum.* Qualis ergo differentia est inter dormien-  
 tem & mortuum, talis inter, naturali in corpore, & spi-  
 rituali per peccatum in anima, mortis sopore obrutum.  
 Ne tamen talis quamvis sepultus & fætidus desperet æ-  
 ternam vitam, S. Thomas à villanova hæc sex remedia  
 proponit, scilicet: Pia Patronorum interpellatio, amara  
 delictorum contritio, diligens passionum curatio, clara pecca-  
 torum confessio, efficax Sacerdotum absolutio, & pænitentis  
 debita satisfactio. Vide plura tum alibi, tum in conc: e-  
 jusdem Sancti fer: 6. post Dominicam 4. quadragesimæ &  
 Dominica passionis. Vbi etiam hæc reperies. Sic dole,  
 sic luge, sicut Mulier unigenitum plorat defunctum &c. &c.  
 O Homo si sic plorares animam tuam, si sic plangeres ani-  
 me



*mae tuæ mortem! neq̃ enim minis cara est anima tua, quàm Matri unigenitus. ( addit verba S. Augustini ) quanto ergo magis lamentari deberes animam mortuam, quam potes lachrymis suscitare, quàm illa filium, quem lugendo non potest revocare ad vitam. Si enim posset (ait idem S. Thom:) quid non faceret? quomodo ejularet? sed & nobis insensatis, qui mortuâ animâ mille peccatis, nullum sentimus dolorem! sed opus est exprimere lachrymas, excitare dolorem, querere afflictionem &c. &c.*

8. Quàmvis plures mortuos CHRISTVS ad vitam suscitaverit, tres tamen notabiliter SS. Evangelistæ recensent. 1. Filiam Archisynagogi in domo. 2. Filium viduæ, qui ad tumulandum efferebatur in porta. 3. Lazarum quatuordecim annorum & fætentem in sepulchro.

9. Puella repræsentat peccatorem, qui peccatum suum continet in mente & cogitatione. Adolescens in porta, peccatorem, qui peccatum suum opere patefacit, & alijs affricat. Lazarus in monumento: qui peccatum opere consumavit, illudq̃ iterando, ejus habitum contraxit. Vnde primam suscitatur CHRISTVS seorsim & secretò orando, secundum, imperando: *Adolescens tibi dico, surge* Luc: 7. 14. tertium voce magna clamando: *Lazare veni foras.* Ioan: 11.

10. Et quoniam hoc miraculum, id est Lazari resuscitati, majoris miraculi insigne fit, videlicet resurrectionis illius, quando peccator à peccati mortiferi horrenda morte in vitam gratiæ à DEO revocatur. Profectò conversio obdurati peccatoris jure merito miraculum miraculorum dicitur. Prout S. Chrysost: serm: 63. Miraculum hoc Lazari à morte resuscitati signum signorum, & virtutem virtutum appellat id est miraculum miraculorum. Euthymius: maximum ac duplex miraculum, S. Basil: hom:

4. de gratia  
eo sensu f  
resurrexi  
vit de mo  
rectionis  
clausis ocu  
&c. Sed  
mortuo,  
larum cor  
DEI exc  
Itaq; ex  
culum in  
potest.

Quot  
&

M Ald  
muc  
fuit  
de re pe  
mispas,  
quo exa  
Hoc Tri  
um erat  
refis, fa  
nabantu  
conciliu  
postea c  
sto; con



4. de gratiar: actione, miraculum in miraculo. Sed hi in eo sensu fortè scripserunt quia, non solum, qui fàtebat resurrexit, sed etiam qui vinctus erat in sepulchro; exivit de monumento. Ideoq; S. Ambrosi lib: de fide resurrectionis inquit: *Comprehende si potes, quomodo Lazarus clausis oculis iter carpat, vinctis pedibus gradum dirigat?* &c. Sed hæc posses & de peccatore, spiritali morte mortuo, applicare; qui intellectu excæcatus, vinculis malarum consuetudinum strictus, tamen potest, per gratiam DEI excitantem gradus virtutum facere, & progredi. Ita q; ex his circumstantijs, conversio peccatoris, miraculum in miraculo, vel miraculum miraculorum, dici potest.

## II.

*Quot genera consiliorum Iudei habebant,  
& illud, quod contra CHRISTVM  
habuerunt, quale fuit?*

**M** Aldonatus & Franciscus Lucas, cum alijs ex Tal- I.  
mudicis Doctõribus tradunt triplex apud Hebræos  
fuisse Tribunal. Imum Din mamonz, id est iudicium  
de re pecuniaria, quod erat triumvirum. Secundum Din  
mispat, id est Tribunal iudicij scilicet de re capitali, in  
quo examinabantur causæ homicidij, latrocinij &c. &c.  
Hoc Tribunal constabat viginti tribus iudicibus. Terti-  
um erat Sanedrin, in quo graves causæ & scelera, & hæ-  
resis, falsi prophetæ, idololatriæ, apostasiæ &c. exami-  
nabantur, quod erat septuaginta duorum iudicum. Hoc  
concilium tam statim post resurrectionem Lazari, quam  
postea capto jam vincto & in domo sua præsentato Chri-  
sto, contra eum Caiphas convocavit.

Veri



2. Verisimile est in utroq; hoc concilio aliquos CHRISTI sectatores vel amicos abfuisse vel quia à Caipha non fuerunt vocati ne CHRISTVM defenderent, vel etiam nolentes se impiorum consilio involvere & in mortem innocentis consentire, sponte aliò diverterunt, vel etiam, quàmvis interfuerunt aliqui illorum uti Nicodemus, Iosephus ab Arimathæa vel alter quis ex occultis CHRISTI discipulis & favorabilem in CHRISTI partem sententiam tulerunt, tales impiorum insultu extrusi, vel in condito clamore oppressi tacere coacti sunt.

3. Sederunt itaq; ( impij illi consultores ac iniquissimi iudices ) & singuli sententiam dicebant ( ut ait S. Thom: à Villan: ) unus dicebat, comprehendatur secretè, & mittatur procul in custodiam ubi amplius non appareat. Alius, ligetur, & mittatur ad Cæsarem vel Pontio Pilato tradatur. Alius, occidatur secretè ab aliquo. Alius invitetur & potetur veneno. Alius publicè rapiatur & occidatur sed non in die festo ne fiat tumultus in populo. Nullus erat ibi qui responderet pro innocente & diceret: quid mali fecit? nullum aliud crimen reperitis, nisi quòd signa multa facit, quòd sanat ægrotos, quòd illuminat cæcos, quod suscitatur mortuos, propter hæc adorare debuistis; & pro his occiditis? his beneficijs talem præstatis remunerationem? ô audaciam! ô cæcitatem stolidorum consiliariorum! Illum tentatis occidere, qui mortuis vitam præstat? qui tantam à DEO accepit potestatem, & non consulitis an poteritis? talem vobis facitis inimicū, & non timetis ne fortè ille occidat vos. Facilius enim multò est vivos occidere, quàm mortuos suscitare.

4. Pulcherrimè ac Graphicè idem S. Thomas conc: fer: 6. post Dominicam passionis processum Consilij illius cōtra CHRISTVM deducit, verbis impiorum contra justum

in

in libro S.  
quæ brevit  
tendum  
singulorum  
scitis quidq  
riatur bom  
tis? suffici  
tatem dix  
de speretu  
clamat co  
esse popul  
remediu  
sed destru  
tum & de  
deretur, se  
jus, abijt  
dicitur Ep  
est in Ele  
Phar  
mis, dede  
anathema  
bi fit, in  
Thom: à  
thæ & p  
CHR  
gnantium  
in Bethan  
minicam  
sumpsit e  
ria Magd  
nico cum  
sus & seq



in libro Sapient: c. 2. (*Dixerunt impij &c.*) adicitatis, quæ brevitatis causâ omittimus. Hoc minimè prætermittendum est, quòd Caiphas Pontifex anni illius auditis singulorum suffragijs absolvit negotium dicens: *Vos nescitis quidquam, nec cogitatis quia expedit vobis ut unus moriatur homo pro populo.* &c. quid aliam causam inquiretis? sufficit ad hoc salus populi. O profane quantam veritatem dixisti! &c. Non debet occidi innocens etiam si inde speretur quæcunq; commoditas, quia sanguis effusus clamat contra populum: neq; occisio innocentis potest esse populo utilis, sed nociva. Aliâ viâ quærendum est remedium, nam occidere innocentem, non est quærere sed destruere bonum publicum. Ab illo ergo die decretum & determinatum est ut CHRISTVS Dominus occideretur, sed quia non dum advenerat tempus passionis eius, abiit in regionem juxta desertum, in civitatem, quæ dicitur Ephrem & ibi morabatur. Ioan: II. uti insinuatum est in Elencho n. 6.

Pharisæi & Pontifices non inveniētes eum Ierosolymis, dederunt mandatum & voce Præconis jusserunt sub anathemate & ejectione à Synagoga, ut si quis noverit ubi sit, indicet ut comprehendatur, & ut existimo (ait S. Thom: à Villan: ) quæsitus est in domo MARIE & Marthæ & per totam civitatem.

CHRISTVS Dominus contempsit consilium malignantium & impia decreta. Nam ante sex dies paschæ in Bethaniam venit, hoc est die veneris vesperi ante Dominicam palmarum, ibiq; sequenti die id est Sabbatho sumpsit cœnam assidente Lazaro à morte suscitato & à Maria Magdalena oleo pretioso inunctus sequenti die Dominico cum applausu & gaudio populi Ierusalem est ingressus & sequentibus diebus erat docens in templo ut in E-



lencho n. 15. & sequi innuitur, & non secundum Concilij, sed suam voluntatem & Patris æterni decreta, mortē subivit.

7. Consilium definit Romanus Orator. *Consilium est examinandarum gubernandarumq; causarum subtilis animi prospectus* Tull: in 2. Rhet: *Deliberatio est ante quodlibet inceptum plena maturitatis & solertiæ consideratio.* Idem. Et Ecclesiastes admonet: *Fili sine consilio nihil facies, & post factum non penitebit.* c. 32. *Fili ne sis Sapiens apud te ipsum, sed consilium semper à sapiente inquire.* ibid: Et ipse Dominus DEVS speciem quandam consilij repræsentavit in creatione hominis, quod sit idea & norma nostrorum, dum ait *faciamus hominem ad imaginem & similitudinem nostram.* Genes: 2. ut S. Greg: Niss: perpendit, *Solius ad hominis fabricationem Creator ille universitatis rerum quadam cum consideratione accedit:* quod & S. Basil: admirans ita loquitur. *Mare & pelagus immensum præcepto ad esse producta sunt: piscium genera omnigena jussu facta sunt; feræ & jumenta, & volatilia, dixit & facta sunt: hic non dum est homo, & consilium fit de homine. Ideo consiliamur, ut regulemur in actionibus nostris* Agid: de regim: Princ: p. 2. l. 3. c. 16. *Ideo DEVS consilium præmisit dum hominem effingeret, ut eum doceat, aliorum consilia non detrectare.* Ioan: Pineda. l. 4. c. 37. Ethol: 924. n. 8. S. Chrysost: hom: de ferendis reprehension: ait: *Etiamsi perfectus sis, opus est tibi consiliario. Consiliarijs omnes opus habent. Multa enim sunt, quæ, etiam magni & admirabiles viri ignorant.*

8. Sprevit Iulius Cæsar spurinæ consilium, qui ob prognosticum Cæsari factum quod *ultra Calendas Martij non viveret*, Ei, ut sibi cautè prospiceret, iusserat; quæ cum Cæsar fideliter monentem derideret, imò sibi Senatum

tum ingred  
lenda: Mart  
non dum pra  
torum Brut

Sed qui  
postulet, qu  
3. l. 6. c. 7  
Cum ignora  
residui, ut  
pravus tim  
animi pert  
Angelicus  
consiliativ  
mor, neq;  
affecto, sec  
minus vel  
manti vid  
timet, ter  
qualibet p  
bene consi

Neces  
rium est c  
consilio &  
maximè e  
tatem, &

Vnde  
serva ani  
Hugo Car  
arius, quæ  
silium, &  
firmer pr  
Ex q



tum ingredienti obvium hoc dictorio notaret: *nonne Calendæ Martij advenêre?* Spurina eidem respondit: *sed nondum præteriêre.* Vnde paulò post per manus conspiratorum Bruti & Cassij violenta & funesta mors ei accidit.

Sed qui consilium bonum cupit invenire: DEI lucē 9. postulet, quæ veluti fax inquisitioni præeat. Barad: tom: 3. 1. 6. c. 7. Præclara sunt verba Iosaphat 2. Paralip: 20. *Cum ignoremus quid agere debeamus, hoc solum habemus residui, ut oculos nostros dirigamus ad te &c.* Abjiciendus pravus timor, prava cupiditas, invidia, odium, omnesq; animi perturbationes longè repellendæ. Nam ut docet Angelicus Doctor 2. 2. quæst: 44. art: 2. Dicitur aliquis consiliativus, à facultate bene consiliandi, & sic nec timor, neq; aliqua passio consiliativos facit, quia homini affecto, secundum aliquam passionem, videtur aliquid vel minus vel majus, quàm sit secundum veritatem. Sicut amanti videntur ea, quæ amat, meliora; & timentia ea, quæ timet, terribiora. Et sic ex defectu rectitudinis iudicij, quælibet passio ( quantum est de se ) impedit facultatem bene consiliandi. Hæc D. Thomas Angelicus Doctor.

Necessaria est quoq; consultoribus scientia, necessaria 10. rium est consilium. Proverb: 8. *Ego Sapientia habito in consilio & eruditis intersum cogitationibus.* &c. Neccessaria maximè est conscientia, quæ ostensam amplectatur veritatem, & secundum illam sententiam ferat.

Vnde observanda cautio. Eccles: 37. 9. *A consiliario II. serua animam tuam, prius scito quæ sit ejus necessitas.* Hugo Card: ait. Ideò primò considera qualis sit consiliarius, quàm ei consentias: Ne fortè sit terrenum ejus consilium, & te per cupiditatem figat in terram, & suum cōfirmet pro terreno commodo.

Ex quibus patet consilium Caiphæ fuisse erroneum, 12.



qui solum sibi sapiens videbatur? omnes alios veluti imprudentes vel inexpertos despicit & contemnit dicens: *Vos nescitis quidquam &c.* & ipse se magis ignorantem esse manifestè probat. *Consilium huius Pontificis simpliciter fuit erroneum* inquit Dionys. Carthus. Svadebat enim facere malum, ut inde bonum eveniret, qui tanquam ignorans nesciebat, quòd non sunt facienda mala, ut eveniant bona.

13. Carebant certè hi tam scientiâ, consilio, quàm conscientiâ. Odium enim, atq; invidia, consilium, conscientiamq; absorbuerat. Itaq; nesciebant quidquam. *Vos nescitis quidquam &c.* Sed neq; ipse Caiphas sciebat, neq; enim quod dixit intellexerat; etiamsi Evangelista eum dicit prophetâsse. Os tantum ejus ad loquendum, non verò cor à DEO movebatur.

14. Consilium hoc Caiphæ fuit consilium iniquorum vanorumq; hominum ut ait Rupert: in Ioan: Nam neq; in eo videmus DEI imploratam lucem ideòq; tetra consultantes operuit caligo Psal: 81. *Nescierunt neq; intellexerunt, in tenebris ambulant, movebantur omnia fundamenta terræ. &c.* In tenebris consilium congregatum est commotaq; sunt Reipub: Iudaicæ fundamenta, consilij decreto atq; à fundamentis commota corruerunt. Neq; lex & Prophetæ in hoc consilium introierunt. Nam non secundum legem atq; Prophetas sententiam dixerunt. Si enim (inquit Rupertus) Lex & Prophetæ in illam Ecclesiam introjissent, si ab illo consilio consulti fuissent, quid responderent dicentibus illis: quid facimus, quia hic homo multa signa facit? quid inquam, responderent? nisi, audite eum & credite in eum &c. *Iniquum est omne consilium in quod Lex DEI ejusq; mandata non ingrediuntur.*

Opti-

Optim  
tur: Cagiti  
Psal: 20.  
gitaverunt  
rent de ter  
lium con  
quia impe  
Regnum  
go Card:  
ne a Rom  
IESVM  
tum sumpt  
internecio  
traditi su  
non effuge  
Soci  
trepidant  
non trep  
timoris  
honorem  
hoc enim  
tyr: Si  
aliquid a  
mundi l  
git à n  
D.  
& Ph  
Iniquus  
STVM  
CHRIS  
semper f  
mittatur



Optimè de Caipha alijsq; malis consiliarijs verificatur: *15.*  
*Agitaverunt consilia, quæ non potuerunt stabilire.*  
 Psal: 20. 12. Quæ verba à S. Athanasio ita explantur: *Cogitaverunt consilia maligna, ut nomen CHRISTI delegerent de terra, quæ non potuerunt stabilire, quia non est consilium contra Dominum. Hæc cogitaverunt Terraverunt, quia impediti sunt in consilijs suis, etenim hoc ipso amiserunt Regnum & gentem, quia CHRISTVM occiderunt. Hugo Card: Dionys: Carthus: ait, Ideò IESVM occiderunt nè a Romanis vastarentur, sed ideò sunt vastati, quoniam IESVM occiderunt. Euthymius in c. 11. Ioan: Prætextum sumpserunt occidendi CHRISTVM nè a Romanis inter necionem traderentur; quia verò occiderunt inter necionem traditi sunt. Et quæ fecerunt ut effugerent, ea, quæ fecerunt, non effugerunt.*

Socios multos hi habent Pontifices & Pharisei: qui *16.*  
 trepidant in damno temporalium, ubi non est timor; &  
 non trepidant in damno Spiritualium, ubi maxima causa  
 timoris existit. Ne timeas amittere pecuniam, sanitatem,  
 honorem, sanguinem, vitamq; pro DEO animiq; salutem,  
 hoc enim non est amittere sed lucrari. Tertul: ad Mar-  
 tyr: *Si aliqua, inquit, amisistis vitæ gaudia, negotiatio est  
 aliquid amittere, ut maiora lucreris.* Et S. August: *Pereat  
 mundi lucrum, ne fiat animæ damnum.* Hunc timorem exi-  
 git à nobis DEI amor super omnia &c.

D. Bernard: tract: de gradibus humilitatis, Caiphæ *17.*  
 & Phariseorum iudicium, appellat iudicium timoris.  
*Iniquus iudex est timor pravus: sententiam contra CHRI-  
 STVM fert. Ne regnum terrenum amittamus, occidatur  
 CHRISTVS. Eximius autem. Iudex est amor DEI,  
 semper fert hanc pro DEO sententiam. Ne unus DEVS a-  
 mittatur, amittantur omnia.*



18. Proverb. 10. *quod timet impius, veniet super eum &c.* Timebant Romanos Iudæi, venerunt Romani super eos, Remq; publicam penitus everterunt: (adde & vitam æternam amiserunt.) Vnde D. August: tract: 49. *Temporalia perdere timuerunt, & vitam æternam non cogitaverunt, ac sic utrumq; perdiderunt.*
19. Vtinam ex hoc infelici Caiphæ ac Consiliariorum ejus processu & eventu, sæculi nostri Pseudopolitici Machiavellistæ & perversi Apolecti consiliarij q, intelligerent, saperent, & novissima providerent! *Non rationem statûs*, sed DEVM, Iustitiam ac conscientiam præ oculis habendo. Profectò falsum illud non promulgarent tam sæpè edictum: expedit ut unus moriatur ne tota gens pereat, expedit, & præsens rerum status exigit ut Ius divinum humanumq; violetur, expedit ut indemnitas Ecclesiastica juribus & sancitis sæcularibus ancilletur: expedit ut pauperes subditi continuis exactionibus opprimantur. Expedit &c. &c. *Sicque contingit & nunc multis qui detestantur facinus Phariseorum* (ait S. Thom: à Villan: ) *conspirantium contra IESVM, & ipsi contra ipsum conspirant, & intra se ipsos, ipsum crucifigunt.* Vnde lamentatur D. Bernard: *Totus mundus hodie conspiravit contra te ô bone IESV.* Sed uti quondam Iudæorum, sic & modo pseudo-Christianorum, magni consilij Angelus, adducit *Consiliarios in stultum finem, & Iudices in stuporem.* Iob:

12. 17.

## III.

*Quomodo Iudæi peccaverunt CHRIS-  
TVM occidendo, quandoquidem ipse  
morte sua voluit hominem redimere?*

Quam.

QV  
p  
r  
pati volui  
(inquit)  
nec de uno  
Redemptor  
Dominus  
cogit ut f  
Vnde ide  
ô Iudæi  
non hoc r  
vos factu  
verunt f  
soli non h  
splicuit,  
Prud  
entia sal  
tūm exc  
VS simp  
cis comp  
cidens )  
missio tr  
fi velle:  
VS non  
& place  
displice  
tis fit l  
adversu  
CHRIS  
nunquan  
DEL,



**Q**uamvis mori DEVS statuerit pro homine, assum-  
pta humanitate, non tamen ad peccatum Iudæo-  
rum concurret: sed mortem quam illi intulerunt,  
pati voluit. Vnde S. Leo serm: 16. de pass: *Non inde*  
*(inquit) processit voluntas interficiendi, unde moriendi:*  
*nec de uno exstitit Spiritu atrocitas sceleris, & tolerantia*  
*Redemptoris. Non impias furentium manus immisit in se*  
*Dominus, sed admisit; nec præsciendo quid faciendum esset,*  
*cõegit ut fieret: cum tamen ad hoc carnem suscepisset ut fieret.*  
Vnde idem S. Leo serm: 1. de pass: nil, ait, *vobis gratiæ*  
*ô Iudæi, nil tibi Iuda debemus. Salvationi quidem nostræ*  
*non hoc vobis volentibus impietas vestra servavit & per*  
*vos factum est, quidquid manus DEI & consilium decre-*  
*verunt fieri. Mors igitur nos liberat, vos accusat: meritò*  
*soli non habetis, quod omnibus perire voluistis. Actio di-*  
*splicuit, Passio grata fuit.*

Prudentissimè R. P. Samuel Laberhittel S. I. in Sci-  
entia salutis consideratione 20. asserit: quòd peccato tan-  
tùm excepto, reliqua omnia erroris, malaq; physica DE-  
VS simpliciter velit per se ( sunt enim objectum simpli-  
cis complacentiæ DEI, quia bona simpliciter vel per ac-  
cidens ) ut volendo Iustitiam, vult pñam; & quia per-  
missio tribuit DEO effectus: Non enim permetteret, ni-  
si vellet: excepto semper peccato, ad quod aspicere DE-  
VS non potest: fieri autem eadem res DEO displicente,  
& placente sibi in eadem, sub diversa consideratione; ita  
displicet perditio hominis, quâ creaturæ: placet, quâ sa-  
tis fit Iustitiæ; & ut ait D. Basil: Epist: 165. quidquid  
adversus contigit innocentibus, Iobo, Tobix, Iosepho,  
CHRISTO, volente DEO accidit. Ideo statuendum est  
nunquam admittere displicentiam circa Paovidentiam  
DEI.

*Qua-*



*Quare CHRISTVS Iacobo & Ioanni  
Apostolis petentibus ut unus a dextris,  
alter a sinistris sedeat in regno eius, respō-  
dit: nescitis quid petatis?*

1. **S**anctus Hieronymus in Matth: c. 20. v. 21. commē-  
cario ita fatur: *respondens autem IESVS dixit: ne-  
scitis quid petatis. Nec mirum si isti arguantur imperitiā,  
cū de Petro dicatur nesciens quid diceret. Nempe Petrus  
& Collegij vertex, & Apostolorum Princeps designatus  
erat: Hic inquam, aliquando audivit duriusculum verbū.  
Nesciebat quid diceret Luc: 9. 33. Exinde oportebat ut  
idonea occasione oblata, simili inscitix elogio discipuli  
Petro inferi res, pariter devenustarentur, nē Petro in-  
scitix alicubi denotato rudes tunc, nec ē cælo adhuc  
planē eruditi, fortē arroganter tumescerent, & se in re  
sapientix putarent præferri Petro, qui Apostolorum  
Princeps renunciatur. Audiant Iacobus & Ioannes: ne-  
scitis quid petatis, siquidem Petrus audivit: nesciebat quid  
diceret.*
2. **S.** Chrysoſt: Hilar: Euthym: Theophylactus censent  
matrem pro filijs, vel etiam filiosmetipsos pro se, Spiri-  
tualia petiſſe, & rem Apostolis dignam postulāſſe, cur  
ergo hæc petitio reprobatur? cur CHRISTVS DEVS e-  
am diſertē damnat? dicens: *nescitis quid petatis.* Innuat  
aliquid imperfecti operis Author, hom: 35. in Matth: dū  
ita ait: *Non dicimus quod recte peteret hæc mulier; sed hoc  
dicimus quia non terrena, sed cælestia filijs suis optabat.*  
Merito damnatur hæc petitio, quia etſi cælestia petit, non  
*recte*

*recte petit.*  
STVS ajebe-  
tens gloriæ  
ris Apostoli  
audientes d  
lis iam pro  
fide defide  
Hilarius )  
rat, iudica  
importuno  
quas CHR  
illis ultro  
navit hom  
donabit? P  
misericordi  
licet recta  
velut repu  
Res petit  
studitur &  
Subli  
kt duo filij  
in regno t  
summatib  
ctius conc  
ronymi ve  
tem, (inc  
meum da  
vocalula  
tur exclus  
mas sedes  
sentibus,  
palam co



*recte petit.* Petit importuno tempore: nam dum CHRISTVS aiebat de passione, *tunc accessit ad IESVM* expectans gloriæ sedes. Petit prærogativam adstantibus cæteris Apostolis, quod eorum provocavit indignationem: *Et audientes decem indignati sunt de duobus.* Petunt, quod illis iam promissum erat, quasi ambigerent de promittentis fide desiderij impatientiâ. *Nesciunt enim quid petant* (ait Hilarius) *quia nihil de gloria Apostolorum ambigendum erat, judicatueros enim eos sermo superior exposuit.* Quid importunos intercessores advocant ad obtinendas sedes, quas CHRISTVS Dominus Apostolici Collegij Rector, illis ultro donandas promiserat? *Qui autem se ipsum donavit hominibus, quomodo ergo regni sui Societatem non donabit?* Petentis negligentia reprehenditur, ubi de dantis misericordia dubitatur: Imperfecti hom: 35. in Matth: scilicet recta non rectè negotiantur, & ideo rei ipsis debita velut repulsam tulere, dum audiunt *nescitis quid petatis.* Res petita placet, tempus petitionis & modus petendi fastiditur & retunditur.

Sublimiori verò sensu ad petitionem: *Dic ut sedeant* 3.  
*et duo filij mei, unus ad dexteram tuam, & unus ad sinistram*  
*in regno tuo.* Cur CHRISTVS DEVS rem Spiritualem summatis Apostolorum non palam concesserit, sed rectius concessionem dissimulaverit? luculenter ex S. Hieronymi verbis rationem idem Celada eruit. *Sedere autem,* (inquit) *ad dexteram meam vel sinistram non est meum dare vobis. Sed ideo sedentium in regno cælorum vocabula non dicuntur, ne paucis nominatis cæteri putarentur exclusi.* Nimirum huiusmodi Apostolorum Proceres primas sedes in regno cælorum expetunt, quod cæteris præsentibus, & in eis omni Christianæ Ecclesiæ multitudine, palam concedendum non erat: nè, si duos cæteris præfer-



ri notum esset, à primarum cæli sedium pio ambitu cæteri viderentur exclusi, & inde ad horum merita pervenire desperarent. Et ideò primò sedentium in regno cælorum vocabula non dicuntur, ne duobus ad primatum palam nominatis, primæ sedis capiendæ torperet aviditas atq; pia cessaret æmulatio. Pro viribus quisq; ad cæli primatum contendat, religiosâ pietatis invidiâ certent universi neq; putent primas cæli sedes ab aliquo mortalium præoccupatas, ut illas perfectionis æmulatione solertiùs exambian.

4. Nimis profectò audet Salome pro filijs postulatio. Magnum quid petunt adeò ( ut dixerit Chrysost: 66. in Matth: ) *si novissent, quæ petebant, non ausi fuissent tantum petere, quod superexcedit superiores virtutes.* Videbant Petrum sibi in omnibus præferri, & CHRISTVM olim audiêrant primatum throni Petro pollicentem, dum illi dixerat: *Tu es Petrus, & super hanc Petram ædificabo Ecclesiam meam.* Matth: 16. 17. in quo ergo inniti potuit tanta fiducia, quæ primas sedes in CHRISTI regno præsumeret excluso Petro, qui expressissimis verbis ad throni primatum à CHRISTO electus erat, & palam primus Apostolorum omnium renunciatus: quid? ambiunt ut CHRISTVS DEVS revocet promissionem à se factam & omnibus pervulgatam, & repetitis actibus stabilitam? unde tanta Salome & filiorum præsumptio? scilicet Salome ( ut eruditè inibi notat P. Maldonat: ) *creditur Sororem B. Virginis fuisse.* Ecce tibi audacissimæ ambitionis incentivum expressum illis verbis: *dic ut sedeant hi duo filij mei &c.* Nempe throni primatum verbo DEI, Petro confirmatum, arctæ consanguinitatis jure, & cognationis merito filijs suis, extorquere præsumit. Nihil arduum fore putat, dum cognatio electionem procurat, dum sanguis

gvis

gvis thron  
i cognato

Hoc

annis conl

stulet, ut

dem occup

ulli inferi

tiosâ dixi

sinfram i

peris impe

petendum

sto. Nam t

torum sec

cavi ad p

tera curri

stigmati

ambitio

tempesti

dexteram

præ alijs

non petu

fas in reg

arceant,

abigant,

solos uni

gotiantur

aurem pr

rant salte

esse ambi

movit, &

quid petat

STVS, &



gvis thronos negotiatur. O quid non præsumat cognatio à cognato in sublimi dignitate fulgente!

Hoc etiam in ista petitione vel ambitu Iacobi & Io-  
annis considerandum venit, quòd Mater illorum non po-  
stulet, ut in CHRISTI regno, filiorum alter primam se-  
dem occupet, alter secundam; ne ullus secundus sit, &  
ulli inferior, qui est ambitionis fastus. &c. Vnde ambi-  
tiosâ dixit audaciâ: *Vnus ad dexteram tuam & unus ad  
sinistram in regno tuo.* Verum peritè notavit Author o-  
peris imperfecti: non bene petiisse latus sinistram et si ex-  
petendum de propinquitate, timendum tamen de infau-  
sto. Nam sinistra aspectu ad Regem CHRISTVM, damna-  
torum sedes est & reproborum character. Ego vos vo-  
cavi ad partem dexteram, & vos vestro consilio de dex-  
tera curritis ad sinistram. Ast non verentur damnatorum  
stigmatè inuri, dum modò Regi propius accedant? planè  
ambitio quid petat, nescit. Illud verò similis est, quod  
tempestivè advertit Chrysost: exponens illud: *unus ad  
dexteram &c. Videbant enim (inquit) se ipsos honoratos  
præ alijs &c. timebant verò Petrum sibi præferri.* Scilicet  
non petunt sublimes sedes, quas audierant sibi promif-  
sas in regno CHRISTI, sed id unum ambiunt, ut Petrum  
arceant, ut Petrum à Regis CHRISTI conversatione  
abigant, & à latere excludant: *Dic ut sedeant &c.* Ipsos  
solos unicè utrumq; latus CHRISTI Regis cingere ne-  
gotiantur, & utramq; præoccupare, & semper occupare  
aurem procurant, ne quid unquam, nisi quod ipsi sugge-  
rant saltem, ne quid Regi, nisi coram eis suggeratur, sic  
esse ambiunt. Quod, & reliquorum indignationem com-  
movit, & CHRISTI reprehensionem exacuit: *Nescitis,  
quid petatis.* Duobus duntaxat auritus erit Rex CHRIS-  
TUS, & reliquis surdus? Hæc ex varijs locis Didaci Ce-  
ladæ



ladæ excerpta sunt.

6. S. Hieron: ait, non dixit: non sedebitis, ne duos confunderet. Neq; etiam dixit: sedebitis, ne cæteros irritaret. S. Ambros: lib: 5. de fide. c. Non est meum dare vobis, quod est: non est meum, qui veni humilitatem docere; non est meum, qui veni, non ministrari sed ministrare; non est meum, qui iustitiam servo non gratiam. Deniq; ad Patrem referens addidit: quibus paratum est, Ut ostenderet Patrem quoq; non petitionibus deferre solere, sed meritis, quia DEVS personarum acceptor non est.

## V.

*An una fuit Maria Magdalena, an etiam plures?*

- I. S. Chrysost: hom: 81. in Matth: opinatur esse duas. Origenes Theophilactus & Euthymius in cap: 26. Matth: opinantur fuisse tres. Scilicet *primam*, quam S. Lucas, ejus conversionem describendo, vocat Mulierem peccatricem. Luc: 7. 36. Sequenti verò capite 8. v. 2. dicit: *Maria quæ vocatur Magdalene, de qua septem demonia exierant. Secundam*, quæ sex diebus ante pascha & passionem unxit pedes IESV unguento pretioso. Ioan: 12. 3. *Tertiam*, quæ ante pascha & passionem Domini, in Bethania alabastrum unguenti pretiosi effudit super caput IESV recumbentis Matth: 26. 7. Divus Ambros: l. 6. in Luc: dicit posse & unam fuisse, & plures. Sed communis fidelium & Ecclesiæ sensus est, unam eandemq; fuisse Mariam Magdalenam, sororem Marthæ & Lazari, de qua SS. Evangelistæ Lucas, Ioan: & Matth: narrant. Vide hujus probationes apud Corn: à lap: in c. 7. Luc:

&

& alibi.

Quod  
dram, Sc  
am vero  
Quod for  
tis patern  
sponden  
Iudæam,  
bebat, fu  
situm

Si vo  
ani 12. d  
S. Matth  
effudisse  
quod in  
facile ag  
quam S.  
tionem  
vendito  
alter cap  
gdalena  
qvum un  
mini effu  
faminan  
SS. Eva  
do & p  
onem, q  
nem ant  
Marcus  
hom: de  
gelist: c.  
Senensis



& alibi.

Quòdſi objeceris, unam fuiſſe M. Magdalenam Iu- 2.  
dæam, Sororem Marthæ, quæ habitabat in Bethania, ali-  
am verò Galilæam à caſtello Magdalum denominata.  
Quòd fortè ejus loci Domino nupſerat, aut in hæredita-  
tis paternæ diviſione hoc ei caſtellum forte obtigerat. Re-  
ſpondendum: ratione proſapiæ & habitationis eam fuiſſe  
Iudæam, ratione verò poſſeſſionis, unde & cognomen ha-  
bebat, fuiſſe Galilæam. Nam Magdalum in Galilæa fuit  
ſitum

Si verò dices, illa Magdalena ante ſex dies Paſchæ Io- 3.  
an: 12. deſcribitur pedes IEſV unxiſſe, illa verò, quam  
S. Matth: inſinuat, ante biduum paſchæ fracto alabaſtro  
effuſiſſe ſupra caput IEſV. Si locum conſideraveris,  
quòd in domo Simonis leproſi geſtum fuit in Bethania,  
facile agnoſces eandem & unctiorem & mulierem. Nam,  
quam S. Ioannes deſcribit, S. Matthæus per recapitula-  
tionem repetit, ut occaſionem proditiſſionis Iudæ, ex non  
vendito illo unguento, innuat. Quòd autem unus pedes,  
alter caput CHRISTI aſſerit inunctum: hoc utrumq; Ma-  
gdalena exhibuit. Nam inunctis pedibus CHRISTI, reli-  
quum unguenti, quod remanſerat, fracto vaſe in caput Do-  
mini effudit totum. Ita expoſitores ſentiunt. Vnde unā  
fæminam Mariam Magdalenam bis CHRISTVM unxiſſe  
SS. Evangeliftæ narrant. Semel in converſione ſua, quan-  
do & peccatorum remiſſionem recepit, multò ante paſſi-  
onem, quam S. Luc: c. 7. deſcribit. Alteram verò unctio-  
nem ante ſex dies, inſtante paſſione uti S. Matth: 26.  
Marcus 14. Ioan: 12. exprimunt. Ita ſentit D. Gregor:  
hom: de Magdalena. S. Auguſt: lib: 2. de conſen: Evan-  
gelift: c. 9. Beda lib: 3. in Lucam & alij quos citat Sixtus  
Senenſis in bibliotheca S. lib: 6. annuat: LIX. Vide &



Barrad: tom: 3. lib: 4. c. 2. Plures absq; dubio sunt Magdalenæ peccantes, paucissimæ verò pœnitentes.

## VI.

*Quid sit unguentum nardi pistici?*

- I. **O** Missa aliorum interpretatione, certum videtur quòd unguentum hoc fuerit liquidum, quòd facile ex vase effundi possit ad unctionem pedum & capitis. Et cum Græcè pistis, Latine fides interpretatur, intelligi debet, quòd unguentum illud fuerit purum, sincerum, non adulterinum, non cum alio mixtum. Nam facile, ajunt aliqui, nardum pseudo nardo lavendulâ five alijs herbis adulterari posse. Quòd vero idem unguentum dicitur Nardi spicati, Cornelius à Lap: id censet inde dici, quòd Nardus & spicas & folia habet, ex utroq; conficitur unguentum & denominatur spicatum, & foliatum. Illud præstantius, quod plus habet substantiæ & medullæ, quod de spicis fit, spicatumq; nominatur, & Officinæ nardi spicam uui cupant. Videntur ergo Græci, Latinum nomen spicati mutasse in pistici, quòd facilius & svavius erat in pronuntiatione deinde quòd illorum lingvâ significet fidem, & fidele, verum, gentinum unguentum exprimit. Ita censent recentiores lingvarum periti, prout Franciscus Lucas.
2. Alabastrum, vas erat unguentarium factum ex alabastrite seu onyche lapide marmorei generis in quo unguenta incorrupta servabantur. S. verò Epiphannus lib: de mensuris. *Alabastrum* (ait) *unguenti vasculum est vitreum, capiens libram olei, mensura verò est sextarij dimidij; alabastrum verò dictum propter fragilitatem.*
3. Pretiosum unguentum odoriferumq; est Pœnitentia, quo pedes Domini peccator perfundit. Vt S. Bernard: ait,

ait, serm:  
Domini, n  
atrix ani  
punctioni

Est et  
rum actio  
nesic oru  
Qui divini  
put odor  
gventi ge  
( inquit  
per quos  
quos unge  
fic omni  
pauperum  
pertinet  
Lazarus,  
Canes p  
ra vide a

An sol  
li de

EX SS  
dam  
Magdale  
Videntes  
ditio hec  
ferentes  
ic. & f  
Solum l



ait, serm: 36. inter parvos serm: Duo, inquit, sunt pedes Domini, misericordia & iudicium. Hos primo ungit peccatrix anima, illo primo unguento, quod dicitur compunctionis &c.

Est etiam unguentum magni pretij, videlicet gratiarum actionis & devotionis, & conficitur ex memoria beneficiorum divinorum, quo & ungitur caput Domini &c. Qui divina beneficia assidue animo voluit, is Domini caput odorifero unguento perungit. His adde aliud unguenti genus præstantissimi, nempe eleemosynam. Sunt (inquit Theophylact:) Domini pedes, minimi fratres, per quos vadit CHRISTVS ad uniuscuiusq; januam &c. quos unge eleemosyna, unguento, &c. &c. Sicut Iudæ, sic omni diviti dat DEVS marsupium. Ad avarum divitè pauperum nulla cura tangit, quia ut de Iuda dictum, non pertinet ad eum de egenis. Iacet ad januam ejus, pauper Lazarus, fame langvet, non pertinet ad eum de egenis. Canes potius, equos, accipitres &c. &c. curat, &c. Plura vide apud Barad: tom: 3. lib: 7. c. 4.

## VII.

*An solus Iudas, an reliqui etiam Apostoli de effuso unguento murmurabant?*

EX SS. Matthæo & Marco clare patet non solum Iudam sed & reliquos Apostolos murmurasse contra Magdalenam ratione unctionis CHRISTI Matth: 26. 8. *Videntes autem discipuli indignati sunt dicentes: ut quid perditio hæc? &c.* Mar: 14. 4. *Erant autem quidam indignè ferentes intra semetipsos & dicentes: ut quid perditio ista! &c. & fremebant in eam.* S. Ioannes tantum c. 12. v. 4. *Solum Iudam exprimit. Dixit ergo unus ex Discipulis ejus*



*jus, Iudas Iscariotes, qui erat eum traditurus, quare hoc unguentum non venit trecentis denarijs? Sc.* Concorditer tamen omnes SS. Evangelistæ, CHRISTVM Dominū, non unum ex Discipulis Iudam vel aliquem alium, sed omnes in simul alloqui, & factum Magdalenæ excusare describunt. Matth: 26. 10. *Quid molesti estis huic mulieri? opus enim bonum operata est in me.* Mar: 14. 6. & Ioan: 12. v. 7. *Sinite eam, quid illi molesti estis? opus enim bonum operata est in me.* S. Aug: lib: 2. de conf: Evang: 69. Respondet Iudam fuisse ducem & incentorem huius murmuris, qui alios Apostolos specie miserationis pauperum ad indignationem ex vero misericordiæ affectu manantem excitārit, ipse ficto, ex avaritia indignaretur, quod pretium huius unguenti non in loculos suos sed in CHRISTI caput & pedes fuisset effusum.

2. Sic vel unus nequam totam communitatem aut opinionem depravat, aut pravitate infuscat, ( ut ait Celada ) sic reliquorum glorijs detrahit unius malitia, sic ex uno cēsentur omnes. Infamis proditoris avaritia indiseretæ murmurationis cæteris condiscipulis notam inurit.
3. Trecenti denarij faciunt 30. aureos Romanos, ita censet Corn: à lap: in Marc: c. 14. v. 5.

VIII.

### *Cur CHRISTVS Iudæ commisit loculos cum sciret eum fore furem?*

1. **Q**uia Iudas aptior erat ad res temporales procurandas, quam cæteri Apostoli. Furtum verò permisit, quia inde nata est occasio proditoris & passionis suæ, quam ipse ambiebat. Corn: à lap: in Ioan: c. 12. Vbi alias citat S. Aug: Quia Ecclesia loculos habitura erat, fures ad-

admisit. &  
CHRISTI  
premium b  
furi loculos  
nem, ne vi  
Theophilac  
minimum,

Iudas

Hieron: M  
Iscarioth: i  
otes Hebrai  
tē competi  
dit CHRIS  
sciret eum  
onem suan  
luit pati et  
relietione  
stolatum  
bonis & g  
tur & Iuda  
dentiam, se

CHRIST

fuertis, mo  
etiam DE  
paucorum  
resplende  
ta magis  
des, perfic

Aliqui  
STVM à l  
da, libera  
ne D. Bri



admisit. &c. ut doceret tolerandos esse malos, ne corp<sup>9</sup> CHRISTI dividamus: tolera malum bonus, ut venias ad premium bonorum. Addit Chrysost: commisit Dominus furi loculos, ut omnem ei abscideret prodicionis occasionem, ne videretur ob pecuniæ defectum, eum prodere. Theophilaët: verò ait: quidam dicunt Iudam, ut omnium minimum, pecuniæ administrationem suscepisse. &c.

Iudas Iscariotes ita dictus ( ut melius alijs censent 2. Hieron: Maldonat: & alij ) quia originem habuit ex vico Iscarioth: in Tribu Ephraim, non longè à Samaria. *Iscariotes* Hebraicè idem est, quod mercenarius. Quod appositè competit Iudæ, qui mercede 30. Denariorum vendidit CHRISTVM. Elegit verò CHRISTVS Iudam, licèt sciret eum fore suum proditorem, tum quia volebat passionem suam esse plenissimam in omni genere. Ideoq; voluit pati etiam à discipulis in prodicione, negatione & derelictione, ad cumulum ergo passionis suæ, Iudam in Apostolatum adscivit: tum etiam ut doceret nos non tantum bonis & gratis, sed & malis ingratissq; benefacere. *Eligitur & Iudas* ( ait S. Ambr: l. 5. in Luc: ) *non per imprudentiam, sed per providentiam, scilicet ab eo prodi voluit CHRISTVS, ut tu si à socio desertus, si à socio proditus fueris, moderatè feras errasse tuum iudicium.* Permittit etiam DEVS sapienti sua providentiâ ut ex unius, vel paucorum improbitate, cæterorum probitas & Sanctitas resplendeat. Iuxta illud axioma: opposita juxta se posita magis elucescunt. Sic & cæterorum Apostolorum fides, perfidiæ Iudæ comparata magis refulget.

Aliqui etiam de Iuda tradunt illius Patrem per CHRISTVM à lepra, matrem verò à paralyfi, ob respectum Iudæ, liberatos. Staturæ fuisse brevis, dicitur in revelatione D. Brigittæ l. 4. c. 99. Ait Deipara Virgo, *appropin-* 3.  
*quan-*



quante Iuda proditore suo, inclinavit se Dominus ad eum  
dans osculum ei, quia Iudas brevis staturæ erat &c.

## IX.

*An Ecclesiasticis & Personis Spiritualibus  
oculos habere, ac possessiones bo-  
norum vel rerum temporalium  
possidere liceat?*

Sixtus Senensis Ord: Prædic: in Bibliotheca  
Sancta. lib: 6. annotat. CXXI. hanc elucidan-  
do materiam hæc scribit: quæ de verbo ad  
verbum hic ponuntur.

- I. **C**Hrysoft: hom: 86. in Matth: videtur deplorare lon-  
gâ querelâ calamitatem Antistitum & pastorum Ec-  
clesiæ, quod villas, domos, possessiones ut auri & argenti  
opes possideant, quas, inquit, multo satius fuisse à Laicis  
quàm à Clericis retineri. Veniat, inquit, in mentem vo-  
bis octo millia Levitarum Iudæos alere solitos fuisse, &  
cum his viduas & parentibus orbos: nunc autem agros,  
domos, locationes ædificiorum, vehicula, equos, mulos,  
&c. &c. Oportebat enim hunc Ecclesiæ thesaurum vos  
retinere, at Ecclesiam non parvos ex vestra devotione cõ-  
sequi fructus, modò autem duo quædam mala commit-  
tuntur. Nam & vos quasi nihil dare debeatis, nihil con-  
fertis; & DEI Sacerdotes à Sacerdotio aliena tractant &c.  
Exclamat deinde idem Sanctus post multa. Proh! dolor  
vindemiæ ac messi DEI Sacerdotes & venditioni ac em-  
ptioni fructuum assistunt. &c. Cui subscribere videtur

Hieron:

Hieron: in  
jeſtant &  
centiores  
q̄ his animi  
Eccleſiæ p  
redigant &  
Cater  
lipt utriuf  
ſoftomum  
nem, ſed c  
viriâ poſſi  
mentia & c  
rent affidu  
di, tractan  
rum uſibus  
conſtituera  
eoſq; adeq  
bi ipſis,  
pararent.  
ſoftomus,  
rentur ob  
rum cura  
functionu  
erant, dic  
DEI & mi  
vites ſui  
Eccleſiæ  
grato ded  
lendi Cler  
lingvâ, qu  
mulq; deta  
leratiſſimo



Hieron: in libello de vita Clericor: ad Nepotianum. Ob-  
 jectant & exprobrant nobis hæc ( & similia ) verba re-  
 centiores Hæretici ( & Pseudopolitici moderni ), simul-  
 q; his animant & incendunt avaros Principes, ut direptas  
 Ecclesiæ possessiones & Clericorum facultates in fiscum  
 redigant & in proprios vertant usus.

Cæterum si omni amoto odio ( ait idem Sixtus ) ve-  
 lint utriusq; authoris dicta perpendere, agnoscent Chry-  
 sostomum non damnaſſe in Clericis divitiarum possessio-  
 nem, sed causam potius, ob quam Episcopi, & Clerici di-  
 vitias possidere & administrare cogentur. Ea erat incle-  
 mentia & crudelitas divitum ejus sæculi, qui ut se libera-  
 rent assiduâ molestâq; solitudine inveniendi, providen-  
 di, tractandi ac distribuendi ea, quæ quotidianis Clerico-  
 rum usibus, atq; alijs pauperum necessitatibus satis esset,  
 constituerant Ecclesiæ Præsulibus certa prædia ac villas,  
 eosq; adegerant, ut ex earum cura & administratione si-  
 bi ipsis, ac cæteris ex plebe pauperibus vitæ necessaria  
 pararent. Hanc indignitatem meritò reprehendit Chry-  
 sostomus, iniquum esse existimans, ut Clerici compelle-  
 rentur ob temporalia ministeria, & corporalem paupe-  
 rum curam, dimittere Spiritualium ac Sacerdotalium  
 functionum officia. Quod & olim Apostoli conquesti fu-  
 erant, dicentes: non est æquum nos relinquere verbum  
 DEI & ministrare mensis. At si beatus ille Pontifex di-  
 vites sui temporis id circo vituperat, non quia divitias  
 Ecclesiæ dedissent, sed quod animo parum benevolo &  
 grato dedissent, eo scilicet fine, ut se tædio ac fastidio a-  
 lendi Clericos & pauperes, exolverent: quo animo, quâ  
 lingvâ, quibus verbis putas eum fuisse deploraturum, si-  
 mulq; detestaturum, si hac nostra tempestate vidisset sce-  
 leratissimos hæreticarum factionum Principes ac Tyran-  
 nos?



nos? qui ad explendam inexplebilis avaritiæ suæ cupiditatem, Divorum templa suis expoliavere thesauris, diripuerunt Ecclesiæ opes, quas olim Catholici Principes vel ad necessitatem, vel ad honestatem vitæ Episcopis & Clericis donarunt, & Ecclesiasticos curatores ad miseriam & extremam inopiam redegerunt. Sed non est hic talis defendendi locus: annotamenta scribimus, non declamamus.

3. Quantum verò ad Hieronymum attinet, D. Thomæ in posteriore parte secundi voluminis summæ Theologiæ, q. 185. art. 6. ejus verba excutiens, ait illum pronunciasse non adversus Clericos, qui divitiarum possessione recte utuntur; sed contra eos, qui illarum possessione abutuntur, ita opibus suis inhærentes, ut studium pietatis negligant, ac DEI cultum & Spiritualium deserant: quæ potior ac prior esse debet Episcoporum & Clericorum omnium sollicitudo. Sunt, & qui putent Hieronymum his verbis non præceptum, sed consilium præbuisse Clericis: & in hoc exaggerando consilio conatum esse pertrahere Clericos in eam partem, ut nihil possiderent, quod saltem in medio consisterent, & moderato divitiarum usu essent contenti, more eorum loquens, qui extrema exigunt, ut mediocria impetrent: & eorum sequens exemplum, qui arborem in lævam partem deflexam in dexteram violenter contorquent: ut ipsa inde sponte suâ ad medium revertens, in rectam stipitis proceritatem assurgat.

4. Nec prætereundum arbitror, quod D. Thomas loco superius memorato admonuit, fuisse olim, qui putarent non licere Clericis, & præsertim Episcopis, divitias possidere, ob summæ perfectionis, quam profitentur, fastidium, quos ille, ut ineptos rejiciens, ait non opus esse, ut ubi major sit paupertas, cum in summo perfectæ sanctitatis



tis apice, summa possit esse opulencia. Abraham quippe, cui à DEO dictum est: ambula coram me, & esto perfectus &c. ac pleriq; alij perfectissimi viri magnâ divitiarû affluentia floruerunt.

Prætermisiss innumeris in Ecclesia Sancta Sanctissimis 5.  
 Viris, magis virtutum quam nummorum divitibus, sufficit at D. Carolum Borromæum Archiepiscopum Mediolanensem & S. R. E. Cardinalem proponere (cujus memoriæ celebritas hac die, quâ hæc scribo, contigit.) Is namq; Sanctus multis affluens facultatibus, Vritano Principatu vendito, pretium universum ad quadraginta aureorum millia, una die in pauperes erogavit. Nec minore pietate viginti millia, quæ sibi fuerant legata, distribuit. Præter hæc, multas Ecclesias, Monasteria, collegia ædificavit. Domesticam suppellestem, ne relicto sibi lectulo, in egenorum necessitates contulit, super nuda in posterum tabula decumbens. Nonne huic divitiæ ad summum Sanctitatis apicem profuerunt?

Possent etiam hic subijungi, quæ idem Sixtus 1. 6. annotat. 156. CHRISTI verba Luc: 22. 36. (*qui habet sacculum, tollat similiter & peram: & qui non habet, vendat tunicam suam, & emat gladium*) annotando, Erasmus, cavillantem in Hugonem Carenssem hunc locum in Postilla super Marcum exponentem refutat, adjungens D. Chrysostomi textum ex homilia in illud Epistolæ ad Rom: *Salutate Priscam & Aquilam* &c. quem uti ille integrum in eodem loco exhibet, sic nos brevitatis ratione Lectorem ad eundem Authorem remittimus Bibliothecæ Sanctæ lib: 6. fol: 618. ibidem Theophilaët: 619.

X.

*Quâ die CHRISTVS pascha celebra-*

R2

vit,



*vit, quâ Eucharistie Sacramentum instituit, & an in azymo vel fermento, & quâ die passus est?*

I. **Q**uomodo Iædæi pascha celebrare debeant immolando Agnum paschalem? sat luculenter exprimitur Exod: c. 12. Vbi hæc continentur V. 3. *Decima die mensis hujus* ( id est Nisan, qui respondet partim Martio, partim Aprili nostro. ) *tollat unusquisq, agnum per familias & domos suas. v. 6. Servabitis eum usq, ad quartam decimam diem mensis hujus, immolabitque eum universa multitudo filiorum Israël ad vesperam.* Prætermis alijs, quomodo hunc Agnum edere debebant, exprimit Scriptura ibid: v. 18. 19. 20. *Primo mense, quarta decima die mensis, ad vesperam, comedetis azyma, usq, ad diem vigesimam primam ejusdem mensis ad vesperam. Septem diebus fermentum non invenietur in domibus vestris: qui comederit fermentum, peribit anima ejus de cætu Israël, tam de advenis, quàm de indigenis terræ. Omne fermentum non comedetis: in cunctis habitaculis vestris edetis azyma.* Ibid: superius v. 14. *Habebitis autem hunc diem in monumentum: & celebrabitis eum solemnem Domino in generationibus vestris cultu sempiterno.* CHRISTVS ergo, qui venit non solvere legem, sed adimplere, ut alias, sic & hanc, pro ut D. Chrysost: ait, ad mortem usquè servavit legem. Nam decima mensis ejusdem Nisan, quæ eo anno incidit in vigesimam diem Martij, id est Dominicam palmarum, quâ Agnus paschalis inducebatur decima quarta ejusdem immolandus, CHRISTVS Dominus solenni ritu Ierosolymam ingressus est, ut in Elencho. n. 16. Decima verò quarta mensis Nisan, id est vigesima quarta Martij, die

die Iovis,  
aliqui pu  
rosolyma  
& reliquis  
quod Heb  
in vesper  
doq; voc  
liquando  
tum Sac  
diei deci  
diei deci  
ma quart  
gnum pa  
ristiam in  
proditus  
jusdem  
est.

Ex  
aliâ die,  
nebantur  
mentato  
Eucharist

Eut  
Latina  
consecr  
Prim  
mam ca  
quarta v  
Secu  
post leg



die Iovis, id est feria quinta, ante vel sub meridiem, ut aliqui putant, ex Bethania Petrum & Ioannem misit Ierosolymam ad parandum pascha, ut illud vespere cum ijs & reliquis suis Apostolis comederet. Vbi notandum est, quòd Hebræi festa sua incipiebant à vespere, & finiebant in vespera sequenti: itaq; dies primus Azymorum quandoq; vocari potest dies decimus quartus Mensis Nisan, aliquando dies decimus quintus. Nam secundum computum Sacrum, qui servabatur in festis, incipiebat à vespera diei decimi quarti, & pertinebat ad vesperam sequentis diei decimi quinti. Iuxta legem igitur CHRISTVS decima quarta illius Mensis, id est die Iovis ad vesperam Agnum paschalem cum suis comedit, Sanctissimam Eucharistiam instituit, eadem nocte in horto Gethsemani à Iuda proditus, à Iudæis comprehensus, die decima quinta eiusdem Mensis, id est die Veneris, crucifixus & occisus est.

Ex quibus clarè patet CHRISTVM Dominum non aliâ die, quàm eâdem, qua ex præscriptione legis Iudæi tenebantur, celebrâsse; & cum azymo tantum pane non fermentato utebantur, consequenter in azymo Divinissimam Eucharistiam instituisse.

### *Græcorum diversa opinio.*

Euthymius in Matthæi commentarijs duo tradit à Latinæ Ecclesiæ ritu aliena: ut suam in fermentato pane consecrationem tueatur.

Primum est, CHRISTVM celebrâsse pascha & postremam cænam peregrisse die Lunaris mensis tertia decima: quarta verò decima passum & crucifixum obijisse.

Secundum est, quòd CHRISTVS in ultima cæna post legalem Agni manducationem, usus sit fermentato pane,



pane, & quod in eo Sacramentum corporis & sanguinis sui instituerit. Quam Euthymij opinionem ceteri Græci sequuntur, easq; ponunt rationes.

6. 1mo CHRISTVM Dominum tempus paschæ à lege statutum ob suam passionem, quæ postero die, quo Iudæi celebrabant pascha, futura erat: prævenisse. Et quia postero die cum paschate incipiebat esus azymorum, censet CHRISTVM ante azyma instituisse Eucharistiam, in pane non azymo sed fermentato.
7. 2do Probat ex Ioannis capite 13. qui dicit *ante diem festum paschæ*, adeoq; ante quartam decimam Lunæ, CHRISTVM celebrasse cœnam, scilicet Agni paschalis, & Eucharistiæ Sacramentum constituisse.
8. 3to. Obijciunt nostris Latinis. Si CHRISTVS celebravit pascha die decima quarta Nisan, quomodo ergo Matthæus Marc: & Lucas ajunt ipsum celebrasse illud primâ die Azymorum, hæc enim incipiebat die decima quinta ejusdem mensis?
9. 4to. Ad roborandam suam sententiam illud Ioannis c. 18. v. 28. citant: *Adducunt ergo IESVM à Caipha ad prætorium, erat autem mane, & ipsi non introjerunt in prætorium, ut non contaminarentur, sed ut manducarent pascha.*
10. 5to. Diem, quo CHRISTVS celebravit cœnam agni, vocant parascæven, id est præparatio ad pascha. Deniq; adducunt consilium Principum Sacerdotum, quo concluderunt CHRISTVM capiendum & occidendum *non in die festo, ne fortè tumultus fieret in populo.* Matth: c. 26. s. & ex his inferunt CHRISTVM Dominum uno die anticipasse pascha, illudq; celebrasse die decima tertia, ac proinde agnum comedisse cum pane non azymo sed fermentato, in eoq; Eucharistiam instituisse: siquidem azy-

ai panis usus

Explodum

no

Ad pr

stum

die primo Az

se, sicut ceteri

qui quasi legi

arguissent &

merone tract

Gagneus, la

legem celebr

Nisan: Iudæi

quintam Nis

pascha incip

transferret

paschæ, &

traditionem

capisseq; po

ac ex Epiph

Eucharist: c

& alij.

Dato, ne

schæ consue

usus fuisset

quem adhib

ter igitur a

consuetu t

panem se d



mi panis usus incipiebat cum paschate die decima quarta.

*Exploduntur opiniones Græcorum ratione paschatis & fermenti.*

**A**D primum satis patet, ut supra dictum est, CHRISTVM secundum conservasse legem communem, juxta quam die primo Azymorum, quo necesse erat occidi pascha, ipse, sicut cæteri Iudæi, celebravit illam solennitatem alioqui quasi legis & Iudaismi transgressorem & Apostatam arguissent & damnassent. Quod si verò quis asseret ex Salmerone tract: 9. tom: 4. ubi Rupertus, Ioannes Lucidus, Gagnejus, Iansen: Maldon: censent CHRISTVM juxta legem celebrasse pascha Luatione decima quarta Mensis Nisan: Iudæos verò illud distulisse in diem decimam quintam Nisan: Traditio enim erat (ut aliqui asserunt) si pascha incidere in feriam sextam, sive in parasceven, transferretur in Sabbathum, ne duo festa sollemnia, scilicet paschæ, & Sabbathi concurrerent. Respondendum est traditionem & consuetudinem hanc esse recentiore, cepisseq; post CHRISTI passionem. Ut ex Talmut: &c. ac ex Epiphanio &c. Asianis probat Bellarminus lib: de Eucharist: c. 8. tum D. Thom: Abülen: Toletus, Soarez, & alij.

**Dato, non cōcesso.** Et si anticiparet CHRISTVS pascha consuetum, uti ajunt aliqui sine fundamento, tamen usu fuisset azymo pane, non fermentato, secundum legē, quem adhibere debebant in esu Agni Paschalis. Dupliciter igitur argueretur CHRISTVS à Iudæis, quod & non consveto tempore pascha celebrasset, & non azymum panem sed fermentatum adhibuisset.

**Ad**



13. Ad secundum & tertium satis fit, dum responsum fuit primum diem Azymorum partim esse & dici diem quartam decimam, partim diem quintam decimam Mensis Nisan. Nam vespera illa, quâ Iudæi celebrabant Phase cum quo incipiebat dies & usus azymorum, secundum computum naturalem dierum, pertinebat ad diem, quæ vesperam præcedebat, scilicet ad diem decimam quartâ; eadem verò secundum computum Sacrum festorum pertinebat ad diem sequentem, quæ erat decima quinta ejusdem mensis Nisan, quia Iudæi (ut dictum est) festa celebrabant à vespera in vesperam, & hoc sensu ait S. Ioannes c. 13. CHRISTVM cænasse Agnum ante diem festum paschæ, hoc est die decima quarta Nisan ad vesperam, quæ præcedit ante diem festum paschæ, id est diem decimam quintam ejusdem mensis, quæ est prima Azymorū juxta computum Sacrum.
14. Ad quartum. Pascha significare non solum agnum sed alia quoq; Sacrificia paschalia, quæ paschalibus diebus offerebantur. Deut: 16. *Immolabis phase Domino DEO tuo de ovibus & bobus &c.* Illud ergo Ioan: 18. *Non introierunt in prætorium, ut non contaminarentur, sed ut manducarent pascha,* non de agno paschali, quem iam comederant, sed de paschalibus sacrificijs intelligendum. Quorum pars offerentibus dabatur. Lege numer: cap: 28. Pascha igitur eo loco non significat agnum paschalem: eum jam enim comederant Iudæi eadem præterita nocte, quâ CHRISTVS cum Discipulis suis cænavit, quod ex Matthæo deprehenditur dicente: *& prima quidem Azymorum quando pascha immolabant &c.* Sed significat azymos panes, quos septem diebus continuis edere oportebat, quorum primus & celeberrimus dies ille erat, quo CHRISTVS occisus est, nempe Luna quinta decima ab ipso, ut
- jam

jam dictum  
 Illud vero  
 non est in  
 dxi parab  
 tædecimæ  
 Sabbathi,  
 hebdomadæ  
 bebat,ur,  
 erat enim  
 pter cū  
 bathum, d  
 festiva er  
 tionem o  
 sceve die  
 est ante S  
 ris. Trad  
 paschatis  
 diem di  
 sti resur  
 fimus.  
 Ad  
 die festo  
 occidere  
 & prom  
 um, Chr  
 Ex  
 die Men  
 die quin  
 crament  
 tunc in  
 & absqu  
 Latinor



jam dictum est, quartadecimæ Lunæ vespere incipiens. Illud verò, quod addit Ioannes, fuisse ea die parasceven, non est interpretandum de parasceve Paschæ, in quo Iudæi parabant se ad esum agni sub vesperam Lunæ quartadecimæ jam immolatum, sed de parasceve sequentis Sabbathi, quod dicebatur Sabbathum paschæ, quia intra hebdomadam paschalem inciderat. Vnde & celebrius habebatur, quàm alia Sabbatha. Sicut Evangelista indicat *erat enim magnus ille dies Sabbathi* Ioan: 19. v. 3. quapropter cum duplici iure festus esset dies ille & propter Sabbathum, & propter hebdomadam paschalem, quæ tota festiva erat, magna quoq; præparatione ad ejus celebrationem opus erat. Eoq; respectu præcedens dies, parasceve dictus. Marc: 15. 42. *erat, ( inquit ) parasceve, quod est ante Sabbathum;* puta profabbathum, sive diem veneris. Traditionem verò illam quæ Iudæos ob incidentiam paschatis in feriam sextam & Sabbathum in sequentem diem distulisse ajunt, non ante passionem, sed post Christi resurrectionem recenter constitutam superius expressimus.

Ad istum ratione consilij illius conclusi, ut non in die festo, ob tumultum populi CHRISTVS caperetur & occideretur, respondetur Principes Sacerdotum oblata & promissa Iudæi proditiōe mutasse postea hoc consilium, Christumq; ipso die paschæ cepisse & occidisse.

Ex his itaq; constat CHRISTVM cænam perfecisse die Mensis quartadecima ad vesperam paschæ, hoc est die quinta decima à vespera præcedenti incipiente, & Sacramentum corporis sui in eo panis genere instituisse, quo tunc in mensis Iudæorum vesci licebat, nempe azymo, & absque ullo fermento: Quem ritum servans Catholica Latinorum Ecclesia jure optimo, azymum panem in Sacris



cris mysterijs consecrandum iubet. Hæc excerpta sunt ex Bibliotheca Sancta Sixti Senensis lib: 6. annotat: CX. Sed fufius Barrad: Tom: 4. lib: 1. cap: 1. & fequent: vel maxime cap: 4. 5. & 6. Item ex Cornel: à Lap: in Matth: c. 26. v. 17 & in Ioan: cap: 13.

17. Si fcire defideras exactè quæ gentes azymo quæ fermento utuntur, & an Latini quandoq; fermento, Græci azymo utebantur. Quale fermentum fuerat quod olim Pontifices ad Ecclesias Urbis mittebant. Item de forma & figura panis consecrandi &c. Hostiarum, quibus hodie utimur origine & multa alia fcitu digna; reperies apud Eminentiffimum Cardinalem Ioannem Bona rerum Liturgicarum lib: imo cap: 24. & lib: 2do cap: 17. Vbi etiam dandæ & accipiendæ communionis modus, ordo situs describitur. Sed fvaдео curiofo Lectori Monitionem ejusdem Authoris in principio libri primi positam, accuratè perlegere.

## XI.

## *CHRISTVS in Parasceve quot cenas celebraverit?*

- I. **C**HRISTVM Dominum vespere illo, quo tradebatur, tres feciffe cœnas in aperto est, cum Discipulis suis. Primam ceremonialem vel potius legalem; in qua juxta legem Exodi 12. Agnum Paschalem comedit. Secundam communem & usualem. Neq; enim ex solo agno omnes personæ familiæ amplæ & numerosæ saturari poterant, quam ex communi gentis suæ more, in lectulis discumbentes cœnarunt, ad finem cujus, prævia lotionepedum Discipulorum, etiam & Iudæ, tertiam & ultimam in æternum memoriale & summum amoris pignus, Sanctis-

dislimam  
neis id  
mum. Sac  
positores  
quem S. I  
lencho ex  
egressus, u  
fices Ann  
ministris  
illus, &

Ante l

S. Ioann  
actus  
git à cen  
præcinit  
supra ve  
quam con  
alij nega  
stimentis  
lavaret, p  
videtur  
hoc offic  
lintheum,  
hisset pe  
ret &c. (C  
retur, &  
dam in c  
re? sed in



et simam Eucharistiam instituit. Circa secundam horam noctis id è ab occasu solis secunda hora. Hoc sacratissimum Sacramentum instituisse CHRISTVM putant expositores. Et post prolixum ad suos Discipulos sermonem, quem S. Ioannes c. 14. & sequentibus describit, ut in Elencho expressum est, in montem Olivarum ad orandum egressus, ubi à Iuda proditus, à Iudæis captus, ad Pontifices Annam & Caipham ductus, reliquæ noctis parte à ministris sacerdotum & militibus alapis cæsus, consputus illusus, & pessimè tractatus.

## XII.

*Ante lotionem pedum quæ nam vestimenta CHRISTVS deposuit?*

S. Ioannes Evangelista sigillatim omnes lotionis Christi I. actus & circumstantias recenset. Ioan: c. 13. 4. *Surgit à cena & ponit vestimenta sua, & cum accepisset linteam, præcinxit se.* Existimant aliqui CHRISTVM Dominum supra vestem communem, usum fuisse cænatoria veste, quam communem cænaturi de more assumebant. Quod alij negant; interquos Barad: ad hunc locum afferens vestimentis suis amictum Dominum cænasse, eaq; ut pedes lavaret, posuisse. Non verò vestem cænatoriam. Origenes videtur existimasse nudum, soloq; linteo præcinctum, hoc officio functum. Cum accepisset (inquit) Dominus linteam, præcinxit se, ne ex omni parte nudus etiam abluisset pedes Discipulorum, eos aptiore textura detergeret &c. Quid autem mirum, si antequàm nudus flagellaretur, & cruci suffigeretur, voluit veluti præludium quoddam in cæna, hanc nuditatem abiectissimo servo exhibere? sed non est hæc opinio probabilis. Probabilius con-

S<sub>2</sub>

jicit



jicit Euthymius tria tantum habuisse vestimenta. Primum, tunicam inconsutilem corpori applicatam in modum subuculæ. Secundum, quo super hanc vestem utebatur. Tertium pallium. Itaque posuit CHRISTVS vestimenta sua, id est pallium & tunicam superiorem, retenta inconsutili veste, super quam linteos se præcinxit. Aliter etiam respondetur numerum pluralem pro singulari hic usurpanti, vestimenta pro vestimento uno. &c.

## XIII.

*A quo Discipulorum cepit IESVS  
pedes lavare?*

- I. **C**hrysoſt. Euthymius & Theophylactus opinantur à Iudæ capisse. Credibile (ait Chrysoſt.) esse Iudæ ante Petrum Apostolorum Principem discubuisse impudenter: ideoque prius lotum. Euthym: inquit, quod primum laverit pedes Iscariotæ, simul quidem beneficio afficiens ac honorans proditorem suum usque ad mortem, ut & nos similiter faciamus. Simul etiam compungi volens illum, qui talia cogitaret. Probatur opinio Verbis Evangelistæ *cepit lavare pedes &c.* deinde *Venit ad Simonem Petrum.* Chrysoſt. ait, Verbum *cepit*, alium ante lavasse significat. Is autem Iudas esse videtur. Si enim ex reliquis fuisset aliquis, idem, quod Petrus, fecisset &c. Theophylactus ait: Ex alijs Discipulis nullus sustinuisse ante Petrum lavari: Proditorem autem hoc ausum fuisse possibile est. Nam si ex discipulis alium quempiam cepisset lavare, prohibuisset Dominum ille quisquis fuisset, & dixisset quæ & Petrus: *Domine tu mihi lavas pedes?* non alium igitur lavit priusquam proditorem, deinde Petrum. Barad: adhuc locum putat consentaneum videri à Prin-

cipe

cipe capiss  
etum, si qu  
cariotes, H  
esse volebat  
fecisset, qu  
stulabat. &  
est S. Aug  
ni, Simon  
aliorum.

cepit lavare  
trum, id est  
Petrum. It  
telligendu  
quod ab il  
CHRISTVS  
est ad Pet  
deinde fac  
CHR  
ante Euc  
significan  
tantum m

Cur Io  
luti

Ioan: c.  
deret en  
tract: 55.  
STI) hun  
tus est pe



cipe cæpisse Apostolorum. Nam secundum Theophylactum, si quis prior lavari recusasset, recusasset certe & Iscariotes, Hypocrita enim erat, proditorem suam tectam esse volebat, ideoq; maxime lavari primus recusasset, idq; fecisset, quod hypocrisis & proditoris velamentum postulabat. &c. Petrum autem ante omnes lotum sententia est S. Aug: tract: 56. in Ioannem, Bedæ, Ruperti Lyrani, Simonis Cassiani, Carthusiani, Caietani, Iansenij & aliorum. Verbum *capit* non adversatur: est hinc sensus, *capit lavare pedes Discipulorum, venit ad Simonem Petrum*, id est cum cæpisset abluere pedes, venit primum ad Petrum. Ita August. in præfato tract: *non ita* (inquit) intelligendum est, quod post aliquos ad Petrum venerit, sed quod ab illo *cæperit*. Quando ergo pedes Discipulorum CHRISTVS lavare cæpit, venit ad eum à quo cæpit, id est ad Petrum. Primò factum commemorat Evangelista, deinde facti ordinem.

CHRISTVS post secundam cænam, id est usualementem, ante Eucharistiæ institutionem pedes Discipulorum lavit significans ablutionem, illam, ac mentis puritatem, quam tantum mysterium exigit.

## XIV.

*Cur Ioannes Evangelista de pedum ablu-  
tione acturus proditorem Iudæ  
meminerit?*

Ioan: c. 13. v. 2. *Cum diabolus jam misisset in cor ut traderet eum Iudas Simonis Iscariotæ.* Respon: S. August: tract: 55. Ut hoc quoq; ad maximum cumulum (CHRISTI) humilitatis accederet, quod etiam illi non dedignatus est pedes levare, cujus manus jam prævidebat in scelerem.



lere. S. Chrysoft: Hoc (inquit) perterritus addit Evangelista, quod Iudam, qui se iam tradere proposuerat, CHRISTVS laverit? Euthym: hoc (inquit) interposuit Evangelista cum stupore admirans excellentem CHRISTI clementiam, quia huius etiam pedes lavit, qui in proximo erat eum traditurus. Barad: addit S. Evangelistam hoc loco traditorem indicare quia postea de illo ait, cum passionem Domini literis commendat. *Sciens quia omnia ei Pater dedit in manus* Ioan: 13. 3. Secundum utramq; naturam vera sunt. Secundum Divinam naturam, per æternam generationem dedit Pater omnium rerum imperium CHRISTO. Secundum humanam, per incarnationem tradidit. Ex his verbis *omnia dedit ei Pater &c.* infert Aug: ergo & ipsum traditorem. Proinde, (inquit) iam traditor traditus erat ei, quem tradere cupiebat &c. Traditus erat traditor in manus CHRISTI, traditi quoq; ipsi Iudæi omnes, qui tradere eum morti moliebantur: sed mitissimæ illæ manus traditi sibi traditoris pedes abluerunt, & Iudæorum vinculis constringendas, clavifq; configendas se obtulerunt. Sciens, quia *omnia ei Pater dedit in manus* Cyrillus & Euthym: Sciens se ipsum omnipotentem ac DEI filium, licet tantæ esset potestatis, talisq; dignitatis, ad extremam tamen descendit humilitatem. *Se met ipsum exinanivit formam servi accipiens &c. &c.* ad Philip: 2.

XV.

*Domus illa & cenaculum, in quo Christus pascha celebravit & Eucharistiam instituit, ad quem pertinebat, & quis Dominus eius erat?*

Chri-

CHRIST  
dicavit  
& Lucas m  
minem mil  
rēt potuisse  
trochen: se  
dos misit I  
peruit non  
mittit Don  
seebatur: f  
nūdis verb  
gnosceban  
stum nom  
hostibus p  
Lucam. A  
pulum CH  
edicit, tem  
bant, pos  
Aliqui eti  
postea fui  
postea do  
S. Barnab  
fuisse MA  
quoties D  
Discipulis  
&c. De ha  
MARIE,  
ubi erant  
1. c. 28. c  
vangelista  
tem Sion,  
fius quida



**C**HRISTVS Dominus nomen Patris familias non indicavit Discipulis, sed tantum signa, quorum Marcus & Lucas meminerunt. Chrysost: ad ignotum penitus hominem missos Discipulos existimat hom: 82. Vt ostenderet potuisse passionis tormenta evitare. Idem & victor Antiochen: sentit. Nam ad asinam quoq; & pullum quærendos misit Dominus duos Discipulos. Matth: 21. neque aperuit nomen Dominorum ignotorum. Theophilaët: ait: mittit Dominus Discipulos ad hominem, qui non cognoscebat: sicut & de asina facerat; monstrans quòd possit nudis verbis persuadere etiam ijs, qui plane ipsum non cognoscebant, ut ipsum excipiant &c. Euthymius ait: Christum nomen viri subticuisse, nè Iudas cognitam domum hostibus proderet. Hujus causæ meminit Theophilaët: in Lucam. Aliqui putant fuisse illum patrem familias Discipulum **CHRISTI**, etsi occultum, ex illis verbis: *Magister dicit, tempus meum prope est.* Sed neq; hæc opposita probant, possunt enim explicari: Magister noster, non tuus. Aliqui etiam asserunt, si hætenus Discipulus non fuit, postea fuisse. Nam & cænaculum illud Christianorum postea domus facta est. Alexander Monachus, qui laudes S. Barnabæ scripsit, Tom: 3. Suri: Cænaculum ait domum fuisse **MARIÆ**, Matris Ioannis Marci, ex illo, inquit, die quoties Dominus Ierosolymam venisset, illuc unà cum Discipulis divertebat, quibus cum pascha illic fecit. &c. De hac domo legitur Act: 12. Venit Petrus ad domum **MARIÆ**, Matris Ioannis, qui cognominatus est Marcus, ubi erant multi congregati & orantes &c. Nicephor: lib: 1. c. 28. cum alijs cænā paschalem in domo Ioannis Evangelistæ factam memorat, quam ille in locis, circa montem Sion, sitis comparaverat, incolebat domum illam alius quidam vir, non Ioannes ipse. Lege ejusdem Nicepho-



phori lib: 2. cap: 3. Cedrenus quoq; in eompendio historiarum. Cum ( inquit ) Zebedæus mortuus esset, adduxerunt Ioannes & Iacobus Matrem suam, eaq; cum MARIA, videlicet Deipara Virgine, habitavit, bonis porro suis Caiphæ venditis Sionem emerunt. Is est locus, ubi pascha mysticum CHRISTVS celebravit, & foribus clausis ingressus est; ibiq; CHRISTO in cælum assumpto MARIA usq; ad finem vitæ egit. Hæc ille. Ambrosi pauperem illum virum existimat, pauperisq; hospitium angustum cænaculum appellat. Luc: 22. Ideò, inquit, sine nomine designatur, ut ignobilis existimetur. &c. &c. Barad: suum sensum de cænaculo exprimit: Arbitror virum illum non pauperem fuisse, sed divitem, quod indicat *cænaculum magnum stratum*. Probabile mihi præterea est, fuisse ignotum, ut Chrysost: & reliqui Authores indicati ajunt, permotumq; à CHRISTO nunc ad parandum cænaculum, paschalemq; Agnum, & ad fidem quoq; ac Discipulatum. Cænaculum verò neq; MARIE Matris Marci fuit, neq; Ioannis Evangelistæ, neq; Simonis Leprosi. Erant enim satis notæ hæc domus Petro & Ioanni, neq; signo opus erat, & duce, à quo in eas ducerentur. Adde CHRISTVM mittere discipulos ad patrem familias, non ad matrem familias. Erat ergo domus viri alicujus, non fæminæ MARIE Matris Marci. Si quis volet fuisse aliquem Discipulum occultum ( ut existimat Lyranus ) & Apostolis ignotum, non repugnabo. Ditissimum autē fuisse probat catinus ille, in quo Agnus Paschalis mensæ illatus dicitur. Est enim ex Sinaragdo confectus, & propter margaritæ magnitudinem admirabilis, ostenditurq; Genuæ.

2. Extra Hierusalem agnum immolari, aut edi fas non erat. Præceptum exstat. Deut: 16. *Non poteris immolare pbase*

in qualibet  
minus DE  
cuilibet pa  
maetare. E  
rum Israël  
cebantur, &  
non à quol

Quo de

CVm C  
siderio  
tequam pa  
nam nover  
stinus) no  
continere  
Attendeb  
brij; pæn  
solicitus, a  
tus, per or  
gne, desid  
Hæc Iustit  
lian: lib: c  
reddit, tr  
quam hon  
fis per ha  
mortem a  
us citatus  
pascha cel  
pascha, id



in qualibet Urbium tuarum, sed in loco, quem elegerit Dominus DEVS tuus. &c. Agnum paschalem licidum fuit cuilibet patrifamilias, etsi Sacerdotio non fungeretur, mactare. Exod: 12, *Immolabitq; universa multitudo filiorum Israël.* Sacrificia verò paschalia, quæ etiam phase dicebantur, & in templo diebus patchalibus offerrebantur, non à quolibet, sed à Sacerdotibus immolabantur.

## XVI.

*Quo desiderio desideravit CHRISTVS  
pascha manducare?*

CVM CHRISTVS dixerit Apostolis. Luc. 22. 15. *Desiderio desideravi hoc pascha manducare vobiscum antequam patiar.* Hanc extremam fore cum Discipulis cenam noverat, quantas ferre debebat contumelias (ait Iustinus) noverat, & tamen ex hilaritate cordis, se noluit continere, quin desideriorum suorum æstus exprimeret. Attendebat aliorum commoda proprii immemor ludibrii; pœnarum intrepidus, & de Discipulorum profectu sollicitus, atq; amoris flammâ succensus qualis latebat intus, per oris apertionem manifestavit foris. Vt ignem igne, desiderium desiderio, & amorem excitaret amore. Hæc Iustinus. Chrysoft: hom: 82. in Matth: & Tertulian: lib: contra Martionem c. 40. desiderij hujus causam reddit, tum Eucharistiæ institutionem, tum salutem, quam hominibus in cruce erat allaturus. Titus Bostrensis per hæc (inquit) disertè significat se non invitè ad mortem accedere, sed magno cum desiderio &c. Eusebius citatus in catena à D. Thoma, cum (inquit) novum pascha celebraret, opportunè dixit: *desiderio desideravi hoc pascha,* id est novum mysterium novi testamenti, quod

T

tra-



tradebat Discipulis, quod plures ante eum Prophetæ & iusti concupiverant. &c. Beda in Luc: sic interpretatur. Desiderat (inquit) primò typicum pascha cum Discipulis manducare, & sic passionis suæ mundo declarare mysteria, quatenus & legalis paschæ probator existat, & hoc ad suæ dispensationis figuram pertinuisse docendo carnaliter ultra vetet exhiberi: imò umbra transeunte, veri jam paschatis lumen advenisse demonstraret &c. Sic etiam exponit utraq; Glossa. Pessimè Euthymius interpretatur Matth: c. 26. *Desiderio desideravi* in hunc modum, festinatione festinavi hoc anno pascha edere vobiscum antequam patiar, idest, non expectavi tempus à lege statutum, ne passio crucis, prohiberet legalem exanam ac mysticam. Hæc ille errat toto calo statuendo fermentum.

## XVII.

*Quid significet hoc loco regnum DEI,  
cum CHRISTVS dicat: ex hoc non  
manducabo illud donec impleatur  
in regno DEI?*

- I. **R**egnum DEI, significare regnum cæleste existimat Iansen: Nam in cælesti regno verum pascha, verūq; & eximium convivium exhibetur cuius umbra pascha illud vetus, juxta Luc: cap: 22. *Dispono vobis regnum ut edatis & bibatis super mensam meam in regno meo.* Beda Luc: 22. c. Regnum DEI, Ecclesiam putat vocari, in hunc modum: dico vobis, quòd nequaquam ultra manducabo Mosaicum pascha, donec impleatur in Ecclesia. Cajetan: & alij Regnum DEI pro resurrectionis tempore accipiunt;

unt: quia  
Non mand  
pus in regn  
CHRIST  
scha legale  
ad exclud  
surrectione  
ex particu  
tris meis,  
non cognos  
cogno visse  
STVM fe  
subjecerit  
Vatab  
donec ag  
latio & e  
accepero  
ducabo  
DEI, id  
cum in r  
tuit, ut in  
gnificat  
nunquam  
efficere,  
typum.  
Etsi  
senius &  
verba: N  
diem illu  
Parris m  
thaus. P  
onem Eu



unt: quia post resurrectionem cœpit regnum CHRISTI. Non manducabo pascha typicum, donec impleatur typus in regno DEI, id est in resurrectione mea. Si objicias CHRISTVM non manducasse post resurrectionem pascha legale? respondetur particulam *donec* appositam nō ad excludendum solum tempus, quod inter cœnam & resurrectionem interjectum est: nec sequi postea comedis, ex particula *donec*, quemadmodum Psal: 100. *Sede à dextris meis, donec ponam inimicos etc.* & Matth: dicitur: *non cognoscebat eam donec peperit etc.* Non sequitur ergo cognovisse, postea, postquam peperit. Neq; CHRISTVM sessurum à dextris DEI, postquam inimicos ejus subjecerit. &c.

Vatablus sic interpretatur: non manducabo pascha, donec agnoscatis impletum esse, quod figurat hæc immolatio & ejus Agni, quod fiet, cum post resurrectionem accepero regnum à DEO. Barrad: sic exponit: non manducabo pascha typicum, donec impleatur à me in regno DEI, id est, in Ecclesia. Impletum est autem pascha typicum in regno DEI, cum CHRISTVS Eucharistiam instituit, ut in regno DEI, id est in Ecclesia celebraretur. Significat ergo Dominus his verbis se Agnum paschalem nunquam post hac manducaturum, velleq; Sacramentum efficere, quod posthac in Ecclesia Agni ipsius expleat typum.

Et si S. Aug: lib: 3. de consensu Evang: & ex eo Iansenius & alij nonnulli censent CHRISTVM dixisse illa verba: *Non bibam à modo de hoc genimine vitis, usq; in diem illum, cum illud vobiscum bibam novum in regno Patris mei:* post cœnam Eucharistiæ, ut insinuat hic Matthæus. Probabilius tamen putarem dixisse ante institutionem Eucharistiæ de cœna & calice Agni paschalis. In



agni enim cæna circumferebatur calix vini, quem Paterfamilias primus libabat, deinde mittebat in orbem ad omnes ex agno comedentes. Vt tradunt Hebræi. Matthæus brevitati studens utraq; Cænas, id est Agni & Eucharistiæ in unam redigit dicens: *cenantibus autem illis*. Lucas verò distinctè hæc enarrans, indicat in cæna agni. (quidni in media illa cæna usuali) CHRISTVM hæc dixisse ante consecrationem calicis. Illud autem: *cum illud vobiscum bibam novum in regno Patris mei* denotat novi generis. In cælo enim beati bibunt vinum non terrestre, sed cæleste; nimirum vinum & nectar lætitiæ & gloriæ sempiternæ, juxta illud Psal: 35. v. 9. *inebriabuntur ab ubertate domus tue & torrente voluptatis tue potabis eos*. Ita Origenes & Naziazen: orat: de pasch: Scriptura enim solet gaudia beatorum Spiritualia per corporalia, scilicet escam & potum exprimere per Cathachresin: quia homines carnales, voluptates Spirituales non capiunt, sed corporales. Vt patet Matth: 8. v. 11. Luc: 14. v. 15. Apoc: 19. v. 9. & alibi.

## XVIII.

*Quomodo accipienda sunt verba illa consecrationis calicis. Hic est calix &c. qui pro vobis & multis effundetur. &c?*

- I. **H**Æc verba *pro multis*, Commentatores S. Scripturæ exponunt pro omnibus. Euthym: dat rationem, quia omnes hi fuerunt non pauci, sed multi. Errant igitur tam moderni Hæretici, quàm antiquiores, qui prædestinati vocabantur, putantes CHRISTVM pro solis prædestinatis fuisse mortuum. Nam eum pro omnibus om-

minò

minò hom  
Paul: 2. Co  
urget nos:  
mortuus est,  
mortuus est  
vant, sed ei  
velis pro m  
omnibus m  
cientia poi  
mortis ipfi  
qui in just  
Hieron: la  
20. Matthe  
Theophila  
ve vitam p  
tis (ait E  
mnes rede  
remanfer  
fuit Dom  
scientia su  
iniquitates  
rum tulit  
5. v. 12.  
intravit,  
mors perti  
cut delict  
mortui su  
SV CHR  
unius deli  
per unius  
tæ. 19. S  
tores const



minò hominibus passum & mortuum disertè docet S.  
 Paul: 2. Corinth: c. 5. v. 14. *Charitas enim CHRISTI*  
*urget nos: estimantes hoc, quoniam si unus pro omnibus*  
*mortuus est, ergo omnes mortui sunt.* v. 15. *Pro omnibus*  
*mortuus est CHRISTVS: ut qui vivunt, iam non sibi vi-*  
*vant, sed ei, qui pro ipsis mortuus est, & resurrexit!* Vel si  
 velis pro multis intelligere, quòd licet CHRISTVS pro  
 omnibus mortuus sit, omnibusq; media ad salutem suffi-  
 cientia postulàrit, impetràrit & dederit: tamen fructus  
 mortis ipsius & perfecta salus ad justos tantum, & eos,  
 qui in iustitia usq; ad mortem perseverant, pervenit. Ita  
 Hieron: Iansen: Maldonat: apud Cornel: à lap: in cap:  
 20. Matth: ad illa verba: *qui pro vobis & multis &c.*  
 Theophilaët: & Euthym: interpretantur dare animam fi-  
 ve vitam pro multis, id est pro omnibus hominibus. Mul-  
 tis (ait Euthym:) dicit CHRISTVS pro omnibus. O-  
 mnes redeunt, quamquam multi sua sponte in servitute  
 remanserunt &c. Simili modo Isai: 53. dicitur v. 6. *Pos-*  
*suit Dominus in eo iniquitatem omnium nostrum.* & 11. *In*  
*scientia sua justificabit ipse justus servus meus multos, &*  
*iniquitates eorum ipse portabit & v. 12. ipse peccata multo-*  
*rum tulit & pro transgressoribus rogavit.* Item ad Rom:  
 5. v. 12. *Per unum hominem peccatum in hunc mundum*  
*intravit, & per peccatum mors; & ita in omnes homines*  
*mors pertransiit, in quo omnes peccaverunt.* 15. *Sed non si-*  
*cut delictum, ita & donum.* Si enim unius delicto multi  
 mortui sunt: multò magis gratia DEI unius hominis IE-  
 SV CHRISTI in plures abundavit. 18. *Igitur sicut per*  
*unius delictum in omnes homines in condemnationem: sic &*  
*per unius iustitiam in omnes homines in justificationem vi-*  
*tae.* 19. *Sicuti enim per inobedientiam unius hominis pecca-*  
*tores constituti sunt multi: ita & per unius obeditionem ju-*  
 sti



*sti constituerentur multi.*

2. Alij etiam dicunt pro multis **CHRISTVM** mortem perpeſſum eſſe efficaciter, pro omnibus ſufficienter. Vnde Card: Caietanus ait: multitudo hæc, comprehendit multitudinem generis humani. Quantum verò ad libertatis fructum, comprehendit multitudinem electorum. &c.
3. Quodſi aliquis ita exiſtimaret iſta **CHRISTI** verba, *Hic eſt calix ſanguinis mei &c. qui pro vobis* id eſt vivis, & pro multis id eſt mortuis *effundetur*. Certum enim eſt quòd **CHRISTVS** Dominus & pro vivis omnibus, & pro multis mortuis, nempe qui in limbo erant, mortuus ſit. Et modò Eccleſia Sancta Miſſæ ſacrificium pro vivis & defunctis offert.

### XIX.

## *An benedictio panis fuerit conſecratio?*

- I. **A**ſſirmant Lyranus. Hugo Card: & alij. Innocentius tertius lib: 4. de myſter: Miſſæ c. 6. quidam ( inquit ) dixerunt quòd **CHRISTVS** conſecit, cum benedixit: literam conſtruentes hoc ordine: *accepit panem benedixit*, ſubaudiendum eſt, dicens *Hoc eſt corpus meum*. Et tunc fregit & dedit & ait: accipite & comedite, & iteravit *Hoc eſt corpus meum*. Prius ergo protulit illa verba, ut eis vim conſciendi tribueret, deinde protulit eadem, ut Apoſtolos formam conſciendi doceret. Hæc ille. Ambroſ: lib: de ijs, qui initiantur c. 9. Hic eſt ( inquit ) panis, quem benedictio conſecravit. Major eſt vis benedictionis quàm naturæ, quia benedictione etiam natura mutatur. Respondetur benedictionem non fuiſſe conſecratio-

tionem panis  
facta eſt, cu  
operatoria  
poſtquam p  
ſecravit pan  
de Concil:  
late ſumit  
ctione con  
conſecratio  
panis conſe

An ve  
nem vel po  
Evangelist  
cum S. Bo  
ceſſiſſe con  
vant Evan  
dit discipu  
CHR  
tes diviſi  
cæteras de  
mendas div  
id fieri ne  
jam conſe  
ſingulis p  
geret.

Non  
q; dand  
utraq; ſpe  
mnes ( ut  
los tantu  
quia eos t  
juſſit conſ



tionem panis, quia consecratio panis & conversio tum facta est, cum Dominus protulit verba consecratoria atq; operatoria. *Hoc est corpus meum*. Sed verba illa protulit, postquam pani benedixit. Ergo neq; cum benedixit, consecravit panem, neq; benedictio est consecratio. &c. Vide Concil: Trident: Session: 13. cap: 1. Ambrosius autem late sumit benedictionis nomen, cum ait panem benedictione consecrari, sumit enim benedictionem pro verbis, consecratorijs quibus eximia & admirabilis benedictio pani confertur cum in corpus CHRISTI convertitur.

An verò fregerit Dominus panem ante consecrationem vel post, nonnulli existimârunt post consecrationem, Evangelistas autem usos esse anticipationem. Sed rectius cum S. Bonaventura alij putant, panis fractionem præcessisse consecrationem. Probatur ex ordine, quem servant Evangelistæ. *Accipit (ajunt) benedixit*, postea dedit discipulis suis &c.

CHRISTVS panem consecrandum in tredecim partes divisit, consecratumq; unam primus ipse sumpsit, cæteras deinde duodecim; singulis Apostolis, singulas sumendas divisit ac dedit. In calice verò, ut potè liquido, id fieri non poterat; quocirca CHRISTVS prior ex eo, jam consecrato bibit, deinde ad bibendum eum dedit singulis per ordinem, ut unus alteri consequenter porri-geret.

Non sequitur inde, uti Hæretici asserunt Laicis quoq; dandum esse calicem, eosq; communicare debere sub utraq; specie. Nam verba illa CHRISTI *bibite ex hoc omnes* (uti omni tempore intellexit Ecclesia) ad Apostolos tantum pertinebant, qui soli tum præsentem erant, quia eos tunc CHRISTVS consecrabat Sacerdotes, eosq; iussit consecrare Sacramentum, ad cuius integritatem utraq;



traq; species requiritur sumenda, ut perfectum sit sacrificium. Laicis verò, cum non sacrificent, sed tantum sumant Eucharistiam ut Sacramentum, sufficit ut illud sub una specie percipiant, quandoquidem sub una specie totus continetur CHRISTVS. &c.

5. Notandum. In forma consecrationis calicis, quâ utimur in sacrificio missæ, adduntur hæc verba: *eterni testamenti, mysterium fidei*: quæ, traditione esse accepta à S. Petro, qui nostræ Liturgiæ est Author, docet S. Leo epist. 9. ad Michâelem Imperat: c. 9. & S. Thomas 3. p. q. 78. art: 2. ad 4. Licet enim non spectent illa verba ad essentiam formæ, nam in Liturgijs S. Iacobi, Chrysost: Clement: & Basilij illa omittuntur, tamen pertinent ad plenam ejus integritatem &c.
6. Siquis exactè scire desiderat dandæ & accipiendæ communionis diversam consuetudinem, tum quotidianam veterum communionem, postea ad Clerum, deniq; ad ministros altaris redactam. Sanctissimam Eucharistiam manu exceptam, domi servatam, ad absentes missam, in itinere delatam, in Ecclesijs custoditam, defunctis conspultam. Hos mores, & alicubi in communione abusus abrogatos, tum de more, ordine & situ communicantium. Hæc omnia intelliget apud Cardinalem Ioannem Bona Rerum Liturgicar: lib: 2. c. 17. & 8.

## XX.

*An benedictio distingvatur à gratiarum actione?*

1. S. Matthæus ait c. 26. v. 26. *Cenantibus autem eis accepit IESVS panem & benedixit ac fregit. &c. Marcus & benedicens fregit*, Lucas verò *accepto pane gratias egit*

git & fregit  
re? Benedic  
niam Domi  
Et iste sen  
est apud M  
referendam  
panem & be  
fertur ad p  
fix in Cano

An ant  
post,

Manifest  
nel: à  
patet ex M  
aliquo Apo  
ditorem ne  
nati Apost  
singuli nun  
tia tanti cr  
soff: & Bas  
quam cons  
bi ait S. A  
non faciat  
mo. Deind  
onem. Nun  
cum esse p  
ropside. Q  
bebant pan



*git & fregit.* An idem ergo sit gratias agere & benedicere? Benedictio sumi potest pro gratiarum actione, quoniam Dominus simul DEVM laudavit & gratias illi egit. Et iste sensus erit Matthæi & Marci. Probabilius tamen est apud Matthæum & Marcum benedictionem non esse referendam ad DEVM, sed ad panem hoc sensu: *accepit panem & benedixit*, id est ipsum panem *& fregit*. Sic refertur ad panem idem verbum *benedixit* in verbis Ecclesiæ in Canone.

## XXI.

*An ante Eucharistiæ institutionem, an post, CHRISTVS sui proditiōē Apostolis prædixit?*

**M**anifestationis Iudæ proditoris ordinem ponit Cornel: à Lap: *imo. CHRISTVS* ante Eucharistiam, ut patet ex Matthæo & Marco, prædixit se prodendum ab aliquo Apostolorum, sed generatim & indefinitè, proditorem nec nominando, nec designando. Vnde confternati Apostoli, vel ut ait Chrysost: semimortui dixerunt singuli *nunquid ego sum Domine?* Nam licèt eos conscientia tanti criminis non argueret, tamen, ut ait S. Chrysost: & Basil: eidem adstipulatur magis verbis CHRISTI, quam conscientix suæ confidebant præsertim quia ut alibi ait S. Aug: non est peccatum quod fecit homo, quod non faciat alter homo, si desit rector à quo factus est homo. Deinde post singulorum Apostolorum interrogationem. *Nunquid ego sum Domine?* CHRISTVS respondit eum esse proditorem, qui intingeret secum manum in paropside. Quia veteres terni vel quaterni communem habebant paropsidem, imò eandem habere poterant, qui



accumbebant in lectulis oppositis vel lateribus. Hinc hinc verbis non definitè indicavit, CHRISTVS quis esset proditor. Postea CHRISTVS Eucharistiam instituit, ac rursus ait proditorem secum esse in mensa, ut disertè narrat Lucas & Ioannes c. 13. 21. Quocirca Petrus innuit Ioanni recumbenti in sinu CHRISTI, ut rogaret eum, quis definitè & nominatim sit proditor? Ioanni interroganti respondet CHRISTVS eum esse, cui daturus sit buccellam, ac mox eam dat Iudæ, ille eâ acceptâ ex conscientia sceleris & hoc indicio CHRISTI sentiens se notari, impudenter & obstinatè rogat: *Nunquid ego sum Rabbi?* Origenes ait: existimo quia imprimis putavit latere quasi hominem, qui postquam vidit conscientiam suam notam CHRISTO, amplexus est occultationem positam in verbis ipsius: quorum primum infidelitatis erat, secundum autem impudentiæ. CHRISTVS respondet *tu dixisti*, id est, tu es. Quare omnino detectum & infamatum se videns, quasi amens & furens egreditur ad prodicionem CHRISTI perficiendam. Non minùs & illa verba Christi eum exstimulârunt, *quod facis, fac citiùs*. Simon Casianus ait impeditum Apostolorum intellectum ne verbû intelligerent: tenebatur, inquit, CHRISTI voluntate Apostolorum intellectus, ne intelligeret, ne adversus proditorem tumultus insurgeret.

2. *Tu dixisti*: Ita terminos nobis ac regulas tolerantia & oblivionis fixit injuriarum. S. Chrysoft;

3. Ex quibus dictis sententia inter duas, media melior videtur, scilicet asserens CHRISTVM tam ante Eucharistiam, quàm post prædixisse prodicionem Iudæ.

XXII.

*An Iudas in cena Domini sumpserit*  
San-

San-

Interfuisse  
sumpsisse  
act: Clemen  
ratio est, qu  
Verum com  
tentia est luc  
ceteris Apo  
soft: Ambro  
mas & alijs  
quast: 73. di  
c. 26. Matth  
ponuntur. I  
& prodicion  
re, tum quia  
ditio illius  
publica, &  
ditionis ex  
stus eam de  
stationem,  
dam lenitat  
tiam ut doc  
nec publice  
cra Synaxi  
S. Aug  
STVM esse  
tere, qui o  
Factum jam  
cam, ut trad  
dicerat DE  
tor pastoris



## *Sanctissimam Eucharistiam?*

**I**nterfuisse celebrationi paschæ & Eucharistiæ eamq; I. sumpsisse Iudam proditorem negant S. Hilar: Theophilact: Clemens Romanus, Rupert: & alij multi, quorum ratio est, quia proditor indignus erat tantis mysterijs. Verum communis cæterorum Patrum ac Doctorum sententia est Iudam interfuisse Paschæ & Eucharistiam cum cæteris Apostolis sumpsisse. Ita Origenes, Cyrillus, Chrysost: Ambros: Leo, Cyprian: August: Rabanus, Beda, Thomas & alij, quos citat & sequitur Soarez tertia parte, quæst: 73. disp: 41. sect: 3. apud Cornel: à Lap: tom: I. in c. 26. Matth. v. 20. Vbi & probationes hujus sententiæ ponuntur. Nam CHRISTVS etsi licitè posset peccatum & proditorem Iudæ cæteris Apostolis occultam detegere, tum quia erat Dominus famæ Iudæ, tum quia & proditio illius alibi, id est apud Principes & Seniores esset publica, & paulò post apud ipsosmet Apostolos post proditiõis executionem erat evulganda, noluit tamen Christus eam detegere ad Divinitatis & charitatis suæ manifestationem, ut perfectæ charitatis daret exemplum ac Iudam lenitate & charitate ad pænitentiam alliceret; tum etiam ut doceret occultos peccatores non esse prodendos, nec publicè traducendos & infamandos, ideoq; nec à Sacra Synaxi arcendos.

S. August: arbitratur Iudam non credidisse CHRISTVM esse DEVM, putasseq; proditorem suam illum latere, qui omnia haberet explorata. (Ait ille tract: 55.) Factum jam fuerat in cor Iudæ per immisionem diabolicam, ut traderet discipulus Magistrum, sed quem non dixerat DEVM. Iam talis venerat ad convivium explorator pæstoris, infidiator Salvatoris, venditor redemptoris,



j. m. talis venerat & se ignorari arbitrabatur &c. Sed non ignorabatur ab eo, cui cor illius intimæq; cogitationes patebant omnes, liberavit illum hoc errore, cum sceleris patrati commonescit.

3. Mittit crimen in numerò ut conscius agat pænitentiam. S. Hieron: Redi in integrum & deposito furore resipisce. Clementia invitat, salus pulsât, ad vitam vita te revocat. S. Leo serm: 7. de passione.

XXIII.

*Ex qua occasione inter Apostolos contentio facta sit, quis eorum maior esset?*

- I. **S**almeron ait non esse alienum à veri similitudine, contentionem hanc excitatam ante pedum ablutionem in ipso cœnaculo, & ante Eucharistiæ institutionem: fortè antequàm cœnæ accumberent excitata contentio est propter mensæ loca potiora. Lucas verò recapitulatione usus hoc loco illius fecit mentionem. Beda ait non esse incredibile, contentionem humilitatis fuisse potius quàm superbix. Non est ( inquit ) incredibile, quia honore se invicem præveniendò certârunt. &c. Sed CHRISTI cōmonestatio aliud indicat. Isidorus Clarius ortam conjicit adprehendendum proditorem. Cum audissent ( inquit ) unum ex duodecim fore proditorem, arbitrati sunt, hunc, qui id esset ausurus, patraturum hoc facinus, gratiâ imperandi alijs, atq; ita quærebant, quis eorum videretur esse major, ut aliquo modo deprehendi proditor posset. Non congruit hæc opinio cum admonitione Christi. Theophilact: verò, inciderunt ( ait ) Apostoli in hanc
- litem,

litem, qui  
teri: tu p  
runt, ut d  
& familia  
CHRIST  
atq; ideo  
tem. In  
tan: lan  
vum, qu  
portebat  
Domini v

Qual  
Ch

EX C  
non  
Sed veri  
cellam;  
fed in a  
pud He  
cis aggr

An

Ivlus  
gyptu  
stum pr  
pulo, qu



litem, quia verisimile est, quod inter se dixerint unus alteri: tu proditorus es? & alius alteri, & inde eò pervenerunt, ut dicerent: ego sum melior, & ego sum major, & similia &c. Euthym: existimat intellexisse Discipulos CHRISTVM tradendum à Discipulo & occidendum, atq; ideo de primatu contendisse futuro post illius mortem. In eadem sententia est D. Antonin: Carthus: Caletan: Iansen: &c. Hæc contentio habuisse videtur motivum, quod cum Dominus ab hominibus transnigraret, oportebat aliquem eorum fieri aliorum principem, quasi Domini vicem gerentem. In catena. D. Thomæ.

## XXIV.

*Qualis panis fuit, quem intinctum  
Christus Iudæ porrexit, & in quo  
intinctum?*

**E**X Græco significat buccellam, sive offam, ex Hebræo I. non tantum significatur panis, sed & cibus aliquis. Sed verisimilius est illum panem fuisse azymum, sive buccellam: intinctam verò non in vino, ut putat Nonnus, sed in aliquo condimento, quod mensæ apponebatur apud Hebræos, uti embamma, vel aliud ex intybis & lactucis aggregitibus aut alijs rebus condimentum.

## XXV.

*An illa buccella fuerit Eucharistia?*

**I**ulius summus Pontifex in Epist: ad Episcopos per Egyptum, declarat: intinctum panem alijs discipulis Christum præbuisse non legimus, excepto illo tantum Discipulo, quem intincta buccella Magistri proditorem ostenderet,



deret, non quæ Sacramenti illius institutionem signaret. &c. Innocent: III. in lib: myster: Missæ: non debet intelligi, quòd sub buccella panis intincta, CHRISTVS Eucharistiam dederit traditori. Eadem est Sententia Divi August: tract: 62. D. Thomæ, Euthymij & aliorum.

XXVI.

### *Quomodo intravit Satanas in Iudam?*

- I. **N**ON intravit satanas in Iudam ut in energumenos intrat. Nam non ut torqueret, sed ut tentaret, & in scelus impelleret; in eum intravit. D. Anton: Intravit (inquit) satanas in Iudam non quidem per vexationem corporis sed ad novum malitiæ effectum. S. Ioan: Evangelista cum ait c. 13. *post buccellam introivit in eum Satanas*, id est dum mensæ cum CHRISTO accumberet. Iam introiverat antea ut tentaret, in mensa introivit ut urget, & ad perficiendum atq; exequendum scelus adduceret. S. Aug: tract: 63. in Ioan: Prius (inquit) intraverat in Iudam Satanas, mittendo in cor ejus cogitationem, quæ traderet CHRISTVM, nunc autem (id est in cæna) post panem introivit in eum, non ad hoc ut alienum tentaret, sed ut proprium possideret. Toties in Iudam intravit dæmon quoties novum peccatum fecit, ait Laberhiel. Nonne intrabat in Iudam diabolus, quando suggererat furta? certum est, etiam & tunc in eum intrasse satanam, ut ad furta impelleret. Sed satis fuit dici *fur eat & oculos habens*. Nunc verò quia de atrocissimo flagitio sermo est, id est de Magistri venditione, intrasse in eum dicitur satanas ut motor, incitator atq; ductor Iudæ, cæterorumq; impiorum: Quomodo in eum satanas intravit? docet Didymus lib: 3. de Spiritu Sancto his verbis: Ob-  
fer-



servans diabolus quibusdam motibus, & operationum signis, ad quæ potissimum vitia Iudæ cor esset proclivius: deprehendit eum patere insidijs avaritiæ, & repertâ cupiditatis ianuâ, misit in mentem ejus, quomodo desideratam pecuniam acciperet, & per occasionem lucri proditor Magistri, existeret. Hæc cogitationis occasio locum tribuit satanæ ut in cor Iudæ introiens impleret eum pessima voluntate. Addit idem Didymus. Introivit satanas in Iudam non secundum substantiam, sed secundum operationem. Item, non participatione naturæ five substantiæ, implet quempiam diabolus aut ejus habitator efficitur, sed per fraudulentiam & deceptionem ac malitiam inhabitare in eo creditur, quem replevit.

Dubium ergo est an substantia diaboli Iudam introierit? respondetur diaboli substantiam, id est ipsum diabolum intrasse Iudæ cor & phantasiam: non tamen intrasse voluntatem vel intellectum Iudæ sed per appetitum inferiorem commovisse. D. Thomas 3. q. 3. art: 8. Quântum ad animam (inquit) non potest diabolus inhabitare hominem substantialiter, quia solus DEVS illabatur menti: sed quantum ad corpus diabolus potest hominem substantialiter inhabitare, sicut patet in arrepticijs &c. Serpentem intravit diabolus ut primum Adam occideret, Iudam intravit ut occideret secundum. Rupert: lib: 13. in Ioan: sicut (inquit) diabolus serpente usus est ad occidendum in anima terrenum hominem, sic Iudâ utebatur ad occidendum in corpore CHRISTVM.

Cum perditissimus Iudas omnibus maledictionibus plenus sit, invenit tamen perfidiæ suæ cultores, prout Sixtus Senensis bibliothecæ Sanctæ lib: 2. ad literam I innuit Hæreticos quosdam Cajanos dictos fuisse, qui Evangelium Iudæ Iscariotis excogitatum venerati sunt, in quo



quo laudabatur magnificè hic proditor, quòd **CHRISTVM** Magistrum suum tradiderit Iudæis, juxta eam, quam quasi habebat divinæ determinationis notitiam, & ob id festinavit tradere **CHRISTVM** ut nobis per crucē ejus salutem pararet. Citat idem Author Epiphanium lib: 1. Panarij adversus Cajanos & Theodoret: lib: 1. Hæreticarum fabularum. Sed & Barrad: tom: 4. lib: 1. c. 11. idē affirmans adducit S. August: lib: de Hæresibus. Cajani (inquit) propterea sic appellati, quoniam Cain honorant dicentes eum fortissimæ esse virtutis: simul & Iudam traditorem Divinum aliquid putant esse &c. &c. Ita per-versissima causa non tantum suos invenit patronos sed etiam & cultores. Insuper Hæresis è mentis statu homines deturbat, qui ab Ecclesia Romana deficiunt, ita; ut absurdissima atq; stultissima dogmata vera esse obstinato animo atq; ore affirmant. Insanum hoc dogma Cajanis persuasit hæresis, sic nostris temporibus alia absurdissima novatoribus persuadet, quale illud est inter alia: non minus **DEI** opus Iudæ proditio, quàm Petri confessio. Op9, quod Evangelistæ diabolo tribuunt, homines absurdissimi tribuunt **DEO**. Hæc Baraddius. Psalmum 108. multi patres contra Iudam applicant, ubi triginta maledictiones numerant triginta argenteis, quibus **CHRISTVM** vendidit, annumerando. Inter quos luculenter deducit Antonius Monchiacenus de Mocharis Doctor Sorbonicus in oratione sua, quam habuit ad Patres Sacri Concilij Tridentini fer: 6. die parasceves, Anno 1563. 9. Aprilis, ubi ait, Psalmus centesimus octavus de proditione Iudæ, & Iudæorum consilio contra **CHRISTVM** ac eorundem pæna continet 30. versus & 30. maledictiones in pænam 30. argenteorum quos ex **CHRISTI** venditione acceperat à Iudæis &c. &c. Vide etiam inter alios. Baraddium

tom:

tom: 4. lib:  
explicatio  
rem & f  
set Augu  
STI quæ

Verba  
da

**C**Vm p  
nas &  
diabolo p  
bolo dic  
intelliger  
mentum  
nantis m  
asseritur  
batur ex  
culos ha  
sunt nobi  
nus quo  
Iudæos e  
meam &  
hæc non  
objiciet  
(inquit  
peranti  
si dicere  
am me  
fac citi  
probra



tom: 4. lib: 1. c. 11. Vbi ex August: in eundem psalmum  
explicationes apponuntur. Ibidemq; asserit Iudam uxore  
& filios habuisse. Sibi ergo, uxori & natis ( ut cen-  
set August) furabatur & pecuniam ex venditione CHRI-  
STI quærebat.

## XXVII.

*Verba illa: quod facis, fac citius, ad Iu-  
dam, an ad satanam dicta sunt?*

**C**VM post sumptam buccellam introiit in Iudam sata- I.  
nas & IESVS dixit *quod facis fac citius* Origenes vel  
diabolo putat dicta hæc verba vel Iudæ. D. Cyrillus dia-  
bolo dicta arbitratur lib: 9. c. 17. diabolo ( inquit ) non  
intelligenti patibulum crucis suarum virium fore detri-  
mentum dicebat Dominus *quod facis, fac citius* Ita mi-  
nantis magis quàm hortantis hæc oratio est. Sed rectius  
asseritur præfata verba non satanæ sed Iudæ dicta. Pro-  
batur ex verbis consequentibus: *quidam putabant quia lo-  
culos habebat, quod dixisset ei IESVS: eme ea, que opus  
sunt nobis ad diem festum &c.* Chrysost: ait, dixit Domi-  
nus *quod facis fac citius*, ut vera esse ostenderet quæ ad  
Iudæos de morte dixerat, *potestatem habeo ponendi animæ  
meam & potestatem sumendi eam &c.* Sunt autem verba  
hæc non imperantis, sed permittentis, & scelus maximū  
objicientis, atq; ante oculos ponentis. Theophilaet: hoc  
( inquit ) non est adhortantis ad perditionem, sed pro-  
perantis & permittentis ea ad proditionem venire: qua-  
si diceret, ecce reliqui te facere quod vis, non impedio tu-  
am mentem &c. D. Chrysost: Illud ( inquit ) verbum  
*fac citius*, non imperantis est, neq; consulentis, sed ex-  
probrantis & revocantis ad emendationem &c. Similia



verba in Scriptura reperiuntur, Iud: 10. *Ite, & invocate DEOS, quos elegistis, ipsi vos liberent.* &c. Matth: 22. *Et vos implete mensuram Patrum vestrorum.* Ioan: 2. *Solvite templum hoc* &c. Ex sententia Augustini significatur desiderium crucis. O verbum (inquit) libentius parati, quam irati. Dixit CHRISTVS: *quod facis fac citius*, non tam in perniciem perfidi saviendo, quam ad salutem fidelium festinando. Simon Cassianus: festinabat CHRISTVS ad redemptionem, fervebat desiderium Salvationis &c. D. Ambros: lib: 2. de Abel & Caim c. 4. Vult hoc dicto expulsum Iudam à CHRISTI Societate, quoniam satanas in eum introierat: *quod facis, fac citius*. Ejicitur itaq; & excluditur eò quòd iam cum Domino esse non possit, quia cæperat esse cum diabolo. Nulla enim communicatio CHRISTI ad Belial. D. Chrysost: ait, cum Iudas esset inemendabilis, dimisit eum CHRISTVS secundum desideria cordis ejus videlicet secundum desideria pecuniæ.

## XXVIII.

*Quare Iudas auditis CHRISTI ver-  
bis: quod facis, fac citius, statim  
exierit?*

- I. **F**ortè cum jam intellexerit notam Magistro suam machinationem nè apud Coapostolos talis haberetur, exit statim post illa verba quasi iussa CHRISTI executurus, cum ex discumbentibus nemo hæc verba intellexerit, sed putârint quòd vel emenda quæ ad diem festum necessaria erant, vel egenis dandam eleemosynam CHRISTVS ei mandâsse. Item. Exivit, quia tempus advenerat ad hostes properandi, & quæ opus erant ad patrandum

scelus

scelus p  
nâ. Rup  
cepisse,  
solo am  
men intr  
totam cr  
properal  
sed cup  
deret po  
luit, niu  
judicari  
Rac  
um, spe  
lus, con  
fomes; c  
rò cæles  
quo arc  
crofos

Cur  
sum

Ioan:  
Nunc  
est in eo  
STVS  
pulos c  
dor pat  
tuberni



scelus parandi, stimulante magis & urgentius eum satanâ. Rupertus ait, majus odium adversus Magistrum, concepisset, quod fuisset per buccellam indicatus. Nam etsi solo amore lucri scelus prodicionis incæperat, nunc tamen introeunte in eum satanâ, mixtoq; odio cupiditati totam crudelitatem anhelans citius faciebat, instantius properabat. Hæc Rupertus: tamen putant alij non odio, sed cupiditate argenti ductum esse Iudam. Nam cum videret postea CHRISTVM adjudicatum morti, valde doluit, nimirum quia illum nec odio habebat, nec morti adjudicari cupiebat. Pulchrè describit avaritiam Celada.

Radix omnium malorum avaritia est, fidei naufragium, spei nutatio, charitatis torpor, impatientiæ stimulus, concordie divortium, dissensionis matrix, rixarum fomes; & ut paucis multa dicam, jactura cælestium. Porro cælestis gratia, quæ peccatoribus officiosa est; nescio quo arcanè cognato instinctu, divites sæpè declinat, lucrosos averfatur, fugit avaros.

## XXIX.

*Cur CHRISTVS Dominus post abscessum Iudæ ex cænaculo, dixit: nunc clarificatus est filius hominis?*

IOan: 13. v. 31. Cum ergo exisset (Iudas) dixit IESVS: I. Nunc clarificatus est filius hominis: & DEVS clarificatus est in eo. Quid est quod Iudæ abscessu clarificatur CHRISTVS DEVS; an non etiam præsentem Iudæ, & inter discipulos commorante, satis præclarus erat, qui erat splendor patris, & splendidus ejusdem nitor: an Iudæ contubernium CHRISTI & Apostolorum offuscabat clarita-



tem; an non satis illustri erat DEI filius ante absentiam Iudæ? fortassis abscedente Iuda, prælustri aliquo honore, è cælo nobilitatur CHRISTVS? quodnam fuit hoc tantum, tamq; præcelsum decus? Peregregiè Origenes inibi sic fatur, expendens præfata Ioannis verba. *Cum ergo exisset Iudas dixit IESVS nunc clarificatus est filius hominis. Post euentia (inquit) ex prodigijs, nec non ex transfiguratione præconia, initium glorificandi filij hominis fuit exitus Iudæ à loco ubi morabatur IESVS:* Profundè quidem Origenes! nempe CHRISTVS Dominus tot ubiq; patris prodigijs, & novâ è cælis allatâ politiâ, magnam sui admirationem fecerat, celebri Hebrææ gentis plausu: in Thaboris vertice Empyreis cæli vestibis splenduit, & clara voce Patris DEI dilectus Filius palàm renuntiatur: quid CHRISTO deest ad famæ auctarium, & gloriæ cumulum? Imò post euentia ex prodigijs, nec non ex transfiguratione præconia, initium glorificandi filij hominis, fuit ab exitu Iudæ à loco ubi morabatur IESVS. Gloriosa miracula patrat CHRISTVS, sed non satis glorificatus est IESVS; quia adhuc est Iudas in ejus contubernio. Cælestem CHRISTI doctrinam admiratione celebrat mundus, sed necdum satis clarificatus est IESVS; quia in ejus contubernio adhuc Iudas censetur. In Thabore & Iordane coram Prophetis & Apostolis, insolenti cælorum rupturâ Pater DEVS divinam CHRISTI filiationem è nube intonat; sed adhuc non satis clarificatus est CHRISTVS, quia in ejus collegio adhuc Iudas numeratur. Cum autem abscedit, & Iesuanæ Societatis exgrex fit, sic IESVS cum suis exinde gloriosus effulset, ut initium clarificandi filij hominis fuerit ab exitu Iudæ à loco ubi morabatur IESVS.

2. Post brevem suæ creationis morulam Angeli cum cælo & in

& in cælo  
visceribus  
gnum in  
dracone  
erunt, ne  
cal: 12. v  
tur Diab  
illo missi  
los, ejusa  
serpat? a  
malorum  
Augustin  
pendit: C  
ficatus es  
mea glori  
excerpta

Qua

Matth  
mon  
Vatablu  
exierun  
& 72. di  
ron: in  
honore  
cantum  
Paulus  
more r  
sumptu



& in cælo: & eadem prima die simul cum terra in ejus visceribus infernus effusus est, factum est prælium magnum in cælo: Michâel & Angeli ejus præliabantur cum dracone, & draco pugnabat & Angeli ejus: *Et non valuerunt, neq; locus inventus est eorum amplius in cælo.* Apocal: 12. v. 8. *Et projectus est draco ille magnus, qui vocatur Diabolus, & projectus est in terram, & Angeli ejus cū illo missi sunt.* Quid? timet DEVS, ne in reliquos Angelos, ejusdem naturæ participes, etsi jam beatos, malitia serpat? an præcavet ne saltem Empyreum cæli gloriam malorum præsentia devenustet? Notanda sunt pulchra S. Augustini verba, quibus illam CHRISTI sententiam expendit: *Cū ergo exisset Iudas dixit IESVS: nunc clarificatus est filius hominis.* Augustinum audis: *Ecce in illa mea glorificatione quid erit, ubi malorum nullus erit?* Hæc excerpta sunt ex Celada de Benedictionibus. § 13.

XXX.

*Qualis hymnus fuit quem CHRISTVS  
post cœnam dixit?*

**M**atthæus c. 26. v. 30. ait *Et hymno dicto exierunt in montem Oliveti.* Idem & Marcus c. 14. Quæ verba Vatablus ex Græco vertit & cū hymnum cecinissent exierunt. Quis nam ille fuerit hymnus Aug: in Psal: 39. & 72. dicit: non est hymnus etsi laus, si non cantetur. Hieron: in cap: 5. Amos. Hymnus (inquit) est canticum in honorem DEI. Sed quis iste hymnus? quis cantus? non cantum. Sed fletum tempus illud mæstissimum poscebat. Paulus Burgensis ex Iudæo Christianus, asserit Hæbræos more recepto rituq; gentis post agnum paschatis consumptum psalmos septenos decantasse, qui psalmi omnes

pro



pro titulo habent alleluia, id est Laudate DEVM. Enumerantur verò hi: *Laudate pueri Dominum &c. In exitu Israël &c. Dilexi quoniam &c. Credidi, propter quod &c. Confitemini Domino quoniam bonus &c.* hos enim appellari scribunt magnum alleluia. CHRISTVM verò ex sacra Historia discimus sese illius gentis ritibus pene in omnib9 prudenter attemperasse. Maldonat: & alij probant Moisaicum illud canticum quod universi Isràélis agmen decantaverat post rubri Oceani transitum; CHRISTVM etiam post suam cœnam decantasse. Nec mira hæc in Christo modulatio. Cygnum opinor æmulatum esse, qui

Dulcia defectâ modulatur carmina lingvâ

Cantator Cygnus fueris ipse sui.

CHRISTVS totâ vitâ nunquam risisse, flevisse aliquoties notatur. Cum morte luctaturus, cum suis hymnum modulatur. Hunc tamen psallendi modum illum cogita quem ab Athanasio probatum & servatum servari optavit Augustinus, nempe qui similior lectioni quàm cantui, hodieq; in certis religiosorum hominum familijs retinetur.

2. Aliam insuper ( progreditur ulteriùs Drexel: de Christo moriente p. 2. c. 1. § 6. ) hujus Musicæ causam adstruunt, qui CHRISTVM in hac funeris sui viciniâ cantasse opinantur. Neceffe erat, ut CHRISTVS dux belli fortissimus tot secutorum Martyrum purpuratos exercit9, ad fortia cum facienda tum perferenda hac patiendi promptitudine inflammaret, & quasi bellicum caneret, quò illi audentiores irent in hostem, & omnem suppliciorum seriem ridendo & cantando exciperent. Olim certè, uti me Plutarchus, Thucydides, & complures alij docent, cantu inibantur prælia; nec apud unam dumtaxat gentem Martijs congressibus musica præludebat. Ita in bellis suis tubâ Hetrusci, Arcades fistulâ, Lacedæmonij

tibiâ,

tibiâ, Cret  
Arabes cy  
dixerunt  
spicaturus  
tum, atroz  
efferaret si  
cujus mod  
rent, aut  
ducis nost  
re, rogosi  
sculari, ci  
non horro  
generoso  
in hunc s  
gnam fin

An C  
moris,

Q Væf  
Sixt  
Pictavon  
&c. lib:  
us lib: s  
me fac L  
meam. H  
tioni hu  
nuere vic  
isse dol  
rorem, t



tibiâ, Cretenses lyrâ, cornu Thraces, Ægyptij tympano, Arabes cymbalo utebantur. Siculi ea, quæ ipsi Pyætidæ dixerunt, instrumenta musica adhibebant. Prælium aspiciaturus erat noster è cælo Imperator, prælium cruentum, atrox, internecinum; quod ne nimium terreret aut effleret suos belli inassuetos tyrones, hymnum præmisit, cujus modulij aut ferociore animos lenirent & demulcerent, aut timidiore exigent, & incitarent. Illustri hoc ducis nostri exemplo didicimus mortem jam non formidare, rogos infilire, rotas amplexari, numellas & taureas osculari, cruce & patibula salutare, ardentis craticulas non horrere, omnem deniq; tormentorum supellectilem generoso Spiritu ridere: didicimus jam ridendo mori. Et in hunc sanè modum Divorum non pauci felicissimè pugnam finièrunt,

## XXXI.

*An CHRISTVS fuerit naturâ suâ timoris, mæroris, tristitiæ & aliarum humanarum passionum capax?*

**Q**uestionem hanc ventilat Bibliothecæ Sanctæ Author I. Sixtus Senensis citatq; in aliquibus locis S. Hilarium Pictavorum Episcopum super hæc verba: *cæpit contristari* &c. lib. 6. annotat: CXIV. & lib. 5. annot; 182. Sed fusiùs lib. 5. annot: 186. Super Psalmi 68. illa verba: *Salvum me fac DEVS quoniam intraverunt aquæ usq; ad animam meam*. Hilarius (inquit) Pictavorum Episcopus explanationi hujus psalmi sententias aliquot inseruit, quibus innuere videtur humanitatem CHRISTI suaptè naturâ fuisse doloris ac miseriæ expertem: famem verò, sitim, mærorem, timorem, cæterasq; animi & corporis infirmitates

non



non fuisse illi naturales, sed ultrò assumptas nostri gratia; siquidem in Præfatione Psalmi sic loquitur: *Univerſarum itaq; passionum ſorte perfunctus ſecundum ſuſceptas infirmitates noſtras loquitur & dolet, ipſe quidem extra neceſſitatem timoris poſitus & doloris, ſed his tamen, quæ ſuſcepit accommodans: ut qui carnis noſtræ homo natus eſt, ex dolorum noſtrorum querelis & infirmitatis precatione loqueretur.* Et poſt hæc enarrans illud, *in ſiti mea potaverunt me aceto.* Addit, *Verum Prophetice ſitiſſe ſe dixit, quia cunctæ noſtræ, quæ in eo fuerunt infirmitates non naturales ſunt ſed aſumptæ.* Proſequitur fuſius idem Sixtus citando ejuſdem Hilarij textũ ex lib: 10. de Trinitate, quæ omnia brevitatis ergo omitto.

2. Addit Idem quòd Petrus Pariſienſis Epiſcopus lib: 3. Sententiarum diſtinct: 15. Hilarij ſermonem amicè ac benevolè interpretans ait illum nec verum timoris, doloris, ac paſſionis ſenſum, nec naturalem neceſſitatem timendi, dolendi, patiendi CHRISTO ademiſſe, ſed cauſam & meritum patiendi, dolendi, ac timendi, quæ in nobis eſt. In nobis enim eſt naturalis patiendi neceſſitas propter Adæ peccatum inducta, in CHRISTO verò naturalis verè patiendi neceſſitas eſt non vitio humanæ conceptionis illata, ſed ultrò ex ejus libera voluntate ſuſcepta &c.
3. Producit idem Author ex Evagrio. lib: 4. Eccleſiaſtica Histoꝛiæ. c. 39. Iuſtiniani Auguſti in cæteris viri Catholici huic dogmati tamen adhærentis edictum, quod præmittimus. Ioannes. Damasc: in lib: de centum hæreſibus c. 84. hunc errorem peculiarem fuiſſe Eſcharodocitis hæreticis refert his verbis. Heſcharodocitæ qui & Gaianitæ dicti ſunt corpus Domini, ex ipſa plasmatione incorruptibile venerantur & paſſionem quidem ſuſtinuiſſe Dominum conſitentur, eſuriem dico, & famem & ſitim,

tim, & la-  
modum, f-  
cunt, Suſ-  
reticis iſt-  
ſenſibilem  
CHRIST  
tyulibet  
bus iſtis p-  
ei adhæ-  
tritiſtiam  
habuit aſſ-  
quo veru  
humanus  
cibus C  
noſtri rat  
autem Do  
tur non y  
CHRIST  
ſuſcepiff  
in CHR  
propaſſio  
c. 9.

Veru  
tritiſtiam  
tur viſio  
ſummo  
reſpectu  
cent Th  
de locis  
quod na  
quo fuit  
mam 3.



tim, & laborem: sed non secundum eum, qui nobis est, modum, sustinuisse; neq; naturæ legibus servientem dicunt. Suspicio Damascenum (ait Senensis) id circo Hæreticis istis, Hefcharodocitæ, nomen indidisse; quia insensibilem atq; impatibilem quandam carnis duritiem CHRISTO adscriberent: quæ ictibus ac vulneribus quantumlibet contusa, nil doloris pateretur. &c. Sed omnibus istis prætermisiss & S. Romanæ Ecclesiæ omnibusq; ei adhærentibus sensum adjungendo, puto veram fuisse tristitiam. Nam CHRISTVS Dominus humanos quidem habuit affectus, ut ait Aug: lib. 14. de civit: DEI c. 9. in quo verum erat hominis corpus & animus verus. falsus humanus affectus non potuit subsistere. Aliter tamen affectibus CHRISTVS suis quàm nos, usus est. Nam affectus nostri rationis iudicium frequenter antevertunt: affectus autem Domini iudicium rationis & voluntatem sequebatur non præcedebant. Vnde idem Aug: loco indicato ait CHRISTVM affectus & motus animi ita cum voluisset, suscepisse, sicut cum voluit factus est homo. Vnde patet in CHRISTO Domino affectus & passionibus satius vocari propassiones. De quo vide apud Barrad: tom: 4. lib: 6. c. 9.

Veram itaq; ut jam dictum est, fuisse in CHRISTO 4. tristitiam. Licet enim ab initio conceptionis suæ fruere-  
tur visione DEI hypostaticè sibi uniti essetq; beatus in summo gaudio, tamen summe quoq; contristatus est: sed respectu diversorum objectorum &c. Ita communiter docent Theologi, qui refellunt M. Canum dicentem lib: 2. de locis c. 14. in CHRISTO suspensum fuisse gaudium quod naturaliter ex visione DEI sequitur eo tempore, quo fuit viator ut dolere & tristari posset. Vide. D. Thomam 3. p. q. 46. art: 8. & Soarez &c: CHRISTVS ergo simul



simul fuit viator & comprehensor, ut viator tristatus & passus est. Beatus exstitit & gaudio plenus ut comprehensor. Porro CHRISTVS non tantum quā comprehensor, sed etiam quā viator simul summē gaudebat & dolebat de sua passione. Dolebat enim de ea secundum partem animæ inferiorem, quatenus passio hæc erat noxia natura, gaudebat de ea secundum partem superiorem, quatenus illa erat à DEO volita & ordinata ad hominum salutem.

5. Causas tristitiæ CHRISTI in horto in multis Authoribus, sed præcipuè apud Cornel: de lap: in Matth: c. 26. v. 37. reperies. CHRISTVS in horto tristitiam ex duplici fonte habuit. A privatione voluntaria omnis sensibilis lætitiæ, quam aliàs habuerat, nunc autem ei omnē aditum interclusit. Deinde ab Assumptione voluntaria affectuum contrariorum dando licentiam appetitui producendi ad maiorem amaritudinem passionis. *Timorem* de imminente morte, qui timor quā tremorem & stuporē causat, dicitur *pavor*, quā angustiam internam producit, appellatur *Agonia*; & *tedium*, quod est nausea rerum omnium quæ sunt in mundo & *tristitiam*, quæ est afflictio interna de malo præsentis, qui omnes affectus CHRISTVM circumdederunt & obsederunt usq; ad mortem, siue tam intensi, ut vi suā CHRISTO mortem inferre potuerint, misse majoribus servasset malis. Laberrhittel cōsiderat: 78.

XXXII.

*Cur CHRISTVS mortem suam sepe vocat calicem? & cur in horto oravit ut calix ab eo transiret?*

Cau-

Causa  
c. 20. d.  
am mort  
teat no  
poculu  
Ca  
qui pro  
ficiorun  
I. I.  
quit ) i  
pro ma  
omnia  
Calicem  
etissimu  
ro, lev  
no pro  
multo  
vix sibi  
alluder  
accepto  
vos. &  
2.  
mni ip  
peccat  
pacific  
lap: in  
3.  
& hic  
Non de  
gis vet



**C**AUSAM S. Chrysoft: & Euthymius dant quòd **CHRI-** **I.**  
**STVS** tam libenter & avidè passionem subierit, ac si  
 fitiens calicem epotaret, Theophilact: etiam super Matt:  
 c. 26. dicit: Calicem appellat Dominus martyrìum, & su-  
 am mortem simul ostendens quòd leve sit, & quòd oporteat  
 nos tam facilè illud aggredi, quàm si bibendum esset  
 poculum.

Calix **CHRISTI** hic alludi potest ad calicem primò **2.**  
 qui propinabatur in convivio, secundò ad libamina sacri-  
 ficiòrum, tertio ad calicem qui dabatur morituris.

**1.** De calice conviviali ait Folengius, sacra olim (in-  
 quit) instituta erant convivia in quibus solemnes **DEO**  
 pro maximis illius beneficijs gratiæ agebantur, illic læta  
 omnia & festiva apparebant. Vnde illa verba psalmi **CXV.**  
*Calicem salutaris accipiam &c.* Kimhi Hæbreorum do-  
 ctissimus ita exponit: Quando convivium lætus extruxe-  
 ro, levabo calicem vino plenum, & gratias agam Domi-  
 no propter hanc salutem mihi concessam in conspectu  
 multorum assidentium. Solebant porro Iudæi in convi-  
 vijs sibi propinare & ex eodem calice bibere. Ad quod  
 alludens **CHRISTVS** in cæna Eucharistica. Luc: 22. 17.  
*accepto calice gratias egit & dixit accipite & dividite inter*  
*vos. &c.* Innuitur hoc q. XVII. n. 3.

**2.** Ad libamina & sacrificia calix adhibebatur, in o- **4.**  
 mnibus porro sacrificio erat libamen, exceptis sacrificijs pro  
 peccato. Itaq; in omni holocausto, & in omni victima  
 pacifica libabatur aliquid **DEO**. Citat Blanc Cornel: 2  
 lap: in c. 15. Numer: ubi fusiùs vide ritum libaminis.

**3.** Alluditur ad calicem vini, qui dabatur morituris, **5.**  
 & hic magis arridet, quàm cæteri, Bellarmino, qui ait.  
 Non desunt, qui hunc calicem exponant de sacrificio le-  
 gis veteris, quod liquoribus & libaminibus continebatur:



vel de calice conviviali, quo in memoriam acceptæ salutis utebantur: sed ista, levia sunt, & Sancti Patres, Basiliius, Chrysost: in 2. expositione. Hier: Aug: & cum ijs Theodoretus & Euthymius, magno consensu de calice patientiæ & passionis hunc locum intelligunt, de quo calice Dominus dixit Matth: 20. *potestis bibere calicem, quæ ego bibiturus sum?* & Matth: 27. 39. *Transseat à me calix iste.* Et Ioan: 18. 11. *Calicem quem dedit mihi Pater, non vis ut bibam illum.* Hæc Bellarminus.

6. Nota calix vini dabatur morituris secundum illud Prov: 31. v. 6. *Date siceram* Septuag: vertunt inebriantium merentibus, & vinum his, qui amaro sunt animo; bibant & obliviscantur egestatis suæ, & doloris sui non recordentur amplius. Pro merentibus Hebræi & Arboreus exponunt pereunt, hoc est damnato ad mortem. Ob eam consuetudinem CHRISTO oblatum est vinum myrrhatum Matth: 27. 34. Sed malitiosè, crudeliter contra morem solitum felli permixtum.
7. Nota etiam mortem & Martyrium CHRISTVM vocare calicem ob quinque rationes, ut Martyres suos ad subeundam mortem & passionem suaviter alliceret.
8. Primò. Quia dolores secundum gratiæ & fortitudinis concessæ mensuram dantur. Ita Cassiodorus, *pulcherrimè* (inquit) *ac breviter definita est Martyrum mors: Calix salutaris. Calix, quia sub mensura bibitur. Salutaris, quia in æternam salutem Domino præstante propinatur.*
9. Secundò. Dicitur ob celeritatem in exhauriendis illis doloribus. Licet enim S. Clementis Ancyрани crudelissimum & multiplex Martyrium per 28. annos duraverit: tamen breve fuit æternitati, cui collati mille, anni sunt tanquam dies hefterna quæ præterijt.
10. CHRISTVS crans in horto Gethsemani dicebat Matth:



26. 39. *Pater, si possibile est, transeat à me calix iste.* Id est cito moriar & patiar, acceleretur mors mea, ardor enim meus patiendi pro salute hominum non patitur moras, ne horæ quidem vel instantis unius! eam explicationem sibi ab ipso CHRISTO revelatam esse dicebat S. Catharina Senensis, ut refert Ambros: Catharinus in ejus vita lib: 2. c. 28. & 29.

Tertiò Martyrium vocatur calix ob amaritudinem. Ita II. S. Bruno & Belarminus, qui notat apud Prophetas passim accipi calicem pro amara portione tribulationis. Ita Psal: 74. *Quia calix in manu Domini vini &c.* Isaia c. 51 v. 17. Ierem: c. 25. v. 15. Ezech: c. 23. v. 32. Abacuc: c. 2. v. 16. *Repletus es ignominia, pro gloria: bibe tu quoq; & consopire: circumdabit te calix dextera Domini. &c.*

Alludi vult S. Bruno ad portiones medicas amaras. 12. Verba ejus sunt. Mors calix dicitur: quoniam amara est carni, sicut quidam calices potionum medicarum, quæ licet saluberrimæ tamen amarissimæ sunt.

Quartò mors & martyrium, vocatur calix ob svavitatem ejus, & ubertatem gratiarum tunc animam recreantium & confortantium. Mentem enim illæ gratiæ & ardens charitas inebriant, & omnium mundanorum proprij; corporis oblivisci faciunt, &c. S. Bruno eam quoq; explicationem affert. Mors (inquit) calix dicitur: quia sicut calix optimi vini hominem quem inebriat, ab illo statu in quo est, in alium statum mutat: ita & ipsa mors illum quem invadit, ab hujus vitæ statu in statum alium mutat. &c.

Vim illius ebrietatis & svavitatem atq; alacritatem 14. signatius exprimit S. August: serm: 185. Hoc (inquit) spirituali mero Spiritus Sancti calebant Martyres, quando abicientes & post se jactantes omnia sæculi blandimē-



ta, ibant ad passiones, obliviscentes facultates & affectiones, patrimonialia & matrimonialia sua, & vincentes armatam contra se parvulorum pignorum fletibus pietatem, vociferantes, pulverem mittentes super capita sua, & matres facies suas avulsis crinibus dilacerantes. Sed illi hæc omnia tanquam ebrii non videbant, nec cognoscebant suos: quia infuso præcordijs suis Spiritu Sancto, ad dolores, ad supplicia, tanquam ad consolationes & ad præmia festinabant.

15. Quinto Mors, & Martyrium vocatur calix ad declarandam sitim patiendi tum CHRISTI Domini pro nobis, quam Sanctorum Martyrum pro CHRISTO, quorum plurima exempla passim in vitis Sanctorum Martyrum reperies. Ad inextingvibilem verò CHRISTI DEI nostri sitim hoc solum semper meminisse sufficiat: quod non tam sitibundus potum aliquem, quam IESVS mortem pro salute nostra sitiebat. Acuebat hanc in se sitim etiam epoto jam in cruce calice usq; ad exinanitionem clamando *Sitio*.

16. Quod verò orans in horto CHRISTVS dicat *transeat à me calix iste*, præter explanationem superius expressam n. 10. D. Hieron: super Matth: c. 26. quem & Beda sequitur arbi-ratur CHRISTVM postulasse non timore patiendi sed misericordiâ populi Iudaici ne ab illis bibat calicem propinatum: Id est Cupio ô Pater pati & mori, sed opto & oro ut non patiar, nec occidar à Iudæis. Ne illi, qui sunt gens mea & filij Abraham, tam immane scelus committant, & ob illud gravissimè damnentur & crucientur. sic ait Hieron: *signanter non dixit transeat à me calix, sed calix iste; hoc est populi Iudeorum: qui excusationem ignorantiæ habere non potest, habens legem & Prophetas, qui me quotidie vaticinantur.* Haymo sic exponit. Si fieri potest

potest ut  
transeat à  
nominum  
ipso, sed  
nec peccet  
dicebat. F  
stum orâ  
passari po  
quomodo  
tia &c.

Quomodo  
CH

DE ha  
Vbi

nam natu  
maz 3. p.  
tis ergo.  
his verbis  
Monothē  
voluntate  
hic huma  
ritus est  
sitionem S  
mana CH  
& operat  
quia fugi  
dens se  
dicebat,



potest ut gentilitas liberetur sine Iudæorum perditione, transeat à me calix passionis. &c. S. Basil: 4. contra Eunomium, hoc ( idest ) transeat à me calix iste, non de se ipso, sed de ijs, qui in eo peccaturi erant, id est Iudæis, nec peccent, accipiendum, pro quibus etiam crucifixus dicebat. *Pater dimitte illis &c.* D. Hilar: opinatur Christum orasse pro Martyribus. Pro his ( inquit ) rogat, qui passuri post se erant, dicens: *transeat à me calix &c.* id est, quomodo à me bibitur, ita ab eis bibatur sine spei diffidentia &c.

## XXXIII.

*Quomodo intelligenda sunt verba illa  
CHRISTI: non mea, sed tua voluntas fiat.*

**D**E hac materia vide Barradium tom: 4. lib: 6. c. II. I. Vbi fuit duplicem in CHRISTO secundum humanam naturam voluntatem, secundum doctrinam D. Thomæ 3. p. q. 18. art. 5. deducit: Ad quem locum, brevitate ergo. Lectorem remittimus. Cornelius verò à Lap: ex his verbis: *Non mea, sed tua voluntas fiat* asserit contra Monothelitas non unam, sed duas in CHRISTO fuisse voluntates; scilicet unam humanam, alteram divinam. Et hic humanam subicit divinæ: & ut homo per hanc meritus est nostram redemptionem. Hanc esse asserit expositionem SS. Athanasij, Augusti, Ambrosij, Leonis, Imò humana CHRISTI voluntas licet in se una, virtute tamen & operatione fuit quasi duplex, scilicet una naturalis, quia fugiebat mortem: altera rationalis & libera, quâ subdens se voluntati DEI mortem appetebat: ac juxta hanc dicebat, *verumtamen non sicut ego volo.* Voluntate naturali,



rali: *sed sicut tu vis.* qd: voluntate rationali subijcio voluntatem meam naturalem tuæ voluntati ô Pater, nec aliud volo quam quod tu vis. Quare voluntas CHRISTI naturalis erat conditionata & inefficax, qui sub conditione tantum si scilicet placeret DEO, cupiebat mortem evadere. Rationalis verò ejus voluntas erat absoluta & efficax, quia per eam absolute & efficaciter subijciebat se voluntati Divinæ &c. Hæc Cornel: in Matth: c. 26. v. 40.

2. Nec intermittendum videtur quod Cornel: in c. 6. v. 10. Matth: exponit, nempe duplicem voluntatem esse DEI, scilicet *beneplaciti & signi* five *absolutam & optativā*. Voluntas beneplaciti in DEO est illa quā DEVS absolute vult aliquid fieri, quæ semper impletur & quam nulla vis impedire aut sistere vel retardare potest juxta illud Psal: 113. Omnia quæcunq; voluit Dominus fecit in cælo & in terra, & Isaia 46. Omne consilium meum stabit & omnis voluntas mea fiet, & illud Esther: 13. Non est, qui tuæ possit resistere voluntati. In hac ergo acquiescendum est vel congaudendo vel tolerando quæ nobis im mittit.
3. Voluntas signi est, quā DEVS significat quid, velit à nobis fieri per suas leges & præcepta quæ nobis imponit, hæc optativa & imperativa dicitur, ut in oratione Dominica exprimitur: *fiat voluntas tua sicut in cælo & in terra*. Id est. Da Domine nobis tuam copiosam & efficacem gratiam quā ita alacriter integrè & concorditer per omnia tam in agendo quàm in patiando tuis jussis & desiderijs obediant homines sicut Angeli iisdem in cælo obediunt. Ita S. Hieron: Chrysost: Theophylact: Euthym: & Augustinus lib: 2. de serm: Domini in monte. Angelorum ergo promptitudinem, celeritatem, efficaciam, perfectionem in implenda DEI voluntate imitari debemus ut il-

lam

lam vene  
fis benefi  
Hæc est  
STVS M  
Sc.

Audi  
luntas D  
militas i  
verbis, i  
ribus dif  
se tolera  
de dilige  
us est, C  
bis quic  
ter adha  
do de ej  
sermone  
ciam, q  
namur,  
præcept  
plere. Pl

Vo  
omnibur  
Err  
bes vel  
primi m  
modum  
nes, fur  
primi m  
tur, &  
sine infi  
hom: 84



Iam veneremur & honoremus ac consequenter nobis ipsis beneficiamus. Nam ut ait Apostolus. 1. Theſſal: 4. *Hæc eſt voluntas DEI Sanctificatio veſtra.* Et CHRISTVS Matth: 12. *quicumq; fecerit voluntatem Patris mei* &c.

Audi Cyprianum tract: de oratione Dominica. *Voluntas DEI eſt*, quam CHRISTVS & fecit & docuit: Humilitas in converſatione, ſtabilitas in fide, verecundia in verbis, in factis juſtitia, in opëribus miſericordia, in moribus diſciplina, injuriam facere non noſſe, & factam poſſe tolerare, cum fratribus pacem tenere DEVM toto corde diligere, amare in illo quod pater eſt, timere quod Deus eſt, CHRISTO nihil omnino præponere, quia nec nobis quicquam ille præpoſuit: charitati ejus inſeparabiliter adhærere, cruci ejus fortiter ac ſidenter aſſiſtere: quâdo de ejus nomine & honore certamen eſt, exhibere in ſermone conſtantiam, quâ conſitemur: in quæſtione fiduciam, quâ congregimur: in morte patientiam, quâ coronamur, hoc eſt, cohæredem CHRISTI eſſe velle: hoc eſt præceptum DEI facere, hoc eſt voluntatem patris *adimplere*. Plura vide apud eundem Cornelium.

Voluntatem itaq; noſtram Divinæ voluntati ſemper omnibuſq; in rebus ex CHRISTO ſubjicere diſcamus.

Errantiũ aſtrorum (ait Barrad: tom: 4.1.6. c.11.) *orbes veluti furtim proprio motu moventur, verumtamen primi mobilis rapiuntur impetu, motu alio. Eundem in modum ſi errantia aſtra noſtra, id eſt errantes appetitiones, furtim adverſus divina præcepta motu ſuo ferantur: primi mobilis, id eſt divinæ voluntatis impetu revocentur, & in orientem rapiantur. Semper hæc corde verba ſint infixæ non ſicut ego volo, ſed ſicut tu vis.* D. Chryſoſt: hom: 84. in Matth: ſublimem ( inquit ) admirabilis Phi-



loſophiæ virtutem tradidit Dominus, cū exemplo nos doceat etiam naturā horrore percūſā ac renitente: eſſe DEVM ſequendum &c. Item Euthymius: Dicens Dominus. *Verumtamen non ſicut ego volo, ſed ſicut tu vis*, docuit nos, quòd naturā licet retrahente ſequi oporteat DEI voluntatem illamq; propriæ voluntati proponere tanquā maximē utilem &c. &c.

7. Ad quod aſſequendum penſanda ſunt verba peracutē ſcripta ( ut ait ) Celada ) D. Chriſologi ſerm: 67. *Hoc eſt regnum DEI, quando in celo & in terra DEI eſt voluntas ſola, quando in omnibus hominibus DEVS Mens eſt DEVS vivit, DEVS agit, DEVS regnat, DEVS eſt totum, ut juxta illud Apoſtoli. Sit DEVS omnia in omnibus vobis.* Scilicet, quò exactiūs fiat DEI voluntas in nobis, DEVS ſit velut Mens noſtra, quæ noſtræ voluntati res appetendas denunciet: non ſenſu fallax, & falſatus ſæpè intellectus rerum fallaciā. Præeat Mens divina voluntates & act ones humanas, ut ad divinam voluntatem homo exactiūs conformetur. Sic vice noſtri intellectūs & judicij DEI Mens & judicium nos dirigens: tunc enim DEI voluntas perfectē fiet in nobis, quando *hominibus DEVS mens eſt. &c. &c.*

## XXXIV.

*Quanto tempore CHRISTVS in horto  
oraverit?*

- I. S. Lucas Evangeliſta ait *prolixius orabat &c.* Prolixitas iſta ex eo conjicitur quòd Dominus noſter ter oraverit primam orationem produxiſſe ex illis verbis ejuſdem circiter ad horam unam, *ſic non potuiſtis unā horā vigilare mecum?* ſimiliter ſecundam & tertiam orationē  
fe-



fecisse existimandum est. Itaq; trium horarum spatio oravit. S. Remigius ter ( inquit ) orat CHRISTVS pro Apostolis, & maximè pro Petro, qui ter erat eum negaturus. Rabanus verò. Ideo ( inquit ) tribus vicibus oravit, ut nos à peccatis præteritis veniam, à præsentibus malis tutelam, & futuris periculis cautelam oremus, & ut omnem orationem ad Patrem & ad Filium & ad Spiritũ Sanctum dirigamus: & ut integer Spiritus noster, & anima, & corpus servetur.

XXXV.

*Quare CHRISTVS præcipit Apostolis vigilare & orare ne intrent in tentationem?*

SÆPÈ CHRISTVS Dominus Discipulos suos non tantum verbis sed & exemplo ad vigilantiam & orationem inducebat siquidem persæpe erat pernoctans in oratione ut SS. Evangelistæ testantur. Neq; aliquid absq; orationis exordio peragebat, uti passim apud eosdem SS. Evangelistas Vnde Ecclesiastic: c. 18. v. 22. admonet, *non impediaris orare semper* & Dòctor gentium ad Ephes: 6. 18. *Orantes omni tempore* Idem 1. ad Thessal: 5. v. 17. *Sine intermissione orate*, quod non interruptam continuationem, sed perseverantiam significat. Nam tota hominis vita cum sit tentatio & militia, homo infirmus & impotens debet auxilium ac robur à DEO postulare: itaq; tota vita Christiani debet esse oratio. *Semper orat, qui semper secundum DEVM operatur.* Beda. *Semper orat, qui semper bene agit.* Glossa. Quod CHRISTVS Dominus, ut superius expressimus, nobis ex se ipso præbuit exemplum. Sed præcipuè imminente jam passione sua in horto Gethsemani præcipit



cipit Discipulis suis vigilare & orare. Nam ut quidam ex Asceticis ait. Non vigilare & non orare, est in tentationem intrare, Et ut Beatus Petrus Chrysolog: serm: 44. asserit, *ad tentationem, qui ad orationem non vadit*. Ideoq; CHRISTVS præcipit Discipulis vigilare & orare ne intrent in tentationem.

2. Intrare enim in tentationem est à tentatione superari. Iuxta quem sensum non hortatur Dominus ut petamus nè tentatio intret in nos, sed ne nos intremus in tentationē. Nam tentationes nobis invitis intrant; possumus tamen non intrare in eas, id est DEO juvante, tentatione non irretiri. Quemadmodum volucris laqueos intrans illaqueatur; sic homo intrans in tentationem capitur. Si igitur intret in nos tentatio, nos non intremus in illam.
3. Notandum quòd in nullo prævalere potest diabolus, cuiquam nisi fuerit voluntatis vitiata, quando enim videt dæmon inclinatum malignis infusionibus suis mentem, tunc permittente iustitiâ divinâ propter abusum gratiæ & dictamina conscientiæ spreta, incipit tentator animam inordinatam & ingratam possidere. Laberihitel: confid: ss.
4. Multoties DEVS amicos suos facit ob majus meritum eorum tentari. Nonnullos etiam Sanctos, ut in vitis Patrum legimus, optasse tentationes constat, quasi materiam augendæ virtutis suæ & meriti ex magna animi fortitudine & fiducia in DEVM. Talemq; tentationem habebant pro tessera ac signo divini erga se exhibiti beneficii. Quo intuitu S. Iacob: c. 1. ait *omne gaudium existimate fratres cum in varias tentationes incideritis*. Nihilominus tamen tutius & securius est tentationes fugere ac DEVM deprecari secundum CHRISTI nobis porrectam orandi normam. Matth: c. 6. v. 13. Luc: 11. v. 2. *Et ne nos indu-*  
cas

cas in ten  
inducas.  
est, & ip  
tendo in  
sicut pif  
duntur  
tiant, in  
jutorio  
mus affli

An

I Ansen  
Angel  
stimant  
CHRIS  
five Pri  
comper

Quo

S. Ep  
Admir  
fum, g  
stadio  
tua est  
Moyse  
Angeli



*cas in tentationem.* Non ut Calvinus perversè opinatur, inducat, impellendo, DEVS enim intentator malorum est, & ipse neminem tentat: Iacob: i. v. 13. Sed permit- tendo induci in tentationem ut ea capiamur & superemur, sicut pisces & aves inducuntur in rete cum illo conclu- duntur & capiuntur. Ita SS. Patres Catholici omnes sen- tiunt, inter quos S. August: Epist: 121. *Ne deserti tuo ad- jutorio alicui tentationi vel consentiamus decepti, vel ceda- mus afflicti. &c.*

## XXXVI.

*An Angelus ter vel semel apparuerit  
confortans Dominum?*

**I**ansenius censet non semel, sed ter in tribus orationibus I. Angelum apparuisse. Verumtamen credibilis alij exi- stimant semel tantum & hoc post tertiam orationem, cum CHRISTVS sanguineo sudore manabat, adfuisse Angelum sive Principem Angelorum Michàelem, sive Gabrielem in comperto non est.

## XXXVII.

*Quomodo Angelus CHRISTVM con-  
fortaverit?*

**S.** Epiphanius hæresi 69. & in Ancorato confortationem I. Angeli interpretatur fuisse CHRISTI laudationem. Admiratione ( inquit ) ductus Angelus dicebat ad ip- sum, glorificans & benedicens proprium Dominum in stadio consistentem: Tua est adoratio, tuum est dominium, tua est potentia, tua est fortitudo: ut impleret id, quod à Moyse scriptum est Deut: 32. *Confortent ipsum omnes Angeli DEI.* Hæc ille. Quæ verba Moyse juxta inter- pre-



pretationem septuag: interpretum *confortent ipsum* id est laudent & fortem prædicent DEVM omnes Angeli ejus. Item S. Titus non id (inquit) factum est quòd CHRISTVS Angeli confortatione indigeret, verum ut illud impleretur canticum Moyſis, *confortent ipsum omnes Angeli DEI*, etenim propter summum rei miraculum Angelus non citra illustrem laudem pronamq; adorationem ejus modi oratione eum aff. tus credi potest: Tua Domine est virtus, tua est potentia: tu enim adversus mortem, infernum, & diabolum victoriam & regnum obtinuisti. Confortasse ergo dicitur Angelus CHRISTVM, quia cum consolatus est verbis, laudibus, externo aspectu, id est splendidissimo, & sudoris sanguinei absterſione alijsq; modis nobis ignotis. Fuit autem opus hæc Angeli confortatio, quia CHRISTVS se ipsum confortare nolebat, omnemq; consolationem propter nos sibi denegabat. Præterea opus fuit ut ostenderet eos, qui propter DEVM labores perpetiuntur & orant ab Angelis corroborari. Tertiò opus fuit ad ostendendam naturæ humanæ veritatem. Vt Beda ait, in horto Angelus CHRISTVM confortavit ut DEVM, esse factum hominem ostenderet. S. Bonavent: lib: 3. Sent: d. 16. q. 3. Multum (ait) CHRISTVS in se doluit, & multum pro nobis condoluit. Apellat autem dolorem compassionis eum, quoangebatur animo ob scelera nostra. Idem quærit fuerit ne major dolor animæ CHRISTI, passionis in appetitu sensitivo, an compassionis in parte rationali? respondet intensiorem fuisse dolorem compassionis, quia (inquit) quàmvis magna causa esset dolendi in sensualitate, propter separationem ipsius in carne, & magna erat dispositio ad dolendum propter optimam complexionem: in dolore tamen compassionis amplior erat ratio dolendi propter inhonorationem DEI, & sepa-

separatio  
tio ad do  
dum enim  
compassi

Mem  
lum in h  
tem, om  
desideri  
lum con  
endum,  
crucifige  
terni Pat  
CHRIST  
ratio, qu  
demptio  
agonia i

Cur

O Sc  
fui  
scipuli  
lutaban  
piendus  
illam a  
aliunde  
risse, it  
STVM  
amq; p  
coram



separationem nostram à DEO; major etiam erat dispositio ad dolendum propter dilectionis nimietatem. Secundum enim, quòd dilectio major est, secundum hoc plagæ compassionis sunt majores. Hæc S. Bonaventura.

Memini in Authore quodam pio, me legisse Angelum in horto CHRISTVM præ angore mæstum consolationem, omnes cruciatus & passionis pœnas, quas maximo desiderio optabat Salvator noster, enumerasse. Scilicet illum comprehendendum, ligandum, illudendum, conspuendum, flagellandum, spinis coronandum &c. demum crucifigendum &c. quod ardentissimo desiderio pro æterni Patris gloria ac humani generis salute desiderabat CHRISTVS. Hæc igitur licet acerbæ passionis enumeratio, quia correspondebat intentioni CHRISTI pro redemptione mundi pati flagrantissimè desideranti, fuit in agonia illa confortatio.

XXXVIII.

*Cur Iudas osculo CHRISTVM tradiderit?*

**O**sculum tum apud multas gentes tum apud Hebræos I. fuit mos salutandi. Vnde probabile est quòd & Discipuli Domini cum aliunde ad eum redirent, osculo salutabant. Iudas itaq; proditor ducendo cohortes ad capiendum CHRISTVM in horto aliquot passibus turbam illam antecessit ut ipse videretur non esse ex eis sed quasi aliunde redire & fortuito cum adventante turba concurrisset, itaq; quasi peregrè rediens osculatus est CHRISTVM. Sciebat enim in cæna ex verbis CHRISTI se suamq; prodicionem notam esse CHRISTO, ut tamen illam coram Apostolis cæteris tegat, exterius fingit se CHRISTO



STO Domino solitum amicitix & reverentix dare osculum. Persuasus etiam hic proditor ex lenitate CHRISTI (ut ait Chrysostom:) se ab ejus osculo non repellendum. Quod si repelleretur, hoc signo tamen osculi oblato & à CHRISTO repulsi eum Iudæis indicaret & capiendum traderet. Sed CHRISTVS Dominus licet vehementissimum ex prodicione Iudæ sentiret dolorem nec tamen respuit illum, sed fraudulento hostileq; offerrenti sincerum & amicum se reddidit. Et juxta S. Hilarium. Licet proditorem non habuit odio sed dilexit, magisq; doluit de ejus scelere & perditione, quam de sua prodicione: ideoq; volens illum ad pœnitentiam inflectere dicit: *Amice ad quid venisti?*

2. Origenes tradit CHRISTVM Dominum faciem suam pro libito immutare solitum, qualis fuit illa, quam in trãfiguratione sua exhibuit. Et quia verebatur ne tunc Christus etiam faciem suam transformaret, ut à Iudæis agnoscere non posset; ideoq; hoc signo osculi Magistrum suum designat eis tradendum. Sed si vellet CHRISTVS evadere, posset non tantum per mutationem suæ faciei, sed & alio occultare modo ac invisibilem se uti aliàs, facere: quod notum fuit Iudæ. Sed magis verisimile est ob vultus Christi similitudinem cum vultu Iacobi minoris, qui & frater Domini dictus fuit, ne milites Romani, quorum alij nunquam Dominum viderant, alij non bene noverant, maxime noctis tempore, alium loco CHRISTI comprehenderent, hoc signo proditor voluit indicare. Ita cum Theophylacto multi recentiores censent.

XXXIX.

*An statim dato osculo Iudæ CHRISTVS  
comprehensus?*

Iudam

Iudam  
bas, qu  
prehende  
ti non eff  
viam pro  
rent solâ  
omnem t  
abierunt  
6. Permi  
gere: der  
rantibus  
dixi vobi  
re. quo  
nus & v  
dium, M  
inorepan  
ponit  
gladijs  
Sed hec  
serunt  
um. Ma  
Irruerun  
faculis a  
etern, qu  
paratum  
let ob  
possent  
salvaret  
D.  
thym: c  
horto, n  
cederet



**I**udam osculo dato putant aliqui retro cessisse ad tur-  
bas, quarum ductor erat; admirantem quòd ad com-  
prehendendum Christum iam indicatum signo commo-  
ti non essent. Christum verò animosè ac intrepidè ob-  
viam prodeuntem ac interrogantem quemnam quære-  
rent solâ voce: *ego sum*, ac si fulmine prostrâsse Iudam &  
omnem turbam illam hostilem. *Vt ergo dixit eis, ego sum:*  
*abierunt retrorsum, & ceciderunt in terram.* Ioan: 18. v.  
6. Permisit deinde Christus illos recipere vires & sur-  
gere: denuoq; interrogavit quem quærerent? illisq; ite-  
rantibus se IESVM Nazarenum quærere, subiiecit ipse:  
*dixi vobis quia ego sum: si ergo me quæretis finite hos abi-*  
*re.* quo dicto dum milites ad IESVM accesserunt ma-  
nus & vincula iniiciendo in eum; Petrus stringit gla-  
dium, Malcho auriculam amputat, quem Christus sanat  
increpans Petrum. Post exprobrationem illam, quam  
ponit Lucas c. 22. v. 52. *tanquam ad latronem exiistis cum*  
*gladijs & fustibus &c.* Et post illa dicta Luc: 22. v. 53.  
*Sed hæc est hora vestra & potestas tenebrarum; tunc acces-*  
*serunt & manus iniecerunt in IESVM, & tenuerunt e-*  
*um.* Matth: 26. 50. Quocirca S. Leo serm: 8. de pass: ait:  
Irruerunt in lumen verum filij tenebrarum & utentes  
faculis atq; laternis non evaserunt infidelitatis suæ no-  
ctem, quia non intellexerunt lucis authorem; occupant  
paratum teneri, & trahunt volentem trahi, qui si vel-  
let obniti, nihil quidem in iniuriam ejus impiæ manus  
possent; sed mundi redemptio differreretur, & nullum  
salvaret læsus, qui pro omnium salute erat moriturus.

D. Chrysostomus & cum eo Cyrill: Theophil: & Eu-  
thym: censent Traditorem non agnovisse Christum in  
horto, militesq; prostratos antequam Iudas propius ac-  
cederet & oscularetur Dominum, postea verò cum se



sponte obtulerit, tunc accessit proditor, osculoq; dato, indicavit eum militibus.

3. Vides vim insuperabilem, quomodo in medio eorum existens eos excæcavit. S. Chrysoft: & S. Cyrill: potestas ergo Divina Christi enituit, qui quamvis se quærentibus offerret, minimè tamen cognoscebatur.

## XL.

*Voce Christi: ego sum quid significat prostratio illa Iscariotis & Iudeorum?*

**S**anctus Cyrillus in c. 18. Ioan: ait, *imago casus ille fuit omnium qui Christo adversantur, quibus omnino terribilis casus imminet.* Nam ille casus & prostratio tam Iudæ, quam cum eo assistentium ad capiendum Christum irreparabilem Iudæorum casum significabat, quod in perfidia sua & odio Christi forent obstinati & salutis pene incapaces. Retrorsum ceciderunt non verò in facies: sic enim cadentes, quod in peccatum ceciderunt, non agnoscunt. S. Gregor: lib: 13. moral: c. 10. ait: In faciem cadere, est in hac vita unumquemq; culpas agnoscere, easq; pænitando deslere: retro verò, quod non videtur cadere, est ex hac vita repente decedere, & ad quæ supplicia ducatur ignorare. *Abierunt retrorsum & ceciderunt in terram* Iudæi relicto Messia verò: in ea, quæ retrò sunt, id est, in caduca & temporalia bona abierunt. Nam omne, quod transit retrò, est, ut S. Gregor: l. 33. moral: c. 23. asserit: retrò est omne quod transit, ante verò est omne quod veniens permanet. S. verò August: in Psal: 89. indicat. Abierunt Iudæi in ea, quæ retrò sunt; quia legem veterem, quæ retro est, & iam à Deo abrogata, sequuntur.

## XLI.

Quali

Sanctus  
Iansen  
cultum,  
ut fuer  
ti Patres  
ba Tertu  
imò quo  
Omne  
xit. Infe  
buerit,  
lib: 22.  
sed non  
nam hi  
pungit  
Si  
lam? D.  
peccass  
num  
contra  
hæc no  
tantæ  
Christe  
merè  
Petrum  
& Chri  
Beatus  
mino



## XLI.

*Qualis gladius Petri fuit, & an peccaverit Malchum percutiendo?*

**S**ANCTUS Chrysoft: Theophilac: Toletus in c. Ioan: 18. 1. Iansen: in Matth: c. 26. putant gladium Petri fuisse cultrum, quo in mactatione Agni & aliorum animalium usi fuerunt Apostoli. Fuisse tamen ensen censent multi Patres, uti Cyrillus, Aug: Tertul: Ambros: & alij. Verba Tertul: lib: de Idololatria c. 19. Quomodo bellabit, imò quomodo etiam in pace militabit sine gladio &c. Omnem militem Dominus in Petro exarmando distinxit. Infertur ergo, quòd Petrus militarem gladium habuerit, non cultrum lanionum. S. Aug: contra Faustum lib: 22. dicit: Ius erat, ut Discipuli ejus ferrum ferrent, sed non iussit, ut ferirent. Ensem dicit S. Doctor *ferrum*, nam hic ferit hostem in conflictu, culter vero scindit vel pungit. Gladius etiam à clade dicitur.

Si quæres an Petrus peccaverit amputando auriculam? D. August: lib: 22. contra Faustum c. 70. existimat peccasse. Cornel: à Lap: in Matth: c. 26. v. 55. ait geminum Petri esse peccatum. Primum, quòd percuteret contra voluntatem Christi. Secundum, quòd percussio hæc non tam erat defensio, quàm vindicta, quâ Christum tantæ turbæ militum eripere non poterat, sed potius in Christum concitabat, seq; evidenti mortis periculo temerè exponebat. Sed veri similius alij plurimi putant Petrum in hoc non peccasse, siquidem zelo commotum & Christi charitate id fuisse D. Leo serm: 1. de pass: Beatus (inquit) Petrus, qui animosiore constantiâ Domino cohærebat, & contra violentorum impetus fervore

Aa2

san-



sanctæ charitatis exarserat, in servum Principis Sacerdotum usus est gladio. S. Ambros: in Luc: & Beda Petrum Phineæ zelum in hoc imitatum fuisse aiunt. Sciebat enim quomodo Phinees puniendo sacrilegos mercedem iustitiæ & Sacerdotis perennis acceperit. Christos: verò in Matth: c. 26. Considera (inquit) Petri & amorem pium, & humilitatem. Alterum enim ex diligendi fervore fecit, hoc est servum percussit; alterum ex obedientia, nimirum gladium in vaginam misit. Ad illa verba Christi: *Converte gladium tuum in locum suum: omnes enim, qui acceperint gladium, gladio peribunt.* Matth: 26. v. 52. Luc: verò c. 22. v. 51. Christus ait: *finite usq; huc*, hoc est, non vos moveat, quòd futurum est: permittendi sunt hucusq; progredi, ut me apprehendant, & impleantur, quæ de me scripta sunt. Caietanus putat *usq; huc* tempus significare, hoc pacto: *finite*, id est permittite usq; in hanc horam eos sævire quousq; durat hora, *hæc est hora vestra & potestas tenebrarum.* Barrad: addit interpretationes alias *finite usq; huc*, hoc est, satis est usq; huc percussisse gladio, ne ultra progrediamini. Vel *finite* satellites usq; ad me venire ne illos percutiatis &c. Sed alia fortè probabilior est, particulam *usq; huc* ad locum referens hoc pacto: *finite usq; huc*, hoc est, finite Malchum percussum usq; ad hunc locum in quo sum, ut illum tangam & sanem, quod & factum est. *Cum tetigisset auriculam ejus, sanavit eum.* Luc: 22. v. 51. Et cum in plurali hæc Christus diceret *finite* opportunè Maldonat: cum alijs colligit cæteros etiam Apostolos videntes Petrum tam animosè depugnantem pro Christo, ipsos etiam pro eodem certare voluisse, sed à Christo prohibitos iuxta S. Ambros: in Luc: c. 22. Noluit enim persecutorum vulnere defendi, qui voluit suo vulnere omnes sanare.

An sa

UTi al  
re, r  
convert  
tentia  
Paulus  
Dominu  
aure & m  
indiciu

No  
lum po  
dextera  
populus  
nus ijs,  
S. Hie  
Christi  
at verò  
nim au  
diendi

Qua

CH  
rui  
Petrum  
dit v. 5  
sic opor



## XLII.

*An sanando Malchum Christus eum etiam convertit?*

**U**Ti aliàs, sic dum & Malchum non tantum in corpore, restituendo ei auriculam, sed & in anima eum convertendo, integrè sanat. Christus Dominus: tam potentix quàm clementix suæ exhibuit exemplum. Prout Paulus à Palatio asserit: Theologicum dogma est; quem Dominus sanat, perfectè sanat; Christus Malchum & aure & mente sanavit. quod potuit maioris esse charitatis indicium? quod magis imperturbati animi argumentum?

Nota. Malchi nomen regem significat. Quidni illum populum & gentem regalem. Abscinditur auris dextera per Petrum, sed per Christum sanatur. Nam *populus Iudaorum dexteram perdidit aurem, sed Dominus ijs, qui ex Iudæis credere voluerunt, reddidit* &c. ait S. Hieron: in Matth: c. 26. Sinistram aurem perdat Christianus, quâ auditur mundus, diabolus, caro. Caveat verò, ne amittat dexteram, quâ Deus auditur; hac enim audiendum est, iuxta illud: Qui habet aures audiendi audiat.

## XLIII.

*Quæ sunt illæ scripturæ, quas Christus de se implendas dixit?*

**C**Hristus Dominus sæpe de impletione Scripturarum locutus est, uti Matth: c. 26. v. 52. alloquendo Petrum, ut converteret gladium in locum suum, addidit v. 54. *Quomodo ergo implebuntur Scripturæ, quia sic oportet fieri.* Ibidem v. 56. *Hoc autem totum factum est*



*est, ut adimplerentur Scriptura Prophetarum. Luc: 22. 37. Dico enim vobis, quoniam adhuc hoc, quod scriptum est, oportet impleri in me: & cum iniquis deputatus est (Isai: 53. 12.) Ioan: c. 17. v. 12. Vt Scriptura impleatur. Tum & in alijs locis Christus Dominus meminit impletionem Scripturarum. Quæ licet in omnibus ferme paginis veteris testamenti de Christo Domino exarantur, aliqua tamen hic ex R. P. Gasparis Druzbicki S. I. de varijs Passionem IESV Christi meditando modis tractatu, ex modo 29. excerpta ponimus.*

2. 1. Genes: 37. 28. Ioseph Filius Iacob Patriarchæ, odio fratrum suorum, operâ & consilio potissimum Iudæ venditus, in Ægyptumq; ductus: evidenter Christum ab Iuda discipulo hostibus suis venditum figuravit.
3. 2. 2. Reg: 15. 23. David Rex fugiens ex Ierusalem à facie Absalonis filij, eiq; adhærentium coniuratorum, torrentemq; Cedron transiens: Christi Domini ex eadem urbe trans eundem torrentem cum Discipulis egredientis, tumultum & turbam ciente Iudæ, atq; cohortes & ministros ad comprehensionem Domini Patrisq; sui congregante, manifesta figura fuit.
4. 3. Genes: 32. 24. Iacob totâ nocte colluctans cum Angelo, roburq; contra metum Esau fratris sui ab oratione accipiens, figuravit Christum orantem in horto, ubi & apparuit ei Angelus confortans eum.
5. 4. 2. Reg: 20. 9. Iobab Amasæ obvians, eumq; osculans, & salve mi frater compellans, interim tamen gladio confodiens: Iudam proditorem Christi per osculum, & per vocem, Ave Rabbi, luculenter expressit.
6. 5. Iud: 16. 25. Samson à Philistæis captus, vinctus, excæcatus, ludens coram Principibus, graphicè Christum captum, ab Iudæis vinctum, ad Principes Sacerdotum



dotum adductum, ibi oculis velatum, varièq; indignissimis modis illusum, & blasphematum depinxit.

6. Iob 2. 7. Iob à vertice capitis ad plantam pedis ulcere pessimo percussus, vulnere super vulnus concisus: viva fuit imago Christi flagellati adeo immaniter, ut multis vulnorum millibus conscinderetur, ut non tam flagellatus, quàm aratro aratus, instarq; terræ, sulcis prolongatis, dissectus esset.

7. Gen: 22. 13. Aries hærens cornibus inter vepres: 8. à Patriarcha Abraham, pro Isaac immolatus, Christum spinis coronatum expressit.

8. 1. Reg: 21. 13. David apud Regem Achis, pro infano & stulto habitus. Christi ab Herode Rege, ejusq; exercitu illusi, inq; stultitiæ ejus signum albâ veste induti figura fuit.

9. Cant: 3. 11. Salomon in die desponsationis suæ 10. à matre coronatus, & spectandus filiabus Ierusalem propositus. IESVM purpurâ indutum, spineo ferto redimitum, sceptrum arundineum in manu gestantem, genu flexo, consputatione, alapis, Regiâq; salutatione illustum, à Pilato ad populum cum illa voce. Ecce homo, productum efformavit.

10. Gen: 22. 6. Is: 53. 8. Isaac ligna in montem portans, super eadem à Patre immolandus, Christum baiulantem sibi Crucem, usq; in eum, qui dicitur Calvariæ locum, ubi à Patre æterno propter scelus populi sui erat percutiendus, atq; mactandus, imò re ipsâ est mactatus: adeo vivis figuræ coloribus depinxit: ut etiâ locus loco plane respondeat: in quo enim monte, & montis colle Isaac immolandus fuerat, in eo ipso Christus re ipsâ oblatulus est.

11. Exod: 12. 8. Agnus Paschalis anniculus immolatus 12. culatus



culatus, igni tostus, cum lactucis agrestibus, festinanter ad vesperam sacrificatus, & sine ullius ossis confractione devoratus: universum Christi in Cruce cruentum sacrificium, atq; fructum etiam, planissime delineavit.

13. 12. Num: 35. 28. Mors summi Sacerdotis: postquam revertebantur exules in Patriam impunè: Christi mortem omni humano generi à paradiso exulanti salutare, Patriamq; cælestem aperientem & restituentem demonstravit.
14. 13. Gen: 2. 10. Quatuor fluvij de paradiso egredientes universamq; terram circumeuntes, ac irrigantes. Quatuor præcipua Christi in manibus pedibusq; vulnera, quæ vivens subiit, præsignarunt. Quinque autem civitates refugij Num: 35. 11. Quinque lapilli Davidici ad debellandum Goliath electi, 1. Reg: 17. 40. quinque vulnera Christi ostenderunt.
15. 14. Gen: 6. 16. Ostium in latere Arcæ à Noëmo factum: vulnus lateris Christi figuravit.
16. 15. Exod: 14. 22. Mare rubrum per quod sicco vestigio filij Israël ex Ægypto versus terram promissionis egressi sunt, Ægyptijs omnibus interim in mari demersis ac sepultis. Redemptionem nostram & salutem per Christi sanguinem nobis procuratam, omnem autem diaboli potestatem, omnem peccatorum nostrorum labem, in eodem sanguine sepultam & abolitam ostendit.
17. 16. Omnes deniq; veteris testamenti victimæ; omnis tabernaculi Mosaici & templi Salomonici structura, figura, supellex, ipsissimæ Christi Domini Passionis & mortis imagines fuerunt. &c. &c. Hæc P. Druzbicki.
18. Item, quod debuit à Discipulo tradi, exprimitur Psalmo 40. v. 10. *Etenim homo pacis meæ, in quo speravi: qui edebat panes meos, magnificavit super me supplantationem*  
 &c.

&c. Tri  
runt men  
tro cap  
minus ca  
zari, Isa  
nas mea  
pantibus  
quem ip  
us meus  
nè passio  
clare ex  
tum Isai  
remias c  
tur ad  
per me c  
& erada  
memore  
se Chris  
serpente  
Lancea  
mum D  
ria & p  
plangen  
super eu  
v. 23. M  
ut. 28.  
bis noct  
Sacra S

Quo



&c. Triginta argenteis vendi, Zach: 11. 12. *Et appende-*  
*runt mercedem meam triginta argenteos* &c. &c. Vt la-  
 tro capi Thren: 4. 20. *Spiritus oris nostri Christus Do-*  
*minus captus est in peccatis nostris* &c. Conspui, colaphi-  
 zari, Isai: 50. 6. *Corpus meum dedi percutientibus, & ge-*  
*nas meas vellentibus: faciem meam non averti ab incre-*  
*pantibus, & consequentibus in me* &c. &c. Psalmus 21.  
 quem ipse Christus Cruci affixus incepit recitare: *De-*  
*us meus, Deus meus, ut quid dereliquisti me?* totus pla-  
 nè passionem ejus, vexationem, vestium divisionem, &c.  
 clarè exprimit. Inter latrones deputati, & mira pati to-  
 tum Isaiæ c. 53. verificatur. Mortem ejus exprimit Ie-  
 remias c. 11. 19. *Et ego quasi agnus mansuetus, qui porta-*  
*tur ad victimam: & non cognovi, quia cogitaverunt su-*  
*per me consilia, dicentes: mittamus lignum in panem ejus,*  
*& eradamus eum de terra viventium, & nomen ejus non*  
*memoretur amplius.* Num: 21. 9. Serpens æneus, uti ip-  
 se Christus Ioan: 3. 24. explicat: *Sicut Moyses exaltavit*  
*serpentem in deserto, ita exaltari oportet Filium hominis.*  
 Lanceâ transfigi, Zach: 12. 10. *Et effundam super do-*  
*rum David, & super habitatores Ierusalem, spiritum gra-*  
*tiae & precum: & aspicient ad me, quem confixerunt: &*  
*plangent eum planctu quasi super unigenitum, & dolebunt*  
*super eum, ut doleri solet in morte primogeniti.* Deut: 21.  
 v. 23. *Maledictus à Deo est, qui pendet in ligno.* Item De-  
 ut: 28. 66. *Et erit vita tua quasi pendens ante te. Time-*  
*bis nocte & die, & non credes vitæ tue.* Plura in varijs  
 Sacræ Scripturæ locis reperies.

## XLIV.

*Quomodo omnis, qui gladium accepe-*  
*rit gladio debet perire?*

Bb

Non



- I. **N**on omnes qui accipiunt gladium gladio pereunt. Nam accipere gladium duntaxat sine ulla aliorum iniuria, non est malum. Neq; etiam publicâ authoritate ad puniendum fontes, uti faciunt Magistratus in Tribunalibus & Principes in iustis bellis: licitum est ac honestum. Sed accipere gladium ad feriendum, vulnerandum, & occidendum alios iniuste, & nullo sibi suffragante iure, malum est, iniquum ac perniciosum. S. Aug: lib: 2. de serm: Dom: c. 29. cui etiam assentitur Beda, sic exponit. *Omnis (inquit) qui gladio percusserit, gladio morietur; quia ipso peccato anima morietur quodcunq; commiserit.* Omnis igitur qui alterum iniuste occidit, seipsum occidit. Card: Caietanus verba Domini intelligenda ait non de facto, sed de merito: quasi dixerit, omnes, qui gladio iniquè interfecerint hominem, morte digni sunt. Theophilactus arbitratur Dominum his verbis legem Petro proposuisse, quæ de homicidijs ferri solet. Dictum (inquit) legis ponit, quod homicida & ipse occiditur. Expressè enim Divina extat lex Gen: 9. 6. *Quicumq; effuderit humanum sanguinem, fundetur sanguis illius, ad imaginem quippe Dei factus est homo.* Exodi 21. 24. Levit: 24. 20. Deut: 19. 21. *Non misereberis ejus, sed animam pro anima, oculum pro oculo, dentem pro dente, manum pro manu, pedem pro pede exiges.* Sic Christus præcipiens Petro, ut gladium suum recondere in vaginam, insinuat ei lege statutum esse, ut omnes homicidæ vitæ priventur. Ait etiam Euthym: quod Christus illis verbis: *omnes qui acceperint gladium &c.* prophetisaverit de perditione Iudæorum. Nam sicut Iudæi contra Christum gladium acceperant, gladio Romanorum perierunt. Nam ab eis victi devastatiq; sunt. Quod & Theophilac: asserit. Insinuat Christus quod Iudæi contra se gladium accipientes

cipientes

AN

Sextus  
rasinu

in Lucan

gicis pr

logorum

mentis &amp;

gelicam

etum bel

rum quic

gno test

perare n

sunt præ

Chr

resistant

antibus,

hostibus,

ant; auf

quant &amp;

His

in primis

nem Chr

at, si ad

brosium,

tur decin

Domine,

bes? cur

parata s

pindicari



cipientes, Romanorum gladio essent perituri &c.

XLV.

*An liceat Christianis bellum gerere?*

**S**ixtus Senensis in Bibliotheca S. lib: 6. annot: 156. E. I.  
 rasinum in Annotationibus tertij capitis & 22. capitis  
 in Lucam asserit damnantem, multisq; querelis pene tra-  
 gicis prolixâ oratione deplorantem Scholarium Theo-  
 logorum iudicium, qui insulsis (ut ille criminatur) com-  
 mentis & frigidis distinctiunculis suis subvertant Evan-  
 gelicam doctrinam docentes non esse Christianis interdi-  
 ctum bellandi ius, sed licitum esse bellum gerere, quo-  
 rum quidem sententiam ipse, ut impiam, oppugnat ma-  
 gno testimoniorum numero, ut quos testium pondere su-  
 perare non potest, saltem multitudine obruat. (Verba  
 sunt præfati Senensis) in his potiora sunt.

Christus in Evangelio Matth: 5. 39. præcepit suis, ne 2.  
 resistent malo, sed inimicos diligant. orent pro calumni-  
 antibus, pacem persequentium expetant, bene faciant  
 hostibus, percutientibus unam maxillam, alteram præbe-  
 ant; aufertibus tunicam, pallium quoq; ultro relin-  
 quant &c.

His addit multorum veterum Patrum auctoritatem: 3.  
 in primis verò Origenis, qui tractatu 7. in Matth: sermo-  
 nem Christi de gladio emendo, pestiferum esse pronunciat,  
 si ad literam accipiatur. Deinde Origeni confert Am-  
 brosium, cujus super his Christi verbis explanatio legi-  
 tur decimo in Lucam commentario ad hunc modum: O  
*Domine, cur emere me iubes gladium, qui ferire me prohi-*  
*bes? cur habere præcipis, quem vetas promi? nisi fortè ut*  
*parata sit defensio, non ultio necessaria, & videar potuisse*  
*vindicare, sed noluisse. Lex tamen referire me non vetat:*

Bbz

& ille



ideo fortasse Petro duos gladios offerenti, sat est, dicit, quasi licuerit usq; ad Evangelium, ut sit in lege æquitatis eruditio, in Evangelio bonitatis perfectio. Multis hoc iniquum videtur, sed non iniquus Domine, qui cum se posset ulcisci, maluit immolari.

4. Iis quoq; adiungit Chrysostomum ex catena aurea D. Thomæ citatum (Matth. 5. 39. 40. &c.) Sed propter prolixitatem hic omittimus. Adducit etiam ex Severo Sulpitio in vita S. Martini recusantem Cæsaris donativum, quod militibus erogari solebat; his verbis: *Hactenus, ô Cæsar militavi tibi: nunc patere, ut militem Deo, donativum tum pugnaturus accipiat: Christi ego miles sum; mihi pugnare non licet.* Demum post multa infert, Christiano viro dimicandum esse non corporeis & ferreis armis, sed spiritali & Evangelicâ panopliâ, quâ Paulus Christi militem instruit, hoc est, galeâ salutis, scuto fidei, & gladio spiritûs: quod & Ambrosium dicit in libro de viduis palam declarasse, cum inquit. *Arma Ecclesiæ, fides est, arma Ecclesiæ oratio est, quæ adversarium vincit.* Hæc præfati Erasmi argumenta querulantis contra Theologos licitum esse ex iusta causâ Christianis arma contra hostes sumere asserentis. Quæ (ut ait idem Senens:) querelâ iniusta est, ne dicam Manichæa & impia, ut accusator ipse manifestè se prodat Evangelicæ disciplinæ adversarium, & Christianæ politices everforem, dum Christianis adimit iura iustæ defensionis, naturæ legibus instituta, & communi gentium omnium assensu, auctoritateq; firmata. Nam si bellum Evangelicâ lege interdictum esset: Ioannes militibus percontantibus quid eis ad salutem expediret, dixisset, arma abijcite, militiam istam deferite, &c. non autem hoc dixit, sed tantum admonuit, ut stipendijs suis contenti à calumnia abstine-
- rent



rent, nimirum etiam prohibiturus bellandi exercitium, si id putasset illicitum. Rursus cum Centurio imperium Christi ostendere conaretur ex imperio, quod ipse in milites suos habebat, Matth. 8. 9. Christus collaudatâ militis fide, non imperavit ei militiæ desertionem, haud dubio prohibiturus, si bellum nullo pacto liceret.

Rectè igitur D. August. in epistola ad Bonifacium Comitem, quæ est numero quinquagesima adhortans eum, ut bello cõerceat Donatistas. *Noli (inquit) existimare neminem Deo placere posse, qui armis bellicis ministrat, in his erat S. David, cui Dominus tam magnam præbuit testimonium. in his erat S. ille Centurio, qui Domino dixit, non sum dignus, ut intres sub tectum meum. Hoc ergo primum cogita, quando armaris ad pugnam, quia virtus tua etiam ipsa corporalis donum Dei est. si enim cogitabis de dono Dei, non facies contra Dominum &c. Pacem habere voluntatis est: (subdit idem S.) bellum autem debet esse necessitatis, ut liberet Deus à necessitate, & conservet in pace. Non enim pax quæritur, ut bellum exerceatur: sed bellum geriur, ut pax acquiratur. Esto ergo bellando pacificus, ut eos, quos expugnas, ad pacem unitatis vincendo perducas.*

Prætermisiss ejusdem S. Augustini & aliorum Patrum pro Christiana militia afferentium testimonijs, ad oppositiones Erasini breviter respondetur. Primum ex Evangelicis & Apostolicis scriptis, quibus vetatur obistere malo, iubetur iniurias remittere, inimicos diligere, maledicentibus bene precari, persecutoribus bene facere, sinistram ferienti dexteram quoq, præbere feriendam, & alia his similia, quæ bellandi iura videntur explodere. Huic obiectioni respondens: ex his, quæ numerata sunt, quædam esse præcepta, quædam verò consilia. at quidem præ-

præ-



præcepta sunt aliquo pacto, & in commune diligere inimicos, amare hostes, persecutores orationis auxilio non destituere, &c. quæ sanè præcepta ius, facultatem, & exercitium pugnandi, nec adimunt, nec semper impediunt. Siquidem iusta & verè Christiana bella sunt, quæ à pacificis bellatoribus, hoc est pacem quærentibus cum dilectione hostium pro defensione iustitiæ & pacis ademptione geritur, iuxta illam Augustini regulam. *Bellum geritur, ut pax acquiratur; esto ergo bellando pacificus, ut quos expugas, ad pacis utilitatem vincendo perducas.* Porro in his consilia sunt, non resistere malo, non se defendere, malum pro bono reddere, dexteram ferienti etiam exhibere sinistram, tunicam rapienti & pallium ultro dimittere, &c. & id genus alia plurima, quæ extra necessitatis discrimen, ut Augustinus inquit, non sunt operis præcepta, sed affectus in præparatione animi servanda, ut scilicet semper parati simus non resistere malo, sed vincere in bono malum, & pro maleficio beneficium rependere, si opus id fuerit. Verum si aliter expediat, vel propter commune bonum, vel utilitatem eorum, qui nos oppugnant: tunc, ut Augustin: epistola ad Marcellinum scribit. *Agenda sunt multa etiam cum in viis benignâ quâdam asperitate plectendis. Nam cui licentia iniquitatis eripitur, is utiliter vincitur. Quoniam nihil est infelicius, felicitate peccantium, quâ penalis nutritur impunitas, & mala voluntas velut hostis interior roboratur.*

7. Paulus Apostolus ad Timoth: scribens, *labora* (inquit) *ut bonus miles.* Non dicit labora ut agricola, ut piscator, ut molitor, ut nauta: sed *ut bonus miles.* Non enim minore opus est fortitudine ad resistendum vitijs, quam manus conferendum cum hoste &c. Gvevara epistolâ ad Albæ Ducem.

Postre-

Pos  
sunt, pri  
us non  
his, qui  
illis, sec  
se cultu  
fectione  
quod &  
Origene  
stiferum  
est his, q  
postolis  
& seips  
us imper  
luit Chi  
non in p  
pore; se  
pore. q  
nimè co  
Nec  
non sol  
gravior  
maret C  
stata m  
gione,

Qua

P Rot  
Chr



Postremò ad ea, quæ ab Erasmo ex Patribus allata 8.  
sunt, primum ad Ambrosij locum respondeo, verba ipsi-  
us non ita accipienda esse, ac si sentiat bellum omnibus  
his, qui Evangelium profitentur esse illicitum, sed viris  
illis, secundum communem tamen legem, qui Divino se-  
se cultui totos dederunt, & eminentiorem bonitatis per-  
fectionem tenent in consiliorum observatione positam:  
quod & ipse Ambrosius non obscurè indicat. Vnde &  
Origenes sermonem Christi ad gladium adhortantis, pe-  
stiferum esse ijs, qui eum iuxta literam intelligunt, hoc  
est his, qui arbitrantur Christum eo dicto præcepisse A-  
postolis suis, ut gladio accincti in prælium descenderent,  
& seipsos in prælium armarent, cum id viros arcem toti-  
us imperfectionis tenentes non deceret. Sed intelligi vo-  
luit Christum concessisse Apostolis iustum gladij usum  
non in propria quidem ipsorum persona, nec pro eo tem-  
pore; sed in persona totius Ecclesiæ, & pro futuro tem-  
pore. quia exordio nascentis Ecclesiæ armorum usus mi-  
nimè conveniret.

Neq; ab hoc scopo recedit Martini responsio, qui 9.  
non solum ex præfatis causis, sed etiam ob aliam longè  
graviolem detrectavit militiam, nempe quòd nefas existi-  
maret Christianum militem sub imperatore impio & apo-  
stata militare. Iulianus enim palam deserta Christi reli-  
gione, ad paganismum desciverat.

XLVI.

*Quare solus Christus est comprehensus,  
ligatus, & mortuus?*

**P**rotestatus est quidem Petrus se nunquam deserturum 1.  
Christum dicendo. Marci 14. 31. *Etiam si oportuerit*

*me*



*me simul commori tibi, non te negabo. Similiter & S. Thomas alios animabat condiscipulos Ioan: 11. 16. Eamus & nos, ut moriamur cum eo. Sed dum venit iam hora, quâ Christus comprehendebatur ab impijs nemine excepto, Mar: 14. 50. relinquentes eum omnes fugerunt. Vana enim fuit præsumptio humana sine protectione Divina. Solus Christus comprehensus est, solus crucifixus, torcular solus calcavit; quia solus Christi sanguis peccatorum nostrorum erat medicina. Vnde Origenes in Matth: c. 27. Cum IESU (inquit) pro omnibus nobis moriente mori, ut nos vivamus, hominum non erat: quoniam omnes fuerant in peccatis, & omnes habebant opus, ut pro eis alius moreretur, non ipsi pro alijs. Inter alias causas, etiam & hæc est, ut ait Hugo Victorin: lib: senten: voluit idem esse Redemptor, qui & Creator, ut familiarius ab homine diligeretur Deus. Neq; decuit à creatura tale bonum fieri homini, quo minus non posset præstare Deus. S. Cyrillus ait. Semo vit à periculo discipulos suos, non ignorans ad se solum certamen illud, & opus salutis nostræ pertinere: regnantis enim, & non servientis naturæ opus est.*

XLVII.

*Quisnam fuerit ille Adolescens, reiectâ sindone fugiens?*

- I. **S**ANCTUS Marcus c. 14. v. 50. exprimit. *Tunc Discipuli ejus relinquentes eum, omnes fugerunt. v. 51. Adolescens autem quidam sequebatur eum amictus sindone super nudus, & tenuerunt eum. At ille reiectâ sindone, nudus profugit ab eis. Ex quibus verbis patet adolescentem illum non fuisse Ioannem, uti opinatur S. Gregor: 1. 14. moral: c. 24. Chrysof: in Psal: 13. Ambros: in Psal: 36. & alij,*
- neq;

neq; etia  
Theophi  
cūm die  
mnes fug  
Deinde,  
SVM a  
cederet

Si d  
in lectis  
sta amic  
findon.  
difficili  
censent  
Christu  
ti, in qu  
as. (ita  
euntiu  
cto, fu  
men h  
lum, v  
Christi  
eo, qu  
tenuer  
multo  
gam c  
stare a  
in des

Qu



neq; etiam Iacobum, uti putat S. Epiphan: hæresi 78. Theophilac: &c. nec aliquem alium ex Discipulis. Nam cum dicit Evangelista, *Discipuli ejus relinquentes eum, omnes fugerunt*; ergo nullus eorum Christum sequebatur. Deinde, cum rectè ex cænaculo Apostoli secuti sunt IESVM ad hortum Gethsemani quomodo aliquis eorum incederet nudus, solâ amictus sindone?

Si dices quòd illa fuerit vestis cænatoria, quâ induti in lectis cænare solebant antiqui: dixisset certè Evangelista amictum veste & non sindone. aliud est vestis, aliud sindon. Sindon enim facilè reijci potest, at vestis induta difficilior. Theophilac: Euthym: ac Victor Antiochenus censent fuisse adolescentem ex domo, in qua cænaverat Christus. Sed verisimilius adolescentem illum fuisse horti, in quo Christus orabat, servum vel filium patrisfamilias. (ita putat Caietan: & recentiores,) qui strepitu transeuntium satellitum Christum capientium excitatus è lecto, surgens occurrit, ut videret quid ageretur. Fuisse tamen hunc adolescentem, Christi fautorem, vel discipulum, vel ad minimum bene notum, ex frequentatione Christi ad orandum in montem illum Oliveti liquet ex eo, quod adijcit Marcus *sequebatur eum*. Vnde satellites *tenuerunt eum*, qui *reiectâ sindone profugit ab eis*. Quidni multò magis comprehenderent Apostolos, nisi sibi fugam consulissent & abscondissent se. Vnde dicitur extare adhuc speluncam *latibula Apostolorum* nominatam in descensu vallis Iosaphat.

XLVIII.

*Quare Christus ductus fuit primò ad Annam?*

Cc

Corne.



**C**ornelius à Lap: in Ioan: c. 18. v. 13. ponit has rationes.

1. 1mo. Vt honorarent Annam quasi seniore & socerum Caiphæ, quem proinde ipse Caiphas quasi patrem honorabat, & ex ejus consilio populum regebat.
  2. 2do. Quia domus Annæ erat in via euntibus ad Caiphæ, ait S. Augustinus.
  3. 3tio. Quia Annas præ cæteris videtur optasse & procurasse, ut Christus caperetur. Vnde satellites Christum ei quasi in triumphum ducunt, ait S. Chrysostomus.
  4. 4to. Vt Annam, qui præcedente vespere à cæteris senioribus ob frigus noctis domum dormiturus abierat, inde evocarent ad concilium universale contra Christum iam captum, postero mane in domo Caiphæ celebrandum.
  5. 5to. Et potissimè, quia ab Anna Iudæ promissum fuit pretium venditionis Christi, scilicet triginta argentei. Adducit ergo Iudas IESVM ad Annam, ut pro eo triginta denarios ab eo promissos accipiat. Vti & defacto illum tunc accepisse censet S. Cyrillus, idq; colligitur ex eo, quod in primo principum cum Iuda pacto de Christo prodendo non numerarint triginta denarios, sed tantum promiserint ei, ut patet Matth: c. 26. v. 15. Hæc nocte ergo accepit illos Iudas in domo Annæ; nam in domo Caiphæ eos accipere non potuit; tum quia Caiphas circa Christum, ut inveniret falsos testes, ut eum examinaret, ut concilium convocaret, &c. ita occupabatur; ut tempus non haberet agendi cum Iuda. Vnde Iudas non videtur cum satellitibus progressus ultra domum Annæ; nec ingressus in domum Caiphæ. Nam si in ea fuisset Iudas, sanè eam ingredi ausus non fuisset Petrus metu, ne à Iuda proderetur. quia si Iudas adfuisset, cum Petrus ter
- Chri-

Christum  
tum falsi  
trum f  
henderet  
And  
testatur  
nus, bis  
mo verò  
Caiphæ

In c.

Sanct  
mat  
ejusq; in  
vulgaris  
confide  
Verum  
tribus  
negasse  
ni sente  
gasse in  
listis.  
vit, ap  
trus tex  
quod fi  
primu  
lius &c.  
nas. Et  
ponit



Christum in domo Caiphæ negavit, utiq; vel publicè eum falsi arguisset, vel secretò ministros monuisset Petrum fuisse secum discipulum Christi, ut eum comprehenderent. Ita Cornel: in loco præfato.

Andrichomius in descriptione Ierusalem num: 207. 6. testatur domum Annæ à loco, in quo captus est Dominus, bis mille trecentis sexaginta gressibus distasse: à domo verò Annæ per trecentos triginta gressus ad domum Caiphæ adductum.

XLX.

*In cuius domo Christus, & à quo percussus alapâ.*

SANCTUS August: lib: 3. de consensu Evang: c. 6. existimat rogatum ab Anna de Discipulis, & de doctrina, ejusq; in domo, alapâ percussum Christum. quæ sententia vulgaris fuit, ut ait Barrad: eò, quòd minùs perspicaciter confiderantib: Ioannis narratio illam indicare videatur. Verùm refutatur hoc argumento. Constat enim ex alijs tribus Evangelistis Matthæo, Marco, & Luca, Petrum ter negasse Christum in domo Caiphæ: Ex hac verò Augustini sententia. & eorum, qui illum sequuntur, efficitur negasse in domo Annæ &c. quòd repugnat reliquis Evangelistis. Christum de doctrina & Discipulis ille interrogavit, apud quem alapâ percussus est? item, apud quem Petrus ter negavit? ille autem non fuit Annas, sed Caiphas. quòd sic probatur Ioan: 18. *Adduxerunt eum ad Annam primum, erat enim socer Caiphæ, qui erat Pontifex anni illius &c.* Caiphas ergo erat Pontifex anni illius, non Annas. Et miles Christo Domino impingens colaphum hunc ponit percussione prætextum: sic respondes Pontifici?

Cc2

Subij



Subiicit Ioannes Petrum introisse in domum Pontificis, Pontificem interrogasse Christum de doctrina & Discipulis, percussumq; alapâ; & Petrum negasse. Hæc omnia cum in domo Pontificis facta dicantur: in domo Caiphæ, non in domo Annæ. Ita sentit D. Ephrem in sermone de pass: qui ait Christum alapâ cæsum coram Caipha. Item & D. Cyrillus; licet non satis explicat quid senserit. Sequuntur etiam eundem sensum recentiores: Iansenius, Buisonius, Ariasmontanus, & alij.

2. Obijcitur. Ioannes postquam dixit Christum interrogatum de doctrina & Discipulis, ac alapâ percussum, Petrumq; negasse semel, addidit hæc verba: *Et misit eum Annas ligatum ad Caipham.* Ergo quæ ante hæc verba narraverat; in domo Annæ facta sunt, non in domo Caiphæ. Respondetur hæc verba addita esse per recapitulationem, quasi diceret: hæc, quæ narrata sunt, in domo Caiphæ contigerunt; nam Annas ligatum misit Dominum ad Caipham Pontificem nihil de Christo statuendo; quia non erat Pontifex; sed ad Pontificem Caipham protinus misisse iudicandum. Quare prudentissime advertit Cornel: à Lap: versum hunc Ioannis 24. *Et misit eum Annas ligatum ad Caipham* recto ordine ponendum esse post versum 13. *Et adduxerunt eum ad Annam primum, erat enim socer Caiphæ, qui erat Pontifex anni illius.* quod & fecimus ita in contextu Evangelij. Nam trina negatio Petri examen IESV, & omnia, quæ post versum 13. narrat Ioannes, contigerunt in domo Caiphæ Pontificis non Annæ, ut patet ex SS. Matthæo, Marco, & Luca. Sed quis negabit Christo Domino à furibundis militibus pretio Iudæorum conductis frequentissimas impressas alapas? uti ex varijs revelationibus patet? Itaq; non solum in domo Caiphæ illam notabilem, contumeliosam susti-

sustinuit  
Annam.

Divus  
chus  
reddidit  
ministri  
Malchu  
tro fuit  
bis Ch  
runt, q  
illum n  
ad IES  
admirat  
cum mi  
7. 45.  
dum il  
quid  
tam ha  
stantes  
pulchr  
orum  
N  
impin  
nu cor  
de alap  
Colap  
à mini  
infixa,  
rosa, q  
mat S



sustinuit percussione; sed etiam & anticipativè apud  
Annam.

L.

*Quis alapam Christo impegerit?*

**D**ivus Chrysostomus & Euthymius coniiciunt Malchum illum fuisse, cui Christus abscissam auriculam reddidit. Verisimilius tamen alium fuisse quempiam ex ministris five famulis Caiphæ Pontifici assistentibus. Nam Malchum Ioannes nominasset hic sicut supra, cum à Petro fuit percussus, nominavit. S. Cyrillus putat illis verbis Christi: *quid me interrogas? interroga eos, qui audierunt, quid locutus sum ipsis. ecce hi sciunt quid dixerim ego;* illum militem sensisse se tangi eo, quod missus à Scribis ad IESVM audiendum & capiendum, eius doctrinam admiratus, rogatusque, cur eum non cœpisset; respondit eum ministris secum ad capiendum Christum missis, Ioan: 7. 45. *Nunquam sic locutus est homo, sicut hic homo.* quod dum illis eo tempore exprobrabant Pharisæi v. 47. *nunquid & vos seducti estis?* &c. nunc voluit hic minister notam hanc delere, dando alapam IESV. Ipsos enim adstantes monstravit. (Ait Cyrill: lib: ii. in Ioan:) qui & pulchritudinem doctrinæ suæ fuerant admirati, & Iudæorum impietatis erant ministri.

Nota. Alapa est, quod manu explicitâ in maxillam impingitur: Colaphus verò verber, quod pugno seu manu contractâ in collum caput vel dorsum infligitur. Vnde alapa plus affert ignominia, ruboris, & verecundia. Colaphus afflictionis, tumoris, ac doloris. Sed alapa illa à ministro Pontificis quasi honoris ejus vindice, Christo infixa, fuit non tantum ignominiosa, sed & summè dolorosa, quia armatâ manu impacta fuit. Vnde iustè exclamat S. Cyrillus. *Universam creaturam perhorruisse puto, si jē-*



*si sensum huius rei habuerit. Dominus enim gloria impiâ manu hominis caditur. Et S. Chrysoft: Exhorrescat cælum, contremiscat terra de Christi patientia, & servorum impudentia. Sed ad hæc videtur respondere S. Aug: in tract: 114. ubi connumeratis multis supplicijs, quibus ille servus pro temerario ausu dignus fuerat; ait: quid enim horum per potentiam iubere non potuisset, per quem factus est mundus? nisi patientiam nos docere maluisset, per quam vincitur mundus.*

3. Christus verò etfi totâ Passione suâ quasi innocentissimus agnus non aperuit os suum coram tundente; non tam fortè ob alapam acceptam, quàm ad impijssimi militis verba. *sic respondes Pontifici?* Non zelo iustitiæ uti Paul: Act: 23. respondit iniuste se percutienti, *percutiat te Deus paries dealbate.* Neq; arroganter (ait Chrysoft:) respondet, sed fretus veritate, id enim veritatis maximum est argumentum, cum quis inimicos in eorum, quæ dicit, testimonium adducit. Vnde ait, *quid me interrogas? interroga eos, qui audierunt, quid locutus sem ipses &c.* Porro Christus non porrexit alteram maxillam, uti aliàs docebat Matth: 5. 39. *si quis te percusserit in dexteram maxillam tuam, præbe illi alteram,* tum ne videretur culpam agnoscere, quæ nulla in eo fuit, tum quia loco alterius maxillæ totum suum sacratissimum ad excrucians exhibuit corpus. uti ait S. Aug: in Matth: 5. 39. *IESVM non solum alteram maxillam iterum percussori, sed totum corpus figendum præparasse in ligno.*

LI.

*Quis ille fuit discipulus notus Pontifici, qui Petrum in domum Cai-  
phæ introduxerit? Mul-*

MVL  
bus  
lac: tu  
Principi  
notus P  
tum, ut  
postoloru  
3. c. 2.  
pha pa  
rit. Ly  
mum fe  
Pontific  
cebat.  
nobilen  
probab  
citur d  
honore  
in dom  
thæa v  
tus. N  
tur sem  
tum, &  
magna  
nymi  
iuxta  
atq; in  
notus  
amore  
ne fue  
lari D  
Q  
strom



**M**ulti SS. Patrum existimant Ioannem fuisse: Ex qui- I.  
 bus sunt D. Cyrillus, Chrysoft: Euthym: Theophi-  
 lac: tum alij, & D. Hieron: qui in epitaphio Marcellæ ad  
 Principiam ait: *Ioannes propter generis nobilitatem erat*  
*notus Pontifici, & Iudæorum insidias non timebat in tan-*  
*tum, ut Petrum introduceret in atrium, & staret solus A-*  
*postolorum ante Crucem.* Nicephorus lib: 1. c. 28. & lib:  
 3. c. 2. ait notum fuisse Pontifici, quòd ei, id est Cai-  
 phæ partem, quæ sibi ex hæreditate obvenerat vendide-  
 rit. Lyranus vult notum fuisse, quòd pisces Caiphæ do-  
 mum ferre soleret, vel quia alius ex ejus consanguineis  
 Pontificis famulus erat, vel quia ex Davide originem du-  
 cebat. Alijs verisimile videtur fuisse Discipulum aliquem  
 nobilem, ideoq; Pontifici notum, & non Ioannem; hæc  
 probabilior est opinio. Notus enim Pontifici cùm di-  
 citur discipulus, significatur à magno Pontifice fuisse in  
 honore habitum & à famulis, ita, ut propter eum Petrus  
 in domum introduceretur. Forsitan Iosephus ab Arima-  
 thæa vel Nicodemus, vel similis alius discipulus occul-  
 tus. Nam Discipulum Ioannem pauperem, qui sequeba-  
 tur semper Christum, eiq; dilectissimus erat, fuisse no-  
 tum, & in pretio habitum à Caipha hoste Christi, non  
 magnam habet probabilitatem. Ad verba verò S. Hiero-  
 nymi superius citata, quòd S. Ioannes intrepidè staret  
 iuxta Christi Crucem, Principes Sacerdotum, Iudæos,  
 atq; milites minimè formidando, respondetur: non quia  
 notus fuerit Pontifici; sed Ioannis animi fortitudinem &  
 amorem in Christum causam fuisse. quòd autem à nemi-  
 ne fuerit læsus, neq; aliàs passus sit infestationes, singu-  
 lari Domini potentiâ, ac providentiâ id factum est.

Quisquis ille discipulus fuerit (ait P. Druzbicki in 2.  
 Strom: § 43.) qui pro introducendo Petro diligentiam &  
 chari-



charitatem in illum volens demonstrare certæ ruinæ Petri occasio fuit. Beneficium credebant & ille fecisse, & iste accepisse, sed revera ad ruinam & damnum occasio fuit & aditus. Ita humani favores suspecti sunt, & gratiæ fallaces. Nocent, dum bene faciunt, profunt, dum negantur. Profuisset Petro discipulus si repulisset Petrum etiam ab ostio. Et tamen nos plus amamus oscula, favoresq, periculosos, quàm vel monita asperrima quidem, sed salutaria.

## LII.

*Quoties Petrus Christum negavit?*

- I. **E**X relatione SS. Evangelistarum clarè patet Christum Dominum sæpius prædixisse Petro ejus lapsum, & promissam ipsius Christo non servandam fidem. Matth: 26. 31. *Tunc dicit illis IESVS: Omnes vos scandalum patiemini in me in ista nocte. Scriptum est enim: Percutiam pastorem, & dispergentur oves gregis. v. 33. Respondens autem Petrus, ait illi: Etsi omnes scandalizati fuerint in te, ego nunquam scandalizabor. v. 34. Ait illi IESVS: Amen dico tibi, quia in hac nocte, antequam gallus cantet, ter me negabis &c. Idem & Marcus 14. 27. &c. & v. 31. exprimit. At ille ampliùs loquebatur: Etsi oportuerit me simul commori tibi, non te negabo. Item Luc: 22. 31. Ait autem Dominus: Simon, Simon, ecce satanas expetivit vos, ut crebraret sicut triticum. v. 32. Ego autem rogavi pro te, ut non deficiat fides tua: &c. v. 33. Qui dixit ei: Domine, tecum paratus sum & in carcerem, & in mortem ire. v. 34. At ille dixit: Dico tibi Petre, non cantabit hodie gallus, donec ter abneges nosse me. Deniq, & Ioan: 13. 36. cum Christus dixisset Petro: Quo ego vado, non potes me modò sequi: sequeris autem postea. v. 37. Dicit ei Petrus*

trus: Qu  
te ponam  
me pones  
nec ter m  
ire vult,  
tam ter

Ex

sto præ  
3. de co  
in Matti  
negandi  
pius abn

Hui

Petro, c  
Evangel  
aliorum  
scilicet  
phæ. E  
pellatu  
Christu  
gelistar  
modè d  
tantib  
us quis  
ciliabit  
cilla Pe  
cundò,  
mento  
Tertio  
& ana  
bus et  
tio ab



*trus: Quare non possum te sequi modò? animam meam pro te ponam. v. 38. Respondit ei IESVS: Animam tuam pro me pones? Amen, Amen dico tibi: Non cantabit gallus, donec ter me neges. Hic etiam Petrus nescit quid dicat, præire vult, & sequi non potest, qui postea timore mortis vitam ter negavit, & animam suam mactavit. Origenes.*

Ex quibus prædictis probabile est ter fuisse à Christo prænunciatam Petri negationem. quod & S. Aug: lib: 3. de consen: Evangel: c. 2. & cum eo Beda & S. Thomas in Matth: c. 26. tum & S. Maximus: *Nisi modum tertio negandi Dominus statuisset, forsan sapius interrogatus, sapius abnegasset.*

Huic ternæ à Christo Domino præmonitioni datæ 3. Petro, opponitur trina ejus negatio, quæ ex eodem SS. Evangelistarum contextu clarè exhibetur. Nec obstat aliorum in hoc sensu, nempe Dyonisij Carthus: sexigies. scilicet ter in domo Annæ, & iterum ter in domo Caiaphæ. Et Caietani in c. 18. Ioan: septies. hoc est ter interpellatum à fæminis & quater à viris Petrum denegasse Christum. Nam licet ob variationem narrantium Evangelistarum aliquam quis existimet difficultatem diversimodè & à diversis, id est fæminis, & viris Petrum exagitantibus plures quàm ter Petrum negasse: sed si perniciosus quis investigaverit, facile hos Sanctos Scriptores conciliabit. Nam primò in atrio cum rogaretur à prima ancilla Petrus simpliciter negavit, ut ait Matthæus c. 26. Secundò, dum altera ancilla eundem rogaret, cum iuramento dixit se non novisse hominem, uti narrat Matth: Tertiò, cum magis de eodem urgeretur cum execratione & anathematificatione eundem abnegavit. Sed his omnibus æternæ veritatis Christi Domini addit pondus assertio ab omnibus Sanctis Evangelistis toties expressa acsi



sub iuramento: *Amen dico tibi, quia tu hodie in nocte hac priusquam gallus vocem bis dederit, ter me es negaturus.*

## LIII.

*An Petrus Christum ut Deum, an ut hominem negaverit?*

- I. **H**Æc quaestio oritur occasione aliquorum SS. Patrum, qui excusant negationem Petri. Inter quos Hilarius Canone in Matth: 31. ut in Sixt: Senen: Biblioth: S. lib: 6. annot: 118. reperio, qui loquens de Petri negatione, videtur significare eum non negasse Deum, sed hominem. Sic enim fatur. *Sciebat Christus Discipulos exterrendos, fugandos, negaturos se; sed quia spiritus blasphemiae nec hic, nec in æternum remittetur, metuit ne se Deum abnegent, quem casum, consputum, & crucifixum, essent contemplaturi.* Quæ ratio in Petro servata est: qui cum negaturus esset, ita negavit: *non novi hominem.* quia dictum aliquid in filium hominis remittetur. Idem clarius repetit hoc modo infra Canon: 32. Diligenter autem contuendum est, quâ conditione Petrus negaverit, quanquam de hoc superius tractatum est. Nam primò ait non se intelligere quid diceret: secundò non se ei adhæsisse: tertio verò se hominem non nōsse. Et verè prope iam sine piaculo hominem negabat, quem Dei Filium primus agnoverat. Tamen quia ex infirmitate carnis vel ambiguus existisset, amarissimè flevit, recolens istius trepidationis culpam se nec admonitum potuisse vitare. Idem S. Hilarius in alio loco in Psal: 52. versum: *non est qui faciat bonum, non est usq; ad unum* scribens, dicit Petrum fidei firmitatem non amisisse: quia quàmvis ex carnis trepidatione, quàm cohibere non potuit, in negationem Christi ejus lingua proruperit



ruperit; firma tamen fides confitendi Christum usq; ad  
martyrium ex animo ejus non recessit. Hilario subscri-  
bit Prudentius in hymno ad galli cantum his versibus:  
*flevit negator deniq; ex ore prolapsus nefas cum mens ma-  
neret innocens, animusq; servaret fidem.* Eidem sententiæ  
adhæret S. Ambros: lib: 10. Commentar: in Lucam, sicq;  
excusans Petri negationem, loquitur. Prima vox negan-  
tis est Petri, quâ tamen non negare Dominum, sed à pro-  
ditione se separasse mulieris videtur. qui tamen negave-  
rit, considera ex illis utiq; se esse, qui cum IESV Galilæo  
erant; vel ut Marcus posuit, cum IESV Nazareno. Nun-  
quid negavit se cum Dei Filio fuisse. hoc est dicere, ne-  
scio Galilæum, nescio Nazarenum, quem Dei Filium no-  
vi. Habeant homines locorum vocabula, Dei Filium Pa-  
tria non potest nuncupare: cuius Maiestatem locus nul-  
lus includit &c.

Sed S. Hieron: lib: 4. in Matth: hanc sententiam im- 2.  
probans ait: *Scio quosdam pij affectus &c. &c.* (Vide in  
Biblioth: S. Sixt: Senen: l. 6. ann: 160. pag: 621.) Pe-  
trus ergo negando se esse Christi Discipulum mortaliter  
quidem contra professionem fidei peccavit, ideoq; cha-  
ritatem amisit, sed non fidem. Quam sententiam ab o-  
mnibus receptam assentit Tolet: in c. 18. Ioan: annotat:  
II. & fundatur in æternæ veritatis assertionem Luc: 22. 31.  
& 37. *Simon, Simon, ecce satanas expetivit vos, ut crebra-  
ret sicut triticum. Ego autem rogaui pro te, ut non defici-  
at fides tua: & tu aliquando conversus confirma fratres tu-  
os.* Suarez verò tract: de Fide, disput: 9. sect: 3. dicit non  
tantum Petrum, sed nec Iacobum, nec Ioannem fidem  
perdidisse. Iacobus primus Apostolorum post Christi in-  
cælum Ascensionem mortem pro Christo sustinuit. Ioan-  
nes verò etiam tempore Christi Passionis constanter iux-



ta Crucem adstitit. Vnde in Filium Virgini Matri commendatus est. Idem author probabiliter ait de cæteris Apostolis. nam Christum non negaverunt, sed tantum metuens comprehendendi difugerunt. Id verò Deus permisit, ut Christo plius patiendi materiam suggereret, eumq; per omnia pænarum genera exerceret, & ab omnibus affligi sineret. Secundò, ut Apostolis suam infirmitatem ostenderet, itaq; eos humiliaret, & ab infirmis, lapsisq; compatiendum instrueret. Tertiò, ut declararet quanta esset vis persecutionis æquè ac pavoris. Fusiùs has rationes invenies apud Cornel: à Lap: in Matth: c. 26.

## LIV.

*An licitum sit quandoq; negare Fidem?*

1. **L** Vdovicus Abelly Episcopus Ruthenensis in Medulla Theologica cap: 1. de Fidei necessitate, asserit externam Fidei confessionem esse necessariam ad salutem necessitate præcepti affirmativi. Probatur ex verbis Christi Matth: 10. *Qui me negaverit coram hominibus, negabo & ego eum coram Patre meo, qui in celis est.* & Luc: 9. *Qui me erubuerit, & sermones meos, hunc Filius hominis erubescet cum venerit in Maestate sua.* Citat & alia loca idem author Sacræ Scripturæ. Et cum dicit præceptum obligans ad externam Fidei confessionem esse affirmativum, quæ est S. Thomæ doctrina 2. 2. q. 3. a. 20. infert. Proinde sequitur illud non obligare omni tempore, sed tantum certo ac determinato: veluti quando necessitas est, vel ad honorem Dei, vel ad utilitatem proximi; tunc nos obligari ad externam Fidei confessionem. ita S. Thomas loco citato, quod probat ex eo, quòd finis nostræ Fidei sicut & aliarum virtutum, referri debet ad finem charitatis, qui est amor Dei ac proximi. Et ideo, quando
- Dei



Dei honor, vel proximi utilitas id requirit, non debet contentus homo ut per Fidem suam ipsi veritati Divinæ coniungatur; sed Fidem illam debet exterius profiteri. Progreditur ulterius idem author. Et si nunquam liceat ullo modo negare Fidem Christi, tamen quando spectatis circumstantiis, nulla honori Divino irrogatur iniuria, nec ullum proximi salutem damnum infertur, non solum licitum esse, sed etiam aliquando necessarium Fidem occultare, non verò negare. Ita S. Doctor loco citato in responsione ad tertium, ubi dicit, quod quando ex confessione Fidei, manifesta turbatio aliqua infidelium oriretur, in tali casu laudabile non esset Fidem publicè confiteri. Et ad hoc probandum affert verba Christi, Matth: 7. *Nolite sanctum dare canibus, neq; mittatis margaritas vestras ante porcos, ne forte conculcent eas pedibus suis, & conversi dirumpant vos.* Cum autem occultatio illa Fidei varijs modis fieri possit vel fugiendo, vel aliquo signo exteriori Fidem dissimulando; dicendum, licitum esse homini Christiano tempore persecutionis fugere. hoc permittit Christus, dicens Matth: 20. *Cum persequentur vos in civitate ista, fugite in aliam.* Hoc tamen limitandum est, nisi ex hac fuga damnum aliquod redundet in honorem Dei, vel proximi salutem. Ut si Episcopus, aut Pastor tempore persecutionis fugiat, cum tunc maximè illius opere subditi indigeant, &c. Idem dicit licitum quidem esse occultare Fidem signis, quæ ex se sint indifferentia, non verò illis, quæ ad profitendam falsam fidem instituta sunt. &c.

Prior pars assertionis probatur: Quia hæc signa cum sint ex se indifferentia, nihil in se mali habent. qualia sunt illa, quibus natio una ab alia secernitur, vel status unus ab altero. Militis v. g. à mercatoris distinguitur. nec lædunt



dunt honorem Divinum, nec proximi conscientiam feriunt. Sic S. Sebastianus in aula Diocleciani Imperatoris ethnici ( ut observat S. Thomas 2. 2. q. 10. a. 10. ad 2. ) Fidem suam sub militari fago & chlamyde occultabat, ut Christianis commodius opitulari posset, eosq; tormentis confortaret.

3. Posterior verò pars assertionis occultare Fidem signis, quæ ad profitendam falsam religionem instituta sunt non licere probatur ex eo, quòd qui talibus signis uteretur, censetur non solum veram Religionem occultare, sed falsam profiteri: quòd omnino illicitum est. Vnde lib: 2. Machab: c. 6. Eleazarus non tantum porcinas carnes in lege prohibitæ, sed & alias idolis immolatas manducare noluit; quia illa manducatio licet ex se indifferens, (ut dicit S. August:) tamen instituta censebatur ad falsam religionem profitendam &c. Et eo sensu vestes paganorum illicitas esse dixit Tertull: lib: de idolis c. 18. Nempe eas quibus homo adstringitur officijs vel Sacerdotijs idolorum; quas ideo asserit profanationis suæ maculam habere, & neminem posse esse mundum, qui tunicam inquinatam habuerit. Hæc digressio ex occasione Petri Christum negantis facta est.

LV.

*Quomodo Christus respexit Petrum  
post tertiam ipsius negationem?*

- I. **B**arradius tom: 4. l. 6. c. 21. citat: S. August: lib: 1. de gratia Christi c. 25. affirmantem hunc Christi respectum fuisse spirituale: respexit enim Dominus Petrum spiritualibus misericordiæ oculis & in penitentiam reduxit non corporalibus. *Non potest (ait Aug:) quòd*  
*corpo-*

corporal  
est, in m  
memoria  
&c. vid

Vel  
est Dom  
Petrus  
respectu  
nitentia  
egit; eg  
set Cor  
um, Lee  
xit Chr  
Petrum  
tatem n  
S. Aug:

Qu  
quæ ac c  
inter tot  
Petri; u  
caret, d  
pass: in  
as Sace  
conspicie  
lum con  
dum, &  
cordis f  
sonaret  
scientia  
quere, n  
supplic  
confund



*corporalibus oculis Petrum Dominus respexerit: intus actum est, in mente actum est & voluntate. Dominus cor tetigit, memoriam revocavit, interiore gratiâ visitavit Petrum &c. vide plura apud Barrad: ibid:*

Vel forsitan postquam Petrus tertio negavit, ductus 2.  
est Dominus ex aula superiori in atrium inferius, in quo Petrus erat: conversusq; ad Petrum, respexit illum; eoq; respectu docuit, quanta sit hominis fragilitas, & ad pœnitentiam excitavit; quam ille non distulit, sed protinus egit; egressus statim ex atrio, *flevit amarè*. Ita etiam censet Cornel: à Lap: in Matth: cap: 26. citans SS. Ambrosium, Leonem, & Bedam. *Respexit ergo, & respiciendo erexit Christus Petrum;* ait S. Leo. Porro respexit Christus Petrum tum oculis mentis, obijciendo menti Petri fœditatem negationis ac stimulando eum ad pœnitentiam. Ita S. Aug: Beda, S. Ambros:

*Qua in re (ait Corn: à Lap:) mirare celsitudinem & 3.  
quæ ac charitatem Christi, qui iam reus mortis proclamatus, inter tot illusiones & verbera, sui quasi oblitus, curam egit Petri; ut eum quasi ovem perditam in viam salutis revocaret, docens nos, ut idem faciamus. S. Leo serm: 3. de pass: inquit. Respexit Dominus Petrum, & inter calumnias Sacerdotum, inter falsitates testium, inter cædentium & conspicientium iniurias constitutus, illis turbatum discipulum convenit oculis, quibus eum præviderat esse turbandum, & in illum conversa est veritatis inspectio, ubi erat cordis facienda correctio, quasi quædam illi vox Domini insonaret, ac diceret: Quid habes Petre? quid in tuam conscientiam recedis? ad me convertere, in me confide, me sequere, mea Passionis hoc tempus est, non dum tui venit hora supplicij. Quid metuis, quod etiam ipse superabis? Non te confundat infirmitas, quam recepi. Ego de tuo fui trepidus,*  
*in de*



*tu de meo esto securus. Quarecirca, ut ait S. Hieronymus, fieri non poterat, ut in negationis tenebris permaneret, quem lux respexerat mundi. Magnum dogma (inquit S. Chrysost:) a Petro discimus: quia videlicet nullo modo hominis voluntas sufficit, nisi auxilio superiori roboretur, &c. S. Aug: serm: 124. de temp: Quid homo sine gratia Dei possit, timor Beati Petri ostendit, quid est homo sine gratia Dei, nisi quod fuit Petrus cum negaret Christum, &c.*

LVI.

*Quare Petrus non oravit potius,  
sed fleuit?*

1. **R**espondet D. Ambros: in Luc: 22. *Lachrymæ lavant delictum, quod voce pudor est confiteri. Lachrymæ veniam non postulant, sed merentur. Idem ait, quia culpa obrepfit ei, Petrus doluit, & fleuit, quia erravit ut homo: commune quod labitur, Fidei quod penitet.*
2. Gvevara epistolâ ad Cognatam. *Pedum est ambulare: lingua loqui: manuum laborare: flere cordis. Sunt enim oculi nihil aliud, quàm porta visus & cordis velut spongia, quâ ipsius affectus eliquantur. Quodsi tam cor, quàm oculos flentis inspicere liceret, videremus profectò tot sanguinis guttas de corde cadentes, quot lachrymarum guttæ ex oculis promanant. Si enim cor non mereret, oculi certè non plorarent. Idem. Lingua cogitationum, at lachrymæ amoris sunt interpretes. Abbas Cellensis ait. Lachryma Filium Dei ad nos inclinât, & ad veram Trinitatem interveniente spiritu nos elevat. Aqua hæc aut facit, aut invenit paradysum. Idem S. Ambros: serm: 9. de pass: Felices S. Apostole lachrymæ tuæ, quæ ad diluendam culpam negationis, virtutem Sacri habuere Baptismatis. S. August: serm: 11.*  
ad frat:



ad frat: in eremo. *O lachryma! tu contra ruinas humanum  
suarve solatium, quæ Passionis Christi es vicaria, contra pec-  
catum ponens remedium, ut per te toties cogatur Christus  
mori, quoties labitur homo in abyssum peccatorum.* Pao-  
letti serm: 32. ait: *Adamus castigatus fuit, quia non fle-  
vit. Petrus autem qui fleuit amarè, à culpa & pena abso-  
lutus est.* Et citat D. Ambrosium serm: 46. *Adam reus,  
factus nudus, erubuit. Petrus conscius delicti, correptus  
ingemuit. Ille tanquam deprehensus, festinat ad latebras:  
hic tanquam emendatus, prorumpit ad lachrymas.*

Quidam ex Ascetis affirmat post trinam negationem 3.  
Christi Petrum cucurrisse ad Beatissimam Virginem MA-  
RIAM, lapsumq; suum cum lachrymis enarrasse. à qua  
dulce recepit solamen, ut criminis sui etsi atrocis à Chri-  
sti bonitate speraret remissionem, qui pro totius mundi  
peccatis æterno Patri satis facturus ad omnes pœnas a-  
cerbissimas, & mortem ignominiosissimam se resolvit.

In Revelationibus S. Brigittæ l. 4. c. 5. exprimitur, 4.  
quomodo S. Petrus quodam tempore apparens S. Brigit-  
tæ narravit sui lapsus causam, nempe sui propositi &  
promissionis Christo factæ oblivionem. Vnde eidem de-  
dit remedium in tentationibus. *Surge, (ait) per humilita-  
tem ad Magistrum memoria, & pete ab eo memoriam.*

S. Ambros: superius citatus facit Apostrophe ad S. 5.  
Petrum, dicens: *Doce nos Petre, quid tibi profuerint la-  
chrymæ tuæ: sed docuisti illico. Nam qui lapsus es ante-  
quam fleres, postquam fleuisti exaltus es, ut alios regeres,  
qui te ipsum ante non rexeras.*

# LVII.

## Quæ causæ lapsus Petri?

Ee

Corne-



I. **C**ornel: à Lap: in Matth: c. 26. has ponit causas lapsus Petri. Prima est originalis, quòd nimis sibi arrogavit, suæq; constantiæ perfusus sit. Ita etiam D. Drogo existimat: Ignorantia sui; propterea negabat, quia intus esse nolebat, nolebat nôsse se, præfidebatq; præmonitus de imbecillitate à Domino. Item Cornel: ait: Secunda est comitans, quòd temerè, sciens se fragilem & pavidum, societati impiorum ministrorum, qui IESVM cœperant, se miscuerit. Tertia finalis, ut futurus ipse Pastor Ecclesiæ suo lapsu disceret lapsis compati, & omnium peccatorum misereri, atq; suo exemplo omnibus peccatoribus verum pœnitentiæ daret exemplum. Vti S. Paulus ait ad Hebr: 5. *Qui condolare possit ijs, qui ignorant & errant: quoniam & ipse circumdatus est infirmitate: Et propterea debet quemadmodum pro populo, ita etiam & pro semetipso offerre pro peccatis.*

2. P. Laberhittel cons: 102. has etiam exhibet lapsus Petri causas. 1. Oblivio Dei: quia postquam *conversus Dominus, respexit Petrum*; tunc primò *recordatus est Petrus verbi Domini*. 2. Tepor, sequendo à longè. Quisquis à longè sequitur, tepet: Quia ab igne abest, qui Deus est; hinc luctæ: Quia dæmon petulantiùs infirmiora vasa pertentat, sicut non Adam, sed Evam coluber agresus est. D. Paulin: Epist: 4.

3. Timor sine ratione, & pavor ad verbum ancillæ, cùm genus mulierum potiùs misericors sit, quàm sævum.

4. Remansisse in atrio inter occurstantes turbas, in varia distractas. *Nemo diu tutus est periculo proximus.* D. Cypr: l. 1. Ep: 11.

5. Fuisse mores imitatum turbæ. Nihil periculosius Philosophiæ Christianæ, quàm turba ignara & contemptrix, cui insertus vel non it, quòd virtus vocat, vel eundo urimos obteritur.

Fuisse



Fuisse otiosum. Discipulus sedebat, dum Magister 6.  
staret, & quidem sedebat non fessus sequendo, sed fu-  
giendo.

Cœpisse consilium ab exitu & fine, & ex eo delibe- 7.  
râsse de confitendo Deo: cùm eventus rerum non sit con-  
siliij nostri, sed alienæ potestatis.

Idem Pater tres causas proponit, propter quas Petri  
lapsus describitur. 1. Ad cœercendos spiritus præfiden-  
tes. 2. Ad suggerendam lapsis spem indulgentiæ. 3.  
Ad imitandum amaritudinis exemplum.

LVIII.

*Cur Christus Pilato traditus fuerit?*

**P**ost strictissimum ac iniquissimum examen Christi in  
domo Caiphæ, multasq; ac enormes per tres horas ex-  
actas vexationes, blasphemias, illusiones, concilium illud  
impiorum summo mane feriâ sextâ à Caipha convocatum,  
quod septuaginta viris, sive Senatoribus constabat & Sa-  
nedrin vocabatur, Christum Dominum reum mortis de-  
cernit, damnat, sicq; iniquissimè adiudicatum Præfidi Pi-  
lato, ne eum utpote à toto concilio condemnatum ab-  
solvere possit, vinctum tradit. Nam (ut D. Hieron: obser-  
vat) *Iudæi habebant hunc morem, ut quem adiudicassent*  
*morti, ligatum Iudici traderent. Hic est Samson vinctus*  
*à Dalila, Christus à Synagoga.*

Causas verò, ob quas Iudæi non ipsi Christum inter- 2.  
fecerunt secundum legem Moyfi, sed Præfidi tradiderunt,  
varij Authores varias ponunt. Ex quibus Barrad: tom: 4.  
1. 7. ex D. Cyrillo & Aug: ponit 1. *Quia dies festus Pa-*  
*schatis erat quo id facere ipsis non licebat* 2. D. Thom: *quia*  
*crimen propter quod occidendus erat ad Rempub: pertinebat.*  
3. *Vt videretur Christus non ab eis, sed à Pilato Crucifi-*



*xus; ipsi vero viderentur alieni ab ejus cæde. quod & S. Aug: tract: 114. Iudei (inquit) isto modo ab interfectione Christi se velut alienos facere voluerunt, &c. Glossa ordin: Tradiderunt Iudei Christum Romane potestati, ut eo modo ab ejus interfectione alienos se esse ostenderent. 4. & 5. inferius mox ex Lyræo citando intelligetur.*

3. Easdem rationes P. Lyræus de imitatione IESV patientis lib: 3. c. 1. collectas explanat, scilicet: ad iniquissimam innocentissimi IESV accusationem Ioan: 18. 30. *Si non esset hic (inquiunt) malefactor, non tibi tradidissimus eum*, Pilatus dixit eis: *Accipite eum vos, & secundum legem vestram iudicate eum*, id est supplicio vel mortis, vel minori afficite, iam ante enim condemnastis eum. Non dubium, quin Pilatus, si hanc ipsius concessione usi Iudæi IESVM interfecissent, diligentissimè examinaturus fuerit, iurè ne, an iniuriâ id illi fecissent, quod veriti illico reposuere, Ioan: 18. 31. *Nobis non licet occidere quemquam.* Causam huius responsi accuratè inquirat S. Ioan: Chrysostom: hom: 82. in Ioan: dicitq; id circo hoc reposuisse, quia multum de eorum imperio ademptum erat à Romanis. Et prima quidem ac primaria recursus huius causa hæc erat: Romani siquidem Syria Palæstinaque potiti, vitæ sibi ac necis potestatem in populum istum reservarant, caventes, ne ipsi suorum quempiam capitali supplicio multarent: vel enim crimina adversum ius gentium admissa erant, atq; ita Romani & iudicium, & supplicium sibi deposcebant: vel legi Iudæorum peculiariter contraibant, itaq; iudicium ijs quidem permiserant, sed interficiendi facultatem Prætori suo receperant, teste Iosepho lib: 20. antiq: c. 8.

4. Altera causa erat, ut, quia tanti facinoris gravitatem Iudæorum natio sustinere non poterat, cum orbis terræ prin-

princip  
IESVS  
men v  
dicem d  
abs se in  
Ter  
cere, qu  
rum, n  
Regem  
pudere  
bant, si  
Præside  
ac magi  
beri sen  
Qu  
militare  
ut qui p  
ter poss  
Q  
dies Pa  
decere  
exsolvi  
causa n  
tangere  
De  
ximè c  
fissimâ  
nisi vil  
miniâ  
SVS h  
cum i  
Cæsare



principe populo communicatam levius ferret: cum enim IESVS maximi à plerisque fieret, si res iam peracta incrimen vocaretur, maiorem culpæ partem in ethnicum Iudicem derivare optabant, & invidiam innoxij sanguinis abs se in Pilatum transferre.

Tertia, quia dedignati videbantur eum per se interficere, qui se multis applaudentibus diceret Regem Iudæorum, ne fortè exprobraretur ipsis, quòd Messiam suum, Regemq; proprium interemissent, quare cum suæ illos puderet nequitia, præclare suo consultum honori putabant, si dum scelus ipsi committerent, sceleris nota in Præfide cerneretur: aut certè cum speciosum quidpiam ac magnum videretur, suam à Romano Præfide ratam haberi sententiam, impunè liceret insanire. 5.

Quarta. Considerabant Præfidem cui præsto erant militares copiarum certius, tutiusq; eum posse interficere, ut qui populorum tumultum si quis oriretur, non difficulter posset compescere. 6.

Quinta. Quia cum sanctissimus ac celeberrimus ille dies Patchæ foret quo vel non licebat, aut certè minùs decere videbatur Iudæum morti addicere, imò de more exsolvi vinculis rei consueverant, invidiæ declinandæ causâ malebant à Romano Præfide, quem nulla Paschæ tangeret religio, reum plecti ac necari. 7.

Deniq; Pilato interimendum tradiderunt, vel ea maxime de causa, quòd Christum acerbissimâ & ignominiosissimâ omnium Crucis morte affectum vellent, quâ non nisi vilissimi iuxta ac facinorosissimi plectebantur, ut ignominiâ mortis, claritatem nominis, gloriamque, quam IESVS hætenus sibi compararat, strenuè abolerent; verùm cum id genus supplicij, eaq; speciatim potestas illis à Cæsare adempta foret, ad Pilatum recurrere necessum erat. 8.

Atq;



9. Atq; hos præsertim ob fines scelerum principes, Christum iam abs se damnatum iniquissimo Prætori interficiendum obiecerunt, qui mente eorum iam satis perspecta intra se recepit, ut absq; tumultu ac strepitu, ut Chrysostomo placuit, eum audire & examinare posset. *IESVS ita q̄s stetit, ut reus ante Præsidentem.* Matth: 27. 11. Acerbissimum, & longè miserrimum spectaculi genus Dei Filium ad profani hominis tribunal evocatum causam capitis, tanquam maleficum ex vinculis dicere. Sed pati hoc ille voluit, qui securum nobis ad Dei Patris sui thronum parabat accessum. Hæc Lyræus.

10. Fundamentalis mihi inter alias videtur ratio, ideo Christum Romano Iudici damnandum & occidendum traditum fuisse à Iudæis, ut toties de morte sua prædictio facta Christi verificaretur. Matth: 20. 19. *Et tradent eum gentibus ad illudendum, & flagellandum, & crucifigendum.* Ioan: c. 3. v. 14. *Sicut Moyses exaltavit serpentem in deserto: ita exaltari oportet Filium hominis.* Apud eundem c. 12. v. 32. *Et ego si exaltatus fuero à terra, omnia traham ad me ipsum.* Hoc autem dicebat significans quâ morte esset moriturus. Item Ioan: c. 18. v. 31. post illa verba Pilati superius expressa: *Accipite eum vos, & secundum legem vestram iudicate eum.* Dixerunt ergo Iudæi: *Nobis non licet interficere quemquam.* addit S. Evangelista sequenti v. 32. *Vt sermo IESV impleretur, quem dixit significans quâ morte esset moriturus.* Ex quibus clarissimè patet, quòd Christus Dominus ex suo infinito & incomprehensibili erga nos amore ignominiosissimam (qualis fuit per Crucem) mortem elegerit. Et quoniam Iudæi in more habebant lapidatione, combustionem, gladio, strangulationem fontes punire, non verò Cruci quemquam suffigere; ut omnium infamissimâ & acerbissimâ mor-

mâ mor-  
qui habu-

T Re  
67.

xis, un  
Cruce  
longè  
confite  
& fama  
ram Sa  
tentia(  
verò P  
nibus,  
tanta p  
tus &  
stum a  
cia? qu  
peccare  
agam p  
Non e  
fatus r

Ca  
exhibe

1.  
flevit a  
rabund

2.  
instrum



mâ morte Dominum afficerent, Pilato eum tradiderunt,  
qui habuit more Romanorum ius crucifigendi.

LIX.

*Cur Iudæ non profuit pæniten-  
tia sicut Petro?*

**T**Remendum est (ait R. P. Družbicki in Stromatib: S. I. 67. n. 3.) quod duobus latronibus Christo con-crucifi-  
xis, unus de Cruce ad paradysum ascendit, alter item de  
Cruce in infernum descendit. Sed in rei veritate magis  
longè tremendum est: quòd Iudas pænitens, peccatum  
confitens, publicè enuncians, Christo innocentiae nomen  
& famam restituens, pecuniam abijciens malè partam co-  
ram Sacerdotibus in templo. Tamen in sua tanta pæni-  
tentia (quia desperavit) periit, atq; damnatus est. Interim  
verò Petrus, qui fortè non minus in Christum negatio-  
nibus, mendacijs, periurijs suis deliquerat, neq; tamen  
tanta publicæ pænitentiae signa dederat, veniam consecu-  
tus & gratiam, confidentiamque, ac locum apud Chri-  
stum adeptus est. Quis non exhorresceret ad Dei iudi-  
cia? quis pravitatem cordis sui non formidabit? possum  
peccare & sicut Iudas, & sicut Petrus; fortè tamen non  
agam pænitentiam nisi sicut Iudas, & non sicut Petrus.  
Non est ergo peccandum in spem pænitentiae. Hæc præ-  
fatus religiosissimus Pater.

Causas differentis pænitentiae sparsim collectas has 2.  
exhibeo.

1. Quia Petrus exiens foras post suam negationem  
*flevit amarè*; Iudas abiens *laqueo se suspendit*. Hic despe-  
rabundus, ille in misericordia Christi spem collocans.

2. Petrus solus peccavit, Iudas alijs fuit occasio & 3.  
instrumentum peccati. 3. Pe-



4. 3. Petrus ex fragilitate, Iudas verò ex malitia.
5. 4. Petrus etsi monitus à Christo (Marc: 14. 30. *Amen dico tibi, quia tu hodie in nocte hac priusquam gallus vocem bis dederit, ter me es negaturus*) peccavit nimia sui fiducia, quæ tamen processit ex amore magno Magistri. Luc: 22. 33. *Domine, tecum paratus sum & in carcerem & in mortem ire.* Iudas verò toties à Christo admonitus cum ipsius machinationes in vitam suam notas sibi esse propalaverit, quinimo additis etiam minis (Matth: 26. 24. *Væ autem homini illi, per quem Filius hominis tradetur: bonum erat ei, si natus non fuisset homo ille.*) non resipuit à proditione Magistri.
6. 5. Petrus vel ex amore Salvatoris, vel ex curiositate aulam Pontificis intravit, ut *videret finem*, Iudas autem præmeditata mente, ex malitia abiit ad Principes Sacerdotum, constitutoq; proditionis suæ præmio Dominum ac Magistrum suum tradendum sponndit.
7. 6. Petrus in cæna stabilem habuit animum adhærendi Christo, etsi nimis sibi confidendo peccavit, Iudas & ante cænam, & in cæna, & post cænam, malum animum non deposuit tradendo Magistrum.
8. 7. Sicq; obstinatum in Iudam Satanas introivit non verò in Petrum.
9. Quæ est ista pænitentia deducens ad laqueum? (interrogat præfatus R. P. Druzbicki quis iste dolor trahens ad interitum? quæ compunctio inducens desperationem? Illos pænitentia sua ad laqueum ducit ut plurimum quos peccasse. Sed id quod peccato assequi volebant, assecutos non esse, sed id quod peccato consequi non sperabant, consecutos esse: talium pænitentia ducit pænitentes ad laqueum & talis pænitentia Iudæ fuit: non scelus à se commissum doluit, sed scelus aliter cadere quàm speraverat

verat vo  
à se ven  
vi erep  
pæniten  
niam al  
ad mort  
minimè  
abijt: q  
non sci  
perit.

Cor  
phy  
micè vo  
Domini  
probran  
homo p  
cumque  
vit Exo  
honor ut  
rentiam  
sustenta  
dorum  
gi adve  
state &  
pem sub  
perius a  
ex me t  
parenti  
dum sat



verat volueratq; videns pœnituit. Vnde si CHRISTVS à se venditus, ex manibus hostium vel casu elapsus, vel vi ereptus, vel sponte dimissus incolumis fuisset. Iudas pœnitentiam non egisset, nec argenteos retulisset; at quoniam aliter negotium processisse, CHRISTVM damnatū ad mortem esse vidit, hoc doluit, quia vidit factum quod minimè voluit; & inde ad laqueum cum sua pœnitentia abiit: quia quomodo CHRISTI mortem impediret aliter, non scivit; ita primum avaritiā, deinde stultitiā cœcat⁹ periit.

## LX.

*Quid sit Corban sive Corbana?*

**C**orban significat donum vel oblationem. Hinc gazo- I.  
phylacium in quod oblationes inferebantur Metonymicè vocabatur *Corban* seu *Corbana*. Vnde CHRISTVS Dominus impietatem Iudæorum erga Parentes suos exprobrando dicit Marc: 7. 11. *Vos autem dicitis: si dixerit homo patri aut matri, Corban (quod est donum) quodcumque ex me, tibi profuerit; Nam quod DEVS mandavit Exodi 20. 12. Honora patrem & matrem &c. (qui honor uti hîc, sic & alibi in Scripturis non tantum reverentiam, obedientiam, sed magis opem eleemosynam & sustentationem complectitur,) Sacerdotes & scribæ Iudæorum consulentes avaritiæ suæ traditionem Divinæ legi adversam induxerunt, populum docentes, ut dum egestate & necessitate adacti parentes à filiis suis & prole opem subsidiumq; peterent, his verbis illôs expedirent superius à S. Evāgelista expressis: munus quodcumque est ex me tibi profuerit, quod est, Legem DEI de honorandis parentibus adimplebitis. Si munus parentibus offerendum satius ipsi DEO offeratis ac voto exhibitum decernatis*



natis, id est expetentibus parentibus à vobis aliquod subsidium his rependendo verbis: munus hoc quod à me ò Pater vel ò Mater exposcis, jam DEO voto obtuli, quod non tam mihi pater vel mater in animo & corpore proderit. DEVS enim munere hoc illectus vicissim sua munera mihi & tibi liberaliter elargietur, ac de alimentis & necessarijs vitæ sustentandæ providebit. Hac igitur voti specie ac fūco docebant scribæ parentibus alimoniam etiam necessariam esse denegandam, si illa vel ejus pretia DEO offerantur: idq; faciebant ob suum questum & lucrum; sicq; avari ac impij populum docebant, ut sua DEO offerrent & templo, parentibus verò laborantibus egestate dicerent *Corban*, id est DEVS te adjuvet, quod petis jam DEO voti & obtuli, qui te potest juvare. Erat igitur avaritiæ & crudelis impietatis in parentes egenos excusatio illud verbum *Corban* petitionem hypocritica excusatione refutando, ad necessarium denegandum subsidium.

2. **E**T sicut inexplibilis Iudæorum avaritia prædicto jam modo ærarium suum & Corbonam augebat, ita in effundendum innocentem CHRISTI sanguinem prodigi ex eodem gazophylacio suo proditori traditos nummos jam ab eo redditos recipere, & in locum suum ponere recusant dicentes: *Non licet eos mittere in corbonam: quia pretium sanguinis est.* Matth: 27. 6. Licuit innocentem CHRISTI emere sanguinem acceptis ex Corbona nummis, eosdem pœnitentiæ mali venditoris refūcos mittere in eandem Corbonam perversa non finit hypocrisis. Excolunt pulicem, deglutiunt camellum.
3. Placet hic addere religiosissimi Patris Druzbecki verba ex § 70. n. 2. Pretium empti CHRISTI à Iudæis, venditi à Iuda Iudæis, non licet mittere in corbonam: at hodie

die abrog  
via & mu  
Sacram  
evadunt  
pecunijs  
tur. Vbi  
quia pre  
Christic  
est!

Sed  
perienti  
jam esse  
nam i  
Iudicijs  
titulatos  
fiones, v  
non licet  
corbona

**E**X I  
Ron  
tam atq  
sephus  
neetit  
tertius  
Pilatus  
inter p  
cæros d  
Pilatus  
l: ut sup



d'ie abrogatum est istud (*non licet*, ) peccant Iudæi gravia & multa, fæda & absurda, sangvinaria & crudelia, in Sacramentum vg. Eucharistiæ; in infantem Christianū: evadunt tamen innoxij datis, hîc, illic, donarijs pretijs, pecunijs; accipiuntur, reconduntur, in corbonam mittuntur. Vbi est istud: *non licet eam mittere in corbonam: quia pretium sanguinis est?* Dico vobis Eucharisticidium, Christicidiumq; non aliud, quam ipsum Christicidium est!

Sed hoc afflictissimo ævi nostri tempore continuâ experientiâ edocti fateri possumus exclusum apud multos jam esse Iudaicum scrupulum. *Non licet mittere in corbonam &c.* O quot Iudæi per DEVM immortalem à varijs Iudicijs & subfellijs, ab exactoribus, à diversis honesto intitulatos nomine prædonibus, munera, oblationes, extorfiones, verbo dicam, pretium pauperum sanguinis illud *non licet* damnarunt; & nulla juris, justitiæ discretionē in corbonam suam mittunt tanquam in saccum pertusum.

LXI.

### *Quis fuerit Pilatus?*

**E**X Iosephi lib: 17. antiq; c. 15. intelligimus Iudæam à Romanis in Provinciam redactam Syriæq; contributam atq; à Romanis Moderatoribus procuratam. Idem Iosephus lib: 18. antiq; c. 3. Numerum Iudææ præsidum nectit. Primus Coponius, secundus Marcus Ambivius, tertius Annius Rufus, quartus Valerius Gratus, quintus Pilatus. Etsi Iosephus quintum vocat Gratum, quoniam inter præfides nominat Cyrinum sive Quirinum, qui Iudæos descripsit; sed is fuit Præses Syriæ ut Luc: ait c. 2. Pilato præfuit Iudææ annos decem teste eodem Iosepho. 1. ut sup: c. 5. Vnde patet quod Pilatus fuerit Præses seu

Ff2

Iu-



Iudex tam criminalis quam civilis Iudæx, qui etiam dicebatur Prætor cui parebat exercitus. Nam victorinus nomen Prætor deducit à præeundo & Varro ait Prætor quasi præitor quod præiret jure & exercitu. Inde domus & locus ejus in quo jus dicebat vocabatur Prætorium, ibi erat tribunal in quo reorum causæ agebantur; ideoq; Pontifices eo duxerunt IESVM.

2. Communis est hominum opinio Pilatum in Delphinatū, ad Rhodanum non longè à S. Valerio natum fuisse.
3. Eusebius in secundo historiæ Ecclesiasticæ tradit Pilatum post resurrectionem Domini scripsisse ad Tiberium Imperatorem, quæ de resurrectione CHRISTI, deq; ejus miraculis, atq; ejus divinitatis opinione felix fama per omnem Syriam divulgabat, cujus Epistolæ Exemplum, ab Eusebio prætermisum, & à nobis (ait Sixt. Senen: Bibliot: S. lib: 2. ) in Vetustis Bibliothecæ Vaticanæ monumentis repertum, hoc est.
4. Pontius Pilatus Cl. Tiberio Neroni Imp: S. Nuper contigit, cujus rei ipse testis esse possum Iudæos sese ipsos, posterioresq; suos universos per invidiam crudeli damnatione perdidisse. Cum enim ex oraculorum promissis, majorum ipsorum autoritate receptis, hoc expectarent, ut DEVS eorum per Virginem juvenculam mitteret, qui jure rex eorum diceretur, hunc me præsentem misit in Iudæam. Is, quod omnibus notum est, cæcis visum restituebat, leprosos mundabat, resolutos nervis curabat. Viderunt quoq; ipsum dæmonia abegisse, atq; obsessos spiritibus immundis liberasse, mortuos item ex sepulchris ipsis resuscitavit, obediebant ipsi ventorum turbines, siccis pedibus mare inambulabat, fecit alia quoq; permulta miracula, ut vulgò etiam inter Iudæos, & plebem, DEI filius diceretur. Principes verò Sacerdotum,

æmula-

æmulati  
illum n  
faciente  
& conti  
fidem q  
ut pro a  
igitur il  
adhibu  
erant, c  
runt. M  
numera  
quaten  
carent:  
tamen p  
siones A  
rè resur  
mendac  
adhibe  
Pil  
stum (e  
erat) c  
& puni  
accusat  
fert, Pi  
lymitar  
Cæsare  
talis era  
glorius  
Te  
torem,  
set, det  
ut CH



emulatione & livore instincti, adversabantur illi, captūq; illum mihi tradiderunt, e mentitis sceleribus eum reum facientes, magum appellabant, atq; legis eorum desertorē, & contradictorem. Quibus persuasionibus seductus ipse, fidem querelis eorum adhibui, flagellatumq; ipsis tradidi, ut pro arbitrio in eum animadverterent. Crucifixerunt igitur illum, & sepulchro, quo conditus erat, custodias adhibuerunt, inter quos etiam ex meis militibus nonnulli erant, qui tertio die ipsum à mortuis resurgentem viderunt. Nequitia autem Iudæorum magis hoc facto exarsit: numeraruntq; magnam pecuniarum vim ipsis militibus, quatenus discipulos ipsius noctu corpus rapuisse prædicarent: acceperuntq; hi quidem pecunias: nihilominus tamen publicè ubique professi sunt, atq; testantur se visiones Angelorum vidisse: ac IESVM illum à mortuis verè resurrexisse. Hæc autem ideò scripsi, ne quis nugis, ac mendacijs Iudæorum, si de re gesta aliter loquantur, fidē adhibeat. Vale.

Pilatus in favorem Iudæorum, innocentissimum Christum (quem & ipse proprio confessus non semel ore fuerat) condemnavit. Sed per quæ quis peccat per eadem & punitur. Siquidem postea ab iisdem ad Cæsarem fuit accusatus, ut Petrus Comestor in historia Scholastica refert, Pilatum de injusta Iudæorum cæde & sacri Ierosolymitani thesauri, qui *Corban* dicitur, accusatum apud Cæsarem, & ab eo relegatum Lugdunum, quæ urbs ei natalis erat: ut ibi in odium & ignominiam generis sui inglorius moreretur.

Tertullianus in Apologetico scribit Tiberium Imperatorem, cum hæc de CHRISTI miraculis ex Syria audivisset, detulisse ad Senatum cum prærogativa suffragij sui, ut CHRISTVS inter deos Romanorum reciperetur, quod cum



cum Senatus non probaret: Cæsar in sententia mansit, comminatus periculum accusatoribus Christianorum.

## LXII.

*Que crimina a Iudeis CHRISTO obiecta sunt apud Pilatum?*

- I. **P**ostquam innocentissimum IESVM in suo Concilio mortis reum Iudæi damnatum Romanorum Præsidi Pilato ut graviore eum pænâ condemnaret fisterent, Præsides interrogat illos: *Quam accusationem assertis adversus hominem hunc?* Ioan: 18. 29. Principes & Seniores Iudæorum summo odio erga Salvatorem accensi superbè respondēt: v. 30. *Si non esset hic malefactor, non tibi tradidissimus eum.* Pauculis verbis omnium criminum esse reum asserunt CHRISTVM, dum cunctorum bonorum auctorem, malefactorem nominant. Sed cum Pilatum adverterint causam & crimina, de quibus IESVM accusant, poscere, ut ex his videat & iudicet an reus sit mortis necne? hac de causa ipsi crimina hæc depromunt, de ijsq; IESVM mortis reum apud eundem Præsidem accusant. Luc: 23. 2. imò. *Hunc invenimus subvertentem gentem nostram, 2dò. Et prohibentem tributa dare Cæsari. 3tiò. Et dicentem se CHRISTVM regem esse.* Hegesippus lib: 5. asserit Iudæos CHRISTO Domino etiam magiam obiectisse Matth: 12. 24. *Hic non ejicit demones nisi in Beelzebub principe demoniorum.* Sed quam falsissima hæc omnia sint, ex SS. Evangelistis facile quisque intelliget. Nam ad primum. Quomodo is evertēbat gentem sive leges & instituta, quæ ipse Moyse dictavit & venit non solvere sed adimplere legem. Matth: c. 5. v. 17. ad secundum. Tributa Cæsari reddenda esse evidentissimè asseruit dicens: *Reddite*

dite erg  
DEO.  
soluit  
in pote  
Omne  
vitas;  
satanas  
ergo sta  
cio dan  
stri eru  
pe quò  
ganti P  
tur ac r  
natus s  
hibeam  
am. Ha  
delatas  
tra for  
mum I  
va in c  
quæstio  
Et  
destrui  
lit. Iar  
hilo de  
homo  
valde p  
omnib  
perat n  
præva  
DEI p  
ta disc



*dicite ergo quæ sunt Cesaris, Cesari; & quæ sunt D E I DEO.* Matth: 22. 21. Quinimò ipse pro se & pro Petro soluit tributum. Matth: c. 17. De ejectione dæmoniorum in potestate ipse Dominus eis respondet. Matth: 12. 25. *Omne regnum divisum contra se, desolabitur, & omnis civitas; vel domus divisa contra se, non stabit.* v. 26. *Et si satanas satanam ejicit, adversus se divisus est: quomodo ergo stabit regnum ejus?* v. 27. *Et si ego in Beelzebub: ejicio dæmones, filij vestri in quo ejiciunt?* Ideo ipsi judices vestri erunt. Ad hanc solam objectionem Iudæorum. Nempe quòd regem se dicat, CHRISTVS Dominus interroganti Pilato. Ioan: 18. v. 37. *Ergo rex es tu?* libere fateatur ac respondet: *Tu dicis quia rex sum ego. Ego in hoc natus sum, & ad hoc veni in mundum, ut testimonium perhibeam veritati: omnis qui est ex veritate, audit vocem meam.* Has objectiones CHRISTO à Iudæis apud Pilatum delatas ex varijs Authoribus intelleximus, alias verò extra formam judicii Præsidis contra eundem innocentissimum Dominum formatas apud D. Thomam de Villa nova in concione feriâ 6tâ post Dominicam passionis ut in quæstione II. insinuavimus, reperio.

Et si justus, tamen nobis valde adversatur, perdit ac destruit nos, acceptionem populi quam habebamus abstulit. Iam populus non honorat, non sequitur nos, pro nihilo despicit nos, & eleemosynæ perierunt. Ex quo hic homo prædicare cepit, honor redditusq; cessavit, nobis valde perniciosus est, & *contrarius est operibus nostris*: in omnibus adversatur & reprehendit opera nostra: *improperat nobis peccata legis*, quòd non intelligimus legem, sed prævaricamur & dissipamus eam: quòd dimittamus legem DEI propter traditiones nostras, & *diffamat in nos peccata discipline nostræ*, infamat doctrinam nostram, dicens, quòd



quod doceamus solas ceremonias, vanè omittentes potiora: mundantes quod foris est paropfidis, & non quod intus est cordis: *quod excolamus pulicem, & deglutiamus camelum.* Personas nostras & doctrinam infamat, neq; sola exteriora reprehendit opera, *sed factus est nobis in tua lucem cogitationum nostrarum.* Etiam cogitationes nostras novit, & publicat, nescimus quomodo, ut neq; cogitare quæ volumus liceat, & desiderare non sit liberum cor meo. Nam illico dicit *ut quid cogitatis mala in cordibus vestris?* Matth: 9. Nihil potest esse occultum huic homini: *tanquam nugaces æstimati sumus ab illo, & abstinet se à vitijs nostris, tanquam ab immunditijs.* Vocat nos semper hypocritas, fictos, mendaces, cæcos & duces cæcorum Matt: 5. & detestatur vitam nostram ut prophanam & pessimā, monendo populum ut non sequatur nos: quod imponamus onera gravia, & importabilia, & digito non tangamus, non agentes quod docemus: propter quod gravis est nobis etiam ad videndum, & odio est nobis maximo. Non possumus eum oculis aspicere præ rancore, *quoniam dissimilis est aliis vita illius.* Habet vitam extraneam: & plusquam humanam: non ridet, non lætatur, non otatur, non quærit quæ mundi sunt, longè est ab omni humana consuetudine vita illius: nullus mortalium sic vivere possit: *& filium DEI se nominat, & gloriatur patrem se habere DEVM.* Et certè negare non possumus, quod opera faciat stupenda, & prodigia terribilia. *Sed videamus si sermones illius veri sunt, tentemus quæ ventura sunt illi, tentemus vadum, perscrutemur hanc veritatem. Contumelia & tormento interrogemus eum, & morte turpissima condemnemus eum.*

LXIII.

Quid



## Quid est Veritas?

**N**Ecessariam quidem magnique ponderis quæstionem **I.** movit Pilatus, minimè tamen veritatis studiosum ac amatorem esse agnosco. Nam cum Ethnicus esset facilè à suis Philosophis veritatis disceret qualitatem. Siquidem Epictetus ait. *Nihil veritate pretiosius haberi debet, ne amicitia quidem ut pote obnoxia affectibus qui quod justum est turbant & obumbrant.* Quam doctrinam si observasset Pilatus, magis agnitam in **CHRISTO** innocentiam, id est veritatem, quam Cæsaris amicitiam tenuisset malitiosis non obediendo Iudæorum acclamationibus: *Si hunc dimittis, non es amicus Cæsaris.*

Æschines asserit adeò validam esse veritatem, ut omnes humanas cogitationes superet. Plato l. 5. de legib: *Veritas (inquit) tam dijs quam hominibus ad omnia bona dux est.* Epictetus præfatus ait: *Immortalis & æterna est veritas. Non donat autem nobis pulchritudinem paulatim tabescentem, neq; dicendi fiduciam è iustitia prodeuntem: sed quæ iusta & legitima sunt exhibet discernens ab ea injusta & rearguens.* Pythagoras dicebat: *hæc duo divinitus data hominibus esse longè pulcherrima, Veritati complecti & beneficijs operam dare: Vtrumq; enim immortalium deorum operibus comparari posse.* Verùm inter alios exquisitissimè Trismegistus reliquit. *Veritas (inquit) in solis æternis corporibus est quorum & ipsamet corpora vera sunt. Univerſa igitur super terram non veritas sunt, sed veritatis imitationes & umbræ. Veritas absolutissima Virtus est, ipsumq; summum bonum quod nec à materia turbatur, neq; corpore circumdatur, nudum, conspicuum, augustum, mutationi & alterationis expers bonum.* Sed omnibus prætermisſis te alloquor Pilate ex interrogationis tuæ elementis, quod

Gg

quæ-



quæris intus habes. Petis *quid est veritas? est vir qui adest*, hoc enim cum Romanus sis per anagramma præfatæ tuæ interrogationis litteræ transpositæ important: *Est vir qui adest*, qui de se ipso ait: *Ego sum via veritas & vita.* Ioan: 14. 6. *Est vir qui adest* & ante te nunc stat qui, *adhoc venit in mundum, ut testimonium perhibeat veritati. Est vir qui adest, & omnis qui est ex veritate audit vocem ejus.* Ast quemadmodum olim veritas in mundo peregrina omnibus odiosa, mundo exclusa fuit ( ut mox ex versibus adscriptis dignoscetur ) ita & hæc verissima veritas quæ de terra uirginali ac immaculata orta est Psal: 83. 12. nunc jam non tantum pessimè ab omnibus tractatur, extorris fit: sed etiam infami morte damnatur atq; cruci affigitur. Versus exulantis Veritatis in Bibliotheca veterum Patrum tomo 15. à Cornelio Grapheo Alostano descriptos reperio.

Toto fugata olim orbe nuda VERITAS  
 Vt fors nigra sub vespera  
 Divertit ad cuiusdam anus pauperculæ  
 Bene-fumidam domunculam.  
 Anus rogat, quænam esset, unde venerit?  
 Quò nocte opaca tenderet?  
 Quæro, inquit hospitium. Ego sum VERITAS,  
 Filia Chroni, Momi Soror.  
 Invisa toto divagor mundo, undique  
 Me ceu canem pellunt procul.  
 Nullus latendi usquam locus; dicam mihi  
 Minantur omnes, heu necem;  
 Nisi fugitem impias manus, nisi fileam  
 Lingvamq; & os compresserim.  
 Quod scilicet lingua est mihi sat libera  
 Dentescq; multum acutuli.

Non



Non parco cuiquam, occulta deteg o omnia

Mores noto, carpo vitia,

Mordeo, reprendo, infector acerbissimè

Si quid sinistri offendero,

Nil taceo nil simulo, hostis atrox hypocrisi,

Et pessimis palp. nibus.

Vt usq; sunt omnes tenellis auribus,

Et delicata cuticula,

Vt non ferant se attingier, ne scilicet

Lædantur offensi uspiam.

Hæc audiens anus: Profecto talia

De te, inquit, audiui. Simul

Pietate mota inducit in parvos lares,

Et quos habet promit cibos:

Dein bene refectam molliter locat suo

In lectulo, ac simul cubant.

Mane autem ubi lux orta, caræ VERITAS

Dictura jam vale hospitæ.

Vt vidit altero orbam oculo: Heus mulier, ait,

Vt indecore es luscula?

Profecto id haud notaveram dudum nigrâ

Sub nocte, dum vitia latent.

Tum graviter indignata fæmina, virgini

Haud mollem in os pugnum ingerit.

Et fuste rapto ex angulo, dire minax

Propellit ejectam domo,

Et dixit: Ergo te mihi, mihine miseræ

Hancine referre gratiam?

Quæ te vagam, profugam, & egenam acceperim,

Tam humaniter tractaverim?

Quin & meum (ô ingrata bellua!) jam mihi

Vitium exprobras? quis hoc ferat?

Gg2

Pol



Pol video nunc haud esse mirum, te undiq;  
Temni, fugari, expellier.

Apage hinc malam in rem, idq; ocyus cum isthac tua  
Loquacitate perfida.

Sic, grata nusquam est gentium, gravis undiq;  
Sic VERITAS odium parit.

2. Nec mirum est Veritatem in mundo exilium pati, in  
quo plures Placentini, quam Veronenses semper reperi-  
untur.

3. Possunt etiam, bonâ veniâ, addi jambi demetri non qui-  
dem accurati, in eodem tomo, & in B. Calixti Papæ II. ser-  
mone in S. Iacobum Apostolum adscripti.

Recessit omnis æquitas,

Nusquam comparet bonitas,

Totum replet iniquitas,

Et vanitatum vanitas.

Nummorum desiderio,

Missarum celebratio,

Et omnis consecratio,

Dirigitur sub pretio.

Sed omnis hæc destructio,

Et hæc coinquinatio,

Processit ab initio,

De Sacerdotum vitio.

Multi jam pene clerici,

Sunt amatores sæculi;

Non CHRISTI jam discipuli;

Mammonæ facti famuli.

4. Hæc si nostris hisce temporibus simili deslenda sunt  
planctu, pio lector facile dijudicabit. Ergo ad Patris Druz-  
bicki stromata, qui § 89. ait: *IESV vocem audit, quis-*  
*quis*

quis ex  
Veritati  
nitatis  
xit veri  
veritatis  
Inde D  
Contem  
raphicu  
guat no  
eosq; gr  
nes Ang  
tum &  
dire Ver  
changel  
plum &  
tus est  
hoc est  
per zel  
est allo  
tionem  
veritate  
Octavus  
plation  
eti Ver  
rephinc  
quia in  
Plu  
quàm a  
dem rel  
ratiunc  
me nost  
rare ver



*quis ex veritate est*, redeo. Dico disertè: (ait ille) fervus Veritatis, Amator Veritatis, est Candidatus beatæ æternitatis. Immò jam inchoavit beatitudinem, quisquis dilexit veritatem. Si enim rectè cogitamus. Beatitudo, est veritatis possessio: scilicet possidere & possideri à veritate. Inde D. Thomas Beatitudinem formalem constituit in Contemplatione primi & summi veri. Doctor autem Seraphicus superaddit Dilectionem. Qui idem Doctor assignat novem gradus, qui sunt in elevato aspectu veritatis, eosq; gradus velijs gradibus ait respondere novem Ordines Angelorum. Primus est advocare veritatem per gemitum & Orationem quod est Angelorum. Secundus est audire Veritatem per studium & devotionem, & hoc est Archangelorum. Tertius est annuntiare veritatem per Exemplum & Prædicationem & hoc est Principatum. Quartus est adire Veritatem per refugium & commissionem; & hoc est Potestatum. Quintus est apprehendere veritatem per zelum & Æmulationem; & hoc est virtutum. Sextus est associare veritatem per sui contemptum & mortificationem; & hoc est Dominationum. Septimus est adorare veritatem per sacrificium & laudem; & hoc est Thronorū. Octavus est admirari Veritatem per excessum & contemplationem; & hoc est Cherubinorum. Novus est amplecti Veritatem per osculum & dilectionem; & hoc est Seraphinorum. Hæc diligenter notanda & exercenda sunt, quia in ipsis est fons vitæ.

Plura de veritate tum apud eundem P. Druzbecki, 4. quam alios authores, diligens lector reperiet. Nos ejusdem religiosissimi Patris piam pro Veritate apponimus oratiunculam. IESV veritas & Prædicator Veritatis, fac me nosse veritatem tuam, amare veritatem tuam, desiderare veritatem tuam, inquirere veritatem tuam, facere veritatem tuam.



ritatem tuam, pati veritatem & propter veritatem tuam, docere & profiteri veritatem tuam, sequi veritatem tuam, defendere veritatem tuam, servire veritati tuæ, liberari per veritatem, perfrui & gaudere veritate tua in æternum. Ex his colligi potest quam necessaria, & fructuosa sit homini adhæsiō & dilectio veritatis.

## LXIV.

*Cur CHRISTVS tam apud Caiphā  
ad falsa testimonia, quā ad calumnias  
apud Pilatum, tum & apud Hero-  
dem siluit?*

- I. **C**HRIſTUS Dominus Salvator noster, ineffabile Verbum Patris æterni, per quod facta sunt omnia, & sine quo factum est nihil, tempore passionis suæ tam in Concilio apud Caiphā, quā etiam apud Præsidem Pontium ad varia quæſita quandoq; tacebat, aliàs verò respondebat. Ad falsa verò testimonia, calumnias, opprobria & vexationes, tum & ad curiosas Herodis interrogationes altissimum servavit silentium. Ioan: 18. 19. Pontifex ergo interrogavit IESVM de discipulis suis & doctrina ejus. v. 20. Respondit ei IESVS: Ego palam locutus sum mundo: ego semper docui in Synagoga, & in templo, quo omnes Iudæi conveniunt: & in occulto locutus sum nihil &c. Item Matth: 26. 63. quando Caiphās princeps Sacerdotum requirebat à IESV illis verbis: Adjuro te per DEVM vivum, ut dicas nobis si tu es CHRISTVS Filius DEI? v. 64. Dicit illi IESVS: Tu dixisti. Verumtamen dico vobis, à modo videbitis filium hominis sedentem à dextris virtutis DEI, & venientem in nubibus celi. Item secundum

Lu-

Lucam.  
Princip  
STVS.  
bi. v. 68.  
bi, neq;  
es Filiu  
70. Præ  
daorum  
an alij a  
prolixu  
stimonias  
apud C  
STVS r  
jecta res  
se in jud  
Semper e  
illorum c  
falsitatis  
(ait) ta  
ta illud  
peccator,  
quia qui  
D. I  
sione non  
timeret,  
dit, ut a  
Accusati  
sed despic  
tur, & p  
sed veri  
quomodo  
raret, S



Lucam. c. 22. v. 66. & 67. similiter ad interrogationem Principum Sacerdotum & scribarum: *Si tu es CHRISTVS, dic nobis, ait illis: Si vobis dixero non credetis mihi.* v. 68. *Si autem & interrogavero, non respondebitis mihi, neq; dimittetis &c.* Item interrogantibus illis: *Tu ergo es Filius DEI?* respondit. *Vos dicitis, quia ego sum:* v. 70. Præfidi etiam interroganti Ioan: 18. 33. *Tu es rex Iudæorum?* v. 34. Respondit IESVS: *A te metipso hoc dicis, an alij dixerunt tibi de me?* tum in eodem capite Ioannis, prolixius CHRISTVS colloquitur cum Pilato. Ad testimonia verò falsa & calumnias contra se objectas, tam apud Caiphā, quā apud Præfidem, quia nihil CHRISTVS respondit, Cassianus dat rationem: *Nec ad objecta respondet insinuans cum negantibus veritatem non esse in iudicio differendum, nisi superioris iudicio arceantur. Semper enim responsio falsitatem per amplius exhauriret de illorum cordibus & adderentur peccata peccatis, & cumulus falsitatis excresceret.* D. Paschas: l. 12. in Matth: IESVS (ait) tacebat indignum eum sua responsione decernens, juxta illud Propheticum Ps. 38. *Dum consisteret adversū me peccator, obmutui & humiliatus sum nimis & silui à bonis, quia quibus loqueretur, nullus erat dignus.*

D. Ambrosi: in c. 27. Matth: ait: *Bene tacet, qui defensione non indiget. Ambiant defendi, qui timent vinci. Quid timeret, qui non ambiret salutem? solus omnium suam prodit, ut acquirat omnium.* S. August: serm: 118. de temp: *Accusationem (inquit) suam Dominus tacendo non firmat, sed despicit non repellendo: melior est causa quæ non defenditur, & probatur plenior iustitia, quæ non verbis astringitur, sed veritate fulcitur: scivit Salvator, qui est Sapientia, quomodo tacendo vinceret, quomodo non respondendo superaret.* S. Hieron: ait, *Tacebat Dominus, sciebat enim ut*  
DE-



**DEVS**, quidquid respondisset, torquendum ad calumniam. Origenes hom: 35. in Matth: *Majus est ei (ait) libere & fortiter silere, quam defendere se sine ullo profectu, ut non humiliemur à testibus falsis & calumniatoribus improbis.* S. Leo serm: 6. de pass: *Falsa (inquit) adversus Dominum testimonia querebant, sed inter inconditas voces & dissonas, hoc IESVS mirabiliter elegit, ut taceret.* Cornel: à lap: in Matth: c. 27. asserit ideo tacuisse **CHRISTVM**, ut silentio suo lueret & expiaret omnia mendacia, perjuriam, blasphemias, maledicta, calumnias, &c. quæ homines loquendo committunt, eosq; doceret linguam frenare, ac in malis, otiosis & vanis silentium ori indicare. Cassian: superius citatus l. 13. ait. *Non respondebat tunc CHRISTVS exprobrantibus sibi verbum &c.* Responsum est per creaturas, quæ de ipso moriente testatæ sunt per insolitas & horribiles actiones. Id est, ut differit Sylveira tom: 5. in Evangelia. l. 8. quæst: 12. *Cum subiturus esset crucis mortem, ibiq; creaturarum maiorem ostensurus terræ tremore, solis obscuracione, ac petrarum scissione, merito à verbis abstinuit: cum tot, & tanta opera essent testimonia exhibita, ad quid verba audienda, cum tanta opera divinam virtutem testificarentur?*

3. Herodi verò, qui erat cupiens ex multo tempore videre eum, & viso IESV gavisus est valde (multa enim audierat de eo) & sperabat signum aliquod (id est miraculum) videre ab eo fieri, dum interrogabat eum multis sermonibus, nihil respondebat. Luc: c. 23. SS. Patres & Doctores has exhibent rationes. S. Gregor: in c. 31. Iobi scribens ait, *quia vidit CHRISTVS Herodem non querere profectum, sed signa, vel scientiam velle mirari, requisitus ab eo, tacuit.* Idem Sanctus in catena D. Thomæ. *Inquisitus ergo Redemptor tacuit, expectatus miraculum exhibere, contempsit: magis*



gis eligens aperte à superbientibus despici, quam à non credentibus vacua voce laudari. S. Ephrem orat: de malo linguae sic loquitur: Os proditori osculandum exhibuit, & deceptorì responsum dare noluit. Carthus: etiam ait: noluit coram Herode concionari & miracula patrare, quia si id fecisset, omnino eum liberasset à Iudeorum potestate. Quod & Caietan: sentire videtur dum dicit: Ex parte Herodis in promptu est meritum, quia curiosè movetur ad interrogandum; ex parte autem CHRISTI ratio fuit, ne impediret passionem. Titus Bostrensis ait. Neq; decebat ut caelestia signa coram eo ederet, qui prestigijs spectandis, quam divinae virtutis miraculis cognoscendis addictior erat. Herodes maximè deditus erat comædijs, tragædijs, convivijs & saltationibus; & qui talibus studijs maximè erat applicatus omnino indignus erat, ut divina CHRISTI opera inspiceret: ait Sylveira, qui etiam addit: CHRISTVS Dominus interrogatus à Caipha an esset Filius DEI respondit: Tu dixisti, interrogatus à Pilato ait: tu dicis: ab Herode verò interrogatus, nihil respondit. Theophyl: sic loquitur: Herodi autem prorsus nihil respondit, quandoquidem illusor erat. Caiphas & Pilatus inimici: Herodes illusor. Inimicis licet respondere, illusori magna est prudentia nihil dicere, ac respondere, ne ei causa detur ad majores irrisiones & subsannationes. Inter alios Carthus: etiam, CHRISTI apud Herodem silentij dat rationem: noluit (inquit) respondere & miraculum facere coram Rege, ut exemplum nobis præberet fugiendi ostentationem coram Magnatibus.

Sed cum Herodes esset cupiens ex multo tempore videre IESVM, qui sapissime in Galilæa prædicabat, quare nunquam ad eum audiendum exierit? an Regius fastus eum revocabat? erat enim Tetrarcha Galilæa, potestati re-



giæ similis: (hic enim Herodes cognominabatur Antipas, qui S. Ioannem Bapt: interfecit, filius Herodis magni seu Idumæi Innocentium interfectoris.) Sed forsan ad videndum & audiendum IESVM in Galilæa prædicantem ideo non venit, quia mala conscientia exire eum nō permittebat; erat enim adulter & incestuosus. Nunc autem à Pontio ad se misso viso IESV, jam non timet, imò gaudet quia vocem clamantis in deserto & sua crimina exprobrantis Matth: 14. *Non licet tibi habere uxorem fratris tui* sustulerat, & occiderat. Sed quare CHRISTVS Dominus eundem Herodem non reprehendit, neq; corripuit de adulterio, sicut Ioannes satagebat. Salmeron tom: 10. tract: 27. respondet: *quia videbat regem immedicabilem, correctionisq; minimè capacem; & sicut non audivit Ioannem, nec CHRISTVM audisset, juxta illud: Curavimus Babylonem, & non est sanata: ergo derelinquamus eam.* Jerem: c. 51. v. 9.

5. Potest etiam & hæc ratio addi. Sicut si CHRISTVS Dominus juxta affectionem regis aliquod signum vel miraculum fecisset, devicisset eum ad eliberationem sui, ut superius insinuatum est; ita, si illum tunc de crimine arguisset, ad inferendam sibi mortem eum facile potuisset commovere. Dominus verò, nec absolvi, nec mortem sustinere ab Herode voluit; qui maluit satius ab eo illudi & contemni, ut ait S. Petrus Damianus opusculo de contemptu sæculi c. 26. *Ecce quem vulpes illa malitiosa desideraverat, spernit; quem videre cupiebat illudit. Et quia vitam non pro vivendi amore quaesivit, impietatis suæ morte remansit.*

De silentio CHRISTI ad falsæ crimina per quæsitos testes falsos vide in Stromatibus R. P. Družbicki § 44. & 45. Sed vel maximè § 79. & 120. item 121. Vbi multa  
eximia

eximia &amp;

Quar

one,

CHR

nuo

pannicu

tus verò

quàm ad

tens fac

rum igr

nudum

affero.

corpori

triumph

ta Doct

est nobis

versus p

nebraru

Ad ho

stiment

dumen

hom: 3

dem tu

memur

versus

ipsum

Domina



eximia & devota reperies.

LXV.

*Quare CHRISTVS tam in flagellati-  
one, quàm in crucifixione se permisit  
denudari?*

**C**HRIſTUS Dominus certaturus cum maligno hofte I.  
nudus in mundum venit, à Sanctiffima Matre fascijs  
panniculisq; veſtitus, in præſepio fuit reclina-  
tus verò jam, cum eodem luçtaturus, tam ad columnam,  
quàm ad crucem veniens, nudum hoſti ſe objecit, permit-  
tens ſacratiffimum corpus ſuum veſtimentis ſpoliari. Ve-  
rùm ignoſcas mi Domine ac Salvator IESV, dum Te nõ  
nudum, ſed ſuperveſtitum cum maligno hofte certantem  
aſſero. Superindui voluiſti mortalitatis noſtræ paſſibilis  
corporis indumento, ut & glorioſiorem ex hofte caperes  
triumphum, & nobis aſſeculis tuis dares documentum jux-  
ta Doçtoris Gentium ad Ephes: c. 6. v. 12. *Quoniam non  
eſt nobis colluctatio adverſus carnem & ſanguinem; ſed ad-  
verſus principes, & poteſtates, adverſus mundi rectores te-  
nebrarum harum, contra ſpiritualia nequitia, in cæleſtibus.*  
Ad hoc contra diabolum certamen properantes ut ve-  
ſtimenta, id eſt terrena omnia quæ ſunt quaſi corporis in-  
dumenta abjiciamus, ne ſuccumbamus prout D. Gregor:  
hom: 32. in Evang: ait; & divinâ tuâ panopliâ, quam i-  
dem tuus Apoſtolus Paulus fuſè citato loco deſcribit, ar-  
memur; *Induite vos armaturam DEI, ut poſſitis ſtare ad-  
verſus inſidias diaboli.* ad Ephes: c. 6. v. 11. quinimo ut te  
ipſum etiam induamur, ad Rom: c. 13. v. 14. *Induimini  
Dominum IESVM CHRISTVM, & carnis curam ne*

Hb2

fe-



*feceritis in desiderijs, admonemur.*

2. Nudatur IESVS: quia enim ad balneum sanguinis proprij atq; terforium flagellationis ibat, ideo vestes detrahit. Druzbicki in Strom: § 107. n. 14.
3. Nudatur IESVS, abjicit vile vestimentum, purpureo sanguinis sui proprij paludamento, mox mox induendus. Idem.
4. Nudatur ideo IESVS vestibus, quia passionem suam sæpe vocat baptismum ut Luc: 12. 50. *Baptismo autem habeo baptisari: & quomodo coarctor usq; dum perficiatur?* Ecce ad hunc baptismum vestibus nudatur.
5. Nudatur quoniam qui ignem venit mittere in terram (ut ipse ait Luc: 12. 49. *& quid volo nisi ut accendatur?*) jam æstuat amore, ita, ut vestes deponere necesse fuerit.
6. Nudari voluit IESVS, quia tu homo in morte tua omnibus nudaberis, honore, divitijs &c. in super non tantum vestimentis, sed & carne ipsa. Gesta tua, actiones, quin & cogitationes etiam si nescio quibus involueris tegumentis paliata obductaq; modò sunt, omnia denudabuntur, juxta illud Ecclesiastici *in fine hominis denudatio operum illius.* c. 11. v. 29. Fufius Dominus DEVS per Prophetam minatur. Ezech: 16. 37. *Ecce ego congregabo omnes amatores tuos, quibus commista es; & omnes quos dilexisti, cum uni versis quos oderas: & congregabo eos super te undique, & nudabo ignominiam tuam coram eis, & videbunt omnem turpitudinem tuam.* O quam desiderabile illud Psal: 31. *Beati quorum remisse sunt iniquitates & quorum tecta sunt peccata.* Super nuditatem Salvatoris nostri deplorat R. P. Druzbicki § 107. n. 22.
7. Bene est Christiani quòd IESVM nudum & verecundiâ coopertum propter nos intueri præ compassione, præ indignitate, etiam præ verecundia non sustinemus. At enim

enim a  
minia i  
oculis  
cur pla  
bus? N  
fiane  
vâsti, t  
SVM  
atroci  
calcaris  
à te, à  
fandis  
tatem  
induer  
quand  
dor IE  
nudas  
STO i  
ftiano,  
tive in  
an pro  
SVM

2

A Ri  
ro  
gellat  
nem o  
ros I



enim audite & intelligite: non placet nudati IESV ignominia in oculis carnis? & cur placet ejusdem nuditas in oculis mentis? non placet nudari IESVM à carnificibus? cur placet nudari ab effrenibus passionibus, & voluntatibus? Nemo nostrum nudavit IESVM in corde suo? Christiane quoties peccasti, quoties gratiâ CHRISTI te privasti, toties IESVM spoliasti, toties in oculis cæli IESVM nudum constituisti? non placet tibi vestes IESV ab atrocitate militū ita vilipendi, & per terram abjici atq; calcari? placet tibi gratiam IESV meritaq; sanguinis ejus à te, à tua rebeli voluntate despici, abjici, calcari, & nefandis pudendisq; sceleribus tuis commaculari? vis nuditatem IESV tegere? labora animam tuam gratiâ IESV induere indutamq; semper servare. Vestitus est IESVS, quando in gratia IESV vivit Christianus. Maior est pudor IESV, si nudus sit in anima unius Christiani, quasi nudus stet in oculis totius mundi. Et amarior est CHRISTO insultatio diaboli, quando nudatur peccante Christiano, quàm quando denudatur à furioso Iudaico, Pilatī ministro. Videat ergo quisq; in suamet conscientia, an probrosè denudatum, an decorè vestitum habeat IESVM in anima?

LXVI.

*Quot vicibus CHRISTVS flagellatus?*

**A**Rias Montanus in scholijs, & Gerson in monte tessa-  
ro cum aliquibus censent bis CHRISTVM fuisse flagellatum. Semel ante latam sententiam: quam flagellationem commemorat Ioan: c. 19. quando Pilatus volens efferos Iudæorum animos ad commiserationem flectere ut effu-



effuso innocentis IESV sanguine conquiescerent. Secundo, post latam jam mortis sententiam, juxta legem Romanorum, de qua flagellatione meminit D. Hieronymus in Matth: c. 27. dum ait. *Sciendum est Pilatum Romanorum legibus ministrasse, quibus sancitum est, ut qui crucifigeretur, prius flagellis verberetur.* Vnde notum est, ante, Cōsules Romanorum securim fascibus alligatam deportasse. Nam lictores virgarum fascibus solutis damnatum primò virgis cædebant, deinde securi caput amputabant.

2. Mallonius censet bis CHRISTVM flagellatum. In carcere Ceiphæ, primò. Vbi inter alias injurias nefanda illa nocte ab insolentissimis ministris CHRISTVM custodientibus etiam flagellis cæsum asserit. Deinde ante traditionem in mortem, ut ait S. Matth: c. 27. v. 26. *Tunc dimisit illis Barabbam, IESVM autem flagellatum tradidit eis ut crucifigeretur.* Et Ioan: 19. 1. *Tunc ergo apprehendit Pilatus IESVM & flagellavit.* Si ergo his flagellationibus binis illam primam in carcere, juxta Mallonium, addemus; trinam CHRISTI flagellationem asserere aliquis existimabit. Sed communior sensus est Dominum IESVM semel tantum Pilati jussu fuisse flagellatum. Inter alios, Sylveira l. 8. q. 3 de IESV flagellis cæso scribens: *Dicam* (inquit) quod sentio. Pilatus attendendo tam ad placandum populum, quam ad legem Romanorū, Dominum flagellari imperat; hac mente; verberationis pænā mandat Dominum IESVM affici, ut si fieri posset tali supplicio populus placaretur, & tunc ipse liberum dimitteret IESVM; et si populus non esset sedatus, sed pro eo crucifigendo adhuc instaret, ipsum jam flagellatū morti traderet. Et ita flagellavit tam ad restringendū furorē populi; quam ad Dominum disponendum, ac præparandum ad crucem, si necessarium esset.

Verum-



Veruntamen considerata sunt verba CHRISTI Domini à S. Luca c. 18. v. 32. descripta, quibus suam passionem prædixit: Tradetur filius hominis gentibus, & illudetur, & flagellabitur & conspuetur: & postquam flagellaverint, occident eum. Vbi Dominus alia sua impropria uno verbo exprimit: tradetur, illudetur, conspuetur: De flagellatione verò binis verbis loquitur, id est flagellabitur, fortè in carcere noctu ab infamibus ministris, deinde antelatum à Pilato sententiam, & postremò juxta Romanorum legem iam ad crucifigendum tradendus: quod verba illa CHRISTI Domini sonare videntur *& postquam flagellaverint occident eum.* 3.

CHRISTVS Dominus per regium vatem Psal: 72. ait *fui flagellatus tota die, & castigatio mea in matutinis.* Quod dicitur tota die flagellatus non ratione temporis, sed cōsiderato verborum numero; qui ita magnus & dilatatus fuit, ut integrum diem implere posset. Sylveira. 4.

Tradunt atiam CHRISTVM Dominum flagellatum triplicibus instrumentis, id est, viridibus spinosis virgis, deinde chordis seu loris in fūniculos & flagellum tortis quibus extremè puncta fuerunt ferrea intexta deniq; catenulis ferreis extremis similis ita asperatis, ut vellere partes carnis ac ossa nudare ad eaq; penetrare inflicta possent. 5.

D. Augustinus, Bernardus & Ambrosius tractatu de passione existimant quod milites solventes funes, quibus D. IESVS ad columnam ligatus stabat, videntes partes pectoris, & ventris illi adhærentes plagarum expertes, iterum tergo in hærentem columnæ illū ligaverunt, ac innumeris flagellis dilacerârunt. 6.

Robertus Aquin: art: 2. de passion: ait; quòd meus IESVS solutus à columna cū ob nimiam Debilitatem, 7.

non



non posset pedibus stare, quod ceciderit in terram, & in sanguine suo, seu ut potius dicam, in mari sui sanguinis, qui à sacro ejus corpore defluebat sese volutaverit. *Veni in altitudinem maris & tempestas demersit me.* Ps. 68. Veni in altitudinem maris mei sanguinis, & tempestas verborum, & dolorum, demersit me, seu cooperuit me, & cum meo IESVS caderet scapulis versis in terram, tunc milites, ut meditatur D. August. novo furore concepto, eum verberant, tum in pectore, tum etiam in facie, vultu, ac toto corpore. Et ubi nostra vulgata habet. *Veni in altitudinem maris.* Paraphrastes legit. Pervenit ad profundum fortitudinis cohortis impiorum, ac si in eo flagellando tota impia cohors suam fortitudinem, ac robur exerceret, ita ut à planta pedis usque ad verticem non esset in eo sanitas.

Plura apud eundem Sylveiram & R. P. Družbicki de acerbissima flagellatione reperies.

8. Exclamat D. Chrysost. serm. 6. de pass. Domini. Flagellatur remissio, condemnatur venia, illaditur majestas, irridetur Virtus, perfunditur largitor imbrium, sputis: clavis ferri cæli strator affligitur, mellis dator cibatur felle, propinator fontium potatur aceto.
9. Ex occasione CHRISTI Domini flagellati occurrit illud verbum à multis authoribus martyria Sanctorum describentibus, & hoc est Catomus. Vnde Catomis cæsus Martyr: &c. id est flagellis ad humeros. Vnde proverbium dare ad scapulas aut potius catomari idem est quod in humeros alterius levare ut more puerorum vapulet. Sic de S. Vito puero & de S. Eulalia puella tredecim annorum legimus eos fuisse catomatos, id est more puerorum flagellatos. Apud Romanos vile fuit supplicium flagellatio id est servorum & mancipiorum, Liberatorum enim erat fustigatio. Hinc Martyres ad ignominiam flagellabantur.

Modum

Modum  
ita ex re  
10. Dein  
xuit. Pe  
inimici  
hil omni  
bat, &  
xerunt  
diq, as  
& pecca  
stbam p  
tu vidi  
stas, ita  
cūm retr  
tur. C  
lacerato  
flagellat  
xuit, co  
lis acule  
sulcando  
ictum eg  
pus evig  
pore un

Quo

CHR  
fili  
reassum  
mys co  
post fla



Modum porrò & atrocitatem flagellationis CHRISTI 10.

ita ex revelatione B. Virginis S. Brigitta l. i. revel. c. 10. Deinde ductus ad columnam personaliter se vestibus exiit. Personaliter ad columnam manus applicuit, quas inimici sine misericordia ligaverunt. Alligatus autem nihil omnino operimenti habebat, sed sicut natus est, sic stabat, & patiebatur erubescientiam nuditatis suae. Consurrexerunt autem inimici ejus, qui fugientibus amicis suis undiq; astabant, & flagellabant corpus ejus, ab omni macula & peccato mundum. Ad primum igitur ictum, ego quae astabam propinquiùs cecidi quasi mortua, & resumpto spiritu vidi corpus ejus verberatum & flagellatum usq; ad costas, ita, ut costae ejus viderentur. Et quod amarior erat, cum retraherentur flagella, carnes ipsis flagellis sulcabantur. Cumq; Filius meus totus sanguinolentus, totus sic laceratus stabat, ut in eo non inveniretur sanitas, nec quid flagellaretur. Deinde iubente lictore, seipsum vestibus exiit, columnam sponte amplectens, recte ligatur, & flagellis aculeatis, infixis aculeis & retractis non evellendo, sed sulcando totum corpus ejus laceratur. Ad primum igitur ictum ego quasi corde percussa, sensibus abducor & post tempus evigilans, corpus ejus laceratum video; toto enim corpore nudus erat cum flagellaretur.

LXVII.

*Quoties Christus in passione vestibus exuebatur & induebatur?*

CHRISTUM Dominum post acerbissimam & ignominiosissimam flagellationem suam vestimenta propria reassumpsisse atq; iterum iisdem spoliatum fuisse ut chlamys coccinea ei injiceretur, multi existimant. Alij verò post flagellationem statim nudo chlamydem illam im-

li

positam



positam putant. Sed textus sacer Matth. 27. 28. luculenter exprimit, dum ait: *Et exuentes eum, chlamydem coccineam circumdederunt ei.* Ex quo patet Christum Dominum post flagellationem vestes suas reassumpsisse, deinde postea detractas ei fuisse dum coccineâ induebatur & spinis coronabatur. Vnde à SS. Evangelistis evidenter testatum habemus quatuor vicibus vestimenta Domino nostro tempore passionis ejus detracta fuisse. 1. ad flagellationem. 2. ad coronationem. 3. post exactam dolorosissimam coronationem illâ coccineâ vel purpureâ veste ablatâ proprijs vestimentis ut ab omnibus nosceretur ad baiulationem Crucis indutus fuit, quibus 4to ante crucifixionem exutus. Huc etiam considerandum venit, quòd Christus Dominus bis alienam vestem induit. Scilicet, apud Herodem albam, apud Pilatum purpuream. Et quamvis utramq; per contemptum & ludibrium assumpsit, tamen verus, candidus & rubicundus Rex demonstrabatur. Vt S. Cyril: l. 12. in Ioan. c. 15. ait: *Per purpuream vestem regnum totius mundi quod per fidem Christus accepturus erat, significatum fuisse volunt.* Profectò impleta est illa de Domino nostro prophetia. *Quis est iste qui venit de Elom tinctis vestibus de Bosra? iste formosus in stola sua, gradiens in multitudine fortitudinis sue. Ego qui loquor iustitiam & propugnator sum ad salvandum. Quare ergo est rubrum vestimentum tuum & vestimenta tua sicut calcantium in torculari?*

2. Alexan: ab Alex: l. 1. c. 10. testatur multos bellatores rubeis vestibus usos fuisse ne vulnera & sanguis effusus innotescerent, confidentiusq; & sine pavore dimicarent, ut Xerxes ducturus contra Cyrum, milites ornavit rubro sagulo. Et Propheta Nahum c. 2. v. 3.

de

de Chal  
Christu  
Regnu  
Ved  
tus fuit  
cineam  
Ambro  
Christu  
cum m  
simill  
gatur  
rice &  
cinea ap  
bis tunc  
no per  
detur f  
lis, ut  
Regem  
Na  
Tyri p  
inambu  
chyle d  
mandeb  
lanx ve  
proflue  
non ef  
obstyp  
nici Ro  
ipse at  
purpur  
ri, mox  
tum illu



de Chaldeis dicit. *Viri exercitus in coccineis*. Sic & Christus Dominus pugnando & sanguinem fundendo Regnum sibi comparavit.

Vestem, quâ Christus Dominus ad ludibrium vestitus fuit à militibus Pilati, S. Matthæus chlamydem coccineam, Marcus verò & Ioannes purpuram vocant. S. Ambrosius has vestes diversas atq; utrisq; ornatum fuisse Christum existimat. Sacerdos verò Athanasius & August. cum multis censent fuisse eandem, quia color coccineus simillimus est purpureo. Vnde subinde purpuratus vocatur, aut etiam vestis illa bis tineta, scilicet semel murice & ideo purpurea, deinde iterum cocco, ideoq; coccinea appellari poterat, dicebaturq; talis *dibapha*, id est bis tineta. Erat hæc vestis Regum: Sed Christo Domino per subsannationem & illusionem oblata, ideoq; videtur fuisse alicujus militis valde detrita, & multum vilis, ut ironice & per ludibrium Christum Iudæorum Regem demonstrarent.

Narrant historiæ Herculem quendam Philosophum Tyri purpuram hoc modo invenisse. In littore Tyrio inambulans pastoritium vidit canem, qui Ostrean (conchyle dicitur, parvumq; genus est testudinis marinæ) mandebat, & pastorem, qui canem putabat sanguinare, lanæ vellere ab ove raptò extersit, quod ab ore canis profluebat, velusq; tinxit. Hercules cum observasset id non esse sanguinem, sed peregrini alicujus vim liquoris obstupuit, & acceptâ à pastore lanâ tinctâ, illam Phœnici Regi Tyriorum magni locò muneris contulit, qui & ipse attonitus novi coloris aspectu iussit velus liquore purpuræ, seu conchylis imbui, sibiq; Regiam vestem fieri, moxq; edicto cavit, ne quisquam ex subiectis sibi cultum illum affectaret præter ipsum Regem, & Regis suc-



cessores. Rex Regum Christus Dominus non de conchyliis liquore, sed immaculatissimi corporis sui sanguine tingit paludamentum. Milites ac servos suos illo absque ulla invidia ornandos.

## LXVIII.

*Quare spineâ coronâ Christus fuit coronatus?*

1. **L**ectores, seu satellites illi, qui multis modis innocentissimo ac patientissimo IESU varia passionis infligebant genera, non tantum Præsidis, sed etiam & satanæ erant ministri. Excogitabant nova, & nova cruciamenta, quæ & virgineum ac divinissimum corpus ejus inenarrabilibus lancinarent doloribus, & sacratissimam ejus animam maximis extorquerent & affligerent contumelijs, irrisiõibus, ac contemptibus. Patet hoc in spinea ejus coronatione, quâ & Regiam ejus irrident Majestatem, & delicatissimo corpori acerbissima infigunt tormenta.
2. D. Bernard. lib. de pass. Dom. c. 3. *In corona spinea (ait:) non leviter impressa; non solum opprobrium, sed etiam supplicium querunt. Rectè S. Chrysost. hom. 88. in Matth. Quasi omnes (inquit) ex composito convenissent, ita signo dato ad choream omnes diabolus concitabat. Voluptatem etenim ex contumelijs propter immanitatem suam capiebant.* Siccine dum ad immensos dolores & extremum ærumnarum opprobrium spectandum convenitur, ad ludos & choreas peragendas à dæmone grex impiorum militum convocari dicitur? Albert. M. ait: *Ecce spectaculum universale fecerunt de Filio Dei, ut ab omnibus derideretur.* Et D. Bruno in persona SS. Martyrum inquit. *(quis spectaculum facti sumus huic mundo. 1. ad*

Cori:



Cor. 4.) *Conveniunt enim omnes ad oppressionem nostri, & mala nostra ludus est eorum.*

D. August. tract. 116. in Ioan. existimat acerbam 3.  
Christi coronationem ex Pilati mandato per milites factam, dum ait: *Apparet non ignorante Pilato hæc à militibus facta, sive iusserit ea, sive permiserit: Illa scilicet causâ ut hæc ejus ludibria inimici libentissime biberent, & ulterius sanguinem non sitirent.* S. Chrysost. hom. 83. in Ioan. hanc in sacratissimum Christi corpus crudelitatem ait à militibus exercitam fuisse propter oblatam sibi à Iudæis pecuniam; dum inter alia sic loquitur: *Quomodo milites hæc faciebant, siquidem non præceperat Pilatus? ad Iudæorum gratiam. Neq; enim noctu à Pilato iussi, cum Iuda profecti sunt, sed pecuniâ à Iudæis allecti, omnia audebant.* S. verò Leo ferm. 3. de pass. inquit: *Multas illusiones Domino Sacerdotum serviens oculis licentia popularis ingessit: & in mansuetudinem ejus, qui hæc sponte tolerabat, furens turba servavit.* Agnoverant (ait Sylveira) bene omnem pœnam IESV inflictam, valde periuicundam ac gratam futuram Principibus Sacerdotum, & inde audenter omnem contumeliam ac injuriam irrogant IESV. Qui majorum voluntati blandiri intendit, nullam pœnam, nullamq; injuriam immerenti detractat inferre.

Tâm ergo dæmonum malitiam, quàm petulantis ac 4.  
pecuniâ corrupti militis savitiam, Pilati perniciosam coniventiam sive iussionem, insatiabilem innocentissimi sanguinis Christi Sacerdotum, totiusq; populi Iudaici sitim, spinæ coronationis Christi causam extitisse quis negabit?

Sed neq; ex parte Christi desunt rationes, ob quas 5.  
caput suum spinarum aculeis voluerit circumcingi. S.

Theophil.



Theophil. Antioch. inquit: *Spineam in capite coronant accepit, ut sententiam capitalem, quæ ex spinis peccatorum nobis debebatur, eriperet.* In pœnam peccati promulgata est sententia contra hominem Genes. 3. 18. *Maledicta terra in opere tuo, spinas & tribulos germinabit tibi:* Christus Dominus ut pro peccatis nostris satisfaceret, aculeos spinarum in se ipsum suscepit, ut spinis coronatus nos ab illis liberaret; ut pro more suo Tertullianus lib. de corona militis c. 14. differit. *Christus IESVS quale, (ait) oro te, sertum pro utroq; sexu subiit? Ex spinis opiner, & tribulis in figuram delictorum, quæ nobis protulit terra carnis, abstulit autem virtus Crucis, omnes aculeos mortis in Dominici capitis tolerantia obtundens.* Sic etiam Origenes, S. Hilarius, Hieronym. apud Sylveiram *In corona spinea (ait) maledictum solvit antiquum.*

6. Rex noster IESVS spinis coronatur, quæ peccata nostra designant: sic inferiorum crimina Regi irrogantur, capitisq; vertuntur in pondus. Spinis & tribulis, quibus fecunda peccatorum abundavit terra, Christi caput pungitur; nam delicta subditorum Regis verticem gravant, ac vulnerant.

7. Diabolus per spinas nostrorum peccatorum, quas introduxit in orbem, de homine triumphavit. Coronatur aculeatis spinis Christus Dominus nostrorum peccatorum, ut dum illas in corpore suo suffert, ipsismet diabolum transfigat, & victorale trophæum erigat: ac unde contumeliosè victus videri poterat, in e hostes superet. Pulchrè S. Ambros. in Luc. c. 22. *Corona (ait) de spinis, quæ capiti Christi impenitur, ostendit, quod de peccatoribus mundi, tanquam de seculi spinis triumphalis Deo gloria quæreretur.*

8. Clemens Alexandr. pedag. c. 8. ingeniosè asserit coronam

ronam  
stantia  
periculi  
nem lic  
est, iux  
hanc a  
circun  
a. v. 6.  
illam  
busq;  
N  
Hy  
Si  
An

Rex es  
do. V  
ges co  
ud co  
Ap  
naria,  
quam  
quarun  
R  
lūm 7  
S. Be  
rison  
tum  
entib

S  
rum,



ronam esse typum Fidei; vitæ quidem propter ligni substantiam, lætitiæ autem propter coronæ appellationem, periculi verò propter spinam: neq; enim citra sanguinem licet ad verbum accedere. Christus Dominus Via est, iuxta illud Ioan: 14. 6. *Ego sum Via, Veritas, &c.* hanc autem Viam æternus Pater spinis instar coronæ circumcinxit, prout per Oseam Prophetam declaravit c. 2. v. 6. *Ecce ego sepiam viam tuam spinis: Qui ergo per illam incedere volunt, multos dolores sustineant, vepribusq; cruententur.* Bene canit Pœta

Non quisquam fruitur veris odoribus,  
Hyblæis latebras nec spoliât favis,  
Si fronti metuât, si timeat rubos;  
Armat spina rosas, mella tegunt apes.

Interrogatus quondam Christus à Pontio: *Ergo 9.*  
*Rex es tu?* respondit: *Regnum meum non est de hoc mundo.* Velint ad libitum auro ac gemmis huius mundi Reges coronari; in Regno Christi, id est patientiæ, non aliud coronat, quàm quod cruciat.

Apud Romanos antiquos celebrabantur festa coronaria, quibus fontes coronabant; unde dictum: Si aquam hauris, puteum corona. Christus IESVS Fons aquarum viventium coronatur spinis à Iudæis. 10.

Rupert. de Victor. lib. 12. c. 20. ait: *Nolite hoc solum 11.*  
*videre in corona ejus quòd spinea sit.* possunt verba S. Bernardi de pass. Dom. ferm. 19. subiungi: *Licet irrisione coronent, tamen ignorantes & irridentes coronatum Regem fatentur. Ergo Rex eorum vel ab ipsis nescientibus demonstratur.*

Sæpe creat molles aspera spina rosas.

Spinea enim corona non semper dolorum & injuriarum, sed etiam pietatis, justitiæ, victoriæ, ac lætitiæ symbolum



bolum est. Propterea quod certis vinculis complicatur, quibus vita nostra veluti religata coercetur, atq; insuper honorum morum, virtutis, salutisq; conservantia, ac deniq; obtenta de vitijs victoria luculentum præbet insigne. Vnde rectè corona dicitur, quod cor ornet.

13. Ex Apostolica traditione hucusq; observatum est, ut Clerici, ac per spiritualem vitam Dei servitio mancipati, crines in modum coronæ præcidant; hoc nempe tonsuræ signaculo ac extremâ in capite figurâ (ubi mens ipsa permanere existimatur) demonstrando, quod in anima vitia refecare, ac criminibus carnis quasi crinibus abscissis, sæculiq; negotijs abiectis, cælestibus satius ac æternis desiderijs spiritum occupare debeamus. Sed vel maximè detonsus vertex, circulariq; redimitus coronâ; Spirituales admonet: ut perpetuam spinæ Coronæ Christi Domini capiti olim impositæ, memoriam nunquam ex mente dimittamus.

14. Hunc præclarissimum in Ecclesia Christi morem Venerabilis Beda lib. 5. c. 22. de gestis Anglorum clarè asserit, dum inter cætera in hac materia scribens adijcit: *Neq; ob id tantum in coronam attondemur, quia attonsus ita est Petrus, sed quia Petrus in memoriam Dominicæ passionis ita attonsus est; idcirco & nos, qui per eandem passionem salvari desideramus, ipsius passionis signum cum illo in vertice, summa videlicet corporis nostri parte, gestamus. Sicut enim omnis Ecclesia, quæ per mortem sui vivificatoris Ecclesia facta est, signum Sanctæ Crucis in fronte gestare consuevit, ut crebro vexilli hujus munimine, à malignorum spirituum defendatur incurribus, & crebrâ hujus admonitione doceatur se quoq; carnem cum vitijs & concupiscentijs crucifigere debere, ita etiam oportet eos, qui vel Monachi votum, vel gradum Clericatus habentes*

bentes, a  
tie funi  
in passio  
bulos pec  
auferret  
re, ut se  
pro anim  
nam vi  
expecta  
prospera

Quar  
gellis  
populu  
& qu

Præte  
resol  
lib. de m  
Družbic  
etor rep  
duco. I  
ut ejus  
niq; ad  
multas a  
gelistari  
Prin  
gno mor  
omni



bentes, arctioribus necesse habent pro Domino se continen-  
tie funibus adstringere, formam quoq; coronæ, quam ipse  
in passione sua spineam portavit in capite, ut spinas ac tri-  
bulos peccatorum nostrorum portaret, id est exportaret, atq;  
auferret à nobis, suo quemq; in capite per tonsuram perf-  
re, ut se irrisiones & opprobria pro illo libenter ac prom-  
pto animo sufferre, ipso etiam frontispicio doceant; ut coro-  
nam vitæ, quam repromisit Deus diligentibus se semper  
expectare proq; huius perceptione & adversa mundi &  
prospera contemnere designarent.

## LXIX.

*Quam ob causam Pilatus Christum fla-  
gellis deformatum, & coronatum spinis  
populo præsentat, dicens: Ecce homo.  
& quot instantijs liberare eum à morte  
satagebat?*

**P**Rætermisiss multis pijs ac ingeniosis hac in materia I.  
resolutionibus, quas inter alios apud P. Drexelium  
lib. de moriente Christo c. 4. § 6. & in Stromatibus P.  
Druzbicki § 114. & 115. tum apud multos alios pie Le-  
ctor reperies, brevitatis causâ sensum S. Augustini ad-  
duco. Hoc Pilatus (ait) non ob aliud fecisse credendus, nisi  
ut ejus injurijs Iudæi satiati sufficere sibi existimarent, &  
usq; ad ejus mortem se vire desisterent. Ob quam rationem  
multas alias instantias fecisse Pilatum ex textu SS. Evan-  
gelistarum intelligimus.

Primò. Cum iam apud Caiphā in Concilio ma- 2.  
gno mortis reum condemnarent, & ad solam tantum exe-

Kk

cutionem



cutionem Præfidi Pilato vinctum offerrent ob rationes in quæstione 58. expressas, non statim intentioni eorum acquievit, sed prius obiecta crimina audire & dijudicare voluit. Ioan. 18. 29. *Quam accusationem assertis adversus hominem hunc?*

3. Secundò. Quasi cedens iuri suo, dat illis potestatem puniendi Christum Ioan. 18. 31. *Accipite eum vos, & secundum legem vestram iudicate eum.*
4. Tertiò. Cum inter obiecta crimina Christo, affectationem Regni Iudaici audivisset, non credidit; sed post diligens examen cum ab eo responsum accepisset. *Regnum meum non est de hoc mundo.* &c. Ioan. 18. 36. & seq: immunem coram Principibus Sacerdotum & populo Iudaico professus est. *Nihil invenio causæ in hoc homine.* Luc. 23. 4.
5. Quartò. Nolens quidem Herodis iurisdictioni præiudicare, sed in re ipsa veriùs ut ab importunitate Iudæorum in necem Christi conspirantium se liberaret, ad Herodem remisit. Luc. 23. 7. *Et ut cognovit quòd de Herodis potestate esset, remisit eum ad Herodem.*
6. Quintò. Item iteratâ vice innocentem Christum Dominum profitetur. Luc. 23. 14. *Obtulitis mihi hunc hominem, quasi avertentem populum, & ecce ego coram vobis interrogans, nullam causam invenio in homine isto, ex his, in quibus eum accusastis. v. 15. Sed neq: Herodes: nam remisit vos ad illum, & ecce nihil dignum morte actum est ei.*
7. Sextò. Innocentissimum ac Sanctissimum IESVM cum nefario Barabba nebulone, seditioso ac homicida comparat, supponens Iudæos potius IESVM, quàm Barabbam liberaturos. *Quem vultis vobis de duobus dimitti?* Matth. 27. 21.

Septimò.



Septimò. *Adiudicavit fieri petitioni eorum. Di-* 8.  
*misit autem illis eum, qui propter homicidium & seditio-*  
*nem missus fuerat in carcerem, quem petebant: IESVM*  
*verò tradidit voluntati eorum. Luc. c. 23. v. 24. & 25.*

Octavò. *Vt posset rabiem insanientis populi Iu-* 9.  
*daici sanguine Christi extingvere, acerbissimè flagellat, &*  
*spineâ coronâ coronare, veste purpureâ, coccineâ cir-*  
*cumdare, multisq; injurijs affici petulanti militi permit-*  
*tit. Ioan. 19. 1. Tunc ergo apprehendit Pilatus IESVM,*  
*& flagellavit. Matth. 27. 27. Tunc milites Præsidis su-*  
*scipientes IESVM in prætorium, congregaverunt ad eum*  
*universam cohortem: Et exuentes eum, chlamydem cocc-*  
*ineam circumdederunt ei. v. 29. Et plectentes coronam de*  
*spinis, posuerunt super caput ejus, & arundinem in dexte-*  
*ra ejus. Et genuflexo ante eum illudebant ei, dicentes: A-*  
*ve Rex Iudæorum. v. 30. Et expuentes in eum, accepe-*  
*runt arundinem, & percutiebant caput ejus.*

Nonò. *Post tot iteratas instantias hoc schemma-* 10.  
*te deformem præsentat eum, ut saltem ad commiserationem*  
*aliquam rabidos flectere possit: Et quem de affe-*  
*ctato regno reum accusarent, iam vix speciem hominis*  
*in se retinentem agnoscerent. Ioan. 19. 4. Exiit ergo*  
*iterum Pilatus foras, & dicit eis: Ecce adduco vobis eum*  
*foras, ut cognoscatis, quia nullam invenio in eo causam.*  
*v. 5. Et dicit eis: Ecce homo.*

Luculentissimè pro more suo S. Leo serm. 8. de 11.  
*pass. expressit. Quod Pilatus implacabilis populi victus*  
*insaniâ, multis IESVM decessari ludibrijs & immodi-*  
*cis vexari permisit injurijs, quodq; eum flagellis caesum, spi-*  
*nis coronatum, & amictu irrisoria vestis indutum perse-*  
*quentium ostentavit aspectui, mitigandos proculdubio ini-*  
*micorum animos exilimavit, ut ex saturatis invidia oculis,*



non ultra iam crederent esse persequendum, quem tot injurijs cernebant affl. Etum, ideo namq<sup>3</sup> lamentabilem hominis Dei adeo immaniter excarnificati aspectum, velut in speculo representans dixit eis: Ecce homo? quasi diceret vos ô Iudæi affectati regni reum hunc mihi detulistis: (Hunc invenimus subvertentem gentem nostram, & prohibentem tributa dare Cesari, & dicentem se Christum Regem esse. Luc. 23. 2.) cernite nunc personam, & discernite causam, ut egregiè S. Aug. tract. 116. in Ioan. alloquitur: Crimen obijcitis, sed Regnum ejus ludicrum est, ut cernitis. Si ut Regi invidetis; iam parcite, quia infra vilissima mancipia deiectus est, miserandam dilacerati potius cadaveris, quàm vivi hominis speciem videtis. Si læse Majestatis Divinæ crimen intenditis, ignoscite, quia temeritatem in tolerandis cruciatibus, iam expiâsse animadvertitis; ferveat ejus ignominia, ut invidia vestra frigescat. Esto Regem se dixerit, nunquid castigatus est, ut verus homo cum sit, vix tamen hominem esse iudicetis.

12. Ecce homo. Ecce Rex vester, non clarus imperio, sed plenus opprobrio, factus spectaculum mundo, Angelis, & hominibus. Spectaculum certè hoc lamentabile, spectaculorum omnium maximum fuit, Deum videre tam enormi modo sauciaturum. & qui speciosus formâ præ filiis hominum, (Psal: 44.) iam vermis, & non homo. Opprobrium hominum, & abiectio plebis. Psalm: 21.

Congruè hîc illa Virgilij carmina possint adaptari.

Hei mihi qualis erat, quantum mutatus ab illo!

Squallentem barbam, & concretos sanguine crines

Vulneraq; illa gerens, quæ circum plurima tulit.

13. Spectaculum hoc Angelis mæstissimum, ludæis desideratissimum, hostibus Christi universis iucundissimum fuit. Nobis autem quale? profectò pretiosissimum, iuxta

sen-



sentum S. Bernardi serm. 1. Epiph. *Quanto pro me vilior est, tanto mihi charior.*

*Ecce homo: non homo* (ait idem Sanctus) *supra hominem, infra hominem, intra hominem, extra hominem, pro homine, contra hominem.* Explicat hæc Lyræus de Imitatione IESV patientis. lib. 3. c. 8.

*Homo.* Propter naturam assumptam. *Et homo factus est.* Symb. 15.

*Non homo.* Ob deformatum hominis vultum. *Ego sum vermis & non homo.* Psal: 21. 16.

*Supra hominem.* Propter Divinitatem. *Primus homo de terra terrenus; secundus de cælo celestis.* Cor: 15. 47. 17.

*Infra hominem.* Per humilitatem. *Exinanivit semetipsum factus obediens usque ad mortem.* Philip: 2. 8. 18.

*Infra hominem.* Per amorem. *Delicia mea esse cum filiis hominum.* 19.

*Extra hominem.* Per innocentiam. *Omnes declinaverunt, simul inutiles facti sunt: non est qui faciat bonum, non est usque ad unum.* Hunc scilicet hominem, qui Christus est. Proverb. 2. 8. 31. Psal. 13. 3. 20.

*Pro homine,* quia ab universis eum malis redempturus advenit. *Qui propter nos homines, & propter nostram salutem, descendit de cælis.* Symb. 21.

*Contra hominem,* expugnando vitia, ac veteris hominis habitus pravos. *Vetus homo noster simul crucifixus est.* Rom. 66. 22.

*Ad instantias præfatas pro Christo liberando à Pilato adhibitas nova & inexpectata uxoris Præfidis intervenit.* Matth. 27. 19. *Sedente autem illo pro tribunali, misit ad eum uxor ejus, dicens: Nihil tibi, & iusto illi, multa enim passa sum hodie per visum propter eum.* Ex qua occasione oritur sequens quaestio, in qua alia quaestiuicula includuntur. LXX. 23.



*Quenam esset uxor Pilati, & quod nomen illi erat? an credidit in Christum & maritus etiam eius? Vtrum a bonis vel malis Angelis passa fuerit somnium? Quare illa, & non maritus eius Pilatus passus fuerit hoc somnium? Cur non alio modo, sed terroribus fuerit exagitata?*

- I. **C**laudiam Proculam uxorem Pilati Scriptores esse asserunt. Et profectò magnæ devotionis & Fidei (ut Venerabilis Bedæ lib. 4. c. 49. in Luc. c. 11. de alia muliere verbis utar.) Magnæ (inquam) devotionis & Fidei hæc mulier ostenditur, quæ Scribis & Phariseis Dominum non iam tentantibus, simul & blasphemantibus, sed & pessimè tractantibus, necem ac mortem ejus ignominiosissimam urgentibus, ipsa palàm coram omnibus Iudaicæ gentis proceribus IESVM innocentem ac iustum profectur, ejusq; liberationem apud maritum suum promovet. Matth. 27. 19. Sedente autem illo pro tribunali, misit ad eum uxor ejus, dicens: Nihil tibi, & iusto illi. Vnde Chrysost. Theophilaët. & alij Doctores asserunt eam Christum credidisse Messiam ac Salvatorem mundi. S. verò Hieron. & D. August. serm. 121. præsagium ac speciem gentilis populi iam fidelis ac credentis in Christum in ea fuisse repræsentat, dum ait: *In nativitate mundi*

mundi  
mum, i  
Claudio  
ea gen  
versaba  
cat, qui  
riam f  
August  
xorem  
Christi  
ab orien  
ti, hoc e  
testaban  
piph:  
per Chr  
nus Ca  
videtur  
uxor, i  
a sacril  
Co  
tum a  
coram  
Vbi om  
tus, su  
compe  
Tertul  
appella  
parte C  
tiam;  
Sed no  
dicar  
asseret



*mundi uxor ducit virum ad mortem, id est Eva Adamum, in passione Christi uxor provocat ad salutem, hoc est, Claudia Pilatum. Item S. Hilarius can. 33. Species in ea gentium plebis est, quæ iam fidelis eum, cum quo conversabatur, incredulum populum ad Christi Fidem advocat, quia ipsa multum sit passa pro Christo, in eandem gloriam futura spei illum invitat. Ex eo fundamento S. August. & ante eum Tertull. putabant non tantum uxorem, sed etiam operâ illius ipsum maritum ad Fidem Christi fuisse conversum; dum unus eorum ait. Magi ab oriente, Pilatus ab occidente venerat. Vnde illi, orienti, hoc est nascenti, ille autem occidenti, hoc est morienti, attestabantur Regi Iudæorum &c. S. Aug. serm. 3. de Epiph. Tertull. verò Apolog. c. 21. Ea (inquit) omnia super Christo Pilatus & ipse iam pro sua conscientia Christum annus Cæsari tunc Tiberio nuntiavit. Sed huic adversari videtur D. Ambros. l. 10. in Luc. c. 23. Monebat (ait) uxor, lucebat in nocte gratia, Divinitas eminebat: nec sic à sacrilega sententia temperavit.*

Constat etiam ex Iosepho lib. 18. antiq. c. 5. Pilatum à Vitellio Synæ Præfide missum ad Cæsarem, ut coram eo ad crimina sibi à Iudæis obiecta responderet. Vbi omni privatus honore, Viennam in Gallias relegatus, suâ se transverberans manu, multorum malorum compendium mortis celeritate quæsit. Quod verò Tertull. & S. August. Pilatum quandoq; Christianum appellant, intellige fautorem & defensorem aliqua ex parte Christi fuisse, perspectam habendo illius innocentiam; sciebat enim, quòd per invidiam tradidissent eum. Sed non permanfit sincerè in liberatione Christi, adiudicavit petitioni Iudæorum. Quem innocentem toties asserbat: (Nihil invenio cause in hoc homine. Luc. 23. 4.)

sacri-



sacrilego condemnavit decreto.

3. Si quæras somnium illud, quod Claudia Pilati uxor habuit, an à bono Angelo vel malo fuerit immissum? in hoc duplex est Doctorum assertio, quam apud multos Authores, tum apud Sylveiram reperies. Alij existimant somnium hoc immissum fuisse à diabolo iam agnoscante IESVM verum esse Messiam ac Salvatorem, ejusq; mortem impedire volente, nè homines salutem consequerentur. Ita S. Bernard. Lyran. Raban. Beda, Albert. M. Carthus. Caietan. & alij, citaturq; communiter D. Ignat. epist. ad Policarp. *Cum paranda esset Crux, diabolus tumultuabatur, & penitentiam immittit proditori, & mulierculam turbans in somnijs, ut à crucifixione cessarent inducere moliebatur, suam ipsius perniciem sentiebat. &c.*

4. Sed si diabolus intenderet Christi passionem impedire, satius corda Iudæorum & carnificum ad commiserationem flecteret. Verum communior & verior sententia illa videtur eorum, qui somnium uxori Pilati à Deo per Angelum bonum immissum fuisse existimant. Ita Origen. D. Hieron. Hilar. Chrysost. Eutich. Theophilact. Iansen. Barrad. Franciscus Lucas. Cornel. à Lap. & S. Ambros. lib. 10. in Luc. tum S. Aug. serm. 121. de temp. uti videre est apud Sylveiram. *Decebat enim, ut Christi innocentia haberet testimonium ab utroq; sexu in sua passione &c.* Altâ enim Dei providentiâ factum est, ut somnium illud non Pilato inditum esset, ne id silentio absconderet, sed uxori, ut ipsi in tribunali sedenti coram Iudæis mitteret Nuntium cum testimonio de innocentia IESV, ut sic Divina bonitas multis modis intenderet Iudæos à tanto crimine ac sacrilegio revocare &c.

Quare



Quare verò cum uxore Pontij non benignitate, sed  
cum terroribus & tormentis agitur? ut adnotavit Eu-  
thim: Nec videt solum, sed & patitur, hoc est tormento  
afficitur. Respondetur. Erat illa in palatio, & hæc Pa-  
latinorum conditio est, ut ab illis patrociniū non ex-  
torqueatur, nisi terroribus ac tormentis. Vnde ait P.  
Bâeca tom. 2. de Christo figurato lib. 5. c. 8. Qui er-  
go miser ab aulicis aliquid sperat, oret Deum, ut illis  
aliquem inferat terrorem, tunc enim solum sapiunt mi-  
seris patrocinari.

Potest etiam hîc apponi ratio in quæstione 3. ab eo-  
dem Sylveira primo loco posita, ubi citat D. Chryso-  
stomum hom. 87. in Matth. Multa patitur uxor, ut  
maritus uxori condolendo, tardior ad eadem redderetur.  
Hoc unum tantum proponit uxor: *Multa passa sum*, ut  
virum inclinet, extrahat in suam sententiam, quasi non  
posset vir non misereri uxoris patientis dura, & acerbâ;  
precibusq; illius acquiescere, validissima est enim uxo-  
ris ærumna, ut persvadeat quodvis difficile viro. Vide  
plura apud eundem Sylveiram.

LXXI.

*Pilatus lavans manus, an excusatur a  
cæde Christi?*

Pilatus antequam in Christum proferret sententiam, I.  
manus suas lavit; dicens: Matth. 27. *Innocens ego sum  
à sanguine iusti huius.* in cuius ceremonia tametsi multa  
sit inter authores controversia Iudaicane esset vel genti-  
lis, & an imitatus fuerit in ea Pilatus Romanos vel Iudæ-  
os? dubium tamen facile cessat, dum apud utrosq; hanc  
viguisse ceremoniam reperimus.

LI

Lotio-



2. Lotionem manuum apud Iudæos fuisse in argumentum innocentiae colligo ex verbis Deuteronomij 21. 6. *Et venient maiores natu civitatis illius ad interfectum, lavabuntque manus suas super vitulam, quæ in valle percussa est, 7. Et dicent: Manus nostræ non effuderunt sanguinem hunc, nec oculi viderunt. &c.*
3. Eundem viguisse morem & apud gentiles ex Plutarcho intelligimus Embl. 113. qui refert Romanos post quamcunq; etiam iustam sententiam mortis, iudices inquinatos censere, & purgationum piaculis indignuisse. Triclinius Sophoclis interpretes inquit: *Veteribus mos erat in hominum cæde, alijsq; mactationibus aquâ abluere manus expiationis causâ.*
4. Pilatus ergo tam Iudaico quàm gentili more manus suas lavit. Vnde Euthim: *Manus (inquit) aquâ purgavit, ostendens, quòd purus esset, & non particeps cædis.* Et Origen: in Matth: ait: *Pilatus videns, quòd nihil proficeret, Iudaico usus est more, volens illos de Christi innocentia non solum verbo, sed etiam ipso facto placare. &c.*
5. Quidquid sit de more, quem in lotione Pilatus imitari satagebat. (ait Cartagena) id certum est lavisse manus in signum publicum innocentiae IESV, & exonerationis propriæ conscientiae, & reiectionis culpæ in Iudæos. Existimo autem huius protestationis figuram fuisse illam, quam ediderunt nautæ, cum Ionam, figuram Christi proiecturi essent in mare, tempestatis sedandæ gratiâ. Hanc historiam ita eleganter interpretatur D. Hieronymus, ut nihil ab explicatione ejus demendum, vel subiungendum videatur, verba ejus sunt hæc. *Clamaverunt enim, (inquit Scriptura) ad Dominum, & dixerunt, ne des super nos sanguinem innocentem, sive ut Septuaginta Interpretes habent, sanguinem iustum, quia tu Domi-*

Domine  
in mare  
junt, n  
interfec  
sus est,  
fili, feci  
se confe  
ego a s  
tes inn  
sangui  
verunt  
C  
fili ejus  
xoris  
cognit  
quam  
tuna  
ctus.  
nim qu  
plus p  
cki in  
plurin  
æquit  
Christi  
minist  
transi  
sus est  
tati lu  
cepta  
go sum  
M  
rad: V



*Domine sicut voluisti, fecisti. & tulerunt Ionam, & miserunt in mare. Contestantur Dominum, ut quodcumq; facturi sunt, non sibi reputetur, & quodammodo dicunt; nolumus interficere Prophetam tuum; sed iram tuam; & ipse confessus est, & tempestas loquitur, quia tu Domine sicut voluisti, fecisti. Nonne vobis videtur nautarum vox Pilati esse confessio, qui lavat manus suas, & dicit, mundus sum ego à sanguine viri hujus. Nostrum perire Christum gentes innocentem sanguinem, protestantur, & Iudæi dicunt, sanguis ejus super nos, & super filios nostros: & ideo si leverint manus, non exaudientur, quia plena sunt sanguine.*

Conatus itaq; Pilati & variæ pro liberatione Christi ejus instantiæ superius recensitæ, tum deniq; & uxoris illius Claudiæ sana de innocentia Christi cælitus cognita persuasio: Nihil tibi, & iusto illi, minimè quidquam efficere potuere; quinimo furibundi populi importunæ voces, & obiectus gratiæ ac favoris Cæsaris respectus. *Si hunc dimittis, non es amicus Cæsaris: omnis enim qui se Regem facit, contradicit Cæsari.* Ioan. 19. 12. plus prævaluit. Nam velut lampas (ut ait P. Druzbicki in Strom. § 123.) quando iam iam extinguenda est, plurimum lucere conatur, inq; conatu extinguitur: Sic æquitas ratioq; Pilati dum maximè conata est stare pro Christo & innocenti suffragari, concidit, & extincta in ministerium furiosæ cæcitatatis, cæciq; furoris Iudaici transijt, IESVMq; quem toties ipse innocentem professus est, nocenti condemnavit decreto. Ne tamen impietati Iudæorum ob necem Christi involvi videretur. *Accepta aqua lavit manus coram populo, dicens: innocens ego sum à sanguine iusti hujus: vos videritis.* Matth. 27. 24.

Manuum ablutio innocentiam adumbrat, (ait Barad.) Vnde illud Psal. 72. *Iustificavi cor meum, & lavavi*



*inter innocentes manus meas.* Hoc est, lavi cor, & purum reddidi: neq; solum cor, sed etiam lavi manus & opera cum innocentibus. Pilatus manus lavit, innocentiam suam tum ipsâ ablutione, tum etiam verbis demonstrans: *Innocens ego sum à sanguine* &c. Non tamen satis fuit ostendere innocentem se: sed oportuit se facere innocentem, solvendo Christum. Vnde S. Leo serm. 8. de pass: *Non purgant (inquit) contaminatum animum manus lotæ, nec aspersis aquâ digitis expiatur, quod famulante impiâ mente committitur.*

8. IESVM publicè innocentem pronuntiabat, & simul tamen reum mortis, Cruceq; dignum declarabat. Publicè innocentem inventum, publicè damnat ad Crucem, & lavat manus, & cruentat pectus. Abluit aquâ digitos, maculat sanguine conscientiam: propinat populo innocentis vitam, quam eripit.

9. Si illud adhibuisset lavacrum Pilatus, Isaia 16. & 17. expressum: *Lavamini, mundi estote, auferte malum cogitationum vestrarum, quiescite agere perverse.* Discite bene facere: *querite iudicium, subvenite oppresso, iudicate pupillo, defendite viduam.* feliciter profectò manus lavisset, & à nece innocentis Salvatoris abstinuisset.

10. Christus Dominus in extrema Cæna Discipulorum suorum pedes lavans, Petro non tantum pedes, sed & manus, & caput ad lavandum obijcienti dixit. Ioan: 13. *Qui lotus est, non indiget, nisi ut pedes lavet, sed est mundus totus.* Pilatus verò condemnaturus Christum, manus tantum suas coram toto populo ad ostentationem affectatæ suæ innocentiae lavat; & quia non fuit mundus, ad homicidium vel satius deicidium hypocrisim superaddidit. Lavat manus coram populo non coram Deo, qui non manuum sed mentium amat munditiem

tiem. E  
revoca  
tio; siq  
laveris  
macula

N  
potest  
tione  
te ind  
enim,  
non a  
nuntia  
non p  
Casar  
gens c  
C  
test, qu  
eum p

Qu

F  
lat  
se exi  
crucifi  
dricho  
hanc e  
gentis  
rum s  
nis sup



tiem. Ergo manus quidem lavit, sententiam tamen non revocavit. Non profuit itaq; sed obfuit hæc ipsius lōtio; siquidem Dominus per Ieremiam ait c. 2. v. 22. *Si laveris te nitro, & multiplicaveris tibi herbam borith, maculatus es in iniquitate tua.*

Nequaquam igitur Pilatus à christicidio excusari II. potest. Ad rem ponit P. Samuel Laberhittel consideratione no. hoc proponens Pilato dilemma totâ æternitate indissolubile: Si falsum crimen obiectum fuit, (*sciebat enim, quod per invidiam tradidissent eum.*) Cur Christum non absolvit? Si verum: cum nonies innocentem pronuntians, damnavit? Si voluit satisfacere populo, cur non potius conscientia? Si timuit perdere amicitiam Cæsaris, cur non potius incurrere in offensam Dei, argens contra conscientiam suam?

Concludam verbis S. Leonis P. *Innocens esse non potest, qui ijsdem labijs mittit IESVM in Crucem, quibus eum pronuntiavit innocentem.*

LXXII.

### *Qualis fuit tenor decreti à Pilato contra Christum lati?*

**F**ormam iniquissimi decreti à Pilato contra Christum I. lati, Drexel: de Christo moriente c. 5. § 2. hanc esse existimat. *IESVM Nazarenum, Regem Iudeorum crucifigi iubeo.* Describit idem Author ex Christiani Andrichomij antiquis annalibus in descript: Ierusal: n. 115. hanc etiam formam. *IESVM Nazarenum, subversorem gentis, contemptorem Cæsaris, & falsum Messiam, ut maiorum sue gentis testimonio probatum est, ducite in communis supplicij locum, & cum ludibrio Regie Majestatis in*

*medio*



*medio duorum latronum Cruci affigite. I, liētor, expedi  
Cruces.*

2. Præter has prædictas formulas, alias à Daniele Mallonio P. Druzbicki repræsentat, nimirum IESVM Nazarenum, qui contra decretum Imperatoris, Filium Dei & Regem se nominavit Iudæorum, iussimus extra civitatem duci & Cruci affigi.
3. IESVM seducentem populum, blasphemantem Deum, dicentem se Christum Regem Iudæorum esse, Cruci affigendum condemno & adiudico.
4. IESV Nazarene, gens tua te accusavit, quòd volueris superusurpare Regnum Iudæorum in injuriam Imperatoris Romani: propter quod præcipio te flagellari primum, secundum principum nostrorum statuta, deinde in Cruce levare, & ibi mori.
5. IESV Christe, gens tua & pontifices tui tradiderunt te mihi, dicentes quòd volueris usurpare Regnum Iudæorum, cum non habeant Regem, nisi Cæsarem. Et quia contra decretum Imperatorum Romanorum egisti; ideo iudico te ad subeundam mortem in patibulo Crucis hodie in monte Calvariæ. Similiter adiudico morti tecum duos latrones, Dismam & Gismam. Dismam ad dexteram, Gismam ad sinistram, te autem in medio.
6. Nos Pontius Pilatus Sacri Romani Imperij Præses, adiudicamus Christum reum mortis, eò, quòd voluerit Regnum Iudæorum usurpare, ut multipliciter comprobatum est, testimonio pontificum maiorum civitatis Hierusalem. Et quia contra decretum Principum fecisti, volens te facere Regem, propterea iudico te & sentio, primò elevari in Cruce extra civitatem Hierusalem, in loco qui dicitur Golgotha, id est Calvariæ, donec completè moriaris; per quam mortem Respublica Iudæorum

orum

orum fa  
crucifig  
& Gism  
in medio  
Hieroso  
ve Pasc  
De

cki meu  
mittent  
do La  
Pilatum  
tantum  
cundum  
verifim  
Præside  
stam co  
ximè à  
lus Cru  
tentia d  
le titulu  
descript  
verit; e  
illa, qu  
posuim  
Iudæor

mulas  
Christi



orum salva fiet. Similiter tecum pariter duos latrones crucifigi, coniunctos in sceleribus suis, qui sunt Dismas & Gismas, à dextris, & à sinistris, tu verò tanquam Rex in medio ipsorum in Cruce residens. Lata est sententia Hierosolymis in loco, qui dicitur Lithostrotos, Parasceve Paschæ, horâ quasi sextâ.

De his Mallonij recensitis formulis cum P. Družbicki meum non interpono iudicium, pio & prudenti committendo Lectori. Nihilominus tamen minimè adhærendo Lactantij lib. 4. de Sapientia, c. 18. sensui dicentis Pilatum contra Christum noluisse ferre sententiam, sed tantum tradidisse eum Iudæorum voluntati, ut ipsi secundum legem suam iudicarent eum & punirent; satius verisimilem ac communem tenens sententiam, assero Præsidem Romanum consveto Iudicium more, & si iniustam contra Christum tulisse sententiam, ratione vel maxime à citato P. Drexelio recensita suffultus, quòd titulus Crucis præferri solitus, cum rei ducerentur, è sententia damnationis describatur. Et cum non alius ille titulus, vel ut Evangelista agit, *causa* mortis Christi descripta esset, nisi quòd Regem se Iudæorum nominaverit; ex eo colligi potest, quòd sententia damnationis illa, quam primo loco iuxta sensum ejusdem Drexelij posuimus, fuerit; nempe *IESVM Nazarenum, Regem Iudæorum, crucifigi iubeo*.

Similes decreti Pilati contra Christum lati formulas apud Carthagenam reperies, de acerbæ pass: Christi arcano, lib. 10. Homilia 18.





*Quæ figure in veteri testamento Ch ristum baiulantem Crucẽ exprimebant?*

1. **I**Nvidus Cainus innocentem Abelem fratrem suum foras educit, ut ipsi violentam necem inferat Gen: 4.
  2. Verus Nòë ab universali diluvio mundum servaturus, arcam portat. Genes: 7.
  3. Thaumaturgus Moyses ut Pharaonem & Ægyptios, id est tartareos hostes, disperdat, homines per rubrum mare salvos servet, ac in promissam terram deducat, virgam gestat; quæ & serpentes, id est, omnia vitia omnibus venenatis aspidibus peiora devoravit, & in altum elevata, cælestem mannam abundanter plueret fecit; & alia plura miracula patravit. Exodi 7.
  4. Non iam æneus serpens, sed ille, qui de se dicit. *Ego sum vermis & non homo.* &c. exaltandus, ut omnes ab ignitis serpentibus percussi, qui aspexerint, vivant, (Num: 21.) lignum vel trabem, in qua positurus est, ipse gerit.
  5. Obediens Isaac Patri, lignis onustus in montem ascendit ibi à Patre immolandus. Non tamen immolatus. Nam pro illo providit Deus sibi victimam holocausti, id est arietem inter vepres hærentem cornibus, quem assumens Abraham obtulit holocaustum pro filio. Genes: 22. Iste verò Agnus vepribus coronatus in holocaustum pro peccatis totius mundi, non iam figuratè, sed ipsâ veritate in Cruce immolandus eam portat.
  6. Esau ut benedictionem à Patre obtineat, ad venandum arcum tollit in manu, Patri suo obediens. Gen: 27. **I**acob in baculo suo transit Iordanem. Gen: 32. v. 10.
- Corda-



Cordatissimus Iosue contra Hai civitatem rebellem 7.  
scutum in altum elevat. Iosue 8.

Non iam in somno & visione Iacob, sed in vigilia & 8.  
re ipsâ scalam à terra cælum contingentem, per quam  
homines illuc ascenderent, baiulat. Gen: 28.

Beniamin in Ægyptum deducitur ad eliberandos 9.  
fratres, ex eo. Gen: 43.

Filius Iesse fundam arripit ut Goliath id est diabo- 10.  
lum interficiat. 1. Reg: 17.

Innocens Naboth extra urbem mittitur, ut occidatur, 11.  
& vineâ suâ, imò totâ hæreditate spoliatur. 2. Reg: 25.

David à proprio filio multis plangentibus ex Regia 12.  
urbe pellitur. 2. Reg: 17.

Mitissimus David non fugiens sed pulsus ex Ierusa- 13.  
lem, non ab uno Semei, sed à Principibus Sacerdotum,  
& tota perfida Iudæorum plebe maledicatur, & crebris  
blasphemijs plus quàm lapidibus petitur, acclamanti-  
bus: *Egredere, egredere vir sanguinum, & vir Belial.*  
*Reddidit tibi Dominus &c. quoniam invasisti Regnum*  
*&c. & ecce premunt te mala tua, quoniam vir sanguinum*  
*es.* 2. Reg: 16.

Ecce Eliacim, de quo per Isaiam Dominus ait. c. 22. 14.  
v. 22. *Et dabo clavem domûs David super humerum e-*  
*jus: & aperiet, & non erit qui claudat: & claudet, & non*  
*erit qui aperiat.* Clavem hanc, quæ Crux est, fert hume-  
ris suis, ut paradysum ante clausum nobis aperiat.

Ecce Abimelech hostes expugnaturus non in mon- 15.  
tem Selmon, sed Calvariam, non præcisum ramum, æst  
gravissimam humeris impositam fert trabem, suos adhor-  
tans asseclas: *Quod me videtis facere, c. id facite.* Iudic:  
9. 48. inclamans sæpe militibus suis: *Exemplum enim dedi*  
*vobis, ut quemadmodum ego feci, ita & vos faciatis.* 13. 15.



16.

S. Leo serm: 8. de pass: *Ad irrisiōem* (inquit) *Regiæ dignitatis, iussus est supplicij sui esse gestator.* Et quamvis tam apud Græcos, teste Platone l. 23. de legibus, quàm etiam apud Romanos & Iudæos moris erat, ut ad Crucis mortem damnati, nudi ducerentur, quia sæpe in via verberabantur; tamen qui prius flagellis cæsi fuerant, induti pergebant ad supplicij locum. Vti cum Christo Domino accidit, ut ait S. Marcus. 15. 20. *Et postquam illuserunt ei, exuerunt illum purpurâ, & induerunt eum vestimentis suis: & educunt illum ut crucifigerent eum.*

LXXIV.

### *Ex qua arbore Crux Christi fuit?*

- I. **D**E hac re inter alios Carthagenam hom: 19. lib: 10. varias variorum sententias afferentem reperio. Et inprimis adducit Nicolaum de Lyra ex hist: Scholast: & antiquissimis Hebræis traditionem quandam, cui iure merito non assentitur, exprimit tamen eam his verbis: *Dicitur in historia quòd Regina Saba vidit in domo salu's Libani Salomonis quoddam lignum, de quo vidit in spiritu, quòd in illo pateretur ille, propter quem deficeret Regnum Israël. Quòd cum significasset Salomoni, ipse volens servare durabilitatem Regni, fecit poni illud lignum in profundo terræ iuxta templum, ubi postea in superficie terræ facta est illa piscina, & ideo postea ibi illud lignum apparuit modo prædicto. In quadam verò historia S. Crucis dicitur, quòd Seth filius Adæ ex præcepto Patris iuit ad paradysum voluptatis, unde eiectus fuerat, & petijt ab Angelo custodiēte locum illum de oleo misericordiæ, qui acceptis tribus granis arboris ligni vetiti, dedit ea Seth: & ipse plantavit super sepulchrum Patris sui Adæ, & inde ortæ sunt tres virgule, quæ postea in unam arborem sunt*

sunt con-  
secta, qu-  
tamen qu-  
ta, vel  
sa fuit i-  
venient  
reveren-  
fecerunt  
plum, q-  
rò imm

Præ  
Chron:  
furculos  
in locis  
turam n-  
erit cor-  
ri in co-  
lib: 1. c.  
cupressi  
borem c-  
aliquib-  
quàm se-  
Profect-  
videntu-  
victoria-  
Ierosol-  
quam th-  
palmæ

Qu-  
gust: ex-  
ditam f-  
Crucem



sunt coniuncta. Postea tempore Salomonis illa arbor fuit secta, quia videbatur adificationi templi necessaria, verumtamen quando applicabatur ad opus semper erat nimis curta, vel nimis longa, & ideo tanquam inutilis ad hoc, dimissa fuit iuxta templum in atrio quodam. Homines autem venientes ad templum, illi ligno ceperunt facere quandam reverentiam instinctu Divino, de quo dolentes Sacerdotes, fecerunt illud projici intra piscinam, quæ erat prope templum, quod descendens ad fundum, ibi diu latuit: postea verò imminente passione apparuit modo prædicto.

Prætereo Godefridum Viterbiensem dicentem in 2.  
Chron: p. 14. à filio quodam Nodé, cui nomen Hionto furculos palmæ, abietis & cupressi decerptos, varijsq; in locis plantatos, ex quibus arbor una trium illarum naturam referens excrevit, ex qua postea Crux Domini fuerit compacta. Tum etiam prætermitto Iacobi Gretseri in codice Bibliothecæ Augustinianæ de Cruce tom: 1. lib: 1. c. 6. assertionem de Abrahamo tres furculos pini, cupressi & cedri pangente, qui simili modo in unam arborem coaluerunt. Hæc enim & similia alia diversè ab aliquibus tradita, magis fabularum figmenta redolent, quàm solidum aliquod præbeant veritatis argumentum. Profectò ea maiorem probabilitatis speciem præferre videntur, quæ ab alijs asseruntur. Nempe Crux Christi victoriæ illius trophæum, ex iisdem lignis confecta, quæ Ierosolymam ingredienti à tripudiante populo, tanquam triumphatori fuerunt exhibita. Hæc autem ligna palmæ & olivæ fuisse communis comprobatur opinio.

Quod comprobare videtur Tertull: Ambros: & August: ex duplici arborum genere Crucem Domini conditam fuisse; geminam enim virgæ Moyfis percussione  
Crucem Christi significare August: existimat, dum ait:

Mm2

gemina



gemina percussio duo ligna Crucis significat palmam, scilicet & olivam.

4. Nec defunt aliqui Patres, quorum alij tria, alij verò quatuor genera arboris in Cruce fuisse existimant. Ita Anastasius Sinaita Patriarcha Antiochenus cum pluribus alijs ex cupresso, pino, & cedro confectam Crucem Christi putat. D. Chrysoft: super Isaia c. 60. dum verba Prophetæ explanat. *Gloria Libani ad te veniet, abies & buxus, & pinus simul, ad ornandum locum sanctificationis meæ; & locum pedum meorum glorificabo.* Crucem Sanctam ex tribus hisce lignis constructam arbitratur. Sanctus Bernardus ex quatuor lignis diversis fuisse existimat, cui & Glossa Clementina prima de Trinitate ad stipulatur, quod illo exprimitur versu.

Ligna Crucis sunt palma, cedrus, cupressus, oliva.

5. Ita, ut stirps erectus esset ex palma, lignum transversum ex cedro, truncus suppositus ex cupresso, titulus impositus ex oliva.

6. Verum istas magnæ autoritatis opiniones cum Roberto Cardinali Bellarmino lib: 2. de imaginibus c. 27. & Iusto Lypfio de Cruce lib: 3. c. 13. allegoricas potius atq; emblematicas, quàm verè & genuinas esse sentio. Cujus expositionem luculentam, tum apud prædictum Carthagenam lib: 10. hom: 11. & Lyræum de Imitatione IESV patientis lib: 4. c. 5. tum apud alios aucthores invenies Lector.

Aliqui etiam putabant materiam Dominicæ Crucis fuisse fraxinum, cujus sententiæ veritas quamvis nullâ fulcitur ratione, præclaram tamen mysticam præbet intelligentiam. Inter alias enim qualitates suas ut & Virgil: Eclog: 7. adnotavit *fraxinus in sylvis pulcherrima*, ex qua Achilles hastam ut ait Isidorus habuit, serpenti-

bus



bus etiam ingrata est. Nam facilius in ignem se immit-  
tunt, quam inter folia ejus involvant; ut author est Pli-  
nius l. 19. c. 14. quin etiam & umbram ejus execrantur.  
Est etiam hæc arbor varijs infirmitatibus utilis valde.  
Et priusquam serpentes prodeant flores emittit, folia  
verò ejus non decidunt, antequam serpentes abscondant  
se terris. Quæ pulchrè allegoricè possunt applicari  
Cruci Domini.

Nonnulli opinantur Crucem Domini ex taxo fabri-  
catam fuisse, qui etiam illa verba Ieremiæ 11. *Mittamus*  
*lignum in panem ejus*, per lignum taxum, per panem cor-  
pus Christi intelligunt. Vti Lyra. Glossa, & aliqui Pa-  
tres. Taxus enim venenosa est arbor, unde & toxicum  
derivari alij autumant. Vnde dicendo, *mittamus li-*  
*gnum in panem ejus*, ac si dixissent, affligamus corpus e-  
jus, quod ipse dicit panem. (Ioan: 6. 51. *Ego sum panis*  
*vivus, qui de celo descendi. 52. Si quis manducaverit ex*  
*hoc pane, vivet in æternum: & panis, quem ego dabo, ca-*  
*ro mea est pro mundi vita.*) venenoso & execrando ta-  
xi ligno.

Sed ista omnia uti iam supra innuimus metaphori-  
cè assumenda sunt. In re ipsa verò quæ arbor fuerit as-  
sumpta, in qua vita nostra pependit, & si nemo affirma-  
re genuinè potest, existimant nihilominus multi quer-  
cum fuisse, uti S. Cyprian: S. Eucherius in Gen: 1. 3. c.  
11. Goropius, Becanus Gallicorum l. 5. Alphonsus, Cia-  
conus, Iacobus Bossius, & alij. Nam facilè persuadetur  
inimicos Christi, ut advertit Carthagera, minimè in ex-  
quirendis lignis, maximè pretiosis, ut cupressus, oliva  
&c. ad compingendam Christi Crucem tanquam infamem  
& maledictam diligentes fuisse. Vti S. Gregorius  
Nissenus oratione de Baptismo ait: *Lignum Crucis o-*

*mnibus*



*manibus hominibus salutare est: licet pars sit, ut audio, arboris vilis, contemptioris, quam alie multe sint.*

IO. Accedit & hæc consideratio, quam supra me moratus posuit Carthagera, nempe: Helena Imperatrix Constantini magni Mater in Crucis Christi Inventione, tres simul Cruces reperit: Nec facile quisquam discernere, quænam illarum Christi esset, potuit, nisi Divinâ virtute innotuisset, ut tradit Ruffinus & Sozomenus, atq; communis Patrum sententia. Dicere autem cruces latronum eâdem arborum diversitate & decore distinctas esse, uti supra annotatum nemo sanè audebit. Vnde tam Christi, quàm latronum cruces fuisse ex obvia arbore, quæ facile reperiri potuit factas, censendum.

II. Neq; desunt de quercina arbore Crucem Christi designari figuræ in S. Scriptura 1. 2. Reg: c. 18 v. 9. *Adhæsit* (ait S. Scriptura de Absalon) *caput ejus quercui: & illo suspeso inter calum & terram, mulus, cui infederat, pertransijt.* Quercus hæc Crucis imaginem gessit, (ait Carthagera: ) sicut & Absalon in illa pendens, Christum figuravit. In hoc dissimilis, quod ille pependit Patri honorem erepturus, hic Patri redditurus, personam nostram sustinens, qui instar Absalonis contra Regem Regum, Patrem nostrum rebelles insurrexeramus, ut rectè observavit D. Gregor: Nissen. Perspicuum verò tibi est illud per historiam ostensum ænigma quale sit lignum illud, cujus affixa est malitiæ coma, quam Apostolus *chirographum* peccatorum vocat, prout ait, *& ipsum tulit de medio, affigens illud Cruci*, hoc est ligno. Quercus igitur illa, in qua malitia Absalonis pependit, figura fuit nostræ Crucis, in qua pependit ille, qui cùm insons esset, nostri tamen causâ peccatum & *maledictum factus est*, ut ait Apostolus ad Galat: 3.

**Ad hæc**



Ad hæc accedit, quòd nulla planè sit arbor religiosa 12.  
 magis quàm quercus. Subter illam, quæ erat in Mam-  
 bre Gen: 17. pepigit Deus fædus cum Abraham. Domi-  
 nus peregrini habitu visus: Angeli hospitio excepti, ac  
 tandem ibi circumcisionis præceptum percepit. Iacob  
 Patriarcha Gen: 35. 4. *omnes Deos alienos quos habebant,*  
*& in aures quæ erant in auribus eorum: infodit subter te-*  
*rebinthum, quæ est post urbem Sichem.* Licèt Latinus in-  
 terpres vertat *subter terebinthum*, Originale Hebræum  
 legit *subter quercum*. Idola cum inauribus defodit Ia-  
 cob, ut idololatriæ cultum aboleret. Iosue etiam inter  
 Deum & populum Hebræum fædus innovavit sub quer-  
 cu. Iosue 24. 26. *Tulit lapidem pergrandem, posuitq; e-*  
*um subter quercum, quæ erat in Sanctuario Domini.* Tum  
 & Iudicum 6. 11. *Venit Angelus Domini, & sedit sub*  
*quercu.* Crediderim (inquit Carthagena) non aliâ ratione  
 Deum quondam adeo quercum honorâsse, nisi quia ex  
 quercina arbore Crucem Dominicam conficiendam fore  
 præviderat. Cujus rationes probabiles has ponit.

Primò. Quia hæc arbor nulla magis obvia ac fre- 13.  
 quens in Iudæa.

Secundò. Quia particulæ Crucis, quæ multis in lo- 14.  
 cis asservantur, & religiosè coluntur cum ligno quer-  
 cino mirum in modum conveniunt formâ, colore, for-  
 titudine, & soliditate.

Tertiò. Quia quercus annosa & perennis valde est, 15.  
 unde cum Crucis fragmenta sine carie & teredine per-  
 severent, probabile est ex quercu Crucem fabricatam  
 fuisse.

Quartò. Addit idem author mysticam rationem. 16.  
 Nam olim quercus Iovi dicata erat. imò, ut quidam tra-  
 dunt, antiqui ipsum Iovem quercinum vocabant. Isido-

rus



rus ait quercum dici à quærendo, quia in eis responsa demonum quærebantur. Oseas de idolorum cultoribus a-  
iens c. 4. v. 13. *Super capita montium* (inquit) *sacrificabant, & super colles accendebant thymiana; subtus quercum, & populum, & terebinthum &c.* & Isaias c. 44. v. 14. *Succidit cedros, tulit ilicem & quercum, quæ steterat inter ligna saltûs: v. 15. fecit sculptile, & curvatus est ante illud. &c.*

17. Ex Annalibus etiam Magni Ducatûs Litvaniæ, uti Stryikovius & Koiałowicz testantur, patet ante Fidem Christianam susceptam, Litvanos Deum *Perkunas* dictum, id est, fulminis ac tempestatum præsidem magnâ veneratione coluisse in loco *Swintoroha* (id est sancta area) dicto, ubi Germundus Dux Litvaniæ Swintorohi Patris sui iussu exequens cadaver ejus cremavit, utq; is campus cæteris Principibus cremandis, humanandisq; eorum cineribus sacer perpetuò in posterum esset, constituit; copiosis redditibus sacrificulis attributis, quorum officium erat, ad præscriptos ritus ignem perpetuum quercu & pinu alere. qui si aliquo casu fortè extingveretur, neglectæ aut non ritè procuratæ religiones ipsius sacrificuli exustione expiabantur. Locus ille & nomen & ritus profanos ad Iagellonis principatum retinuit, qui Sacro Baptismo suscepto, Christiano zelo Ethnicorum superstitionibus extirpatis, Ecclesiam Cathedralē Vilnensem erexit, & Episcopatum fundavit, ac locupletavit. Sicq; ubi diaboli fraude & malitiâ abundavit iniustitia, ibi nunc Dei veri cultus viget ac conservatur. Vnde Divinâ sit providentiâ, ut Dei hominumq; communis hostis suismet armis vincatur ac confundatur. Ita sanè & passionis Domini tempore congruum fuit Crucem Christi ex quercu fabricari, ut hâc etiam ratione
- ne

ne in m  
Crucis  
profan  
Ve  
certum  
li nobi  
cem fa  
dato v  
scus d  
incogn  
fera co  
mnes,  
accept  
Cruz  
cum n  
etiam  
4. epist  
sapient  
imposu  
tunc na  
gno vil

Qu

MA  
et  
purpu  
de spi  
thim:



ne in maiorem diaboli ignominiam & Christi gloriam Crucis lignum cederet, & in eodem ligni genere, in quo profanum honorem recipiebat, vincebatq; vinceretur.

Verum ex supradictis facile quisquam fatebitur in-18. certum esse ligni genus, sed ex aliqua obvia arbore ac vili nobisq; haecenus incognita, salutiferam Domini Crucem fabricatam fuisse, non absq; singulari nobis à Deo dato virtutis assequendæ documento, prout S. Franciscus de Sales requisitus quondam, cur Deus hominibus incognitum esse voluerit ligni genus, de quo Crux salutifera compacta fuit? respondisse fertur: ut promiscuè omnes, quascunq; Deus immittere voluerit, indifferenter acceptemus, ne quisquam Christianus dicere ausus fuerit: Crux hæc vel illa non placet, nec amari à me potest, cum neq; ex hoc, neq; ex illo ligno fabricata sit. Quod etiam idem Sanctus exprimere voluit lib: 5. vitæ & lib: 4. epist: 64. de eadem scribens materia. *Osculare (inquit) sæpius cordis suavio Cruces, quas tuis Deus humeribus imposuit, & noli respicere si sint de ligno pretioso aut odore: tunc namq; magis Cruces dicendæ sunt, cum fuerint de ligno vili, fetido & abiecto.*

## LXXV.

*Quare ante Crucis baiulationem Christo chlamys fuit deposita, non verò spinea corona?*

**M**atth: 27. 31. *Exuerunt eum chlamyde, & induerunt I. eum vestimentis ejus*, S. Evangelista de coccinea seu purpurea veste, quâ Christus fuit exutus, clarè insinuat de spinea corona nullam faciens mentionem. Vnde Euthim: ad hunc locum existimat cum chlamyde simul co-



ronam fuisse ablatam. Tamen contraria sententia est vera, stabiliturq; antiquissimâ traditione universalis Ecclesiæ. Nam antiquissimæ picturæ Christum Crucem ba-  
 iulantem, ac in ea crucifixum, spinis coronatum indicant. Patet etenim ex sudario Veronicæ, in quo ejus effigies cum corona spinea cernitur. In hac sententia sunt S. Cypr: serm: de pass: Tertul: lib: contra Iudæos c. 13. Origen: hom: 35. in Matth: ubi ait: *De chlamyde scriptum est, quod denuo spoliaverunt eum chlamyde coccineâ, de corona spinea nil tale scripserunt Evangelistæ, propterea & nos querere voluerunt exitum rei de corona spinea semel imposita, & nunquam detracta.*

2. Suar: t. 2. ad 3. p. disp: 36. sect: 4. ait. Ex parte militum potest reddi ratio probabilis, quia illa vestis purpurea fortasse aliena erat, & fieri potuit, ut proprius Dominus eam recuperare voluerit, quæ ratio in spinea corona locum non habet. Secundò, auferre coronam spineam, erat alleviare dolorem Christi, in mutatione verò vestium nulla erat diminutio doloris, imò poterat esse aliqua accretio, tum ex erubescencia ex nudo corpore, tum etiam ex renovatione vulnerum, quibus vestis adglutinata erat. &c. ac proinde corona spinea non est ablata in eo, nè dolores minuerentur, quos ipsi intendebant augere.

3. Multi contemplantur necessarium fuisse coronam auferri, ut vestis inconutilis indui & exui posset, ac proinde tempore crucifixionis ablatam & repositam fuisse: ut indicat in lib: 1. revel: S. Brigittæ c. 10. quod etiam multi meditantur factum fuisse cum vulnerum renovatione.

4. Origen: ait: *Ego arbitror, quod spinea illa corona consumpta est à capite IESU, ut iam non sint spinæ nostræ*  
 anti-



*antiqua, postquam semel eas à nobis abstulit IESVS per venerabile caput suum. Spinæ illæ nostros errores defectus ac peccata denotabant. Hinc absumuntur à IESV capite, ut fiat evidens, quàm proprium sit illorum, qui Principes ac capita populi sunt, ut errores ac defectus subditorum consumant, ac aboleant, nec permittant, quòd eorum vel vestigia, vel signa appareant.*

*Spinea illa corona consumpta est à capite IESV, ut iam non sint spinæ antiquæ, ait præfatus Origen: Spinæ illæ delicta nostra adumbrabant, quæ visæ in IESV capite universæ mitigari ac aboleri, ut iam spinæ quasi non sint, sed tota illarum acerbitas extingvitur: malum enim, quòd pro nobis IESVS in corpore suo patitur, iam in nobis malum non est, sed totum in bonum transmutatur.*

Potest etiam & hæc esse causa, quare Christus Dominus in sacratissimo capite suo coronam retinuit, nempe, quia corona Deitatem significat. Nam & Ægyptij hieroglyphicè Deum per coronam exprimebant. Et ipse Salvator S. Brigittæ l. 6. c. 4. & 9. in revel: id demonstravit, dicens: *Ego sum Rex coronatus in Deitate mea sine principio & sine fine, nec initium habet corona, nec finem significans potestatem meam, quæ non habuit principium, neq; habet finem. &c.*

Vel etiam iuxta tritum proverbium, *finis coronat opus*. Christus Dominus volens redemptionis nostræ opus ingenti suo amore coronare, in vertice suo coronam retinuit. Nam & S. Dyonis: de Divin: nom: c. 4. personas in Deo exprimens, amore sibi invicem respondentibus, docet amorem Divinum ire in orbem, & esse circum perpetuum. (quòd idem est quòd corona, nam corona circulus est,) quia scilicet à Patre in Filium tendit, inde in Spiritum Sanctum, ab eoq; in Patrem & Filium



redit. Rursum amor Dei ex Deo in creaturas præsertim in homines & Angelos se exerit, eosq; ad Deum redamandum convertit. Deus enim sicut est causa efficiens amoris, sic ejusdem finis. Itaq; Christus coronam in capite retinendo, nos docet redamandum se, ut felici nos coronet sine, qui Deus est.

## LXXVI.

*Cur Christus induitur proprijs vestimentis, dum Cruce onustus ad mortem ducitur?*

1. **R**espondet S. Ambros: lib: 10. in Luc: c. 23. *Induerunt eum (ait) vestimentis suis, quò melius ab omnibus agnosceretur, quia cum facies esset cruentata, nec ei antiquus inesset affectus & decor, non poterat inter duos latrones cruces etiam ferentes facile ab omnibus dignosci.* Induunt eum proprijs vestimentis suis (ait Carthus:) ut ex illis agnosceretur à populo & subscannaretur, ad maiorem ejus ignominiam.
2. Secundò. Vt crucifixo illius vestimenta sibi vendicarent: nam post supplicium iure ad illos spectabant vestimenta eorum qui puniebantur.
3. Tertiò. Idem S. Ambros: ait: *Ascensurus Crucem Regalia ponit vestimenta, scias quasi hominem passum esse non ut Deum: ut enim Deus erat, Regiæ Maiestatis splendorem deponere non poterat.* Non ut Deus ac Rex Regum, & Dominus dominantium, (ait Sylveira) Crucem ascendebat, sed quia homo erat; vel certè cum ad Crucem duceretur, quæ usq; tunc sceleratorum erat, purpurâ exuitur, ut Regiæ Maiestatis decus maneat illæsum. Ne qui Regis ornabatur insigni, sic deiectus, & tanto supplicio, tantâq; ignominia affectus appareret.

Quar-



Quartò. Drog: 1. de pass: Quid est (inquit) quòd 4.  
post illusionem chlamyde exuitur, & suis vestibus rein-  
duitur: quòd sæpe superbus Adam cum per dolorem car-  
nis confinia mortis ingreditur, depositâ elatione ad pu-  
tredinis suæ considerationem revertitur, id est, ut in-  
telligamus, quòd cum Adamus, seu filij Adami ad mor-  
tem properant, omnia ornamenta honoris, dignitatis, ac  
superbiæ exuunt, & ad antiquam humilitatem ac abie-  
ctionem suæ putredinis revertuntur. Sylveira.

Quintò. Quòd purpuram deponens proprijs in- 5.  
duitur vestibus Christus, innuitur nobis in exitu vitæ  
nihil nos posse ferre nobiscum, nisi quæ verè sunt pro-  
pria; hoc est bona nostra opera (adde vel mala) *opera e-  
nim illorum sequuntur illos.* Apoc: 14. 13.

Sextò. D. Hieron: ait: Notandum autem, quòd 6.  
quando flagellatur IESVS, & conspuitur, non habet  
propria vestimenta, sed ea, quæ propter peccata nostra  
sumpserat, cum autem crucifigitur, & illusionis pom-  
pam præterierit; tunc pristinas vestes recipit, & propri-  
um assumit ornatum. Explicat mentem S. Hieronymi  
Sylveira: Cum IESVS illuditur in prætorio, exuitur  
proprijs vestimentis, & vestis coccinea, quæ nostrorum  
peccatorum præferebat insigne, circumponitur ei; cum  
autem ad crucifigendum ducitur, pristinas vestes, id est  
proprias & innocentia suæ induit: quia in prætorio Sa-  
cerdotis munus non agebat, & inde ex alto Divino con-  
silio permittetur ei chlamys insigne peccatorum; at ve-  
rò cum ad Crucem tendit, ut Sacerdos ad offerendum  
sacrificium depositâ peccatorum veste suæ propriæ in-  
nocentia assumit, ne vel minimâ peccatorum umbrâ in  
chlamyde designata Sacerdotij dignitas deturparetur.

Septimò. Vt Christus Dominus deferat Crucem, 7.  
exuit



exuit vestimenta, quæ Herodes dedit, quæ Pilatus: & proprijs vestibus induitur, quæ totius puritatis ac sanctitatis præferebant typum; ut ergo quis Crucem Christi deferat, exuat mores mundanos, & virtutes omnes assumat, patientiam, humilitatem, & puritatem, quæ sunt Domini vestimenta.

8. Reliquas rationes apud eundem Sylveiram reperies. Matth: *Induerunt eum vestimentis ejus.* &c. Resumpsit simul cum trophæo Crucis vestimenta sua, ab illis abiturus ad mortem, ut ea simul cum morte exueret. S. Athanas: de pass: & Cruce Domini.

LXXVII.

*Quàm magna & gravis fuerit Christi  
Cruce, quàm longum & molestum Chri-  
sto præ cruciatibus iter?*

1. **Q**uestionem hanc paucis at pro more suo ponderosis S. August: explanat verbis: *Crucem gestabat pondere gravem, itinere longo; grave quidem pondus corpori, sed leve charitati.* Profectò Crux, quam baiulabat Christus gravis fuit, nam iuxta communem Authorum sensum 15. palmos altitudinis, latitudinis, (id est lignum transversum) 8. palmos habuisse censetur, crassitudinis verò tantæ, ut magno viro sustentando apta fuerit. Accedit etiam arboris firmæ ac robustæ uti quercus (sicut superius insinuavimus) naturale pondus. Ob quam causam Thaulerus de pass: & Blossius asserunt Christum Dominum in sinistro humero ex hac Crucis asportatæ gravitudine magnum, profundum, ac doloriferum vulnus contraxisse, ut inter omnia ejus vulnera gravissimum ac molestissimum extiterit, magnamq; sanguinis copiam effuderit.

*Gravis*

Gr  
erat cada  
qui iam  
non iam  
patibuli  
quàm inh  
dem pri  
labantib  
minùs ig  
ponderis  
dedecor  
meris to  
tus succu  
su humil  
conspu  
nunc tan  
is obfess  
bona sec  
quebatu  
princip  
um iam  
Adest in  
victoria  
eum. Pr  
Pra  
causam  
excitab  
natores  
getio l.  
quando  
duci sol  
nicibus



*Gravis*, nam ut disertè Lyræus describit vix super- 2.  
erat cadaveri anima ægrè retenta, cùm statim semivivo,  
qui iam ipse pondus erat (iniecto ad collum fune, quo  
non iam duceretur, ast traheretur) imposuere immanem  
patibuli machinam, ut suam ipse mortem priùs ferret,  
quàm inferretur: & à qua Cruce mox erat tollendus, eâ-  
dem priùs opprimeretur. Pergit idem. Cogitur itaq;  
labantibus ac pene intermortuis artubus ferre lignū non  
minùs ignominia exitiale, quàm pondere; ut quantum  
ponderis magnitudine premeretur in corpore, tantum  
dedecoris acerbitate in animo cruciaretur; & cuius hu-  
meris totus mundus incumbit, suis ipse viribus destitu-  
tus succumberet Cruci. Incedebat submisso vultu, inces-  
su humili, fatigatus & anxius, quippe qui totâ nocte  
consputus, illusus, flagellatus fuerat & oppressus. Vadit  
nunc tandem ad ferale iugum, prodiq; extra urbem su-  
is obsessam criminibus Patris Sapientia, & quidem omnia  
bona secum portat, hoc est Crucem. Locò Præsidis, se-  
quebatur Centurio cum militibus suis; nec Sacerdotum  
principes & seniores populi abesse voluerunt, donec e-  
um iam suffixum Cruci ac deniq; mortuum vidissent.  
Adest ingens Iudæorum caterva manibus plaudens, &  
victoriam suam concrepans: *Euge, euge, devoravimus*  
*eum*. Psal: 34. 25.

Præco ante illum valenter inclamabat, mortis ejus 3.  
causam evulgans; ut cunctis innotesceret: ad quod eos  
excitabat & convocabat buccinâ, quæ præibat. Buccin-  
atores enim adfuisse probabile est. Teste namq; Ve-  
getio 1. 2. c. 22. & Tacito 2. annal: constat Romæ, si  
quando in caput civis Romani animadvertebatur, reum  
duci solitum per portam Exquilinam, ac buccinas à cor-  
nicibus fuisse inflatas.

Addit



4. Addit Petrus Faber l. 2. semestr: c. 8. tintinabulâ pulsari solita cum damnati ad supplicium educerentur, ut eorum tinnitu admoniti populares à fortuito, sed tamen ominoso vel carnificis potius, vel etiam damnati hominis contactu abstinerent, ne incauti polluerentur. &c. Hæc apud Lyræum, interiectis aliquibus ex Sylveira. Ex his circumstantijs in Crucis baiulatione grave Christo pondus fuisse quis neget?

5. Quod verò ad itineris longitudinem spectat, dimensus eam Christianus Andrichomius in Theatro suo terræ sanctæ, in descript: Ierusal: n. 118. Certè constat à Palatio Pilati usq; ad eum locum, ubi Crux rupi infixâ fuit, esse gressus mille, trecentos, viginti & unum, sive aliâ supputatione pedes tria millia trecentos tres.

6. Incipiens Dominus à palatio Pilati per viginti sex gressus ei composita est Crux, baiulansq; Dominus Crucem per 80. gressus, ibi primùm cum Cruce cecidisse traditur. Idem statim pro 60. gressus ad locum venit, ubi Sacratissima Virgo MARIA cum Ioanne Filio suo IESV occurrit. Hinc autem per 71. gressus ad quoddam trivium, ubi Simon Cyrenæus Crucem post portare coactus est. Isthinc per gressus 191. & semipedem ad locum accessit, ubi ipsi Veronica occurrit. Atq; illinc per 336. gressus, & duos pedes; ad portam iudiciariam venit, ubi rursus cum Cruce lapsus est. Deinde verò arduâ, saxosâ, atq; paulatim ascendente viâ versus Septentrionem processit per 348 gressus, & duos ad bivium quoddam, ubi mulieres plorantes allocutus est. Ac isthinc continuò per 161. gressus, & sesquipedem ad radices montis Calvarix, ubi ultimò cecidit. Deinde ulterius per 18. gressus ad locum venit, ubi carnifices ipsi vestes extraerunt: ubi & vino myrrhato felle mixto potatus est.

De hinc

De hinc  
inde p  
Cruce

Ex

Domin

tem C

quia h

li, mor

ci igit

P

perinis

(Chri

liqua e

quidem

P

ritati.

lum q

etissim

tius, q

E

ram D

Subdit

rò cum

tabat

ceâ vu

gere p

rum c

corpor

P

s. n. 3

sui am

Cruce



De hinc per 12. gressus, ubi clavis Crucis affixus est. Deinde postremo per 14. gressus ad locum venit, ubi de Cruce pendens in foramine rupis Calvariae fixus est.

Ex hac Andrichomij relatione constat Christum 7. Dominum pondere Crucis gravatum in ardua ad montem Calvariae via, ter cecidisse. Ascetici dant rationem, quia homo tripliciter ceciderat: scilicet peccato originali, mortali, & veniali. Vel, corde, ore, & opere. Triplici igitur lapsu Christus à triplici nos elevat casu.

Potest igitur quisq; affirmare, quòd D. August: su- 8. perius citatus asseruit. videlicet, quòd *Crucem gestabat* (Christus) *pondere gravem, itinere longo*. Sed restant reliqua ejusdem S. Doctoris explananda verba: *Grave quidem pondus corpori, sed leve charitati*.

Profectò onus illud per se gravissimum leve fuit cha- 9. ritati. Tardius incederet (inquit Lyræus,) nisi patibulum quasi pennâ penarum & alâ charitatis aptatâ, sanctissimis humeris molem excruciatî corporis veheret potius, quàm veheretur.

Exodi 28. v. 12. *Portabit Aaron nomina eorum co- 10. ram Domino super utrumq; humerum*. D. Hieron: ait. *Subditi portantur in pectore cum amantur, in humeris vero cum illorum onera feruntur*. Christus Dominus portabat nos pectore & humeris eximio amore: Pectus lanceâ vulneratum, in quo quisquis homo suum nomen legere potest. Humeri Cruce, id est peccatorum nostrorum onere gravati. *Qui peccata nostra ipse pertulit in corpore suo super lignum: 1. Petri 2. 24.*

Pulchrè hunc sensum exprimit Sylveira quæst: II. 5. n. 35. *Humeris suis baiulat Crucem ad ostentationem sui amoris erga genus humanum, nam omnes nos in illa Cruce ferebat.*

Oo

Cum



12. Cū Moyses maximē gravaretur regimine populi Israël, ait ad Dominum: *Cur afflixisti seruum tuum? & cur imposuisti pondus universi populi huius super me? & addit. Nunquid ego concepi omnem hanc multitudinem, vel genui eam, ut dicas mihi: Porta eos in sinu tuo.* Num: 11. 11. & 12. At Christus IESVS non queritur de hac sui afflictione: Nam ipse nos genuit, ac regeneravit sanguine suo in spem vivam æternæ vitæ, & ideo ipse nos portat in sinu suo, ac humeris suis in amplexu suo. Sic ait ipse per Isaiam 46. 4. *Ego feci, & ego feram: ego portabo, & salvabo.* Deut: 32. 6. *Ipse est pater tuus, qui possedit te, & fecit, & creavit te.* S. Ambros: l. de bened: Patriarch: c. 4. *Subiecit (ait) humerum suum ad portandum subiciens se Cruci, ut nostra peccata portaret.*

13. D. Cyrillus l. 12. in Ioan: c. 28. *Crucem portat Christus (inquit) non sibi, sed nobis transgressoribus per legem debitam.* Et tamen Ioannes Evang: scribit, *baiulans sibi Crucem.* Illud sibi maximē expendendum est præ eximio amore erga homines. Sic pro omnium salute Crucem portabat veluti si propriæ suæ utilitati, non nobis, sed sibi laboraret. Vnde Hug: de S. Viç: *Sibi vadit, (ait) quia singularis amor est, quo homines prosequitur.*

14. Hic etiam subiungi potest, quod Sylveira observat. Supponendum (ait) quod Crux dupliciter potest considerari. Primò, ut exprimit beneficium nostræ redemptionis, in qua deletum est chirographum delicti quod erat contrarium nobis. Secundò, modò prout ipsa Crux exaltata, vibrat ac fulminat damnationis sententiam in impios. Vnde S. Matth: c. 24. 30. ait. *Tunc apparebit signum Filij hominis in celo: &c.* Crucem ergo eo latere, quo nostra salus ac redemptio est hominibus singulari præstitum beneficium, ab infantia tanquam dulce o-



291

nus Christus portavit, potioremq; ejus partem moriturus libens humeris baiulavit. In negotio enim nostræ salutis nullus ope indiget, ipse omnia per se ipsum præstat & solvit. At verò Crux ex ea parte, quâ damnationis sententiam in impios profert ac evulgat, sic gravis & ponderosa extitit Christo, ut ad ipsam posteriorem Crucis partem, (quæ vindictam in sceleratos præfigurat) erigendam multum fatigatus est Christus, ita, ut ipsi met scelerati quærant & sollicitent, ut suæ miseræ damnationis pondus extollant, Divinæq; iustitiæ sententiam in se ipsos negotientur. *Tunc apparebit signum &c. & tunc plangent omnes tribus terræ:* Matth: 24. 30.

LXXVIII.

*Quare Christus dum erat robustior non portavit Crucem, sed cum lassus fuerit viribus ob cruciatus?*

**E**Xistimarem id factum esse à Christo Domino, ut nos 1. edoceret tum vel maximè arripiendam suscipiendamq; ejus Crucem, cum nos variæ pulsant & debilitant adversitates, quæ e: si pondere suo aggravant corpus, ad sufferendas tamen eas alacrem debent reddere animum. Prout Apostolus 2. ad Corinth: 12. 10. ait. *Propter quod placeo mihi in infirmitatibus meis, in contumelijs, in necessitatibus, in persecutionibus, in angustijs pro Christo: Cum enim infirmor, tunc potens sum.* Quod dum fusiori exhibere cogito sensu, aliam hac in quæstione reperio Patris Druzbicki resolutionem.

Venit in mentem mirari (ait ille Strom: § 132. n. 17.) 2. ac simul quærere; cur Dominus Crucem baiulandam assumat & non eam ab initio statim dum robustior & in-



tegris viribus membrisq; esset, assumpserit. Hujus ordinis illa congruentia occurrit, quia in Cruce sciebat positas esse totius mundi iniquitates: his autem immensum & incomparabile sciebat pondus inesse: propterea antequam vel tam ponderosam gravatamq; Crucem super humeros tolleret, vel cum eadem ita onasta in contentionem de ponderis magnitudine veniret: placuit illi (Isaia 53. 3. prius opprobrijs saturari, patientiâ saginari, panis satiari, virum ac Regem dolorum fieri, ut ita his omnibus partim validior robustiorq; partim onustior ponderosiorq; factus par esset Crucem tum portandæ, tum præponderandæ. Quantum pondus insit, non dico omnibus totius mundi peccatis, sed vel unico actui peccati, satis hoc Dominus ostendit in illa descriptione casus diaboli Luc. 10. 18. *Videbam (inquit) satanam sicut fulgur de celo cadentem.* Vtiq; nulla vis fuit præter immane peccati pondus quod Angelos de celo in infernum in puncto descendere, delabi, decidere fecit. Quod etiam expressum voluit Apostolus. 2. Petri 2. 4. *Deus angelis peccantibus non pepercit, sed rudentibus inferni detractos in tartarum tradidit cruciandos, in iudicium reservari.* Nec dispar pondus in Adæ peccato, cui unico sustinendo tota natura humana impar fuit &c. Si ergo duorum peccatorum tantum est pondus, quantum omnium peccatorum, quæ à tot hominibus patrata sunt usq; ad finem mundi ab initio. Vnde Isaia 53. 6. inquit: *posuit Dominus in eo iniquitatem omnium nostram.*

3. Quod clariùs ex eodem Propheta elucidatur, dum peccata per Antonomasiâ vocat onus. Sic c. 13. ait:
4. *Onus Babylonis*, hoc est (inquit Carthagena) superborum, qui altiora dignitatum cacumina, quam fuerit turris Babel, conscendere anhelant.

Onus



*Onus Meab* c. 15. parentum scilicet qui ob locu- 5.  
pletandos filios graviter conscientiam sauciant.

*Onus Damajci* c. 17. eorum, qui pauperum sangvi- 6.  
nem fugiunt.

*Onus in Arabia* 21. 13. insidiantium nimirum, quia 7.  
Arabia insidians interpretatur, qui ferarum more inimi-  
corum vindictam mille modis tentant.

*Onus Vallis* c. 22. hoc est libidinosè luxuriantium, 8.  
qui per valles ea propter significantur, quia sicut in val-  
les decidunt sordes & longius à cælo distant, ita ad li-  
bidinis morbo laborantes iniquitatum fæces confluunt,  
& à Regno cælesti longè absunt. (Vt ait Apostolus 1.  
Corinth: 6. 9. *iniqui Regnum Dei non possidebunt.*) Flura  
reperies apud eundem Carthagenam lib: 10. hom: 19.

David antequàm cum Goliath in pugnam descen- 9.  
deret, multis se exercitabat duellis, ut ipse coram Saule  
Rege Iudæorum exponit. 1. Reg: 17. 34. *Pascebat servus  
tuus Patris sui gregem, & veniebat Leo, vel ursus, & tol-  
lebat arietem de medio gregis: 35. Et persequabar eos, &  
percutiebam, eruebamq; de ore eorum: & illi consurgebant  
adversum me, & apprehendebam mentum eorum, & suf-  
focabam, interficiebamq; eos. 36. Nam & leonem & ur-  
sum interfeci ego servus tuus: erit igitur & Philistæus hic  
incircumcissus quasi unus ex eis.*

Sic IESVS Athleta invictissimus capitalissimum hu- 10.  
mani generis hostem debellaturus velitationis quasi gra-  
tiâ præmittit insignia roboris sui in sufferendis tam a-  
trocibus cruciatibus experimenta, ut fortem se esse in-  
vincendo hoste demonstraret.

Concludam cum Patre Druzbicki: Tanto ergo pon- 11.  
deri & supportando & præponderando in redemptionis  
nostræ valore meritorumq; suorum pretio Christus Do-

minus



minus par ut esset, tot illas passiones ante subiit, antequam Cruci humeros subiecit.

## LXXIX.

*Quisnam fuerit Simon, quem angariauerunt ad portandam Crucem Christi?*

1. **H**ominem gentilem fuisse tradunt communiter veteres auctores. D. Hilar: Hieron: in Matth: Ambros: in Luc: Leo serm: 8. de pass: idq; factum dicunt ex magno mysterio ut significaretur non Iudæos incredulos, sed gentes in Christum credentes, & Fidem & Crucem Christi amplecturas. E contra verè Maldonat: Iansen: Tyrin: Menoch: Estius existimant fuisse natione Iudæum: Nam Simon nomen est Iudaicum. Nec obstat quòd natus esset in Cyrene urbe, nam Iudæi valde dispersi erant per orbem. Sed fortè fieri potuit ut in Iudæam veniens factus sit Profelytus & in Iudæorum religionem unà cum nomine transierit.

2. Certum tamen est quòd Simon à Deo illuminatus est, & ad Fidem Christi conversus, virq; magnus fuit virtute ac sanctitate. De eo hæc habet Braulius sive Helecas in additionibus ad chronic: Maximi. *Venit cum filijs Simon in Hispaniam comitatus S. Paulum, ubi prædicavit, quæ prius audiërat comitatus S. Iacobum, & ibi prædicavit tunc: quem dicitur consecrâsse cum alijs S. Petrus in Episcopum, obiisseq; Ierosolymis. Colitur 1. Decembris.* Similiter Luc: Dexter in chron: ad annum Christi 112. n. 12. *Simon (ait) nè fraudaretur de bitâ mercede portatæ post Christum Crucis, post multa bona opera Ierosolymis placidè quiescit.* Biuarius tenet hunc Simonem esse illum, qui niger dicitur, sociusq; fuit Pauli ac Barnabæ. Act: 13. l.

Meruit



Meruit Simon quoddam Crucem Domini portasset ut ipse, 3.  
 & filij ejus per Crucem Domini servarentur vocati ad  
 Fidem ac gratiam Dei. Filij ejus illustrissimi in Ecclesia  
 Dei. Nam Rufus Episcopus fuit primò Thebarum, de-  
 inde Dertosæ sive Tortosæ in Hispania, proindeq; Ec-  
 clesia eum celebrat 12. Novembris, de eoq; facit mentio-  
 nem S. Policarpus in epist. ad Poliponem, cumq; beatif-  
 simum appellat. Alexander alter filius Simonis & frater  
 Rufi ponitur in Martyrologio ab Adone & Beda die 11.  
 Martij. De utroq; mentionem facit Luc: Dexter ad an-  
 num Christi 112. n. 10. & Braulius sive Helecas citatus.

Theophylactus inquit. *Ille autem potest fieri subditus 4.  
 Christi ut tolleret Crucem suam, qui virtutis operarius est,  
 qui venit à villa relinquens mundum & ea, quæ sunt in  
 mundo, & ad Ierusalem supernam & liberam tendit.*

D. Paschas: 1. 12. in Matth: Ipse Simon vocatur, 5.  
 (ait) quod interpretatur obediens. Hic post IESVM Cru-  
 cem portare festinat, obediendo promeruit ut tanto dignus  
 munere esset.

Simonem gentilem fuisse ex mente SS. Hilarij, Hie- 6.  
 ronymi, & Ambrosij, paulò ante insinuavimus, quo si-  
 gnificabatur fidei gentium relictum esse passionis li-  
 gnum portare & crucifixo compati Crucem IESV su-  
 scipiunt nationes, & peregrinus obediens portat ignomini-  
 am Salvatoris. Simon enim idem est quod obediens.  
 Durâ cervice & incircumcisis cordibus Iudæi indignos  
 se tanto honore exhibuere. Gentibus igitur in Simone  
 repræsentatis hoc perficiendum erat, uti Paulus & Bar-  
 nabas Iudæis exprobrabant Actori: 13. 46. *Vobis oportebat primum loqui verbum Dei: sed quoniam repellitis il-  
 lud, & indignos vos indicatis æternæ vitæ, ecce conver-  
 timur ad Gentes. &c. v. 48. Audientes autem Gentes  
 gavise sunt, &c.*

Nec



7. Nec prætereundum est, quòd idem Simon de villa venisse fertur: Villa enim Græcè *Pagos* dicitur. Unde Paganos appellamus eos, quos à civitate Dei alienos (ait Carthagena) & quasi urbanæ conversationis videmus esse expertes. Sed è pago Simon egrediens Crucem portat post IESVM, cum populus nationum paganis ritibus derelictis vestigia Dominicæ passionis obedienter amplectitur.
8. Considerandum etiam quòd nec in civitate, nec indigena illius, ad ferendam Christi Crucem fuerit adhibitus; sed ex urbe exeunti Domino de Villa Simon occurrit ad tollendum onus. Civiles enim & exculti minus ad ferenda onera, quàm simplices & villani, sunt apti.

LXXX.

*Quare Christus in Crucis baiulatione  
non verò in alijs cruciatibus  
adiutorem admisit?*

1. **R**atio superius insinuata est, quòd cum milites ac Iudæi maximè festinabant ut IESVM Cruci affigerent, ille verò ex tot itineribus, vigilijs & plagis extremè fatigatus properare non poterat, imò aliquando ceciderat, quem crepidis, fustibus assurgere cogebant & trahebant. Experti iam viribus Dominum deficientem timendo, nè vitam prius exspiraret, antequam in Calvariam devenisset; non ex commiseratione & pietate, sed ex summa malitia & crudelitate Simonem angariaverunt, & coegerunt iuvare in ferenda Cruce gravioribus cruciatibus, doloribus ac ignominiosissimæ morti Christum conservando.
- Sapientia 2. 22. *Morte turpissimâ condemnemus eum.*

D. Athanas:



**D. Athanas:** serm: de Cruce sic ait. Rursus autem 2.  
gestabat eam Simon homo; ut in hominibus notum fie-  
ret quodd non suam ipsius sed hominum mereretur Do-  
minus.

Latrones suorum criminum & scelerum cruces ipsi 3.  
asportabant & cum propriæ essent, inde tam gravi pon-  
dere non premebantur: At Christus non propriam, sed  
alienam nempe nostrorum omnium peccatorum aspor-  
tabat, ideo valde onerosa & multi ponderis erat, in-  
de de alio comportitore fuit providendum. *Sylveira.*

Sed quare in consortium baiulationis Crucis suæ 4.  
Simonem admisit? Respondet Lyræus, ut nobis relin-  
queret crucifixionis exemplum. *Remansit,* (inquit Gre-  
gor:) *quia non omnia nostra Christus explevit. Per Cru-*  
*cem quidem suam omnes redemit, sed remansit, ut qui re-*  
*dimi & regnare cum eo nititur, crucifigatur.* Hoc profe-  
cto residuum viderat, qui dicebat: *Si sustinebimus, &*  
*conregnabimus:* 2. *Timoth: 2. 12. Et adimpleo ea quæ de-*  
*sunt passionum Christi, in carne mea, &c. Coloss: 1. 24.*

Origenes hom: 35. in Matth: inquit. Non solum e- 5.  
um conveniebat accipere Crucem suam, sed & nos conve-  
niebat portare eam salutarem nobis angariam adimplentes.

**D. Paschas:** ait l. 12. in Matth: *Congruè quidem sa-* 6.  
*tis, quoniam IESVS pro nobis eam portavit, tum demum*  
*in via eam ferre nobis necesse est.*

Sebastianus Barradius Crucis à Christo translatio- 7.  
nem in humeros Simonis factam esse ait, ut nimirum in-  
telligamus, non esse satis ad salutem consequendam  
Christum nobis Crucem portasse, sed insuper oportere  
nos eam post Christum ferre, iuxta illud Matth: 16. 24.  
*Si quis vult post me venire, tollat Crucem suam, & se-*  
*quatur me.*

Pp

Portat



8. Portat Simon Crucem post IESVM. Sciebat IESVS post neminem alium portari debuisse, aut potuisse Crucem, nisi post se. Ideo ipse & portavit prior, & prævit portanti post se: ut nemo subire recusaret, quod Dominum suum sui causâ subijsse conspiceret. P. Druzbicki § 134. n. 4.

LXXXI.

*An solus Simon Crucem Domini portavit, an verò adiuvit tantum Christum in ea asportanda?*

1. **I**ntegram Crucem ex humeris Christi in Simonem translata fuisse multi sentiunt Patres. S. Leo serm: 8. de pass: ait. *Simon verò quidam Cyrenæus inventus est, in quem lignum Crucis transfertur à Domino.* Similiter D. Athanas: serm: de pass: D. Hieron: Euthim: Theophil: quos sequuntur Soarius, Barrad: Cornel: à Lap: & fundantur, quia hoc simpliciter S. Matthæus & Marcus indicant: *angariaverunt, ut tolleret Crucem ejus.* Ratio hujus sententiæ est, quia Christus maximè erat defatigatus & exangvis tot cruciatibus: Vnde & lentius incedebat interdum cadendo. Iudæi verò cupiebant quàm citissimè eum in Cruce affixum mori, nè aliqua interim in populo seditio fieret, cùm dies festus magni Sabbathi imminebat.

2. Alij verò Simonem adhibitum fuisse asserunt, ut simul cum Christo Crucem portaret. Ita Baron: tom: 1. ad annum Christi 34. n. 94. ait. *Cogitur Simon Cyrenæus altera ex parte eandem Crucem post IESVM portare.* Eum sensum & Caiet: in 23. Luc: tenet: *Imposuerunt (inquit) Crucem Simoni ut portaret illam post IESVM.* Chri-



*Christus enim ferebat illam in anteriori parte, Simon verò in posteriori, & ita ibat post IESVM. Quod etiam in antiquissimis picturis universalis Ecclesiæ videndum est, in quibus Simon à parte posteriori Christum adiuvans in ferenda Cruce depingitur. Aliàs si Simon solus portaret Crucem, videretur ipse crucifigendus, & non IESVS. Patres verò illi, quando dicunt quòd lignum Crucis transfertur à Domino in Simonem, intelligitur non totaliter, sed ex parte aliqua.*

Matth. 27. 32. & Marci 15. 21. *Angariaverunt prætereuntem quendam Simonem Cyrenæum, venientem de villa, Patrem Alexandri & Rufi, ut tolleret Crucem ejus. Ita, ut Simon Cyrenæus non portaret totam Crucem, sed solum adiuvaret Christum in ea ferenda, ut vult Caietanus. Sed cur Simon totam Crucem non fert manibus, sed tantum in ea ferenda Christum adiuvat? Nam si Christus tot verberibus plagis ac spinis fatigatus multum erat, cur Crucis pondus totum ad Simonem non transfertur? Alto consilio res hæc est disposita. Solebant victores in illustri ac magno triumpho victoriæ trophæum proprijs manibus gestare: hinc ordinatum est D. Christum gloriosissimum Triumphatorem, ut S. Athanas: oratione de passione Domini expressè ait, *Victorem iam triumphantem de diabolo non alteri concedere, sed sibi suum trophæum gestare.**

S. Leo ferm: 8. de pass: *Manifestabatur (ait) fidelibus grande mysterium: quia gloriosus diaboli Victor pulchra specie triumphi sui portabat trophæum.*

Ad punctum hoc n. 3. quare Christus nec ipse solus, nec Simoni totam Crucem baiulare permittit? congruè videtur addi, quòd Salvator noster sæpissimè ad imitationem sui, & præcipuè in portanda Cruce, nos invitet:

Pp2

Et ut



Et ut alia nunc intermittam loca, sufficit insinuare illud:  
*Luc: 9. 23. Si quis vult venire post me, abneget semetipsum, & tollat crucem suam quotidie, & sequatur me.* Et quoniam benignissimus Dominus non Phariseorum & Seniorum populi Iudaici more, qui alijs onera imponendo ipsi à supportatione eorum declinabant, *Matth: 23. 4. Alligant enim onera gravia, & importabilia, & imponunt in humeros hominum: digito autem suo nolunt ea movere.* Ideo prius in se exhibuit exemplum suis asseclis imitandum, prout testatur. *Act: 1. 1. capit IESVS facere, & docere.* Ex hac occasione formatur quaestio.

## LXXXII.

*Quomodo Christus invitat nos ad portandam Crucem suam? & quomodo ea nobis baiulanda est?*

- I. **C**um Pater æternus Unigenitum suum in Ducem & Præceptorem nobis dederit, (ut *Isai: c. 55. v. 4. testatur. Ecce testem populis dedi eum, Ducem ac Præceptorem gentibus.*) Debemus certè illius sequi vestigia ac exempla ad quod nos ipse invitat Salvator *Matth: 16. 24. Si quis vult post me venire, abneget semetipsum, & tollat crucem suam, & sequatur me.* Et *Matth: 10. 38. Qui non accipit crucem suam, & sequitur me, non est me dignus.* Et iterum *Luc: 9. 23. Si quis vult post me venire, abneget semetipsum, & tollat crucem suam quotidie, & sequatur me.* Vbi grandem clementiam, grandem benignitatem Conditoris considerat D. Thom: à Villanova, & cum Apostolo inquit. *In veritate comperi, quia non est persona: um acceptor Deus.* Hoc est, quod ait: *Si quis vult post me venire, omnes invito, neminem abijcio, cujuscunq;*



jus cunctis, sortis, status, vel conditionis existat, five ludæus, five Græcus, five Latinus, &c. five senex, five puer, &c. five nobilis, five ignobilis, &c. *Si quis ergo vult post me venire*, neminem ego, neminem abijcio, suo hoc arbitrio, & voluntati relinquo, non accepto coacta servitia, neminem patior mihi servire invitum. Et interiectis paucis idem Sanctus prosequitur alloquendo Christum. Non blanditijs ad te allexisti homines, ô bone IESU, non promissionibus vacuis extraxisti, promittens illis solatia, & gaudia, voluptates & opes hujus sæculi, ad labores, ad persecutiones, ad asperitates, & mortes advocasti eos: non bello cogens, sed verbo monens. Non sic alij, non sic. Quid mirum, si brevi tempore dimidium post se orbem pessimus Mahometus convertit, laxando fræna vitijs, & voluptatibus perfruendi licentiam dando; non verbo, sed gladio invitos cogendo. Tu autem Domine non sic, sed quid ais? *Si quis vult post me venire*, invitas, non trahis: vocas, non cogis: allicis, non impellis: &c.

Non satis est tibi ô Christiane, abnegare te ipsum, 2.  
nisi etiam crucem tuam tollas, non sufficit abijcere quod delectat, nisi etiam amplexus fueris quod cruciat. Abijce gaudia sæculi, & omnia corporis blandimenta contemne, & abnegasti te. Sed hoc amplius à te Christus requirit, ut scilicet pro ejus amore labores sustineas, injurias tolères, famem, sitim, nuditatem, anxietatem, dolores, & si opus est etiam mortem atrocissimam patiaris. Hæc est crux, sine qua nemo militat Christo, hæc enim ejus militiæ signum est, sine hac Christi militiæ nullus ascribitur, hoc signo dux ipse signatus est, hoc etiam signatur & miles.

Hoc etiam idem Sanctus exponit quod **Cruz Christi** 3.



si puro homini sit intolerabilis, ideoq; Dominus suam-  
cuiq; portandam præcipit dicendo: *tollat crucem suam*,  
nam meam non poterit, gravissima est enim & pondero-  
sa, & quam nullius puri hominis humerus portare susti-  
neat: Non meam iniungo, sed tollat suam levem, faci-  
lem, portatilem, & quæ non virili humero sed manu so-  
lâ portari queat, &c. Inducit idem Sanctus Christum  
alloquentem: Non peto sanguinem à te ô Christiane  
miles, non vulnera, non tormenta, non spinas & ver-  
bera, quæ pro te ipse passus sum: Age pænitentiam pro  
peccatis tuis, & sufficit mihi, &c. Si meam imponerem,  
sustinere utiq; debuisses, debes enim mihi vitam tuam,  
quoniam pro te exposui meam, sed melius tecum ago:  
Tolle crucem tuam, & satis est mihi.

4. Sed neq; abhorrenda est etiam Crux Christi, (uti ait  
religiosissimus Pater Druzbicki,) nam est in manibus IE-  
SV. Nemo illam formidet, quòd in ea severum fuit, à  
Christo exhaustum est, & in Crucis inimicos totum ef-  
fufum vel conversum, quod autem remansit in Cruce,  
totum est dulcedo, totum honor, totum utilitas, totum  
robur, totum pietas, totum salus, totum vita, totum bea-  
tudo. Crux fuit Crux, mors, probrum, stultitia, ma-  
ledictum, sed ab olla mortem expulit Elisæus noster fa-  
rinulâ suâ; dulcoravit Crucem contactu corporis sui, ba-  
iulatione suâ. Eam ob rem commodè dicit Evangelista  
baiulasse Crucem sibi, nam nobis non Crucem baiula-  
vit, sed salutem. Bonus Dominus ita partitus est, ut  
Crucem, dolorem, ignominiam baiularet sibi; salutem,  
pretium, redemptionem nobis.

5. Nihilominus tamen & si Christus Salvator omnem  
Crucis duritiem emollivit, acerbitem dulcoravit, in-  
honestatem & opprobrium honestavit, ideoq; ad portan-  
dam



dam eam suavissimè incitat invitatq; tollat crucem suam, & sequatur me. Non omnes obediunt voci ejus. Nam ut D. Bernardus à præfato S. Thom: à Villan: citatus ait: *Quidam Christum fugiunt, quidam præcedunt, quidam sequuntur, sed non assequuntur; quidam sequuntur, & assequuntur.* Quod luculenter idem Sanctus à Villan: exponit concione 3. de uno Martyre.

Fugiunt à Christo illi, de quibus Psal: ait Ps: 118. 6. *Maledicti qui declinant à mandatis tuis.* Et iterum Ps: 72. *Ecce qui elongant se à te, peribunt.*

Præcedunt hi, qui magistrorum sententijs suas præferunt, quorum imaginem tenuit Petrus Matth: 16. Christo inconsultè consulens: *Absit à te Domine.* Cui Dominus: *Vade post me satana,* quid præcedis? Quo nomine sic acriter increpatus est, ut noverint cujus membra sint, qui philosophico supercilio non sequi Spiritum Domini, sed anteire suis sensibus in Ecclesia conantur.

Præmisit idem S. Thom: à Villan: paulò ante superius quòd aliqui propriæ scientiæ confidendo, non iam sequi, sed præcedere Christum præsumant, nec monitum Apostoli ad Hebræos 13. *Doctrinis varijs & peregrinis nolite abduci.* Observant, ideoq; cum duce suo Lucifero miserabiliter cadunt. Lucifer enim ideo cecidit, non quia veritatem non agnovit, sed quia in veritate non stetit. Ioan: 8. 44. Sed unde non stetit, nisi quia præcedere voluit, non sequi, ducem se exhibere maluit, quàm sequacem. Si Creatorem suum sequeretur, non utiq; deciperetur.

Sequuntur autem Christum, sed non assequuntur, qui post ipsum euntes in via claudicant, de quibus Apostolus Hebr: 12. 12. & 13. *Remissas manus, (inquit) & soluta genua erigite, & gressus rectos facite pedibus vestris:*

*ut non*



*ut non claudicans quis erret.* Et Elias Propheta clariùs. 3. Reg: 18. 21. *Vsquequo, (inquit) claudicatis in duas partes?* Verè post Christum claudicat fidelis, qui duplici affectu & corde modò sequitur Christum, modò sequitur mundum, quibus Apostolus clamat: Iacob 14. 8. *Purificate corda vestra, duplices animo.* Hi non assequuntur, quia eodem Apostolo teste, *vir duplex animo, inconstans est in omnibus vijs suis.* Iacob: 1. 8.

IO. Sequuntur autem & consequuntur, qui viam humilitatis ejus devoto mentis affectu perseveranter imitantur. Vnde Dominus Ioan: 12. *Si quis mihi ministrat, me sequatur:* id est, me imitetur. Quo fructu? *Vbi sum ego* (inquit) *illic & minister meus erit.* Veniat quà veni, & perveniet quò perveni: Hucusq; D. Thom:

II. Præter iam dicta considerandum etiam ac videndum est quatuor ordines Crucem ferentium. Ferebat IESVS sine culpa cum patientia & mansuetudine. Ferebat unus nequam seu latro cum culpa & impatientia, atq; sine ullo suo commodo apudq; Deum merito. Ferebat alter nequam cum culpa & cum patientia, & per hoc cum fructu suo. Ferebat Simon Cyrenæus sine culpa & cum angaria. Hi quatuor ordines hominum in hac vita sunt, quæ sine tribulatione non est; & nemo sine cruce esse potest, frustra; illam quis aut fugit, aut effugere se sperat. Sicut umbram suam, ita crucem suam nemo fugere prævalet: Sed volens nolens illam baiulare cogitur. Sed interest quomodo tribulatio supportetur. Non bene Simon, peius latro primus, melius latro secundus, optimè Christus.

12. Vt optimè itaq; quisquis crucem suam & fructuosè portet, debet ita, sicut & Christus portavit, portare, ut iam sat insinuatam est. Sed neq; prætermittendus mo-

du



dus à Lyræo de Imitat: Christi patientis expositus. Ad-  
 do (ait ille) crucis portandæ nomine venire assiduam, vi-  
 vantiq; ejusdem meditationem, quâ veluti post Domi-  
 num, aut cum Domino, eorum quæ ipse passus est, me-  
 moriâ destinemur. Quod etiam alio loco idem Author  
 proponit, dum inquit: Disputatum hic à plurimis in  
 quo potissimum hæc conformitas sita sit? Et fuere non-  
 nulli, qui in certa quâdam animi constitutione eam  
 positam esse voluerunt, quâ novus homo patienti Domi-  
 no compatitur, memoria videlicet ac viva laborum ejus,  
 causarumq; eorundem, quæ peccata nostra fuerunt, æ-  
 stimatione, cujus vi & efficientiâ interno sensu gustetur,  
 quod ipse externo voluit experiri, &c. Affectibus scili-  
 cet compassionis, doloris ac mæroris transformando nos  
 in ipsum Christum mærentem, & afflictum pro nobis,  
 quo fiat, ut spiritualiter cum eodem crucifigamur, sicut  
 ipsa Virgo Sanctissima Filij sui tormenta expendens, Cru-  
 ci ejusdem dicitur fuisse confixa, iuxta Simeonis vatici-  
 nium: *Tuam ipsius animam pertransibit gladius doloris:*  
 Luc: 2. 35. non ille quo corpus intereat, sed animus sau-  
 cietur, cruciatu tantò acerbior, quantò animus corpo-  
 ri magis antistat: unde factum, ut rectè apud Eusebium  
 Niremburgium lib: 2. de Adorat: cap: 5. annotatum inve-  
 nio, nec eam, nec ullum ex illis, qui Christo in monte  
 Calvario adstiterunt, & spirituali modo compassi sunt,  
 postmodum in exitu suo martyrium subijisse, cum reliqui  
 Apostoli & Discipuli omnes à tyrannis cæsi fuerint, &  
 interempti, Crux omni morte acerbior, vel ipso animo  
 sic degustata illis pro martyrio censebatur.



Qq

LXXXIII.



*Quare Christus plangere & lachrymari super se mulieribus non permittit, sed super se ipsas & super filios suos illas flere iubet?*

- I. **R**es digna consideratione quare Christus Dominus Verbum æternum quòd antea per Prophetam loquebatur ac querulabatur. Psal: 68. 21. *In conspectu tuo sunt omnes qui tribulant me: improperium expectavit cor meum, & miseriam. Et sustinui qui simul contristaretur, & non fuit: & qui consolaretur, & non inveni.* Nunc contristantibus & levamen aliquod consolationis ex commiseratione offerre satagentibus dicit: *Filie Ierusalem, nolite flere super me, sed super vos ipsas flete, & super filios vestros. Quoniam ecce venient dies, in quibus dicent: Beata steriles, & ventres qui non genuerunt, & ubera quæ non lactaverunt. Tunc incipient dicere montibus: Cadi- te super nos; & collibus: Operite nos. Quia si in viridi ligno hæc faciunt, in arido quid fiet?* Luc: 23. Quare dolorosissimus IESVS hoc & si modicum solatij angoribus suis non permittit levamen, ut sint aliquæ saltem animæ, quæ contristentur cum eo? cur in tanta dolorum copia fletus & lamenta cõerceat? & cuiusnam gratiâ congruentius plorandum, quàm illius, qui omnibus charior pignoribus, humani generis delictum, Angelorum solatium, totius universi spes ac recreamen? & nihilo- minus tamen lacrymantes alloquitur: *nolite flere super me.* O quanta Christi bonitas! dum non suos dolores & tanta improperia, quàm hominum miseriam, ruinam & cæcita-



excitatem ac si oblitus fui deffendam esse existimat.

Prohibitarum lamentatione harum mulierum varias apud SS. Patres & gravissimos authores reperio rationes, ante quarum elucidationem visum est insinuare occasione verborum Salvatoris: *Filix Ierusalem, nolite flere super me, sed super vos ipsas flete, & super filios vestros.* Hæreticos aliquos cavillari, pessimèq; inferri Christi mortem nullatenus lachrymandam esse, sed potius exultandum, cum humanæ redemptionis causa extiterit. Minimè discernentes passionem ac mortem dulcissimi Salvatoris nostri dupliciter considerandam. Vt exprimit beneficium nostræ redemptionis, in qua deletum est chirographum delicti, quod erat contrarium nobis, ut S. Paul: ad Coloss: 2. 14. exprimit: *Delens quod adversus nos erat chirographum decreti, quod erat contrarium nobis, & ipsum tulit de medio, affigens illud Cruci.* Restitutio gloriæ æternæ, & alia innumera Christi Domini passione emanantia bona, profectò exultandum & lætandum est. Ex alia verò parte quòd nos fuimus causa tam acerbæ necis Christi Domini, qui omnia peccata nostra assumpsit, iustitiæq; Patris pro eis tam rigidè satis fecit, quis profectò sanæ mentis iusto doloris stimulo non perstringetur? quis diligens patrem filius pro se mortuum ac acerbissima passum non dolebit, & quòd causa illius extiterit, non illachrymabitur? Sed consuetà sibi methodo Hæretici hæc etiam Christi verba adducentes: *nolite flere super me, reliqua, quæ sequuntur, sed super vos ipsas flete, & super filios vestros,* reticent, tantum simpliciter exultandum & non lachrymandum nobis esse de passione Christi. Certè si non tantum materiam exultationis ac lætitiæ, verum etiam tristitiæ & fletus causam perspicerent, æternarumq; pœnarum pro

Qqz

ingra-



ingratitude ac cavillatione sua fulminationem confiderarent, non tantum gaudij, sed & luctus ex doloribus, passione ac morte Salvatoris haberent incitamentum. Diversa longè sana & Catholica verà Romanà Ecclesià horum verborum intelligentia.

3. Non alium Christus fletum prohibet, nisi evanidum & inordinatum, nam necessarium etiam imperans, ait. *Super vos ipsas flete, & super filios vestros.* Cruciatu suos plangi non vetat, sed plangi non vult solà miseratione humanà. Non igitur quòd ista patiar ploretis, sed causam propter quam tanta patior deplorate. Ego non repugnanter, nec gravatè, sed libenter ac voluntariè ad mortem abeo. Hæc enim omnia patior amore in vos, & obedientià in Patrem. Ad nutum & arbitrium Patris omne meum vivere ordinatum est & mori. Sed uti vitam mors, ita mortem excipiet reditus in vitam. Et ideo hæc deflenda non sunt. Deflete potius peccata vestra, quæ & ego ad ingressum urbis ante dies paucos largis lachrymis deflevi. Peccata vestra meæ mortis sunt causa; hæc me gravant, hæc cruciant, hæc enecant. Et quod dolores meos auget, illud est: Multos nihilominus sua improbitas meorum cruciatuum expertes faciet, & æterni supplicij damnabit. Hoc serio deplorandum est. Ita Christi documento magis deplorandi sunt qui malè agunt, quàm qui malorum odia ferunt. Hæc Drexel: de Christo moriente p. 2. c. 5. § 6.

4. Paucis interiectis prosequitur idem Drexel: Reverè Christus cum flentibus atq; sequentibus se, loquitur, totà vià neminem alium affatus, & qui ad iniustissimi in vitam suam lati decreti promulgationem, ad ingens Crucis quo premebatur pondus, ad violentas protrusiones & ad inenarrabiles dolores, afflictiones, & tormenta silu-



it, nec os innocentissimus Agnus aperuit; (quemadmo-  
 dum Isaias Propheta prädixit c. 53. v. 7. *Sicut ovis ad  
 occisionem ducetur, & quasi agnus coram tondente se ob-  
 mutescet, & non aperiet os suum.*) In viâ ad mortem tacitis  
 lacrymantium affatibus amicissime, non interrogatus, re-  
 spondit. Quo quidem dilucidè demonstravit, quàm sibi  
 commiseratio ac consensus sit gratus, & quàm velint al-  
 terum alterius commiserescere, alienumq; etiam dolo-  
 rem dolere. Suspiria profectò & lacrymæ, quæ nozarum  
 odio & amore Christi patientis funduntur, gemmæ sunt.  
 Nos sensus mutuos non nisi per verba intelligimus, per  
 lacrymas tamen cum Deo efficacissimè sermocinamur, hoc  
 idioma Deus probè intelligit, hanc linguam Christus pla-  
 cere sibi publicè ostendit, dum suum lacrymis solatium  
 statim adhibuit, dum sui doloris oblitus, suaviter alie-  
 num mollit. Vera Christi patientis consideratio cor la-  
 crymabundum sibi deposcit. Lacrymæ moverunt Chri-  
 stum, ut inter tot probra & cruciatus crucifigentium ma-  
 tres solatio afficeret, & succinètam, sed utilissimam no-  
 bis omnibus cohortationem hanc relinqueret: *Quoni-  
 am ecce venient dies, in quibus dicent: Beata steriles, &  
 ventres qui non genuerunt, & ubera quæ non lactaverunt.  
 Tunc incipient dicere montibus: Cadite super nos, & col-  
 libus: Operite nos.* Itaq; qui alios super se flere (ait Ly-  
 ræus) iubet, ex illorum ærumnis præ suis cruciatibus lon-  
 gè acerbius dolet. Placet & ex Carthagena horum ver-  
 borum Christi aliquas adducere explanationes.

Primo. Plorabant Christum illæ faminx quasi in-  
 vito & reluctanti animo pateretur, & quasi ad mala illa  
 avertenda infirmus & impotens esset. Tales lachrymæ  
 ingratae fuerunt Christo.

Secundò. Ideo etenim Salvator nunc super se pro-  
 hibet



hibet flere, quia illæ mulieres non ex motu Spiritus Sancti, sed ex affectu quodam merè naturali compassionis deflebant illum non secus ac si quempiam alium afflictum purum hominem & non hominem Deum intuerentur. Innuit hoc S. Leo P. de pass: Dom dum ait: *Solet sexus infirmior qui morte sunt indigni in lachrymas commoveri, & damnatorum exitijs pro natura communis consideratione misereri.* Planctum istum D. IESVS dedignatur, qui ex affectu carnis & non spiritus procedebat.

7. Tertiò. Existimabant necem Christi in morte sistendam esse non in gloria & resurrectione. Vnde ait: *Filia Ierusalem, nolite flere super me,* hanc falsâ imaginatione apprehensâ, quia *infirmetas hac non est ad mortem diuturnam, sed pro gloria Dei, ut glorificetur Filius Dei per illam:* Ioan: 11. 4. *Sed super vos ipsas flete, & super filios vestros,* quorum mors nisi peccata deploraveritis, in æternum supplicium sistat.

8. Quartò. Multæ ex illis fæminis non concepto dolore pro peccatis suis lachrymabantur dolores Christi cui ingratus est dolor compassionis ortus ex corde quòd peccata sua prius non dolet; fortius enim peccata nos ad contritionem compellere debent, quàm ad compassionem Christi. Affectum enim illum contritionis præ isto compassionis nobis utiliore & Deo multò gratiorem esse, & ideo non hunc exercendum illum prætermittendo, prout fæminæ illæ omittebant.

9. Quintò. Sic etiam hæc verba Christi *nolite flere* exponi possunt: fletus vester ut mihi gratus sit non sistat in me prout vos reverà sistitis, sed pergat ulterius ad vestras plangendas iniquitates, ob quas tot vobis imminuent mala, quæ si ob id omnino non auferenda sint, salutem ex Dei benignitate minuentur.

Eadem



Eadem verba Salvatoris alij etiam ita exponunt, 10.  
quòd sicut Christus Dominus apud Lucam matris vi-  
duæ filium ad vitam revocaturus dixit: *Noli flere*. Luc:  
7. 13. Non quòd fletum illum reprobaret, sed quia sta-  
tim filius erat suscitandus. Ita nunc ait: *Filie Ierusa-  
lem, nolite flere super me innocente, & mox ad vitam im-  
mortalem revocando, ego enim ad Patrem vado, sed su-  
per vos ipsas flete: Nam nisi penitentiam habueritis, omnes  
similiter peribitis*. Luc: 13. 3. ita Venerabilis Beda super  
Luc: S. verò Bonaventura sentit quòd mulieres illæ non  
reprehenduntur à Christo Domino ob compassionem &  
planctus, sed quia contristabantur ex mentis deiectione,  
contra quas dixit Apostolus ad Thessalon: 1. 4. 12. *non  
contristemini, sicut & ceteri, qui spem non habent*. Hæc  
ex Carthagera de acerbæ passionis Christi Domini arca-  
no, lib: 10. hom: 20. in aliquibus parùm mutata.

S. Bernard: serm: in obitu Vmberti ait: *nolite flere II.  
super me*, etenim ea, quæ de me sunt, finem habent.  
*Quæ videtis mihi preparari, temporalia sunt, quæ non vi-  
detis, æterna*. Ac si diceret: *Filie Ierusalem*, quæ inco-  
litis Ierusalem, ne fleatis mortem meam tanquam mihi  
ac soli nocituram, sed satius super vos ipsas flete ac fili-  
os & concives vestros; nam hoc malum meæ mortis mi-  
hi breve est ac momentaneum, bonum verò inde emanans  
verum æternum corporis mei nunc lacerati, nominisq;  
despecti summa glorificatio, sublimitas & exultatio: &  
qui in me credituri sunt, salus, vita æterna, & immuta-  
bilis gloria. Illis verò, qui nunc exultant in rebus pessi-  
mis, ac bonum passionis meæ contemnunt, magnum erit  
supplicium, grandis in hac vita civitatis vestræ desolà-  
tio, in altera verò multis ex vobis in perfidia ac malitia,  
permanentibus æterna damnatio.

Vener:



12. Vener: Beda eadem Christi verba sic exponit: *Non me (ait) lamentemini moriturum. Vos potius ipsas, vestramq; progeniem, ne in mea Crucis ultionem, cum perfidis æternâ morte damnemini, dignis lachrymarum fontibus abluite.* Decebat sanè cunctos in fletus resolvi, dum innocentissimus IESVS ad crudelem raperetur mortem; tamen Salvator monet, ut potius super se ipsas ac filios suos lachrymas diffundant; habebant enim tam ipsæ, quam filij earum gravissima peccata, ob quæ daturæ erant pœnas; hinc admonet, ut sua suorumq; filiorum ac concivium dignis lachrymarum fontibus deplorarent ac abluant peccata. *Ex Sylveira.*

13. Theophil: hæc verba nolite flere ad mulieres illas retorquet, maiorem quasi deplorandi proponendo materiam; sibi, filijsq; suis obventuram. Sic enim ait: Admonet eas, ut ad futura mala respiciant, & propter illa plorent, quando cocturæ sunt filios suos. Nam ex Iosepho de bello Iudaico & excidio Ierosolymitano, & alijs historicis constat in obsidione Ierosolymitana à Tito & Vespasiano parentes proprios filios comedisse, expletaque est Dei illa comminatio Deuteronomio 28. 52. *Obsideberis intra portas suas, 53. Et comedes fructum uteri tui, & carnes filiorum tuorum, & filiarum tuarum, quas dederit tibi Dominus Deus tuus in angustia, & vastitate, quâ opprimit te hostis tuus.*

LXXXIV.

*Quale fuit vinum myrrbatum Christo ante crucifixionem oblatum?*

I. **F** Ranciscus Quaresmius in elucidatione terræ sanctæ testatur locum Ierosolymis ad radicem montis Calvarie etiam nunc celebrem, dictum carcer Christi, ubi

Eccle-



Ecclesia peregrinorum devotione insignis; caverna antea fuit, in qua morte afficiendos sistere solebant, donec Crux, cæteraq; necis instrumenta in vicino parata essent. Hic itaq; D. IESV tantisper hærenti, aditu militibus diligenter cincto ac custodito, interea dum loca in rupe Crucibus insigendis, cæteraq; requisita ad hunc crudelissimum actum adaptarentur, propinatum, ut alijs fieri solebat, myrrhatum vinum fuit.

Moris siquidem erat, uti apud multos etiam nunc in 2. usu est, ut damnatis ad locum supplicij productis vinum propinaretur, iuxta Proverb: 31. 6. *Date siceram merentibus, & vinum his qui amaro sunt animo:* ut mortem vel minus considerarent, vel certe ferrent alacrius, prout idem exprimit: *Bibant, & obliviscantur egestatis suæ, & doloris sui non recordentur amplius.* At illud solebat esse odore præstans, gustuq; suave, forte, ad finemq; dictum consequendum: & ut alij censent, aromatibus conditum; ad quod allusit Amos c. 2. v. 8. *delicias Moabitæ perstringens: Vinum (inquit) damnatorum bibebant in domo Dei sui,* hoc illi bibebant inter plausus & tripudia: tale vinum optimum, generosum, suavissimum dabatur ex more damnatis. Sed Christo Domino non tale propinabatur: nam quod reis in solatium, hoc Christo in ludibrium & tormentum. In totum Christi sacratissimum corpus crudelissimè sævitum fuit: *A planta pedis usq; ad verticem, non est in eo sanitas: vulnus & livor, & plaga tumens.* Isaiæ c. 1. v. 6. lingua tantum ejus suavissima ac palatus hætenus inimicis illæsus videbatur, ast ne quæ pars corporis ipsius à cruciati immunis ac libera existeret, acerbissimâ potione affligere procurant, dum os ejus, linguam, palatum ac stomachum, quò flagella, spinæ & tormenta non penetrârant, amarif-

Rr

limi



fieri potius amaritudine, fellis, myrrhæ cum vappa luri-  
di vini mixta, inficere student. Vnde ipse Christus que-  
ritur per Prophetam: *Dederunt in escam meam fel: et in  
siti mea potaverunt me aceto.* Psal: 68. 22. Atq; hoc est,  
quod S. Matth: c. 27. v. 34. legimus: *dederunt ei vinum  
bibere cum felle mistum.* Et Marc: 15. 23. *dabant ei bibere  
myrrhatum vinum.*

3. Euthim: & Theophilaet: quos Card: Baron: tom: 1.  
annal: ad annum Christi 34. sequitur, arbitrati sunt duo  
diversa pocula Christo oblata fuisse: alterum vini myr-  
rhati, alterum verò vini felle misti; & prioris quidem  
meminisse volunt Matthæum, posterioris verò Marcum.
4. Contra verò S. Hieronym: S. August: Beda, Ansel-  
mus, alijq; asserunt unicum duntaxat poculum Christo  
exhibitum ante crucifixionem, nam illa in Cruce sitien-  
ti, aceti oblatio diversa fuit, ideo Matthæus *felle mistum*,  
Marcus *myrrhatum*, propter amaritiem dixisse censen-  
dus sit. Vinum enim myrrhatum, quod reis ac latroni-  
bus præparatum erat, merum exhibuere, Christo impij  
illi satellites inauditâ barbarie cupientes eum vel tantil-  
lo solatio privare, intrito felle corrupere: idq; ut ait S.  
Ioan: Chrysost: ex nefaria quadam ac summa contumelia  
afflictionem addere conantes afflicto.
5. Simon de Cassia ex Ord: S. August: gravis Theolo-  
gus pro felle intelligit centaurion minus fel terræ di-  
ctum, herbam amarissimam, myrrhato vino à militibus  
immistam credit. Sed probabilius est verum animalis  
cujuspiam arefactum fel accepisse, quod vino commi-  
suerint.
6. Cornel: à Lap: in cap: 27. Matth: notat, quod omnes  
Codices Latini tam in Matthæi, quàm Marci textu *de-  
derunt ei vinum*: prout etiam Origen: S. Ambr: S. Hie-  
ron:



ron: S. Hilar: S. August: 1. 3. de cons: Evang: c. 11. constanter legunt, *vinum*; licet Græci cum S. Chrysostomo, Theophil: Tito, Euthim: tum & Syrus legant *acetum*, id est *vinum corruptum*, quia erat acerbum & acetosum.

Euthimius inquit: *Arbitror fragmenta aridi fellis in aceto emollita fuisse, ut acetum quidem loco vini esset, illa verò fragmenta pro buccella panis, & præcipuè sanè potum dederunt, consecuti vè verò etiam cibum; his enim qui animo destituuntur, vinum præbere solemus, iniecto pane, ut primum bibentes, postmodum etiam possint edere. Ergo fel fuit quasi panis & esca, vinum verò, seu potius vappa, potus Christi.*

LXXXV.

*Quare Christus oblatum vinum bibere recusavit?*

**M**atth: 27. 34. *Et dederunt ei vinum bibere cum felle mistum. Et cum gustasset, noluit bibere.* Rationes dat Drexelius de Christo moriente p. 2. c. 6. § 3. quas hic prætermittis aliorum annotamus.

Primò. In cibo potuq; sumendo temperantissimus fuit Christus; atqui temperantia bibere non solet, cum bibendi causam non habet, quemadmodum eo tempore non habuit. 2. Vt futura in Cruce sitis tantò intensior eò magis cruciaret, quò minus potionis præcessisset. 3. Hieronymus mysterium hîc latere censens, Christus, inquit, verè mortem subijit, sed id gustus duntaxat fuit, quoniam secundum humanitatem tantum est mortuus, brevî ad vitam rediturus. 4. Pars etiam minima tot Christi cruciatuum suffecisset ad redimendum orbem universum, veluti iste myrrhati poculi gustatus unicus.

Rr2

Sed



Sed voluit Christus copiosam esse redemptionem, & excessum admirandum, &c. Verè fuerat excessus. Nam homo qui tanta patiebatur, erat infinitæ dignitatis; dolor, quem patiebatur, summæ acerbitalis. 5. Cum gustasset, noluit bibere, nam innumerabilis populus, qui præsens aderat, facillimè credidisset, porrectum Christo apianum aut conditum sive vinum doloribus leniendis. 6. Sunt qui dicant myrhatam potionem illam ita fuisse confectam, ut acceleraret mortem; vel quia vulneratis noxia, vel quia venenata. In recusando igitur hoc poculo Christus publicè testatus, se placidè ac voluntariè ad mortem ire, nutu & arbitrio Divini Patris, nec cupere sese celeriores patiendi finem, vel unâ horulæ parte, & mori velle non veneno, sed Cruce. 7. Sunt qui censeant hoc tali potu reorum sensus sopiri solitos, & talem porrigere præceptum esse Iudæis. Christus igitur rectissimè noluit bibere, ne crederetur in Cruce pati aut loqui ebrius. Atq; etiam, ut dictum illud sibi constaret. *Dico vobis, non bibam amodo de hoc genimine vitis, usq; in diem illum, cum illud bibam vobiscum novum in Regno Patris mei.* Matth: 26. 29. Ita soporem & oblivionem respuit, ut erudiret nos tanti beneficii nunquam esse immemores.

3. Potest hic addi quare Christus Dominus amarum illum potum noluit bibere, scilicet quia non solum in toto corpore sanctissimo, sed etiam in sensibus fuit enormiter cruciatus, nempe, *Visus*, ex proditoris Iudæ armatas cohortes contra se ducentis, & aliorum Discipulorum fuga, ex immanissimorum hostium & minantium carnificum catervis, tum ex virginei ac immaculatifimi corporis proprii nuditate, afflictus. *Auditus*, blasphemij, opprobrij, calumnijs, & inconditis vociferationibus



tionibus; tolle, tolle, crucifige eum. (Ioan: 19. 15.) affectus. Odoratus graveolentiâ & fætoribus maxime in carcere apud Caipham repletus. Delicatifimi corporis *Tactus* restibus, catenis, sputis, virgis, flagellis, ac alijs crudelitatis instrumentis oppressus, & concussus. *Gustum* deniq; torquere volentes crudelissimi carnifices amarissimam potionem, ut iam supra dictum est, offerebant, ut etiam ipsa viscera ejus acrimoniâ inficerent, ac planè intoxicarent. Sed dulcissimi IESV naturalis dulcedo quomodo amarescere potuit? siquidem *favus distillans labia ejus, mel & lac sub lingua ipsius*, (Cant: 4. 11.) atq; Virgineo Matris misericordiæ enutritus lacte, rectius de se, quam Iob dicit. c. 31. v. 18. *Ab infantia mea crevit mecum miseratio: & de utero Matris meæ egressa est mecum.* Ideoq; dulcissima viscera misericordiæ, in quibus *visitavit nos oriens ex alto*: (Luc: 1.) nullo amore vitare permisit.

## LXXXVI.

*Cur Christus non in civitate, sed extra eam mori voluit?*

**E**Xtra portam Christus mori voluit, ut extra Bethle- I.  
em nasci, ne pro solis se offerre Iudæis videretur, qui pro salute omnium venerat immolari. Notavit id S. Aug: serm: 130. de temp: ubi sic loquitur: *Ideo non sub tegmine, neq; in templo Iudeorum pati voluit, ut non subtraherent sacrificium salutare Iudæi, neq; existimes pro illa tantummodo gente hanc hostiam offerri: propterea enim extra civitatem & extra muros passus est, ut intelligas, quoniam communis est hostia pro genere humano oblata. Quod etiam S. Chrysost: hom: de Cruce & latrone sentit. Ne putares (ait) pro illa tantum plebe, id est Iudaica oblatum*  
*Chri-*



*Christum; ideo foras civitatem, ideo foras muros, ut scias sacrificium esse commune.*

2. Extra civitatem exit in montem crucifigendus, ut demonstraret fructum; efficaciamq; passionis suæ, & trophæum victoriosæ Crucis suæ, nequaquam intra septa & muros unius civitatis, neq; intra unius populi tantum angustias arctandum esse, verum in omnes omnino populos & nationes, proptereaq; omnibus gentibus accessum ad sese aptandum & dandum fuisse, propter quod Isaias hortabatur pridem Ierosolymam, ut dilataret tentoria sua, ut longos faceret funiculos tabernaculorum suorum, ut scilicet non solam se putaret habituram Christum, sed dandum esse omnibus gentibus ad Christum per Fidem accedentibus locum. Hoc quàm breviter, tam eleganter expressit S. Leo serm. 9. de pass: *Vt Crux Christi non templi esset ara, sed mundi.*
3. S. Hieron: super Matth: c. 27. dat rationem, quare extra urbem & foris Christus crucifixus: *Propterea autem ibi crucifixus est Dominus, ut ubi prius erat ara damnatorum, ibi erigerentur vexilla martyrij: & quomodo pro nobis maledictum Crucis factus est, & flagellatus, & crucifixus. Sic pro omnium salute, quasi noxius inter noxios crucifigeretur.*
4. Idem D. Paschas: l. 12. in Matth: sentit: *Calvaria locus debellatorum erat, & eorum, qui diversis in mortibus afficiebantur cruciatibus; ibi ergo crucifigitur Dominus, ubi prius area erat damnatorum, ut ibi erigerentur deinceps vexilla Martyrum.*
5. Extra urbem Dominus Crucis trophæum erigit, ut ostenderet, imò re ipsâ faceret propter ingratitudinem populi Iudaici transferre se, & gloriam Crucis suæ foras, & quæsiturum imitatores, amatores, & adoratores, ba-  
**iulatores**



iulatores Crucis suæ foras, &c. Impletumq; est iam illud Dominicum dictum ad Iudæos Matth: 21. 43. *Ideo auferetur à vobis Regnum Dei, & dabitur genti facienti fructus ejus.*

In montem Christus cum Cruce evadit, ut ostenderet se non tantum non erubescere, aut non abominari Crucem suam, sed etiam cum illa se ipectandum dare velle omnibus omnium hominum oculis. Et ut doceret etiam quòd consortium Crucis suæ habere volentibus simul etiam ad montem excelsæ generosq; perfectionis in omni virtute connitendum esse. Vix enim possunt absq; se consistere hæc duo: Crux absq; perfectionis monte, & mons perfectionis absq; Cruce. Imò verò & Crux est baiulanda, & mons ascensu superandus. Plura apud Lyræum, Druzbicki, & alios reperiēs.

LXXXVII.

*Mons, in quo Christus crucifixus unde Calvaria dictus? & an ibi Adam fuit sepultus?*

**Q**uòd mons ille Golgotha vel Calvaria fuerit denominatus, rationes apud SS. Patres & authores lego. **I.** Alij, quia calvus, arboribus sterilis, & totus saxosus, alij, quòd damnatorum supplicio destinatus erat, & sic à multitudine Calvariarum illic promiscuè iacentium denominatum esse volunt, alij à Calvaria primi Parentis Adami ibi sepulti nomen attribuunt. Alij deniq; propter Christum in Adamo præfiguratum omnium hominum caput ibi occidendum atq; in proximo sepeliendum etymologiam deducunt, ut ait Lyræus.

Eundem montem Calvaria, aliqui montem Moria denominatum **2.**



nominatum volunt, in quo olim Isaac ab Abrahamo Patre suo Deo offerendus erat, loco cuius aries in holocaustum oblatus. In hoc loco etiam creditur Adam primus homo sepultus, in eodem etiam ex Hebræis aliqui asserunt Abelem & Caimum Deo sacrificasse. Montem hunc Abraham Genes: 22. 14. *Appellavit nomen loci illius, Dominus videt. Vnde usq; hodie dicitur: In monte Dominus videbit.* Ac si diceret: vidit quidem Deus hic sacrificium filij mei Isaac, quod ego facere paratus eram ex ipsius voluntate: sed veniet olim quoq; tempus, in quo Deus Unigenitum suum videbit reverà immolatum & occisum, &c. Tunc in monte isto Dominus videbit gratius utiq; quàm hoc meum sacrificium, videbit pleniorē quàm aut meam aut filij mei obedientiam: &c. Videbit in monte Dominus non Isaacum, sed IESUM, non meum, sed suum Filium de Cruce pendentem, &c. Carthagena. Hoc pronum fuisse cogitare Abrahamum in tempore illo deduci satis potest ex verbis Christi. Ioan: 8. 56. *Abraham Pater vester exultavit, ut videret diem meum: vidit, & gavisus est.*

3. Sanctius Avila lib: 1. de venerat: reliq: c. 7. tradit Adamum antiquitus sepultum fuisse in Hebron, (sed Baronius non Adam primum hominem, sed Arbeum quemdam, qui maximus fuit inter gigantes, in Hebron sepultum asserit: ut Iosue 14. 15. *Nomen Hebron ante vocabatur Cariath Arbe: Adam maximus ibi inter Enacim situs est:*) postea verò inde à Nòe exhumatum, ne diluvij aquis ossa perirent; post diluvium autem ea filiis divisa, & quia cæteris liberis præferebat Sem, caput illi Prototoplasti dedit. Cui cum Palæstina in sortem obtigisset, in monte illo, id est Moria, sepelivit, indeq; loco illi nomenclatura Calvarie indita est. Quod præfatus author anti-

quorum



quorum testimonijs eruditè confirmat. Ea de causa ad pedem Crucis cranium humanum depingi ac sculpi passim in usu esse firmum ac perpetuum hujus rei enblema Ioannes Molanus de pieturis l. 4. c. 78. prudenter annotat.

Origen: tract: 35. in Matth: *Locus*, (inquit,) *Calvarie* dicitur dispensationem habere, ut illic moreretur, qui pro hominibus fuerat moriturus. Venit enim ad me traditio quedam talis, quòd corpus Adæ primi hominis ibi sepultum sit, ubi Christus crucifixus est, ut sicut in Adam omnes moriuntur, sic in Christo omnes vivificentur, ut in loco illos, qui dicitur *Calvarie locus*, id est locus capitis, caput humani generis Adam, resurrectionem inveniat cum populo universo per resurrectionem Salvatoris, qui ibi passus est, & resurrexit.

Cum Adamo inter cætera Fidei nostræ arcana, & hoc ad solatium ei revelatum fuit, (ait Lyræus) cum Dominum audivit dicentem serpenti. *Inimicitias ponam inter te & mulierem, & semen tuum, & semen illius: ipsa conteret caput tuum*, Gen: 3. 15. Verbum Patris ex eo humanam carnem sumpturum esse, morteq; obitâ Ierosolymis redemptionis pretium exoluturum; quid mirum, si filios suos fide datâ obstrinxerit ad ossa sua isthuc devehendi, ubi tanti beneficij gratiâ cominus perfrui se posse sperabat: Quod idem & Iacobum Patriarcham, & filium ejus Ioseph dum in Ægypto moreretur, commovisse scimus, ut inde post mortem evehi, atq; in terra Patribus promissa tumulari à filijs vehementer flagitarent.

Rectè S. Basilius hanc sententiam vocat communem, nam tum veterum Patrum autoritate, tum recentiorum Doctorum assensione stabilitur. Ex antiquis S. Cyprian: de resurr: S. Ambros: in c. 23. Luc: S. Aug: st:



de temp: ferm: 71. Tertull: contra Marcion: 1. 2. Cyrill: Athanas: de pass: Anastasius Sinaita Patriarcha Antioch: 1. 4. tum & alij. Ex recentioribus Baron: & Bellarm: Cardinales, ille an: 34. hic verò tom: 3. de amiss: gratiæ, Massius in c. 14. Iosue. Toletus in c. 19. Ioan: Lorinus in c. 10. Sap: Salmer: tom: 10. Pererius in Genes: lib: 7mo. Villalpandus tom: 3. Torniellus tom: 1. tum & cæteri recentiores.

7. Verim sufficiat pro veritatis hujus argumento eruditus sermo Sorbonici Doctoris Antonij Monchiaceni de Mocharis ad Patres Sacri Concilij Tridentini feriâ 6. Parasceves, anno 1564. 9. Aprilis, in quo plurimos Patres & authores ad probandum in hoc etiam sensum suum adducit. B. Epiphanius (ait ille) lib: 1. adversus Ticianos & Hæresim quadragesimam sextam scribens impletam esse prophetiam dicit, quam B. Paulus ad Ephesios refert c. 5. dictumq; fuisse ipsi Adæ sepulto in loco Calvariæ, ubi crucifixus fuit Dominus: *Surge qui dormis, & exurge à mortuis, & illuminabit te Christus.* Quia videlicet tactus sanguinis Christi & corporis ejus dependentis super sepulchrum ipsius Adæ, ipse Adam sit illuminatus, & locus ille Calvariæ id circo appellatus, quòd ibi antiqui hominis & primi Parentis conditum esset caput. B. Cyprianus illo antiquior hanc sententiam confirmat sermone de Resurrectione Christi dicens. Christi sanguine conspersa creditur Adam Calvaria, qui sub loco quo Cruz Domini fixa est, humanatus traditur ab antiquis ejusdem sanguinis sanctificati elapsu. B. Hieronymus refert de eadem re: in commentarijs epistolæ ad Ephesios capi: 5. se audivisse quendam in Ecclesia disputantem de hoc loco B. Pauli, qui in theatrale miraculum nunquam ante visam formam populo exhibuit prædictam



**E**am sententiam. His tribus multò antiquior B. Ireneus ab hac sententia non multum discessit, qui dicit primum Parentem fuisse omnium, primum per Christum vivificatum, & salvatum: sic enim scribit c. 32. libri tertij. Secundus homo, (nempe Christus) alligavit fortem, & diripuit vasa ejus, & evacuavit mortem, vivificans eum hominem, qui fuerat mortificatus. Hucusq; Doctor Sorbonicus.

Minimè tamen aberrarunt & illi, qui montem eum 8. Calvarix dictum prophetico instinctu à verò omnium hominum capite Christo IESV in eodem monte occidendo deducunt, prout S. Cyrillus Ierosolymitanus Catechesi 13. ait: *Golgotha interpretatur Calvaria locus. Aliqui ergo prophetice locum hunc Golgotham appellarunt, in quo verum caput Christus Crucem sustinuit, sicut Apostolus dicit, qui est imago Dei invisibilis, (& post pauca) & ipse caput corporis Ecclesia (& rursus) omnis viri caput est Christus. (Et iterum:) qui est caput omnis principatus. Caput hoc in loco Calvaria passum est. O magnam prophetica appellationem! Propemodum enim nomen hoc admonet te docendo, non ut simplici homini attendas crucifixo: caput est omnis potestatis, caput habens Patrem. Caput enim viri Christus, Caput Christi Deus.*

LXXXVIII.

### *An Christus Dominus totus nudus in Cruce fuit suspensus?*

**E**Xpressimus superius quæstione 67. Christo Domino I. quatuor vicibus vestimenta tempore passionis ejus detracta fuisse, scilicet ad flagellationem, ad coronationem, seu ad purpureæ vestis assumptionem, quâ detractâ etiam ante Crucis baiulationem, ultimò iam crucifigen-



dus, exutus fuit vestimentis suis, de quo vide in præfa-  
 ta quæst. 67. & 45. Sed hæc ultima in ferali illo Calva-  
 riæ loco vestium detractio innocentissimo IESV dolo-  
 rem super dolorem addidit, tum ob adhærentis carni ac  
 vulneribus tunicæ violentam avulsionem, atq; omnium  
 plagarum renovationem, tum ex pudicissimi corporis de-  
 nudatione: & quamvis nihil in eo esset, propter quod  
 pudefieri deberet, puduit tamen eum summopere, nam  
 qui antea vel flagellandus, vel purpurâ induendus, ite-  
 rumq; exuendus in Prætorio coram paucis denudatus  
 fuerat, nunc iam in aprico montis vertice multis deri-  
 dentibus, subsannantibusq; omni corporis amictu spo-  
 liatur, ac denudatur.

2. Verum utrum totaliter nudus, Cruci affixus, ac suspen-  
 sus fuerat? variant hac in materia diversi authores. Alij  
 totam nuditatem, alij verò velaminis quandam præcin-  
 ctionem contendunt. Asserentes communem variarum  
 Gentium, tum præcipuè Romanorum morem adducunt,  
 nudos, penitusq; detectos, damnatos cruci affigi solitum  
 fuisse, quod etiam S. August. l. 16. de civit. Dei c. 2.  
 & l. contra Faustum c. 12. affirmat. Et quandoquidem  
 rapacissimum militum genus damnatorum pannicularia  
 (ut quidam dicit) bona in præmium crudelissimi & exe-  
 crandi laboris iuri suo pertinere existimabant, profectò  
 non tantum ea, quæ Christus in se habuit vestimenta,  
 sed insuper, si quis nuditati ejus aliquod velamen ex pia  
 offerret commiseratione, rapaci auferrent manu. Nam  
 cum milites illi, tum Iudæorum pecuniâ corrupti, tum  
 infernali odio contra Christum accensi, quam ignomi-  
 niosissime Salvatorem nostrum mori voluerint, (recolere  
 irrisiones, impropria, & innumeras factas molestias, vi-  
 lissimæ purpuræ peripilema, aculeati ferri coronam, vap-



per vini amaritudine confecti potum, ) ejusdem odij virus, etiam in Cruce affixo & elevato demonstrarunt ex totius corporis ejus denudatione. Hujus sensus sunt Gretserus l. 1. de Cruce, c. 22. Franciscus Luc: Cornel: à Lap: Suar: tom: 2. ad 3. p. disput: 36. sect: 4. Drexel: de mor: Christo p. 2. c. 6. § 4. tum & alij, & in subsidium suae opinionis adducunt S. Ambros: in c. 22. Luc: *Nudus Crucem ascendit, talis ergo ascendit, qui saeculum vincere parat, ut saeculi adiumenta non quarat. Victus est Adamus, qui vestimenta quaesivit, vicit ille, qui vestimenta deposuit.* Et inferius c. 23. inquit. Refert considerare qualis ascendit? nudum video. Talis ascendit in Crucem, quales nos Authore Deo natura formavit. Qualis in paradysso primus homo habitaverat, talis ad paradysum homo secundus intravit. Adiungunt etiam Thaulerum exatæ vitæ Christi c. 33. Adam, (inquit ille.) Ob amissam innocentiam tegere se & vestibus operire festinavit, Christus verò nudatus est ab eo, quod integram & illaeram servaret innocentiae puritatem, nec ullo ei alio tegmine opus erat.

Consideranda etiam Euthimij in c. 27. Matth: ad 3. verba illa: *diriserunt vestimenta ejus, sortem mittentes: assertio. Considera totum Salvatoris corpus iniurijs affectum: caput quidem per spineam coronam & arundinis percussione, faciem per sputa, maxillas autem per alapas, os verò per fel & acetum, aures per blasphemias, collum per colaphos; dorsum & pectus flagellis & verberibus, manus autem & pedes clavibus, latus verò lancea, ceteras quoque partes chlamyde.* Profundè considera quae sequuntur. Et ut semel dicam, totum corpus spectaculo expositum. Omnia superiora tormenta in hoc uno recapitulantur, quod corpus ejus nudum esset expositum omnium spectaculo. Ut semel dicam tanquam omnes ejus cruciatus, totum cor-

pus



pus ejus spectaculo est expositum, quòd scilicet esset denudatum.

Prætermisiss & aliorum authorum probationibus totalem Christi nuditatem asserentium, expedit contrariæ sententiæ Patres ac authores adducere; inter quos censetur D. Anselmus de pass: Christi, Abulensis, Dyonis: Carthus: Barrad: Carthag: Lyraus, Sylveira, tum alij non pauci, & post contrariæ sententiæ refutationes, (quas brevitatis ergò omittimus,) assertionem suam probant ex revel: S. Brigittæ l. 1. c. 10. & l. 4. c. 7. tum etiam ex linteo, quo in Cruce pendens coopertus fuit Christus, quod Aquisgrani summâ veneratione & in Bavaria colitur, tum ex sindone sacra, in qua Christi corpus de Cruce depositum, involutum, & sepultum fuit; firmum sensum suum asserunt, aliquo tegumento in parte Christi nuditatem coopertam fuisse. Sed ad conciliationem harum diversarum opinionum, arridet mihi multum P. Drexelij sensus, dum dicit in Cruce Salvatorem duplex habuisse velum: Nigrum, à sole mutatum, qui tenebras offudit huic spectaculo quale ab orbe condito sol non vidit: & purpureum, quod è Pilati domo à columna secum (vel potius in se) attulit; nam corpus totum sanguine, & uno velut vulnere obductum verecundissimè celavit discrimen membrorum. Ita Christus pependit in alto nudissimus sine ulla oculorum offensa. Et cum Isaias dicat: *non est species ei neq; decor: & vidimus eum, & non erat aspectus, & desideravimus eum.* (c. 53. v. 2.) inferre possumus, si non fuit decor, ergo vel summum dedecus ex nuditate, ad quam præter illa duo superius citata velamina, addi potest maximam inde Christi confusionem, quâ sicut diploide indutus fuit. Vnde ingemiscit Christus per Prophetam Psal: 43. 16. *Totâ die, inquit*  
*verecundia*



*Verecundia mea contra me est, & confusio faciei meae cooperuit me. Vel minima decentium oculorum offensio ex nulla sacratissimorum membrorum ejus discretionem: vidimus eum, & non erat aspectus, & desideravimus eum despectum, & novissimum virorum, virum dolorum, & scientem infirmitatem, & quasi absconditus vultus ejus & despectus, unde nec reputavimus eum. Isaia ibid:*

Amoto vero deinceps utroq; illo velamine, cum scilicet & subita nox, quàm sol & luna consulendo verecundia sui Creatoris, contractis radijs offuderant; iam recesserit: & immanis laniena, quæ formosissimum super omnes filios hominum penitus deformaverat, nullo satis penicillo scalprove sit imitabilis: in luce publica ut in aris, templis, domibus, compitis; nequaquam expedit effigiem crucifixi absq; consveto semicinctio proponi. Dehonestat mysterium quisquis ille Apelles Phydiasve sit, qui secus facit. Quòd si vel Christi patientis in totum discoopertâ imagine non benè consulitur oculorum honestati: quantò maiore periculo profanarum imaginum nuditates proniores in deteriora hominum oculos flagellant. Meritò inverecundum pictorem acutus de Bolougne pupugit.

Ars tua naturam haud sequitur: contrarius illi es

Nam manifesta facis quæ iubet illa tegi

Nec fanè opus est ad vivum ut exprimas, eo modo 6.  
fidelium oculis subijci quo crucifixus est ab eis, qui Psal:  
21. *Canes* non tantum ob mordacitatem, sed etiam ob impudentiam appellantur: ut notat Lyræus. Plurima quoq; alia (teste Ioanne Molano in eum commiserunt, quæ satis verecundè nequeunt exhiberi: atq; adeo cum tegitur, melius pingitur iste dolor. Hinc factum quod S. Greg: Turon: lib: 1. de glor: MM. scriptum reliquit, ut

Chri-



Christus ipse Presbytero cuidam secundum quietem visus, imaginem Crucifixi in templo vestiendam praecepit, ne penitus nudus videretur. Eadem videtur esse constans Ecclesiae circa imaginem Crucifixi consuetudo ob adaequatam honestatis rationem inclita, ut ex antiquissimis picturis patet. Cujus consuetudinis ut historicum quoque fundamentum adstrueret S. Anselmus vel ex pia meditatione, vel ex maiorum traditione Beatissimam Virginem detracto proprii capitis peplo, filij honestati consuluisse. S. Brigitta à B. V. revelatum sibi testatur, pium quendam virum illud velamen suggestisse quod ipsemet IESVS sibi aptaret. Nec ulla opinionum contradictio est, poterat enim porrigere, quod mater filio dederat porrigendum. Lyræus obsequium idem vel à Ioanne, vel à Magdalena, vel certè ab affveta ejusmodi officijs Veronica existimatur proficisci potuisse, auro etiam forsitan aditum per militares catevas faciente. Quod, iuxta Poëtam, *per medios ire satellites, & pernumperè amat castra potentium ictu fulmineo*. Novant officiosam ejusmodi pietatem, qui Christum in suis membris egenis nudum, in suis aris, templisq; operiunt certante sumptu cum affectu: Sicut è contra instaurant crucifigentium immanitatem, qui eundem in ipsidem vexant rapinis ac exdibus, à fama, bonoq; nomine facto gradu ad fortunas & vitam. *Nudus* interim *IESVS nudos querit amicos*, (ut ait S. Hieronymus,) qui scilicet vel irrogatam ab alijs nuditatem libenter sufferant, ut fecit S. Flavia nobilis Virgo, soror S. Placidi Martyris Martyr, de qua vide in vitis SS. ad ytam Octobris: vel ultro insuper affectant, ut SS. Alexius, Ioan: Calybita &c. praesertim Serapion, Syndonites, qui teste S. Hieronymo, cum dedisset amictum egeno, nudusq; federet manibus

Evangel:



Evangelium tenens, de spoliatore interrogatus respon-  
debat commonstrans librum. *Hic me spoliavit* &c. Imitantur sanctè cultum, hoc est nuditatem Domini sui, qui *expoliant veterem hominem cum actibus & moribus suis*. Vt hortatur Apostolus ad Colossi. 3. Sed consolantur suavissimè eandem nuditatem, qui ejusdem Apostoli obediunt dictis, ad Rom: 13. *Induite Dominum IESVM*. Pulchrè calluit hujus oraculi energiam B. Iacobus de Mevania Ord: Præd: Hic à Matre sua cùm puer adhuc pecuniam pro veste comparanda impetrasset, faberrimæ Crucifixi Imagini ad suam devotionem depingendæ impendit: Et Christum crucifixum vestem suam esse ingeminans, egregiè Matris increpationem Apostolico clypeo retudit. Atq; ob hoc deinceps cùm de sua prædestinatione sollicitus impensè Crucifixum exoraret, hoc ex ejus ore meruit responsum. Ne dubita fili, en pignus, en signum habes sanguinem, hinc quem vides manare. Interea cæpit sanguis è pectore Christi tam copiosus effundi ut Iacobi vultus & vestes eo madefactæ ac tinctæ fuerint, pretiosis sanguinis signis aliquamdiu manentibus. *Hæc de illo Barry federis sancti c. 3. Tiepolus pag: 1055. & ex utroq; Nadasi prædestin: signo 311. n. 45.*

LXXXIX.

### *Quis modus Crucifixionis?*

**S**Vpervacaneum videretur quærere de modo Crucifixionis, cùm in eo supplicio tam inferendo carnificum immanitas, quàm perferendo Christi patientia modum prorsus non tenuerint. Hic si uspiam verum fuit quod Seneca subinde dixit: *qui medetur, considerat quomodo medeatur: qui autem laniat, minimè considerat quomodo laniet ac discerpit*. Absq; ulla consideratione, mi-

Tt

sera.



serationeq; Virgineo-Divini corpusculi peracta est illa laniena. Omnem moderationem rabies impiorum, sed & omnem mediocritatem tolerantia Pijssimi Domini nostri excessit. Adeoq; meritò S. Bernardus quandam proportionem amoris nostri ad dolores Domini exigit, cum ait. *Modus diligendi Deum est diligere sine modo.* Sed quis amat quod ignorat? ut ergo amorem pro dolore ad mensuram aliquam possimus rependere; interest hunc supplicij modum sine modo cognoscere. Porro ut unam propositam quæstionem resolvam; propono ac resolvo quæstiones quinque.

I. Fueritne Christus in Cruce humi strata an verò erecta affixus? Primum velle videntur SS. Hieronymus, Cyrillus Alex: Leo, Anselmus, Antoninus, Laurentius Justinianus, qui postremus hæc formalia habet serm: de Pass: *mutatis vestibus solo supinus extenditur configitur stipiti, in aëra levatur.* Accedunt Patribus clarissimi Scriptores Abulensis, Gretserus, & Lyræus. Et ratio quæ illos movere potuit, est; tum quia facilior & expeditior sit is modus; tum quia communius ita fuerint appensi ij, qui Crucem ad locum supplicij deferebant, *ut ait Lobbe* *tius.* Levabantur verò in Crucem ij, qui ad præparatam ac erectam fuissent adducti. Præfigurâsse putatur Christum humi crucifixum *Indic: 16.* Samson per capillos capitis sui cum terra confixus. Ita *Indocus Andries in perpetua cruce.* Conveniebat etiam ut cruci humi iacenti incumberet tanquam hostia strui lignorum superimposita, cui prius non secus ac victimandis pecudibus pellis detrahebatur; sic unâ cum vestibus lacera concretaque sanguine cutis hinc inde fuerat detracta. Hunc modum Crucifixionis passim repræsentant pictores, ipsaq; Ecclesia firmare videtur, cum in Parasceve Crucem humi ponit



nit adorandam osculandamq; fidelibus, non verò statuit erectam: rememorat (ni fallor) stratum super humum eo die crucem extensumq; per illam Redemptorem. Imò P. Matthias Tanner cruenti sacrificij pag: 117. elevatione Sacræ Hostiæ in Missa repræsentari ait mysterium Christi cum cruce in altum levati. Cum scilicet quasi signum ad sagittas proponeretur, seu signum, cui omnes contradicerent, & in quod blasphemias evomerent. Blasphemorum verò istorum quia Evangelium tria fuisse genera recenset. 1. Principes Sacerdotum, Scribas, & Legisperitos. 2. Latrones socios supplicij. 3. Prætereuntes milites, & promiscuum vulgus, ideo etiam ter signum campanulâ datur admonens, excitansq; populum ad Christum adorandum, & hanc iniuriam suâ pietate abolendam. Ob quam etiam causam populus trinâ percussione pectus verberat detestando & dolendo super trina hac Christo illata iniuria. Quin aliquæ nationes, ut Poloni, sub elevationem faciem suam alapis cædunt, hæc oris mulctatione expiaturi & compensaturi illas oris blasphemi contumelias, subsannationes, atq; opprobria quæ iaciebantur in Dominum. Præit verò fidelibus Sacerdos elevationem Sacræ Hostiæ profundâ statim adoratione, id est Fidei in Christum professione continuans. Fulcit sententiam hanc & Adrichomius quâdam auctoritate ex ipsius Terræ Sanctæ descriptione desumpta. Nempe triginta quinque pedibus à loco ubi Crux fuit rupi implantata, perpetuâ traditione coli spatium crucifixionis: ibidem sacellum erectum fuisse pavimento faberrimè marmoribus pretiosis tessellato, quo nihil Terra Sancta habuerit elegantius teste Francisco Quaresmio. Quo Christiani veteres locum illum affixionis Domini honestare, memorabilemq; facere voluerunt. Meditan-



tur insuper quidam hujus sententiæ Contemplatores apud Sylveiram, quòd extenso affixoque supra Crucem Domino, ipsa Crux versâ fuerit in humum, ut clavorum acumina retorquerentur ac recurvarentur: quo factò necesse fuit Corpus Domini expansum terræ allidi, electumque illum Botrum Cypri è vineis Engaddi tanto ligni pondere ceu torculari comprimi.

Contra in Cruce iam erecta suffixum existimant SS. Cyprianus, Augustinus, Gregorius Nazianzenus, Chrysostomus, Gregorius Magnus, Bonaventura, & vetus Evangeliorum Paraphrastes Nonnus Panopolites. Hos sequuntur recentiores Consalvus Durantius, Toletus, Ribera, Molanus, Mallonius, Iustus Lipsius. Fundatur sententia in illo Cantic: 7. *Ascendam in palmam & apprehendam fructum ejus.* Vox enim ascendendi non videtur servire extensioni super terram. Perfectius ergo & magis propriè ascensum Christi ad Crucem prædicit. Huc accommodatur & illa Benedictio Iacob, Iudæ filio suo Christum figuranti data, *ad prædam fili mi ascendisti.* Gen: 49. Eodem alluisse videtur Salomon, qui Cantic: 3. ait sibi ferculum fecisse de lignis Libani. S. Ambrosius legit. *Lectum fecit sibi Rex Salomon.* Hebræus vertit. *Lectulum genialem.* Alius. *Thalamum honorificum.* &c. Quorum interpretationem vide apud Cornelium à Lapide in Cantica. Aponius notanter ait. *Ferculum seu lectica & quasi currus triumphalis Crux Christi fuit.* Ad hanc Salomon *ascensum purpureum mediâ charitate* dicitur constrâvisse. Quid ascensus purpureus? Respondet V. Beda, sanguineus sudor, Passio, mors, martyrium. Imò ad literam omnia per quæ Dominus ad Crucem ascendebat irriguo sanguine ceu ostro tinxit. *Mediâ deniq; charitate constravit cum amore inflammatus Media-*

tor



tor Dei & hominum corpus suum per mediam Crucem voluit distendi. Addit non leve pondus huic sententiae arcanorum caelestium Secretaria S. Brigitta quæ lib: 7. c. 15. sibi montem Calvarium personaliter invisenti Divinitus revelatum scribit. *Cum igitur Crux solidè firmata esset, ibidem statim adaptabantur tabule lignæ in circuitu stipitis crucis, per modum graduum usq; ad lignum ubi pedes ejus configi debebant, ut possent per illos gradus tabularum tam ipse quàm crucifixores ascendere, & aptiori modo stare ad crucifigendum. Quo factò statim crucifixores omnes tabulas amoverunt, & tunc remansit Crux sola & alta & Dominus meus crucifixus in illa.*

Mediam viam ingrediuntur Barradius & Escobar. Censent enim manus quidem affixas Cruci in terra iacenti, pedes verò erectæ & statutz in alto. Quare oportebat forsan in hac ratione crucifigendi astringere corpus Cruci, ne inter elevandum huc illuc fluitando iactaretur, aliàs periculum erat, ne degravante suo pondere corpus brachiorum compage iam inter distendendum luxata abrumperetur. Quanquam non est cur ita sollicitos de non iactando huc illuc pensili corpore nobis imaginemur crudelissimos homines: verò similius imò est crudelitatem acerbâ illusione cumulasse, corpusq; illud fluctuans ceu in petrauro ludum sibi iocumq; fecisse & patibularem volucrem appellitasse. Adhibuerunt scilicet aliquam circumspèctionem ut mollius leniusve attollerent, quem durissimè ac dirissimè extenderant: Vt iuxta opinionem revelationesq; plurium sanctarum animarum maximus præ omnibus doloribus fuerit dolor in pectore: experimento id aliquo constat ijs, qui expansis manibus aliquamdiu orant: quia enim extensio brachiorum dolorem pectoris suo pondere gravantis causat, diu illam

vim



vim perferre vix possunt. Quid iam existimabimus de affixis immobiliter manibus? quantam inde pectori dependenti violentiam fieri necesse fuerit? Sive autem tam accuratè distentus in Cruce fuerit Dominus, ut corporis reliqui pondere brachia non possent defluere, sed cogeretur trahi per modum asseris affixi incumbere: primum est cogitare quanta vis pectori fieri debuerit, quantusq; dolor in ea potissimum parte, siquidem ex ea tanquam ex centro membrorum omnium convulsio distractioq; fiebat. Sive (ut alijs placet) laxius quantum ad manus distentus fuerit, ut brachia defluere potuerint, neq; sic à pectore summus dolor divulsioq; compagum & costarum abesse potuit. Meditantur enim aliqui quòd cum Christus Cruci affixus sursum elevaretur, post aliquam à terra sublevationem incurià an consultò prolabi in terram permissus sit, quem casum sequi immanem corporis aliàs pessimè tractati concussionem dismembrationemq; cum inexcogitabili dolore fuit necesse. Similis altera procul dubio in prima sententia evenit, cum trabs Crucis in scrobem præparatam præcipiti descensu demitteretur. Hæc porro hisq; similia tam meditandi quàm dicendi idem fundamentum videtur quòd Petrus Cellensis lib: 9. epl: 9. magnificentissima quæq; de B. V. MARIA opinandi præstruxit. *Multa (inquit ille) præsumuntur de Virgine, quæ nusquam leguntur: & præsumptionibus standum est donec probetur contrarium.* Videlicet sicut amoris Dei erga B. Virginem nihil excellentiarum negandum est, quod iuxta rectam rationem cogitari potest; ita odio Iudæorum aliorumq; crucifixorum à dæmone instigatorum in Christum, nihil crudelitatis ommissum, putandum. Cum essent non pauci; quod uni in mentem sua malignitas non suggessit, suggessit alteri;

quo-



quominus verò quidquid vellent efficere, quis prohibuit? imò quis non instigavit? irritante maxime pessimos ipsâ Domini mansuetudine. De se prædixit quod dixit de Baptista suo Dominus *fecerunt in eo quæcumq; voverunt* Matth: 17. In hac ergo nocendi & flagrantissima voluntate, & amplissima facultate habuerunt scilicet aliquam rationem commodius Crucifixum elevandi, in eumq; finem funibus astrinxerunt pensile corpus? Nisi fortè ut ipsorum finium scabritie, laceratum, amplius concerperent. Hæc & in patiente Domino dolorum fuit aviditas ut sicut venit daturus salutem & daturus abundantius: ita & quidquid pateretur ex hoc motivo, abundantius quoq; pateretur.

In tanta sententiarum diversitate Salmeron, Suarez, Cornelius à Lapide, Sylveira, &c. nihil determinant, totamq; rem in medio relinquunt. Si enim acerbissimus modus tam crucifixo quam crucifixoribus placuit: difficillimum est conijcere quisnam talis fuerit? meo quidem iudicio vel omnes æquè acervi, vel unus ad alterum habuerunt se ut excedens & excessum; hoc est si quâ sui parte lenior unus quàm alter videtur, hoc in aliquo alio abundè compensat. Nec ideo lenior putanda est crucifixio in Cruce humi strata: quia dicitur facilior & expeditior, talis enim est solùm respectivè ad crucifixores, non verò ad crucifixum: quibus quò facilius erat lanienam exercere, eò magis ardua perpeffu in Christum exercebant. Aut si in facilitate lenitatis quid inerat; elevatio Crucis, allisio, præcipitatio in suum loculum compensabat. Similiter loquendum in secunda sententia de tabulato; per quod expeditius ascendebant crucifixores; sed immaniùs raptabatur lacerabaturq; crucifigendus. Tertium modum ipsa jactatio corporis exhibet summè

hor.



horribilem. Quis igitur modus fuerit adhibitus? ille determinatè novit qui pertulit. Nobis sufficit credere quisquis fuerit, acerbum & dolorosum fuisse sine modo.

II. Tresne fuerint clavi an quatuor, ut sicut manibus singulis, ita, ita & pedibus sui sint infixi? *Figit adamantinos summis verticibus dura necessitas clavos*, canit Horatius lib: 3. od: 14. Et quid mirum? si figit ipsi Deo. Dura profectò necessitas moriendi, quâ sine vita melior non poterat mortalibus redire. Ipsa nihilominus necessitas tam in substantia quàm in modo tam ~~dura~~ sponte, liberrimè, elementissimè amore nostri suscepta. Adamantinos illos clavos quis neget? imò quovis adamante pretiosiores, qui in manus *plenas hyacinthis* ipsosq; speciosos pedes evangelizantis Sion inciderunt: adamantini ijdem clavi ob duritiem magis quàm ferrei; aut si quò ad materiam ferrei, quò ad sævitiam tortorum adamante duriores. Erant enim singuli sesquipedem longi ut (qui Parisijs unum inspexit) testatur Valladier apud Lobbetium, adeoq; non esse mirum quod iuxta revelationem S. Brigittæ longè ultra Crucis stipitem prominebant. Quò autem longiores erant, eò diutius graviorq; dolore adigebantur. Certè ipsis pedibus Landspergius asseverat 35. ictibus mallei clavos incussos. Admeditantur alij consultò hebetiores adhibitos maioris tormenti causâ, & qui non nisi vi summâ validisq; malleorum ictibus compulsi, viam sibi facerent; in partibus maximè nervosis ac delicatis, opportueritq; adeo cum obtusis clavis, carnem atq; nervos in lignum impelli: quid si ijdem quadrati erant, aut rotundi quidem verum crebrâ incisione terebræ adinstar inæquales, quæ & imaginari fateor, horror est, verum à crudelitate barbarieq; ministrorum credibilitatem habent. Quod numerum clavorum attinet. Ternari-

um



um svadent veteres Historici Nicephorus, Zonaras, Eutropius, historiâ tripartitâ, & post hos Sigonius ex SS. Patribus adstipulantur. S. Gregorius Nazianzenus qui Crucem *lignum triclave* appellat, & ternionem Divinis Personis sacrum etiam clavis Dominicis quâdam proportionem assignat. SS. item Anselmus & Bonaventura, qui meditatione de vita Christi *tres tantum clavos totum Corporis Christi pondus ait sustinuisse*. Nonnus Panop: in Ioan: c. 19. *immense ait & singulari clavo pedis utriusq; petusculum uno impetu perforatum affixere, pedibus sibi mutuo impositis ac complicatis*. Porro ut facilius clavus unus utrumq; pedem transiret, conjecturat S. Bonav: prius ferreâ fude fuisse perforatos, ac tum iam parato foramine clavum insertum. Affertur pro eadem sententia S. Ambrosius qui citatis Historicis consentire videtur: accedunt Ludolphus & Abulensis; quorum posterior dat rationem, quia clavorum hic numerus sufficiebat; graviorq; dolor tribus quàm quatuor clavis causandus erat: quod instigantibus Iudæis spectabant milites, & Christus optabat. Oportebat enim pedem pedi imponere, & clavo configere; qui clavis uti longior & crassior esse debuit, diutiusq; infigi: dubium non est, quin acerbiorum cruciatum intulerit. Confirmat rationem sydon Corporis Domini quæ Nicææ five Nancei Lotharingiæ religiose asservatur; in illa enim Divinissima picturâ non penicillo sed miraculosâ impressione totius corporis facta, unius pedis vulnus alterius vulnere latius est, magisq; hians, unde colligitur illum pedem superius alteri incubuisse, crassiorq; parte clavi magis laceratum: si verò duo clavi fuissent, utrumq; vulnus æquè aut saltem fine magis notabili laceratione hiaret. Respondet in linea parallela modus hic crucifixionis, modo fasciationis, ut

Vu

sci-



scilicet sicut infans recens natus uno alteri superimposito pede fasciatur, ita moriturus eodem habitu pedum conclavaretur. Prælusit formosus Absolon in figura *specioso præ filiis hominum*; non in causa, sed in telorum numero; tribus enim ille confixus lanceis, hunc tribus clavis præsignabat configendum. Non leve momentum facit cor S. Claræ de monte Falco Virginis Augustinianæ, in quo cælator Amor cum omnia Sponsi patientis arma, tum nominatim tres clavos effigiavit. Testatur Isidorus Mosconus in vita illius: spectasse ibi non semel tres nerviculos, ex quibus tres clavi dependebant, duo quidem minores, & tertius maior. Eundem numerum & proportionem servavit S. Ignatius de Loiola in Sigillo Societatis IESV, pro quo cum Sanctissimum nomen assumpsisset, iam olim à S. Bernardino Senensi delineatum; quod adhuc deerrat, Crucem in medio superius pro apice, inferius tres clavos apposuit pro coronide. Eidem sententiæ favit S. Hieronymus apud Lyræum, cum per tres clavos Crucifixi, tres virtutes, quibus etiam sine sanguine possimus Martyres effici, intellexit. Scilicet obedientiam, patientiam, & humilitatem. Manum dextram configit obedientia sine murmuratione; sinistram patientia sine simulatione, pedes humilitas sine distinctione. Clavum obedientiæ impellit amor supernæ libertatis, clavum patientiæ timor pænæ gehennalis: pedes verò configit humilitas, ut non solum maioribus sed & minoribus propter Christum nos subiciamus. Deniq; tria substantialia Religionum vota, quid nisi totidem clavis Christi militant? ad eorum memoriam & cultum à studio perfectionis Christianæ hæc vota emittuntur, iisdemque mundum sibi, & se mundo; Christo deniq; in Cruce religiosa configunt, Latius patet Sacris Religionibus

Reli.



Religio ipsa Christiana seu Ecclesia. Hæc quanta quanta est, tres solum clavos in manibus pedibusq; Domini videtur agnoscere, cum non aliter seu pingat, seu quavis ex materia fingat Crucifixum, quam gemino per manus & uno per utrumq; pedem traiectum clavo. Ita piissimum hoc mysterium proponitur Europæ, ita Asiæ, ita Affricæ & Americæ: atq; adeo consensus per universum mundum diffusæ Ecclesiæ irrefragabile conficit argumentum pro tribus clavis.

Nequaquam tamen surdâ penitus aure prætereunda sententia contraria. Docent & hanc SS. PP. graves & non pauci. S. Cyprianus M. distinctè asserit *clavis pedes terebratos*: S. Augustinus *vestigia diris confixa clavis*. S. Gregorius Turonicus, duo inquit affixi erant in palmis, & duo in plantis; breviq; post singulorum subiicit historiam. Duo aptati fræno Constantini, tertius proiectus in mare Adriaticum, eo enim tempore mare magnis fluctibus movebatur: cum proiectus esset à Regina Helena clavus, mare quietum reddidit. Quartum asserunt defixum esse in capite statuae Constantini, ut tota ipsa civitas cui imminet, munitione salutis in illa galea coronata esset. Nec obstat S. Ambrosius, qui oratione de obitu Theodosij ita loquitur. *Quæsit Helena clavos quibus crucifixus est Dominus, & invenit; de uno clavo frænos fieri præcepit; de altero Diadema intexuit, unum ad decorem, alterum ad devotionem vertit. Misit itaq; filio suo Constantino Diadema gemmis insignitum, quas pretiosior ferro innexa, Crucis Redemptionis Divinæ gemma connecteret. Misit & frænum. Utroq; usus est Constantinus. Bonus itaq; clavus Romani Imperatoris qui totum regit orbem ac vestit Principum frontem, ut sint prædicatores qui persecutores esse consueverunt. Rectè in capite clavus, ut ubi sensus est,*

Vuz

ibi



*ibi sit præsidium: in vertice corona, in manibus habena, &c.*  
 Variat quidem S. Ambrosius Gregorianæ historiæ modum, sed non tollit substantiam. Potuit idem clavus coronare frontem Principis vivi, & infigi in galea deinceps statux Principe defuncto. Quod autem unum tantum clavum in fræno collocat; utiq; non exproffesso ibi historiam, sed orationem textit; oratoriâq; deinceps libertate alios immemoratos præterit, delibatis duntaxat quæ ad rem suam erant, ad alia progreditur. Ego antequam ulterius progrediar, annoto ex Baronio *tom: 3. ad Ann: 326.* Nautas olim sanctificatum clavo Christi mare veneratos, cumq; illud ingressi essent, ieiunijs, orationibus, & Psalterio vacasse. Frænum quoq; clavis Domini ceu sacro amuleto communitum, ut Iustino Imperatori contra Magi cujusdam infidias præsidio fuerit? vide apud S. Gregor: *Turon: lib: de gloria MM. c. 6.* Hinc neq; indignior usus clavi salutiferi ad equi frænum putandus est; cum & à Propheta olim, ceu quid ex ordinatione Dei, ac eidem honorificum prædictus sit. *In die illa erit quod super equi frænum est sanctum Domino.* Zachar: 14. Innocentius III. Papa totidem clavos numerat, nec sine mysterio, nam quatuor clavos, quatuor dicit virtutibus cardinalibus respondere, non minùs aptè quàm illi qui tribus totidem virtutes Theologicas adsignificant. Idem intellige de substantialibus Religionum votis, nempe si tria, tres clavos adstruunt: pro quaternario numero quatuor substantialia quarundam Religionum vota militabunt. Certè S. Petrus Nolascus suum Ordinem B. V. M. de Mercede quarto voto obstrinxit ad manendum in pignus sub paganorum potestate, si pro Christianorum liberatione opus fuerit: S. Franciscus de Paula suos Minimos ad perennem vitam quadragesimalem: S. Ignatius suos Professos



fos ad Missiones Apostolicas: S. Ioannes Dei suos Bonos  
 Fratres: & Ven: Camillus de Lellis suos Clericos mini-  
 strantes infirmis, ad eorum curam. Alphonsus Paleottus  
 Archiep: Bononiensis in explicatione Sacre Sydonis c.  
 9. quatuor clavorum numerum refert ad mysterium qua-  
 tuor mundi partium Salvatoris Crucifixione redempta-  
 rum. Huic etiam sententiæ subscribunt Cardinales cele-  
 berrimi Baronius, Bellarminus, & Toletus, qui *in cap:*  
*Ioan: 19.* argumentum sumit numeri clavorum ex nu-  
 mero crucifigentium ipsis verbis S. Greg: Turon: *Cru-*  
*cifixores quatuor fuisse leguntur, quorum singuli clavos sin-*  
*gulos infixerunt.* Tot verò fuisse crucifixores evincitur  
 ex consuetudine Romana, cuius meminit Seneca lib: de  
 vita beata. *Vnusquisq; vestrum clavos suos ipse adexit.* Et  
 Plautus in Mostellaria. *Ego dabo ei talentum primus, qui*  
*in crucem excurrerit, sed eâ lege, ut affigantur bis pedes,*  
*bis brachia.* Missis alijs plurimis, hanc sententiam Gvilel-  
 mus Damasi Lindanus Episcopus Gandaven: Salmeron,  
 Cornelius à Lapide, Escobar, Lobbetius, Gretserus, Car-  
 thagena, Sylveira, Wittfelt, &c. probabiliorē esse exi-  
 stimant. Fulcit auctoritatem ratio, quia scilicet valde  
 incommodè duo pedes uno clavo transfigi poterant, com-  
 modiùs longè duobus pedes: sicut duobus manus erant  
 affixæ. Et faciunt rationi fidem testimonia imaginum, in-  
 primis non arte humanâ, sed ipsius naturæ opificio ela-  
 boratarum ex lapide. Recitat Kircherus mundi subter-  
 ranei tom: 2. tab: 4. ex Cardano Ticini in Monasterio  
 Carthusiensium exhiberi saxeam Crucifixi effigiem non  
 manu factam, & alterum simile naturæ ludentis opus ve-  
 nerandum Venetijs in Templo S. Georgij: utrobiq; pe-  
 des specialibus clavis fixi conspiciuntur. Admirabilior  
 his omnibus, quia non iam naturæ, sed gratiæ opus, vi-



va, Crucifixi imago, S. Franciscus Seraphicus, quam huc  
 verbis Lucæ Wadinghi transfero. *In plantarum & pal-*  
*marum medio infixi vulneribus prominebant clavi, non*  
*ferrei sed ferreis similes, nigri, duri, fortes, solidi, capitati,*  
*cuspidati, quorum materia ut dixit Alexander IV. de sub-*  
*jecto propria carnis excrevit, vel de materia novæ crea-*  
*tionis accrevit: horum clavorum cuspides non directæ sed*  
*reflexæ tanto spatio, ut scribunt S. Bernardinus Senen: Pi-*  
*sanus, &c. ut retorto acumini digitus commodè posset im-*  
*mitti: moveri poterant clavi huc illuc in quamlibet partem,*  
*&c. &c. Annal: Ord: Min: tom: 1. pag: 316. Subijcit*  
 paulò post idem Author Lucam Tudensem (cujus opus  
 contra Albingenses extat tom: 13. Magnæ Biblioth: vete-  
 rum PP.) sic loquentem l. 2. c. 9. *Alij nullâ fulti autho-*  
*ritate asserebant tribus tantum clavis Cruci affixum fuisse*  
*Christum. Sed omnipotens Deus qui infirma mundi ele-*  
*git, ut fortia quæq; confundat, per servum suum litera-*  
*rum elementis ferè rudem Franciscum occultâ fide ita il-*  
*lorum elusit argumenta fallacia, ut etiam inviti cedant*  
*manifestissimæ veritati. Nec manu factarum imaginum*  
 spernenda autoritas, quarum ut antiquissimæ quæq; sunt,  
 ita longius tam ab hodierna cultioris penicilli absunt li-  
 centia, quàm fictionis suspitione, ut pro historico au-  
 tographo haberi possint. Colitur Lucæ in Thuscia, (cujus  
 meminit Iacobus Bosius lib: de Cruce c. 15.) antiquissi-  
 ma Crucifixi statua cedrina S. Nicodemi in Evangelio  
 laudati (ut creditur) opus, alia Lovanijs apud S. Michæ-  
 lem, & Burgis in Hispania ejusdem scalpri teste Cartha-  
 genâ. Vetustissimæ quoq; aliæ effigies Parisijs; multis  
 per Germaniam locis; Syroli prope Anconam; Modetia  
 ad Mediolanum in S. Ioannis (ubi & ferrea Imperij ser-  
 vatur corona) donum Gregorij Papæ I. argentea imago  
 à Theo-



à Theodolinda Regina Gotthorum Templi Fundatrice  
 illic deposita; quotquot Romæ ex SS. MM. cæmeterijs  
 eruuntur; quotquot ex Græcia prisca moris retinentiore  
 afferuntur: omnes Dominum quatuor clavis confixum  
 repræsentant. Quid ergo (dicet aliquis) communis iam  
 à multis sæculis Ecclesiæ S. usus triclavem Crucifixi i-  
 maginem proponit? Respondet magnum inter Theolo-  
 gos nomen Gabriel Vasquez tom: 1. in 3. part: S. Thom:  
 disp: 102. c. 2. citans allatum superius Episcopum Tu-  
 densem. *Albingenses in Gallia novi Manichæi imagines*  
*SS. deformes effingebant in earum derisum & contem-*  
*ptum, hæc ratione B. V. monoculam depingebant præten-*  
*dentes Christi humilitatem, qui voluerit deformem femi-*  
*nam in Matrem eligere. Hoc eodem animo in imagine Cru-*  
*cifixi uno clavo simul utrumq; pedem figebant, cum antea*  
*duobus clavis seorsim figerentur. Hujus deformitatis in*  
*vetustis picturis vestigium aliquod Crucifixi apparet. Iam*  
*verò cum omnes uno clavo utroq; pede fixo depingantur;*  
*ea mirabili arte & membrorum proportionem formantur, ut*  
*animum ad religiosum cultum facile moveant. Ea scili-*  
*cet sapientissimæ Christi Sponsæ est industria, ut Egy-*  
*pti spolijs ditescat, id est ipsis perniciosis hæreticorum*  
*inventis ad pietatem devotionemq; proficiat: ex ipso aco-*  
*nito & helleboro mella legat apibus argumentosa. Ita &*  
*hic quod impij illi Chami, nudi in Cruce parentis opti-*  
*mi derisores, sumptâ occasione ex modo crucifigendi,*  
*traxerant in materiam subsannationis, illud ipsum Ec-*  
*clesia sancto ingenio vertit in argumentum maioris de-*  
*centiæ, honestatis, compassionis, subtracâ deinceps o-*  
*mnino occasione cavillandi. Ex hac ergo communi quidem*  
*sed recentiore in Ecclesia pictura S. Ignatius tres dun-*  
*taxat clavos suo intulit sigillo: ex hac S. Clara de mon-*



te Falco in corde ceu in tabula venis quasi lineamentis  
 artifice Amore ducta instrumentorum Dominicæ mortis  
 simulacra: accommodabat se enim Divinus Apelles ad e-  
 am quam S. Virgo ex pijsimo consueti Crucifixi aspectu  
 mente conceperat ideam: neq; peculiaris forsitan inter-  
 cessit revelatio: qualis pro posteriore sententia inter vi-  
 siones S. Brigittæ *extrav. c. 51.* affertur. *Pedes deorsum*  
*tracti, & duobus clavibus perfossi.* Et lib: 1. c. 10. *Deinde*  
*dextrum pedem crucifixerunt, & super hunc sinistram duo-*  
*bis clavibus,* quod lib: deinceps 4. c. 70. explicat. *Pedes*  
*semiliter ad foramina sua distenduntur, cancellatiq; & qua-*  
*si infra à tibijs disiuncti duobus clavibus ad Crucis stipitem*  
*confinzuntur.* Ratio desumpta pro tribus clavibus ex figu-  
 ra Absolonis non evincit; nec enim oportet per omnia  
 figuratum respondere figuræ. Sicut umbra fuit Christi  
 vendendi Ioseph à fratribus venditus; ille tamen vicenis,  
 (vide Gen: 17.) Christus trigenis argenteis. Matth: 26.  
 Alia argumenta superioris sententiæ dissoluta invenies a-  
 pud Carthagenam: posterioris verò sententiæ licet multò  
 firmiter videantur, non tamen ita satisfaciunt Suario ut  
 hic aliquid certi statui posse existimet, in 3. part: D. The-  
 Iustus quoq; Lipsius par sibi virtute & doctrina lib: 2. c.  
 9. de Cruce ait in hoc *dissensu Patrum non esse suum ar-*  
*bitrari,* sive arbitrum agere. Cardinalis ipse Baronius,  
 qui sententiæ secundæ apertè faverat, tom: 1. Annal: 11.  
 110. subdubitans dicit. *Clavos Salvatoris non fuisse pau-*  
*ciores quàm tres, non plures quàm quatuor.* Frivolè igitur  
 non minùs quàm malignè Calvinus, ut nullum clavorum  
 Christi, sicut nec cæteras reliquias venerandum doceat,  
 oblatrat, Catholicos non iam tres aut quatuor, sed facilè  
 duodecim clavos Domini venerari. Qui enim Romæ a-  
 pud S. Crucem in Ierusalem colitur; Coronam seu gale-  
 am



am Constantini olim ornabat & armabat. Qui Mediolani in maiore Basilica, in summo Templi fornice inter quinque perpetuò collucentes lampades hæret affixus; alterius manûs tormentum Salvatori, ut Eutropius, Imperatoris præsidium frangi fuerat, ut auctor est Philip: Bergomen: Quem Treviri habent; dextrum pedem Salvatoris configebat, quâ de re notitiâ exorcismi à dæmone extorserunt. Hunc Metensis aliquando Episcopus ubi clam in sinum abscondisset; clavus abundantius fudit sangvinem, qui guttatim è sinu in terram stillando, pium licet, prodidit raptorem. Quartum mare Adriaticum habet, quanquam & is ut animadvertit Boughesius in Hist: Evang: c. 143. qu: 7. potuit, ceu bolis, fune alligatus immitti ne periret, redditisq; illi bruto elemento halcedonijs retrahi; atq; adeo unus ex ijs esse, qui alibi locorum cultui proponuntur. Ut proponitur clavus Domini alius Parisijs, alius Colonia, Aquisgrani item, Viennæ Austriæ, Carpentorati, & sicubi forsân: tales existimandi sunt non omnes è Corpore Domini, sed vel ex ipsa Cruce cujus ligna transversa committebant, vel quibus titulus Crucis erat affixus: vel certè aliqui ad similitudinem genuinorum clavorum fabricati, ita dicuntur clavi Domini, sicut imago Christi, Christus: multò autem digniores veneratione sunt, ubi particulam aliquam ex originalibus clavis decisam, inclusam continent. Hoc autem factum esse vel ex uno Romæ asservato conijcitur, cum enim magnam sui partem quâ vulnus minatur, amiserit: & in reliquo corpore limam aut ferram passus videatur, opinionem non obscure confirmat. Et hæ conjecturæ sunt Lyræi. Baronius tom: 3. ad An: 326. præter allatas existimat potuisse accidere ut clavus aliquis inter sacras reliquias asservatus, quo mysticum membrum Chri-



fti Martyr nempe aliquis confixus est, idem unus ex ipsis  
 Passionis Dominicæ clavis existimetur. Quidquid sit, Fi-  
 des (ut ait Ambrosius) purgat facinus, cum nemo fide-  
 lum ferrum colat, sed Christi potius Passionem veneretur.  
 Serventur autem clavi Dominici in Urbibus clarissimis,  
 in religiosissimis Templis, ut dictum est, non possunt cla-  
 riore religiosioreq; loco servari quam in corde nostro: id  
 nos præstare monet Ecclesia, cum in sacris picturis sub  
 nomine IESV tres clavos in corde cœu sagittas amoris in  
 pharetram competentem insertas proponit. Hoc à Deo  
 exorabat S. David. Confige timore tuo carnes meas,  
 Psal: 118. & iterum 120. Bellarminus & Genebrardus ex  
 Græco legit *Conclava* S. Leo serm: 19. ijs, qui limitem  
 observantiæ sentiunt excedere, svadet orandum Deum  
 ut clavis timoris sui carnes eorum configat. *Est qui cla-  
 vis Domino configitur Maiestatis quem timor Domini li-  
 gat, qui non expavescit ad vultus hominum, sed ad me-  
 moriam gehennalium tormentorum.* S. Bernard: serm: de  
 tripl: cohærentia. Et Vincentius Gillibertus in Ps: 2. v.  
 12. *Servi configuntur clavis ferreis, filij clavis aureis.* V-  
 trisq; prodest. Nam quemadmodum qui corporis membra  
 clavis habent transfixa, ad actionem quamlibet immobilia  
 ea retinent, sic ij, quorum animam occupavit Dei timor, o-  
 mnem prorsus importunam peccati, obstreperam occasionem  
 vitant ait S. Basilius in Ps: 33. Celebratur Festum clavo-  
 rum Domini in Boemia & Alemania feriâ 6tâ post Octa-  
 vas Paschatis ex concessione Innocentij VI. ad postula-  
 tionem Caroli IV. Imp: facta anno 1353. & confirmata à  
 Martino V. per Bullam peculiarem. Et iam ad aliud quæ-  
 stionis punctum festinans penna, in extrema adhuc præ-  
 sentis puncti lacinia detinetur. An scilicet per volam ma-  
 nus an per carpum clavi Dominici sem additi. Carpus est

bra



brachij extremitas, quæ proximè necitur manui, in eo maximè sentitur pulsus seu arteriæ micatio, in eo etiam sunt plurima nervorum coniugia, & veluti nexus aliquis quodq; inde sequitur, in eo maximè viget sensus tactus: unde cum hic carpus convellitur ingentem dolorem cieri necesse est. Ob hoc ipsum Lobbetius per carpum manus Dominicas affixas putat, & quidem clavis adaectis non directè sed transversim, ut scilicet per carpos impulsæ in manus, deniq; superficiem, extremitates acuminum definerent. Sic verò affigi placuit non modò ut hareret firmitus, verum etiam ut maiori afficeretur cruciatu, dum clavi per diffusos in carpo nervos, arterias, venas adiguntur 26. mallei ictibus, (ut numerat Lanspergius) easq; contundunt, dividunt, secant. Fundamentum opinandi præbet longitudo ipsa clavorum, & energia Sacri Vatis Ps. 26. *Foderunt manus meas*, quâ non simplex perforatio, sed prolixior sulcatio innuitur. Mallonius quoq; ex Sacra Syndone Taurinensi idem confirmat, quâ ubi de Cruce depositum Corpus involutum esset, ut omnium aliorum vulnerum; ita lacerati, convulsiq; carpi manent vestigia, apparetq; quòd vulnera illa in longum & latum ex gravitate corporis & brachiorum carpum degravantium, continuò sint effecta maiora & productiora. Obliquæ denum Templi Salomonici fenestrix 3. Reg. 6. obliquas manuum Christi aperturas, ingeniosè Caribagena suspicatur figurasse, & antiquæ picturæ quædam opinioni adstipulantur. Nihilominus Cornelius à Lapide per volam manus clavos adaectos asserit secutus communioem fidelium sensum, qui in picturis passim se prodit. Favet illud Zachar. c. 13. v. 6. *Quid sunt plagæ istæ in medio manuum tuarum?* Addit Bourghesius difficulter clavos transversim non directè



infigendos fuisse Crucem. Et ipse Dominus Thomæ cum diceret: *Vide manus meas, volam manus ostendere videbatur.* Ioan: 20.

III. *An etiam funes in Crucifixione adhibiti fuerint?* Westphalus Hæreticus sycophanta clavis an funibus Dominus in Crucem actus fuerit? nequiter ausus est dubitare: sed nebulam hanc sole suo pridem dispulit S. August: in Psal: 68. *Nisi clavis fixus esset; crucifixus Dominus non fuisset.* Ipsi quinnò collaterales Domini in supplicio latrones, non funibus ut vulgus pictorum opinatur, sed clavis ad suas cruces erant confixi: aliàs nihil negotij S. Helenæ in discernenda ab alijs Cruce Dominica esset, utiq; foraminum indicio eam dignovisset: oportet igitur omnes foramina clavorum habuisse, cum alia via discernendi quæri debuerit. Cæterum Dogma Fidei est, Christum non funibus sed clavis fuisse affixum; fieri tamen potest, ut funes quoq; adhibiti sint ad colligandum Cruci Corpus Domini, alioqui enim tota moles è manibus vix pendere & sustentari potuisset. Ob hoc forsân S. Hilarius lib: 10. *de Trinit:* ait Christum Cruci clavis affixum & funibus alligatum. Funes ipsi ostenduntur Romæ ad S. Crucem in Ierusalem, ædificato à S. Helena. Addit Nonnus vetus Paraphrastes S. Ioannis. *Extenderunt Christum astringentes vi explicatas uirgibus manus ferreo vinculo:* quale fortè modò conspicitur in Martyribus Iaponicis. Adhibitos quoq; funes in ipso actu extensionis Sanctissimi Corporis constat ex lib: 7. revel: S. Brigittæ c. 15. Licet enim factus obediens Dominus usq; ad mortem, postquam in vita fuisset subditus Parentibus: in morte promptissimè obtemperaverit tortoribus: nihilominus etiam obedientissimo homines offerri vim adhibere non dubitarunt. *Non coactus,* (ait S. Brigitta



gitta,) sed statim voluntarie extendit brachium suum, & aperta sua dextera manu posuit eam in Cruce, quam illi se-  
vi tortores immaniter crucifixerunt. Perforabant eam per  
eam partem quâ os solidius erat: tunc etiam trabentes cum  
fune vehementer manum ejus sinistram Cruci affixerunt e-  
am simili modo. Deinde extenso corpore supra modum, iun-  
ctos pedes affixerunt in Cruce: in tantum autem extende-  
runt illa membra gloriosa, quòd quasi omnes venæ & ner-  
vi ejus rumperentur. Huc respexit Propheta cum cane-  
ret, dinumeraverunt omnia ossa mea, Ps: 21. Alijs verbis  
doctissimus Eckius tract: de Pass: c. 5. confid: 3. sensum S.  
Brigittæ exprimit. Manus altera obtuso clavo ut gravi-  
or esset dolor, Cruci affixa est, altera verò quando iam fo-  
ramen attingere non poterat, funibus sic extensa est, ut ve-  
næ disrumperentur. Et hunc cruciatum per extensionem  
cum funibus tantum ac tam gravem asserit S. Brigitta  
l. 1. c. 10. & lib: 4. c. 70. iterum lib: 7. c. 15. ingeminat,  
ut omnium atrocissimus totius anteaetæ Passionis censен-  
dus sit. Confirmat idem S. Catharina Senensis ex pro-  
pria experientia: si quando enim à Christo suo Sponso  
Passionis dolorumq; suorum fieret particeps; sentiebat  
longè maximum cruciatum in distensione & distractione  
pectoris; & tamen vix ibi micam aliquam sui doloris  
Sponsus sanguinem impertiebatur. De hac distensione  
iam puncto primo quæstionis præsentis aliquid innui: &  
uberius Lobbetius tract: de Pass: c. 9.

IV. *An ad pedes Christi in Cruce fuerit tabula?* Passus  
est Christus Dominus supra caput suum in Cruce, affigi  
tabulam tituli; si ad pedes quoq; ejus fuisset apposita,  
merito titulos & omnia gloriæ insignia videretur calca-  
re, pedibus premendo tabulam, qualis regios titulos su-  
pra ejus caput extulisset: & certè SS. Irenæus & Iusti-

nus



nus MM. quos citant & sequuntur S. Gregor: Turon: de  
gl: MM. l. i. c. 9. & Gretserus lib: 1. de Cruce c. 29. Dre-  
xelius, Estius, Bellarmini: arbitrantur in Cruce fuisse sup-  
pedaneam tabulam, qualem Tertull: l. 3. ad nationes so-  
listaculum vocat. Græca Ecclesia, ut imagines ejus pas-  
sim testantur, agnoscere ac recipere id videtur. Anti-  
quus etiam Nummus Lætiensis Monasterij scabellum  
quoddam habet, quod necessarium videtur fuisse Bourg-  
hesio ad sustentandum corpus brachijs expansis è clavis  
duntaxat pendulum. Qui & vellicat Lipsium contra sen-  
tientem: nempe quòd delicatior ejusmodi fabrica Cru-  
cis ei videri possit, qui per horæ quadrantem nunquam  
extensâ habuerit brachia. Delicatior nihilominus accu-  
ratorq; hæc fabrica Crucis meritò videtur Lipsio quàm  
ut vel perosæ omne lenimentum patientiæ Domini, aut  
intentæ in ejus tormenta malignitati placere potuerit.  
Laudant & secundant Lipsium Corn: à Lap: Lyræus,  
Sylveira. Superior quin etiam Crucifixionis modus non  
cohæret cum proprietate verborum scripturæ, in qua  
non stetit sed fuisse suspensus dicitur in Cruce. *Quem  
vos interemistis suspendentes in ligno.* Act: 5. & *maledi-  
ctus qui pendet in ligno.* Ad Galat: 3. Deinde si tabula a-  
liqua fuisset, fuisset etiam reperta, sicut repertus titulus  
Crucis cum Cruce. Acceptavit Dominus tabulam supra  
caput, quia ad contumeliam & iritionem pertinebat,  
quia calumniam meram continebat, eâq; se ceu honorifi-  
câ aureolâ voluit coronari: non acceptavit sub pedibus,  
quia talis aliquam commoditatem præstitisset. Franci-  
scus Lucas in c. 17. Matth: existimat Crucem ad pedes  
Christi fuisse excavatam ut calcibus in eam cavitatem  
receptis, pedes non decussati, nec flexis poplitibus pos-  
sent crucifigi, favet sententiæ Lyræus, & pro confirma-  
tione



tione allegat imaginem Crucifixi, quæ in monte S. Bavarix religioſe colitur, diciturq; ea eſſe quam Carolo magno Angelus attulit, cujus deinde auspicijs Pipinus filius & Comes, poſtea Ratho lætiſſima de infidelibus trophæa retulerit. Apparet, quòd in ea Cruce aliquam propedum calcibus recipiendis cavitatem notaverit: non incommodam opinionem hanc dicit & Cornelius. Sed Sylveira reiſcit tanquam nullo antiquiorum Authorum tritam veſtigio. Igitur S. Brigittæ ſtandum revelationi lib; extrav: c. 1. loquitur enim illi Dominus. *Nec aliud ſuſtentaculum habebam niſi clavos.* Habuerint forſan alij cruciarij, ut memorat S. Iuſtin: dial: cum Tryph: *lignum aptatum eſt utrinq; tanquam cornu eminens in quo requieſcerent & immitterentur.* S. quoq; Irenæus l. 2. c. 41. *figura inquit Crucis fines & extremitates habet 3. duas in longitudinem, duas in latitudinem, unam in medio, in qua quieſcit qui clavis affigitur.* Habuerint inquam alij, quorum quieti in ipſis cruciatibus conſulebatur. Non habuit ille qui præter laborem & dolorem nil quaſivit utq; vitam ac iuventutem auſpicatus erat à labore, ita in labore ac dolore defecit.

V. Ad complementum reſolutionis decidendum reſtat. *Quò facie verſa Chriſtus ſit crucifixus?* Reſpondet S. Damascenus Orthod: Fid: l. 4. *Dominus cùm in Cruce penderet, ad occaſum proſpiciebat.* Hoc uberius exequitur S. German: Patr: Conſt: Theor: rerum Eccl: *Cruci affixus ad occidentem erat intuens, ejus verò venerandarum manuum altera in meridiem, altera in ſeptentrionem erat extenſa:* idem aſſerunt S. Hieron: Beda, Caſſiodorus, Sedulius, Adrichomius, & recentiores omnes. Carthagina illuſtrat aſſertum ſimilitudine. Quemadmodum Sol oriens occidentem intuetur, ita Sol Iuſtitia, de quo Zach:

6. Ecce



6. Ecce vir oriens nomen ejus, in Cruce existens occidentē aspicere voluit, ut significaret eos, qui in tenebris & umbra mortis sedent, suo splendore illuminaturum. Hoc ex Persona Dei prædixit Malach: c. 4. *Orietur vobis timen-  
tibus nomen meum Sol Iustitiæ, & sanitas in pennis ejus.* Per pennas Carthag: & Sylvei: intelligunt brachia Christi, incredibili enim velocitate adest in salutem nobis: ac velut amantissimus Pater prodigo suo Luc: 15. currit, imò volat obviam cum amplexu & osculo. Et Isai: *Qui ascēdit super occasum. Super occasum* (per scalam Crucis) *ascēdit, quia unde in Passione occubuit, inde maiorem suam gloriam resurgendo manifestavit.* S. Gr: h. 17. in Eu:

S. Clemens Papa Const: Ap: lib: 2. cap: 27. *Oportet ait stare in Ecclesia sapienter, sobriè, & vigilanter, auribus ad verbum Domini intentis: Deinde cuncti pariter con-  
surgentes & ad orientem spectantes precentur Deum.* Hic enim verò ex Apostolica traditione in Ecclesia receptus est situs precantium templorumq; ædificandorum, Authoribus Dionys: Areop: Clemente utroq; Athanasio, Eusebio, Paulino, Cyrillo, Isidoro Hisp: Damasceno. Sardonius etiam restringit Epl: 10. l. 2. *Ortum respicit æquinoctialem & Beletus vetus Auctor. Omnino quoq; necessarium est, ut ædificetur versus orientem, hoc est versus Solis ortum æquinoctialem, nec verò contra solstitium æstivale, ut nonnulli & volunt & faciunt.* Adverte æquinoctij verni sub quod Passio contigit, rationem haberi. Sed accuratius remensem. Origenes in lib: Num: hom: 3. *Nodum hic non facilem seu putavit, seu ut talem obijecit. Quòd ex omnibus cali plagis ad solam orientis partem conversi orationem fundimus, non facile cuiq; puto ratione compertum.* Vestigavit solutionem Latinus Pacatus cum diceret. *Divinis rebus operantes, in eam calo plagam*



*gam convertimur; unde lucis est exordium. Quo innuit pro tanto munere gratitudinem. Vanior est intentio Apuleij miles: 2. tunc ad orientem obversus, & incrementa Solis angusti tacitus imprecatus. Magis congrua S. Clem: Romani qui inter orandum innuit spectandam primam humani generis Patriam, hoc est Paradysum, quem Deus in Eden ad orientem plantavit, ut censent SS. Basilus, Athan: Nyssen: ut quemadmodum ex illis lucidis sedibus nos culpa exegit; ita oratio illuc reducat. At verò nunquid non fons lucis in Cruce? illinc qui versabantur in ignorance, exortus est dies cognitionis veritatis. Eâ ratione ad orientem fiunt orationes, ait Clem: Alex: Num non Crux est lignum vitæ? & Christus melior Adam, & Passio ejus novus cælestium voluptatum Paradysus? propterea ad orientem adoramus quasi faciem ejus intuentes, ait S. Damasc: Propterea Tempia ad orientem ædificantur, ut in eis Christus crucifixus ab oriente occidentem respiciens, in oculos animosq; intrantium incurrat. P. Melchior Inchoffer in 3bus Magis Evang: c. 45. Adorandi ad orientem, causam duplicem reddit. Quia, inquit, ab oriente venerunt ij primi ex gentibus qui crediderunt; ut inde vocationis nostræ & illucescentis primùm Evangelij recordeamur. Iterumq; cogitemus pendentem de Cruce pro salute nostra Dei Filium ab oriente respexisse in occasum. Atq; (subiungit author,) apparet hinc quanta sit affinitas mysterij Crucis & Magorum ab oriente vocationis. Vt hinc initium capiat gentium salus, inde perfectionem: illic aurora præluxerit, hic Sol plenus affulgeat. Nec alterum ab altero separetur; adeoque uno religionis cultu utrumq; aptè concludatur.*

Verùm hæcenus dicta probant Christum è Cruce occidentem respexisse, sed causam situs non dant. Dat

Xx

Regi-



Regius Vates Ps: 65. *Oculi ejus super gentes respiciunt.* Ita se vertit ut terram occidentalem, Italiam, cæterasq; Europæ Regiones, Romam præcipuè, quàm in trophæum suæ victoriæ destinabat, intueretur. Romam sibi occidenti ad occasum objacere voluit, quemadmodum olim arcam testamenti Deus ad occasum Templi voluit collocari: ut in hac sanctiorem arcam ultimâ voluntate spiritum suum, hæreditatem pro filiis adoptionis deponeret. Cùm verò facie respiceret gentes: oportuit iam à tergo relinqui Iudæos. Adrichomius consultò aversâ ab Ierosolymis facie crucifixum putat; ut quem indignum iudicarent pessimi, etiam aspectu ultimo civitatis Sanctæ, tanquam hostem acerrimum, hominem profanum ac immundum; nescioq; quid mali ac feralis fascini in oculis habentem. Vero autem similius est ingrati, impiamq; civitatem, ne aspectu quidem dignam fuisse. Irati fuit Numinis indicium & implacabilis ultimata faciei aversio. Hanc olim comminatus erat Ierem: 8. *Dorsum non faciem ostendam eis in die perditionis eorum.* Reprobabat ejusmodi situ Iudæos & eligebat gentes in hæreditatem sibi. Lyræus quidem ex manuum collocatione argumentatur Ierusalem non à tergo sed à sinistris iacuisse Salvatori ad septemtrionem: At & sic non melior ejus conditio utpote quæ cum hædis ad lævam damnaretur. Non debet verò pia curiositas hujus quæstionis absq; fructu cedere; ob quem bene animo est insigendum non solum à Iudæis, verum etiam à Christianis eorum similibus faciem avertere. Extat alicubi etiamnum imago Crucifixi facie, totoq; pene corpore post evulsam à manu dextra clavum in latus alterum averso, prout avertit ab homine impænitente ac ingrato. Confimilia sunt huic quæ refert *Herman: Carthusiensis ser: 33.* in exequiis hominis

agrc-



agrestis, verbumq; Dei ac mysteriorum auditionem per-  
 rosi, sub solennes vigilias Christum à Cruce revulsis ma-  
 nibus, aures suas obturasse. Matthias Faber quâdam con-  
 cione refert idem contigisse in funere hominis cætero-  
 qui boni sed tenacis, qui ne pauperum mendicantium  
 quiritationes exaudiret, longè à platea cubiculum in are-  
 am interiorē subduxerat: atq; ob hoc super ejus cada-  
 ver deprecante Clero, visus est crucifixus, & manus à  
 Cruce avellere; & aures digitis insertis occludere. Su-  
 per alio quoq; qui offensam sui nullo modo condonare  
 volens, cupidam vindictæ animam infelicitè efflaverat.  
 Burgis in Hispania; similiter ianuas clementiæ aures su-  
 as obserabat Crucifixus, addito epiphonemate. *Non pe-  
 percit neq; parcam*, ut scribit Ioan: Iunior *in scala celi*.  
 Quod totum nil aliud est quàm Christum ad occasum  
 obverti.

Pro coronide notandum hîc discrimen sub lege ve-  
 teri & sub nova orantium; Templum Salomonis occi-  
 dentem spectabat, & versus eandem plagam Hebræi ado-  
 rabant. *Ne gentium more adorarent solem; sed solis Do-  
 minum*. Ait Anast-Nicænus. (Gentiles enim etiam orien-  
 tem religiosum habuerant, ut docent Vitruvius l. 4. c. 5.  
 & Hyginus de limitibus apud Iulium Bulengerum tom:  
 1. de Templ: l. 3. c. 7.) Hinc & Ezech: c. 8. indignatur  
 Deus ijs, qui dorsa obversi sanctuario adorabant ad or-  
 tum. In nova autem lege & templa & ora obvertimus o-  
 rienti. Nos ita facimus, quia (ut supra dixi,) ab oriente  
 nos Dominus respexit. Et *salus ex Iudæis* Ioan: 4. Lex  
 etiam nova nunquam occidet, adeoq; non occidentem  
 spectat. Vetus verò lex occidentem requirebat adoran-  
 do, quia occidere debuit, nec aliter salutem suis potuit  
 conferre sectatoribus, nisi crederent in eum, oculosq; fi-



dei intenderent, qui *Expectatio gentium*, venturus erat Redemptor. Adeoq; animo ac desiderio esse debuerant Christiani, ut salvi fierent.

Summa quaestionis decisæ. Erectæ an stratæ, Cruci affixus Dominus? non liquet: Clavis non paucioribus quàm tribus, neq; pluribus quàm quatuor: Funes in subsidium clavis accitos tum distendendo corpori; tum etiam forsan alligando. Absq; suppedaneo pependit Dominus, & facie ab Ierosolymis occidenti obversâ. Hic modus Crucifixionis cui pro lemmate sit distichon S. Francisci Salesij

Aut amor aut furor est qui Te Bone Christe peremit  
Est amor, est furor, est meus hic, ille Tuus.

XC.

*Cur Christus non alio mortis genere mori, nosq; redimere voluerit quàm*

*Cruce?*

**R**Esponsi vice ad quaestionem subijci posset alia quaestio S. Pauli ad Rom: 11. *Quis cognovit sensum Domini, aut quis consiliarius ejus fuit?* Nullus Æterni Patris diphteram evolvit, in qua hoc genus mortis Filio præscripsit. Quinimò si cujusq; hominis cor est inscrutabile, inscrutabilius longè cor Hominis-Dei: Nemo proinde cor ejus inspexit, unde rationem determinatam exciperet, cur sibi præ cæteris illud supplicium arrisisset? Magni tamen & sapientes amici Dei varias & plurimas arcani cæteroqui consilij produnt causas, alias quidem literales, alias morales sive congruentias (ut vocant:) illas ipsas tres in classes dividunt; quarum una completitur causas ex parte Patriis Æterni; alia causas ex parte ipsius



ipsius Christi, alia deniq; causas ex parte infensissimæ ac sanguinariæ malignitatis Iudaicæ. Sed brevitati consulendo ad duo capita omnes revoco arrepta pro fundamento pia non minùs quàm ingeniosa pictura B. Rudolfi Episcopi Compostellani: qui in scutaria tessera sive pro stemmate, sive pro symbolo verè heroico pingebat Crucem puniceam, ex cuius dextero cornu pendebat speculum, è sinistro circinus; per quod innuebatur Christum crucifixum merum esse speculum perfecti amoris, eundemq; circinum mensuralem quo nostras actiones ad virtutem, ad æternas rationes, ad proportionem quandam perfectionis Divinæ exigere debeamus, donec formetur Christus in nobis. Inspiciendum primò speculum Amoris, sive rationes quæ spectant ad contemplandum cognoscendumq; ejus amorem infinitum.

I. Poterat Christus Dominus pro nobis satisfacere solâ humiliatione ad suscipiendam carnem nostram, unico actu adorationis in carne assumpta, unicâ lacrymâ ex profusis in antro Bethleemio, unicâ guttâ stillante sub Circumcisionem: poterat nostras maculas Baptismo Iordanis eluere; poterat lassitudine itinerandi sitiq; illâ ad puteum Samariæ expiare, multò magis sudore illo sanguineo usq; ad agoniam corpus exhauriente, carcere, flagellis, spineâve coronâ. Hæc enim omnia in Deo-Homine actus erant infiniti valoris, nec modò exæquabant suo pretio gravitatem offensæ, sed etiam infinitè eam superabant. Missis tamen facilioribus istis vijs Crucem sibi, non utiq; violentè aut imperiosè à Coæterno & ejusdem secum voluntatis Patre impositam, sed unicè dilectam ac concupitam acceptavit: ut non modò nostrum debitum dissolveret, sed omnimodam quoq; proportionem satisfactionis ad offensam servaret: qualis proportio nec  
in



in alio modo satisfaciendi, nec in alio quovis poterat elucere supplicio. Consideravit hanc proportionem S. Franciscus Borgia, operum lib: I. pag: 38. *Extendit manus suas Christus ad delendam culpam, quia Adamus porrexerat suam ad mortiferum malum: hic ad ramos prohibitos, ille ad Crucis arborem ablaturus suis penis violatoris delictum.* In promptu erant Adamo gressus ad iniquitatem, fixos tenuit eos Christus ad legis obsequium: hic in cælorum itinere; ille per latam viam infernum versûs, hic ad paternam hereditatem; ille ad sempiternum exilium. Sed hujus ductu revocatus est ille, ut seposito errore in ipsum calum penetrare posset. Consideravit eandem olim S. Greg: Naz: in Apologia. *Quemadmodum Christus posuit lignum adversus lignum, ita manus adversus manus & pedes adversus pedes, manus scilicet suas ac pedes clavibus confixos & constrictos adversus manus & pedes nostros incontinentes & solutos.* Ut scilicet quod ex eodem S. Patre addit Lobbetius. *Ad vitæ lignum unde excideramus per ignominia lignum revocaremur.* Utq; mors per arborem, sic & vita per Crucem, aiente D. Ambrosio veniret. Per lignum erigitur lapsus de ligno, & gustu fellis & aceti diluitur esca peccati. S. Leo. *Quoniam morti per lignum aditus paruerat consentaneum erat ut per lignum quoq; vita & resurrectio donaretur.* S. Damasc: lib: 4. de Fide. *Quidquid Adam perdidit, Christus in Cruce invenit.* S. Augustin: & S. Thomas Aq: 3. p. q. 40. art: 9. *Ad satisfaciendum pro Adæ peccato seipsum passus ligno affigit quasi restituens quod Adam sustulerat iuxta Psal: 64. quæ non rapui tunc exolvebam.* Quanquam quid Adam rapuit? pomum utique? pro pomo Christus voluit appendi semetipsum. *Ut de ligno vitæ tuto iam homini comedere liceat, eum ibi appendit fructum, ex quo nisi te vitrius, mortuariis*



*riaris.* Iuglar: Comedit Adam ab Eva porrectum pomum (ut pulchrè observat S. Augustin:) *Ne contristaret delicias suas:* tam carè illud pomum compensavit Christus ut consolaretur delicias suas humanum genus, delicia enim ejus esse cum filiis hominum etiam in Cruce. Ad delicias usq; profectò amamur, & hoc ipsum ingens amoris in nos est argumentum; quòd non tantum pro nobis voluerit satisfacere, nosq; redimere ut misericors mediator, sed etiam personam rei assumere, debitoremque quò ad omnia repræsentare, veluti alienum debitum suum faceret oblectamentum.

II. Arrogare sibi causam forsàn vellent crucifixo-  
res, quòd scilicet non aliter perimere voluerint, tum ut supplicij atrocitate maiorem patienti cruciatum afferrent, suamq; rabiem exaturarent: tum ut infamiæ pænæ, gloriam omnem Domini, claritatemq; nominis, virtutibus ac miraculis comparatam penitus extinguerent: atq; adeo ab ejus disciplina sequelaq; omnes absterrent, dum probrosam adeo Magistri mortem (in eorum opinione) erubescunt ac perhorrescunt. Hanc verò telam ut pertexerent, imponebant crimen affectatæ Deitatis, quod iuxta legem Cruce plecti deberet, sed quia iurisdictione ad Gentiles Romanos translata hoc solum non admodum ab ijs considerandum crederent, addiderunt criminationem affectati Regni Iudæorum, adeoq; rebellionis contra Cæsarem, seditiones quoq; ac tumultus quæ ambitiosis rebellibusq; sunt familiaria: & Romano iure ejusmodi flagitiorum rei crucifigebantur, ut qui voluerant cæteris eminere in Regno, emerent in patibulo. Istud supplicium utpote seditioso & latroni famoso debebatur, sed Iudæi Barabbam præeligendo ad libertatem, Christumq; ei postponendo, unà cum crimine in Christum



stum remoliebantur. *Crucifige eum*, infans clamoribus  
geminantes, quasi dicerent, IESVS incomparabiliter est  
seditiosus, turbo & vertigo Regni, præ illo Barabbas in-  
noxius & integer, hunc ergo potius quam illum per ius  
debitæ addicas Cruci. Hærebant forsan hostibus & illa  
verba Christi *tanquam ad latronem existis*, &c. secumq;  
illico ratiocinabantur, *summè illi dolet instar latronis tra-*  
*ctari*, ergo *ut latronem tractemus*, & *latronum maximum*  
(ut advertit Segneri Conc: fer: 6.) His (ni fallor) ex causis  
iniqui Dominum crucifigi expetiêrunt & effecerunt, a-  
deoq; sibi hoc inventum arrogarent, sed immeritò. O-  
blatus enim est, quia ipse voluit, & sic oblatus, quia sic  
voluit offerri: Odio ipso Iudæorum usus est Amor pro-  
congruo ad suas dispositiones antiquissimas instrumento;  
quod infligebat odium, ordinaverat Amor: quòd Amor  
intenderat, odium exequabatur, amoriq; inserviebat: cer-  
tùm est autem effectum magis esse adscribendum princi-  
pio efficienti quam instrumento; Domino ordinanti quam  
famulo exequenti. Nobis certè (ut cum S. Augustino de  
SS. innocentibus loquente asseram.) *Profanus hostis nun-*  
*quam tantum potuisset obsequio, quantum profuit odio con-*  
*tra Salvatorem*: & cum S. Leone serm: 1. de pass: infe-  
ram. *Vna est Patris & Filij voluntas, ut est una Divi-*  
*uitas, de cuius dispositionis effectu nihil vobis gratia Iudæi,*  
*nihil tibi Iuda debemus. Salvationi quidem nostræ, non*  
*hoc vobis volentibus impietas vestra servavit, & per vos*  
*factum est quidquid manus Dei & consilium decreverunt*  
*fieri.* Meritò soli non habetis quòd omnibus perire voluistis.  
&c. Clarum est quantum in Crucifixione Domini odi-  
um Iudaicum & Amor Divinus discrepaverint, illud e-  
nim Christum tantum perimere: hic genus humanum u-  
niversum laboravit redimere: at verò in causa supplicij  
omni-



omnino convenerunt; tam enim crucifixores quàm Christus Crucem ex omni moriendi artificio delegerunt, quia ex omnibus maximè esset & immane, & infame. Immanitas ejus colligitur ex violenta distensione corporis totius, ex perfossione clavorum, de quibus supra. S. Thomas Aqu: acerbiter hujus tormenti non solum ex his colligit, verum etiam ex diuturnitate. *Mors ait crucifixorum est acerbissima, quia configuntur in locis nervosis & maximè sensibilibus scilicet manibus & pedibus, & ipsum pondus corporis pendentis auget dolorem: cum hoc est etiam doloris diuturnitas, quia non statim moriuntur, sicut qui gladio (idem intellige de laqueo etiam, aquis, præcipitio quin & igne cujus fumus suffocat,) interficiuntur.* Consonat S. Bernardus. *Nec capite truncari aut collo suspendi, aut comburi, aut suffocari voluit, quia mortes illæ breviusculæ, crucifigi autem voluit quod genus id martyrij prolixum ac durum: quia ut amor Christi in nos infinitus, & am re magno patiebatur, ita supplicium ipsum voluit esse longum incomparabile & omnium crudelissimum.* Apud Speranzam fol: 404. S. Hieronymus ibidem citatus nonnulla accuratiùs pensat. *Crucifixerunt eum, ut dolor clavorum intima & nervosa tangens acerbitate torqueret, & suspensio distenderet, ut pondus corporis vulnera manuum & pedum laceraret, & asperitas ligni dorsum flagellatum affligeret, & sic nulla pars corporis dolore careret.* Talem in Cruce contemplabatur S. Franciscus Borgia l. 5. c. 6. *O mi Bone IESV animarum nostrarum dulcis Redemptor quàm prono in nostram salutem affectu tam graves sustines dolores? quàm charitate totum corpus ad recipienda vulnera expansis brachijs exponis, quàm patientiâ acrium luporum sustines morsus? plùs tibi dolent membra hoc modo habita quàm si millies moribus fuissent discerpta iam non vulne-*



*ra membris, sed vulneribus quasi membra in te deficiunt, ut nova vulnera ingerantur; vulnere vulnus infligitur: sed licet deesset corpus tormentis, latissima pateret iniurijs patientia, hanc immensus laborum non obruet cumulus quò plus aquarum tribulationum potaverit, eò vehementius fiet nostram salutem.* Cornelius à Lap: Crucem omnium tormentorum compendium esse dicit, omniaq; supplicia æquivalenter in se continere. In Cruce, ait, omnia penarum genera concurrunt, quare illa Christus in sua Cruce complexus est. Crux enim manus pedesq; secat ut gladius, corpus distendit ut eculeus, lacerat ut ungula, laniat ut bestia: urit, cruciatq; ut focus, adeoq; lento quasi igne assat & necat. Sc. Sc. Et hinc est illa Primasij opinio nulla mors peior propter diuturnitatem cruciatuum. Et S. Augustini epl: 110. illâ morte nihil est peius inter omnia genera mortium. Et alio loco. Crux propterea dicta est, quòd ipsius verbi asperitas cum doloris quem Crux efficit, asperitate concordet. Dicebatur etiam antonomastice supremum sive extremum supplicium tam quò ad sensum doloris, quàm quò ad æstimationem eorum qui Cruci addicebantur, hoc est tam immane quàm infame. Certè quia tale videbatur, honestissimus quisq; periphrasi potius rebatur utendum, quàm ut vel ipso nomine suum os pennamve contaminaret. Ipsi Hebræi generico ligni nomine Crucem exprimunt, ideoq; Regem Hai non in Cruce, ut Latini, sed in gemino ligno suspensum legunt. Hinc Ciceroni *truncus indignus* Livio *truncus infamis* Crux dicitur: Tacitus cui loqui mos est etiam cum tacet, quoties hujus supplicij meminit, propriâ voce silentio pressa phrasim servilitatis adhibet. *Sumptum* inquit, *de eo supplicium servilem in modum* lib: 2. hist: & lib: 4. *Asiaticus Vitellij Libertus malam potentiam servili supplicio*  
expia-



*expiavit.* Tullius ubi Verris facinus exaggerat quòd P. Ganium virgis cæsum crucifixisset, *Facinus*, exclamat, *vincire civem Romanum, scelus verberare, prope parricidium necare: quid dicam in Crucem tollere? teterrimum crudelissimumq; supplicium.* Et illum discriminis causam censet Drexelius in morte Principum Apostolorum, quòd licèt uno die unâq; urbe sint passi, crucifixus tamen Petrus; at Paulus tantùm decollatus; parsum scilicet esse Paulo ut Civi Romano respectu natalium honestorum; Petro autem ignobili Piscatori, contemptibili, terræ filio, iuxta eorum opinionem, congruum inflictum tormentum: Iunxit verò Cruci infamiam ipsa atrocitas, dum illi tam acerbè duntaxat plectendi putantur qui hominum vilissimi essent, & fermè non homines, (Nam & canes per trivia apud Romanos olim ob non custoditum contra Gallorum insidias Capitolum crucifixos legimus.) adeoq; nullâ digni miseratione. Quis non his perpensis dicat cum S. Augustino. *Nihil inter omnia genera mortis execrabilius & formidolosius.* Verùm non Amori: illicium fuit ipsa conspiratio hostilis Amori cùm dicerent. *Morte turpissimâ condemnemus eum*, Sap: 2. Qui nimò cessarent licèt hostes; facto inter omnes torturas delectu suimet animi decretum pronunciavit, Iob 7. *suspensum elegit anima mea.* Oneravit, quin etiam gravissimum sensui pudoriq; supplicium non levioribus circumstantijs. Delectus enim ad ignominiam dies ille festus & celebritas, quo hilares Iudæi festum suum & ferias agerent, ipse in publica lætitia affligeretur, & quo die alijs parcitur; accusaretur, impeteretur, tum eriperetur ei vita, quando alijs donatur. Expectatum est tempus, quo ex toto orbe confluerent Iudæi ad celebrationem Paschæ, ut spectaculum necis esset frequentius, præter quam



quod erant in Ierusalem habitantes Iudei ex omni natione  
 quæ sub celo est. Act: 2. Fuitq; Ierusalem quoddam or-  
 bis compendium, religionis emporium commercijs &  
 rumorum communicatione cum toto mundo celebratif-  
 simum. Lectus & locus eminens apricus collis in aperta  
 planitie quâquaversum conspicuus, ne lucerna illa spei  
 nostræ & pharos salutis ullatenus poneretur sub modio;  
 nec Civitas illa refugij alibi quàm in monte fundaretur,  
 quæ nulli volebat abicondi. Lactantius quidem ait l. 4.  
 c. 26. *Quoniam qui in patibulo suspenditur, & conspicuus  
 est omnibus, & cæteris altior, Crux potius electa est quæ si-  
 gnificaret illum tam conspicuum, tamq; sublimem futurum,  
 ut ad eum cognoscendum pariter & colendum cunctæ na-  
 tiones ex omni orbe concurrerent.* Arcanior hæc ratio &  
 moralior; magis literaliter ad nostrum propositum S.  
 Chrysolog: serm: 58. *Crucifixus in edito colle omnibus  
 inimicis & totâ crudelitate spectantibus, & totâ acerbitate  
 observantibus mortem suscepit.* Impleta hic illa figura  
 Num: 21. *fac serpentem æneum, & pone pro signo.* Vt e-  
 nim serpens ille fuit elatus sublimè, quatenus omnis po-  
 pulus in eum posset aspicere, & eodem sanari; ita Chri-  
 stus ad iustitiam omni credenti, ad Rom: 10. *Pacem ijs qui  
 longè, & pacem ijs qui prope;* ad Ephes: 2. at illis qui cir-  
 cumstabant, longè mens alior; non enim sanari placuit,  
 sed insanire. Posuerunt eum sibi pro signo, id est scopo.  
*Pesuit me quasi signum ad sagittam,* Thren: 3. Pro signo,  
 id est portento. *Signum & portentum erit super Egy-  
 ptum & super Æthiopiam.* Isaïæ 20. Cùm potius pro si-  
 gno, id est vexillo positus esset. *Qui stat in signum po-  
 pulorum, ipsum gentes deprecabuntur.* Isaï: 11. Hoc tem-  
 pore, hoc loco exponi, & oculis, & lingvis venenatis  
 quantum auxerit sibi infamis pænæ, deplorat. Psal: 6.

Operuit



*Operuit confusio faciem meam, quoniam sustinui propter te opprobrium. Confusio faciei meae operuit me.* Hanc à Deo solo condignè concipi & satis comprehendi posse affirmat. *Tu scis improprium meum & confusionem meam, & reverentiam meam.* Psal: 68. Idem clivus Golgotheus quem paulò ante apricum dixi, si quos in usus ab Hierosolymitis assignatus fuerit, spectemus; non iniuriâ fimetum quoddam publicum dici queat, in quod sordes & purgamenta morum, homines inquam sceleratissimi, & omnibus probris notatissimi extrahebantur: utq; infimetum nihil boni eiecitur: ita illuc nihil nisi probiosissimum perveniebat; coaquavit se in illo loco Christus servus furciferis, fugitivis, flagitiosis, ut iuxta S. Hieronymum, *Amor aut pares invenit, aut facit.* Ad tam infamem terminum viâ quoq; congruâ duci voluit, non aliâ enim portâ ex urbe egressus, quàm illâ, quæ stercoraria dicebatur, sive quòd illac plaustris everrimenta urbis, sive (quòd veròsimilius) illuvies flagitiorum in golgotham extrudebantur. Si igitur iuxta S. Chrysostomum *gravissima omnium pena pudor* ò quàm medullitùs verecundissimum IESVM tanta infamia supplicij transfixit? *CruX* literam Thau Hebræorum exprimit, eâq; subinde cognaminatur, nec sine mysterio; ut enim Thau est ultima alphabeti: ita *CruX* ultimum supplicium tam quòd ad doloris quàm contumeliæ acerbitem. Christus tamen *proposito sibi gaudio sustinuit Crucem confusione contemptâ;* ad Hebr: 12. Vides ut *Crucem* non aliter gaudio & honori opponit quàm luci tenebræ aut mors vitæ opponi solet. Biblia Regia legunt *pro gaudio quod habebat, sustinuit Crucem;* sive relicto gaudio cælesti, sepositâ lætitiâ connaturali suæ Divinitati, omni se dolori ac mærori exposuit, sive *pro gaudio,* hoc est *pro fine suæ Passionis*  
ga-



gaudium nostrum verum ac immutabile sibi proponendo: solenne enim est amantibus quò oblectent amatas personas, eisq; volupe faciant; ut nihil triste recusent. Si ve deniq; *pro gaudio* iuxta vel secundum gaudium sustinuit Crucem: hoc est gaudebat pati, ut amantes omnia si ve agant, si ve patiantur in gratiam amatarum personarum omnia faciunt, patiunturq; cum gaudio; amor enim inter quasvis angustias laxat pectus, cor dilatat, mentem ferenat: & ideo forsitan Sponsa Cant: 2. diem Crucis vocat, *diem desponsationis, & diem letitia cordis ejus*. Quia ergo infinitè lætabatur de salute hominum ex sua passione profluente, infinito quoq; doloris ac confusionis mortem elegit, quæ tanto gaudio responderet. Spectat ad contumeliam Crucis, maledictio legis, *maledictus à Deo est qui pendet in ligno*, Deut: 21. & ideo ibidem ordinatum est, *non permanebit cadaver ejus in ligno, sed in eadem die sepelietur*: dat causam Andreas Mafius celebris Interpretes in cap: 8. Iosue. Quia censetur contaminare terram, nec ipse Sol aspectabilis orbis oculus eum diutius quam unâ luce videre possit, adeo terræ cæloq; invisum spectaculum. *Vt ergo redimeret nos ex maledicto legis, factus pro nobis maledictus*, ad Gal: 3. ut in gentibus benedictio Abrahæ fieret. Hoc tormentum subiit, ut pro maledictis à Deo inprimis parentibus & in ipsa communi matre terra pati illum constaret, pati ut idololatrium, ut blasphemum, ut tyrannum si ve invasorem Regni, (hæc enim nominatim flagitia apud Hebræos Cruce puniebantur,) cum ab his omnibus longissimè abesset. Subivit autem tormentum pro illis qui sexcentas cruces, qui mille patibula, qui gehennæ incendia infinitaq; sunt meriti supplicia, pro servis & latronibus quibus Crux debebatur æterna. Ita veritas stetit promissis. Prædixerat &

pro-



promiserat Ioan: 3. *Sicut Moyses exaltavit serpentem in deserto, ita exaltari oportet Filium hominis.* Pulchrè hunc locum tractat Segneri in Manna cælesti 3. Maij. Serpens ille fictitiùs non fuit reus ullius illatæ mortis, tot inter funera à veris serpentibus profecta, & tamen illi fuit pendendum in Cruce, ut pro omnibus satisfaceret. Apparebat, serpens non erat, factus opere fusorio virtute ignis, cæterùm in se nihil veneni habebat, sed nec habere poterat. Ita similiter Christus non modò in se nihil habuit noxæ quam præferebat, sed nec habere potuit, in Cruce tamen *in similitudinem carnis peccati* ad Rom: 8. In se peccator non fuit, sed talis fieri voluit vi ignis, hoc est ardentissimæ charitatis, &c. *anathema factus pro fratribus suis*, ad Rom: 9. Recolenda hìc maledictio serpentis, *maledictus es inter omnia animantia & bestias terræ*, &c. Gen: 3. & inde forsan fluens naturale odium & horror ac execratio insita hominibus adversus serpentem, ex qua fit ut cum varijs bestijs varij homines sva- viter afficiantur ac colludant; nemo nisi Nero purpuratum generis humani monstrum viperam aliquando familiarem habuisse legatur. Serpentem perniciosum illud insectum insectantur omnes, & sicubi comparuerit occidendum statim conterendumq; censent: hinc adagium odisse peius angve. Ecce Dominus noster dum in Crucem instar Mosaiici serpentis agi voluit, quàm execrabile, quàm maledictum genus mortis elegit. *Pessimam mortem Salvator elegit, ut omnem mortem occideret*, ait S. Anselmus. *O Bone IESV quid tibi est? mori debuimus & tu solvis, nos peccavimus & tu luis, opus sine exemplo, gratia sine merito, charitas sine modo.* Exclamat in extasim pene absorptus S. Bernardus: cùm alibi ignominiam supplicij istius comparatione Elisæi explicuisset. *In calva-*



ria locum ubi verus Eliseus ab insensatis pueris irrisus, &c. Ascendit itaq<sup>3</sup> Crucem calvus noster mundo pro mundo expositus, & re velatâ facie ac discoopertâ fronte purificationem peccatorum faciens, probrosa & austera Crucis non horruit ignominiam, nec penam exhorruit ut nos opprobrio aeterno eriperet, restitueret gloria. Capitulo X. ad Militi templi. Deniq<sup>3</sup> S. Athanasius de Incarn: Verbi. Si ideo venerat, ut nostra piacula execrationesq<sup>3</sup> portaret, quomodo aliâ ratione execratio aut piaculum fuisset, nisi execrabilem mortem in se recepisset? est autem hoc ipsum Crux, quemadmodum scriptum est execrabilis, quicumq<sup>3</sup> in ligno pendet. Hoc est quod lamentatur Psaltes Psal: 68. Super dolorem vulnerum addiderunt, quid nisi opprobrium famæ & maledictum animæ ut non in solo corpore perimerent. Placuit Christum parricidis in Cruce potissimum interimere, quia supplicium summè dolorosum, summè ignominiosum, omnino & maledictum. Ob easdem causas placuit Amatori generis nostri, ut eâdem viâ quâ illi suum odium, ille vicissim amorem demonstraret. Suscepit Dominus quod secundum propositum suæ voluntatis elegit: admisit in se impias manus farentium, quæ dum proprio incumbunt sceleris famulatæ sunt Redemptori. S. Leo serm: 11.

III. Certissima probatio amoris est exhibitio operis non modò ex SS. Patrum sensu, sed etiam ex experientia: quia igitur nullo alio patiendi genere Divinus Amor in nos esse poterat beneficentior, Crucis unum præ omnibus alijs delegit sibi tormentum 1. Beneficium, purificationis aëris. Aër iste quo respiramus, & sine quo vivere non possumus, infectus erat & oppletus spiritibus infernalibus, qui & propterea aërearum potestatum nomen sibi vendicârunt. Inquinârunt scilicet aërem sequaces

Luci-



Luciperi cū de cælo caderent, in eoq; ex parte forsan hæserunt. Christus igitur cū alijs elementis omnibus impertiret sanitatem: terræ videlicet & aquæ, hanc 33. annis perambulando, obambulando illam; sanctissimisq; plantis solum calcando, salumq; & in Iordane Baptismum suscipiendo. Igni etiam sive cū focum Puer obsequentissimus Sanctissimis Parentibus Nazarethi de fabrilibus sarmentis strueret, sive cū deinceps in igne S. Spiritum dmitteret: ærem morte purgavit, & ærias inde potestates præcipitavit. Hanc rationem specificant S. Athanasius & S. Chrysostom: Prioris sunt verba. *Quānam aliā ratione id fieri poterat, nisi eā quā in ære tolleretur; de Cruce est quod loquor: solus ille in ære moritur, qui in Cruce vitam finit. Quare non sine ratione eam Dominus sustinuit: ita enim sublimatus ærem purificavit & purgavit ab omni diaboli aliorumq; demonum infestatione, dicens. Lucæ 10. n. 8. Vidi sathanam sicut fulgur cadentem de cælo. Audaciùs imò quiddam pronunciavit S. Basilius hom: de humilitate. Diabolus in eo crucifixus est, quem se crucifixurum & in eo mortuus, quem se morte extincturum speraverat. Explicuit hunc sensum Origenes. Visibiliter Dei Filius in carne crucifixus est: invisibiliter verò diabolus (& in averfa ut ita dicam parte ligni) in ea Cruce cum potestatibus atq; principatibus affixus est. Similiter intelligendus S. Leo serm: 10. Clavi Christi perpetuis diabolum fixere vulneribus, & sanctorum pena membrorum inimicarum fuit interfectio potestatum. Velasquez tom: 1. in Epl: ad Philip: c. 2. v. 8. adn: 1. moraliter hanc æris purificationem interpretatur. Bene quidem moritur in Cruce ut purget nostrum communem ærem ab omni diaboli infestatione, expellens ab eo omnem principem potestatis æris hujus. Eph: 2. n. 2. Aëris hujus scilicet*



mundani, superbix, vanitatis, ac mundanx gloriæ, quæ omnia inania ac ventorum flatus sunt. Ideo nudus moritur in aëre, ut suo corpore nostrum hemisphærium ab hoc mundano aëre purget, five non tantum illam infectionem tollat quam habet aër immediatè à pervagantibus dæmonibus, sed etiam quam ab hominum peccatis; quæ & ipsa opera sunt diaboli suggerentis. Quibus ipsum aërem contaminant, ut typho superbix, verbis impijs, & carnis obscenx fætoribus. *Expolians principatus & potestates traduxit confidenter palam triumphans ipso in semetipso.* Ad Coloss. 2. n. 15. Syriacus legit *per semetipsum*, hoc est non modò doctrinâ & verbo, sed suomet corpore, suâ ignominiâ, suis cruciatibus aërem naturalem nostri hemisphærij à mundana vanitate purgavit. Quamquam nec cætera elementa ejusdem expiationis immunia dixerim, sicut cætera quoq; idololatricis ritibus, milleq; peccati abusibus fuerunt profanata. *In excelsa ligno & non sub tecto passus est, ut etiam ipsius aëris natura munde- tur, sed & terra simile beneficium sentiebat decurrentis & latere sanguinis stillatione mundata loquitur S. Chrysost.* *relatus à D. Thoma 3. p. q. 46. artic. 4. in* ☉ *Mundavit aërem corpore, terram sanguine: aquam (addit Sylveira) lateris emanatione, ignem corde, in corde enim vehementissimi amoris flamma erat. Quod si iuxta revel. S. Brigittæ l. 1. c. 10. in mortis articulo ruptum est, non tam summâ doloris acerbitate (quantumvis hæc adfuit) quam vi intensissimi amoris, ut lucernam consumpto alimento crediderim dissiluisse. Quin etiam ipsi homini situs hic patientis Dei lustrando congruebat, unde ait S. Cyprianus. *Vt sanctificaret de excelsa plebem, & veluti benediceret summus ille Sacerdos & Pontifex. Verum ut redeam ad aëris elementum in eo veluti in proprio**

fun-



fundo atq; domo invasorem diabolum superavit, & hoc est alterum in nos beneficium amoris Crucifixi. 2. Victoria de hoste capitalissimo generis nostri. Eò enim splendidior est victoria, quò instrumentum vincendi abjectius. Celebrior Samgar *Iudic: 3.* qui sexcentos Philistijm percussit vomere, & Samson 1000 viros ex eadem gente in mandibula pulli asini *Iudic: 15.* delevit: quàm si tantam stragem iustis armis intulissent. Admirabilior David cùm venit fundâ pastoritioq; baculo, quàm cùm gladio Regiâq; ex ære galeâ venit armatus in Goliath, longeq; admirabilissimus, cùm illam turrim carneam lapillo uno deiecit, proprioq; ei erepto gladio obtruncat. Figurabat iste David serum Filium suum IESVM, huic enim contra gigantem tartareum Crux sua & baculus pastoritius (quò deinceps gregem suum regit) & gladius; gladius verò ex ipso hoste acquisitus, an non enim ligno genus humanum immanis ille tyrannus prostraverat? *Per lignum sathanas vicerat, & peccatum induxerat, per lignum victus est operatione emulâ,* ait Tertullianus. Talis ei vicissitudo debebatur, ut qui contemptim nos vicerat, ipse quoq; superbissimus contempto armorum genere perimeretur. Modum victoriæ, lege Isai: 25. *Requiescet manus Domini in monte illo, & triturbabitur Moab sub eo, sicuti teruntur paleæ in plastro, & extendet manus suas sub eo, sicut extendit natans ad natandum, & humiliabit gloriam ejus cum allisione manuum ejus.* Ad quæ S. Borgia l. 1. adnotat *ut verè loquar, demonis manus sub Christi Cruce allise sunt, Crucis enim victoriâ ejus suppressæ vires, contrita superbia, eversum imperium.* Impresit his armis suis victoriosissimus Dominus vim quandam mirificam vincendi, ut non modò vibrata in se, verum exhibita duntaxat hostis infernalis effugiat. *Si modò Crucem*



infixeris vultui tuo, nullus demonum prope stare poterit videns enssem in quo plagam accepit, videns arma in quibus Christus caput suum abscidit. S. Chrysost: serm: de Cruce. Quid timent demones? quid tremunt? sine dubio Crucem Christi in qua triumphati, in qua exuti sunt principatus eorum atq; potestates. Origen: hom: 6. in Exod: & hom: 4. in Genesim. Impulsu quodam primos parentes ad arborem tanquam ad asylum se contulisse putandum est, ut significaretur iam tunc unicum refugium peccatorum, quod subinde constitutum est in arbore Crucis. Et S. Ephrem lib: de pœnitentia. Hoc signo conspecto adversariæ potestates conterritæ, trementesq; recedunt. Euthymius in verba Psal: 5. Domine ut scuto bonæ voluntatis tuæ coronasti nos. Tu Domine munisti nos valde, & circumdedisti Crucem tuâ quæ scutum est bonæ voluntatis. S. quoq; Hieron: in Psal: 85. Fac mecum signum in bonum ut videant qui oderunt me, & confundantur. Muniar Crucis tuæ signo quod videntes potestates adversæ, fugiant confusæ & discedant. Hæc omnia cum ita se habeant, directè ad nostram quæstionem S. Augustinus serm: 59. de diver: respondet. Noluit lapidari, aut etiam gladio percuti: quia videlicet non semper nobiscum lapides aut ferrum ferre nos possumus quibus defendamur, elegit verò Crucem quæ levi motu manûs exprimitur, quâ & contra inimici insidias munimur. Merito proinde ex antiquissima Christianorum consuetudine, de qua Tertullianus. Ad omnem progressum atq; promotum, ad omnem aditum & exitum, ad vestitum & calceatum, ad lavacra & mensas, & lumina, ad cubilia & sedilia, quæcunq; nos conversatio exercet, frontem Crucis signo terimus. Quia enim ubiq; hostis insidiatur, ubiq; sunt arma in eum expedienda. Hoc monet S. Ephrem serm: de Cruce. Nihil absq; Cruce peragas, sed si-



*ve operi insistas, sive comedas, sive bibas, omnia saluari  
 hoc Crucis signo semper communi. Et ibi quàm maximè,  
 ubi ille quàm maximè insidiatur. Turpiter omnino clype-  
 um suum illi Christiani abijciunt; qui ad mensas & po-  
 cula Crucis benedictionem adhibere, nescio quâ seu in-  
 civilitatis opinione erubescunt, sive negligentia dissimu-  
 lant. Immortale vexillum portemus in frontibus nostris,  
 quod cum viderint daemones, contremiscunt. Hortatur &  
 Origenes hom: 8. in Eu. Totam demùm in una Cruce  
 nobis explicat panopliam. S. Martialis Petri Apostoli di-  
 scipulus in Epl: ad Burdegalen: c. 8. *Crux Domini ar-  
 matura vestra contra sathanam, galea custodiens caput, lo-  
 rica protegens pectus, clypeus tela maligni repellens, gladi-  
 us iniquitatem & insidias sibi propinquare nullo modo si-  
 nens.* Tam præsentem armaturam seu abijcientes, seu  
 non sumentes in ruborem vertit stolidum animal asinus,  
 qui Crucis arma sibi contra dæmonem probavit profuif-  
 se. Erat is gradarius S. Reguli Ep: Sylvanectensis: cum  
 verò S. ejus sessor dæmonem ex energumeno eiecisset;  
 cernentibus cunctis qui aderant, malus inquilinus hospi-  
 tium mutaturus in asinum rectâ ferebatur. At brutum  
 subito (meritis utiq; sancti) pede Crucis signum figuravit  
 in terra, & quasi Deum adiutorem invocaret, erecto cæ-  
 lum versus capite plus solito rudere cæpit, tuncq; Divi-  
 na potentia illud ab invasore liberavit. *Vincent: in spec:  
 hist: 1. 10. c. 29.* Ingratissimus quin etiam homo est suo  
 defensori, quisquis Crucis Sanctæ usum non habet fami-  
 liarem, illi inquam defensori, qui à tanto hoste tamq;  
 nobis infesto nos & sui capitis periculo sanguinisq; im-  
 pendio liberavit: & victricia arma nostris usibus in prom-  
 ptu semper futura reliquit: quod utrumq; quid est aliud  
 quàm Summi Amoris manifestissimum documentum. 371-*



*um* beneficium crucifixi Amoris est reconciliatio nostra  
 five restitutio in gratiam Patris Aeterni, à nobis impla-  
 cabiliter læsi: hanc verò perfecit pro nobis deprecando,  
 sacrificando, mediatorem se interponendo; quæ omnes  
 functiones nusquam commodius quàm in Cruce perfici  
 potuerunt. Deprecationem ejus memorat Apost: ad  
 Hebr: 5. *preces supplicationesq; cum clamore valido & la-*  
*crymis offerens exauditus est pro sua reverentia.* Quæ au-  
 tem orantis decentior compositio quàm expandere ma-  
 nus in altum? Sciebant hoc veteres ethnici, ex quibus  
 Apuleius *habitus orantis est, ut manibus extensis in cælum*  
*precemur.* Et ratio in oculis, quòd cælum Dei Sedes sit,  
 & velut apertum atq; explicatum templum quò proinde  
 spectant & tolluntur manus. Ex illo naturæ sensu Sa-  
 pientumve instituto Romani pietatis simulacrum effin-  
 xerunt sublati in æthera manibus & Constantinus Imp:  
 latâ lege præscripsit, ut gentiles ipso Dominico die fe-  
 riantur & vota sua elevatis in cælum manibus expo-  
 nerent. Sicq; sensim Christianis ritibus assuescerent.  
 Hunc situm orandi probavit sæpe cælum prodigijs. O-  
 rabat Moyses expansis de more manibus, & ecce mirum  
 è cælo benigniore prodigium! ros de cælo lapsus in pre-  
 cantis manibus concrevit (ut testatur Ioseph: l. 3. Antiq:  
 c. 1.) eum ipse primus gustavit, deinde etiam alijs gu-  
 standum dedit: fuit hoc signum munificentix Dei & ob-  
 jectum stuporis, à quo & nomen accepit *Manna*, quasi  
*Manhu? quid est hoc?* illapsum autem in manus orantis,  
 ut donum seu meritum orationis intelligas. Rursus lo-  
 sue pugnante contra Amalec. *Cum levaret Moyses ma-*  
*nus, vincebat Israël: sin autem remisisset paululum, supe-*  
*rabat Amalec.* Exod: 17. Extensio hæc manuum expri-  
 mit animi contentionem sursum luctantis & Deum quo-  
 dammodo-



dammodo prensantis. *Caput & manus in celum extolli-*  
*mus, corpus à terra educere conantes, erectam & elevatam*  
*animam desiderio meliorum cogimus in sancta progredi,*  
*magno animo corporis vinculum despicientes.* Ait Clem:  
 Alex: Plerosq; Sanctorum sub orationem toto corpore  
 in aëra sublato legimus, ut S. Magdalenam ex suæ præ-  
 nitentiae spelunca Massiliensi ad audiendas cælestes lau-  
 des singulis diebus Angeli terq; quaterq; levabant. S.  
 Ludgardis in Choro cantans *Veni Creator* cum sorori-  
 bus ad duos cubitos in aërem attolli visa: similia de S. Ig-  
 natio, Xaverio, cæterisq; recenset *Bagatta tom: 1. l. 2.*  
*c. 3. par: 2.* Singularissimum est illud de S. Francisco Se-  
 raphico apud Bozium lib: 15. de signis Ecclesiæ c. 5.  
 Cum totus esset aliquando in Divinarum rerum contem-  
 platione, visus est ignem spirare, accitumq; Socium Mas-  
 seum complexus sublimem secum rapuit in aëra. Utinam  
 nos aliquando sursum rapiat secum, orans sublimè A-  
 mor noster; non quidem vi suâ Divinâ absq; ullo admi-  
 niculo sublatus, quod utiq; facere potuit, sicut & in glo-  
 riosa Ascensione fecit: verum ad Crucem conclavatus.  
 Pulchrè quò ad manuum elevationem Christi Symbola  
 & Asymbola advertit S. Borgia lib: 6. med: 73. *Brachia*  
*in Cruce elevat, ut ejus populus victoriam de hostibus re-*  
*portet; cujus mysterij figuram in Moyse videre est Exod:*  
*17. Sed huic ad manus sustinendas adiumento sunt Aaron*  
*& Hur, verum nihil nostro Moyse extitit adiumento, nisi*  
*clavi durissimi manus ejus perforantes, qui ipsi ad augen-*  
*dum cruciatum defer virent.* Tertullianus quoq; in Moy-  
 se expandente manus, vivam figuram Crucifixi confide-  
 rabat lib: con: Marcionem c. 18. sed nec minore fructu  
 cum Sanctissimi quiq; imitantur. S. Gregorius Thaum-  
 argus dum persecutionem pateretur in montem seces-  
 serat



ferat cum Diacono suo. Satellites etiam eò se per vestigia ejus proripuerant, sed cum ambos diu quævisissent in monte, ubi expansis manibus illi orabant; haud agnoverunt tamen, reversiq; nunciârunt nihil ibi reperisse nisi arbores duas: ita brachijs extensis orantes, Deo volente videbantur. Triumphales planè arbores, & in quibus trophæum componere de hostibus licuisset. S. Franciscum brachijs extensis familiare habuisse precari, filiorum ejus usq; hodie perseverans docet consuetudo. Brachijs videlicet alarum loco protensis ignes in se Divinos Seraph ille eventilabat. S. Magdalena de Pazzis aliquando 26. horis perstabat orans brachijs in Crucis modum distentis. S. Kieywinus Eremita Hybernus cum extensis aliquando per fenestram manibus precaretur, contigit ut avicula ovum suum in una volarum ejus deponeret, statuit ergo Sanctus non prius manum ab extensione retrahere, quàm avicula incubatione peracta pullum excluderet. Admirandum propositum! mirabilior in proposito, quam tenuit constantia. Vide (si placet) autenticè historiam apud Nirembergium in historia naturæ. Robertus verò Salentinus Ord: Cælestinorum, Et B. Bonaiunta Ord: Servorum B. V. M. Generalis, nec mori quidem aliter quàm tensis in Crucis formam manibus voluerunt. Plus, imò aliquid in hoc genere præstabat Salentinus. Nactus enim quandam arborem Crucis omnino figurâ prognatam excidit, eamq; in cubiculum suum pertraxit, in eaq; se quotidie spatio quo *Pater & Ave* decies dici possunt, cruciformiter appendebat, eamq; ipsam licèt prægrandis ac inerudita esset morienti sibi adferri optavit, sublaturus nempe ad illius aspectum brachia, cum se totum in eam agere per vires non liceret. P. quoq; Antonius de Regibus in Ordine Minimorum



rum Tyronum Magister per suos discipulos funibus crassis ingenti Cruci (quæ hunc in usum sua in cella aderat) curabat se alligari, & hoc situ orans tres quatuorve horas, sæpe diem dimidium perseverabat: licet verò hinc ossa omnia luxata haberet, vividus nihilominus semper erat, ab eaq; crucifixione non secus quàm à mollissimo lecto surgebat. Hæc & similia refert *Barry in Blanditijs sacris*. Referebant isti vicem aliquam oranti pro se Amori; nullusq; conatus gratitudinis vitio verti potest. Ostendebantq; velle se Christo in Cruce diductis brachijs patienti assimilari, & in Cruce spem reponere. Cæterùm *flectere genua, extendere manus, se solo prosternere, etsi exteriora sunt dum oramus, ex interiori tamen affectu oriri, eumq; augere adeoq; non esse inutilia* definit *S. Augustinus* lib: de cura pro mortuis cap: 5. Thomas Le Blanck elevatarum extensarumq; in oratione manuum, tom: 6. art: 2. in Psal: 140. v. 2. dat aliquot non omittendas rationes: *Levantur manus in cælum, quia credunt esse Deum in cælo. Quia testantur illinc Dei se auxilium postulare & sperare, ut è periculo calamitateq; velut è naufragio eripiat. Qui sic orat, omnia opera sua Deo offert; velut tensis in cælum ramis arbor flores, folia & fructus; quâ de re & Xenophon l. 9. Cyrypædix. Manus sustollimus in cælum quo habitu testamur nos, vel orationem tanquam iucundissimum Deo munus offerre, vel cor quasi donum eximium attollere ad Deum.* Sic oratur ad contestandam mentis elevationem, item ad protestandam earum puritatem: bene ascendit ad montem Domini oraturus qui innocens est manibus, unde & *S. Paulus* 1. Thim: 2. iubet *orare levantes puras manus*. Et *S. Chrysostomus* hunc in usum hortatur puræ ut manus serventur: & *Tertull:* cap: 30. *Apol. In cælum suspicientes Christi*



*stiani manibus expansis quia innocuis, capite nudo quia non erubescimus, &c. Philo quoq; lib: de victim. Postulat inquit Deus e Sacerdote primum bonam mentem, sanctam & in pietate exercitatam, deinde vitam benefactis ornata, ut dum munus imponit, possit libera conscientia dicere manus hæ nec muneribus corruptæ, nec innocenti sanguine pollutæ sunt; noxam, iniuriam, vulnus, vim intulerunt nemini: nulli rei turpi præbuerunt ministerium, sed rebus honestis ac utilibus, &c. &c. Qui sic orat, ostendit alas desideriorum suorum ad cælos evolantium remorante quidem corporis mole, iuxta Symbolum Annæ de Ioyeuse Admirallij Galliæ qui aquilam pennis alis volaturæ similem pingebat in anchora cum lemmate & moror & propero. Deniq; qui elevatis manibus orat, denotat se esse paratum ad laborem & pugnam. In oratione manus extendimus ac veluti sagittam in hostem dirigimus, ait S. Ephrem; ut ex ejus sententia brachia sint arcus, sagitta oratio: aurea quæ cælum ac cor Dei penetret, ferrea quæ corda inimicorum Regis. Quadrat orationibus, præsertim eiaculatorijs in Symbolo Ioannis Pauli Sfortiæ Marchionis Caravati, Arcus depictus sagittâ in cælum versâ cum lemmate. Sic itur ad astra. Omnes enumeratæ causæ extensorum in oratione brachiorum bene congruunt deprecanti in Cruce pro nobis Christo: Qui si alio tormento moreretur, non ita liquido se pro nobis deprecatorem ostenderet. Nec tamen satis habuit hoc situ deprecari; etiam pro nobis obtulit Deo sacrificium propitiationis. In Persona Christi cecinit David Ps: 140. *Elevatio manuum mearum sacrificium vespertinum.* Quæ verba citatus Blanck exponit. Ipsa tibi manuum elevatio arrideat sicut sacrificium vespertinum quod singulis diebus vespere immolatur; ut in hac vitæ meæ vespere*

Tibi



Tibi placeam. Vnde patet Agnum consuevisse immolari, qui figurabat Christi Passionem: & S. Augustinus apertè in eum locum dicit. *Sacrificium vespertinum Passio Christi*. Porro sicut sacrificium vespertinum præstabat omnibus diurnis & matutinis: ita sacrificium illud in quo se Christus obtulit Deo Patri victimam placationis, omnes alias victimas Testamenti veteris noviq; superavit. Quæcunq; præcesserant Christum, umbræ, erant & figuræ: quæ deinceps factæ oblationes, seu spirituales, seu materiales; possunt dici sacrificia diurna ad solem legis gratiæ: Christus sacrificium nobilissimum & Deo gratissimum, tam nobili sacrificio nulla convenientior ara quàm Crux. Celebris ara Gen: 4. Abelis; ubi in primâ orbis infantia innoxia manu candidâq; mente cecidit primogenita gregis. Celebris Noemi, quam ex vindicibus aquis redditæ inædificavit telluri Gen: 5. Celebris Abrahæ, cui suum unicum cordatus ille Genitor imposuit: Celebris Iacobi, Gen: 28. qui erexit lapidem in titulum fundens oleum desuper. Celebris prodigio Ara Helix contra aras idololatricas pseudoprophetarum erecta, quæ licet undiq; perfunderetur aquis, igne tamen cælitus demisso, una cum victima conflagravit. Taceo Altaria holocausti & thymiamatis &c. Omnibus Crux præstat Christi, ubi (sicut canit Ecclesia)

Divina cujus charitas sacrum propinat sanguinem  
 Almiq; membra corporis Amor Sacerdos immolat.  
 Amor ipse Sacerdos & victima, offerens & oblatio. Crucem in aram elegit, ut si ara ab ardore dicitur, illic æstum ardoremq; Divinæ mentis in oratione exereret, proprioq; incendio ceu melior cæli Phœnix conflagraret. Altare etiam si iuxta etymologiam Isidori, quasi Alta ara dicitur: non defuit Cruci altitudo, de qua Ecclesia psal-

Aaaz

lit



lit: *flecte ramos arbor alta*. Quin (ut annotat Bourghesius.) Ad rationem sacrificij pertinebat hic situs, quæ enim Deo offerebantur, in altum extolli consueverat. (Nominatim Levitici 23. præcipitur de manipulis primarum frugum; Sacerdos *elevabit fasciculum coram Domino*.) Salvator erectus in Cruce sublevatis in cælum manibus seipsum nostræ salutis victimam offerebat, sursumq; nos cor habere iubebat. Ne verò sacrificium vespertinum non satis ad literam esset; *Veniente quasi mundi vespere, sive declinante iam sole ad vesperam*. Dominus *elevans manus suas, obtulit seipsum in sacrificium, & deleta sunt peccata nostra*; ait Isidorus in Psal. 140. Involvit, imò tenebris repentinis oblationem suam: ut nos quoq; vespertina maximè sacrificia; hoc est à lumine mundi, luceq; publica ob metum vanæ gloriæ subducta, Deo offerre discamus. Crux nobis ara est Asyli ad quam pressi animæ corporisve periculis confugiamus: *Hæc ara tuebitur omnes*. Virgiliano licet acclamare hemistychio. Ara est Crux ad quam donaria sive mundi spolia & vitiorum irritamenta atq; fomenta, seu votivas tabellas votorum nostrorum, corda maximè devota dedicemus. Memorabilis hæc in parte Virgo Neapolitana, quæ Anno 1599. ut erat viduæ matris unica; genere, divitijs, formâ & moribus ornatissima, cum ad nuptias cogeretur, ipsâ antenuptiali nocte antequam religiosam vestem clam domi asservatam indueret, ipsa sibi comam præcidit, ac ad clavos Crucifixi appendit. Memorabilis & ille Sacerdos Romanus, qui tacito nomine à Lyræo alijsq; memoratur; cujus cum corpus à morte Anatomici exenterarent, cor nusquam reperire potuerunt: donec casu quispian illorum oculis in Crucifixum abaco insistentem conjectis, cor ad plantas Crucifixi sublimè palpitans



ac gestiens animadvertit. Iam ad mediationem Amato-  
 ris nostri promoveamus sermonem. Mediatoris est ubi  
 hostiliter mutuo sibi infensorum digladiatio fervet; ut  
 expansis brachijs se medium velut ab invicem divulsu-  
 rus, inter partes inimicas interijciat: quo quidem casu  
 non rarò contingit mediatorem vel ab utrinq; vel ab al-  
 terutra parte lædi ac vulnerari. Christus Dominus ab  
 utrinq; vapulavit: fatetur Pater Æternus, *propter scelus  
 populi mei percussit eum*. Isai: 53. O plagam! ô ictum gra-  
 vissimum manûs Divinæ! tetigerat tantum hæc manus le-  
 viter Iobum, & miser lamentis modum invenire non po-  
 terat. *Quia manus Domini tetigit me*. Hujus manûs tres  
 digiti orbi totius terræ appendendo sufficiunt; ô quàm  
 robusta debet esse? *terribile* proinde dicit esse Apostolus  
*incidere in manus Dei viventis*; incidit Amor noster,  
 qui cum totâ mente universoq; corpore consauciatus ef-  
 fect, non secus quàm Agnus demptâ sibi duntaxat lanâ  
 coram tondente se obmutuit, nec aperuit os suum, ut a-  
 liquod vulnus graviter sibi dolere testaretur: Patris soli-  
 us plagam dissimulare non poterat, sub hac lacrymabun-  
 dus ingemuit. *Deus meus, Deus meus, ut quid me dere-  
 liquisti*. Non segnius pro sua parte homines lædendo  
 Mediatori incubuerunt, quorum ictus licet sub tempus  
 Passionis silentio altissimo dissimulaverit, ob vehementi-  
 am crediderim affectus, qui plagas & vulnera ab amata  
 manu aut penitus non sentit, aut insuper ceu rosarum  
 sparsionem delicatâq; oscula acceptat: Multis tamen scri-  
 pturæ locis, tum nominatim Zachar: 13. conqueritur.  
*His plagatus sum in domo eorum qui diligebant me*. En  
 præmium mediationis? à qua tamen minimè destitit usq;  
 dum opus suum perficeret, protestatus olim Isai: 65.  
*Expandi manus meas totâ die ad populum incredulum &c.*

Quin



Quin etiam ut testator sua functio esset, cælum inter terramq; medius pendere voluit verus Deum inter ac homines sequester. *Pacificans per sanguinem Crucis ejus sive quæ in terris, sive quæ in cælo*, ad Coloss: 1. Quatuor illa Crucis cornua (ut notat Drexelius) totidem effectus mediationis adumbrabant: reparandam nempe Angelorum ruinam in cornu summo, Patres limbo educendo in cornu imo, filios cælo adscribendos, & hostes gratiâ donandos in cornibus geminis transversis. *Vnus ergo Deus, unus Mediator Dei & hominum Christus IESVS qui dedit redemptionem semetipsum pro omnibus*. 1. Thim: 2. *Manus in Cruce extendit ut omnia ad se traheret; ut nodo mortis exuta, iugo fidei suspensa cælestibus ea quæ prius terrena erant, sociaret*. S. Ambrosius. Nemo amplius dicat quò fugiam, quò me vertam. *Hic melioris testamenti Mediator est*, ad Hebr: 8. 6. Habuerit in Symbolo Carolus IX. Galliarum Rex libram cum lemmate *ortus occasibus æquat*, quo significabat penes Galliam esse ius quoddam & consuetudinem, Regnorum aliorum potentias librandi, seseq; interponendi, ne unum Regnum alterius potentiâ nimium prægravetur, adeoq; simultates Regnorum examinandi, prætensionum momenta cœquant: Christi Crux statera canitur à S. Ecclesia, à SS. PP. nominatim à S. Bernardo appellatur: in hac Mediator Amor mutuas cæli terræq; prætensiones complanavit: & hoc fuit pacem inter Deum & homines concludere. Placare Deum hominibus, & hos in gratiam Dei reponere. Effectus hujus reconciliationis sive pacificationis est inter primarios, liber passus in cælum qui meritò *quartum* beneficium amoris Crucifixi dici queat. Cum enim gentes aliquæ hostiliter inter se dissident, ex neutra cuiquam fas est per obsessos limites in alteram penetrare: simili-  
ter



ter durantibus inimicijs inter cælum & terram, nulli homini datum est in cælum irrepere, & vicissim Angeli non nisi vel dissimulato habitu velut exploratores, vel ad paucissimos ex optimis & cælo fæderatis, idq; rarissimè commeabant. Sed illâ hostilitate per Christum sublata, ipsa Crux scala Iacob effecta est, per quam Angeli ad homines, & hi ad Angelos, ipsumq; Deum nullo ventante conscenderent. Ideo scilicet non humi, sed in aëre, quâ via in cælum, mori dignatus est, ut per ignotam viam, per asperas visu scalas ductor sequacibus præiret. Ita considerabat Christum S. Cyprianus: *elevatum in sublimi & cælo proximum, superioribus inferentem consummati agonis vexillum, & victoribus erexisse scalam in Patris occursum.* Iosephus scaliger in scuto præsetulit scalas alas cum lemmate *scalis & alis.* Innuens gemitu adiumento hoc opus esse illi, qui cælum ingredi cupiat. Nobis nec scalæ nec alæ quærendæ sunt alibi, brachia extensa Domini sunt alæ, & Crux ejus firmissimæ scalæ. Has testamento ipso nobis quo alijs alia profusissimus sui in morte inscribebat, ut ait S. Ambrosius. *Author pietatis in Cruce pendens testamentum condidit, singulis pietatis opera distribuens, Apostolis persecutionem, Iudeis corpus, Patri Spiritum, Virgini Paranympum, latroni Paradysum, peccatis infernum, Christianis penitentibus Crucem.* Porro Tabulæ fuerunt facerrimum ejus corpus, sanguis atramentum, clavi calamus seu stylus quo ejus in manibus pedibusq; scripti sumus, flagra item & lancea quâ ad intimum usq; cor characteres impressi sunt, ac nomina nostra inscripta (his ita recensitis infert Hautinus) ergo cælum Patria nostra est, cælo nati ac destinati sumus. En testamenti authenticum quo cælum nobis à Christo inscriptum est sed unâ scalæ ad illud

Crux



Crux: Testamenti huius condendi gratiâ Crucis mortem elegit. *Pendentes enim in ligno Crucifixi productâ morte necabantur, non enim cruc. figi hoc erat occidi, sed diu vivebatur in Cruce, non quia longior vita eligebatur, sed quia mors ipsa protendebatur, ne dolor citius finiretur.* Ait S. Aug: tr: 30. in Ioan. Horrebat Seneca epl: 101. votum Mecanatis qui modò viveret, in Cruce perdurare non refugit. *Invenitur inquit aliquis qui malit inter supplicia tabescere & perire membratim, & toties per stillicidia amittere animam quàm semel exhalare. Invenitur qui velit adaectus ad illud infelix lignum trahere animam tot tormenta tracturam.* Amandus Mecanas noster IESVS non quidem præcisè ob longiorem vitam Crucem elegit, sed ob spatium productius testamenti condendi. Elegit imò hoc supplicium, (ut notat Bourghesius;) ut iudicio semper integro plenoq; sensuum ac rationis usu Dominus moreretur ad extrema persolvenda officia summaq; de Cruce verba proferenda. Certè ubi abest rationis usus (ut in præcipitio, igne, gladio) animalis potius est quàm hominis passio, Christo minimè conveniens. Vidimus beneficium in Cruce Amorem ut ob hoc & manus distenderit. *Ecce non est abbreviata manus Domini ut salvare nequeat.* Isai: 59. *Quæ enim maior esse potest misericordia quàm manum semper extensam habere ad levandum & dandum.* Subiungit Oleaster ibi, & Iuglaris elogio 63. *Cum omnia dederit ei Pater in manus, retinere illum quidpiam velle ne crederes; stringere illas ne posset, clavo voluit prohiberi.* Ita tenaces prodigus ne in compressa quidem imitari potuit manu. De pedibus etiam S. Borgia ad propositum loquitur. *Quid amplius sperari potest de Dei clementia? quam videbantur simul ostendere clavi, quibus firmiter inhærebant Cruci ejus pedes*



ac manus, utpote quæ deinceps ligatæ ad vindictam futura  
erant, extensæ autem & solutæ ad misericordiam.

IV. Et hæcenus spectabamus amorem Crucifixi in  
effectibus: manifestius longè apparet in se ipso. Fabula-  
tur alicubi Aufonius Pœta Burdegalensis, Cupidinem è  
myrtho Crucifixum; dignum profectò latrone anima-  
rum supplicium, modò verum esset. Dominus noster  
IESVS Christus omnibus omnia factus, Protheus qui-  
dam ac Vertumnus omnes figuras in gratiam nostri in-  
duere, perhibetur à Nirembergio in arte voluntatis l. 4.  
c. 68. apparuisse aliquando Antonio Martinio in habitu  
Cupidinis igneas in pectus iaculando sagittas. En iam  
iste sanctior Cupido Cruci affixus. Quidquid in eo est,  
amor est aspectabilis. Vnde Ecclesia canit in Officio se-  
ptem dolorum: *Dilectus meus candidus & rubicundus,*  
*& totus desiderabilis: omnis enim figura ejus amorem spi-*  
*rat, & ad redamandum provocat: caput inclinatum, ma-*  
*nus expansæ, pectus apertum.* S. Hieronym: Epist. 18.  
miratur Amoris Divini magnitudinem in hoc parvo terræ  
foramine (ita antrum Bethleemiticum vocat) celorum  
Conditor natus est! si magni ergo amoris erat unum ter-  
ræ foramen subiisse, quanti est, quinque foramina pro-  
prio in Corpore nobis aperuisse, quæ fierent civitates  
refugij, intimæ admissionis auditoria, & ut cum Pœta  
loquar Dulces latebroso in pumice nidi.

Extendit brachia Crucifixus Amor ut arcum, ex  
quo ipse, *sagitta Dei Patris* (ut eum D. Hieronym: vo-  
cat) in nostra se corda immitteret. Extendit brachia in  
umbram, ut deinceps Sponsæ suæ, devotæ animæ jubi-  
lent: *Sub umbra illius, quem desideraveram sedi.* Cant:  
2. *Umbra ejus Caro ejus* S. Bernard: serm: 48. in Cant:  
Et Gvilelmus apud Delhium: *Quis enim posset inquit su-*  
Bbb *stinere*



stinere Solem Iustitia nudum? quis non consumeretur ardentibus radijs ejus. Quærat ergo, qui volet umbram vitis ebriosus; umbram ficus voluptarius; umbram mali gulosus; umbram quercus ambitiosus; umbram hederæ vanus & illecebrofus; umbram juniperi inconstans; umbram Nabuchodonosoris & Balthasaris cum Israëlitis Baruch 1. quisquis neglecto Deo, in homine posuit adiutorium suum: Tibi o anima Christiana Crucifixus Amor præbet umbram Cedri ad incorruptionem, umbram Olivæ ad sanctam pacem, umbram Palmæ ad victoriam, umbram Cupressi ad consolationem & felicem mortem. Observandum verò jam superius dictum esse, ex quatuor istis arborum speciebus Crucem Domini compactam fuisse, qua de re lege, si placet S. Bernard: serm: 46. ex parvis & Lobbetium in via vitæ ac mortis l. 7. à cap: 1. usq; ad 4. l. 3. ubi valdè accuratè & ad fructum enumeratas umbras explicat. Sicut & vulnera Christi Domini Crucifixi, tum Vincentius Caraffa in Fasciculo myrrhæ, tum Gvilelmus de Wâél in Corona SS. Christi vulnorum. Non tamen hîc aliquos textus videntur omittendi S. Petrus Damiani l. 7. Epistolarum ait: *Christus petra est, foramina petreæ Redemptoris sunt vulnera, in quibus foraminibus columba subsistit; quia qualibet anima totam salutis propriæ spem in sui Redemptoris Passione constituit. Ibi velut ab accipitris incursu defenditur, quia à cunctis malignorum spirituum insidijs custoditur.* Concinit Damiano Bernard: serm: 60. in Cant: *In his foraminibus passer nidum sibi, & turtur domum invenit; in his columba se tuetur, & secuta circumvolantem intuetur accipitrem.* Confidebat aliquando Senatus Græcæ cujusdem Reipublicæ sub fago, passerem subinde insectabatur accipiter: ille volatu vario ac flexu hostem deludens, tandem anhe-

lus



lus & iam iam capi ac laniari metuens sub fagum Senato-  
riam convolvit Xenocratisq; cujusdam finum pro asylo  
occupat. Misertus aviculæ Xenocrates atq; ad Collegas  
conversus, oportet, inquit, profugum ac supplicem pro-  
tegere. Clementior incomparabiliter IESVS, quare tot  
aperuit vulnera? nisi quia oportet eum supplices ac pro-  
fugos protegere: *Vbi firma tutaq; securitas, nisi in vulne-  
ribus Salvatoris? tantò illic securior habitas, quantò ille po-  
tentior est ad salvandum. Fremat mundus, premat cor-  
pus, diabolus insidietur, ne time, quia in foraminibus pe-  
træ secura es.* Ait S. Bern: serm: 61. in Cant: & Ber-  
nardi discipulus Gverricus Abb: non degeneri calamo  
atq; affectu. *Benedictus, inquit, qui ut nidificare possem in  
foraminibus petra; manus pedesq; ac latus perforari sibi  
tulit & se mihi totum aperuit, ut ingrediar in locum taber-  
naculi sui &c.* Ante omnes S. Aug: in Matth: c. 22. *Tu-  
rum refugium mihi præbent vulnera Salvatoris.* Ut ve-  
rò (quod acutè observat Iuglaris) in civitatem refugij fa-  
ciliior sit reis ingressus, non in uno duntaxat latere, sed  
& omni angulo suam pandi ianuam decuit. Quem ubi-  
què ingressum Dominus negasset, si alio quovis mortis  
modo, quàm Crucis multiformæ occidere voluisset. Ora  
sunt eadem vulnera & ora facundi ad veniam Amoris,  
quæ si non muta, certè haud ita vocalia fuissent, extra  
rostra Crucis. *Cum penderem in Cruce, omnia vulnera  
mea patebant, & singula vocem ad Deum Patrem emit-  
tentia pro hominis salute interpellabant, & sic usq; hodie  
clamore quodam Dei Patris iram mitigant peccatori.* Di-  
cebat ipse Christus S. Melchitildi Spir: grat: 1. 4. c. 16.  
Ne verò humanorum instar verborum ô homo! has eti-  
am voces è vulneribus Domini ventis obnoxias, ac in æ-  
re perituras timeas; easdem perpetuos, indelebiles ad



perpetuam rei memoriam in tabulis corporis sui exte-  
re voluit characteres. *Quid sunt plagæ istæ in medio ma-  
nuum tuarum?* quæsiuit Zacharias: ad quæstionem Ru-  
pertus Abb. *Poterat optime respondere, sunt monumenta  
charitatis, sunt testimonia obedientiæ, sunt signa iussionis  
Paternæ, sunt pretia redemptionis humanæ.* Non respon-  
dit hæc Dominus, sed tantum his plagatum se in domo  
eorum *qui diligebant me.* Domo scilicet amantium com-  
memoratâ, amoris esse plagas contestabatur. Sensus au-  
tem scripturæ istius S. Rupertus sequentibus exprimit.  
*Cerne* (quasi diceret) *Pater nomina omnium electorum de-  
scripta in manibus & corde meo.* O! quanta spes hinc ori-  
tur, nos conscribendos in libro viventium, quos in libro  
emorientium suorum membrorum conscribere dignatus  
est Amor. Cujus scriptura nunquam ita manifesta fuis-  
set, nisi in Cruce expansa ex aprico Golgothæ monte in  
oculis totius mundi constitisset. Libet modò cum S. Au-  
gust: deprecari. *Scribe Domine vulnera tua in corde  
meo, ut in ijs legam amorem tuum.* Quòd enim ejus  
Sanctissimum Corpus attinet servilibus etiam notis con-  
scribi non refugit, modò in ijs literis Amorem legere-  
mus. Quem si hæc omnia non sat adhuc liquidò pro-  
ponunt: Attendamus adhuc expansa brachia, nonne is  
vel maximè habitus est amantium? Attendebat ad hoc  
S. Franc: Borg: & ait lib: i. *E sublimi Cruce extensis ma-  
nibus invitabat homines dulcissimus IESVS ad pacis &  
amicitiæ fœdera.* O suavissimam invitationem si auscul-  
taremus, imò si saltem attenderemus. Attendit ad illam  
S. Bernardus Clarevallensis, cumq; Crucifixum contem-  
plaretur, ejus vicissim complexu sensit se adstrictum. S.  
Lutgardis Virgo Cisterciensis, S. Cætanus Thyenæus  
Author Clericorum Regularium non modò in comple-



xum suscepti: Verum etiam ad suetum lateris Domini-  
ci admissi sunt. Invitamur omnes & singuli. *Venite ad  
me omnes, qui laboratis & onerati estis, & ego reficiam vos.*  
Matth. 11. Ideo dispersit cum sole manus, ut non solum  
hunc illumve hominem, sed totum orbem terrarum com-  
plecteretur affectu intensissimo. Hoc asseruerunt illi ve-  
teres Presbyteri Syriani, qui anno 600 circiter post  
Christum, Chinas evangelizârunt, quorumq; lapidarium  
monumentum anno 1625. deinceps è terra effossum pun-  
cto 3. hæc habet: *Messias Cruce utitur, ut omnes absq; ex-  
ceptione comprehendat, excitat omnes voce charitatis, re-  
verentiam exhibere iubens versûs orientem, ut pergant in  
via vitæ gloriose.* Kircher: *Chinæ illustratæ* c. 3. in-  
terpr: 3. In eundem sensum Lactantius lib: 4. c. 26. *Ex-  
tendit ergo in Passione sua manus orbemq; dimensus est, ut  
iam tunc ostenderet ab ortu solis usq; ad occasum magnum  
populum ex omnibus tribubus & lingvis congregatum, sub  
alas suas esse venturum, signumq; illud sublime atq; maxi-  
mum frontibus suis suscepturum.* S. Hieronymus distin-  
ctiûs quatuor extensis Crucis cornibus quadripartitum  
orbem comprehendi. *Ipsa species, inquit, Crucis quid est,  
nisi forma quadrata mundi? Oriens de vertice fulgens; Ar-  
cton dextra tenet; Auster in læva consistit; Occidens sub  
plantis firmatur. Vnde Apostolus dicit, ut sciamus, quæ sit  
altitudo, & latitudo, & longitudo, & profundum, &c.*  
Idem Sedulius vetus Pœta Christianus eleganti metro,

*Quatuor inde plagas quadrati colligit orbis,*

*Splendidus Authoris de vertice fulget Eòus,*

*Occiduo sacra lambuntur sidere plantæ,*

*Arcton dextra tenet, medium læva erigit axem.*

Activus usq; adeo vel in ipso vitæ suæ occasu Sol est in-  
creatus, ut non sit, qui se abscondat à calore ejus. Qua-

tuor



tuor mundi partes, quatuor velut angulis Crucis respondent ac continentur. Sic aiunt S. Maximus Episcopus Taurinen: hom: de Cruce. Lactant: c. 426. Nissenus apud D. Thomam. Ecce 4. Crucis dimensionibus totidem orbis partes signantur, & ad eam evocantur, ut sub erecto salutis vexillo militent; unde rectè Greg: Nyss: Crucem vocavit *vinculum universitatis*: Quòd scilicet universum, quantum illud est, ejusq; partes omnes iungit atq; connectit uno Fidei nexu vinculoque. Extensio ista quinimò pertinet non modò ad omnia mundi loca, verum etiam ad omnia tempora, (ut animadvertit Lobbe-  
tius.) Longitudo Crucis est ipsa quanta quanta æternitas, è qua prædefinitum, ut in ligno scelera expiaret Deus homo: Iuxta illud Isai: 54. *In misericordia sempiterna misertus sum tui, dixit Redemptor tuus Dominus*. Sublimitas est ipsa cæli Regia, ad quam per Crucem velut per scalam ascendit Christus eoq; exivit primitias generis nostri. Profundum sunt inferi, ad quos etiam descendit ipsa virtus Christi visq; Crucis. Latitudo Crucis est, quæ in ea legitur inscripta charitas ad omnes latè fusa, ad omnes, qui ante legem, in lege, post legem. S. Hieronymo adhuc *sublimitas est cælum: profundum, media latitudo & longitudo est accessus ad unum vel alterum*. Hic observa in longitudine non lata, designari viam in cælum, in qua per angustias luctandum est cum longanimitate & perseverantia: in latitudine non longa, non tam viam quàm præcipitium ad inferos, *facilis descensus Avernus*. Omnium locorum, omniumq; sæculorum homines Crucifixus amplectitur, præterquam eos, qui se violenter ex ejus amplexu eripiunt. Parùm dixi, amplectitur, etiam vi quâdam magneticâ ad se attrahit, ut vel ideo sublimè conscendisse censerî possit; nam & magnes è subli-



è sublimi in latiori activitatem suam sphaera propagat.  
 Hoc dixit Bourghesius. *Vt Dominus formâ Crucis ostenderet, se pro salute mundi totius pati, & omnia ad se attraheretur.* Et S. Greg: Naz: carm: de Virg:

*Quin etiam expandens sacrati corporis artus  
 In fines terra, mortale ex finibus orbis  
 Collegit genus, atq; hominem contraxit in unum,  
 Et medijs magnæ posuit Deitatis in ulnis.*

Hoc scilicet est, quod ipse Dominus dicebat, Ioan: 12.  
*Ego si exaltatus fuero à terra, omnia traham ad me ipsum.* Elegantissimè Salvianus Episcopus Massiliensis lib: 4. de provid: Magnetismum Christi exequitur. *Sicut illas (inquit) naturæ admirabilis gemmas ferunt, quæ ferro admotæ durissimum licet chalybem affectu quasi adspirante suspendunt: ita etiam ille, id est, summa & clarissima negotiatorum celestium gemma hoc voluit, ut dum se durissimis licet nobis descendens de celo propius adiungeret, affectu suo nos, quasi amoris sui manibus admooveret, ut agnoscentes dona sua ac beneficia intelligeremus, quid nos pro Domino tam bono facere conveniret, cum ille pro malis servis tam multa fecisse comperiretur.* Cur & Ezech: c. 1. atq; 8. *Similitudo Hominis*, id est, Incarnatæ Deitatis quasi species electri adspicitur? nisi ut instar electri nos leves paleas, siccaq; folia, obvia cujusvis venti ludibria, calcaneive spolia, ad se attrahat. *Traxit exaltatus omnia ad semetipsum, quemadmodum Aquila in sublimè volans prædam trahit.* Ait Maldonatus. Trahit inquam, verum non aliter quàm trahit sua quemq; voluptas. In Cruce enim (ut describit Drexelius.) Membra Christi omnia paratissimos offerunt amores. Nam Caput inclinat ad osculum pacis, brachia pandit ad amplexandos tam bonos, quàm malos, ut & ipsi fiant boni; manus habet apertas

ad



ad dandum, Cor lanceâ referatum ad amandum, pedes  
fixos ad expectandum, dum redeamus ad ipsum. Congru-  
it huic descriptioni ardens Gilberti Abb: affectus  
serm: 20. in Cant. *Omnia, quæ in te sunt, Bone IESV,  
quandam habent alliciendi efficaciam, & cogitantes solici-  
tant in affectum, sed ad omnia non possumus omnes attinge-  
re; sublimia solis sublimibus sunt, humilia omnibus; & quæ  
maior humilitas quàm exaltari in Cruce? efficax ad tra-  
hendum humilitas ista: quidni? quis non ad simplicem hu-  
jus rei cogitatum stupore & extasi repleatur.* Apoc: 5.  
Pro parta victoria & trophæo adorant Agnum 24. Senio-  
res, habentes singuli Cytharas & phyalas aureas odora-  
mentorum, quæ sunt Orationes Sanctorum. Quare Cy-  
tharis potissimum, quàm alijs musicis instrumentis victo-  
riam celebrant? Respondet Primasius. *Cytharis, in qui-  
bus ligno imminentes chordæ tenduntur, Christi Passio fi-  
guratur.* Passio verò ipsa est victoria, quæ vincit mun-  
dum & diabolum. Sed cur ipsa Passio non alio instru-  
mento, quàm Cytharâ figuratur? similitudo quidem &  
convenientia cum alio fortè maior inveniri posset, ut  
cùm Lyra, &c. Sed ob efficaciam, quam inter cætera in-  
strumenta vox Cytharæ obtinet in edomandis hominum  
animis ac attrahendis, Cytharæ potissimum decet com-  
parari. Admirandi profectò sunt effectus musicæ, pro-  
desse illam, ait Varro, podagris; Ischiadi Theophrastus,  
Ismeniamq; Thebanum Tibicinem ab ea affectione mo-  
dulis suavioribus plures persanasse; carmine Lienosos  
curari Plinius: colicâ laborantes Alexander Trallianus,  
aliterq; affectos alij perhibent apud Tiraquellum de no-  
bilitate tom: 1. a. pag: 158. Xenocrates Organicis modu-  
lis Lymphaticos, Asclepiades Phreneticos ad rectum u-  
sum rationis restituebat, Thales Cretenis cantu Cythe-  
ræ



pestilentiam expulit. Avicenna musicam panchreston quoddam sive universale omnium morborum putat medicamentum. Pythagoras perturbationes animi lyrâ componebat. Non penitus fabulosa sunt quod Arion Delphinâs & cæterum pecus maris; Amphion ipsas feras quin & saxa Cytharâ ceu machinâ movere tenereque potuerint.

Potuit (*si fides Poëta*) manes accersere coniugis Orpheûs

Threiciâ fretus Cytharâ fidibusq; canoris.

Antigenides Cytharædus domitorem orbis Alexandrum domabat, hunc siquidem quoties severiores modos tentantem audiret, prosiliēbat ad arma, gladioq; in præsentes irruēbat; sed ubi rursus ad mitiora declinasset musicus; ira quoq; & furor Alexandri in mitiores vertebatur affectus. Clinias Pythagoricus quoties ira se commoveri sentiret, sumebat Cytharam, ejusq; pulsu commotionem illam tranquillabat, *Ælianus*. Similia musicæ miracula leguntur alibi, ut nempe aspidum viperarumq; venena Cytharæ cantus ex iclâs corporibus eliciat, &c. Habent istam omnigenæ musicæ, habent Cytharæ præcipuè efficaciam omnes venæ & nervi Christi per lignum Crucis ceu chordæ tensæ per Cytharam. *Illius enim livore sanati sumus*. Isai: 63. Stultitia Crucis tenebras errorum ab intellectu nostro dispulit: Pestilentiam quoq; omnem non modò à moribus, sed etiam ab ipso aëre absterfit, ait enim Xiphilinus Patriarcha Orat: de ador: Crucis. *Dum in Cruce pependit, aërem manuum dissensione purificavit*. Sed præcipua aëritas Cytharædi Crucifixi, seu Cytharæ Crucis in mentes animosq; hominum, de qua tam verè quàm facundè Clem: Alexand: exhor: ad Gent: *Solus cantor meus difficillimas feras mansuefacit, volucres nempe eos, qui sunt leves: serpentes eos,*

Ccc

qui



qui deceptores, leones eos, qui sunt animosi & in iracundi-  
am concitati; sues eos; qui sunt voluptati dediti; lupos eos,  
qui sunt rapaces, lapides autem & ligna, qui sunt insipientes, &c. Vis specimen? en plurimi, qui ceu lupi vesperti-  
ni circa Agnum in Cruce suffixum exululabant blasphemando: qui ceu leones rugiebant, fremebant, ungvibus  
& dentibus conercebant, non quidem leonina generosi-  
tate, cui corpora prostrasse sufficit, verum illâ rabie,  
quâ Lupus & tristes instant morientibus urse

*Et quacunq; minor nobilitate fera est.*

Hæ, inquam, feræ subito Cytharâ Crucis cicuratae  
percutiebant pectora sua redeundo, humanâq; omnino  
voce dicebant. *Verè hic Filius Dei erat. Vide quantum  
potuit canticum novum, homines ex lapidibus, & homines  
fecit ex feris.* Subiungit Clemens citatus. Quis ignorat  
& non Eurydicem aliquam unam, sed multos sanctio-  
res Orpheos, Prophetarum nempe Sanctorum corpora  
ex mortuis ad eandem Cytharam surrexisse. Erat Ro-  
manis teste Æliano quoddam mutæ musices artificium,  
quod sine sono manuum quibusdam facieiq; signis per-  
ficiebatur: talem aliquando musicum conspicatus Deme-  
trius Cynicus dicebat. *Video sonos, quos facis, nec modò  
video, sed & mihi videris manibus ipsis loqui.* Non mo-  
dò verba in Cruce prolata, verum ipsa figura Crucifixi  
sonora est atq; harmonica ad attrahendum. *Cytharâ  
passio Christi figuratur.* Sed continuò Cytharis Apocaly-  
pticis adduntur phylæ aureæ continentes Orationes  
Sanctorum: quod considerans Hugo, ait: *Post Cytharas  
phylæ ponuntur, quia prius Dominus passus est, & sua la-  
titudine ostendit latitudinem charitatis, tum pro suis cru-  
cifixoribus dixit: Pater ignosce illis. &c.* Sylveira factâ re-  
flexione ad eandem connexionem Cythararum & phya-  
larum



larum. Cythara, ait, passio, phylæ orationes SS. ut igitur cujuslibet oratio grata sit ac jucunda sicut incensum thymiamatis, debet procedere ex meditatione Domini-  
cæ Passionis. Sed redeo ad attractivum Amorem, qui cum attraxerit, non destituit, nec ex se solum suspendit; verum quod promiserat Osæ 11. *Ego tanquam nutritor Ephraim portabam in brachijs meis. In brachijs meis in Cruce discentis; ibi enim extendit brachia sua ad amplectendum nos & portandum.* Subiungit Stephanus Cantuariensis. S. verò Athanasius *ut hanc quidem veterem populum, illam verò gentiles attraheret, & ambos in se coniungeret.* Specta homo, specta munde Athlantem tuum, & recognosce, quod dixit S. Germanus Patriarcha *decidit deorsum natura humana & suspendit se in petra, scilicet in Christo, & arbore Crucis quietè sicut in fulcro resedit.* Et Macarius Philadelphienfis. *Crux fulcrum est calis, & orbem terrarum suffulcit.* Iulius deniq; Firmicus: *Clavi Crucis cornua, quibus omnia sustentantur & sublevantur, in quibus cornibus bene omnium hominum vita pendet.* Ecce quanto fulcro labilis homo & mundus totus caruisset, si Amor Crucifixus in columnam & basium se non subposuisset. Latitudine Crucis omnia complexus, altitudine cælum patefecit, penetravit infernum profunditate: instauravit omnia & quæ in cælis & quæ in terris: Ne instaurata aliquando nutarent, seipso suffulcit ac stabilivit. Hoc ut intelligere laboremus monet Apostolus ad Eph. 3. *Vt in charitate radicati possitis comprehendere, quæ sit longitudo, & latitudo, & sublimitas, & profundum, scire etiam supereminentem scientiæ charitatem Christi.* Quasi diceret, ut docet S. Dionys: Areop: citatus à D. Thoma: *habeatis tantam fidem & charitatem, ut possitis tandem comprehendere, quando comprehensibile est.* Sed



quando comprehensibile erit, nisi quando & lumine gloria illustrabitur intellectus, & incendetur ut carbo affectus charitate? Interim ex doctrina D. Thomæ in Eph: *Scire charitatem Christi, est scire omnia mysteria Incarnationis Christi & redemptionis nostræ, quæ ex immensa charitate Dei processerunt; quæ quidem charitas excedit omnem intellectum creatum & omnium scientiam, cum sit incomprehensibilis cogitatu & ideo dicit supereminentem scientiæ, scilicet naturali, & omnem intellectum creatum excedentem &c.* Quærebat Ecclesiasticus c. 1. *Profundum abyssi quis dimensus est?* Sed si Augustino est *abyssus, profunditas aquarum impenetrabilis* enar: in Ps. 42. S. Isidoro *spelunca aquarum latentium, alijs ipsa Oceani altitudo*; certè hæc à naturæ secretario sic dimensa est, ut vix ad 300 stadia revocetur? de alia ergo hic abyssus Sapiens agit, & quidem de qua superius Apost: *Vt possitis comprehendere &c.* Sic enim iuxta D. Thomam Crucem describit. *Ibi est profundum in ligno quod latet sub terra, & sustinet Crucem, & non videtur: quia profundum Amoris Divini sustinet nos, nec tamen videtur; quia ratio predestinationis excedit intellectum nostrum.* Sic ergo debemus comprehendere virtutem charitatis Christi, ut adhuc eam sciamus omni scientiæ supereminere: quia nullus potest scire quantum Christus dilexit nos. Hoc nec natura potest capere, nec humana ratio explicare, imò nec ullius votum potuit assequi. Ut piè & doctè loquitur Nirebergius lib: 4. c. 3. *de ador: in spiritu.* Tale est beneficium & Sacramentum redemptionis, quam si quis postularet, antequàm manifestaretur hominibus, hoc modo, quo facta est; preces blasphemix crederentur, spes insana temeritas; votum sacrilega voluntas; opinio impietas. Quis hic non exclamabit ad Crucifixum cum

Dro-

Drog  
anim  
mine  
cum  
specul  
vehe  
ceui  
erga  
esset  
in co  
spec  
fim  
scrib  
rum  
jus,  
man  
se p  
quid  
septi  
scita  
hi, q  
rem  
torâ  
& o  
quor  
ris!  
ad C



Drogono Ostiensis. *Fecisti Domine de corpore tuo speculum animæ meæ. Et cum S. Bernardo: Virumq; es mihi Domine & speculum patiendi & premium patientis: maximè cum S. Laur: Iustiniano. Es mihi ô Domine IESV & speculum patiendi & meritum, utrumq; fortius provocat & vehementer accendit. Video ô Domine in te Crucifixo ceu in speculo politissimo ac sincerissimo tuum infinitum erga me amorem! video, & utinam hoc speculum mihi esset ustorium, quod concentratos sancti amoris radios in cor meum transmitteret: sed eheu! video in eodem speculo ingratitudinem meam, & nullum penitus vicissim ex me tibi amorem respondere: Evenit in me, quod scribitur 4. Reg: 4. Distendebat se ibi Eliseus super puerum Sunamitidis defunctum posuitq; os suum super os eius, & oculos suos super oculos ejus, & manus suas super manus ejus. &c. (Quod totum erat figura distendentis se per Crucem super mortuum genus humanum IESV) quid tandem? Calefacta est caro pueri & oscitavit puer septies aperuitq; oculos. Oscitavit à somno mortis resuscitatus puer, ignoscenda puero oscitatio, sed non mihi, qui tanto amori nihil, nisi solas oscitationes, torporem & acediam repono. Oscitavit ille, sed calefcebat totâ carne, sed aperiebat oculos: ego rigeo toto corde, & oculos clausos oppletosve habeo mundi vanitatibus quominus te inspicere possim. O vivum speculum amoris! esto mihi speculum ustorium. Verum à speculo iam ad Cincinum Rudofindi transeamus.*





## Secunda Pars Rationum quæ pertinent ad morum nostro- rum instructionem.

**C**ircinus notum ac familiare artificij est instrumen-  
tum proportionum, cui nonnemo apud Petrasan-  
tam lemma adscripsit *dirigor & dirigo* & aliud aureo  
Circino assumpto in stemma suæ Typographiæ Planti-  
nus *labore & constantiâ*. Habemus in Cruce Domini e-  
jusmodi Circinum, quo nostras omnes actiones. Christi  
passi actionibus & virtutibus pro modo gratiæ Dei no-  
bis communicatæ commensuremus. Dirigebatur hic  
Circinus in Christo ad voluntatem Patris Æterni: modò  
dirigit nos ad imitationem Christi: geminòq; illi pede  
opus est *labore* scilicet *& constantiâ* in laborando. La-  
bor à puncto vitæ ad punctum mortis decurrat, Constan-  
tia nunquam à centro, quod est Christus exeret. Si  
eor in hoc centro defigatur nulla unquam actio non per-  
fectè erit sphærica, id est, à Deo in Deum, qui utiq; pun-  
ctum est initiale ac terminale, recurrens; nusquam ex-  
orbitabimus, nusquam vitiosum circulum committe-  
mus, ubi pedem constantis voluntatis in eo centro fixe-  
rimus. S. Laurentius Iustinianus, ut in Crucifixo uni-  
versam disciplinam virtutum contineri explicariq; o-  
stenderet, librum quendam esse dixit. *In quo habet foris  
simplex & indoctus, quod legat. habet spiritualis atq; per-  
fectus, quod intus intelligat. In eo enim scripsit charitatis  
compendium, perfectionis celsitudinem, virtutum normam,  
& totum humanæ redemptionis modum ordinemq;, quem  
cum scribere complisset, nihilq; superesset scribendum. in-  
quit, Consummatum est.* Et S. Thomas in cap: 12. ad He-  
bræos



bræos. In Cruce, ait, est obedientia ad Deum, ibi caritas erga proximum; ibi patientia in adversis: deniq; in Cruce invenitur doctrina & exemplum omnis virtutis. Hinc iuxta amussim superius ex Divo Paulo Epl: ad Eph: c. 3. memoratam in ipsa quadruplici Crucis dimensione SS. PP. varias considerant virtutes. S. Anselmus in longitudine spem Ecclesiæ longanimum; in latitudine charitatem; in altitudine vitam cælestem & opportunam extunc in cælis conversationem; in profundo fidem, cujus scilicet mysteria in imo & profundo recondita; procul à sensibus, procul ab humana ratione. S. Bernardus lib: 3. de confid: Divina, inquit, essentia res cum una sit, est tamen longitudo propter eternitatem, latitudo propter charitatem, sublimitas propter Majestatem, profundum propter scientiam. Hæc quadriga Dei: comprehendimus hanc duobus brachijs Timoris & Amoris; Timor sublimi & profundo; Amor longo latoq; respondet. Vel quatuor virtutibus; longitudinem enim tenemus & comprehendimus perseverantiâ, latitudinem charitate, Majestatem veneratione & adoratione: sapientiam & abyssum iudiciorum timore & humilitate. Et alio loco. Patientiam, inquit, exhibet, humilitatem commendat, obedientiam implet, perficit charitatem; his namq; quatuor virtutum gemmis, quatuor cornua Crucis ornantur: Et est supereminetior charitas, à dextris obedientia, patientia à sinistris, radix virtutum humilitas in profundo: His ditavit trophæum Crucis consummatio Dominicæ Passionis, cum ad Iudeorum blasphemias humilis, ad vulnera patiens, intus lingua, clavis externis pungeretur: Nam & charitas in eo perfecta est, quod pro amicis animam posuit; & obedientia consummata, cum inclinato capite tradidit spiritum, factus obediens usq; ad mortem. His spoliare dotibus, hac prizerare glo-



gloriâ Christi Ecclesiam satagebant, qui dicebant: Si Rex Israël est descendat de Cruce, ut non sit iam obedientie forma; non incentivum amoris; non patientiæ vel humilitatis exemplum. hætenus S. Bernard: serm: 1. in Pasch. S. Augustinus Epl: 120. c. 26. Non frustra tale mortis genus elegit, ac si in eo, quo latitudinis huius & longitudinis Magister existeret. Nam latitudo in eo ligno, quod transversum desuper figitur, hoc ad bona opera pertinet, quia ibi extenduntur manus. longitudo in eo, quod ubi pes ligni usq; ad terram conspicuum est. ibi enim quodammodo statur, id est, persistitur & perseveratur, quod longanimitati tribuitur. Altitudo est in ea ligni parte, quod supra transversum, sursum versus relinquatur, hoc est, ad caput crucifixi: quia bene sperantium superna expectatio est. Iam verò ex eo ligno, quod non apparet, quod fixum occultatur, unde totum exurgit, profunditatem significat gratuite gratiæ, in quo multorum ingemina conteruntur, id investigare conantium. ut ad extremum ijs dicatur ô homo tu quis es, qui respondes Deo? In compendium hunc textum S. Augustini rede gisse videtur P. Lobbetius, si non ex alio loco citat. In latitudine sunt bona opera caritatis, in longitudine perseverantia usq; in finem, in altitudine spes celestium præmiarum, in profundo inscrutabilia Dei iudicia; unde ista Dei gratia in homines venit. Quanta virtutum exempla præbet Christi Crucifixio? quas ex SS. Patribus obiter innuimus hætenus, deinceps saltem de nonnullis figillatim. Docet Crux fidem. Vt enim Christi mors esset testatissima ad resurrectionis fidem adstruendam, ideo palam in Cruce mori voluit. Vt nemo ambigeret mortuum. Et quò mors fuisset acerbior & horribior, eò resurrectio esset admirabilior & gloriosior. ait Bourghesius. Docet Crux spem: Nam (ut perquam asceticè loquitur

M. Ioan-

M. Io  
pufil  
dere  
bonit  
id, q  
tiz d  
tri r  
proh  
demp  
Cru  
catu  
ut n  
tris a  
vina  
ritis  
voru  
vit i  
gavi  
pecc  
quē  
bus  
cium  
gum  
grat  
Rege  
16. q  
pion  
is reg  
terre  
erudi  
tem  
Hunc



M. Ioannes Avila Cent: 2. Epl: 20. quandam animam pusillanimum solando. *Cum sit res admiranda magis videre Deum in Cruce, quam te in celo; sperandum est in ejus bonitate, quod qui fecit id, quod est plus, facturum est etiam id, quod est minus.* Habemus certissima pignora & gratiæ & gloriæ vulnera Domini, quæ identidem Deo Patri representemus. *Specula gloriose Genitor gratissima prolis lacera membra, vide Redemptoris supplicium, & redempti dimitte delictum.* S. Aug: medit: c. 6. Iungit Crux sanctæ spei salutarem timorem, quo perculsi peccatum omne horreamus. Tanta enim ejus est gravitas, ut non nisi Crucifixione Dei-hominis, iusto decreto Patris æterni expiari potuerit. Prodidit quidem se hinc Divina misericordia, dum parcat servis mille cruces promeritis; sed non minus prodidit se iustitia, dum furta servorum tam severè vindicat in Filio. Quod si ita castigavit in Filio suo unico unicè dilecto, Sanctissimo, & castigavit peccatum alienum, quomodo castigabit propria peccata in quovis peccatore impœnitente, vilissimo sibi què odibilissimo, quibus in eum ignibus infernus, quibus tormentis defœviet? *Nam si in viridi ligno hæc faciunt, quid fiet in arido?* fortissimum est ipsius Christi argumentum. *Agnosce ô homo (dicebat S. Bernardus) quam gravia necesse fuerit tua esse vulnera, pro quibus oportuit Regem gloriæ vulnerari.* Refert Plinius lib: 8. hist: cap: 16. quod leones obsideant Africæ urbes, ideoq; dum Scipionem illuc comitaretur, se vidisse leones passim in vijs regijs crucifixos, quia cæteri metu similis pænæ absterrentur simili noxâ. P. Drexelius applicaturus hanc eruditionem commemorat 1. Petri 5. diabolum rugientem leonem dici, *qui circuit querens, quem devoret.* Hunc igitur leonem imò hos leones vias omnes ad cæ-

Ddd

lum



lum infestas, tenuisse & plurimos viatorum dilacerasse. His verò cōcēdendis Christum Leonem de tribu Iuda suspensum, ut in terrorem fugamq̃, bestias tartareas verteret. At Vincentius Gillibertus in Elencho Conc: ad Dom: squag: propius ad rem nostram illud Psalms 53. *Divites esurierunt ex hebræo legit leones esurierunt;* nam ut notat ibi Genebrardus. *Leonum more facultates aliorum diripiunt, & oris rictu tanquam præda inbiant:* Leo igitur de tribu Iuda illis proponitur pro aliorum rapinis crucifixus, qui ait de se, *quæ non rapui, tunc exolvebam,* ut ipsi metu pænæ similis absterreantur ab eadem noxa. Quinimo cujuscunq̃ peccati gravis reos iustus tangat metus oportet, visâ tam acerba infantis IESV pænâ: flagellabatur aliàs caniculus, ut leo pertimesceret: hic Leo Regius, non iam brutorum sed rationalium animalium & totius Vniversi Regnator ex infami trabe suspenditur, ut canes pertimescant. Vbi homo per peccatum à Deo discessit: discessit à seipso, neq̃ tantum infusam gratiam effudit, sed etiam seipsum exuit. *Comparatus iumentis insipientibus, & similis factus est illis.* Ps: 49. infelix iumentum, quod nisi regatur in alias atq̃; alias præceps ruet miseras. Id ne fieret providit Divina miseratione iumento ne aberret neu vegetetur; de freno: sicut ne torpeat neu cesset de calcariis. Calcaria admovet Amor; frenum iniecit salutaris timor. Non vanè prædixerat Zacharias. *Erit, quod supra frenum equi est, sanctum Domino* c. 14. nec sine mysterio huic prophetiæ obsecundans Helena clavum patientis Domini, freno Constantini Imperatoris filii sui adaptaverat: Affecutus mysterium S. Ambros: *Vt Imperatorum insolentiam refrenaret; comprimeret licentiam Tyrannorum, qui quasi equi in libidines adbinnirent, quod liceret illis adulteria*  
impu-



impunè committere. *Quæ Neronum, quæ Caligularum, cæterorumq; probra comperimus? quibus non fuit sanctum frenum. Quid ergo aliud egit Helena operatio ut frenum dirigeret nisi ut omnibus Imperatoribus Sancto dicere Spiritu videretur. Nolite fieri sicut equus & mulus, sed in freno & chamo maxillas eorum constringeret. Prona enim potestas in vitium ferebatur, & more pecudum vagâ sese libidine polluebat; ignorabat Deum. Restinxit eos Crux Domini, & revocavit à lapsu impietatis: exuerunt se chamo perfidia: susceperunt frena devotionis & fidei. Quod hic dicitur de Imperatoribus; applicet quivis Christianus sibi, cuiq; enim dictum est. *Sub te erit appetitus tuus, & tu dominaberis illius*: Vnicuiq; imperium in se concupiscentiasq; suas & passiones impositum est. Item quod diximus de clavo, multò magis intelligendum de Cruce. Sicut & circa finem textûs citati S. Doctor: aperte intellexit. P. Paulus Segneri in libro suo *Homo Christianus* inscripto par: 2. cap: 21. Colligit disertissimè quantum malum sit peccatum ex Christi acerbissima Passione: dignus auctor qui legatur, ego hic initium finemq; saltem discursus, ut gustum aliquem propinem, adscribo. Duobus inquit in hoc mundo diluvijs, uno aquarum, altero dolorum suffocare Divina iustitia voluit peccatum. In primo diluvio aquæ adeò montium vertices transcendere, ut exceptis octo personis tota humani generis vita submersa fuerit. In secundo, quòd non fuit aliud quàm Christi Passio, tot & tanti dolores simul iuncti fuerunt; ut ipsa Dei vita submersa fuerit. Sed unde tanta quæso in primo diluvio aquarum copia, & unde tot ac tanti in secundo dolores? Primæ illius aquæ partim de cælo disruptis, ipsius cataractis delapsæ sunt, partim de mari antiquos suos terminos transgrediente*



ascenderunt; partim ex ipsius terræ sinu, supra quam vastissimi illius abyssi fontes regurgitârunt; provenere. Eadem istæ secundum proportionem sunt horribilissimi dolorum diluvij origines, quibus Redemptoris nostri vita in sua Passione submersa fuit: partim provenerunt à cælo, hoc est, ex Divina iustitia: partim ex mari, hoc est, ab hominum in perniciem Christi coniuratorum crudelitate; partim ex sinu ipsiusmet terræ exundantis, hoc est, à Dulcissimo IESV corde, quod ut redemptio nostra esset copiosissima Amorem suum omnium crudelissimum sibi voluit esse carnificem, &c. &c. Explicatis verò fuscè his tribus capitibus acerbissimæ Passionis, subiungit verba Apostoli ad Rom: 3. *Quem proposuit Deus propitiationem per fidem in sanguine ipsius ad ostensionem iustitiæ suæ.* Mundi salus erat medium, finis autem saltem perfectior fuit gloria iustitiæ Dei. Non potuit Christus perferre illam perturbationem, ut cum Deus iniurijs affectus esset, nullus pro ijs illi satisfaceret integrè, cumq; creaturis non adesset illa summa, quâ ingens extingveretur debitum, voluit Redemptor noster illud per se tanto cum excessu exolvere, quò immensa inde Patris sui gloria resultaret: ita, ut etiam peccatorum omnium possibilium debitum expungi posset. Quare etiam si omnes homines obstinatè damnationem præligerent, non ideo Christi Passio suo careret fructu: primarius enim ejus obtineretur finis, qui est de peccato tantum contristari & affigi, quantam ipsum peccatum afflictionem & dolorem exigit: tantamq; Deo pro iniuria illata satisfactionem præbere, quantam Deus offensus meretur. *Ad ostensionem iustitiæ suæ.* Atq; hoc est, quod Christus pro inauditorum dolorum suorum compensatione desiderat, ut peccatum super omnia mala detestemur. Totus fructus



etus, quem Salvator noster ex laboribus suis, pœnis, vitâ  
 & morte colligere prætendit, est unicus ille; ut addis-  
 cant mortales peccatum agnoscere, illud detestari, o-  
 mniaq; ejus vestigia extirpare. *Iste est omnis fructus, ut  
 auferatur peccatum ejus.* Isai: 27. Poterat Salvator noster  
 levissimo suo incommodo plenissimè mederi vulneribus  
 nostris; sed quia gravitatem mali non ita apprehendis-  
 sent; medicinæ atrocitate, morbi atrocitatem nobis de-  
 monstrare voluit. Quòd si Deus propter unum aliquod  
 peccatorum nostrorum de novo mundum diluvio, (ut  
 Noemi tempore fecit) submergeret; quis peccatum, par-  
 vum aliquod malum esse existimaret? Quomodo igitur  
 dicere quis audet? *quid mali est hæc fragilitas?* Cùm ma-  
 nifestum sit ob hanc fragilitatem puniendam, multò ma-  
 jùs non aquarum sed ineffabilium pœnarum diluvium à  
 Deo decretum fuisse, Deiq; Filium mortem subire de-  
 buisse, cujus vita infinities valet plùs, quàm alicujus ho-  
 minis cogitabilis, in quo omnes vitæ possibiles coniu-  
 ctæ essent. Scribit Peregrinus Terræ Sanctæ Radivilius  
 in Ægypto propè Cairum esse quandam pyramidem, in  
 qua Nili incrementa, quantumve is exundaturus sit, co-  
 gnoscantur: Crux omnino videtur esse pyramis ejusmodi,  
 in qua mensura quædam capi possit illius diluvij, de quo  
 Osæ 4. *Maledictum, & mendacium, & homicidium, &  
 furtum, & adulterium inundaverunt.* Quo diluvio la-  
 mentatur superobrutus Christus Thr: 3. *Inundaverunt  
 aque super caput meum, dixi perij:* Et Psal: 68. *intrave-  
 runt aque usq; ad animam meam. Veni in altitudinem  
 maris, & tempestas demersit me.* &c. Nobis verò ex eo-  
 dem ferali diluvio nisi per lignum Crucis, quod Arca  
 Noe figurabat, salus nulla patebat, (ut innuit Spiritus S.  
 Sap: 10.) *Cùm aqua deleter terram, sanavit iterum Sa-  
 pientia*



*pietia per contemptibile lignum iustum gubernans. Interim qui evasimus ex eo, qui absorptus est, nostri periculi magnitudinem conijciamus. Recordemur Christi in horto cum sudore sanguineo, seu cum primis littoralibus fluctibus luctantem, ut calicis ulterius profundum deprecabatur? Verum quidem est illam Christi petitionem non absolutam sed conditionatam, illumq; (quo tunc iactabatur) non rationis sed sensus fuisse horrorem: Nihilominus iuxta S. Thom: Aq: totum illud, quod à Christo proveniebat, tanta æstimatione dignum erat; ut illa ipsa naturæ inclinatio plus quam quævis alia, quorumlibet Sanctorum expressa voluntas mereretur. Quis itaq; existimasset à Deo, (qui se humiles, derelictos, & afflictos audire prædicat) filij sui in abjectionis abyssu & inauditis submersi angustijs preces exaudiendas non esse? Equidem sic est: exauditus non est: voluit suum iustitiæ relinqui rigorem, ut quantum debitum sit peccatum, intelligerent mortales, pro quo extinguendo nulla ne quidem in illius gratiam, qui non ut primarius debitor pro se, sed tanquam fideiussor pro alijs solvebat, in cælo pietas & clementia se exhiberet. O peccatum! peccatum! & adhuc mortales te non dignoscunt, non fugiunt? adhuc cum voluptate committere non verentur? *Potest aliquis gustare, quod gustatum adfert mortem?* Iob 6. Omnino aut mutanda est vita, aut mutanda fides. Nimis magna repugnantia est credere Deum in Cruce, ut peccatum destrueret; se in nihilum redegisse: hominem tamen tanta cum voluptate adhuc peccare, non aliter quam si mortem Christi vanam esse fabulam existimaret. *Filius Dei pro peccatis mortuus est o Christiane, & te peccare delectat Deum! o homo! pro peccato consputum, flagellatum, laniatum, crucifixum, vides & peccas?* exclamat*

Orige-



Origenes citatus à S. Thom: Villan: serm: de Adven:  
 Ipse verò Thomas ex suo addit. *Quid magis homini  
 peccanti horrorem incutere potest, quam videre Filium  
 Dei pro peccato in Crucis patibulo morientem, & terribi-  
 lem pro peccato hominis satisfactionem reddentem. O gran-  
 de malum peccatum! pro quo talis fit ultio. Verso iterum  
 sermone ad Christum. Nihil me Domine ita deterret, ni-  
 hil me sic à peccato detinet, sicut videre Filium tuum dile-  
 ctissimum unigenitum propter peccatum clavibus affixum, la-  
 tronibus associatum, crudelissimâ morte mulctatum. O in-  
 finitam audaciam peccatoris! quis est qui post tale spectacu-  
 lum non formidat peccare? Quid, quod sine metu pecca-  
 re est tragicum Crucis theatrum teste Paulo instaurare?  
 Rursus crucifigentes sibi metipsis Filium Dei & ostentui ha-  
 bentes, ad Hebr: 6. in quem locum S. Thom: Aq. Pecca-  
 tores quantum in ipsis est rursus Cruci affigunt Christum,  
 quia Christus pro peccatis nostris mortuus est semel: cum er-  
 go peccas baptizatus, quantum in te est, das occasionem, ut  
 iterum Christus crucifigatur, & sic contumelia fit Christo,  
 in cuius sanguine te totum maculas. Hugo Victorinus i-  
 bidem ait. Quantum in te est, iterum crucifigis, iterum  
 mori compellis. Glossa verò per unumquodq; peccatum  
 quod committimus, Christum crucifigimus, & quantum in  
 nobis est, occidimus. Deterret ab hac impietate Crux &  
 Crucifixus: exprobrare nobis & expostulare nobiscum  
 videtur. Quid ego de te ô homo tam malè sum meritus?  
 imò quid boni facere potui & non feci? ideone sanguinem  
 fudi, ut conculces, ideone manus pedesq; extendi, ut  
 clavos ac vulnera multiplices? Docet adhuc crucifixum  
 corpus IESV pretium nostrarum animarum atq; æsti-  
 mationem. Seneca Epl: 71. postquam expendisset, quàm  
 parvi æstiment semetipsos homines, subdit. Non imme-*



ritò. *Ad corpus enim respiciunt: revertantur ad animam iam hominem Deo metientur.* Supra ethnicum profecto hic sensus, est dignus, quem S. Aug: super Ps: 102. discretius efferret. *Nemo fallit Redemptorem suum, egit hoc commercium, pretium solvit, sanguinem fudit unicus Filius Dei pro nobis. O anima erige te, tanti vales.* Addit Eusebius Gallicanus hom: 2. de Symb: *In trutina Crucis non aurum vel argentum, non corpus aliquid Angelicum, sed semetipsum passus est Author salutis appendi, ut homini, qui ab statu degeneraverat, natura sua dignitatem vel ipsa ostenderet pretij magnitudo.* Cum ergo ex pretij magnitudine æstimetur dignitas rerum: sicut nulum excogitari pretium majus, quàm Filij Dei sanguis, ita nulla potest dignitas inveniri maior quàm anima hominis. Omnia in mensura fecit Dominus, sed quia datur mensura ejusdem rationis & diversæ rationis, reliqua omnia creata mensurantur à Creatore, mensurâ diversæ rationis à Creatore: in solo homine metiendo, mensurâ ejusdem rationis utitur Deus, & iure, nam solus homo factus est ad imaginem Dei. Anima itaq; tunc optimè æstimatur, cum Deo comparata appenditur. In emptione vel venditione margaritarum pretiosorumve lapidum fraus potest locum habere, dum emptor imperitus carò emit falsam gemmam, putans esse veram: id autem longè est à peritis in arte. Quis verò peritior in arte cognoscendi bonas margaritas, quàm Negotiator ille Divinus, qui descendit de cælis, ubi portæ nitent margaritis, ad eas, & quærendas, & emendas. Dum ergo ipse, qui nec fallit, nec fallitur, inventâ unâ pretiosâ, vendidit universâ, quæ habuit & emit eam, certè illam tanti esse existimavit. Animam porro gemmam hanc esse Plato Divinus apud Pierium l. 8. censuit. Humanum inquit genus



nus ostreorum simile est. Nullâq; similitudine nostræ imbecillitatis naturam significantius potuit explicare, quam cum ostrea indicium esse dixit animi in corporis carcerem tenebrasq; conjecti. Ita enim Deus corpori animam adglutinavit, ut necessarium sit hominem corporis affectibus tangi vel invitum. Quid verò aliud illa vel Divina vel stellaris essentia scintilla hic patitur, nisi quod corpori adhaerescit, & vinculis se cōcerceri sentit, & in quodam obscuritatis carcere detineri. Planè sicut gemmæ in ostreis sive conchylijs. Pro hac pretiosa margarita caelestis Negotiator omnia sua dedit, extrema nuditate pansisq; manibus nihil sibi reliquum esse testatus: dedit, quin etiam seipsum. Tam copioso munere ipsa redemptio agitur, ut homo Deum valere videatur! Epiphonema est Eusebij Gallicani hom: 6. de Pasch. Hinc & S. Petrus Damiani serm: 1. dedic: Eccl. Perpende ô Christiane dignitatem tuam, & redemptionem culpæ tuæ noli belluina mente contemnere. Vbi (ni fallor) alludit ad illud Prov: 11. *Circulus aureus in naribus suis mulier pulchra & fatua.* In muliere pulchra humana mens; in circulo aureo fidei confessio, in fatuitate defectus intellectus significatur, iuxta Glosfam, quæ ibi ait. *Circulus aureus pulchra & circumflexa sit locutio; nares suis, sensus stultæ mentis: unde oritur mulier pulchra verbo, & fatua intellectu.* Quæ enim fatuitas huic poterit comparari, quâ anima pulchra Dei imagine insignita, annulo fidei ornata, & fidei confessione decorata, tam miserabili commercio intellectum abijciat & cæcum cælo, dignitatem Divinam fædæ voluptati anteponat, belluina mente omnia contemnat, ornamentum pulchritudinis à Deo datæ infra spurcum quoddam volutabrum commaculans, conculcans, & conterens. O quanti fecit animas nostras Deus, vel exinde constat,

Eee

quæ



quæ pro ijs passus est. Quis ergo vili aestimet animam suam & pro futili quavis vanitate aut voluptate prodigat? Quis non potius pro suo statu animas etiam proximorum lucrificare satagat; ne scilicet sanguis IESU pro eis fusus inaniter pereat. Discitur ex Crucifixo & quanta sit Beatorum felicitas in cælo, utpote, quæ emptæ sit tot tormentis à Christo in Cruce. Verum antequam ad eam felicitatem perveniatur, *Cruce*, quæ *eruditrix insipientium* ab Andrea Cretenfi dicitur, erudit nos ipsa arma, quibus nos dæmon aggreditur, quibusve aliquando in Deum infurreximus, in ipsius dæmonis profligationem, & pænitentiam, sive punitionem nostram esse vertenda. *Extensio manuum Christi, & fixio damnat Adam, & Evæ protensas manus ad lignum vetitum*, ait apud Bourghesium S. Aug: serm: 4. de Div: & in Ps: 62. Ligno primum Adam tentavit sathan, ligno sathanam secundus Adam confecit, & ligno expiavit, quod ligno fuerat peccatum. Merito Maria Magdalena capillos capitis, quibus animas illaqueabat, abiicit ad pedes Domini extergendos; oculos petulcos eliquat in lacrymas, catenulasq; aureas, quibus se ex vanitatis legibus adornabat, in flagella pænalia convertit, ipsis corpus suum in servitutem redigendo, quibus mundo atq; dæmoni miserè tenebatur captiva. S. Gvilelmus Aquitanix Dux nudæ carni loriceam ferream circumdedit atq; adstrinxit, ut lueret violentias illatas multis, quibus in armis fuerat formidandus. B. Iacoponum cum aliquando non solita orexis carnum incessisset, carnes sibi conquiisvit, & præ oculis in cella appendit, sed non prius degustavit, quam longo tempore verminassent, planèq; putruiissent: tum ergo tandem postquam earum rancore oculos naresq; diu vexasset, genium, palatumq; suum cupedijs illis



illis non demulfit, sed afflixit. S. Alexius ex voluntario exilio domum paternam validâ tentatione retractus: in ipsâ domo exulando, parentesq; spectando, sed ab illis minimè agnitus, nec se illis revelando, nec interea perpeti projectissimorum famulorum vexationes cessando, tentatorem in ea arena superavit, & illis in armis, in qua, & quibus ille se victorem fore sperabat. Proffis, ut monebat S. Ignatius Loyola, quibus artibus demon ad nos oppugnandos utitur, ijsdem nobis utendum est ad eum vincendum sancto ingenio. Certum est ex S. Ambrosio, quod nobis manus suas expanderit Deus, ut totum mundum obumbraret: quomodo enim non sumus in umbra, qui Crucis ejus protegemur velamento? quomodo non sumus in umbra, quos crucifixus in malignitate sæculi & corporis ardore defendit. Umbra tua ô Christe caro fuit, quæ nostrarum æstus refrigerat cupiditatum, quæ compescit insolentiam vitiorum, quæ extinxit ignes libidinum, quæ avaritiæ diversarumq; passionum incendia superavit, & quid dicam de umbra Domini, quando & Apostolorum umbra sanabat? Certum & ex S. Thoma Aq. In quacunq; tentatione invenitur in Cruce præsidium; quo nomine multum Cruci debemus. Si enim in Ægypto teste Plinio l. 17. c. 1. gentes vestigal pro umbra dependunt, quâ sub proceris platanis fruuntur: Quæ non gratitudo tam umbriferæ Cruci est dependenda? exhibet Ægyptus mundana umbras desiderabiles, sed sæpe non secus ac taxus arbor, aut napellus pestiferas ac lethales: umbra Crucis salutaris est. Nihilominus parum est in umbram fugere, in umbra otiosos velle desiderare, atq; sine ulla resistentia hosti exhibita protegi. Sumenda est Crux pro armis in hostes. docet Crux & crucifixus Magister scientiam & usum Crucis, id est, voluntariam mortificationem, quâ

Eec2

subiga.



subigatur caro, abigatur dæmon. Audiamus hoc super  
 argumento differentem S. Borgiam. In omnibus sensibus  
 passus est Deus, ut tu omnes contineres tuos ejus exemplo  
 ab inepta libidine: visum ne divagaretur per illicita: audi-  
 tum ne pateret obtreptionibus & maledictis: gustum &  
 olfactum ne indulgerent transitorijs blanditijs, &c. &c. &  
 superius. Ejus tempora vepribus cincta sunt, ut te defen-  
 derent ab ingruentibus tentationibus: perforatae manus pe-  
 desq; ad componendos tuos gressus & mores: apertum lan-  
 cea cuspide pectus, ut haberes perfugium quò te reciperes:  
 palluerat toto corpore, ut nos niteremur non tantum cor-  
 pore sed & animâ: ejus oculi lethi tenebris obducti sunt, ne  
 diverterentur ad aspectus vanos & illicitos: impletae ejus  
 aures nefandis opprobrijs, ut tuæ clauderentur detractioni-  
 bus, aperirenturq; clamoribus pauperum: degustavit ama-  
 ritudinem fellis ad moderandas tuas blanditias. Tulit spe-  
 ciem tuæ infirmitatis, ut inde melius confirmareris ad susti-  
 nendos labores in hujus vitæ peregrinatione, postea regna-  
 turus in Patria. Subnectit alias merito præmia castiga-  
 tioni, inquit, in calis succedet gloria; singulis singulare præ-  
 mium, auditui musica, visui amenissima venustatis ac  
 pulchritudinis, odoratus florum ac rosarum, gustui ciborum  
 dulcedinis, tactui suavitatis in cultu corporis. Alio verò  
 loco. Tria in te habes, quæ necesse est crucifigas cum suis  
 imperfectionibus, nempe spiritum, carnem, & mundum.  
 Crux spiritus est fervor devotionis, cujus angulos confici-  
 unt spes, timor, amor, & dolor. Crux autem carnis est ri-  
 gor disciplina, quæ extendit brachia sua ad vigilias, absti-  
 nentias, verborum ac vestium asperitatem. Sed Crux, quâ  
 torquetur mundus, non alia videtur esse quàm paupertas  
 spiritus. Hujus brachia complectuntur desipientiam opum  
 & bonorum, patriæ, generisq; contemptum. Hæc Sanctus  
 Asce-



Asceta. lib: 1. pag: 42. Si ultroneam mortificationis crucem horres, quam utiq; ambire & post Christum ferre ac etiam scandere par esset, non pigeat saltem suscipere crucem, si quam casusve Deusve obtulerit. Magna virtus est Patientia, sive fortitudo animi in perferendis adversis atq; asperis. Et hæc nusquam explicatur magis ad captum, nusquam discitur facilius, quàm à Cruce & crucifixo Professore. Vnde S. Augustinus, *Sapientia*, (inquit,) *Dei hominem ad exemplum, quo rectè viveremus, suscepit; pertinet autem ad vitam rectam ea, quæ non sunt metuenda, non metuere.* Et alio loco in Ps: 104. Ideo Crucem præ alijs tormentis suscepisse, ut Discipuli ejus mortem non modò non metuerent, sed nec genus mortis horrescerent. Et iterum de Agone Christiano c. 11. *Nolite timere contumelias & cruces, & mortem, quia si nocerent homini, non ea pateretur homo, quem suscepit Filius Dei.* Similia habet S. Thom: 3. p. q. 48. art: 4. *Cruce antea quid erat? teterrimum supplicium* respondet Cicero pro Rabirio & Verrinâ stâ. *Nomen ipsum Crucis absit non modò à corpore civium Romanorum, sed etiam à cogitatione, oculis, auribus: hujus non tantum eventus atq; perperessio, sed etiam auditio, expectatio, mentio deniq; indigna civis Romano atq; homine libero est.* Addit Tacitus, *Callistrat: Paul: Vlpian: Icti summum, supremum supplicium vocant: Apuleius penam supremam: ff. de his, qui infamiâ notantur: Non solent lugeri suspendiosi.* S. etiam Chrysost. *Penalis mors, & omnium teterrima, & apud Iudeos maledicta, & inter gentiles abominanda.* S. verò Augustinus ex ipsa ethymologia colligit ejus horribilitatem: *Quis asperitatem non ex ipso nomine asperam iudicet? lene est auribus cum dicimus voluptas, asperum est cum dicimus crux.* Et alio loco. *Illâ morte nihil fuit peius inter*



*ter genera mortium. Christus Dominus elegit gravissimum  
& extremum genus mortis. In quam rem vide plura initio  
quæstionis dicta. Ecce quid est Crux communi homi-  
num iudicio? imò hoc olim fuit, antequam Christus eam  
elegisset. Cum verò elegit; ex pessima optimam, ex a-  
marissima dulcissimam, ex gravissima levissimam, ex igno-  
miniosissima honoratissimam, ex acerbissimo tormento  
merum & unicum delictum ac solatium effecit. Quis  
unquam ita suis delicijs blandiebatur, ut S. Andreas Cru-  
ci propter se paratæ vix eminens conspectæ, tenebrimè  
illam alloquendo. Formalia ejus sunt relata ab auritis  
testibus Presbyteris Achaïæ apud Ribadeneiram in Flo-  
re Sanctorum. *Salve Crux, quæ in corpore Christi dedi-  
cata es, & ex membrorum ejus margaritis ornata. An-  
tequam te ascenderet Dominus, timorem terrenum habui-  
sti: Nunc verò amorem celestem obtinens pro voto susci-  
peris. Securus & gaudens venio ad te, ita, ut tu exultans  
suscipias me Discipulum ejus, qui pependit in Te. O Bo-  
na, quæ decorem & pulchritudinem de membris Domini  
suscepisti; diu desiderata, sollicitè amata, sine intermissione  
quæsta, & aliquando iam concupiscenti animo preparata.  
Accipe me ab hominibus, & redde me Magistro meo, ut  
per te me recipiat, qui per te redemit me. Apostolicam  
hanc apostrophem devotâ quoquē Pœsi à Patre  
Petro Paulo Simio redditam hic omittere non possum,  
utpote & ingenio pascendo, & affectui extimulando,  
apprimè idoneam.**

*Salve ô labentem blandè exceptura senectam*

*Arbor amica: Deo iam desponsata perenni*

*Fœdere amicitix & dotali sanguinis auro;*

*Salve oculis formosâ meis.*

*Tu Charitum soboles, Tu nobile germen Olympi  
Astro-*



Astrorumq; decus, Tu pacis amabile pignus:  
 Lætitiæ veracis opum, vitæq; perennis  
 Dives vena; tui ne despice membra clientis.  
 Divinos assveta humeros portare, rigentem  
 Haud geris agrestemq; animam sub cortice duro,  
 Regis ab occidui blando emollita cruore.  
 Si qua tamen servatur adhuc sub mitibus undis  
 Aspera durities, & non tibi fervidus omne  
 Decoxit vitium moribundi Numinis ardor;  
 Asperitas placet ista nimis.  
 Te quondam placuisse Deo, Tibi dulcis Olympi  
 posthabuisse lares, alacrem Teq; omnibus astris  
 ad thalamos emisse suos ditissima quercus,  
 Divini merces operis pretiosa supellex. &c.

Taceat iam aureorum sæculorum fabula, quæ cecinit *flavag, de viridi stillabant robore mella*. Crux Domini ea est arbor, quæ cælestium solatiorum nectar fundit uberrimè. Hoc signabat illud ostentum à V. Beda c. 20. de locis SS. memoratum. *Quod scilicet in Templo S. Sophiæ Constantinopoli de nodis ligni Crucis liquor odoratus oleo similis manaverit. Cujus si modica portiuncula contingeret, omnem ægritudinem sanabat*. Nec cessat stillare de Cruce Domini usq; hodie mitis liquor, qui mentium persanet ægritudines. Quid est, quòd aureo nascentis Ecclesiæ sæculo Christiani statim à Baptismo ad Martyrium Christi causâ provolabant? Quòd si fortè deerat Tyrannus aliquis, qui gravi Crucis mole humeros oneraret; eam ipsi Christiani in fronte, quæ ingenuæ mentis ianua est, imprimere, candentiq; ferro inurere soliti. Adeò Crux in oculis erat & amoribus, adeò omnes invaserat ingens patiendi desiderium: Verificatum hìc quod præcinerat Isai: c. 65. *Ecce ego creo calos novos*

& ter-



*Et terram novam, non erit ibi amplius infans dierum.*  
 Infans, inquam, ob ætutulam abjecti animi, timidus, fugax; sed à virtute & robore, ab invicta animi constantia adultus; tot in virtute recenset annos, quot in Christianismo exegerit, imò verò quot dies & horas numeraverit: non alijs quàm crucibus Christi decades annorum suorum censebit. Hoc cælum novum terraq; nova humani cordis. Quæ, quia rubebat, calebatq; effuso Christi sanguine, ea dabat virtutum germina, ea fortitudinis exempla, quæ sibi pro salute, religione, Deo cruces statim effingerent. Non enim hæc profectò è vetere Adam, è terra rufa & antiqua potuerant expectari. Infinita sunt SS. MM. hoc in genere exempla, pulcherrimum SS. Marci & Marcellini Fratrum crucifixorum. *Nunquam* (dicebant illi) *tam iucundè epulati sumus: quàm libenter hæc Christi causâ perferimus, in Crucis amore nunc fixi esse cœpimus. Utinam nos tam diu pati sinat, quam diu corruptibili hoc corpore vestiti erimus.* Quid igitur mirum si Sanctæ Ludgardæ Virgini pro quavis ærumna molestiaq; abstergenda, hoc fuit unicum remedium, ut Christi crucifixi respiceret imaginem? Hoc enim solo spectaculo recreata clauderat oculos, & in Ecstasim rapta, Christum, patulumq; ejus latus intuebatur, atq; ita cuivis dolori suo medebatur. *ut in ejus vita.* Meretur ex hac experientia fidem, scitum S. Francisci Xaverij in quadam Epistola scribentis. *In Christo, ejusq; Cruce reperitur vera consolatio atq; letitia.* Tam lætam esse ex tristissimo ligno Crucem Domini necesse est, postquam Salomon sapientissimus eam fecit sibi ferculum de lignis Libani: continuo & ascensum ejus purpureum media charitate constravit. Nota in purpura & honorem & molles quasdam delicias, in charitate verò omnem affluentiam



tiam eorum, quæ cordi iucunda sunt: Id autem totum propter filias Ierusalem Cant: 3. propter animas Christianas delicatas illas, quas minimum rosæ folium convolutum mundanæ voluptatis angit, quæ minimum pulvisculum peccati horrent. Ex earum numero fuit S. Maria Magdalena de Pazzis Angelica Virgo in Monasterio Angelorum Florentiæ Carmeliticum institutum professa: hæc in quadam Ecstasi ait (par: 4. vitæ c. 17.) *Ecce Verbum loquitur anima mea, dicens: quàm sœcis Crux mea rectis corde! recti diligunt me, & ego diligo eos. Deinceps dulcedinem Crucis cum dulcedine lactis Mariani conferens. Manus Verbi distilla verunt aurum purum, & manus Mariæ lac. Manus Verbi in Cruce destillant mel ijs, qui amant Crucem, sed ijs, qui procul sunt à Cruce, distillant myrrham.* Hæc sensit de Cruce & in Cruce Virgo annis non provecta, sexu fragilis, viribus infirma. Eadem longè iustiùs robustior S. Didacus ex Ord: Mini: qui cygneam vocem in eas voces moribundus resolvebat. *Dulce lignum, dulces clavos, dulce pondus sustines.* Secuti sunt hi, atq; horum similes iudicium de Cruce Sponsi Crucis, qui dicebat Cant: 1. *Lectulus noster floridus, tigna domorum nostrorum cedrina, laquearia cypressina.* Quod hic loquatur de Cruce; ipsæ lignorum species produnt. Nam *Pes Crucis est Cedrus, corpus tenet alta Cupressus.* Apage lectos Sardanapali, Heliogabali, Commodi, &c. quorum florulentia fætebat avernalem lasciviæ mephitim: Lectulus Crucis in omnes delicias spirituales efflorescit, omnem spirat suavitatem odoris, omnem sapit ambrosiam dulcoris. Figura hujus erant, Exod: c. 15. aquæ in Mara, quas filij Israhel non poterant bibere eò, quod essent amara: Quid verò adhibitum ijs remedium? Moyses ostensum sibi à Domino lignum cum mi-

Fff

fisset



*sisset in aquas, in dulcedinem verse sunt.* Quale hoc lignum? unde illi vis dulcorativa? ex natura an miraculo? Rabbi Salomon, & Abulensis, lignum quoddam dictum *Adelpba* plantam amaram & mortiferam putant, ejus tamen intinctu dulces aquas evasisse, maiore cæli prodigio, quod à ligno quantumvis amaro dulcedo causari potuerit. Simili quodam miraculo Elizaëus aquas steriles ipso sale sanavit, facundasq; reddidit contra naturæ prædicta modumque; sale enim & ficcari solent omnia, & sterilesce. Fuit omnino lignum illud typus & umbra Crucis, quæ licet in se ipsa amara sit, novo tamen gratiæ miraculo omnem amaritudinem depellit: Sicut ipsa immiso sibi *ligno vitæ* Domino IESV omnem amaritudinem amisit. Iam si amisit omnem amaritudinem, gravitatem, acerbicatem Crux realis, quid putandum de Cruce metaphorica, quas sunt omnes vitæ præsentis ærumnæ, quas in corpore, fortunis, anima, honore solemus possumusve perferre. *Crux enim Christiana* Authore D. Augustino serm: 22. *non est ligni patibulum, sed vitæ virtutisq; totius propositum. Crux non tantum dicitur, quæ Passionis tempore ligni affixione construitur, sed illa etiam, quæ totius vitæ curriculo cunctarum disciplinarum virtutibus coaptatur.* S. Thuribius ex Benedictino Episcopus Asturicensis in Hispania, cum ex Divina revelatione brachium unum S. Crucis Hierosolymis peregrinus loco occulto reperisset, in Patriam Cathedramq; suam detulit, ubi constructo cœnobio illud pignus venerabile deposuit, quod & 70. annis vitæ ejus magnis ibi miraculis claruit. Demum sibi morte imminente Sanctus lignum sanctum adferri sibi voluit, factaq; ad Fratres cohortatione, sermonem vertens ad Crucem, 3. gratias perpetuas à Deo petijt, scilicet ut quæcunq; cruculæ

per



per foramen brachij illius Crucis à se allati, (foramen autem manus Domini affixæ in illo extat,) traducerentur, haberent deinceps potestatem, intemperiem tempestatesque æris sedandi; omnigenas dæmonis tentationes, quibus seu animas, seu corpora hominum exerceret depellendi, omnes deniq; corporis morbos perfanandi. Ad quæ postulata omnibus exaudientibus vox insonuit. *Tu tibi magna petis, sed tamen Crux mea maior est, & mihi tam accepta, ut petitionem tuam in omnibus ratam habeam.* Cautum verò est in Hispanijs sub excommunicatione maiori, ne fictitiæ ejusmodi cruces circumferantur aut proferantur. Ex narratione illud duntaxat observo. per foramen Crucis traductas cruculas vim thaumaturgam acquirere! pariq; ratione fieri, ut per Christi Crucem piâ cogitatione omnes cruces nostrarum tribulationum traductæ novo quodam miraculo, svaves, & ad perferendum levissimæ efficiantur. Ingentem ergo stimulum ad patientiam Fidelibus admovebat Apostolus, ad Hebr: 12. *Recogitate eum, qui talem ac tantam sustinuit à peccatoribus contradictionem, ut ne fatigemini animis deficientes.* Quis enim ab incurrentium adversitatum mole fatigetur, cui recurreret IESVS sub Cruce lassus & lapsus? cui amara erit tribulatio? qui meminerit in Cruce, in ipsa morte sub ultimam luctam in siti acutissima felle potatum ac aceto? *Velit nolit* (inquit Sidonius Apollinaris l. 9. Ep: 4.) *quisquis contempti mediatoris consequitur regnum, sequatur exemplum. Quantumlibet enim anxietatum vitæ præsentis propinet afflictio, pauca toleramus, si recordemur quid biberit ad patibulum, qui invitat ad Regnum.* Hoc & novo Religionis profelyto inculcabat, S. Hieronymus Pammachio: *Quod patritij generis primus inter primos Monachos esse cœpisti, non sit tu-*



moris, sed humilitatis occasio scienti Filium Dei factum  
 Filium Hominis. Quantūcūq; te deieceris Christo hu-  
 milior non eris. Esto incedas nudis pedibus, fuscā tunicā  
 vestiāris, aqueris pauperibus, inopum cellas dignanter in-  
 trōeas, cæcorum oculus sis, manne debiliū, pes claudorum,  
 ipse aquam portes, ligna concidas, focum struas: ubi vincu-  
 la? ubi alapa? ubi sputa? ubi flagella? patibulum? mors?  
 Eādem cogitatione se suosq; armare solebat S. Basilus  
 Magnus: Si stultus & indoctus appellaberis, reminiscere co-  
 rum, quæ à Iudeis iactata sunt in veram Sapientiam: Sa-  
 maritanus es & demonium habes. Alapa seu pugillo ca-  
 ssus es? expuit aliquis in faciem? nec ipse Christus ab expu-  
 entibus aut cadentibus faciem avertit. Calumniam pate-  
 ris? & Dominus. Tua laceratur vestis? & à Domino  
 quoq; vestis per vim extracta, & super eam missæ sortes.  
 Nondum condemnatus es, nondum Cruci affixus. Multa  
 tibi toleranda, ut ad eius imaginem pervenias. Talia, &  
 horum similia tibi succurrant, mentisq; tua impetum ac  
 iram compeſcant. Similes namq; præparationes & animi  
 dispositiones morsus cordis facile delebunt, & animi cogita-  
 tiones in tranquillū statum deducunt. Ex talium confi-  
 deratione S. Bonaventura in illam resolutionem erupit:  
 Nolo Domine vivere sine vulnere, quia te video vulnera-  
 tum, ex tali S. Xaverius, Domine ne auferas à me hanc  
 Crucem, nisi des maiorem. Ex tali S. Bernardus, o-  
 mnem cuiusvis etiam licitæ voluptatis fructum execra-  
 tus est. Deus meus pendet in patibulo, & ego voluptati o-  
 peram dabo? Absit, absit, non decet sub spinoso capite mem-  
 brum esse delicatum. Hæc cogitatione gulæ illecebras da-  
 mnabat Palæmon Eremita S. Pachomij Magister, (si ta-  
 men gula fuit ipsa Paschatis Solemnitate oluscula oleo  
 perfudisse?) lacrymis enim oblitus S. Senecio exclama-  
 vit



vit. Dominus meus crucifixus est, & ego nunc oleum co-  
 medam? In Christi Cruce S. Petrus M. Ord: Præd: non  
 satis perfectæ suæ patientiæ medicinam roburq; inve-  
 nit. Cum enim is ob quandam criminis umbram, (sub  
 qua magna lux cælestium visionum cumq; cæli civibus  
 conversationum latebat) quasi captivus ad quoddam ab-  
 strusum Monasterium esset amandatus; in eo suo exilio  
 ac ergastulo unicum habuit solatium, domum Dei Eccle-  
 siam; hanc aliquando ingressus totus mæstus & fletu ma-  
 dens ad Crucifixum, (ut ingenuus Filius cum Patre lo-  
 queretur) cœpit animi sui afflictionem explicare. Scis ô  
 Domine me innocentem, cur me tacente non loqueris?  
 Quid feci? quid perpetravi? ut cum universi nominis bo-  
 ni iactura huc captivandus relegarer. Ad hæc verba vi-  
 cissim de Cruce Dominus, & ego, inquit, Petre quid sce-  
 leris admisi, ut in hanc agerer Crucem? Ad quæ Sanctus  
 partim solatio, partim rubore suffusus, ærumnam præ-  
 sentem cælestem credidit favorem, accensusq; plura pa-  
 tiendi desiderio infamiam captivitatemq; suam orbis to-  
 tius diademate permutare noluisse. Ridiculus erat il-  
 le Abyssinorum aliorumq; degenerum ab Apostolo Tho-  
 ma Christianorum in India orientali ritus, quod Crucem  
 non modò adoratione & incenso colerent, sed etiam bu-  
 tyro inungerent. Transferimus profectò in Europam,  
 futilissimam superstitionem; si impositas nobis quascun-  
 què tribulationum cruces, mundanis lenire volumus con-  
 direq; solatijs. Habet in se crux oleum lætitiæ in copia;  
 ipsa si cum Christo, pro Christo, & Christum intuendo  
 perferatur; cælestibus inundat delicijs, ut ait S. Hieron:  
 in Regula Monach: Christianis vexilla Crucis sunt delicia,  
 trophæa nostræ vitæ non pompæ sed miserijs reportantur.  
 In nostra classe viri fortes opprobria sciunt portare non mu-



nera. Nam Christi vincula voluntaria sunt, & vertuntur in amplexus. Supplicium igitur Crucis subiit Christus (observante Drexelio,) ut corpus quidem gravissimis cruciatibus affectum, nihilominus tamen maneret integrum. Idecirco noluit cum infantibus ab Herode disceptis iugulari aut confodi: à Nazarenis præcipitari, à Pharisæis lapidari, ut Ioannes decollari, ut Isaias medius secari, nimirum ut corpus servaretur indivisum, integrum, compactum; quo Symbolo docuit amicos suos inter supplicia & mortes; tribulationes & crucees, nunquam à se abstrahi, nunquam animo frangi aut constantiâ imminui debere. Et quid magnum nos præstare existimabimus, si Crucem aliquam constanter perferamus; cum à Christo adeò sit alleviata atq; dulcorata. Imò quid adhuc in Cruce pertimescimus? quid horremus? quid nobis arduum ac importabile fingimus? An infamiam & opprobrium mundi? & hoc sustulit ille, qui *panam vestivit honore*, ut canit Sedulius. Infame & infandum illud lignum iam tot SS. PP. encomijs celebratur, ut eis libri non sufficiant. Lege S. Ephrem serm: de Cruce & S. Damascenum lib: 4. de Fide c. 12. S. Chrysostomum hinc non præteribo, qui hom: de Cruce sub finem tomi 3. sequentia congerit. *Crux spes Christianorum, resurrectio mortuorum, cæcorum dux, desperatorum via, claudorum baculus, consolatio pauperum, refrenatio divitum. Crux destructio superbiorum, malè viventium pena, adversus demones triumphus, devictio diaboli, adolescentum pedagogus, sustentatio inopum, spes desperatorum, navigantium gubernator, periclitantium portus, obsessorum murus, Pater orphanorum, defensor viduarum, iustorum consiliarius, tribulorum requies, parvulorum custos, virorum caput, senum finis. Crux lumen in tenebris sedentium, Regum magni-*



*magnificentia, scutum perpetuum, insensatorum sapientia, libertas servorum, Imperatorum Philosophia, lex impiorum, Prophetarum praeconium, annuntiatio Apostolorum, Martyrum gloriatio, Monachorum abstinencia, Virginum castitas, gaudium Sacerdotum, Ecclesiae fundamentum, orbis terrae cautela, idolorum repulsio, perditio impiorum, invalidorum virtus, egrotantium medicus, emundatio leproso-  
 rum, paralyticorum requies, esurientium panis, sitientium fons, nudorum protectio, &c. Quot & quanta nomina? omnia vera & grandia. Iam ex illo teterrimo damnationis stigmate profecit Crux in illustrissimarum familiarum magnorumq; regnorum parmas ac stemmata, in ipsos regionum diadematum apices, regnantumq; capitum atq; pectorum ornamenta. Reges Crucis Christi signum in fronte iam portant pretiosius signum, quam qualibet gemma diadematis. S. Aug: in Ps: 32. Idem in Ps: 36. Crux honorata est & finita est: finita est in pena, manet in gloria: à locis suppliciorum fecit transitum ad frontes imperatorum. Qui tantum honorem dedit penis suis, quid servat Fidelibus suis? & S. Hieron: Epl: 7. ad Lxtam. Regum purpuras & ardentes diadematum gemmas patibuli salutaris figura condecorat. Certè Rodolphus I. Habsburgicus dum Anno 1273. Aquisgrani Rex Romanorum inauguraretur, & incuriam eorum, qui apparatus Cæsareum advexerant, sceptrum desideraretur; Crucifixi imaginem de Altari accepit. Hoc inquit, sceptrum est, quo Deus regnat, quo redempti omnes sumus: hoc ego utar contra hostes Dei ac imperij & personae nostrae rebelles. Quæ cum ita se habeant; quis non æquè sit animo comparato ac S. Paulus? Mibi absit gloriari, nisi in Cruce Domini nostri IESV Christi. Gloria Crux est, non opprobrium: nunquam proinde erubescenda. Nec sine causa (ait S. August:*



gust: *signum suum Christus in fronte nobis figi voluit, tanquam in sede pudoris; ne Christi opprobrio Christianus erubescat.* Confes: 1. 3. & in Ps: 30. Voluit eam Deus in Filio suo glorificare, ut quæ antea Iudæis scandalum, gentibus verò erat stultitia; vocatis & electis Dei virtus esset ac sapientia. *Quia quod stultum est Dei, sapientius est hominibus, & quod infirmum est Dei, fortius est hominibus* 1. ad Cor: 2. Plus Sapientiæ est apud Deum in uno trunco, quam in universis cerebris mundi. Merito ergo exclamat S. Leo serm: 8. de Pass. *O admirabilis potentia Crucis! ineffabilis gloria Passionis! in qua & Tribunal Domini, & iudicium mundi, & potestas est Crucifixi.* Et S. Athanasius. *Lignum, quod erat damnationis instrumentum damnatis hominibus, libertatis fructum produxit.* S. quoq; Leo. *In honorem transferunt triumphi, instrumenta supplicij.* Erit fortè aliquis qui talibus argumentis inductus, cum Christo pati non inficiabitur: sed hoc adhuc parum est, nisi palam & in facie orbis, ut Christus pati non erubescat. Annotavit hoc S. Borgia lib: 6. mediet: 73. *Crucifixerunt eum, in altum, in aëra sustulerunt: eò, quòd peccator in aërem superbiæ se extollat; & ut quidam rubore suffundantur, qui Crucem quidem patiuntur, verum in Cruce publicè extolli nequaquam ferre possunt.* Accumulo adhuc hinc motiva ad Crucem Christi patienter perferendam, imò cum desiderio complectendam ex P. Claudio Nouet in Exercitijs S. Ignatij singulari spiritus energiâ vibratisq; sensibus congesta. Fuga Crucis, (ait ille) Crux est omnium durissima. Nam pati communis Crux est mortalium & simplex; sed reluctantem & invitum pati, Crux damnatorum, quæ sui ipsius odio duplicatur. Amor est maximum Crucis condimentum. Vis Crucem exiguo cum labore & magno cum fructu

fer-



ferre? Ama. Hic est ille gladius doloris, qui animam B. V. pertransiuit. Amor siquidem illi causa doloris fuit, & lenimen. Doluit, quia amavit; tulit dolorem fortiter, quia amavit; meruit dolendo, quia amavit. Amor Christi nomen difficultatis erubescit: in eo, quod amatur, aut labor non est, aut labor ipse amatur. Quid ergo fugis Crucem? Fugientem persequitur, persequentem fugit, amantem coronat. Sed venientem fortiter excipe. Ecce appropinquavit hora, pugnandi tempus est non fugiendi. Plus dico, noli expectare venientem; ito obviam, surge alacriter. Crucem putas? si vel eam intueri audeas oculo irretorto; umbram reperies & larvam. Quid enim est illa confusio, quæ cruciat? quæ animum torquet & lacerat? cujus vel metus absterret, & à proposito virtutis sine turpiter cadentem sternit, nisi larva? quam si contempseris, vanescit illico: si fugias crescet, & augebit Crucem in immensum. Pelle igitur (si potes ipsum Crucis metum) vel si fragilitas naturæ non patitur, siste fugam. Christus in horto metuit, & hoc imbecillitatis tuæ solatium. Sed non fugit: hoc constantiæ Christianæ exemplum. Fit, dum pati non vis, peccare non metuis. Inter peccatum positus, & Crucem in peccatum ruis audax, & Cruci præceps ac timidus terga vertis. Non secus ac dæmon Cruce percussus in infernum desilit. Sed tu malus esse mavis quàm miser, errore certè pessimo, nemo enim miser nisi malus. Sta ergo, & animum obfirma: Et si fortè Crux animum concutiat, illud cogita; aut patiendum ne pecces; aut patiendum, quia peccaveris. Crux, quæ antecedit peccatum, gloriosa & meritoria; quæ sequitur turpis & infructuosa: prima Sanctorum est, altera reproborum, nisi pœnitentis latronis exemplo ad normam Crucis Christi reconcinnetur.

Ggg

Fuga



Fuga Crucis fons malorum omnium: Amor Crucis omnium origo bonorum. Quid Crucem metuis si libertatem amas? Crux ignis est, è Divini amoris fornace exiliens; vincula tua duntaxat uret. Tibi, & virtuti tuæ splendorem afferet. Vis in te Deus optimus agat? patite necessesse est. Sustine paulisper manum Divini illius artificis; imaginem Christi exprimet. Patere, ut cor tuum scrutetur & fodiat; thesaurum tibi gratiarum aperiet. Patere, ut affectus pravos & mundanos radicitus evellat; cum omnia noxia evacuaverit, nil nisi bonum Divinum in fundo voluntatis relinquet. Patere, ut mundum, & te ipsum extra te eiciat: ipse, cum vacuum domum invenerit, magnificus hospes intrabit. O si scires donum Dei, si consilia bonitatis illius! Te perditum luges, cum vides Cruci affixum! erras! Crux te consecrat aternitati. Te operarium gloriæ Dei, Te exemplum iusti iudicis facit; vexillum & feretrum magnificentiæ ejus. In Cruce salus, in Cruce vita, in Cruce pax animi. Quàm ergo noxia fuga Crucis, tam salutaris fuga ad Crucem. Iuglaris etiam in eandem sententiam Elogi: 63. Erecto labaro Christus otuari iam suos prohibet. Non aliud illis scutum exhibens, quàm id ipsum quod signum est. Felix, qui *vel in hoc, vel cum hoc*; (ut suos natos matres Lacæna hortabantur scutum in bellum ituris dando) è bello rediêrit. Quod Deus coniunxit, homo non separa: Affixa tua salus est Cruci; salutem sine Cruce non spera. *Christus intravit in gloriam suam per Passionem, & tu vis intrare in alienam sine Cruce.* Fortissimè premit S. Chrysost: hom: 66. ad pop. Crux enim *currus Triumphantis & triumphale patibulum* Ambrosio: quo sine Capitolium caeleste non aditur. Svadent hæc omnia argumenta imitationem patientiæ Crucifixi, sed omnibus ar-

gumen-



gumentis efficacius ipse *svadet*. Et Sanctum quidem Bernardinum Senensem disertis è Cruce verbis ad Religiosam Crucem vocavit: (ut est in ejus vita 20. Maj.) Nos omnes ad Crucem patientiæ invitat & instituit ipso aspectu, qui vel ipse vocem habet, si modò auscultamus. Olim & S. Bernardo quâdam Passionis Dominica, gravissimâ Cruce Dominus onustus apparuit veluti in Calvariam repens, illacrymantemq; illi spectaculo allocutus. *Mi Bernarde iurâ me, qui tanta pro te patior.* Accurrit illico Bernardus. (*Patere Domine, ut patiar*) se offerendo. Digna imitatione promptitudo! æmulanda in scholâ patientiæ capacitas. Lacinia patientiæ iniuriarum est condonatio, & in his liberalem docet esse Crucifixus: cum enim sanguine suo obliverit characteres, quos ejus in corpore sculpserrat crudelitas; diffideritq; sub mortem suam marmora atq; confregerit: scribere deinceps in marmore læsos voluit dedocere. Do ex plurimis unum in hac scientia nobilissimum Crucifixi Discipulum Ludovicum XII. Galliz Regem; qui antequam ad hoc solium ex Duce Aurelianensi proficeret; plurimos Gallicorum Procerum acerrimè sentiebat suis honoribus obfistere. Retulit omnium nomina in unum indicem, & omnia ad marginem affixis cruculis consignavit, hoc solium discrimine, quòd quò quisq; vehementius sibi obniteretur; eum maiore cruculâ confixisse videretur. Emanavit, nescio quâ arte, index ille ad Patres conscriptos & vehementer ferales Crucis notæ appictæ quemvis pessimè consciunt perculerunt; maxime cum Regius candidatus perfractis obstaculis ad thronum evasisset: quòd itaq; unicum restabat, fugam quisq; ex regno circumspiciebat. Verùm Rex omnes ad se comiter invitatos meliore animo esse iussit, præfatus Ducis Aureliaci



iniurias nequaquam ad Regem Gallia vindicandas pertinere. Non proinde salutare Crucis signum instar cuiusdam fatalis Theta cogitandum esse. Intelligent potius cuncti se omnes iniurias ac offensas Cruci Domini-  
cæ, ejusq; amore authoribus condonare. O dignum principe Christiano ingenium! quod pulchrè edidit Cruce Christi omnia simultatum memorialia esse configenda atq; superinducenda; sicut ipse Dominus quid in eum peccavit mortalium rabies, totâ suâ Cruce delevit, ac veluti rem obliviscendam cancellavit. Quin etiam cum tota cutis sua tenerrima crudeliter concepta esset; tunc illud chirographum, quod contra nos erat, cassavit atq; discepit. Placete & obedientiam ediscere? ad quam amore proprii iudicii atq; arbitrii naturâ indociliores sumus; nullibi dilucidius maioreq; traditur compendio, quàm à crucifixo Magistro. S. Gregorius Nyssenus nunquam sibi Isaac speciem paterno sub gladio ictum expectantis in oculos incurrisse fatetur, quin illico ex oculis uberes lacrymæ decurrerent. Postquam verò lacrymis & gemitui sanctus aliquamdiu indulsisset, continuo in se recollectus talibus stimulis se fodicabat. Vbi nunc Pater Abraham, qui animosè vel in unicam prolem ferrum stringat? si Deus velit. Vbi filius Isaac, qui ferrum admittat? & obvium ponat vulnere caput. Delicatulî nimium, molliculæ sumus animæ nimium, tenaces, amantesq; primogeniti nostri, Amoris nempe proprii & sensûs nostri, qui Deo cadere debuit occisa dudum victima. Isaac iste Christum præfigurabat. Non quidem quò ad ætatem; Isaac enim iuxta Iosephum 25. communius iuxta Hebræos 37. Iuxta Rabbi Abenezra 12 duntaxat erat annorum: Christus 24tum agebat. Quidquid verò sit de annis Isaac tenera semper & immatura  
fer-



ferro cervix filij, Genitori amantissimo debuit videri, nisi maturam Deus arbiter temporum iudicasset, qui ei victimam mensẽ Septembrem, (quo utiq; maturi fructus leguntur) designasset. Locus victimæ fuit ille mons *Moria* multis titulis pridem nominatus. In eo enim ab initio victimas obtulit pius Abel, ac deinde fratris invidiâ odioq; & ipse ibidem victima occubuit. Post tarda deinceps sæcula obscurosq; soles Nôemus ab immensa eluvie aperto liberoq; solo redditus Deo Vindici ac Servatori holocaustum in eo posuit. Tum demum senescente iam orbe Christus ipse in eo vitam sanguinemq; homini liberando dedit: ut umbra corpori, figura veritati responderet: eademq; IESV, quæ quondam Abeli, Nôemo, Isaaco ara fuerat erecta. Erat porro ex notione *Hebræa Moria Mons amarus* myrrhæ ferax & alôes ipsoq; nomine portendebat amaritiem à Christo exorbendam. *Moria mons timoris* iuxta aliam notationem, quia eò loci Dei timor superumq; reverentia insitum parenti filioq; amorem debuit suppressere. Iuxta aliam *Moria mons visionis*. Quòd cum Abraham cælesti prodigio illustrem aspexerit, vidit enim in supercilio montis columnam ignis, quo ostento cognovit illum esse locum sui sacrificij. Ex alia deniq; interpretatione *Moria mons doctrinæ* ac altioris disciplinæ, ex eo quippe data sapientiæ Divinioris placita, quæ syadent omnes seu naturæ humanæ leges seu rationis altum filere, ubi cælestis vox Divinumq; imperium insonuerit. Sit amarum quod præcipitur, dulcescat: Sit metuendum, metus in fortitudinem migret: aliud videatur tibi: id quòd Deo videtur amplectendum, illud respuendum. Ex hoc monte velut superiore pulpito vetus obed iendum docuit Isaac: docuit indidem Christus, sed è Cruce insuper, id est, ex suprema



tra cathedra veritatis; docuit prius discipulus, dein Magister. *Cum esset Dei Filius, didicit ex ijs, quæ passus est, obedientiam*, Hebr: 5. imò etiam docuit, quod didicit. *Disce ergo homo obedire, disce terra subdi, disce pulvis obtemperare*. Legitimè infert S. Bernardus. Et rationem subiungit. *De auctore tuo loquens Et angelista: Et erat, inquit, subditus illis*. Quibus, inquam, illis? non iam sicut in Nazareth Sanctissimæ Matri & Iosepho, sed iniquissimis iudicibus, impijs satellitibus, imperiosis tortoribus. *Erubescere* (pergit Bernardus) *superbe cinis, Deus se humiliat, et tu te exaltas? Deus se hominibus subdit, et tu dominari gestiens hominibus, tuo te præponis Authori*. Si hominis homo imitari dedignaris exemplum, certè non erit indignum sequi Authorem tuum. Non vulgaris hic obedientia, nec modò ad proprii arbitrij, sed ad totius sui extremam abjectionem. *Humiliavit*, (inquit, Ap: ad Philip: 2) *semetipsum factus obediens usq; ad mortem, mortem autem Crucis*. Ad quæ S. Aug. Non laboravit Apostolus potentiam Christi probare, sed obedientiam prædicare. Parùm illi fuit dicere qualemcunq; mortem, sed addit mortem Crucis, &c. Hæc est verè heroica obedientia in tam ardua re ac difficili, qualis est Crux, obedire. Sed non omittere affinem semper humilitatem obedientiæ, ex qua proximè quidem obedientia, aliæ autem omnes tanquam ex radice pullulant, diffunduntq; se virtutes. In Crucifixo tota est humilitatis disciplina. Si quando hic Præceptor in vita dicebat, *discite à me, quia mitis sum et humilis corde*; in morte sua ejusq; modo prælectionem explicat atq; exemplificat. Ingens quidem statura Crucis est, assimilata palmæ, & sicut cedrus inter omnia ligna sylvarum; quò tamen excelsior, eò contemptior & abjectior: eò Christus in Cruce humilior atque



quæ despectior. *O novissimum & altissimum! ô humilem  
 & sublimem! ô opprobrium hominum & gloriam Angelo-  
 rum!* meritò exclamat S. Bernardus. Videbatur quidem  
 sublimè pendere, sed hominum peccata tanto eum pon-  
 dere aggravârunt, ut ab hominis dignitate ipsaq; natura  
 in unum vermem dejecerint: unde ore Davidico testa-  
 tur. *Ego sum vermis & non homo.* Quid infirmius? quid  
 abjectius? quid despicabilius? Vermis, qui terris adrepe-  
 re impunè non finitur, sed viatorum pedibus teritur at-  
 què atteritur. Cum verme se componit Salvator, quem  
 vesana crudelitas in Passione, in Cruce, ut vermem ha-  
 buit & dirum in modum conculcavit. Dejecerat qui-  
 dem hæc vilificatio Filij Dei minoratum ab Angelis, in-  
 fra homines & omnia perfecta animalia ad insectum  
 quoddam terræ vilissimum: at nondum humiliationem  
 satis exprimebat, proinde idem Psaltes magis expressi-  
 vum quid cogitavit Psal: 68. *Infixus sum in limo profun-  
 di, & non est substantia.* Limus ille profundi est immen-  
 sa tormentorum colluvies, acerbi cruciatus, Crux inglo-  
 ria, dura mors, quæ ita immergitur, ut à se omnem pro-  
 pè substantiam videatur abdicasse. Quod adhuc clariùs  
 ab Apostolico calamo habemus, *semetipsum exinanivit.*  
 Nec enim ab alio exinaniri potuit: ejus unius fuit esse  
 quodammodo sibi tollere, qui omnibus alijs dat esse, ut  
 noveris factum illud non necessitate sed voluntate. Exi-  
 nanivit, inquam, semetipsum non tantum ubi carnem in-  
 duit, sed vel maximè, ubi eam per immanes cruciatus  
 exuit. Ita aliquando portendebat ipsum IESV, id est  
 Salvatoris nomen amabile & suavissimum, de quo Spon-  
 sa Cant: 1. *Oleum effusum nomen tuum,* vel ut S. Am-  
 bros: legit. *Oleum exinanitum.* Parum enim amanti fuit  
 effundi, nisi ita effunderetur, ut exhauriretur penitus &

exina-



exinaniretur. *Intoleranda igitur (S. Bernardo iudice) superbia est, ut ubi maiestas humiliatur, vermiculus infletur & intumescat. Quin exclamemus, & cum Gilberto Abb. Vicisti Domine IESV, vicisti superbiam meam humilitate tuâ.* Restat, ut victam se agnoscat, & cristas ponat, herbamq; porrigat, discatq; non plus sapere quam oportet sapere, sed pro nihilo se reputare. Infinitum esset alias virtutes percensere, nobis certè plurimæ ne de nomine quidem satis notæ sunt, omnes verò in Cruce manifestè prostant condiscendæ. Vnde Ven: Balthasar Alvarez dicebat. *Arboris Sanctæ Crucis nec folium debemus permittere decidere in terram, vitæ c. 28.* Nullum in ea folium, siue nil tam leve est, quod magnos virtutum fructus non proferat & non propinet. Vt verò dicta in summam redigam textum D. Bernardi supra delibatum in terminis adscribo. *Cruce, inquit, Fides est, cuius latitudo charitas, longitudo longanimitas, altitudo spes, profunditas timor. In hac Cruce te invenit, quicumq; invenit; in hac Cruce suspenditur anima, & dulcia poma de ligno decerpit.* Bourghesius c. 163. in Histor: Evan: exemplum, inquit, dedit in Cruce Salvator crucifigendæ carnis cum vitijs & concupiscentijs suis, perfectæ denudationis omnium respectum, elevationis cordis, perseverantiæ, patientiæ ac charitatis. Et Cornelius à Lapide in cap: Matth: 27. *Cruce speculum omnis virtutis ac perfectionis, quia Christus in Cruce ostendit apicem & culmen summæ humilitatis, paupertatis, patientiæ, fortitudinis, constantiæ, mortificationis, obedienciæ, charitatis, cæterarumq; virtutum omnium. Inspice ô Christiane, & fac secundum exemplar, quod tibi in monte monstratum est.* Exod: 25. Accuratiùs adhuc S. Borgia indicem virtutum in Cruce percenset, lib: 1. c. 5. Perfectionum



num leges, quarum Doctor fuit Christus in suis Evange-  
 lijs omnium exactissimè servavit, implevitq; in sua Cru-  
 ce & Passione, ita, ut haud absrè vocetur Crux Domini  
 finis legis & scripturarum, omnium virtutum summa.  
 Hanc cogitabat Paulus, quando prædicabat, solum sibi  
 cordi esse; discere IESVM crucifixum. Noverat enim  
 hâc solâ sapientiâ comprehendi omnia, quæ æternæ salu-  
 ti deservire possent. Nam si paupertatem desideras, quis  
 Christo pauperior? tam nudo, tam inope in Cruce, ut  
 non haberet ubi reclinaret caput. Si vis obedientiam &  
 humilitatem, quis abjectius unquam se demiserit Dei Fi-  
 lio? qui humiliavit semetipsum &c. Si charitatem? quis  
 mirabilius amavit quàm Christus, qui tot ignominias per-  
 tulit pro amicis? Si patientiam? ea clarissimè indicatur  
 Passione Christi; si mundi contemptum? à quo unquam  
 tantopere mundum despectum legimus? quàm à Christo,  
 qui totius vanitatis pompâ & gloriâ superior elevatus,  
 triumphavit de illis in Cruce? Si ieiunium & abstinen-  
 tiam? quis eo abstinentior? qui nihil aliud degustavit in  
 Passione sua præter fel & acetum? Si mortificationem  
 corporis? quis posset ferre suis membris tam dura suppli-  
 cia ac tulit ipse? Si orationis ardorem ac efficaciam? quis  
 unquam ferventiùs oravit illo? qui præ amore & atten-  
 tione guttas sanguinis per apertos poros sudavit? Si li-  
 beralitatem & misericordiam? quid potuit benignius fa-  
 cere hic Deus, quàm adeò indulgenter ac munificè tribu-  
 ere suam carnem, ac proprium sanguinem in potum ac  
 cibum miseris peccatoribus. &c. &c. Audaciùs verò  
 quiddam hoc in genere citatus suprâ Nouëtus pronun-  
 ciat. *Nulla solida virtus est, quæ sua non habeat in Cruce*  
*Christi incunabula, quin ipse Amor, qui aliunde nascitur*  
*quàm à Cruce, adulterinus est ac illegitimus.* Posterius ta-

Hhh

men



men punctum sano sensu intellige, scilicet non negari hic ex consideratione aliorum mysteriorum Christi, beneficiorumve Dei Amorem posse exardescere sanctum: sed undelibet oriatur, si Crucem Christi detrectet, hoc est, pati pro Christo non sit paratus; amorem illumincerum non esse. Profectò iuxta Theophilaetum, *Crux scabellum pedum est, quasi requies ejus, qui per Incarnationem ad nos venit, & locus est, ubi steterunt pedes ejus. Quid enim opus erat, ut amplius moveretur, qui iam ad finem processerat, salutemq; per quam victoria venit, procuraverat.* Quod quid est aliud dicere, quàm Crucem non modò laborum Christi, sed etiam virtutis esse metas Herculeas, qualibus Carolus V. Imp: inscripsit. *Non plus ultra.* Ultra Crucem enim Domini *nec virtus altius ire potest.* Crucifixus Divo Bonaventuræ liber fuit, ex quo ille omnem Theologiam mysticam haurire se fatebatur coram sibi amicissimo Aquinate, & sanè *unicus hic tota est bibliotheca liber.* Ex quo compendio discitur, quidquid longis alibi præceptionibus explicatur. Nam vel ethnici Senecæ iudicio *Epl: 16. Longum iter est per præcepta, breve & efficax per exempla.* Præstitit in Passione Dominus longè efficacius, quod postea aliquando Ioannes II. Lusitanix Rex, qui, ut unum ex charioribus Palatinis ad potionem medicam tam valetudini pernecessariam, quàm palato nauseabilem & acerbam, sorbendam animaret; magnam ejus partem ipse exorbuit. Quo iam exemplo non difficilè reliquam ægroto exorbendam persvasit. Pariter enim virtutum exercitium non erat ad gustum corruptæ naturæ, sed illud optimus IESVS; ut svaderet, non perfunctoriè prægustavit, cum in se expressit. Quin arcano quodam Deitatis consilio factum est, ut cum impij Dominum ceu librum prohibitum, magisq;



giæq; vg. aut necromantiæ (dicebant enim aliquando in  
 eum Ioan: 8. *Samaritanus es, & demonium habes;*) con-  
 demnatum clavis trabalibus confixerunt; idem omnibus,  
 apertis omnibus sigillis expansus atq; patens ad legen-  
 dum ediscendumq; liber prostaret. Expandit manus in  
 Cruce Dominus noster. *Sicut aquila provocans ad vo-*  
*landum pullos suos, & super eos volitans expandit alas su-*  
*as,* Deut: 32. ut nos omnes ad altissimum perfectionis  
 in virtute culmen evolare condoceretur. *Hujus ex me-*  
*ditatione cum rebus turbidis adversaq; fortuna quocunq;*  
*in genere iactamur; robur ac tolerantiam acquirimus.* A-  
 it S. Borgia. Hoc nempe circino vitam ac nostras actio-  
 nes dimetiendo ac dirigendo, nunquam à virtutum orbi-  
 tà exerramus, & felicissimè in Deo felicitatis puncto fi-  
 nimus. *A te principium tibi desinet,* ut canebat Vates.  
 Pro Coronide addo S. Chrysostomi quæstionem. Cur  
 Christus lapidibus nominatim se interimi non permise-  
 rit? Quam ille in rem nostram hisce solvit. *Tumultua-*  
*rium genus mortis est lapidatio, & inter lapidum fragorem*  
*exaudiri non poterant ultima Christi mandata.* Subiungit  
 Novarinus. *Tanti Christo est sua verba exaudiri, ut la-*  
*pidibus obrui noluerit, maiora supplicia non defugit, maio-*  
*ra dedecora sponte lubensq; quæsit, ut verba sua maiori*  
*silentio exciperentur.* Magnum hinc momentum ad asti-  
 mandum verbum Dei avidaq; aure bibendum, cuius præ-  
 dicationem utcunq; Christus per triennium sui laboris  
 concionatori impensissimè exercuerit; nusquam tamen  
 id maiore contentione præstitit, quàm in Cruce. *Lignum*  
*enim Crucis, in quo fixa erant membra patientis, etiam ca-*  
*thedra fuit Magistri docentis,* ut loquitur S. August: de  
 ag: Christ: c. 11. Et S. Bernard: serm: de Pass. *Christus*  
*ascendit in altum Crucis, ut ab omnibus videretur; voce*  
 Hhh2



*magna clamavit, ut ab omnibus audiretur, clamori lacrymas addidit, ut homo ei compateretur. Qui ad ejus clamorem non compungitur, gravior est terrâ; fatidior sepulchris; & durior petris. Quod si vehementissima actio, gestusq; maxime patheticus concionantis est, brachia distendere; distentis brachijs prædicavit virtutem sequendam, fugiendum omne peccatum veritas crucifixæ.*

Brevibus præsentem quæstionem decidere intendam; cum ecce rerum ingens moles sensim absq; sensu verba quoq; longè latèq; diffudit; verum tamen, ut me excusè, allegabo, quòd Orator quidam Græcus supra tumulum Alexandri magni orationem & incipiens & finiens dixit, *de dilecto nunquam satis. Quis verò magis dilectus, quàm ut aiebat S. Ignatius M. Amor meus crucifixus.* Qui adhuc plura vellet, invenire poterit in Strobatis P. Druzbicki, apud Adrianum Lyræum, & Lobbetium in via vitæ ac mortis lib: 3. à capite 4. & deinceps. Modò ut memoriæ consulam, fusiùs dicta in summam colligo. Ideo Christus non aliud genus mortis quàm Crucem elegit; quia nullo alio maiorem suum in nos amorem contestari; & nullo maiora atq; manifestiora virtutum exempla ad nostram institutionem poterat relinquere, quò ad primam rationem libet adhuc cum S. Bernardo in affectum erumpere. *O charitas! quàm magnum est vinculum tuum, quo Deus ligari potuit in ligno vitæ.* Alteram S. Borgiæ dogmate coronare. *Christus Dominus totâ corporis dimensione extendebatur in Cruce, ut tu totius amoris latitudine virtutem amplecti disceres.*





## Cur inter latrones crucifixus Christus?

**H** Abacuc Propheta c. 3. summo timore ac stupore quodam se percussus fatetur: *Domine, inquit, audivi auditionem tuam & timui, consideravi opera tua & expavi.* 70 legunt pro *expavi obstupui*. Merentur tam fortem & ecstaticam considerationem omnia opera Dei, mirabilia enim opera ejus, ut ait Psaltes. Supra quod tamen ex omnibus ita defixus, attonitusq; hæserit ac horruerit, mox subiungit. *In medio annorum notum facies.* Sive, in medio annorum Messæ illud opus revelabitur. Porro si iuxta computum Davidis. *Dies annorum nostrorum 70 anni.* (Loquendo de numero quasi ordinario & connaturali.) Circa hoc iam medium annorum fuit Dominus, cum annum vitæ 34tum per aliquot menses inchoasset. Hoc tempore, quod illud opus tam stupendum? 70 Interpretes aliquid innuunt, cum pro verbis *in medio annorum, vertunt, in medio duorum animalium cognosceris.* Scimus Christum à pastoribus, quin etiam à Sapientissimis Orientis Regibus agnitum inter bovem & asinum, qui cognoverant possessorem suum, & præsepe Domini sui: at hoc non medio sed ipso initio annorum Salvatoris contigit. S. Augustinus hunc nodum solvit lib: 18. de Civ: Dei: ubi per duo animalia duos intelligit latrones Crucifixo collaterales. Et profectò animalia erant effera, violenta, cruoris humani avida, sylvas colebant, obsidebant vias, infestabant viatores. Quorum alterum quidem cicuratum ac mansuetum cognovit saltem in exitu possessorem suum, & possessionem Regni ejus expetivit: alterum indomitum in sua feritate ac rabie, (quæ morientibus violentè bestiis maxima esse consue-

vit



vit,) extinetum est. Nobis cum Propheta prodigio ac stupori est cur Dominus mitissimus ac mansuetissimus, qui à vi & sanguine summè abhorruit ita, ut & cadentem repercutere vetuerit; & auferenti pallium, tunicam quoq; permittere Matthi. 5. hortatus sit, cur inquam tam dissimili societati immixtus, & quidem loco maximè insigni moreretur? quis non obstupescat Agnum cum lupis, columbam cum vulturis, harpyisve eodem supplicio mactari: Beneficentiam atq; clementiam ipsam cum maleficis; profusissimum Largitorem bonorum cum prædonibus; vitæ Datorem cum homicidis communes pænas persolvere.

1. Ratio à Bourghesio imputatur malitiæ Iudæorum, quòd hi procurarint societatem latronum ad Domini gloriam penitus delendam, ut similitudine supplicij atq; pænæ similem culpam aut culpæ opinionem affingerent; tresq; simul latrones in crucem acti dicerentur. *Vt in medio maleficorum maleficus putaretur*, ait Euthymius. Quando enim iustus inter pessimos commoratus, quasi unus illorum non habetur? notat Escobar. Familiarissimum est talem quemq; existimare cum qualibus versatur, sive quòd similis simili gaudet, sive quòd ipsa conversatio citissimè assimilat, & pròpius semper bonos malis, quàm malos bonis: ut nervosè Comicus. *Talis quis esse putatur, qualis est ei sodalitas: sic non morantur unà nox, dies: bonus, malus. Vix diurnant discrepant um morum contubernia: vix una die moratur cum nepote sobrius. Nunquam còeunt vitia ipsa cum virtutibus.* Vix dubitamus malum esse, qui malis ceu visco adhærescit: ut enim lues proximum quemvis; inficit & fascinus obvium quodvis tenerius corripit: ita vitia in vicinos transfiliunt. Pulchrè in hanc sententiam Corn: à Lap:



*in Prov: 13. v. 20.* Maius est, inquit, contagium mali quam boni, facilius affricatur & addiscitur vitium quam virtus: sic videmus unam ovem scabiosam inficere cæteras, sic grex totus in agris

Vnius scabie perit & porrigine porci

Vvâq; conspectâ livorem ducit ab uvâ. *Iuven:*

Vnus gulofus, superbus, impius, cæteros quibuscum versatur, efficit sui similes: cum ex adverso multi humiles vix unum superbum efficere queant humilem: sic modicum fellis, myrrhæ, absinthijve, totum vini, lactis, mellis imò poculum amarum efficit, è contra integro poculo mellis vitrum parvulum myrrhæ non edulcaveris. Hæc ferè Cornel: & apud eum citatus Comicus. *Claudicare discas, uni si vel claudio assueveris. Conversatio malorum de bono facit malum, fermentumq; item farina vim suam communicat. Nil nisi sordidum è servili contubernio trahas. Pestilentius malorum contubernio nihil. Mores trahuntur cuiq; à conversantibus. Vis nôsse Regem? familiares noscito.* His veluti præmissis Iudæi in adiuncto binario latronum propositis, inferre irrefragabiliter & ab omnibus assensum conclusionis extorquere laborabant: Christum aut suo pte ingenio semper malum fuisse, aut commercio malorum (nam pridem ei amicitias peccatorum improperabant) pessimum evasisse usq; ad idem cum eis supplicium. Adeoq; quidquid antea sanctè vixerit ac docuerit, imposturam hypocrisisq; fuisse. Ecce, (quasi dicerent) *exitus acta probat.* Mors Echo imagoq; vitæ est, oportuit istum in vita latronibus coniunctissimum fuisse, qui in morte ab eis non potuerit separari. Quin imò non qualitercunq; latronibus eum sociârunt, sed memores in comprehensione Dominum dixisse sibi, *tantum ad latronem existis*, non quasi unum è trivio latronem



fiem, verum ut ducem ac Principem in medio crucifigendum curarunt. Qui scilicet non ad vulgares quasvis prædas manum extenderit, verum ipsum Regnum Iuda, Herodi quidem Vasallo, Cæsari autem directo Domino eripere attentaverit; quin etiam ad ipsam Divinitatem invadendam animum adiecerit. Fortè & Pilatus (ut observat Bourg:) remordentem conscientiam de innocente condemnato adiunctis noxijs morte damnatis relevare ac mitigare conatus est; aut certè velamentum aliquod suæ iniustitiæ quasivisse. An non latrocinium affectati diadematis inhuebat, cum Regem Iudæorum memoratâ ignobili Patria Nazarenâ, in titulo præscriberet. At verò usitatissimum dæmonis artificium est, Sanctorum mortes & postea ipsas reliquias immixtione malorum, & per hanc ortâ confusione velle obruere atq; obterere. Crudele fuit in Christi Confessores tormentum, quo in culem unâ cum angve atq; cane insuebantur, cujus frequens memoria in Martyrologio; crudeliùs longè, dum simul cum hominibus sceleratis non secus quàm scelerum complices neci dabantur. Tale exemplum dedit 1546 Henricus Angliæ Rex hoc nomine VIII. & ut octo improbus, à Catholica unione totaq; humanitate apostata, is tres viros Catholicos Theologiæ Doctores Thomam Abelum, Edoardum Povellum, Richardum Fetherstonum in causâ Fidei afficiendos damnavit extremo supplicio, quo ipso die tres Hæreticos Zwinglianos perditissimos à Catholica Fide & Sacerdotio apostatas. Factum est verò Henrici iussu in maiorem religionis contemptum, ut bini & bini vimineis cratibus innexi, per plateas ad locum supplicij traherentur singuli Catholici cum singulis hæreticis in eadem crate coniuncti, quod Dei servis ipsa morte graviùs & intolerabiliùs videbatur.

Cum

Cum au  
mortem  
voce c  
causâ,  
ob ean  
Regiæ,  
Angl:  
staretu  
fioni f  
Iudæi  
do, ne  
te dan  
& han  
serobe  
pultæ,  
pud P  
tur. P  
crucib  
mirac  
SVS,  
Chry.  
tamen  
ut inte  
fixis n  
attrib  
alijs  
non p  
elucte  
cet m  
um eff  
est pa  
rens e



Cùm autem Palatinus quidam ex Henrici aula hos ita ad mortem duci cerneret, aliumq; ab alio se avertentem & voce consortium detestantem; cognitâ diversâ cujusq; causâ, alios nempe ob religionem propugnatam, alios ob eandem oppugnatam plecti; in posterum (inquit) ego Regiæ, id est, nullius religionis ero. *Sanderus de schism: Angl: l. 1. p. 160.* Christus equidem utcunq; vitia detestaretur latronum, ipsorum tamen consortium, quia Passionis suæ non leve addebat momentum, non horruit: sed Iudæi idem in Christo ipso cum latronibus confundendo, ne deinceps ab illis dignosceretur, faciebant instigante dæmone, quod fecerunt paulò post circa Crucem ejus: & hanc enim unâ cum latronum crucibus communi scrobe defoderunt. Sed convenit illi lemma vel sic sepultæ, quod in armamentario congestis armis quidam apud Petrasanctam adscripsit. *Conduntur non confunduntur.* Prodidit Crucem Christi, discriminavitq; demum à crucibus latronum prodigium manifestæ curationis: miraculis pariter apud ignaros quosq; crucifixus IESVS, à socijs latronibus discernebatur. Ita sensit D. Chrysost: in Ioan. *Voluit demon rem ipsam obtegere, nec tamen valuit. Crucifixi sunt tres, claruit unus IESVS, ut intelligas omnia ejus virtute provenisse. Tribus crucifixis miracula patuerunt; nemo tamen ullum alteri latroni attribuit, sed soli IESV.* Sic potest oleum confundi cum alijs liquoribus: commisceri quin supernatet omnibus, non potest: sic & palma premi ponderibus: opprimi quin eluctetur: etiam ignis obrui sarmentis, extingvi quin emicet magisq; exardescat, non potest. Quid? an non oleum effusum nomen IESV? an non statura ejus assimilata est palmæ? Quin audi Israël, Deus tuus ignis comburens est. Non sunt ergo affecti finem suæ intentionis



Iudæi non Pilatus, non dæmon: Affecutus verò ipse Dominus, ex cuius parte Crucifixio sua in tali societate facta est.

2 Ratio. Sicut ex omnibus suppliciorum generibus Crucem sponte elegit Dominus; ita hanc etiam circumstantiam crucifixionis, ad maiorem sui nominis & existimationis exinanitionem amore nostri; ut superiori quaestione in prima parte circa initium respondimus. Hic tantum addo ex S. Chrysostomo hom. 13. in 1. Cor. *Probrum quid sit ignorat charitas; idcirco his de rebus gloriatur, propter quas conspectum hominum alij fugiendum putant.* In totius pene orbis aspectu voluit Dominus associari latronibus, quibus si quispiam alius honestus associaretur, sub terram abscondi mallet, quam in ea societate palam spectari.

3. Ut doceret virtuti locum esse etiam inter vitia. Hanc rationem dat S. Athanasius in Cat. Græc. *Crucifixerunt eum & latrones unum a dextris, alterum a sinistris; non communicavit iniquitati eorum, mirandum est: illis coniunctus nullum ab eis accepit nocumentum.* Floret lilium etiam inter spinas, lucet stella in medio nubium, rutilat adamas etiam inter cineres; ita vera virtus suum nitorem consortio malorum non dimittit. Perseveravit Nòe perfectus inter gigantes corruptissimos, Loth iustus inter Sodomitas sceleratissimos, Iob servus Dei inter Hufitas idolis servientes: Quem ideo conglobatis encomijs celebrat, S. Chrysost. *Vir erat in terra Hus, columba inter accipitres, stella in medio nubium, lilium inter spinas, gemma virtutis in oppido iniquitatis.* Et S. Greg. lib. 1. c. 1. *Hus quis nesciat, quod sit terra gentiliū? dicitur ubi habitaverit, ut hoc ejus laudibus proficiat, quod bonus inter malos fuit. Neq. enim valde laudabile est bonum esse cum bonis, sed bonum esse cum malis.*



Sicut enim gravius culpa est inter bonos bonum non esse, ita immensi est praekonij inter malos bonum extitisse. Hoc idem B. Iob sibi attestatur. Frater fui draconum, & socius Struthionum; c. 30. Hoc Petrus in Loth laudibus extulit, quod bonum inter improbos invenit. Et iustum oppressum a nefandorum iniusta conversatione 2. Petri 2. Aspectu enim & auditu iustus erat, habitans apud eos, qui de die in diem animam iusti iniquis operibus cruciabant. Qui nimirum cruciari non posset, nisi prava propinquorum opera & audiret, & cerneret. Et tamen aspectu & auditu iustus dicitur, quia iniquorum vitia non delectando iusti aures atque oculos, sed feriendo tangebant. Hinc Paulus discipulis dicit, in medio nationis pravae atque perversae, inter quos lucetis sicut luminaria in mundo, ad Phil: 2. Hinc Angelo Pergami dicitur. Scio ubi habitas, ubi sedes est sathanæ & tenes nomen meum; & non negasti Fidem meam, Apoc: 2. Hinc S. Ecclesia laudatur Sponsi vocē. Sicut lilium inter spinas, sic amica mea inter filias; Cant: 2. Quem locum canticorum & ingenio & eloquio solito tractat: S. Bernard. Spina culpa est, spina pana est, spina falsus frater, spina vicinus malus. O candens lilium! ô tener ac delicate flos! increduli ac subversores sunt tecum, vide quomodo cautè ambules inter spinas. Plenus est mundus spinis, in terra sunt, in aëre sunt, in carne tua sunt: Versari in his & minimè ledi Divinae potentiae est non virtutis tuae. Sed confidite inquit, quia ego vici mundum, & paulò infrà. Non mediocris titulus profectò est virtutis inter prava vivere bonum, & inter malignantes innocentiae retinere candorem & morum lenitatem, &c. &c. serm: 48. in Cantica. Quis ignorat & Ioseph in cisterna sicca inter colubros, & Daniele in lacu inter leones & tres pueros in camino ignis inter



flammam illæfos. Non reticendum & recentius exemplum P. Petrus Cottonus, quem Barthol: Gramondus Historicus Galliarum celebrat non tacendo encomio lib: 15. pag: 655. *Longa illi in virtute perseverantia, & quod rarum etiam Religioso viro, procul ambitu vita. Henri-ci IV. conscientie admotus, nullo rei privata studio egit in aula innocenter; scientiarum apicem ingenti laude adeptus est; facundiâ floruit adeo, ut regnante Henrico eloquentia imperium penes Cottonum fuerit. Magna hæc certe apud homines; maximum est, quod in Deo vixit, florens & candens lilium inter spinas, homo incorruptus in aula. Egregium est, inter malos bonum esse; nemo tamen his fretus ultro se malorum consuetudini addicat; nam & ex communi aëris corruptione sani quidam & intacti evadunt, magnæ tamen insanix esset, si paucorum ista felicitate quispiam fretus, ultro se nullis præmunitus amuletis, in pestem conjiciat. Parendum potius monito S. Greg: Nazianzeni*

*Ne tibi qui vitijs scateat coniunge sodalem:*

*Namq; etiam firmos pestis gravis occupat artus.*

*Non tu virtutem tribues, sed dedecus ipse*

*Accipies, vitijs atq; inficiere profanis.*

*Quinimò si Bedæ standum. qui Evangelicæ veritati innixus loquitur. Melius est habere malorum odium, quàm consortium. Quod si verò non propriâ temeritate temet improbis aggregates; verum necessitate quâdam inextricabili in eorum contubernium conjiciaris, tuum est virtutem integram conservare inter vitia; nullius pravitate, nullius scandalo tua crimina coram iusto Iudice excusabis; nemo enim ad improbitatem cogere potest nolentem. Nulla ergo tam prava societas est, quæ officiat constantiæ, nullus tam profanus locus, quem virtus non consecret. Plus etiam in hoc genere dicendum est. Op-*

*posita*



posita penes se posita magis elucescunt: Crocus odoratissimum germen latius inter fatentia floret allia: calor frigore, & frigus calore circumfuso interclusum magis intenditur: eandem antiperistasis virtus amat, ut inter offusa vitia emicet, redoleat, ac invaleseat. Altissimo proinde inter latrones sibi locum delegit consilio Christus; ut ejus innocentia tantò illustrius ac manifestius appareret. sic canit Sedulius.

Par est pœna trium, sed dispar causa duorum,  
Hi mundo sunt quippe rei pro crimine multo:

Huic reus est mundus salvatus sanguine iusto.

Non est obscuratum, sed illustratum Christi nomen ex societate latronum: illis neglectis, solus Christus in Cruce Deus agnitus & adoratus: Lux veritatis cum tenebris iniquitatis composita clarior evasit. *Bourghesius*. Nam S. Chrysostomus audet pronunciare de latronum consortio. *Non solum crucifixi gloriam non offendit, sed auxit*. Hoc quoque quod dixi, virtuti exiguum est, nisi conservata auctaque inter circumfusa vitia, pessimam viciniam in melius refingat, in seque ac suum succum convertat. Sic Apostolus Paulus Onesimo servo Philemonis inutili, infideli, fugitivo, in vinculis associatus, eundem Christo genuit; ac frugi servum effecit. B. Paulus Michi è Societate IESV M. Iapon: nominis & zeli Apostolici heres ipso in carcere sex maleficos unà captivos in libertatem Filiorum Dei asseruit. Edmundus Arausmi theus ejusdem instituti Anglus 1628 Lancastriæ pro Fide suspensus & sectus, socium habuit in supplicio & confessione latronem, quem in communi carcere ex malo bonum effecerat, & adeò in suscepta Fide constantem, ut vitam sperneret, quæ ei eâ conditione offerebatur, si ad hæresim rursus vel è ferali trabe transiliret. Tanti est

ma.



malos vel ad momentum, vel in extremo se momento bonis coniunxisse. Vnde verò tam efficax seu exemplum, seu sermo ad transformandos malos in bonos, socios latrones Confessoribus Christi nisi ex ipso Christo? qui palmare suorum miraculorum sub mortem patratorum esse voluit latronis conversionem. *Neq; enim minus fuit latronem converti q; in Paradysum introire, quam petras collidi;* ait S. Chrysost:

4. Medius inter latrones pependit, ut Mediatorem se pro sceleratissimis quibusq; ostenderet. Vt medius Auctor vitæ (cum Bourghesio loquor) & gratiæ inter peccatores, pro ijs sacrificium offerret Patri instar Aaronis inter mortuos & vivos sacrificantis. *Distenditur in Cruce corpore IESVS magis in animo ad homines charitate distensus, ut etiam sui crucifixores non excluderentur ab huiusce charitatis affectu & effectus;* ait Simon de Cassia. Quod si hi amplexum recusant, sociorum latronum alterum dextrâ, alterum sinistrâ ad se trahit. Quorsum enim in fines terræ brachia, collecturus undiq; populos extenderet; si maximè vicinos præteriret. Quid & in Evangelio dixerat Matth: 19? *Facilius est camelum per foramen acus transire, quam divitem in Regnum cælorum.* Cum dicit facilius, non penitus divites à cælo excludit, impossibilemq; eis aditum cæli pronunciat: sed quæ ista acus, per quam isti cameli transire debeant? Respondet S. Paschasius. *Per acum ipse Christus intelligitur, perforatus in Passione, per quod utiq; foramen omnia ad se & post se trahit.* Etiam divites, & quidem de alieno, latrones: camelos illos non modò iniquorum spoliatorum sarcinis onustos, verumetiam gibbo propriorum criminum inveteratorum tumentes. Laxavit profectò Protopiscator hominum retia in capturam, dextrâ & sinistrâ colligit  
bo-



bonos & malos. Verūntamen boni eliguntur in vasa, bonus scilicet Latio in Paradysum; mali autem mittuntur foras: malus exulat in orcum.

5. Ob admirandam abyssum iudiciorum Dei! Dixit aliquando Christus Luc: 17. *Erunt duo in lecto uno, unus assumetur, alter relinquetur.* Hæc prædictio videtur primum impleta in socijs Crucifixi latronibus, uterq; erant in uno eodemq; lecto Crucis, in quo & Christus: unus assumptus, alter lethargo suo relictus. Confliterat vita in medio eorum; quam alter amplexus evasit salvus; alter averfatus, non iam somno fratre mortis, sed morte fratre somni; eaq; æterna procubuit. Experti sunt in Christo magnetem, qui ferrum altera sui parte attrahere, altera repellere perhibetur. Certè magneti Christum comparat S. Hieron. *In magnete hæc vis esse dicitur, ut annulos sibi copulet, quantò magis Dominus omnium creaturarum ad se trahere poterat, quos volebat.* Assumptus est eodem die in Paradysum, qui se attrahi passus est: relictus, qui contumax repulit trahentem. Et assumptus quidem meritò confiteatur. *Domini est assumptio nostra, & Sancti Israël Regis nostri;* Ps. 88. Relictus verò nullo pacto relictionem suam Domino imputare queat: quia *perditio tua Israël, tantummodo in me auxilium tuum:* Oseæ 13. Non omittendus S. Maximus Taurien: qui hom: 1. de Adv: pulcherrimè illum locum tractat. *Erunt duo in lecto uno, &c. Hic iam resurrectionis meritum demonstratur, quòd pro qualitate vivendi sit gratia resurgendi, ac tantam in singulis resurrectionis esse distantiam, ut duobus etiam pariter dormientibus & unâ sede quiescentibus, equalis esse non possit assumptio; quamvis enim eodem consortij lecto teneantur, pro meritis tamen alter rapietur in cælum, alter relinquetur in terris. Lectulus enim noster*

qui-



quidam communis est terra huius amplissimum solum, in quo deposita corpora nostra tutissimâ sede requiescunt: in hoc autem lectulo ille mollius dormit, quisquis durius in vita se gesserit. Possumus etiam ipsa membra nostra lectulos nostros proprios nuncupare, in quibus anime nostre veluti in quodam stratu suavissimè demorantur, &c. &c. O quot non modò in eodem, hoc est simili corpore, in eadem terra demorantes, sed etiam in eodem lectulo crucis iacentes; iudicium Domini in æternum scijunget. Nemo igitur fidat, quòd in eadem terra cum Sanctis versetur, nemo inquam fidat, quòd in eodem crucis lecto cum Christo ipso degat; hoc est in S. Crucis confessione in Fide Christiana; in cruce etiam religiosa, etiam in cruce tribulationum, quæ sunt signa prædestinationis ad gloriam: nisi in cruce dignè, cruce vivat ac perseveret ad extremum. Quem non percellat tragicum hoc exemplum, tanta in abyssò iudiciorum Dei præcipitia! Christi in Cruce socius! & potuit æternum perire! in timore ergo & tremore salus operanda; convertendum cor ad Christum, expetendum ardenti prece ejus Regnum ac memoria nostrî; si cum bono assumi, non cum latrone malo velimus relinqui.

6. Vt ad memoriam mundo reduceret, extremi sui Tribunal iudicij, idq; mundo quàm fortissimè inculcasset. Paulò antè cum staret ante Tribunal Caiphæ, adiuvatus ut ediceret cathgoricè, si ipse esset Filius Dei: falsus, mox subiunxit. *Amodo videbitis Filium hominis sedentem à dextris virtutis Dei, & venientem in nubibus celi*; Matth. 26. Commemorabat hic suis iniquissimis iudicibus, suam vicissim iudiciariam potestatem, formam iudicij in valle Josaphat futuri, atq; modum in Calvario monte adumbravit. Sic pependit. *Vt etiam in ipsa patibulo*



buli specie monstraretur illa, quæ in iudicio ipsius omnium hominum facienda est discretio, cum & salvandorum figuram fides latronis exprimeret, & damnandorum formam blasphemantis impietas præmonstraret. S. Leo serm: 4. de Passi: & S. Aug. Crux Tribunal fuit, in medio enim iudice constituto unus Latro qui credidit, liberatus: alter, qui insultavit, damnatus: iam significabat, quid facturus est de vivis & mortuis, alios positurus ad dextram, alios ad sinistram.

7. Placuit inter latrones Domino locus, ne deinceps servi ejus salvâ virtute ac innocentia, cum & pro latronibus reputari erubescant; hoc est, quod primis Christianis I. post Christum Papa inculcabat. Nemo vestrum patiatur, ut homicida aut fur, aut maledicus, aut alienorum appetitor; si autem ut Christianus, (imò ut Christus) non erubescat. 1. Petri 4. Socrates carcerem intrando purgavit, & omni curiâ honestiorem reddidit; ait Seneca de vit: tranq: c. 17. Ipsis Regijs illustrior carcer Pauli, imò ipso celo, videtur S. Chrysostomo. Quomodo non & Dominus locum inter turpes turpissimum honestaverit? cum dignatus est occupare: & quidem non qualitercunq; sed ita, ut medium duos inter latrones patibulum in tribunal ac pompam iudiciariæ potestatis converterit, ut immediate præmissâ ratione dictum est. S. Chrysost: tom: 6. hom: de SS. MM. Herodes illos mirabiliter ad tormenta gravissima animatos commemorat. Quasi choreas ducerent ad tormenta cum voluptate perrexerunt: & tanquam bellatores omnem fortitudinem ac tolerantiam præsetulerunt, hostesq; vicerunt. Ac si eorum quidem, quæ geruntur spectes naturam; pugna & bellum & acies sunt, quæ geruntur: sin autem eorum mentem consideres, quæ fiunt, sunt choreæ, sunt & convivium ac festivitates & voluptas



*maxima.* Hoc nempe ita se habebat, postquam se Christus in Crucis perferendæ dedit exemplum: pari ratione postquam medium latronum idem suâ præsentia dedicavit ac honestavit; locus ille suapte naturâ ignominiosissimus honori caput esse atq; ornamētō. Hinc funestus licet Nangazacho Iaponiæ urbi imminet collis reorum supplicijs infamis; à Confessoribus tamen Christi longè maiore desiderio, quàm curia quævis aut palatium Regis expetitur. Squallet ossibus sceleratorum fœdamq; halat mephitim Londinense in Anglia Tiburnum: illis tamen, qui in causa Fidei illuc raptantur, non pestilens Sardinia; sed Tybur Italum, Thessala Tempe, hortusq; deliciarum videtur, & ut talis alijs optatur. *Nihil medium est, & Crux & statim Paradysus. Hodie mecum eris in Paradiso.* S. Chrysof.

8. Noluit Dominus Crucem suam esse solitariam, sed crucibus pluribus voluit stipari; & qui prius quemvis ad Crucem suam tollendam invitabat; quemvis in propria cruce sibi desiderat assistere. Non decet solum Regis dolorum, sed in ipsis doloribus Regis gloriæ, assessorum non addensari curulibus. Dicitur in iure *tres faciunt collegium.* & in vulgi pœnia *tres sunt omnes.* In ternione Christus Calvariæ instituit collegium, ut ad illud omnes aggregaret. Bartholomæus Riccius in triumpho Crucis cum figuris æneis edito ad Annum 1608 Octoginta quatuor Martyres recenset, qui vel singuli, vel in pauciore numero in Crucem acti comites se Redemptori iunxerunt. Sunt verò in his ex utrôq; sexu, ex omni statu, conditione, ætate. Nominationum pueruli novem numerantur. Cui ætati merito S. August. scribit elogium serm. 2. de Innoc. *Quàm Beata ætas, quæ Christum non potest loqui, & pro Christo meretur occidi. nondum*



*dum opportuna vulnere, & iam idonea passioni.* Senes pene decrepiti 4. ex his S. Simeon Ep: Ieros: annos 120 natus. Virgines teneræ 11. &c. &c. Præterea Tyri aliquot simul: Carthagine 7, alias 12. Theopoli in Perfide sub Cosrohe 10. Romæ sub Nerone SS. Petri & Pauli Apostolorum discipuli, quæ crucifixi, quæ pice illiti, & in luminis nocturni usum accensi, alijsve tormentis perempti innumerabiles; quorum memoria 24. Iunij: In monte Ararath ad Alexandriam Armeniæ Exercitus deceim millium ab Angelis in Fide instructus, ex quo singuli instar IESV prius flagellati, spinisq; coronati, demum quia crucibus eorum sylvæ non sufficerent, humi clavis crucifixi ad diem 22. Iunij. De his ad literam sonat, quod de Christianitate universa S. Augustinus tom: 9. lib: de Symb: Fid: 4. *Rex noster Christus ut doceret, quomodo sumus exercitus vincere; in se demonstravit mortem corporis non esse timendam, dum prior ipse Crucis mortem elegit; & in ea prior ipse mori dignatus est.* Recentius iam in lapone simul sex supra viginti consociari crucifixo meruerunt. O quot herodes posterioribus annis usq; ad præsentem huic numero accesserunt? Addamus in Cruce univocè dicta fixis, analogicè crucifixos; hoc est quocunque genere mortis pro Christo defunctos: de his audacter quidem, sed valde veròsimiliter pronunciat doctissimus Scribanius, *plures in novo Testamento pro Fide homines, quam in veteri cecidisse ex pecoribus victimas:* quas tamen vel inde numerum omnem superasse colligitur, quod solus Salomon unâ dedicatione Templi mactavit boum viginti duo millia, arietum centum viginti millia. Quantum in memorijs annuis? in dedicationibus Templi instaurati? quantum sacrificijs quotidianis? quantum à singulis personis incipiendo ab Abele usq; ad everfionem



ultimam Templi Salomonici & legis veteris antiquationem cecidisse oportuit? Quid tamen hic numerus ad numerum Martyrum? Addamus spiritualiter corporaliterve in ea Cruce semet figentes, cuius duo genera memorat S. Augustin. *Vnum corporale, quo voluptates omnes corporales mortificantur. Alterum spirituale & nobilius, quo animi cogitationes malas in potestatem redigimus, & voluntates proprias abnegamus: pretiosa namq; Crux hæc in conspectu Domini est.* Talium crucum frequentiam S. Bernardus Epl. 19. ad quosdam Religiosos cum gaudio suspicit. *Non apparebit in vobis FF. vacua Crux Christi, omnino refloruit, & nunc quasi de novo lignum, in quo pependit Rex gloria, ceu diceret*

Non steriles plantæ surgunt, sed nobile quævis  
Corpus pro fructu Martyris arbor habet.

Idem intellige de omnibus Religiosis Ordinibus, & multis Christianis in sæculo religiosè vitam agentibus, hoc est spiritualiter crucifixis. O quam frequentibus affectis Crucifixus circumfunditur? *Quid congemiscitis Pharisei dicentes ad vosmetipsos, ecce mundus totus post eum abijt, Ioan: 12. quasi postquam Filium hominis occideritis, nemo post illum abiturus sit? exaltate quantocyus illum à terra, & palam fiet vobis, quantum profeceritis.* Appositè ad rem S. Rupertus. Quis Regum terræ tanto satellitio, tantis cateivis, tantis exercitibus succingitur? Simillima Crux Christi videtur arbori Indicæ dictæ *mangle* sive ficus Indica. Hæc in magnam altitudinem unico trunco, eoq; crasso admodum surgit, ramos in omnia circumlatera pandens, qui tenues quasdam fibras usq; in terram demittunt; hanc ubi attigerint, novas radices agunt; & in novos arborum caudices transeunt, novos ramos spargunt, daturos novas fibras & in arbores novas transitu-



fituros: & sic per consequens ultra: quò subinde una arbor in tantam sylvam excrescit, intra quam 3. millia hominum facile possint latere. *Vide Nivemberg: hist: nat: l. 14. c. 38.* Huic arbori quispiam dedit lemma *Vna nemus*. Talis profectò arbor Crux Domini & una laureum nemus victoriarum; ceu quondam ex ramusculo lauri uno ab aquila in sinum Livie Augustæ demisso Romæ plantatum perhibetur à Svetonio in Galba. Cùm ergo S. Hieron: dicit. *Gloria Salvatoris patibulum est triumphantis* & Theophylactus. *Gloria Christi Crux*: præter dicta superius de hoc argumento, intelligendum etiam de tanto comitatu Crucis ejus, iuxta illud Prov: 14. *In multitudine populi dignitas Principis*. Erubescendum si in tanta frequentia comitum Crucifixi nullo numero, nullo loco sumus. Quid prodest si omnes stipant crucifixum Cruci fixi, nos ab ea universitate sponte exclusi vagamur, quò prava fert cupiditas. *Si complantati facti sumus similitudini mortis ejus, simul & resurrectionis erimus.* ad Rom: 6. Sin secus, vacua est & inanis spes nostra.

9. Adhuc socias Cruci suæ Dominus duas adiunxit cruces; ut constaret non unam Christi Crucem esse, sed esse boni, esse & mali latronis. Harum discrimen facit S. Augustinus in Ps: 34. Conc: 2. *Tres in cruce, unus Salvator, alter salvandus, alter damnandus; omnium par pæna sed impar causa. Vnus innocens, alter penitens & confitens, tertius blasphemus & impenitens.* Crucem Christi sibi vendicant, qui patiuntur absq; culpa: Crucem boni Latronis, qui culpam agnoscunt, ad eamq; exolvendam, pænam æquo animo sufferunt, meritòq; suis peccatis deberi agnoscunt, faciuntq; vel ex necessitate virtutem: ut Mauritius Imperator, qui à Phoca captus, suo in conspectu trucidatis filijs cùm ad necem raptaretur, illud



illud identidem ex coronato Psalte occinebat. *Iustus es Domine, & rectum iudicium tuum.* Cruce latronis mali plectuntur, qui tribulantur inviti; inter ipsasq; ærumnas anguntur, seipsos ac alios diris vovent, blasphemant Authorem Permissoremve suarum calamitatum Deum. Talium planè Crux habet ipsa crucem, duplicant eam sibi atq; triplicant. Præter enim crucem exteriori sponte ipsi interiori adsciscunt; deniq; æternam promerentur, ac in illam se præcipitant. Hi planè in malam crucem se ultro damnant, nec aliter in ea pendent, quam canes Romani, suprâ memorati. Quin potius ut canes cerberei, qui in inferno seipsos moribus devorando, cælum allatrant nequidquam totâ æternitate. Bene & V. Beda apud Escobar Cruce boni Latronis eorum cruces significari opinatur, qui purâ intentione pro Christo perferunt labores; sicut sinistri latronis cruce ii innuuntur, qui mundi causâ laborant & anxiantur. Horum posteriorum cruces apud Zachariam Lexoviensem Capucinum in Gyge Gallo festivo non magis, quàm serio stylo delineatas invenio. Quodlibet (ait ille) vitium habet martyres suos. Gravem esse suis cultoribus Deum putant omnes, qui ab eo descivere, nec advertunt ipsâ declinatione incommodi in aliud genus pænæ provolvi miseros; quo nullum acerbius. Auro dicere quilibet avarus potest, quod Martyr Christo. *Propter te mortificamur totâ die;* sua enim supplicia avarus & patitur & amat: dilectæ mercedis intuitu in longa spatia protrahit ærumnas suas, nec beatiores credit, quàm qui sub tortore infelicitate, iure habentur infelices. Invidus carnificem habet alterius fortunam, si propitiam viderit; quibuscunq; bonis læditur, nisi sua sint. Qui libidinosè vivunt, sub amore suo vapulant. Alijs durissimam famem in-



infert immodici vestitus splendor, ut nisi ieiuni non ful-  
geant: iucundo amictu, querulo ventre, neq; unquam be-  
ne pasti, nisi cum apud invitantes famelici conviva, diu  
laborantem contractumq; domesticâ penuriâ explicant  
stomachum suum. &c. Ita ille titulo *ieiunia ornata*. Me-  
rito S. Ambrosius ad Luc: 8. quod in spinas cecidit, qui  
a voluptatibus suffocantur, ait. *Quis unquam mihi cre-  
deret, si delicias & voluptates spinas vocarem, nisi Chri-  
stus idem dixisset, qui mentiri nequit.* In lingua etiam He-  
braea eodem nomine *Tannim* afflictiones & voluptates si-  
gnificantur: quo innuitur in re quoq; esse idem. Huc  
spectat mysterium Psal: 43. ubi canitur. *Humiliasti nos  
in loco afflictionis.* S. Hier: legit *delecisti nos*; Symmachus  
*confregisti nos*. Verbo *afflixisti nos in loco afflictionis*. Vi-  
detur enunciatio identica, hoc est iuxta dialecticem ine-  
pta, inutilis ad sermonem: Est autem mystica. *Pulchre  
Aquila vetus interpret* (ait S. Ambr:) *quemadmodum in-  
telligere debeamus locum afflictionis expressit, dicens: humi-  
liasti nos in loco Syrenum.* Syrenas Poeta excogitarunt in  
symbolum voluptatis, corruptrices voluntatis & sensu-  
um humanorum: Videlicet in tepida maris Tyrreni pla-  
ga tres pulcherrimas Nymphas habitasse, quæ præterna-  
vigantes blandè invitarent, ut vela ad littus eorum con-  
verterent; spondentes nidum gratiarum & amorum, pa-  
triam gaudij, portum quietis, paradyfum deliciarum &  
voluptatum: triplici vinculo & blandis vultibus & fidi-  
bus canoris, & suavi cantu cantando incantasse, & incan-  
tando ita capisse infelices illos, ut obliti negotiorum &  
patris quò tendebant, non aliam stellam secuti, nisi pul-  
chros ocellos, nec alium ventum nisi suavis concen-  
tus auram, ad illud littus properarint. Sed vix in littus  
excenderant, cum non aliud oculis offertur, nisi horri-  
dum



dum desertum, nudi scopuli, nuda ossa & insepulta cadavera: ibi cranium pendeat, ibi sceleton arrosus, alibi truncus adhuc semivivus: sic terrore mortis prius quam morte deiectionibus illis feris naves, merces, vitam denique ipsam prædæ relinquebant. Quid Syrenes? nisi afflictiones, hoc est cantus mundi quid, nisi gemitus? lætitia, nisi mæstitia? Voluptas nisi ærumna? Non frustra Syren in græco à verbo decipio derivatur. Prima enim voluptatis mundanæ proprietas est fraude illicere, & operibus decipere animas incautas. Ob hoc ipsum Syrenes puellarum lascivarum specie repræsentantur, quarum totum ingenium fraus, omnis cogitatio fraudulenta inventio, omnis vox esca, omnis obtutus infidiæ, omnis capillus laqueus: si cor ostendat, facit quod auceps accipitri peregrino, ut in casses inducat. *Quid sibi vult puellarum figura, nisi evirate cupiditatis illecebra? omnis sæculi voluptas quâdam nos carnali adulatione delectat, ut decipiat;* ait S. Ambros. Porro non unam, sed tres puellas sorores individuas finxerunt Poëtæ. *Parthenopen,* quæ oculis fallat, *Ligiam,* quæ voce; *Leucosiam,* quæ pulchritudine & candore totius corporis in fraudem pellit. An non totidem extra fabulam, Discipulus veritatis Syrenes deceptrices filiis suis cavendas ostendit. *Omne quod est in mundo, concupiscentia carnis est;* ecce *Leucosiam,* & *concupiscentia oculorum,* ecce *Parthenopen* & *superbia vitæ,* 1. Ioan: 2. ecce *Ligiam.* Vnde bene Plutarchus, *fera mancipans sibi homines est voluptas, sed non fera: nam si aperte pugnaret, citò caperetur: nunc etiam magis invisâ esse debet, quod celat inimicitiam induta habitu benevolentiae, itaque dupliciter adversanda est, & quod noceat, & quod fallit.* Vox Hebræa *Tannim* non solum *Syrenem,* sed etiam *draconem* significat: quâ significat-



ficatione fraudi fæmineæ in alliciendo iungitur crudeli-  
 tas in devorando. Vnde eadem verba *humiliasti nos in lo-  
 co Syrenum*. S. Hieri. legit. *Deiecisti nos in loco draco-  
 num*. Ieremiæ quoq; *50 habitabunt Syrenes cum fatuis,  
 habitabunt dracones cum fatuis*. Et Isai: 13. *Syrenes in  
 delubris voluptatis; dracones in delubris voluptatis*. Syren  
 voluptas, sed fictis Syrenibus ut verior, sic ferior longe;  
 Homerus enim suas Syrenes effinxit partim puellas, par-  
 tim aves, & in eis fraudem cum levitate coniunxit: alio  
 loco idem effinxit, ut puellas & pisces, coniungens frau-  
 dem & fugacem momentaneamq; lubricitatem: at Deus  
 sublimiori incomparabiliter energiâ & acumine repræ-  
 sentat puellas & serpentes, summam fraudulentiam cum  
 summa crudelitate significans. Cedat huic monstro  
 Sphynx sypili, Hyppocentaurus Thessaliæ, Minotaurus  
 Cretæ, nullum horum bicorporum monstrorum crude-  
 litatem æquat puellæ serpentis. Ejusmodi monstra E-  
 vangelista vidit in Apocalypsi prodire ex abyssu capiti-  
 bus fæmineis, caudis serpentinis ad genus humanum in-  
 ficiendum, ita, ut nec terra, nec mare, nec ær ab eis ma-  
 nerent incorrupta. Quid enim non corrumpunt? Ipsis  
 delicijs & paribus sollicitudinibus devorant corpus vo-  
 luptuarij, nobiles spiritus effaminant, animum dolore  
 afficiunt, vires enervant, carnes inficiunt, bona fortunæ  
 & naturæ ad nihilum redigunt: ita, ut voluptas & sensi-  
 bus noceat; & ipsa sibi sit supplicio. Divinè S. Paulinus.  
*Nunquam in carnalibus affectionibus ita quiescit animus,  
 ut careat cruciatu*. Longius progreditur Divinitatis in-  
 genium, quoniam eodem vocabulo *Tannim* non solum  
 Syrenes deceptrices & crudeles, sed etiam scopulum  
 naufragijs infamem significat. Eundem enim versicu-  
 lum Symmachus legit. *Confregisti nos in loco inhabitato*



*in deserto, & Lyranus post Ambrosium in loco scopuloso.*  
 Quò Deus indicat voluptatem esse scopulum, ad quem al-  
 lidantur naves mercibus pretiosis onustæ, quæ vento a-  
 lioqui secundo ad portum cælestem provehebantur. Ne-  
 què enim vires naturæ modo consumit, sed etiam donis  
 gratiæ gloriæq; cælestis animam spoliât, ut etiam post  
 mortem naufragium faciat sempiternum. Sed recolamus  
 totum Psalmi versiculum. *Declinasti, inquit, semitas no-  
 stras à via tua, afflixisti nos in loco Syrenum.* Scilicet,  
 quando homines voluptati dediti permisso Divino ceu  
 miseri olim nautæ à dulci insidio farum Syrenum cantu  
 sese abripi patiuntur, ut à recta ad cælestem Patriam via  
 deflectant; horribile naufragium duos ad scopulos illis  
 navi subeunt, & à peste illa sæviter canente occupati,  
 non solum corporis; verumetiam animæ salutisq; bonis  
 expoliantur. Ad quod explicandum Syrenes à Psalte sa-  
 cro adhibitas, ait S. Ambros: in eum Psal: *Syrenes, qua-  
 rum mentionem facit Scriptura Divina vocis propria sua-  
 vitate canendiq; illecebris, audiendiq; studio illectos navi-  
 gantes ad litus admoveere navigia provocabant; eosq; cum  
 gratiam vocis sequerentur, scopuloso in loco naufragia fa-  
 cere solitos, vetustas posteris tradidit.* At quæ sunt istæ  
 mundi oblectationes, nisi veræ contristationes? quænam  
 illarum obsecro, quæ animum tranquillet, & infinitam  
 humani desiderij capacitatem expleat? Num divitiæ?  
 non sui causâ expetuntur. An sanitas? quò quis rectius  
 valet, eò infirmitati propior. Num doctrina? quò quis  
 plura scit, eò plura se ignorare novit. An honores? ab  
 alieno pendent arbitrio. An regna? quo maior corona,  
 gravius onus. Quid igitur? voluptates fortè sensuum?  
 si permittæ ut matrimonium, quantum onus? si vetitæ,  
 quantus dolor? si faciles, quæ satietas? si furtivæ, quæ  
 peri-

pericu-  
 metus  
 afflictio  
 Ovidi  
 rem n  
 crudel  
 fra le  
 iure v  
 ti sap  
 licem  
 ritò c  
 tur an  
 diri.  
 ligana  
 nexibi  
 cursu  
 Huno  
 sauri  
 dum  
 tur,  
 Fran  
 Chris  
 stru  
 Mart  
 malo  
 malis  
 tiant  
 rum  
 flebun  
 perdit  
 Domi  
 vitian



pericula? si interrupta, quis furor? si Deum times, quis metus? si non times, quæ damnatio? *Afflixisti nos in loco afflictionis, in loco Syrenum, in loco voluptatis.* Quod si Ovidius vocat Syrenas Proserpinæ socias: Martialis *bilarem navigantium penam, blandasq; mortes, gaudiumq; crudele.* Claudianus. *Dulcia mala, bona vorantia, monstra lepida, pericula blandientia, tortores gratos:* Meliori iure voluptates hujus mundi appellare licet venena grati saporis, gaudia turbida, risus luotosos, felicitatem infelicem, fallaces Syrenas, dracones puellas, ex quibus merito cum S. Ambrosio concluditur. *Non claudenda igitur aures cerâ, sed reseranda sunt, ut Christi vox possit audiri. Non corporalibus, ut Vlysses ad arborem vinculis alliganda manus, sed animis ad Crucis lignum spiritualibus nexibus vincendus, ne lasciviarum moveatur illecebris, cursumq; naturæ detorqueat in periculum voluptatis.*

Hunc discursum versiculo Psalmi 43. excerptum ex The-sauri Emmanuelis *Idea arguta dictionis*, hic apponendum duxi; quia & nostram materiam nervosius exequitur, & liber ipse rarior est. Accuratissimè omnium S. Franciscus Borgia lib: 1. pag: 41. ex quo supra Crucem Christi descripsimus; utriusq; latronis crucem, earumq; structuram exequitur. In triplici cruce triplex genus Martyrij licet perquam diversum, tria hominum genera, malorum pœnitentium & perfectorum subeunt. Nam & malis sua crux evenit, licet unâ præcipuè voluptate metiantur felicitatem vitæ, delinîti rebus turpissimis. Illorum sunt tristissima suspiria, quibus miseriam suam de-  
 flebunt in die iudicij. *Lassati sumus in via iniquitatis & perditionis, & ambulavimus vias difficiles, viam autem Domini ignoravimus; quid nobis profuit superbia? aut divitiarum iactantia?* &c. Sap: 5. & S. Paulus ad Rom: 2.



*Ira, & tribulatio, & angustia, in omnem animam hominis operantis malum.* Crucis hujus pars superior est superbia, quâ hujus mundi principes tumescunt: infima pars luxuria, in quam proni declinant, veluti fœdissima bruta ad vilitatem stercoreis, ut notat Iôel. *Computruerunt velut iumenta in stercore suo, c. 1.* Dextrum brachium est improba avaritia coacervandi sibi divitias; sinistrum autem est invidia, quâm de alienis bonis concipiunt. Pessima sanè crux quid? an hâc ducuntur mali ad gloriam? Quinimò properè & recto tramite ad infernum: ab alia cruce transeunt ad aliam tristiore: decedentes ex temporalibus miserijs, absorbentur in æternis. Pœnitentium Crux, cordis contritionem, confusionem propriam, fugam à peccatis, satisfactionemq; pro admisis, ut quatuor nitidissima cornua habet, quibus animæ cum bono Latrone transportantur in Paradysum. Perfectorum verò Crucis, quæ est Christi Domini; quatuor levioribus alis atq; omni decore distinctis, volitamus ad sublimes delicias. Illæ suo ordine numerantur. Timor Domini, mortificatio passionum, res adversæ, & Divinorum contemplatio. *Hec ex S. Borgia.* Novimus discrimen crucum. Si in Crucem Christi evadere non possumus, boni Latronis teneamus. qui utramq; horret, in tertiam incurret magno tormento, nullo merito aut præmio supplicij æterni. Nemo tam malus est, cui tertiam crucem imprecari velim, nisi, qui se sponte ad illam damnavit. An non se damnâsse videntur illi Calvinistæ Gheusij in Belgio Antverpiæ Anno 1566 (ut scribit Strada de bello Belgico decad: 1. lib: 5.) qui ubi furore iconoclastico sub noctem bacchari cepissent; ex basilica principe, & per Europam celeberrima amplissimaq; signis atq; imaginibus refertissima, (in qua 70 Altaria extabant;) ad

cra-



craftinum manè nihil omnino saluum integrumve reliquerunt, nisi contra Aram maximam duo simulacra crucifixorum latronum, quasi eos unicè ut factionis suæ proprios patronos venerarentur, & præsentis negotio propitios optarent; postquam è medio illorum grande signum Christi de Cruce pendentis, funibus in terram demoliti, bipennibus comminuiscent. Horum furori suo modo consentiunt, qui, quantum ex se, submotâ Cruce Christi, crucem latronis idq; mali sibi conservant, ac adorant. Subit hoc loco mihi in memoriam notandus ille eventus ex vita S. Ignatii. Redibat hic aliquando Hierosolymis in Italiam, cumq; tres in Cyprio naves offendisset velificari paratas, Turcarum alteram, alteram Venetorum, firmas ambas & omnibus necessarijs instructas: petebat obnixè, ut alterutrâ susciperetur, verum ob egestatem spretus est. Venetus insuper Navarchus convitio inhumanitatem cummulavit; auditâ enim commendatione, quod scilicet Ignatius vir Sanctus esset; asperè factus respondit, *ambulet ergo super aquas, si Sanctus est.* Coactus proinde vir Dei, tertiam navim modicam illam & malè mariteriatam ac vetustate caosam conscendit, verum supra omnem opinionem hæc una Deo aspirante, felici cursu Venetias tenuit. Nam aliæ duæ licet pariter secundo vento solvissent, brevi ortâ tempestate miserè perierunt. Et Turcica quidem cum vectoribus absorpta mari; Veneta in conspectu Cypri ad scopulum confracta, hoc solum felicior, quod homines evasissent. S. Ambrosius tom. 5. serm. 55. Crucem malum navis gubernaculumve appellat. *Arbor quædam in navi est Crux in Ecclesia; nam cum à nautis scinditur mare, prius ab ipsis arbor erigitur, antenna sustollitur, & velum distenditur, ut Cruce Domini factâ aquarum fluentia rumpantur, & hoc*

Do.



*Dominico securi signo portum salutis petunt. S. verò Augustinus crucem non aliquam partem navis, sed ipsam navim existimat, tract: 2. in Ioan. Si videat quis patriam de longinquo, & mare interiaceat; videt quò eat, sed non habet quò eat. Vt ergo esset & quò iremus, venit idem, ad quem ire volebamus, & instituit lignum crucis, quo mare huius seculi transeamus. Alio loco. Nemo potest mare huius seculi transire, nisi Cruce Christi portatus. Unde & hortatur tom: 9. relinque mundum, confuge ad crucis lignum, ne metuas procellas & turbines huius diluvij, non mergeris si ligno portaberis. In electione duntaxat sæpenumero fallimur, pyraticum myoparonem pro fida & certa navi arripimus: Pyraticus myoparo crux latronis mali, licet instructa navis, licet aurea bucentaurus Venetiarum videatur. Crux quoq; dextri Latronis non satis navis fida; nam S. Ambrosius lib: 2. de pæn: asserit: *facilius inveni, qui innocentiam servaverit, quàm qui congruè penitentiam egerit.* Agrè admodum & periculose hanc rate vecti evadunt, non secus quàm naufragi tabulâ fractæ navis arreptâ. Quisquis tamen naufragaris, tabulam non sperne. Eripe te à submersione. Naufragium fugis? si vis non mergi, tabulam apprehende, ligno portare, Crux te perducatur; monet S. Aug: Crux inquam etiam Latronis boni complectenda. Multò alacrius ipsa Crux Christi utcunq; utilis, contemptusq; lembus mundo videatur. Hanc solâ navi ad bonæ spei promontorium felicissimè ac tutò enavigatur. Inspiciamus ipsam structuram corporis nostri, de hac censet S. Iustinus M. *Humana figura non aliâ re à belluis differt, quàm quòd recta sit, & manuum extensionem habeat, quòd non aliud demonstrat, quàm Crucis signum.* Si ergo ad Crucem fecit nos Deus, certè ad suam. Non vult in mala cruce opus suum*

pro-



profanari. Hinc & Iob. *Homo nascitur ad laborem, & a-  
vis ad volatum. c. 3.* Porro aves cum in sublimia eve-  
buntur, extensis alis imitantur Crucem. Ait Origen: hom:  
8. Labor noster in cælum est evolare, quò Crux bona  
subvehere tantum potest.

10. Inter latrones mori voluit, ut veram nostræ mor-  
tis imaginem nobis obijceret. Vt enim natus ærumno-  
fissimè, non ad voluptates, sed ad ærumnas nos à potiori  
nasci; ita latronibus in morte circumdatus, plurimos &  
maximè infestos latrones moribundis instare solere, suo  
exemplo admonebat. Cogita miserabilis anima, (ait Dro-  
go.) cruciatum, quem iam passura es in morte. Certè nulla  
crux est durior quàm mors. Mors inquam est durissima  
crux, quæ tibi paratur, ad quam quotidie tu festinas, &  
non attendis. Vide quomodo te Crux crucifigit, corpus ri-  
gescit, crura distenduntur manus, & brachia decidunt, pe-  
ctus anhelat, cervix langvescit, labia spumant, oculi stupe-  
scunt, facies exudat, vultus horrescit, & veluti testa palle-  
scit. Ista te manet Crux, nescio utrum in lectulo molli, an  
in cruce rigida suavius moriatur? nisi quòd crux citius do-  
lorem abscindit. Quæ videmus & sentimus levia sunt, ad  
ea, quæ intus anima iamprægustat. Nam sensus a corpore  
citò recedit, animam sua mors semper comitatur. Habet  
in morte cujusq; suam crucem corpus, habet anima su-  
am; interim quasi geminæ crucis asperitas non sufficeret,  
circumfilit insuper latronum atq; prædonum caterva.  
Putas eos hic intelligo, qui morientium opibus ac sub-  
stantiæ inhiant, ipsis iam prohibere vim non valentibus,  
cernentibus verò depopulationem laboris ac industriæ  
sux, ex ipsaq; illa spoliatione angorem atq; dolorem sibi  
accrescere sentientibus? parùm quid ad ærumnas morien-  
tium dicerem. Boni adhuc Latronis locò istiusmodi  
præ-



prædones censerî possent; qui rapiunt quidem, sed bona iam iam relinquendâ, adeoq; penè derelicta, & ipsi alijs relicturi. Diripiunt, quæ ultro abijcienda erant, iustoq; supplicio à prædonibus maiores animæ prædones, (opes inquam) flagellantur. Sigismundus Imper: (teste Æneâ Sylvio) allatis sibi ex Hungaria 40 millibus nummum aureorum, cum noctem duceret insomnem, cogitans quos in usus illam pecuniam expenderet, mox evocatis aula primoribus, en, inquit, latrones illos, qui me totâ nocte infestando, rem carissimam nempe quietem eripuerunt: Vos eos arripite, & inter vos dividite. Quanquam minor hæc iniuria foret, si modò somnum & non magis bonam voluntatem necessariamq; de salute vigilantiam eriperent. Non unus divitum est, qui velut mus dum conchylia marina arrodere tentat, ab iisdem interceptus in Symbolo Alciati fatetur *dum capio capior*: nempe dum opes occupare studet, ab iisdem occupatur: nec tam possidet ac habet: quàm à pecunijs possidetur & habetur. Amentia hæc utinam plerisq; cum valetudine integra cessaret, & non maximè finem vitæ infamaret! Fuit non nemo metello pretioso, quàm pretio redemptionis suæ addictior, qui oblatam sibi argenteam Crucifixi imaginem pro eo, quòd pijs osculis prosequi debuisset, in eiusq; pretiosa vulnera vilem animam conijcere; explorare maluit, eccujus notæ illud esset argentum? Alius, cum Sacri Viatici mentio fieret, locò Orbiculi Eucharistici, orbiculis aureis manu versatis se oblectabat; dignus, qui subinde pro S. Communione à bufone infernali aureum nummum ori suo ingestum glutiret, eoq; suffocaretur; ut refert Nadaſi. Alius hæredibus aurum suum invidens, cum avidus aureos prunis Damascenis oblectos vorat; ipse sibi carnifex gulam fregit, & spiritum intercepti.

Ho-



Horatius lib: 2. sat: 3. Opimum quendam tenacissimum  
ac avarissimum scribit lethargo iam fatali sopitum à Me-  
dico solerte hoc pacto excitatum.

*Mensam poni iubet atq;*

*Effundi saccos nummorum: accedere plures*

*Ad numerandum. Hominem sic erigit, addit & illud:*

*Ni tua custodis avidus iam hæc auferet heres.*

*Men vivo? ut vivas igitur vigila: hoc age. Quid vis?*

*Deficient inopem venæ te, ni cibus atq;*

*Ingens accedat stomacho futura ruenti*

*Tu cessas? agedum sume hoc ptisanarium orizæ.*

*Quanti emptæ? parvo. Quanti ergo? octo assibus? eheu*

*Quid refert, morbo an furtis pereamne rapinis?*

Sæpius verò evenit, ut opes malè adamatæ graviores a-  
nimæ lethargum inducant, spoliatamq; finali gratiâ, spo-  
lient demum beatitudine æternâ. Minus ergo damnum  
est moribundo, si prædones isti alijs prædonibus in spo-  
lium cedant; si eum temporalis substantiæ circumsonet  
latrocinium. Sunt alij, qui latera morientium addensant,  
maliq; latronis officium tantò periculosius implent, quan-  
tò ipsi peiores sunt adversus hominem. Inter hos latro-  
nes *væ terræ* iam in terram se resolventi, *quia descendit*  
*diabolus, habens iram magnam; sciens, quòd medicum tem-*  
*pus habet.* Apoc: 12. Dicitur de Christo tentato *diabo-*  
*lus recessit ab illo usq; ad tempus.* Luc: 4. annotat S. Aquina-  
nas, *ad tempus crucifixionis*, seu mortis. Tunc eò furiosi-  
ùs nec unus, sed toto agmine plerumq; instant, quò de-  
biliores homo est ad resistendum fractis iam viribus cor-  
poris, langventibus ex organorum corruptione potenti-  
js mentis, quòve præsentiore metu concutitur proximi di-  
stricti iudicii. Faciunt hosti animos reportata aliàs spo-  
lia, ut animam, quam toties deprædatus erat, in solidum

Mmm

sibi



fibi ceu debitum quoddam afferat. Infidiatur pyrata malignissimus ad celestina latus properanti navigio, ut in ipso portu creet naufragium. Senserunt istas iras ac infidias Sanctissimi quique viri, ut Martinus, Guthlacus, &c. gloriosèque vicerunt: senserunt ac sentiunt innumeri peccatores, & infelice occubuerunt. Plenæ vitæ SS. plenum speculum exemplorum utriusque fortis eventibus. Nec minus malos existimet quisquam latrones, quos vulgus alioqui amicos ac benevolos vocat. Ipsi quidem bonum Latronem simulant, cum penitentiam quandam seu dolorem & lacrymas super moribundo ostendant; sed illæ lacrymæ vix non crocodylinæ; præficas enim sonant; agunt sæpe harpyias: cum scilicet de vita ac sanitate corporis solliciti, animam destituunt. Talium vitio sit, ut medicus animæ Confessarius vel prorsus non advocetur vel tum demum advocetur, cum obtorpuerit moribundus aut obriguit. Curantur fomenta corporis: at Sacramenta salutis, Viaticum, Vinctioque Sacra negliguntur. Dumque per horum dilationem agunt, ne æger se moriturum intelligat; efficiunt, ut infelice moriatur. Multos in agone sua interior iactantia de virtutibus subvertit, fuitque illis, quod ait S. Chrysost. *Gloria seva bellua, horrendus demon pestis orbis terræ.* Aliquibus inolitæ vitiorum consuetudines interitum consciverunt, ut nominatim quandam conscientiam expiatam sanctæ morti bene præparatum, iamque morientem, infelix amasia, (cui antea malè assueverat) rursus in detestatum paulò antè cænum per consensum mentis retraxit, atque in barathrum orci precipitavit, cum fortè ad spondam lecti propius adstitisset. Num non latrocinantur sui cum importunis lacrymis, interrogationibus, obsecrationibus, & nescio, quibus molestiis quieti ac devotioni obturbant? impediunt certè



rationes animæ ad proximam calculationem ritè supputari, in eoq; momento, quo acerrimus & maximè dubius est cum dæmone conflictus, pene illius insidiatoris partes augent, *inimici hominis domestici ejus*. Tales insidias domesticumq; latrocinium devitando non pauci ijq; Principes sacra asceteria, templaq; ipsa pro asylo eligebant, in quibus immunes ac securi mortem obirent. Taceo Bellarminum Cardinalem, qui à negotijs Ecclesiæ ad negotium agendæ bene animæ biennio se ante mortem in tyrocinium Societatis IESV Romæ recepit: Theodosius Lusitanus annorum 19, virtutum innumerarum Princeps A. D. 1679 cum extrema iam patiens intellexisset Reginam Matrem regio comitatu accelerare; oculis per cubicularium ne in ulteriora adita tenderet, prohiberi iussit. *Edicito inquit, Matri amantissimæ, me summum ultimi pignus amoris deprecari, ut humanis curis solutum & celestibus ut par est intentum æquanimiter patiatur soli Deo ad cælum iam vocanti vacare.* Doctor Emmanuel Ludovicus Pace-Julienfis in ejus vita. Vt nominatorum latronum insidioso in morte satellitio careas, quid ages? à dextris quidem illis satis cavetur, si possessio terrena in cælum per manus pauperum præmittatur, iustisve heredibus in tempore disponatur. Sinistros visibiles, Theodosij Lusitani constantiâ potes compefcere: cum invisibilibus difficilius est certamen, facilitari nihilominus potest, si maturè tibi adiungas *conscientiæ bonæ, Sanctorumq; Calitum* præsidium. S. Hieron: in vita Malchi Monachi, cum Assa desertum Arabiæ transeundum est, quia prædonibus Sarracenis maximè scatet, non singulos aut paucos intrare, sed grandes hominum turmas associari scribit, ut immunes transeant. Tu pariter Divis Tutelaribus cinge tibi latus utrumque: & diabolus non



stabit à dextris tuis; nihil proficiet inimicus in te, & filius iniquitatis non apponet nocere tibi: nec appropinquabit flagellum tabernaculo tuo. Animadvertite, ut Christus contra latronum velut consortium, stipatricem sibi aliam societatem circumdedit? non quòd indigeret; sed ut similem nobis aggregandam doceret. Vide, quæ personæ Crucem circumstent? *MARIA & Ioannes Crucis Christi hinc illinc immobiliter adhæsere, ut quæ suspicio à societate malorum firmabatur, à Sanctorum societate aboleretur:* notavit Escobar. Ingeniosa animadversio, nec minùs utilis instructio contra latrones articulum mortis nostræ obfidentes *MARIÆ & Ioannis* advocandam Christi exemplo præsentiam. Haud negligenda Magdalena, quæ, ut semel in domo Simonis lacrymis rigare cepit pedes IESV, ita nunquam destitisse legitur, imò verò è Cruce pendulos prensasse, exanimesq; multis osculis svaviâsse perhibetur, iuxta oraculum Domini. *Non cessavit osculari pedes meos,* Luc: 7. Adsciscendus maxime comes ad agonem nostrum Christus. Lego plerosq; SS. Martyrum feris obiectos, præsertim S. Blandinam Virginem Lugduni crucifixam, & in ipsa cruce retibus implicitam ac tauro cornupetæ, à quo confoderetur expositam, *vide Martyrol: 3. Iunij.* Simili periculo nos conditio nostra mortis in Cruce & quidem ore ipsius feris exponit. Implorandus igitur *in medio duorum animalium* emoriens Dominus, *ne tradat bestiis animas confidentes sibi.*

II. Tot rationibus ostensum est conveniens fuisse Christo latronum & supplicium, & consortium, licet ab eorum reatu longius abfuerit quàm cælum à terra: verum pensatis omnibus fatendum est deniq; meritò adhuc prædonibus annumeratum in pæna, quoniam & ipse prædatoriam



toriam quandam exercuerit. Durus hic sermo: sed SS. Patribus non inusitatus. S. enim Maximus Taurin: hom; 43. ubi Christum ascendentem in celos aquilæ comparat, hæc etiam loquitur. *Aquila prædam frequenter diripit, tollit frequenter alienum: nec in hoc dissimilis est Salvator. Prædam enim quodammodo sustulit, cum hominem quem suscepit, inferni raptum faucibus portavit ad celum.* &c. S. Bernardus serm: 1. in vigil: nat: expressius. *Magnus Prædator Christus, qui priusquam sciat vocare Patrem & Matrem (iuxta Isai: 8.) Samariæ spolia diripit. Magnus Prædator Christus, qui ascendens in altum, captivam duxit captivitatem; nec tamen abstulit quidquam, sed magis ipse dedit dona hominibus.* Ingeniosissime Iuglaris elogio 63. quod pene totum hic exscribam, reconcinnatum tamen ad propositum nostrum, & quibusdam reflexionibus proprijs interpolatum. Proh quàm adhærent homines malis suis! Christus, qui venit illa minuere, nempe peccata & calamitates è medio tollere; prædo est creditus. Orta secum hæc de se suspicio. Artis suæ conscium primus Herodes extimuit, vel cum fascijs vinctum sciret; ab infantis manibus sceptro suo expavit & cavit. Quamquam bene securus esse poterat, qui undequaq; perditus, non habebat utiq; quo talem latronem alliceret. Omnia subinde Christum de repetundis accusârunt, quia ubicunq; fuerat, omnia rapuit. Rapuit cælo stellas, Orienti magos, gregibus pastores, Ægypto sua idola, quæ in ejus ingressu suis ab aris corruerunt. Congruum ergo illi Isaias c. 8. nutu ipsius Patris æterni nomen indidit prædatoris. *Et dixit Dominus ad me, voca nomen ejus. Accelera, spolia detrabe, festina prædari: quia antequam sciat puer vocare Patrem suum & Matrem suam auferetur fortitudo Damasci & spolia Samariæ.* Tempus & locum nativi-



tivitatis videtur erubuisse Evangelium, quia tacuit. Nec enim expressè nocte & in spelunca natum dixit. Certè nox latronum est: unde Pòeta. *Surgunt de nocte latrones.* Quà hora dormiebant homines, quasi per insidias eo egressus ex utero, ex quo mundus eum non poterat expectare. (Nam quis Virginem Matrem fore suspicaretur?) secus viam in specu latuit. Hunc verò locum nascenti Domino cum alijs PP. asserit Epiphanius Orat: de Deip. *Virgo in spelunca, citra laborem prægans, Dominum cali deposuit in præsepio.* At speluncam quis latronum nescit latibula? assentiente vel ipso *fecistis eam speluncam latronum*, Luc: 19. Decursu vitæ Erronum more vel ipsa semper hospes in patria, curatione corporum ad cordium rapinas abusus, quos etenim sanabat in corpore, (ut docent SS. PP.) sanabat etiam à peccatis in animo: ne sua quidem morti ac tumulis reliquit cadavera, toties mortuos suscitando. Quidni igitur latronum sine defineret, qui eorum initijs cæperat, latroni cuiq; in pæna præferri debuerat, qui non humana ut cæteri, sed homines rapiebat, imò ex hominibus quod præstantissimum, corda, sive dum Matris federet in gremio, sive Crucis penderet in tormento. Tam severo correctus supplicio, & rapinas luens in Cruce, adhuc ipsos prædatus est prædones, rapiendo secum bonum Latronem in Paradysum, neq; tot tantisq; plagis plagium dedit. Induxit noctem novis latrocinijs opportunam, in illaq; tumulos ipsos adortus, prædatricem mortem expilavit: Ut tanto prædandi seu artificio, seu ausui plausèrit mundus rupibus dissili-entibus totiusq; terræ subsultatione. Nemo vitio vertèrit, quòd Univerfitas approbat; imò, quòd extrema necessitas excusat, debuit prædari vix natus, quia pene nudus erat: debuit in vita, quia inops & absq; tecto: debuit mori-



moriens, quia usq; ad cutem, quin etiam ipsa cute ad car-  
 nes & carnibus passim ad ossa fuit spoliatus. Neq; mi-  
 rum tam spoliatum fuisse, qui in latrones vel in ipsa Cru-  
 ce incidisset. Quin, (quod aiunt) *naturam expellas fur-  
 ca tamen usq; recurret*: post patibulum Crucis à prædis  
 non cessavit. Expolians enim potestates & principatus  
 tenebrarum, traduxit confidenter vinctos de lacu sive  
 limbo. Dicerem ergo prædas agere debuit, postquam sua  
 omnia seu aliena malignitate amisisset: seu amoris prodi-  
 galitate dilapidasset; ut faciunt illi, qui *dum sua perdide-  
 runt, cum deest, aliena sequuntur*. At verò non rapinas a-  
 git cum rapit, sua duntaxat sibiq; omni titulo debita re-  
 petit: quæ cum sponte iniqui non reddant, nec iure a-  
 pud iniquum tribunal mundi possit vindicare: vim ad-  
 hibet, sed amabilem, sed sanctam ac salutarem. Quid-  
 quid sit, tetigit illum tamen Prophetica comminatio.  
*Vae, qui prædavis nonne & ipse prædaberis*. Isai: 33. In Be-  
 thleemico suo latibulo Prædo IESVS prædæ omnium  
 expositus iacuit; nam, quæ valla, quæ seræ, qui vectes il-  
 lum claudebant? patuit undiq; & ventis & iumentis, ut  
 tantò facilior esset accessus avidis hominum pectoribus,  
 Luc: 8. Hæmorrhoiisla (ut ait S. Chrysost: serm: 33) *ad-  
 mota fimbrijs manu, furata est sanitatem*. Nulli non uti-  
 le latrocinium, quod Fides imperavit, spes fecit. In Cru-  
 ce denique, quas egerit; passusq; sit rapinas, iam vidimus  
 tam iustâ quàm iniustâ talione. Figuram aliquam Domi-  
 ni nostri fuisse Iephthe crediderim, qui cum latronum  
 princeps esset; Iudex, Dux, & Salvator Israëlitis extitit.  
 Non dedecuit ergo Christum latronum consortium ob  
 sanctas quidem & laudabiles, prædas tamen exercitas.  
 Interq; prædones congruè prædo in suo genere colloca-  
 tus, ut sentire videtur S. Chrysost. *Propterea inter du-*



os latrones Cruci affixus, ut eadem de ipso ac de illis existimatio esset, ac impleteretur quod dictum est, & cum iniquis deputatus est. Sed tantò magis elucet veritas, longè enim pulchrius atq; dignius spectaculum apparet. Inter homines latrones Prædo Deus. Multa interim Tibi restant mi Prædo cælestis, in quibus peritiam solertiamq; tuam experiare: quamdiu mihi meipsum non rapis, non sat callidum nec satis validum te probas raptorem.

Pro fine solutionum seposui medium: hoc enim solvendum superest cur non tantum cum, sed inter quoq; latrones obierit & quidem bonum à dextris habens, à sinistris malum. Præter suprâ dicta. 1. Vide, ut peiorem cordi suo viciniorem habuit ad illam officinam amoris propius admovens: quod quidem illi in maiorem damnationem cessit, quia tam manifestæ benevolentix non cessisset. Atq; adeò benevoli quoq; Dei signa non minùs quàm irati sunt timenda: graviorem enim demum fulminant damnationem si contemnantur: prout contempsit malus latro, qui cor admoventem sibi Dominum, corde vicissim reddito non excepit. 2. Locus ad sinistram Antiquis honoratior erat, quàm ad dextram. Vnde teste Xenophonte Cyrus honoratiores convivas ad sinistram collocabat. Digniorem locum ratus, qui cordi vicinior. Veteres imagines diplomataq; Pontificia S. Petrum S. Paulo sinistrum exhibent Orientalium populorum exsententia, qui ut à dextra versùs sinistram, sive ab Occidente in Orientem, scribunt ita, & sinistram dextræ præferunt: Ejusdem opinionis sunt Turcæ, ex ea insuper ratione, quia gladius non dextrò, verùm sinistro lateri accingitur. Atq; iuxta hanc opinionem malo etiam latrone inferiorem Dominus locum voluit sortiri. 3. Sed demus interiorem quoq; locum ceu sinisteriorem, (ut vult

Men-



Mendocæ virid: erud: l. 8. dec: 4. c. 9.) dici, adeòq; digniorem haberi. Verùm quò dignior inter latrones locus, eò est indignior. Præterea qui medius inter duos est, aut dextro postponitur, (ut putant Occidentales populi) aut sinistro, ut Orientales: aut utrinq; velut ab apparitoribus comprehensus tenetur. Et sic implevit Dominus, quod Lucæ 14. svaserat. *Cum invitatus fueris, recumbe in novissimo loco.* Is locus *novissimum virorum* decebat. Quòd si medius cuipiam adhuc vel inter latrones honoratior extremis videtur; talis cur & quomodo Christo placuerit? piè argutatur Iuglaris. Assvetus, inquit, modestiæ genio in novissimo loco recumbere, ubi fellis nostri conviva factus est: legis iam propè immemor suæ, non expectavit, quòad sibi diceretur: *ascende superius.* In cælo sedens contentus est dexterâ Patris; inter miseros plùs aliquid ambiens, non secundas sed primas petit. Amat eminere, verùm inter infelices. Amate Deum mortales, qui non aliud vobis, quàm attributum infelicitatis inviderit. Nomina latronum istorum vetus quidam exhibet versiculus

Dismas & Gestas, medium Divina Potestas.

Verùm apage superstitio, ad quam prohi indignitas! pessimi quidam eo carmine abutuntur. *Gestas vel Gimæ* mali nomen fuisse putatur. *Dismas vel Dymas* boni. Sed Ecclesia in Martyrologio ad 25. Martij tacito nomine Sanctis illum accenset, atq; hoc consultò; nam nomen illud ex apocryphis innotuit teste Baronio in notis Martyrol: Qui ibidem S. Dymæ Latronis titulo quædam facella dicata commemorat. De Cruce & Latrone extat Homilia S. Chrysostomi & S. Ambrosij sermones duo, nempe 49. & 50. Eruditissimus Theophilus Raynaudus luculentum de eodem commentarium scripsit.

Non

Hic



Hic sufficiat encomium ex Drogone Cardinale serm: de  
 Sacr: Pass. O *Beatissimum Latronem!* imò non *Latronem*,  
 sed *Martyrem & Confessorem!* necessitatem enim vertit in  
 voluntatem, & penam commutavit in gloriam, & Crucem  
 in triumphum. In te *Beatissime Confessor, Martyr*, de to-  
 tius mundi sterilitate Fidei reliquias colligit Christus. Tu  
 fugientibus Discipulis, & negante Petro, socius & comes  
 Passionis fieri gavissus es. Tu Petrus in cruce fuisti, & Pe-  
 trus in domo Caipha Latro. Tamdiu hęc Petrus Latro  
 fuit, quamdiu intus latitans, Christum foris negavit. Et  
 ideo & Petrum in Paradysum precessisti; quia, qui te Cru-  
 ce complexus est Dux & Rector tuus, eadem die, quā ipse  
 ingressus est, fidelem & gloriosum militem secum te pariter  
 introduxit. &c. &c. Paulò superius in eo Adamum a-  
 dumbraverat, inferius fuisse laudes ejusdem prosequitur.  
*Summa dictorum.* Malignitas Iudaica, ut huic mortis  
 generi, sic & loco Dominum addixit: sed ejus propria  
 sui contemptus aviditas, ut addiceretur; disposuit. Inter  
 latrones obiit, ut doceret esse locum virtuti etiam inter  
 vitia. Ut se Mediatorem pro latronibus ostenderet. Ut  
 metuendam iudiciorum Dei abyssum, & ultimi à se in-  
 stituendi Tribunalis formam inculcaret. Ne sui servi pro  
 & cum latronibus in causa Dei censi dubitarent. Ut  
 Crucem Domini suis crucibus stipare certarent: Ut non  
 modò sanctam, verum maledictam etiam crucem esse di-  
 scerent; Ut moneremur, plurimos instare morientibus  
 latrones. Ut deniq; congruum merito esset supplicium;  
 nam & IESVS quodam licet salutifero ac laudabili mo-  
 do prædo erat. Mirabatur S. Bernardus Christum ali-  
 quando sine Patre esse potuisse. Nemo id præsumere co-  
 gitaret, nisi prior ipse dixisset: *Deus meus, Deus meus, ut*  
*quid dereliquisti me. Habemus ex Patre nascentem, in Pa-*  
*tre*



*tre cubantem, cum Patre sedentem, sub Patre pendentem, sine Patre quodammodo morientem. Miror ego magis sine Patre aliquando esse potuisse, sine latronibus minimè.*

XCII.

### *Quâ horâ crucifixus?*

**O**Ritur quæstio ex anthilogia sive dissensione Evangelistarum. S. enim Marcus c. 15. v. 26. ait. *Erat autem hora tertia, & crucifixerunt eum.* S. verò Ioannes horâ adhuc sexta Pilatum sedentem pro Tribunali, & eum Iudæis super nece Domini disceptantem recenset. (*Erat autē Parasceve Paschæ hora quasi sexta, c. 19. v. 14*) & subinde traditum crucifixoribus, Cruce gravatum, eiq; suffixum. Quî fieri potuit, ut prius crucifigeretur; & tribus tandem horis elapsis cum mortuum esse oporteret, in eum iudicium adhuc fieret? Fædam quidem rerum omnium perturbationem eo die fuisse nemo dubitat, sexta nihilominus hora tertiam præcedere, aut tertia diei eiusdem sextam subsequi usq; adeò non potuit, ut Philosphis ea successivi necessariò temporis perversio implicet contradictionem. Tam iniquo, tam irrationabili iudicio Christus damnatus est, ut absq; ullo iudicio damnatus occisusq; dici possit; præcedere tamen sententiæ suam executionem & supplicium iudicio, alterum *istheron protheron*, ordo quidam perversus videtur. At videtur tantum; in re non est. Anthilogias putantur loqui Sacri Historici; non loquuntur: quorum, ut in ore diversa formabat idiomata unus idemq; Spiritus; ita ex calamo promit verba diversa, sensum eundem. Verborum diversitatem varij variè conciliant.

i. Sicut, aiunt, errore librariorum provenisse, ita mendii sublacione tollendam; quidam, apud Theophylactum

Nnn2

ex



ex Marco corrigendum Ioannem censent; & locò *quasi sextâ* restituendum *quasi tertiâ*. Verùm obstant omnes codices Græci, Latini, Syri, qui omnes *sextam* habent. Nominatim Arabs *¶ erant hora sex*, scilicet ab ortu solis. S. Hieronymus ex adverso ex Ioanne vult Marcum corrigi, ut in eo legatur *erat hora quasi sexta*. Errorem autem contigisse affinitate notarum ternarij & senarij, quarum una pro altera irrepserit. Verùm omnia pariter exemplaria adversantur suâ hoc in puncto uniformitate. Error autem non est, ubi constans uniformitas.

2. S. Aug: tract: 117. & in Ps: 63. & lib: 3. de consens: Evang: ex aliena magis, quàm sua sententia respondet fuisse horam tertiam, quando Pilatus D. IESVM damnavit ad Crucem; sed hanc à Ioanne vocari sextam factò computu non ab ortu solis, (quod initium diei artificialis Hebræis erat,) sed ab eo tempore, quo cæpit IESVS præparari ad mortem, (Parasceve enim significat præparationem,) quod utiq; fuit hora nona præcedentis noctis, quando à Caipha proclamatus est reus mortis. Nam ab hac hora noctis nona usq; ad horam tertiam diei sex intercedunt horæ, quâ Christus, qui est verè Pascha, id est, Agnus Paschalis in Cruce immolatus est. Ita ferè prolixior S. Doctoris discursus contrahit Corn: à Lap. Verba autem Augustini, quæ maximè ad rem. *Ab illa, inquit, ergo hora noctis usq; ad ejus crucifixionem occurrit hora Parasceves sexta secundum Ioannem; ¶ tertia secundum Marcum.* Et infrà. *Non absurdè conijcitur tempore eo, quando reum mortis pronuntiârunt, horam noctis esse potuisses, ex qua hora, quâ sedit Pilatus pro Tribunali, quasi hora sexta fuit non diei, sed Parasceves, id est præparationis, immolationis Domini, quòd verum Pascha est: ut plenâ sexta ejusdem Parasceves, quæ plena diei*  
*ter-*



tertia ejusdem occurrebat, Dominus suspenderetur in ligno. Superius dixerat. Die quidem illo, quem dies Sabbati sequebatur, Parasceve fuit Pascha Iudeorum, quod ab eo tempore iam inciperent azyma, sed tamen verum Pascha, quod iam in Passione Domini gerebatur non Iudeorum, sed Christianorum caput preparari, id est Parasceven habere ab hora noctis nona, &c. Quasi diceret. Novum Pascha Dominus in sua Passione instituebat, & priscum antiquabat; iuxta igitur hujus Paschatis novi cursum dies ejus quoque, metienda est. Iudeorum Pascha erat Sabbato; novum immolabatur in cruce feria sexta: ergo & Parasceve festi Iudaici incipiebat feriâ sextâ: Novi autem nostri Paschatis feriâ sta sive nocte præcedente feriam sextam. Hanc solutionem Cornelius dicit violentam, & pro tali à S. Augustino agnosci. Insolito enim & purè mystico modo diem ordinat. Certè dies aut naturalis est, aut artificialis. Naturalis à media nocte incipit, & mediâ sequenti definit. Artificialis variis varijs. Romanis veteribus, Germanis, alijsque Europæis idem qui naturalis. Italis ab Occasu ad Occasum. Egyptijs & Astronomis à Meridie. Chaldeis, Persis, Græcis hodiernis ab Ortu solis. Iudæi in 12. horas diem tribuebant, utique inæquales. Nam prima diei erat cum illucesceret, duodecima seu ultima cum sol occumberet: quos imitati sunt Romani posteriores, quibus dies etiam hyberna 12. horis constabat, equidem multò brevioribus quàm æstivæ iisdem fuissent. Vt docet Pexenfelder in appar: Erud: c. 67. Nullus enumeratorum dierum respondet computui allato: mysticus autem dies arbitrariè conditur.

3. Euthymius horâ iam tertia crucifixum Dominum dici à S. Marco putat, quia postulârunt Iudæi horâ illa Christum ad Crucem clamantes. *Crucifige, crucifige eum.*

Sed



Sed aliud est postulare ad Crucem, aliud crucifigere. Complecti proinde S. Augustinus rationem scribendo in illud Psal. 63. *Exacuerunt tanquam gladium lingvas suas.* Crucifixum scilicet Christum horâ tertia lingvis Iudæorum, antequam crucifigeretur sextâ clavis manibusque militum Romanorum. Incipiente horâ 3tia dicitur Pilatus iam sedisse pro Tribunali, & reuera quando ligatus est Dominus in ligno, hora 6ta erat: sed alius Evangelista intuens animam Iudæorum, quia volebant se immunes videri à morte Domini, narrando eos, ostendit reos; dicens Dominum horâ 3tia crucifixum. Considerantes autem omnem circumstantiam lectionis quanta agnoverunt, cum apud Pilatum Dominus accusaretur, ut crucifigeretur; invenimus horam 3tiam esse potuisse, quando illi clamaverunt crucifige. Ergo verius tunc illi occiderunt, quando clamaverunt. Apparitores potestatis horâ 6ta crucifixerunt; prævaricatores legis horâ 3tia clamaverunt, Quod illi manibus horâ 6ta, hoc illi lingvis horâ 3tia. Rei magis isti, qui clamando sæviebant, quam illi, qui obtemperando ministrabant. Idem S. Doctor l. 3. de cons. Evang: c. 13. citatus à Ioan: dela Haye Servio in Triumpho veritatis. Quod Iudæi maxime videri fecisse volebant, hoc eos Marcus horâ fecisse tertia ostendit. Verissime iudicans magis fuisse necatricem Domini linguam Iudæorum quam militum manus. Quisquis autem dixerit non fuisse horam tertiam, cum hoc Iudæi primitus clamaverunt, insanissime se ostendit inimicum Evangelij. Post multa hanc in rem disputata infert, iam itaq; corruat impia pertinacia, & credat Dominum IESVM Christum, & tertiâ hora crucifixum lingvâ Iudæorum, & sextâ manibus militum. Adverte S. Doctorem duo dicere, & horâ 3tia Iudæos parricidalibus lingvis in Christum irruisse; & eos

ma-

magis  
adeo i  
tet, qu  
nacion  
cund  
textu  
ra ter  
su pr  
runt  
Resp  
dei c  
Princ  
nistro  
ment  
aver  
tem  
cruci  
clam  
para  
cifix  
lum  
co.  
volu  
litibr  
pert  
xisse  
nisse  
Exc  
vi cu  
auter  
Hoc  
maxi



magis crucifixo- res æstimandos quàm milites. Primum adeò illi persuasum est, ut contrarium asserere idem putet, quòd insanè Evangelio contradicere; impiamq; pertinaciam, (ut retuli,) & alio loco, impietatis duritiam. Secundum pluribus locis inculcat, quàm maximà energia textum D. Marci c. 15. v. 25. pensando. *Erat autem hora tertia, & crucifixerunt eum.* Iam dixerat Evang: versu præcedenti immediatè. *Et crucifigentes eum, diviserunt vestimenta ejus.* &c. &c. Quorsum ista repetitio? Respondet S. Aug: *ut quisq; ibi recordetur, quâ hora Iudei crucifixerunt Dominum, qui volebant in Romanos vel Principes, vel milites transferre facinus. Vbi factum ministrorum militum commemoratum est, diviserunt vestimenta ejus, &c.* Ne quisquam cogitationem tanti criminis aversus à Iudeis in milites converteret; subdit. *Erat autem hora 3tia, & crucifixerunt eum; ut eum illi potius crucifixisse inveniantur, quos hora 3tia, ut crucifigeretur, clamare diligens inquisitor inveniet.* Quasi diceret, in comparatione crudelitatis Iudaicæ, milites, qui manus crucifixioni commodârunt, tantum præstiterunt, quasi solum vestes diripuissent ac discerpissent. Alio verò loco. *Erat autem hora tertia. Ut quid adiunxit? nisi quia voluit aliquid recapitulando significare, &c.* Sciebat à militibus suspensum Dominum non à Iudeis, sicut Ioannes apertissimè dicit, occultè ostendere voluit eos magis crucifixisse qui clamaverunt, ut crucifigeretur: quàm eos, qui ministerium Principi suo secundum suum officium præbuerunt. Excusat videlicet Romanos satellites ipsa sua professio vi cuius executioni vires adhibere tenebantur, criminis autem cognitionem bene poterant iudicio relinquere. Hoc si errasset, culpa ad executores minimè pertinebat, maximè si bona cæteroqui fide procederent, nec aliqua

pro-



propriâ feritate plûs iusto in Ianienam provelierentur.  
 Accedit, quòd illorum crimen extenuet singularis dæ-  
 monis assistentia (existimant enim quidam, tortores Chri-  
 sti à dæmone protunc fuisse obsessos) energumenorum e-  
 nim gravissimi alioqui furores, quia voluntarij non sunt,  
 sed à malo hospite profecti; minimè criminari ducuntur.  
 Iudæi verò instigatores nequaquam istis excusationibus  
 defendi possunt, qui deliberatâ malitia optimæ sibi co-  
 gnitæ innocentiz eadem cruentam; speciali caractere  
 Gens Sancta, eorumq; Sanctissimi (si obligatio spectetur)  
 Pontifices obstinatissimè procurârunt. Licet verò & i-  
 psi quodammodo à malo dæmone possessi fuerint, hæc  
 quoq; pro illis defensio minimè militat, quoniam sponte  
 se inferre possessori permiserunt. *Marcus igitur horam  
 recolit, eamq; maximè ad condemnationem Iudæorum in  
 Domini crucifixione commemorare voluit, quâ intelligun-  
 tur clamare potuisse ut crucifigeretur: ut ipsos potius cruci-  
 fixisse acciperemus, quàm eos, quorum manibus suspensus  
 est, ait S. August. & dat instantiam ab illo Centurione E-  
 vangelico, qui cum Seniores Iudæorum intercessores ad  
 Christum misisset, Luc: 7. v. 2: ipse tamen accessisse di-  
 citur. Matth: 8. v. 5. Nam ad Christum magis accesserat:  
 cuius fidem ita laudavit, quàm illi ipsi per quos sua verba  
 misit, lib: 3. contra Faust. Et mulier, quæ sangvinis flu-  
 xum patiebatur, quamvis simbriam vestimenti ejus tenuerit,  
 magis tamen tetigit Dominum, quàm illæ turba, à  
 quibus premebatur. Ut enim hæc quò magis credidit, eò  
 magis tetigit Dominum, ita & Centurio, quò magis cre-  
 didit, eò magis accessit. Idem in lect: Breviarij fer: 5.  
 post Ciner. E converso, quantò maiore & deliberatiore  
 furore Christum in Crucem optârunt adhibitis omnibus  
 machinis, puta, clamoribus; Barabbæ electione præ Chri-  
 sto*



sto, comminationibus Cæsareæ inimicitia in Pilatum vibratis: tantò magis Christum in Crucem aptarunt, quàm Romani lictores; licèt hi physicè; illi tantùm moraliter concurrerint. Quid quòd necis Dominicæ causa fuère crucifixo- res instrumentalis tantùm; Iudæi causa principalis efficiens: quod illis exprobrat S. Petrus 2. Acti: v. 23. *traditum affigentes per manus iniquorum interemistis*, hoc est, manibus gentilium usi estis in affigendo, effectus tamen & culpa interemptionis vestra est. *Nam, qui agit per alium, per se agere videtur*; Icti. O ingens malum lingua! cujus instigatio atq; instantia pro ipso actu crucifixionis à Spiritu S. reputatur. Addamus cum Riberz, ut adæquemus rationem; horâ 3tiâ clamantibus instanter Iudæis *crucifige*, Pilatum assensum esse, unde iussit eum flagellari, quasi parans ad Crucem (occidendi enim, prius flagellari solebant) sperans interim instigatores emollitos atrocitate flagellationis, ab expetenda crucifixione destituros. Sed cùm nihil apud obstinatos proficeret: iudex quidem manus abluit coram populo, mundum se à sanguine iusti protestatus: at instigatores sanguinem ejus super se, filiosq; susceperunt; quâ importunitate ac resolutione videntur Pilatum permovisse, ut sub finem horæ 3tiæ, incipiente verò 6tâ Christum iuridicè pro Tribunali sedens ad Crucem condemnaret sententiâ iudiciariâ & irrevocabili, quæ absq; mora executioni est mandata, urgente maximè Iudæos Paschate quod instabat. Marcus ergo originem & initium crucifixionis per horam 3tiam indicavit; Ioannes verò per horam 6tam executionem ejus & complementum. Confirmantur dicta auctoritate S. Clementis Romani l. 5. Constit: Ap: *ligno Crucis horâ quidem 6tâ affixerunt: horâ verò 3tiâ sententiam contra eum pronunciatam acceperunt*.

Ooo

4. Com-



4. Communiùs adhuc nodum hunc solvunt interpretes ut Iansenius, Maldonatus, DelaHaye Servius, Burchesius, Cornel: à Lapide, &c. Cum illis Suarez, Sallianus, Lyræus, Wittfelt, explicatâ diversâ ratione horarum Hebraicarum ab horis consvetis. Quemadmodum enim nox in 4. Vigiliis, imam, 2dam, 3tiam, 4tam dividebatur; ut innuitur Luc: 12. & Marci 14. ita dies apud Hebræos dividebatur pariter in stationes 4. (ut eas vocat DelaHaye) seu horas præcipuas pro sacrorum consuetudine; & usus Ecclesiasticus easdem etiamnum retinet. Porro tam noctis, quàm diei quatuor partes æquales, singulæ ternis horis consvetis constabant. Diurnæ horæ ut sunt, ita olim erant ima, 3tia, 6ta, 9na. Hæc distinctio apparet in parabola de operarijs Matth: 20, & maximè in historia Passionis. ima diei à luce prima continebat trihorium, quo expleto incipiebat tertia duratura trihorio ad meridiem: 6ta tribus horis post meridiem, & nona totidem usq; ad vesperam, & sic horæ 12 ordinariæ diei Hebraicæ decurrebant per stationes. Hæc divisione horarum Passionis Dominicæ, distinguit horas orationis canonicæ S. Clem: Rom: lib: 8. c. 40. *Tertiâ orate, quod ea horâ Pilatus iudicium adversus Dominum pronunciavit: 6tâ, quod eâ hora Dominus in Crucem affectus est: 9nâ, quod tunc omnia mota & tremefacta sunt.* Simili utitur temporis partitione S. Ignatius M. ep: 3. ad Trallianos. *Parasceves horâ 3tiâ accepit sententiam à Pilato permittente Patre: 6tâ verò crucifixus est; 9nâ autem emisit Spiritum.* Ergo, (ut iam aliquid puncto superiore attigi cum Ribera & Cornelio.) S. Marcus cum dicit Christum crucifixum horâ 3tiâ, tertiam expletam intelligit: quo sensu intelligendus & S. Thelesphorus Papa in sua epla. *Missarum celebrationes ante horam diei 3tiam*  
mi-



*minimè sunt celebrande, quia & eadem hora crucifixus est Dominus: S. verò Ioannes cum dicit, erat hora quasi 6ta, 6tam inchoatam loquitur. Non frustra enim addit particulam quasi, quæ hoc loco idem sonat quod circiter sextam, sive initio 6tæ, quod est, cum definit 3tia: ut è contrà finis 3tiæ est, cum incipit 6ta. Iam si in nostro horologio hora crucifixionis vestigetur, duodecima probabiliter exit: hæc enim 6tæ Hebræorum respondet, ut computant Bourg: & Wittfelt. Quorum prior ex V. Beda istius horæ explicat mysterium. Sextâ die homo est conditus, qui & 6tâ horâ de ligno comedit, quâ igitur horâ Dominus hominem condidit, eadem & lapsum reparavit: 6tâ die & 6tâ horâ Cruci affixus: rationis enim imò pietatis ordo poscebat, ut quâ horâ primus Adam mortem intexerat, eadem horâ 2dus Adam moriendo destrueret. Rectè proinde meridiano pulsu crucifixionis Dominicæ & mortis, (quæ subinde 6tam inter æc gnâ Hebræorum, nostram verò tertiam pomeridianam subsecuta est) admonemur, ut vel brevi oratione gratias referamus. Meridie crucifigi & mori voluit Dominus; nocte obscurâ nasci, ad humilitatis institutionem & exuberantem redemptionem: ut, qui servi formam susceperat Bethlemq; nativitati Ierusalem prælegit Passioni, ad huius obscuritatem, huius augendam celebritatem.*

Quid verò est, quòd SS. Evang: licèt idem in re dicant, diversis tamen horarum vocabulis utuntur, alius 3tiæ, alius 6tæ? Respondet univèrsaliter S. Chrysosthomus præf: in Matth: citatus apud Paris in Marg: Evang. Hæc ipsa disparitas maximum est testimonium veritatis; si enim ex toto & in omnibus consonarent, & cum nimia diligentia, atq; cura usq; ad tempora & loca omnia concurrerent, nemo inimicus credidisset unquam, quin il-



li communi ad decipiendum consilio congregati, quasi exhumana quâdam conspiratione Evangelium condidissent: non enim simplicitatis tam sollicitam consonantiam iudicarent. Nunc verò quæ videtur in rebus perexiguâ dissonantia, ab omni illos suspitione defendit, & satis clarè scribentium auctoritatem tuetur. In particulari verò loquendo, crediderim SS. Scriptores consultò in hora variâsse, ut dum alioqui certam in dubium revocant, aliam & aliam assignando: disceremus non unam aliquam, sed multas; imò omnes esse horas, quibus crucifigitur IESVS, quia nulla est, quâ non in eum peccetur. Una ergo tanti criminis in Deum non accusatur, cuius omnis rea convincitur. Quid si variatur in horæ præteritæ mortis Domini, ut nostræ mortis futuræ horam longè incertissimam intelligamus, & hoc intelligendo, omnem horam suspectam habeamus. Quid si & hæc sacrorum historicorum varietate omnium molestiarum pro nobis toleratorum voluit IESVS videri oblitus? quasi enim nunquam passus est, dum ab alio hæc, ab alio aliâ horâ fixus in Cruce memoratur. Ad eandem quæstionem spectat uberius omne tempus crucifixionis pernoscere, ut non hora modò verumetiam ejus continens remotius quoq; sciatur. Quamvis verò in primis partibus tetrachordij nonnihil attigimus, tamen hic adhuc quod dicatur non deest. Suppeditarunt dicenda Corn: à Lap: in Exod: 12, Caussin in Ephemeride, Wittfelt in Theol: Catech: Szentywani in Curiosis Miscell: quorum hic summulam facio, 1. Crucifixus Dominus Anno ætatis suæ 34 inchoato, iuxta meliorem calculum: qui 33 ponunt de completis annis intelligendi: qui numerum annorum vel augent, vel minuunt; nec audiendi. 2. A condito mundo iuxta Aram Martyrol: Romani 5223. 3. Tyberij



berij Cæsaris non 1870 ut volunt Euseb: & Epiph: sed 1900. 4. Mense Nisan quo ex lege Pascha celebrandum erat. Respondet *Nisan* Martio nostro vel partim Martio, partim Aprili. Nunquam esse potest totus intra Martium, extra Martium totus esse potest: & totus esse potest intra Aprilem: Communiùs ex utroq; mense participat. Primus hic mensis apud Hebræos Anni Sacri; sed civilis aut vulgaris sextus: Nam annum civilem *Thisri* nostro Septembri respondens inchoat. *Nisan* Chaldaicum est vocabulum; Hebræi enim menses ordinali numero indigitant. 1mus, 2dus, &c. Græcis dicitur *Xanticus*, Ægyptijs *Pharmutij*, id est mensis Pharaonis; nos mensē Pharaonis Ægyptij priùs, figurati sive infernalis deinceps à Christo profligati bene interpretari possumus. Latinorum *Martius*, (qui *Nisan* Hebraico communiùs respondet saltem quò ad tempus illud, quo defactò Christus passus est,) ita denominatus per Romulum filium Martis, qui eum Parenti suo ejusq; honori dicavit, cū sub ejus tutela ipso mense Romam condidisset. Roma igitur tunc annum inchoabat, cū ipsa erat inchoata, quòad *Numa* proximus à *Romulo* animadvertens annum 10 mensibus non compleri, Ianuarium in honorem Iani Latinorum Prothogenitoris, & Februarium placandis manibus adderet, teste Ovidio.

*At Numa nec Ianum, nec avitas præterit umbras*

*Mensibus antiquis præposuitq; duos.*

Ante Romulum huic mensi præsidebat eadem, quæ ingenijs *Minerva*, in cuius honorem durarunt Romæ quinquatrualia. Quo tempore, ut nefas digladiari; ita Præceptoribus *Minervalia* solenne fuit persolvere. Eundem ergo mensē & Marti bellipotentī & doctæ *Minervæ* sacrum adeòq; bis profanum, *Deus Exercituum*, *Æterna*

*idem*



*idem Sapientia* expiandum suscepit, cum se omni con-  
 naturali potentiâ omnibusq; corporis viribus usq; ad  
 mortem exinanisset, & ad illudendâ fatuitatis opinio-  
 nem abiecisset, vincens fortitudinem fortium suâ infir-  
 mitate, & confundens sapientiam sapientum mundi,  
 Crucis suæ stultitiâ. Occupat ergo Martium victrix Chri-  
 sti infirmitas & sapientissima fatuitas: sub cuius utriusq;  
 arbitrio mutuis decertare odijs planè insanum est. Com-  
 pescit suos certè veriùs, quàm feros nepotes Anchiseo  
 ex Elysiò Aeneid: l. 6.

*Ne pueri ne tanta animis affvescite bella*

*Nec patria validas in viscera vertice vires*

*Tuq; prior, Tu parce genus qui ducis Olympo*

*Proijce tela manu sangvis meus.*

De Minervali potiùs seu didactro Præceptorì Christo,  
 vel ex condonatis iniurijs persolvendo cogitandum est,  
 licèt nullum pro merito exhiberi possit. Si enim Plato  
 negat Dijs, Parentibus, Præceptoribus, dignum quidpi-  
 am referri posse: quid referemus ei, qui omnia ista unus  
 est? Hoc olim mense Roma ignem in Ara Vestæ; ari-  
 das laureas in fascibus consulum renovabat; Ancilia ve-  
 rò Salij per urbem circumferebant: Hoc & ad abolendos  
 profanos ritus, qui missurus ignem in terram venerat,  
 extremo suo in Cruce halitu in cordibus eum nostris ve-  
 hementer inflammat: laureas è suis spinis innovat, to-  
 tumq; se in clypeum impenetrabilem generi dat huma-  
 no. Quid Iones? qui Apollinem sospitatorem sub hunc  
 mensem colebant; Romani, qui Cereri Liberoq; festivis  
 honoribus; Saluti, item Paci, Concordiæ: & Matri Deo-  
 rum ludis Megalensibus litabant. Quid, nisi iam tum so-  
 spitatorem infirmitatis nostræ Christum, qui se totum in  
 pharmaca immortalitatis destillaret; qui pridie mortis  
 car-



carnem in pane apponeret, sanguinem propinaret in vino, qui salus & pax nostra fieret, qui faceret utraq; unum, ejusq; dolentem Genitricem somniabant? quæ nobis demum hic mensis in vera luce revelavit. Non imputet Græcia Martio diluvium Ogygium, quo vastata fuit; novum dedit Martius è sanguine IESV diluvium, quo mundus totus instauratus, ac in novum orbem novæ vitæ novæq; legis traiecit. Sed quorsum profanæ fabulæ? sanctiorem consulamus cortinam. Numquid non Martio mundus maior atq; minor conditus? Martio & Nôë terram ex diluvio emergentem primùm videt, licèt 36 dies expectandum erat, donec voce Dei ex arca evocaretur. Martio Abraham Isaacum aræ imposuit: Martio plagis cum sua Ægypto castigatus absorptusq; undis Pharaonis; Martio expoliata Ægypto egressus Israël: Martio, biennio post egressum, tabernaculum Domino crexit. Martio aquæ in Mara dulcificatæ miraculo. Martio populus Dei extinctum ductorem suum luxit Moysen, transgressusq; Iordanem, intravit terram promissionis. Martio Evilmerodach Nabuchodonosoris filius captivum in Babylone sua Ioachimum Iudæorum Regem, quem in vinculis habebat, generosâ humanitate liberavit, & secum honorificè habuit. Martio Esdras & Nehemias post captivitatem Babylonicam Templum & urbem Ierosolymorum instaurârunt. Martio per preces industriamq; Mardochei & Esther funesta in Hebræos sententia ab Assvero revocata, ita, ut mutato decreto ipsis diebus, quibus universalis cædes per imperium Persicum in Iudæos deservitura erat, ab Hebræis 79000 barbarorum interficerentur; quâ ex origine prodiit festum Phurim sive sortium. *Esth: 9.* Martio Iudas Machabæus Dei ope celeberrimam de Nicanore duce copiarum Antiochi retulit vi-

cto-



etoriam, 2. *Machab: 13.* Præluferunt videlicet varix figuræ Passioni Christi per ordinem ad diversos respectus considerata, (ut ingeniosus Lector combinare poterit,) eodem mensē aliquando futuræ. Nec omittendi ex profana historia memorabiles eventus in eundem mensem incidentes, quos itidem aliquis ad exornandum Dei patientis mysterium non inconcinne poterit adhibere. Eodem mensē Themistocles Xerxem navali prælio devicit. Phocion optimus Atheniensium & technis curialibus illibatus, iniquo iudicio à suis popularibus, qui Cassandro Regi favebant, oppressus, cicutam bibit. Iulius Cæsar Fundator imperij & plurimarum palmarum Heros, die, qui Magistratui ineundo fuit sollemnis, in curia à Bruto & Cassio beneficiorum suorum ingratis, alijsq; infensis 23. vulneribus confossus. Ob quod ipse dies vocatus *paricidium*; & hoc nomine in fastos relatus. Cicero Patriæ & Eloquentiæ Parens, Marci Antonij Barbarâ crudelitate à cliente suo Popilio trucidatus. Attila flagellum Dei inter nuptias sanguine è naribus fluente perisit. Ovidius tristium elegiarum scriptor mortuus; ipseq; Tiberius Imper: sub quo Christus prius occubuerat annis circiter sex. sto. Ipso æquinoctio verno, quod tempus lætissimum, ita, ut tunc ad 25 Martij Hilaria & deinceps celebrarint Romani propter auctam lucem & æquationem dierum cum noctibus, per fæminas veneri sacra faciendū: In huius temporis laudes excurrit S. Ambr: de Pasch: mys: c. 2. *Est Pascha in Vere, anni principium, primi mensis exordium, novella germinum reparatio ac tetra hyemis nocte discussa primi Veris restituta iucunditas. Hoc tempore visibilibus & invisibilibus Conditor Deus defixa humi cæli machinam suspendens diem solis ardore radiavit.* &c. Hoc tempore fiunt transplantationes arborum ob-

serva-



servato situ eodem, quem versis aliquam certam partem  
 cæli tenebant. Quo ipso monemur, ut in Calvariam  
 Christi nos transplantemus devotione & mortificatione,  
 verum situ pristino vitioso abnegato. Sub idem tempus  
 rami superflui præciduntur, ut stolones pravarum con-  
 suetudinum præcidamus: ramusculi seliguntur & inocu-  
 lantur; ut ex naturali oleastro (*ad Rom: 11*) excisi inse-  
 ramur vel contra naturam, vim scilicet naturæ faciendo,  
 in bonam olivam Crucis, socij radicis & pingvedinis ejus  
 futuri. Rosæ quoq; transplantantur, & uberius florent:  
 ut rosas Vulnerum Domini in hortulum cordis nostri  
 transferamus. Quin etiam Palæstina hoc eodem tempo-  
 re messes primas colligit; ut nobis, qui sementem cruo-  
 ris Dominici suscepimus; sterilitatem animæ & bonæ fru-  
 gis inopiam damnationi fore sciamus. Senes hoc maxi-  
 mē mense mori dicuntur, eò igitur ipsa senectus, ipsa  
 mors peccati obire debuit. 6to. Mense æquinoctioq; hu-  
 ic è Zodiaco affulget *aries*. Sub hoc nasci Pontanus lib:  
 5. rerum cælest: c. 4. asserit. *Insignes, imperiosos, ma-  
 gnanimos, consilio & sermone audaces, &c.* Non aries, sed  
 Agnus Dei IESVS, universalis Horoscopus Christiani-  
 tatis est; quo, (si nati non sint) renascantur oportet, in-  
 signes virtute, imperantes passionibus, magnanimi in ad-  
 versis, consilio & sermone audaces, sed audacia sanctâ &  
 cum timore Dei coniuncta. Observa pulchrè cælorum  
 terrarumq; phænomena congruere *Arietem & Agnum*.  
 Aries eminet illinc in Zodiaco, ut Ovid: canit.

Impositamq; sibi, qui non bene pertulit Hellen

Tempora nocturnis æqua diurna facit:

Hic Agnus sine macula iustitiam æqualitatem inter pec-  
 catores & Deum, ceu inter diem ac noctem suo sangvi-  
 ne inducit. 7mo. De die mensis multifariam sentiunt

Ppp

Scri-



Scriptores. Certum quidem est decimam quintam lunam fuisse mensis Nisan, qui fuit dies primus & sollemnis azy-morum, non decimam sextam, ut quidam voluerunt nullo fundamento, quos fusc refutant Suarez & Tanner. Quæ autem fuerit determinatè dies nostratis mensis solaris? incertum est. Alij volunt fuisse 3 vel 16 Aprilis, & iuxta hos Passio Domini iam non in Martium, (cujus memoranda innui;) incidisset. Si verò horum sententiæ standum esset, Aprilis etiam mysterio esset non incongruus. Aprilis dicitur ab aperienda tellure, ab apparentibus primis floribus, & ex græco quasi Aphrilis, quod significat spumam maris, ex qua natam venerem Pœtæ fabulantur, in cujus tutela & mensis hic erat Romanæ devotione, ut Ovidius testatur.

Martis erat primus mensis venerisq; secundus:

Hæc genius princeps, illius ille Pater. Bene & Aprili mense florum, Nazarenus flos expalluit ut lilium; erubuit ut rosa; vepribus inhorruit ut uterque: bene se terra aperuit non tantum naturali tepore, sed etiam prodigioso tremore, cum & petræ rimas facerent; ut scilicet exciperet sanguinem, Abelis sanguine longè clementiorem, qui scilicet non vindictam, sed indulgentiam suis effusoribus postularet: Terra verò, ut susceptâ Divini cruoris semente non in spinas & tribulos maledictionis; verum in flores fidei ac virtutum fide dignarum pullularet. Hæc tempora eminens prospiciens sponsus canebat, *flores apparuerunt in terra nostra*, Cant. 2. Potuit Dominus Moderatorq; temporum misereri formosissimi mensis, quod scilicet turpissimæ dex præsidio infamaretur, spumâq; illâ marina fæde conspurcetur, eum proinde sanguinis sui latice eluendum suscipere, Alij Martium licet petinent; sed in die differunt. Sunt qui



qui 21, sunt qui 22, imò 23 & 26 assignent, (vide Augustin: 1. 4 de Trin: c. 5. Bedam de ratione temp: Baronium in Martyrol:) 26tam Martij communior tenet opinio. Illo die cum sole piscium fascia spectatur ab Astrologis, & Aries Zodiaci emergere dicitur. Eodem IESVS tanquam Agnus coram tondente se obmutuit: imò si piscis taciturnitatis maximè symbolum est, coram iudice petit mutus ac piscis, ut miraretur Præses vehementer: nost pauca deniq; in Cruce verba Verbum illud æternum letho contieuit. Hoc die vel mundus, vel saltem homo compendium mundi maioris factus est. Romæ celebrata Hilaria. Archangelo Gabriele nunciante Christus in utero Virginis carnem suscepit. S. Ioannes Præcursor anno uno ante Christum sub Herodis gladio caput posuit, hoc est, (quod ipse oportere aiebat,) ipse quidem imminutus erat capite, quo postea die Christus crevit in Cruce. Nec obstat, quod S. Baptistæ decollationem 29 Augusti colamus: tunc enim colitur, cum caput secundò inventum est. Post Christum verò Anno 421 die eodem Martij Vrbs Veneta ædificari capta in mari nobile symbolum Ecclesiæ in rubro cruoris Divini mari fundatæ. *Hujus fluminis impetus latificat Civitatem Dei: sanctificavit enim tabernaculum suum Altissimus.* Ps. 45. Item tredecim urbes Asiæ uno terræ motu corruerunt, ut moriente Domino & tremente terra Babylon impietatis conciderat. Richardus Angliæ Rex dictus Cor leonis moritur An. 1199. 8vo. Feria septimane sextæ obiit Christus: quod constans Ecclesiæ traditio extra omne dubium posuit. Dat rationem S. Rupertus. *Quia sextâ die crucifixus est Dominus, reparationis implevit arcanum. Sicut sextâ die factus est homo, & tota mundi erat creatura perfecta.* Feriam hanc gentiles veneris



titulo dehonestârant. Christus expiavit & consecravît  
 Passione sua, ut plenus religione ac reverentiâ dies esset.  
 Videtur non ob aliud Dominus eâdem veneris die &  
 carnem accepisse de Virgine, & deposuisse in Cruce;  
 quàm ut vitia carnis omnemq; voluptatem vetitam cru-  
 cifigeret & aboleret. Hinc Apl. Eph: 5. *Omnis immu-*  
*ditia nec nominetur in vobis, sicut decet Sanctos.* Nihil  
 efficacius est ad voluptatem, nempe carnis, profligandam;  
 quàm Passio & Crux Christi piè invocata, attentè confi-  
 derata, studiosè in corpore per imitationem portata.  
 Sicut è contra nil efficacius ad pessundandam omnem  
 religionem & Fidem Christianam, quàm carnis petulan-  
 tia. Hæc plurimos Orientis populos in Mahometismum  
 abstraxit; plurimos Deo sacros homines Lutheri Calvi-  
 niq; retribus implicuit. Hæc Chinas, Iapones, cultissima  
 alioqui ingenia in sordibus ac infidelitate detinet: infi-  
 nitos pene hæreticos, eorumq; maximè mystas à reditu  
 in Ecclesiam Christi unam & veram prohibet. Certè  
 Ethnicis, ut omnem Christi memoriam obliterarent in  
 spelunca Bethleem, spurcissimum veneris amasium Ado-  
 nidem: in loco verò Passionis ipsius, obscenæ Deæ simu-  
 lacrum: in Resurrectionis Iovem Olypium, impurissi-  
 mum pariter deastrum collocârant. Steteruntq; illæ a-  
 bominations centenis & 80 annis, donec Helena pijssima  
 Imperatrix submovit. Reddidit præterea vicem genti-  
 lium fæditati cum filio suo Constantino, cum quo, deie-  
 cto Romæ Venero sive templo Veneris & Cupidinis, Ec-  
 clesiam S. Crucis, dictam Hierusalem, ædificavit, ejusq;  
 fundamenta usq; ad fornicem inferiorem translatâ è  
 monte Calvario terrâ replevit. Egregiè profectò ulta  
 profanatam ab ethnicis Ierosolymis Calvariam. Habet  
 dicta Ecclesia Romæ 3. particulas S. Crucis titulumq;  
 ejus



ejus trilingvem, spinas duas è corona Regis dolorum, unum ex argenteis, quibus venditus erat, & partem ligni Crucis boni Latronis, (ut testatur Lupardus.) Instru-ctissimum sanè contra sagittas impuritatis armamentarium. 9no. Horam 6tam cum S. Ioanne superius determinavi, nunc aio, etiam bis sextam fuisse. Sexta enim fuit definens computando per singulas ab ortu solis: & iterum sexta incipiens computando per stationes; erat enim tunc incipiens tertia statio, quæ dicitur *hora sexta*. Quinimò ipse D. Marcus, qui scripserat. *Erat autem hora tertia, & crucifixerunt eum*; qualiter ea hora intelligenda? inferiùs v. 33. ejusdem capitis insinuat. *& facta hora 6ta, tenebræ factæ sunt per totam terram usq; ad horam nonam*: affirmat ergo actu crucifixum fuisse horâ sextâ, ut advertit Magrius in antilogijs S. Scripturæ.

Animadverto pro coronide multiplicatum numerum sextum in Passionis tempore. Passus enim est sextâ mundi ætate, ut computat Em: Thesaurus in Genealog: Christi, secundum quem *1ma* ætas mundi sive Pueritia, Pastores ab Adam ad Nôë. *2da* Adolescentia, Milites à Nôë ad Iudam Iacobi. *3tia* ab Iuda ad David Iuventus, Duces. *4ta* à Davide ad Salatielem virilis ætas, Reges. *5ta* à Salatiele ad Pantherem Senectus, Solitarij. *6ta* sive Nova ætas Sancti, à Panthere ad IESVM Sanctum Sanctorum. Passus sexto mense anni sacri. Sextâ die septimanæ. Sextâ horâ diei. Cur hic numerus & ita multiplicatus placuit? *Senarius numerus omniafariam plenus, perfectus, atq; Divinus est*. Ait Macrobius Saturnal: l. 7. c. 13. utinam tam confidentis asserti solidum aliquod fundamentum dedisset. Illud enim, quod Senarium ait significari digito, qui in sinistra manu minimus est. diciturq; medicinalis. Hunc in idolis Egyptijs o-

dori-



doribus liniri, in Neosponsis annulo coronari, utrumq;  
 hoc ob nervum quendam ex eo digito ad cor usq; pro-  
 currentem. Sed quid ista omnia ad rem? vel certè valde  
 extorta. Contra Webber in arte discurrendi fonte 1.  
 ex Corn: à Lap: in Apoc: c. 13. Senarium esse asserit  
 symbolum hominis imperfecti, corruptibilis, peccatoris:  
 atq; ideo in nomine Antichristi continendum, ut sci-  
 licet nomen ejus valeat 666. Prætendit quidem & pro-  
 mittet felicitatem Antichristus, aspirabit ad illam, non  
 pertinget. Christus solus veram felicitatem & habet &  
 confert, cujus ipsum nomen continet iuxta prædictio-  
 nem Sibyllæ lib: 1. orac: numerum 889. Porro numerus  
 octonarius est symbolum perfectionis, consummationis,  
 & felicitatis, uti docet Corn: loco citato. Interim in  
 Passione non octonarium, sed senarium prælegit; tum,  
 ut omnem imperfectum nostrum omniaq; peccata susce-  
 pisse ostenderet: tum, ut Antichristum in suo caracte-  
 re vinceret. Antichristi enim nomen & character erit  
 666: Christus, (ut iam dixi) quater senarium in Passione  
 numerat. Imò etiam si lustrum annorum (quod græcè  
 Olympias dicebatur,) non per quinque inchoatos, sed  
 per 4 completos annos numeremus, (tam enim Romæ sa-  
 crificium dictum Lustrum, quàm Olympia Iovi in Græ-  
 cia 4to anno exacto, & initio sti peragebantur, de quo  
 vide Calpinum verbo *lustrum*.) Obijt Dominus sexto lu-  
 stro suæ ætatis, adeoq; senarium quinquies habet, toti-  
 dem, quor in Sanctissimo Nomine IESVS literas.



Qua-



## XCIII.

*Quare Christus non descendit  
de Cruce?*

**L**oco responsionis ponam partem sermonis S. Bernardi i in Pasch: nil enim seu solidius, seu floridius excogitari potest.

Vicit Leo de tribu Iuda *Apoc: 5.* vicit planè malitiam sapientia attingens à fine usq; ad finem fortiter & suaviter universa disponens. Vicit Iudæorum blasphemias in patibulo, &c. Vbi enim sunt opprobria tua Iudæe, qui pridie ante Crucem agitabas caput sacrilegum, qui Sacrum Christi caput exagitabas opprobrijs? *Christus*, inquit, *Rex Israël descendat de Cruce.* O venenata lingua! verbum malitiæ! sermo nequam! Non est hoc Caiapha, quòd paulò antè dicebas, *expedit, ut unus moriatur homo pro populo, & non tota gens pereat.* Ioan: 11. At illud, quia mendacium non erat, non loquebaris de proprio, non à temetipso dicebas. Si Rex Israël est, descendat de Cruce. Hoc planè tuum est, magis autem ejus, qui mendax est ab initio. Quid enim consequentiæ videtur habere, ut descendat si Rex Israël est, & non magis ascendat? Sic non meministi serpens antique, quàm confusus abscesseris, cum dicere præsumpisses. *Mitte te deorsum: et, hæc omnia tibi dabo, si cadens adoraveris me.* Matth: 4. Sic tibi Iudæe excidit, quòd audisti, quia Dominus regnavit à ligno. Ps: 95. ut Regem abneges, quia manet in ligno. Sed forsitan nec audisti, quia non Iudæis, sed nationibus hæc annunciatio debebatur. *Dicite, inquit, in nationibus, quia Dominus regnavit à ligno.* Merito proinde Præses gentilis titulum regni inscripsit



ligno: nec potuit Iudæus, ut voluit, corrumpere tituli inscriptionem, nedum impedire Dominicam Passionem, & nostram redemptionem. Descendat, (inquiunt,) si Rex Israël est. Imò verò, quia Rex Israël est, titulum regni non deferat, virgam imperij non deponat, *cujus nimirum imperium super humerum ejus*. Sicut præcinit Isai: c. 9. Noli, (inquiunt Iudæi ad Pilatum.) *Noli scribere Rex Iudæorum, sed quia ipse dixit: Rex sum Iudæorum*. Et Pilatus, quod scripsit, scripsit. Ioan: 19. Si Pilatus, quod scripsit, scripsit; Christus non perficiet, quod incepit? Ipse enim caput & salvabit nos. Sed dicunt: *alios salvos fecit, seipsum non potest saluum facere*. Imò verò si descendat, neminem saluum faciet. Cum enim salvus esse non possit, nisi qui perseveraverit usq; in finem: quantum minus poterit esse Salvator? alios ergo salvos fecit; nam saluatione, cum sit Salus ipse, non indiget. Operatur salutem nostram, nec caudam deesse patitur sacrificio vespertino, hostiæ salutari. (*alludit hic S. Doctor ad sacrificia veteris Testamenti, de quibus vide in Levitico*.) Novit inique, quid cogites, non tibi dabit occasionem surripiendæ nobis perseverantiæ, quæ sola coronatur. Non faciet obmutescere prædicatorum lingvas consolantium pusillanimes & dicentium. Tu locum tuum ne deferas: quod sine dubio sequeretur, si respondere possent, quia Christus suum deseruit. Proni enim sunt sensus hominum, & cogitationes in malum. Sine causa, maligne, parasti sagittas tuas in pharetra, & Discipulorum suspiria cumulas opprobrijs Iudæorum. Illi quippe desperant, isti impropere, sed Christo neutra tela nocebunt. Aliud tempus elegit confortandis Discipulis, & aliud adversarijs confutandis. Interim patientiam magis exhibet &c. &c. Si Rex Israël est, descendat. Nimirum,

ut



ut non sit iam obedientiæ forma, non incentivum amoris, non patientiæ, vel humilitatis exemplum; sed deleri habeant ex Evangelio verba illa suavissima & dulciora super mel & favum: *Maiorem hanc dilectionem nemo habet, quàm ut animam suam ponat quis pro amicis suis.* Ioan: 15. *Et ad Patrem opus consummavi, quod dedisti mihi, ut faciam, &c. &c.* Hoc est enim, quod dolet venenati serpentis astutia exaltatum in deserto serpentem æneum, cuius intuitu sanentur vulnera, quæ inflixit. Alioqui quonam alio instigante misisse credimus uxorem Pilati. *nihil tibi & iusto illi.* Timebat ergo iam tunc, sed nunc maximè virtute Crucis enervari se sentiens inimicus ferà ducitur pœnitentiâ, & quos instigavit ad crucifigendum, instigat ad svadendum; ut de Cruce descendat. Deniq; *descendat, & credimus ei.* Hæc planè serpentis astutia, hæc adinventio nequitæ spiritualis. Audierat impius Salvatoris vocem: Non sum missus nisi ad oves, quæ periêrunt domûs Israël: & noverat quantum pro salute ejus populi zelum gerere videretur, propterea malitiosè nimis lingvas erudiens blasphemorum, suggerebat, ut dicerent, descendat & credimus, quasi iam nihil posset obstare quin descenderet, qui eorum credulitatem tantò opere desideraret. Sed quid machinatur, aut cui parat infidias versipellis? nempe illi, in quo nihil proficiet inimicus, & filius iniquitatis non apponet nocere ei. Non movetur variâ pollicitatione, qui novit omnium corda: sicut nec exprobratione blasphemâ mitissimus omnium movebatur. Eò quippe tendebat malitiosa svasio, non ut ipsi crederent, sed nostra quoq; si quæ erat fides in eum, omnimodis deperiret. Legentes enim *Dei perfecta sunt opera*, Deut: 31, quando faterentur Deum, qui salutis opus reliquisset imperfectum. Sed audiamus, quid ad hæc

Qqq

Chri-



Christus respondeat per Prophetam: Quæris signa Iudæ? expecta me in die resurrectionis meæ, si vis credere, maiora etiam tibi opera demonstravi. Multiplicavi signa, sanitates perfeci heri & pridie, hodie magis debeo consummari. An non maius erat, quod vidistis è corporibus obsessis spiritus exire malignos, & de grabatis suis exilire paralyticos, quàm è manibus meis vel pedibus clavos resilire, quos infixisti. Sed patiendi tempus est non faciendi, & Passionis horam sicut frustra prævenire conatus es, sic nec poteris impedire; sed si adhuc generatio prava & adultera signum quærit, non ei dabitur, nisi signum Ionæ Prophetæ, non signum descensionis, sed resurrectionis. &c. Hactenus ex mellifluo concionatore. Cujus rationes ad propositam quæstionem, quia intra contextum perpetuæ orationis non ita percipiuntur: velut mel dissolutum in aliquo liquore dulcorem quidem retinet, sed favi speciem conspicuam deperdit; proinde elicita ex disertissimo eloquio contractasq; in pauciora verba cum autoritatibus SS. PP. adnumero.

1. Non descendit de Cruce, quia quæ hoc svadebant, erant tentationes diabolicæ. Diabolus etenim vin-  
ci se animadvertens, ut cursum victoriæ Christi abrum-  
peret & suæ ultimæ ruinæ succurreret, per ipsosmet Iu-  
dæos, quos in necesse Domini concitarât, per quos cru-  
cifixe clamârât, caput descensum urgere. Hoc videntur  
dæmones immittere: statim enim, ut crucifixus est Domi-  
nus, senserunt virtutem Crucis, & intellexerunt fractas  
esse vires suas, & hoc agunt, ut de Cruce descendat: sed  
Dominus sciens adversariorum insidias, permanet in pati-  
bulo, ut diabolum destruat. ait S. Hieron. Neq; minùs  
prius spiritus melior per os Caiphæ cùm diceret. Expe-  
dit



dit, ut unus moriatur; licet enim pessimus fuisset Cai-  
 phas, cum tamen assistentia Spiritus Divini in negotio  
 gravissimo Ecclesiæ non deseruit, non secus, quam cor-  
 ruptum etiam instrumentum bonus artifex in manus su-  
 mit, & aliquid se dignum elaborat. Porro dæmonis fu-  
 isse illam vocem: *Descendat de Cruce*. Manifestum est  
 ex similitudine tentationis primæ in deserto, quā pari-  
 ter suadebat, *mitte te deorsum*. *Hæc omnia dabo, si proci-*  
*dens adoraveris me*. En, ut utrobique motum deorsum  
 suadet fermè iisdem verbis. Patescit hic mysterium ver-  
 borum D. Lucæ c. 4. v. 13. *Consummata est enim tentatione*  
*diabolus recessit ab illo u. q. ad tempus*. Quod illud tem-  
 pus? nisi tempus crucifixionis, quo rediit tentans per su-  
 os Ministros, Scribas, & Phariseos, &c. ait Bourghesius  
 & S. Chrysost. *Scriptum est diabolum ad tempus ab eo*  
*discessisse observantem tempus Crucis*. Non descendit er-  
 go de Cruce Dominus, ut disceremus à tentationibus dæ-  
 monis molestissimis expedire nos, non ijs assentiendo,  
 sed animum contrà obfirmando, nec quidquam etiam  
 minimum ijs concedendo: sicut Christus cum ad osten-  
 dendam suam Divinitatem & descendere posset de Cru-  
 ce, & iterum redire moriturus ad consummandum opus  
 nostræ salutis: hoc tamen non fecit, ne vel tantillum in  
 gratiam dæmonis apparentia bona, sed vera mala suaden-  
 tis, fecisse videretur, & facere quenquam doceret. Ad-  
 vertendum & hoc. Quis unquam & ubi à tentationibus  
 queat esse securus, si Dominum IESVM & quidem cru-  
 cifixum tentator aggreditur. Nemo igitur se fallat dile-  
 ctissimi, nemo se decipiat, neq. ita quisquam de cordis sui  
 puritate confidat, ut putet se nullis tentationum periculis  
 subiacerè, cum pervigil ille tentator eos acrioribus pulset in-  
 sedijs, quos maxime viderit abstinere à peccatis. Nam à



quo dolos suos contineat, qui ipsum quoq; Dominum male-  
statis ausus est calliditatis sue fraude tentare. Viderat su-  
perbiam, Domini IESV baptizati humilitate calcata, in-  
tellexerat 40 dierum ieiunio omnem cupiditatem carnis ex-  
clusam, & tamen non cessat ab artibus sue malitiæ spiritua-  
lis improbitas: tantumq; sibi de naturæ nostræ mutabilitate  
promisit, ut, quem verum experiebatur hominem, præsu-  
meret fieri posse peccatorem. Si ergo ab ipsa Domino Sal-  
vatore nostro deceptionum suarum diabolus non revocavit  
insidias, quantò magis fragilitatem nostram impugnare  
presumit, quos exinde vehementiore odio & invidia seve-  
riore persequitur, ex quo ei in Baptismo renuntiavimus.  
Ita S. Leo serm: 3. de quadr:

2. Quia frivolis rationibus rem tanti momenti, quan-  
ta est descendere de Cruce, & negotium salutis humanæ  
rescindere, conficere conabantur. Quemadmodum sem-  
per diabolicæ persuasiones si bene considerentur, futes  
sunt ac levissimæ ex fumo aut aëre nubilo conflata, sive  
in larvam ad terculamentum (cui adscripsit pro lem-  
mate Boyius: agnita ridetur,) sive in nescio, quæ puerilia  
crepundia ad illicium. Qualis enim ratio. Si Filius Dei  
es, descende de Cruce, Matth: 27. v. 15. & v. 16. Alios sal-  
vos fecit, seipsum non potest saluum facere si Rex Israël  
est, descendat de Cruce & credimus ei. Confidit in Deo, li-  
beret eum si vult, dixit enim Filius Dei sum. Marcus c.  
15. v. 15. & 16. Saluum fac te ipsum descendens de Cru-  
ce. Alios salvos fecit, seipsum non potest saluum facere.  
Christus Rex Israël descendat nunc de Cruce, ut videamus  
& credamus. S. Luc: c. 23. Alios salvos fecit, seipsum sal-  
vum faciat si hic est Christus Dei electus. Ex quibus col-  
ligo argumenta, quibus Christo descensum suadebant fu-  
isse. 1. Descendat, ut liquidò appareat Omnipotentia  
Di-



Divina in eo, siquidem Filius Dei sit: quasi dilemmate arguerent, vel descenderet, vel non descenderet. Si non descenderit, apparebit non esse Dei Filius, nec Deus, quia non potest: si descenderit, nec sic Deus erit, quia opus suum non perficiet. Dei autem opera perfecta. Quàm futile argumentum. Quasiverò omnia, quæ Deus potest præstare, & facere, teneatur ad cujusvis importunitatem; maximè cum effectus hic adversaretur fini, quem sibi Deus præfixit. Dilemmate ipso nihil infirmius apud eum, cui ratum fixumq; erat potius apud incredulos subire opinionem imbecillitatis aut impotentia; quàm opus nostræ redemptionis deferere. Non descendo, (re ipsa reponit Christus,) non quia non possum, sed quia non expedit: Potentia autem mea Divina non minùs agnosci debet à vobis in eo, quòd tantâ patientiâ æquanimitate quæ perferam supplicium; quàm cognosceretur si descenderem: non minoris enim est potentia; illud ac hoc. Alterum quoq; cornu dilemmatis non Christum sed ipsos profligat cornupetas. Non descendit, ergo opus ejus perfectum, ergo Deus. 2. Descendat, ut appareat Rex Israël. Absurdissima consequentia. Numquid, quia Rex est, miracula debet patrare? recole, quæ scribuntur 4. Reg: 5. Fortè Regem pendere in Cruce dedecus est gentis? cur igitur appendistis ô rebelles? præstabat non appendi, quàm de patibulo descendere: Comitabitur enim descendentem infamia, quam oportebat non irrogari. Quòd si in Rege vestro plùs aliquid homine existimatis: eundem quæ Regem Israël & cæli adeòq; Deum; non conveniat, licet Cruci hære Regem, convenit Deum ac Redemptorem: imò etiam Regem, quem à ligno regnaturum David prædixerat Ps: 96. Sed sacrilegi Iudæi post Resurrectionem Domini in imò versu Psalmi. *Dominus regna-*



*vit à ligno, exultet terra, &c.* hanc vocem à ligno eraserunt: ut regnum ejus inficiarentur. *Nolumus hunc regnare super nos.* 3. Saluum faciat se, quia salvos fecit alios. Quasiverò semper debeat Medicus sibi ipsi mederi, qui feliciter alijs mederi solebat. Potest alias felicissimus Medicus iustis de causis se ipsum absq; medela relinquere, &c. si magis expediat illum mori, quam vivere: ut si idem sit vir egregius Philosophus, & malit præclarum exemplum fortitudinis in perferenda ægritudine morteq; obeunda præbere, quam vitam suæ solum utilitati absq; eo exemplo protrahere. Confutat hoc argumentum & S. Hieron: in Matth: 27. *Etiā nolentes confitentur scribæ & pharisæi, quòd alios salvos fecerit. Itaq; vos vestra condemnat sententia. Qui enim alios salvos fecit, utiq; si vellet, seipsum salvare poterat.*

3. Quia idem nitebantur persuadere promissionibus falsis. Descendat de Cruce, & credemus ei. *Fraudulenta promissio. Quid est plus? de Cruce descendere adhuc viventem, an de sepulchro mortuum resurgere? Resurrexit, & non credidistis; ergo etiam si de Cruce descenderet, similiter non crederetis.* ait S. Hieron. *Quid ei magnum fuit de Cruce descendere, qui potuit de sepulchro resurgere? S. August. Plus fuit de sepulchro surgere, quam de Cruce descendere. Plus fuit mortem resurgendo destruere, quam vitam descendendo servare.* S. Gregorius hom: 21 in Evang. *Ubi est, quòd dicebatis, descendat de Cruce, & credimus ei. Crucis signaculum dirumpere voluistis, promittendo ad fidem vos introituros, ecce apertum non disruptum est, introite. Alioqui si non creditis resurgenti, utiq; non credidissetis descendenti.* S. Bernard: serm: suprâ citato. *Promittebant conversionem & fidem; reverâ zelum Domini, quem ingentem pro ejus nodi resciverunt, irridebant vel omni-*



no discredentes esse possibile crucifixum descendere de  
Cruce: vel deliberatum habentes etsi descenderet, non  
credere; sed tantum miraculum (quod blasphemorum i-  
storum imitatores ethnici faciebant, & hæretici faciunt)  
præstigijs dæmonum imputare. Porro non credituros  
fuisse bene SS. PP. evincunt ex effectu, quia scilicet ma-  
iori miraculo resurrectionis credere noluerunt, conati  
illud calumnijs emptoq; mendacio obruere. Qui reie-  
cerunt motivum credibilitatis maius; minus longè mi-  
nore negotio reieccissent. Axioma est, qui potest plus,  
potest minus. Non crediderunt facienti plus, non cre-  
didissent facienti minus. Omnino non alio animo à cru-  
cifixo miraculum descensus expetebant, quàm Herodes,  
(de quo suprâ,) qui cupiebat aliquod signum videre ab  
IESU. Sed nec Herodes, nec Iudæi tantum fuerint me-  
riti de illo, in quorum gratiam aliquid, ne dicam, super-  
naturale ac prodigiosum faceret. Noluit margaritas  
mittere ante porcos, id est tanta miracula, seu quædam  
circumforaneorum ludicra histrionicasve scenas prosti-  
tuere, quamvis motivo satis specioso & sancto *credemus*  
*ei*, stimularetur. Docere nimirum voluit non minus in-  
fidias diaboli cavendas esse, cum palam, quàm cum clan-  
culum in perniciem trahit. Versutissimus hic veterator  
non modò illecebris mundi, sed etiam illecebris quibus-  
dam sanctioribus decipit, ut capiat. Malchum Mona-  
chum, (ut scribit D. Hieron:) utiq; non retinendâ pos-  
sessione parentum, nec oblatiis formosis nuptijs è Mona-  
sterio eduxit; sed inculcando eleemosynas, Monasterio-  
rumq; ac Templorum fundationes, quas ex posthumis  
parentum opibus facturus erat. Longum esset recensere,  
ut specie sanitatis ad gulam & illicitas voluptates mul-  
tos pertrahat, ut specie necessitatis ad avaritiam, specie  
ho-



honestissimæ gloriæ ad superbiam, inò specie maioris Dei gloriæ ad suam vanam gloriam.

*Fallit enim vitium specie virtutis & umbrâ.*

Constanter ergo surdâq; aure reiiciendus, cum virtutem obtrudit, ut in vitium præcipitet: descendumq; à crucifixo non modò non consentire in suggestiones dæmonis, sed nec cum eis disceptare: Quemadmodum Dominus non solùm de Cruce non descendit, verùm nec responsò blasphemus dignatus est.

4. Tentabant illusores malignissimi non solùm improperijs suis Christum affligere, verùm etiam ad commiserationem Discipulorum provocare. Cogitabant enim forsân, si hunc miraculorum patratores exacerbarimus; affligemus pariter ejus Discipulos: aut certè ad desperationem defectionemq; ab eo perducemus. Vel enim descendet, ut eos in fide sua confirmet, & sic in sua patientia constantiam non tenebit, aut non descendet: & sic putabitur non posse, consequenter ab omnibus Discipulis maiori decessione, quàm in horto Getsemani, cui seductor manifestæ imposturæ convictus relinquetur. Intentionem hanc Iudæorum attingit S. Bernard: supra. *O maligne! discipulorum suspiria cumulas opprobrijs Iudæorum. Illi quippe desperant, isti improperant.* Verùm nihil technæ proficiunt contra sapientiam corda omnia scrutantem. *Neutra Christo tela nocebunt: aliud tempus elegit confortandis discipulis, & aliud adversarijs confundendis;* ait idem. Cæterum, quod subdola malignitas non effecit, effecit innocentissima simplicitas S. Petri Cælestini Tyronis Eremitæ, abdicato deinde quàm gesto Pontificatu summo, clarioris. Hic enim cum devotione summa ante Crucifixi imaginem psalleret: Christus ipse de Cruce descendebat, gratificaturusq; suo integerrimo tyroni



roni Psalmos unà concinebat. Ribad: in ejus ulta tom:

2. 9. Mai.

3. Non descendit, ut perseverantiæ tam necessitatem ostenderet, quàm exemplum præberet: quod uberrimè explicuit citatus S. Bernardus. S. quicquid Augustinus tract: 37. in Ioan. Quia, inquit, patientiam docebat, ideo potentiam differebat. Si enim quasi commotus ad eorum verba descenderet, victus convitiis dolore putaretur: Prorsus non descendit, fixus permansit, quando voluit abscessurus. Et S. Greg: hom: 21. in Eu. Si de Cruce tunc descenderet, nimirum insultantibus cedens, virtutem patientiæ nobis non demonstraret. Sed expectavit paululum, toleravit opprobria, irrisiones sustinuit, servavit patientiam, distulit admirationem. Et qui de Cruce descendere noluit, de sepulchro surrexit. Perseverantiam commendat S. Bernard: epl: 129. quæ est ad Genuenses. Perseverantia sola meretur viris gloriam, coronam virtutibus. Prorsus absq; perseverantia nec qui pugnat victoriam, nec palmam victor consequitur: Soror est patientiæ, constantiæ filia, amica pacis. Tolle perseverantiam, nec obsequium mercedem habet, nec beneficium gratiam, nec laudem fortitudo. Deniq; non qui caperit, sed qui perseveraverit usq; in finem, hic salvus erit. S. Thomas Aquinas Constantiam & Perseverantiam scholasticè distingvit 22. q. 37. in 3. art: 3. Perseverantia propriè facit persistere in bono contra difficultatem, quæ provenit ex ipsa difficultate actûs: Constantia autem facit persistere in bono contra difficultatem, quæ provenit ex quibuscunq; alijs exterioribus impedimentis. In Christum utraq; difficultas ingruit, utramq; ille pervicit: ex duabus unam virtutem conflavit, & conflandam docuit. Constantia & perseverantia cyclum sive circumlunum aureum virtutum absolvunt. Vt enim circulus, sic

Rrr

vir-



virtutum corona aliter absolvi non potest, nisi uno circini pede sis constans, altero labores & circumeas. Multi incipiunt sibi texere coronas è lapidibus pretiosis metritorum, lilijs puritatis, violis humilitatis, rosis charitatis, imò etiam martyrij sive propriè dicti, ut Sapritius, (de quo consule vitam S. Nicephori 16. Febr.) & unus è 40. MM: (de quo Brev: 10. Martij,) sive analogicè dicti; quale est vita religiosa aut sæcularis, sed non iuxta sæculi leges conformata; verùm abrumpunt filum, alij quidem initio, ut dicere possint; *dum adhuc ordier, succidit me*; Isai: 38. alij in medio, alij (quod summè dolendum) circa finem. Quocunq; tempore cessetur, corona haud perficitur: filum enim, quo ducebatur, & *filum prædestinationis*, præciditur. Ad rem præsentem Isai: 1. *Super custodiam meam stabo, & figam gradum super munitionem, & contemplabor.* Theodoretus vertit, *figam gradum super gyrum.* Aquila, *super circinum*; id est, ut perficiam circulum circini mei. Hoc omnino unicum studium debet esse eorum, qui bene vivere cæperunt, nam ut S. Aug: ad FF. in Erem. *Non est magnum inchoare quod bonum est, sed consummare, hoc solum perfectum est.* Et S. Hieron: 1. 1. contra Iovin. *Cepisse multorum est, ad culmen pervenisse paucorum.* Idem in c. 11. Eccles. *In adolescentia & senectute æquus tibi labor sit, nec dicas cum potui laboravi, deo in senectute quiescere: nescis enim utrum in senectute, aut in ætate longæva placeas Deo in quacunq; enim die erraverit iustus, veteres eum iustitie liberare non poterunt.* Iterum epl: ad Furiam. *Non queruntur in Christianis initia, sed finis.* Paulus malè cepit, & bene finivit: *Iude laudantur exordia, sed exitus proditiōe damnatur.* Pulchrè hunc textum Hieronymi tractat P. Schwertffer in micis Panis Cælestis. Licet viam mandatorum Dei to



to corde cæperis, non tibi plaude, sed aude plus & plus.  
 Lentè Paulus graditur, imò contra stimulum calcitrati:  
 currit Iudas ultra triennium. Quid deinde? Iudas hæret  
 in arbore: Paulus primò ad tertium; mox super omnes  
 oculos pertingit; & victor ovat. *Cursum consummavi.*  
 Solliciti igitur simus de fine, nam, qui perseveraverit us-  
 què in finem, hic salvus erit. Non qui cæperit, dimi-  
 dium fecerit, imò propè finem fuerit. Sunt aliqui, qui  
 plenò spiritu gradiuntur, tanta vivacitate, ut animalia  
 sancta putes, quæ curram gloriæ trahunt. Sed heu! spi-  
 ritu deficiente, & boves indefessi tandem segnescunt; im-  
 pingvantur, in macello dæmonis victima Plutoni ca-  
 dunt; & leones imperterriti cervis timidiore sunt. Et  
 aquilæ prius sublimes, ceu corvi in terrena cadavera de-  
 cidunt. Deniq; Angeli animales & pecuini facti, cum  
 spiritu Angelico cæperint, carne consummantur. Hinc  
 & S. Gregorius. *In cassum quidem bonum incipitur, si  
 ante vitæ terminum deseratur: quia frustra velociter cur-  
 rit, qui priusquam ad metas venerit, deficit.* S. Augusti-  
 nus eadem de causa, metu scilicet fragilitatis & defecti-  
 onis in bono laudem omnem respuit. *Nolite quæso lau-  
 dare me, sed orate, ut valeamus perseverare usq; ad mor-  
 tem, quoniam finem nostrum Deus attendit.* quasi cum  
 Pœta diceret

Diciq; beatus

Ante obitum nemo, supremaq; funera debet.

S. Chrysost. Hujus virtutis necessitatem multis simili-  
 tudinibus inculcat. *Non exordia (inquit) sola oportet ha-  
 bere clara, sed etiam & finem clariorem: dic enim mihi,  
 nonne Rhetor circa finem orationis satagit clarior appare-  
 re, ut cum plausibus discedat? nonne circa finem perfuncti-  
 onis suæ actionem clariorem demonstrat? nonne athleta ni-*

Rrr2

fi



*si finem ostendat clariorem, & usq; ad consummationem  
 semper exuperet; etsi omnes vicerit, vincatur autem à no-  
 vissimo, nonne omnia illi infructuosa fient? Nonne guber-  
 nator, si pelagus totum pertranseat? circa portum autem  
 confringat ratem, omnem perdit anteriorem laborem? Quid  
 etiam Medicus? nonne si liberaverit ægrotantem morbo,  
 cum autem ad perfectionem salutis perventurus erat æ-  
 grotus, tunc ejus corrumpat valetudinem, nonne inquam  
 totum opus corrumpit & perdit? sic etiam in virtute  
 contingit. Quotquot exordijs finem non posuerunt  
 competentem, & consequentem, & concinnum, perie-  
 runt & corrupti sunt. In epl: ad Hebr: hom: 25. Hug  
 & S. Gregorius affert similitudinem fæni l. moral: 8. c.  
 28. expendens versum, Psal: 128. fiant sicut fænum te-  
 ctorum, quod priusquam evellatur exaruit &c. fenum,  
 inquit, edificij in alto nascitur, sed nequaquam pingvi ra-  
 dice solidatur: quia & hypocryta summa quidem agere cer-  
 nitur, sed non ijs ex cordis puritate roboratur. Quod ni-  
 mirum fenum & non evulsum arefcit citius, quia videli-  
 cet hypocryta etiam in presenti adhuc vita subsistit, etiam  
 sanctitatis opera quasi viriditatis speciem amittit. Quia e-  
 nim sine intentione rectæ cogitationis bona studuit agere,  
 hæc amittens, indicat se sine radice floruisse. Hæc S. Greg:  
 conformiter ad dicta Christi Luc: 8. Hi radices non ha-  
 bent, quia ad tempus credunt, & in tempore tentationis re-  
 cedunt. Idem Moralitatum felicissimus artifex l. 4. mor:  
 c. 4. unde perseverantia fit acquirenda docet pensando  
 verba Iob 18. Qui facit ventis pondus. Dum inquit, Dei  
 Sapientia replet animas, eas maturitate inditâ graves red-  
 dit: Non illa gravitate, quâ dicitur Filij hominum usq;  
 quod gravi corde. Aliud enim esse gravem per consilium,  
 aliud per peccatum; aliud esse gravem per constantiam, a-  
 liud*



liud per culpam. Ista enim gravitas pondus habet oneris,  
 illa virtutis. Pondus ergo accipiunt animæ, ut ab intentio-  
 ne Dei non iam levi motu dissiliant, sed in eum fixa con-  
 stantia gravitate consistent. Rectè ergo dicitur, qui facit  
 ventis pondus: quia cum leves animi motus misericorditer  
 dignatur aspicere, hinc protinus ad constantiæ maturitatem  
 firmat &c. Talem constantiam considerat S. Aug: scri-  
 bens in Ps. 136. Super flumina Babylonis illic sedimus.  
 Flumina Babylonis, quæ hic amantur & transeunt, &c.  
 Graves autem viri & considerati Babylonis flumina vel  
 fugiunt penitus, vel super illa sedent. Noli sedere in flumi-  
 ne, noli sedere sub flumine: debet enim iustus & perfectus  
 vir super omnia transeuntia firmus & stabilis permanere,  
 & nullis fluctibus agitari aut decursibus devolvi. En &  
 ex S. Gregorio Nazianz: Orat: 27. discrimen gravium  
 & levium sive perseverantium in bono & deficientium.  
 Eorum, qui tentantur, alij mihi videntur, ut levissima cor-  
 pora quedam à mari abripi ac distrahi, ac ne tantillum  
 quidem adversarum rerum impetum sustinere; alij petreæ  
 instar esse, quicunq; nimirum Philosophicâ ratione utuntur,  
 ac supra vulgi humilitatem erecti, humana omnia immo-  
 to ac firmo animo ferunt. Hæc ille. Talium unus fuit E-  
 leazar ab Emm: Thesauo descriptus in Geneal: Christi.  
 Longævus ille Levites, qui à sene Antiocheno (vide Ma-  
 chab: 2. cap: 6.) porcinam mandere iussus, rogantes a-  
 micos, ut ficto obsequio mortem fugeret, tali concione  
 increpavit. Quod svadetis amici, etiam hostis svadet.  
 Bonâ fide ad cænam vocatis, quam tyrannus paravit.  
 Ego periuris faucibus fuillas dapes invadam? hoc ipso  
 virulentas, quia proscriptas: hoc ore leges violem quo le-  
 gem doceo? Ne dignus sim bruto apponi, quod mihi  
 apponitur. At moriar? quid ni? necessarium utriq; ma-  
 lum



lum minatur annosus tortor. Solvendum semel hoc vi-  
 ta pensum: quod qui perendinat, morti fœneratur diu  
 moriens. Non æstimat annorum meorum pondus, qui  
 morte me leviozem putat. Nonaginta me illaqueant an-  
 ni, hanc effugere nec possum velle, nec velim posse. Ab-  
 sit veteranam Eleazari pietatem terga vertere, pulcher-  
 rimam vitæ fabulam extremo in actu corrumpere. Sine  
 fruge hanc frontem aravit tempus, nisi laureolam meto-  
 &c. &c. Addo exornandæ huic virtuti figuras Biblicas  
 Gen: 3. *Tu insidiaberis Calcaneo ejus.* Glossa interl. *Cal-  
 caneo, id est fini, cui maxime insidiatur diabolus.* quod &  
 S. Bernardi confirmat. *Scias diabolus soli perseveran-  
 tia insidiari, quàm solam virtutem novit à Domino coro-  
 nari.* Genes: 37. *Israel diligebat Ioseph super omnes filios  
 suos, fecitq; ei tunicam polymitam,* Polymiton Græcis est  
 vestimentum diversis coloribus contextum, sed S. Hie-  
 ron: pro *Varia* (inquit) *tunica, Aquila interpretatus est tu-  
 nicam talarem,* &c. quod S. Gregi moraliter ad nostrum  
 propositum. *Ioseph, qui solus inter fratres iustus perseve-  
 rasse usq; in finem* describitur, *solus talarem tunicam ha-  
 buisse* perhibetur. Nam, quid est *talaris tunica*, nisi actio  
 consummata? quasi enim *talaris tunica* talum operit corpo-  
 ris, cum actio bona ante Dei oculos usq; ad vitæ terminum  
 tegit. 1. Moral: 40. E contra inconstantia sensim à bono  
 deficientis symbolum exhibet Fullonus in 1. Mach: c.  
 14. pag: 445. Statuam Nabuchodonosoris varijs metallis  
 fabricatam, aureo scilicet capite, pectore & brachijs ar-  
 genteis, ventre æreo, cruribus ferreis, pedibus partim  
 ferreis, partim fictilibus. Talis est homo à bonis initijs  
 sensim ad peiora desciscens. Sub cura parentum aurum  
 est: sub Magistris, qui in parentum locum non pari ta-  
 men affectu succedunt, argentum. In Academijs adole-  
 scente



sciente pariter ætate ac licentia, æs; *prodigus æris*: brevi pravis exemplis fit ferrum, & ad rixas profilit: mox definit in pedes ferreos affectusq; viles ad res infimas. Deniq; machina omnis subruitur; in timore enim Domini fundamentum non habuit. Pari imagine pingi possunt pleraq; Christianæ vitæ instituta, à principiis optimis paulatim in deterius defectentia v.g. Virgines Christianæ, Christiani milites, Religiosi, &c. Exhibet & aliud idem Fullonus in 1. Mach: c. 10. pag: 348. Dagon erat idolum Azoti, ex Hebræo significat *piscis tristitia*. Putatur ab aliquibus caput piscis fuisse, cætera speciem hominis habuisse, alij supernè hominem, infernè piscem, eoque adumbratam Semiramidem. Huc forsitan respexit Horatius, cum dixit de Pœtis magnificè incipientibus, incongruè verò finientibus,

*Turpiter atrum*

*Desinit in piscem mulier formosa superne.*

Nisi id mavis de Syrenibus interpretari. Ejus idoli cultores dixerim, qui magna de se initiò polliciti, tandem longè aliter, quàm capere, desinunt; de quibus alius Vates:

*Cæpisti melius quàm desinis. Vltima primis*

*Cedunt; dissimiles, hic vir & ille puer.*

Homines profectò sunt, si primos annos inspicias; si postremos in aquis fluitans genus lubricum, frigidum, exangve, muccosum, de quibus prædicit Christus, *refrigescet charitas multorum*. Porro ad hujus idoli fanum confugerat miles Apollonij ceu ad asylum, ut antea inani spe vanisq; iactationibus animosus, ita in fuga turpis & extremâ clade fusus, quasi ab humana specie in piscem desinens. Quid tum? *succendit Ionathas Azotum & templum Dagon, & omnes, qui confugerant in illud, succendit igni*. Severâ scilicet ignis æterni pœnâ vindicantur, qui

*Divi.*



Divinæ charitatis ignem in aquis voluptatum extinxere.

Sancto quidem Augustino *piscis assus, Christus passus*. Sed piscis & symbolum & magisterium silentij, tum maxime colendi, cum fluctibus adversitatum persecutionumque obruimur: At monstrosus illum ex homine piscem, qui post fervida initia frigide finit, post solidos progressus lubricus labitur & elabitur, suam in Cruce perseverantiam damnat. Quanquam, qui virtutem hanc commendaturus ad instantias blasphemorum non se movit in eadem, ut aliquando contineret fugitantem, de Cruce quoque in imagine sua descendere non dubitavit. Rem narrat Lyræus de Imit: IESV patientis l. 4. c. 7. pag: 223. à Rege Sanctio identidem filio suo sanctæ institutionis gratiam narratam. Nobilis ac dives Angla Virgo in Ordine S. Benedicti se Deo dicaverat, & diu in sancta vocatione Deo hominibusque cara vixerat: sed dæmonis invidia atque astu incidit aliquando in oculos nobilis itidem sed vani adolescentis & in amores; qui fœdâ consanguinitate alloquij copiam aliquoties nactus, ita strenuè tentatoris partes egit, ut persuaserit miseræ fugam è cœnobio. Conditur dies, imò nox, & hora noctis, locus & modus apostasiæ. Adest condito loco infelix auceps; properat ad illum sponte *columba seducta non habens cor*. Osæ 7. Iamque ad destinatum ostium magnis ibat passibus per ædem sacram; cum pervetus Crucifixi imago in medio Templi stans, quam præter eundem erat, festinantem alloquitur; *quò properas infelix?* quâ voce exterrita quidem, sed non compuncta, cæptum iter urgebat. Tantis ignis tartarei ardoribus abripiebatur? Christi igitur effigies manibus pedibusque à Cruce revulsis fugientem insequitur ac manu dextrâ sublatâ clavum, quo Cruci confixa fuerat, in eam projicit, qui maxillæ ejus impactus



ctus lato vulnere, carni magno dolore inhaesit, quo illa  
 semianimis prolapsa in terram à sororibus ad preces ma-  
 tutinas confluentibus inventa: Christi vero effigies ad  
 Crucem suam reversa priorem situm obtinuit; dextero  
 brachio excepto, quod à Cruce refixum in tantæ rei me-  
 moriam perseveravit. Pro coronide dictorum sunt duo  
 verissima dogmata. *Alterum*, triplicem quam supra spe-  
 ctavimus in Calvaria Crucem, non ita suos affixos tene-  
 re, quin locum mutare possint. Potuit enim bonus La-  
 tro è sua cruce in Christi Crucem transire merito; potu-  
 isset transire & malus in crucem socij melioris; ac de-  
 mum in ipsius Christi proficere, si voluisset. Et è con-  
 tra. (Vt Velleius ait,) *à rectis ad vitia, à vitijs ad prava,*  
*à pravis ad precipitia devenitur.* Multi, inquam, ex Cruce  
 Christi in sequiorem crucem latronis deficiunt: idq; tum  
 maximè contingit, cum langvente patientiâ descendere  
 cogitant, aut descendisse putant. Crux enim desertores  
 suos non deserit, verum altera in alterius locum succe-  
 dit: ut idem, si non plus patiatur infelix; verum non iam  
 ex virtute aut cum merito, sed ex necessitate & cum da-  
 mnationis incremento. Finge enim aliquem cruciarium  
 de sua cruce descendisse. Num eâ descensione luxati ar-  
 tus in suum statum redibunt? num vulnere hiatus coa-  
 lescunt? num dolor omnis recedet? Minimè. Quin le-  
 stulus quivis molliculus utcunq; sit; crux erit. Quem ce-  
 lerior mors non confecit; longior enecabit tortura. Ipsa  
 fomenta ac remedia torquebunt. Et post hæc omnia nil  
 præmij restat sperandum, si non æterna supplicia metu-  
 enda. Quàm ergo beatiùs cum Christo perseverare: do-  
 nec cum eodem alienis manibus deponaris. *Alterum.* Si  
 Christus ipse de Cruce sua non descendit: minimè suc-  
 cendendum est, si te ex aliqua afflictionis tuæ Cruce non



illico expediat. Deprecari licet, orare licet, ut si ei placuerit te liberet: sin minus; acquiesce. *Non est in ullo reprehendendum iudicium Dei, quod semper iustum est, & iuste disponit omnia; sed venerandum atq; timendum.* ait S. Hier: c. 1. Lamen: Ierem. Hoc iudicio siue dispositione Dei, quis non in aliqua cruce hæret? S. Paphnutium Eremitam Egyptij infixerunt in palma arbore, de quo P. Ioan: David

Quàm bene iuncta tuæ Paphnuti præmia pugnæ?

Palma Crucem, palmam Crux generosa dedit.

Petrus Helcius Madritensis à Mauris Marrochij in Affrica ad valvas portæ acclavatus, non modò per manus & pedes, verumetiam lingvâ exectâ per caput, quòd dissimulato per humanum metum aliquamdiu Mahometismo, à Deo confortatus, Mauros & apostatas ad veritatem hortaretur. S. Liberatus Abbas cum 6. Socijs ab Arrianis Carthagine: item Alphonsus Castrius à Mauris ad Malucas insulas, è malis navium crucifixi: quibus occinuit memoratus Pœta.

Cedat sepositas Argo quæ vexit in oras,

Hæc pinus cæli, vos statione locat,

Sanctum quendam Sacerdotem Dioecesis Carnotensis in Gallia, cum ab ipso sacrificio in sacris vestibus Hugonotæ corripuissent, pugnis & calcibus mulctatum, super ligneam Crucifixi imaginem crucifixerunt, sclopiisq; interemerunt. Quid refert? quo genere crucis te Deus fixum voluerit? Perseverantiam adde, & quamvis crucem consecrasti. Imò crux te non dimissa consecrat ac cælo infert. *Scalam Christus fecit, (ait S. Aug:) per quam hominem lapsum ad Deum levavit: qui desideras calum, non te terreat angustia earum.* Quò altiore de gradu scalarum decideris, lapsu graviore rues.



*Vtrum ambo latrones in cruce, vel al-  
ter illorum Christum blasphemavit?*

**P**Ræsentem etiam questionem parit SS. Evangelista-  
rum dissonantia. Lucas enim c. 23. v. 39. *Vnus au-*  
*tem de his, qui pendebant, latronibus, blasphemabat eum, di-*  
*cens: si tu es Christus? salvum fac te ipsum & nos.* S.  
verò Matthæus c. 27. v. 44. *Id ipsum autem & latrones,*  
*qui crucifixi erant cum eo, improperabant ei.* Marcus quo-  
quē c. 15. v. 32. *Et qui cum eo crucifixi erant, convitia-*  
*bantur ei.* Manifestè prior exprimit unum blasphemum,  
posteriores utrumq; videntur culpæ. Nec dixeris bla-  
sphemabat tantum unus iuxta Lucam, improperabant  
verò, convitiabanturq; ambo iuxta Matthæum & Mar-  
cum. Nam impropéria & convitia in Christum à bla-  
sphemia excusari non possunt. Dicit enim S. Hieron:  
*talis loquela, manifesta est blasphemia, quæ non ledit peri-*  
*clitantes, sed interficit blasphemantem.* in c. 1. thren.  
Non solvit hanc difficultatem & S. Paschasius, qui apud  
Sylveiram ait, dicuntur blasphemare latrones, quia in u-  
no latrone impio designati sunt, quicumq; cum Adamo  
pomum vetitum rapuere ac Divinam legem transgrediun-  
tur: hi enim Christum blasphemant. *Non dicit, (ait,) ambo,*  
*sed unus; quia unus hoc fecit.* Quasi diceret: Quem  
Lucas memorat unum, sinister latro tantum blasphemus  
fuit propriè & locutione physicâ: quos pluraliter alij  
Evangelistæ; omnes peccatores intelligendi sumus, qui  
moraliter etiam sine voce re ipsa Christo insultavimus &  
insultamus. Habet hæc explicatio ingenium & morali-  
tatem, cæterum textui non inhaeret: non ponitur qui-



dem *Ly ambo*, sed additur expresse, *qui crucifixi erant cum eo*. Peccatores autem omnes cum Christo propriè & realiter crucifixos fuisse dici non potest, nisi forte valde improprie & tropicè. Communiores hujus questionis solutiones sunt duæ.

*Ima.* Quam Sylveira dicit esse Græcorum, ut Origenis, D. Chrysostomi, Theophylacti, Euthymij, Titi Bostrensis, ex Latinis S. Hilarij. Addo ego Victorem Antiochenum & S. Hieronymum. Putant hi omnes utrumquè latronem initio Christum blasphemasse: sed alterum postea perpensâ Christi patientiâ, tenebris repentinis visis, alijsq; signis ac miraculis resipuisse, & in Christum credidisse. Merito proinde dici & blasphemasse pluraliter, quia ambo cæperant; & blasphemasse tantum unus, quia unus in blasphemia perseveravit: alter verò, quia resipuit, perinde habetur, ac si non blasphemasset. Resipiscentiæ ejus manifestum videtur indicium ingenua confessio. *Nos quidem digna factis recipimus.* Et hac celeriter præstitâ maledici ac blasphemij nomen amisit. Confirmatur verbis S. Petri Actorum 15. v. 22. ubi ex Persona Dei loquitur. *Inveni David filium Iesse, virum secundum cor meum.* Vir secundum cor Dei denotat iustum & sine peccato: qualis David, qui vocetur; cum multoties peccaverit? R. D. Iustinus M. Benignè pœnitentiam honorat Deus: sic enim velox est pœnitentia in peccato expurgando, ut quem peccator ducit colorem, tam citò facti pœnitentia abluat, unde nec videtur perdidisse sanæ mentis colorem. Sed recito ipsa verba quorundam PP. Græcorum, quia præter pondus sententiæ controversæ, habent etiam pleraq; eximie dicta, & ad mores utilissima. Titus Bostrensis in Lucæ c. 23. *Initio uterq; latro æquè ac ceteri Iudæi Christo insultabat: for-*  
san



san, quò hâc ratione gratiam illorum emeriti veniâ poterentur, aut aliquod saltem penarum laxamentum consequerentur. Posteaquam verò beneficio, quod à Iudeis expectabant sese frustratos viderunt, alter è latronibus respuit, sociumq<sup>3</sup>, ut unâ respiceret graviter admonuit. (Nota multis occasione frugis melioris fieri, cum à mundi favore destituuntur.) Ast unde hic cum miracula, quæ circa crucem paulò post acciderant, nulla viderat, ad mentem redijt? Fortassis ex oratione, quam IESVS Christus magna cum fiducia ad Deum, tanquam ad Patrem trans mittebat. Pater, aiebat, ignosce illis, quia nesciunt quid faciunt. &c. Matthæus itaq<sup>3</sup> & Marcus ad alia festinantes ea tantum exposuerunt, quæ initio circa latrones acciderant, quod reliquum verò hujus historiæ erat, prætermiserunt. Lucas verò prioribus tanquam ab alijs iam expositis missis, quæ Matthæus & Marcus omiserant, prosecutus est: nempe unius Latronis penitentiam noxæq<sup>3</sup>, agnitionem, exordio ab oratione illa Domini facta. Pater ignosce illis, quia nesciunt quid faciunt. Per hanc enim probabile fit, alterum latronem ad compunctionem pervenisse. En causam efficientem conversionis! Victor Antiochenus in Marc: 15. ait. Hanc de latronibus historiam Lucas accuratius prosequitur: Matthæus enim & Marcus rem hanc breviter attingunt. Scribunt autem latrones, qui cum illo crucifixi erant, æquè ac cæteros convitia in Christum detorsisse. Lucas verò alterum ex eis convitiatum narrat, alterum verò convitiatoris gravi oratione insolentiam compressisse & reprehendisse. Cui proinde magna quoq<sup>3</sup>, merces, magnusq<sup>3</sup>, honos à Christo promissus est. Fieri nihilominus potuit initio utrumq<sup>3</sup>, quod causam, propter quam Dominus ad mortem condemnatus fuerat, ignoraret, blasphemasse, postea verò Christi innocentiam compertâ, alterum quidem



convicijs valefecisse, alterum verò insanabili animi malitia detentum, post cognitam quoq; Domini innocentiam convitiari perrexisse. S. Hieronymus, qui pro sententia posteriore passim citatur in Matth: 27. aperte hanc priorem sententiam sequitur. *Hic per tropum, qui appellatur Syllepsis: pro uno latrone uterq; inducitur, blasphemasse.* (atq; si hic cessasset, sententiae posterioris author, merito putaretur, sed sequentia priori favent.) Lucas verò asserit, quòd altero blasphemante, alter confessus sit, è contrario increpaverit blasphemantem. Non quòd discrepent Evangelia, sed quòd primum uterq; blasphemaverit. Dehinc sole fugiente, terrâ commotâ, saxiq; disruptis & ingruentibus tenebris unus credidit in IESVM, & priorem negationem sequenti Confessione emendaverit. In duobus latronibus uterq; populus & Gentium & Iudaeorum primum Dominum blasphemavit. Postea signorum magnitudine alter exterritus egit penitentiam, & usq; hodie Iudaeos increpat blasphemantes. Cornelius à Lapide premit illa verba Hieronymi. *Terrâ commotâ, saxisq; disruptis, quæ pene eadem apud S. Chrysostom: hom: 2. de Cruce & Latrone, Origenemq; tract: 34. in Matth: dicit extare.* Miraturq; eos PP. non animadvertere, quòd talis sententia non satis congruat Evangelio, quia exceptis tenebris cætera signa acciderunt mortuo iam Christo, cum tamen perspicuum sit, Latronem conversum esse, vivente. Valet igitur ad succurrendum Patribus citatis S. Leonis sententia serm: 2. de Pass. *Quæ istam fidem (puta latronis) exhortatio persuasit? quæ doctrina imbuit? quis prædicator accendit? non viderat prius acta miracula, cessa verat. tunc langventium curatio, cæcorum illuminatio, vivificatio mortuorum, ea ipsa, quæ mox gerenda erant, non aderant: & tamen Dominum confitetur & Regem, quem videt supplicij sui esse* con-



confortem. Inde ergo oriebatur hoc donum, unde accepit fides ipsa responsum. Scilicet miracula proximè futura, quæ imminetia præsentiri poterant ex prodromis aliquibus signis, aut tanquam præsentia iam obversari, motivum fuerunt latroni resipiscendi. Quanquam causa summa & primaria semper dicenda, gratia, ait S. Cyril: Ierosol: Catech: 13. *Quæ te virtus illuminavit ô Latro! quis te docuit adorare contemptum simul Cruci affixum? ô lumen perpetuum illuminans obscuratos!* Addit Suarez fieri potuisse, ut Latro antequam incarceraretur Christum prædicantem audiêrit, miracula conspexerit vel audiêrit, & in ipsum crediderit. S. Vincentius Ferrerius eum conversum umbrâ Christi asserit, cum scilicet sole gyrate umbra Crucis Christi eum contigit: an enim efficacior putanda est umbra S. Petri, quæ sanabat infirmos. *Vt in plateas eijcerent infirmos, & ponerent in lectulis ac grabatis, ut veniente Petro saltem umbra illius quæ obûbraret, & liberarentur ab infirmitatibus suis.* Act: 5. Omnium profectò graveolentium arborum umbræ capiti noxiæ sunt, quales sunt Pinus, Larix, Abies, Terebinthus, Cypressus, Sambucus, & omnes species picearum, ait Webberus disc: cur: 52. art: 1. & Kircher apud eundem testatur aliquos, qui sub nominatis arboribus dormissent, ita bituminosis gravatos spiritibus & odoribus, ut feбри inde contractâ multis mensibus lecto affixi hæserint. Clusius quoq; apud eundem genus Laricis ex America refert sub cuius umbra dormientes tam potente delirio corripiuntur, ut expergiscentes & usu rationis destituti, miros inde mores assument, gerantq; se pro Prophetis, Militibus, Mercatoribus, singuli pro ijs, ad quæ eos naturalis incitat propensio. In novo Regno Granatensi (teste Herrera.) Arbor aquapum tantæ est vi-



rulentia, ut Hispani adhuc ignari sub umbra ejus dormi-  
 entes hydropicorum instar immodico omnium membro-  
 rum tumore distenderentur. Barbari quoq; cum se forte  
 nudi ebrii ve sub eadem abijciunt, rupta non raro nimio  
 tumore pelle, omnibusq; intestinis effusis miserabiliter  
 pereunt. Tales sunt umbræ mundi, quæ nonnisi morbos  
 pestesq; animabus inhalant. De umbra Crucis Christi  
 dicta sunt quædam sub quæstione XC. Hic addo ex ci-  
 tato Webbero umbras earum arborum, quæ naturâ con-  
 stant aëreâ humano corpori salutiferas esse. Ut sunt Py-  
 rus, Pomum, Cydonia, Amygdalus, & omnia aurantio-  
 rum cytriorumq; genera &c. Atq; hæc umbræ tantò sunt  
 saniores, quantò fructus homini plus conferunt. Siqui-  
 dem vapores expirant vaporibus naturæ, id est spiriti-  
 bus valde confimiles, unde & ijs spiritus hominis æstu-  
 antis temperantur & confortantur, & corporis membra  
 instaurantur. Hinc Egyptiorum mos fuit, ut omnes il-  
 los morbos, quorum vis esset in perturbatione spiritu-  
 um, (ut Phrenesis, Melancholia, vertigo, tristitia,) arbo-  
 rum quâdam dissipativâ facultate pollentium amicis um-  
 bris adhibitâ etiam musicâ curare soliti sint. Simili cu-  
 rationis genere Bonus Dysmas in lectulo crucis revaluit;  
 cum & in eum ex arbore Vitæ, Cruce inquam fructum  
 salutiferum IESVM tunc gestante virtus exiret, & musi-  
 ca verborum sacrosanctorum suavissimâ accederet. Ad-  
 dit citatus author umbrâs quasdam umbris contrarias:  
 ita dolorem capitis, quem quis in umbra iuglandis con-  
 traxerat, in umbra mox Tiliæ mitigari sentiet. Qui ex  
 morfu canis rabidi hydrophobiam, sive metum aquæ  
 contraxit; si sanatus umbram corni subiêrit, in eandem  
 irremediabiliter delabitur. Sic est contraria umbris sæ-  
 culi umbra Crucifixi: furorem, quem Latro intra umbras  
 syl-



sylvarum infestatarum conceperat, in umbra Crucis de-  
 ponit: & lacrymas, quas ex oculis supplicantum sibi du-  
 rus ridebat, cum cerbereâ rabie sæviret: iam ex oculis  
 suis supplex fundit. Porro ut arborum umbræ solis ra-  
 dijs pereussarum vaporesq; exspirantium non aliter o-  
 perantur in corpora subiecta, quam cum laxati corpo-  
 rum pori ærem umbrorum arboreis spiritibus permix-  
 tum admittant: sic & bonus Latro non aliter sanitatem  
 ab umbra Christi, quam aure, cordeq; apertis, admisit.  
 Qui pori quoniam apud obstinatum alterum densiores e-  
 rant neq; aperiebantur; expers remedij salutaris interiit.  
 Aitunt Luscinia amari maximè umbram fraxini, eò, quòd  
 summa volucris cum serpente & huic vicissim cum fraxi-  
 no antipathia, ideoq; inter hujus arboris umbrosos ra-  
 mos velut in arce munita contra hostem tutâ vivit. Nos  
 pariter, ut ab antiquo serpente immunes simus, in fraxi-  
 neam Crucis umbram convolemus, quòd impellit & S.  
 Francisci Salehij scitum nobile, *utilis est anima, quæ alia  
 in arbore, quam S. Crucis nidulatur:* & S. Latronis exem-  
 plum simul invitat ac experimentum. Piè quidam nec  
 improbabiliter relati à Cornelio meditantur B. V. M.  
 stetit mediam inter hunc Latronem ac Christum, ac il-  
 li gratiam impetrâsse; & morienti Christum re ipsa cru-  
 cifixum exhibuisse, uti morientibus figura crucifixi pro-  
 poni solet. Bene S. Rupertus in hanc rem advocari po-  
 test explicans Gen: 4. figuram Ioseph. *Ioseph duorum  
 medius vincitorum in carcere utriusq; somnij sui proferens  
 interpretationem Salvatoris nostri forma est vel umbra,  
 qui duorum medius latronum in cruce, utriq; iuxta fidem  
 & meritum suum dignè dedit sententiam.* Recole ipsa Iose-  
 pho somnia proposita. Alterum ergo de Canistro pa-  
 num. Non quidem Latro Christo panem, imò potius la-



pidem exhibebat pro corde, quem Dominus in panem refingeret, si posset, blasphemio id faciens tentatoris ingenio: verum Christus se Panem Vitæ illi communicabat; ast non lætiore successu quàm Iudæ: utriq; illa sincerissima explicatio amoris pro somnio contempta, meritò in exitium cessit, & ipsi in escam vulturibus cefferunt stygijs. Alterum somnium erat de vino & ejus propagine five vite. Quæ illa vitis, nisi (ex Delrij interpretatione) B. V. MARIA? Illam prædicat Epiphan. *Vitis veritatis fertilissima, minimè vindemata.* Et Esychius. *Vitis uvarum ferax valde florens, intacta.* Chrysipp. *Vitis uvas pulchras produçens.* S. Bonav. *Vitis ferens botrum, per quem pulsa mundi sitis.* Theotocion apud Buteonem. *Vitis vera, quæ germinavit Fructum Vitæ.* Si ergo per somnium visa vitis Pincernæ Pharaonis bene ominatæ auspicatq; fuit: quid mirum, si Vitis Divinæ ac mystica verè præsens ac adstans Dysnæ, salutis fuerit; quod ei redemptionis lytrum, vinum vivifici sanguinis intercessionis sua propinaret; cum ipsa maximè torculari Crucis Filij sui premeretur. Fudit laticem misericordiæ, cum sub Crucis prælo lacrymas miserrimæ funderet, non temerè utiq; nec sine gustu ac utilitate ab arida tellure combibendas. Non debuit incendio æterno ulmus illa sicca licèt damnari, quam adeò nobilis Vitis favore suo circumplexa esset. Alias ulmos vites aliæ exsiccant, hanc ulmum Virgo Vitis æterno virore beavit. De laudibus S. Latronis, de obstinatione mali, eximiaq; documenta ex utroq; vide apud Cornel: à Lapide in Luc: c. 23. a. pag: 228. & seqq: Sylveiram tomo 5. in Evang: lib: 8. Escobar in Evang: tomo primo, &c.

Altera sententia est Patrum Latinorum, ut Cypriani, Augustini, Leonis, Gregorij, Isidori Hisp: quam ut  
pro-



probabiliorem sequuntur recentiores interpretes Maldonatus, Franc: Lucas, Dela Haye Servius, Cornelius à Lapide, Sylveira. Vnum solum latronem finistram Christo convitia dixisse, in plurali tamen poni latrones per Synecdochē sive ut SS. Hieron: & Idid: per *Syllepsim*. S. Augustinus tropo hīc uti SS. Marcum & Matthæum evincit allatis similibus S. Scripturæ phrasibus, ut ad Hebræ: n. dicitur, *clausurunt ora leonum*, cum hoc solum Daniel fecerit. *Seeti sunt*: Isaiam unum sectum constat. Et Psal: 2. Astiterunt Reges terræ & Principes convenerunt in unum. Per Reges solus Herodes, per Principes solus Pilatus notantur. &c. &c. *Quid autem usitatis verbigratiā, quā ut dicat aliquis. Et rustici mihi insultant etiamsi unus insultet. Tunc enim esset contrarium, quod Lucas manifestavit, si illi dixissent ambos latrones convitiatos Domino: ita enim non posset sub uno plurali unius intelligi &c.* Hæc S. Aug. Similes modos loquendi ex Scriptura afferunt Cornel: & Sylv. *Milites offerebant acetum*. Luc: 23. cum unus obtulerit ex militibus, & posterior ex S. Hieron: Iudam solum indignatum esse, *ut quid perditio hæc?* cum Magdalena Dominum unxisset: Matth: tamen 26. dicuntur *discipuli indignati*. Annotat pulchrè Bourg: pluraliter dicuntur convitiati, nempe *unus loquens, alter tacens & dissimulans*. Quamdiu tacebat, consentire videbatur, licet deinceps cum expisset loqui contrarium sentire sit agnitus. Idem Bourg: cum Dela Haye, adhuc pluraliter dici de blasphemis, licet in re unus fuerit, quia alter non solum suo, sed etiam socij nomine impropertat, cum diceret *salva temetipsum & nos*. Cornelius verò cum citatis insuper per *latrones* non personas, sed conditionem addit significare voluisse Matthæum & Marcum, ut ostenderet Christum in Cruce ab



omni hominum genere & conditione etiam latronum convitia pertulisse. Adeo sævè & insolenter certatim omnes Christo convitiati sunt, ut etiam collateralis latro cum eo crucifixus, & animam agens impudenter in eum probra coniecerit. Hæc Cornelius. Verum audiendus & Dela Haye. Matthæus & Marcus hoc modo rei indignitatem amplificârunt non tam personæ, quàm conditionis notatione factâ, ac si dicerent, non solum à scribis & senioribus & populo ac vulgo inferioris notæ, expertibus tamen illius conditionis, in qua Christus erat, illusus, & opprobrijs affectus fuit, sed ab ijs etiam, qui cum in eadem damnatione essent: & iusta de causâ damnati in miserrimo se gradu agnoscere debuerunt, suarq; sortis & culpæ conscientia & pænæ sensu, pudore affecti tacere: multò se tamen despectiorem inferioremq; putabant IESVM, quem præ se contemnentes improprio prosequerantur. Itaq; non tam homines ipsos, quàm personarum conditionem hoc loco notant Evangelistæ, ut Christum etiam latronum damnatorum conditioni detestatum illo tempore fuisse ostendant. Ita enim ille pro nostris culpis factus est opprobrium omnium hominum & abiectio plebis, ut expendant & animadvertant homines, quo abominationis & detestationis, quo odij & desertionis in loco mundus peccato, obnoxius esset, quando, qui illius vicem luendam innocens ipse subiit, his modis exceptus est. &c. &c. Omnes ordines, Iudæi, Gentiles, Sacerdotes, Populus, servi infimi, periti, imperiti, qui habebantur sanctissimi pharisæi, & sceleratissimi latrones. *Omnes videntes me, deriserunt me; locuti sunt labijs & moverunt caput.* Psal. 21. Bourghesius.

Sylveira morales rationes duas isti sententiæ subnectit. 1. Bonus Latro simul cum malo pendebat, & inde

EX



ex malo socio notari poterat, ac si blasphemus esset. Sicut & in unctiōe suprà citata, cum Iudas unus obmurmurasset, omnes Discipuli, etsi Sanctissimi, quodammodo involvuntur. Ita scilicet homines cum suis socijs in idem assimilantur ac reputantur. Miratur Theodoretus q. 50. in Genes: quòd omnes homines etiam pijsimi filij Seth perierint diluvio generali; quæ tanti rigoris causa? *Sanè, inquit, delere sobolem Cain voluit Deus, & quia piorum tribus illi permixta erat, ob id supplicij fuit particeps.* En, ut iniquorum societas nocet, ut cum illis etiam pii pereant, eidemq; supplicio adscribantur. 2dò. Vnus blasphemavit, & dicuntur plures blasphemasse, quia sic afficitur Christus dolore ob perditionem unius, ac si omnes perdidisset: sic & in memorata murmuratiōe Iudæ Dominus tristabatur amissione unius oviculæ, ac si totus electorum cætus quodammodo perisset. Hinc & illa querela *Deus meus, ut quid dereliquisti me.* D. Hilarius ait, quòd his verbis *suam solitudinem conqueritur.* Vtiq; aiebat, *cum exaltatus fuero, omnia traham ad me.* Si traxit omnia, quomodo solus? Admittebat unum latronem, ita contentus ceu omnia attraxisset. Amittebat unum latronem, ita anxiebatur ac si ab omnibus relictus omnes perdidisset.

In favorem huius, sententiæ posterioris adderem ego axioma iuris. *Bonus quisq; esse presumitur, quamdiu malum esse non constat.* Nempe Latronem dextrum nunquam blasphemum fuisse; quia nulla ejus blasphemia refertur distinctè, cum verò bonus fuerit & contra socium pro innocente læso zelaverit; idem semper extitisse assererem. Verum in re ambigua malo cum Escobar S. Ambrosij problema amplecti. *Quia Matth: & Marcus duos convitantes inducunt latrones; Lucas unum convitantes*

*tem*



tem, & unum repugnantem: fortasse & iste prius convitiatus est, sed repente conversus est. Porrit etiam de uno pluraliter dici, sicut & illud caprinis pellibus ambulabant, secti sunt: cum solus Elias melotidem habuisset; Esaias sectus esse doceatur.

XCv.

*Quibus de causis datum Christo acetum? & cur illud acceptavit? non verò vinum myrrhatum?*

**I**N lege antiqua Levit. 2. præceperat Deus, ne in sacrificijs uterentur melle, non quòd liquorem tam amabilem & veluti cæli partum, (vocat enim Pòeta *àerei mellis celestia dona*) abominaretur, sed quia antiqua sacrificia totidem erant figuræ sacrificij in Ara Crucis offerendi: Omittebatur ergo mel in figuris; quis in vero, quod figurabatur, nulla dulcedinis gutta admisceri debebat. Fel, myrrha, hyssopus, acetum, cruciamenta palati & gutturis aderant in copia; atq; adeò repetebantur: quòd gustum leniret omnino nihil. Bis Dominus potatus semel antè, iterum post crucifixionem. De illa priore actum est suprà quæstione 84. & 85. De hac altera bifariam procedit quæstio; ad cuius primam partem. R. mō. Acetum porrectum est sitienti, illusionis gratiā, sic enim Lucas expressè. *Illudebant autem ei & milites accedentes, & acetum offerentes ei.* Si ex consuetudine esset dare acetum damnatis, non diceret *illudebant ei.* Coniecturam facit Sylveira, quòd antiqua consuetudo fuerit crucifixis dari vinum in spongia circumligata folijs hyssopi, ut si aliquid vini ex spongia deflueret; hyssopi fasciculus exeret: utq; ita crucifixus tam hyssopi, quàm vini succum



cum ex spongia fugeret, quo vires animumq; reciperet. Porro hyssopi usum in vino, acetove fuisse priscis familiarum Columella & Plinius testantur. Ratio est ex Gale-  
no, Dioscoride, Ruellio, Dodonæo, quod hyssopus vino admixta exanimatis vires ac animum redderet, ac deli-  
quium depelleret. Verum de hoc disputent Medicorum filij. Ad quid hyssopus inserviêrit hoc loco? variant Au-  
thores. 1. Chrysoſt: Theophylact: Euthymius, Thomas, Lyranus, Titelmanus, Carthusian: Barradas, Cornel: à Lap: aiunt, quod calamus, cui imposita fuit spongia, erat hyssopus; in Palestina enim terra felicissima ac uberrima hyssopum hortensem altius solito excreſcere, qualis pro hastili, cui spongia infingeretur, esse potuerit; maximè cum Crux ipsa non adeò foret alta. Verum contra hanc opinionem, ejusq; confirmationem à Cornelio cogitatam stat oraculum Salomonis 3. Reg: 4. qui disputasse dicitur utiq; in Palestina. *Super lignis à Cedro, quæ est in Libano usq; ad hyssopum, quæ egreditur de pariete.* Vbi manifestum est sumi pro herba minima, quæ Cedris maximis opponatur. Datâ non concessâ tam procerâ hyssopo, quid adhuc opus erat eam conquirere? numquid ad manum militibus sua pila lanceæve præstò non erant? Certè Estius locò hyssopi ex græco coniectat legendum esse pilum, hastam, telum Romanum: Vnde & Pilati nomen fluxit. 2. Sâ & Tyrinus hyssopum fuisse pro ligamine seu filo ad circumponendam spongiam arundini. 3. Toletus & Escobar inquirunt, quod miles spongiam implevit acetò, & ne imbibitus liquor elaberetur, hyssopum herbam ob amaritudinem satis funestam circumposuit, ita, ut hyssopus suis folijs spongiam compleret & involveret. 4. Maldonatus ait, milites unum arundini hyssopum circumligasse, tum deinde hyssopo spongiam circumposuisse



se, ut ex spongia non vinum modò, sed corruptorem vini insipidum hyssopi succum biberet. 5. S. Hilarius & eum secutus Baronius dicunt, succum hyssopo expressum cum aceto spongiâ exceptum, impositumq; arundini ac Christo porrectum. Sed à varijs sententijs, ut ad filum quæstionis ceu ex diverticulo redeam. Aio, Milites, ut placerent Iudæis, locò vini crucifixis dari soliti in spongiam acetum misisse. In hac sententiam Lyranus ad c. 27. Matthæ adducens illud Prov: 31. *date scieram mærentibus*, &c. dicit. *Ex occasione istius verbi seniores Iudæorum statuerunt, ut condemnatis ad mortem daretur vinum aromaticum ad bibendum, ut facilius tolerarent passionem. In Ierusalem autem erant Matronæ devotæ, quæ hoc vinum ex devotione procurabant, sed Iudæi tale vinum datum pro Christo & alijs duobus acceperunt sibi, & locò ejus posuerunt acetum.*

2dò. Pro magno cruciatu in siti Domini, (& hæc ratio priorem explicat,) non dant dulcem ac suavem potum, sed valdè acrem & acerbum, ut maximè Dominum torquerent, & ejus sitim non extinguerent, sed augerent. Nam acetum licèt in exordio videatur sitim imminuere, mox tamen accrescere facit, quia, cùm valdè siccum sit, vehementer deficcat. Huc loquitur S. Chrysost: hom: 84. in Ioan. *Tu autem astantium pravitatem intellige, nam licèt innumeros habeamus inimicos, qui nos gravissimè persecuti sunt, cùm tamen interim eos videmus, flectimur misericordiâ. Hi verò nihil moti magis efferantur & irrident, acetumq; in spongia porrigunt; ut bibat tanquam reus; nam propter hoc hyssopum additur.*

3tiò. Baronius existimat acetum datum fuisse Christo, ut sanguinem restringeret, ac à profluvio sisteret, stomachumq; cum cæteris membris roboraret, & consequen-

quem-



quenter, ut cum diutius conservatur in vita, IESVS diutius etiam torqueretur. Porro spongiam tum per se, tum magis imbutam aceto & hyssopo, quorum utrumq; vim habere sistendi sanguinem Plinius & Dioscorides volunt, & Baron: de industria vas illud aceto plenum cum spongia, hyssopo & arundine, annotat præparatum; non tantum ad propinandum crucifixis, sed ut arundini affixam spongiam, aceto hyssopiq; succo turgidam vulneribus eorum admovent, quo sanguis profluens sisteretur. Cujus rei non levis coniectura est, quod Spongia Sacratissima, quæ tum Romæ in Laterano, tum Parisijs in Sacello Regio divisa servatur, aliquem adhuc ruborem retinet, quam sanguine tincta fuisset. Hanc è clavorum Vulneribus sanguinem prius absterxisse, sed hoc expresso, aceto hyssopoq; intinctam, ori Dominico porrectam fuisse verosimile est. Ut non modò acidis amarisq; liquoribus, verum sanguine quoq; proprio (quod horridum est,) potaretur. Miratur meritò acerbicatem istius cruciatûs Bourghesius.

4to. E contra Theophylact: Caietan: Ianssen: Tolet: Franc: Lucas, Sâ, Barrad: & alij asstruunt acetum fuisse Christo porrectum, ut mors ejus acceleraretur, idq; factum nutu illorum, qui ex officio executioni mortis hujus præerant, utpote famescientium iam hora nona, ac ad domos suas anhelantium ad prandium. Nam acetum magnam vim habet penetrandi, suamq; malignitatem & amaritudinem omnibus membris, vulneribus, & plagis instillandi. Hoc de aceto sentiunt S. Hilar: Chrysost: & Nonnus, qui paraphrasi super Ioan: 19. *Acerrimum potionem & siticulosam muriam, acetum exitij hyssopo permixtum* vocat. Et Theophylactus. *Acetum Christo in potum dabant, ut moreretur priusquam veniret Elias: unde*

Uuu

alij



alij dicunt, sine, videamus an veniat Elias? Hoc est sine eum, ne facias mori, ut sciamus an iuvetur ab Elia. Alias interpretationes vide apud Cornelium in Matthæi caput 27. v. 49.

570. Potest addi ratio symbolica S. Augustini. Date, quod estis Iudæi; quippe erant acetum degenerantes à vino Patriarcharum & Prophetarum, & tanquam vas plenum aceto habentes, scilicet cor plenum iniquitate, & velut spongiam cavernosis & tortuosis latibulis fraudulentum. Unusquisq; dat id, quod habet: cum igitur nil præter acorem in cordibus haberent, imò toti quanti lagunculæ aceti essent, acetum propinant. Sic & Origenes contra Celsum lib: 7. Semper veritatis insidiatores fel suæ malitiæ & acetum proclivitatæ ad malum offerunt Domino Deo suo. Et Remigius Altissiodoren. Acetum Iudæi à Patribus degenerantes, spongia fraudulenta corda, arundo Scriptura Sacra, quæ hoc facto implebatur. Quanquam non solius hoc gentis Iudaicæ crimen est, si audimus S. Hieronymū. Vsq; hodie Iudæi & omnes increduli Dominicæ Resurrectionis aceto & felle potant IESVM, & dant ei vinum myrrhatum, ut eum consopiant, & mala eorum non videat. Et S. Hilarius. Vinum, quod in Adam coacuit, immortalitatis est honor an virtus? potavit ergo, ad se in communionem immortalitatis ea, quæ in nobis erant vitiosa transfundens. Ipsam quoq; hyssopum S. Aug: allegoricè expendit in cap: Ioan: 19. Herba, inquit, est humilis, pectus purgans, Christi humilitatem significat, Christi enim humilitate mundamur, hanc Iudæi circumdederunt, & se circumvenisse putaverunt. De hyssopo quoq; vide Cornel: in Matth: c. 27. v. 48. In hac morali explicatione aceti, sitis quoq; Dominicæ (nam hujus manifestatæ occasione datum est) moralis explicatio non prætermittenda



da. Arnoldus Carnōten. *Profluentibus, inquit, de sacro latere lymphis virventibus, emanantibus de fonte uberi largis liquoribus Christus sitire se perhibet. Et Ven: Ludov: Blofius Abbas Lætiensis. Habuit aliam sitim, puta amplius patiendi, atq; evidentius suum nobis amorem demonstrandi. Post tot & tantas pœnas, nondum satiatum est cordis mei desiderium, amoris mei flamma, neutiquam re-  
 » *stineta est. Etenim si fieri posset, & Patri meo gratum foret, vel millies ob salutem omnium vestrâ crucifigi optarem. Idem. Sitiebat, ut exhauriret omnes nostros cruciatus, dolores, afflictiones. Figura ejus erat Angelus, qui descenderat cum tribus pueris in fornacem Babylonicam Dan: 3. Angelus Domini descendit in fornacem, & excussit flammam ignis. Tertul: legit, exhausit flammam ignis. Quis verò hic erat, qui hominum flammâs epotabat, ne illi pueri ab igne torquerentur, nisi magni consilij Angelus IESVS? qui ob sitim, quam habebat, nostrarum pœnarum flammâs ne pueris nocerent, hauriebat. Sic Tertullianus memoratus contra Marcionem c. 21. Verbum in fornacem descendens, flammâs ignis exhausit, pœnas hominum sitiens. Drogo Hostiensis serm: de Sacram: Dom: Pass: Domine quid sitis? interrogat. Ergone plus cruciatur sitis, quàm Crux? de Cruce siles, & de siti clamas. Sitio. quid? Vestram fidem, vestram salutem, vestrum gaudium, plus animarum vestrarum quàm corporis mei cruciatus me tenet. S. quoq; Laur: Iustin. Quod Samaritana dixerat, da mihi bibere, hoc in Cruce ait omnibus sitio. Et pulchrè tempora correspondent, erat enim tunc hora quasi sexta cum fatigatus ex itinere sedisset ad fontem Ioan: 4. v. 6. Quod considerat Iuglaris elogio 69. In meridie charitatis suæ circa horam 6tam fatigatus, iterum ex itinere sitit. Qui tamen stagnantes illi in corde aquas attendat, suis il-**



lum discet sitire, non sibi. Tantalus alter in ærumnarum Oceano &c. Sed revertor ad abruptum S. Laur: Iustin: textum: *Sitis hæc de ardore dilectionis, de amoris fonte, de latitudine nascitur charitatis. Sitiēbat, & dare se nobis desiderabat.* Hoc & S. Aug: in Ps: 61. asseruit. *In Cruce positus sitio dixit. Quamvis illi non dederunt, quod sitiēbat. Ipsos enim ille sitiēbat, at illi acetum dederunt non vinum.* Sitiēbat Dominus vinum novum ipsos nempe suos interfectores & crucifixores, ut eos ad salutem adduceret. Idem innuitur Psal: 109. *De torrente in via bibet.* Si bibet, cur non de limpido potius crystallinoq; fonte, vel de fluvio inundante? sed de torrente. Respondet S. Hieron. *Torrentis nunquam mundam habet aquam, sed semper turbidam.* Bibit ergo Dominus in siti aquam turbidam, peccatores turbidos & fædatos maculis suorum criminum, hos sitit maxime, ut purificet ac sanctificet. Plinius perhibet quendam piscem dictum fascinum esse in mari, in cuius gutture salsa alioqui amaraq; aqua maris dulcescit: unde ad illum alij pisces confluunt de ejus liquore participaturi. Ejusmodi piscis IESVS noster dulces reddit ærumnas, quas prægustavit: aufert omnem amaritudinem & fel iniquitatis ex eis, qui se ori ejus siticuloso non subtrahunt. Pensat adhuc istam sitim S. Aug: in Ps: 61. *Quid tibi deest ô Corpus Christi? impletur de te quod prædictum est: adorabunt eum omnes Reges terræ, omnes gentes servient ei. Quid ergo sitis? tantis populis non satiaris?* ait adhuc apud Psalterem, *ibi cucurri in sin.* Currit in siti unius peccatoris fugientis ac terga vertentis. Et si omnes Reges terræ & gentes ad eum veniant, si unus peccator ab eo fugit, sic præ illius siti currit, ac si omnino nil refrigerij sit expertus. Vnde addit S. Aug: loco citato. *Multos bibit, sed nunquam erit sine*



*sine siti.* Significat ergo tropicè sitis Domini insatiabile desiderium plura pro nobis patiendi, nobisq; debitas ærumnas exhauriendi: significat & ardentissimum zelum convertendi peccatores, eosq; salvandi: & ut S. Nazian: in tetrastichis canit, *sitiri sitit Deus.* Genuinè tamen exprimit verum & realem appetitum humidi & frigidi. Verè sitiēbat Dominus, quia omnem humorem cum sanguine effuderat; exsiccata erat caro illa sanctissima humido naturali effusione totius sanguinis consumpto: tum etiam quia totâ nocte in vigilijs transactâ nihil manducaverat, nihil biberat à cæna pridiana; & tandem, quia acerrimi cruciatus ac dolores ingentem sitim excitabant. Ut loquitur S. Cyril: *Alex: dolores innatum calorem excitant, vel quod in profunditate est humidum, consumunt; & igneis ardoribus viscera urunt.* Ex quo fauces exsiccantur & ardenti siti discruciantur, & tunc impletum est de Christo illud Ps. 21. *Aruit tanquam testa virtus mea & lingua mea adhaesit faucibus meis.* Sive ut Tertull: contra Marcion: c. 92. citat. *Agglutinata est gutturi meo,* ut scilicet defectu humidi moveri non posset. Ut igitur vera fuit sitis Domini, sic vero & congruo refrigerio placari debebat; verum perversitas tortorum & hoc illi invidit, & pro eo tormentum substituit. Quanquam potius ipse amantissimus fellei nostri, illud vel moriens spongiâ collegit in delicias sitis suæ. Suxit illa sponsia fellea ori Dominico admota liquidas voluptates in fonte suo; relictâq; ibi acrimoniâ ipsum acetum factum est amabile. Dedicavit IESVS acidissimam potionem, ut hominibus servaret: quos dulcedine depravatos fortunæ aut voluptatis, amara solum corrigunt; calamitas nempe & penitentia non secus ac ventriculus corruptus dulcibus, amarior restauratur, quæ illum mirificè confortant. Aiunt  
fa-



fasciculum ruthæ è funiculo in antra venenosorum animalium immisum, omne ex illis venenum extrahere: **EN** IESVS meus myrrhæ fasciculus è Cruce pendens, omnem acorem & amaritudinem ex mundo extrahit. Merito illum grano sinapis comparat S. Chrysol: ferm: 98, amaritudinem enim sibi vendicat. *Christus, (ait ille,) velut granum sinapis in horto Corporis Virginis missus, orbe toto Crucis in arborem crevit, ac tantam dedit fractus sui saporem cum teritur in Passione, ut quidquid est vitale, suo saporaret & condiret attactu.*

Ad 2dam partem quæstionis pono pro fundamento verba S. Ambrosij. *Acetum bibitur, vinum cum felle non bibitur*, quem sequitur Caietanus & alij verosimilius opinantes, quod Christus acetum biberit; quam Titelmanus secutus D. Antoninum 1. part: tract: de Pass. *Cum accepisset acetum non quidem bibendo, sed gustando.* Germana enim significatio verbi *cum accepisset*, haustum potius quam degustationem significat. Non accepit ergo Christus potionem vini myrrhati, & accepit potionem aceti cum hyssopo: Cur?

1. Respondet Sylveira, hausit acetum, quia erat merum acetum, labia verò amyrrhato\*fellitove vino avertit, quia erat permixtum, in quo denotabatur admixtio bonitatis ac malitiæ. Plus Domino, quàm fel, displicet felis & vini permixtio. Ita & S. Ambrosius ait. *Acetum bibitur, vinum cum felle mixtum non bibitur: non quia fel, sed quia admixta vino amaritudines recusantur.* Non aliam ob causam in paradyso omnis ligni fructus ad vescendum permittitur, lignum tantum scientiæ boni & mali prohibetur, quia in eo scientia boni & mali five bonum & malum coniungebatur. Ita horret IESVS palliatam pietate hypocrysim, ut apertam malit malignitatem

2. Idem



2. Idem Rdet. Myrrham respuit, quia ipsa eripiebat sensus ad dolores perferendos, (nam ut notat Escobar torquendis ut membra obtupefcerent, minùsq; doloribus afficerentur, hoc genus vini solitum propinari.) Christus verò sensum dolorum sibi nullo modo volebat imminui, utpote quos unicè sitiebat. Acetum è contra libenter accepit, nam hoc vehementer acuit sensus ad cruciatus sustinendos: ideoq; solet deliquia patientibus suffundi. Myrrham impediens dolores reijcit, acetum excitans sensus ad sensum cruciatuum fitit & bibit. Ne dixeris vinum illud myrrhatum non fuisse quale alijs rebus propinabatur generosum & bene conditum, sed vaporem evanidam felle subactam. Adeòq; expediens fuisse, ut biberet, ex quo potu seu confortatio, seu sensuum stupor ac insensibilitas secutura non erat, sed loco ejus tormentum palati atq; gutturis. Concedo Antecedens, sed nego consequentiam. Nam licet tam depravatus fuit potus à tortoribus; depravatus tamen fuisse nesciebatur à spectatoribus, qui tantam patientissimi IESV in Crucis supplicio perferendo constantiam, vino utiq; myrrhato hausto facile adscripsissent. Quod Dominus nolebat, cum adhuc per Isaiam diceret. *Indignatio mea auxiliata est mihi.* c. 63. Tigurina legit. *Æstus meus fulciebat me,* hoc est nullo alio medicamento, nullo fomento externo indigeo, ad acerbam Crucis mortem perferendam, cum ab interno æstu mei amoris ad multò graviora sustinenda fulciar. In aceti verò propinatione nulla fuit spectatorum deceptio, sciebant vas adesse plenum aceto, videbant hyssopum; adeòq; acceptavit hunc alterum potum, cuius ut manifesta malignitas, ita propius erat effectus languentium sensuum excitatio, sanguinis profluentis inhibito, &c.



3. Potest dici. Non acceptavit IESVS vinum myrrhatum in gratiam suæ veracitatis, dixerat enim in ultima Cæna: *Dico autem vobis, non bibam de hoc genimine vitis usq; in diem illum, cum illud bibam vobiscum novum in Regno Patris mei.* Matth: 26. Quamvis nempe & myrrhâ & felle alteratum fuerit: vinum tamen erat, cuius usu sibi Christus usq; ad Resurrectionem interdixerat, ut feriam illam sextam totam ieiunus ac ficeus à vino traderet. Adeoq; non ob debilitatas ac fractas vires, imò nec ob ipsas doloris ac acerbitatis illecebras in felleo poculo natantes, quas alioqui sitiebat, in propositi sui rigore secum dispensavit: acetum verò, quod degenerando à vino, specie diversum liquorem faciat, & appetentissimo patiendi gustui Domini satisfacere potuerit, & sitiivit, & potavit. Discenda hic propositorum bonorum, multò magis votorum Deo factorum, sacrosancta & nunquam violanda religio.

4. Addi potest. Quia potum ante crucifixionem dabant pro more tortores: acetum autem cum hyssopo non tam pro more, quàm pro illusione. Illusio & insultatio condidit Domino acetum, invitavitque, ut biberet; qui prius vinum absq; hac urbanitate oblatum recusarât. *Perversa mens carnalium sancto ori amaritudinem applicat, & fonti misericordie venena propinat.* Ait Arnold: Carnot: acceptatur tamen propinatio, quia superadditur illusio. Non enim secus Christo patienti acetum tortorum insultatio, quàm alijs combibonibus hilaris propinatoris comitas ac festiva humanitas pocula commendat. Bibitur sapidè etiam acetum ab hilari gestienteq; porrectum propinatore: bibit IESVS ab illusione.

Deniq; audiamus S. Cyrillum Alex: l. 12: in Ioan: c. 35. *Pro incundo & iuvante potu nocentem & acerbum at-*

*tu-*



tulerunt, & humanitatem, quā morari videbantur in impietatem convertunt. Inter cetera igitur, quæ crudeliter in Christum facta sunt, hoc quoq; poculum iudicamus, ex quo non parum utilitatis consequi possumus. Discimus enim hinc, non posse satiari adversariorum animos in persequendis amicis Christi; sed usq; ad ultimum spiritum, magnum undiq; tentationum commovent æstum. Pendebat IESVS in Cruce mille tormentis ac doloribus confectus, & ultimum spiritum agebat: & enī pro savi potu, vel simplici saltem aqua, acre ministratur acetum. Vnde tanta ferocia? cur non miseremini? cur tantis tormentis inflicti non lentescit vestri cordis rigor? Nesciunt mitescere Christi hostes, nec in sua rabie sistere; sed in persequendis Dei amicis nova semper meditantur, nec iam iam ultimum spiritum agentibus parcunt. Quid ergo? tantæ persecutorum pertinaciæ, par opponenda patiendi constantia: non recusandum cum Christo etiam morientibus labris oblatum acetum. Te verò potatorem mi IESV, si Iudæi iterum dixerint, ut olim Matth: 11. v. 19. quā dilues excusatione calumniam? paucas intra horas calicem exhaustisti: quem in horto Gethsemani à Patre plenum acceperas. Sed nimirum Te de genere dipsadum serpens momordit, (cū scilicet Iudas osculatus est,) qui quos affecerit, vel si illis flumina de ventre fluxerint, siti necat. Ejusmodi serpentū meminit Lucanus in Pharsalia. *In medijs sitiebant Dipsades undis.*

## XCVI.

*Latus Christi quare post expirationem apertum? & an sinistrum? an dextrum?*

Pascitur in vivis livor, post fata quiescit:

Tunc suus ex merito quemq; tuctur honor.

Www

Omni.



Omnino consonè ad rationem & veritatem canebat Ovidius lib: 1. eleg. Verùm ne maiorem pœticâ fide carmen suum mereretur; effecit, qui contra sanam rationem non exaturato livore viventis IESV supplicijs, in mortuum quoq; sævire præsumpsit. Ille inquam, contra quem nec exangvis corporis innata reverentia, nec mortem immeritam comitata prodigia tueri crucifixum potuerunt. Amplissima corporum vita functorum privilegia recitat Cassiodorus. *Corpus (inquit) quod semel reliquit molestias mundanas, humanas iterum pati non debet insidias. Nam etsi cadavera non sentiant, ab omni tamen pietate alienius dignoscitur, qui aliquid mortuis abrogasse monstratur.* Et Plato l. 5. de Rep. *Mortui corpus hostem putare, cum hostis ipse obierit, eo relicto quo pugnabat: quid putas eos, qui ita se gerunt differre à canibus in lapides servientibus eo, qui recessit, prætermisso?* His dictaminibus freti generosissimi bellatores, non modò corpora peremptorum hostium ad honores sepulchri suis remittebant, verùm ipsi met splendidis funeribus, monumentisq; dignabantur. Talium quidam, cum insigni pompa suo hosti iusta persolveret, admonitus fortè priorum inimicitiarum, festivè respondit: *Ego nulli meorum hostium ejusmodi triumphos in video.* Procul ab hac simulata saltem humanitate interfectores IESV. Pepercerunt quidem crurifragio, sed ut maiori barbarie in viscera corq; ipsum ferro grassarentur. *Ad IESVM autem cum venissent, ut viderunt eum iam mortuum, non fregerunt ejus crura; sed unus militum lanceâ latus ejus aperuit.* Ioan: 19. ad quem locum meritò succlamat S. Chrysost. *O pessimam voluntatem & sceleratissimam! &c.* Tanta in defunctum iam Dominum sævities vel fidem non inveniebat, vel defensionem nescio quo iure nacta est apud Petrum Ioannem quendam hæ-

reliar-



refiarcham: qui testibus Prateolo, Sixto Senensi, & Alphonso à Castro, docere ausus est contra manifestam sacræ historiæ autoritatem; Christum Dominum cum lancea perfoſſus eſt, adhuc viventem fuiſſe. Tuebaturq; ſuum errorem autoritate S. Chryſoſtomi hom: 89. in Matth: ubi prius Dominus lancea tranſfixus, tum clamans expiraſſe ponitur. Verum loco illo error, incuriã ſcriptorum haud dubium, obrepiſit. S. enim Chryſoſt: nunquam in hac ſententia Evangelio contraria fuiſſe conſtat, tum ex hom: 84. in Ioan. *Non Chriſti ſed ad Iudeorum gratiam conciliandam latus ejus lancea aperuerunt, & mortuo adhuc inſultant.* Quin etiam in ipſa homilia, quæ ab Hæretico perperam citatur, inferius ſubiungit. *Alius autem accedens, lancea latus ejus aperuit. Quid his omnibus iniquis excogitari poteſt, qui eò iniquitatis deveniunt, ut mortuum iam corpus vexarent?* Quæ autem vexatio niſi lateris perfoſſio? 2. Citat pro ſe Hæreticus Evangelium Nicodemi, planè appoſitè ſtutum Evangelium, qui 4. legitimis atq; Canonicis diſeredens ſtutum ſectatur, vel condit. Evangelium certè illud, quod ſub nomine Nicodemi circumfertur apoerýphum eſt, multis erroribus ſcatet, rerum ordinem geſtarum pervertit, ab Eccleſia reiſcitur; adeoq; nullam facit autoritatem rei, pro qua citatur. 3. Conatur evincere ſuum aſſertum rationibus. Verum nulla ratio quantumvis probabiliffima robur habet, ubi contra clara & expreſſa Divini verbi autoritas militat, ut in noſtra quaſtione. Referam infrà ſectarij argumenta, & diluam, (ne cuiquam aliquid roboris habere videantur.) ubi prius ad primam partem quaſtionis reſpondero.

R. ergo imo. cum S. Cyrillo, & eum citantibus Cornel: Sylve: &c. Apertum eſt latus Chriſti poſt expira-

Www1

tio-



tionem propter certitudinem habendam, an? vel facien-  
dam, quod obijffet. Nempe, ut lanceâ tactus, daret si-  
gnum vitæ, si quid adhuc ejus superesset, idq; ipsum tam  
vasto per loca maximè vitalia vulnere eriperetur. Mili-  
tum enim horum, utpote custodum officium erat, efficere,  
ut sententia Iudicis Pilati compleretur, neu vivus adhuc  
IESVS de Cruce deponeretur, alioqui si non omnes, cer-  
tè antesignanus eorum periculum capitis adijffet. Quis-  
quis autem ille percussor erat, vulnus, quod inflixit, (ut  
observat Doct: Vinc: Moles in Philos; nat: corp: Chr:)  
inflixit omnino mortale; ut ex ipso moreretur, si fortè  
non esset mortuus. Tum, quia magnum fuit secundum  
trinam dimensionem in longum, latum & profundum;  
fuit enim tantum, ut manus ei posset imponi. (Colligit  
hoc Cornel: & Bourg: ex illo Ioan: 20. *Affer manum tu-  
am, & mitte in latus meum.* Constat ejus magnitudo ex  
instrumento vulnerante, nempe ex lancea militari, cujus  
quidem cuspis dono Imp: Græci obtigit S. Ludovico  
Regi Gallix; ferrum autem ipsum dono Baiazethis Ma-  
gni Turcæ Innocentio VIII. transmissum asservatur Ro-  
mæ ad S. Petrum. Lancea vulnus parvum infigere non  
potuit: Sed magnum, ex quo quàm plurimi exolvantur  
spiritus vitales & magna sanguinis fit effusio, propter ve-  
narum magnam solutionem. Vnde aliqui ex magno vul-  
nere in brachio vel crure moriuntur. Ergo si in pecto-  
re magna fiat apertio, per quam præter spirituum vita-  
lium dictam exolutionem, magna ingreditur æeris frigi-  
di portio ipsas cavitatis vitalis partes refrigeratione of-  
fendens. Tum etiam mortale adhuc vulnus illud fuisset,  
quia vulnerabat partem magni usûs, quæ pericardium  
est. Non est quidem illa pars princeps corporis humani,  
usûs tamen ejus est maximus; hoc enim cordis involu-

crum



crum est, deservitq; ad refrigerium cordis mediante aqua in ipso contenta, & inde vulnus pericardij est mortale. Vulneratum autem fuisse pericardium, docet aquæ effusio in illo contentæ, quæ secuta est lanceæ infixionem. Ex duplici hoc capite giratus de Moles evincit, vulnus hoc Christi futurum fuisse lethale, si viventi fuisset inflic- tum, negat tamen eo cor Domini fuisse læsum, atq; ad o- ex hac ratione ait non fuisse lethale. Verum S. Brigit- te contrarium est revelatum l. 4. c. 40. *Aperto latere & extractâ lanceâ sanguis in lancea quasi brunei coloris apparuit, ut ex hoc intelligeretur cor esse transfixum.* Et lib: 2. c. 25. *In corde punctus erat tam amarus & immisericordi- ter, quod pungens non destitit, donec lancea attigit costam, & ambæ partes cordis essent in lancea.* S. quoq; Cypria- nus de dupl: Martyr: *Christus amiserat quidquid in corde resederat sanguinis.*

2dò. Patravit iam in defunctum hanc immanitatem miles, (ut suprà innui) gratiâ placendi Iudæis. Hic tan- tum addo nihil esse tam absurdum, tam barbarum, tam impium: nihil in alios tam crudele & inhumanum, quod non adulator committere audeat, dum se posse placere ejusmodi actione sperat. *Ad Iudæorum gratiam latus e- jus lanceâ aperuerunt, & mortuo adhuc insultant.* S. Chry- sost: hom: 84. in Ioan:

3tiò. Ad mysticam significationem Ecclesiæ de ejus latere dormientis in Cruce efformandæ, quemadmodum Eva de latere & costa Adami dormientis ædificata est. In hunc sensum loquitur Tertullianus lib: de ani: c. 43. *Si Adam de Christo figurabat, somnus Ada mors erat Chri- sti dormituri in mortem, ut de iniuria perinde lateris ejus vera Mater viventium figuraretur Ecclesia.* Et S. Chry- sost: hom: ad Neophyt. *Ex latere suo Christus ædifica-*

vit



vit Ecclesiam, sicut de latere Adam ejus coniunx prolata est. Nam hac de causa Paulus quoque, testatur dicens: de corpore ejus & de ossibus ejus sumus, latus videlicet ejus significans. Nam sicut Deus de illo latere fecit feminam procreari, sic & de suo latere Christus aquam & sanguinem dedit, unde repararetur Ecclesia. Et sicut in sopore quiescentis Adæ Deus lateris membra patefecit; sic modo post mortem aquam nobis donavit & sanguinem. Et sopor ille nunc mors est. &c. &c. Quadrat huc mirabilis ille eventus, quem ex Lucio Marindæ refert Wâél in corona vulnerum, & alij. Vrracam scilicet Garfiæ Ennici Arragoniæ Ducis coniugem & in bello contra Mauros sui mariti individuum comitem, lanceâ in latere grandi vulnere ab hoste percussam, fuso exercitu & Ennico occiso in Navarræ montibus concidisse. Ibi fortè à Nobili quodam dicto Gwevarra deprehensa & agnita, cum infantulus, quem utero gestabat, per vulnus manum exereret, eum ex utero matris excidit; adhibitisque fide dignis testibus in spem ditionis paternæ curavit educari. Gestabamur omnes intra viscera misericordiæ Dei ac Salvatoris nostri; (ut est Isai: c. 46. v. 3.) apertum est lanceâ latus ejus, per quod ad vitam æternam sumus regenerati. Subtilius adhuc & ingeniosius rationem hanc suo more tractat Sylveira. Aqua, inquit, quæ profluxura erat à latere, homines designabat iuxta illud Apoc: 17. *Aqua, quas vidisti, populi sunt & gentes.* Cum ergo aquæ illæ intra præcordia Domini inclusæ homines designarent, non permisit lateris vulnus adhuc vivens, veritus adhuc in typo ab hominibus separari. Tanto amore erga nos flagrabat, ut nec adumbratam hominum absentiam pateretur. Post mortem verò anima ad inferos ad sinum Patrum descendit, ac in visceribus terræ triduo habitavit. Tunc percusso



cusso pectore aquæ homines adumbrantes defluunt in terram, in qua anima Christi morabatur, ut nec ad breve tempus ab hominibus abesset, quos in finem dilexerat. Ex quo discursu liquet, quod licet ex latere Christi Ecclesia prognata est, à latere tamen ejus & corde sit inseparabilis, tam enim impensè ab IESV amatur.

470. Vt ex aperto latere sanguis & aqua symbola Sacramentorum Baptismi & Eucharistiæ, ad quæ cætera omnia referuntur, quæ vim omnem suam ex Christi morte consequuntur, profluere. Ratio est in terminis Bourghesij, in sensu plerorumq; omnium Scriptorum. Et hæc ratione superior, sive immediatè præcedens explicatur atq; roboratur. Scilicet Sacramenta sunt Ecclesia causaliter, sive, sunt causa Ecclesiæ aut efficiens, aut formalis; sicut materiale Ecclesiæ est collectio hominum credentium. Sed Sacramenta ex latere Domini prodierunt, ergo prodijt Ecclesia ipsa. Quod ex latere profluxerint Domini, probo autoritate S. Aug. *Non dixit, inquit, Evangelista, percussit aut vulneravit, sed lanceâ latus ejus aperuit, ut illic quodammodo ostium vitæ panderetur, unde Sacramenta Ecclesiæ manarent, sine quibus ad veram vitam non intratur.* Confirmatur idem cælesti visione S. Gertrudis, quæ communicatura, ex Christi latere vidit Sacram Hostiam prodire, *lib: 3. instit: Spir: c. 10.* Sanctia quoq; Carillia, (ut scribit Roas in ejus vita;) pari prodigio baptizatos infantes, ex eodem corde & latere Salvatoris vidit prodeuntes veluti ex fonte Sacramentorum omnium. Nam ut docent Card: Toletus & Suarez. Baptismus est ianua Sacramentorum, eorum verò finis & consummatio Eucharistia: sicut enim per Baptismum capaces finis aliorum Sacramentorum: ita per omnia, gratiam consequendo, tendimus ad unionem mysticam cum

Chri-



Christo, quæ specialiter perficitur in Eucharistia. Cum ergo in aqua & sanguine hæc duo principalia Sacramenta profluxerint, per consequens omnia profluxisse dicuntur. Non casu, ait S. Chrysost. & simpliciter hi fontes scaturiunt; sed quoniam ex ambobus Ecclesia constituta est, sciunt hoc initiati, per aquam regenerati; sanguine nutriti. Et alio loco. Prius diluimur, postea mysterio dedicamur. Quod hic de duobus principibus Sacramentorum diximus, dixit Cyprianus de omnibus Sacramentis notanter penitentiam specificando. De latere tuo fons egreditur in vitam æternam proficiens, Sacramenta in perpetuum duratura, & fontis illius ubertas perenni lapsu universam Ecclesiam rigat & facundat. Ex hoc fonte non solum ablu-tionis primæ undas haurimus, sed & compunctionis & lacrymarum perennes effluunt rivus, misericordiarum suavitas, & totius pietas affectus. Iam, quod Sacramenta sint formale quoddam Ecclesiæ, quo scilicet ejus materia five cætus fidelium informatur & animatur, constat expensâ singulorum efficaciam. Vtiq; Baptismo Ecclesia nascitur, Confirmatione roboratur, Eucharistiâ pascitur & perficitur, Penitentia sanatur. Extremâ unctione munitur, Ordine gubernatur, Matrimonio propagatur. Sed hæc omnia iam reductivè ad duo principalia, iam verè & propriè ex latere Domini fluxerunt. Ergo & Ecclesia, ut ait S. Aug. de Symb. c. 6. Ascendat Sponsus thalami sui lectum, dormiat moriendo, aperiatur latus ejus, & Ecclesia prodeat Virgo, ut quemadmodum Eva facta est ex latere Adam dormientis, ita Ecclesia formetur ex latere Christi in Cruce pendentis. Et S. Maximus Taurin. Tunc regenerationis potentiam sanxit, quando de latere ejus fluxit sanguis redemptionis & aqua Baptismatis. S. quoq; Ambros. Ex illo incorrupto corpore sed defuncto continuo vi-



ita manavit, aqua enim & sanguis exivit illa, quæ abluat;  
 ille, qui redimat: quare de latere? quia unde culpa, inde  
 gratia, culpa per feminam, gratia per Dominum IESUM  
 Christum. Hoc sensu accipiendus obscurus ceteroqui  
 textus Euthymij in Ioan: 19. Foditur lancea in latere  
 Salvator, quia peccato vulneratum est latus Adæ: sive ut  
 Etiam lateris sui vulnere à plaga lateris sanaret. Quasi di-  
 ceret: per latus Adam, (quod utiq; fuit Evæ illinc sumpta,)  
 hostis interemerat genus humanum, per latus idem Chri-  
 sti vivificatur. Non omittendus & Rufinus in expos:  
 Symb. Cur non ex alio membro, sed ex latere potius pro-  
 duxisse dicatur aquam & sanguinem? Videtur mihi per co-  
 stam mulier indicari, quia ergo fons peccati & mortis de  
 muliere prima, (quæ fuit primi Adami costa,) processit; fons  
 redemptionis ac vitæ de secundi Adami costa producitur.  
 Nec antiquissimus Scriptor S. Hypolytus M. citatus à  
 Theodoro dial: 3. Atq; etiam cum sit corpus mortuum  
 humano more, magnam vitæ in se habet facultatem. Quæ  
 enim ex mortuis corporibus non profluunt, ea ex ipso proflu-  
 xerunt sanguis & aqua. Ut sciamus quantum ad vitam  
 valeat potestas, quæ in corpore habitavit, ut nec ipsum cor-  
 pus alijs simile appareat, nobis autem ea, quæ sunt vitæ cau-  
 sa possit profundere. Sed iam stabilitâ ratione præsentî  
 posset quispiam dicere, quare non potius in corpore vi-  
 vo hoc ostium vitæ sanctioris sive Sacramentorum aper-  
 tum est, sed in mortuo? Respondet S. Ambrosius. Ut  
 voluntarius magis, quam necessarius ejus exitus videretur:  
 ideoq; nec crurifragium cum socijs latronibus subire vo-  
 luit, tum propter mysticas rationes, ut integrum scilicet  
 corpus proximæ resurrectioni servaretur; ut nihil immi-  
 nutam animi firmitatem ac fortitudinem, quæ ossibus si-  
 gnificatur, indicaret: Tum maximè, ut non semper qua-



si necessario voluntati Iudæorum obsecundare debuisse agnosceretur; sed tantum, quantum ipse satis ad abundantem redemptionem disposuerat, & per Prophetas prædixerat.

sto. Apertio lateris, indicat apertam Regni Cælestis ianuam, quæ ante Christi mortem nemini patuerat, Bourg. Hinc S. Chrysost: lanceam hanc *Cæli clauem* appellavit. Aureum Oratorem secutus P. Hieronym: Petruccius in allocutione ad Urbanum VIII. *Mucro ille diræ lanceæ Pontificalem mutatus in clauem ad apertum vitæ ostium nos inuitat.* &c. Et S. Aug: in Ioan: serm: 120. *Vigilanti verbo usus est Evangelista, ut non diceret, latius ejus percussit, aut vulneravit, sed aperuit, ut illic quodammodo vitæ ostium panderetur* &c. Vberius hanc rationem exequitur Franciscus Collius Sacri Theol: & Collegi: Ambrosiani Mediolani Doctor. Lateris apertione aliud adumbratum esse & significatum mysterium autumo, quod commodè in cælorum ianuam quadrat; hæc enim quæ diu protoparentis Adæ peccato clausa fuerat, rursus Passionis Christi tempore, quam diræ lanceæ vulnus consummavit aperta est, hoc siquidem in sensu rectè intelligi potest ea, quam S. Ioan: memorat Apoc: 4. *Post hæc vidi, & ecce ostium apertum in cælo.* Nullum enim latere posse arbitror, quin ad apertionem ostij lateris Christi, statim pariter serie quâdam Divinæ præordinationis cæleste ostium multis iam antè sæculis mortalitati clausum patuerit. Patuit aperto hoc latere Aurea porta Magni Iubilæi: & lancea percussoris ignitam Rhomphæam Cherubini excubantis, ab aditu paradyfi removit. Lobbetius hoc ostium in latere IESV, ut ostium vitæ duplicis considerat. Vitæ, inquit, tum gratiæ in hac ora mortali, tum gloriæ in cæli regia & beatitatis sede.

Hæc



Hâc intratur ad cæli gloriam: sed hâc prius ad Christi gratiam, imò ad cor ipsum. Igitur.

6to. Non dicit Evang: *latus ejus percussit aut vulneravit, sed aperuit, ut per vulneris magnitudinem non tam vulnus fuisset, quàm ostium apertum ad cor superbenedictum putaretur & esset.* S. Aug: in c. 19. Ioan. Idem lib: de Civ: Dei c. 26. *Ostium in latere, quod arca accepit, profecto illud est vulnus, quando latus Crucifixi lanceâ vulneratum est.* Sequitur Theodidacti Doct̃oris sensum, dignus eo discipulus Simon de Cassia. *Vnus (inquit) militum lanceâ latus ejus aperuit, ut aperto latere agnoscamus dilectionem cordis usq; ad mortem, & ad illum ineffabilem ejus amorem ingrediamur, quo ille processit ad nos: & accedamus ad cor ejus, cor altum, cor secretum, cor omnia cogitans, cor omnia sciens, cor diligens, & per apertam portam fiamus, saltem in amoris vehementiâ cordiformes & mente intremus ad secretum ab æterno absconditum; nunc in morte quasi aperto latere revelatum. Sibi ad negligentiam imputet, quisquis non ingreditur, si apertum videt introitum.* Eundem usum aperti lateris existimavit S. Bernardus cum diceret. *Ad hoc est perforatum latus tuum Domine IESU, ut nobis pateat introitus: ad hoc vulneratum est cor tuum, ut per vulnus visibile vulnus invisibile videamus.* Et alio loco. *Vulneratur lanceâ furoris, qui prius vulneratus erat lanceâ amoris.* Quasi diceret. Amor suus nostri, pectoris ejus arcana pandebat, sed nos hoc videre agnoscereq; non poteramus, nisi furor sacrilegorum hoc in corpore exhiberet, quod Christus faciebât in animo & affectu. S. Franc: Borgia cum aliquot varias aperti lateris causas attulisset, hanc maximè amplecti videtur. Ait enim l. 1. pag: 41. *Apertum latus ipsius post mortem, ut clarior fieret inde dulcedinis ejus effluentia &*



efficacia, ut etiam efflatâ animâ quasi pati videretur. Non  
 possunt iure queri Adam filij clausam sibi paradysi portam,  
 ad cuius aditum tantâ dulcedine, comitate, fructu, invi-  
 tantur. Etenim divisum est pectus Salvatoris, ut inde su-  
 merent vires haurirentq; salutem, cuius pretium inexplica-  
 bile, cuius pulchritudo aeterna, cuius fructus sine rugis, cu-  
 jus flores nunquam marcescent, nec latrones timent, nec fe-  
 ritatem mortis. Huc semper accurre si te videris lacescitum  
 tentationibus, dum ejus incundissimo favore leniatur tem-  
 pestas. Asylum tentatis & afflictis, portum naufragis,  
 quietem sollicitis atq; turbatis, intimum cubiculum Do-  
 minus aperuit in suo latere amantibus. Vnde S. Grego-  
 rius ad illa verba Cant. 2. *Columba mea in foraminibus*  
*petræ, in caverna macerie,* ait. *Cavernam verò macerie*  
*vulnus lateris, quod lanceâ factum est, eodem sensu dixe-*  
*rim.* Huc invitabat Isaias c. 2. *Ingrederere in petram, &*  
*abscondere in fossa humo.* Huc intrâsse gaudebat, qui aper-  
 turam tantis encomijs celebrarât, S. Augustinus. Lon-  
 ginus, inquit, *aperuit mihi latus Christi lanceâ & ego in-*  
*travi, hîc fidenter habito, hîc me incunde reficio, hîc quie-*  
*sco securus.* B. Margaritæ de Cortona Christus aliquan-  
 do specie Crucifixi apparens, etiam vulnus lateris ape-  
 ruit, & per illud cor ipsum ostendit, ad quod animo &  
 votis evaderet, ceu casti amoris habitaculum, in quo  
 quiesceret ipsa, & Divini amoris pateretur incendia.  
 Sic & B. Gertrudi se visendum dedit; suum illi latus ape-  
 ruit, & in illud manum immitti voluit, ut in cor ipsum  
 amoris sedem, officinam charitatis, eam immitteret, hau-  
 riretq; inde & lucem & ignem Divini amoris. Et certè  
 hausit. Vidit enim sensitq; radios à corde Christi in cor  
 suum evibrari, & hinc transfigi se totam, totam uri se  
 sensit. Vt & tu ô anima mea sic felici lanceâ transfigaris.  
 eoq;



eoq; ardeas igne; per illud patulum latus Christi, cor eius tange. *Tanges autem, inquit ipsa Gertrudis, si amorem Christi ponderes. Magnum, (ait Bernardus,) illud pietatis Sacramentum: Patent viscera misericordiae Dei nostri, quibus visitavit nos oriens ex alto. Quidni viscera per vulnera pateant? in quo enim clarius quam in visceribus tuis eluxisset, quod tu Domine IESU scavis es, & mitis, & multae misericordiae.* Vulnerus hoc ingens os Leonis de Tribu Iuda interempti dixerim, in quo rationalium apum examina favos & per gratiam inveniunt, & per sanctam meditationem conficiunt. Vbi porro attentam meditationem hunc amorem ponderaveris, in ipsum eius cor intrabis, per lateris vulnus seu per ostium admissus. Sic intravit aliquando B. Angelus de Fulgino anima etiam adhuc corpori immersa, intravit inquam in Christi latus & cor ipsum, & ibi miros concepit Divini amoris ignes, admiranda lumina & ea gaudia, quae nec mens capere, nec lingua valeret eloqui. Ioannes de Incontris nobilissimus iuuenis, tyro Ordinis Augustiniani cum incommodis vitae monasticae afflictus, retro ad delicias domus paternae respectaret: id nequiquam ferens D. IESVS visendum se illi obtulit, detectoq; lateris vulnere *Fili, inquit, ubi cibus tibi aridior, lectus durior, molestiores fuerint vigiliae, ingredi vulnus hoc, & intinge illa in sanguine lateris mei, & illico dulcescent omnia.* Monenti obtemperavit iuuenis, & tantis abundare cepit solatijs, ut vitam planè caelestem in terris degeret. Gradiebantur veteres Romani per templum virtutis ad templum honoris: modò Romani Catholici per apertum templum lateris & cordis IESU ad templum honoris aeterni sive Regnum Caeste progredimur; interim in ipsa mortali vita adhuc, qui devotè cavernam lateris Dominici incolit, non tam

ad



ad cælos illac transitum apertum; quàm exlun ipsum in illa apertura experitur. Divinè ad rem nostram disferit S. Augustin. *Si Petrus antequam Christus pro omnibus crucifigeretur Regni Cælorum claves non accepit, quâ illuc intravit Latro ille iam non reus, nisi per latus, quod aperuit Iudæus? Et nunc veniant omnes quicunq; amant paradysum locum quietis, locum perpetuæ felicitatis. Venite omnes, intrate omnes: est, quâ possitis intrare, patet latus Redemptoris. Ostendit ille Latro, quâ debeant omnes intrare, neminem suo exemplo docuit desperare. Ut contendamus intrare per angustam portam. Per has angustias iam totus penè mundus intravit. Hæc porta Domini iussu, intrabunt in eam. Ps. 117. Si hanc materiam copiosius tractatam velles ô Lector, adi R. P. Gvilelmi de Wâel Coronam SS. Vulnerum à pag. 353. confid. 3. *Vulnus lateris domicilium animarum*, & R. P. Adriani Lyræi de Imit: IESV patientis lib. 5. c. 6. Mihi ad alia festinanti sufficiat præsentem quæstionem doctissimi Sylveiræ reflexione obsignare: Cur non permisit hoc vulnus sibi inferri vivo, sed mortuo? Vulnus, quod infertur in corpore vivo potest callum obducere, conglutinari, coalescere, minimè verò in corpore mortuo. Et Christus voluit lateris vulnus nobis semper esse patens & apertum, ut in illo nosmetipsos recipiamus, ut ibi subsidium ac subterfugium in cunctis habeamus.*

7mò. Nec cordi suo pepercit Deus, illud quoq; in salutem nostram impendere voluit. Voluit inquam mortuo sibi latus aperiri, ut cor suum nobis traderet ac patefaceret, & quasi legaret ijs post mortem, quos in vita amaverat. Haberent cor exanime, quorum causâ exanimatum est. Cederet ijs, quos amabat dum viveret; & si quidem emortuum vitalem amoris actionem exercere iam

non



non posset, in contestationem saltem voluntatis ardentissimæ ipsum organum amoris in hominum manus veniret. Item, ut hoc pacto charitatis intimæ præcordia & misericordiæ viscera exhiberet. Verbo. Ad immensum & inexhaustum suum in nos amorem prodendum, quod reliquum erat sanguinis, & cor ipsum membrorum tenerimum atq; carissimum impendit. Hanc rationem maxima ex parte desumpsi ex Bourghesio; illustro eam ex Lyraeo. Cum se Dominus Pelicano solitudinis similem factum non ignoraret, disposuit sic aperiri pectus suum, quo velut pullos suos cordis proprii sanguine omnes enutrirer. Residebat quoq; vel in emortuo corde magnes ille paradysi Amor; & is ad se lanceam attraxit, quò desiderium etiam plura patiendi monstraret. *Cor*, (ait S. August:) *amore ignitum ad se traxit lanceæ ferrum*. Durum quidem ferrum, quod ultra vitam extensum, (unde & S. Chrysost: crudelem hanc illusionem demortui ipso *Crucis supplicio peiorem* dixit hom: 84. in Ioan: & Ecclesia, cum dulce lignum, dulces clavos Christi cum gustu recolit; *lanceæ dirum mucronem* deplorat,) durum inquam ferrum, sed ferro & morte fortior dilectio, quæ etiam trans mortem evadit: ut, qui occisus ab origine mundi vulnera ferre cepit propè antequam viveret; etiam posteaquam vivere desijt, vulneretur. Magna tamen huic lanceæ habenda gratia est, quòd brevis mortis noctem dormiente Domino cor ejus vigilare monstrarit; patefacto enim latere, Divinum ejus cor aquâ & sanguine rorans, id est beatam regionem lacte & melle manantem referavit, quando cum oris labia Dominus clausisset, labra cordis aperuit, ut nobis amanter corde ad cor loqueretur. Hæc est illa fenestra cordis aperta, qualem frustra Momus *ad prævum & inscrutabile* cor hominis optavit



tavit. Candor & sinceritas IESV amicissimi nobis & hanc aperuit, ne quidquam in se clausum suis esset admatris. Significat consequenter amorosum hoc vulnus certissimè nos Deo reconciliatos. Symbolum enim pacis est, cum legatus Regis alicujus urbem subiturus, obversam in pectus lanceæ cuspidem, non verò urbi adversam gestat. O faustum fortunatumq; latus! verissimum Regis Achaz horologium, in quo militis lancea horam misericordix designat. *Non possum*, (merito ait S. Aug:) *terre-ri multitudine peccatorum, si mors Domini mei in mentem meam venerit; quoniam peccata mea illum vincere non possunt. Clavi & lancea clamant mihi, quòd reconciliatus sum Christo, cum ama vero.* P. Caspar Thausch S. I. in SS. Matre dolorosa c. 9. § 2. In Christo crucifixo absolutissimum Amoris schema delineat, cujus partes plures licèt ad quæstionem XC. magis pertineant propter connexionem tamen cum delineatione lateris aperti ad absolvendam iustam effigiem Amoris, hìc non incongruè appono. Expandit (ait ille,) brachia, quantum potest Amor: quorsum? ut te totum arctissimè amplectatur. Vt, quasi arcum tendens ex corde sagittas amoris in te eiaculetur. Vt seipsum tibi demonstret, qualis sit. *Ego sum frater vester Ioseph, quem vendidistis.* Vt offerat Patri pretium redemptionis tuæ. Vt pro te oret velut alter Moyses manibus extensis. Extendit manus ad Crucem, ut ex ea capiat thesauros repositos à Patre, quos in te effundat. Vt tibi ostendat ac significet, *quòd labores manuum suarum manducabis.* Vt à terra ad cælum te elevet & transportet. *Vt sicut aquila expansis alis super te volitet, & ad volandum provocet. Vt quemadmodum gallina congreget pullos sub alas suas. Vt in velamento alarum ejus speres sub umbra ejus, qui desiderabilis est, sedens &* quie-



quiescens protectus ab æstu meridiano, ibiq; decedentes  
*fructus colligas dulces gutturi tuo.* Vt, qui antea tribus  
 digitis creavit omnia, (nam opera digitorum ejus sunt celi,  
 & tribus digitis appendit molem terræ; nunc in manu for-  
 ti & brachio extenso atq; excelso operetur salutem tuam in  
 medio terræ. Vt se tibi revelet, qui est brachium Domini.  
 Simulq; magnitudinem amoris secundum magnitudinem  
 brachij sui, quod annuncies generationi omni, quæ ventura  
 est; ac dicas, fecit potentiam in brachio suo, fecit mihi ma-  
 gna, qui potens est, & sanctum nomen ejus, & charitas ac  
 misericordia ejus à progenie in progenies, quas extensis  
 brachijs disponit ac determinat. &c. &c. Pedes transfi-  
 xos habet Amor, ut de ejus possessione securus sis, neq;  
 effugituum avolaturumve suspiceris; sed cum sponsa  
 dicas, Cant: 3. *Inveni, quem diligit anima mea, tenui eum,*  
*nec dimittam.* Vt eis cum Magdalena te advolvas, & Ma-  
 gdaLENÆ delicijs potiariis. Vt haurias ex his apertis fon-  
 tibus tibi in terra posito proximis aquam omnium gra-  
 tiarum ac donorum cælestium, & præcipuè vinum cha-  
 ritatis, quo te inebries. Vt sint tibi instar altaris super  
 quod imponas peccata tua comburenda igne charitatis  
 & misericordiæ ejus. Vt eos amplexando recogites iter  
 Ducis tui à cælo ad stabulum, à stabulo ad Crucem, à  
 Cruce ad cælum, quò te ducere & præire gestit. Vt fi-  
 cut eos ille ad Crucem amore tui fixit, ita tu vicissim ad  
 eos affigas atq; alliges omnes affectus tuos, ut captivos  
 Crucifixi ejusq; amoris & obsequio mancipatos. *Hæc*  
*ex P. Casparo exscripta bene spectarent ad questionem.* Cur  
 supplicium Crucis potius, quàm aliud Christus elegerit?  
*in quo scilicet manus pedesq; extendebantur ob tot rationes*  
*Deo dignas & nobis proficuas, quale vix aliquid in alio*  
*mortis genere invenitur. Verum nec in Authorem opportu-*



nè incidi: & à presenti tractatu non absonant tanquàm antecedentia, & ad unam Amoris imaginem relata. Quod sequitur pressè questioni presenti respondet. Neq; verò solum dum vivit in habitu suo & schemate se prodit Amor noster, sed & iam mortuus aliud idq; evidentius assumit. Nam illi amplo latoq; vulnere hiat pectus, ut declaret charitatis excessum, quæ interius se continere nequit, quin foras quasi disrupto latere exiliret. Ut ostenderet inclusus ille in præcordijs amor se fuisse causam omnium, quæ Dominus ille Deusq; noster fecit & passus est pro nobis. Ut tibi domicilium hoc in foramine petrae & caverna maceriae colles. Ut faciliorem aditum habeas ad cor ejus. Ut ex illo sagittis amoris continenter configaris. Ut cor tuum liberiori cordi ejus coniungas. Ut ex illo tibi fluant aromata gratiarum. Iuxta illud, *vulnus est quod excepit, sed unguentum, quod effudit.* Ut inde spiritus vitales, qui ex corde generantur desumas ad vitæ opera exercenda, *Spiritumq;* illum *principalem*, quo David confirmari postulabat. Imò, ut cor ipsum inde accipias; ut sicut Christus Amor tuus tibi mortuus est, ita tu non tibi sed illi vivas, idq; ejus corde, quod est principium vitæ. Profundè more suo hanc Amoris sculpturam pensat Sylveira in verbis Zach: 3. *Ecce ego celabo sculpturam ejus, ait Dominus Exercituum.* Christus Dominus quasi lapis exlatus fuit in Passione, tum clavis, spinis, flagellis, activè: tum vulneribus & plagis passivè, quibus totum corpus suum fodi & aperiri voluit, ut immensam suam in nos charitatem intus latentem, per has quasi rimas ostenderet ac declararet iuxta illud. *Cernis, ut in toto corpore sculptus Amor,* textum Zachariæ Hebr: legit. *Ecce ego aperiam apertionem ejus.* Syrus & Arabs. *Ecce ego aperiam portas ejus.* In latere ergo Christi iam à Divi-



à Divino amore apertio ac porta facta erat, inde lancea  
 non effodit nec intulit vulnus, sed apertionem ac por-  
 tam tanquam clavis aperuit. Hinc S. Chrysost: *lancea*  
*tanquam clavi in arcam iniecta dedisti pretium ex pater-*  
*no thesauro.* Et S. Aug: apud Lyræum. *Christus in sac-*  
*co ferebat pretium nostrum, percussus est lancea, fessus est sac-*  
*cus, manavit pretium orbis terrarum.* O facilem dare  
 summa Deum! & hoc ad absolutam imaginem Amoris  
 pertinebat, ut liberalitas ejus exprimeretur. Parum est  
 dicere Deum manum habere perforatam, nisi dicatur fons  
 esse perennis beneficij. *Haurite ex me tanquam ex Nilo,*  
 dicebat Ægyptijs Vespasianus in primo ad eos accessu;  
 dicere debebat tanquam ex nihilo; nihil enim respectu  
 Christi erat. Dicere id melius Christus potest, cujus he-  
 roicum symbolum est, *dat omnibus affluenter.* Habemus  
 hunc fontem inter 5. fontes Salvatoris à S. Bernardo ex-  
 pressos serm: 1. in Nativ: D. 1. fons Misericordiæ unde  
 lavemur. 2. Sapientiæ, qui sitim extingvat & poter; (Ec-  
 cles: 4. v. 3.) fons Devotionis, fons Gratiæ, qui irriget hor-  
 tum conversationis, 4. fons æmulationis & sancti zeli,  
 fons ad decoquendos cibos. *Haurientis aquas in gaudio*  
*de fontibus Salvatoris,* de his prædictum est. Ex his unus  
 convenit omnibus: *In multis enim offendimus omnes,* ad  
 Rom: 3. Huc properant Nôë, Daniel, & Iob. Tamen Iob  
 ad secundum magis, quia inter medios laqueos ambulat.  
 Daniel magis ad tertium, &c. *Hos fontes Christus adhuc*  
*in carne viventibus nobis in semetipso exhibuit.* *ſtum,* qui  
 est fons vite post hoc sæculum repromittens, ad quem sitie-  
 bat Propheta, cum diceret: *sititit anima mea ad Deum*  
*fontem vitæ.* Fortassis etiam propter hos 4. fontes, 4. in  
 locis vulneratus est Christus adhuc vivens in Cruce; pro-  
 pter *ſtum,* cum iam tradidisset spiritum, transforatus est in



latere. Vivebat adhuc, cum fodiebantur ei manus & pedes, ut nobis adhuc viventibus 4. fontes ex se ipso proferret. stum protulit vulnus lateris, cum iam expirasset, ut in se nihilominus stum nobis fontem aperiret. Non erat absoluta imago amoris, nisi sculpto latere: non ejus perfecte contestata liberalitas, nisi isto fonte producto. Denique vulnera Redemptoris 5. sunt, quia nos eramus 5. sensuum vulneribus sauciati, & per has 5. plagas saluti perpetua restituti, ait S. Petrus Damiani.

8vò. *Vt non credituris fieret Fidei argumentum, sicuti Thomæ, & qui cum eo erant.* Ratio est S. Chrysost. O quantum amavit Thomam IESVS, cujus præviam incredulitatem ut curaret, latus suum voluit lanceari. Explicat hanc rationem Bourg: ut testatissima mors evaderet Salvatoris, neque iam contendere quisquam posset vivum corpus illatum sepulchro: ut contendere non potest quemquam perfoeso corde vivere posse. Utque Resurrectio eò foret admirabilior ac gloriosior, quòd in corpore, non manibus modò & pedibus, sed & pectore ac corde sauciato perfecta est. Atque adeò in apertura lateris Dominici non soli Thomæ, sed omnibus tardis & duris corde ad credendum parabatur medela. Parabatur inquam medela, sed & obstinatis ibidem damnationis promptuarium. Do exemplum ex vita S. Franci Borgiæ scripta per Nirembergium. Erat ex Hispana nobilitate vir amplissimus, qui etiamnum in extremo vitæ nil minùs, quàm de æterna salute ob inveteratam peccandi consuetudinem cogitabat. Nullâ viâ ei persuaderi poterat, ut penitentiam ageret. B. Franciscus, ut par erat, rei miseratione ad Crucifixi pedes in suo recessu se abiicit, ardentissimè orans, ut respiceret animam miseri illius. Dum in hunc modum oraret; vidit sublevare caput Crucifixi, si-

biq;



biq; loqui. Adito infirmum, mone ad p̃nitentiam, ego ipse sub specie Medici utriq; assistam. His munitus p̃sidijs accessit ægrotum Pater, movere eum contendit incredibili suavitate & efficaciâ, subministrante inspirationes & auxilia Dulcissimo IESV, qui sub condita forma aderat; sed contumacior peccator de filice aut marmore excisus videbatur tam barbarè à se repellebat remedium. Tum Sanctissimus Deus blandè valedicens Patri, eumq; relinquens in suis colloquijs è conspectu abivit. Quo viso, iterum Franciscus redit ad suum recessum, orat iterum ardentius coram Crucifixo: Iterum fert ab eodem responsum, ut videas quàm vehementer optem salutem illius miseri, fer me illuc tecum. Accipit eum, venerabundè Borgia, convolat ad ægrotum, dimittit foras turbam, solusq; cum solo agit de æternitate, de ipsius periculo, de imp̃nitentium p̃nis, de facilitate p̃nitentiæ, de amore & magnitudine Dei misericordiæ: sed haud quidquam æger de sua remittit pertinacia. Cæterum (ô Dei mirabilia!) omnibus vulneribus cæpit manare sanguine affixus Redemptor, loquelâ & signo insinuare, quanto eum redemisset pretio in sua Cruce; sed etiamnum surdescente illo peccatore solvit è ligno alteram manum, ad lateris vulnus eam ducit, implet manante sanguine atq; in faciem obstinati conijcit cruorem, adiungens condemnationis sententiam. *Et sit, inquit, sanguis meus in perditionem, siquidem ad salutem eum tibi esse nolui.* Tum prorumpens in horribiles blasphemias maledictus reus, tradidit perpetuis flammis immundam animam excutricibus Divinæ sententiæ. En! ut idem vulnus lateris est, unde credens Thomas promeret vitam, & hic incredulus ac imp̃nitens depromptam sibi caperet damnationem. Potest dici de ipso latere, quod de eius pro-

flu-



fluvio scripsit Ruffin: in symb. *Produxit aquam, quæ credentes diluat, produxit etiam sanguinem, qui condemnet incredulos.* S. Augustinus quinimò disertè Christum sequentia aliquando malis exprobraturum comminatur. *Vide latus, quod transfixisti; quoniam per te & propter te apertum est, & tamen intrare noluisti.* Vnde & Blofius inquit, *Christus Dominus in iudicio ostendet vulnera sua ineffabili decore fulgentia, quæ iustis quidem dulcissimam consolationem, impijs verò horribilem confusionem adferent.*

nam omiffis alijs do ex Lyræo causam confixi lateris post mortem. Ut gravitas scelerum olim à Christianis patrandorum exprimeretur, qui vel post mortem tanti Benefactoris ac Patris cor eò maiori flagitio sauciaturi essent, quàm fuerit vulneratus in vita. Plus namq; S. Gregorio teste peccant ii, qui Christum triumphantem in cælis blasphemant, quàm qui lugentem in terris crucifixerunt. Libet te & peccator profani quoq; vatis alloquio increpare. *Quid miserum!* (culpæ) *laceras iam parce sepulto,* non tantum in Cruce extincto. Quid, quòd transgressor hic etiam pietatis excusationem invenit apud Sylveiram? Cum Centurio militesq; inquit territi fuissent visis miraculis in Christi morte, clamassentquè, *verè hic Filius Dei erat,* inde fortè reverentia quâdam ducti, ejus crura non fregerunt. Ne tamen vivus fortè deponeretur, unus lanceam intorsit in latus, ut transverberato corde, si nondum obierat, obiret statim absq; dolore crucifragij, & apud Iudæos defensionem haberent ipsi crucifragij omiffi. Te verò & peccator, cum sceleribus cor IESV fodicas, nulla omnino excusatio, nullus prætexus potest defendere.

*Summa Responsorum.* Fodit iam extincti IESV latus miles, ut certitudinem de morte ejus haberet; aut faceret



ceret. Ut placeret gratificareturq; tantâ immanitate laudâs. Aperiri verò suum latus Dominus voluit, ut ex latere novi Adæ felicior Eva Ecclesia produceretur. Ut indidem sanguis Eucharisticus & aqua baptismatis, imò cuncta Sacramenta Ecclesiæ profluerent. Ut per mortem IESV cælum referatum esse constaret: imò, ut cælum novum viventibus in terra, eo in latere panderetur. Ad amoris item immensi contestationem. Ad medelam incredulo Thomæ faciendam & damnationem confusionemq; indidem in obstinatos promendam ac vibrandam. Ad significandam deniq; gravitatem peccatorum, quæ post crudelitates tortorum in vivum, in mortuum veluti à Christianis committuntur. Sunt & aliæ complures rationes, quas istis novem principalibus intextas reperies: Procedo iam ad dissolvendas obiectiones Petri Ioannis Hæretici.

Obijcit 1. vulnus illatum mortuo nullius esset meriti, ubi enim non est sensus, non est meritum. Ergo vulnus in latere Christus non post mortem, sed in vivis adhuc pertulit. Christus enim omnibus actionibus & perpeffionibus suis volebat mereri, ut pro humano genere quàm amplissimè satisfaceret. Aliàs verò tantum vulnus tantaq; sanguinis profusio in cassum cederet, unde thesaurus Ecclesiæ mirificè poterat ditari. R. imò. Misso antecedente, negando consequentiam. Demus enim, quòd nihil de novo Dominus hoc vulnere mereretur, adhuc otiosum & incassum non esset. Esset enim, ut ait Cornel: ad mysterium, si non ad meritum. Quæ mysteria significaverit? iam expressi in responsionibus ad quæstionem: Hic addo ex Angelico Doctore. Iam tum occursum esse Manichæis negaturis aliquando veritatem corporis Dominici. *Fuit autem aqua pura miraculosè egrediens à corpore*



pore mortuo, sicut & sanguis ad comprobandam veritatem  
 Dominici corporis contra Manichæorum errorem, ut scili-  
 cet per aquam, quæ est unum, 4. elementorum corpus Chri-  
 sti ostenderetur verè compositum ex 4. elementis, per san-  
 guinem verò ostenderetur esse ex 4. humoribus. R. addo.  
 Nego antecedens. Distingvo ejus probationem, ubi non  
 est sensus, non est meritum. Loquendo absolutè, concedo;  
 loquendo conditionatè, hoc est si præsentè sensu aderat  
 efficax voluntas merendi etiam per ea, quæ absente sen-  
 su eventura sunt: Nego. prob. & consequ. Non caruit  
 magno merito & summâ laude sacri pectoris vulnus, si  
 minus in se & absolutè; at saltem in causa & antecedenti  
 voluntate, ut distinxit Collius lib: 4. disp: 1. c. 4. Idem  
 sensit Bourghesius. Et si corpori mortuo, magis, quàm  
 Christo fuit hoc vulnus illatum, tamen à Christo prævi-  
 sum fuerat & acceptatum summâ charitate, ideoq; Pa-  
 tri cum cæteris meritis & satisfactionibus oblatum. A-  
 deoq; vulnus hoc etiam absq; actuali sensu doloris fuit  
 meritorium. Sicut v.g. dormiente quid morti similius,  
 & ad merendum ineptius? ut ait Plato 3. de leg. *Nemo  
 dum dormit alicujus est pretij, nihilò magis, quàm qui non  
 vivit*, & tamen quidam etiam in somno & somno ipso  
 merentur vi bonæ voluntatis ac sanctæ intentionis vigi-  
 lando elicite, sicut è contra, quidam vi prave voluntatis  
 etiam in somno demerentur & peccant. Certè de B. V.  
 M. S. Albertus Magni & S. Antoninus, & alij, (quos ci-  
 tat sequiturq; Suarez,) explicant illud Cant: 5. *Ego dor-  
 mio & cor meum vigilat*, aiuntq; in somnis quoq; san-  
 ctè operatam actus meritorios amoris Dei. Non igitur  
 negandum est ipsi Filio, (per quem tanta potuit Mater,)  
 etiam mortuo, potuisse mereri: licèt alioqui extra statum  
 viæ meritiq; fuerit. Hoc autem posito negantur meritò



caetera confectanea. Dicendumq; est etiam posthumo isto  
vulnere satisfactum ardentissimæ voluntati Domini, me-  
rendi in satisfactionem abundantem pro nobis; nec in-  
cessum cessisse tam liberalem sanguinis profusionem, sed  
thesaurum Ecclesiæ mirificè locupletasse. Meritum por-  
tò istius transfixionis, creduntur communiter esse Sacra-  
menta, ac proinde è latere Domini effluxisse. Sed quo-  
modo fluxerunt? Rdet Sylveira. Fluxerunt primò sym-  
bolicè ac significativè, illo enim sanguine & illâ aquâ si-  
gnificabantur: non fluxerunt meritoriè, quia cum cor-  
pus esset mortuum, carebat animâ & vitâ, à qua est prin-  
cipium & radix meriti. Potest tamen dici, quòd Sacra-  
menta fluxerint etiam meritoriè è latere Christi ex accep-  
tatione prævisa, quia Dominus adhuc vivens cum præ-  
viderit illud vulnus post mortem lateri suo infligendum  
esse, illud cum multa obedientia erga Patrem, multaq;  
conformitate ad ejus voluntatem acceptavit, quod ita di-  
sposuit & ordinavit: ergo illo sic præviso meruit & ope-  
ratus est in negotio nostræ salutis, hæc Sylveira. Nec  
dixeris alia quoq; & isto vulnere maiora Christum prævi-  
disse supplicia, quæ itidem cælesti Patri re ipsa quidem  
præsentavit vivens, adeòq; illis adscribendam potius vir-  
tutem Sacramentorum, quàm huic supplicio, quòd ordi-  
nem ac tolerantiam postremò; SS. enim PP. vulnere la-  
teris hoc meritum adscribunt, ut significetur bello ho-  
stes suos devicisse, sibiq; ac nobis præliando bona spiri-  
tualia promeruisse. Lancea siquidem inter arma militis  
non clavi, flagella, spinæve censerì solent. *Ita solvit in-  
stantiam Lyræns.* Tantundem acceptio meriti significat  
apud S. Bonav: 1. par: stim: c. 12. *Per apertionem lateris  
meruit Sanctis visionem apertam.* Morale, quod hinc eli-  
ci possit, est, quòd maxima alioqui ex natura sua bona



opera, nisi fiant in vita gratiæ, nihil mereantur. Sicut nil mereretur vulnus lateris, nisi Christus ad illud excipendum in ipsa morte vivus quodammodo fuisset secundum præcedentem voluntatem & acceptationem. Item opera meritoria ut sint, vivam requiri intentionem, ob quam in antecessum factam mortui IESV vulnus ad vitam meriti computatum est. Absq; autem intentione, etiam si bona alioqui operamur, nihil lucramur. Hoc quoq; discrimen est inter opera bona ferventium ac tepidorum; illi etiam dormiendo vigilant ad meritum: hi etiam vigilando dormiunt, & nihil inveniunt in manibus suis.

*Obijcit 2dò.* Christus, quæ ad mortui corporis statum pertinebant, honorifica atq; præclara esse voluit. Ut tot prodigia post suum obitum ab Evangelistis memorata, sindonem præterea mundam, ungenta pretiosa, tumulum novum. Idq; ex duplici causa 1. in vim compensationis pro ærumnis ac contumelijs, quas in Sanctissima Carne sua per 33. A: & ultra sustinuit, tum ad copiosam humani generis redemptionem, tum ad certissimum susceptæ mortalitatis experimentum, suisq; sequacibus ad exemplum. Ut scilicet transacto miseræ mortalitatis statu, amplissimo quovis honoris & reverentiæ gradu augeretur latensq; prius in suscepta carne Verbi maiestas effulgeret, velut contrafactâ laternâ lumen. 2. Ad ostendendum discrimen exitus sui ab exitu Principum huius mundi, quod observavit S. Chrysost. *Et erit requies ejus honor.* &c. *Licet diverso modo in rebus humanis contingere solet. Nam cum hi, qui hinc in magna gloria rebusq; florentibus agunt, moriuntur: pereunt cum illis simul omnia alia. Leges eorum irritantur, statua obscurantur, memoria extinguitur, nomen eorum in oblivionem venit, à cognatis despicuntur. Licet prius moverint arma,*

con-



concitarint seditiones populorum & urbium, revocaverint  
 proscriptos, occiderint Dominos, simul tamen conciderunt  
 hæc omnia, quamvis gloriosa prius fuerint. At secus in  
 Cruce eventit. Ante Crucem in luctu res erant; Iudas pro-  
 didit, Petrus negavit, reliqui profugerunt, IESVS solus  
 inter amicos comprehensus est; multi, qui crediderant re-  
 trorsum abiierunt. Cæterum ubi occisus est & mortuus, ut  
 discas, quod non sit purus homo, non solum res ejus non in-  
 terciderunt, sed multo clariores sunt redditæ &c. Atqui si  
 post mortem adhuc vulneraretur, non esset ejus corpus  
 in honorificentiore statu, quam in vita; adeoq; neq; com-  
 pensationem priorum contumeliarum ærumnarumq; sal-  
 tem adæquatum acciperet. Neq; discrimen inter exitum  
 Christi Principumq; sæculi in propatulo fieret. Adhuc  
 enim post mortem tam gravem perferret contumeliam  
 ac iniuriam. Ergo non post, sed ante mortem in corpore  
 contumelijs obnoxio vulnus illud debuit suscipere. R.  
 Admitto antecedens cum suis probationibus, sed nego  
 subsumptum. Quod scilicet hæc transfixio corporis  
 Christum inhonoraverit. Licet enim ejus despectum in-  
 tenderit malignorum perversitas, Divinâ tamen disposi-  
 tione lateris dilaceratio in magnum honorem non verò  
 in contumeliam Christo cessit, ut patet ex prodigioso  
 sanguinis & aquæ profluvio, de quo S. Ambrosius. Licet  
 corporis hujus fuerit natura mortalis, licet qualitas similis,  
 dissimilis tamen gratia: Nam utiq; post mortem sanguis in  
 nostris corporibus congelasset: de illo verò Ioannes inquit,  
 continuo exiit sanguis & aqua. Ingenti gloriæ Domino  
 fuit illa confixio, quia ingens subsequutum miraculum, in  
 cujus pompam crediderim omnem naturam horrifico  
 plausu quodam conspirasse. Ingens gloria, sanguinis &  
 aquæ rivi; ingens, adsignificata per illos Sacramenta, ex-

Zzzz

teraq;



teraq; mysteria aperti lateris, quæ iam supra recensuimus. Negato verò subsumpto manifestè patet falsa consequentia.

Nullam ergo vim habent adversa veritati argumenta, et si quam habere viderentur, universam evertit ac profligat textus Evangelij, contra quem nullæ argutiæ sapiunt, nullæ rationes valent. Sed Hæreticus ait Evangelistam per recapitulationem sicut alia multa, ita hoc dixisse, apertum nempe latus morti subiunxisse, cum antè fuerit apertum, ut *Ly aperuit* ponatur pro *aperuerat*. Sed violenta est hæc clarissimi textus tortura, qui nullo modo patitur recapitulationem. Deniq; Clemens V. in Concilio Viennensi hunc errorem damnavit, ut habetur in Clementina de sum: Trin: & Fid: Cath. *Nos igitur ad tam præclarum Evangelistæ testimonium & SS. Patrum ac Doctorum sententiam Apostolicæ considerationis faciem convertentes Sacro Concilio approbante declaramus prædictum Apostolum & Evangelistam Ioannem in præmissis factæ rei ordinem tenuisse narrando, quod Christo iam mortuo unus militum lanceâ latus ejus aperuit. Ibidemq; non tacet vulneris mysterium. Emisso spiritu Christus sustinuit lanceâ perforari latus suum, ut exinde profluentibus undis aquæ & sanguinis, formaretur unica immaculata ac Virgo Sancta Mater Ecclesia Coniunx Christi, sicut de latere primi hominis soporati, Eva sibi in coniugium est formata.*

## ALTERA PARS QUÆSTIONIS.

*Dextrum, an sinistrum latus Christi  
perfossum est?*

**P**ectus est habitaculum cordis & anima, Clem: Alex: 5. Strom: sed quâ sui parte in Christo patuit, ut cor in



sua domo confoderetur, & eodem ostio reliquum animæ  
 five vitæ exiret? Franciscus Lucas Audomarenſis Eccle-  
 ſiæ Decanus & Theologus ſiniſtro lateri adhæret, Franci-  
 ſcus item Suarius magnum inter Theologos nomen, &  
 alij, quos *plerosq;* aiunt Collius & Lyræus, cum quibus  
 Corn: à Lapid: hanc ſententiam probabilem ſatis exiſti-  
 mat. Probabilitates ejus ſunt. 1. quòd latus tam apud  
 Sacros quàm profanos authores pro ſiniſtra non pro dex-  
 tra parte uſurpatur, ut Virgil: 2. *Aneid. Lateriq;* *Argi-*  
*vum accommodat enſem.* hoc eſt ſiniſtro famori. Et Pſi-  
 90. *Cadent à latere tuo mille & decem millia à dextris tu-*  
*is.* Vbi vides dextris opponi latus, id eſt ſiniſtram. Hunc  
 locum Pſalmi & S. Bernardus explicans latus pro ſini-  
 ſtro latere accipiendum tradit. 2. Quia ſic figura & fi-  
 guratum ſtrictius & aptius correfpondent. Figura fuit  
 Eva producta ex latere Adæ; figuratum Eccleſia ex late-  
 re Chriſti aperto, prognata Sponſa ejus cariffima. *My-*  
*ſterium hoc magnum eſt, ego autem dico in Chriſto & Ec-*  
*cleſia,* ad Eph: 5. Atqui Eva ab omnibus ex latere ſini-  
 ſtro effecta creditur, propterea (ſuis verbis exſcribo Col-  
 lium) quòd in latus ſiniſtrum cor vergat, ubi fons & ori-  
 go amoris, qui ferventiſſimus inter coniuges eſſe ſolet.  
 Ergo à ſimili, Eccleſia quoq; ex latere Chriſti ſiniſtro:  
 & in hunc finem ſiniſtrum fuit apertum. 3. Si cor Sal-  
 vatoris cuſpidis ictu ſauciatum eſt, quod ex S. Brigitta  
 ſuprà docuimus, & idem docent S. Cyprianus, S. Vin-  
 cent: Ferr: Gabriel Biel tract: de Paſſione; quidquid in  
 contrarium diſputet Moles: eam proculdubio pectoris  
 Chriſti partem petere lancea debuit, in qua cor reſidet,  
 qualis ſola corporis humani eſt pars ſiniſtra. Cor enim  
 quod pericardio proximè & deinde pulmone obvelatur  
 tametſi in medio corporis eſt ſitum, magis tamen ad ſi-  
 niſtram



nistram vergit quàm ad dextram, quod vel ex ipso ejus  
 motu constat. Ad hæc, vulnus à milite lateri inflictum  
 fuit ad explorandam Christi mortem; hoc autem experi-  
 mentum in solo sinistro latere peragi potuit, cum in eo  
 duntaxat fons vitæ cor quiescat. Hoc petebat miles,  
 cum vitæ sit principium; si fortè non obijffet Salvator;  
 ut Judæis gratificaretur, qui in tota Passionis serie non-  
 nisi ad mortem anhelabant. Ad extremum si morem eo-  
 rum, qui dextrâ suâ manu alios vulneribus petant me-  
 ditemur, ad sinistram solimmodo latus devolutum vul-  
 nus fatebimur; quandoquidem naturali motu ad fini-  
 stram tantum percussoris ictus diriguntur. Connatu-  
 rius est illam cadere partem, quæ dextræ magis obviat,  
 obviat autem sinistra. Confirmo exemplo S. Christo-  
 phori M. octennis pueruli, qui Gvardiæ propè Toletum  
 à Mauris in despectum Christi omnia ejus supplicia per-  
 pessus, dum ad columnam cæditur crudeliter, nec vocem,  
 nec signum ullum doloris dedit, nisi in ultimis y. plagis,  
 quod illæ supra numerum plagarum Christi adjiceren-  
 tur. Deinceps quoq; exclamavit, cum sibi lanceâ latus  
 foderetur. *Si cor queris, alterum latus effodias.* Ricci-  
 us in triumph: Crucis. His & similibus argumentis in-  
 ducuntur pleriq; interpretes, ut latus sinistram in Chri-  
 sto vulneratum suspiciant & tueantur: & eò quidem libe-  
 riùs, quia nullis adhuc S. Matris Ecclesiæ legibus cau-  
 tum est quodnam illud fuerit è duobus? Quare tutò ci-  
 tra omnem hæresis labem quæstio in utramq; partem a-  
 gitari ac decidi potest. Nimis ergo rigidè Lucas Tuden-  
 sis apud Waddhingum inter Albingensium errores nu-  
 merat sententiam lateris sinistri assertricem ei; refel-  
 lendæ S. Franciscum in latere dextro telo Divini amo-  
 ris fuisse confixum. *Locum auctoris recitavi supra quæst:*  
*89. ubi de numero clavorum.*

Ve-



Verum 2da sententia & multitudine & magnitudine  
 authorum præstat, eamq; sequuntur libenter etiam ii,  
 qui superiorem satis probabilem dixerunt, ut Collius,  
 Corn: à Lap: Lyræus, Sylveira, &c. Ex SS. PP. S. Greg:  
 Naz: in trag. *Adegit ille lanceam in dextrum latus.* Ber-  
 nardus serm: 7. in Psal: qui habitat. *Et quidem Dominus*  
*IESVS post cætera inestimabilis suæ erga nos beneficia pie-*  
*tatis etiam dextrum propter me passus est latus fodi, quod*  
*videlicet non nisi de dextra mihi propinare vellet, non nisi*  
*in dextra locum ponere refugij.* Et serm: 30. in Cant.  
*Dextrum mihi latus effodi permisit, ut à sinistris ad dexte-*  
*ram transeamus.* Isid: Pelusiota l. 1. epl: 139. *Quia nihil*  
*iam hædinum ac sinistro latere dignum in natura reliquit.*  
 S. Rupertus ad 3. Reg: c. 6. *Dominici, inquit, corporis*  
*de latere dextro iuxta Ezechielem aquæ viventes, aquæ sa-*  
*lubres egressæ sunt, & omnes, ad quos pervenit aqua ista*  
*salvi facti sunt.* Porro textus Ezechielis est ex c. 42. v.  
 2. *Et ecce aquæ redundantes à latere dextro cum egredere-*  
*tur vir ad orientem.* Et mox. *Aquæ autem descende-  
 bant in latus templi dextrum ad meridiem.* S. Bonavent: lib:  
 Meditationum. *Vnus autem Longinus nomine, tunc im-*  
*pius & superbus, sed postea conversus & Martyr, & San-*  
*ctus, porrigens lanceam delongè, eorum preces & rogami-*  
*na contemnens.* (Nempe B. V. S. Ioannis & Magdalene  
 Cruci assistentium) *latus Domini IESV dextrum vulnere*  
*grandi aperuit &c.* Innocentius III. lib: de myst: Mis: c.  
 58. *Ponitur, ait, calix ad dextrum latus oblatus quasi san-*  
*guinem suscepturus, qui de latere Christi dextro creditur*  
*vel cernitur profluxisse.* Veniam & ad revelationes. Cer-  
 tè S. Brigitta lib: 7. à Matre Salvatoris didicisse testatur.  
*Venit unus accurrens cum furia maxima, & infixit lance-*  
*am in latere ejus dextero tam vehementer & valide, quod*  
*quasi*



quasi per aliam partem corporis lancea volverit pertransire. Idem revelatum S. Franciscæ Romanæ testatur V. Caraffa de deu: erga Passi. Domi: dubio 19. Cui insuper manifestatum est adeo patuisse hoc lateris vulnus, ut commodè 5. digitos unâ capere potuerit. Collius enim, qui Mediolani sæpe inspexit lanceam ad normam & mensuram vulneratricis illius, (quam Romæ asservari supra dixi) factam curâ Federici Borromæi Archiep: Mediol: testatur eam esse longitudine palmari, semipalmari latitudine. Stipant latus dextrum unanimiter Ludolphus Saxo, Petrus Comestor, Gabriel Biel, Ioannes Maior & recentiores passim. Solent pro eadem sententia citari S. Augustinus l. 15. de civ: & Athanasius in eo tractatu, quem de Passione imaginis Berytensis scripsit, verum Collius postquam scrupulosè allegata loca examinâset, *Ly dextrum* nusquam reperit. In ejusdem rei figuram Levitic: 1. Mandarât Deus Israëlitis vitulum Deo in odorem suavitatis cremandum sistere in dextro latere Altaris. *Immolabit ad latus Altaris, quod respicit ad aquilonem*, illud verò cornu dextrum Altaris latus erat. Quare autem prius in figura, deinde in figuræ hujus adimplerione aquilonis quandam sollicitudinem gerit Dominus? Rdet Mallonius, ubi discutit. *Cur Christus ex lateris maluerit, quàm ex manuum pedumve vulnere Sacramenta prodire?* Quia inquit Christus, ex ea parte occasionem desumpsit Ecclesiam fabricandi & roborandi, à qua magis Ecclesiæ suæ timebat, iuxta illud Ierem: 1. *Ab Aquilone pandetur omne malum*. Inde enim venturus timetur Antichristus. Christus verò in Cruce positus respiciebat occidentem, (ut dictum sub quæst: 89.) latus igitur dextrum extendebat ad Aquilonem; ab eo latere vulnus accepit, ut contra Aquilonis malum muniretur Ecclesia



eleſia. Et ulterius deducit ſequentia. Cum Chriſtus omne malum ab Aquilone (cujus nempe latera ab initio Luciper adamavit ac infidere deſtinavit) contra Eccleſiam ſuam patere proſpiceret, primum iectum in ſe ſuſcipere voluit, ut minus laderetur Eccleſia. Clypeum ſe IESVS pro Eccleſia obiecit, non ſecus ac Edvinum Angliæ Regem à Sicario, interiectu proprii corporis, miles ſuus tutatus eſt. De quo vide Baron: ad An: 626. n. 14. pulchrè Ioan: Thaulerus huc figuram Saulis advocat. Hic ſpiritu malo agitatus, Davidem lanceâ confodere voluit: ſed David per quem Chriſti animam accipimus, effugit, & lancea perlata eſt in parietem, id eſt in latus corporis. Seu, Eccleſia vulnus declinavit, Chriſtus lanceam excepit. Opportunus hic locus videtur diſſolvendi illius argumenti. *Eva ex latere Adami lævo, ergo & Eccleſia ex ſiniſtro latere Chriſti prodiit, ergo ſiniſtrum potius quàm dextrum lanceâ confixum.* Diſſolvitur autem præmiſſo antecedente negando conſequentiam. Præterquam enim quod non in omni rigore figuratum figuræ teneatur reſpondere, & ſatis eſſet ad figuram implendam, ſi ex quocunq; latere produceretur Eccleſia. Adhuc inſuper diſparitas eſt magna inter Evam & Eccleſiam, Eva mulier quaſi mollior: Eccleſia *Virgo* ſeu per anagramma *Vigor* merus. aut ſi mulier; mulier fortis & *virago* ſive virum agens. Ergo par hanc fuit produci ex latere non lævo, quod debilius, ſed dextro; quod fortius eſt. Eva ſamula, Eccleſia Regina, de qua Pſal: 44. *Aſtitit Regina à dextris tuis.* Ergo ex latere honoratiore, id eſt dextro prodivit. Quid quod latus abſolutè & ſimpliciter dictum, (ut notat Collius,) nobiliorem dextramq; hominis partem ſignificat; à nobiliori autem ſit denominatio. Pulchra ratio ad eandem ſententiam eſt Salmeronis.

Aaaa

Non



Non in sinistro sed in dextro latere Christus accepit vulnus, ut nos IESVM Christum amplexantes, cor nostrum in sinistra situm, ei aperturæ admoveamus, ut inquam cor nostrum vulnere lateris occurrat ac in illud incurrat, quod est porta paradysi. Si Christus in lævo esset percussus, vulnus illud à nostro corde esset remotius. Satis ingeniosè & Leopoldus Mancinus de hoc posthumo vulnere, sicut magnorum, inquit, Regum conclaviæ dum ipsi adsunt, velo defendi oportet, ne cuiusquam oculis pateant: ubi verò illi excessere, velo reducto patentibusq; foribus Regiam supellectilem spectatum, qui volunt, admittuntur. Pari modo cor Christi Domini aperiri non debuit dum ibi Anima illa augustissima resideret, sed post ejus excessum. *Pectus illud, in quo sunt omnes thesauri Sapientiæ & Scientiæ Dei absconditi, lanceâ militari perfossus est. Ut pectus tuum à pravis cogitationibus mundaretur, mundatum sanctificaretur, conservaretur sanctificatum.* S. Bonav. Sed mortuum animæ palatum habet, qui gustare cunctatur suavissimam incisuram, quæ delicatis etiam gustibus delicias facere potest. Sensit hoc magno animæ suæ bono miles, qui Cisterciensibus adscriptus, lapsu temporis in suo ordine omnia sibi insipida experichatur, atq; adeo fugæ consilia agitabat, quæ dum nocte quâdam exequi molitur, adfuit IESVS formâ gravi & venerabili. Tum exquisitâ intellectâque ægritudine animi & causâ illius, obtulit fugitivo panem grossum hordeaceum. Recusabat Monachus, & quomodo atrum furfuraceumq; comedam? qui similagineum non possum. Hic Dominus detecto latere, vulnere pectoris dextro sanguine mananti panem illum admovit, & hoc iam condimento subactum mandere iussit. Exhortuit primum homo, sed Dei indignantis vultu ac imperio



rio permotus, panem trepidâ manu admovit ori. Et illi-  
co inopinâ metamorphosi sensit ad miraculum usq; sva-  
vem: ut iam toto illo vesci posse pro beneficio habuerit  
singulari. Sed ex digressionem ad filum quæstionis. Ma-  
gnus pro latere dextro facit argumentum constans o-  
mnibus locis ac temporibus pingendi vulnus lateris con-  
suetudo, quam Ecclesia semper acceptavit, improbavit  
nunquam. Sindon item sive linteum sacrum, quo exani-  
me Christi corpus fuit involutum, & etiamnum Taurini  
ostenditur. Huic sanguineis notis ac lineamentis Divini  
illius corporis imago Divinitus impressa mansit, eâ pror-  
sus formâ & figurâ, quâ præditum erat, cum de Cruce  
deponeretur. Ibi perspicitur dextrum non sinistrum la-  
tus perfossum. Siquidem imago eidem linteo impressa, il-  
lius vulneris cicatricem in sinistro latere exhibet typo-  
rum in morem, qui quod in dextro habent, imprimunt  
in sinistro. Vivæ quoq; illæ ac veræ Christi imagines S.  
Franciscus Seraphicus, & S. Clara de monte Falco hanc  
posteriorem sententiam confirmant. De S. Francisco S.  
Bonav: scribit *dextrum quoq; latus quasi lanceâ transfi-  
xum, rubrâ cicatrice obductum erat*. B. Claræ perhibet  
Mosconus in vita, in dextro latere, cordis vulnus illud  
Sculptorem Amorem impressisse. Ergo non debet dubi-  
tari in prototypo ita se habuisse, siquidem in ectypis au-  
thenticis peritissimus æquè ac fidelissimus artifex sic ex-  
pressit.

Est & media inter duas agitata sententia, lanceam  
scilicet in dextrum Christi latus adactam transisse per cor  
& pericardium, cuspidemq; ejus per latus sinistrum ad  
papillam transivisse. Atq; ita utrumq; latus transossum.  
Ita cecinit Prudentius

Traiectus per utrumq; latus laticem atq; cruorem

Aaaa2

Chri-



Christus agit: sanguis, victoria: lympa, lavacrum est. Citatur pro eadem sententia S. Cyprianus, à nobis sequenti quæstione citandus; sed an meritò citetur? ibi videbimus. Theophylactus vulnus non lateris in singulari sed in plurali vocat. B. quoq; V. M. S. Brigittæ revelavit, *infixit in latus hastam tam validè, ut pene per aliud latus transiret.* Quanquam pene non significat defectò transisse, sed parùm abfuisse; quin transiret. In hanc sententiam inclinare videtur etiam Cornel: à Lap. Qui eum Lyrao & alijs obiectioni, quæ contrà opponi posset, nempe non iam quinque sed sex maiora vulnera hoc pacto in corpore Christi extitisse; sic obviat. Quia hoc lateris sinistri vulnus exiguum fuit; hinc non computatur, Christusq; non sex sed quinque habuisse vulnera dicitur.

Quo autem loco lateris, hasta impacta fuerit? controversum pariter est. S. Vincentius Ferrerius serm: de Pass: iuxta doctrinam Alexandri Alensis statuit vulnus lateris Christi non inter ossa pectoris sive costas, (ut communiter pingi solet,) cum sine ossium diminutione non potuisset lancea penetrare; sed mollem inter carnem, quæ inter ossa femoris & pectoris est; unde sursum ad corusq; penetravit. Idem tradit Anton: Gisslandus serm: 75. de Parasce: Pipinus de Christo patiente. Ducuntur autem hi omnes uno eodemq; argumento, quia cum Christus in Cruce sublimis penderet, miles autem in terra staret, si inter costas vulnus fuisset illatum, præ lanceæ magnitudine Christi ossa diffracta fuissent, quod admitti salvâ Scripturâ non potest. Alius quidam eidem sententiæ momentum conficiebat ex Ioh c. 16. *Concidit me lanceis suis, contulnerunt lumbos meos.* Verùm, quorsum hæc verba respexerint? sequentia demonstrant. *Conscidit me vulnere supra vulnus.* Vnde liquet & priora verba



ba de flagellatione Domini intelligenda, de aculeatis flagellis, quibus ceu lanceolis Christi corpus dissectum. Ad communem pingendi modum vulneris inter costas, respondet S. Vincentius dicto loco. *Quare verò sic pingitur? dicendum, quòd pictura est laicorum scriptura. ideo, ut expressius laicis pateret, quòd lancea cor Christi penetraverit in signum, quòd ex corde dimissa est nobis culpa per suam mortem.*

At satius est id ipsum nudè fateri, (ait Collius lib: 4.) quòd & sacer Ioannis contextus, & pix Salvatoris imagines exprimunt, nempe adactum esse cuspidis ferrum, quà transversis ossibus ac planis, id est costis in diversum porrectis conglobatur, nam cùm Salvatoris pectus non ex uno perpetuoq; osse, sed varijs & discretis ossibus invicem leni carnis operculo colligatis constaret; utiq; potuit aperiri cusptide ferreâ illæsis ossibus: quandoquidem amplam satis & ad ferrum recipiendum capacem viam inter costas aperire sibi potuit militari ferociâ adacta cuspis. Præcipuè in sacro IESV corpore, quod tetrjs flagellorum verberumq; ictibus pene fuerat dissolutum, nimiaq; totius corporis & immani per Crucem distensione luxatum. Sicq; truci plagæ cesserunt, atq; loco dimotæ sunt costæ Dominici pectoris nullâ subsecutâ ossium fractione. Addit Lyræus. Vulnus hoc tenendum est incussum esse in ea parte, quâ vulgò pingi solet; scilicet infra mamillam inter costas, propter communem Doctorum sententiam, quam Sancta quoq; Taurinensis sindon aperte confirmat. Deniq; figuræ adimplendæ intererat, ut sicut ex costa lateris non carne femoris Eva creata fuit; ita de medio costarum Christi apertarum Ecclesia produceretur. *Maestatus IESVS est non alibi, quàm in latere ad costas, ut quoniam prius per mulierem è costa formata*

*tam*



*tam profluxerat deceptio, ita nunc per costam secundi Adæ redemptio & emundatio prioris Adæ dimanaret. S. Athanasius fermi de Passione. Adstipulatur Antiochus Ptolomaidensis in Catena Græca. IESVS vulnus Adæ curare volens opponit latus lateri, ut unde vulnus promanaverat, inde salus exiret.*

Refert adhuc piæ curiositatis nosse, quis ille miles ferrum in viscera demortui IESV strinxerit? imò. Respondet Drogo Ostiensis. *Quis est ille unus militum nisi fortè qui tunicam tuam inconsutilem sorte accepit? Ipsa est enim unitas fidelium, quæ tibi soli militat.* Admitto mysticam interpretationem: sed supposito, quod sic res habeat; vehementer militis ingratitudinem admiror: quod nempe de cuius velleribus calefcere cæpisset, ac pro eo deberent ei latera sua benedicere; ille è contra latera, quæ in suam utilitatem nudaverat, ferro ausus est vulnerare! Nobilitavit & insignivit IESVS hunc militem suâ tunicâ; ille nobilis ingratitudine, Christum vulnere immanissimo insignivit. Certè ex tanto dono accepto coniicit Ostiensis vulneratorem. Sic enim magna beneficia paribus iniurijs pensare hominibus est frequentissimum: qui pro collato beneficio vulnus inferre soleant. Ita, ut beneficium sit iniuriæ auctoramentum; & iniuria accepti aliquando beneficii index ac argumentum. Neminem ingratiorem experieris, quàm in quem immeritò plura contuleris, dixit Philosophus quidam, & beneficijs peiores sumus. 2dò. Quidam tacito nomine apud Cornelium & Sylveiram citati putant hunc militem vulneratorem lateris ipsum Centurionem fuisse, qui executionis inspector pro Pilato aderat, & sententiæ ad amussim implendæ attendebat. Hunc, qui Marci 15. visis prodigijs sub mortem Domini dixerat. *Verè hic homo Filius Dei erat.*

vel



vel ut Luc: 23. dicitur. *Videns autem Centurio quod factum fuerat, glorificavit Deum; dicens, verè hic homo iustus erat.* Ita mutatum in animo Centurionem potuisse audere quidpiam crudele in IESVM (qualis est lateris transfossio,) esset profectò ingens humanæ instabilitatis argumentum: quòd scilicet nunc, ut iustum & Dei Filium agnosceret, nunc rursus, ut vel morte dignum lethali ictu conficeret, vel iam defunctum ceu vilissimæ bestię cadaver lancinaret. Cautè proinde hujus auctores sententiæ vulnus illud non ex barbarie crudelitatem inflatum asserunt: sed gratiâ tantum ostendendi, quòd iam Christus obièrit, & quòd iuxta demandatum sibi munus satis diligenter attenderit, ut sententia mortis executioni mandaretur, nec ullatenus viventem ac spirantem de Cruce deponendum. Verùm hæc ratio minimè satisfacit Cornelio, ut credat hoc ausurum fuisse in eum, quem iam Filium Dei proclamarat. Si tamen ullo pacto idem ipse fuit lanceator & Centurio. Meritò, cum profitetur Christum Iustum ac Filium Dei ab Evangelistis Centurio vocatur nomine honorifico, quia honesta tum & sensit, & dixit: cum verò latus Domini lancinat, vocatur tantum miles, unus militum: ac ex gradu honoris in ordinem turbæ illius redigitur, de qua vulgus canit. *Nulla fides pietasq; viris, qui castra sequuntur.* Cum IESVM confiteatur, Centurio est; cum transigit, unus militum, se scilicet ipse de honore suo degradat actione tam abhorrente à dignitate sua. Metaphrastes 15. Martij Sanctum Centurionem tantum Passioni Domini additum inspectorem, & deinceps illi cohortiq; ejus Dominici sepulchri custodiam commissam scribit: nullam verò facit mentionem, quòd ille Domini latus attigerit: Quinimò cum Resurrectioni Dominicæ testis interfuisset, laudat eum, quòd  
 nul-



nullis Iudæorum pecunijs ad falsum testimonium se emi  
 permiserit, palam quinimò mortis Victorem Dominum  
 prædicaverit, ob quod testimonium veritatis, ejusdem Pi-  
 lati iussu, qui in IESVM decretum tulerat, Martyrio sit  
 gloriosissimo affectus. Digna profectò lectu est historia,  
 quam invenies apud Surium tomo 2. 15. Martij titulo  
*Martyrium S. Longini Centurionis &c.* Nomen hoc  
 Longini occasionem errandi plerisq; præbuit, ut Centu-  
 rio Longinus latus Domini confodisse existimaretur, cum  
 eodem nomine miles ex cohorte cognominis sibi Cen-  
 turionis hujus in D. IESVM immanitatis inculatur. Ab-  
 solvunt omnino Centurionem IESV *veri Filij Dei* Con-  
 fessorem. Baronius tom: 1. Annal: ad An: Ch: 34. & Col-  
 lius lib: 4. toto capite 13. 3tiò. Alij communius asse-  
 runt Longinum simplicem militem ex manipulo S. Cen-  
 turionis auctorem vulneris in latere Domini extitisse, ita  
 V. Beda in Martyr: idibus Martij. *In Cappadocia passio*  
*S. Longini M. de quo in libello ejus narratur, quòd ali-*  
*quando militans sub centurione Romano in Passione Do-*  
*mini latus ejus cum lancea in Cruce aperuit, & viso terræ*  
*motu ac signis, quæ fiebant, credidit in Christum penitenti-*  
*am agens de operibus pristinis, postea Monachus factus, per*  
*38. annos Christo militavit; multos convertens ad Fidem*  
*Dei, ad extremum verò martyrium complevit in Cappado-*  
*cia sub Octavio Præsede, quem propter infidelitatem suam*  
*Divino iudicio percussum cecitate, post martyrium suum il-*  
*luminavit.* Consentit Ado Trevirensis in Martyrol. Na-  
 tale B. Longini M. quem tradunt illum esse, qui lancea la-  
 tus Christi in Cruce pendentis aperuit. Et Petrus Calesti-  
 nus ad Martyrol: Romanum. *Cæsareæ in Cappadocia S.*  
*Longini M. qui IESVM Christum crucifixum hastâ per-*  
*cussit, ob signa & prodigia subsecuta Christianus factus est*  
 &c.



*Uc. S. quod; Bonaventura. Vnus autem Longinus nomine (tunc impius & superbus, sed postea conversus & M. & Sanctus) porrigens lanceam de longè Uc. Uc. ut supra citavi. Citatur pro hac sententia S. Isidorus & quidem à Salmerone satis accurato scriptore. Lanceâ inquit, Longinus latus Salvatoris aperuit, & non tantum veniam invenit, sed Episcopatus honorem & Martyrij coronam promeruit. Sanctum Augustinum in manuali c. 23. supra citavi. Longinus mihi aperuit latus Christi. &c. Quanquam præter testimonium V. Bedæ omnia alia sunt indifferentia, quæ sive militem sive Centurionem significant. Nicodemus Evangelium militem Longinum specificat: sed authoritatem non habet, est enim apocryphum. De hoc Longino insuper memorandum reperitur apud varios, quod, cum Christi latus foderet, cæcus erat, postquam verò confodisset, eodem theandrico liquore tinctis oculis visum receperit. ita Gregorius Nazianz: in tragædia. Seu Appollinaris Laodicensis, cui mavult Baronius cum alijs illud pœma adscribere. *Fixit hastam defluentis sanguinis tinctam liquore. Et ecce ut utraq; è manu haurit, oculosq; hoc ungit: hinc, ut scilicet detergat oculum nocte, quæ cæca obtigit.* Accinit illi par Heliconis & Carmeli gloria Bapt: Mantuanus.*

Tu cæcus non mente minùs quàm corpore, Sanctum Lanceâ & admoto pectus mucrone petisti,  
Inde cruor confusus aquis hostilia circum  
In digitos lapsus tetigit cum lumina, morbum sustulit. &c. &c.

Isidorus citatus paulò antè Longinus ait latus Salvatoris aperuit, & tactu sanguinis Christi, cum esset altero oculo privatus, illuminatus est extrâ, & intus lumine Fidei, & per Apostolos baptisatus fuit, & post longum tempus in ere-



mo Episcopatus honorem & Martyrij coronam invenit. Collius tamen & Sylveira textum hunc in Isidoro à se diligenter evoluto nusquam inveniri potuisse fatentur. S. Vinc: Ferrerius ferm: de Passione, (cujus testimonium non est controversum) Longinus ait, *videre non poterat, an mortuus esset IESVS, quia caligatos habuit oculos: & accepit lanceam suam, & inflixit eam in corde Christi, & continuò exiit sanguis & aqua miraculosè, & per hastam decurrens pervenit ad manum militis, & ex contactu visum accepit.* Iisdem planè verbis Vincentio subscribit Ludolphus Saxo p. 2. c. 64. nisi quòd addit oculos militis *præ senectute caligasse, casu ve aut nutu Divino licet nescientem pectus lanceasse &c. &c.* in quibus cum V. Beda coincidit. Accedit Petrus Comestor historię scholasticę cap: 179. Quidam ut magis opinionem stabilirent, illa verba Evangelistę & *qui vidit testimonium perhibuit &c.* ad Longinum militem torquent: qui (inquiunt,) cùm antea cæcus esset; beneficio sanguinis Domini è latere ejus eliciti vidit, sive visum recepit: & aquam sanguinemq; profluxisse testatus est. Quo sensu (ait Collius,) nihil magis alienum à Catholica veritate excogitari potest. Et ego assentior Collio, aioq; verba illa S. Ioannem de seipso non de Longini cæci subitanea visione scripsisse. Non multum tamen æstimo ulteriorem Collij consequentiam, quã scilicet levem corde esse inferit, qui sibi persuaderet sub centurione Romano militaris disciplina apprimè tenaci militem caligine & cecitate affectos oculos habentem potuisse reperiri. Numquid enim cæcitatibus vocabulo vel alterutrius oculi defectus altero salvo; (ut S. Vincentius arbitratur,) vel utriusq; lippitudo aliudve vitium intelligi non potest? aut lusciosus Longinus significari? Audax ergo nimis videtur mihi Collij senten-



tentia. Omnino indubitatum esse debet militem lateris Christi percussorem, neq<sup>3</sup> Martyrem, neq<sup>3</sup> cæcum fuisse. Quamvis enim, quod cæcitatem ejus concernit, non adeo sit certum apocryphisq; scriptis, (ut notat Baronius,) nitatur: Martyrem tamen esse ex Martyrologio Romano ad 15. Martij constat, ubi expressè ponitur. *Cæsarea passio S. Longini militis, qui lanceâ latus Domini perforasse perhibetur.* Contra tam classici in Ecclesia codicis auctoritatem quidquid conetur Collius, nihil efficit. Quidquid dicat Franc: Lucas Brugenfis ad illa verba. *Vnus militum:* dicit autem. *Nequaquam iste Longinus est appellatus, quanquam ita illum appellet auctor Manualis,* (nos supra paulò S. Augustinum cum alijs diximus.) *Sed Centurio ille &c.* Audax thesis! sed quod ejus fundamentum? Metaphraste scilicet nituntur, qui Longinum Centurionem nominat, ejusq; agonem ad 15. Martij describit. Quasiverò non potuerint & Centurio & miles, quidam ejus, eodem nomine dici: Quasi non potuerint eodem die mensis Martyrij certamen obire. Maximè cum Metaphrastes Longinum Centurionem dicat occisum iussu Pilati per milites ab Ierusalem usq; Cæsaream Capadociæ patriam ejus citatis itineribus missos, quod aliquot post Domini Passionem annis ad summum fieri oportuit. Baronius recenset accidisse sub Anno Christi 38. id est à morte ejus anno circiter 4to. Quo & ipse Pilatus ob eadem Samaritanorum per immisos milites patratam à Magistratibus Samariæ apud Vitellium Syriæ Præsidem accusatus, in ordinemq; ab eodem redactus successorem in Iudææ procuratore accepit Marcellum amicum suum. Quanquam aliorum præterea criminum Pilatum Philo accusat, solitum videlicet sententias vendere, cuncta rapere, iniurias inferre, innocentes punire,



tormentis cruciari, ac demum morte afficere, atq; id genus alia patrare. Ejusdem crudelitate, ut ex Metaphras-  
te notum est, Longinus Centurio una cum duobus mili-  
tibus, quod Christum liberè confiterentur, truncatus est,  
ac etiam post mortem ignominia affectus. Porro Vitel-  
lio Præsidi visum est Pilatum Romam mittere, ut ibi co-  
ram Imperatore causam suam ageret, obiectaq; sibi di-  
lueret. Contigit ejus profectio anno sequenti &c. Hæc  
Baronius tomo i. pag. 266. Miles autem Longinus è con-  
trà, tum 38. ipsos annos Monasticam vitam egisse à V.  
Beda & Ludolpho Saxone sat idoneis Scriptoribus me-  
moratur: tum juxta Isidorum, & Insulas Episcopales &  
Martyrij coronas adeptus. Discrepant præterea aliæ cir-  
cumstantiæ, ut socij coronæ & Tyrannus. Centurio e-  
nim sub Pilato, miles sub Octavio Præsidi; Centurio cum  
duobus militibus socijs, miles solus decertasse proditur.  
Quod verò eadem die & in eadem civitate Cæsarea Cap-  
padociæ obierint, nihil Fidei opinioni nostræ detrahit.  
Numquid enim quia Genesius ex Mimio M. 25. Augusti  
Romæ, & alius Genesius prius exceptor eodem die Are-  
late occisus legitur: illico ex duobus unus vel minus  
tantum vel tantum exceptor conficietur. Nec desunt  
plura exempla SS. eodem die oheuntium. Ergo similiter  
frustra Collius aliq; duos SS. Longinos in unum con-  
flant, contenduntquæ solum Longinum Centurionem  
fuisse Martyrio affectum 15. Martij. Militem verò lateris  
Dominici perfossores nec Longinum esse, nec Martyrem.  
Cum Romanum Martyrologium & Martyrem & Longi-  
num esse doceat. Vssardus quoq; ad eundem diem. Et  
Mutius Iustinopolitanus c. 57. Quanquam solius Marty-  
rologij autoritas sufficeret, quod cum ad *Ecclesiasticæ  
Historiæ veritatem restitutum, insug. Gregorij XIII. edi-*  
tum



*cum prænотetur.* Non possum capere, quomodo quis audeat inficiari, quod in eo expresse asseritur? & cum ibi ponatur. S. Longinus miles lateris Dominici scrutator Martyr: aliquis contra nitatur. Centurionem perfossi lateris minime conscium in illum locum restituere excluso tam legitimo possessore? Admirationi mihi est & ipse Baronius, qui ceu spreto tam claro textu, in notis illum tantum Centurionem memorat, cujus agonem exequitur Metaphrastes, ejusq; Interpretes Lipomanus ac Surius. Nisi forte ex occasione S. Longini militis Martyris, Centurionem quoq; memorare voluit, qui eodem die licet 34. circiter annis ante occubuerat. Accurati tamen annotatoris erat alterum ab altero distingvere ne in unum confunderentur. Quod vero S. Longini venerandum corpus refert asservari in Ecclesia S. Augustini Romæ; illud quoq; scitu dignum erat, eccujus Longini? militis an Centurionis? Longini nomen (ne hoc quoq; inobservatum transeam) potuit non modò à longitudine seu proceritate corporis, sed etiam ab hasta ex græco, quæ in illo idiomate Loghi vocatur, deduci: ut Centurio quidem Longinus nomine gentilitio, miles Longinus, vel quod immanis longurio in medium ad immanem ictum profilierit: vel Lonchinus Longinusve ab hasta inquam surrexit, fortuito cognominaretur.

Quamquam de contentione remittendo, utiq; qui Centurio est, miles quoq; est: proinde cum dicit Evang. Vnus militum, potuit primipilum eundem militum Centurionem designare. Quare autem nomen hujus militis Evangelista non expressit? dat rationem Sylveira. 1. Sanctis Evangelistis morem esse in bonis operibus, quæ nobilitant auctores eorum, adscribere; in malis verò & quæ dedecorant tacere ac occultare. Sicut recensentur



nominatim MARIÆ, quæ Crucifixo adstabant; Ioseph & Nicodemus, qui depositionem & sepulturam procurarunt. Contra tacetur de nomine adolescens, qui relietâ findone profugit, cum IESVS caperetur: tacetur servus, qui alapam infregerat: sic tacetur & miles lanceæ vibrator. Docemur enim verò famæ proximorum etiam minus bonorum consulere & tacere, saltem, quos cum honore non possumus meminisse. Quid? quòd ingens pœna est improbis nomina eorum taceri oblivioneq; hoc modo damnari; illi enim ut olim Herostratus per templi Dianæ busta; per atrocita scelera ad nominis perennitatem grassantur. Vt verò Gracia exquisitissimo supplicio mactavit Herostratum, cum nomen quoq; ejus execrabile unquam pronunciari vetuisset: ita similium in Christum criminum patratores punivere Sacri Historici dum nomine tenus tacuerunt. 2. Hic sive miles, sive Centurio prodigijs sub mortem Christi eventibus, ejus clamore valido ac præternaturali, non dubium quin & intercessione ad Patrem conversus, in magnum Sanctum Christi; præconem evasit. Expediebat ergo ejus homini consuli, ne prædicatio detrimentum ex infamia antèrioris immanitatis pateretur; maxime cum iam ipse præteritum facinus pœnitentiâ ac amore oblitterasset. 3. Iuxta Sylveiram cum idem Longinus restituti visus beneficium (ut nonnullis placet, in ipsa crudelis ausus executione accepisset: Ne ejus deinceps prædicatio ut beneficiarii, hoc est tantâ largitione obstrieti, testimoniumq; indubium vocaretur, aut suspicionem gratitudinis contra rerum ipsarum veritatem: præstabat nomen lanceatoris, supprimi. Non quia transfixit, sed quia tantam gratiam externi interni; luminis accepit. Priusquam ab hac quaestione recedam Corollaria quædam subnectere



re visum est ex auctoribus, quorum non ita obvia est copia: idq; ob singulares illorum sensus, licet nonnunquam non omnino cum nostra resolutione conveniant.

### Corollarium Ium.

*Ex P. Guilelmo Gumpenberg in IESV Viro do-  
lorum, parte 2dâ paginâ 218.*

**L**ONGINVS. Ecce vim patitur Regnum Cælorum, & violentus Centurio Longinus rapit illud. Verè violentus quia fortior, quàm ipse sciret. Nescivit enim uno ictu vulnera se infligere duo, credebat se mortuum vulnerare, cum tamen & vivum tangeret: destinabat ferire corpus, & animam pertransibat, lanceâ in doloris gladium versâ, prævidente & prædicente præfago iam olim Simeone. Hæc peccatorum fecunditas est, ut plus noceant; quàm præferant. Carnificis fuit ictus non militis. Merebatur baltheo privari & exauctorari, quòd servo & svadenti & lanceam dirigenti Centurio obtemperâset. (*Quid innuit? Longinum Centurionem ad hoc vulnus inferendum incitatum à milite quodam, quia verò ipse non satis oculis valeret ab eodem directum,*) fecissetq; scelus, quod vel servum dedeceret. Maledictus qui facit cæcum errare in itinere.

Sed ecce Dei iudicia abyssus multa! hinc terra tremit pavente cælo. Oza Arcam tangit & percutitur; Longinus latus Domini sui ferit, & permittitur. Osculatur IESVM. Iudas, & de ore ad os, de facie ad faciem loquitur, excæcatur tamen & induratur: ferro cor ferit Longinus; & molliitur ac illuminatur. Reparare IESVS in Longino destinat lubricam oculorum facultatem, quâ homo tam malus est, sine qua tam miser. Sancti cruoris gutta è latere Christi baptizat oculos peccatores: Ecce

Ba-



Baptismum fluminis & sanguinis, quin & flaminis. Sic IESVS Sol oriens cæcos illuminat ne desperent, qui sedent in tenebris.

Magnus es tu ô Longine & verè faciens mirabilia! est Hierosolymis piscina, quam descendens de cælo Angelus movet, & ad motum aquæ sanatur unus de multitudine sangventium magno miraculo, quod vel Angelo gloriosum est. Ad motum aquæ, quem tu in Crucifixi latere fecisti, de multitudine sangventium nemo non sanatur. Tu ipse rei fidem facis experimento tuo. Paulò minor Angelo Moyses virgâ suâ mare rubrum diviserat, levi ictu, per quod populus transiens, iterum periret in deserto: quam tu nobis viam fecisti per apertum lanceâ cor IESV, ea maris rubri via est, & secunda quidem, in qua nemo perire potest, nisi qui vult; tantæ insuper amplitudinis, ut non iam populus unus nocte unâ, sed omnes tribus terræ momento quovis & pede sicco transmeare, si velint, possint. Tu gazophylacium thesaurorum Dei aperuisti, unde nemo recederet pauper. Et verò, ut facilius intraremus hæc tanta amoris adyta, clavis consignanda erat militi.

Labora nunc Longine sicut bonus miles Christi, & stipendium spera. Promoveberis & mutaberis in virum alterum. Dispensator factus sanguinis Christi, Sacerdotio dignus es & mitrâ. Cæcus à nativitate, in latere IESV velut natatoria filôe lavisti & vidisti, & in hoc cognovisti quoniam vir Dei, imò filius Dei erat iste. Pectus tuum percuti, quod cor ejus percussisset; cujus nec pedes osculari dignus eras. Revertere, & quia ex ore laudantis probatur homo, eum glorifica, quem alij spernunt. Eum time, ut ab eo ameris: quia & ipse suos in finem dilexit. Nam & caput inclinavit ad osculum, & manus per-

fora-



foravit ad liberalitatem, & brachia extendit ad ample-  
xum, & pedes fixit, ut maneret: & latus aperuit, ut dili-  
geret: & totum se pro nobis extendit & expendit, ut sci-  
remus nobis datum, nobis natum.

### Corollarium 2dum.

*Ex eodem Authore pag: 219.*

**L**atus apertum. Sic ô anima mea! sic oportuit Chri-  
stum pati, & sic intrare in gloriam suam, uti ferrum  
intravit in cor ejus. Nam Regnum Cælorum vim patitur,  
& non nisi violenti rapiunt illud. Venales sunt tituli ho-  
noratiores: sed sine sanguine non habentur. Nec nomen  
quidem acquisivit sine vulnere, quantumvis à Deo datum  
super omne nomen. Oportuit sanguine scribi nomen &c.

Latus Christi, si nescis, habitatio nostra est. Extra-  
neum puta, quem hic non reperies. Et quod mireris, ha-  
bitatio est nulli non conveniens statui. Columba es?  
nidus tibi est. Passer solitarius? tectum habes. Sponsa es?  
en thalamum. Turtur es? en locum requietionis. Rex es?  
ecce palatium. Pauper es? cavernam maceræ habes &  
foramen petræ, nam Petra Christus est. Esuris? hinc  
manna collige. Sitis? bibe ex paradyfi fonte. Cherubi-  
ni gladius in Longini lanceam versus est: hæc in clavim,  
quæ ostium paradyfi aperiat. *Hæc author mutuatus ex*  
*Lanspergio.* Hic ô anima mea sacrificium pro reconci-  
liatione generis humani consummatum est: hic sigillatum;  
ubi Sacerdos Christus, templum pectus, altare cor, vi-  
ctima voluntas, ignis charitas, thus gratiarum actio. Hic,  
hic IESVS meus cum clamore valido & lacrymis & ge-  
mitibus inenarrabilibus pro nobis orans, pro sua reve-  
rentia exauditus est. Scisso templi velo, scisso Christi la-  
tere nihil in veteri, nihil in novo testamento hominibus

Cccc

clau-



clausum est. Aperiuntur sepulchra, scinduntur petre, finditur terra, ruptoq; in partes velo, ipsa templi adyta & Sancta Sanctorum etiam profanis patent. Solus homo oculos tunc claudit, cum minimè deberet. Indignus solatio, quo perfunderetur; si chirographum redemptionis suæ legeret, quod Deus tribus illis, quibus mundum appendit, digitis scripsit; vulnere pro atramentario, sanguine suo pro rubrica, lanceâ pro calamo usus.

Errant ô Domine! & ipsi se decipiant, qui putant cor tuum vulnus primùm accepisse à Longino. Iam olim ab amore vulneratum, nunc tantum apertum est. Lancea Longini doloris gladius fuit, qui Matris tuæ & cor & animam pertransiuit. Tunc illa te non sentiente doluit. Laborârunt Iudæi in aperiendo latere Christi, & nos Christiani in eorum labores intravimus. Habes hic ô anima mea bona plurima in annos plurimos, quiesce, frue-re. Signum magnum in cælo est, & sidus novum hoc vulnus. Gaude Aquilo, quod te respiciat. &c.

Nec scio an ægris piscina alia probatica quinque porticus habens quærenda sit, ex quo stam nunc aperuit Longinus. Et si hominem non habes qui te immergat: Ecce homo qui sit adiutor tuus. Necessaria fuit in Arca Noëtica lateris fenestra, per quam Noë videri & videre posset. Si absq; hac lateris apertura fuisset, nec videre amplius IESVS nos clausis oculis poterat, nec à nobis videri in se, & causâ mortis ejus, quam in scrinio pectoris clausam habebat, ignorante Pilato. Per aliam fenestram amor videri non potuit, certè noluit.

Si nervi & venæ IESV mei chordæ sunt, & corpus ejus pro corpore testudinis; nec clavi desunt, quibus chordæ tendantur. Lateris hoc vulnus rosa erit, quâ sonus, qui clamore valido, suspirijs & gemitibus inenarrabili-

bus



bus fit, amoris dulcedine temperatus suavior ad aures Patris veniat, conceptamq; iram mitiget. Non est hic aliud nisi domus Dei & porta cæli: per hanc si quis introierit, salvabitur. Per hanc ad secretam cælestis Regis audientiam intratur, sed non nisi amicis patet. His Agni Paschalis ea pars reservata est de industria, longè sapidi-  
or illo armo, quem Samuel videns Sauli de industria servaverat. Hinc iuge in cæli Solario convivium, unde postquam in terris vincula soluta sunt, nemo amplius ligatis manibus pedibusq; eiici foras poterit. Fixit hoc in latere Longinus terminum tam dolorosæ viæ. Plus ultra ut Deus eat, homo petere non potest: postquam habet iridem pacis & sigillum decreti. Nec superest, nisi ut postquam ira Domini in tantam misericordiam conversâ est, homo paria referat Deo. Et facile potest: quia porta Iubilæi aperta est, nunquam claudenda. Hinc indulgentiæ petuntur. Hâc iter ad cælum. Hæc porta illa arcta & angusta. Per hoc ostium, qui non intrat fur est & latro, Iudæ laqueo dignus. Inter alia monumenta aperta est etiam latus Dei, unde sepultus Amor exivit. Causa mortis, quam nemo quantumvis lotus iudex in eo invenire poterat; iam inventa est. Doctrina Amoris hoc ore explicanda erat. Quare itaq; aggravatis corda vestra filij hominum? redite prævaricatores ad cor &c.

IESVS meus mihi liber est, in quo omnis scientia salutis scriptus intus & foris; intus lanceâ, foris coronâ & flagellis. *Qui librum hunc novit nihil ultra querat, quia hic perfecta virtus & sapientia est.* (Ait S. Ambrosius,) liber hic titulo præfixo Patri æterno efficacissimâ præfatione dedicatus, & in manus ipsius commendatus est: Scriptus digito Dei, pennâ Spiritus Sancti in Incarnatione; editus in lucem in Nativitate; rubricatus in

Cccc2

Circum-



Circumcisione, approbatus à Patre, quando in eo sibi complacuit: Inauratus charitate, sublatuſ furto & venditus 30. argenteis. Reprobatus & prohibitus, ut falſus ab inquisitione Sacerdotum, ſciſſus in Paſſione, lacertus in Cruce: ut tempora illius impij Regis rediſſe viderentur, à quo legi factum eſt, quod in Cruce ſit legiſlatori.

### Corollarium 3tium.

*Ex varijs, de perſoſſo latere IESV.*

**S**anctus Philippus Neriſus conſiderando hoc vulnus ſſimum dicere ſolebat. *Vulnus lateris Chriſti magnum eſt, ſed niſi me Deus teneret, maius inſligerem.*

S. Bonaventura orabat. *Transfige dulciſſime IESV medullas anime mee ſuariffimo ac ſaluberrimo amoris tui vulnere, &c.* Part: 1. ſtimuli prol: 2.

S. Gertrudis ſociam ſuam pientiffimam Virginem rogabat, ut pro ſe identidem ſequentia oraret. *Domine IESV per tuum cor lancea transfixum, transfige cor Gertrudis Divini amoris tui iaculo, ut quæ mundi ſunt exuat, teq; ſolum diligat, non verbo, neq; lingua, ſed opere & veritate.*

Sidronius Hoſchius devotiſſimus Pœta ſimile quid optat

*Me pete Amor telis in Chriſti vulnere tinctis;*

*Quem læſi toties ſic ego læſus amem.*

V. Bloſius Abbas Marg: ſpir: c. 19. prædicat. *Beatos illos, qui huius ſunt vulneris participes! quorum corda ſic configit amoris Chriſti lancea, ut deinceps perenni ferveant charitatis ardore.*

Hortatur ergo S. Ambroſius l. 2. Apol: David: c. 18. *Nudemus corda noſtra bono vulnere, nudemus ſagittæ ele-*

*Ete*



*Etæ, quæ Christi charitas est. Bona vulnera, quæ non sunt timenda, sed optanda; cum in illis sit vera salus & vita.*

Nam Quid tibi ô dulcor unice debet gratiarum actionis offerri pro illo amoris vulnere, quod in Cruce accepisti pro homine? cum prius quàm lancea amor tuus invisibili sagittâ cor tuum mellifluum vulneraverit. Ut considerabat S. Mechtildis lib: 1. Grat: Sp: c. 23.

Aspicis ut pateant & se tibi vulnera pandant

Præcipuè quòd sub pectore vulnus hiat.

Fixit in hoc sedem & folium regale locavit

Hic aulam voluit Rex Amor esse suam.

Hic sedet & valvis quemvis admittit apertis

Noctes atq; dies omnibus aula patet.

Quò veniunt plures, plures agit ille triumphos

Nec nisi non omnes velle venire dolet.

Hic ego sim felix hac degam lætus in aula

Pulchra sit hæc oculis Regia sola meis

*canit Hoschius*

Consentit devoto Enthusiasmo V. Abb: Blofius Marg:

sp: c. 19. Apertum est Christi latus, ut nobis accessum adi-

tumq; pius IESVS ad cor suum patefaceret. Vnde decla-

ravit suum erga nos incomprehensibilem amorem, & quid

ultrâ nobis potuit facere quàm fecit? Ipsum cor suum tan-

quam secretissimum cubiculum nobis referavit. Sunt namq;

deliciæ ejus nobiscum, & in silenti tranquillitate & tran-

quillo silentio voluit apud nos quiescere. Dedit nobis cor

suum dirè vulneratum, ut in eo commoraremur denec peni-

tus expurgati & mundati suoq; cordi conformes, idonei, ac

digni simus unâ cum ipso in æterni Patris cor abduci. No-

bis præbet cor suum ceu lectulum purpurei sanguinis sui

rubentibus rosis adornatum, reposcitq; cor nostrum ceu le-

ctulum candidis mundorum operum condecoratum litijs.

S. Catharina Senensis Confessarium suum ad illud ta-  
berna.



Bernaculum admirabile invitat sequentibus. Rogo, ut te concludas in aperto Filij Dei latere, quod bonorum omnium odorum patens est officina, in qua peccator, Christi bonus odor fit in omni loco. Ibi pia anima requiescit in lecto ignis & sanguinis; ibi manifestantur secreta cordis Filij Dei; ibi satiatur omne desiderium; ibi impletur omnis memoria, illuminatur intellectus, inflammatur voluntas. Ibi labor, non alterius recordari, non alium intelligere, non alium diligere, quam dulcem & bonum IESVM, sanguinem & ignem, inestimabilem amorem &c.

S. Comes Elzearius cum a coniuge Dalphina ex Regia domum revocaretur, unde pridem abierat tædio absentia suæ coniugi relicto, nec se ab aula expedire posset; invenit sanctiorem quemdam modum, quo absens licet præsto tamen esse Delphinæ suæ posset. *Require me in vulneribus Crucifixi; ibi letus vivo, nec in terris aliud domicilium requiro.* Similiter Maria Claudia Pontaliers ex caelestinarum Congregatione ex Patria sua aliò avecta, ut novas deduceret Ordinis sui colonias, interrogata ab amicis & notis discedens mæroris quidpiam sentiret? Respondit. Ex quo sacrum Domini latus elegisset in domicilium, in illo se Patriam, amicos, & notos reperisse. Nec tacendus hic nobilis Iuvenis, quem cum à proposito vitæ religiosæ vetula mater his similibusve abduceret.

Saltem, dure tibi nil prohibet brevem

Indulgere moram, tota senilibus

Dum labris anima hæc extat & in tuos  
transfundi properat sinus:

Heroicus inquam iuvenis sanctiorem cantilenam re-  
cinuit.

Christi vulneribus quam melius piam  
transfundas animam: sic animæ queat

Iun-



Iungi fortè meæ: me sterilem Deus

Indulgere moram vetat.

Eleonora Incestrofa nobilis Matrona Magniq; in spiritu Magistri Ioannis de Avila discipula, reiectis Illustrissimæ Familiæ suæ titulis ac nomine, non aliter deinceps compelli scribiq; voluit, quàm Eleonora *de latere IESV*. ò titulum eminentissimum!

Margareta verò Sarisberienfis Comitissa Edvardi IV. & Henrici VIII. Regum Angliæ huius affinis, illius neptis, insculpta gemmæ 5. Domini vulnera appensa collo supra pectus conspicua ferebat, omni regio monili pretiosiora, ob quod apud Henricum tunc in Catholicos favientem accusata, in carcerem rapi iussa, ob hanc tandem sanctam causam capite plexa, plagarum Domini Proto-martyr appellanda.

*Hei mihi! quare natus sum nisi Dominum meum IESVM in Cruce complectar & in sacris vulneribus requievero.* Exclamat S. Bonaventura. In mortis præcipuè hora omnium debet esse votum ac oratio, quæ fuit S. Eligij Episcopi. *Aperi mihi Domine IESV latus tuum & cor Divinum lanceâ olim apertum, ut tenebrarum principes non occurrant mihi, nec potestates huius æeris conturbent, sed hoc me vulnus protegat atq; defendat.*

De sacratissimo hoc lateris vulnere, (ut observat Wâël,) solus Ioannes Evangelista meminit: ille scilicet discipulus, quem diligebat IESVS; qui & supra pectus Domini in Cena recubuit. Cui proinde conveniebat acceptum à Salvatore vulnus cordis atq; amoris præ reliquis posteritati tradere. Quinimò Divinus ille atq; æternus Legislator iuxta styllum Cælestis Curia æterniq; Patris voluntatem testamentum condidit conscriptum à 4. Evangelistis totidem velut Notarijs, testatum ab Aposto-

lis



his, quo præter ingentes gratiarum ac meritum suorum thesauros sacra 4: sua vulnera nobis reliquerat. Verum cum apud plurimos in more sit, ut morti proximi codicillum scribant; voluit optimus Salvator & Pater in filios suos pietissimus non iam morti proximus sed mortuus, Divinam benedicti lateris sui arcam lanceâ aperiri, ut per codicillum à S. Ioanne Evangelista teste SSima ejus Matre alijsq; conscriptum, cor suum, supremum ac reconditissimum scilicet omnium thesaurorum suorum pignus nobis legaret. Ut videatur Dominus sui lateris aperturâ indicare, nihil se æquè optare, quàm ut cor nostrum cum suo corde permutemus: ut sicut ipse in corde suo à nobis vulneratus illud perdidit ac nobis dedit: ita vicissim nos cor nostrum amoris ejus vulnere fauciatum in illum transferamus. Facta ejusmodi permutatio cordium cum Christo à S. Catharina Senensi & Seraphica Matre Theresia. Vtinam à nobis & in nobis fiat.

XCVII.

*An sanguis & aqua separatim an  
mixtim fluxerint?*

**N**ON mel, ut olim de petra, neq; lac, ut S. Paulus Apostolus Catharinaq; M. è collo, Dominus IESVS ex aperto latere suo profudit; verum sanguinem & aquam. Humano enim generi sanguis ad redemptionem, aqua ad ablutionem magis erant necessaria, quàm illæ gustus illecebræ. Solida magis quàm sapida ex illo charitatis promptuario fluxere. Quanquam nec in sanguine mel suavissimum (quod oculos aperiat) Ionathas Longinusve; nec in aqua lactis delicias infantia Christiana desideraverit. Gustabat utrumq; cum gestiebat S. Agnes Martyr, dicendo. *Mel & lac ex ore ejus suscepi, & sanguis ejus or-*

*navit*



*natus geras meas.* De his posthumis liquoribus lateris Dominici priusquam propositam quaestionem solvam, aliqua praevia expendo:

Quæ: 1. *Cur Christus ex omnibus quotquot pertulit vulneribus ac plagis sanguinem solum fudit cum viveret; & latere mortuus aquam sanguini adiunxerit.* R. 1. ex Sylveira. Etsi omnia Christi vulnera amorem declarent, peculiariter tamen hic lateris hiatus. Cor enim ipsum pandit, quod est proprium amoris habitaculum, ubi amor nascitur & nutritur, unde hoc vulnus proprium est Amoris; proinde per illud amplius quiddam IESVS largiri voluit, quam per manuum pedumq; plagas. Per illas solum sanguinem; per hoc insuper aquam.

*Et genuit (quisnam crederet?) ignis aquas.*

Chymicen suam hic laborator celestis aperuit, spiritum quendam effudit sanguini gemellum & effectu superparem. Vberius eandem rationem tractat idem author tom: 6. pag: 641. E manuum vulneribus sanguis effunditur; & latere verò exiit sanguis & aqua. In manibus erat potestas, *omnia dedit mihi Pater in manus.* Ioan: 13. In latere est Amor: nam in eo est cor quod sedes est amoris, & plus dedit amor quam potestas. In manibus erat potestas & sanguinem dederunt: in corde erat amor, & sanguinem & aquam dedit. Bene Salvian: lib: 3. de guber. *Quis loquetur potentias Domini, & auditas facies laudes ejus? Deus omnipotens, cujus voluntas potentia est, universa condidit, tradiditq; homini dicens.* Replete terram & subijcite eam &c. Gen: 1. *Et quia homo ex sua nequitia ceciderat; ex sua pietate & misericordia redemit, ut nos faceret sui cohæredes in celo.* Deus, ut omnipotens creavit mundum, tradiditq; homini: Ipsum verò hominem ut misericors ex suo amore infinito redemit; fecitq;

Dddd

cohæ-



cohæredem cælestis gloriæ. Vt omnipotens dedit terram; ut amans dedit cælum. Et quantum distat cælum à terra, tantum plùs dedit amor quàm potentia. Porro aqua cæli symbolum esse potest, quia cæli ex aquea quadam materia putantur creati.

2. Vt ostenderet inseparabilitatem aquæ à sanguine in negotio nostræ salutis. *Aqua*, (inquit Rupertus,) *quæ de latere IESV fluxit, lavit nos: sed de socio sanguine hanc aqua virtutem, ut possit lavare, obrinuit. Nam sine sanguine aqua prodesse non poterat. Confirmatur ratio ingeniosâ observatione Petri Cellensis c. 15. de panib. Vbi adducit epulonis infernalibus in tormentis constituti preces, quibus ad refrigerium lingvæ suæ petit, ut Lazarus intingat extremitatem digiti in aqua, guttamq; aliquam in suam lingvam destillet. Parùm petiit purpuratus ille in flammis, & ideo non impetravit; quia non in aqua, sed & in sanguine flamma infernalis extinguitur. Plenam itaq; manum de sanguine Redemptoris non extremum digitum in aqua tinctum exposcat conscientia de gravibus confitentis. Tingat digitum in locum clarorum, & mittat manum suam in latus Salvatoris.* 3. ratio ex Lyræo. Homini vivo nil suo sanguine carius; aquâ autem nil est vilius. Vivus ergo sanguinem fudit, ut daret quod charissimum habuit, mortuus etiam aquam. Vt innotesceret nihil eum in se pretiosum aut vile reliquisse quod amore nostri non expenderit. Videtur hic Dominus ita se gessisse, ut aliquando in Cana Galilææ dixerat. *Omnis homo primum bonum vinum ponit, cùm autem inebriati fuerint tunc quod est deterius.* Fudit in Passione merum sanguinem; quo postquam helluones illos hostes suos inebriasset; in extremo Passionis mysterio aquâ dilutum apposuit. Quanquam non tam propter illos ebrios hanc dilutio-



lutionem fecit, quàm suam inopiam est contestatus; ad quam summâ in nos prodigalitate pervenerat, ut scilicet effuso universo sanguine, aquam deniq; (quæ adhuc reliqua erat,) propinaret. Fudit aquam cum sanguine; quia & sanguinem ut aquam sine ulla parsimonia profuderat. Fudit autem ex latere quia tanta liberalitas ex amore procedebat. Nullius cæteroqui pretij aqua, defectu sui pretium acquirit. Sic & Christi aquam sitis illa moribundi fecerat pretiosam; ad cor enim ipsum retinebatur velut in intima cella vinaria, idq; tantâ tenacitate, ut extrema suæ siti levandæ eam vivens IESVS depromere noluerit. Postquam obiit, rupta violento ictu cellæ repagula patuere, effusa est incomparabilis aqua. Nonne voluit Dominus & hominum quorundam tenacitatem carperet qui dum vivunt, sollicitè, opes remq; suam recondunt, ita, ut non modò indigentibus verùm sibi ipsis fruendam negent; postquam verò obièrint omnia promptuaria patèferi, omnia per luxum dilapidari, & multos per annos asservato Opimiano Cæcubo per discinètum hæredem tandem pavimenta tingi. At hæc doctrina arcanior & hieroglyphica. Planior ista, quòd Dominus aquam de pectore maluit post mortem effundere, quàm eadem moribundus gravissimam sitim lenire; ut figuram Progenitoris sui secundum Carnem Davidis impleret. David, (ut est paral: 1. c. 11.) *Dixit, o si quis mihi daret aquam de cisterna Bethleem, quæ est in porta. Tres ergo isti (Ioab, Gessabaam, Eleazar,) per media castra Philistinorum perrexerunt & hauserunt aquam de cisterna Bethleem, quæ erat in porta, & attulerunt ad David ut biberet: qui noluit, sed magis libavit eam Domino, dicens: absit, ut in conspectu Dei mei hoc faciam, & sanguinem istorum virorum bibam &c.* Nonne idem, imò quiddam longè perfectius ac nobili-

Ddddz

bili-



bilius præstitit IESVS? cisterna aquæ, præcordia ejus  
 sanctissima: porta cisternæ vulnus lateris ejus, ibi non ali-  
 unde à quoquam allatam sed in fonte suo scatentem ha-  
 bebat aquam: sitire tamen maluit ac effundere quàm si-  
 tim suam refrigerare, ut eo merito pretium redemptionis  
 nostræ augetet. Profudit ergo aquam una cum sanguine,  
 ut nossemus eum non tantum cruentorum vulnere dolore,  
 sed siti quoq; quam non placavit tam præsentem apud  
 se remedio, nobis meruisse. *Abst, ut sanguinem istorum  
 virorum bibam.* En, ut David aquam gerit manu &  
 sanguinem eam vocat! numquid non figura erat sangui-  
 nis IESV cum aqua iungendi tam ad simultaculam pro-  
 fusionem, quàm ad consortium pretij nostri & totius ge-  
 neris humani *sanguinem virorum istorum.* Pulchrum hoc  
 exemplum abstinentiæ sive de vehementissimo refrigerij  
 appetitu victoriæ æmulatus Rudolphus I. Familix  
 & Monarchiæ Austriacæ conditor. Reducebat is devi-  
 cto Ottocaro Bôemiæ Rege triumphatorem exercitum,  
 cum æstivi solis ardor fontes ubiq; siccasset. Torreba-  
 tur cum toto exercitu. At en quidam sui equites ere-  
 ptum cuidam colono in agro cyathum aquæ apportant.  
 Renuit tamen siticulosissimus alioqui Princeps potum.  
*Sitio*, inquit, ego pro toto exercitu, aquam reddite viro  
 aut alij bibant. Docuerit olim Isocrates. *Maximè Regium  
 putato si nulli voluptati servias, si cupiditates magis in  
 potestate habeas quàm tui cives.* Præxim hujus doctrinæ  
 vivacijs ex IESV Magistro didicit optimus Imperator.  
 Fuit etiam umbra hujus virtutis olim in Romanis.  
 Ut inter laudes Catonis Pœta recenset. *Stat dum  
 lixa bibat*, hoc est non prius levat sitim quàm vilissimus  
 quisq; gregariorum suam sitim diluisset. De Scipione  
 quoq; Africano (ni fallor) scribitur, quòd in torrida illa

Re-



Regione allatum unicum de aqua pluvia in concavo Saxo collecta poculum intactum effuderit in terram aiens. Omnes isti commilitones mei *si sitio biberint, si bibero siti-ent.* 4. Ex eadem aqua cum sanguine effusa coniicit Lyraus ingentem vim tormentorum ac dolorum IESV, quorum scilicet atrocitate ejus praeordia in elementa fuerint resoluta, ut Innocentius III. scriptum reliquit l. 3. Decret: in cap: quodam de celebr: Miss: t. 41. c. 8. 5. Ut ostenderet ubi sit verus puteus aquarum viventium. Ne duo mala unquam populus suus committeret. Ne scilicet videlicet relinqueret fontem aquae vivae, neu cisternas sibi foderet dissipatas, quae continere non valent aquas. 6. Fudit ex praeordiis sanguinem, ut sibi cordi fuisse in opere redemptionis Hebraeos sanguinem suum testaretur: fudit & aquam, ut testaretur non minus cordi fuisse & gentes. Nam aquae multae, populi multi. Et gentes sicut stilla situlae coram eo, ut ait Iob. Interim tamen commonet ac minatur, non minus gentes quam Hebraeos irrevocabiliter se in terram profusurum, si cordi suo adherere noluerint. 7. Ut novissima Passionis responderent primis. Fudit Salvator in horto sanguinem cum sudore; sudor autem utique; humor quidam est aqueus? & sic primam calicis acerbissimi promulsidem aquam temperavit. Fudit & in ultimo Passionis mysterio aquam cum sanguine, eodemque; extremum calicem diluit elemento; ut discamus bonis initiis congruum semper finem subnectere. Ceterum ad memoriam illius sanguinis & aquae è latere Dominico profluentis, Ecclesia in Altaris mysterio aquam vino admiscet, damnatque; detestabilem Armenorum errorem, qui eam misturam non adhibent, male utique; de Articulis Fidei contra apertam Scripturam sentiendo.

Quae:



Quæ: 2dò. *Fluxus aquæ & sanguinis ex latere de-  
mortui IESV fuitne naturalis an supernaturalis seu mi-  
raculosus?*

R. 1mò: *De Sanguine* duplicem esse sententiam. Altera affirmat, altera negat. Affirmantem docent S. Am-  
bros: in Luc: 1. 10. c. 23. *Licet corporis ejus fuerit natura  
mortalis, licet qualitas similis: dissimilis tamen gratia, nam  
utiq; sanguis post mortem in nostris corporibus congelascit,  
de illo vero inquit Ioannes continuo, exivit sanguis & a-  
qua. S. Cyprian: 1. de 2pl: Mart. Erat & illud præter  
naturæ cursum quòd è latere exanimati corporis sanguis  
& aqua profluxit. Ut absolueretur triplex testimonium,  
totum effudit spiritum: quidquid erat humoris aquæ, reli-  
quum expressit ut nos ablueremur; quidquid in corde resede-  
rat sanguinis, exivit, ut nos confirmaremur.* Euthymius  
in Matth: ad verba citata S. Ioan. Res supra naturam ac  
manifestè docens, quòd maior quàm homo esset qui fuerat  
vulneratus, siquidem à mortuo homine etiamsi eum quis  
millies pupugerit, non exibat sanguis. S. Thomas Angeli-  
cus in Ioan: lect: 3. *Valde miraculosum est, ut de corpore  
mortui, in quo est congelatus sanguis, exeat.* Et p. 3. q. 66.  
2. 4. ad 3tium, quem locum supra citavi. Subscribit  
Theophylactus. *Sanguinem ex mortuo corpore prodisse  
mirabile est.* Præterea S. Chrysost: S. August: S. Leo, S.  
Gregor: Mag: V. Beda, S. Cyrill: Ieros: S. Ioan: Damasc:  
Tertullianus, Nicephorus, Ruffinus, & communiter SS.  
PP. in hanc sententiam abire videntur, cum ex hoc late-  
ris vulnere Divina nonnisi arcana colligunt. In Patrum  
doctrinam pedibus (ut aiunt,) itur ab interpretibus ali-  
jsq; Scriptoribus, ut sunt Maldonat: Franc: Brugenfis,  
Hesselius, Toletus, Barradius, Ludolphus Saxo, Suarez,  
&c. Nec abnuunt Abulensis, Cætanus, Salmeron. Fru-  
stra



fra quinimò est omnium nomina prosequi, cum vix ullus  
 dissentiat. Rationem asserti dat *Collius lib: 4. disp: 2. c. 3.*  
 Quatuor humani corporis humores ab innato duntaxat  
 calore vim fluendi atq; labendi mutuuntur, quo foven-  
 te manat atq; liquefit, nisi obex illi per accidens inter-  
 ponatur. At verò five extrinsecus five intrinsecus adhi-  
 bita vi calor ille humani corporis deficiat, (ut necessariâ  
 quâdam inevitabiliq; connexione in obitu corporis con-  
 tingere solet.) Longè est alia rerum facies; tunc enim hu-  
 mores, qui calore adiuti liquefcebant, frigore circum-  
 venti hærent, coagulantur, concrefcuntq; adeò tenaci-  
 ter, ut instar glutinis ijs adhæreant vasculis, in quibus  
 reperiuntur. Ea enim frigoris est conditio, ut quæcumq;  
 suo morfu afficit, ea dura, rigida, & ad labendum inepta  
 reddat. Quia igitur innati caloris & humanæ vitæ defe-  
 ctum nullâ interiectâ morâ comitatur frigus, quod mu-  
 tuas inimicitias cum calore gerit, propterea in eadem ma-  
 teria consurgens frigus non humores duntaxat, verum  
 etiam carnis, venarum, ac totius corporis foramina ita  
 coarctat ac constipat, ut omnem liquoribus fluidis dis-  
 currendi erumpendiq; adimat facultatem. Algent enim  
 protinus omnia cadaveris membra, quæ licet acutissimis  
 ferri icibus pungantur, nullum liquorem effundere va-  
 lent. Porro peculiaria hæc caloris ac frigoris munia ita  
 naturali vivorum mortuorumve corporum constitutioni  
 conveniunt, ut nequeant citra miraculosam Dei virtutem  
 tolli aut impediri; quin ad vivum calor, frigus ad mor-  
 tuum corpus consequatur &c. Ergo ex mortuo Christi  
 corpore utpote congelato non poterat sanguis proflue-  
 re ipse pariter glaciatus; ergo nonnisi per miraculum flu-  
 xit. De Moles et si contrariæ sententiæ magis faveat tam  
 quoad



quoad sanguinem, quàm quoad aquam; (ut infra patebit, & affirmativam tamen ex mente adversariorum duplici fult cit ratione, pag. 266. 1. Contusum Christi corpus rivos sanguinis effudit in prætório & aliàs; quidquid superfluit, guttatim ab spinea corona & perforatis manibus pedibusq; fluxit. Ergo ex pectore naturaliter fluere non potuit, quod videlicet ibi non erat. 2. Quia vitales & animales spiritus deficiunt absente animâ à corpore, & manet corpus frigidum & horridum, & sanguis veluti glacies condensatur. Ergo cum ex Christi mortui latere fluxor visus fuerit sanguinis, illud non naturaliter sed miraculose contigisse existimandum. Confirmatur deniq; S. Ioan: verbis, qui postquam scripssisset, *continuo exivit sanguis & aqua*: addit statim, *& qui vidit testimonium perhibuit, & verum est testimonium ejus*. Quasi diceret. Nemo discredat narrationi quamvis videatur cursum consuetudinemve naturæ excedere. Meis ipsemet oculis illam emanationem percepi. Neu testimonium pluralitatem desideret: unus instar multorum sum: qui non nisi vera narrare & certissima prodere soleo. Quorsum peto S. Evang: cum cætera Christi supplicia ac miracula quæ in morte evenerunt nudâ ac simplici narratione prodidisset, in hac una sanguinis effusione ita singularis & seipso accuratior esset? ut putaret huic veritati non satis provissum nisi fidem & auctoritatem sui ipsius testis incorrupti ac integerrimi subiunxisset. Certè cum facili negotio inducantur homines, ut credant ea, quæ naturaliter fieri possunt: inanis & supervacanea est tanta sollicitudo in persvadenda satis obvia & communi veritate videtur. Debit ergo sanguis è defuncti latere contrâ aut saltem præter naturæ vires Divinâ omnipotentia iuvante fluxisse, qui ut fluxisse crederetur, tantâ verborum energiam



giâ tam fidele testimonium advocatur.

Sententiam negativam qui ex professo tradiderint, compertos non habeo. Collius eorum fundamenta refert fat latè. Debile, (aiunt illi,) ac infirmum à prudentibus semper iudicatum est, ad miracula tanquam ad asylum urgente quâvis difficultate explicandi confugere, cum re melius perspectâ naturalis ejus causa possit investigari. Porro in præsentî casu rationem naturalem proflui sanguinis assignant. Imò. Non rarò ex mortuis marcidis, corruptioniq; proximis corporibus sanguis erumpit. Et visitur hoc in ijs maximè, qui dum cædes ac minas adversus inimicum spirant, crudeliter obtruncantur. Imò etiam conspicitur in ijs, qui dolis ac fraudibus circumventi, mortis supplicium ab inimicis illatum lue-re coguntur. Horum, inquam, cadavera ad præsentiam inimicorum sanguinare notissimum est plurimis exemplis. Afferit aliquot Collius, & aliquot de Moles; profluo scilicet sanguine ex cadaveribus refossis plurimos ante dies sepulchrorum patefactos homicidij authores. Vnde sumptâ occasione festivè quidam iocabatur in medicos. Non frustra scilicet eos passim funeribus exequijsq; etiam amicorum obeundis abstinere: ne fortassis ad eorum præsentiam ex aliquo cadavere sanguis erumpat, necisq; humanæ reos attestetur. Atqui talis eruptio sanguinis non est supra vires naturæ, nec enim conveniens est eò cæleste numen deducere, ut interfectorum sæpe reproborum sanguinem miraculis illustrare studeat. Ergo etiam ex emortuo Domini latere potuit sanguis viribus naturæ effundi. 2dò. Sanguis lateris Domini non è quovis membro profluxit, sed ex nobilissimo ac totius corporis principe, hoc est corde: quod sicut in vita primas sibi innatis caloris partes sic & in interitu postremas efflagitat.

Eccc

utpote



utpote *primum vivens & ultimum moriens*. Ardentissimo præterea caloris humani æstu fervere solet. Cui succurrens natura intra pericardium, hoc est aquei quoddam humoris vasculum cor refrigerij gratiâ inclusit, ne suomet calore solveretur. Ergo hic fluxus sanguinis potuit produci virtute & efficacîa caloris residui cor ambientis, maximè in Christo, cujus cor præter nativum calorem eminentem ob temperamentum perfectissimæ complexionis, immenso insuper amoris æstu flagrabat. Scimus Apostolum Indorum Xaverium, Seraphinum nostri Septemtrionis Kostkam, S. Philippum Nerium, S. Petrum Alcantaram, S. Theresiam, ita Divino amore corripî solitos, ut ignis ille spiritualis ipsam cordis corporisq; materiam pervaderet, & ardore quodam intensissimo pene dissolveret, ut refrigeria ab extrinseco applicari debuerint. Quid iam dicendum de ipso sancti amoris fonte ac fomite? quibus ille flammis in eo summo atq; supremo benevolentia erga homines exercitio arserit? tantus igitur calor subito evanescere non potuit. Ad hæc brevissimo post mortem temporis intervallo è Cruce pendens Salvator in latere sauciatus est, quemadmodum ex sacris literis non obscure habetur, ubi Præsidem ceu subitam ac festinatam Christi mortem demirari dicunt. *Pilatus autem mirabatur si iam obisset*, Marc: 15. v. 44. Mortem autem vulnus lateris illico subsecutum est. Quod confirmatur vulgari tetraſticho de horis canonicis.

Matutina ligat Christum, qui crimina purgat:

Prima replet sputis, dat causam Tertia mortis.

Sexta Cruci necit, latus ejus Nona bipertit.

Et alio, quod Hostiensis Ioan: Andreæ, Albertus de Ferrarijs, cæteri; iuris Pontificij interpretes allegant

Sextâ sunt tenebræ per mundi climata factæ

Emis-



Emissus nonâ Divinus Spiritus horâ.

In quibus versibus adverte in eandem horam, aut saltem in idem trihorium tam obitum Domini quàm lateris perfossionem conijci. Sicut defacto longiori intervallo abesse non potuerunt. Cùm enim circa solis occasum corpus Domini de Cruce sit depositum, (ut colligitur ex Evangelio,) & nonâ Dominus obiêrit; perfossio lateris diutius dilata non est. Fieri ergo nequit, ut tam brevi temporis spatio Salvatoris membra maximè interiora ob-  
righescerent; quo fluxus sanguinis impediretur, maximè transfossio corde & portâ emanationi patefactâ. Naturali igitur virtute potuit elabi, cùm violentè detineretur ibi, ubi erat; quare statim ac aperti lateris angustię patuere, & obices, quibus profluere vetabatur, sunt remoti, naturali motu ob insitam gravitatem deorsum erupit. *Tertium fundamentum* construïtur evertendo rationes affirmantium quod ut faciant, videbis infra.

Nunc affirmâtes ad instantiâ de sangvinatione cadaverum interfectorum respondent. Non dum Philosophiam ad causam naturalem ejus eruptionis pervenisse; demus enim, quòd subinde per accidens erumpat ex aliquo cadavere non dum rigefacto accedente aliquâ commotione extrinsecâ: communius censentur ejusmodi emanationes fieri supernaturaliter vel per præstigias dæmonum, per quas aliquando insontibus creare satagunt suspitionem criminis & supplicij periculum: vel Divinæ Iustitiæ omnipotenti nutu, quæ rarò antecedentem scelestum deseruit pede claudo. Et huic potissimùm adscribenda est ejusmodi sangvinatio. Nam, ut ad meritas pœnas manifestarentur homicidæ non modò cadavera, sed manus alicubi sola procul à trunco inventa, post plurimos menses sicca, arida, insuper tosta, ad præsentiam tamen homici-

Eccc2

dæ



dæ sangvinem exsudavit; ut testatur Nirembergius apud  
 de Moles. Et aliàs in Alemannia anno 1503. (ijsdem te-  
 stibus,) cùm quispiam Mercenarium proprio ejusdem gla-  
 dio peremisset; invenerunt fortè gladium, iustitiæ mini-  
 stri; accessit casu ignotus ille & ignoratus gladiator: &  
 sangvis rubeus ex gladio effluxit. Cujus profectò fluxus  
 ratio in tota natura inveniri non potest. Longum esset  
 prodigiosas istas reorum innoxij præsertim sangvinis  
 manifestationes recensere. Vnam tamen alteramve refer-  
 re non gravabor. Peregrinus quispiam ex vagorum erro-  
 rum tribu domum civis cujusdam subiecto clanculum i-  
 gne combusserat; suspicio tangebatur infensum quendam  
 vicinum; cogitur ergo ille insons alioqui vicinus (rece-  
 ptâ tunc temporis purgatione) ferrum candens instar  
 manûs humanæ fabricatum, nudis manibus ad certum  
 spatium loci deferre: & detulit sine ulla noxa omnemq;  
 à se depulit suspicionem. Redit subinde uno alterove  
 anno vertente peregrinus ad eum, cujus ædes exusserat,  
 miratur quasi ignarus novam ædium faciem, rei q; fami-  
 liaris inopiam: percunctatur causam, discit incendio do-  
 mûs fortunam omnem conflagrâsse. Inter sermocinan-  
 dum verò manum illam ferream quopiam angulo iacen-  
 tem animadvertit, & hujus usus ecquinam sit? interro-  
 gat: docet Paterfamilias manum illam probatricem esse;  
 alter eam temerè apprehendit, sed non impunè, nam non  
 aliter quàm candente ferro amburitur: auctor incendiij  
 deprehenditur: meritas pœnas luit. Alius cùm nota-  
 bilem pecuniæ summam cuipiam furto abstulisset: diu  
 crimen illud latuit: cùm fur decoctâ pecuniâ, ingrave-  
 scente deinceps ætate planè repuerasceret, interq; pue-  
 ros in foro lusitaret. Accidit quâdam vice, ut in foro ne-  
 scio quid per lusum scribillarent pueri: arripuit gypsum

etiam



etiam collusor senex, ignarusq; penitus cūm esset literarum, neq; sciret quid exararet, expressit in tabula. *Ego sum fur.* Irriserunt pueri Scriptorem: sed res evulgata ad iudices ac vindices defertur, meritoq; laqueo senile guttur frangitur. Assidebat & templi cuiusdam postibus vetulus quidam sed clancularius homicida; adest aliquando canis mortuiq; hominis calvam in ejus sinum ceu stipem deponit. Excutit senex invisum munus: at cūm largitor canis iterum iterumq; cum eadem calva redit: rapitur ad quæstionem filicernius, fatetur pene oblivione oblitteratum crimen, & plectitur. Sed multò admirabiliorem instigatorem canem lego apud Gvilel: Vander Bossche Histon: medicæ l. 2. ex Blondo relatum. Memini (inquit Blondus,) in Gallia non procul Parisijs adolescentem à socio rivali traiectum gladio expirasse. Canis, (qui cædi aderat,) diu locum servavit; in quo Dominus erat occultatus, & cūm famuli adolescentem perquirerent, solum canem iuxta sepulchrum invenerunt, quòd tamen non agnoscebatur, quia tumulus terræ fuerat. Socius, (cædis author,) de adolescente interrogatus ignorare profitebatur. Sed prodidit eum canis irruens in eum tanquam hostem proprium. Itaq; ad rectores urbis adductus est, & cūm causam proferre non posset, cur canem tantopere sibi infensum haberet, cui haud aliter antea quàm Domino abblandiri solebat: iussus est duellum (*purgando crimini duellum olim suscipere licuit*) cum cane experiri; ergo caninâ pelle & ipse induitur, decætero ad carnem lineâ tantum veste intectus, cum mucrone in canem prodit. Verum canis homicidæ gulam mordicus apprehendit, priusquam is gladium stringeret, eumq; prostermit. Exclamat miser miseremini ô Patres! cane avulso fatebor omnia. Confessus igitur patratum scelus

mor-

lidi



morte mulctatus est. Ad similiū eventuum classē proculdubio cadaverum sangvinatio pertinet, quidquid contentur eam in ordinem naturæ redigere Philosophi, quorum opiniones cum suis probationibus latè refert Collinus lib: 4. totā disp: 3. Nec indecorum indignumve est miraculorum effectrice omnipotentia ad cadavera hominum fortè etiam damnatorum se demittere, non enim eo miraculo reprobos honestat, sed suæ iustitiæ vindictivæ obsecundat. Nemo utiq; ob ejusmodi sangvinatione cadaver interfecti ceu sancta lipsana coluit: sufficit hoc indicio innotescere homicidam. Quinimò Sancti iuxta Christi doctrinam ad parcendum hostibus interfectori- busq; suis sunt proniores, ab omniq; ultionis cupidine longissimè distant, ut etiam cum adhuc verbo aliove indicio eos prodere possent, ad hoc tamen nunquam induci queant, ut ex multorum vitis constat. Lege exempli gratiā apud Matthiam Tannerum in Societate militante obitus primorum duorum in Europa Martyrum Emmanuelis Fernandij & Petri Venusti: uterq; istorum de lethaliū suorum vulnerum illatore sollicitè requisitus, nunquam etiam terminis universalibus innuere voluit. Tum ne de suo merito quidquam deperderent; tum ne eos, quos pro summis benefactoribus habuerunt, ceu hostes læderent. Non est Sanctorum indoles posthumò sangvine vindictam expetere, quam illi etiam viventes aversantur. Furialis iste Genius reproborum est cupidine in vindictæ ne cum vita quidem deponere velle, qualem Virgilius exhibet cum Didonis in profugum à se contempta Æneam intemperias describit 4. Æneid:

Sequar atris ignibus absens

Et cum frigida mors animā seduxerit artus

Omnibus umbra locis ero. &c.

Nihil



Nihil igitur conciliat altioris opinionis cadaveribus ea  
 sangvinatio, licet miraculosè fiat.

Verum contrà dicta obijciat aliquis illud Gen: 4. *Vox  
 sanguinis fratris tui (Abel) clamat ad me de terra.* Imò  
 Apoc: c. 6. scribât S. Ioan: se vidisse *subtus Altare animas  
 interfectorum propter verbum Dei & propter testimonium  
 quod habebant & clamabant voce magnâ dicentes. Usque-  
 quo Domine (Sanctus & verus) non indicas & non vindi-  
 cas sangvinem nostrum de ijs, qui habitant in terra.* Sed  
 cum ex cadavere sangvis erumpit, videtur vindictam e-  
 exigere: Ergo sicut clamor sanguinis Abelis innocentiam  
 MMq; in Apoc: honestabat: honestaret pariter improbo-  
 rum cadavera si supernaturalis esset eruptio. R. præsentē  
 obiectionem nostri propositi quidem parum interessē;  
 nam sic emanatio sanguinis ex cadavere sancto multo ma-  
 gis miraculosa censenda esset: sicut cum sangvis S. Ia-  
 nuarii M. aut S. Ioan: Baptistæ in ampulla vitrea ceu vi-  
 vus bullit: aut brachium S. Nicolai Tolentinatis immi-  
 nente gravi aliquâ in Ecclesiam calamitate sangvinem ex-  
 sudat: interim tamen ad tollendum omnem scrupulum  
 aio cadavera sicut non suâ sponte (nec enim vivunt, nec  
 sentiunt, adeoq; nec vindictam volunt,) verum Dei nutu  
 sangvinem ex se profundere, ita neq; ultionem de inter-  
 fectoribus expetere, verum Divinam iustitiam nolle im-  
 punita crimina, adeoq; hoc indicio ad manifestationem  
 reorum subinde uti. Pariter de facundo illo Abelis san-  
 gvine censendum. Scio quidem Chaldaeorum Rabbinosq;  
 per clamorem sanguinis intellexisse filios, totamq; po-  
 steritatem, quam habiturus erat Abel nisi fuisset necatus.  
 Quod scilicet Cain tantum sanguinis effudit, quantum  
 per propagationem sufficere multis poterat. Verum ex-  
 torta interpretatio. Melius & in rem nostram explicat  
 S. Am-



S. Ambros: 1. 2. de Cain. *Non accusat vox Abelis, non anima ejus, sed vox sanguinis accusat quem ipse fudisti: tuum ergo te facinus non frater accusat. Est tamen terra testis, quæ capit sanguinem. Si frater parcat, terra non parcat: si frater tacet, terra condemnat. Ipsa est in te & testis & iudex. Non est ergo dubium, quod eum & superiora (Cælum, Sol, Luna, Stella, Throni, Dominationes, Principatus, Potestates, Cherubim & Seraphim) damnaverint, quem inferiora damnarunt. Non quomodo absolvitur pueræ illi cælestiq; sententiæ, quem nec terræ potuerunt absolvere. Sive, (ut Cornelius ait.) Reatus homicidij ita voluntarij in conspectu meo comparet atq; à me celerem & atrocem vindictam exposcit. Vox tamen Abelis sanguini tribuitur per prosopopæiam iuxta S. Hieronymum. Effusio activa sanguinis est peccatum in cælum clamans, non sanguis passivè effusus: hic innocuus & sanctus. Locum deinde allegatum Apocalypsæ Cornelius explicat. Animæ Sanctorum vindictam inelamant, id est orant; Imò, ut Deus sanguinem eorum iniuste fustum, & corpora iniuste occisa, quæ adhuc in hac iniusta occisione & morte manent & detinentur sibi restituat, ipsq; rursus animæ spoliata nuditatem tegat & vestiat; ut sufficit ex pulvere terræ ad capiendum commune cum anima præmium. Vnde responsum à Deo accipiunt, ut accipiant interea pro corporibus stolas candidas, quibus se tegant ac vestiant, donec impleatur numerus conservorum eorum: tunc enim planè eos corpore glorioso vestiendos. Hinc S. Greg: 1. 2. mor: c. 4. *Quid, (ait,) est animas vindictæ petitionem dicere nisi diem extremum iudicij & resurrectionem extinctorum corporum desiderare?* 2dò, optant vindictam, id est liberationem Ecclesiæ ab infidelium & persecutorum tyrannide, ut scilicet eam*

Deus



Deus inhibeat & sistat. Reddatq; Ecclesiæ pacem & quietem. Quibus pariter respondet Deus se id brevi præstiturum, sed oportere adhuc modicum expectare, donec compleatur Martyrum & electorum numerus. Liberatio & ultio ut idem significet, vide apud Cornelium in Apoc: c. 7. v. 10. pag: 128. Secundario tamen & consequenter optant quoq; vindictam propriè dictam ex zelo iustitiæ quasi dicant. Vsquequo Domine iuste non facis iustitiam, ut nos & Ecclesiam infontem liberes, persecutores verò punias, ut omnes laudent & celebrent tuam in utroq; iustitiam. Hanc enim postulat Martyrum sanguis. Sicut & 4. Esdr: 15. *Ecce sanguis innoxius & iustus clamat ad me, & animæ iustorum clamant perseveranter.* Vnde S. Aug: serm: 59. de temp: docet animas has petere, ut evertatur regnum peccati. 3tiò. Indirectè & quasi eminus orant accelerari diem extremi iudicii illo enim die facienda est plena hæc *vindicta in nationibus & increpationes in populis ad alligandos Reges eorum in compedibus, & nobiles eorum in manicis ferreis. Ut faciant in eis iudicium conscriptum. Gloria hæc est omnibus Sanctis ejus.* Ps: 149. Neq; gravior ultio in tyrannos cogitari potest, quàm quòd oppressos olim à se in magna videbunt gloria interq; palmas triumphales se verò in æternum damnatos & abiectos. Hoc innuitur Psal: 110. *Peccator videbit & irascetur, dentibus suis fremet & tabescet, desiderium peccatorum peribit.* Et Sap: 5. toto capite. Ex quibus colligi facile potest Sanctos & iustos non expetere ultionem de suis tyrannis, ut bonum sibi, ut solatium amoris proprii læsam suam famam, incolumitatem, vitam ereptam vindicantis, talis enim amor sui est in hominibus malis & mundo deditis: Sed ut bonum Iustitiæ & Gloriæ Dei, quæ elicitur ex panis ac suppli-



cijs improborum. Proinde si quando etiam ex cadaveribus Sanctorum sanguis ille posthumus ad presentiam interfectoris bulliret, non esset imputandus appetitui vindictæ, sed tantum Divinæ iustitiæ eo signo homicidam manifestantis ac condemnantis miraculosè. Ut verò solutio argumenti pro parte negante miraculum allati magis in conspectu sit; eam in aliquot verba redigo. Sanguis ex cadavere interfecti ad presentiam interfectoris fluit naturaliter; nec enim decet Deum miraculo honestare corpora occisorum in statu plerumq; peccati, ut v.g. in duello vel in alio actuali peccato, in quibus circumstantijs occisi sanguinasse post mortem produntur. Ergo etiam ex latere Christiani mortui sanguis naturaliter fluere potuit. Hoc est argumentum. Respondeo ad illud, nego antecedens, & quod supponitur in probatione, nempe eo miraculo honestari cadavera. Ut paulò suprà dixi. Iam ex falso antecedente nihil infertur. Dato, imò non concesso antecedente adhuc consequentia manifestè est falsa. Magna enim utrobq; intercedit disparitas. Effundunt cadavera defunctorum sanguinem, sed ad presentiam interfectoris: Miles verò lateris vulnerator duntaxat fuit non interfector. Nec dicas illum animo interficiendi latus scrutatum, ut residuum si quod superesset vitæ eriperet. Sic enim non solum miles, sed pleriq; adstantium Iudæorum scribæ maximè & seniores populi, qui instigabant; qui in IESVM animo cruento fuerant, interfectores essent dicendi. Aderant quin etiam illi, qui physicè & realiter Dominum occiderant. Vel igitur ob presentiam omnium istorum sanguis è defuncti Domini latere erupisse dicendus, vel non est ratio, cur potius ob presentiam militis istius quàm aliorum parricidarum eruperit. Deinde sanguis ad presentiam  
inter-



interfectoris erumpit ex cadavere nullo novo inflicto vulnere: Christo autem miles novum inflixit vulnus, quâ datâ portâ sangvis erupit. Ergo nulla est paritas. zdum fundamentum sententiæ negantis ipse Divus Thomas non levi pendit lect: s. in Ioan. *Si dicas fuisse hoc propter calorem qui adhuc in corpore remanserat, fluxus aquæ inficiari non potest, quin miraculosus existat, cum aqua exiens purissima sit.* En, ut S. Doctor huic argumento adversari non audet? & quamvis sententiæ affirmanti miraculum in sanguine profuo faverit, quia tamen etiam negantem sustineri posse vidit, noluit esse in hoc negotio litigiosus. Proinde ex hoc altero fundamento maneat suæ neganti sententiæ probabilitas. Maximè cum neq; ex Divinis, neque ex naturalibus principiis erutæ rationes pro sententia affirmante adeò sint validæ, ut ad assensum cogant. Quæ enim sumitur ratio ex subita congelatione sanguinis in cadavere exanimi ac ex torpore ipsius corporis facile refellitur per calorem residuum superstitem. Altera ratio, quæ desumitur ex inopia sanguinis effusi per tot plagas & vulnera; refellitur pariter dicendo superfuisse nonnihil sanguinis in præcordiis ac ipso corde: allatorum verò S. Ioannis verborum energia. *Qui vidit testimonium perhibuit, & verum est testimonium ejus.* Bene salvatur dicendo S. Ioannem tam emphaticis verbis non substantiam sed modum effusi sanguinis miraculo adscripsisse. Similiter intelligendos SS. Patres, qui in illa effusione fatentur admiranturve prodigium; modum scilicet non ipsam substantiam sanguinis eos demirari. Vbi autem iidem SS. Patres ex eodem sanguine lateris Divina mysteria colligunt; non illico inferri potest sangvis ille fuisse miraculosus; quia minimè novum est Divinæ omnipotentis rebus naturalibus ad effectus supernatu-



rales uti. Sicut naturale quid, est elementum aquæ, ejus tamen perfusio in Baptismo causat gratiam, quæ est quiddam supernaturale ac Divinum. Quâ eâdem agendi ratione sub materialibus Eucharistiæ accidentibus incorpoream spiritualis vitæ refectionem Dominus reliquit. Idem dic de alijs Sacramentis. Ergo non sequitur sanguinem supernaturaliter fluxisse, quia ad effectus supernaturales ordinabatur. Liberum igitur est in utramq; partem opinari sive cum affirmantibus sive cum negantibus, idq; non tantum ob solidas utrinq; rationes verum etiam per auctoritatem Innocentij III. Summi Pontificis, qui hac de re olim interrogatus unicuiq; plenam facultatem sentiendi quod placeret largitus est: eâ tamen lege, ut nullus auderet inficiari veram naturalis sanguinis & aquæ elementaris substantiam è latere Domini effluxisse lib: 3. decret: t. 41. cap: 8. de celebratione Missarum. Hinc Caietanus in Comm: ad cap: Ioan: 19. de miraculoso aquæ Dominici lateris exitu certus: de sanguinis fluxione incertus ac dubius in negantem quàm affirmantem sententiam propensior videtur. Dionysius etiam Carthusianus & Nicolaus de Lyra & complures alij nobilissimi Scriptores cum aquam è latere Domini scaturientem uti miraculosam celebrant; nihil tale de sanguine scribunt. Malim tamen cum Doctore Vincentio de Moles asserere effusionem sanguinis miraculosam non fuisse quoad substantiam: fuisse tamen miraculosam quoad modum. Ratio asserti quoad priorem partem, est ipsum fundamentum adum sententiæ negantis, & expugnatio fundamentorum sententiæ affirmantis proximè allata. Quoad partem verò posteriorem ratio est 3plex. 1. Francisci Lucæ Brugenis, licet ob superstitem calorem in præcordijs Domini, apertoq; per lanceam ada-

Etiam



Etiam latere naturaliter sanguis fluere potuerit, quia tamen nullâ interiectâ morâ, ut ait S. Ioannes. *Continuò exiuit sanguis & aqua.* Cum tamen inter extimam lateris cutem & cor non mediocre intervallum iaceat, ob hanc ergo tam celerem eruptionem censenda effluxio supernaturalis. Naturaliter enim aliquâ morâ interiectâ profluere debuisset. Hæc ratio debilis videtur Collio, ut enim in momento fit traectio lateris, ita quid mirum eodem momento sanguinem erumpere? 2. Ratio fortior ipsius Collij est. Sanguis è corde præcordijsve Domini si naturaliter flueret, suâ gravitate intra ipsum cavum pectoris Domini delabi debuisset, ergo quia non in cavum delapsus, ut naturalis gravitas exigebat, sed erupit extra latus. 3. Ratio, quia sanguis non solus sed simul cum aqua effluxit. Quam rationem accuratius sub Responsione 2da expendam.

R. 2dò. *De Aqua.* Supponendum in primis est veram ac elementarem aquam fluxisse cum sanguine de latere Salvatoris. Ita censent omnes nullo excepto Sancti Patres, quorum loca citata designatave invenies apud Collium lib: 4. disp: 4. c. 1. Vnum do ex antiquissimis Scriptorem Tertullianum lib: 1. contr: Marcion: c. 4.

- - - De latere ligno pendentis in alto  
Corporis exanimi sanguis manavit & humor.

Famen sanguis erat: aqua erant nova dona lavacri

Hæc populi vera est viventis Ecclesia Mater

De Christi nova carne caro deq; ossibus ossum.

Nec mirum est omnes consensisse, cum ducem ita sentiendi habeant S. Evangelistam disertè locutum, *exiuit sanguis & aqua.* Post quæ tam expressa verba nullus ambigendi dissentientive locus relinquitur. Dubitavit tamen dissensitq; etiam, impius hæresiarcha Calvinus loco

aquæ



aquæ elementaris serum quoddam sanguinis, five phlegmaticum humorem à sanguine secretum per compressionem, (quæ utiq; nulla fuit in Cruce,) substituere ausus. Utq; in Sacramento Altaris, ubi dixerat Dominus manifestè Corpus suum esse: ille nihilominus figuram tantum umbramve quandam; sic & in verbis Evangelistæ. *Exiit sanguis & aqua*, non aquam sed quandam aquæ similitudinem reliquit. Quo ausu regulam Sacras Scripturas interpretandi à S. Augustino præscriptam impiè transfiliit. Scilicet *verba Divini eloquij in propria ac strictâ significatione intelligenda sunt, ubi id commodè fieri potest*. Sicut defacto in præsentî textu nullis premimur incommodis, quò minùs verba ut sonant genuinè accipiamus. Et ratio svadet idem. Aqua enim lateris Domini iuxta SS. PP. propria & illustris fuit figura aquæ baptismalis, quo fonte culpa originalis eluitur. Atqui aqua baptismalis propria esse debet & elementaris, adeò ut omnes destillatitiæ aquulæ ab hoc mysterio proscribantur, ergo etiam aqua quæ Baptismum figurabat verè fuit elementaris, & non aliquis humor tantum similis aquæ. Præterea illa aqua lateris verum corpus Christi & ex 4. veris elementis compositum attestabatur: quòd quo modo præstaret nisi elementaris esset? aliàs illuderet tantum oculis quòd à Veritate increata qualis est Christus alienissimum est. Demùm si tam expressa S. Ioannis verba *sanguis & aqua &c.* admitterent impropriad explicationem; quid tandem in tota Scriptura tam liquidum esset, quòd in alienum sensum torqueri non posset? Quin ipse Evangelista qui se vidisse oculis suis rem contestatur stipulatâ veluti Fide, aut hoc quòd proprio experimento cognovit scribere voluit affante Spiritu Sancto; aut aliquid diversum si diversum ut Calvinus



censet, esset mendax; quòd cogi ta re etiam sacrilegum est:  
 Si hoc, quod experimento cognoviti: ergo vera & ele-  
 mentaris aqua fluxit: nam Ly a qua non aliud propriè si-  
 gnificat. Sed hoc scilicet hæreticorum acumen est, in  
 scirpo nodum in ovo pilum quærere, manifesta q; in du-  
 bium vocare. Præverat Calvino in hac sententia Pse-  
 udo-concionator Petrus Ioannis sæculo decimotertio  
 pro aqua lateris humorem quendam superfluum com-  
 mentus: sed illum Clemens V. in Concilio Viennensi  
 cum suo dogmate condemnavit. Ante hunc etiam Hu-  
 go Ferrariensis Episcopus sæculo duodecimo idem sene-  
 rat: verum nulla hæreseos labe aspergitur. Per modum  
 enim quæstionis Innocentio III. argumenta sua propo-  
 suerat, & ab eo acceptâ resolutione non amplius perti-  
 naciâ ad hæresim requisitâ opinioni suæ adhæsit. Porro  
 Innoc: III. l. 3. de cr: in cap: quadam de celeb: Miss: c.  
 41. cap: 8. quid constanter ab omnibus fidelibus hoc in-  
 re sit credendum, definivit. *Restat igitur ut qualiscunq;*  
*fuerit illa aqua sive naturalis sive miraculosa, sive de no-*  
*vo Divinâ virtute creata, sive de componentibus ex par-*  
*te aliqua resoluta: proculdubio vera fuit, cum naturaliter*  
*possit & compositum in componentia, & mixtum in elemen-*  
*ta resolvi.* In quo textu Pontificis adverte duplicem es-  
 se sententiam, & utramq; permissam, omniq; erroris su-  
 spicione vacuam. Aliam scilicet, quæ aquam lateris Do-  
 minici asserit naturalem; aliam, quæ negat naturalem di-  
 citq; miraculosam; deinde varias rationes explicandi na-  
 turalitatem miraculumve istius aquæ asserit. Potuisse sci-  
 licet illam aquam vel naturaliter haberi, vel de novo vir-  
 tute Divinâ produci, vel ex partibus aliquibus corporis  
 resolvi, sicut mixta in sua elementa resolvuntur.

Expendo imò sententiam affirmantem, quæ dicit a-  
 quam



quam lateris Dominici vires naturæ non excessisse. Hanc  
 profitentur Benedictus Arias Montanus celebris Scri-  
 pturista elucid: in Ioan. *Vidit inquit, illum mortuum &  
 lanceâ perfoſsum usq; ad interna præcordia, in quibus aqua  
 continetur &c.* Andreas præterea Laurentius hist: ana-  
 tom: c. 9. de Organ: vital: & Vinc: de Moles ambo Me-  
 dici nobiles. Rationes illorum in argumentum sic dispo-  
 ni poſſunt. Christus Dominus fuit verus homo. Sed ve-  
 rus homo in corpore ſuo continet aquam: ergo & Chri-  
 ſtus continebat, ergo aqua illa fuit iuxta naturam ho-  
 minis, ergo vires naturæ non excede-  
 bat. Maior eſt de  
 Fide: Minor: prob: Veri hominis corpus componitur  
 ex quatuor elementis: ſed unum elementorum eſt aqua;  
 ergo continet in ſe aquam. Aquam verò ſicut & alia ele-  
 menta permanere formaliter in quovis corpore mixto.  
 Docent Avicenna & S. Alb: Magnus: de quo accuratiùs  
 tractent Philoſophi. Sed demus nec aquam nec alia ele-  
 menta formaliter in mixto corpore permanere, adhuc  
 aſſerunt Medici in corpore humano dari aquam; vas ejus  
 eſſe *pericardium*, hoc eſt involucrum ſive capſulam arcu-  
 lamq; cordis figurâ turbinata ſicut & cor ipſum ex latio-  
 re baſi in mucronem acutum deſinente. Subſtantia tota  
 eſt membranofa, dura, craſſaq; inter oſſium & pulmonis  
 ſubſtantiam media. Ejus baſis thoracis medium exquiſi-  
 tè occupat, mucro autem in ſiniſtrum latus magis incli-  
 nat & in anteriora protenditur, ut externas attingat car-  
 tilagines, quin etiam draphragmatis nerveo circulo vali-  
 dè alligatur. Generalis ejus uſus ut cor ab externis tuea-  
 tur iniurijs velut clypeus & propugnaculum ipſi cir-  
 cumſeptum. Immediatè cordi non adhæreſcit ſed tan-  
 tùm ab eo diſtat, quantùm cordis motus poſtulat, ne ſci-  
 licet inter palpitandum ex tactu membranæ cor incur-

rat



rat offendiculum, quo & ab opere ducendi spiritus vitales impediretur, & certum homini ipsi immineret exitium. Quare spatium illud quod interiacet inter cordis substantiam & ejusdem involucrum, (quoniam omni conatu vacuitatem natura refugit,) Deus Conditor naturæ voluit esse receptaculum aquæ; cujus virtute & ab externis iniurijs cor munitum securè degit; & vitalem succum ex eodem pericardij humore bibit; & calorem innatum sibi temperat, cujus ardentissimo æstu per assiduos motus inflammari solito, aliàs aduri deberet: & suo pondere corpori humano oneri non est. Vt enim primæ mundi elementa suis locis disposita, nec pondus, nec ponderi oppositam levitatem contrahunt: ita cordis humani materies in eo pericardij liquore tanquam in connaturali sede innatans nullam gravitatis molestiam homini infert. His rationibus Laurentius apud Collium suum assertum probat. De Moles idem confirmat auctoritate Hippocratis lib: de corde. *Cor tunicam circumdantem habet, & in ipsa aqueus est humor, ut putari possit in vesica cordis versari, facta autem est ea gratia, ut sanum & in custodia efflorescat, habet autem humiditatem tantam quanta satis est æstuanti in medelam.* Avicenna etiam morbos cordis ad circumfluum pericardij aqueum humorem refert. Vallesius l. 6. de fabr: corp: hum: fatetur se aquam invenisse in cordis involucro animalium non solum mortuorum sed viventium. Signum igitur erat lancæ militari non solum thoracem Domini penetratum esse, sed ipsum pericardium vulneratum cum aqua effluerit, quæ in illo continebatur. Verùm contra Medicorum argumenta insurgit Collius, aitq; S. Ioannes, cum scribit fluxisse sanguinem & aquam; non pericardij illum humorem intellexisse. Nam pericardij humor

Gggg

non



non est aqua elementaris, ut ait Hippocrates, *adeſt in i-  
pſa tunica humor modicus velut urina, & videtur cor in  
veſica diverſari*. Galienus Tolitus præſtantiffimus Me-  
dicus non aquam, ſed phlegmaticum homorem pericardij  
liquorem appellat. Et meritò, cum neq; colore, neq; gu-  
ſtu ullam aquæ elementaris partem imitetur; ſed potiùs  
in flavum colorem vergat, & triftes palato ſuccos exhi-  
beat, quemadmodum ſe millies guſtu viſuq; expertum  
eſſe aſſerit Tolitus. Quin ipſe Moles, *natura*, inquit, *in  
hoc ſpatio humorem ſero & urinæ per ſimilem coniecit, ut  
ſuâ frigiditate & humiditate cor ipſum refrigeraret attem-  
peraretq; ne ob perennes motus in vaſeſceret æſtus, tum, ut  
in eo veluti innatans cor minùs grave eſſet animanti*. Si  
ergo hic tantùm pericardij liquor cum ſanguine ex Do-  
mini latere effluxiſſe diceretur; idem ſentiremus, quòd  
dicentem Calvinum ſuprà damnavimus. Certùm qui-  
dem eſt, ut læderetur cor Domini, læſum quoq; pericar-  
dium, læſo autem pericardio humorem illius non potuiſ-  
ſe non effluere; ſed hic forſan vel in cavum thoracis in-  
fluxit, vel à ſanguine indiſcretus exivit: aqua autem ele-  
mentaris ita effluxit, ut effluxiſſe notaretur. *Exiit ſan-  
guis & aqua*, aqua, inquam, pura.

Alij eandem aquam lateris Domini aliâ viâ natura-  
lem fuiſſe demonſtrare conantur. Viegas enim ultimo  
conatu caloris qui in corde eſt, putat generari aquam in  
præcordijs, quæ ſcilicet in quovis corpore extincto re-  
periatur: eamq; ipſam generationem varij variè expli-  
cant explicentq; Medici, illis hanc ſpartham relinquo.  
Vi caloris produciſſam aquam (ni fallor) innuere volebant  
veteres Græci, qui teſte Novarino de Agno Euchariſtico  
l. 5. c. 80. n. 35. calici conſecrato ſub ipſum communio-  
nis tempus aquam calidam infundebant, ut patet in Li-  
turgia



turgia S. Chrysostomi & Theoria rerum Ecclesiasticarum Germani. Quod ipsum expressis verbis refert Citrius apud Novarinum loco memorato. *Camisati, inquit, ferendis ad Altare carbonibus & sacris lebetibus calefaciendis occupati sunt, ut illic more solito aqua fervens sacris calicibus tempestivè infundatur.*

Alij productionem ejusdem aquæ adscribunt rigori & frigori mortali, quo non secus à corde præcordijsq; profecti altius calidi vapores in aquam, sicut connaturaliter calidi vapores à terra in aërem sublatis illius frigore in guttas pluviae rorisve resolvuntur. Sed hanc opinionem rejicit Collius aiens, sicut neq; ex tepefactis agris terræ halitus deficiente solis virtute, ita neq; ex præcordijs vapores perduto eorum calore naturali elici posse. Supposito tamen, (ut supra diximus,) calorem omnem naturalem cordis non illico deficere sed aliquamdiu in extincto perdurare, non omnino esset improbabilis sententia. Verùm si non consistat suppositum, tota quoq; assertio ruit.

Daniel Mallonius in Comment: super Sindonem Sacram Paleotti ex inaudita quadam magnitudine doloris, quo cor Salvatoris angebatur aquam elementarem ortam esse autumat, docens præ doloris gravitate tot fuisse excitatos humores, ut hi facile per resolutionem in elementa immediatè converti potuerint. Horribilem autem dolorem cordis fuisse probant Revel: S. Brigittæ L. 1. c. 10. & lib: 4. c. 70. ubi cor Domini vi doloris scissum Deipara ipseque IESVS contestatus est. Ex hac etiam opinione addit Mallon: mirè veritatem naturalis corporis Christi comprobari. Pia sententia est & ab Innocentio Papa superius non censurata, sed permissa. Verùm hinc sequitur in quolibet alio corpore hoc modo aquam

Gggg2

effici



effici posse, si quando gravissimis doloribus homo afficeretur, quod tamen accidere non solet. Imò nulla ratio fuisset cur tantum admiraretur Evangelista, cum naturalem aquam vidit fluere ex latere Domini, si tam facili ac naturali via aquæ generatio in humanis corporibus metu ac dolore agitatis effici posset. Deinde quis sapiens ita subito concedat ex distinctis atq; diversissimis omnino liquoribus elementarem aquam progenerari potuisse, quæ vix in corruptis corporibus nonnisi per varios alterationis motus peragi aliquando solet. Nec facile induci possum, ut credam temperatissimos corporis Christi humores in aquam abire potuisse. Censet quidem & Tostatus vi scilicet corruptionis cui obnoxium fuit corpus Christi per ea tempora, quibus in terræ sinu iacuit mortuum. Causam verò istius corruptionis esse ipsam compositionem ex elementis, ex quibus corpus Domini ut veri hominis constabat. Lege si placet ipsum Tostatum paradoxo 2. c. 30. Cujus opinio firmamentum capit & ex fine Passionis ac tormentorum Domini. Etenim sicut Dominus non propter se sed propter nos mori ac pati voluit, ut nos à mortis tyrannide inferniq; supplicijs eriperet; ita pariter aliquæ saltem Dominici corporis partes resolutioni & corruptioni addictæ esse debuerunt, quò putredinem & humanæ naturæ corruptionem procul à nobis esse propulsandam hoc exemplo commonstraret, quod nobis accidet cum redintegratis mortalitatis nostræ partibus redivivi Maiestatem Divini vultus intuebimur. Et hæc sententia permissione Innocentij se tueri potest. Verum omnem putrefactioni corruptionive locum præcludit in corpore suo Dominus locutus per Psaltem: Psal. 15. *Nec dabis sanctum tuum videre corruptionem.* Quod S. Petrus explicat Act: 2.

*Provi-*

Provi-  
quia n  
rupti  
lutam  
homi  
autem  
stin  
etion  
secun  
serm  
pus  
Corp  
tivè  
test.  
Dei  
testa  
ting  
vivu  
cept  
præ  
sta  
etian  
re, si  
voru  
tem  
thari  
Bono  
comp  
quod  
ter m  
tota,  
partib



*Providens, inquit, locutus est de Resurrectione Christi, quia neq<sup>3</sup>, derelictus est in inferno, neq<sup>3</sup>, caro ejus vidit corruptionem.* Ne autem quis per vocem corruptionis absolutam tantum corruptionem, quali solvuntur corpora hominum mortuorum, excludi hinc putaret, non excludi autem partialem & exiguam qualis est particularum intestinorumve liquorum in elementum aquæ: huic tali distinctioni obviat S. Damascenus lib: Fid: Orth: 3. c. 28. *At secundo corruptionis significatu, (id est molliori isto de quo sermo) incorruptibile, hoc est interitū expers Domini corpus confitemur, quemadmodum pij Patres tradiderunt.* Corpus inquam non modo collectivè sed etiam distributivè sumptum, ut seriem capitis consideranti patere potest. Congruum quoq; fuit ut sicut per providentiam Dei nullum os Christi fractionem passum est, (ut S. Ioan: testatur,) ita corporis ejus nullam partem corruptio attingeret. Congruum iterum, ut corpus Christi, quod vivum nullis non iniurijs contumelijsve pessimè fuit exceptum: idem iam defunctum immarcescibilitatis gloriæ præ cæteris floreret, cui immarcescibilitati derogaret ista resolutio. Intererat prorsus virtutis Divinæ omnem etiam minimam corruptionem à corpore suo propulsare, si eam à corpore Matris suæ, & quorundam etiam servorum suorum, quorum defuncta corpora diu post mortem vivis simillima visa sunt, propulset. Certè B. Catharina Clarissa aliquot iam sæcula vivæ persimillima Bononiæ sedere perhibetur ac visitur, nulla compositi in componentia sive elementa solutione subsecuta. Quid? quod si iuxta Testatum tribus fermè horis (tot enim inter mortem & lateris Dominici apertionem fluxerunt, tota, quæ profluxit aqua ex resolutis naturæ Christi partibus progenita est: sequeretur multò abundantio-

rem



rem aquam futuram fuisse si temporis intervallum longius fuisset: adeoq; corpus Domini vel omnino vel maiori ex parte per tridui spatium, quo vitali spiritus caruit in aquam fuisse reducendum vi influxionis orbium celestium, (quibus activitatem hoc in casu Tostatus tribuit,) perpetuo enim in extinctum Christi exanime corpus necessario motu operabantur. Quod quis vel irreligiosus suspicari potest? cum nec communia mortalium corpora extincta, quæ ad corruptionem incitatissimo cursu feruntur simili resolutionis specie urgeri soleant. Quis enim ex cadaveribus limpidos aquæ rivos aut vidisse, aut cognovisse memoriæ prodidit, nisi fortè miraculosè profusos (de quibus multa recenset Bonifacius Bagatta tomo 2. lib: 6. appendice 3. ad cap: 3.) quamvis articulatim dissectum & minutatim per arterias venasq; incisum fuerit corpus. Apage istas novas Acys aut Arethusæ in flumina metamorphoses adeoq; fabulas. Adhuc si elementaris aquæ generatio iuxta Tostati sententiam necessaria fuerat, utpote à causa necessario operante, hoc est celestibus corporibus incepta & propagata: cur, amabo, idem in alijs membris Domini non operabatur, quod in latere effecerat? Quare cum æquali motione circa omnes corporis Domini partes idem agens detinebatur, neq; ex manibus, neq; ex pedibus terebratis stilla elementaris aquæ prodivit? quamvis paterent vulnera maxime per depositionem exemptis clavis, quare neq; ex incisis flagellorum savitia costis aquei humoris quidquam apparuit. Ergo in aliam longè diversam causam productricem referendum erit totum istud aquæ ex latere fluentis opificium. Certè S. Thomas huic resolutioni maxime adversatur. *Si corpus ejus, ait q. 50. ar: 1. fuisset putrefactum vel resolutum, magis hoc fuisset in detrimentum*

salu-

saluti  
vina,  
in san  
fuit p  
corru  
mori  
am.  
tura  
niti u  
ption  
rande  
legata  
tuit, n  
tentiu  
neres  
quod  
xiun  
de al  
qua e  
ex vi  
sive  
de cor  
ra fu  
respe  
tio, u  
cus h  
cessit.  
rit pr  
rùm,  
illo  
aquam  
dam fa



*salutis humane, dum non crederetur in eo esse virtus Di-*  
*uina, unde in persona ejus Ps: 29. dicitur. Quæ utilitas*  
*in sanguine meo dum descendero in corruptionem.* Non  
 fuit proinde æquum Christi corpus vel ex minima parte  
 corrumpi in arrham nostræ resurrectionis, sicut oportuit  
 mori in effectum nostræ vivificationis secundum grati-  
 am. Eodem enim Salvatoris obitu absoluta humanæ na-  
 turæ immarcescibilitas obtenta est, cum mors ejus infi-  
 niti valoris ac meriti esset, quæ absq; corporis sui corru-  
 ptione, pro mortalium putredine in vivam carnem repa-  
 randa, Deo cumulatissimè satisfecit. Innocentij Papæ al-  
 legata autoritas non premit, quæ de eo, quod fieri po-  
 tuit, non autem de eo, quod re ipsâ contigit, militat, si at-  
 tentius consideretur. Siquidem absolute loquendo in ci-  
 neres & aquam redigi potuit corpus Dominicum; quippe  
 quod mixtum erat, ac proinde etiam dissolutioni obno-  
 xium, ut solius naturæ virtutem ponderans Aristoteles,  
 de alijs hominum corporibus docuit. An verò re ipsâ a-  
 qua ex partium resolutione contigerit, colligi non potest  
 ex verbis Innocentij istis: *sive naturalis fuerit illa aqua,*  
*sive miraculosa: sive de novo Divinâ virtute creata, sive*  
*de componentibus ex parte aliqua resoluta, proculdubio ve-*  
*ra fuit.* Ex his liquet Papæ definitionem id duntaxat  
 respexisse, de quo tunc apud Catholicos orta fuit dubita-  
 tio, utrum videlicet vera & naturalis aqua, an phlegmati-  
 cus humor esset ille liquor, qui ex latere Christi pro-  
 cessit. Statuit enim veram fuisse aquam à quocunq; fluxe-  
 rit principio, quod definire Innoc: non curavit. Cæte-  
 rum, quod permittit sentire Pontifex, nec reijcit: non  
 illico asserit & laudat. Si pro asserto quis vellet habere  
 aquam lateris per resolutionem partium corporis quarun-  
 dam factam naturaliter ex hoc textu Innocentij: Non  
 minus



minùs pro asserto agnoscat oportet aquæ illius miraculosam productionem, nam & hanc allegato textu simili terminorum tenore ac energiâ exprimit.

De Moles ut sanguinem sic aquam naturalem omnino fuisse, modum tantum supernaturalem fluendi accessisse. Sed iam dicta hæcenus ostendunt substantiam aquæ naturalem nullatenus fuisse. Neq; enim aquam illam fuisse, cui cor innatat, nec vi caloris extremi, nec vi frigoris mortualis, nec dolorum acerbitate corruptioneve ullâ ex partibus corporis aliquibus in elementum resolutis productam. Cum igitur non possit naturalitas quodad substantiam ostendi; frustra conceditur supernaturalitas tantum quodad modum.

Dico igitur aquam de latere Christi profluam cum sanguine, miraculosam omnino fuisse & supernaturaliter productam, ita Collius accuratissimus Scriptor hujus argumenti. Ratio 1ma, quia nulla causa hujus aquæ in natura assignari potest, ergo supernaturaliter fuit producta. Antecedens patet ex confutatione opinionum contrariarum; consequentia est legitima. Ergo Divinæ Omnipotentix adscribenda est hæc aqua, quæ teste Apostolo vocat in lucem ea, quæ non sunt, tanquam ea quæ sunt. Ratio 2da, quia SS. Doctores in sanguine & aqua miraculum agnoverunt. Et in sanguine tantum quodad modum, ut superius declaravimus. In aqua autem etiam quodad substantiam agnovisse dicendi sunt, unum pro omnibus repeto S. Thomam Doctorem Angelicum. *Valde miraculosum est, ut de corpore mortui in quo est coagulatus sanguis exeat. Sed si dicas fuisse hoc propter calorem qui adhuc in corpore remanserat; fluxus aquæ inficiari non potest, quin miraculosus existat, cum aqua exiens purissima sit.* Ergo absolutè miraculum agnovit S. Thomas & SS.

Pa-



Patres alij, quorum ille semper vestigijs inhæret. Sequuntur Divum Thomam. Titelmanus *Sanguis & aqua Divina virtutis miraculo ex corpore illo exangvi & profusus omni virtute exhausto profluxerunt in mysterium redemptionis & regenerationis.* Dionys: Carthus: Communiter dicitur, quia vera exivit aqua de latere Christi non utiq; naturaliter, sed miraculose propter mysticas rationes Lyranus. *Sciendum est, quod ista aqua miraculose exivit, &c.* Sed quid plura? an non ii etiam qui de sanguinis miraculo nonnihil dubitarunt, ii de aquæ miraculo disertè pronunciant? Vt Caetanus in c. 19. Ioan. *Quid quid sit de sanguine quoddam miraculum, quoniam de corpore nuper mortuo non apparet esse miraculum exire sanguinem. Ex eo tamen quod aqua simul exivit insinuat, & quod sanguis miraculose exivit.* Subscribunt huic sententiæ Suarez, Toletus, Franc: Lucas, Salmeron, Barradas, Maldonatus, & alij agminatim. Porro Divinitus ista è latere Domini fusa aqua sit ne in corpore ejus creata an ex subiecto producta? item an ante cuspidis ictum? an in ipso lanceæ ictu? disputat adhuc fuscè Collius, ad quem remitto, si quis curiosior hæc etiam disquirere voluerit. Hoc non intermittendum videtur, quæ nam sedes ac domicilium fuerit prodigiosi laticis? cum enim complura sacri corporis membra lancea appetierit antequam in alterum pene latus evaderet; incertum est, in quo eorum venam aquæ vivæ repererit? cum æquè in suprema ac infima lateris parte Dominus eam condere potuerit. Pronuncio ergo cum Collio circa ipsam substantiam cordis creatam illam aquam. Eundem enim locum sortita est, quem sanguis; uti indicabat concors utriusq; fluendi modus, quo simul eodemq; tempore sanguis & aqua defluebant. Atqui sanguis ex intima cordis sede

Hhhh

Profe-



profectus est, ut ait S. Cyprian. *Quidquid resederat in corde sanguinis emisit &c.* & alias ex S. Brigitta iam diximus. Breviarium quoq; Ordinis Prædicatorij in festo Plagæ Sacri lateris quod octavo die post Octavam Corporis Christi celebratur in Ordine, hymno quodam canit  
 Dulcis hasta latus Dei *Et in officio Vulnerum Christi*

|                          |                           |
|--------------------------|---------------------------|
| Tereplevit sanguine      | Si cor habes maculatum    |
| Dulcis mucro per cor Dei | Inspice vulnus tam latum  |
| Volvitur in flumine      | Cordis ejus: illinc fluit |
| Sic salvantur omnes rei  | Vnda quæ sordes abluit.   |

Secreto Dei munere

*Et Lectione 9nâ ejusdem officij.* Ideo quoq; aperiri sibi latus voluit, ut ad intima usq; nobis faceret ingressum. Dum enim apertum fuit latus, usq; ad cor Domini penetravit accessus. Accedat ergo homo ad cor altum & exaltetur Deus. Sed quis ascendet? quis in eo requiescet? innocens manibus & mundo corde. Non differat autem peccator. Si promptus statim non pateat accessus: Lugeat ad ianuam unde sanguis fluit & aqua manat. Fores apertæ sunt, facile penetrabit usq; ad cor Domini lugentium clamor. Si pergit ad ianuam peccator lugere, aspergetur pretioso sanguine de fonte lateris super peccatores effluente; lavabitur purpureo cruore & exardescet in vero sanguine de intimis visceribus emanante &c. &c. Sed allegata testimonia probant sanguinem ex corde præcordijsve fluxisse, ergo & aqua indidem emanavit.

Iam stabilita aquæ supernaturalitate quoad substantiam nullum dubium restat quod eadem fuerit supernaturalis quoad modum, non quidem in eo quod deorsum decurrerit per lateris aperturam, hic enim decursus elemento est connaturalis: sed quod eadem præter naturam in eo observari possunt, quæ in decursu sanguinis supra  
 obser-



observavimus. 1. quòd licèt inter cor & ultimam superficiem lateris interiectum esset vacuum intervallum, non tamen in illud deciderit nativâ gravitate sed extra latus eruperit. Affirmatè hoc tradit S. Ioan: illis verbis. *Continuò exivit sanguis & aqua.* Si namq; continuò, id est statim ac perfoßum Domini latus patuit sanguis & aqua exivit, evidenti consecutione colligitur non cecidisse aquam in concavitatem pectoris, unde non ita facilè se promere potuisset. 2. Illud etiam planè opus Divinum fuit intueri diversos sanguinis & aquæ fontes unâ profluere & alterum ab altero neq; colorem neq; substantiam mutuari, quod tamen evenire solet his liquoribus, qui simul ex eodem ostio erumpunt, planèq; eâdem viâ gradiuntur. Præterea cùm clarissimus aquæ lateralis rivus ex sauciatis rubroq; sanguinis colore imbutis membris scateret, cogimur opinari fortiozem naturali agente causam ad fluxum peragendum concurrisse, quæ patrocini-um susciperet, ne crystallinus aquæ fons alieno colore tingeretur. Et sic tota supernaturalitas huius proflui liquoris utriusq; si etiam cæteræ deessent rationes, hæc solâ distinctione rivorum ex eadem scaturigine ortorum poterat niti. De qua distinctione principaliter quæritur. Sit igitur.

### Resolutio propositæ quæstionis.

**D**ico imò. Sanguis & aqua fluxerunt simul simultate temporis. Eodem scilicet temporis spatio non prius unus liquor, alter postea. Vt thesim probem, referam & refellam contrarias opiniones, quod ipsum pro stabilitatis nostræ sententiæ militabit. Aquam prius fluxisse tum sanguinem existimat. S. Hieronymus epl: 83. ad Oceanum, ordinem mysteriorum quæ de percusso Christi

Hhhh2

late-



latere fluxerunt recensens, primo loco baptisma, quod per aquam figuratum statuit: altero martyrium, quod per sanguinem. *Latus Christi percutitur lanceâ, Baptismi atq; Martyrij Sacramenta fundantur.* Consentit Ruffinus in exp: symb: *Duplicem etiam Baptismi gratiam figuravit, unam quæ datur per aquæ Baptismum, aliam quæ per Martyrium profusione sanguinis.* Tertull: 1. de Baptis: adv: Quintillam. *Est quidem nobis secundum lavacrum unum, & ipsum sanguinis scilicet, de quo Dominus, habeo inquit intingi, cum iam tinctus fuisset, venerat enim per aquam & sanguinem sicut Ioan: scripsit, ut aqua tingeretur; sanguine glorificaretur.* Proinde ut nos faceret aquâ vocatos sanguine electos, hos duos Baptismos de vulnere perfossi lateris emisit. Et S. Ambros: lib: 3. de Sacram: *Vnus de militibus lanceâ tetigit latus ejus, & aqua fluxit & sanguis. Quare aqua? quare sanguis? aqua ut emundaret, sanguis ut redimeret.* S. Ioan: Damascen: valde clarè. *Idcirco pro sua indulgentia & misericordia ad suos servos se demittens atq; instar nostri affectus passionis suâ nos à corruptione vindicavit.* Ac nobis ex sancto & immaculato suo latere venia fontem emisit, aquam nempe ad regenerationem peccati & corruptionis ablutionem, sanguinem autem in potum sempiternam vitam afferentem. Tandem ne in similibus PP. testimonijs longius vegetur oratio, ultimum sit S. Chrysostomi idq; prægnantissimum. S. Chrysost: hom: ad Neo-phytos. *Exinde aqua fluxit & sanguis. Vnum Baptismatis symbolum, alterum Sacramenti: & ideo non ait exijt sanguis & aqua: sed exijt aqua primum & sanguis: quia prius Baptismate diluimur, & postea mysterio dedicamur.* Adverte hoc loco S. Chrysostomum inhærere Arabicæ versionis, quæ & latus dextrum perforatum specificat, & aquam sanguini præponit



ponit. Sed, ut ex dictis colligitur, Baptismus prior quàm Martyrium. (Loquendo regulariter & præscindendo à solo Baptismo sanguinis,) prior item redemptione emundatio iuxta S. Ambros: & iterum Baptismus prior Eucharistiâ: Baptismus enim est ianua aliorum Sacramentorum. Elementum igitur aquæ quod designabat Baptismum, & in quo peragitur Baptismus prius fluxit quàm sanguis è latere, quò posteriora Baptismo mysteria designabantur. Argumentum alterum sumitur ex ratione. Quò remotior sedes est sive aquæ sive sanguinis, eò tardior & in erumpendo eadem in sede detentus liquor; atqui locus aquæ seu pericardion, seu aliud præcordium, sanguinis autem ipsum cor. Aqua igitur prius erumpere debuit quàm eandem dimandi facultatem sanguis obtinere posset, siquidem externæ cuti propius est pericardium, cor autem remotius, sicut propius tactui cortex nucis quàm nucleus. Aliàs per aquam deberet sanguis perrumpere, quod ipsum sine novo miraculo non esset aut penetrationis, aut incommixtionis. Veròsimilius ergo est, quòd sanguis utpote gravior, aquam ad egressum priorem impulerit, quam ipse efflueret. R. imò. ad argumentum ab autoritate. Hieronymum & Ruffinum haud sollicitos fuisse de ordine, quo sanguis & aqua fluxerint; sed duntaxat annotare symbolum sive figuram, quam hi liquores gerebant: & hinc prius de aqua ratiocinati sunt, non quòd primas ei in fluendo censerent esse adscribendas, sed quia instituto sermoni prius de aqua quàm de sanguine loqui congruens fuerat. Tertullianus quid senserit verbis quæ statim allegato textui subnectit, explicat. *Quia qui sanguinem ejus crederent, aquam lavarentur; qui aquam lavissent, etiam sanguinem potarent.* Vnde liquet eum sanguini locum, quem in superioribus aquæ



aquæ concesserat, mox nulla habita prioris exitus ratione sanguini tribuisse. Ergo non intendebat certum quid in hac re definire. Quod verò addit Tertullianus: in aqua vocationem, in sanguine electionem intelligi; debiliter infertur, ergo sicut electionem præcedit vocatio, ita sanguinem præcessit aqua. Nam, ut aliàs dixi, figura non in omni proportionem debet respondere figurato: sufficit si in ea ratione respondeant, in qua ipsa vis est. Significet sanè vocationem aqua, electionem sanguis; non requiritur rigorosè ille ordo prioritatis inter hæc duo. Præterea licet electio sit posterior tempore & prior vocatio; est duntaxat talis in ordine executionis: in ordine verò intentionis prior est electio quàm vocatio, sicut prior est in hac ratione finis quàm media ad finem, ergo non potest inferri ex hac mystica significatione prioritas aquæ. S. Ambrosij testimonium ita accipiendum est, sicut prius S. Hieronymi, in quo illud etiam nota & emundationem redemptionem non ita accipi sicut quid prius & posterius, sed sicut res simultaneas sive unum idemquæ. Non enim ii, quibus redemptionis beneficium confertur à sordibus peccatorum iam antea emundati existimandi sunt, sed potius virtute. Divinæ redemptionis ab omni inquinamento purgantur. S. Damasceni testimonio alium ejusdem Patris locum oppono, qui extat lib: 2. Paral: c. 14. *Christus de latere Ecclesiam condidit quemadmodum antiquitus Eva de latere procrearat. Unde & Paulus dicebat ex carne ejus sumus, latus videlicet subindicans, Quemadmodum enim tunc Deus costam suppressit ac feminam effinxit: sic nobis sanguinem & aquam ex ipsius latere dedit, & Ecclesiam formavit. Et quemadmodum tunc costam in sopore accepit, Adam videlicet dormiente, ita nunc etiam post mortem sanguinem & aquam*



*aquam dedit.* Cū ergo variet ordinem horum liquorum de latere profluorum aquam nunc præponendo nunc sanguinem, apparet eum nihil voluisse concludere de præfenti quæstione. S. Chrysostomus Arabicam versionem secutus est ad explicandum ingeniosè Sacramentorum seriem: inde tamen minimè infertur ipse in hac sententia fuisse. Sicut non illico quis versionem aliquam biblicorum particularem vulgatæ ab universali Ecclesia acceptæ præfert, quia ad aliquid ingeniosè eruendum eam adduxit. Tam S. Chrysost: quàm Damascenus non eo ipso definiunt aquam prævisse sanguini, quia per illam Sacramentum Baptismi, sicut per sanguinem Sacramentum Eucharistiæ designant. Hæ enim signi rationes penes liquorum substantiam & qualitates non autem penes fluendi ordinem considerandæ sunt. Quinimò licet Baptismus, qui est ianua Sacramentorum & vitæ æternæ, designetur per aquam, non ideo prior erit aqua ad fluendum, quia Baptismus prior alijs Sacramentis designatis per sanguinem. Sit enim prior tempore, non est tamen prior dignitate; v.g. Sacramento Eucharistiæ. Quantumq; libet per aquam designetur Baptismus, ipse tamen non ab aqua sed à sanguine Christi vim totam accipit. In quo merita omnia totusq; valor redemptionis nostræ consummatur. Ergo ex Baptismi prævia necessitate ad alia Sacramenta non infertur prioritas aquæ ante sanguinem. Cæterum si aliæ obiectorum ex SS. PP. textuum non occurrerent rationes, possent quinque citatis pro aqua Patribus longè plures opponi (sicut defuncto paulò post recensentur,) præeunte maximè S. Evangelistæ autoritate, qui expressè aquam sanguini postponit. R. 2dò. ad argumentum ex ratione. Aquam etiam æquè ac sanguinem ex perfosso corde scaturivisse: er-



go gratis excogitatur illa prioritas. Sed demus non ex corde, verum ex præcordijs fluxisse aquam, ex corde sangvinem; non est fingenda tanta distantia inter cor & præcordia, quin sicut uno instanti reali poterant transverberari, eodem quoq; instanti utrumq; fuderint liquorem.

E contra, sangvinem in emanando præponit aquæ ipse primùm S. Evangelista, *exiit sanguis & aqua*. Ad quæ verba Gabriel Biel lect: 53. in Canonem. *Primò scilicet sanguis, quo toto diffuso secuta fuit aqua in testimonium totius effusæ sanguinis*. Alphonsus Salmeron de Pass: Domini tract: 48. *Post sangvinem fluxit aqua ad significandum quod Christus totum sangvinem profuderat, quo nos ad bibendum de aqua vite æternæ invitaremur*. Simon de Cassia super 4. Evang: de Pass: lib: 13. *Illico aperto latere exiit sanguis in mensura determinata soli Deo nota, sed non nobis. An fortè totus sanguis effluxit ex illo Divino corpore in signum totius amoris effusæ, post quem humor aqueus est egressus, &c. &c. Sed prius sanguis, deind: aqua distinctè destillavit, quo alto miroq; mysterio factum est, ut prius egrederetur ex eodem corpore redimens pretium, deinde aqua, ut redempta signaretur multitudo populorum*. Accinit Nonnus Pœta vetus Evangeliorum Paraphrastes græcus. *Geminis liquoribus ex percusso latere primùm quidem sanguis effusus est, deinde verò Divina aqua*. Præiverunt hoc tramite SS. PP. Cyprianus, Augustinus, Athanasius, Gregorius Magnus, quorum loca designat Collius l. 4. disp: 5. c. 11. Quin & Tertullianus ac Damascen: cùm aquæ prioritati favissent prius, deinceps in partem sanguinis transiverunt, ut supra exhibui. Horum omnium suffragijs esse subscribendum arbitratus est Franc: Suarez in 3. p. q. 51. a. 3. sect: 1. disp: 4. & alij plures. Baptista Novatus tomo 1. c. 18.



q. 31. probat assertum verisimile esse duplici ratione. 1. Valde accommodatum ordini Divinæ Sapientiæ videtur quod prius opus redemptionis humanæ ex parte Christi perficeretur per completam ejus sanguinis effusionem, & mox aqua ex ipsius Christi latere promanaret, quâ significabatur Baptismus à fidelibus suscipiendus, ut ab illis redemptionis fructus percipiatur. 2. Quia homines prius debent credere virtutem sanguinis Christi, quàm aquâ baptismali lustrentur, ut Tertull: *qui sanguinem crederent, aquâ lavarentur; &c.* Ergo congruum erat, ut prius effunderetur sanguis quàm aqua. Attulit pro eadem sententia & Collius firmamenta varia. Nulla inquit planior via humanis mentibus occurrere potest explicandi sanguinis & aquæ fluxiones, quàm sit præsens sententia: quandoquidem unita cum sanguine aqua decurrere non potuit sine novo miraculo, non sunt autem miracula multiplicanda ubi humana ratio præbet documentum. Præterea sanguis Xti non modò fuit prævaricationis medela Adæ, sed etiam infinitum pretium, à quo virtutem peccata omnia relaxandi S. Ecclesiæ Sacramenta mutantur, ergo necessarium fuit ut sanguis ante aquam prodiret, quæ vim abstergendi originale labem ab effuso sanguine erat habitura. 3. S. Hieronym: epl: ad Oceanum observat. *Qui ab aquis ceperat, finivit in aquis.* Ab aquis inquam Dominus orsus est, cum Iordanis undâ tinctus; cum in Cana Galilææ primum edidit miraculum in aqua, quam in vinum mutavit. Ergo & finem miraculis posuit in aqua, cum extincto vitali halitu cadentem ex latere fontem emisit. Ergo sanguis prior effluxit, aliàs non in aqua finivisset. 4. Aquæ & sanguinis substantia clarè discerni oculis non potuit nisi inter geminos liquores detur successio temporis. 5. Aquæ in



S. Scriptura fidelem populum significat, ut Apoc: 17. *Aqua populi sunt & gentes & regna.* Atqui electio, vocatio, sanctificatio gentium, effuso Salvatoris sanguini adscribenda est. *Iustificati sumus in sanguine ejus,* ad Hebr: 9. *Sanguis Christi emundavit conscientiam nostram ab operibus mortuis,* ad Rom: 5. Ergo prius ordine naturæ reddi debuit redemptionis & sanctitatis humanæ pretium, quàm in populum Dei fidelem recipere: quod accuratè fuit observatum si effusum sanguinem mox lateris aqua subsecuta est.

Ad argumenta istius sententiæ R. imò. ad auctoritates. S. Ioannis auctoritas æquè bene probat successionem ac simultatem temporis in fluxu sanguinis & aquæ, imò magis particula copulativa & simultatem importat, quàm successionem; nempe exivit sanguis & aqua simul eodem tempore. quin & particula *Continuò* simultatem adstruit. Si autem voluisset S. Evangelista successionem fluxus exprimere, scripisset forsan *exivit sanguis & postea aqua.* Gabriel frustra requirit successivum fluxum ad demonstrandam inopiam sanguinis: æquè inopiam exhibet, qui post merum vinum reliquias vini aqua dilutas, ac qui meram aquam proponit. Similiter congruentiæ Salmeronis & Simonis Cassiani subsistere possunt dato simultaneo ac successivo egressu sanguinis & aquæ. SS. quoq; Patrum loca eandem explicationem admittunt, nec enim illi ex proposito nostram quæstionem decidebant, sed mysteria explicabant, in quibus explicandis magis ante oculos habebant qualitatem liquorum quàm ordinem, ut *suprà dixi cum Collio.*

R. 2dò. Ad congruentias Novati. Non omnino temporis successionem requiri inter aquam & sanguinem in ordine ad effectus significationesve sanguinis & aquæ implendas



plendas: posse æquè bene significari significanda simulta-  
neo fluxu. Collus, quæ attulit, ipse refellit. Ad unum  
concedit non caruisse miraculo simultaneum quòad tem-  
pus fluxum utriusq; liquoris, nec frustra sic multiplicari  
miracula. Sive enim aqua illa lateris fuit naturalis quò-  
ad substantiam, ut quibusdam suprâ relatis visum: & sic  
fuit necesse, ut saltem modus fluendi esset miraculosus,  
haberetq; rationem S. Ioannes, cur tanta energiâ verbo-  
rum fluxum illum miraretur. Vel fuit aqua supernatura-  
lis, ut latè probavi, & sic nihil absurdum est si miracu-  
lum miraculo cumuletur: & quòd est supernaturale quò-  
ad substantiam, sit etiam tale quòad modum. Ad adum  
Reponit quamlibet vel minimam Christi liberè operantis  
actionem infiniti valoris fuisse ad abolendas noxas ho-  
minum in quo perinde ac in sanguine Divina Sacramen-  
torum efficacia altis defixa radicibus tenebatur; quocir-  
ca licèt singulari privilegio meritum in effusum sangui-  
nem coniiciatur; attamen re ipsâ meritum non solius  
sanguinis ex latere proflui peculiare fuit, sed omnibus &  
singulis sanguinis IESV guttis conveniebat. Hinc cum  
Salvator totum profluvium sanguinis necdum accepto  
lateris vulnere fudisset, non est cur ad tribuendam aquæ  
lateralis virtutem remittendi peccata, in exitu priorem  
esse sanguinem asseramus. Iam enim virtus illa cælestis  
ab effusa ante lateris vulnus sanguinis copia peti poterat.  
Vti re ipsa virtus Baptismi petebatur, cuius hieroglyphi-  
cum duntaxat aqua lateris erat. Imò si Testatum Epi-  
scopum Abilensem audimus, sanguis è latere Christi de-  
mortui fusus, nullius erat meriti ad nostram mortalita-  
tem reparandam, quia conditionem à Theologis ad ra-  
tionem meriti requisitam, nempe *statum viatoris* in Chri-  
sto non habebat. Christus enim cum in vivis esse desi-



isset, extra statum meriti erat constitutus. Ergo ad Sacramentorum valorem non fuit necessaria sanguinis prioritas in egressu. Eadem responsione ad 2<sup>um</sup> respondere debet. Addito quod gentium electio vocatio &c. æquè bene simultaneo sacrorum humorum fluxu potuit significari. Ad 3<sup>ium</sup> ex S. Hieronymo sumptum dicit. Christum finivisse in aquis, licèt sanguine posterius aquam non fudisset, quia inter ultimos liquores, quos ex mortali corpore fudit, aqua fuit lateris eodem tempore quo & sanguis post mortem profluens: post quod profluvium nullum deinceps secutum est. Ad 4<sup>um</sup> Responsio patebit ex sequentibus conclusionibus. In præsentiarum non contendo stabilire aqua ne an sanguis ex orificio lateris prior profuerit: satis est ostensum quòd simul tempore latex uterq; manaverit. Nec enim aqua sanguinem, nec sanguis aquam præcessit. Ad confirmanda dicta audiamus S. Bernard: serm: 1. de Pasch. *Non in aqua solùm, sed in aqua & sanguine ad Moysi differentiam. Moyses quidem in aqua venit à qua & nomen accepit, ut Moyses vocaretur. Recolant, quibus nota est historia veteris testamenti &c. Manifestè tamen plus quàm Moyses hic utpote qui venerit non in aqua tantùm, sed in aqua & sanguine. Aqua enim multæ populi multi. Venit ergo in aqua tantùm, qui congregavit populum; sed non redemit. Nam ipsa quoq; de servitute Egyptiaca liberatio non Moysi sed Agni sanguine facta est, liberandos nos præfigurans à vana nostra conversatione huius sæculi, sanguine Agni immaculati Christi IESV. Hic est verus legifer noster, apud quem copiosa est redemptio. Mortuus enim non tantùm pro gente sed ut filios Dei qui dispersi erant congregaret in unum. Memento sanè hunc esse Ioannem (locum enim ejus citarât ex epl: 1. c. 5. Hic est, qui venit non*  
in



in aqua tantum, sed in aqua & sanguine;) qui vidit & testimonium perhibuit, & scimus quia verum est testimonium ejus, exisse de latere Domini dormientis in Cruce sanguinem simul & aquam, quo videlicet dormienti novo Adae nova de latere suo proferretur & redimeretur Ecclesia. Deniq; sanguis ut supra innui Iudæos de quorum sanguine secundum carnem processit Dominus, signabat: signabat aqua gentes ob idolorum cultum vilissimas apud Deum, per totum orbem diffusas. Sed unâ eademq; redemptione Dominus tam Iudæos quam gentes redimebat. Ergo significationem utrorumq; nempe aquam & sanguinem simul eodem tempore fundi oportuit. Si verò quis objiciat Responsum Christi ad Chananæum Matth: 15. *Non sum missus nisi ad oves quæ perierunt domus Israël.* Et oraculum S. Pauli & Barnabæ Act: 13. *Vobis (ô Iudæi) oportebat primum loqui verbum Dei, sed quoniam repellitis illud & indignos vos iudicatis vitæ æternæ, ecce convertimur ad gentes sicut præcepit nobis Dominus &c.* Hi textus docent primariò & primò salutis annunciationem, adeòq; salutem genti suæ attulisse. Ergo sanguis significator gentis consanguineæ prior, posterior aqua gentium designatrix fluxit. R. cum Cornelio à Lapide explicando textum Evang: solis Israëlitis quasi ovibus pascendis à Deo promissus & missus Messias quasi Pastor per corporalem sui præsentiam, ac per consequens Evangelij & miraculorum gratiam, unde à S. Paulo ad Rom: 15. Vocatur Minister circumcisionis, id est circumcisorum seu Iudæorum Doctor iuxta SS. Hilarium & Augustinum. Similiter de annunciatione Evangelij per Apostolos intellige, propiores ad illud Iudæos fuisse loci propinquitate & quodam veluti iure sanguinis. Ut primi scilicet essent, si vellent, participes effectuum sanguinis



gvinis Domini, quorum ex sanguine ipsum sanguinem acceperat. Ad quod sufficiebat eos designari per nobiliorem & concolorem sanguinis liquorem, imò per ipsum sanguinem, cum gentes in aqua solum significarentur: minimè verò oportuit sanguinem præire latici aquæ. Dominus enim ut ex uno homine omne genus Iudæos & gentes procrearât; ita omnes pariter amabat, salvos volebat, & redimebat simul, & utraq; unum, hoc est unam sibi Ecclesiam faciebat.

*Dico 2dò.* Sangvis & aqua non fluxerunt ita separatim, ut ex uno latere sangvis, ex altero aqua deflueret. Contrarium quidem opinatus est Prudentius vetus Pœta Christianus Peristephanon hym: 8.

Laterum cui vulnere utroq;

Hinc cruor effusus fluxit & inde latex.

Et iterum Cathemerion hym: 9.

O novum stupendâ cæde vulneris prodigium

Hinc cruoris fluxit unda, lympa parte ex altera

Lympha nempe dat lavacrum, sed corona ex sanguine Verum autoritas ista quia tantum est Pœtica, in re Theologica nil conficit. Et ratio contra illam in promptu. Quia sextum aliàs grande vulnus in altero latere daremus, quod ex Scriptura non colligitur. Et licet aliàs dixerimus hastam usq; in alterum latus adactam esse credibile: non tamen constat penetrâsse, alteramq; partem lateris aperuisse. Dato quin etiam quòd parvulum aliquod vulnus fecerit, quòd præ sua exiguitate cum 5. primatibus plagis in numerum non veniat, nec sextam plagam faciat; dandum etiam erit quòd tam exigua apertura fontem notabilem emittere non posset, qui scilicet & animadverteretur & admirationem mereretur. Præterea vulnus in altero latere si daretur, esset utiq; corde

etiam



etiam perfosso superius, nempe sub brachio proximè, infligebatur enim ab homine stante inferius quàm Dominus pendebat: quomodo igitur per illud aqua fursum erumperet? maximè cum habebat meatum longè paratiorē defluendi connaturaliter inferiùs. Deniq; si utrumquè latus esset perfossū & ex altero sanguis, ex altero fluxisset aqua: accidisset res admodum notabilis, qualem vix credo S. Evangelista non expressam dissimulasset.

*Dico 3tiò.* Sanguis & aqua licèt fluerent simul similitate temporis & ex eodem latere eodemq; vulnere, non fluxerunt tamen simul similitate rivi. *Non mixtim sed separatim.* Si enim fluerent mixtim; vel sanguinis esset quantitas notabilis vel non: si notabilis, tingeret illico aquam & decoloraret, atq; adeò speciem suam exteriorē aqua deperderet & tantum sanguis fluere cerneretur. Si non notabilis: tunc sanguis fluens non appareret, sed tantum aqua. Et sic utroq; modo liquores illos oculus discernere non posset. Atqui S. Ioannes discernere sanguinem ab aqua potuit, idq; non acie interiore intellectus ac fidei, sed oculis exterioribus ut verba sonant. ( Qui vidit testimonium perhibuit: ) Ergo non mixtim sed distinctè fontes illi Salvatoris decurrerunt: aliàs licèt aquilino visu pollebat, non discrevisset; sicut defacto liquores commisti non discernuntur, sed debilior in potentiore seu quodā vim, seu quodā quantitatem, speciem nomenq; amittit, sicut minor annis in maiorem illapsus. Quin etiam si in tanta dosi liquores lateris Dominici defluerent, ut neuter alterum obrueret: sed v.g. & aqua non omnino dilueret sanguinem, nec sanguis omnino decoloraret aquam: novus quidam ex duobus conflaretur liquor. Et S. Ioannes dixisset effluxisse aliquem indeterminatum humorem, qui nec sanguis esset

nec



nec aqua, adeoq; non dixisset effluxit sanguis & aqua. Dato verò tali miscellaneo humore, O! quanta mysteria confunderentur significationemq; suam non haberent, sicuti consideranti sanguinis & aquæ varias significationes patet. Confirmatur probatio autoritate S. Cypriani serm: de Pass: Christi. *De latere tuo fons egreditur in vitam æternam proficiens & de eadem consubstantiali origine divisim limitibus aqua & sanguis emanant ad complementum perfectionemq; totius iustitiæ, Sacramenta in perpetuum duratura & fontis illius ubertas perenni lapsu universam Ecclesiam irrigat & fecundat.* Inhæret S. Cypriano Franc: Lucas Brugenfis. *Quale igitur fuit spectaculum videre sanguinem & aquam ex uno eodemq; vulnere simul absq; commixtione & confusione mutua scaturientes.*

Probatur assertum 2dò. à significatione mystica, quam geminus hic liquor continebat. Sanguis & aqua lateris Dominici diversos ac distinctos effectus ac beneficia patientis Domini adsignificabant: ergo non uno sed diversis ac distinctis à se rivis defluebant. Explico antecedens. S. Augustinus l. 2. de symbolo per aquam purificationem; per sanguinem dotationem intelligit. *Sanguis & aqua quæ sunt Ecclesiæ gemina Sacramenta. Aqua, in qua est sponsa purificata; sanguis, in quo invenitur esse dotata. In isto sanguine SS. M.M. amici sponsæ stolas suas laverunt, candidasq; eas effecerunt, ad nuptias Agni invitati venerunt, à Sponso calicem acceperunt, biberunt, eiq; propinarunt.* Tertullianus suprà citatus in aqua lavacrum designat, in sanguine poculum. SS. Ambrosius & Athanasius in aqua lavacrum itidem, in sanguine pretium. S. Hieronymus Baptismum in altera, in altero Martyrium. Cyrillus Ieros: Catech: 13. *Erant duo hæc de latere iudicanti aqua, clamantibus verò sanguis.* Gentili

videli.



videlicet, (ut explicat Sylveira) iudici Pilato, in eoq; omni gentili ac genti dedit ex latere aquam in ablutionem, at verò Iudæis insidiatoribus ex sanguine damnationem. Vt qui iniuste sanguinem clamarunt ad mortem; iustissime damnarentur. Quod etiam ad incredulos ac infideles extendit Ruffinus in symb: *Produxit aquam, quæ credentes diluat, sanguinem qui condemnet incredulos.* Richardus de S. Laurentio de Laud: B. V. lib: 5. *Ad animas nostras colorandas, ait, & quasi picturandas dedit Christus ex pretioso vase corporis sui sanguinem & aquam; sanguinem ad rubricandum, aquam ad dealbandum: ut ei assimilemur, qui candidus & rubicundus est. Sine hac coloratione pallida est & discolor anima & indigna Christo Domino.* Deniq; S. Gregorius Nyssenus lib: de SS. Trinit: in duobus istis liquoribus lateris Dominici, Sacramenta novæ à purificationibus veteris legis distingvit. *Sanguinem & aquam ex Divino Dominicoq; latere fluxisse ab Evangelio docemur, non simpliciter, sed primum quidem. Ideo quod purificationes legales ad figuram & adumbrationem horum duorum tum aspersiones sanguinis, tum lustrationes peragebant; deinde verò etiam quod ubi veritas venit, summa nostræ salutis per aquam & spiritum mysticè perficitur, atq; completur. Quoniam tum per Divinum baptisma, tum per sancti sanguinis participationem & usum consecrari nos ac Divinitatem induere credimus.* Sed hæc enumerata sunt distincta: ergo eorum significativa sanguis & aqua in effluxu fuerunt distincta.

Contra sententiam nostram obijci potest. Imò. Auctoritas S. Cypriani lib: de Sion & Sina. *Percussus in latere lanceâ; sanguis & aqua mixtus profusus fluebat, unde sibi Ecclesiam Sanctam fabricavit.* Sancti item Bernardi serm: 41. *Inspice lateris aperturam, quia nec illa caret*

Kkkk

rosâ



rosa, quamvis ipsa subrubea sit propter mixturam aquæ. Sicut narrat Evangelista. &c. Ipse est enim, qui venit per aquam & non per aquam solum, sed per aquam & sanguinem optimus IESVS Christus. O Svatissime universorum Domine & Salvator, Bone IESV quales tibi condignas gratiarum referre poterò actiones, quia à principio ortus tui usq; ad mortem durissimam, imò & post mortem pro me pretiosissimum tuum sanguinem fudisti. Adverte in textu citato expressè notari mixturam. Ergo sanguis & aqua non distinctim sed mixtim ex latere Domini profluxerunt.

R. Sanctum Cyprianum in textu allegato per voculam *mixtus* non plus voluisse significare quàm eodem tempore & ex eodem vulnere profluxisse, quæ duo sufficientem dant causam, ut *mixtus* aquæ sanguis esse dicatur, qui scilicet nisi miraculo divideretur, naturaliter loquendo, commixtus effluxisset. Sive fluxisse uno tenore ac concordi fluxu non verò mutuo confusos. Porro, quòd S. Cyprianus sic explicari debeat; locus ejusdem Patris allatus in confirmatione nostræ sententiæ indicat, ubi dicit de eodem latere divisim limitibus fluxisse aquam & sanguinem. Aliàs S. Pater sibi contradiceret si semel propriè mixtum, deinde divisim limitibus fluxisse diceret. Quoniam verò Ly *divisis limitibus* explicationem nullam admittit ob claritudinem & proprietatem vocum; sequitur voculam *mixtus* impropriè sumptam sic debuisse explicari. Eàdem explicatione accipe in S. Bernardo voculam *mixtura aquæ*, &c. Maxime cum S. Abbas non aliter acceperit mixturam, quàm ex verbis S. Ioannis intellexit. At qui iam superius ostensum quomodo *sanguis & aqua* non dicant quandam ex duobus liquoribus conflata miscellam, sed duos distinctos latices. Ergo non intellexit mixturam propriè

& in



& in rigore, sed quòad tempus effluxionis simultaneum & commune orificium, potuitq; bene rosa lateris subru-bea, id est ex parte albida dici ob aquam non modò mixtim, sed etiam distinctim fluentem.

*Obijci potest 2dò.* Sangvis & aqua ex eadem vel quasi eadem sede vel receptaculo pectoris Dominici profluxerunt, ergo debebant & communi rivo fluere. Ergo non divisim sed mixtim. Probatur antecedens vel enim profluxerunt ambo liquores ex corde, vel ex pericardio; vel ex cava pericardij vena à Medicis dicta asyagos, vel utrumq; ex locis sibi vicinissimis, nec enim remota notabiliter adeò esse in concavo pectoris humani esse possunt quin uno valido ictu penetrentur. Ergo ex eadem vel quasi eadem sede. *R.* Permitto antec: sed dissentior consequentiæ: tot enim videmus flumina ex communi oc-culo terræ sive fonte scaturire, qui modico processu di-visi, & alveos & nomina diversissima sortiuntur. Quid igitur incongruum est, licet illi vivifici latices ex com-muni sede eruperint, diversis deinde rivis in terram de-currissè. Maximè, cum (ne miraculorum effectricem om-nipotentiam hoc casu cooperantem attingam,) etiam loquendo naturaliter, aqua utpote levior superiora, san-gvis utpote gravior inferiora tenere potuerit.

*Obijcitur 3tò.* Liquores lateris Dominici fuerunt præfigurati in mari rubro, nam sicut ille Pharao Egy-ptius Israël's persecutor, ita his Pharao infernalis, gene-ris humani tyrannus obrutus est ac demersus. Sed ma-re rubrum unicus erat liquor rubore tinctus: Ergo san-gvis & aqua commisceri debuerunt, ut unus liquor fie-rent; ergo mixtim fluxerunt. *R.* Fuerit sanè mare Ery-threum figura sanguinis sanctissimi quòad mysticam effi-caciam, non sequitur, quòd sanguis & aqua debuerint ef-



se similes mari, quodad omnimodam proportionem, aliàs enim & mare ingens ex latere Domini ceu cratere fundi debuisset, & aqua tantum rubens non verò sanguis cum aqua: adeòq; liquores illi ex sanctissimo latere proflui non tantum unus liquor confusione ac mixtione sed unus simplicitate esse debuissent, sicut mare simplex & incomposita erat aqua. Præterea iuxta SS. PP. noster quoq; Baptismus figuratus erat in mari rubro: ex quo salvatur Israël, hoc est homines redempti sanguine Domini; in quo mergitur Pharaon usq; hodie; id est dæmonis tyrannis, & peccatum originis: & tamen ad perfectam figuræ ac figurati harmoniam, quis in Baptismo rubentem aquam requisierit? Quinimò ut pro nostra sententia argumentum allatum militet. Rubrum mare duo habet, aquam scilicet elementarem simplicem, aquæ alteri similem, & fundum rubentem ab aqua distinctum, à quo ipsa aqua rubere videtur, nec tamen fundus miscetur aquæ, nec aqua fundo. Ergo ex latere Domini impermixti fluxerunt latices, ut duo essent. Cum impermixtis liquoribus melius figuræ respondet figuratum.

*Obijcitur 4to. In sacrificio Altaris aqua miscetur vino. Sed monet S. Synodus Tridentina præceptum esse ab Ecclesia Sacerdotibus, ut aquam vino in calice offerendo miscerent, tum, quod Christum Dominum fecisse credatur, tum etiam quia ex latere ejus aqua simul cum sanguine exierit, quod Sacramentum hac mixtione recolitur. &c.* Ergo sicut à Christo miscebatur in calice aqua vino, & nunc in memoriam sanguinis & aquæ ex latere profluerum miscentur; aperto quoq; latere non distinctis rivis sed mixtim emanarunt. R. Vera esse, quæ in antecedentibus afferuntur: ex ijs tamen intentum adversariorum minimè confici. Exijt aqua cum sanguine simul tempo-



re, non simul eodem rivo: & exijt per miraculum, cuius memoria ut innovetur, numquid toties, quoties miraculum est sensibiliter innovandum? Eucharistia est memoria mirabilium Dei, ut Mannæ, aquæ de petra, vini ex aqua, &c. & tamen sensibiliter illa miracula in pane ac vino sacro non reproducentur. Sat eximia potestas Sacerdotibus à Christo est communicata, ut potentibus ejus verbis sangvinem sub speciebus vini ponant. Vt vinum & aquam in calicem fundant, nec tamen liquores permisceant; sicut impermixtim sangvis & aqua fluebant, hanc potentiam thaumaturgam illis non communicavit.

*Obijcitur ultimò.* Aperto Domini latere in ipso liquore sacro prodijt Ecclesia, ut ait Clemens V. in Clementina de Summa Trin: & Fide. *Emissio Spiritu Christi sustinuit lanceâ perforari latus suum, ut exinde profluentibus undis aquæ & sanguinis formaretur unica, immaculata, ac Virgo S. Mater Ecclesia, Coniunx Christi, sicut de latere primi hominis soporati Eva sibi in coniugium formata.* Et S. Cyprian: lib: de Sion & Sina. *Sanguis & aqua fluebant, unde sibi Ecclesiam Sanctam fabricabat.* Idem dicunt SS. Hieronymus, Augustinus, Leo, Eucherius, Rupertus. &c. apud Sylveiram designati, tomo 5. pag: 639. col: 1. Sed Ecclesia est una. Est inquam una ex Christo, quem designabat sangvis, & ex fidelibus, quos aqua denotabat, ut S. Conc: Trident: loco citato de mystione vini cum aqua in calice sacrificij ait. *Cum aquæ in Apoc: B. Ioannis populi dicantur; ipsius populi fidelis cum capite Christo unio representatur.* Item una ex populo Hebræorum & gentibus, ita, ut postquam hi & hæ in unam Ecclesiam coaluerunt, iam, (ut Apostolus inquit,) *non sit distinctio Iudæi neq; Græci.* Et hoc significatur Dominus, teste S. Iacobo in Liturgia, teste inquam



quam oculato. *Postquam cenavit accipiens calicem & permiscens ex aqua & vino, & aspiciens in celum & benedicens dedit.* Idem tradit S. Marcus edoctus à S. Petro primario Cænæ illius conviva. *Postquam cenavit facta aqua & vini commixtione.* Idem attestantur alij Liturgici Sanctiq; Patres. Prælusit his omnibus Sapiencia, Prov: 9. *Miscuit vinum, & posuit mensam. Bibite vinum quod miscui vobis.* Enimvero licet Salazarius & alij ad sobrietatem hæc meritò referant si corticem literæ attendas; tamen Sacrum Historicum nucleum spectasse, & ad Eucharisticum Convivium quod Christus ipsa Sapiencia extruxit, respexisse nemo negat. Et Cæsarius Arelaten: Rabbi Samuel ac Scortia ab Hautino citati missionem calicis præsignasse arbitrantur. Accedit autoritas Florentini Tridentiniq; Conciliorum quæ sanxerunt aquam in sacrificio admiscendâ vino. Quia ipse Deus hanc sanctionem miraculis ratam habuit. Sic S. Dunstino Archiepiscopo Cantuariensi ad sacra cum aqua deesset; Dei nutu ex silice profluxit, qui deinceps perpetuos atq; uberes rivos aquæ emisit. Sancto quoq; Austregisilo Ep: Bituricensi eadem penuriâ ad Altare laboranti, crater aquâ plenus cælitus demissus est. Sed hæc omnia ostendunt cordi Christo fuisse ac esse debuisse istam misturam plenam mysterij, in qua & unionem populi fidelis secum, ut cum capite & ad unationem populorum in unam Ecclesiam demonstraret: Ergo rivus aquæ & sanguinis fluxit unus ac indistinctus. Ergo mixtum. Confirmatur ex S. Chrysost: hom: 24. in 1. Corinth: 10. *Quid est in calice? quod ex latere fluxit.* Sed in calice quodâ species vinum est & aqua mixta ac indistincta: & significant Ecclesiam in unum cum Christo corpus ex diversitate gentium coalescere. Ergo quod fluxit ex latere, fuit indistinctum



stinētum, hoc est mixtum. **R.** Verissimum esse quod latere Domini aperto Ecclesia prognata sit, eaq; una iuxta Cant: 6. *Vna est columba mea, perfecta mea; &c.* Verum ista unitas excludit quidem omnem numerum pluralem; sed non infert talem simplicitatem, quæ omni careat compositione. Sicut licet homo sit in se unus, nihil tamen obstat quominus constet distinctis partibus essentialibus corpore & animâ. Quemadmodum ergo licet Ecclesia adunetur moraliter & mysticè ex Christo & Fidelibus; Christus tamen & Fideles sunt res à se distinctæ & realiter divisæ: Item licet confletur ex Gentibus ac Iudæis; Iudæi tamen ac gentes quantumcunq; sint unum atq; idem unione Fidei ac charitatis, (intellige de Hebræis & Gentibus Fidem complexis.) Non sunt nihilominus unum ac idem ratione gentis & patriæ, ut videre est act: 6. sed alij atq; alij. Imò quamvis multi Sancti excessivâ charitate Dei Patriæ generisq; obliviscantur, eaque abnegent, ut interrogati etiam iuxta S. Cypriani doctrinam respondeant. *Nomen mihi Christianus, cognomen Catholicus.* Quamvis, inquam sic omni pessumdanda nationalitate omnes unius patriæ spiritualis, omnes unius matris & moris in una domo Dei fiant: in re tamen ipsa quâ quisq; gente est, in quovis manet indelebiter. Vnde in ipsis Martyrologijs gentes ac civitates divorum, quas illustrarunt suo ortu, designantur, hic Romanus, ille Atheniensis, *vg.* hic Polonus, ille Anglus, &c. Similiter ergo sanguis & aqua utriusq; istius rei significatrix bene poterat unionem Ecclesiæ significare quod ex uno eodemq; lateris Dominici fonte eruperit: nec ob id ipsum oportebat fluere uno communi rivo sive mixtim; quinimò divisim ad Gentes Hebræosq; significandos; ad significandum Sponsum sanguinem IESVM, & ejus fidelem



lem populum. Ad confirmationem dico idem esse in calice sacro quod fluxit ex latere, idem inquam quoad substantiam, non quoad modum. Nam quæ fluebant ex latere sanguis & aqua, per miraculum separata; eadem sunt in calice quò ad species naturaliter confusa ut aqua à vino discerni nequeat. Deniq; si *Ecclesia sit & consistit per Sacramenta*, ut ait Theophylactus ex S. Chrysostomo: et si Sacramenta ex latere Domini manarunt: necesse foret non plura esse diversa, sed unum ex pluribus conflari Sacramentum, aut saltem Baptismum & Eucharistiam unum coniunctumq; esse Sacramentum. Si verum esset (quòd quidam contendunt) mixtim fluxisse sanguinem Eucharistiæ, & aquam Baptismi significatricem. Siquidem, quia idem liquores figurabant unionem Christi cum Fidelibus & populorum fidelium invicem: adeò pertinaciter similtas horum liquorum inferitur. Bene Ioan: Novatus c. 18. q. 31. tomo 1. ait. Ad prædicta distincta Sacramenta distinctius significanda magis erant apta sanguis & aqua impermixta. Ergo rationabiliter asseritur à Divina Sapientia præscriptum esse, ut sanguis & aqua separatim fluerent ab aperto Christi latere.

### Corollaria.

*Imò.* Si inter cæteras rationes ideo etiam aqua ex latere Domini fluxit, ut verum corpus & ex 4. elementis compactum testaretur; cur inquam non aliud quoddam elementum cum sanguine prodijt, sed aqua duntaxat? Nonne ad contestandum amorem ardentissimum posset maiore miraculo ebullire flamma? posset apparere terra, ut ostenderet se terræ nostræ originali consanguineum, eamq; cordi sibi adeò fuisse, ut sanguine suo ejus noxas dilueret. Posset & aërem ex eadem apertura expirare, ut ex corde suo spiraculum vitæ reviviscenti ad gratiam



tiam orbi inhalaret, ut Aura illa Divinissima æreas potestates exsufflaret, elementumq; quo respiramus purificaret. Cur ergo his omissis aquam fundere placuit? R. Non ærem dedit ex latere, videri enim non posset: effectus verò quos ex hoc elemento desiderare possemus, præstitit ultimus halitus morientis in Cruce Salvatoris. Non terram, ut nihil cum terra cordi suo esse rebusq; terrenis ostenderet, alias professus *Regnum meum non est de hoc mundo*. Utq; nos à terra quàm maximè in se abstraheret, *cum exaltatus fuero omnia traham ad me*. Utque ex eo quàm minimum negotij cum terra habere disceremus. Non etiam ignis ex eo clibanò amoris ebullit: quia hic licet amorem significet, magis tamen & expressius designat iræ vindicis furorem Ps. 28. *Velut ignis zelus tuus*. Ne igitur iam olim fulminibus Divinæ maledictionis afflati, & ad rogi ignis æterni devoti præsens supplicium in nos effundi timeremus; igne abstinuit. Non effudit ignem velut Elias in suos comprehensores regios satellites, salvare enim venit non perdere. Ignem amoris, quem mittere venit in terram, ad amabile Pentecostes incendium; ad illam amoris Divini æstatem distulit salutarem æstum. In præsentiarum aquam profudit, ut ardentem in nos iram Patris æterni extingveret, ut æstus pravarum cupiditatum in nobis refrigeraret: ut copiosam & instar aquæ diffusam redemptionem proteflaretur. Vide, ut Divinæ Personæ communia sibi aliqui ad extra opera, minimè tamen præripiant, nec altera alterius munia invadat, ut simili nos erga proximos officij disciplinâ imbuant. Amor proprius est Spiritui Sancto, qui procedit per voluntatem Patris & Filij: Sapientia propria Filio, qui gignitur per intellectum Patris. Ignem igitur spargendum in orbem, qui amorem



significat iuxta illud Cant: 8. *Lampades ejus lampades ignis atq; flammarum*: relinquit Spiritui Sancto. Aquâ verò quæ Sapientia symbolum est, *aquâ inquam Sapientia salutaris potat mundum*, Eccli: 15. *tanquam imbres mittit eloquia* (ex ipso corde) *Sapientia sua*, Eccli: 39. Prodigium erat, quòd in Martyre Dei P. Rocho Gozalez ab Indis Americanis interempto ipsum cor post mortem loqueretur: maius longè prodigium amoris ubi ex corde Dei totum flumen tacitæ quidem sed potentis orationis evolvitur. O Domine! ô Verbum aperto latere! ô! Sapientia ipso corde loquens, Funditur in terram eloquium tuum, liquores tui: *sed & de terra loqueris, & de humo audietur eloquium tuum: & de humo eloquium tuum mustabit*. Isai: 29. Si aqua non perfradet, convincit adiunctus sanguis. Si nec sanguis proficit, aquâ cor illud amoris plenum lacrymatur, quod olim iustas in iras cogitur exardescere. Prodit aqua de latere tuo studiosissime incrementorum nostrorum Operarie, ut terra nostra det fructum suum

Non(enim) tantum sacri fontes incendia sistunt

Illi hortos virides & sata læta rigant

Deniq; Testamentum vetus cùm in Sina Moyfi tradere-  
tur, concrepabant tonitrua; micabant fulgura; detona-  
bant fulmina; ignesq; cælestes velut una se acie metuen-  
dos præbuerunt. Quid hoc? audiamus S. Cyrill: Alex: *Descendit Dominus universorum in specie ignis, cur quæso? sanè, quando promulgaturus illis erat legem, tunc salubriter admodum in ignis specie descendisse visus est, nempe quòd tunc transgressores legis intelligerent rem sibi cum igne fore*. Sanguis novi Testamenti fluxit è latere Domini, ignem comitem non habuit, non minacem satellitem: sed aquam elementum clementius, quia legem clementia &

gra-



gratix comitabatur, 2dò. Pectus IESV est templum Sanctissimum mirabile in æquitate, in quo cor ara iugis sacrificij. *Latus miles aperuit & templi Sancti parietem patefecit: & ego thesaurum præclarum inveni, & fulgentes divitias me gratulor reperire.* S. Chrysost: hom: ad Neoph. Moris fuit semper estq; ante templa fontes publicos poni, Turcæ quoq; impurissimi teste Georgevitzio, dum sana precaturi adeunt, pedes manusq; lavant aliasq; corporis partes ac postremo ter aquâ caput aspergunt, rati hoc ritu abstergi maculas mentis, quas templo inferre nefas arbitrantur. Hebræi quoq; dum se ad orandum comparant, manus emundant. De Christianis loquitur Orator aureus S. Chrysost: cum ingeniosa allusione. *Quemadmodum solenne est ut fontes præstò sint ante oratoria, ut adoraturi Deum, manus prius lotas interpretandum attollant: ita pauperes fontium vice ante templa collocarunt maiores nostri, ut non aliter quàm manus abluimus aquâ, prius per beneficentiam abstersâ animâ, tum demum preces nostras offeramus.* Cæterum alia quædam consuetudo ad fores templorum ab Alexandro Papa M. sub Adriano Imp: inducta ponendi aquam hodieq; perseverat, non ad abluendas manus, sed animos emaculandos. Habet enim propter Ecclesiæ preces ac benedictionem vim quandam noxas abluendi. Iam ante templum pectoris Dominici, quod Sanctuarium ut intremus apertum stat, qui fontes? en aquam, en sanguinem, ex cornu Altaris ipsius dextro, id est cordis, effluentem: his emundemur, ut casti & puri iuxta adyti sanctitatem intremus.

3tio. Aqua lateris Dominici non tantum Baptismum, sed etiam lacrymas piorum & sudores Confessorum denotat. Nam ex Domini sanguine uterq; hic latex efficaciam



am fortitur. De lacrymis pulchrè Hautinus in Sacramento amoris l. 1. c. 4. art: 2. dist: 1. Aqua manavit, ut Baptismum significaret, non eum duntaxat qui ianua Ecclesiæ & primum Sacramentum est, sed & illum lacrymarum quibus mens Sanctorum hominum ad Eucharistici mysterij contemplationem perfusa est &c. Aqua sanctorum lacrymarum effusionem Eucharistici sanguinis ejusq; contemplationem sequitur. Porro totus sanguis effusus ex latere in signum totius effusi amoris: lacrymæ verò ideo fluunt, quòd in Eucharistiam totus Christi amor ipsiusq; dona simul cum amore effusa sunt. Hinc illæ Sanctorum lacrymæ. Hinc S. Ignatius inter sacrificandum totus madebat illis aquis quæ ex corde IESU scaturientes illius primò animum, deinde corpus perfleebant. S. Philippus Neri inter operandum ad Aram præ vi binorum ex oculis torrentium interquiescere cogebatur. S. Lydvina Virgo totos; 15. dies ab accepta communionem continenter in lacrymas liquecebat. Arnoldus Kærmannus Carthusianus dum litaret Sacra Hostiâ perennibus infundebatur lacrymis, quâ de re in capitulo generali correptus à Patribus veritis ne fluxio tanta oculis perniciem adferret, reposuit humiliter S. Francisci dictum. Ob vilem ac brevem luminis usuram, quæ nobis cum muscis communis est, non oportet gratiam Salvatoris abijcere. P. Paulus Ioseph de Arriaga S. I. cum in sacrificio pijs motibus Divinisq; sensus à bono Christo continenter recrearetur; perennes aquæ suâ copiâ sulcos in ejus facie duxerunt. O! Domine da mihi hanc aquam, Ioan: 4. De sudore laborioso nihil quoq; dubium est, quòd non nisi adiunctus sanguini Domini mereatur præmia. Et quidem tam aqua lacrymarum, quàm sudoris cum ipso Martyrij sanguine passu æquali in-



incedunt, cum in corde IESV, hoc est ejus amore ori-  
 untur & ex eo profluunt. Certè Francisco Suario tem-  
 poris sui Augustino in Theologicis (hunc ei titulum de-  
 dit Præful Conimbricensis haud immeritò) dum summo-  
 pere in animo angeretur, quòd non se totum effunderet  
 in mortificationes & crucem etiam exteriorem, consul-  
 tissimus quidam Asceta respondit. Deum ab eo non san-  
 gvinis sed atramenti vectigal exigere, ne igitur alterum  
 pro altero sacrificium supponeret, nec immodicà vexa-  
 tione conficeret iumentum, à quo Christus in triumpho  
 gestandus. Literaria (aiebat ille,) Crux sensim instar linæ  
 vitam atterit; quo sensu & Eccli: 1. dicitur hæc occupa-  
 tio pessima, & à S. Bernardo asperitate mitius, sed diutur-  
 nitate molestius martyrium. Cui non contigit pro Domi-  
 no fundere sangvinem, ab eo acceptat atramentum: sed  
 præsertim fundat aquam doloris ac amoris, fundat sudo-  
 rem laboris. Non vilior Christo aqua sanguine: simul  
 fluunt, cum simul oriuntur. E contrà non modò aqua,  
 sed etiam sangvis ipsè martyrij nisi ex corde Christi sca-  
 turiat, in eodemq; perseveret; in terra disperit: iuxta Ie-  
 rem 17. *Omnes qui te derelinquunt confundentur & rece-  
 dentes à te in terra scribentur.* Et iuxta imprecationem  
 Iacobi in filium suum Ruben vibratam. *Effusus es sicut  
 aqua non crescas.* Deniq; iuxta Apostolum 1. Cor: 13.  
*Si tradidero corpus meum ita ut ardeam, charitatem au-  
 tem non habuero, nihil sum.* In quem locum Cornel: plu-  
 ra & eximia. Ex illo hæc excerpto. Martyrium quidem,  
 ut martyrium est; verè & propriè non potest esse sine  
 charitate. Actus enim hic nobilissimus elicitur quidem à  
 fortitudine, sed imperatur à charitate seu ab alia virtute  
 manante ex generali dilectione Dei. Verùm (conditiona-  
 tè loquendo) si martyrium esse posset sine charitate, ni-

hil



hil mereretur ad salutem. Talia profectò erant materialia & impropria maximè martyria. Ut corporum illarum traditiones in mortem pro patria apud Ethnicos, cum *vg.* Curtius pro patria se devovens, in terrarum hiatus se conijceret placaturus Deos infernales, ne scilicet amplius pestilente halitu Romam inficerent. Talis & Scævola, qui aberrantem in cæde Porcennæ Regis manum suam igne spontaneo castigabat, dictans. *Ut scias quam vile sit nobis corpus gloriam spectantibus.* Ejusdem gloriæ honestæ causa multa perpeßum Philippum Macedonem Demosthenes meminit, quanquam in illo imperij quoq; se miscuit cupido. *Videbam,* inquit, *ipsum Philippum quò cum certamus pro imperio principatûq;, oculo effossum, humero fractum, manus crureq;, oblesum, omne deniq;, corporis membrum quod fortuna auferre voluisset, id ultro offerentem ut de cætero vitam cum gloriâ & honore ageret.* Mitto sexcenta ejusmodi exempla, & qui pro amicis aliave honestâ causâ vulnera morteq; sustinerunt: (Nam, qui vanam gloriam commodè suum spectarunt, in hunc censum non veniunt) omnes isti, quia caruerunt supernaturali charitate Dei, martyrijs ejusmodi nihil ad salutem promeruerunt. Sed neq; Christianis ipsis plus prodesset martyrium, si in statu peccati mortalis *vg.* in hæresi, schismate, odio proximi implacabili, aut quâcunque mortaliter peccandi voluntate ad martyrium procederent: nisi in ipso supplicio charitatem prævio dolore de peccatis recuperarent. Nihil ergo ipsum martyrium prodest nisi vel antecedit; vel adsit, vel sequatur charitas, sive ut principium, sive ut terminus & effectus martyrij. *Sine charitate nihil, licet excellens prodest, cum charitate omnia, licet vilia prosunt, fiuntq;, aurea & Divina,* ait S. Anselm. Cum charitate etiam aqua sanguinem

nem  
Tanta  
Si ad  
47  
narum  
erudit  
dam r  
imago  
habet  
ment  
micu  
ius tur  
per illu  
si ad r  
mum  
rebus  
per sa  
plebe  
nimit  
omni  
distin  
nam  
liter  
quàm  
aqua  
verò  
clarit  
  
tere  
descr  
in Ri  
teri c



nem æquat merito, sine charitate nec sanguis aquam.  
*Tanta est charitas, quæ si desit, frustra habentur cetera.*  
*Si adsit, habentur omnia.* Pronuntiat S. Augustinus.

4<sup>to</sup>. Per sanguinem virtus quæ animarum Christianarum succus melior & sanguis est: per aquam literatura eruditioq; potest intelligi. Quæ licet vita quoq; sit quædam mentium; *nam sine doctrina quid homo nisi mortis imago?* respectivè tamen ad pietatem ac virtutem ita se habet, ut aqua ad sanguinem. Vt igitur sit alicujus momenti apud Deum; ex corde Christi procedat, & unanimiti cum sanguine passu incedat. Vnde & Petrarcha. *Maius tutiusq; est virtute quàm literis clarum fieri: itaq; semper illud optabile, & illud formidabile res ostendit. Quod si ad virtutem animi, lumen literarum accesserit: tum demum consummatum atq; perfectum est, eà quidem si qua in rebus humanis perfectio esse potest.* Potest eodem tenore per sanguinem generis claritas: per aquam, vulgare & plebeium genus designari. O! felices hi liquores si unanimiter e corde IESV scaturiant. Cessaret omnis fastus, omnis rebelilo. Humana quidem apprehensio natales distingvit; Christo autem cordi sunt æqualiter: & utinam abiectis noxijs contentionibus de præstantia, æqualiter esse cordi adhaerent. Non alius sanguis illustris quàm qui cordis & lateris IESV conscius est, unde si & aqua scaturiat, sanguini illustrissimo cuius non decedit. At verò sanguis à latere cordeq; IESV alienus, quantavis claritate originis se iactet, aqua ipsa est ignobilior.

5<sup>to</sup>. Elicitur à quibusdam violentis identidem e latere Christi sanguis & aqua. Recito horribile exemplum descriptum à Rogerio Hovedem Annal: Angl: part: post: in Richardo 7. Eodem anno Haymo de Volonis & cæteri cùstodes Hiberniæ homines Comitis Ioannis Fratris

Ri-



Richardi Regis Angliæ, iniurias maximas fecerunt Ioanni Cymin Dublinensi Archiepiscopo: unde idem Archiepiscopus malens exulare, quam enormitates illas sibi & Ecclesiæ suæ factas diutius sustinere impunitas, excommunicavit prædictos præsumptores & interdicti sententiam dedit in Archiepiscopatum suum, & abiit; præcepitq; cruces & imagines Cathedralis Ecclesiæ in terram deponi & spinis circumdari, ut sic malefactores illi tererentur, & à voluntate sæviendi in bona Ecclesiæ revocarentur. Sed dum adhuc in proposito malignandi perseverarent, contigit miraculum nostris temporibus inauditum. Erat siquidem in Cathedrali Ecclesia de Diveilin quædam Crux in qua imago Christi expressius incisa, quam omnes tam Hibernienses quam cæteri in maxima veneratione habebant. Cum autem hæc imago esset prostrata & spinis circumsepta; feria sexta facta est in agone, & apparuit facies ejus suffusa rubore vehementi velut esset in camino ardenti; & sudor magnus exivit à facie ejus, & ab oculis ejus cadebant guttulæ acsi fletet: horâ autem diei illius sexta à dextro illius latere, & à dextra illius mamilla exivit sanguis & aqua. Quæ Ministri Ecclesiæ diligenter colligentes, miserunt legationem post Ioannem Cymin Archiepiscopum suum, mandantes ei hujus rei eventum sub sigillorum venerabilium virorum testimonio, Domino Papæ insinuandum &c. &c. Hæc formalia citatus historicus, ex quibus constat quid patiatur IESVS cum Sponsa ejus affigitur Ecclesia. Similes enim verò natales Ecclesiæ ex Christi latere natalibus Verbi Divini ex Patris ore. Prodivit ante omnia sæcula ab æterno ex ore Altissimi Sapientia; in eodem tamen ore in sæcula residet, quia semper prodit ac prodibit. Eodem modo nata est Ecclesia ex latere Christi,

& in



& in eodem latere cordeq; semper manet, quia semper il-  
 linc nascitur, illic fovetur. Utq; Eva sumpta de Adæ  
 latere aliquid ejus esse non cessavit, sed duo in una ear-  
 ne manserunt: ita hæc melior Eva Mater viventium in la-  
 tere ex quo orta est, nunquam esse definit desinetve.  
 Adeoq; nunquam potest Ecclesia impeti nisi per latus,  
 per cor Christi, intra quod residet: non potest vulnerari  
 nisi latus corq; Domini iterum convulneretur. Non po-  
 test militibus lanceis substantia ejus extrahi; nisi san-  
 gvis & aqua renovato Longini sacrilegio rursus ex ipso  
 Christo eliciatur. Pecuniam homines sanguinem suum  
 reputare & appellare solent, quâ de re pulcherrimum S.  
 Augustini locum hic interfero. *Clamas quantum potes  
 & calum invidiosus pulsas vocibus sanguinem meum pro  
 te dedi serve nequam, & omnes qui audiunt inquirunt, te-  
 rum dicit. Si tibi autem respondere sic inveniendi & cla-  
 manti ipse tuus servus non erubesceret, si tibi diceret, quem  
 rogo te sanguinem pro me dedisti, quando me emisisti; nec  
 saltem te phlebotomasti. Sed sanguinem tuum pecuniam  
 vocas, tantum amas pecuniam tuam, ut eam appelles san-  
 guinem tuum. De voce tua te convincit Dominus tuus,  
 vocas pecuniam tuam sanguinem tuum, & ideo exigis à  
 servo tuo fidem, quia pro eo dedisti non utiq; sanguinem  
 tuum, sed nummos aut aurum. Ego quid dederim recolis?  
 tabulas tuas lege si non recolis, lege pro te mortem Salva-  
 toris, lanceam percussoris, pretium redemptionis. Potest &  
 homo vivens venâ percussâ dare sanguinem suum, & ta-  
 men vivere. Plus est quod tibi dicit Dominus tuus, non  
 de me vivente sanguis expressus est, sanguine meo te emi.  
 Addo morte mea te emi, quid habes quod dicas? redde fi-  
 dem Domino tuo, quam exigis à servo tuo. Serm: 5. ex  
 40. noviter repertis. Ex allegato textu constat sangvi-*

Mmmmm

nis



nis locò pecuniam hominibus esse. Pecunia autem & substantia Ecclesiæ, sanguis sunt ipsius Christi; sunt quoddam Sacramentum profana manu non attrectandum, maximè invito Domino. Sunt pretia ac redemptio peccatorum. Si igitur pretium illud quo Dominus ad redemptionem nostram venditus est, quod etiam sanguis Domini quodammodo dici potuit, non fuit nisi in pios usus expendi: quomodo licebit fortunas Ecclesiarum, sanguinem itidem Christi temerè ex latere ejus profundi in terram, hoc est usus terrenos ac pessumdari? Addo huc spectantia S. Maximi Taurinensis verba hom: de Iuda. *Videte quanta vis Dominica sit pecunia, quam inde Iudas reijcit, hinc Pharisei in loculos non recludunt. Iusti enim sanguinis pretium pertimescit iniquitas possidere. Concilium tamen ineunt Pharisei ut ex ea ager figuli comparatur, in quo peregrinorum corpora collocentur. Quòd quidem Dei providentià factum puto, ut pretium Salvatoris non peccatoribus sumptum præbeat, sed peregrinis requiem subministret. Non sacrilegis sit ad lusum, sed defunctis ad sepulchrum.* Quanta ergo eorum impietas, qui & cum Longino sanguinem è latere Domini eliciunt, cum Ecclesiarum bona exactionibus vastant; & Iudam Phariseosq; ipsos malitià superant, cum sumptus illos in causas pias destinatos postquam vi Ecclesijs rapuerint, profanis & plerumq; malis usibus consumunt.

670. Baptista Novatus tom: 1. c. 18. q. 31. Probabilissimum esse putat, quòd B. V. MARIA sanguinem ab aqua separatum è latere Christi effusum collegerit ne scilicet in terra conculcarentur illæ gemmæ inæstimabiles. Idq; ut cooperaretur rectæ dispositioni Divinæ Sapientiæ, quæ ex latere Domini sanguinem aquâ permixtum profudit. Hoc est B. V. collegit sanguinem,  
hunc

hunc enim  
hæc enim  
num a  
dorum f  
et pen  
in terra  
terra se  
rescere  
huc en  
labimus  
humus

E Rup  
tere  
Progre  
lum te  
mon h  
equita  
incensi  
pratex  
lis rup  
etum v  
imò. d  
unum  
rum p  
cit S.  
tabern  
legatu  
tificer  
tiâ, Fr



hunc enim terra non combiberat: non collegit aquam, hæc enim in terram penetraverat. Vnde infer negligi deum à B. V. MARIA quantumvis peccatorum salvandorum studiosissima, eos, qui cum terra se inseparabili affectu penetrant. Estimari ab ea sanguinem Filij sui etiam in terra, hoc est in hominibus terrenis; sed qui tamen à terra se avelli permittant. At verò aquam diffusam exarescere finit in terra, in quam intimè descendit. Servit huc energia illa Scripturæ 2. Reg: c. 14. *Sicut aque dilabimur in terram que non revertuntur.* Cave homo, ita humus te sorbeat, ut ne Virgo potens, possit recolligere.

XCVIII.

### *Cur Velum templi scissum?*

**E**Rupit rubrum pelagus copiosæ propitiationis è latere Domini: Vela quoq; pelago deesse non debent. Progredimur itaq; à discisso latere IESV ad scissum velum templi Salomonici. Quanquam si *plùs quàm Salomon hic*, Matth: 12. Si pectus ejus templum *mirabile in æquitate*, si præcordia *Sancta Sanctorum*, si cor *altare incensi* amoris; latus quoq; ejus extimum his omnibus prætextum velum templi dici poterat. Hoc ubi crudelis rupisset lancea, quid mirum si alterum minùs utiq; sanctum vi compassionis rumperetur. De hoc velo prænoto imò. duplex fuisse Hierosolymis velum templi. Exteriùs unum ante *Sancta*, interiùs alterum ante *Sancta Sanctorum* prætensum. Primi illius expressam mentionem facit S. Paulus Hebr: 9. *Post velamentum autem secundum tabernaculum, quod dicitur Sancta Sanctorum.* Aristeas legatus à Ptolomæo Philadelpho Egypti Rege ad Pontificem Eleazarum Sacræ Scripturæ impenetrandæ gratiâ, Fratri Philocrati *iter* suum describens, hoc velum vo-

Mmm2

cat



cat spectaculum iucundissimum, quo nunquam facile satiari possis, præsertim cum illud undante vento crispatur. Iosephus quoque Iudæus Solymæum templum unâ cum hoc velamine (quod aulæum vocat,) depingens. *Forres habebat* (inquit) *aureas quinque cubitis altas, sedecim latus, ad hæc aulæum longitudine pari, hoc est velum Babylonicum hyacintho & bysso & cocco & purpura variatum, mirabili opere factum, neque contemplationis experts colorum permixtione, sed velut omnium rerum imaginem præferens. Cocco enim videbatur ignem imitari, & abyssio terram, & hyacintho ærem ac mare purpurâ, partim quidem coloribus, bysso autem & purpurâ origine, quoniam byssum quidem terra, mare autem purpuram gignit. Eratque in eo perscripta omnis celi ratio, præter signa. Introgressos autem inferior pars excipiebat, cuius altitudo quidem habebat 60. cubitos, & longitudo totidem, latitudo 20. &c.*

Prænoto addo. quod nam ex his duobus velis scissum sit? variare Scriptores. Origenes & S. Hieronymus epl: 150. ad Hedibiam de velo exteriori scisso Evangelistas interpretatur. *Mibi videtur in Passione Domini illud velum esse conscissum, quod in tabernaculo & in templo foris possum erat, & appellabatur exterius. Quia nunc ex parte videmus & ex parte cognoscimus: Cum autem venerit, quod perfectum est; tunc & velum interius dirumpendum est, ut omnia quæ nunc nobis abscondita sunt, domus Dei Sacramenta videamus. Videamus quid significant duo Cherubim? quid oraculum? quid vas aureum in quo manna reconditum fuerat? Nunc enim per speculum videmus in enigmate: & cum historie nobis velum scissum sit ut ingrediamur atrium Dei; tamen secreta ejus & universa mysteria quæ in cælesti Hierusalem clausa tenentur, scire non possumus.* S. verò Leo serm: 1. de Pass: D. c. 5. interius

ve-



velum disruptum opinatur. Vocibus inquit, vestris stul-  
 tis (ô Iudæi) atq; blasphemis reddunt omnia elementa re-  
 sponsum, & unam in vos ferunt sententiam cælum, terra,  
 sol, sideraq; indignos vos esse suo ministerio protestantes ter-  
 ribili motu insolitoq; defectu tenebras mundo vestra cecita-  
 tis ostendunt. Quodsi ad arguendum vos nec cælestia nec  
 terrena sufficiunt, & Crucem Christi magis potuerunt pe-  
 træ atq; monumenta, quàm corda vestra sentire; saltem  
 quod in templo actum est, scienter advertite. Velum, cuius  
 obiectu includebantur Sancta Sanctorum, à summo usq;  
 ad ima disruptum est, & sacrum illud mysticumq; secretum,  
 quod solus Summus Pontifex iussus erat intrare reſeratum  
 est, ut iam nihil esset discretionis, uti nihil resederat san-  
 ctitatis. Repudiatos itaq; vos debuistis agnoscere & o-  
 mne ius Sacerdotij perdidisse &c. Eandem opinionem re-  
 petit S. Papa serm: 17. & suprâ innuerat serm: 2. & 8. I-  
 dem sentiunt S. Cyrill: Alex: Euthymius, Caetanus, &  
 communiter, recentiores. Nam hoc velum ante Sancta  
 Sanctorum erat Sanctissimum, absolutèq; velum diceba-  
 tur, quia semper velabat Sanctum Sanctorum; hoc enim  
 semper clausum erat excepto die expiationis semel in  
 anno quo solus Pontifex illud expiaturus ingrediebatur.  
 De quo lege Levitici cap: 16. Quod autem hoc velum  
 scissum esset per medium in duas partes, magno miracu-  
 lo factum est: nam hoc velum ut tradunt Hebræi tam  
 densum ac grossum erat, ut densitas ejus 4. digitorum  
 esset, nec ullo modo transluceret & intextas figuras com-  
 modè repræsenteret. Habebat hoc velum intextos Che-  
 rubinos, ut aliqui observant apud Sylveiram, ex quo i-  
 stas periodos mutuati sumus. Addit Bourghesius. For-  
 tē unicum tunc velum erat, nutante iam scilicet religio-  
 ne veteri ac intepescente circa decorem domus Dei soli-  
 tudine



itudine Pontificum. *Et sumitur pro precipuo.* Alij nihilominus quibus consentit Salmeron utrumq; velum laceratum affirmant. Quidquid sit de velorum numero.

Ratio scissionis 1. Humanitas Christi (ut ait doctissimus Raynaudus in Christo Deo-Homine l. 2. sec. 5. c. 3. pag: 167.) & Caro ejus, quæ receptissima phrasi *Velamen Divinitatis* dicitur; violenta morte fuit discissa: solutâ scilicet unione inter corpus & animam, & caro ipsa concisa plagis, nervorumq; compage pene dissoluta. Ut ergo hoc significaretur, velum quoq; templi discissum est. Explico rationem ejusdem authoris cogitationibus. Ait ille §260. loco citato Anastasium Sinaitam lib: 9. & 10. præter alias plerasq; inter Christum Adamumq; antitheses ac similitudines hanc etiam adferre. Adamum scilicet dupliciter considerari posse, imò nudum, qualis erat ante peccatum: 2. d. vestitum, qualis fuit posito peccato. Deus enim miseratus hominis iam obnoxij tot incommodis sortem deterrimam, vestivit eum tunicâ pelliceâ. Priorem statum ait fuisse verbi ante Incarnationem. At ubi propter peccatum facta est Incarnatio, ventum est ad vestimentum & posteriorem statum Adæ. Verba ipsius Anastasij sunt. *Quomodo nulla alia natura à Deo facta nuda opus habuit tegumento, nisi solus homo? Nam & Angeli, & fere, & iumenta, & volucres, & quadrupedes, & maximè reptilia à Deo creata sunt nuda: Nequē ullum ex his fuit indutum nisi solus homo.* In ipsis ergo protoplastis nudationem intelligis, idq; simul & typicè & præfigurativè à Deo factum esse in Christo & Ecclesia in initijs. Non enim qui omnem essentiam tam ratione præditam, quàm expertem rationis est fabricatus per se indutam; non poterat facillè efficere hominem non egentem in tegumentis: Sed quoniam Deus Verbum, qui erat ab initio

nudus



*nudus & incompofitus, à Deo erat componendus & induen-*  
*du pelliceam nestræ carnis tunicam Caro factus & habi-*  
*tans in nobis; ideo Deus Adam hominem fecundi Adami*  
*prototypum nudum condidit &c.* In eandem sententiam  
 loquentem adi (fi placet) S. Bernardum serm: 28. in Can-  
 tica. Quidni huc referre liceat quòd Deus circum datâ A-  
 damo veste pelliceâ dixisse fertur. *Ecce Adam factus si-*  
*cut unus ex nobis.* Nam quamvis sarcasum sive ama-  
 ram derisionem humanæ insanix. S. Prosper hic agno-  
 scat l. cont: Collatorem c. 21. tamen Tertullianus lib:  
 2. in Marcion: c. 25. & Richard: Victorin: l. 1. de Em-  
 man: cap: 19. accipiunt verba tanquam seriò dicta ad  
 prænunciationem & expressionem Incarnationis, quâ po-  
 sita Adam futurus erat similis Verbo incarnato, uni Per-  
 sonæ ex tribus Divinis. Quâ de re vide fufius tractan-  
 tem Raynaudum. Ad rem nostram hoc facit, quòd Dei  
 Filius fumendo humanitatem nostram Divinitati suæ tam  
 vestem circumdederit, quàm velum prætexuerit: ut enim  
 vestis velum est corporis; ita corpus in Christo velum  
 fuit Divinitatis. Cum ergo velum templi scinderetur,  
 scissum Velamen Divinitatis nempe Sanctissimam Hu-  
 manitatem sublatâ passim unione integrali inter artus  
 vulneratos, sublata unione essentiali inter animam & cor-  
 pus testabatur. Confirmatur ratio connexionem verbo-  
 rum S. Matthæi, qui cum dixisset IESVM clamantem  
 voce magnâ emisisse Spiritum, continuò subiecit. *Et ec-*  
*ce velum templi scissum est,* satis expresse (ut observat De-  
 la Haye) tunc esse scissum innuens cum IESVS emisit Spi-  
 ritum. Ipsa particula *ecce* significans & emphatica est val-  
 de. Sicut enim in mortibus virorum illustrium quædam  
 prodigia eveniunt: ita ecce particula admirandi ac de-  
 monstrandi, hoc prodigium veli scissi ad scissam humani-  
 tatem



tatem Domini pertinuisse indigitat. Ac si diceret magnum prodigium erat subito & nulla vi extrinseca urgente velum templi tam grossum ac firmum scindi, malus longè Humanitatem Christi operâ Spiritûs Sancti alligatam dissolvi.

Ratio 2da. Siquidem velum templi ut suprà ex Iosepho retuli totius universi ejusq; elementorum gerebat figuram, ut ergo totum mundum lugere, consternariq; evidens esset, velum illud lacerari sensumq; doloris & gravissimæ consternationis præbere oportuit. Quidni enim in imagine sua mundus acerbissimi doloris præferret sensum; si etiam in se ipso illum defacto contestabatur sole pullam induto, squaliente cælo, tremente solo, gemente salo, ruptis rupibus, concussis tumultis, defunctis quin etiam corporibus ad communionem luctus, (quem viventes præfractè inficiabantur) excitatis. Audiamus de hoc mundi luctuoso tumultu S. Leonem serm. 6. de Pass. *Pendente in patibulo Creatore universa creatura congemuit, & Crucis clavos omnia simul elementa senserunt, nihil ab illo supplicio liberum fuit. Hoc in communionem sui & terram traxit & cælum, hoc petras rupit, monumenta aperuit, inferna resevit, & densarum horrore tenebrarum radios solis abscondit. Debebat hoc testimonium suo mundus auctori, ut in occasu Conditoris sui vellent universa finire.* Similia habet serm. 2. c. 2. & serm. 4. c. 4. item serm. 8. c. 7. S. Bernard: serm. in serm. 4. Dom: penosæ. S. Hieronym: epl: 150. quæst: 8. Non igitur fallebatur Dionysius Areopagita tunc adhuc ethnicus cum Apolophane prodigiosam illam Ecclipsim Helio-poli contemplando cum exclamaret, *aut mundi machina solvitur, aut Deus naturæ patitur.* Vtrâq; fermè pars istius disiunctivæ propositionis vera fuit.

1311

Ratio



Ratio 3tia. Iudæorum mos erat auditis in Deum  
 maledictionibus non tantum diloricare vestem, sed scin-  
 dere. Vt observant Procopius in Isai: c. 37. & Oleaster  
 in c. 36. Quem ritum observavit etiam Caiphas zelum  
 Dei mentitus, cum revera calumniam blasphemix inno-  
 centissimo Domino in pegisset. Addit Oleaster idem face-  
 re Hebræos, *gratiâ luctûs magni: idq̃, facere exemplo Ia-  
 cob, qui scidit vestimenta sua cùm audiret mortem Ioseph  
 ut habetur in Genesi. Carerent tamen ne pretiosum sit ve-  
 stimentum quod scindunt.* Addunt huic ritui quasdam su-  
 perstitutiones nempe non aliter scidunt quam stando, si  
 fecerint hoc sedendo, actum irritum credunt. Habent  
 quoq̃; inter deliras suas observantias, ut vestes ab ante-  
 riori parte scindant supra pectus, non retro aut à latere.  
 Ob matris patrisve mortem scindere omnes vestes te-  
 nentur usq̃; ad cor longiorq̃; scissura esse debet quam ex-  
 terorum. Porro ad cor usq̃; vestium fit scissura tam in  
 blasphemix auditæ horrore quam in luctu, ut hoc signo  
 cor intimo dolore tangi ac veluti discindi non autem su-  
 perficie tenus lugere se testentur. Iudices ipsi qui de cri-  
 mine blasphemix cognoscunt, stant erecti; *vestesq̃, dis-  
 cerpunt non resarciendas* nempe textu. Vt scilicet vestis  
 dissuta, aut malè confuta semper nœroris indignationis-  
 quæ ob oculos ponat memoriam. Hæc ex Novarino  
 Sched: 1. 9. c. 26. & lib: 2. n. 8. refert superstitiosæ gen-  
 tis præceptum. *Si quis Hebræorum videret librum legis  
 flammis consumi, tenetur vestimenta bis discindere, semel  
 ob corium, semel ob legem, quæ in ea scripta est.* Præmissa  
 hac prothasi faciamus apodosim. Templum Ierosolymo-  
 rum locus mundi totius Sanctissimus prisca religione Pa-  
 trum, veluti sentiret blasphemias in Deum-Hominem  
 & verbales & reales: velut sentiret mortem ejusdem; ita

Nnnn

zelo



zelo conculcati honoris Divini Deiq; perempti; dolore quoq; & luctu intimo, velorum suorum tunicas discidit. *Sicut erat mos Iudeorum in blasphemijs contra Deum scindere vestes, ita nunc quoq; Divinum templum quasi aggreferens Christi mortem dirupit vestem suam, hoc est velum.* Theophylactus. Spectabat enim obisse Patrem primumque Authorem suum; Doctorem Magistrumq; suum Divinissimum, (nam & in Magistrorum suorum obitu scindere solent vestes Hebræi usq; ad pectus & cor.) Cujus Sanctissimâ concione toties non modò personabat ac erudiebatur, sed etiam consecrabatur. Sedebat quidem altissimis fundamentis illa Basilica, sed succussione terræ ad vestium suarum scissionem consurgebat; scidit vestimenta sua pretiosissima nunquam amplius refarcienda. Scidit inquam utrumq; velum cum librum vivæ legis videret igne amoris dolorisq; acutissimi exuri; alterum velum scidit propter pellem & carnem Sanctissimam conceptam crudelibus supplicijs: alteram interius propter dissolutam animam à corpore; quæ non minus erat anima sui corporis quàm totius legis ac sanctitatis. *Nam Rex est viva lex.* Quid adhuc erat sacrum corpus IESV nisi templum quoddam? ipse enim aiebat Ioan: 2. *Solve te templum hoc, & in tribus diebus excitabo illud.* Quid templum Salomonieum respectivè ad Corpus IESV nisi exiguum quoddam sacellum? Cum igitur templum corporis Dominici solvissent impij & crucis ariete diruissent: debuit & sacellum lugere, debuit imò templi ruinam sequi. Sicut defactò S. Hieronymus epl: 150. ex Hebraico Evangelio à se lecto testatur eodem tempore superliminare templi corruisse. Et in Matth: 27. *In Evangelio, cuius sepe facimus mentionem superliminare templi infinite magnitudinis fractum esse atq; divisum legimus.* Quin-



Quinimò ipse Deus velo templi tegebatur, postq; illud latebat; intra illud enim velum & placabatur incenso Summi Pontificis alijsq; hostimentis: & illinc oracula dabat. Æternus ergo Pater (ut ait Drexelius.) Vnigenam suum in Cruce mortuum cernens velarium sacrum veluti vestem suam discidit, testatus hunc esse filium suum, seq; ob eædem illius iratum detestari facinus in eo iugulando commissum. Nam si David audita Saulis & Ionathæ Regum morte vestem scidit; quantò magis Pater obedientissimi Filij mortem quodammodo perhorrescens id fecit? *Nunquam res talis facta est in Israël,* Iudic: 19. v. 30.

Ratio 4ta. Vt patefierent omnia quæ illo densissimo velo arcana tegebantur. *Velum templi quo priorum mysteria ulterius non erant obumbranda, discissum est;* S. Leo. Significabat scilicet veli scissio iuxta Bourghesium per Filij mortem consummata omnia quæ in templi ejus mysterijs prædicta erant atq; promissa; abolenda legis veteris Sacramenta, nec amplius umbris & figuris obtegenda. Synagogam in Ecclesiam transituram. Videtur mihi non aliter Dominus Deus arcana sua cognoscenda subiecisse, quàm subinde pictores penicilli sui opera proponunt. Hi enim dum rude adhuc opus est, nec omnibus numeris absolutum, velum sibi operiq; suo prætexunt: cum verò imago perfectè adolevit, velum reducitur, & publicæ luci exponitur. Ita & Dominus Deus in lege veteri operabatur salutem nostram per figuras futurorum præsignificativas, per oracula, sacrificia, &c. quorum pars maxima sub velo templi latitabat: Veluti sub velo pingebat. Cum autem Christus Filius & Imago Dei Patris, ille inquam *Candor lucis æternæ & speculum sine macula Dei Majestatis & imago bonitatis ejus* Sap: 7. coloribus suæ Passionis, omnibus numeris ab æterno assi-



gnatis perfecta est; scindi auferriq; velum debuit. Ad maiorem explicationem hujus rationis do insignium Scriptorum verba ad propositum, Drexelij nempe & Sylveiræ. Prius omnia erant æigmata, nunc evoluta sunt & in luce posita. Nimirum Moyses vultum tegebatur, aliter à Iudæis non aspiciendum (vide Exod: 34.) Tot caremonix, ritus, observationes, sacrificia & sacrificiorum differentix velum erant, quo Christianorum spiritualis vita tegebatur. *Omnia in figuris contingebant illis*, id est Hebræis 1. ad Cor: 10. Desierunt hæc omnia. *Venit hora & nunc est, quando veri adoratores adorabunt Patrem in spiritu & veritate* Ioan: 4. Nunc patent Christianis quæ tecta fuerunt Iudæis. Evanuerunt illi. *Velum templi scissum est & omnia sacramenta legis quæ prius tegebantur prodita sunt atq; ad gentium populum transerunt.* S. Hieron: in Matth: Et in Isai: c. 52. *Velum templi scissum est in duas partes, ut omnes Iudeorum ceremonix panderentur, & eo tempore impleretur, ex Sion egredietur lex, & verbum Domini de Ierusalem.* Et epl: 150. *Omnia legis revelata mysteria ut quæ prius recondita tenebantur, universis gentibus proferentur.* Coruscat Christi Evangelium omnibus exponendum: priscæ legis cultus & sacrificia sunt abolita: salutis mysteria nemini amplius velanda. Consummata sunt hæc omnia. Patet iam arca, quæ continebat Manna, Cæna Christi omnibus exposita; patent tabulæ, Prophetarum vaticinia; patet Aaronis virga, Crux Dominica. Non iam amplius in atrio standum, admittimur in conspectum Dei. Scissum est velum, Caro mutavit in Spiritum. Hæc Drexelius. Consonat Sylveira. Denotatur scisso velo omnia mysteria antiqua & figuras esse patefacta; ut in ipsum Sanctuarium in ipsaq; legis veteris penetralia, iam apertissime omnes  
pos-



possint intueri. Idem senserunt Origenes, S. Ambrosius, Euthymius, Theophylactus. Merito igitur S. Paulus & exprobrat Iudæis quod scissum illud velum super oculos suos pertinaciter integrum retineant: & Christianis liberum in sancta prospectum gratulatur 2. Cor. 3. *Habentes igitur talem spem multâ fiducia utimur, & non sicut Moyses ponebat velamen super faciem suam, ut non intenderent filij Israël in faciem ejus quod evacuatur, sed obtusi sunt sensus eorum usq; in hodiernum enim diem id ipsum velamen in lectione veteris Testamenti manet non revelatum, (quoniam in Christo evacuatur,) sed usq; in hodiernum diem cum legitur Moyses, velamen positum est super cor eorum. Cum autem conversus fuerit ad Dominum, auferetur velamen. Dominus autem Spiritus est: ubi autem Spiritus Domini, ibi libertas. Nos verò revelatâ facie gloriam Domini speculantes in eandem imaginem transformamur à claritate in claritatem, tanquam à Domini Spiritu. Inhæret S. Paulo Divus Paulinus epl: 11. ad Severum & ex mysterio cohortationem ad nos format. Reputemus & velum templi eodem Crucis mysterio scissum, & intelligamus illius veli scissuram eò fuisse prætentam ut audires vocem Domini & mysterium pietatis immense, non obduremus corda nostra, sed à carnalibus dividamur & scindamus infidelitatis velamina, ut revelatâ cordis facie salutarium Dei munerum sacramenta videamus. Penfat adhuc S. Hieronymus istam scissionem veli, & ait. In duas autem partes in vetus & novum Testamentum, & à summo usq; deorsum, ab initio mundi, quando homo conditus est, & reliqua quæ facta sunt in medio, sacra narrat historia usq; ad consummationem mundi. Quasi diceret, cum solum vetus Testamentum erat, integrum velum fuit; & sub eo plurima arcana latebant: Christo autem mor-*



mortuo velum illud in duo scissum, mansit enim vetus Testamentum ad nostram notitiam; & accessit novum non tantum ad notitiam, sed etiam ad observationem; per quod veteres omnes legales cæremoniæ cassatæ sunt. Reducta una parte veli patuit nobis historia ab initio mundi usq; ad Christum: reducta altera parte, patet à Christo historia, patentq; ea quæ ad finem mundi eventura sunt: quod utiq; latebat veteres. Profectò ut ait S. Cyrillus in Ioan: *pulcherrimus Fidei nucleus ariditate terræ literalis perfracta denudatus est, non enim trunca aut manca, sed perfecta est Fidei illuminatio.*

Ratio sta. Quia per Christum Domini obitum omnis sanctitas ex adyto templi Salomonici in novam Ecclesiam transferebatur. Scindebatur ergo velum illud venerabile, post quod nihil deinceps sanctitatis reliquum erat iuxta illud *cessante fine cessant media*. Sit v.g. in aliquo Altari imago venerabilis; meritò ob finem venerationis ut non omnibus nec semper pateat, velo obnubitur. At si imago ex eo Altari efferatur, imò ipsum Altare in alium locum reconcinnandum meliorandumq; deportetur: velum quoq; quod prius prætendebatur, aufertur: cessat enim in eo loco finis, hoc est veneratio. Hoc intellexit S. Leo cum diceret. *Scisso templi velo Sancta Sanctorum ab indignis recesserunt, ut figura in venerationem, Prophetia in manifestationem, lex in Evangelium verteretur.* Tractat hanc rationem Sylveira sequentibus verbis. Scissio veli significat in Iudæis iam omnia scissa esse & ablata (sicut v.g. vasa lintheaminaq; Altaris per lacerationem disruptionemve execrantur, & sanctitatem omnem amittunt.) Nam velum erat quid sacratissimum apud Iudæos, cum igitur scinderetur; signum erat sanctitatem à Synagoga auferri, Ecclesiæ deinceps con-



conferendam. Per veli scissionem repudiatos vos ô Iudæi debuistis agnoscere, & omne ius Sacerdotij perdidisse, ait S. Leo. Et serm: 17. Aded tunc à lege ad Evangelium, à Synagoga ad Ecclesiam, à multis sacrificijs ad unam Hostiam, quæ Deus est, facta translatio: ut emittente Domino Spiritum, velum subitâ vi scinderetur. S. Ephrem asserit velo scisso columbam candidam ex adyto evolare visam. Quod quidem ostentum spectare poterat ad Sanctissimam animam Christi è corpore evolantem. Si enim S. Potiti M. S. Spei Abbatis, SS. Scholasticæ & Theresiæ Virginum, SS. Euphrasiæ & Iulix Partheno-martyrum cum hæc in rogo, illa in Cruce obiret, animæ specie columbæ in cælos proficisci sunt visæ: & quidem duarum ultimarum eò maiore prodigio, quòd anniversario earum triumphi die, arbores sacris adsitæ lipsanis, tempore anni maximè alieno flores edere fragrantissimos & columbarum specie insignes solebant: multò iustius animam Christi è corpore suo evolantem columba potuit designare; ut sicut olim Baptismo fluminis in Iordane, ita nunc etiam Baptismo sanguinis adestet. Cæterum evolabant animæ prænominatorum cælitum, sicut aves ex cavea in liberum evolant aërem, aut sicut columba ex arca Noë dimissa; utpote quibus cælum & æquor, sed æquor suavissimæ voluptatis pateret: at anima Domini IESU Noëticam columbam in hoc maximè referebat, quòd ramum olivæ, hoc est felicem ac lætam salutis pacisq; annunciationem SS. Patribus adeoq; ipsi Noëmo in limbo seu arca quâdam conclusis adferebat. Verùntamen magis propriè columba ex templo Salomonico evolans adsignificabat spiritum gratiæ & sanctitatis ex illo adyto evolasse, ut deinceps ferretur super aquas populorum multorum, fieretq; ales Baptismo familiaris (ut ait Petras sancta



sancta) postquam Iordanem Christi iustitiam supervolitarat. Accinit huic transvolationi à Synagoga ad Ecclesiam ethnici Poëta distichon

Aspicis ut veniant ad candida tecta columbæ

Accipiat nullas sordida turnis aves.

*Scissum velum* (in rem nostram Theophylactus) per hoc manifestante Deo quod gratia Spiritus è templo evolet, quod Sancta Sanctorum omnibus conspicua & manifesta fiant. Migravit columba ex Synagoga in Ecclesiam, quam cælestis Sponsus unicam suam columbam formosam & electam Cant: 2. deperiret. Significabat ergo scissio veli templum illud deinceps profanandum ac suis cum ritibus caeremonijsq; scindendum ac dissolvendum, imò iam tunc à gratia sanctificante deferri. Quod ut S. Hieronymus exprimeret, scribens in illa Isaia 52. *Recedite, recedite, exite inde, pollutum nolite tangere, exite de medio ejus &c.* portentum quoddam ex Iosepho Iudæo in idem tempus veli scissi confert. Aut certe inquit ad Angelicas virtutes præsidēsq; templi Angelos loquitur Deus. Quid hic facitis? cur non relinquitis populum blasphemantem, quod & Iosephus refert apertis repente ianuis templi & sponte referatis, quas multi homines claudere vix poterant, vocem de adytis templi exisse dicentium transeamus ex his sedibus. In quo considerata sermonum proprietates, quin non dicunt recedamus, sed transeamus ad populum gentium. Eadem repetit S. Doctor in c. Matth: 27. Porro Iosephus rem hanc scribit lib: 7. de bell: Iud: c. 12. Vbi & voces illas à Sacerdotibus noctu in intimo templo auditas, prævio quodam horrifco motu ac strepitu. Transibat iam tunc Spiritus Dei à Iudæis ad gentes, à Synagoga ad Ecclesiam, à tot sacrificijs ad unum idq; sanctissimum, à sexcentis tredecim legibus ad unam eamq; suavissimam



vissimam Evangelij legem. Hunc transitum prædicabat Dominus Matth: 21. *Auferetur à vobis Regnum Dei, & dabitur genti facienti fructus ejus.* Iterum Matth: 23. *Ecce relinquetur vobis domus vestra deserta &c.* Prosequitur verba Domini Drexelius. Quandoquidem Messiam vestrum non modò abiicitis, sed eum insuper crucifigitis, auferetur à vobis etiam Messix Regnum. Cælum perdetis & terram non retinebitis. Irruet Romanus exercitus & templo sacrificijsq; subversis innumeros ferro trucidabit, cæteros in omnes oibis partes disperget. Satis diu invitati estis ad penitentiam, sed quia bonitati Dei pertinaciter obstitistis, en transitum ad gentes struimus. Hoc ipsum Apostolus illis Act: 13. v. 46. approbrat. Quisq; videat ne idem sibi deniq; dicatur. Vocatus es diu satis & renuisti, tuam ipse salutem pervicax repulisti, spes emendationis tua nulla est. Peribis ergo, sed volens coronam tibi destinata alter accipiet. Cælum tibi obferabitur æternum, frustra pulsabis ianuâ iam clausâ. Væ homini quem talis fulminaverit sententia. Hæc Drexelius. Verùm ad maiorem huius rationis quintæ exaggerationem sciendum est cultum aliquando fuisse mulierum prostituerarum, vultum obvelare: ut colligitur ex Gen: c. 38. Quid erat vetus Synagoga nisi quædam prostituta & multoties deprehensa, fideiq; erga Sponsum suum Deum verum violatâ convicta? quod ei exprobrat in oculos per Ieremiam, Ezechielem, Oseam, &c. Prophetas suos. Obnuhebat tamen exteriori quodam religionis & legalium cæremoniarum velamine faciem suam. Comminabatur proinde Dominus Isaïæ c. 47. *Revelabitur ignominia tua, & videbitur opprobrium tuum, ultionem capiam, & non resistet mihi homo.* Inge-minabat minas Ezech: 23 v. 29. & Naum 3. v. 5. verum

Oooo

ubi



ubi tam severæ comminationes ad meliorem illi frugem nihil proficerent, & sub velo suo satis sibi tuta, quia tecta videbatur, imò suis lascivijs cruentum deniq; Sponsi sui Dei incarnati parricidium addidisset; scidit vindex iustitia velamen quo se improba peccatrix contegebat, patuerunt omnia scelera & probra ejus omni velamine sanctitatis ablato. Quamquam si Victorem Antiochenum audimus, *scidit velum Dominus non in templi contumeli- am, sed in Sacerdotum notam; illi enim qui d' utius in tem- plo versarentur, indigni erant.* Sacerdotum profanorum pœnas, ipsa demùm Sancta Sanctorum luunt.

Ratio 6ta. S. Ambrosij lib: de Ioseph c. 5. *Velum templi scissum est, ut divisum regnum talibus indicijs manifestaretur destruendum. Quia omne regnum divisum destruetur. Et verè divisum quando hoc quod erat Chri- sti, caput esse etiam diaboli. Neq; enim poterant indivisi manere, qui à Patre Filium separaverant.* Scinditur ve- lum, (addit Sylveira,) ut denotaretur quòd post Chri- stum mortuum Iudæi essent dividendi ac scindendi per totum orbem: qui enim à Deo dividebantur, dividendi erant. Vsitata pridem Vindici Deo ista puniendi pra- xis. Cùm olim filij Adam turrim Babel adverso Deo mo- lirentur: *divisit eos Deus ex isto loco in universas terras.* Gen: 11. Qui enim divisi sunt à Deo, divisi sunt in vari- as partes. Similiter 3. Reg: 11. Quia Salomon diviso corde suo inter gentilium deos, à Domino Deo Israël se separaverat; misit Dominus ad Ieroboam Quæstorem Sa- lomonis Prophetam suum Ahiam Silonitem, qui scissio- nem Regni Israël ei denunciaret. *Apprehendensq; Abias pallium suum novum quo coopertus erat, scidit in duode- cim partes &c.* Scindebatur igitur velum ut scindendum adeòq; desitutum portenderetur regnum. Omne quidem re-



regnum velum templi est, toto enim suo splendore atq; potentia templo, hoc est Religioni ac Deo militare debet. Verum quod templo decus & protectionem negat, à templo utiq; & Deo se divellit & merito scinditur ac perit. Sicut verò scissa per totum vestis, vestis esse desinit; discissum velum non est velum: ita scissum regnum non est amplius regnum. Porro quàm iusta talione regnum ludæorum scissum ac dissolutum est, vel inde patet, quia in multas hæreses ac factiones ut Phariseorum, Sadduceorum, Herodianorum, &c. erant regnicolæ discissi, in eo solum unanimis erant quòd omnes pariter Christo Messia coniungi nollent per fidem & cultum. Ipsum quinimò Messiam Christum solvere, unionem substantialem corporis & animæ per illatam ei mortem scindendo procurarunt. Et Christo quidem sua unio post triduum in resurrectione redijt: Regnum autem parricidale ita discissum est, ut illa scissura nunquam amplius refarciri possit. Sed potius sicut scissæ vestis partes inter villas scruta abijciuntur, sic & lacinijs regni illius per orbem sparsis nihil vilius, nihil abiectius.

Ratio 7ma. Post tristes amœnior: Superiores enim rationes vel indicabant luctum super obitum Domini, scissioq; velo ceu reducto sipario aut proscenio horrenda concussæ telluris cæliq; squallentis producta memora-  
bant spectacula: & quia intexti Cherub (2. Paral: 3.) unâ cum velo dilacerati erant, ipsos etiam Angelos tactos dolore innuebant: vel extremos Synagogæ portendebant interitus. Præsens ratio nil non faustum orbi, maxime Christiano pollicetur. *Scissum velum*, ait Dela Haye, ut significaretur ira Dei iam placata, aditusq; iam patefactus hominibus ad consuetudinem, familiaritatem filiationemq; Dei. Velata hætenus erat erga nos facies Dei, & sicut



Chinarum Imperatores teste Trigautio tabulas eburneas vultui suo prætendebant: sicut Persæ aliq; Orientis Reges faciem suam ad subditos velabant: ita & Deus velum quoddam se ab hominibus discriminaverat, idq; quia erat iratus eis, nec reputabat eos dignos qui se conspicerent. Quin & Iudices (ut habet Novarinus l. 5. n. 90.) dicturi sententiam intra velum se continebant: unde l. 1. de off. Rect: Prov: cod: Theod: sancitur. *Non sit venale iudicis velum non ingressus redempti non infame licitationibus secretarium, non viso ipsa prædis cum pretio.* Deus quoq; intra velum sententiam cudebat. *Nunc iudicium est mundi.* Ioan: 12. Scinditur deinde velum. Quid fit? Patefcit vultus Regis irati vindicis incredulis; credentibus ac credituris serenus, placidus, qui ad se non modò admittat, sed etiam advocet ac alliciat. Patefcit Iudex fulminat condemnationem in infideles, absolutionem Fidelibus indulgentissimè impertit iuxta illud Ioan: 3. *qui credit in eum non iudicatur, puta ad condemnationem, qui autem non credit iam iudicatus est.* Reos etiam facie velari solitos cognovimus. *Mos erat* (inquit Aben-Ezra) *Persarum ut servi Regis tegerent faciem ejus, cui Rex succensebat ne amplius eum Rex videret.* Velum quoddam super faciem omnium hominum erat; omnes enim rei læsæ fuimus maiestatis. Scinditur aufertur & hoc velum, licèt spectare, licèt accedere & affari Regem clementiæ: *Quis non exultet cum Davide? Conscidisti saccum meum & circumdediti me letitiâ* Ps: 29.

Ratio 8va sive dilucidatio 7mæ ex Dela Haye. Argumentum ex velo scisso manifestum exurgit, quòd Sancta quorum aditus populo olim negatus erat, iam patrent omnibus ingredi cupientibus & studentibus, idq; per velamen, id est carnem Christi sive Humanitatem dis-

disso-



dissolutam. Consuetudo, familiaritas, filiatio Dei in Sa-  
 cro sancta Ecclesia militante super terram inchoatur:  
 consummatur in Ecclesia triumphante. Ad utramq; adi-  
 tum per mortem Christi patere veli illius discissio osten-  
 dit. *Iter ad Sancta quod in templo occultabatur ac velo*  
*intercipiebatur, illud subindicabat nondum sanctificatio-*  
*nem datam esse; ut quæ ad Domini nostri adventum ac præ-*  
*sentiam servaretur. Quo scilicet tempore cum velum in-*  
*fregisset ac sanctioris adyti arcana quæ Iudæis ut ingrati*  
*animi notâ laborantibus operta fuerant, gentilibus patefe-*  
*cisset; ad caelestem cognationem nobis iter munivit.* Isidor:  
 Pelusiota epl: 252. Addamus antiquo Scriptori recentio-  
 rem Isidoro Drexelium. Nova (ait) ad cælum via per  
 Christi mortem patefacta. Hanc Paulus digito mon-  
 strat, ad Hebr: 20. *Habentes itaq; fratres fiduciam in in-*  
*treitu Sanctorum in sanguine Christi, quam initiavit no-*  
*bis viam novam & viventem per velamen, id est carnem*  
*suam.* Et c. 9. *propalata est via Sanctorum.* Noctes atq;  
 dies patet ampli ianua regni, referatus est omnibus in  
 cælum ingressus. Nemo excluditur qui ad illa Sancta  
 Sanctorum per novam hanc viam contendit. Scissum est  
 velum, apertum est cælum. Iam Stephanus etiamnum in  
 terra stans solis oculis illuc penetrat Divinæ gloriæ spe-  
 ctator. Sicut autem eo prorsus momento quo Christus  
 in Cruce obiit, Dei gloria se spectandam Patribus ceu ve-  
 lo sublato in limbo præbuit; ita cuius hominum puncto  
 mortis Deus se cernendum exhibet, nisi moriens adhuc  
 in nebula peccati hæreat. Brevius ista Bourghesius. I-  
 deo scissum velum quod tabernaculo nunc amittente sta-  
 tum *propalata esset via Sanctorum,* pateretq; ingressus  
 in cælum Christo referante, præeunte, per sanguinem su-  
 um introeunte. Lata igitur nobis hæc veli conscissi ra-  
 tio



tio. Contegunt se cognatæ in suorum mortibus, crudis & horridis velis ut luctum contestentur: nobis velum scinditur; ut non tam acerbè obitum Domini lugeamus; quin etiam ejus obitu vitam sanctiorem in terris, beatam verò in cælis adapertam lætemur.

Ratio ultima sit moralis. Scisso in morte sua velo monuit Dominus, in morte quoq; omnium vela discindi, omniaq; discooperiri & fieri manifesta iuxta illud Ecclesiæ. *In fine hominis denudatio operum illius.* Alexander Geraldinus itinerarij sui lib: 3. narrat Agazenos Æthiopix populos, solos vultum, quem cæteri homines toto orbe detectum ferunt, & quem summi Philosophi apertum esse voluerunt; velatum portare. Morem autem hunc genti suæ induxisse Regem; quem quia deformissimæ faciei suæ puduit, fama est primum hoc velamine uti cæpisse, ut verò exempla regnantium in vulgus facile dimanant, cultum hunc faciei ad universam gentem continuo propagatum: quo communem vultus deformitatem omnes cælant, omnes enim sunt vultu deformissimo & monstrorum quàm hominum similiore. Enimverò deformitas Agazenorum est in vultu, plerorumq; Christianorum in anima: prætendit quoad usq; vivitur huic interno vultui animæ velum forma corporis; & merum lutum nivibus coopertum candescere videtur: Prætendit apud quosdam aulæ Babylonica, potentia & opulentia. Speciosaq; sunt (ut ait Neotericus) vitia quæ in purpura nutriuntur. Sæpe Dibaphæ strumas tegunt. Sed cum mors venerit, sicut ipsa omnis veli expers ad ipsa usq; ossa nuda fingitur; ita omnia denudabit, omnia illa vela tam naturæ quàm fortunæ acutâ sua falce discinet. Prætexant suis sceleribus quàm operosissimè vela hypocritæ: prætexant non minus solerter licet longè sanctiore artificio



ficio humiles Dei servi quorum *vita abscondita est in Chri-  
sto cum Deo* ad Coloss: 3. In fine hominis denudatio o-  
perum ejus. Quid non egit S. Alexius Conf: Romanus  
ut suam nobilitatem, ut virtutem absconderet? in domo  
paterna multis annis latuit propriosq; parentes pere-  
grini mendici personâ fefellit: Patuit tandem in obitu  
suo velumq; illud conscissum est, cum omnium templo-  
rum campanæ nullo pulsante funus ejus annunciarent.  
Simile campanarum officium absq; humana ope Divina  
vi præstitum lego SS. Geroldo Manfredo, Gvilelmo E-  
remitis &c. plurimis, ijs tamen præsertim qui à mundo  
submoti sub velo ignorance contemptusve humani  
Deo soli cogniti vixerunt: quorum longum cathalogum  
reperies apud Bonifacium Bagatta tom: 1. pag: 347. Con-  
sule & Sanctorum vitas, nominatim Ioannis Calybitæ  
15. Ian: quemadmodum & hunc in sua humilitate invo-  
lutum mors retexerit? S. Servuli ad 23. Decembris: ut &  
hunc paupertate extremâ morboq; paralyfis obfitum,  
mors magnum Dei amicum revelaverit? quam Angelici  
cantus celebrarunt. *Homines circa se psallentes silere ius-  
sit, quoniam Angelos audire cepit.* Marulus l. 6. c. 16.  
Quid memorem S. Vitalem Monachum! qui ubi omnes  
prostitutas urbis Alexandrinæ in cathalogum retulisset,  
singulas deinde labore suarum manuum partâ mercede  
diurnâ, & orationibus nocturnis ad pænitentiam Deo  
lucratur. Quoniam verò quod bonum agebat clam, af-  
fuitas autem illius in lupanaribus palâm erat: pro man-  
cipio luxuriæ, maior iam sexagenario habebatur. Hoc  
fuit sub velo turpissimo eximiam virtutem exercere.  
Sed & istud velum mors discepfit, cum sanctus ipse à  
morte, genibus, ut in orationem flexerat, nixus schedulam  
in manibus tenere inventus est his inscriptam. *Viri A-  
lexandrini*



*Alexandrini nolite ante tempus iudicare donec veniat Dominus. Qui scilicet solus revelabit abscondita tenebrarum*  
*1. ad Cor: 4. Quia verò in sanctum adhuc viventem arrogaverat sibi iudicium temerarius quidam, colaphoq;*  
*immiti eum mulctaverat, recepit longè graviolem colaphum æthyopis infernalis manu, adeò sonantem, ut universa civitas agnoverit tam Vitalem castum Deoq; fidelem sub deformi specie vivendi latuisse; quàm desipi facile eos, qui ex prætenso velamine animum latentem præsumunt iudicare. Vide hujus Sancti vitam apud Skargam 31. Ianuarij. Quis scivit sub mentito viri habitu & Smaragdi nomine Euphrosynam, sub Marini Marinam, sub Eugenijs Eugeniā, virtuti ac Deo in religiosorum castris militare? ita enim illæ viragines non magis veste sexum quàm fortitudine imbecillitatem agnatam sexui dissimulaverant. (Habes & harum memorias in Skargam 11. Ian: 28. Febr: & 23. Xbris.) Superinduxerat eis dæmonis malignitas per calumniam ejusmodi crimina, quorum ne capaces quidem erant: latuit sexus, latuit innocentia: verum ad terminos mortis duntaxat. Quæ forfice quā telam vitæ præcidere fingitur, revera utrumquē velamen conscidit; sexumq; unā & innocentiam & ingenium haud vulgaris sanctimonix patefecit. In fine denudatio. Magno ista solatio calumniam passis sed non minori metui sint oportet larvam probitatis ostentantibus. Erit enim tempus (ut quidam Patrum ait ex Persona Domini ad afflictos) quò & vestra tolerantia & illorum reveletur hypocrisis. Baronius ad An: D. 389. ex Ruffino Alexandria fanum Serapidis olim ethnicis admodum venerabile ac sanctum edicto Theodosij Imperatoris dirutum narrat, in cuius ruinis horret inquit animus dicere, qui miseris mortalibus laquei à demonibus preparati sunt; quæ*  
*funer-*



funera, quæ scelera in illis, quæ dicebant adyta, tegerentur: quot ibi infantium capita defecta inauratis labris inventa sunt, quot miserorum cruciabiles mortes depictæ. Quæ cum proderentur in lucem ac sub auras prolata ferrentur, licet confusione ipsa Gentiles & Pagani diffugerent: tamen si quis adesse potuit, mirabatur tot sæculis se illis tam nefarijs & tam pudendis fraudibus irretitum. Simili ferè eventu in obitu quorundam gravissima patefiunt crimina, quæ sanctitatis affectatæve gravitatis specie cælabantur. *Væ vobis* (interminatur Dominus Matth: 23.) *Scribæ & Pharisei hypocritæ quia similes estis sepulchris dealbatis, quæ à foris parent hominibus speciosa, intus verò plena sunt ossibus mortuorum & omni spurcitiâ.* Nec sine mysterio in morte Domini & velum scissum & monumenta aperta: nisi quia in obitu cuiusq; non modò omnia ceu velo rupto patefient: verum etiam picturato illo operculo sepulchri diffractò mortua viventis adhuc fuisse opera, mera ossa atq; fæditates agnoscentur. O! quot vela sacrarum Vestalium: cilicia, sanctaq; schemata Religiosorum: Templorum vela, id est Sacerdotum Stolz, Pontificum Vitæ, ubi mors communis disciderit, profanitati & propudijs contegendis servivisse intelligentur? Cupiebat senior quidam videre animam iusti & peccatoris quomodo abstrahatur à corpore: & continuo à lupo quodam divinitus ad se misso ductus in quandam civitatem intravit monasterium, in quo magni nominis quidam solitarius animam agebat ingenti circa se cereorum & lampadum apparatu, quem populus devotus comportarât ingenti luctu conclamans unâ cum illo servo Dei suam urbem interituram. Factâ autem horâ exitus illius vidit ille Frater dæmonem descendente super solitarium illum habentem tridentem igneum, & audivit vocem. *Si-*

Pppp

cut



cut anima ista me non fecit requiescere vel una horâ in se-  
sic nequaquam tu miserearis evellens eam. Infigens ergo  
tartareus satelles tridentem igneum in corde so litarij il-  
lius per multas horas torquens abstraxit anima in ejus.  
E contra invenit hominem peregrinum in platea ægro-  
tantem non habentem qui ejus curam suscipere, & man-  
sit cum eo diem unum. Et cum venisset hora dormitionis  
illius; conspicit Frater ille Michâelem & Gabrielem de-  
scendentes propter animam illius. *Ioan: Maior in spe: u-*  
*lo exempl: tit: Angelus exempl: x. & S. Gregorius gemi-*  
*num huic narrat l. 4. dialog: Monachum, qui bonis cer-*  
*nebatur moribus atq; in omni actione compositus. Is*  
*cum superveniente corporis molestia ad extrema dedu-*  
*ctus esset, Fratres ad se omnes ejus Monasterij congre-*  
*gari fecit: Sperabant illi magnum quid ac delectabile à*  
*viro tanto se audituros. Quibus ille afflictus & tremens*  
*compulsus est prodere, cui hosti traditus cogebatur exi-*  
*re. Nam dixit. Quando me ieiunare vobiscum credebatis,*  
*occultè comedebam, & nunc ecce ad devorandum*  
*draconi sum datus, qui caudâ suâ genua mea pedesq; col-*  
*ligavit, caput verò suum intra meum os mittens spiritum*  
*meum ebibens abstrahit. Quibus dictis defunctus est.*  
*Tegebat, & Doctorali epomide sceleratos mores Ray-*  
*mundus Diocres magnum inter Sorbonicos nomen suo*  
*tempore; ita dissimulabat vitia, simulabat virtutes, ut non*  
*modò inculpatæ vitæ, verum etiam probitatis exemplar*  
*videretur. Mors tandem fraudem detexit ubi pallium*  
*istud Pythagoricum dilaceravit. Iusto enim Dei iudicio*  
*se accusatum, iudicatum, condemnatum è sarcophago*  
*fassus, suam quidem desperatam causam illa confessione*  
*non ampliùs restituit; sed Ecclesiæ tamen magnum Pa-*  
*triarcham & Sanctissimum Carthusiæ Ordinem sua mor-*



te protulit. ut testatur ac evincit Raynaudus in Stylita mystico S. Brunone. *Vsq; adeo nihil est opertum quod non revelabitur; & occultum quod non sciatur* mortis prodictione. Matth: 10. Et licet forsan mors quoq; non omnia occulta nostra mundo revelaverit; Deo certè quem nos latere & fallere subinde opinamur, omnia revelabit. *Iudex ille cum sedebit, quidquid latet apparebit, nil inultum remanebit.* Demum secundum hunc Iudicem in extremi die iudicii coram universo cælo ac mundo erubescendum erit, quod hinc inconsultè etiam in foro interiore absconditur.

*Summa Rationum.* Scissum est velum templi 1. ad significandam discissam Christi Humanitatem per vulnera & mortem. 2. ad contestandum super obitum Christi luctum universi quod velum illud repræsentabat. 3. scissione illius veli suum luctum super morte Domini templum, imò Deus ipse Pater testabatur. 4. quia figuræ omnes quæ sub velo erant, & ipsæ veritatem varijs symbolis ac ænigmatibus velabant per Domini mortem consummatæ, adeoq; sublata & conscissæ. Nihilq; supererat tam secretum quod adhuc tegeretur. 5. quia nihil sanctum post illud velum supererat quod velaretur ad venerationem, templo iam à gratia Dei destituto & ad profanationem ruinamq; per Romanos consummandam destinato. 6. veli scissio regni Iudaici scissionem & consequenter ultimum designabat interitum. 7. sublato velo Divina Maiestas familiariorem se mortalium generi professæ: discooperiuntur ad veniam, velati ad pœnam reorum vultus. 8. scisso illo obice via Sanctorum revelabatur, scilicet per Humanitatem Christi dissolutam iter ad amicitiam Dei per Fidem & gratiam in Ecclesia militante incipiens & in Ecclesia triumphante in cælo desinens



in Deum ut terminum & finem ultimum, quod iter ante mortem Christi erat interceptum. Vnde S. Chrysost: hom: 4. in Marc. *Totam legens Scripturam, nunquam Regnum celorum audiui nisi in Evangelio.* 9 Deniq; quia mors omnia vela scindit. Latuit & Christi Divinitas, dum viveret Christus: cum obiit, pro Deo agnoscitur. *Verè Filius Dei erat iste* Matth: 27.

Pro Corollario 1. quærit Sylveira. Quare velum templi per tot sæcula annorum illæsum rumpitur, nunc etiam vigilantibus Sacerdotibus, tunica verò Christi inconsutilis inter furentes manus conservata triumphat? & respondet ex D. Athanas: serm: de Passi: *Carnifices deterrebat ne tunicam scinderent, ut eâ manente maneret Iudeorum opprobrium, quod non multò post accidit, nimirum cum velo scisso tunica Christi ne à carnificibus quidem divisa est, sed integra mansit. Manet enim semper Evangelium cum umbræ dividantur. Quid sanctius Iudeorum velo in templo? quid maiori custodiâ & curâ servatum per tot tempora? & vigilantibus etiamnum levitis, custodiente turbâ Sacerdotali scissum est. Nihil locus munitissimus, nihil profuerunt vigiliæ, ne velum illud ubi primùm defecit inservire Christi mysterijs, rueret & rumperetur. At verò tunica quæ maximè Christo Domino inservierât ejus altissima mysteria indicans, in carnificum manibus non timet scissuram, inter spicula, inter furentes gladios integra ac impartibilis consistit. Porro sicut velum templi Synagogam, ita Christi tunica designat Ecclesiam. Certè S. Bernardus polymitam Iosephi (Gen: 37. n. 3.) & inconsutilem Christi tunicam in Ecclesia agnoscit. *Polymitam ob multorum ordinum qui in ea sunt multimodam distinctionem, inconsutilem verò propter indissolubilis charitatis individuan unitatem.**

Va-



Varietatem ejus attigit & S. Paulus 1. Cor: 12. & simul  
 rationem unitatis indivisibilis. *Divisiones gratiarum  
 sunt, idem autem spiritus: & divisiones ministrarionum, i-  
 dem autem Dominus: & divisiones operationum, idem au-  
 tem Deus qui operatur omnia in omnibus.* Scissum ergo  
 velum templi, quia scindendum & templum & regnum  
 & religio, non enim lege amoris & gratiæ coaluerant.  
*Tunicam* verò etiam milites dividere noluerunt, unitatem  
*Ecclesiæ* firmantes, à cujus sorte excluduntur heretici; quo-  
 niam sorte provenit, ut eam unus id est unitus possideret. 2-  
 it S. Prosper. Et doctissimus Idiota lib: 1. de amore Div:  
 c. 24. *Ista vestis ex pretiosis filis id est tuis beneficijs homi-  
 ni collatis contexta, & sutili magisterio facta, & decorata,  
 quæ designatur per tuam tunicam inconsutilem, quæ nec  
 scissa est nec divisa, quia amor neq; dividi debet nec scindi.*  
 Adhuc velum significat corpus, tunica Christi animam.  
 Mortale illud; hæc immortalis ut loquitur S. German:  
 Constantinop: in Dom: 3. Quadragesimæ. *Discimus e-  
 tiam hinc nihil morari si qui dividunt vestimenta ex qua-  
 druplici elementorum serie coagmentata: quid enim nocu-  
 menti asferre queant? si tunica superis in oris contexta, ani-  
 ma, inquam, salva & integra permaneat.*

2dò licet velo scisso & Humanitas Christi dissoluta,  
 & Synagoga dissolvenda significabatur; tamen non eo-  
 dem modo. Synagoga scindenda erat ut & scissa est ac  
 discerpta sine ulla spe redintegrationis, scissa ut periret:  
 Humanitas verò Christi longè melius & solidius erat post  
 triduum redintegranda iuxta Apostolum. *Christus re-  
 surgens à mortuis iam non moritur, mors illi ultra non do-  
 minabitur.* Pulchrè hoc Bourghesius expressit mutuâtâ  
 figurâ Iudic: 6. Vt Samson inquit ambas columnas do-  
 mûs utrâq; manu tenens disiunxit & unâ secum Phylis-  
 tæos



staxos interemit: sic Divina Persona retinens utramq;  
columnam Humanitatis suæ, inter se disiunxit, ut resur-  
gens easdem in æternum coniungeret.

XCIX.

*Quinam Sancti resurrexerint? & an  
rursum sunt mortui?*

**N**Octem hanc, nempe violentam, tenebris repentinis  
toti orbi offusis, (ut ait Iuglaris,) ne somno, ad dor-  
miendumq; natam putares; corpora quæ dormierant,  
surrexerunt. Circa resurrectionem istam

*Notandum imò cum Cornelio à Lap: Bourghesio,  
Sylveira, Wittfelt. Monumenta quidem statim à Christi  
morte aperta, ut pateret id fieri virtute Passionis, quæ &  
mors superata, & vita hominum generi restituta. Iuxta  
S. Ambrosium. Monumentorum referatio quid aliud nisi  
mortis claustris effractis resurrectionem significat mortuo-  
rum. Et S. Hilar: Illuminans mortis tenebras, & infero-  
rum obscura collustrans in Sanctorum ad præsens consopito-  
rum resurrectionem mortis ipsius spolia detrahebat. Et  
Hieron: Monumenta aperta sunt in signum futurae resur-  
rectionis. Idem dicunt Beda, Theophyl: &c. Porro se-  
pulchra Iudæorum erant extra urbem & communia. Ijs  
terræ motu utiq; referatis visa sunt corpora plerorumq;  
integra condita & durata aromatibus more patrio, nul-  
lam spem signumve proximè secuturæ resurrectionis o-  
stendentia. Verùm emortuus IESVS ostendit se non  
tantum cæli & terræ Dominum, sed & inferni Domito-  
rem; mortuorum æquè ac vivorum Redemptorem, Do-  
minum ac Iudicem, qui mortuos educat non solum è  
limbo quòdā animas, verùm etiam quòdā corpora. Nihil  
ominus ex apertis sepulchris non prodierunt Sancti, nec*

re-



resurrexerunt ante Christum: quem Apostolus vocat *primogenitum mortuorum ac primitias resurgentium* ad Coloss. 1. v. 18. Equum scilicet erat ut ipse mortis Victor ac Triumphator primus resurgeret, tum ceteri ejusdem resurrectionis testes ac comites expergiscerentur. Equum erat ut qui sibi & alijs meruit Passione ac morte resurrectionem. (Nam ordinata charitas ab ego incipit) primus quoq; sui meriti fructu fruere. Ita sentit S. Hieron: *tamen cum monumenta aperta sunt, non antea resurrexerunt quam Dominus resurgeret, ut esset primogenitus resurrectionis ex mortuis.* Ita & Origenes, Chrysost: Eusebius Emis: Beda, Rufinus, &c. post Matth: aperte loquentem exeuntes de monumentis post resurrectionem ejus.

Notandum 2dò. Nullos nisi Sanctos hanc resurrectione experrectos, nempe nisi eos qui in vera fide ac charitate decesserant. Tales enim dormivisse dici poterant. *Qui dormierant.* Nam solum *Mors iustorum ob eorum quietem dicitur somnus* ait Sylveira. Impij verò non quiescunt post mortem sed lassantur & pervigilant in pænis: sicut epulo dives quiescente Lazaro in sinu Abraham, memoratur sepultus quidem in inferno nempe supplicijs obrutus, verum extormentis *attollens etiamnum oculos* factui dum viveret affvetos, idq; ad novam pænam quam ex Lazari conspecta felicitate (*peccator enim videbit & irascetur, dentibus suis fremet & tabescet;*) & ex negata sibi minima guttulâ refrigerij percepturus erat. Non igitur verò similiter pòetabatur Sannazarius qui in Lamentatione de obitu Christi suscitatos mortuos ita describebat.

Nec minus abruptis fama est exisse sepulchris  
Perq; vias errasse novis simulacra figuris  
Excitasq; umbras medias ululasse per umbras  
Sub noctem, & notos questu implevisse penates.

Non



Non decebant huiusmodi aut figuræ aut voces animas illas beatitudinis candidatas, horrificæq; tales apparitiones magis convenirent damnatis, quàm de proximo in calos introitu deq; sua liberatione ex umbra mortis gaudentibus.

*Prænoto 3tio.* Finem seu causam tam suscitacionis mortuorum, quàm apparitionis. *Apparuerunt multis* Apostolis videlicet, Discipulis, multisq; Iudæis, etiam nondum ad Fidem Christi conversis, (ait Sylveira;) ut eis veram Christi Fidem ejusq; resurrectionem tanquam testes prædicarent ac affirmarent. *Vt ex eorum resurrectione alij certiores redderentur; & de resurrectione illius,* (scilicet Christi) *cogitantes quòd qui hos resuscitavit, multò magis seipsum resuscitavit.* Euthymius. Causam hanc bifariam dividit Cornelius. *Ima* quidem ut Christus fidem resurrectionis suæ per hos socios suos quasi præcones firmaret. Testabantur enim hi Sancti, dicebantq; Christus à mortuis resurrexit ac nos ab eadem resurgere fecit. Credite ergo eum resurrexisse, sicut nos videtis per eum à morte surrexisse, esseq; redivivos. *2da.* Vt in eis & per eos Christus ostenderet vim Passionis suæ, scilicet quòd per eam animæ Patrum ex inferno & limbo essent liberatæ. Ac quòd simili modo mysticè animæ hominum, quæ per peccata erant mortuæ; iam per Christi gratiam erant vivificandæ, & aliquando per gloriam tam in corpore quàm in anima resurrecturæ ad vitam beatam & æternam, & ita beandæ ac glorificandæ in æternum. In quam sententiam & Divus Hieronymus. *Hæc videntur typum ferre credentium, quòd pristinis errorum vitijis derelictis & cordis emollitâ duritie, qui prius similes erant tumulis mortuorum, postea agnoscerint Creatorem, & ad vitam gratiæ per penitentiam resurrexerint.*

*His*



*His prenotatis.*

*R. ad primum questionis membrum cum Cornelio à Lapi-  
de.* Quinam fuerint Sancti qui cum Christo resurrexe-  
runt, non planè liquet. Verisimile est in primis eos fu-  
isse qui peculiarem ad Christum relationem, vel paren-  
telæ, vel promissionis sibi factæ, vel typi & figuræ, vel  
Fidei & Spei, vel sanctitatis ac castitatis habuere uti fu-  
ere Adam, Abraham, Isaac, Iacob, Melchisedech, David.  
Qui nonnisi in terra promissionis sepeliri voluerunt ut  
resurrectionis Christi forent participes. Item Iob & Io-  
nas qui resurrectionem Domini in se adumbrarunt. Ad-  
hæc Moyses, Iosue, Samuel, Isaias, Ieremias, Ezechiel,  
aliiq; Prophetæ. Vnde Pineda in Iob c. 9. v. 25. censet  
tunc pariter resurrexisse Danielelem & tres ejus socios A-  
naniam, Azariam, Misacælem. Sed his obstat quòd horum  
reliquiæ & corpora ostendantur Romæ in Ecclesia S. A-  
driani; ut observavit Lorinus in Act: c. 2. v. 29. Qui &  
addit. Nec Evam nec aliam faminam tunc resurrexis-  
se; quia decebat inquit B. V. MARIAM esse primogeni-  
tam inter mulieres & hanc benedictione primam, sicut  
Christus inter viros est. Verùm Evam cum Adamo qua-  
si Matrem omnium resurrexisse opinatur Franc: Lucas  
cum aliis: qui & adijcit cum S. Epiphanio videri potius  
tunc resurrexisse eos, qui nuper obièrant, erant enim te-  
stes noti Apostolis cæterisq; Iudæis, unde magis pote-  
rant eis persuadere Christum resurrexisse, & suæ resur-  
rectionis authorem: uti fuere Zacharias, Simeon, Ioan-  
nes Baptista. Verùm S. Baptistæ obstat quòd ejus ca-  
put Romæ & Ambiani, digitus Florentiæ, reliqui cor-  
poris cineres Genuæ ostenduntur. Raynaudus existimat  
etiam bonum Latronem surrexisse, unde & nullæ ejus re-  
liquiæ extant. Obstat videtur S. Augustin: lib: contr:

Qqqq

Feli-



Felician: c. 15. Cujus corpus ad futuram resurrectionem mors communis conclusit. Verum S. Pater qui obiter & aliud agens hanc materiam attingebat, per futuram resurrectionem potuit illam ipsam quæ tunc contingebat intelligere. Præter iam dictos plures forsân resurrexerunt aliî, præsertim ii quos celebrat Apostolus ad Hebr: c. 11. licet extra Iudæam essent mortui & sepulti. Sanctus enim Matthæus minimè ad Iudæam hoc prodigium restringebat cum diceret indeterminatè, *multa corpora Sanctorum qui dormierant surrexerunt*. Hoc etiam decebat liberalitatem & magnificentiam Christi ut suam resurrectionem & ascensionem in cælum, magnâ Sanctorum simul, resurgentium copiâ & pompâ adornaret.

*Ad 2dum punctum quæst:* respondent S. Aug: epl: 99. ad Euod: Theophylact: Euthym: S. Th: Aq: 3. p. q. 53. art: 3. & eos consecrantes Barradius Franc: Lucas Sanctos istos post resurrectionem rursus mortuos ad suos loculos redivisse, ut monumenta eorum prius concussa ac adaptata in pristinum statum redierunt. Fundamentum ita sentiendi accipitur ex S. Paulo ad Hebr: 11. *Promissionem acceperunt ut non sine nobis consummarentur*. Accedit autoritas B. V. Mariæ dicentis ad S. Brigittam. *Scias quod nullum corpus humanum in cælo est nisi corpus gloriosè Filij mei & meum*.

Oppositum sentiunt, quibus accedo, Clemens Alexandr: str: 1. 6. Origenes, Eusebius l. 4. demonst: Evang: S. Epiphanius, S. Hieronymus, S. Ambrosius, V. Beda, S. Anselmus: ex recentioribus Cornel: à Lapide & Sylveira &c. Sanctos hos nempe non ampliùs mortuos esse, sed resurrexisse ad vitam immortalem: vel ut ait Thyræus lib: de app: Spirituum c. 12. Illi qui post Christi mortem Ierosolymam ingressi, multis se spectandos præbuerunt



buerunt, non rursus corpora quæ assumpserant, depou-  
 fuerunt; sed ad cælos secum transtulerunt. Probat 1.  
 Thyraus. Quia conveniens non erat ut rursus morerentur  
 Christi Resurrectionis testes; quomodo enim aliàs fir-  
 mi satis probatiq; hujus testes esse possent? imò repetita  
 morte illorum testimonium concideret, scenamq; potiùs  
 quàm veritatem resurrectionis exhiberent. Probant 2.  
 Cornel: & Sylv: maximè conveniebat, ut & Dominus  
 fructum suæ mortis ac Resurrectionis statim ostenderet  
 in beata hac Sanctorum resurrectione. Probant ijdem 3.  
 Cùm animæ horum Sanctorum iam essent beatæ, non  
 decebat eas uniri nisi corporibus iam gloriosis ac im-  
 mortalibus, in quibus multis apparuerunt. Premit Thy-  
 raus voculam *multis*, & addit ex S. Hieronymo. *Vt hi*  
*viderent qui cernere merebantur*, alioqui si resurrexissent  
 iterum morituri, resurrexissent corporibus minimè glo-  
 riosis, atq; adeò passim quibuslibet sine discrimine ap-  
 paruissent. Probant 4. Quia valde exigua brevisq; ista  
 foret aliàs eorum felicitas, quin longè maior esset eorum  
 miseria atq; tormentum, si iterum esset moriendum, ma-  
 huissent non resurgere quàm rursus tam citò mori. 5.  
 Congruebat ut hi Sancti Christum resurgentem & scan-  
 dentem in cælum stiparent, ejusq; triumphum suâ cor-  
 porali præsentia decorarent quasi captivi à Christo re-  
 dempti & à morte liberati, ac quasi spolia quæ Christus  
 morti & inferno eripuerat. 6. Addit Cornelius. Con-  
 veniebat ut Christus in cælo habeat Beatos, quorum aspe-  
 ctu & colloctione externâ se pascat ejus Humanitas, ne  
 alioqui solitaria sit expersq; ad perfectionem beatitudi-  
 nis, etiam humanæ consolationis. 10. *Statum est omni-*  
*bis hominibus semel mori* ad Hebr: 9. Sed SS. illi prima  
 morte huic statuo satis fecerunt: ergo nihil eos cogebat ut  
 rursus morerentur.



*Obijcitur 1mò.* S. Paulus dicit. *Non acceperunt promissionem* (nempe SS. veteris Testamenti) *ut non sine nobis consummarentur* ad Hebr: II. v. 39. Ergo si SS. Patres sine nobis non sunt consummati, sine nobis perfectâ animæ & corporis beatitudine non sunt donati. R. cum Cæetano illam particulam *sine nobis* non referri singulatim ad personas, sed ad statum legis gratiæ, sic enim Deus disposuit, ut illi SS. PP. non beatificarentur nisi adveniente statu legis gratiæ Evangelicæ. Et ideo hanc sententiam maximè sequuntur recentiores cum Cæetano Suario &c.

*Obijcitur 2dò.* Multos à Christo, B. V. Sanctisq; Divina potestate resuscitados legimus & audivimus. Vt in Evangelio Lazarum, Iairi filiam, filiumq; Naimitidis viduæ. Suscitavit S. Petrus Thabitam Act: 6. S. Stanislaus Petrovinum à triennio mortuum, S. Maurilius Episc: Andeg: infantem absq; Baptismo defunctum, post annos 7. ex potestate mortis vindicavit, ac Renatum ab eventu nominavit (ejus vita 13. 7bris) & in Pontificatu habuit successorem. S. Beunous S. Venefridem Virginem ob constantiam in tuenda castitate decollatam vitæ restituit. (Vita ejus 3. 9bris.) S. Martinus Ep: Turonensis tres ad vitam revocavit, B. Stanislaus Kostka ad minimum 9. S. Xaverius 20. S. Patritius 33. S. Raymundus 45. Iustus fermè populus coalesceret ex ijs qui redivivi fuerunt. Celebriores quosdam recensent Petrasancta. Thaum: part: 1. c. 52. & Bagatta tomo 2do l. 8. c. 2. 3. 4. Non possum quin referam quòd Æneas Gazæus Philosophus Platonius adduxit probaturus Theophrasto catholicum dogma de resurrectione mortuorum. Vir agricola (scribit ex illo Petrasancta) ingenio simplici & probò senis cujusdam Sancti ædes frequentabat documenta

mo-



morum condiscens ab eo & frugum suarum primitias  
 subinde illi offerens. Accidit verò ut filius ei obierit te-  
 nerrimus puer: tum parens nihil de sepulchro cogitans  
 mortuum in sportula frondibus tegit defertq; ad senem  
 quasi essent uvarum primitiæ. Adest, fruitur alloquio, au-  
 dit monita salutis, abitq; cum de filio deq; sua spe omni-  
 no tacuisset. Senex ad horam consuetam refectionis sub-  
 movet frondes, pueriq; cadaver pro uvis attrectans non  
 tam rei novitatem quam probi parentis in filij orbitate  
 fidem demiratus, precibus tandiu Deum fatigavit, do-  
 nec puero vita redierit. Eum itaq; patri restituit, sed si-  
 bi exilium adlegit secedens in eremi solitudinem, cum  
 sibi ab hominum plausu & facti admiratione metueret.  
 Præterea Petrasancta de perpetuis miraculis c. 2. scri-  
 bit in Tyroli esse ædem S. Mariæ de Luggau, ad quam  
 si mortui fatus statim à puerperio perferantur, super a-  
 ram depositi reviviscunt donec lustrali fonte abluantur,  
 & mox rursus moriuntur donati æternitate. Idem pe-  
 renne miraculum refert Gumppeberg in Athlante  
 Mariano ad imaginem B. V. Weissensteynij & Sporæ in  
 Germania superiore: De Libercourt, Geldoniæ, Bethuniæ  
 in Germ: inferiore & Buscij in Lotharingia. Buzeli-  
 nus in Annal: Gallo-Flandricis lib: 1. idem perhibet fre-  
 quentari ad statuam Matris viventium quæ Fournis coli-  
 tur. Sed quotquot ad vitam rediisse unquam hist orijs me-  
 morantur, omnes iterum sunt mortui, non suffragante u-  
 tiq; sibi illo statuto. *Statutum est semel mori.* Ergo &  
 illi qui post Christi mortem resurrexerant, iterum obie-  
 runt. R. Admitto antecedens cum suis probationi-  
 bus ex multiplici historia; reiicio consequentiam. Ha-  
 buit enim Christus Dominus rationes quas sub responso  
 ad 2dum punctum quæsitum retulimus, ob quas Sanctos  
 illos



illos suscitatos morti iterum non redderet, quæ omnino non stabant pro ijs, quotquot alio tempore quàm Christo moriente suscitati leguntur. Nil igitur mirum quòd se tueri non potuerint memorato statuto ab iterato interitu. Porro ipsum statutum sic intelligendum est. *Statutum est omnibus hominibus semel mori*, semel inquam cursu ordinario; non cursu extraordinario quem Deus supremus Legislator & Interpres pro placito suo ad altissimos fines suos potest præscribere: alios quidem suscitando à morte & iterum ei restituendo, quibus sat beneficij erat propter suam lucrandam salutem vel ad modicum ad vitam redivisse, vel qui brevi illo tempore vitæ sibi commodato satisfecerunt fini, ob quem suscitati erant: alios verò secum assumendos ex mortis ditione irrevocabiliter eripiendo.

*Obijcitur 3<sup>to</sup>.* In monte Thabor Dominus gloriam suam ostensurus, Moysen cum Elia tribusq; Apostolis huic spectaculo voluit interesse. Sed Moyses ad hoc spectaculum resuscitatus fuit verè, (ut probat Thyreus de Gloriosa Christi appar: c. 3. p. 2. n. 40. secutus auctoritatem S. Hieronymi, Augustini, Damasceni, orat: de Transfig:) qui hoc Moysis exemplo communem resurrectionem mortuorum infert) nihilominus post spectaculum gloriosum obiit. Ergo & SS. PP. post mortem Christi resuscitati, licet bearentur visione corporis Christi glorificati, tamen obièrunt. Sicut Moyses, imò sicut SS. Petrus Ioannes & Iacobus. R. 1. De ipso apparitionis modo quonam apparuerit variare Doctores. Putant enim alij animam quidem Moyse interfuisse sed in corpore alieno operâ scilicet Angelorum ex aère aliave materia formato, eoq; veluti vestimento indutam, sicut & ipsi Angeli corpora aliena induunt subinde. Ita S. Thom: Aq:

Abu-



Abulensis, & Strabus satis magni authores. Atq; in hoc casu nec resuscitatus Moyfes, nec iterum obiit, adeòq; nihil concluditur. R. 2. Concedamus Thyrao verè Moyfen tunc resurrexisse. Negandum est tamen eundem rursus obivisse, ad quam sententiam ipse Thyraus inclinat. Non obiit scilicet amplius Moyfes post Christi Resurrectionem, sed cum Elia cum quo visionis gloriosæ particeps fuerat, in paradysum concessit, olim cum eodem iunctis viribus contra Antichristum pugnaturus. Teme-merè hoc non dicitur, nec hodie primum excogitatur. Docuit hoc olim S. Hilarius vir SSmus & doctissimus in hunc locum, Ioan: Arboreus Theosophiæ l. ii. c. ii. Catharinus c. 3. Abbas Ioachim in ii. Apoc: Ianssenius, Maldonatus, Gagneius. Et sanè D. Ioann: loco citato Apoc: multa prædicit quæ in Moyfen quadrant; ut enim *hi habent potestatem claudendi calum ne pluât*, allusio est ad Eliam: ita *& potestatem habent super aquas convertendi eas in sanguinem & percutere terram omni plagâ quotiescun-que voluerint*, alluditur ad Moyfen. Si ergo Moyfes viso tantùmmodo specimine quodam gloriæ Christi idq; per transfennam & obiter mori non debuit an non potuit? multò minùs SS. Patres suscitati qui longè plenius gloriam Christi resurgentis sunt contemplati. Verùm hanc de Moyfis vita quæstionem si cui lubet, legat apud Thyraum loco citato & apud Bourghesium c. 87. q. 3. pag. 517. Ego R. 3. Transeat quòd Moyfes iterum fuerit mortuus. Non sequitur mortuos SS. Patres de quibus sermo. Aliud enim erat vidisse quoddam vestigium gloriæ Christi, aliud ipsam gloriam, nec habebat Moyfes rationes iam tunc supervivendi, quemadmodum habuit deinceps fortè resuscitatus cum alijs SS. Patribus in morte Christi: quas rationes iam suprà recensui.

Corol-



## Corollaria.

*Imò.* Temerariè nimium ac protervè hæretici nostri temporis apparitionibus animarum beatarum de cælo, afflictarum ex purgatorio, damnatarum ex inferno derogant fidem, cum adeò manifestum in Evangelio testimonium adstruit apparitiones. *Apparuerunt multis.* Nemo hoc negare potest nisi Evangelium neget. Iam si potuerunt esse & defactò fuerunt huiusmodi apparitiones semel; cur non possint esse iterum atq; iterum, cum apparitionum causæ itidem gravissimæ esse possint. Non loquor de causa materiali, materia enim apparentium post mortem plerumq; est aër condensatus: nec de forma, quæ se sensibus offert. Causa efficiens, ministrativè solet esse Angelus nunc bonus nunc malus; efficiens imperativè ipse Deus. Porro Deus quod potuit semel, cur non possit semper? numquid illa resurrectione mortuorum lassata exhausta est omnipotentia Dei? *IESVS Christus heri & hodie, ipse & in secula* ad Hebr. 13. Si igitur Christus post mortem suam potuit verè suscitatos à mortuis Sanctos visibiles exhibere; cur non possit subinde facere ut defuncti appareant in corporibus ad tempus ex aëre formati? Causam finalem nullam esse aiunt dissidentes? sed falsò. Et plurimæ sunt, & gravissimæ. Nam præter peculiarem rationem cuiusq; singularis apparitionis, cur scilicet vel Beatus quispiam è cælo, vel infelix ex orco, vel ex purgatorio viventibus appareant, sex fines omni apparitioni communes assignat Thyraus de spir. app: c. 13. *Imò.* Apparitiones docent animam hominis non interire cum corpore brutorum more: ut impiè docuerunt Sadducæi Arabiciq; quidam hæretici teste S. Aug: de hæres: c. 25. sed corporis ergastulo solutam aliam vitam vivere longè diversam. *2dò.* Docent possibilem corporum



porum resurrectionem, cujus quædam similitudines sunt  
hæ spirituum apparitiones in assumptis corporibus, non  
enim difficilius Deo est proprium corpus restituere ani-  
mæ, quàm accommodare alienum. Utq; apparitio re-  
surgentium Sanctorum resurrectioni Christi militabat &  
fidem faciebat, ita apparitiones spirituum futuræ no-  
strorum corporum resurrectioni. 3to. Docent Deum  
vivi simul atq; defunctis dominari, siquidem & defun-  
ctorum animæ in ejus negotijs occupantur. 4to. Inno-  
tescit hoc modo ipsarum animarum natura & conditio,  
quòd nempe ad Angelicas creaturas accedat, nec eâ le-  
ge corporibus fuisse iunctas, ut sine ipsis nequeant sub-  
sistere, quòdve possint absq; phantasmatibus intelligere.  
5to. Cognoscitur & Dei omnipotentia quæ talem spiri-  
tum creavit, qui & à corpore non videatur posse separa-  
ri, quamdiu corporis mole circumdatur: & corpore non  
egere simul ac ejus nexibus est exolutus. 6to. Deniq;  
admonemur per apparitiones spirituum, societatis ac  
amicitiæ cum defunctis: ne idcirco eam deponamus, quia  
& illi corporis sarcinam posuerunt, sed potiùs ut eò stu-  
diosius foveamus augeamusque, quò ipsi præter statûs sui  
conditionem plura nobis argumenta & servandæ & au-  
gendæ præbent erga se amicitia. Sunt ergo satis gra-  
ves causæ apparitionum, & protervè nimium agunt qui  
ut universum genus apparitionum in dubium revocent;  
aut fabulas turpes comminiscuntur: aut præter eas quæ  
in Scriptura extant, omnes inficiantur: aut ad supersti-  
tionem omnia revocant & tanquam muliercularum so-  
mania irrident. Meritò S. Hieron: tales perstringit, ubi  
primipilum eorum Vigilantium. *Tu Deo leges ponis? tu  
Apostolis vincula injicis ut esse ad diem iudicij cogantur in  
custodia? cumq; diabolus & demones ubiq; toto orbe va-*

Rrrr

gentur



gentur quare Martyres post effusionem sanguinis tenebuntur inclusi? Vide apud Thyræum lib: citato cap: 11. copiosum apparitionum cathalogum ex omni historia non modò sacra verùm etiam profana; quàm universim falsi damnare, non modò ingens protervia sed etiam est mera insania. Viderint protestantes an non, dum omni vivos commercio cum mortuis per apparitiones, interdiciunt; vivere demùm vitâ functorum animas dubitent ac per epicureismum sive vitam dissolutam ad atheismum viam sternant. Vt non frustra doctissimus Stanislaus Recessius Abbas librum de atheisimis & phalarisimis Evangelicorum conscripserit. Corruptissimos Romæ notabat mores Iuvenalis cùm scriberet

Esse aliquos manes & subterranea regna,

Et contum & stygio ranas in gurgite nigras

Atq; unâ transire vadum tot millia cymba

Nec pueri credunt, nisi qui nondum ære lavantur

Sed tu vera puta. &c.

2dò. Vide admiranda nimium antithera. Mortuo authore visæ animæ SS. defunctorum in corpora sua æternum victura redeunt: anima verò iudæ sub idem tempus è corpore suo infelicissimè extruditur. Scio multos asserere quòd ante mortem Domini ad laqueum properaverit, notanter in hac sententia sunt. S. Chrysost: quòd, inquit, non valeret conscientie stimulos & flagella perferre hom: 85. & hom: 10. *Audiuit diabolus Iudam dicentem peccavi, agnovit in melius vitam capientem, & ad salutem tendentem; timuit mutationem.* Et hom: 3. de prodit. *Confugit ad laqueum ultimum capiens ex pane solatium.* Theophylactus. *Non ferens, ait, ignominias subsecuturas se ipsum è vita subduxit.* Euthymius. *Vt desperata tristiq; vitâ citius liberaretur.* S. Aug: serm: 128. de

tem-



tempore. Deniq; post redditum pretium laqueo se suspendit, ut qui se mulctaverat pecunia, mulctaret & vita. Tam scilicet arcto nexu apud avaros pecunia & vita coherent. Videte (addit S. Leo serm: 9.) quæ germina & quales fructus de avaritiæ stirpe nascentur, hoc perfidus Iudas inebriatus veneno dum sitit lucrum, pervenit ad laqueum.

Et serm: 11. Ad Christi indulgentiam proditor pervenire non potuit, quoniam perditionis filius prius in desperationem transijt, quam Sacramentum Christus generalis redemptionis implevit. Nam mortuo pro omnibus impijs Domino potuisset hic etiam consequi remedium si non festinasset ad laqueum. Impius traditor insurrexit in semetipsum non iudicio penitentis sed furore pereuntis, ut qui auctorem vitæ interfectores vendidisset: in augmentum damnationis suæ, etiam moriendo peccaret. Peccatum ei suum ceu stimulos quosdam ad accelerandam mortem addebat.

Ne verò ullus existimaret Iudam ad maturandam Christi prodicionem suamq; perniciem illis Domini impulsu verbis, quod facis fac citò: occurrit Simon de Cassia dicendo. Festinabat Christus ex animo ad redemptionem omnium perditorum etiam ipsius Iudæ tradentis, nisi desperationem posuisset in obicem, quæ ut credimus, Divinum prævenit sanguinem nondum fusu. Accedunt citatis SS. & Maximus Taurin: & Paschasius. S. Athanasius autem testatur Iudam inaudisse de Latronis conversione, quàm tanta invidiâ exceperit ut ad remedium deniq; laqueum arripuerit. Vnde colligitur non esse certum (quod volunt multi) Iudæ catastrophæ Sancti Latronis conversioni prævisse, qui scilicet Christo Discipuli iacturam suâ conversione resarciverit. Pro fabula & palmari errore explodendum quòd asseruit Origenes Iudam scilicet in morte voluisse prævenire Magistrum & occurrere ei

Rrrr2

cum



cum anima nuda ut confitens & deprecans misericordiam consequeretur. Nam qui non agit penitentiam in corpore, animâ nudâ non obtinet veniam. OEcumenius ex Papia vetusto Scriptore & Apostolorum discipulo narrat Iudam rupto laqueo supervixisse ac postea crepuisse medium. Euthymius ait, cum de laqueo penderet, à prætereuntibus agnitum & depositum vixisse in aliquo secreto loco, deinde intumuisse toto corpore ac capite, deinde ex edito loco cecidisse ac putrefactis visceribus medium crepuisse. Theophylactus hydrope mortuum, sed istorum trium Græcorum opiniones reijciunt interpretes & PP. Latini. S. Augustinus lib: contr: Fel: Manich: collum eum sibi alligasse & deiectum in faciem disruptum esse medium, erumpente forsan ex ejus visceribus cacodæmone quo possidebatur (ut putat Bourg:) Sed quidquid sit de modo infelicissimi obitus de quo satis constat ex Actorum cap: 1. Parum refert scire & ex qua se arbore pensilem fecerit? an ex sycomoro sive ficu fatua, an ex ficu miti ex quali Hebræi putant primos parentes decerpisse fructum vetitum: certè Iuvenius Pôëta communem secutus opinionem de Iuda cecinit

Exorsusq; suas laqueo sibi sumere pænas

Informem rapuit ficus de vertice mortem.

Quidam ut Iudam Christo mortuo supervixisse probent, sumunt argumentum ex Act: 1. *Et hic quidem possedit agrum de mercede iniquitatis.* Si autem statim patratâ proditiōe interiisset: non possedisset. Confirmant hoc variâ lectione, Syrus enim legit, *acquisvit fundum.* Arabs, *possedit rus.* Ethiops, *emit vineam.* Quæ omnia significant Iudam habuisse tempus de pecunia malè parta disponendi & aliquid eâ comparandi, manuq; capiendi. Quia OEcumenius perhibet eum post multa gravissima morbo.



morborum tormenta in suo prædio illo defunctum morte illâ violentâ: quod præ fatore cadaveris desertum permanferit ut non habitetur usq; in præsentem diem. Verum hoc argumentum vim non habet ex allegato textu. Iudas enim ut aiunt Bourgh: & Sylveira agrum propriè non possedit; possedisse tamen dicitur figuratè, quia possedit pretium, de eoq; disposuit ut de suo illud nempe proijciendo, quo deinceps emptus est ager. Vnde & Glossa ex D. Gregorio annotat. *Possideri fecit agrum de mercede iniquitatis*. Salvis omnibus opinionibus relatis, ijs duntaxat quæ nihil absurdum involvunt: Non improbabiler S. Anselmus ad illa verba Actor: *abiens laqueo se suspendit*, annotat. *Non statim, sed in die Resurrectionis, vulgatâ iam & prædicatâ ubiq; Domini Resurrectione*. Si ita res habet: ô! sacrilegum qui diem sanctissimum suo funere turpissimo ac sceleratissimo profanavit: ô! infelicem qui tot ad vitam resurgentibus beatam æternam, in utramq; mortem se præcipitavit. Non finit scilicet peccatum impios Resurrectionis Dominicæ fructum percipere, non finit imitationem expectare. Ah quid prodest tot Christo resurgenti honorarios comites surrexisse, si in meo lapsu persevero, si sponte in mortem animæ ruo nunquam particeps Resurrectionis futurus?

C.

*Quare in horto & in novo monumento voluerit Christus sepeliri?*

**M**iror admodum, aiebat S. Borgia, de mortua maiestate, de sepulto Deo, de silente eo corpore, quod venerabundè colebatur ab Angelis. Eâdem suspensus admiratione D. Damascenus dicebat hom: in Sab: Sancto. *Qui hominem ut in terram converteretur, damnaverat in*  
terra



*terra sepultis oblivioniq; damnatis annumeratur. Dederat olim Deus sententiam ut homines terræ mandarentur. Gen: 3. Donec revertaris in terram de qua sumptus es, &c. En ut ab hac sententia nec se ipsum exemit. Digna profectò res admiratione. Cùm verò admiratio omnis Philosophiæ sit initium, ex eaq; oriantur quæstiones: & ex hac oriuntur nobis plurimæ. Tres duntaxat dissolventur, reliquis in corollarium reiectis.*

*1. mō. Cur Dominus voluerit sepeliri. R. 1. S. Chrysol: serm: 59. Crucifixus est IESVS, ut quia per lignum mors venerat, rediret vita per lignum: & sepultus est ut officia tota mortis impleret. Perfecta sunt opera Dei; etiam Dei-Hominis. Qui mortem subire voluit, nec ejus consecræneum nempe sepulturam omisit. adam & tres consequentes responsiones dat Wittfelt. Vt se verè probaret mortuum. 3. Vt sepultis faceret spem resurrectionis. 4. Vt mirabilior ejus esset Resurrectio. 5. Vt spiritualiter peccato mortuus daret exemplum spiritualis quietis, hoc est ut Christi crucifixi exemplo, crucifixi mundo, carni, peccato, disceremus nosmet sepelire. Non hic ex professo memoro S. Athanasium qui persecutionem Arrianorum devitans in sepulchro Patris sui latuit annis quinque: Non Iacobum Eremitam qui gravia crimina expiaturus sepulchrum vivus subiit, ut in illo mortem animæ suæ toto decennio desleret, vix semel aut iterum herbas in hebdomada degustans, quæ ad ostium conditorij crevissent. Vide ejus vitam 28. Januarij. Illud sufficiet ad nostram instructionem quod Isaias ait c. 1. Ingredere in petram, & abscondere in fossa humo à facie timoris Domini. 6. Vt esset quædam proportio inter animam & corpus Domini. Anima descendit ad inferos, corpus quoq; terræ mandat. Quæ duo Bourghesius*



fius ita pensat. Pœna quædam corporis fuit iacere in sepulchro; animæ descendere in limbum, inibiq; triduo morari. Vtramq; subivit temporaneam; ut æternam à nobis averteret. 7. Rdet Sylveira. Dederat Deus sententiam mortis & sepulturæ in hominem; ipse quoq; Homo factus cùm voluisset mori, sepeliri quoq; corpus suum disposuit. Eâdem mensurâ se & alios mensus est. Sua & aliena eidem sententiæ submisit. Vt disceremus non esse indulgentiores in nosmetipsos quàm in alios.

2dò. *Cur in horto?* Rdet Cornel: 1. Quia in horto Paradysi peccarât Adam, ac mortis sententiam incurrerat: hinc in horto Passionem orsus est Christus, & in horto consummavit dum sepultus est, ut sententiam hanc lueret & expiaret. Hæc responsio sumpta est ex S. Thoma 3. p. q. 71. art: 2. ad 4tum. 2. Resp: idem. Vt hortum amœnissimum floribus & fructibus vernantem, putata Ecclesiam, institueret ac plantaret. In quem sensum præverat S. Ambr: 1. 10. in Lucam. *Posuerunt eum in horto cui frequenter Ecclesia comparatur, quæ diversorum habet poma meritorum floresq; virtutum.* 3. Resp: Bourg. Quia ad hortum cœlestis paradysi Christi morte & sepulturâ patefactus est nobis aditus. 4. Resp: idem. Ad implendam veritatem proditam Ioann: 12. Granum frumenti cadens in terram multum fructum attulit gratiæ, gloriæ, felicitatisq; æternæ. Porro tam electum granum & frumentum electorum in horto seminari æquum fuit. 5. Resp: Wittfelt. Vbi enim sepeliretur omnis vigoris & viroris author. Illic debuit collocari fons hortorum ex quo omnium virtutum germina succum bibunt, & ad immortalitatem irrigantur. 6. Præcinebat quidam sibi Pœta. *Surdus & immemor iacebo pulvis, me tamen integræ lauri coronabunt iacentem & circum hederæ*



*dera violæ, serpent.* Et mos erat tumulos vitæ functorum ab amicis & affinibus spargi floribus. Christo Domino hostilitas parricidarum hoc officium non præstitit: Ergo Sancti vespillones Nicodemus & Ioseph non iam flores verum totum hortum tumulo Christi superimposuerunt.

3tiò. *Cur in monumento novo?* 1. Resp: Sylv. Novum sepulchrum elegit Dominus, quia non decebat Sanctissimum ipsius Corpus, quod ut unitum naturæ Divinæ ita corruptionem non erat subitum misceri putridis cadaveribus peccatorum. 2. Resp: S. Chrysost. Ne quis alius in eo sepultus resurrexisse putaretur aut fingeretur sub illam resurrectionem mortuorum, de qua superiore quaestione. Idem & totidem ferme verbis aiunt SS. Ambrosius & Hieronym. 3. Resp: S. August: *Sicut in Mariæ Virginis utero nemo ante illum, nemo post illum conceptus: ita in hoc novo monumento nemo ante illum, nemo post illum sepultus est.* Nempe quia tumulus fuit quoddam symbolon & parallellon uteri Virginalis. In utero mortalis ac moriturus; in tumulo mortuus iacuit Deus. Quemadmodum ergo ejus Nativitas omni nativitate fuit purior, ita sepultura insigni puritate constare debebat, infert Bourgh. Et Sylveira. Sepulchrum Christi corpus recipiens figurabat SSmam Virginem quæ ipsum recepit in utero suo, necesse igitur fuit ut esset mundum, purum, ac novum sine ulla vetustatis, corruptionis, aut vermiculi nota, ac proinde sepulchrum tanquam 2da Christi Mater, expediebat ut haberet analogiam cum prima, quæ omnino fuit aliena ab omni suspicione maculæ. Porro quod tumulus altera sit Mater Domini, asserit S. Chrysol. *Matatur hic ordo rerum, mortem non mortuum devorat sepulchrum. Domus mortis mansio*



manso fit vitalis. Vteri nova forma mortuum concipit,  
 parit vivum, serm: 74. Accinit Ecclesia in hymno Pa-  
 schali. Qui natus olim è Virgine, nunc è sepulchro nasce-  
 ris. Pulchrè analogiam tumuli Domini cum utero Vir-  
 gineo tractat S. August: serm: 133. de temp. Beatum cor-  
 pus Domini IESV, quod cum nascitur, ex utero Virginis  
 gignitur: cum recedit iusti tumulo (scilicet Ioseph Arima-  
 thæi) commendatur. Beatum planè corpus quod iustitia  
 peperit, & iustitia custodivit. Custodivit enim illud Ioseph  
 tumulo incorruptum sicut servavit MARIÆ uterus illi-  
 batum (conscio utiq; altero Iusto Ioseph.) Sicut pollutio-  
 ne illic non tangitur, sic mortis corruptione non leditur.  
 Vbiq; sancto corpori defertur sanctitas atq; virginitas, no-  
 vus illud venter concepit, novus tumulus conclusit. &c.  
 &c. Idem loquitur lib: 5. de Symb: ad Catechum: c. 3.  
 & S. Hieronym. Potest novum sepulchrum & Virginal-  
 em MARIÆ uterum demonstrare &c. Idem contra lo-  
 vin: Quod clausum est atq; signatum similitudinem ha-  
 bet Matris Domini. Matris & Virginis, unde & in se-  
 pulchro Salvatoris novo quod in petra purissima fuerat ex-  
 cisum, nec antea nec postea quisquam positus est. 4. Resp:  
 S. Th: Aquinas. Vt per hoc detur intelligi quod per Chri-  
 sti sepulturam omnes innotamur morte & corruptione de-  
 structa. 5. Resp: S. Ambri: in Luc. Bene Christus in  
 monumento ponitur Iusti ut habeat Filius hominis ubi  
 caput suum reclinat, & iustitiæ habitatione acquiescat:  
 bene autem noto, secundum literam quidem, ne alius su-  
 scitatus à perfidis diceretur. Mysticè verò quid possi-  
 mus intelligere nisi fortè quia legimus: sepulchrum pa-  
 tens est guttur eorum. Ergo sepulchrum patens est gut-  
 tur hominis in quo perfidia lethalis & mortua verba con-  
 duntur, quod per incursum bestiarum aliquam fatiscit &

Ssss

dis-



*dissolvitur. Est ergo e contrario monumentum in secretis hominum, quod sibi in pectoribus duritiæ gentilis, penetrabili verbo Iustus excidit, fidei atq; doctrinæ operibus expolitum ut prætenderet in nationibus virtus Christi. Adiungit ex eadem ratione erutam cohortationem S. Damasceni: Christus in novo sepulchro reponitur, expurgemus nosmetipsos à fermento veteri novaq; conspersio fiamus ut idoneum Christi simus habitaculum. Quod quidem licet semper curandum est, maximè tamen cùm recipimus Christum in Eucharistia de Cruce Altaris in tumulum pectoris nostri, quando innovatur memoria Passionis ejus: Vetusstatem omnem depellamus, vitamq; ac conscientiam & fervorem devotionis innovemus. 6. Resp: Dela Haye ob significationem quòd citò erat suscitandum, ut mors illi velut somnus fuerit, non ut cæteris mortuis qui ad immortalem vitam ultimo nonnisi die resurgent. Sensus hic est S. Aug: tridui tantum temporis spatio non tam in sepulchro mortuus iacuit, quàm velut in lecto conquivit. Ipsa enim temporis brevitæ declarat potius, somnum fuisse quàm mortem. Porro si quis hospitem insignem apud se quiescere aliquamdiu volentem susciperet, esset ne tam barbarus ne dicam immanis, qui pro lectulo tumulum rancidis ossibus taboq; cadaveris squalentem ac fædum offerret? quin potius lectulum si quem novum nancisci posset, nulli adhuc adhibitum. Hoc præstitit & Iustus Ioseph, qui ut in Christum crediderat, ita eum resurrecturum à somno triduo sperare potuit. Quin etiam ipse Christus novum tumulum, quem pro se Ioseph paraverat videtur tantisper affectasse, quem brevi post integrum ac illibatum suo possessori esset restitutus, utendum quoq; si reverentia ac religio permitteret. 7mam rationem desumunt Borghi: & Dela Haye*

ye ex



ye ex Thalmud & Rabbiniis, qui aiunt corpora damnatorum vetita esse inferri in sepulchra ceteris communia, sed in privatis seorsim ab alijs ponenda. Verum hæc superstitionis Iudæorum sublimioribus Divinæ Sapientiæ rationibus ancillabatur.

*Summa questionis.* Sepeliri Dominus voluit propter perfectionem mortis, imò & exemplum, præstandi quæ quisq; alijs imperat. Vt dicebat Cato, *pareto legi quam quisq; sanxeris.* Legislator super legem est dignitate sua non contemptu ejus. ad interpretationem non ad violationem. Sepultus Deus ob fidem suæ mortis, ob spem nostræ resurrectionis, & maiorem suæ admirationem. Vt ex eo discamus nos in humilitate sepelire. Ob proportionem corporis & animæ separatorum invicem. *In Horto* ad proportionem delicti & satisfactionis ac instaurandæ ruinæ per delictum inductæ. Quia sua morte Hortum mysticum Ecclesiam plantabat. Quia ad Hortum Eden nos reducebat morte suâ. Vt sementem iaceret fructificaturam centuplum & amplius, ipse granum mysticum. Ad hortum pertinebat causa omnis viroris & floris, in sensu reali & morali. Causâ spei nostræ quam designant flores hortenses. Deniq; ut ex veteri ritu non iam floribus sed toto horto urna amabilissimi IESV spargeretur. *In monumento novo.* Ob reverentiam. Ad avertendam omnem suspicionem imposturæ & occasionem calumniæ. Ob analogiam cum Virginali Matris utero. Ob innovationem nostram designandam, & à nobis faciendam. Ob non longum usum tumuli & consuetudinem gentis suæ.

### Corollaria.

I. Admiranda Dei providentia ut Ioseph homo iustus, fidelis, Christoq; devotus haberet hortum calvariæ



proximum, distantem à loco defixæ Crucis 108. pedes (ut ait Bourgh:) & in eo monumentum excisum quod sibi paraverat. Qui scilicet hortus (ut Sylveira) prope ipsum montem seu ad radicem ipsius montis, seu quædam pars montis. Vnde infer duo, alterum, nunquam ita Deum in quenquam Crucem immittere, ut non statim solatium quietemq; provideat. Vti vides vicinum Crucis supplicio & hortum ad voluptatem, & tu nulum ad quietem. Alterum, Fidelium possessiones, prædia iustorum, Crucem in suis terminis habere debere & solere. Debere ex pietate pro affectu erga IESVM; solere ex Dei permissione & pro patientiæ exercitio. Quin & hoc advertite. Mons Calvariæ ad radicem habet hortum: mons funestus locum deliciarum. Vt sciamus Crucem fundari in veris paradysi delicijs: ex delicijs verò sæculi assurgere ingentem montem suppliciorum & miseriarum. Vnde & Seneca dixit. *Morbi sunt usura voluptatum:* & compertissimum est plurima supplicia vindicis iustitiæ tam in hoc quàm altero sæculo ex voluptatibus in tantam molem consurgere. Hortus ad radices calvariæ.

II. In horto Ioseph ejusdem quoq; monumentum fuit, quòd Christo Dominus & horti & tumuli concessit. imò. Iuxta S. Aug. *In aliena sepultura ponitur, quia pro aliorum moriebatur salute. Mors enim ista non illi accidit, sed nobis proficit. Mors ista non illi illata est, sed nobis delata. Vt quid ergo illi propria sepultura qui in se mortem propriam non habebat. Et quid illi tumulus in terris, cujus sedes manebat in celis. Necessarium non erat mortis habitaculum Christo qui Vita est: nec opus habebat semper vivens habitaculo defunctorum. Rectè autem hanc Vitam nos in nostro sepulchro condimus ut vivificet mortem nostram, ut cum ipso à mortuis resurgamus.* Consentit S.

Ambr:



Ambr: 1. 3. de Virg. Bene secundum spiritum in monu-  
 mento Iusti positus est: quia Christus à mortuis in novo iu-  
 sti resurgit affectu. Bene etiam secundum literam alienum  
 monumentum fuit, quia suum monumentum Dominus non  
 quesivit. Habeant tumulum qui sub lege sunt mortis. Vi-  
 ctor mortis suum tumulum non habebat. Non enim ille se-  
 pulchrum mortis desiderabat, qui de morte trophæa refe-  
 rebat. Eadem habet 1. 10. in Lucam & serm: 51. 2dò.  
 Iuxta Theophylactum, qui non habuit domum in vita, neq;  
 sepulturam habet in morte, sed in alieno deponitur, & cum  
 sit nudus, à Ioseph vestitur. Et Severianus Gabalitanus  
 in cat: græc: ad c. 19. Ioan. Propter nos egenus factus,  
 cum esset dives; ut illius inopiâ nos divites essemus, quinimò  
 adeò pauper factus est ut clamaret. Vulpes foveas habent  
 & volucres cæli nidos, Filius autem hominis non habet  
 ubi caput suum reclinet Luc: 9. Hinc etiam post Crucem  
 (de ultima loquor reclamatione,) non in proprium illatus est  
 monumentum, sed Ioseph ab Arimathia in suum tanquam  
 peregrinum suscepit. Mortuum corpus viventis institu-  
 tum sequitur. Non habuit vivens proprium locum, non  
 habet moriens etiam loculum. Non suus sed commodati-  
 titius hic pauperrimi IESV locus, ingentium tamen est  
 divitiarum perennis vena atq; fodina, fovea vulpibus  
 sanctè astutis. Vulpes dicitur quasi volans pes, quo scili-  
 cet volante pede ab insectatore dæmone atq; mundo ani-  
 mæ bonæ se recipiant. Hic dulces latebroso in pumice ni-  
 di volucris gementibus columbis. In alieno conditus  
 horto & tumulo qui in alieno natus stabulo ac præsepio.  
 Melior tamen hortus quàm stabulum, & tumulus ex sa-  
 xo vivo quàm salignum præsepe. Quanquam suâ vitâ sta-  
 bula in hortos verterat, & brutales vitas morte damna-  
 verat. Deniq; cuiusnam fuerit natalitium Domini sta-  
 bulum



bulum? ignoratur: cuius hortus sepulchralis? bene scitur quod fuerit Ioseph. Nempe suâ vita erudiit Dominus ad iustitiam quæ tribuit unicuique suum, Deo autem & Christo omnia, ejus enim sunt omnia. Iam innotuit ista iustitia: notique sunt facti imò & nobiles iusti, qualis iste Ioseph *nobilis decurio*.

III. Requisierat impiissimus regum Achab Nabothem subditum suum 3. Reg: 21. *Damibi vineam tuam ut faciam ex ea hortum olerum.* Quæ expendens B. Petrus Damiani ait. *Ille in hortum vineam conatur convertere, qui rigorem virtutis iucundâ carnalis illecebræ vult amenitate mutare. Vnde & superbi comparantur oleribus,* Psal: 36. *tanquam fenum velociter arescent, & sicut olera herbarum cadent.* Christi Passio Vineam fuit quædam, in qua ipse Christus & vitis & botrus, & calcans torcular & torculari oppressus. Ergo vinea migrat in hortum? Significari quidem potest quod quanto quisque fuerit durius in vita cum Christo tractatus, tanto mollius inter delicias paradysi cubaturum, inter rosas & violas. Asperitates enim vitæ præsentis, molliorem in altera vita sternunt lectulum iuxta illud Psalmi *exultabunt Sancti in gloria, letabuntur in cubilibus suis.* Verumtamen ne quis in præsentis vita ex vinea in hortum, ex austeritate patientiæ in voluptatem degeneret; in ipso horto non in rosis Sardanapali aut Myndiridæ, alijsve hortorum delicijs: sed in duro saxo sepelitur IESVS. Ut ostendat illam esse exquisitam virtutem, medijs in hortis ac floribus deliciarum, saxa & asperitates ultro quæ sibi quærat atque complectatur. In saxo sepelitur, scilicet in petra excavata. In vivo ac solido lapide ex quo constabat mons Calvarius. Imò. Ad significationem mysticam. *Molles enim & quæ facile in voluptates effunduntur animæ, Di-*

*vinum*



*vinum verbum admittere non sustinent sed firmæ tantum  
& masculo quodam robore ad virtutem amplectendam ex-  
ercendamq; præditæ.* Ait S. Damascen: orat: Sab: Sanct.  
Non in arena, non in pulvere, sed in petra recipitur IE-  
SVS, hoc est non in illo qui in relapsu ac vitiorum est  
effusione: sed in eo qui habet firmitatem ac constanti-  
am in virtute. Subiungit Sylveira. 2dò. Vt esset immo-  
bile nec unquam aboleretur, extaretq; perpetuum mor-  
tis ac resurrectionis monumentum

*Monumentum ære perennius regaliq; situ pyramidum altius  
Quod non imber edax non Aquilo impotens possint eruere*  
3tiò. Ad Christi honorem & reverentiam Divini cor-  
poris hypostaticè uniti Deitati. Non enim solent in e-  
jusmodi sepulchris nisi magni & nobiles sepeliri. Vt no-  
tant post S. Chrysoft: Bourgh: & Sylveira. *Quamquam*  
*si ille tumulus non ex lapide sed ex obryzo adamanteq;*  
*fuiſſet, quid eſſet proportionis ad dignitatem Dei-Ho-*  
*minis? Exclamabat olim Varro*

*Marmoreo Licinus tumulo iacet! at Cato parvo!*

*Pompeius nullo! & credimus eſſe Deus.*

Impiè Pòëtaster hic ex improportione tumulorum ad  
corpora quæ continebant, Deum ac Providentiam infi-  
ciabatur. Nos ut nascentem in stabulo, ita sepultum in  
saxo vili credimus eſſe Deum perq; fidem fugimus mel de  
petra oleumq; de saxo durissimo. *In petra excisum dici-*  
*tur, hoc est in fidei firmamento. De qua veri Iſrâélitæ dul-*  
*cedinem mellis & oleum spirituale ſuxerunt.* S. Ambros:

IV. Tumulus Christi fuit ex saxo uno id est con-  
tinuo. Imò. Ad adstruendam firmitus resurrectionis ve-  
ritatem. Ne quis calumniaretur per cuniculos ablatum  
corpus. *Ne si ex multis lapidibus ædificatum sepulchrum*  
*eſſet: ſuffoſſis tumuli fundamentis ablatuſ furto diceretur.*

Ait



Ait S. Hieron. 2dō. Sicut Christus in vita summè dilexit unitatem, sic & in morte voluit eam in suo sepulchro denotare, & inde disponit, ut non ex multiplici lapide, sed ex uno esset exstructum. Quia solum ubi est unio, ibi requies Christi. Quale porrò illud sepulchrum fuerit? iuvat scire.

V. Beda in c. 13. Marci. De monumento (inquit) Domini ferunt qui nostra ætate de Hierosolymis in Britanniam venēre, quòd domus fuerit rotunda, de subiacente rupe excisa, tantæ altitudinis ut intro consistens homo vix manus extentâ posset culmen attingere. Habet introitum ab oriente, cui magnus ille lapis advolutus est. In cuius monumenti parte aquilonari sepulchrum ipsum hoc est corporis Domini locus de eadem petra factus est, septem habens pedes longitudinis, trium verò palmorum mensura cætero pavimento altius eminet. Qui videlicet locus non desuper sed à latere meridiano per totum patulus est, unde corpus inferrebat. Adrichomius quoq; in descriptione Ierusalem. Sepulchrum Domini gloriosum monumentum erat novum octo pedes longum, quod à monte calvaria 108. pedibus, à monte Sion 1000. passibus distabat in horto montis calvarie propinquo quod in petra sibi Ioseph exciderat. In hac descriptione præter cætera iam explicata considerandus etiam situs.

VI. Corpus Christi in sepulchro, sicut prius in Cruce, ita collocatum fuit; ut capite & facie ab Oriente & Iudæa, aversa Occidentem, id est Italiam & Romam respiceret. *Cornel: a Lap.* Quòd etiam in aquilonari monumenti parte IESVS meus iacuerit, gratuletur sibi Aquilo seu Septentrio noster, & ex tyrannide illius qui iam olim aquilonis latera usurpaverat, gaudeat esse in libertatem Christi assertum.

VII.



VII. Lapidem insuper ostio monumenti advolutum memorant Evangelistæ. Et hoc imò veritati mysterij Resurrectionis inserviebat: ostendebatq; *monumentum sine auxilio plurimorum non potuisse referari*, ait S. Hieron. Ne quis causari posset Christum, cum nondum mortuus esset remoto lapide è sepulchro evasisse, aut Discipulos furatos, si facile aperiri potuisset. Vide quot argumentis Dominus Resurrectionis suæ veritatem voluerit evincere ac stabilire. Volebant(ait Sylveira) IESVM Discipuli in alio digniore monumento longius à civitate collocare. Vel nominatim(ut Bourgh:) fortè in Bethaniam transferre. Sed noluit Dominus sepulturæ locum aut à Cruce, aut ab Ierusalem abesse. Divinâ providentiâ factum est ut non remotius ab Ierusalem corpus poneretur, (ut observat S. Chrysost.) Ne scilicet calumnia strui posset de corpore longius asportato & non sepulto, sed raptò ad fallendos homines rumore resurrectionis. Sic autem & prope sepulto Domino & sepulchro munito omnibus obiectionibus contrarijs est occursum. Utq; mors Domini fuit manifesta, sic neq; obscurior resurrectionis, ipsis etiam inimicis tam conscijs loci, non solum Discipulis & amicis. In quorum gratiam maximè hæc loci electa vicinia, ut eo se facile conferre & omnibus è propinquo in oculis esse possent quidquid agerent. Si autem de more Iudæorum, famiæ faminarum, viri viro- rum curabant funera; Magdalena & aliæ piæ mulieres spectarunt quidem & planxerunt sed minimè funus curarunt, quò respexisse videtur Matthæus c. 27. v. 61. *Erant autem ibi Maria Magdalena & altera Maria sedentes contra sepulchrum.* Marc: 15. v. 4. *aspiciebant ubi poneretur.* Lucæ 32. *Viderunt monumentum & quemadmodum positum erat corpus.* Vnde pulchra cautela innuitur

Tttt

omni-



omnibus viventibus, quantum alterius sexus tactum horrere debeant; si Dominus ne quidem mortuus tam Sanctarum mulierum manibus attrectari voluerit. 2dò. Lapis ostio advolvitur, (ait S. Hilar: Can: 34.) *Quia nihil est quod præter eum oporteat in pectora nostra penetrare.* Item. *Vt quia nullus antea in nos Divinæ cognitionis auctor fuerat illatus, nullus absq; eo postea inferatur metus.* Id est lapis olim durissimus quidam pectora nostra faciebat Christo inaccessa: postquam ea iam Christus subintravit, lapide quodam constanti eadem sunt munienda ne ullum peccatum illuc penetret. Certè quamdiu Christus est in corde, seu obiecto marmore nullus timor illuc irrumpere potest. *Magnum saxum occludit monumenti ostium: ut innuat quàm in meatu occlusus aditus omni malo in pectore illo in quo IESVS retinetur & asservatur.* Sylveira. 3tiò. *Pulcherrimè lapis admotus est ne pateret. Quicumq; enim in se bene humaverit Christum diligenter custodiat ne eum perdat.* S. Ambr: l. 10. in Lucam.

VIII. Sicut præceptum erat lege Divinâ Deut: 21. ut appensi in patibulo eadem die & (ut addit Philo) ante occasum solis sepelirentur: serò diei Passionis suæ sepultus est Dominus bene post nonam lucente tamen adhuc sole. Nam ad vesperam quâ incipiebat Sabbathum, quiescendum erat. Vnde mos obtinuit vetus, (cujus meminit Cyprian: de orat: Dom: ut Vesperarum laudes serò à Clericis in memoriam sepulturæ Domini psallantur. Hæc ex Vittfelt.

IX. Corpore Domini in tumultum illato anima descendit in loca subterranea iuxta illud Eccli: 24. *Penetrabo omnes inferiores partes terræ & inspiciam omnes dormientes, & illuminabo omnes sperantes in me.* Ex quo textu inferunt Bellarminus &c. imò. Descendisse animam  
Chri-



Christi ad locum damnatorum five gehennam, idq; per  
 realem præsentiam non autem per virtutem tantum.  
 Effectum hujus descensus exprimit S. Chrysost: serm: 3.  
 de Asc. Incorrupto & glorioso resurgens corpore, hostis vi-  
 res confregit, & ejus machinas contrivit, telis dissipatis,  
 vinculis disruptis, dolorum ac perturbationum iugo præiecto  
 ad Plutonis regiam descendit, ejus thronum dirulsit, dia-  
 dema distraxit, sceptrum perdidit, eum, qui tenebatur exol-  
 vit, tyrannum pessumdedit &c. In eundem sensum lo-  
 quuntur S. Casarius Arelaten: serm: 1. de Pasch: in bibl:  
 magna PP. S. Augustinus &c. Quæ de descensu reali faci-  
 lius quàm de virtuali explicantur. Quanquam SS. Tho-  
 mas & Bonav: &c. contrarium teneant ducti eâ ratione  
 quòd frustraneus illuc Domini esset descensus in quo ni-  
 hil erat profecturus, *in inferno enim nulla redemptio*, item  
 quòd damnati ejus præsentia gloriosa erant indignissimi.  
 Quanquam potuit illos Dominus severiore vultu invise-  
 re ut Rex quispiam sceleratos perpetuis carceribus tri-  
 remibusve addictos. 2dò. Quòd non descenderit ad lim-  
 bum infantum originali crimine absq; ullo remedio ob-  
 strictorum de eadem causa, scilicet quòd & illarum visi-  
 tatio fuisset otiosa, hi enim nec ex eo regenerati nec ejus  
 redemptionis erant futuri participes. Sic Suarius. 3tò.  
 Ad purgatorium five realiter five per suam virtutem &  
 effectum descenderit, credibile est plenariam afflictis il-  
 lis animabus concessam indulgentiam & à culpa & à pæ-  
 na, tum pro munificentia sui ingressus & triumphi, tum  
 ad instantiam Sanctorum Patrum pro ijs forsan suppli-  
 cantium, qui ardentius adventum Messie suspirassent, de  
 quibus in Evang. *Multi Reges & Prophete &c. &c.*  
 Quanquam mox illæ animæ in limbum SS. Patrum tran-  
 slatæ sunt. Huc interpretantur SS. Aug: & Greg: illud

Tttz

Olex



Osee 13. *O mors ero mors tua, morsus tuus ero inferne.*  
 Mortem enim penitus interemit & extinxit: infernum  
 momordit duntaxat quâdam ei parte detracta, scilicet  
 animabus purgatorij & limbi incolis. In quem descen-  
 dit. 4to. Limbus ille SS. Patrum vocabatur sinus Abra-  
 hæ, continebat animas in gratia & iustitia è corpore e-  
 gressas, nulliusq; purgationis indigas. Ad has descendit,  
 cum eis toto tempore secundum animam commoratus,  
 quo corpus in sepulchro iacuit nempe 36. horis circi-  
 ter. Ratio descendendi 1. Vt eis passionis & mortis suæ  
 fructum impertiret. 2. Vt eos captivos à diabolo sua  
 morte devicto vindicaret; ab inferni carcere in sui regni  
 ditionem reduceret. 3. De morte & inferno triumphum  
 ageret, & ut in terra vivens ac moriens, ita in inferno  
 vim suæ Deitatis & omnipotentix demonstraret. 4. Sol  
 iustitiæ erat Dominus, quemadmodum ergo terrigenis  
 exortus erat, ita & in inferno exoriri voluit his qui in  
 tenebris & umbra mortis erant. *Damasceus l. 3. de fide*  
*c. 29.* O quale ibi gaudium & animarum Beatarum & a-  
 nimæ Christi Beatissimæ! Quæ gratulatio! quæ iubila-  
 tio incolarum antiquissimorum tot annis expectantium  
 Redemptorem! ut Adam, Evæ, Abelis, Noe, Abraham, S.  
 Simeonis, Annæ Prophetissæ, S. Ioseph, S. Ioan: Bapt:  
 S. Latronis dextri. Quæ contra eiulatio, execratio da-  
 mnatorum, Iudæ traditoris, latronis obstinati, Luciperi  
 & ejus sociorum Principum tenebrarum!

Elucet in hoc descensu Salvatoris eximia humilitas  
 per se non dedignantis descendere in infimas terræ par-  
 tes. Charitas erga SS. PP. iustosq; omnes ejus expecta-  
 tione suspensos. Liberalitas & munificentia dum eis bea-  
 tificam confert visionem ac limbum commutat in para-  
 dysum. Meditari licet 5. Choros Beatarum animarum

Salvâ-



Salvatoris animam Deitatemq; adorantium, gratulantium, & gratias agentium. 1. Patriarchæ eorumq; Posteritatem tanquam summum Patriarcham Patremq; futuri sæculi adorabant. 2. Prophetæ ut eminentissimum Prophetam, per quem omnes adimpletæ prophetiæ. 3. Pontifices, Sacerdotes, Levitæ tanquam summum & æternum Sacerdotem qui se ipsum obtulit in Cruce. 4. Iudices, Duces, Reges, uti fortissimum strategum, qui omnes potestates æreas debellavit, peccatum, mortem, mundum devicit. 5. Martyres ab Abele usq; ad Innocentes ut Principem Martyrum, suæ Deitatis testimonium sua morte & Resurrectione confirmantem. Præcinebat Baptista. *Ecce Agnus Dei, &c. & dignus est Agnus qui occisus est accipere virtutem &c.* Hæc omnia quæ sub numero IX. pono, mutuavi ex Bourghesio.

X. Non deest (idem author ait) in sepultura Christi exemplum humilitatis, quod ad eam se Dei Filius abiecerit. quasi corpus ejus mortuum nihil differret à cæteris cadaveribus: Cum tamen Deitatem vitæ omnis originem hypostaticè adiunctam haberet. Confirmatur hoc sensu & verbis Fulgentij lib: 3. ad Tras: c. 25. *Ecce facta distinctione Divinitatis, carnis, & animæ quantum ad proprietatem substantiæ attinet solum corpus IESV dicit de Cruce depositum, aromatibus conditum, & linteis obvolutum. Propter unitatem verò Personæ, quoniam Deus hominem quem ex Virginis utero suscepit, nec in morte, nec in sepulchro deseruit, propterea Ioannes adiecit. Ibi posuerunt IESVM. Verè Divino Spiritu plenus Sanctus Evangelista locutus est: ut primitus quid in Christo mortuum fuerit, & sepultum ostendens diceret acceptum corpus IESV & ligatum linteis cum aromatibus: Et quia quod Deus coniunxit, homo non separat:*

pro-



propterea non corpus *IESV*, sed *IESVM* dicit in monumento positum. Sciebat enim quod ille susceptor pleni hominis Deus totus esset cum carne sua in sepulchro, totus cum anima sua in inferno, totus in mundo, totus in celo, totus in unitate naturæ in Patre de quo extitit, totus per omnipotentiam Divinitatis suæ in tota creatura quam fecit. Vel quod paucioribus dicit Theologia. Verbum quod assumpsit, nunquam dimisit. Adeoq; non destituit suum corpus in sepulchro etiam, licet Humanitas esset destructa sublata unione essentiali corporis & animæ.

XI. Sepultura Christi licet fuerit honorifica in compensationem contemptuum opprobriumq; stante vita ei irrogatorum: multo tamen deinceps extitit gloriosior; iuxta prædictionem Prophetæ, & erit sepulchrum ejus gloriosum. Isai: 11. v. 10. In quem locum vide Cornel: à Lapide & in Matth: c. 27. v. 60. & Illustrissimum Peregrinum Nicolaum Radzivilium in relationibus sui devotissimi itineris. Sufficit hoc loco scire quod S. Helena sepulchrum Domini splendidissimâ Basilica superstructâ decoraverit. In ea Godeffridus Bullonius imus è Christianis Ierusalem Rex ejusq; Successores Sepulchrum Domini ceu novellæ suam olivam, ceu satellites curiam stiparunt.

Sicut Parnassia Laurus

Parva sub ingenti matris se subijcit umbrâ  
Ordo quoq; Equitum & Canonici Regulares sub Regula  
S. Augustini, dicti Miechovienses, sub titulo ac auspicijs SSmi Sepulchri merent.

XII. Non omittenda iucunda pariter ac fructuosa Sylveiræ observatio ad S. Ioannem & Ethymologicus lusus in vocabulo *Monumentum*. Hunc, inquit, tumulum Ioannes vocat *Monumentum* quasi monens mentem de  
Chri-



Christi amore morte ac sepultura. Non frustra hoc monumentum excisum in petra, ne qua scilicet temporum iniuria mentisve incuria, hujus sepulturæ & beneficij oblitteret memoriam. *Ad perennem etiam ex loco rei memoriam* ait Cætanus. Monet mentem hoc monumentum: Vt siquidem nec Deus-Homo declinavit tumulum: nos purè homines eum declinare impossibile nobis persvadeamus. *Nemo* (inquit Seneca) *mortalium erravit ad sepulchrum*. Nemo, satius diceret aberravit à sepulchro ut illud evaderet: nam pleriq; errando etiam, idq; passim, ad tumulum ceu metam ac terminum viæ perveniunt. Memento ergo sepulchri mortalis homo vel ex illo quo immortalis Deus condi non dubitavit. Ingeniosa illa suæ salutis fuit industria in S. Ioanne Eleemosynario, qui ut sublimatus in Cathedram Pontificalem, sepulchrum continuò fabricari sibi mandavit sed non perfici, ut scilicet identidem latomus admonendo illum nondum perfectæ sandapilæ, urgendoq; ad eam perficiendam: sepulchri ac mortis refricaret memoriam. Memoranda & illa Cæsarum Orientalium cæremonia, quibus inter ipsa inaugurationis solennia atq; maximas pompas Lapidicæ solebant aliquot diversa marmorum genera præsentare, petentes è quonam quisq; Augustus lapide Pario an Thasio urnam sibi funeralem parari vellent. Quo ritu in summo æstu oblivisæ vanitatis, tumuli cum throno inevitabilem bene inculcabant viciniam. Alex: Cardinalis Oliva sepulchri modulum ut scriniolum sibi fabricari iussit. Inibi; se ipsum in purpura iacentem exprimi cum lemma: *te in omnibus operibus tuis memorare notissima tua & in eternum non peccabis*. Rho exempli: l. 5. c. 3. Sæpe illud fun bre scrinium contemplabatur, ut bene vitam componeret. Iuvat ad idem Christi sepulchrum.

Monet



Monet mentem monumentum Domini, eaq; ingerit  
 quæ ex S. Francisco Borgia hic adscribenda putavi. In-  
 terfui (ait ibi B. V.) Passioni Sacratissimi Filij mei, & ad-  
 umbrabam personam totius Ecclesiæ, quæ ut ejus Sponsa  
 redempta tanto pretio, nunquam abesse debet à myste-  
 rijs Crucis, sed in sinu semper habere suum Crucifixum,  
 devovere se illi, eum fovere pectore & animo, abluere la-  
 crymis, ungere devotionis unguentis, charitatisq; findo-  
 ne involvere; purissimo cordis sepulchro condere debet:  
 & invigilare diligentiori curâ monumenti ostio ne intro-  
 ducatur latrocinium culpæ, quo tantum perdere potest  
 Sponsum. *Peccatum enim fur bustuarius qui etiam sepul-  
 chrum IESU violare ac effringere non veretur.* Et infra.  
 Gloriosissimum fuit illud sepulchrum, in quo mortuus  
 Deus, peccatoribus conciliabat vitam. Altè indormie-  
 bant homines suis vitijs & peccatis; ibi suscitati sunt ad  
 elegantiam gratiæ, ibi aperti mortalium mentis oculi ut  
 cernere possent viventis Dei gloriam. Iacuit in sepulchro  
 Divinum corpus confossum vulneribus, decolor, fune-  
 bre: ut tuum beetur corpus in communi omnium resur-  
 rectione supernis illis & gloriosis muneribus impassibi-  
 litatis, subtilitatis, celeris penetrabilitatis, summæq; cla-  
 ritatis; ut perinde quasi tremula sydera aut fulgurantes  
 stellæ niteat. Attamen tibi persuasum velim tum tempo-  
 ris nemini concedenda ea dona, nisi sepeliverit se iam  
 in humilitate suæ terræ ac cineris ad latus Christi. Ut  
 impuræ voluptati mortuus vivat Deo. &c. &c. Hæc S.  
 Princeps & Asceta.

Deniq; Plinius lib: de funeral: antiqq: apud Sylvei-  
 ram memorat in more fuisse ut superstites in sepulchris  
 amicorum figuram cordis sculperent, eo symbolo conte-  
 stati cor & mentem suam simul cum amico sepeliri ac  
 unâ



unâ recondi. Præstitit id reverà B. V. MARIA Filio suo  
 ut revelavit S. Brigittæ 1. 2. c. 21. *Verè dicere possum*  
*quòd sepulto Filio meo, quasi duo corda in uno sepulchro*  
*fuert. Numquid non dicitur ubi est thesaurus tuus, ibi*  
*& cor tuum: sic in sepulchro Filij mei semper cogitatio &*  
*cor meum versabatur.* Ah! utinam te Sanctissima ac lu-  
 etuosissima Genitrix imitemur. Libenter se coniuges eo-  
 dem sepeliunt tumulo: libenter amantes, cineres suos a-  
 micis cupiunt confundi cineribus; libenter devoti prope  
 tumulos ac memorias Apostolorum, Martyrum, aliorum-  
 què Servorum Dei sepulturas eligunt: nos in ipso tumu-  
 lo Filij tui animos, corda, nosq; totos sepeliamus. In eo-  
 dem interim conditorio stylum meum ac præsentem tra-  
 ctatum depono ac sepelio. Non potest in lucem ire  
 splendidius quàm ubi in eas tenebras concesserit. Nec  
 vivere felicis quàm in sepulchro Sapientie increata.

## Crucifixo Laus & Gloria.





# INDEX QUESTIONUM

I.

*Quisnam ille fuerit Lazarus quem Christus à morte suscitavit? & an maius sit miraculum obstinatum peccatorem converti quam à mortuis resurgere?* fol: 103.

II.

*Quot genera conciliorum Iudæi habebant, & illud, quod contra Christum habuerunt, quale fuit?* fol: 109.

III.

*Quomodo Iudæi peccaverunt Christum occidendo, quandoquidem ipse morte sua voluit hominem redimere?* fol: 117.

IV.

*Quare Christus Iacobo & Ioanni Apostolis petentibus ut unus à dextris, alter à sinistris sederet in Regno ejus, respondit: nescitis quid petatis?* fol: 118.

V.

*An una fuit Maria Magdalena, an etiam plures?* fol: 122.

VI.

*Quid sit unguentum nardi pistici?* fol: 124.

VII.

*An solus Iudas, an reliqui etiam Apostoli de effuso unguento murmurabant?* fol: 125.

VIII.

*Cur Christus Iudæ commisit loculos cum scire eum fore furem?* fol: 126.

IX.

*An Ecclesiasticis & personis Spiritualibus loculos habere, ad possessiones bonorum vel rerum temporalium possidere liceat?* fol: 128.

X.



X.  
*Quâ die Christus Pascha celebravit, quâ Eucharistia Sacra-  
mentum instituit, & an in azymo vel fermento, &  
quâ die passus est?* fol: 131.

XI.  
*Christus in Parasceve quot canas celebraverit?* 138

XII.  
*Ante lotionem pedum quam vestimenta Chri-  
stus deposuit?* 139.

XIII.  
*A quo Discipulorum cepit IESVS lavare pedes?* 140.

XIV.  
*Cur Ioannes Evangelista de pedum ablutione acturus proditio-  
nem Iudæ meminerit?* 141.

XV.  
*Domus illa & canaculum, in quo Christus Pascha celebravit  
& Eucharistiam instituit, ad quem pertinebat, & quis  
Dominus ejus erat?* 142.

XVI.  
*Quo desiderio desideravit Christus Pascha  
manducare?* 144.

XVII.  
*Quid significat hoc loco Regnum Dei, cum Christus dicat: ex  
hoc non manducabo illud donec impleatur  
in Regno Dei?* 146.

XVIII.  
*Quomodo accipienda sunt verba illa consecrationis cali-  
cis. Hic est calix &c. qui pro vobis & multis  
effundetur &c?* 148.

XIX.  
*An benedictio panis fuerit consecratio?* 150.

XX.  
*An benedictio distingatur à gratiarum actione?* 152.

Uuuu2 XXI.



- XXI.  
An ante Eucharistiae institutionem, an post, Christus sui predi-  
tionem Apostolis prae dixit? 153.
- XXII.  
An Iudas in Cena Domini sumpserit Sanctissimam  
Eucharistiam? 155.
- XXIII.  
Ex qua occasione inter Apostolos contentio facta sit, quis  
eorum maior esset? 156.
- XXIV.  
Qualis panis fuit quem intinctum Christus Iudae porre-  
xit, & in quo intinctum? 157.
- XXV.  
An illa buccella fuerit Eucharistiae? 157.
- XXVI.  
Quomodo intravit satanas in Iudam? 158.
- XXVII.  
Verba illa: quod facis fac citius, ad Iudam, an ad sata-  
nam dicta sunt? 161.
- XXVIII.  
Quare Iudas auditis Christi verbis: quod facis, fac  
citius, statim exiit? 162.
- XXIX.  
Cur Christus Dominus post abcessum Iudae ex cenaculo, dixit:  
nunc clarificatus est Filius hominis? 163.
- XXX.  
Qualis hymnus fuit quem Christus post ce-  
nam dixit? 165.
- XXXI.  
An Christus fuerit naturâ suâ timoris, meroris, tristitiae, &  
altiarum humanarum passionum capax? 167.
- XXXII.  
Cur Christus mortem suam saepe vocat calicem? & cur in horto  
gravit ut calix ab eo transiret? 170.



## XXXIII.

*Quomodo intelligenda sunt verba illa Christi: non mea, sed  
tua voluntas fiat?* 175.

## XXXIV.

*Quanto tempore Christus in horto oraverit?* 178.

## XXXV.

*Quare Christus precipit Apostolis vigilare & orare ne  
intrarent in tentationem?* 179.

## XXXVI.

*An Angelus ter vel semel apparuerit  
confortans Christum?* 181.

## XXXVII.

*Quomodo Angelus Christum confortaverit?* 181.

## XXXVIII.

*Cur Iudas osculo Christum tradiderit?* 183.

## XXXIX.

*An statim dato osculo Iuda Christus comprehensus?* 184.

## XL.

*Voce Christi: ego sum quid significat prostratio illa  
Iscariotis & Iudeorum?* 186.

## XLI.

*Qualis gladius Petri fuit, & an peccaverit  
Malchum percutiendo?* 187.

## XLII.

*An sanando Malchum Christus eum  
etiam convertit?* 189.

## XLIII.

*Quae sunt illae Scripturae quas Christus  
de se implendas dixit?* *ibid.*

## XLIV.

*Quomodo omnis, qui gladium acceperit  
gladio debet perire?* 193.

## XLV.

*An liceat Christianis bellum gerere?* 195.



- XLVI.  
*Quare solus Christus est comprehensus,  
 ligatus, & mortuus?* 199.
- XLVII.  
*Quisnam fuerit ille Adolefcens,  
 reiecta sindone fugiens?* 200.
- XLVIII.  
*Quare Christus ductus fuit primò ad Annam?* 201.
- XLIX.  
*In cuius domo Christus & à quo percussus alapâ?* 203.
- L.  
*Quis alapam Christo impegerit?* 205.
- LI.  
*Quis ille fuit discipulus notus Pontifici, qui Petrum  
 in domum Caiphæ introduxerit?* 206.
- LII.  
*Quoties Petrus Christum negavit?* 208.
- LIII.  
*An Petrus Christum ut Deum, an  
 ut Hominem negaverit?* 210.
- LIV.  
*An licitum sit quandoq; negare fidem?* 212.
- LV.  
*Quomodo Christus respexit Petrum post terti-  
 am ipsius negationem?* 214.
- LVI.  
*Quare Petrus non oravit potius, quàm sevit?* 216.
- LVII.  
*Quæ causæ lapsus Petri?* 217.
- LVIII.  
*Cur Christus Pilato traditus fuerit?* 219.
- LIX.  
*Cur Iudæ non profuit penitentia sicut Petro?* 223.
- LX.



|      |         |   |      |
|------|---------|---|------|
| 199. | LX.     | Quid sit Corban sive Corbona?   | 224. |
|      | LXI.    | Quis fuerit Pilatus?  | 227. |
| 200. | LXII.   | Quae crimina à Iudeis Christo obiecta sunt apud Pilatum?  | 230. |
| 201. | LXIII.  | Quid est Veritas?   | 233. |
| 203. | LXIV.   | Cur Christus tam apud Caipham ad falsa testimonia, quam ad calumnias apud Pilatum, tum & apud Herodem siluit?   | 238. |
| 205. | LXV.    | Quare Christus tam in flagellatione, quam in crucifixione se permisit denudari?   | 243. |
| 206. | LXVI.   | Quot vicibus Christus flagellatus?  | 245. |
| 208. | LXVII.  | Quoties Christus in Passione vestibus exuebatur & induebatur?   | 249. |
| 210. | LXVIII. | Quare spinea corona Christus fuit coronatus?  | 252. |
| 212. | LXIX.   | Quam ob causam Pilatus Christum flagellis deformatum, & coronatum spinis populo presentat dicens: Ecce Homo. & quot instantijs liberare eum à morte satagebat?  | 257. |
| 214. | LXX.    | Quenam esset uxor Pilati, & quod nomen illi erat? an credidit in Christum & maritus etiam ejus? Vtrum à bonis vel malis Angelis passa fuerit somnium? Quare illa, & non maritus ejus Pilatus passus fuerit hoc somnium? Cur non alio modo, sed terroribus fuerit exagitata? | 262. |
| 216. | LXXI.   |   |      |
| 217. |         |   |      |
| 219. |         |   |      |
| 223. |         |   |      |



## LXXI.

*Pilatus lavans manus, an excu-  
satur à cæde Christi?*

265.

## LXXII.

*Qualis fuit tenor decreti à Pilato  
contra Christum latum?*

269.

## LXXIII.

*Qua figura in Veteri testamento Christum  
baiulantem Crucem exprimebant?*

272.

## LXXIV.

*Ex qua arbore Crux Christi fuit?*

274.

## LXXV.

*Quare ante Crucis baiulationem Christo chlamys fuit  
deposita, non verò spinea corona?*

281.

## LXXVI.

*Cur Christus induitur proprijs vestimentis dum Cruce  
onustus ad mortem ducitur?*

284.

## LXXVII.

*Quàm magna & gravis fuerit Christi Crux, quàm longum  
& molestum Christo præ cruciatibus iter?*

286.

## LXXVIII.

*Quare Christus dum erat robustior non portavit Crucem, sed  
cùm lassus fuerit viribus ob cruciatus?*

291.

## LXXIX.

*Quisnam fuerit Simon, quem angaria verunt  
ad portandam Crucem Christi?*

294.

## LXXX.

*Quare Christus in Crucis baiulatione, non verò in alijs  
cruciatibus adiutorem admisi?*

296.

## LXXXI.

*An solus Simon Crucem Domini portavit, an verò adiuvit  
tantum Christum in ea asportanda?*

298.

## LXXXII.



LXXXII.

265. *Quomodo Christus invitavit nos ad portandam Crucem suam?  
& quomodo ea nobis baiulanda est?* 300.

LXXXIII.

269. *Quare Christus plangere & lachrymari super se mulie-  
ribus non permittit, sed super se ipsas & super  
filios suos illas flere iubet?* 306.

LXXXIV.

272. *Quale fuit vinum myrrbatum Christo  
ante crucifixionem oblatum?* 312.

LXXXV.

274. *Quare Christus oblatum vinum bibere recusavit?* 315.

LXXXVI.

281. *Cur Christus non intra civitatem sed  
extra eam mori voluit?* 317.

LXXXVII.

284. *Mons in quo Christus crucifixus unde Calvaria  
dictus? & an ibi Adam fuit sepultus?* 319.

LXXXVIII.

286. *An Christus Dominus totus nudus  
in Cruce suspensus?* 323.

LXXXIX.

291. *Quis modus crucifixionis?* 329.

XC.

294. *Cur Christus non aliâ morte nisi in Cruce voluit  
mori & nos redimere?* 336.

XCI.

296. *Cur inter latrones Christus crucifixus?* 437.

XCII.

298. *Quâ borâ crucifixus?* 475.

XCIII.

299. *Quare Christus non descendit de Cruce?* 495.

Wwww

XCIV.



XCIV.

*Utrum ambo latrones in Cruce, vel alter illo-  
rum Christum blasphemavit?*

315.

XCV.

*Quibus de causis Christo datum acetum, & cur illud  
acceptavit non verò myrrhatum vinum?*

326.

XCVI.

*Latus Christi quare post expirationem apertum?  
& an finistram an dextrum?*

337. & 364.

XCVII.

*An sanguis & aqua separatim  
an mixtim effluxit?*

392. & ma-

XCVIII.

*Cur velum templi scissum?*

xime 627.

XCIX.

*Quinam Sancti resurrexerunt, & an  
rursum sunt mortui?*

686.

C.

*Quare in horto & in novo monumento  
voluit Christus sepeliri?*

701.



*Præter enumeratos ad primas Tetrachordij partes,  
in hac tertia parte sequentes etiam citantur*

AVTHORES.

Rabbi

Abraham Ben Ezra Hispanus.

Ado Treuirensis Episcopus, Author Martyrologij.

Ælianus Polyhistor.

Alexander

Alensis Ord. Min. Mag. SS. Thome et Bonavent.

Æneas Gazæus Platoniscus, Philosophus Christianus.

Æneas Sylvius qui postea PIVS II.

Andre-



- Andreas** Alciatus Iuriconsultus Mediolanensis.  
 Alphonsus à Castro Ord: min: observ:  
 S. Anastasius Sinaita Patriarcha Antiochenus.  
 Antiochus Ptolomaidensis.  
 Andreas Cretensis.  
 Andreas Laurentius Medicus.  
 Apollinaris Laodicenus Episc: Mag: S. Hieronymi.  
 Apuleius Afer Philos: Platonius.  
 Arboreus Doctor Th: Parisiensis.  
 Arias Montanus. Theologus insignis Hispanensis.  
 Aristæas Iudæus.  
 M Ioannes Avila Presbyter Hispanus Theologus & vite spiri-  
 tualis Magister eximius.  
 Aufonius Poeta Burdegalensis.  
 Laurentius Bartilius Soc: IESV.  
 Ioannes Beletus Theol: Parisien:  
 Bibliotheca Magna Veterum Patrum.  
 686. Gabriel Byel Theologus.  
 Franciscus Bivarius Ord: Cister:  
 Henricus Bodeker Soc: IESV.  
 701. Ludovicus Blofius Abbas Latiensis Ord: S. Benedicti.  
 Iacobus Bosius  
 Guillemus Vander Boffche Medicus.  
 S. Franciscus Borgia ex Duce Gandie Soc: IESV III. Generalis.  
 Ioannes Bourghesius Societatis IESV.  
 S. Braulio & Halecas Casaraugustani Episcopi.  
 Ioannes Buifonius Theol: Duacensis.  
 Iulius Cesar Bulengerus Soc: IESV.  
 Buteo.  
 S. Cæsarius Arelatensis Episcopus.  
 Petrus Calestinus.  
 S. Callixtus II Papa.  
 Melchior Canus Ord: Predicatorum, Episcopus Canariensis.  
 Hieronymus Cardanus Medicus & Mathematicus.  
 Ioannes Carthagena Ord: Min: observ:  
 Nicolaus Caussin Soc: IESV.  
 Chrysippus Presbyter Ierosolymitanus.



|                     |   |
|---------------------|---|
| <b>Alphonsus</b>    | Ciaceonius <i>Ord: Præd:</i><br>Claudianus <i>Poëta.</i><br>Clusius.  |
| <b>Franciscus</b>   | Collius <i>Theol: Doctor in Colleg: D. Ambrosii Me-</i><br>Columella. <span style="float: right;">(diolani.)</span>   |
| <b>Vilhelmus</b>    | Damasi <i>Lindanus Episc: Ruremundensis.</i>  |
| <b>Martinus</b>     | Delrio <i>Soc: IESV.</i><br>Dioscorides <i>Medicus.</i>   |
| <b>Rembertus</b>    | Dodonæus <i>Medicus</i>   |
| <b>Gvilelmus</b>    | Durandus <i>Episc: Mimastensis.</i>   |
| <b>Ioannes</b>      | Eckius <i>Theologus insignis.</i><br>Emmanuel Ludovicus <i>PaceIulienfis Soc: IESV.</i>   |
|                     | S. Ephrem <i>Diaconus Edessenus, Eremita.</i>   |
|                     | Epictetus <i>Philosophus.</i>   |
| <b>Gvilelmus</b>    | Estius <i>Theol: Duacen:</i><br>Evagrius <i>Diaconus Constantinop: Historicus</i><br>Eusebius <i>Gallicanus.</i><br>Eutropius <i>Historicus.</i>  |
| <b>Matthias</b>     | Faber <i>Soc: IESV.</i>   |
| <b>Petrus</b>       | Faber,  |
| <b>Everardus</b>    | Fullonius <i>Soc: IESV</i><br>Galenus <i>medicorum Princeps.</i><br>Georgewicz.   |
| <b>Gilbertus</b>    | Genebrardus <i>Ord: S. Bened: Archiepiscopus Aquen:</i><br>Geraldinus. <span style="float: right;"><i>Chronol: &amp; Theol:</i></span><br>Gislandus.<br>Godefridus <i>Viterbiensis Presbyter.</i> |
|                     | Goropius <i>Becanus.</i>  |
| <b>Bartholomeus</b> | Gramondus <i>Historicus Gallicus.</i>   |
| <b>Cornelius</b>    | Graphæus <i>Aloftanus Poëta.</i>  |
|                     | S. Gregorius <i>Turonensis Episcopus.</i>   |
| <b>Isobus</b>       | Gretserus <i>Soc: IESV.</i>   |
|                     | Gvilelmus <i>Parvus Ord: Can: Reg: S. Ang: Can-</i><br>Gumpenberg <i>Soc: IESV.</i> <span style="float: right;">(tio: interpretes.)</span>  |
| <b>Gvilelmus</b>    | Haye <i>Servius Soc: IESV.</i>  |
| <b>Ioannes dela</b> | Hermannus <i>Carthusiensis.</i><br>Herrera.<br>Hesselius <i>Theol: Levanienfis.</i>   |

Hora



Sidronius      Horatius Flaccus Poëta  
 Rogerius de      Hofchius Soc: IESV.  
                      Hoveden Historicus Anglus.  
                      S. Hyppolitus M. Episcopus Portuenfis.  
                      S. Ignatius Episc: Antiochenus M.  
                      S. Ignatius de Loiola Fundator Soc: IESV.  
 Melchior      Inchoffer Soc: IESV.  
                      Ioachim Abbas Ord: S. Bened:  
                      S. Irenæus Episc: Lugdunensis M.  
                      S. Isidorus Episc: Hispalensis Ord: S. Bened:  
                      Iulius Firmicus Astronomus.  
 Ioannēs      Iunior Ord: Prædic:  
 Rabbi David      Kimki Hispanus.  
 Athanasius      Kircherus Soc: IESV.  
 Albertus      Koiałowicz Soc: IESV.  
                      Latinus Pacatus.  
                      Lævinus Lemnius Zivicaus Medicus.  
 Aloysius      Lipomanus Episc: Veronensis.  
 Iustus      Lipsius Orator & Philosophus moralis in Acad: Lo-  
 Iacobus      Lobbetius Soc: IESV. (vaniens: V. cl.  
 Petrus      Lombardus Magister sententiarum Episc: Parisinus  
                      Lucanus Poëta.  
 Flavius      Lucius Deater Historicus.  
 Ioannes      Lupardus Romanus.  
                      Macarius Philadelphienfis.  
 Ambrosius      Macrobius Vir Coss:  
 Dominicus      Magius Presbyter Melitenfis.  
 Ioannes      Maior Soc: IESV  
 Daniel      Mallonius.  
 Leopoldus      Mancinus Soc: IESV.  
 Baptista      Mantuanus Carmelita Poëta & Theol: celebris.  
 Lucius      Marinæus Historicus Hispanus.  
 Marcus      Marulus Spalatenfis.  
                      Martyrologium Romanum.  
 S.      Martialis Episc: Lemovicensis.  
                      Martialis Poëta.  
 Andreas      Masius Theol: Belga.  
                      S. Melchil-

osi Ma-  
 diolani.

SV.

Aquen:  
 Theol:

Can-  
 pres.

Hora



**S. Melchtildis Virgo Ord: S. Benedicti.**  
**Franciscus** Mendoca Soc: IESV.  
**Ioann: Steph:** Monochius Soc: IESV.  
**Ioannes** Molanus Theol: Lovaniensis.  
**Vicentius** Moles Medicus.  
**Isidorus** Mosconus.  
**Ioannes** Nadasi Soc: IESV.  
Nonnus Panopolites.  
**Claudius** Noyet Soc: IESV.  
**Hieronymus** Oleaster Ord: Præd.  
**Alphonsus** Paleottus Archiepisc: Bononiensis.  
**Gislelmus** Pepinus Ord: Præd.  
**Sylvester** Petrasancta Soc: IESV.  
Petrus Cellensis Abbas Ord: S. Bened: Ep: Carnot:  
Petrus Comestor Author historiae scholasticae.  
**Michaël** Pexenfelder Soc: IESV.  
Plato.  
**S. Polycarpus M. Episc: Smyrnenfis.**  
Pontanus.  
Paimasius. Episc: Affricanus.  
Procopius Gazæus.  
**Aurelius** Prudentius Poeta Christianus.  
**Franciscus** Quaresmius Ord: Min. de observ:  
**Nicolaus** Radziwil Pal: Viln: Peregrinus Terra Sancta.  
**Theophylus** Raynaudus Soc: IESV.  
**Stanislaus** Rescius Polonus Abb: Andreæ:  
**Petrus** Ribadeneira Soc: IESV.  
**Franciscus** Ribera Soc: IESV.  
**Bartholomeus** Riccius Soc: IESV.  
Roas.  
**Ioannes** Ruellius medicus.  
Ruffinus Presbyter Aquileiensis.  
**Rabbi** Salamon Iarchi Gallus.  
**Iacobus** Sallianus Soc: IESV.  
Sanctius Avila.  
**Nicola** Sanderus Theol: Anglus.  
**Carolus** Scribanus Soc: IESV.

Veneçia.



**Yenceflaus** Schweitzer Soc: IESV.  
**Celius** Sedulius Presb: Scotus Interp: Scriptu: & Poëta.  
 Severianus Gabalitanus Episc:  
**S.** Sidonius Apolinaris Arvernensis Episc:  
**Hermias** Sozomenus Graecus Historicus.  
**Carolus** Sigonius.  
 Stephanus Cantuariensis.  
**Famianns** Strada Soc: IESV.  
 Strykowski Canonicus Samogitiae.  
 Svetonius Historicus.  
**Laurentius** Surius Carthusianus.  
**Martinus** Szentymany Soc: IESV.  
**Matthias** Tanner Soc: IESV.  
**Ioannes** Thaulerus Ord: Pred: postea Carthusianus.  
**Gaspar** Thausch Soc: IESV.  
**S.** Thelesphorus Papa M.  
 Thiepolus.  
**Petrus** Thyraeus Soc: IESV.  
**Andreas** Tiraquellus Iuriconsultus.  
**Iacobus** Tirinus Soc: IESV.  
**Groilelmus** Tolitus Medicus.  
**Lucas** Tudenfis Episcopus.  
 Valadier celebris Concionator Gallus.  
**Franciscus** Valetius Medicus Philippi II. Hist: Regis.  
**Gabriel** Vasquez Soc: IESV insignis Theologus.  
**Flavius** Vegetius Scriptor rei milit: Comes Constantinop:  
 Velleius Paterculus Historicus.  
 Viennense Concilium sub Clemente V.  
**S.** Vincentius Ferrerius Ord: Pred:  
 Publius Virgilius Poëta.  
**Marcus** Vitruvius Architectonicus Scriptor.  
 Ufvardus Ord: S. Bened: Martyrologus.  
**Lucas** Wadinghus Ord: Min: de Observ: Historiographus.  
**Groilelmus de** Wael Soc: IESV.  
**Adamus** Webber Ord: Canonisorum Lateranensium.  
**Petrus** Wittfeldt Soc: IESV.  
 Xenophon

Xiphi-



Ioannes

Xiphilinus Patriarcha Constantinop.

Zacharias Lexoviensis Capucinus.

Zonaras Ord. S. Basilij Magni Monachus sed Schi-  
smaticus.



In tertia Tetrachordij parte  
Errata typographica sic corrige.

| pag: no.     | lineâ 1.                    | in utroq;  | Lege | ab utroq;               |
|--------------|-----------------------------|--|------|-------------------------|
| 112.         | linr 4. à fine              | spurinæ  |      | Spurinæ                 |
| 115.         | l. 1.                       | cogitaverunt   |      | cogitaverunt            |
| 117.         | l. penul:                   | paovidentia  |      | providentia             |
| 123.         | l. 1.                       | denominata   |      | denominatam             |
| 130.         | l. ult: <i>post</i> ut ubi, | <i>adde</i> maior est perfectio,                                   |      | maior sit &c.           |
| 139.         | l. 21.                      | interquos  |      | inter quos              |
| 145.         | l. 2.                       | Licidum  |      | licitum                 |
| 158.         | l. 6. à fine                | fur eat  |      | fur erat                |
| 163.         | l. 14.                      | concordie  |      | concordiæ               |
| 165.         | l. 15.                      | nallus   |      | nullus                  |
| 171.         | l. 8.                       | hic alludi   |      | hoc alludi              |
| 173.         | l. 9.                       | Bel arminus  |      | Bellarminus             |
| 175.         | l. 2.                       | nec peccent  |      | ne peccent              |
| 177.         | l. 3. à fine                | corde  |      | cordi                   |
| 187.         | l. 10.                      | distinxit  |      | discinxit               |
| 201.         | l. 6. à fine                | fugam  |      | fugâ                    |
| 209.         | l. 23.                      | perniciûs  |      | penitiûs                |
| 212.         | l. 8.                       | ab infirmis  |      | ad infirmis             |
| 217.         | l. 8.                       | Peetrus  |      | Petrus                  |
| 224.         | l. 8. à fine.               | quos <i>adde</i> non peccâsse,                                     |      | sed infelicitè pec: &c. |
| 226.         | l. 4.                       | Non tam mihi. <i>dele</i> non. <i>lege</i> tam mihi quam vobis &c. |      |                         |
| 225.         | l. 4. à fine                | excolunt   |      | excolant                |
| 227.         | l. 8.                       | Christicidiumq;  |      | Christianicidiumq;      |
| Ibid: l. 15. |                             | intitulatos  |      | intitulatis             |



232. l. 5.

233. l. 19.

Ibid: l. 21.

242. l. 5. à fine

244. l. 19.

245. l. 16.

Ibid: l. 26.

246. l. 11.

247. l. 16.

Ibid: l. 18.

Ibid: l. 22.

248. l. 5.

Ibid: l. 10. à fine

249. l. 17.

251. l. 23.

252. l. 3.

261. l. 13.

267. l. 22.

269. l. 11.

272. l. 18.

275. l. 17.

278. l. 3.

281. l. 18.

Ibid: l. 19.

284. l. 114.

287. l. 7. à fine

288. l. 1.

Ibid: l. 16.

305. l. 5.

326. l. 19.

328. l. 10.

232. l. 17.

241. l. 18.

242. l. 3. à fine

248. l. 5.

354. l. ult:

in tua lucem

rearguens

Veritati

impietatis

paliata

quasi

monte tessaro

Ceiphæ

verborum

atiam

similis

verborum

describentibus *adde*

flagellaretur *adde*

Pastorem

paludamentum *adde*

*infra*

luere

cum

in qua

Augustinianæ

me moratus

humeribus

odore

affectus

ad quod

tintinabulâ

composita

destinemur

mutatum

honestati, *adde*

accensum

Gandaventis

Modcetivæ

Hæreticus

cælo

in traducem

redarguens

Veritatem

in impietatis

pallhiata

quàm si

monotessaro

Caiphæ

verberum

etiam

similiter

verberum

usurpatum

& alio loco

Pastor

ad

*intra*

lucere

cur

se

Augustinæ

memoratus

humeris

odoro

aspectus

ad quid

tintinnabula

imposita

destinemur

mutuatum

ait

ascensum

Ruræmundensis

Modoetivæ

Hæreticus

cæli



|                   |                |               |
|-------------------|----------------|---------------|
| 369. l. 3.        | solum          | solum         |
| 406. l. 3.        | Christi        | Christum      |
| 412. l. 4. à fine | verborum       | verberum      |
| 438. l. 1.        | eum            | cum           |
| 438. l. 11.       | infidio farum  | infidiofarum  |
| 439. l. 17. post  | discursum adde | super         |
| 461. l. 21.       | caosam         | cariosam      |
| 464. l. 21.       | metello        | metallo       |
| 468. l. 8. à fine | anilium        | animalium     |
| 484. l. 13.       | in horæ        | in hora       |
| Ibid: l. 18.      | toleratorum    | toleratarum   |
| 491. l. 8.        | petit          | fletit        |
| Ibid: l. 10.      | æterstum       | æternum       |
| 534. l. 22.       | amyrhato       | à myrrhato    |
| 535. l. 3. à fine | propius        | proprius      |
| 542. l. 10.       | Marindæ        | Marinæo       |
| 569. l. 17.       | præmisso       | permisso      |
| 572. l. ult:      | &              | ut            |
| 580. l. 9.        | mimio          | mimo          |
| 608. l. 4.        | cæpit          | cepit         |
| 613. l. 8. à fine | famen          | flamen        |
| 615. l. 1.        | cogi tate      | cogitare      |
| 616. l. 6. à fine | draphragmatis  | diaphragmatis |
| 618. l. 4.        | homorem        | humorem       |
| 619. l. 8.        | mortali        | mortuali      |
| 629. l. 14.       | dimandi        | dimanandi     |
| 643. l. 12.       | esse           | à se          |
| 660. l. 10.       | abyflo         | byflo         |
| 682. l. 3.        | fo litarij     | solitarij     |
| 697. l. ult:      | eumq;          | cumq;         |
| 698. l. 20.       | visæ           | vitæ          |

*Cetera minora ut interpunctiones & accentus omisso perperamve  
positos Lector benevolus ut facile advertet, sic equiboniz consulat.  
Absq; his non fit amice liber.*





# MEDITATIONES, CONSIDERATIONES,

&

pij affectus erga crucifixum IESUM,  
& dolorosissimam Matrem ejus.

*Etsi hoc totum Tetrachordij opusculum, piarum considerationum ac affectuum uberem dare possit studioso Lectori materiam: ne tamen quid Tetraphoniæ desit in fronte hujus operis promissæ, ex varijs Sanctis, asceticis Authoribus, pijsq; Libellis; (quantum turbatissimum modernum tempus permisit) collectas, præmissâ exhortatione S. Anselmi Archiepiscopi Cantuariensis, hîc exhibemus.*

## I.

**A**nima Christiana, anima de gravi morte resuscitata: **i.**  
anima de misera servitute Christi sanguine redempta  
& liberata: excita mentem tuam, memento resuscitationis tuæ, recogita redemptionem & liberationem tuam. Retracta ubi & quæ sit virtus salvationis tuæ? Versare in meditatione ejus: delectare in contemplatione ejus. Excute fastidium tuum: fac vim cordi tuo: intende in hoc mentem tuam. Gusta bonitatem Redemptoris tui,

A

Accen-



1.  
accendere in amorem Salvatoris tui. Mande favum verborum: fuge plusquam mellitum saporem: gluti salubrem dulcorem. Mande cogitando, fuge intelligendo, gluti amando & gaudendo. Lætare mandendo, gratulare fugendo, iucundare glutiendo. Meditat: de redempt: generis humani cap: 1.

II.

*Ex S. Augustini meditat: c. 6. Vbi repræsentat homo Patri passionem Filij.*

- I. **A** Spice Pie Pater Pijssimum Filium, pro me tam impiam passum. Respice Clementissime Rex, quis patitur, & reminiscere benignus, pro quo patitur. Nonne hic est, mi Domine, innocens ille, quem, ut servum redimeres, Filium tradidisti. Nunquid non Auctor vitæ hic est? qui, ut ovis ad occisionem ductus, tibiq; usq; ad mortem obediens factus, atrocissimæ non timuit necis genus subire. Recole totius salutis Dispensator, quia hic est ipse, quem etsi ex tua virtute genuisti, meæ tamen infirmitatis participem esse voluisti. Verè hæc est tua Deitas, quæ meam induit naturam; Crucis ascendit patibulum, quæ in assumpta carne triste tulit supplicium. Reduc, Domine Deus meus, oculos tuæ Maiestatis super opus ineffabilis pietatis. Intuere dulcem natum, toto corpore extensum. Cerne manus innoxias pio manantes sanguine: & remitte placatus scelera, quæ patrarint manus meæ. Considera inerme latus crudeli perfoßum cuspide, & renova me sacro fonte, quem inde credo fluxisse.
2. Vide immaculata vestigia, quæ non steterunt in via peccatorum, sed semper ambulaverunt in lege tua diris

con-



3.  
confixa clavis: & perfice gressus meos in semitis tuis, &  
fac me odio habere benignus omnes vias iniquitatis. Vi-  
am iniquitatis amove a me, & fac me, propitius viam  
veritatis eligere. Oro te Rex Sanctorum, per hunc San-  
ctum Sanctorum, per hunc Redemptorem mei; fac me  
currere viam mandatorum tuorum, ut ei valeam spiritu  
uniri, qui meâ non horruit carne vestiri. Nunquid non  
attendis Pie Pater adolescentis Filij Charissimi caput  
niveâ cervicē deflexâ pretiosissimum resolutum in mor-  
tem? Aspice mitissime Conditor, dilectæ sobolis huma-  
nitatem, & miserere super infirmi plasmatis debilitatem.

Candet nudum pectus, rubet cruentum latus, ten- 3.  
sa arent viscera, decora langvent lumina, Regia pallent  
ora, procera rigent brachia, crura pendent marmorea,  
rigat terebratos pedes beati sanguinis undæ. Specta,  
gloriosè Genitor gratissimæ prolis lacerata membra; &  
memorare benignus, quæ mea est substantia. Conspi-  
care Dei hominis pœnam, & relaxa conditi hominis mi-  
seriam. Vide Redemptoris supplicium, & redempti di-  
mitte delictum. Hic est, Domine mi, quem propter pec-  
cata populi tui percussisti, licet ipse sit dilectus, in quo  
tibi bene placuisti. Hic est ille innocens, in quo dolus  
non est inventus, & tamen inter iniquos deputatus est.

### III.

*Ibidem sequ: cap: recognoscit homo se causam  
esse passionis.*

**Q**uid commisisti, dulcissime Puer, ut sic iudicareris? 1.  
Quid commisisti amantissime Iuvenis, ut adeo durè  
tractareris? Quod scelus tuum, quæ noxa tua, quæ causa

Ar

mor



mortis, quæ occasio tuæ damnationis? Ego, ego sum tui plaga doloris, tuæ culpa occisionis. Ego tuæ mortis meritum, tuæ vindictæ flagitium: Ego tuæ passionis livor, tui cruciatus labor. O admirabilis censuræ conditio, & ineffabilis mysterij dispositio! peccat iniquus, & punitur iustus. Delinquit reus, & vapulat innocens. Offendit impius, & damnatur pius. Quod meretur malus, patitur bonus, quod perpetrat servus, exsolvit Dominus; quod committit homo, sustinet Deus. Quò nate Dei, quò tua descendit humilitas? Quò tua flagravìt charitas? Quò processit pietas? Quò excrevit benignitas? Quò tuus attigit amor? Quò pervenit compassio?

2. Ego enim iniquè egi, tu panâ mulctaris. Ego facinus admisi, tu ultione plecteris. Ego crimen edidi, tu torturæ subjiceris. Ego superbivi, tu humiliaris. Ego tumui, tu attenuaris. Ego inobediens extiti, tu obediens, scelus inobedientiae luis. Ego gulæ parui, tu mediâ afficeris. Me ad illicitam concupiscentiam rapuit arbor, te perfecta charitas duxit ad Crucem. Ego præsumpsi vetitum, tu subijisti aculeum. Ego delector cibo, tu laboras patibulo. Ego fruor delicijs, tu laniaris clavis. Ego pomi dulcedinem, tu fellis gustas amaritudinem. Mihi ridens congaudet Eva, tibi plorans compatitur MARIA. Ecce Rex gloriæ. Ecce mea impietas, & tua claret pietas. En mea iniustitia, & tua liquet iustitia.

3. Quid Rex meus, & Deus meus, quid retribuam tibi pro omnibus quæ retribuisti mihi? Non enim inveniri potest in corde hominis, quod condignè talibus referatur præmijs. Nunquid sagacitas machinari potest humana, cui compareretur miseratio Divina? Nec est creaturæ moliri officium, quo iustè Creatoris recompenset præsidium. Est autem nate Dei in hac tua, admirabili  
dis-



dispensatione, est cui fragilitas mea in aliquo suppetit, si tuâ visitatione compuncta mens, carnem suam crucifigat cum vitijs & concupiscentijs. Est hoc cum à te conceditur, quasi iam tibi incipit compati; quia & tu pro peccato dignatus es mori. Sicq; per interioris hominis victoriam, te duce armabitur ad dexteriores palmam; quatenus devictâ persecutione spiritali, non vereatur pro amore tui subijci gladio materiali. Ita exiguitas conditionis, si tuæ complaceat pietati, magnitudini valebit pro viribus respondere Creatoris. Et hæc cælestis medicina, Bone IESV, hoc tui antidotum amoris. Oro te per antiquas misericordias tuas, infunde vulneribus meis, quo rejectâ viperæ contagionis bile reintegret incolumitati pristinæ; quo gustato tuæ nectare sçavitatis, faciat me illecebrosa mundi toto affectu despiciere, & nulla ejus adversa pro te formidare, memorq; perpetuæ nobilitatis semper fastidiam ventos hujus transitorij timoris.

Nihil (quæso) sine te, mihi dulcescat; nihil complaceat, nihil pretiosum, nihil præter te mihi arrideat speciosum. Vilescant, obsecro, absq; te mihi omnia, sordèant universa. Quod tibi adversum est, sit mihi molestum; & tuum beneplacitum, mihi indeficiens desiderium. Tædeat me gaudere sine te, & delectet contristari pro te. Sit mihi nomen tuum refocillatio, & memoria tui consolatio: fiant mihi lachrymæ meæ panes die ac nocte investigando iustificationes tuas; sit bonum mihi lex oris tui, super millia auri & argenti. Sit obedire tibi, mihi amabile; & resistere tibi, execrabile. Rogo te, spes mea, per omnes pietates tuas, ut propitius impietatibus meis. Adaperi aures meas mandatis tuis, & ne declines (flagito) per nomen Sanctum tuum in verba mali-



tix cor meum, ad excusandas excusationes in peccatis. Peto etiam per admirabilem humilitatem tuam, ne veniat mihi pes superbix, & manus peccatoris non moveat me.

## IV.

*Idem de verbo ad verbum in meditat: S. Anselmi c. 7. ejusdem S. Aug: verba in Manuali c. 22. de recordatione Vulnerum IESV Christi Domini nostri.*

1. **C**um me pulsat turpis aliqua cogitatio, recurro ad vulnera Christi. Cum me premit caro mea, recordatione vulnerum Domini mei resurgo. Cum diabolus mihi parat insidias, fugio ad viscera misericordix Domini mei, & recedit à me. Si ardor libidinis moveat membra mea, recordatione vulnerum Domini nostri Filij Dei extingvitur. In omnibus adversitatibus non inveni tam efficax remedium, quàm vulnera Christi. In illis dormio securus, & requiesco intrepidus.
2. Christus mortuus est pro nobis. Nihil tam ad mortem amarum, quod morte Christi non sanetur. Tota spes mea est in morte Domini mei. Mors ejus, meritum meum & refugium meum, salus, vita, & resurrectio mea: meritum meum, miseratio Domini. Non sum meriti inops, quamdiu ille miserationum Dominus non defuerit. Et si misericordix Domini multx, multus ego sum in meritis. Quantò ille potentior est ad salvandum, tantò ego sum securior.



*Idem Sanctus in Manual: c. 23. asserit, quòd recordatio Vulnerum Christi est efficax remedium contra omnes ad-versitates.*

**P**ECCAVI peccatum grande, & multorum sum mihi I. conscius delictorum. Nec sic despero, quoniam ubi abundaverunt delicta, superabundavit & gratia. Qui de venia peccatorum suorum desperat, negat Deum esse misericordem. Magnam iniuriam Deo facit, qui de ejus misericordia diffidit. Quantum in se est, negat Deum habere charitatem, veritatem, & potestatem, in quibus tota spes mea consistit: scilicet in charitate adoptionis, in veritate promissionis, & in potestate redemptionis. Murmuret iam quantum voluerit insipiens cogitatio mea, dicens: Quis enim es tu? & quanta est gloria illa, quibusve meritis illam obtinere speras? Et ego fiducialiter respondebo: Scio cui reddidi, quia charitate nimiam adoptavit me in filium: qui verax est in promissione, potens in exhibitione, & licet ei facere, quod vult.

Non possum terreri multitudine peccatorum, si 2. mors Domini in mentem meam venerit; quoniam peccata mea illum vincere non possunt. Clavi & lancea clamant mihi, quòd verè reconciliatus sum Christo, si eum amavero. Longinus aperuit mihi latus Christi lanceam, & ego intravi, & ibi requiesco securus. Qui timet, amet: quoniam charitas foras mittit timorem. Nullum tam potens est, & tam efficax contra ardorem libidinis medicamentum, quam mors Redemptoris mei. Ex-

dit



8.  
dit brachia sua in Cruce, & expandit manus suas, paratus in amplexus peccatorum. Inter brachia Salvatoris mei & vivere volo, & mori cupio. Ibi securus decantabo: Exaltabo te Domine, quoniam suscepisti me, nec delectasti inimicos meos super me. Salvator noster caput inclinavit in morte, ut oscula daret suis dilectis. Toties Deum osculamur, quoties in ejus amore compungimur.

## VI.

*Ex meditationibus B. Anselmi Archiepiscopi Cantuariensis de redemptione generis humani c. 2. Cur sit occulta, & tam diu dilata virtus salvationis?*

1. **C**ur Bone Domine, pie Redemptor, potens Salvator; cur tantam virtutem operuisti tantâ humilitate? An ut falleres diabolum, qui fallendo hominem deiecit de paradyso? Sed utiq; veritas nullum fallit. Qui ignorat, qui non credidit veritatem, ipse se fallit. Qui videt veritatem, & odit, & contemnit, ipse se fallit. Veritas itaq; nullum fallit. An ideo, ut ipse diabolus se falleret? Sed utiq; sicut veritas nullum fallit, ita non intendit, ut aliquis se fallat: quamvis dicatur hoc facere, cum permittit. Non enim assumpsisti hominem, ut te notum operires, sed ut ignotum aperires. Verum Deum, verum hominem te dixisti, & operibus ostendisti.

2. Res per se occultata fuit, non studio occulta; non sic est facta, ut absconderetur, sed ut suo ordine perficeretur; nec ut aliquem deciperet, sed ut quemadmodum oportebat, fieret. Etsi dicitur occultata: non est aliud, quam



quàm non est omnibus revelata. Nam etsi veritas non omnibus se manifestat, nulli tamen se negat. Ergo Domine, nec ut falleres, nec ut aliquis se falleret, sic fecisti. sed ut faceres, quod & quomodo faciendum erat, per omnia in veritate perstitisti. Qui ergo se fefellit in tua veritate, non de te, sed de propria queratur falsitate. An diabolus habebat aliquid iustè adversus Deum, vel adversus hominem, propter quod Deus prius deberet adversus eum pro homine hoc modo agere, quàm apertâ fortitudine: ut dum allectum illum hominem iniustè occideret, iustè potestatem, quam super iniustos habebat, perderet.

Sed certè diabolo nec Deus debebat aliquid nisi præ- 3.  
nam, nec homo nisi vincere. Ita ut quemadmodum ab illo se faciliè permisit vinci peccando, ita illum vinceret usq; ad difficultatem mortis iustitiam integram servando. Sed & hoc non nisi Deo debebat homo. Nam non peccavit adversus diabolum, sed adversus Deum: nec homo diaboli erat, sed & homo, & diabolus Dei erant. Sed & quod diabolus vexabat hominem, non hoc faciebat zelo iustitiæ, sed nequitia; nec iubente Deo, sed permittente: non diaboli, sed Dei iustitiâ exigente. Nihil ergo erat in diabolo, cur Deus adversus eum ad salvandum hominem, fortitudinem suam celare aut differre deberet.

## VII.

*Quâ & cuius necessitate se sic humiliavit c. 3. ibid.*

AN aliqua necessitas coegit, ut Altissimus sic se humiliaret, & omnipotens ad faciendum aliquid tantum

B

labo-



laboraret? Sed omnis necessitas & impossibilitas ejus subiacet voluntati. Quippe quod vult, necesse est esse: & quod non vult impossibile est esse: Solâ ergo voluntate. Non enim Deus agebat, ut hoc modo hominem salvum faceret, sed humana natura indigebat, ut hoc modo Domino Deo satisficeret. Non egebat Deus ut tam laboriosa pateretur: sed indigebat homo, ut sic de profundo inferni erueretur. Divina natura humiliari aut laborare non eguit, nec potuit: hæc omnia humanam naturam, ut ad hoc restitueretur propter quod facta erat, necesse erat facere: sed nec illa, nec quidquid Deus non est, poterat ad hoc sufficere. Nam homo ad quod institutus est, non restituitur, si non ad similitudinem Angelorum, in quibus nullum est peccatum, provehitur.

2. Quod est impossibile fieri, nisi omni perceptâ peccatorum remissione: quæ non fit, nisi præcedente integrâ satisfactione: quam satisfactionem talem oportet esse, ut peccator aut aliquis pro illo det aliquid Deo de suo, quod debitum non fit, quod superet omne quod Deus non est. Si enim peccare est Deum exhonore, & hoc homo facere non deberet, etiam si necesse esset, quidquid est, quod Deus non est, perire: Vtiq; veritas immutabilis, & aperta ratio exigit ut qui peccat, reddat aliquid Deo pro honore ablato maius, quàm sit hoc, pro quo illum exhonore non debuit. Quod quoniam humana natura sola non habebat, nec sine debita satisfactione reconciliari poterat: sic nec illa, nec quidquid Deus non est, ad hoc sufficeret.

3. Ne ergo iustitia in regno suo peccatum inordinatum relinqueret, subvenit bonitas Dei, & eam in suam personam assumpsit Filius Dei: ut in ea persona esset homo Deus, qui haberet, quod superaret non solum omnem  
essen-



essentiam, quæ Deus non est, sed & omne debitum quod  
solvere peccatores debent: & hoc cum nihil pro se debe-  
ret, solveret pro alijs; qui quod debebant, reddere non  
habebant. Pretiosior est namq; vita hominis illius, quàm  
omne quod Deus non est, & superat omne debitum,  
quod debent peccatores pro satisfactione. Si enim Filij  
interfectio superat omnem multitudinem & magnitudi-  
nem peccatorum, quæ cogitari possunt extra personam  
Dei, palam est, quia vita ejus magis est bona, quàm o-  
mnia peccata sint mala, quæ extra personam Dei sunt.

Hanc vitam, homo iste, cum ex debito mori non <sup>4.</sup>  
debebat, quoniam peccator non erat, sponte dedit de-  
suo, ad honorem Patris; cum eam sibi auferri propter iu-  
sticiam permisit, ut exemplum hominibus alijs daret, iu-  
sticiam Dei ab illis non esse deferendam propter mor-  
tem, quam ex necessitate aliquandoolvere debent; cum  
iste, qui eam non debebat, & servatâ iustitiâ vitare pos-  
set, eam sibi illatam propter iusticiam, sponte sustine-  
ret. Dedit itaq; humana natura Deo in illo homine spon-  
te, non ex debito, quod suum erat; ut redimeret se in  
alijs, in quibus, quod ex debito exigebatur, reddere non  
habebat. In omnibus his Divina natura non est humili-  
ata, sed humana est exaltata, nec est illa imminuta, sed  
ista misericorditer est adiuta.

## VIII.

*Quomodo dicatur factus obediens, & hujuscemodi,  
cum solâ liberâ voluntate hoc fecerit? ibid: c. 3.*

**N**EC humana natura in isto homine passa est aliquid I.  
ullâ necessitate, sed solâ liberâ voluntate. Nec ali-  
Ba cul



cui violentiæ succubuit: sed spontaneâ voluntate, ad honorem Dei & utilitatem aliorum hominum, quæ illi malâ voluntate sunt illata, laudabiliter & misericorditer sustinuit. Nec ullâ cogente obedientiâ, sed potenti disponente sapientiâ. Non enim illi homini Pater, ut moretetur, cogendo præcepit: sed ille quod Patri placiturum & hominibus profuturum intellexit, hoc sponte fecit. Non enim ad hoc eum cogere potuit Pater, quod ab eo exigere non debuit. Nec Patri tantus honor potuit non placere, quem tam bonâ voluntate Filius sponte obtulit. Sic itaq; Patri liberam obedientiam exhibuit; cum hoc, quod Patri placiturum scivit, sponte facere voluit. Deniq; quoniam Pater illi hanc voluntatē bonam dedit, quamvis liberam, non immeritò dicitur, qui eam velut præceptum Patris accepit. Hoc itaq; modo obediens fuit Patri usq; ad mortem. Et sicut mandatum dedit illi Pater, sic fecit: & calicem, quem dedit illi Pater, bibit. Hæc est enim perfecta & liberrima humanæ naturæ obedientia, cum voluntatem suam liberam sponte voluntati Dei subdit; & cum acceptam bonam voluntatem sine omni exactione, spontaneâ libertate opere perficit. Sic homo ille redemit omnes alios, cum hoc, quod sponte dedit Deo, computat pro debito, quod illi debebant. Quo pretio non semel tantum à culpis homo redimitur, sed etiam quoties cum digna pænitentia redierit, recipitur. Quæ tamen pænitentia peccati non promittitur. Quod quoniam in Cruce factum est, per Crucem noster Christus nos redemit. Qui ergo ad hanc gratiam volunt cum digno affectu accedere, salvantur. Qui verò illam contemnunt, quia debitum quod debent non reddunt, iuste damnantur.



## IX.

*De meditatione circa hoc, & de quo gaudendum circa passionem Christi, ibid: c. 5.*

**E**Ccœ anima Christiana, hæc est virtus salvationis tuæ; **I.**  
 hæc est causa libertatis tuæ: hoc est pretium redemptionis tuæ. Captiva eras, sed hoc modo es redempta. Ancilla eras, & sic es liberata. Sic es exul reducta: perdita restituta, & mortua resuscitata. Hoc mandat homo, hoc ruminet, hoc fugat, hoc glutiat cor tuum, cum ejusdem Redemptoris tui carnem & sanguinem accepit os tuum. Hoc fac in hac vita quotidianum panem & victum & viaticum tuum: quia per hoc, & non nisi per hoc, & tu manebis in Christo, & Christus in te; & futura vita erit plenum gaudium tuum.

Sed ô Tu Domine, Tu qui ut ego viverem mortem suscepisti. **2.**  
 Quomodo lator de libertate mea, quæ non est nisi de vinculis tuis? Qualiter gratulabor de salute mea, cum non sit nisi de doloribus tuis? quomodo gaudebo de vita mea, quæ non est nisi de morte tua? An gaudebo de his, quæ passus es; & de crudelitate illorum, quia ea tibi fecerunt? Quoniam nisi illi fecissent, tu passus non esses. Et, si tu passus non esses, hæc mea bona non essent. Aut si de illis dolebo; quo modo de istis, propter quæ illa fuerunt, & quæ non essent, nisi illa fuissent, gaudebo? Sed certè illorum nequitia nihil facere potuit, nisi quia tu sponte permisisti; nec tu passus esses, nisi quia piè voluisti. Illorum itaq; debeo crudelitatem execrari, mortem & labores tuos compatiendo imitari: piam voluntatem tuam gratias agendo amare, ac  
 sic



hic securè de bonis mihi collatis exultare.

*Varij ac plane innumeri Ascetarum, innocentissimiq;  
IESV pro salute nostra passi amantium reperiuntur pij  
affectus in meditationibus, considerationibus, ac solilo-  
quijs expressi. Inter tot tantosq; devotissimos Autho-  
res sat uberem in hac materia proponit copiam religio-  
sissimus P. Gaspar Družbicki in tractatu de varijs pas-  
sionem Domini nostri meditandi modis. Vbi tam pro-  
prias, quàm aliorum SS. & in hac arte peritissimo-  
rum Authorum exhibet praxes. Aliquas hîc pio Le-  
ctori excerptas subijcimus, tum etiam ejusdem devo-  
tissimi Patris meditationes in totam Quadragesimam  
nihil immutando integras adiungimus. Totum hoc po-  
test pius Lector ac Meditator pro devoto gustu suo  
ad placitum uti & accommodare.*

## X.

**S**anctus Bonaventura opusculo 26. in Parvo bono par-  
ticulâ 3. quod etiam opusculum vocatur Incendium a-  
moris, exhibet meditandi modum passionem Domini expen-  
dendo circumstantias, nempe 1. Quis est, qui patitur?  
2. Qualis est qui patitur? 3. Quantus est qui patitur?  
4. Qua de causa patitur? 5. Quali formâ patitur? 6.  
Quanta sint quæ patitur? Quid ex hoc consequitur  
quod patitur? Quæ omnia verbis ejusdem Sancti expli-  
cata cognoscere utile erit.

Pri-



*Primò.* Considera quis est qui patitur, & ei subdere per rationis assensum, ut credas firmissimè ipsum veraciter esse Filium Dei, omnium rerum principium, Salvatorem hominum, & Retributorem meritorum omnium.

*Secundò.* Considera qualis est qui patitur, & ei configurare per compassionis affectum, scilicet ut compatiaris ei, tanquam innocentissimo, mitissimo, nobilissimo, & amantissimo.

*Tertiò.* Considera quantus est qui patitur, & ad ipsum egredere per admirationis aspectum; & attende, quod ipse est immensus potestate, speciositate, felicitate, & æternitate. Igitur admirare immensam potestatem annihilari, speciositatem decolorari, felicitatem tormentari, æternitatem mori.

*Quartò.* Considera quâ de causa patitur, & te ipsum obliviscere per devotionis excessum; quia patitur pro tua redemptione, illuminatione, sanctificatione, & glorificatione.

*Quintò.* Considera quali formâ patitur, & ipsum induere per assimilationis amictum; passus est enim sicut verus Agnus libentissimè respectu proximi, severissimè respectu sui; obedientissimè respectu Patris, prudentissimè respectu adversarij. Stude igitur ad habendum habitum, secundum effigiem imitationis Christi, scilicet benignitatis, severitatis, humilitatis, & perspicacitatis.

*Sextò.* Considera quanta sint quæ patitur, & Crucem amplectere per passionis desiderium; ut sicut Christus passus est vincula ut impotens omnipotentia; convitia ut vilis bonitas; ludibria ut stulta sapientia; & supplicia ut iniqua iustitia: sic & tu considera, & amplectere passionem Crucis, hoc est passionem plenam iniurijs in rebus, contumelijs in verbis, ludibrijs in signis, supplicijs in tormentis.

*Septi-*

simi  
ur pij  
solilo-  
Autho-  
ligio-  
is pas-  
m pro-  
mo-  
o Le-  
dovo-  
mam  
hoc po-  
suo

o par-  
um a-  
expen-  
atur?  
atur?  
r? 6.  
quitur  
expli-  
Pri-



*Septimò.* Considera quid ex hoc consequitur quod patitur, & veritatis radium intueri per contemplationis oculum; quoniam ex hoc quod Agnus passus est, septem libri signacula aperta sunt. Liber iste est universalis notitia rerum, in qua septem erat clausa homini, quæ quidem sunt per passionis Christi efficaciam referata. Scilicet 1. Deus admirabilis. 2. Spiritus intelligibilis. 3. Mundus sensibilis. 4. Paradysus desiderabilis. 5. Infernus horribilis. 6. Virtus laudabilis. 7. Reatus culpabilis.

*Primò.* Deus admirabilis manifestatus est nobis per Crucem, esse summæ & inderutabilis sapientiæ, summæ & inderprehensibilis iustitiæ, summæ & inenarrabilis misericordiæ. Summâ enim sapientiâ suâ decepti diabolus, summâ suâ iustitiâ quæsiuit redemptionis pretium. Summâ suâ misericordiâ pro nobis tradidit Filium suum: quæ si diligenter considerentur Deum nobis clarissimè & charissimè manifestant.

*Secundò.* Spiritus intelligibilis nobis manifestatus est per Crucem, secundum differentiam triplicem: scilicet. Quantæ sit benignitatis quantum ad Angelos? Quantæ sit dignitatis quantum ad homines? Quantæ sit crudelitatis quantum ad dæmones? Nam Angeli permiserunt crucifigi Dominum suum. Dei Filius crucifixus est propter genus humanum, & hoc ad crudelem suggestionem dæmonum.

*Tertiò.* Mundus sensibilis nobis manifestatus est per Crucem, quoniam locus est tenebrarum plenus, in quo regnat cæcitas, quia lucem veram & summam non cognovit, regnat sterilitas, quia IESVM Christum tanquam infructuosum despexit, & regnat impietas, quia Deum & Dominum suum, & amicum, & innocentem damnavit, ac interfecit.

*Quar-*



*Quartò.* Paradysus desiderabilis nobis manifestatus est per Crucem, in quo est fastigium totius gloriæ, speculum omnis lætitiæ, & promptuarium omnis opulentia. Vnde Deus propter illam habitationem nobis restituendam, factus est pro nobis homo; scilicet vilis, miser, pauper, in quo celsitudo abiectionem induit, iustitia reatum subiit, opulentia egestatem suscepit, nam altissimus Imperator accepit servitutem abiectam, ut nos sublimaremur in gloriam. Iustissimus Iudex subiit reatum pænalißimum, ut iustificaremur à culpa. Opulentissimus Dominus suscepit egestatem extremam, ut locupletaremur in copia.

*Quintò.* Infernus horribilis manifestatus est nobis per Crucem, locus utiq; plenus omni egestate & penuriâ, vilitate & ignominiâ, & omni calamitate & miseriâ: unde si necesse fuit Christum hæc pati propter peccati deletionem, multò fortius hæc oportet pati damnatos propter iustam meritorum suorum retributionem.

*Sextò.* Virtus laudabilis est nobis manifestata per Crucem, quantum scilicet sit pretiosa, speciosa, & fructuosa. Verè pretiosa, quia Christus voluit potius vitam corporalem perdere, quàm virtuti contraire. Verè speciosa, quæ in ipsis contumelijs relucebat. Verè fructuosa, quia unus actus perfectæ virtutis infernum spoliavit, cælum aperuit, & perdita restauravit.

*Septimò.* Reatus culpabilis manifestatus nobis est per Crucem, scilicet quantum sit detestabilis, cum ad sui remissionem indigeat, tam magno pretio, tam grandi piaculo, & tam difficili medicamento. Ecce igitur habes, quomodo in Cruce omnia manifestantur, (seu septem signacula libri solvuntur.) Si bene ad hæc septem reducantur. Hactenus S. Bonaventura, suo quidem modo



18.  
do cum multiplici distinctione, sed simul cum inflammata claritate, nec-non cum admirabili materię medietandę fecunditate.

## XI.

*Eundem modum per circumstantias medietandi passionem Dominicam hac ratione disponit R. P. Druzicki.*

15. *Primò.* Considera. *Quis patitur?* Deus homo, Christus IESVS, quatenus Deus, infinitę dignitatis & Maiestatis, sapientię, omnipotentię, bonitatis, cui omnis honor & gloria debebatur ab omni creatura propter excellentiam, propter beneficentiam, propter omnipotentiam, propter omnidominium & regnum, propter independentiam, propter plenitudinem, infinitudinemq; omnis perfectionis, propter immensitatem essentię, &c. Quatenus homo infinitę item propter unionem hypostaticam cum Verbo dignitatis, gratiarumq; tam naturalium quàm supernaturalium possessionis: utpote in quo plenitudo Divinitatis inhabitavit corporaliter, & omnes thesauri sapientię & scientię Dei reconditi fuerunt, accessit dignitas supremi inter Deum & hominem Mediatoris, summi item Sacerdotis atq; Pontificis, Regis quoq; Regum, & Domini Dominantium, Primogeniti omnium creaturarum, earumq; hæredis, Iudicis etiam vivorum ac mortuorum. Accessit præterea sanctitas non per gratiam, sed per ipsius Divini Verbi sanctitatem. Innocentia quoq; & impeccabilitas; tum verò bonitas, omnis malitię & peccati experta. *Beneficentię*  
*verò*



verò in omnes infirmos, & à diabolo oppressos. Accessit gratia Messæ, Fundatoris & Fundamenti Ecclesiæ Dei, Sancti quoq; Sanctorum, Doctoris iustitiæ ac veritatis, Principis pacis, & Patris futuri sæculi, Prophetæ, Magni consilij Angeli, Principij & Finis; Viæ veritatis, & vitæ Ostij, Pastoris boni, Pastorumq; Principis ac Legislatoris: morum, Sacramentorum & sacrificiorum Institutoris. Accessit titulus Redemptoris, Amici, Patrisfamilias, Sponsi, Patris, Fratris, Imperatoris, Præmiatoris, Exemplaris, Glorificatoris. Accessit deniq; nomen & res Unigeniti Filij Dei, nec-non in via Comprehensoris tamen ac Beati. Hæc omnia erat & est Christus qui patitur. Ex quo indignitas iniuriositasq; passionis ejus in immensum excrevit. Qui enim summo honore, amore, observantiâ, delicijs, gloriâ fuit plusquam dignissimus, propter supra dicta bona sua: is omnia opposita, omnia extremè indigna ab hominibus patitur.

*Secundo.* Considera. *Quid patitur?* Patitur ingratitudinem, contemptionem, conspiracyem, proditorem, dolositatem, & fraudulentiam, calumnias, contumelias, mendacia, convitia, falsa testimonia, oppressionem, vim, adiurationes, execrationes, odia, ignominias, verbis, factis, signis expressas. Derelictionem & abnegationem, tormenta & dolores totius corporis, ejusq; membrorum, percussiones, livores, vulnera, ereptionem honorum, & spoliationem usq; ad omnimodam nuditatem, vincula, catenas, carceres, condemnationem ad supplicia & mortem, irrisiones, infamationes, detractiones, insultationes, exprobrationes, blasphemias, exultationes de suis malis, mortem deniq; violentissimam, turpissimam, crudelissimam, tum ex suo genere, tum ex hostium exaggeratione.



*Tertiò. Considera. In quo patitur?* Patitur in Divinitate, non quidem ita, quasi Divinitas impatibilis & inviolabilis læsa sit. Sed quia humanitas patiens ac violata Personæ Divinæ hypostaticè unita ob idq; Theandrica est: ideo humanitatis læsiones, Personæ erant læsiones, & ita passus, cruciatus, despectus, crucifixus, mortuus est Deus, non tantum per redundantiam, & quasi concomitantiam, sed absolutè per identitatem personalem Humanitatis & Verbi, Hominis cum Deo, seu potius Hominis Dei. Patitur ergo Christus in Divina sua natura, Persona, Dignitate, Maiestate, aliq; omni perfectione, & excellentia. Patitur præterea in Humanitate, in corpore, in anima, in paupere facultatula, in amicis, & consanguineis, in Matre, & Discipulis, & benefactoribus. In bona fama, in libertate, in omnibus partibus & sensibus corporis. In omnibus viribus, potentijsq; animæ. In bonis fortunæ, & animi, in sanitate & valetudine, in robore & virtutibus, in rebus gestis, in beneficijs præstitis, in vita deniq; sibi crudeliter iuxta & probrosè erepta.

*Quartò. Considera. Quomodo patitur?* Patitur sciens, volens, imò cupiens & ardens ex parte sua, patitur iniuste, impiè ex odio & invidia, & contemptu sui, apud hostes, homines, ac dæmones, quantum ex parte ipsorum. Patitur ex amore Patris æterni, & ex obedientia ac reverentia erga ejus voluntatem, ex miseratione quoq; super nos omnes peccatores, & ingratos, indignosq; ac natura iræ filios, & diaboli, atq; peccati servos. Patitur ex malitia nostrum omnium, qui nostris sceleribus ejus Passioni & morti causam (quantum ex nobis plane necessariam, quia alias viribus creatis nullis unquam superabilem) dedimus ex parte nostra. Patitur ex odio suo  
quod



quod immensum, & quâ Deus, & quâ Homo, habet adversus peccatum, deleriq; illud & penitus aboleri à facie Dei desiderat, proq; illo Iustitiæ Paternæ ad rigorem, quin etiam ad excessum satisfacit. Patitur animo fortissimo, constantissimo, perseverantissimo, sitibundissimo, & plane in gratiam Patris sui, inq; amorem nostri insatibilissimo. Patitur deniq; cum maximarum, atq; adeo prorsus omnium virtutum heroico, & per nullam imitationem humanam adæquando exercitio atq; exemplo.

*Quintò.* Considera. *Quare patitur?* Patitur quippe sine ulla sua causa, seu culpa, sine coactione ab aliquo, sine commodo aut necessitate propria: verumtamen patitur pro totius mundi peccatis tollendis, æternisq; pænis abolendis, pro reconciliando nobis Patre æterno, pro reperiendo nobis paradyso, seu cælo, pro rabie diaboli reprimenda, & potestate, atq; tyrannide expugnanda, pro obedientia erga Patrem, pro nostro exemplo, pro figurarum & prophetiarum expletionem.

*Sextò.* Considera. *Pro quibus patitur?* Non utiq; pro Angelis: *Neg<sup>3</sup> enim Angelos apprehendit, sed semen Abrahæ.* Hebr: 2. 16. Patitur ergo pro humano genere universo, patitur pro his, à quibus patitur; patitur pro sceleratis, pro ingratis, pro indignis, ac vilissimis. Patitur pro ipsis etiam iam ante damnatis & in inferno positis, atq; pro gratijs illis bonisq; & auxilijs omnibus, quæ unquam in vita sua à Deo acceperunt, quibusq; in contumeliam Dei, & in perditionem suam sponte abusi sunt, & quæ respectu futurorum suorum meritorum ipsis concessa fuerunt, nunc Patri exolvit pretium.

*Septimò.* Considera. *A quo patitur?* Patitur à Patre suo æterno, à quo *propter scelus populi sui traditus est.* Isai: 53. Patitur à sua ipsius voluntate, quoniam *oblatus*

*est*



est, quia ipse voluit. Ibid: Patitur ab omnibus dæmonibus, & ab omni potestate tenebrarum. Patitur ab omni hominum genere & conditione, statu, ætate, conveniunt enim Principes terræ adversum Dominum, & adversum Christum ejus. Patitur ab omnibus vivis mortuisq; quorum omnium peccatis crucifixus est. Non enim pro aliquorum solum, sed etiam pro totius mundi peccatis & salute mortuus est Christus. Patitur ab omni creatura & elemento.

*Octavo.* Considera. *Quando patitur?* Patitur in ætatis flore, & in annis vitæ maximè vividis. Tempore anni sacratissimo apud suam gentem, atq; mysterijs solennissimo, & concursu frequentissimo. Horâ diei meridianâ, in luce & oculis omnium. Tempore quo Deus Hebræis sicut maxima præstiterat beneficia; sic ab iisdem maximè laudari honorariq; debuerat, in cujus loco extremis est contumelijs, iniurijsq; ac demum morte horrendâ exceptus, & interfectus.

*Nono.* Considera. *Vbi & quo loco patitur?* Patitur in loco Urbis & Regionis, & Orbis sacratissimo, celeberrimo, miraculis, figuris, prophetijs, cælestibus donis ornatissimo. Patitur ubi est Adam conditus, ubi Isaac immolatus, ubi sedes Regum, ubi Templum, ubi caput Religionis Sanctæ. Vbi stupendis miraculis Christus se celebrem fecerat in doctrina. Patitur in Horto Montis Oliveti, in domo Annæ & Caiphæ, in carcere & obscuro fatidoq; ipse: patitur in Prætorio Pilati, in Palatio Herodis, in plateis & foris Ierusalem. Patitur in Monte Calvario. Patitur deniq; in alta Crucis trabe, tanquam in totius terræ theatro, atq; medio.

*Decimo.* Considera. *Quibus auxilijs patitur?* Patitur vero nullis auxilijs, solatijsve sublevatus; ne Paternis

ternis



ternis quidem: quod satis ostendit illa in horto Agonia, illa repulsio Petri ad sui defensionem proflientis, cui dixit. *An putas quia non possum rogare Patrem, & exhibebit mihi modo plusquam duodecim legiones Angelorum?* Matth: 26. Ostendit verò eam omnis solatij privationem illa vox maximè ad Patrem *Deus meus, Deus meus, ut quid dereliquisti me?* Matth: 27. Quod etiam ipsi hostes impropere ei dicentes. *Confidit in Deo, liberet nunc si vult eum.* Ab omnibus ergo desertus patitur, etiam à semetipso, quoniam in pœnis suis, suâ etiam voluntate, atq; virtute Divinâ, ad hoc solum, & unum, se juvit, ut durare in pœnis posset, robur quidem conservans, sed solatium omne subtrahens, quod genus auxilij ad majores tantum productioresq; servivit cruciatus, non autem ad mitiores. Vnde nec vinum myrrhatum voluit bibere, & mulieres super se lamentantes removit à collachrymatione. Et ita impletum est, quòd hac de re ab Isaia prædictum fuerat. *Circumspexi, & non erat auxiliator; quasi- vi, & non fuit qui adiuvaret; & salvavit mihi brachium meum, & indignatio mea ipsa auxiliata est mihi.* Isaia 63. 5.

Ex hisce omnibus Dominicæ Passionis circumstantiarum generibus, plurima morum virtutumq; tam documenta, quàm exempla, plurima omnis generis affectuum materia, plurima propositorum postulationumq; varietas & seges erui potest.





## XII.

*Sequens Consideratio ejusdem R. P. Družbicki si longior alicui videbitur, potest illam per partes in singulas Hebdomada dies dividere. Singulis autem vicibus*

**C**onsiderandum imò. CHRISTI Domini passiones atq; injuriæ assumptæ eo ordine, quo ab Evangelistis Christo describuntur, irrogatæ. 2dò. Vitia & peccata hominum, quæ specialius & directius videantur fuisse causa malemeritoria, prædictarum Christi passionum injuriarumq; & quæ sint iisdem passionibus à Christo expiata. 3tò. Virtutes in iisdem passionibus ac injurijs Christi, seu potius in ipso Christo eas patiente, singularius elucescentes, nobisq; ad exemplum & doctrinam propositæ.

Quod sic declaratur.

## Die Dominicâ.

I. Christus cepit povere, tædere, contristari, & mæstus esse, fuitq; Anima ejus tristis usq; ad mortem. Hæc Christus subiit propter nostras passionum immortificationes, concupiscentiarum rebelliones nobis familiares, & infinitorum peccatorum matrices. Timemus non timenda, non timemus timenda, &c. In his pænis elucet Christi dominium, in suas propassiones & affectus: quibus semper usus est ex dictamine prævio rationis; ex rationibus æternis, ex voluntate Patris cælestis, atq; ita hîc habemus propositum ad imitandum exemplar mortificatio-

nis



nis passionum, & domini affectuum nostrorum.

II. Oravit Christus inter summas afflictiones tam præsentēs, quàm mox imminentes, & oravit constanter, instanter, repetitò flexis genibus, imò facie in terram: oravit modo perfectissimo, cum omnimoda resignatione. Hoc Christus egit & subiit pro nostra ad orandum Deum tarditate & raritate, pro nostra in orando tepiditate, oscitantia, inconstantia, dissidentia, pro nostra in creaturis potius fiducia, quàm in Dei auxilio, pro nostris etiam ad dæmonum auxilium recursibus, potius quàm ad Deum, pro nostris irresignationibus inter orandum, pro nostra in adversis impatientia, murmuratione in Deum. Elucet in his heroicus modus, usus, conatus, fructus orandi, ad Deumq; confugiendi; hunc discamus, & imitemur.

III. Christus factus in agonia sudat sanguinem. Hoc Christus subiit pro nostra laborum difficultatumq; & incommoditatum fuga, pro pusillanimitate & molli- tie, pro tepiditate in agendo & patiendi: pro exiguitate pœnitentiarum & satisfactionum pro peccatis, pro nostris conatibus & fatigationibus in via propriæ voluntatis, & carnis, & diaboli, & omnis iniquitatis. Elucescit heroicus & admirandus conatus in laborando pro Dei gloria, pro nostra proximorumq; salute, pro vincendis tentationibus & impugnationibus, ut usq; ad sanguinem resistamus, usq; ad defatigationem Christo serviamus.

IV. Christus ab Angelo confortatur. Nostram re- tundens superbiam, contumaciam, arrogantiam, stultiti- am, quâ dedignamur: vel à sapientioribus maioribusq; ipsis instrui, consilium petere, vel accipere: malumusq; errare quàm discere; pergere in erroribus, delictis, præ- cipitijsq; quàm videri ab aliquo instructi, vel alicujus in- digi fuisse.

D

Docet



Docet nos Christus veram mansuetudinem & mititatem, humilitatemq; cordis, quo se etiam minoribus, etiam simplicioribus submittit, sensumq; suum facile relinquit. Docet nos amorem, gratitudinem, obedientiam, reverentiam erga Angelos nostros, quos Deus vel custodia nostræ ordinariæ, vel instructioni extraordinariæ destinare dignatur.

V. Christus licet ipse afflictissimus & angustiatissimus, ad suos tamen revisit, excitat eosdem ad orandum, vigilandum, tentationibus resistendum adhortatur. Taxat, expiatq; Christus nostram tum de nobis ipsis, tum de nostræ curæ commissis supinam oscitantiam, Dei causas relinquimus, ad nostra studia quotidie vacamus. Dissimulamus fratres, filios, proximos nostros perire, Cadit asina, & est qui sublevet, cadit anima, & non est qui respiciat. *Consumimus pulvillos*, Ezech: 13. 18. & cubitis peccantium supponimus. Docet Christus sic contemplationis & MARIE studijs vacare, ut Marthæ negotia non negligantur: sic vacemus nobis, ut non desimus proximis, sed Deum etiam propter Deum aliquando relinquamus. Mansuetissimis etiam verbis & modis IESVS suos excitat: neq; charitativam monitionem asperitate verborum corrumpit. Ostendit etiam non esse satis, ut Deus pro nobis vigilet, alijve nisi & nos vigilemus, & oremus; & operam nostram opi Divinæ subiungamus.

VI. Christus hostibus obviam procedit. Nos neq; in eam partem torquere dignamur oculos, quâ hostem comparere credimus. Timor noster pusillusq; in adversis ac arduis quantumlibet longè positis animus à Christo arguitur. Docet autem Dominus veram nos fortitudinem, in Deumq; erectam fiduciam: qui in minimis sese



sefe vincit, ad obfistendum etiam magnis difficultatibus, molestijsq; animum; imò & corpus firmat.

VII. Christus Iudam proditorem & proditionem agere sciens, & amici nomine, & osculo, & Paternâ dignatur monitione. Quotidie nos proditionis opera exercemus in Christum, in virtutem, in conscientiam, in nostram professionem, inconstanter, malignè, tepidè, dissimulanter agendo. Discamus invincibilem mansuetudinem, & non vinci à malo, sed in bono malum vincere, discamus etiam de desperatissimis filijs, subditis, proximis, non desperare, sed eos in spiritu lenitatis ferre, sanare, monere, pro eis orare, plus illorum malitiâ quàm nostrâ injuriâ dolere: imò hanc nescire, ut illi medicinam possimus facere. Multos ægros occidunt medici corporales: sed non tot quot medici spirituales ignorantia, ac præcipuè asperitate curationis. Ama, & dic quod vis.

## Feriâ Secundâ.

VIII. Christi discipulus Iudas fit proditor Magistri: & per osculum quidem atq; Magistri salutationem. Habet suam hinc effigiem hypocrisis, adulatio, ingratitude, insinceritas, politicisimus, perfidia, obstinatio in malo, & excæcatus cupiditate animus. Tanti est minimarum rerum cupiditatibus non obstitisse, fur erat Iudas minutarum rerum, infidelisq; dispensator commissorum fidei suæ; profecit ergo usq; ad proditionem Magistri & Domini sui. O verè *radix malorum cupiditas!* ô verè *qui volunt divites fieri, incidunt in laqueum diaboli & desideria nociva.* 1. Tim: 6. 10. 1. Tim: 6. 9. Advertamus in sanctissima disciplina atq; statu in pessima proficere



cere solere, qui in optima non nituntur. Vbi Ioannes optimus fuit, ibi Iudas pessimus evasit. Non ergo sanctitate status & professionis gloriemur, sed vitæ morumq; integritate statum & professionem exæquemus, alioqui in professione sancta, vita mala, bis, imò ter mala est, quia ferè desperata est.

IX. Ad vocem Christi (ego sum) hostes abeunt & cadunt retro. Quâ voce allici debuerent, eâ repulsi sunt: quâ voce stabiliri solebant Discipuli, & manserunt; audiêre hostes, & abierunt; atq; ceciderunt retro. Hoc est scilicet habere cor durum: hoc est esse gravi corde: hoc est illud: *Qui non est mecum, contra me est: & qui non congregat mecum, spargit.* Matth. 12. 30. Obstinatio in malo excitatis est mater, consummatio perditionis.

Docet Christus adversitates in adversarios recidere, & ijs, maximè solisq; graves ac exitiales esse: potest Deus amara nostra repellere vel solo verbo: si tamen id non facit, non ideo in impatientiam eundum est. Omni peccatori dicit Deus, *ego sum.* Sed quidam ad Deum veniunt, & proni cadunt, ut David, peccavi, miserere: quidam à Deo fugiunt, & retro excè corruunt: ut Caim, Saul, Iudæi, Iudas.

X. Christus datâ in se potestate, capitur à potestate tenebrarum. Omnis qui peccat, arbitrij sui voluntate peccat, & Christum in potestatem tenebrarum secum unâ tradit: procul enim à luce est, qui in peccatis est. Captivat Christum omnis, qui inveterascit in peccatis suis, & ex voluntate necessitatem sibi peccandi inducit. Captivitate quoq; suâ Christus carpit inordinatam nostram libertatem, ejusq; amorem.

Docet subjectionem captivitate suâ Dominus. Si enim non dedecuit Christum propter nos capi, nec nos dede-



dedecet propter Christum subijci.

XI. Christo relicto Discipuli fugiunt omnes. Socij mensæ multi, & inconstantes facile sunt: socij vinculo-  
rum, compedum, Crucis, nullus est. Inconstantia, mu-  
tabilitas, cognatum humanæ fragilitati malum est: fuge-  
re à Christo capto, humiliato, nobis quotidianum est. O  
quàm miseri sunt profectus! quàm fragiles firmitates no-  
stræ! si vel capiatur tantum nobis Christus, si tantillum  
solita nos deserat consolatio, Deive præsentia gustus  
continuò relicto Christo fugimus omnes.

Audeamus aliquando sumptu nostro servire Deo,  
subtraçto etiam consolationis lacte: & condiscamus tunc  
maximè adhærere Christo, quando maximè instant qui  
nos avellant à Christo. Avellere ab illo nemo potest, ni-  
si volentes avelli, nisi parum benè adhærentes; infirmè  
adhærent, qui spe tantum successus adhærent: qui suâ vir-  
tute nixi: qui proprij cujuspiam solarij, honorisq; intui-  
tu adhærentes. Ille firmiter adhæret, qui sibi diffusus,  
gratiæ autem innixus, non tantum pati vult cum Chri-  
sto, sed etiam ideo pati vult, quia adhæret Christo: ma-  
ximè autem ille, qui pati vult, tanquam non adhæreret  
Christo.

XII. Petrus gladio defendens Christum. Hic ze-  
lus est non secundum scientiam, hoc est nescire cujus spi-  
ritus sis, hoc est noxiè pro innocentia sua alienave zela-  
re: hoc est nescire tempora agendi & patiendi.

Zelus omnis, maximè autem iustus mansuetudine ar-  
mandus est, hunc gladium si non habet, ferire & perde-  
re potest, sanare & salvare non potest. Pius Samarita  
vinum oleo temperat.

XIII. Examen Christi apud Annam de doctrina, de  
Discipulis. Profunditatem cordis & occultationem no-  
furi



stri redarguit Dominus: laboramus hoc malo & multi & perniciose vulnera carnis nisi pateant curam non habent: vulnera mentis nisi manifestentur, ruinam animæ accelerant. Nemo sibi in sua causa sapiens satis est. Christus ipsa Sapiencia examen subiit, nos qui filij stultorum, & ipsa stultitia sumus, à ratione nostri reddenda abhorremus. Et quòd miserius stulti usq; est: cum a libi noxiè, & sine fructu de malis nostris gloriemur, apud Christi Vicarios perditè erubescimus, & latere gaudemus.

Amare nos docet IESVS claritatem conscientia, cordisq; perspicuitatem. Nullà enim ratione certiores sumus de regimine Dei providentiaq; circa nos.

### Feriâ Tertiâ.

XIV. Alapa infligitur respondententi IESV à ministro assistente. Hæc alapa adulationis, præcipationis, inscitia, temerarij iudicij, procacitatis est. Est & eorum, qui quæcunq; ignorant, blasphemant, quid enim servulus iste de Christi responsò iudicaret?

Disceremus ô utinam ab hac Christi inuriosa alapa iudicium nostrum frenare, cohibere, regere, & dum res non planè liquet suspensum tenere. Omnibus diebus experimur, & sæpius etiam nos iudicio nostro falli, aliamq; longè consilij & facti alieni rationem, quam nos opinabamurprehendimus fuisse, neq; tamen ab hac experimenti assiduitate verecundiam iudicij nostri discimus, frenumq; censuris ponimus. Discamus etiam pati censuras & iudicia aliena; & mansuetudine indignationem frenare. Quid sit difficilius virtuti ferre iudicium ab alijs, an non ferre iudicium de alijs valde ambigi potest.



XV. Falsis testibus Christus oppugnatur. Impotentia iræ, ac odij, invidentiâ alieni boni, mendacia, calumniæ, convitia, periuria, iustitiæ, ac æquitatis perversio, impotentia affectûs, sicut omnia in Christum exeruerè vires suas: ita per ejusdem innocentiam & patientiam amiserè vires suas.

Veritati & innocentia inniti tutissimum est. Iniquitas & falsitas ipsa se evertit, maximè quando patientia, & modestia, & oratio ejus fluctibus opponitur.

XVI. Christus adiuratus per Dei nomen respondet. Mendacia nostra, periuria, occultationes nostræ, & aliorum iniquas adiuratione sui Christus punivit. Revelationem & confessionem Divini nominis etiam cum periculo proprio faciendam docuit.

XVII. Christus reus mortis. Hâc in Christum censurâ decretoriâ palpata est nequitia potentis ab inferioribus & adulatoribus. Temerarium etiam iudicium quid posset, probavit; nec-non voluntarius error, & placendi studium, metus displicendi, & pro æquitate sententiam ferendi. Et quòd hisce malis inter nos familiaris, maximè quando causa agitur Christi, esto quidem innoxij, sed tamen odiosi, pauperculi, derelicti, adiutorem & protectorem non habentis: propter veritatem, propter noxas nostras, vitâ, moribus, verbisq; reprehensas, in odium magnatum adducti.

Non curanda hominum quantumvis dura & firma, communiaq; iudicia, innocentiam docet damnatus innocens IESVS, sed neq; ut evitari possint ulli virtuti sperandum esse, exemplo instruit idem IESVS. Quæ enim virtus tam alta sit, ut ad eam vel dens, vel oculus, vel affatus livoris non pertingat, quando ad Altissimi ipsius virtutem pertingit. Quin imò optandas esse virtuti censuras



suras invidorum docuit IESVS, qui in his etiam beatitudinem virtutis sitam veritatis ore asseruit. *Beati eritis, cum maledixerint vobis homines propter nomen meum.* Matth. 5. 11.

XVIII. Petrus Christum negat in medio aulae & militum. Pravae familiaritatis, & aulicae conversionis hi sunt fructus. Negare Christum, mentiri, pejerare, de malis in peiora ruere, virtutis professionem erubescere. Neq; profunt gallicinia quidquam, nisi oculi IESV accedant cor vulnerantes, & foras eijcentes de medio nationis pravae.

En quam proficuum recordari verborum IESV! quam salubre in oculis esse IESV! Petri glaciem quam neq; ignis, neq; prunae, neq; galli cantus solvere poterant, una recordatio, unus oculi ictus, in lachrymas fluere fecit.

XIX. Nocturnae iniuriae: quando Christus infinita nefanda passus conputationes faciei, alapas, colaphos, conculcationes, genarum lacerationes, sannas, blasphemias, pugnos, tormenta, omnem deniq; potestatem tenebrarum.

Prævivere maiores ad scelera: & mox inferioris turbae fax, quasi ruptis repagulis, solutisq; habenis per omnia facinora exundavit: vix Principibus nequitiarum, omnia scandala gravia sunt, sed quae a maioribus ortum sumunt, ea solent esse maximè prægnantia & facunda. Nocturnae quoq; impuritates, tenebrarum filiae, quantum audere soleant contra Deum, ostenderunt ausis hisce suis in Christum.

Habemus mansuetudinis Christi tot inter nefandas indignitates invictae specimen: habemus humilitatis plusquam stupendum in tanta dignitate argumentum. Quid iam



iam homuncio intoleranda & nimia se perpeti quæritur? quid se nimium humiliari dolet? conferat se suaq; cum Christo, & reperiet se guttam contulisse Oceano.

XX. Iudæi Christum prædæmnatum à se, Pilato dammandum offerentes, metuunt contaminari ingressu prætorij.

O stulta malitia! ô hypocrisis maledicta! *excolans culicem, glutuens camelum*: Matthi; 23. 24. Non metuit contaminari sanguine innocentis, metuit ingressu domûs inquinari gentilis. Verè simulata sanctitas, duplex iniquitas.

Tunc valde laudabiliter errata minima vitantur, quando etiam ab enormibus delictis abstinetur: sed audacem esse ad perpetranda gravia, scrupulosum ad minuta, hoc sicut iniuriam Dei multiplicat, ita vicissim meritam iram pœnamq; exaggerat. A magnis ergo peccatis procul abesse, & minima tanquam maxima horre, magnus ad summitatem charitatis gradus est.

XXI. IESVS stat ante Præsidem habitu rei. Vulgatum hominum malum maiores magistratusq; non revereri; hâc suâ ante Præsidem statuitione IESVS & expiat, & emundat: ostenditq; quis honor debeatur ijs, quos in potestate Deus posuit, & quibus authoritatem suam communicavit.

Stans IESVS ante Præsidem, exemplo præit omnibus Martyribus suis: quibus & silentio suo meretur os & sapientiam, cui non possent respondere omnes eorum adversarij. Habet etiam quo se soletur innocentia, quando vel iniquè, vel violenter trahitur ad tribunalia. Proprium enim est innocentix stare quantumcunq; fracta collapsaq; & depressa videatur, surgit adversus pondera.

XXII. Examinatur IESVS à Pilato. Non in sole

E

modus



nodus in scripto quæritur: & IESVS ignaviam illorum arguit, qui scrutari vias suas gravantur: infringit & eorum arrogantiam qui factorum suorum rationem nemini constare volunt.

Tanti est nôsse semetipsum, ut si ad notitiam tui venire nequeas tuo ipsius examine, eam iustè tibi eas alieno etiam hostili scrutinio. Ad notitiam namq; sui habendam veram; aut magno opus est amico, aut magno inimico.

## Feriâ Quartâ.

XXIII. IESVS in aula Herodis. Aulicissimos, curiositates, fastus, vanitates, stultitias, otiositates, adulationes, aliasq; aularum pestes ex aulis profligare IESVS cupiens; in aula etiam Herodiana stare voluit. An fortè quo loco, quâve conditione, virtus, pietas, modestia, innocentia, in aulis essent futuræ; suo in exemplo præmonere iustum duxit.

Spiritualibus, & pietatem profitentibus viris, limina magnatum non ambienda, neq; frequenter calcanda sunt: nisi vel periclitari, vel contemptui haberi virtutem suam velint. IESVS & si violenter ductus ad aulam, tamen irrisus est, & pro stulto iudicatus, quid si ultro se ingessisset? IESV & Baptistâ nemo maior exstitit, neuter tamen in aula successum habuit.

XXIV. Veste albâ ridiculâ induitur apud Herodem IESVS. Irrisis virtutis & innocentix, illusio bonorum, & opera pietatis exercentium, propria sunt huius mundi filiorum opera: adeo omni sanctitati inimica, ut efficacius telum nullum habeat diabolus ad enervandam virtutem, etiam in proprio ejus regno; ferream enim

vir-



virtutem esse opus est, quæ irrationibus non expugnetur illusorum.

Qui ex illusionibus & persecutionibus, contemptibusq; candidior fieri non didicit: hic delicatam tenebramq; se virtutem habere ostendit, at qui gloriari in tribulationibus, gaudere in contumelijs potest, hic togatam virtutem possidere, induereq; demonstratur.

XXV. Nudatio Christi, & præparatio ad flagella. Inverecundis sceleribus hæc pæna debebatur. Nuditati nostræ hæc vestis parabatur.

Luctaturus cum diabolo nudus sit necesse est, ne si habeat unde teneatur, facile ad terram deiiciatur. Nuda virtus rara est, nuda paupertas, nuda charitas, nuda patientia, nuda obedientia, ex mille vix una est: omnes ut plurimum supervestiri amant, fugiunt spoliari. Pro magno habuit diabolus, quia specie tenus saltem potuit obijcere Iobo. *Nunquid Iob frustra timet Deum? nonne Tu (Deus) vallâsti eum?* Iob 1. 9. Ergo etiam diabolus vestitam virtutem non æstimat nudam, gratuitamq; requirit, ut metuat.

XXVI. Flagellatio Christi. Delicijs carnis, indulgentiæq; sensuum, & omni voluptatum consecrationi, quâ scatebat humana lascivia, hanc ex flagellatione suæ innocentie medicinam confecit IESVS.

Quid satis persuadebit hominibus sensuum, carnisq; mortificationem, si flagellatus IESVS eam nobis dulcem amabilemq; non faciet? si hæc non esset salubris, si molities carnis non esset perniciofa, utiq; Christus hanc non castigasset, neq; illam sustinisset. Sustinuit tamen adeo, ut dicat: *totâ die se flagellatum, & castigationem suam à matutinis ipsis inchoatam.* Psal: 72. 14.



## Feriâ Quintâ.

XXVII. Spinea corona, purpura, arundo, genuflexio. Omnia superiorum genera hac inventione plusquam crudeli in sese Christus expiavit, quidquid ambitionum, gloriarum, iactationum, æmulationum, iudiciorum propriorum, aliarumq; huius generis pestium, in hominibus est totum hoc istâ iniuriarum Christi immatissimâ novitate castigatum est.

Nunc demum dicit opere ipso omnibus nobis in spectaculum datus IESVS. *Discite à me, quia mitis sum, & humilis corde.* Matth: 11. 29. Quid enim est? Ecce iste Homo IESVS, nisi gymnasium mansuetudinis, & theatrum humilitatis, & schola abnegationis.

XXVIII. Barabbæ Christus collatus & postpositus. Nihil agitur ab omnibus sæculis in mundo, nisi collatio Christi & Barabbæ, nisi postpositio Christi ad Barabbam: iam inde à Paradyso ipso Christus Barabbæ est postpositus: neq; denegaverimus etiam hodie ab ingenio maiorum nostrorum; nihil agimus usitatus, quam Christi infra Barabbam deiectionem. Et faciunt hoc etiam, qui sese Christi appetiatores gloriantur.

Vera charitas, & seria cum Deo amicitia, Christum erubescit, Barabbæ non dico postponere, sed etiam componere. Et quis quæso aurum luto componat, iniuriam facit auro; qui illud componit luto: & non facit iniuriam Deo, qui illum postponit cuilibet desiderio suo.

XXIX. Silet Christus usq; ad miraculum Pilati. Excusatio primæva, quâ perdit olim sumus, & quâ quotidie peccata peccatis cumulamur; hanc silentij legem à panam Christo imposuit: quanquam omnia lingvæ nostræ



atque peccatorum genera hoc ipso supplicio vindicata credere convenit.

Vtinam amorem silentij, atque cultum, à Christi silentio discamus; ut nobis filere sit in desiderio, loqui in necessitate.

XXX. Persuadetur plebi, ut desideret necem Christi. Etiam hic malum maiorum exemplum innumerabiles infirmos in scelus impellit: propter hoc *potentes potenter tormenta patientur.* Sap: 6. 7.

In omnem partem præsidium facta prævalent: si mala sunt, omnes malos esse permittunt, imò etiam cogunt, si autem bona sunt, omnibus quoque virtutis canonem, imò necessitatem imponunt.

XXXI. Pilatus timet Cæsarem, nisi damnet Christum. Timor humanus, & respectus humanorum iudiciorum, studium placendi, & gratiam favoremque aliorum acquirendi, vel conservandi, gravissima est; communissimaque hominibus tentatio: cui non succumbere tam difficile quam rarum est; unde nullus est Deus, qui frequentius ab hominibus adoretur, & à pluribus etiam alius veriri Dei cultum professis colatur, quam idolum respectuum humanorum, quam Deus qui vocatur. Quid dicent in cultum huiusce Dei? Christus cecidit victima.

Quantas subeant iacturas bonorum suorum æternorum, imprimis mortales miseri propter respectus & metus, & spes humanas, & hoc Pilati exemplum, & innumera alia satis ostendunt. Poterat enim Pilatus si voluisset tenere constantiam ipsius Dei Servatoris servator esse, quod tamen amisit, quia in veritate non stetit, neque iustitiam, quam bonis exordiis caperat, servavit. Hæc infeliciū in bono infirmitas, ad malum autem sectandum assiduitas: stimulo esse iustis deberet, ut simili in op-

possi-



positum ratione connitantur; ut nimirum timores hominum & respectus susq; deq; habeant; in bono autem immoti semper consistent, & Dei gratiæ, gloriæ, voluntatis, iniuriæ, præmiorum, suppliciorumq; respectu, spe, metu, studio solidissimo teneantur. Turpe est enim constantius ab improbis idolum respectuum humanorum adorari; quàm à pijs verum Deum coli, plusq; percelli improbos timore Divino ad salutem.

XXXII. Sangvis ejus super nos, & super filios nostros. Furoris, odij, pertinacisq; immanitatis, nullibi post natos homines, speculum spectaculumq; editum manus reor, quàm in hoc populi Iudaici contra Christum effero clamore.

Vtinam verò eandem sibi familiarem vocem faciat charitas piorum, faciat gratitudo redemptorum. Quid enim vel à scelere nos revocet, vel ad virtutem provocet efficacius: quàm si perpetuò in memoria retineamus, quia sangvis IESV est super nos, &c. Hæc vox zelum omnem acuet, hæc vox labores omnes dulces reddet: hæc difficultatum omnes asperitates complanabit, hæc vox omnium proximorum salutem animasq; nobis pretiosas faciet: quoniam sangvis IESV super nos, & super filios, fratres, proximos nostros.

XXXIII. Condemnatur IESVS ad Crucis mortem. Quoties consentimus in peccatum, toties damnamus IESVM; & adiudicamus fieri petitionem tentationum, tradimusq; illum voluntati dæmonum, ut crucifigatur.

Condemnemus etiam aliquando nosmetipsos, nostrasq; cupiditates ad Crucem, & abnegationem, & mortem spiritualem: adiudicantes de nobis, & iniquitatibus, ac voluntatibus nostris fieri petitionem Dei, tradamusq;

nos



nos totos voluntati & gratiæ Divinæ.

## Feriâ Sextâ.

XXXIV. Baiulat Crucem IESVS sibi in montem. Ita conditi sumus: ut crucem baiulemus: sed hoc faciunt alij, fugiendo, odiendo, excutiendo, calcandoq; crucem, recalcitrando contra crucem, per impatientiam, immodestiam, superbiam, præsumptam innocentiam, rebellemq; proterviam: quod est nihil aliud, quàm cruci addere crucem, & quidem gravi graviolem.

Portant alij crucem exultando, & triumphando, & gloriando, in tribulationibus exaltando Deum in afflictione, facientes proventum cum tentatione: at horum exiguus est numerus: & soli isti ad montem baiulant crucem. His tamen vicini sunt, qui esto gementes, attamen modesti, & humiles, & absq; murmure subiiciunt se Deo, & tollunt crucem suam quotidie, & animas suas possident in patientia.

XXXV. Vinum felle myrrhâq; mistum. Non debuit gula, seu gulofitas, intemperantiaq; nostra in cibis & potibus sumendis esse impunita, quæ ianuam sceleribus ruinæq; nostræ aperuit: ergo felle & myrrhâ purgatur in IESV, cui morituro vinum felle myrrhâq; mistum porrigitur. Sed & quicunq; bene facta corrumpunt malis admistis circumstantijs, mora scilicet, acedia, inobedientia, impatientia, complacentia, hi quoq; vinum felle myrrhâq; infectum Christo propinare noscuntur. Bonum ex integra causa cum sit, iuste quod iustum est, persequendum; & bonum optimè peragendum est. Deus enim non usq; adeo quid faciamus, sed quomodo, & quanto cum affectu, quanta cum perfectione charitatis, quan-

to



to cum fervore exactionis faciamus, attendit & persolvit.

XXXVI. Vestium detractio, divisio, sortitio. Detrahunt vestimenta Christo, eaq; partiuntur sibi: *quicunq;* gloriam debitam Deo arrogant suæ propriæ vanitati. *Quicunq;* in patrimonijs sanguine Christi respersis, & partis lasciviunt, superbiunt, aut de ijs prædas rapinasq; agunt, *quicunq;* charitatem & unionem communem inter fratres & pacem habentes, iactis improbè discordijs discerpunt. Postremò *quicunq;* in pauperes Christi duri & avari sunt.

Non infructuosa sunt vestimenta IESV: operiunt illa, calefaciuntq; nuditatem, & geliditatem nostram, quin & ornant nos, & odorem nostri suavissimum coram Patre cælesti spargunt: quin & si quis vel tetigerit ea, statim sistitur fons sanguinis nostri. O IESV largire nobis hæc vestimenta tua, aut Tu Mater, quæ apud te domi habes indumenta Fratris nostri, Filij tui, valde bona, indue nobis, & indutos introduce in conspectum cælestis Isaaci, cum escais quibus libenter vescitur. Vestes Christi, merita Christi. Esca Patri cælesti gratissimæ. Imitatio IESV Christi: induamus passiones, & mores, meritaq; Christi, & erimus acceptissimi in conspectu Patris æterni.

XXXVII. Crucifixio IESV. Ergo hunc messuit, IESVS pro omnibus bonis suis, laboribusq; fructum: tandem enim, tandem crucifixus est ab ijs; quos beneficijs suis non tantum cumulaverat, sed etiam quos beneficijs suis esse fecerat. O ingratitudo! tu es continuata crucifixio, tu crux perpetua Christi; à lignea illa trabe aliquando depositus est Christus mortuus: ab hac ingratitudinis nostræ cruce nec gloriosus, nec beatus esse  
liber



liber potest. Propter quod etiam nostra in Christum ingratitude omnem nobis Divinæ liberalitatis fontem obstruit.

Ore & corde non desunt qui compatiantur Christo, sed qui cum Christo cruci configi, qui stigmata ejus in corpore & in spiritu portare desiderent, ac re ipsâ portent, horum exiguus est numerus: perfecta & iugis mortificatio, tam paucos habet sectatores, ut omnes una crux capere possit.

XXXVIII. Christus inter latrones medius. Malorum conversationi, & cum peccatis alienis communicationi hanc pœnam deberi indicavit Sapientia incarnata, ut inter medios latrones ipsa sibi crucem defigi eligeret. Et revera nulla inquam malorum societas sine Cruce Christi esse potest: nisi enim Christum crucifigeret, mala non esset.

Si latrones medium habent IESVM: nullius ergo desperanda est salus & emendatio. Novit Dominus qui sunt ejus: etiam in patibulis electos habet, etiam ibi eos quærit, & apostatantibus, inq; proditores degenerantibus discipulis illos substituit, atq; de latronibus Martyres facit. O beatum te Latro! qui prædebaris nuper, iam ipse in prædam Christi cessisti.

XXXIX. IESVS crucifixus blasphematur ab omnibus. Effera crudelitas & immitte cor ad condolendum: afflictis, insultatio etiam & exultatio in aliorum, esto pauperum, esto inimicorum calamitatibus, detractio & irrisio virtutis alienæ: non aliorum sunt propria quàm crucifixorum Christi: perinde etiam sunt acerba coram Deo, ut istæ insultationes Iudæorum & gentilium fuere Christo. Ut disceremus non exambire compassionem nostris acerbitatibus: ut autem compati consvescere-



mus alijs in suis adversitatibus: hæc impropria pati cum humillimo silentio voluit Dominus & Magister noster IESVS: Sicut enim vulnerat Christum, qui afflictum exacerbabat ludibrio proximum, ita medicinam & solatium exhibet Christo, qui compati in malis posito novit proximo.

XL. IESVS pro inimicis orat Patrem. Hæc oratione omnes iras, odia, vindictasq; iugulavit Dominus. Ea oratione veram charitatem inimicorum quorum peccata etiam excusare non est gravatus, & super quos mansuetissima protectionis suæ nubem contra furorem Dei expandit, nobis ita Dominus indixit, ut luculentiore præcepto non potuerit.

## SABBATO.

XLI. In siti IESVS potatur aceto. Dum bona malè facimus, tunc Christo acetum in siti propinamus. Malè autem bona fiunt, quando ægrè, tardè, repugnanter, oscitanter, ex usu, perfunctoriè, ad oculum, metu pænæ fiunt.

Omnia nostra opera acetum sunt, & in Domini mensam inferri digna minimè sunt, si non condiuntur Dei voluntate, meritorum & charitatis Christi atq; fraternæ dulcedine.

XLII. IESVS à Patre derelictus. Pusillanimitatis nostræ malo à sua Dominus derelictione medicinam paravit: fecitq; ac obtinuit, ne quis se à Deo derelictum queri posset. Itaq; neminem deserit Deus: nisi ipse desertus sit à nobis.

Credamus & fidamus Deo, illiq; causas nostras committamus ex animo, & ipse faciet quod voluntatis volupta-



luptatisq; suæ, nostræ autem salutis esse sciverit. Nunquam enim deserit nos & nostra Deus, nisi prius nos fiducia & spem sustinentiamq; nostram in ipsum amiserimus.

XLIII. Consummatis omnibus moritur IESVS. Peccatum cum consummatum fuerit generat mortem tam peccatoris, quam Christi; non enim moreretur peccator, nisi moreretur simul Christus, nec Christus moreretur, nisi prius moreretur peccator; propterea contestatur Dominus nolle se mortem peccatoris, sed ut vivat: ut sic etiam simul ipse cum eo vivere possit.

Nemo speret mortem in Domino, nisi consummaverit omnia quæ Divini placiti sunt. Monitum Domini est. Cum omnia feceritis quæ præcepta sunt vobis, dicite servi inutiles sumus. Mortui sumus, mortui nobis: viventes Deo, ô amare! ô ire! ô sibi perire! ô ad Deum pervenire!

XLIV. Vulneratur in latere & corde IESVS. Qui peccatum peccato addit, is quasi iam mortuo IESV insuper latus & cor ferit.

Qui post peccati mortem ad pœnitentiam compungitur, is mortuo IESV cor aperit unde vivificetur.

XLV. Deponitur IESVS de Cruce, & ungitur. Qui aliorum peccata, quæ vel ex officio, vel ex charitate sanare, aut ut sanaretur ab alijs, suâ manifestatione facere poterant, celando & excusando incurata relinquunt: quid aliud agunt, quam occisum Christum de Cruce deponentes ungunt? crudeliter misericordes: qui perdere malunt palpando, quam sanare lædendo. Deponunt de Cruce IESVM, & ungunt illi, qui infirmum fratrem mansuetudine & charitate fovant, & in spiritu lenitatis instruunt ac sanant. Veri Samaritani adinstar



oleum vinumq; affundentes, & curam vulnerati gerentes.

XLVI. Sepultura IESV. In petra IESVM sepeliunt, advolutoq; lapide claudunt & abeunt: qui postquam in profundum peccatorum venerunt, contemnunt, & duro impœnitentiq; corde, omnem correptioni & correctioni spem, viamq; obstruunt.

IESVM in petra sepeliunt: qui quotidianis pœnitentiæ operibus præteritas culpas ab oculis Dei abscondunt: quiq; constantiâ virtutis, & perfectionis solidæ, semel adeptam IESV possessionem, sese ad grâtiâ consummata perseverantiâ Deo disponunt.

### XIII.

*Brevius meditandi exemplar ex revelationibus piissimæ Matronæ Beatæ Angelæ de Fulgino exhibetur, prout refertur in ejus Vita. c. 35.*

- I. **C**ONsiderabat, & intelligebat anima mea, quòd medicina esset sanguis Christi Domini: qui quidem dat sine pretio hanc medicinam: nec constat pluris peccatori infirmo quàm quòd disponit se. Medicus autem Christus dat illi salutem, & sanat infirmitatem. Animæ autem meæ ostendebantur omnia peccata, & videbat omnia sua peccata, & videbat quòd omnia membra haberent infirmitatem spirituales. Et ideo conabatur ostendere omnia peccata, quæ cum diversis membris corporis, cumq; potentijs ac viribus suis fecerat, dicebatquæ. O Domine Magister! Medice æternæ salutis, Deus meus: quiq; solâ flebili ostensione infirmitatum mearum me sanare disposuisti; Domine, cum sim infirmissima, nec est



est aliquid in me non corruptum, non infectum, ostendo tibi (heu miseranda) omnes infirmitates meas, omnia peccata mea omnium membrorum meorum. Domine misericors Medice, respice caput meum, quomodo illud signis superbiæ frequenter ornavi, capillos torquendo deformavi, & alia multa peccata feci. Respice Domine oculos miserabiles impudicijs plenos, invidiâ infectos, &c. Sic studebam assignare & ostendere Christo omnia alia peccata mea omnium membrorum meorum.

Auditis his omnibus cum magna patientia Christus, 2. lætanter & cum iucunditate respondebat & ostendebat, quomodo per ordinem ista omnia sanabat, & multum animæ meæ compatiendo dicebat. Ne timeas, neq; desperes filia, quoniam si mille morbis & mortibus infecta esses, ac mortua: medicinâ, quam tibi ministrabo, sanari poteris, si tamen animæ tuæ & corpori ipsam applicare per devotionem volueris. Infirmitatibus enim capitis quas dixisti, & multipliciter ostendisti, propter quas Deo displices, atq; doles in te: quas incurristi peccitando, lavando, ungendo, colorando, ornando, crines torquendo, te efferendo, superbiendo, vanam gloriam quærendo, propter quæ in profundissimum inferni lacum deiici, ibiq; humiliari, & perpetuò tanquam vilissima reputari debebas, ego satis feci, & pænitentiam egi, atq; gravissimam pænam toleravi. Caput enim meum fuit tractum, depilatum, spinis acutissimis punctum, arundine percussum, totum sanguine cruentatum, omni ludibrio & contemptui viliter subiectum, & vili coronâ coronatum. Infirmitatibus autem faciei quas incurristi similiter lavando, ungendo, hominibus miseris ostendendo, eorum gratiam quærendo; ego medicinam confeci, & ordinavi, hoc est, pro peccatis huiusmodi satis feci.

Nam



Nam sputis sordidissimis vilissimorum hominum tota facies mea fuit inquinata, & deturpata, alapis gravissimis fuit funestata, panno vilissimo sordido fuit velata. Pro oculis etiam tuis, quibus respexisti vana, nociva, fuistiq; in ipso aspectu multipliciter delectata contra Deum. Ego satis feci. Oculis enim meis amarissimas fudi lachrymas, illos velatos habui sanguine, deniq; à capite manante balneatos. Pro auribus tuis, quibus Deum offendisti, audiendo vana & nociva, fuistiq; in talibus delectata; ego maximam pœnitentiam feci: nam auribus meis audiui multa, quæ multam & maximam tristitiam afferebant, scilicet falsas accusationes, detractiones, insultationes, maledictiones, derisiones, subsannationes, blasphemias, iniquam contra me sententiam, fletum Pijsimæ Matris meæ, mihi dolorosissimè condolentis. Pro peccatis oris tui, & gulæ tuæ, quâ delectata es in comessatione, ebrietate, ciborum sŕavitate, ego habui os fame, jejunijs, sitiq; tabefactum, aceto, myrrhâ, felle amaricatum. Pro peccatis lingvæ tuæ, quam ad detractiones, calumnias, irisiones, maledictiones, blasphemias, perjuriam, mendacia, & alia peccata laxâsti, ego habui os meum & lingvam coram Iudicibus & falsis testibus clausum, nec habui in ore meo excusationem, sed semper veritatem, & pro malefactoribus meis Deum toto corde rogavi. Pro peccatis odorâtus tui, quo in floribus & odoribus delectata es; ego factores abominabiles sputorum sensi, & super faciem, oculos, naresq; meas toleravi. Pro peccatis, quæ fecisti cum collo tuo, illud ira, superbia, & lascivia agitando, & contra Deum extendendo. Ego habui collum meum multiplicibus colaphis & alapis verberatum. Pro peccatis scapularum & humerorum tuorum, quibus offendisti Deum, diversa contra

tra



tra Deum portando: Ego pœnitentiam feci, Crucem in qua suspensus fui, bajulando. Pro peccatis manuum tuarum & brachiorum, quibus multos amplexus malos, & tactus, & mala opera fecisti. Ego habui manus crassis clavibus transfixas, & in ligno affixas, & pressas, totum meum corpus in patibulo sustinendo. Pro peccatis cordis tui, quo peccasti irâ, iracundiâ, invidiâ, tristitiâ, malo amore, malis concupiscentijs, & cupiditatibus. Ego habui cor & latus meum lanceâ acutâ transfixum, ex quo medicina validissima ad curandas omnes cordis passiones atq; peccata sufficienter manavit. Aqua enim ad refrigerandum malas concupiscentias, & amores, sanguis ad remittendas iracundias, tristitias, rancores. Pro peccatis pedum tuorum, quibus peccasti, choreando vanè & lascivè, ambulando & evagando: Ego habui pedes tortuosè non ligatos, sed transfixos, clavatosq; in ligno Crucis, & pro talaribus rostratis & fenestratis, ego habui pedes sangvinolentos sanguine pedum ipsorum, totiusq; corporis in eos defluente. Pro peccatis totius corporis quo peccasti, illud delicijs, somno, quieti dando, & diversimodè delectando: Ego fui in Cruce affixus, terribiliter verberatus, in modum pellis tractus, & extensus in Cruce, sudore sanguineo totus, usq; ad terram madidus, & durissimo ligno strictissimè applicatus, tandemq; atrocissimo tormento ibidem laborans, clamans, suspirans, flens, plorans, ejulans, mortuus sum, & à crudelissimis interfectus. Pro peccatis tuorum ornamentorum, vestium superfluarum, vanarum, curiosarum: Ego in Cruce nudatus sum, vilissimis hominibus vestes meas sibi diripientibus, ludentibusq; in oculis meis. Ego nudus sicut de Virgine natus sum, frigori, vento, æcri, omnium hominum aspectui, in alto, ut melius viderer, & magis iriderer



viderer, & verecundiam paterer, expositus sum & expansus. Pro peccatis tuarum divitiarum, quæ fecisti malè acquirendo, ipsas expendendo, & retinendo. Ego pauper fui non habens palatium, neq; domum, neq; tugurium, ubi nascerer, ubi vivens manerem; neq; moriens sepulchrum habuissem, sed canibus & avibus fuisset dimissus, nisi quidam pietatis intuitu, & meæ miseræ compatiens, me in suum sepulchrum recepisset. Meum sanguinem, meam vitam, hominibus peccatoribus sum largitus; & adeo nihil mihi retinui, sed in vita & morte semper pauper esse volui, & permansi. Quid plura? nulum peccatum, nullum animæ morbum assignare poteris, cui ego remedium non attulerim, pro omnibus satis feci sufficienter, & pro infinitis tormentis, ac doloribus, quos misera anima tolerare in inferno debebat, pro supradictis peccatis, ego totaliter dolui, tormentatus sum & cruciatus. Quod si in negligentia tua non remaneas ampliùs, dolere te non oportebit; dum tamen mecum hic condoleas, mihiq; compatiaris, & pauperum, ignominiarum, paupertatis, despectuum socia, dum hic vivis existas. Hæc Beata Angela: seu potius ad illam & ad omnes nos Christus.

#### XIV.

*Elegantem formam meditationis legimus in libro revelationum S. Mechtildis: quam ipsis verbis, quæ ibi sunt, describo. Lib: I. cap: 21, revelationum seu spiritualium gratiarum fol: 50.*

I. **C**um esset Beata Mechtildis in recordatione quoddam Christi



Christus horâ primâ Præsidi iudicandus abstinisset, dixit ad eam Dominus. Veni mecum ad iudicium, & assumens eam ante Patrem suum cælestem, statuit eam secum. Tunc omnes Sancti cum omnibus creaturis super eam sunt conquesti. *Seraphim* accusabant eam pro eo, quòd Divinum amorem, quo in corde fuerat accensa, sæpe in se per teporem extinxerat. *Cherubim* proclamabant eam, eò, quòd secundum lumen Divinæ cognitionis, quo præ cæteris illuminata erat non se regebat. *Throni* conquesti sunt, quòd pacatissimum Regem eorum, qui Thronum suum in ea firmaverat, sæpe inutilibus cogitationibus inquietando turbasset. *Dominationes* dicebant, quòd Regi & Domino Deo suo se cum debita reverentia non subdidisset. *Principatus* conquerebantur, quòd Divinam nobilitatem, quâ ad Dei imaginem facta est, nec in se, nec in alijs esset venerata. *Potestates* accusabant eam, quòd se Divinæ Majestati cum tanta reverentia & tremore, ut dignum fuerat, non inclinasset. *Virtutes* conquerebantur, quòd se in virtutibus sanctis debito modo non exercuerat. *Archangeli* dicebant, quòd svavi Dei colloquio prout debuit non intendisset, nec per Angelos, qui ei Ministri deputati sunt, svavia & amatoria susurria ad dilectum suum direxisset. *Angeli* querulabantur, quòd eorum ministerio indignè uteretur. *Beata Virgo MARIA* conquerebatur, quòd dulcissimo Dei Filio, quem sibi genuerat, infidelis exstitisset. *Apostoli* clamabant, quòd eorum doctrinam diligenti studio non fuisset secuta. *Martyres* dicebant, quòd impatienter pœnas & infirmitates in vita sustineret. *Confessores* eam accusabant, quòd in Religione & in spiritali exercitatione negligenter egisset. *Virgines* querulabantur, quòd tam amantissimum Sponsum totis viribus non



amâſſet. *Omnes Creaturæ* ſimul conclamabant, quòd eis indignè uſa fuiſſet. Tunc benigniſſimus IESVS dixit ad Patrem. De omni querimonia ei objecta, ego ad ſingula pro ea respondebo, quia ejus amore fateor me cap-  
 ptum. Cui Deus Pater dixit. Et quid te ad hoc còegit? Respondit mea electio, quia eam ab æterno mihi præele-  
 gi. Tunc anima còfidens de gratia tanti Fidejuſſoris ſui, còfidenter accepit eum inter brachia ſua dicens ad Pa-  
 trem. Ecce præſento tibi Pater colende humillimum Fi-  
 lium tuum, qui Tibi plenè pro me perſolvit, quidquid deliqui per ſuperbiam. Ecce præſento Tibi etiam Fili-  
 um tuum manſvetiſſimum, qui pro me ſatiſfecit, quid-  
 quid peccavi per iram. Præſento etiam Tibi Filium tu-  
 um amantiſſimum, qui eſt amor cordis tui: qui plenè ſup-  
 plevit, quidquid deliqui odio. Largiſſua ipſius liberali-  
 tas omne quod avaritiâ peccavi, exſolvit. Sanctiſſimum  
 ejus ſtudium acediam meam emendavit. Summa ejus  
 abſtinentia omnem intemperantiam meam ſupplevit. E-  
 jus innocentiffimæ vitæ puritas exſolvit pro me, quod  
 malis cogitationibus, verbis, vel factis deliqui. Ejus ſu-  
 ma obedientia, quâ factus eſt obediens uſq; ad mortem,  
 omnem inobedientiam meam delevit. Ejus deinde per-  
 fectione omnem imperfectionem meam excuſat. Eſto igitur  
 Sancte Pater placabilis ſuper nequitia mea, tantæ  
 placationis recepta hoſtia, & clementi pietate indignatio-  
 nem averte à me, & recipe me in gloriam ſempiternam.  
 Hucusq; Beata Mechtildis cujus ad inſtar, etiam perfe-  
 ctiſſimus quiſq; meditationem de Paſſione inſtituere, ex  
 eaq; patrocinium in iudicio Divino ſibi aſſumere, ad vir-  
 tutemq; & omnis perfectionis ſtudium, ſtimulos ſibi met  
 addere poterit: quòd multò etiam utiliùs facient imper-  
 fectioni & peccatores in bonum animarum ſuarum, utpote  
 qui

qui in ſe  
iudicii a  
quitas

Chriſt  
eſſe, ſi  
dendur  
am co  
tam,

D  
n  
cemq  
deſid  
ſpes  
ſalten

S  
mihi  
mult  
dit.  
quo  
ti ad

ſage  
mihi



qui in sese longè plùs materiæ reperient accusationis, & iudicij apud Deum, si noluerit mentiri, aut blandiri iniquitas sibi.

## XV.

*Christus Dominus docuit S. Gertrudem gratum sibi esse, si assumendo Dominicæ Passionis partes ad expendendum, anima conetur Christo Domino Passionem suam compensare, vicemq; quàm maximè Christo gratam, anima verò salutare rependere. Quod insinuat Divina pietatis lib: 4. c. 26. ante finem.*

**D**VM in die Sancto Parasceves circa memoriam Dominicæ Passionis svaviùs afficeretur Beata Gertrudis, vicemq; amoris dilecto ex intimo cordis affectu rependere desideraret, dixit ad Dominum. Eja, doce me ô unica spes & salus animæ meæ; quomodo tibi pro tua Passione saltem aliquam possim reddere vicem?

Ad quod Dominus.

Si quis alienum sensum sequitur, & non suum: ille 2. mihi captivitatem, quâ horâ matutinali captus, ligatus, multisq; injurijs affectus sum pro salute humana, reddit. Qui verò humiliter culpabilem se reddit, iudicium quo horâ primâ multis falsisq; testibus accusatus, & morti adiudicatus sum, mihi recompensat.

Qui autem sensus suos continet à delectabilibus: 3. flagella, quæ sustinui horâ tertiâ, mihi rependit.

Et qui se subdit discolis Prælati, spineam coronam 4. mihi alleviat.




5. Qui verò læsus primus ad pacem humiliatur, Crucis mihi bajulationem restituit, seu recompensat.
6. Si quis autem supra posse se extendit ad opera charitatis erga proximum; extensionem quâ horâ sextâ in Cruce acriter dissentius sum, mihi rependit.
7. Qui etiam non fugit gravamen contumeliæ vel tribulationis, ut proximum retrahat à culpa, mortem meam mihi rependit, quam pertuli horâ nonâ pro salute humana.
8. Qui autem convitiatus (ab alio) humiliter respondet: me quasi de Cruce deponit.
9. Qui verò proximum sibi præfert, reputans ipsum maiori honore vel commodo, vel alio bono se digniorem; ille sepulturam mihi rependit. Hæc Dominus ad dilectam suam Sponsam Gertrudem.
10. Cujus adinstar poterit facillè anima devota plures compensationes dolorum & iniuriarum Christi sibiimet adinvenire & proponere, & easdem exercere. v. g. ut Christo sanguineum sudorem compense: studeat laborare pro Christo usq; ad defatigationem.
- II. Vt proditorium Iudæ osculum rependat: mansuetè & benevolè suscipiat & alloquatur, eos etiam, quos male sibi affectos alias scit.
12. Vt nocturnas Christo iniurias resarciat: exequatur illud Psalmistæ monitum: *In noctibus extollite manus vestras in Sancta, & benedicite Dominum.* Psalmi 133. 2.
13. Vt nudum Christum vestiatur: vestiatur pauperem. Vt Herodianas illusiones Christo rependat; velit esse stultus propter Christum, & velit stultus haberi & existimari. Atq; in hunc modum poterit totam Passionem Christi eidem Christo multiplicibus virtutum actibus recompensare: cum multo suo profectu interiori & multa con-

ten-



tentatione cordis Divini: quemadmodum tum res ipsa  
per se indicat, tum etiam Christus Dominus eidem Bea-  
tæ Gertrudi dignatus est significare.

Cum enim hæc sancta ex memoria quod Dominus 14.  
horâ tertiâ spinis coronatus, ad columnam dirè flagella-  
tus, suis fessis cruentisq; humeris Crucem dignatus est ba-  
julare, vehementius fuisset succensa, dixissetq; ad Domi-  
num. Ecce Amator mi dulcissime ad respondendum a-  
mori tuo pro tam indebita amaritudine tuâ innocentis-  
simæ Passionis, exhibeo tibi cor meum desiderans omnem  
amaritudinem & dolorem dulcissimi cordis & immacu-  
lati corporis tui perferre ab hora ista usq; in horam ex-  
tremi exitus mei, orans, ut quomodocunq; ex humana  
fragilitate horum recordatio à mea labitur memoria, fa-  
cias me corporalem dolorem cordis sentire; qui dignè  
respondeat amaritudini tuæ Passionis. Respondit Domi-  
nus. Talis voluntas & fidelitas cordis tui, satis sufficien-  
ter respondet mihi, sed ut plenam in corde tuo possim  
habere delectationem, da mihi libertatem faciendi & con-  
tinendi in eo quæcunq; volo, non disponens utrum dul-  
cedinem sive amaritudinem tibi infundam.





## XVI.

*Et si Salvator noster IESVS Christus semel pro nobis mortuus sit, morsq; illi ampliùs non dominetur, miserandum tamen est, cum ea omnia, quæ quondam passus est in corpore suo, nunc etiam moraliter in corpore suo mystico patiatur, quod Apostolus obijcit: ad Hebr: 66. rursum crucifigentes sibi metipsis Filium Dei, & ostentui habentes. Et ad Galat: 3. I. Quis vos fascinauit non obedire veritati, ante quorum oculos IESVS Christus præscriptus est in vobis crucifixus.*

1. **C**um ergo hoc ita sit, rectè Passionis Christi meditatio sic institui potest, ut quotidiana ejus instaurationis spectetur, defleaturq; & quidem toties repetita, quot sunt ij, qui peccant, quiq; peccata seu cumulant, seu renovant; & tanto etiam indignius sceleratiusq; id faciunt, quàm olim Iudæi fecere: quia hi quidem ignorantes Dominum gloriæ mori & pati fecerunt, at isti fidem in Christum profitentes, in eundem nihilominus iam gloriosum, iamq; immortalem, & mori impotentem sceleratissimam carnificinam exercent.
2. Itaq; hodie adhuc venditur Christus: ab omnibus turpis lucri cupidis, & quæstum pietatem æstimantibus.
3. In horto Christus timet, tædet, contristatur: apud omnes deliciosos voluptatumq; amatores.
4. Et sæpe hoc in horto Oliveti sustinet IESVS: apud eos scilicet, quos per misericordiam suam peculiarem

in



in hortum, five Ecclesiæ, five Religionis alicujus Sacræ induxit.

Agonizat IESVS apud eos, qui sese peccandi occa- 5.  
sionibus ultro immiscunt.

Sudat sanguinem apud oppressores pauperum, & de- 6.  
voratores eorum, five in abscondito, five in aperto.

Vigilat Christus nobis interea per socordissimam se- 7.  
curitatem negligentiamq; stertentibus.

Osculo traditur Christus ab his, qui speciem licet 8.  
pietatis præferant, virtutem tamen ejus abnegant, qui  
dicunt Deo Domine, Domine, & non faciunt quæ im-  
perat Dominus.

Captus est Christus apud eos, qui veritatem five Fi- 9.  
dei, five Iustitiæ, in iniquitate detinent.

Affligitur in Concilio Sacerdotum IESVS, quia, ut 10.  
ait Gregorius, à nemine tantum præiudicium patitur  
Deus, quàm à malis Sacerdotibus.

Falsi testes in IESVM subordinantur: apud iniquos II.  
rerum, morum, causarumq; æstimatores, apud innocen-  
tum calumniatores.

IESVM totâ nocte excruciant infandæ innominan- 12.  
dæq; turpitudines.

Tacet IESVS apud Pilatum: quia potentes ea so- 13.  
lùm audire sustinent, quæ ad illorum sensum & inten-  
tum sunt: solis adulatoribus & palpatoribus aures ac-  
commodant. Veritatis & æquitatis sinceros enarratores  
foras excludunt.

In aula IESVS pro stulto habetur, multis quæstio- 14.  
nibus exagitur, constanter accusatur, illuditur. Pie-  
tati enim, virtuti, sinceritati, æquitati, modestiæ, veræ  
prudentiæ, quis locus in aulis? Exeat aula qui vult ef-  
se pius.

Disci-



15. Discipulus Christum unum vendit, alter abiurat, alij deserunt omnes. Quis enim cæcus, nisi Dei servus: aut quis surdus, nisi ad quem nuntij Dei semper mittuntur. Sicut non invenes meliores quàm qui in Religione profecerunt; sic non invenes deteriores quàm qui in Religione defecerunt. Optima vina in mordacissimum degenerant acetum.
16. Flagellis emendatur IESVS apud omnes detractores & persecutores, invidentesq; bonis alienis, & quod bonum, pium, rectum, verumq; est, hoc mordacitate lingvarum suarum perfricantes & flagellantes: in quibus flagellis qui IESVS, hoc est, qui solidus virtutis amator est, is proficit, & fortior evadit: sed qui infirmus, & pusillo corde est, hic coram flagello lingvæ evanescit.
17. Coronat IESVM superbia, vana gloria, iactantia.
18. Nudat IESVM omnis inverecundia, omnis avaritia, omnis infamatio.
19. IESVM conspuat convitiator, contemptorq; Dei & proximi,
20. Alapam dat IESV quisquis potestati resistit, obstrepat, quisquis impotenter probitatem opprimit.
21. Barabbæ IESVM præponit, quisquis dicit bonum malum: malum bonum: quisquis creaturæ & cupiditati postponit Creatoris voluntatem & dignitatem, quisquis respicit personam non causam.
22. Sangvinem Christi super se suosq; accipiunt: qui vindictam quærunt, qui implacabilibus odijs ardent, qui alijs scandalo & ad perditionem exemplo aut incitamento sunt, qui odijs capitalibus flagrant.
23. Damnant IESVM ad mortem quotquot pravæ voluntati suæ aut alienæ in peccatum consentiunt: quotquot timorem hominum timent, Deum verò offendere non timent.

Ace-



Aceto & felle potant IESVM gulosi ebriosq; omnes: 24.  
nec-non illi, qui vitæ emendationem in extremas vitæ  
horas differunt.

Crucem IESV imponunt: qui in malis alienis lætan- 25.  
tur, rident, insultant, qui imponunt onera gravia alijs,  
quæ ipsi digito non tangunt.

Affigunt IESVM Cruci, qui in peccatis sunt, hæ- 26.  
rentq; obstinati.

Inter latrones IESVM deputant, qui alios propter 27.  
iustitiam persequuntur: & calumnijs inter pessimos pe-  
sistentissimosq; ponunt.

Occidunt IESVM in Cruce: qui alijs perseveranti- 28.  
am in bono, seu statu, seu opere, vel invident, vel aufe-  
runt: qui etiam impatientes sunt in adversis, & unde me-  
liores esse per flagella debuerant, deteriores ex impati-  
entia evadunt: qui deniq; in malo finaliter moriuntur.

Extra urbem IESVM eijciunt, & enecant: qui me- 29.  
liorum convictum exosi, eos à se, vel se ab illis subtra-  
hunt, ne illorum conspectu lædantur, aut eorum exem-  
plis ad meliora vel inviti stimulentur.

Sed lubet hunc ipsum meditandi modum verbis Pre-  
tiosissimæ Dei Matris Beatæ Brigittæ lib: I. revel: c. 37.  
propositum hic etiam proponere, multam enim pote-  
rit utilitatem Lectori afferre. Igitur Dei Mater cum di-  
xisset Christo Filio suo ab inimicis quatuor mala illata.

I. Coronam spineam impositam. II. Manus, pedes  
perforatos. III. Fel propinatum. IV. Latus punctum.  
Ita deinceps pergit.

Sed nunc conqueror, quia Filius meus ab inimicis su-  
is qui nunc sunt in mundo, amarissimis crucifigitur; quàm  
tunc Iudæi crucifixerunt eum. Nam licet deinceps im-  
passibilis sit, nec mori possit: tamen cum proprijs vitijs

H

cru-



crucifigunt eum. Sed tu fortè potes quærere quomodo crucifigunt eum? utiq; primò ponunt eum in Cruce, quando de præceptis Creatoris sui & Domini non curant. Et dehonestant eum, quando ipse monet eos per servos servire sibi, & ipsi hoc contemnentes faciunt quæ sibi placent. Deinde crucifigunt dexteram manum, quando tenent iniustitiam pro iniustitia, dicentes, *Peccatum non est sic grave & odiosum Deo sicut dicitur, nec Deus in æternum affligit quenquam, sed propter timorem minatus est.* Deinde crucifigunt sinistram manum ejus, quando virtutem vertunt in vitium, volentes usq; in finem peccare, dicentes. Si dixerimus in fine semel: Miserere mei Deus, tanta est misericordia Dei, quod habebimus veniam. Hoc non est virtus velle peccare & non emendare. Postea crucifigunt pedes ejus, quando delectantur in faciendo peccatum: & non semel cogitant amarum Passionem Filij mei, nec regratiantur ei semel de intimo corde, dicentes. O quam amara erat Passio tua Deus! Laus tibi sit pro morte tua. Coronant eum deinde coronâ derisionis: quando derident servitores ejus, & vanitatem reputant servire ei. Dant ei etiam fel bibere, quando gaudent & exultant in peccato, nec ascendit semel in corde eorum, quam grave & multiplex sit. Pungunt latus ejus, quando voluntatem habent perseverandi in peccato. Verè dico tibi & hoc amicis meis dicere poteris, quia tales sunt ante Filium meum, iniustiores iudicantibus eum. Immitiores crucifixoribus ejus, impudentiores venditoribus ejus, & maior pœna debetur istis, quam illis. Pilatus scivit bene Filium meum non peccasse, nec dignum aliquâ morte, tamen quia timuit temporalem potestatem & seditionem Iudæorum, iudicavit quasi invitus Filium meum ad mortem. Quid autem haberent



berent isti timere si ei servirent? aut quid de honore suo ac dignitate amitterent, si ipsum honorarent. Ideo graviter isti iudicabuntur, & deteriores Pilato in conspectu Filij mei, quia Pilatus iudicavit eum propter petitionem & voluntatem aliorum cum timore quodam: isti autem iudicant eum propter voluntatem propriam absq; timore. Vsq; huc Beata Virgo loquitur S. Brigittæ, videri autem sequentia in eandem sententiam, quæ brevitatis causâ hic omitto. Hunc aut similem in modum non inutiliter Christi Passio expendi potest. Sive quis hanc meditatione IESVM à se ipso, sive ab alijs crucifixum esse, crucifigive meditetur: habebit enim ex hac meditatione uberem pœnitentiæ de suis ac alienis peccatis materiam habebit copiosam pro Deo, ejusq; honore ac voluntate zelandi causam, habebit efficaces ad lugenda sua & aliena, imò & Dei Christi q; mala, ad procurandam suam & aliorum salutem, conversionemq; stimulos: habebit multam occasionem ac segetem considerandæ Dei super peccatores patientiæ ac miserationis, deprecandæ ac amovendæ ab eis iustæ Divinæ vindictæ: agendi gratias Deo, à quo se fortè sentiet ex talibus in Christum lanienis vel eductum, vel certè (quod maius est) etiam præservatum, &c.

Hujusmodi Meditationem de Christi Passione, quæ etiam in præsentî tempore ab ipso sustinetur, servatâ proportionem potest facere homo aliquis, minimè quidem ille malignus & gravibus mortiferisq; peccatis implicatus, statui tamen suo quem fortè profitetur, item ubertati gratiarum & auxiliorum Dei, quibus abundanter ad perfectiora studia, insignioremq; sanctitatem impellitur, minimè uti deberet respondens, quotidianis, ijsq; voluntarijs imperfectionibus, in mortificationibus, sen-



qualitatibus, levitatibus, otiositatibus, alienorum factorum, morum, talentorum, censurationibus, bonorum omissionibus ac dilationibus, in bono langvoribus, vanæ gloriæ, honoris proprii venationibus, de se præsumptionibus, tepiditatibus, regularum suo statui propriarum transgressionibus, ac observantiarum communium vilipensionibus, in proximos quæ domesticos, quæ extraneos malorum exemplorum exhibitionibus, alijsq; similibus tepidorum proprijs modis, Christum perfectionis Magistrum, animarumq; specialius à se dilectarum & præventarum Zelatorem excruciant, & ejus Passionem innovant, adeo quidem intimo & penetrativo doloris sensu, ut Dominum IESVM tactum dolore cordis intrinsecus non rarò pænitere necesse sit, quòd tantam gratiarum copiam in tales profuderit, adeoq; demum incipiat eos evomere ex ore suo tantò abominandos magis, irrevocabiliterq; eiiciendos, quantò id, quòd nausæa compellente aliquando deiecit, odibilis detestamur.

## XVII.

*Passionem Domini nostri meditari possumus per collationem ejus cum alijs vitæ Christi mysterijs, ut exponit idem P. Druzbicki in Modo 48.*

1. IESVS nascens in Nazareth (quæ vox florem sonat) ex Virgine de Spiritu Sancto conceptus est.  
Moriens in Horto à Iuda discipulo, consilium traditionis in cor ejus mittente diabolo traditus est.

2. IESVS nascens nocte mediâ, cum medium silentium teneret, omnia in Bethleem, (domo panis) inter nos homi-



homines prodijt, & noctem in diem vertit.

Moriens mediâ etiam nocte, in Horto Olivarum (symbolo misericordiæ & pacis) comprehensus & captus, & in urbem deductus est: in meridiq; moriens, noctem mundo induxit.

3. IESVS nascens lachrymas fudit, parvoq; lacte pastus est.

Moriens sangvinem fudavit, & membris planxit omnibus, vino felle misto, acetoq; potatus est.

4. IESVS nascens in præsepio, inter bovem & asinum positus est.

Moriens in Cruce positus, inter duos latrones appensus est.

5. IESVS nascens pannis involutus est.

Moriens vestibus exutus, nudus pependit.

6. IESVS nascens fasciis ligatus est.

Moriens ligatus vinculis & catenis, & clavis confixus est.

7. IESVS natus, à multitudine Militiæ cælestis Salvator dictus & adoratus est.

Moriens à multitudine furente seductor, blasphemus, reus mortis, Cruce dignus dictus est.

8. IESVS natus, à stella cælesti Magis demonstratus est.

Moriens à Sole & Luna toto universo planctus & defletus est.

9. IESVS nascens à Regibus sive Magis adoratus, & muneribus cultus.

Moriens à Principibus illus, contemptus, morti traditus est.

10. IESVS nascens à pastoribus ovium agnitus, salutatatus est.

Mori-



Moriens à pastoribus Synagogæ abnegatus est.

11. IESVS nascens octavo die, circumcisisus est.

Moriens toto corpore in flagellatione, coronatione, crucifixione, sauciatus est.

12. IESVS nascens nomen IESVS ab Angelo antequam nasceretur nuncupatum accepit.

Moriens à Pilato titulum IESV Nazareni super Crucem appositum retulit.

13. IESVS nascens à Simeone in templo oblatus est.

Moriens à Principibus Sacerdotum in Calvario monte crucifixus est.

14. IESVS nascens ab Herode patre persecutionem passus est.

Moriens ab Herode filio spretus, illus, pro stulto & insano iudicatus est.

15. IESVS nascens fugâ vitam servavit.

Moriens ultro hostibus obviam processit.

16. IESVS duodennis in medio Doctorum interrogans & audiens eos, inventus est.

Moriens à Concilio legisperitorum interrogatus, & reus mortis, blasphemus, damnatus est.

17. IESVS à Ioanne baptizatus est in Iordane.

Moriens baptizatus est in Passione.

18. IESVS de cælo à Patre æterno testimonium accepit quod esset Filius Dei.

Moriens falsis testimonijs accusatus, & quia Filium Dei se fecit, occisus est.

19. IESVS in deserto tentatus est.

Moriens potestati tenebrarum traditus est.

20. IESVS vivens ad pœnitentiam invitavit, & Regnum cælorum appropinquasse docuit.

Mori-



Moriens pænitentiam pro nostris peccatis egit, & Regnum cælorum suo sanguine aperuit.

21. IESVS doctrinam suam ascenso monte promulgavit.

Moriens eandem legem suam in monte super Crucem morte suâ sanxit.

22. IESVS vivens ad Regnum quæsitus est.

Moriens purpurâ indutus, coronatus spinis, arundinem gestans, ut ambitiosus Rex, illusus & salutat<sup>us</sup> est.

23. IESVS in vita stultus, insanus, furens, dæmoni<sup>acus</sup>, creditus est.

Moriens veste albâ ut fatuus indutus & illusus est.

24. IESVS vivens aquam in vinum convertit.

Moriens vinum in sanguinem suum transmutavit.

25. IESVS vivens carnem suam in cibum, sanguinem in potum dare promisit.

Moriens in ultima cæna id exhibuit.

26. IESVS vivens dæmonia ex hominibus eiecit.

Moriens dæmonia vicit, arma eorum spoliâque, in quibus confidebant, diripuit.

27. IESVS vivens per Herodem vocem (Ioannem) amisit.

Moriens apud Herodem mutus stetit.

28. IESVS vivens mortuos ad vitam revocavit.

Moriens pro mundo, omnes ad vitam revocavit, & chirographum mortis Cruci affixit.

29. IESVS vivens in monte Thabor transfiguratus est.

Moriens in monte Calvario deformatus, sine specie & decore factus est.

30. IESVS asello gestatus, acclamante populo urbem ingressus est.

Mori-



Moriens ipse suâ Cruce onustus, triumphantibus inimicis extra urbem ductus est.

31. IESVS vivens à Magdalena ad sepeliendum unctus est.

Moriens sputis fadè illitus, mortuus, à Iosepho & Nicodemo cum aromatibus sepultus est.

32. IESVS vivens ubi caput reclinaret non habuit.

Moriens inclinato seu pendulo capite expiravit, & alieno in sepulchro conditus est.

Hunc in modum omnia ferè opera, & præcepta, consilia, miraculaq; Christi Domini possunt alicui parti Passionis Christi vel comparando, vel contraponendo, conferri: sed hæc in specimen attulisse sufficiet.

## XVIII.

*Vt Meditator pius condiscat negotium mortis quam arduum sit, conferat ea, quæ cum Christo & à Christo gesta tolerataq; sunt in Passione, cum his, quæ in morte cuiusq; hominis (iusti impijque proportionaliter) geruntur, & ab eo tolerantur. Ex modo 58.*

1. IESVS ante Passionem & mortem suam lavit pedes Discipulorum suorum. Homo quilibet morti se vicinum sentiens rationabiliter lavare debet, & quam absolutissimâ Sacramentali confessione, pænitiâq; expiare conscientiam suam. Memor illius, quod Sapientissimus Augustinus monuit tam verbo, quam exemplo proprio. Quantumlibet perfectum Sacerdotem neminem debere sine pænitentia ex hac vita decedere.

2. IESVS ante mortem admirabile humilitatis tum præ-



præceptum, tum exemplum edidit. Moriturus homo quàm maximè sese ad mortem humilitate mentis, contritione cordis, contemptu mundi, vilipensione, & diffidentiâ sui demittere, & communire, & solidare debet.

IESVS moriturus Sanctissimo Eucharistiæ Sacramen- 3.  
to tanquàm viatico extremo sese pavit; & suos Discipulos confortavit. Moriturus homo absq; huius Sacratissimi Viatici provisione atq; confortatione, item absq; Saceræ & ad mortis & diaboli tali maximè horâ sævientis insidiantisq; luctam, extremæ simul ac utilissimæ Vnctionis munimine, progredi non debet.

IESVS moriturus gravissimis & svavissimis de chari- 4.  
tate unioneq; cum Deo & proximo sermonibus, affectibus, ceu ignibus, sese omnesq; præsentis suos inflammavit. Et moriturus homo, omni quidem statui animæ suæ congruo affectuum & cogitationum genere, at potissimum Divinæ & proximorum charitatis studijs exercere atq; saginare animam suam quàm maximè curabit. Nunc quidem corde contrito & humiliato universalem pro suis omnibus & singulis peccatis planctum indicendo. Nunc ignitos charitatis affectus in Divinum cor de corde suo ejaculando. Nunc desiderijs assiduis, è corporis vinculis, peccatorumq; laqueis evolandi, ad Deum verò perveniendi, æstuando. Nunc sese plenissimâ suâ voluntate in omnem Dei circa se voluntatem & ordinationem resignando. Nunc omnes ab alijs quibuscunq; quomodocunq; offensas oblâtas, ex corde suo eliminando, in sanguine vulneribusq; Christi sepeliendo, & propter charitatem Dei medullitus condonando.

IESVS Passionis & mortis suæ primordia ab Horto 5.  
Getsemanico & Oliveti monte exorsus est. Nimirum peccatorum & mortis humanæ miseria calamitasq; in Pa-  
I  
rady-



radysiaci horto inchoata, in horto vicissim initium remedij sumere debuit, ut inimicus noster, qui in horto vicerat, in horto quoq; vinceretur. Sed & homines discere oportet, nusquam mortem ob memoriam oculosq; non habere etiam in horto, etiam in Paradyso voluptatis, & in statu felicissimæ dignitatis.

6. IESVS in Horto capit pavere, tædere, contristari, & mæstus esse. Ista est imago moribundorum hominum in quovis statu degentium, & ad mortem pergentium: quis est enim, qui si sua mala ut par est nôrit, non repetat cum Sancto Iob: *Tædet animam meam vita mea.* Iob 10. 1. Quis mortalium, præsertim amantium hanc vitam, & habentium pacem in substantia sua, est talis, qui ad nuntium mortis amaritudine non repleatur, non metu & mærore concutiat.
7. IESVS initia Passionis mortisq; suæ oratione ad Patrem, avulsione à Discipulis, solitudine pro iisdem, & eorundem revisione, consecrat. Id ipsum præstandum moripie & Christianè volentibus: avellant omnem animum, affectum, à rebus huius sæculi, & curas suas ad æternitatem procurandam transferant. Totos se voluntati Divinæ & orationi impendant, quæ verò muneris & obligationis ipsorum sunt, ita non omittant, ut etiam talibus licet in hortis suæ curæ commissos ad Deum ducere, ad meliora hortari, contra tentationes munire non negligant: scientes nulli quàm obedientiæ actioni sanctius Dei servos & Christi imitatores immori posse.
8. IESVS ab Angelo confortatur. Inter morborum & mortis pericula, laboresq; maxime opus est Angelicæ custodiæ atq; præsidio: tunc ergo vel maxime Sanctorum Angelorum emerenda præsidia, tunc exposcenda contra adversarias potestates eorundem auxilia.



IESVS imagine & memoriâ mortis, dolorumq; illi- 9.  
 us percussus agonizat. Si tantus gigas tantum horrore  
 mortis percellitur: quis miretur percelli homines misel-  
 los & ipsâ fragilitate fragiliores? Magis mirandus plero-  
 rumq; mortalium lapideus stupor, qui mortis memoriâ  
 usq; adeo non percelluntur, non ad meliora consilia à  
 pessimis profligatissimisq; studijs & moribus pertrahun-  
 tur, ut abjectum nescio quid & plebejum dictitent, ob  
 metum ingruentis mortis, animo piè commoveri, agita-  
 re conversionis & pœnitentiæ consilia, rationes cum con-  
 scientia & Deo inire, æternæ damnationi remedium quæ-  
 rere, Deo reconciliari velle. O brutam generositatem!  
 Ô ipsis dæmonibus ridendam ac lugendam! animi scili-  
 cet firmitatem. O verè *cor* impiorum *indurabitur tan-*  
*quam lapis, & stringetur quasi malleatoris incus.* Iob 41. 15.

IESVS sanguinem sudat moriturus. O incredibiles 10.  
 morientium & agonizantium hominum angustias! Domi-  
 nus IESVS ipsa licet Innocentia atq; Sanctitas, Deus li-  
 cet simulq; Homo: licet per sese robustissimus, licet ab  
 Angelo etiam confortatus, tamen appropinquans ad  
 portas mortis, & in agone positus sudat, & sanguinem  
 quidem sudat præ cordis & sensus totius angustia. Quid  
 quæso hominibus miseris, fragilibus, flagitiorum consci-  
 js, de salute periclitantibus undiq; circumseptis, partim  
 doloribus mortis, partim gemitibus inferni, partim an-  
 goribus conscientie, partim diabolicis tentationibus,  
 partim Divini districtione iudicii, quid unquam homini-  
 bus angustiarum in illa hora non accidit? Vtinam hoc  
 præcogitent mortales morituri moribundiq; homines.

IESV agonizante dormiunt Discipuli. Sic sic ho- 11.  
 minibus in morte positis accidit quotidie, agonizat ille  
 vel ille, æternitatis vias ingreditur, morborum dolori-  
 bus



bus in mortem urgetur, interea verò domestici ejus de statu animæ morientis tam sollicitè agunt, quàm dormientes vigilantium curam gerunt. Et illi quidem corpori medelam provident, illi steriles fundunt lachrymas, illi ad spem propinquantis hæreditatis in corde lætantes, ne tardè moriatur, neve convalescat moribundus, sollicitudinem intra se gerunt: propinquam certamq; mortem pleriq; dissimulant, nec tali nuntio infirmum scilicet percellere audent. *O inimici hominis domestici ejus!* Matth: 10. 36.

12. IESVS osculo ad mortem traditur. Ita est: Amores nostri tyranni nostri, deliciæ nostræ venena nostra: ibi maximè letaliter vulneramur, ubi suavissimè deliciamur. Inde nobis laqueus mortis nectitur & iniicitur: unde omnia secuta, tuta, amica, blanda, salubria, expectabamus spondebamusq; quàm sæpe dum ludimus lædimur, dum maximè vitam nobis vivere ingrediq; medullas ejus videmur, ipsas mortis fauces nos subintrasse experimur. Deniq; omnes creaturæ, omnia bona hujus vitæ quid sunt? quid agunt nobiscum? nisi nos Iudæ traditoris osculo osculantes, in mortis extremæ perniciem præcipitant. Osculatus est, gustavit pomum primus Adam, sed illo gustu & ipse mortem hausit, & toti generi suo nobis scilicet omnibus propinavit, imò nos inebriavit. Discite homines inter blandimenta creaturarum à Christo dicere & discernere. *Amice, ad quid venisti? Iudæ, osculo Filium hominis tradis*, osculo homicidium perpetras.

13. IESVS capitur, ligatur, ad Iudices & examen trahitur. Iudicatur, damnatur, plectitur. Hæc tota gestorum circa Dominum nostrum series, imago & idea est hominis morientis atq; mortui. Etenim tunc miser homo



mo funibus peccatorum suorum in anima constrictus, prætereaq; morborum vinculis dolorumq; in corpore ligatus, ab infernalibus lictoribus tanquam à leonibus præparatis rugientibusq; ad escam, ante Tribunal Iudicis Dei sistitur. Ah quid non ibi objectant misellæ animæ amarissimi exprobratores accusatoresque! O quomodo non facta infectaq; vera & falsa in medium proferrunt! quomodo non omnia in majus augent? quomodo non desperationis laqueos nectunt? quomodo de conscientia libro depromunt? Nos audivimus, nos vidimus hunc dicentem, committentem, delinquentem. Heu quoties inclamant contra miserum hominem! Reus est mortis, reus est. Blasphemavit, Deum contempsit, Majestatem violavit, voluntatem transgressus est. Huic accuserum furori, si merita mala animæ, si æqua Iudicis sententia suffragatur: heu quomodo tunc exclamatur, quomodo insultatur, quomodo exspuitur in faciem, quomodo colaphisatur, palnis caditur, & deniq; totâ æternitatis nocte plectitur, torqueturq; anima infelicissima.

IESVS flagellis caditur, sive ut Pilatus aiebat, corripitur & emendatur. Idem spinis coronatur, miserrimus Rex dolorum illuditur. Hæc omnia & sunt hominibus documenta moriendi, & paradigmata morientis. Quam enim multiplex numerosusq; carnifex conscientia, quam innumeris succincta flagellis obstrictam animam surdo quidem at sævo verberare cædit. Omnium veritate dicere potest. *Fui flagellatus totâ die, & castigatio mea in matutinis.* Psal. 72. 14. & in vespertinis, & in profundis usq; noctibus. Iam quantæ spinæ hujus vitæ curæ? quàm vacuæ & inanes arundines hominum spes fallaces? Porro quid melius consultiusq; fecerit homo sanctè & piè moriendi cupidus, quàm ut dum tempus habet opere-  
tur



tur bonum, & semetipsum iudicet, corpus suum castiget, totum se in servitutem redigat, semetipsum coarctet, & constringat, viasq; suas omnes spinis circumsepiat, ut non cum hoc mundo à Domino iudicetur, damnetur, corripiatur. *Horrendum enim est incidere in manus Dei viventis.* Ad Hebr: 10. 31.

15. IESVS ad Crucem postulatur, addicitur, eadem orneratur, eidem affigitur, in eadem quantumvis acerbissimè lingvis configitur, acetoq; potatur, constantissimè tamen & mansuetissimè perseverat. O hominem ter felicem cui hæc ad mortem panditur, paratur, donatur via. Crucis scilicet atq; crucifixionis & in Cruce constantissimæ mansuetissimæq; fortitudinis, atq; consummatæ mortis. Quid huic ad salutarem sanctamq; mortem desit: qui ipsissima premit vestigia Domini crucifixi. *In patientia vestra* (ait Dominus) *possidebitis animas vestras.* Luc: 21. 19. Igitur quisquis ad societatem sanctæ & beatæ Christi mortis anhelat? tolle crucem post IESVM, mortificationem IESV Christi in corpore tuo, magis autem in spiritu tuo circumfer. Sit tibi mundus crucifixus, & tu vicissim mundo; absit tibi gloriari in ullo alio bono, nisi in Cruce Domini IESV Christi. Cui etiam configaris in eadem Cruce, & omne acetum tribulationum, omne fel amarissimarum lingvarum, omnem myrrham detrectantis sensus, ne refuge, sed exhauri, adeo avidus, ut etiam superabundans desiderio Crucis Domini animosè clames, sitio, sitio. Sitit enim sitiri Crucem suam à servis suis IESVS crucifixus.
16. IESVS in Cruce Patrem pro crucifixoribus exorat. Paradysum Latroni largitur. Matrem Discipulo, Discipulum Matri commendat. Suam & sitim non minùs amoris quàm doloris, & à Patre derelictionem manifestat.
- Omnia



Omnia consummata esse in se & à se protestatur, deniq;  
 Spiritum suum purissimum piissimumq; in manus Patris  
 tradit, & dimittit, sed in Cruce, sed de Cruce. Et hic  
 esse regulam ideamq; sanctæ & consummatæ in Domino  
 mortis, evidentius est, quàm ut explicatione longiori e-  
 geat. Sanctæ mors usq; adeo non fovet inimicitias, ut  
 etiam pro inimicis in bonum eorum sit sollicitissima a-  
 pud Deum, sancta mors nihil sibi reliquum reservat, sed  
 vel ipsa Paradyfi bona in egentes & petentes distribuit.  
 Ad sanctam mortem nullum tempus vitæ importunum  
 est, dummodo vel in extremo halitu IESVS crucifixus  
 ametur, & Crux ejus sincero corde acceptetur. Quid  
 verò ad sanctam mortem tam requisitum, quàm patroci-  
 nium & refugium Dei Matris? Quis sanctius atq; secu-  
 rius mori potest, quàm cui Mater MARIA, quàm qui Fi-  
 lius factus MARIE eam accipit in sua, & habet inter bo-  
 na hæreditaria sua. Semper quidem esuries ac sitis iu-  
 stitiæ beatitudinem parit, at eam vel maximè appropin-  
 quante Fine nostro in cordibus nostris excrecere conve-  
 nit. Voluntas enim nostra bona non secundum quòd  
 non habet, sed secundum quòd habet, id est, perficere  
 exoptat, accepta est, & præmium habet apud Deum.  
 Iam verò semper quidem nos habitare in adiutorio Altis-  
 simi, & commorari in protectione Dei cæli, necesse est:  
 at verò circa terminos vitæ, confiniaq; mortis quàm ma-  
 ximè, quàm obstinatissimè: tunc enim si quando insidia-  
 tur draco, circuit rugiens leo devorandi avidus, sciens  
 quia modicum tempus habet: Dum ergo tempus breve  
 est, dum particula boni diei elabi festinat: sub umbram  
 alarum Domini confugiendum: dicendumq; Deo est. *Su-  
 scepor meus es tu, & refugium meum; Deus meus, spera-  
 bo in eum. Libera me secundum multitudinem misericor-  
 diæ*



*die nominis tui à rugientibus, preparatis ad escam; de manibus quærentium animam meam, & de portis tribulationum quæ circumdederunt me. Eccl: 51. Et usq; in senectam & senium Deus ne derelinquas me.*

17. Atq; hoc etiam diligenter procurandum est, ut à negotio temporeq; mortis inveniatur in nobis non consummata, sed consumpta omnis malitia, virtus autem & omnis bona operatio non consumpta, non etiam inchoata solum, sed consummata, sed perfecta, sed omnibus numeris absoluta. Ut non sit dicere. *Dum adhuc ordier, succidit me: Isai: 38. 12.* Sed potius dicere sit de nobis. *Ingradies in abundantia sepulchrum, sicut infertur aceruus tritici in tempore suo. (Iob 5. 26.) Væ prægnantibus & nutrientibus in illis diebus. Matth: 24. 19.* Optimum autem & planè beatum est: quando quasi meridians fulgor consurget tibi ad vesperam: & cum te consumptum putaveris, orieris ut *Lucifer. Iob 11. 17.*
18. Deniq; quis portus magis securus, quæ statio magis fida? quàm in manus Æterni Dei, Æterni Patris commendare & tradere spiritum? sed Spiritum Christi, spiritum simillimum Spiritui Christi, spiritum purificatum, vestitum, ornatum, dotatum, & gratijs, & meritis, & prærogativis, Spiritus Christi, ipso demum Spiritu Christi. Sicut enim qui Spiritum Christi non habet, hic non est ejus, neq; Patris ejus; ita vicissim qui Spiritum Christi habet, in cujus corde diffusa est charitas Christi per Spiritum Sanctum Christi, hic est omnino ejus, & Patris ejus, & Spiritus Sancti ejus.





## XIX.

Certum est Passionem Christi quoddam iudicium fuisse, non illud tantum, quo ipse ab impijs iniquè iudicatus & damnatus est, iuxta illud Prophetæ dictum: *Causa tua quasi impij iudicata est, causam iudiciumq; recipies. Iob 36. 17.* Sed etiam illud, quod ipse partim in ipsa Passione sua exercuit, partim in mundi fine exerciturus est. Clarè id ipsemet Dominus exprimit. *Ioan: 5. 22. Neq; enim Pater iudicat quemquam: sed omne iudicium dedit Filio. & v. 27. Potestatem dedit ei iudicium facere, quia Filius hominis est. Etiam Ioan: 12. 31. Nunc iudicium est mundi: nunc princeps huius mundi eiicietur foras. Sed vel maxime exercendi olim à se iudicij in omnes homines, luculentam Dominus prædictionem denuntiationemq; fecit apud universum Concilium, & coram summo Pontifice Caipha, à quo cùm esset adjuratus ut diceret, esset ne Filius Dei & Christus? ita respondit: *Tu dixisti. Ego sum. Verùm tamen dico vobis, amodo videbitis Filium hominis sedentem à dextris virtutis Dei, & venientem in nubibus cali. Matth: 26. 64. Marc: 14. 62. Luc: 26. 69.* Possunt*

K

etiam



etiam illa verba Christi ad hanc sententiam applicari, quæ mulieribus super se plorantibus atque lamentantibus dixit. *Filie Ierusalem nolite flere super me, sed super vos ipsas flete, & super filios vestros. Quoniam ecce venient dies, in quibus dicent: Beate steriles, & ventres qui non genuerunt, & ubera quæ non lactaverunt. Tunc incipient dicere montibus: Cadite super nos: & collibus operite nos. Quia si in viridi ligno hæc faciunt, in arido quid fiet?*

Quæ Domini sententia, ac prædictio, etsi respicere videatur vastationem everfionemque Ierosolymæ, quæ post mortem Domini quadragesimo anno facta est, indubitatè tamen etiam respexit iudicium universale, & everfionem ultimam Babylonis, seu omnis reipublicæ impiorum: cuius figura fuit ipsa illa Ierosolymæ devastatio per Romanos facta. Maximè autem hoc evincit illa Dominica sanè pathetica, & comparatio, & interrogatio, & exclamatio. (*Quia si in viridi ligno hæc faciunt, in arido quid fiet?*) Hic enim Dominus lignum viride ligno arido, factis in viridi ligno, futura in arido convertit; & à minori ad maius arguens, indubitatè miserabiliora eventura denuntiat ligno arido, id est cuilibet impio, quam evenissent ligno viridi, & fructifero, ipsi nimirum Christo.

His ita declaratis Meditatio institui poterit per comparisonem viridis ligni cum arido, & simul gestorum in viridi cum gerendis in arido. Cujus collationis aliquantulam speciem hoc loco exhibeo.

I. IESVS venditus est, & traditus in manus peccatorum. Vnusquisque peccator & omnis turba peccatorum vendabitur infelix: & diabolus stabit à dextris cujuslibet,  
& iam



& iam extunc dicetur tam his, quàm illis. *Hæc est hora vestra & potestas tenebrarum.*

II. IESVS factus est tristis usq; ad mortem, & sudavit etiam sanguinem. Sudabit etiam omnis turba peccatorum, sudabit; & præ angustia spiritus gemit, eritq; ejus animæ tristitia usq; ad mortem sine morte. Arescentibus nimium hominibus præ timore & expectatione. Si iustus vix tunc salvabitur, impius & peccator ubi parebunt?

III. IESVS captus est, & vinculis ligatus tanquam latro, &c. Omnes peccatores terræ, ligati vinculis & compedibus peccatorum suorum, non tantum quia in animabus, sed etiam in corporibus separabuntur tanquam hædi ab ovibus, & à sinistris collocabuntur.

IV. IESVS accusatus, examinatus, reus mortis iudicatus est. In iudicio peccatorum aperientur libri conscientiarum. Omnes enim nos manifestari oportet ante Tribunal Christi, ut recipiat unusquisq; propria corporis sive bonum, sive malum. Tunc erit conscientia impij quasi mille accusatores, & quasi mille testes, tunc nemo respondebit Iudici Christo unum pro mille: tunc Iudex arguet, & statuet unumquemq; contra faciem ejus.

V. IESVS ad flagella nudatus, & flagellis cæsus est. Stabit & quilibet peccator in oculis totius cæli & terræ nudus tam animâ quàm corpore, & dicetur de eo. Ecce homo & opera ejus, & operiet confusio faciem illius, & flagellum peccatoris veniet super eum, nunquam per omnem æternitatem recessurum ab eo.

VI. IESVS coronatus, illusus, consputus est, & cum voce ecce homo monstratus est. Coronabitur caput omnis peccatoris spinis peccatorum suorum, & sicut diploidem induet confusionem, & illudet ei omnis creatura, armabiturq; contra eum à quo servire sibi compulsus fuit ad malum. Tunc



omnia solatia hujus vitæ vertentur in spinas, tunc spes omnes in cassam arundinem convertentur: tunc dicet de peccatore tyrannus & captivator ejus diabolus *ecce homo*, & scelera ejus: tunc à planta pedis ad usq; verticem supergressas eum iniquitates ostendet, dicens & amare improperans per singula scelera. Ecce homo ille, qui pro eo quòd Deum Factorem & Salvatorem suum colere debuit & amare, me suum & Dei hostem amavit, mihiq; ad voluntatem meam servivit. Ecce homo ille, qui Christum Dei Filium Hominem pro se factum, atq; crucifixum ostentui habuit, & crucifixit. Ecce homo ille, qui Dei & Christi legem noverat, beneficia acceperat, tot auxilia salutis, tanta pœnitentiæ spatia habuerat, par tamen gentilibus. imò peior gentilibus vixit. Ecce homo, qui annos vitæ in sceleribus traduxit, qui toties redijt ut canis ad vomitum, ut sus lota ad volutabrum luti, qui speravit in incerto divitiarum cui Deus venter erat, qui pauperem & pupillum devorabat, &c.

VII. IESVS à Pilato manus lavante, & à populo sanguinem Christi super se & filios assumente, damnatus est mortis sententiâ. Lavabit etiam IESVS Iudex manus suas in sanguine omnis peccatoris: & sanguinem cuiusq; dabit super caput ejus, & dicet: *Nescio vos. Discedite à me operarii iniquitatis maledicti in ignem æternum, qui paratus est diabolo & angelis ejus.* (Matth: 25. 12. Luc: 13. 27. Matth: 25. 41.) Succlamantibus inter hæc creaturis omnibus; *tolle, tolle, crucifige, crucifige*, sanguis ejus super caput ejus, tollatur impius, ut non videat faciem Dei.

VIII. IESVS felle & aceto potatus est, atq; onustus Cruce, locum mortis petijt. Tunc etiam peccatoribus omnia in fel amaritudinis & in obligationem iniquitatis commutabuntur, ipse etiam Deus, ipse Christi sanguis, ipsa Misericordia, Bonitas, & Charitas: tunc portabunt omnes im-

pro-



properium damnationis æternæ. Tunc aperiet terra os suum, & deglutiet eos infernus vivos; & descendant in infernum sicut plumbum aut lapis, unus ex eis non remanebit, & ascendet fumus tormentorum eorum in sæcula sæculorum.

IX. IESVS clavis Cruci affixus est. Configentur etiam & affigentur impij omnes in carne & anima clavis æternæ damnationis, & sententiæ, abiectionisq; immutabilis, & ibunt in combustionem æternam, cuius non erit finis, nisi quando Deus, qui semper est Deus, desinet esse Deus.

X. IESVS ab omni genere hostium illusos & blasphematus est in Cruce pendens. Et peccatori, omnis creaturarum populus, omnis natio Electorum, omnis turba damnatorum, dæmonum improperebit, & illudet, quoniam *noluit benedictionem, & elongabitur ab eo. Elegit maledictionem, & veniet ei, & implebitur ab ea.* Psal: 108.

XI. IESVS se à Deo derelictum clamavit. Clamabit & omnis peccator quod olim Caim dixit Deo: *Ecce eijcis me à facie tua:* clamabit Deo. Deus, ut quid dereliquisti me; Deus autem respondebit: Dereliqui te, quia dereliquisti me fontem aquæ vivæ, & fodisti tibi cisternas dissipatas, & ecce relinquetur tibi domus tua deserta in æternum. Clamabunt insuper etiam dæmones: Deus dereliquit eum. Euge, euge, devorabimus eum.

XII. IESVS in Cruce clamavit sitio, & aceto potatus est. Reprobi quoq; omnes in flammis ustulati, & igne saliti, cum epulone illo guttam aquæ petent propter cruciatum flammarum, neq; tamen obtinebunt in æternum.

XIII. IESVS in Cruce dixit, consummatum est. Peccatores damnati & in infernum amandati, inq; æternam combustionem absorpti, desperatis vocibus dicent, consummatum est, quia in inferno nulla redemptio. Consummabitur peccator, & consumetur, & descendet in infernum vi-

VUS



vus, & claudetur puteus abyssi, clavem autem clausuræ ejus accipiet Deus, deponetq; illum in æternitate & immensitate oblivionis, ut nunquam memoretur illorum amplius.

XIV. IESVS inclinato capite tradidit Spiritum. Peccatores miseri dejectis & obstipis capitibus tradent corpora animasq; suas diabolo, & angelis ejus. Mors secunda, mors æterna, mors vivens depascet, & pascet eos, & sepeliet in terra oblivionis inter illos, quorum Deus non est memor amplius.

XV. IESV mortuo petra scinduntur, & sepulchra aperiuntur, & velum Templi scinditur, & homines percutientes pectora sua revertuntur. O peccatores, ne sitis mortuis mortui magis, ne petris duri magis, ne terræ mole immobiles magis. Memores estote iudicii IESV: sic enim erit & vestrum: sed longè maiore cum differentia, infinitè cum dispari exitu. IESVS enim post Baptismum Passionis gloriâ & honore coronatus, in cælis Thronum ad dexteram Patris accepit, at vobis in duro & impænitente corde sepultis supererit semper æterna damnatio, lamentatio, maledictio. Ita quod factum est in ligno viridi, fiet longè miserabilius etiam in arido: sed ne fiat in arido, factum est in viridi; si tamen lignum aridum studuerit sese in vitæ & morum, & passionis imitatione conformare ligno viridi.

Sed libet hunc modum ipsius Christi Iudicis ad peccatorem verbis concludere, quibus eum loquentem facit S. Augustinus serm: 181. de temp: Quid faciet (peccator pænitentia remedia nunc negligens & contemnens) in illo metuendo iudicii die, cum tremente mundo Dominus præcinentibus Angelorum buccinis, in illo Majestatis suæ Throno circumdatus cælestis Militiæ luce confederit, ibiq; de terræ gremio & antiquo pulvere suscitato humano genere, astante conscientia testimonio singulorum, positis in conspectu peccatorum pænis, iustorumq; præmijs, rationem vitæ experit

postu-



postulare, & plùs iam iustus quàm misericors, severitate iudicis contemptæ misericordiæ reos cæperit accusare, & dicere. Ego te homo de limo manibus meis feci, ego terrenis artubus infudi Spiritum, ego tibi imaginem nostram similitudinemq; conferre dignatus sum, ego te inter Paradyfi delicias collocavi, tu vitalia mandata contemnens, deceptorem sequi quàm Deum maluisti. Cùm expulsus de Paradyso iure peccati, mortis vinculis teneris, Virginalem uterum sine dispendio Virginitatis pariendus introivi, in præsepio expositus, & pannis obvolutus iacui, infantix contumelias, humanosq; dolores, quibus tibi similis fierem, ad hoc scilicet, ut te mihi similem facerem pertuli: irradientium palmas & sputa suscepi, acetum cum felle bibi, flagellis cæsus, vespribus coronatus, Cruci affixus, vulnere perfossus, ut tu eripereris morti, animam in tormentis dimissi. En clavorum vestigia, quibus affixus pependi, & perfossus vulneribus latus, suscepi dolores tuos, ut tibi gloriam darem, suscepi mortem, ut tu in æternum viveres. Conditus iacui in sepulchro, ut tu regnares in cælo. Cur quòd pro te pertuli, perdidisti? Cur ingrate redemptionis tuæ munera renunciasti. Non ego te de morte tua quæro? Redde mihi vitam tuam, pro qua meam dedi; redde mihi vitam tuam, quam vulneribus peccatorum indefinenter occidis. Cur habitaculum quod mihi in te sacraveram luxuriæ sordibus polluisti? Cur corpus meum illecebrarum turpitudine maculasti? Cur me graviore criminum tuorum cruce quàm illa, in qua quondam pependeram, afflixisti? Gravior enim apud me peccatorum tuorum crux est, in qua invitus pendeo, quàm illa in quam tui misertus, mortem tuam occisurus ascendi. Cùm essem impassibilis pro te pati dignatus sum, sed tu despexisti in homine Deum, in infirmo salutem, & quia post omnia mala tua ad medicamenta pænitiæ confugere noluisti, ab auditu malo non meraberis liberari.

Qui



Qui tunc erit stridor dentium, cum Sanctorum multitudine ad dexteram Regis, & ad gloriam segregata, peccati populus in profundo tartari sine ulla miserationis ac veniæ spe demersus excludi se tenebris suis à beatâ Sanctorum luce viderit, & in profundi sinum sine fine descendens, urgente os suum puteo, æterna supplicia, & perpetuam mortem non moriturus aspexerit. Hactenus ex Divo Augustino.

## XX.

Sed liceat etiam contemplari Passionem Domini eo modo, quem usurpasse traditur S. Augustinus: quando nimirum constituens sese devotissimus Pater contemplatione, medium inter Christum passum, & inter Matrem ejus Sacratissimam nunc huc, nunc illuc, atq; utrobiq; immensam beatæ pietatis materiam cernens, quin & hauriens, animi veluti dubius devotissimè dicebat. Positus in medio quò me vertam nescio: hinc pascor à vulnere, hinc lactor ab ubere.

I. Ad hunc enim modum licebit cuiq; passi IESV, ejusq; Matris MARIE amatori sese medium amborum cum reverentia & pietate corpore simul animoq; statuere, atq; alternante devotionis æstu, nunc ad IESVM passionibus vulneribusq; cumulatam, nunc ad Matrem ejusdem misericordiæ ubera prominentem sese obvertere, & utriusq; piissimam redundantiam, opportunitatem, commoditatem, spectando expendendq; animo veluti dubium fluctuare, demirari, hic, illicq; hære-



hære, morari, ac rursus redire, rursusq; anhelare: utriq; sese humilare, submittere, donare, utriusq; amorem, obsequium, gratiam, protectionem, familiaritatem, delicias, opesq; ambire, exorare, capere.

II. Aliquando licebit oculos cordis corporisq; nunc in IESVM passum omnis miserationis Patrem, nunc verò in MARIAM misericordix Matrem desigere, & aut suas necessitates internas externasq; alterutri vel utriq; denarrare sublevandas, aut communia quædam publica; negotia recommen- dare, aut singularia pro se, proq; alijs beneficia reposcere, aut pro collatis nunc olimve beneficijs plenas gratias agere aut promeritas pænas deprecari.

III. Aliquando licebit IESVM passum (patientemve) indigna omnia Matri ejusdem, vel contra Matrem misericordissimam IESV passo ostendere & exhibere, & animam propriam utriusq; erga alterum affectibus & amoribus pascere, aut ab IESV per MARIÆ ubera; aut à MARIA per IESV vulnera, totum quidquid piè sancteq; collibuerit exposcere, imò & exigere, interposita alterius apud alterum tanquam pignore, illâ amoris redundantia, illâ ad miserendum reci- procâ propensione, ac veluti obligatione.

IV. Aliquando licebit suo cum animo quamnam in partem primo, in quam autem secundo sese convertat & affi- gat deliberare: deliberationis materiam non levem suggeren- tibus, inde quidem turgidis omni gratiarum dulcedine ube- ribus, illinc verò fecundis omni sanitatum & bonorum fru- ctu vulneribus, tandem autem deliberatione conclusa alter- utram partem arripere, & sese in ea saginare, saginatum verò in una ad alteram nova & irritata tantummodo fame, sitiq; sese applicare, inibi; demergere.

V. Aliquando licebit uni parti supplicem fieri, ut sup- plicentem alteri commendet, ejusq; oculis & curâ dignum



de suis thesauris abundè faciat; vicissim verò licebit ab altera alteri parti commendatum ditatumq; remanere apud ipsam, eiq; adhærere.

VI. Aliquando licebit vas cordis proprii nunc Christo vulneribus sanguineq; redundant, nunc Matri lac misericordiae stillanti exponere ac supponere, vel ab utriusq; pretiosissimo efficacissimoq; fonte vel tanquam pollutum abluitur, vel tanquam inane omni bono repleatur, vel tanquam miserè saucium morbidumq; perfectè sanetur, vel tanquam aridum & sterile irrigetur ac fecundetur.

VII. Aliquando licebit dare animam Matri misericordiae, ejus ut misericordijs lactata & nutrita, à lacte parvulorum transmittatur ad solidum Passionis Crucisq; Christi cibum; vicissim verò licebit dare eandem animam Christo patienti, ut solido Crucis, vulnere, impropiorumq; ejus cibo faginata, apud ubera gratiae Maternae recreetur, sicq; anima & lactis particeps fit, & tamen solidi cibi non expers.

VIII. Aliquando licebit duobus his (IESV passo, & MARIA Matre) veluti paradysis aut caelis gloriantem, utriusq; fructibus gaudentem ac divitem, per eos ad tertium caelum consummatae charitatis perfectaeq; unionis & conformitatis cum Deo, non solum aspirare, sed etiam gradum facere ac introire; iuxta illud Christi verbum, *per me si quis introierit, salvabitur: & ingredietur, & egredietur, & pascua inveniet.* Ioan: 10. 9. gloriam nempe Sanctissimae Trinitatis, ejusq; magnalia contemplando transformabitur de claritate in claritatem 2. Cor: 3. 18.

IX. Aliquando licebit in vulneribus Christi ubera in uberibus MARIAE vulnera commutatis vicibus reperire, atq; ab uberibus vulneratum Maternis, inter ubera vulnerum IESV sanari, ab uberibus autem vulnerum IESV inebriatum, inter vulnera Maternorum uberum, sobriam spiritus ebrietatem bibere.







ad usq; expletionem famis tuæ, usq; ad contentationem o-  
blectationemq; cordis & desiderij amborum.

Plura hujusmodi ad imitationem Sanctissimi ac devotis-  
simi Patris Augustini, inter vulnera IESV, interq; ubera MA-  
RIÆ multis mirisq; modis delicias, atq; disfluentis ex-  
cogitare, atq; usurpare licebit cuiq; exercitiorum genera.  
Hæc duodecim in exemplum dedisse sufficiet.

Hæc plerumq; ex Modis R. P. Druzbecki medi-  
tandi Passionem Dominicam descripta sunt. Si  
verò devotissimus Lector non contentus his plu-  
ra desiderat, præter aliorum, habet in ejusdem  
Authoris Centuria copiosissimos meditandi mo-  
dos. Insuper seorsivè.

IN  
PASSIONEM DOMINI  
MEDITATIONES  
QVADRAGINTA SEX  
*Iuxta numerum dierum Quadragesimæ.*

MEDITATIO I.

Feriâ 4. Cinerum.

*Lotio pedum, Institutio Eucharistia. Exhortatio.*

1. **N**on habebat Christus quod lavaret in se ante mor-  
tem, reperit in alijs. Voluit ostendere neminem ef-  
se tam lotum, hoc est Sanctum, qui non indigeret ut saltem  
pedes



pedes, hoc est affectus, sensualitatisq; delicta lavet. Et pœnitentia quidem semper agenda est, sed maximè ante mortem imminentem, ingruensq; Dei iudicium, urgenda. O Domine, amplius lava me, etiam ab occultis meis. Delicta iuventutis meæ ferventioresq; concupiscentias & ignorantias meas ne memineris, sed dele iniquitates meas semper, ut possim ante te sine culpæ & pœnæ obligatione vivere. Adauge ergo in me spiritum Contritionis semper. Gratias etiam age Christo quòd te abluerit, & abluat sape, non aquâ, sed sanguine.

2. **H**oc est, ait Christus, Corpus meum, quod pro vobis tradetur. Meum est, sed tradetur vobis, & pro vobis, modo vobis proportionato, pro naturæ vestræ exigentia, pro dispositionis singularitate. Intellige; quodammodo in tua potestate esse fructus, quos, & quantos voles, ex Eucharistia, imò ex omnibus Sacramentis percipere, quantum te disponis; quàm capax vas cordis affers, tantum sumis. Sed quid est quod iturus ad Passionem, Eucharistiam Sacram instituit? an quia tibi pugnae sunt, cum natura, cum malis habitibus, & passionibus, parare voluit tibi auxilium, & præbere pharmacum? Vide quæ sit causa, quod toties Corpus Christi sumens; tamen effrenes indomitasq; passiones habeas? deinceps dignus hoc Sacramentum tractare proponas. Sat bene tractat, qui ejus sumptione proficit.

3. **E**xhortatur ad dilectionem mutuam Christus, nihil enim prodest Corpus exterius Dei causâ affligere, charitatem autem mutuam deferere, multos invenies qui carnem graviter atterunt, paucissimos autem, qui in communitate viventes aliorum mores tolerare, alijsq; moribus proprijs molesti non esse sciunt; cogita particulares casus, & personas quibus tu vel alios ferre non soles, vel alijs ipse molestus es, & emenda te in ijs, disceq; ita esse (iuxta Christi petitionem) unum cum omnibus, sicut Filius cum Patre ætern-



ne unum est. Frustra enim appetes uniri Deo, nisi fueris unitus cum proximo; & sicut propter servandam unitatem cum Deo; ita & propter servandam pacem cum proximo multa subeunda sunt, quæ nolle caro.

Feriâ 5. post Cineres.

2. *Egressus Vrbe, Tristitia, Relicti Discipuli.*

1. **N**on vult IESVS ad nostram Redemptionem capi & rapi in urbe; & tu si vis animam tuam redimere à peccatis, occasiones, conversationes, tumultus fuge. Cogita, in quæ peccata, quibus occasionibus sapiens graviusq; cadis, & quomodo ex istis cænaculis ac domibus egrediaris dispice, & accurata fac proposita.

2. **I**n itinere, ex urbis egressu, occupat Christum pavor, tædium, tristitia: condole, & contristare cum Christo, & scito, quòd si servire volueris Deo, Christumq; sequi, & à te ipso, tuisq; socijs desciscere, reluctanter sis experturus naturam, consuetudinem, reprehensores, linguas, unde tædia, tristitiæq; nascentur. Sicut autem Christus pergit hæc sentiens, & tu nolis Christo magis esse delicatus, sed sta in timore, & præpara animam.

3. **R**eliquit Discipulos Christus, tu tamen Christum ne desere, imò pete ab illo, ut te secum assumere, & spectactorem, ac si placet consortem etiam Passionis suæ esse velit; hoc ut assequaris, cura esse fervens ut Petrus, purus ut Ioannes, simplex & sincerus ut Iacobus. Et omnino hic statue per totam hanc Sanctam Quadragesimam Christum Dominum patientem animo sequi, observare, imitari, compati, postulans ab illo, ut tibi lumen, fervorem, constantiam donet, quo multa in Christo patiente cognoscere, exprimere in te, in omnibus autem coram ipso perseverare possis.

Feriâ



3. *Oratio, Calix, Sudor sanguineus.*

1. **D**isce à Christo, quomodo debeas, & quando orare Christum; in maximis desolationibus maximè Christus orat, ferventissimè, diutissimè, humillimè, resignatissimè: tu contra, non nisi tunc oras, quando delicijs spiritualibus affluis; in oratione es tam incircumspectus, præsumens, piger, vagus, rarus. Quanquam est etiam alius tuus scopulus; ut ad orationem non recurras, nisi quando necessitas te cogit, quando autem quies est, & securitas, facillimè orationem negligis.

2. **I**nfirmæ suæ condescendens Christus naturæ, calicem Passionis auferri petit à se, & tamen rationali parte promptissimè illum acceptat, petitq; non suam sed Patris fieri voluntatem. Orat ergo pro se, contra se, quod petit auferri, hoc poscit impleri. Disce & tu in pugnis interioribus te gerere debitè, nec attendere quid caro possit, sed quid spiritui expediat & proficit. Quidq; ratio, & Deus, & Superior velit. O si induere conareris affectum illum IESV Christi, quo ille oblatum à Patre per manus confortantis Angeli Passionis calicem hausit, & iam tunc absorbuit, ut tu quoq; Crucem, dolorem, contemptumq; tui pro Christo assumere, & sustinere, eadem illâ aviditate, & constantiâ velis. Nemo enim Christo melior patiendi Magister, utinam & tu sis discipulus saltem bonus.

3. **S**vdatur Christus, putas præ delicijs, & otio? Quin & tu te resolvis & tandem statuis Christo servire usq; ad defatigationem, non ausim proponere usq; ad sanguinem Domine IESV, sed si tuæ voluntati placet, fiat. O anima non potes sudare sanguinem tuum pro Christo fundendo, suda saltem Christi sanguinem colligendo. Sanguis Christi, perfe-

otio



etio tua, Sangvis Christi, salus animarum. Guttæ Sangvinis Christi sunt minimæ occasionēs merendi, & Deo placendi, quæ ideo guttæ, quia videntur parvæ, ideo Sangvis, quia à Christi Sangvine habent, ut rectè usurpatæ ad vitam æternam possint prodesse. Guttæ Sangvinis Christi inspirationes bonæ, quòd enim à Deo dentur meruit Christus suâ Passione. Hunc omnem Sangvinem si curasti, sanguineum Christi sudorem collegisti, ideo pretium laboris à Christo sperare potes, sed heu Sangvinis Christi sudor factus est decurrens in terram, in vanum, &c.

### Sabbato.

#### *Dormitio Discipulorum, Obvatio hostibus. Osculum.*

1. **O**Rante & agonizante IESV, dormiunt Discipuli. Sic scilicet, quando Deus maximè pro salute nostra excubat, nos peccamus, nos tepiditati, nos torpori & offensis Dei indulgemus, quasi Christus ideo satagat, ut nos nihil agamus: nec veremur amarum illud verbum. Simon dormis? sic non potuisti unâ horâ vigilare mecum? O surge anima mea, exsurge à mortuis istis operibus, tepidè, negligenter, frustra, factis, & in luce, sicut filium lucis decet, ambula.
2. **S**Ciebat Christus festinare Iudam & Iudæos cum ministris ad se capiendum, festinat ergo & ille, nec cedit, imò procedit obviam, & præcedit amore furorem, sciens licèt omnia quæ ventura erant super eum. Vbi tua virtus ô homo, si quid triste, vel à longè, vel falsò præfagit animus, si quæ confusionis suspicio se prodit, illicò latibula excusationum, prætextuum, consultationum, dissimulationum, impatientiæ, vindictarum, quærantur. Nunquid hoc est dicere, surgite eamus. ecce occasio patiendi, confusionis, meriti, laboris? Examina te, quoties occasiones huiusmodi à Divina manu oblatas reijcis?

3. Tanto.



3. **T**Antopere Christus amica sanctarum animarum admittat oscula, ut vel falsò, vel fictè accedentium admittat svaviationes, & quantò putas libentius acceptaret, à sincero, puroq; fervore charitatis profectas? Gloriatuſ est coram Elia de Achabi quanquam minus sincera pänitentia, Deus. O si, vel semel liceat dare veri amoris osculum Christo! O si ne semel contingat Christum iscarioticè osculari; sed quoties (eheu!) sic dedi? quoties iam soleo illo modo dare? Exere affectus anima mea, sed humiles, sed solidos, sed amoroſos, & illis IESVM complectere, & tuis castis osculis Iudæ osculum deterge, quod si oris osculo, indignam te (meritò) putas, pedes osculare, lambe vestigia pedum ejus.

**DOMINICA I. Quadragesimæ.**

**5. Casus hostium, Captivitas Christi, Fuga Discipulorum.**

1. **V**ERBO IESVS prostravit universas hostium phalanges. Eheu! quis sustinebit iudicantem, quem nemo sustinere potest patientem. Potuit Iudas sustinere lavantem pedes, admittentem ad osculum, dantem sui Corporis Sacramentum, amici nomine compellantem, proditiſionis signum exprobrantem; non potuit, quod re ipsâ esset, de se non confidentem. Scilicet omnes alios vultus Dei peccator eludere potest, germanam Dei faciem non potest; facies hæc est ipsum Esse. Ego sum, ait, qui vos creavi, qui Patres vestros ex Ægypto eduxi. Ego sum, in quem cadere non potest infirmitas. Ego sum, à quo totum vestrum dependet esse. Ego sum solus, & extra me alius non est ullus, & ut sciatis quòd vos non possitis, nisi quantum ego concedo. Cadite &c. Ut quid ergo scelera sceleribus cumulas homo, & tepiditatem anges negligentia? An nescis quòd qui te iudicat Dominus est? Audi sæpe Christum ingeminantem. Ego sum Creator

**M**

**tuus**



tuus, Redemptor tuus, Iudex tuus, Punitor tuus. quomodo servis Creatori, amas Redemptorem, times Iudicem, tu autem quid? potes quidem dicere. Ego sum factura tua, redemptus tuus, reus tuus, sed num potes dicere. Ego sum servus tuus, fidelis tuus, non potes, cura ut possis.

2. **C**aptivus Christus in manibus hostium gemit, & compateris illi? meritò; sed vide ne etiam in tuis vinculis gemit. Posuisti, aut accepisti illum in specie panis, quàm puro corde, quàm humili ardentiq; affectu. Vide quomodo Christus te tractetur, num non ut ab his Iudæis, num etiam pejus. Iudas tradito Christo, præcepit militibus; tenete, ducite cautè, tenes tu, an eijs? ducis cautè, an tractas inverecundè? Et quid prodest Christum recipere, si non retines; quid iuvat retinere, indignè autem tractare. Captivat Christum, qui viam Dei, & veritatem in iniquitatè detinet, nec ad iustitiam erudit multos, quos potest, quos tenetur.

3. **F**vgiunt Discipuli, quia ad Passionem ventum est. Compaterere derelicto IESV ex intimis medullis, audiens illum indignissimè haberi ab hostibus, deferi à Discipulis. Disce quid possint ex se homines, etsi aliàs cum Christo conversari assveti, etsi aliàs ferventes. Cogita quàm sæpe, quàm facilè, in leviori, quàm præsens est, occasione, à Christo recedis, & turpiter fugis. Dole de tua inconstantia, & te de tua infirmitate humilia, illud autem Christi robur, quo ille in hac captivitatis suæ hora abundabat, à Christo devotè postula, ut ei colligari, cum eo ad præsidēs trahi, calumnias & cruciatus pati possis.

Feriâ 2.

6. *Anna examen, Alapa, Responso.*

1. **E**xaminatur IESVS, nec dedignatur subire iudex omnium sententias impiorum. Tu ita superbus es, ut

tua



tua opera nullam mereri cenfuram, aut reprehensionem putes, nullius iudicio putes esse subiicienda. Recole quàm tu piger es, & perfunctorius, in tuæ conscientiæ examine. Disce sic vivere, sicq; te semper gerere, ut possis cum Christo dicere. Ego palàm locutus sum, & in occulto locutus sum nihil, cogitavi nihil, feci nihil, cuius testem conscientiumquæ habere metuam. Disce sic vivere, ut purissimus Divinitatis ille oculus, omnia intimè internoscens, nihil in te reprehensibile inveniât.

2. **P**RÔ! quod istud ad aures fulmen verberat, inflictâ **CHRISTO** alapâ, est anima mea, & tu non tota exhorrescis, pioquæ stupore palles. Sic scilicet diffimus sæpe dum **CHRISTO** iniuriâ fieri videmus. Sed videsne in gratiam humanam favoremquæ Principum impactam esse **CHRISTO** alapam hanc. Heu respectus humani! quàm frequenter ego vestrâ causâ **CHRISTUM** in faciem cædo, à bono resilio, malum committo. Ru.



bet vultus CHRISTI, ah dolor! sed quid si non tam rubet à pugno servi, quàm à contemptu meo, certè scimus honestos homines magis pudere repellì, quàm percuti.

3. **Q**uis crederet hucusquè perventurum Deum-Hominem abjectionis, ut diceret homini vili. Quid me cædis? mea calamitas à cædendo avocare debuerat, factis aliunde afflictus, & affligendus sum, quid me cædis? Non ait tamen, homo serve impie, quis tu es qui me cædis? &c. Anima mea non tu etiam cum CHRISTO diceres huic servo, ejusquè supparibus, quid CHRISTUM cædis? Senti aliquantulum partem doloris & confusionis hujus, quam CHRISTUS sustinet, & quæ CHRISTO extorsit hæc verba, quæ tot alij cruciatus & indignitates non extorserunt. Non protulit illa CHRISTUS ut argueret, sed ut commiserationem inveniret. Vide quoties tibi dicit anima, quoties conscientia, regula, charitas, obedientia, paupertas, quid me cædis?

Feriâ



7. *Caiphas, Falsi testes, Adiuratio.*

1. **A** pud Annam Christus examinatur de rebus veris, apud Caipham obruitur falsis, sed quomodo in eo, in quo verum malum non fuit, falsum inveniretur. Non est consilium contra Dominum cum stat ante Iudices; quando ipse venerit ad iudicandum & sederit, quis illud inveniet? quis respondebit ei unum pro mille? Humana iudicia & sententias non time, nec iustitiam tuam deferre, quam cepisti tenere; si innocens es, illum time Iudicem, qui in lucernis scrutatur etiam Ierusalem. Vide qualis in hac parte sis?

2. **F** alsis testimonijs Christus accusatur, ideoq; absolveretur potius si esset apud eos causa, qui veritatem scire, & non potius innocentiam opprimere vellent. O quam frequenter accidit etiam ijs, qui proficere alioquin in bono student, ut non tam resilire à malis consilijs, quam ea fucatis coloribus palliare, effectaq; dictamina conscientijs suis per vim obtrudere soleant. Sæpe iniurias vindicant, & zelare pro bono communi se dicunt: dicunt non ideo se narrare, ut detractum famæ sit, sed quia minus sibi probatur, ut caveant alij, quia res nota est. Disce non cuilibet spiritui credere, sed proba spiritus utrum ex Deo sint, & omnia tua facta ad sensum horæ mortis, limamq; iudicij Divini explora. Non enim potest malè iudicare, qui iudicij sui timet habere Scrutatorem & Interpretem Deum.

3. **A** diuratur Christus per Deum vivum, & facit pro nominis Divini reverentia, dicitq; id audientibus hostibus, quod sciebat extremæ sibi fraudi futurum. Quid tu fidenter adiuras etiam Christum ligatum. Adiuro te ut dicas mihi si tu es Christus: quem ego sequor, cui ego servio, scio te esse, scio per Fidem, & intellectum, sed scire vo-



lo per affectum, & per altiore[m] quendam, quem magnis tuis Sanctis communicare gaudes sensum. Adiuro te mi IESU per Deum vivum, per tuam inquam Divinitatem, ut dicas mihi verbum quo cognoscam te in luce tua, ut sciam te, & amem te, ut sciam me scire, & amare te, & ambulare coram te corde sincero & perfecto, prout par est in gradu excellenti & heroico; utq[ue] sciam quantum adhuc desit mihi. Petes à Christo spiritus prudentiam, quo Christum & scias ipse, & alijs noveris annuntiare opportunè, fructuosè, sedulè, efficaciter.

Feriâ 4.

8. *Scissio vestium Caiphae, Blasphemia, mortisq[ue] reus proclamatur.*

1. **I**nvidia quò non deducat ad actus etiam pudendos & indignos se, sed quia invidia est, non videt eum tamen cui nocere vult, & modum nocendi videt. Commune, & peius pessimis malum, à quo etiam magnorum rari liberi sunt, imò si qui illi obnoxij, hi maximè. Et tamen fraudulentum: omnia alia se esse potius quàm invidiam simulat; commissum est officium, applicatur ad aliquid, succedit bene negotium, laudatur alter, habetur ejus ratio: quid fit? in corde stulti nascitur invidia, sed zelo Dei & boni communis induta: itaq[ue] mox extenuantur dotes proximi, allegantur mores præteriti, aut eventus, deteguntur defectus, carpuntur bona, & quid non? Quem diligit Dominus, liberabitur à malo isto; tu anima supplica Christo.

2. **Q**ui ne perderet obedientiam, perdidit vitam; qui iuratus per Deum ob tanti nominis Majestatem verbum verum quidem sed tamen sibi mortiferum dixit, qui non suam sed Domini voluntatem fieri petijt, qui etsi à Patre duodecim legiones rogare potuit, propter Patris tamen obe-



obedientiam noluit, is blasphemasse Deum dicitur. Frequens talis occasio patiendi in communitate, ubi laudandus quis erat, ibi culpatur. In hac materia quomodo te gerere soleas, diligenter dispice, quomodo debeas, à Christo discere.

3. **R**eus est mortis Dominus IESVS anima mea, reus omnino; quia cum dilexisset te, tradidit semetipsum pro te, quia in finem dilexit te, morti addictam, mortis ream, mortuam; an non qui tangit picem coinquinabitur ab ea? Falso conciliabulum istud clamat Christum mortis reum, clama tu verè: Reuses mortis Domine IESV, descendisti de cælo, incarnatus es, vixisti, laborasti, captus es, omnia facere & pati decrevisti pro salute mea: verbum autem tuum quantum magis decretum? quomodo potest transire? reus es mortis. At tu anima mea non es rea amoris, non amabis amorem istum Christi, qui illum fecit reum mortis tuæ & pro te. Imò ama, & ad mortem usq; amare ut possis, Christo supplica. Dignus est enim morte, qui IESVM non diligit mortuum pro se.

### Feriâ 5.

#### 9. *Sputa, Velamen, Verbera.*

1. **D**amnatus à Pontificibus conspuitur à satellitibus IESVS, heu me qualis contumelia! Vultum Angelis desiderabilem & terribilem conspuunt homines vilissimi & pessimi. Heu! quàm sæpe ad ductum Dominorum peccare pergunt subditi, & præeuntibus maioribus suffragantur; sequunturq; minores. Formidanda res præesse, imò & magnum esse, si magnus & malus es, magnus peccator es; non enim tibi soli peccas, sed multis, quos tuo exemplo audaciores facis ad disciplinam solvendam, ad negligenda bona; sic vive, tuo ne exemplo alius causam vel minimam peccandiumat: anima tua pro anima ejus. Væ mundo à scandalis,

sed



sed magis vix scandalis ipsis, maximum autem vix magnis scandalis datoribus. Hactenus Religionis disciplina Virgo fuit, tu primus eris qui illam prostitues, scandalumq; facies.

2. **V**elamen vultui Christi impositum est, an ut quo sputorum irreverentissimas sordes detergat, habeat, an suam ipsius spurcitiam impietas spectare horret? An pijsimo Christi vultu moveri, atq; mansvescere se sentiens impiorum animus pius ne fieret timuit, ideoq; Christi faciem velavit. O anima! velamen Christi vultui nunquam obijce, sed ut vel peccantem te aspiciat IESVS, velis, proderit tibi, sicut profuit Petro. O si tu vultus Christi velamen esse potuisses anima mea ut sputa barbarorum haurire, & ictus excipere, Christoq; servire potuisses.

3. **V**erberatur, & de percussore prophetare iubetur, quasi sit mendax tua veritas, ô Eterna Veritas! sed scilicet quasi per risum stultus operatur malum. O cor! si pius es, hic est occasio pietatis profectibus tuis isthæc petra tunditur, ut tu fugere mel possis, oleumq; impingvans caput colligere; cur quæso non proficis ô anima? quid te ad sanctitatis, hoc est ad constantis ac fructiferæ virtutis studium adducet, si hæ Christi ignominia in oculis tuis ab ipso tolerata pro te non adducunt.

Feriâ 6.

10. *Negatio Petri, Cantus galli, Respectus Christi.*

1. **O** Quam miseri sunt profectus nostri, & quam infirmæ soliditates nostræ! Ille Petrus, qui Christum præ estimationis magnitudine à lotionem pedum arcebat, cum quo præ fervore in carcerem, in mortem, vel solus ire audebat, iam Christum notum sibi esse cum iuramento & anathemate ac detestatione pernegat. Planè hoc apud me frequentissimum. Nunc mirè Majestatem Dei revereri, & statim ean-

dem



dem levissima de causa oblivisci ac offendere. Non nôsti Petre hominem istum? verè eum non nôras, si enim cognovisses, non negâsses.

2. **N**egat Petrus, cantat gallus, scilicet quando homo peccat, conscientia vigilat, & velut canis custos in foribus peccatum adest. Sed cantus galli Petrum non convertit, neq, etiamsi peccatum contra peccatorem est, semper illum emendat, verum Deus est, qui peccata remittit, & converti peccatores facit. Superiores, Concionatores, galli sunt; peccant homines, galli canunt, canunt inquam, quia consonè, appositè, harmonicè, pro ingenio & captu dicunt, sed solus Deus fingit animos, & loquitur ad cor.

3. **S**OL terram respicit tot oculis quot radijs, per idq; varia producit. Respexit Christus Petrum, & convertit in fletum petram, amarè quidem Petrus flevit sibi, sed dulciter Christo. Vide quomodo Christus amet animas, tam malè habebatur ipse, & tamen Petrum aspiciebat atq; convertebat. Rem Christo gratam facere vis, animam tuam, animas aliorum ad amaros pro culpis fletus provoca; sic enim dolores Christi multum lenivisti. Roga IESVM, ut te frequenter hoc aspectu aspiciat. Verè enim sanitas in portis, hoc est oculis ejus, & aspectus ejus emissiones aquarum. Respice & tu Christum efficacis imitationis desiderio frequenter, respice ut âmes, ut compatiaris, ut sequaris, ut desideres, gratias agas, imiteris.

### Sabbato.

#### II. *Totius noctis blasphemie.*

I. **R**evoca in memoriam omnia quæ istâ nocte Christus ab impijssimis illis passus est, & simul revoca totius mundi & tua inprimis, quibus occultius & fædius Divinam Majestatem offendisti, scelera, & ea pœnis Christi conferens, illaq;



illaq; harum causam esse agnoscens, amarissimè quantum potes culpas tuas desse, dolores & ignominias Christi in te ipsum transfer, & poenis tuis luere statue, & contende. Sape etiam Deum deprecare pro istis peccatis, quæ vel fædiora, vel tibi occultiora sunt, nec pro tuis solum, sed pro omnibus illis aliorum peccatis quæ sunt magis probrosa, occulta, sine penitentia, vel ob negligentiam, vel ob ignorantiam culpabilem relictæ.

2. **R**ecogita, quanta hominum talium multitudo; qui ex ignorantia Deum graviter offendunt, & existimant talia peccata esse nocturna ista Christi supplicia; & quid hæc facies? ora pro augendo Fidei lumine in mundo, ora pro dandis Ecclesiæ Apostolicis viris, ora pro conversione infidelium, pro emendatione Christianorum. Te ipsum quæ potes ad hunc laborem Domino offer, accingere & præparare stude. Condole Christo, quod etiam hodie in hac nocte gravissimas scelerum penas apud impios homines quasi luat, eumq; cum potens sit, & velit, roga, ut hanc noctem quam efficacissimè discutiat.

3. **P**erpende Christi excellentiam, iniuriarum hujus noctis magnitudinem & longitudinem, excita in te compassionem sensibilem de tantis iniurijs tali personæ inflictis. Amoris intensos erga Christum affectus elice. Singulas iniurias Christi actu compensa, conformari Christo aliquæ tui submissione & contemptu constitue, & totâ hæc v. g. die illius infelicitis noctis lachrymabilem memoriam animo retine.

## DOMINICA 2. Quadragesimæ.

12. *Concilium matutinum, Condemnatio secunda, Iude penitentia.*

1. **M**anè factò adducitur iterum ad Concilium IESVS, & sta-



& statuitur ante Principes Iudæorum, examinatur iterum, & an sit ipse Christus interrogatur, Christus IESVS in Sacramento est quasi vinctus in concilio. Examina diligenter anima mea vinctum istum, quem verba Sacerdotalia de cælo evocant, & sub speciebus velut in carcere collocant, manus verò in Altari, tanquam in concilio proponunt, non tamen superbè, sed humiliter quære ex illo dicens. Si tu es Christus dic nobis? Multum proderit tibi responsio IESV, si respondere dignabitur, & quidni dignetur tibi dicere ad honorem suum, quod respondit Iudæis ad perniciem suam. O IESV mi, si tu es Christus dic nobis? dic intellectui ut te sciat, voluntati ut amet, dic toti Ecclesiæ ut te honoret, toti mundo ut credat, & tibi serviat, hosq; Passionis tuæ contemptus compenset.

2. **S**ed quid adhuc desideramus testimonium, cum ipsi audiamus de ore tuo Pijssime IESV quòd tu sis Christus Filius Dei? Condemnant te Iudæi propter vocem hanc: at ego te Salvator mi, Veritas mea, & Misericordia mea, amo, & laudo, & toti mundo annuntiare cupio quòd tu sis Christus. O anima mea videsne tu Christum Dei Filium tui causâ sic afflictum & humiliatum? audis damnatum? vides denuo vinctum? cur ergo non ingemiscis ad tale spectaculum? cur non & tu vinciri ac stringi votorum, diligentia ac mortificationis arctioribus quotidie vinculis gaudes? Vide an molesta sit tibi disciplina? Quid respondebis Christo obijcienti; ego vincior, tu vinciri non vis.

3. **O** Iudicia tua IESV tremenda! iudicaris ipse ab impijs, & tamen simul iudicas impios; fertur contra te mortis iniqua sententia, & tamen tu quoq; iudicium terribile supra impios pronuntias. Iudicas Petrum negantem & salvas; iudicas Iudam pœnitentem & damnas. Ut converteretur, nec Petrus, nec Iudas meruit; reperisti tamen tu in sa-



plentia tua unde Petrum saluares; & in iustitia inuenisti unde Iudam perderes. Excita in te anima mea timorem vineti huius IESV castum & filialem: quoniam vides in manu ejus claves vitæ & mortis, & roga, ut nunquam circa te clavibus mortis, semper autem vitæ utatur; simulq; vide ne tua paenitentia sit sicut Iudæ.

## Feriâ 2.

13. *IESVS in Prætorio, Stat ante Præsidentem, Silet.*

1. **A**dduci IESVM ad Prætorium, nihil est aliud quam velle Deum habere in conscientia, perturbationibus obnoxia; vel, velle Christo quietè servire in multorum inutili conversatione. Non quiescit IESVS in Prætorio, nec locum habet in corde passionato. Eijce prius turbam quæ Christum deridet, & tunc Christum introduc. Cogita, quibus præcipuè perturbationibus movearis, ac quæ in te vitia regnent, quibus inventis ea ad IESVM adduc, & ipsum Iudicem miseriæ tuæ statue, ut misertus tui sanet te.

2. **S**tetit IESVS ante Præsidentem, ô quâ vultûs, morumq; modestiâ stetit! stetit sanè tanquam coram eo, in quo potestatem agnoscebat supernam. Tu vide quomodo stes, quomodo ambules coram Deo tuo, Præsidente tuo, fratribus tuis. Non est (ait prædo animarum) Deus in conspectu eorum, nunc interibunt, quidni intereat homo (Religiosus) quoties de Deo non cogitat, quandoquidem aut bestia, aut diabolus est. Disce vel sic te gerere coram Christo, quomodo te Christus gessit coram Præsidente Pilato.

3. **T**aces mi IESV: nec ad accusationes hostium respondes. O si me silentium tuum silere doceat, quando consistit peccator, hoc est peccandi occasio adversum me. O! si fileant mihi inquietudines omnes cordis mei vanæ & stultæ, ut soli vacem tibi, & os cordis mei loquatur

an-



animæ meæ magnitudinem mirabilium operum & dolorum  
& contemptuum tuorum. O! si cor meum discat esse fidens  
in te Deum suum, tibiq; causam suam derelinquere, & omnem  
cogitatum suum jactare in te, cui est cura de se. Vide, quàm  
sæpe, & quibus occasionibus labaris per linguam.

Feriâ 3.

14. *Mittitur Herodi, Gaudet Herodes,  
multis interrogatur.*

1. **C**hristus captivus, ligatusque, stipatusq; turmis ca-  
lumniatorum, obit Tribunalia & Palatia Principum,  
& Præsidum, & Regum. Mi IESV! quid hoc rei est? olim cum  
te vellent facere Regem turbæ, fugiebas; cum te patibulari-  
um facere volunt, Regibus te præsentas. Non poteras or-  
dinare, ut ad unum adductus Iudicem ab eo damnareris, sed  
omnibus præsentari volebas. An sic nostrum triumphas fa-  
ctum, qui ad honores cæci sumus, à contumelijs verò, maxi-  
mè verò in conspectu magnatum refugimus, nihilq; dueimus  
acerbius quàm confundi, aut detractum nobis esse coram ho-  
noratis & multis. An potius delectabant amorem tuum illæ  
confusiones & vincula, itaq; velut gloriabundus, aulas Prin-  
cipum oberras, & de te ipso triumphas. O me infelicem qui  
ab hoc IESV spiritu absum longissimè! aliquando te offende,  
aliquando confunde anima mea Christi causâ, & hic occasio-  
nem ac tempus designa.

2. **Q**uàm sæpe dolente ac patiente Christo gaudet He-  
rodes, nempe (ait Christus,) mundus gaudebit, vos au-  
tem amici mei contristabimini. Sed quid est quòd  
visio IESV gaudet Herodes? an quia videt patientem? Olim  
audito quòd esset Christus natus, turbatus est Herodes; quid ni  
nunc visio eodem captivo gaudeat? Tanta est benignitas tuæ  
Pijsime IESV, ut etiam ad impios non venias, quin eis gau-

Nz

dium



dium, aut saltem gaudij veri radicem (si tibi obsequi vellent) afferas. Et cur ego de te tam rarò gaudeo? nisi quia te non cognosco, tibi non obsequor, tibi non constanter inhæreo, sed facilè ad temporanea delabor. Non prosunt sua Herodi gaudia de Christo, quia importuna Christo; compati sibi Christus volebat, non de sui visione frivolum gaudium haberi. Sperabat signum à Christo fieri videre, quia non videbat ipsum Christum ante se, signum cui contradicebatur fieri. Infelix quem illud signum non movebat, quod aspiciebat. O quanta! quàm mira signa in Christo ante Herodem stante! anima mez, tu illa scrutare, cognosce, mirare, sequere, ut autem id possis, Christum deprecare.

3. **I**nterrogatus multis Christus ab Herode tacet, accusatus à Iudæis constanter, constantius tacet. Sperandum se huius silentij causâ sciebat, nihilominus tacet. Ad quid hæc taciturnitas Domine IESV? O tempus tacendi! tempus loquendi! inutilis quæstio, falsa accusatio, fat bene solvitur & refutatur silentio. At quàm rara hæc mihi ignotaq; virtus tacere tunc posse, quando silentium meum stultitia reputatur. Pijssime IESV, siluisti Herodi inepta interroganti, responde mihi semper & nunc utilia abs te poscenti. Responde mihi quantas habeo iniquitates? quid adhuc mihi deest, quàm longè sim à te? quid debeam tibi? quo tu dignus es? quid retribuam tibi pro omnibus quæ retribuisti mihi? Hæc dum quæro abs te mi IESV, responde mihi, & confer necessaria ut placeam tibi.

Feriâ 4.

15. *Spernitur, illuditor, induitur ab Herode.*

1. **S**pernit Herodes IESVM, ille qui erat gavisus de viso IESV, nempe quòd ad pravitatem suam abuti non poterat IESV. Quoties & ego sic sperno Christum, quem

ante



ante colui, spe terreni & caduci commodi alicujusq; solatio-  
 li quo frustratus, Christum, & pietatem abijcio, & bona o-  
 pera negligo, & quod non gratis servierim Deo, ostendo.  
 Sprevit Herodes Christum, heu indignitatem! sed quid fa-  
 ciam mihi, cui hoc usurpatissimum inspirationes Dei ad bo-  
 nam & ad perfectam vitam negligere; quid est videre IESVM  
 & spernere, nisi agnoscere Dei voluntatem & non sequi.

2. **N**Ec sprevisse satis est, etiam illusione opus. O Ma-  
 jestas, tibine illuditur! O Reverentia Cælestium  
 Potestatum IESV! quem vel ipse Æternus Pater præ reveren-  
 tia exaudit, atq; clarificat, hunc viles homunculi illudunt.  
 Heu me, quàm in me faba cuditur! verbulum unum, signum  
 suspiciosum, meo honori oppositum noto, ferre non possum  
 iras, minas, detractiones, inquisitiones spero, hoc certè IE-  
 SVS non fecit, quod tu, IESV scilicet fidelis servus facis.  
 Conare Domino, & propone Christo, has illusiones repen-  
 dere æstimationibus.

3. **S**Ed enim bene est, tandem bona causa triumphat, &  
 innocentix candor emicat; sanè dum mali iustos ir-  
 rident, commendant. Noli affligi ô iuste si quid adversi ali-  
 quando accidit, si adversarius persequitur sine causa, non est  
 difficile in oculis Dei tribulationes tuas vertere in consola-  
 tiones. Sed quid mihi & consolationi mi IESV, tu pateris,  
 ego solatia somnio. Nolo solatia, tuam potiùs amplector il-  
 lusionem, & stultus tecum reputari malo, quàm cum mundo  
 sapiens. O IESV hoc dictamen intimè penetrare concede,  
 verè enim hæc meditari, hæc exequi, hæc quærere, hæc ama-  
 re, est sapientia quæ trahitur de occultis, abscondita sapien-  
 tiis, revelata autem parvulis, mansuetis, humilibus.

Feriâ



16. *Remittitur Christus Pilato, Pax inter Herodem & Pilatum, Nil invenit in Christo.*

1. **R**emittit Christum Pilato aulica nequitia, tanquam nihil cum eo sibi velit esse negotij. O nimis verè dictum: Exeat aulâ, qui vult esse pius. Aularum servi non possunt esse servi cælorum, & cur multi festinant ad odorandum aulicas ollas, etiam ij, qui scilicet toti mundo dixerunt vale. Remittit Pilato Christum, quisquis bonum quod ipse agere potest, aut poterat, alteri faciendum relinquit. Iuvandus est peccator, at laborare piget, & pergere: pergat aliquis alius; quid iste facit, nisi Christum Pilato remittit? vocat ad emendationem Deus hodie, ego cras me polliceor facturum, an non Christum Pilato remisit? O Pijsime IESV non pigeat me tui, non me tuæ conversationis tædeat, in singulas horas & momenta tibi inhæream, & nunquam te à me remittam. Quomodo id cures, & cur negligas? dispice.

2. **I**nter Herodem & Pilatum pax est, at non inter ipsos & Christum; impij semper contra Dominum, & contra Christum ejus concordēs; impietas enim non esset, si faveret pietati. Age, amicos tuos dispice, & ea quæ tibi sunt amica; eane quæ inimica Christo? ordini? pietati? disciplinæ? Superiori? conscientiæ? si ita est, Herodem Pilato conciliatum scias. O mi IESV sint mihi omnium inimicitia propter te dulces amicitia omnium sine te omnes amaræ, qui tuus est, iungatur mihi; qui non est tecum, contra me sit. Nolo amicum non tuum. Vide, an alicubi ob metum humani odij negligas obsequium Deo.

3. **N**ihil invenisti Pilate in IESV, malè quærivisti, invenisses, si non malum in eo sed bonum quævisisses; ipse enim est plenus gratiâ & veritate, in eoq; sunt omnes



thesauri sapientiæ & scientiæ Dei. Quanquam mi IESV non est in te bonum quærendum, sed à te accipiendum; in mari non quæritur aqua, sed hauritur, & in sole lucem nemo scrutatur, sed usurpat. Quocirca verè olim per Prophetam dicebas. Quid invenerunt, inquit, in me Patres vestri iniquitatis? etenim Pilatus testatur se nihil mali invenisse in te. Hoc si ita est Domine IESV, (verè autem est) cur te tam facile tam levi de causa deferimus? quasi aliquid extra te inventuri simus melius te. Anima mea, dic Pijsimo IESV ante Pilatum stanti. Mihi autem adhærere Tibi Bone IESV, bonum est. Tu gloriatio mea, &c.

## Feriâ 6.

17. *Tu es Rex? A temetipso? Quid fecisti?*

1. **Q**Uærit ex Christo Pilatus an sit Rex Iudæorum? Non usurpabas mi IESV titulum hunc, quinimò oblatum iugiebas, sed calumnia hostium affingebat tibi, ut te reum apud Pilatum facerent, & odiosum, Cruceq; dignum. Heu mihi! quàm impatiens sum in aliorum de me oblocutionibus, non affinguntur mihi Crucem merentia crimina, non sangvis & vita petitur, non raptor ad tribunalia impiorum, verbum tantum est, suspicio sola est, quæ me pænè ad rabiem torquet. O si tanto Christi exemplo pati discam, & in calumnijs gaudere, & objectores earum modestè tolerare.

2. **M**ITIS IESVS respondet Pilato: A temetipso habes quòd me Regem voces an ab alijs? si à te, quibus argumentis id dicis? si ex aliorum sensu, quomodo id illi probant? Non ex me sed ex illis qui me dicunt esse, quære unde probent esse. Sed mi IESV à temetipso hoc dicis, an innocentia tua hoc poscit? pati volebas, sed non debebas; itaque quæ objecta sunt diluis, non tamen te supplicio eximis. Hac nempe vera est innocentia carere culpâ, refellere calumni-



mniam, subire pœnam & exercere patientiam. Talem patientiam discite anima mea; hoc est enim ut socium Christi pati, hoc passiones Christi exprimere. Talem patientiam IESV da animæ meæ.

3. **I**ndignatur Pilatus ad Christi responsum, & amarè exprobrat. Gens tua & Pontifices tui tradiderunt te mihi, quid fecisti? O IESV prius mori contingat, quàm faculares spiritualium subditos Prælatorum exemplo depravatos, dicentes & exprobrantes audire: Gens tua & Pontifices tui tradiderunt te mihi Christe, hoc est, docuerunt me quomodo deberem peccatis crucifigere te. Sed tu ô Pilate quid quæris ex Christo quid fecisti? quin potius quæris ex illo quid non fecit? Ipse est per quem omnia facta sunt, & sine quo factum est nihil: tu autem quæris quid fecit? Hoc quòd te video Domine IESV vinctum, ante Præsidem accusatum, pessimè tractatum, captum, venditum, tot hostibus vallatum, quid sibi vult? quid est? quid fecisti? An hæc est abyssus charitatis tuæ? an hæc peccatorum meorum malitia? an hæc est gentibus stultitia? Iudæis scandalum? Electis verò tuis virtus & sapientia? O IESV mi aperi oculos meos, ut sciam, quid fecisti?

### Sabbato.

18. *Regnum meum non est de hoc mundo. Ad hoc natus sum. Quid est Veritas?*

1. **O** IESV Regnum tuum non est de hoc mundo, quid ergo nos adhuc in mundo degimus, si de tuo Regno non sumus. O utinam adveniat ad nos etiam Regnum tuum! aut tolle nos de mundo, & ad tuum transfer Regnum. Hic te dispice anima, de mundo es, an de Christi Regno? quid in te non mundanum, verba, studia, mores, nonne amas & amplecteris ea, quæ mundus amat? nonne honor tibi tuæ  
quæ



quæ æstimatio curæ? non contemni negligiq; fugis, quod si ita est, tuum certè Regnum de hoc mundo est: vel potius tu de mundi regno es: proinde de Christi Regno non es. Eheu quid prodest Christi Regnum cognoscere, sed non habere.

2. **A**D hoc natus es mi IESV, ut testimonium perhibeas veritati tuæ, veritati nostræ, & quando credemus tandem tibi, diffidemus nobis. Perhibe mi IESV testimonium cordi meo de veritate, ut in lumine spiritus tui cognoscam quid sis tu, quid sim ego? quid debeam tibi, quia patris tanta pro me, quanti æstimare Passionem tuam debeo, quantum adhærere veritati tuæ, desciscere autem à vanitate & veritate mea me convenit? O si scias & tu homo ad quid natus sis! an ut de die in diem gravius Deum offendas? an ut quotidie tepore tuo Christo vomitum moveas? an ut ore & labijs & veste servus Dei sis tantum, non magis autem ut servias Deo in spiritu & veritate, & testimonium perhibeas veritati Christi coram pusillis, magnisq; simul. Et quomodo tu satisfacis officio?

3. **Q**uid est veritas? Grandis quæstio, & quam proponere potuit, audire non potuit, quia non meruit Pilatus. O infelicem! qui veritatem aspiciens non vidit: sciebat quòd per invidiam tradidissent eum, nullam inveniebat in Christo causam, innocentem iustumq; proclamat, nec tamen veritatem videbat. O infelicem! qui veritatem quæsit, veritatem non invenit. O Æterna Veritas! quæram te, inveniam te, agnoscam te, diligam te, audiam te, servem te. O si in omnibus meis motionibus quæram quid est veritas? O si in omnibus veritatem intendam! & nunquam diligam vanitatem, neq; unquam quæram mendacium. Sed heu! quoties vel ipse me ipsum fallo, quoties vana, adulatoria ab alijs libenter audio, & vanus vanitatem à vanis aucupor, magnum quæ aliquid reperisse me puto, si vanitatem assequor.



## DOMINICA 3. Quadragesimæ.

19. *Quem vultis dimitti. Persuaserunt Plebi.**Non hunc.*

1. **N**on tibi indignitate ipsâ indignior videtur ista optio ô anima mea! IESVS Barabbæ componitur, & quis sit vitâ dignior, ambigitur. Siccine Domine contemptus es? Siccine te abijcere voluisti? quid misero me fiet, qui contemni, qui abijci nolo. At quid dicam, si ego ipse tales Christi comparationes instituo. Peccandum est, aut IESV Christi gratiâ abstinendum: utriusq; occasio est: & ego infelix delibero quid factô sit opus? quod quid aliud est, quàm quærere ex meis passionibus & cupiditatibus: Quem vultis vobis dimitti? O stulta cogitatio! nonne ipsum IESV sanctitatis nomen rapit, ad hocq; adigit, ut Christum toti mûndo præferas. O infelix! præfer Christum millies promptè omnibus omnino rebus, præsertim in præsentia Sanctissimi Sacramenti constitutus.

2. **P**rinces Sacerdotum persuaserunt Plebi IESVM perdere, Barabbam liberare. Sic à maioribus orta est iniquitas, & tanta quidem iniquitas: persuaserunt non solum dicto, sed magis exemplo, non solum IESVM Barabbæ postponere, sed ad mortem etiam poscere, & cum tumultu vocumq; invalescentia perdere. Vide quantum possit auctoritas & potestas in abusum detorta. Vide ne unquam in Christi perniciem & contemptum veritas persuasionem tuam, auctoritatem tuam, exemplum tuum.

3. **O** Pater Æterne, non hunc perde sed Barabbam; quid enim hic mali fecit? Non placet tibi ô Pater Æterne hæc postulatio, quia utiq; non expedit nobis: ergo verimus & dicimus. Non hunc dimitte, sed Barabbam; illum inquam Patrem nostrum antiquum, debitorem & fugitivum  
tuum



tuum, captivum draconis, universalem homicidam, alioqui si fuerit hic dimissus, non poterimus nos salvi fieri, sanguine enim huius Agni lavari nos oportet, si mundi esse debemus. Non hunc ergo Pater Aeternae dimitte, non hunc, quia expedit ut unus homo moriatur pro populo, & non tota gens pereat. Sed tu quoque; ô homo diligenter nota quem de duobus dimittas, dimitte nequitiam à te, sed non IESVM; sit apud te liber IESVS, malitia verò vineta & necata, coarctata, & quasi in carcerem missa. Porro cum audis ô homo posci ne dimittatur IESVS, sed magis ut crucifigatur postulari à Iudæis, adhære constanter Christo tuo, cuius sanguinem & vitam peti, quem ad Crucem advertis postulari & contristare de tam tristi sermone, aut etiam si vispetitâ ab IESV licentiâ gaude quod istâ Christi retentione & captivitate tua libertas transfigatur; pro qua re Christo gratias age.

Feriâ 2.

20. *Quid faciam de IESV? Quid enim mali fecit?*

*Tolle, Crucifige eum.*

1. **A**Vdisne anima quid Pilatus quærat? scilicet, ecquidnam faciat de IESV? O Pilate! ô Iudex! quid facies de IESV? si reus; convince, & damna. Si innocens; dimitte, & libera. Cur ab accusatore quæris quid de reo facias? Dâ tu consilium anima mea Pilato, & persuade quid facere debeat de IESV, an fortè dubitas te quidquam profecturam consilio tuo? te igitur ipsam, aliosque quos attinet instrue, quid facias? quid faciant de IESV? Multum feceris, si quidquid illi in te displicet à te rejeceris, si IESVM ad cor mundum, humiliatum, contritum, inflammatum induxeris. Si doloribus Christi participaveris, Crucem & ignominias ejus non erubueris, hoc de IESV facito, contentus erit. O si hæc tibi quotidiana esset quæstio quid faciam hodie? quid hâc horâ?

O<sub>2</sub>

quid



quid hâc occasione de IESV? quem enim decet scire quid facere debeat de IESV? nisi socium IESV.

2. **Q**uid enim mali fecit? obtrudit Crucem boantibus Iudæis Pilatus, sed quid quæris ab his Pilate? quid mali fecerit IESVS? qui IESVM non ideo perdi volunt quia malus est, sed ideo potius quia bonus est. Malus nunquam bonum odit quia malus, sed quia bonus est; & quòd contrarius operibus ejus. Itaq; in Christo Iudæis non est crimen malum esse sed bonum esse, & quia illi mali, iste bonus, ideo illum crucifigi volunt tanquam sibi malum, quibus bonum videtur se malos esse, & quia semper malis bonus est malus, utpote contrarius. At tu anima quidni quæris à te ipsa peccante, vel in peccatum inclinante, ingratitudinemq; in IESVM committere festinante: Quid mali mihi fecit IESVS quia peccavi? quia peccare meditor? Item quid mali fecit ut in eum peccem? imò quid boni mihi non præstitit? quid non præmij promisit si non peccem? & ut non peccem, utq; hoc in gratiam ejus faciam. Deniq; quid non minatur mihi mali, ut non faciam malum.

3. **O** Corda saxeæ & stuporis furorisq; plenissima! Heu quorsum non ascendit furor malorum ubi semel frenos excussit! non pudor, non ratio, non conscientia, non auctoritas, non omnis causæ quæ prætexi posset absentia, retrahit à nefando odio, ab immani invidia. Vide ô homo quanti sit invigilare semper mortificationi passionum, quantumcunq; illæ domitæ & pacatæ videantur. Sed quid audio Bone IESV? te crucifigi, te tolli volunt de medio populi isti, quos tantis affecisti bonis, quos nullis affecisti malis. O mi IESV tolle me, crucifige me tecum, affige me Cruci dolorum, ignominiarumq; tuarum, ut gaudeam in omni adversitate, ac potissimum, ut ab his contemni libenter seram, quibus à me alioqui bene fit.



21. *Nihil tibi & Iusto illi. Lotio manuum.*

*Sanguis ejus.*

1. **N**ihil tibi & Iusto illi. Etiam somniantes liberant IESVM, quantum in ipsis est: at nos, & somniantes, & vigilantes crucifigi poscimus, imò ipsi crucifigimus. O homo discce ab hac ethnica Pilati uxore scire subterfugere occasiones, nec te immiscere causis & peccatis aliorum: quando ergo vides alios peccare, contendere, murmurare, quiritari, præfertim de alijs ac maioribus: dic tibi ipsi, nihil tibi & Iusto illi.

2. **L**avat manus Pilatus, & tamen contra conscientiam IESVM damnat innocentem se ab Iusti sanguine vocat: fuisset, nisi voluntati & importunitati impiorum cessisset. Habuit scientiam, non habuit exequendi constantiam. Et quàm multi tales, qui sunt extra compositi, quieti, sedati, honesti, loquentes bona & pia, sed tamen non fugientes peccata, & in occultis committentes multa, quæ famæ aliorum nocent, quæ repugnant votis, quæ externis moribus sermonibusq; non concordant. Heu me! nam ego quoq; homo sum, blandiri mihi, insultare alijs solitus, lavo me a foris, inquino intus. Mi IESV lava me totum intus & foris, & quasi nivem dealba.

3. **Q**uæ hæc rabies impiorum istorum ut sanguinem Christi sumant non super se tantum, sed etiam super filios suos. Mi IESV à tam resoluta in malum impietate erue me. Sed quàm acerbo sensu doloris sauciatus est cor tuum Pijsime IESV, quando tam infernales & sanguinis tui sitientes voces audisti. Gloriare tu anima, & gratias Christo immensas age, quòd sanguis ejus sit super te, quòd omnia quæ habes habereve potes bona à sanguine Christi habeas,  
quòd



quòd maiora sint Christi merita quàm tua peccata; hoc te sanguine lotam & purpuratam memento, & eum in te alijsq; tuis similibus honora.

Feriâ 4.

22. *Christi ante flagellationem nudatio.*

1. **V**ide quò adduxeris Christum anima mea peccatis tuis, qui terras graminibus, arbores folijs, cælum stellis vestivit, ipse propter te hodie nudatus est in oculis mundi, ille qui est amictus lumine sicut vestimento, qui indutus est fortitudine, qui pulchritudinem & decorem induit, ille formosus in stola sua, modò nudus est. Considera quoties tu illum nudum constitueris in corde tuo. Quoties te gratiâ ejus exuisti, quoties merita ejus calcâsti, toties illum nudâsti. O ingrata anima! Deus parentes tuos peccatores noluit nudos à se ex Paradiso eicere, tu Christum Dei Filium apud te denudas. Nescis IESVM plus dolere quando te suis donis per peccatum nudatam videt, quàm quando ipse nudus fuit. O! si ornare animam tuam, & aliorum proximorum assvescas. Christus enim ornatur dum anima ornatur, siquidem ille pro ejus ornamentis nudari voluit.

2. **P**aupertatem spiritûs veram illam, & tantòpere Christo amatam, totâq; vitâ honoratam virtutem & sponfam concupiscis. Ad hoc exemplar te compone. Nudus est IESVS, & nudum se esse propter te factum toti mundo ostendat: & tibi misero grande ac grave videbitur carere superfluis. O si etiam disceres carere necessarijs! quantò paucioribus eges, tantò minùs terrenus es; aliquando te resolve, & nudus esse propter Christum incipe. Non tibi sit pudori vilis vestitus, pauper lectus, modicus cibus, tenuis & misera supellex, nulla tui opinio, æstimatio, cura. Malè vestiri paupertas non potest, quantò nudior, tantò cultior, tantò etiam

am



am magis debite, & statui suo convenienter vestita, & revera probatum est, facilis nihil omnino haberi, quam aliquid vel minimum. En Christus a te petit, & exemplo præt, ut omnia propter ipsum re ipsa reicias; tergiversaberis.

3. **O**culi si mundi, si sinceri, si sani estis, innubem sole mox erubescet sanguine: nunc in candorem illum vos intendite, quem iam iam rubicundum aspicietis. Nunc se amor vobis nudum spectandum exhibet, spectate; mox velatum videbitis vestitumque, sanguine scilicet suo purpuratum. Desiderabitis illum videre tunc, sed non erit ei aspectus. O mi IESV contemplari te cupio, sed oculis careo, da illos mihi ut videam & cognoscam te in plenitudine lucis, in candore nuditatis, ut participem de nuditate tua, & purificer puritate tuâ, sciamq; tibi nudare cor meum ab omnibus quæ terrena sunt, quæ vana sunt, quæ fervorem meridiei non referunt. O! quis det in simplicitate & sinceritate cordis te diligere, te potiri, tibi iungi.

Feriâ 5.

23. *Alligatio ad columnam.*

I. **Q**ui terras alligavit in nihilo, qui ventos velut in atre conclusit, qui arenam posuit terminos maris, nunc eundem ipsum impij ad columnam alligaverunt. Funes peccatorum meorum quibus ego a tartareo illo carnifice stringebar, circumplexi sunt te mi IESV, & ego, tantum abest tam immuni commovear ut spectaculo, deq; peccatorum meorum vinculis tibi detrahendis cogitem, ut potius vincula vinculis, hoc est peccata peccatis addam. O me impium! te a carnificibus ad columnam alligari indignor, & nihilominus vincula tibi ex peccatis meis necti atq; augeri patior. Cum tamen si ego non peccâsem, sciam te vinctum

nunc



nunc non futurum fuisse. Si quis ergo doles Christum vinc-  
tum esse, tolle peccatum ab anima, & Christum solvisti.

2. **F**Vnes ceciderunt mihi in præclaris: funes mei hære-  
ditas mea, hi ceciderunt mihi in præclaris mi IESV,  
tunc, quando per te præclarissima totius creaturæ gemma mi-  
hi est restituta & reddita. Reddita autem non vulgari quo-  
piam modo, sed verè in præclaris, in doloribus scilicet tuis,  
in vinculis tuis. O quanti æstimandi sunt mihi funes tui, hoc  
est dolores tui Domine IESV, quibus mihi hæreditas mea  
cælestis, quam ego vivendo luxuriosè, abeundo peregrè de-  
coxeram, restituta est. O! quàm cautè hæreditas hæc mihi  
& curanda & servanda est, quæ tanti constat quæritori meo,  
ut pro funibus hæreditatis meæ debuerit ille sustinere funes  
Passionis suæ.

3. **A**lligatus est IESVS, & in flagella paratus; tu solutus  
quasi onager incedis, renuens alligari, refugiens fla-  
gellari. Hoc scilicet est dilecto conformari, hoc est in myr-  
rhæ collibus versari, hoc est fasciculos myrrhæ colligatos  
offerre. Ah mi IESV! quàm multi te contemplamur nuda-  
tum, alligatum, flagellis subiectum, quàm pauci tamen pro-  
pter te, tecumq; nudari, alligari, flagellari gaudemus, aut  
contenti sumus. Da humillime IESV qui in Passionis tuæ ho-  
ra singulis momentis, novo fervore novos dolores pro me  
subibas, ut ego singulis momentis, recenti spiritu tibi servi-  
re, & novis modis me tibi tuæq; columnæ & Cruci alligare,  
tibiq; placere & conformari studeam, ut omnes inventiones  
meæ tuæ inserviant dilectioni, imitationi, possessioni.

Feriâ 6.

24. *Flagellatio Christi.*

1. **C**Rudele spectaculum, & dignum ad quod Sol exhor-  
rescat, intremiscatq; terra. Certè Angeli pacis a-  
marè



marè flebant, Regem Angelorum flagellari aspicientes. O indignissimam tragædiam! rerumq; catastrophën! servi Domini, subditi Regem, homines Deum, creaturæ Creatorem, impij innocentem flagellant iniuste, quia sine ulla causa; indignè, quia tantam personam; ingratè, quia eum à quo tanta bona acceperunt; crudeliter, quia cum tanta animi rabie, maximoq; patientis dolore; ignominiosè, quia publicè & sordido supplicij genere. O! quàm multæ doloris causæ & circumstantiæ, quibus tamen ego nihil moveor ut cessem à peccato, ut exeam de tepore, ut Regi meo in passionibus conformer. Heu! quàm multa flagella peccatoris, si tam multa innocentis, si hæc in viridi ligno faciunt, in arido quid fiet? si Christi flagellatio à matutinis totâ die, nonne peccatorum erit per totam æternitatem.

2. **O** Quàm durè tractanda est mihi caro mea rebellis, siquidem Christus tam immaniter affligi suam innocentissimam patitur. Et carni quidem Christi nihil opus erat tanta; pati mea caro longè plura meruit sustinere, utpote quæ debuerit in æternis ardoribus ardere. O si pondus sensualitati detrahere, si illam iugiter discretè affigere, si illam prudenter confundere, animæq; regimini subijcere sciam & velim. Quis unquam hosti petenti ignem quo ille combusturus sit domum exhibitoris ipsius concessit? quid porro ego facio, quando sensualitati in cibo, potu, somno, iocis, molli- tie indulgeo, quàm flammam hosti meo quâ ille me ipsum exurat, concedo; quàm obsessis hostibus victualia & voluptuosa etiam (proh dementiam!) suppedito, hoc non est expugnare, sed confirmare hostem. Disce ab IESV tractare carnem verberare, fame, siti, inediâ, fatigatione, frigore, neglectu, duritie, asperitate, hoc enim est verè carnem odisse secundum mundum, amare secundum Deum.

3. **V**idesne anima mea IESVM amorem tuum illum mo-  
P
dò



dò modò candidum, iam iam sanguinis purpurâ rubicundum, totum plagis lividum, vulneribus saucium, sanguine cruentum, dolore exhaustum, ignominiâ abjectum, totum deniq; alium, sic alligatum. Sic tractatum, offer Aeterni Patris conspectibus, ut saltem propter tam miserum spectaculum miseretur tui, & totius mundi. Offer ipsum IESVM ipsum quod ejus tantis doloribus hætenus gratam te non exhibueris. Offer Spiritui Sancto, & pete, ut te ob hunc talem IESVM illuminare, purificare, accendere, confirmare in bono, præservare à malo, semper pergat. Immisce te & suppone plagis IESV, quæ iam in ipso locum non habent amplius, & eas tu excipere concupisce. Convertere, vel converti appete in lachrymas tam copiosas, ut ijs balneum abluendo Christo balsamum illinendis ejus vulneribus suppeditare possis. Roga IESVM ipsum & amorem ejus, ut velit subtrahere concursum carnificibus istis ne ipsum flagellare possint.

### Sabbato.

#### 25. *Purpurea chlamys. Corona spinea.*

I. **N**ihil opus erat ô milites hæc purpurâ IESVM vestiri, quem iam flagella carnificum vestiverant suo sanguine, an quia crudelitatis pudebat tegenda fuit, an quia quem indueratis vestrâ crudelitate, lubeat etiam vestire ludibrio, an iste est mos peccatorum, ut lancinent Christum sceleribus, interea tamen vel hypocriticis illudant moribus, vel sacrilegis integant velaminibus, vel per impudentiam gloriantur & triumphent de iniquitatibus. O homo videsne qualem vestem Christo circumdederis, quàm illa fæda, quàm spurca, quàm vilis. Hæccine est illa innocens stola prima, quam ipse tibi in Baptismo contulit; ideo contulit, ut eam ita fædares. O ingrate! redi ad Patrem, supplica cum prodigo,

ut



ut tibi proferri iubeat stolam primam primæ similem, ut te  
scilicet gratum, sanctum, perfectum in oculis suis faciat.

2. **Q**uid tibi & spinis mi IESV gratiæ caput tuum, ca-  
put gloriæ spinis horret. Heu spinæ! pungitis, &  
planè acti in Creatoris iniuriam effetis conditæ, sic affligitis  
caput Majestatis. At enim non spinæ culpandæ sunt, sed hu-  
manæ malitiæ. Ego Christi corona sum, sed spinea, pulchro  
nomine, laudabili professione, sancto instituto glorior & ap-  
pellor, sed non vivo, non respondeo, non sum quod dicor,  
ager sum, sed spineus, & Christo tantum tribulos parturio,  
scilicet super te mi IESV venit illa Patris nostri maledictio:  
Maledicta terra in opere tuo, spinas & tribulos germinabit  
tibi; respice IESV dolores tuos præsentis, & fructus surgen-  
tes: nonne spinæ omnia? heu me! si etiam in his maledictis  
terris connumeror.

3. **M**i IESV vita præsens, vita spinea est; ego illam stul-  
tus auream puto; plumeam cogito & cupio. Quod  
putem patet quia amo: quod cupiam patet, quia in hac vita  
pati recuso: quàm si spineam scirem, pressuras ejus ferrem, &  
molestiam esse non mirarer, imò mirarer non esse. Quis calca-  
vit spinas & non est sauciatus? quis vixit in hoc mundo &  
non est afflictus? Ecce te oportuit pati mi IESV, ego autem  
eximi volo à puncturis, qui tamen hæreo in spinis. Pungant  
me mi IESV propter te spinæ vitæ hujus, & non teneant, ut  
sic cupiam compati nunc tibi, possim autem postea cohabi-  
tare tibi. Da, ut plus delecter spinis tuis quàm mundi rosis,  
fit mihi omnis consolatio mundi spinea, fit mihi omnis affli-  
ctio propter te rosea. O utinam hoc sentiam in me quod  
video in te.



## DOMINICA 4.

26. *Arundo. Genuflexio. Conspuitatio.*

1. **A** Rundo in Christi manu quid est? nisi omnia esse arundinea & nullius frugis in conspectu Dei; quid est? nisi omnia tam facile à Deo annihilari & immutari posse, quam facile arundo moveri frangive potest. Arundo ista contumelia Christi est. O! si sciret cuius in probrum cooperetur; quantum sibi metueret; in cuius manu est, ei probrum facit; quid audacius & indignius, si sensus & ratio subesset? Sed ô peccator! de te scilicet fabula narratur, qui licet arundo sis, licet in manu Christi sis, tamen non vereris esse Christo Redemptori tuo contumeliosus & probrosus. Quam facile frangitur arundo, tam facile perdi potest peccator à Deo, & nihilominus inflaberis tu arundo vento agitata? ô palea à tritico segregata! sceptri te putas esse vice cum arundo sis, & quidem arundo in manu Christi facilis confractu, igni nata, pondere & valore cassâ, nullatenus solida, Spiritui Sancto te exhibens minimè tractabilem, sed refractoria, rebellis, immota ut saxum, &c.

2. **Q** Væ ista tam subita mutatio? qui modò spinis coronabatur, iam coram illo genuflectitur, an talis hæc genuflexio qualis coronatio? nescit proficere nisi peius malitia, & qualem fecit Regem coronando, talem adorat & salutat genuflectendo; nempe Regem dolorum te fecerunt mihi IESV, ideo dolore plenas afferunt salutationes. Quid hinc mihi documenti Bone IESV? primùm quidem honores quos ego tibi exhibeo, sæpe tibi dolori & illusioni esse ob suas imperfectiones, defectus, inconstantias. Deinde doces me quid præstare debeam tibi pro passionibus tuis, scilicet honorem, subiectionem, reverentiam, ut sic veros tuos honores & ignominiosos dolores meis qualibus qualibus in gloriam tuam

obse.



obsequijs rependere coner. O anima mea disce & assuesce Christo hæc exhibere quàm creberrimè, quàm accuratissimè, potissimum verò in Sanctissimo Sacramento quàm frequentissimè, humillimè, ferventissimè, salutationes, visitationes, genuflexiones, prostrationes exhibe.

3. **O** Rex probrorum! vultusne tuus sordium & spitorum receptaculum est! ô stupor super stupores! IESVS sic sese abijcere potuit, ut in suum vultum illum Theandricum, quem Dei persona faciebat, & suâ dignitate Divinâ per unionem hypostaticam ornabat, exspui permittat. Proh superbia quousq; locum habes in mundo! Cur tanto pudefacta spectaculo ad inferna præceps non ruiisti? humiliavi me aliquando, nunquam tamen ut Christus. Esto faciam ego me infernalium etiam sordium feciumq; sentinam: nunquid Christi humilitatem æquabo? Et tamen ah quàm raro repugnanterq; humilior! quàm refugio! & non fero contumelias ac confusiones! quàm facilè mihi complaceo! quàm libenter laudes meas opto! &c.

## Feriâ 2.

### 27. *Ecce Homo.*

1. **A** Spice anima mea opus manuum tuarum, tibi per istud (Ecce)propositum. Si nescis quid fecisti? Ecce homo, ecce opus tuum, ecce IESVS factus est, & factus, & saucius, & vulneratus: non est illi species, neq; decor, non est illi aspectus: vermis est & non homo: tu fecisti talem, quia peccasti. O infelix non te commovet spectaculum hoc! non exhorrescis enormitatem malitiæ tuæ! non ducere prænitundine super tanta nequitia tua in Unigeniti Dei Filij IESV Christi contemptione? Si quis patrem tuum sic tractasset, non indignareris illi? si tu amicum tuum vel patrem tuum sic tractasses, non te malitiæ tuæ puderet? non omni ratione

cona-



conareris, tam impium facinus dignâ pœnitundine delere? Nunc ergo aspice frequenter hominem hunc anima mea: & execrare opus tuum, detestare peccata tua, deprecare IESVM sic abs te tractatum.

2. **V**idisti anima mea quid feceris in homine isto, vide etiam quid ipse fecerit in seipso. Fuit Deus, ecce iam homo: fuit iam dives, ecce iam pauper; fuit innocens, ecce accusatus & punitus; fuit Rex, ecce ludibrium; fuit homo, ecce vermis. O quàm copiosum spectaculorum theatrum tibi modò in isto uno homine proponitur! Vis humilitatem? ecce homo humilis; vis patientiam? ecce homo patiens & patientiæ portentum; vis obedientiam? ecce homo obediens; quid quid vis? ecce homo omnium tibi Exemplar, Magister, Speculum. Et heu! nunquid tu talis homo es? nunquid esse debes? nunquid conaris? vis scire qualis homo esse debeas? Ecce homo. Vis scire qualis futurus eras homo, si hic homo non fuisset propter te talis factus homo? Ecce homo.

3. **E**Cce Homo. Ah quid qualisve factus propter me! ego autem quid tandem feci hætenus ac facio propter illum? & quid me facere fecisseq; iam decuit propter talem Deum Hominem? O quando me resolvam resolutione feriâ, ut tandem serviam Christo usq; ad defatigationem, ad passionem, ad abjectionem, ad annihilationem. O quando nihil in me vivet, erit, eminebit aliud, nisi hic homo? Heu quousq; istum terrenum hominem, non hominem, sed iumentum portabo! quando induam illum cælestem hominem, qui secundum Deum creatus est, non de terra terrenus, sed de cælo cælestis. Mi IESV, qui factus es propter me homo, & talis homo: da mihi, ut aliquando definam esse talis, qualis sum homo: incipiam autem tibi esse per omnia mihi possibilia similis homo.

Feriâ



28. *Vnde es tu? Non haberes potestatem. Majus peccatum habet.*

1. **M**irabilis hæc interrogatio. Vnde es tu? eamq; & tu ad IESVM usurpa, ex eoq; reverenter & humiliter quære: Mi IESV unde es tu? scio quòd sis à Deo, quòd à Deo processisti, & venisti, scio quòd sis Homo conceptus de Spiritu Sancto, natus de Virgine, sed hoc non quæro abs te mi IESV, illud quæro unde es tu? tu sic saucius, sic illusus, sic abjectus, sic sangvinolentus. Vnde es tu in tantis injurijs tam mitis, in tantis doloribus tam patiens, in tanta desolatione tam constans. Nec mirare quòd ego quæram hoc, etenim quærunt illi, qui in te semper desiderant prospicere Angeli: sedent & dicunt. Quis est iste qui ascendit de Edom & de Bosra, tinctus sanguine, &c. An à peccatis meis & iniquitatibus meis talis factus es? An ita plagatus es in domo eorum qui diligebant te? an bonitas naturæ tuæ fecit te in tantis malis tam bonum, tam mansuetum, tam mitem? Vnde es tu anima mea? tu peccatrix olim, modò mundior, tu olim vaga, modò firmior, tu prona quondam in malum, modò constantior, nec sic averfa à bono. Nonne id habes à IESV Christi sanguine? & quid retribuïs?

2. **I**ndignationem Pilato movit silentium Christi, jactabat potestatem vitæ & necis, sed Christus animosè ferociam retundit, & ait; non haberes potestatem adversum me ullam, nisi tibi datum esset desuper. Hoc est humiliari scire sub potenti manu Dei, hoc est ipsas etiam injurias acceptare, non tanquam à malefactore, non tanquam ab iniurioso, sed tanquam à manu Dei venientes. Nec est ulla efficacior fructuosè sustinendi injurias ratio, quàm cogitare, sibiq; pergruere quòd Deus potestatem fecerit iniurianti, iniuriam

fa-



faciendi. Quis verò audebit nolle id sustinere quod intelligit Deum, ut sibi accidat vel permittere, vel etiam præcipere, Dominus Deus hoc mihi sub titulo iniuriæ humanæ misit, ego mancipium Dei mei illud non acceptabo?

3. **V**erè majus peccatum est, Christi ablutum esse tam sæpe, tam copioso sanguine, nec tamen dignè Christo, Christi quæ sanguine vivere, majus enim peccatum est in magna gratia minus bonum esse, quàm in parva gratia valde malum esse, sicut enim ubi abundavit delictum, abundat gratia, ita ubi gratia abundavit, delictum sæpe abundat. Vnde etiam in die iudicii remissius erit terræ Sodomorum quàm domui Iuda. Quare? utique quia si in Tyro & Sydone factæ fuissent virtutes istæ, quæ factæ fuerant in Iudæa, in cinere & cilicio pœnitentiam egissent. Nunc ergo tu Capharnaum quæ à Deo usque ad cælum exaltaris, vide, ne usque ad inferos superbia tua detrahatur. Et quis tam sanctus erit, cui vel ipsa sanctitatis & iustitiæ gratia terrorem timoremque hunc non incutiet.

#### Feriâ 4.

29. *Ecce Rex vester. Regem vestrum crucifigam.  
Non habemus Regem.*

1. **H**icce Rex tuus ô anima mea? an te pudet exprobrationem hanc Pilati audire? an potius gloriæ tibi ducis talem te Regem habere? si ita est, dic ergo omnibus tuis sensibus, affectibus, motibus: Ecce Rex vester, huic vos conformate, huic vos submittite. O ira! ecce Rex tuus mansuetissimus, cur te non regis? ô cupiditas! ecce Rex tuus moderatissimus, cur te non inhibes? ô lingua! ecce Rex tuus tacitissimus, cur te non frænas? ô caro! ecce Rex tuus mortificatissimus, cur te non affligis? si ille Rex vester, utique vos subditi; si ille talis Rex, cur vos non tales subditi? vide, & ali-

quando



quando, intellige anima mea qualem te deceat esse sub tali Rege.

2. **R**egem vestrum crucifigam, an hoc absurdum Pilate? **O** si scires illum etiam Regem tuum esse, & Regem Regum, tum diceres, Regem meum, Regem Regum crucifigam? sed quin tu magis absurdum reputas homo, Regem tuum IESVM in tuo corde crucifigere. Non solis peccatis gravibus crucifigitur Christus, sed etiam quibusvis imperfectionibus, deliberatis peccatis, immortificationibus, scandalis, verbositatibus, tepiditate, inconstantia, neglectu proficiendi, neglectu aliorum salutem, Christi; gloriam promovendi. Horum si quando se dat occasio, tu vide quid agas? potius dicas, itane verò mi IESV ego te Regem meum crucifigam? in Cruce pendere sinam? &c.

3. **N**on habemus Regem. Quæ ista libertas & emancipatio? an iusto non est lex posita: facit enim ea quæ legis sunt naturaliter, & non ideo quia præcepta lege, sed quia honesta per se, quia placita Deo, o beata anima quæ ita comparata est, ut sine Rege regatur, sine regula vivat ad regulam, quam intra servitij Divini limites non timor, non præmium, sed charitas, sed gratia, sed natura, sed sancta roborataque consuetudo detineat, talis anima dicere potest: Non habeo Regem nisi amorem; quocumque feror, amore fertor. Amor meus, pondus meum; etsi Deus meus non præcepisset, etsi non promississet præmia, non comminatus esses pænas, non conferres beneficia, ego servire tibi vellem, voluisssem, & volo IESV; tuus amor, tibi complacendi desiderium sit Rex meus, Cæsar meus, pondus meum.

Q

Feriâ



30. *Major tumultus. Si hunc dimittis.**Barabba dimissio.*

1. **Q**uantò magis Pilatus laborat pro IESV; tantò amplius furunt & tumultuantur Iudæi contra IESVM. Quis est iste tumultus dum IESVS est liberandus? An non est ista interior pugna quam sentit homo, dum à consuetudine prava confurgere, & quasi à vinculis & morte IESVM eripere contendit, abijcienda est occasio peccati, resistendum cupiditati, sustinenda vel condonanda iniuria, subeunda confusio, prò quanti tumultus in corde! vis illos sedare? sic age. Constitue una ex parte IESVM hunc Regem dolorum, ex altera parte illam occasionem, illam iniuriam, illam confusionem, & cogita, quam partem deceat te eligere & præferre, IESVMne an alium? & nonne IESVM præferes?

2. **S**i hunc dimittis, non es amicus Cæsaris. Ultima hæc est machina Pilato expugnando à Iudæis admota, & quidem (proh fortunam!) feliciter ille Pilatus, quem tumultus, quem Principum autoritas non commoverant ad damnationem Christi, hunc unicum verbum pervertit. Et quod istud verbum? nisi illud nefandum & pudendum; quid dicent? illud inquam hominibus placendi ac satisfaciendi desiderium. O respectus humani! qui soli & semper IESVM etfi omni ratione repugnante nihilominus infandissimis & funestissimis addicitis supplicijs. O cæcæ visiones! ô non respectus! quanta est vestra vulgò in animos hominum potestas! propter vos nihil agitur mali, propter vos nihil agitur boni; vos facitis ut mala negligantur, sed malè; vos facitis ut bona omittantur, non bene. Et quæ potest esse magis mala improbitas, quàm unico hominum aspectui, gratiæ, favori, iudicio, Deum postponere universum. Hæc certè est iniu-



iniuria super omnes iniurias, quæ Deo possunt irrogari.

3. **S**ic expugnatus Pilatus statim dimittit Barabbam. Impossibile scilicet est hominibus satisfacere & servire Christo: necesse est omnino aut Christum aut Barabbam solvi. O mi IESV quoties ego Barabbam dimisi liberum! te verò morti addixi, & ad Crucem duxi, quanquam & tu mi IESV hoc ipsum in tua Passione egisti propter me, me enim ire iussisti liberum, te autem morti Crucis obtulisti vinctum; extraxisti me de luto facis, & ipse in limo profundi hæsisisti. Comedi ego uvam acerbam, tui autem dentes stupuerunt; pacis meæ disciplina cecidit super te: & quid ego retribuam tibi, nisi hostiam laudis, gratiarum actionis, amoris, & etiam vicissitudinis, ut scilicet si quando aut offendendus tu, aut Barabbas propriæ meæ voluntatis mortificandus, hunc potius affligi, & me pro te contemni, quàm te à me offendi: ut sicut tu pro salute mea prostituisti omnia tua, ita & ego pro gloria tua exponam famam, exponam vires, exponam commoditates, exponam vitam, sanguinem, omnia. &c.

Feriâ 6.

31. *Damnatur IESVS ad Crucem.*

1. **D**amnatur IESVS. Quid mihi fiet? si iustus non salvatur, impius & peccator ubi parebunt? Audite impij, qui Dei iudicium ita contemnitis, acsi illud futurum non crederetis; potuit innocentia damnari apud iniquos, nequitia apud iustum Iudicem Deum non damnabitur? Invenit Pilatus quomodo damnaret IESVM, non inveniet Deus quod damnet in peccatore? Et non times Deum ô homo! tot tantorumq; scelerum conscius. Damnari non vis à Deo, damna te ipsum coram Deo.

2. **D**amnatur IESVS. O damnationis rei! caput erigite; damnatur enim Salus & Vita, ad vitam vestram &

22

salu.



salutem instaurandam. Damnatur Innocentia, respiret noxi-  
us; in salutem enim ejus est ista damnatio. IESVS non solum  
accusatur, non solum vituperatur, non solum examinatur,  
non solum iudicatur, sed etiam damnatur: tu te extra cen-  
suram, extra reprehensionem, extra inquisitionem, extra ad-  
monitionem, extra iudicium, extra damnationem esse vis?  
Non est postremus iste humilitatis gradus, imò tantò altior,  
quantò rarior; videas in multis multos alios humilitatis gra-  
dus, hunc non item nisi in valde perfectis, & ad IESV Chri-  
sti mores bene conformatis.

3. **D**amnatur IESVS, tu absolvi desideras; si in eodem  
iudicio ab eodem Iudice IESVS damnatur, solveris  
autem tu, quis te IESV Discipulum & non potius Barabbæ  
Sodalem vocet? An non si Patrem familias Beelzebub voca-  
verunt, tantò magis domesticos ejus? quomodo ergo tu pla-  
cere potes mundo, ut non displiceas Christo? Certissimum  
signum est te Christo dissimilem esse, si te mundus suâ senten-  
tiâ absolvit. Tunc verò Christo similis es, quando te mun-  
dus eodem quo Christum loco reponit, quo autem loco Chri-  
stum mundus ponit, loco damnationis; odij, persecutionis,  
Crucis, purgamenti, stultitiæ, scandali, peripsomatis, es tu  
hoc eodem apud mundum loco, spera te prope ad Christum  
accessisse; proinde plus ama mundi odia quàm studia; etenim  
si placueris mundo, omnino necesse erit te displicere Christo.  
Sabbato.

32. *Traditur voluntati Iudeorum. Exutus chlamy-  
de. Suâ veste induitur.*

1. **D**amnatus IESVS traditur voluntati Iudeorum, ma-  
nibus autem carnificum. Hic cogita anima mea IE-  
SVM in manibus ac potestate tua esse, ut eum vel crucifigas,  
vel à Crucis morte liberes. Ecquid potius ages? non te ad pe-  
des



des IESV abijcies? & per omnia iura & sacra testaberis, te eius sanguinem amare, dolere ejus dolore, & in crucifixionem ejus nullo modo consentire. Nolo, nolo: protestor mi IESV, nolo mortem tuam.

2. **P**ostquam IESVS damnationis nuntium audisset, sine dubio immensas Patri Aeterno egit gratias, quod se adduxisset in horam hanc damnationis, quâ posset in honorem ejus, in salutem verò hominum mortem Crucis appetere, obtulitq; illi suam illam damnationem ad tollendam Adæ, posteritatisq; ejus condemnationem, non solumq; non inculpavit iniustitiam sententiæ, sed inusitatâ quâdam cordis hilaritate, amorisq; fervore illam auscultavit, & ad Crucis trophæum festinavit longè alacrius quàm solent ij, quibus aut regij fasces, aut triumphales pompæ decretæ sunt iucundo quodam animo memoriam futuræ illius diei recolere solent & exspectare. Vide iam quas tu gratias Deo in contemptibus agas? quomodo te Divinis obsequijs honoribusq; offeras? quomodo aspera, aut etiam iniqua aliorum de te iudicia auscultes? quomodo formides timore præscitæ confusionis?

3. **D**ucendus ad mortem IESVS, ut cognosceretur ab omnibus, chlamyde exuitur, suâ veste induitur. Quis nostrum est (qui scilicet imitationem Christi jactamus) qui subiturus aliquid in conspectu hominum omnis generis, præsertim sibi notorum, non dico infame crudeleque, sed vel aliquantum indecens ac vile subiturus aliquid confusionis, deperditurus de opinione doctrinæ, ingenij, virtutis, generis, industriæ, non cupiat non agnosci. En IESVS alienas vestes ponit, suas sumit, agnosci in sua vilitate & ignominia vult, & ab omnium ora oculosq; inter latrones ad Crucis patibulum pergit. O IESV, quando tandem hoc germano spiritu tuo implebor? quando ita Crucis & confusionis tuæ fame & siti cruciabor? ut eam non solum non fugiam, sed etiam quæ-

ram



ram, & per omnes circumstantias ultro mihi augeam & ag-  
gravem? IESV, per viscera tua peto, da mihi famem hanc  
ardentem, assiduam, efficacem: volo statim, volo hodie, sem-  
per, in omnem crucis ferendæ, & ignominix subeundæ, au-  
gendæq; occasionem imminere.

### DOMINICA 5. seu Passionis.

#### 33. *Crux Christo imposita & baiulata.*

1. **O** Quam non æquis donamur, tu Piissime IESV, &  
ego vilissimus homuncio, partibus? Tibi hodie crux  
mea: mihi caro tua: ego paravi tibi, & imposui Crucem, tu  
parasti mensam in conspectu meo. O Amor IESV! quid non  
excogitas? mihi debebatur Crux: tu autem amor dedisti il-  
lam Christo pro me, ipsum autem Christum in Sanctissimo  
Sacramento adducis mihi. Mi IESV, quo te sensu, quo gu-  
stu, quâ fame recipiam? nolo aliam præter illam, quâ tu Cru-  
cem oblatam tibi suscepisti, & amplexus es. Mansuetissime  
IESV per illud cor tuum suavissimum te rogo, instilla mihi  
affectum illum tuum Crucis tuæ, ut illo ipso semper erga te,  
erga Sanctissimi tui Corporis Sacramentum, nec-non erga  
Crucem tuam ferri velim, & possim, & gaudeam.

2. **C** Rux Christo imposita, est onus peccatorum no-  
strorum in Agno peccata mundi tollente: est opus  
nostræ redemptionis, est præceptum Patris, est principatus  
ejus super humerum ejus, est contemptibile lignum, quo in  
diluvio salvamur; IESVS autem Crucem baiulans quid est,  
nisi Spectaculum Patris, Victima mundi, Botrus torcular su-  
um portans, seu illi impositus. Imperator armatus, Scutum  
hominum, Ara simul & Victima: Vexillifer & Antesignanus,  
omnes ad se sequendum provocans: Christianorum Stemma,  
Sigillum, Prototypum, Adam sub ligno vetito non carpens,  
sed solvens fructum ejus. Ex his omnibus carpe tu fructum



imitationis, gratiarum actionis, admirationis, compassionis, gaudij. Non tam probrosum est Christo Crucem suam ferre, quàm peccatis Christianorum offendi; ob Crucem sibi impositam non est iratus; ob peccata, quantis nos malis non affecit, & pergit afficere Ecclesiam quotidie? quomodo vel ipsum sui Sanctissimi Corporis Sacramentum ab Hæreticorum Turcarumq; pedibus calcari finit? scilicet intolerabilior illi Crux peccatorum est, quàm quævis alia; quoniam ne illam ferret, istam pertulit, & perfert.

3. **B**Aiulat Crucem IESVS iam fractus & destitutus viribus præ fame, siti, vigilia, vexatione, flagellis, verberibus, doloribus, contumelijs, itineribus, hostium odio, statione tam longâ similior mortuo quàm vivo; & nihilominus quasi integer esset viribus, Crucem suam tulit, & funesto illi oneri humeros miserabiles supponit. Vbi mæx deliciz & delicati nimium labores? vix tantillo fatigor labore; iam mercedem haberi, iam meliori compensari tractatione, iam maiori existimatione rependi cupio; quietos annos velut cæmeritis exigo, immunitates ab ordinarijs postulo. Hoc scilicet est Crucem suam etiamsi fortè fatigatus sis, exemplo IESV ad extrema adducti subire? imò hoc est etiam vix acceptam proijcere, & pondus ejus fastidire. O IESV! da mihi heroicum tuum fervorem, ardentissimamq; sitim, avidissimam famem tuam, in appetendis subeundisq; doloribus & contemptibus propter te, quæ nunquam langveat, nunquam expleatur, nunquam dicat sufficit; sed potius affer, affer, amplius Domine, amplius.

Feriâ 2.

34. *Mulieres sequentes. Lamentantes consolantur.*

1. **C**ONsidera, quomodo totâ fremente contra Christum Iudæorum gentiliūq; turbâ, eumq; ad mortem deducen-



ducente, reperta nihilominus sint aliquot animæ, quæ illum sic tractatum flerent, & lamentarentur; & quidem feminæ erant, naturâ timidæ, fragiles, contemptibiles; sic scilicet infirma & stulta, & contemptibilia mundi elegit Deus ad suam sapientiam, & relictis potentibus, magnatibus, sapientibus, superbis, donat infirmis & abjectis sentire posse mysteriorum suorum sensus, eorumq; dulcedine pasci. Quis discipulorum ausus est tantum, quod audent hæ modicæ feminæ hoc tempore? nempe Deus sigillatim fingit corda hominum, & ex quibus vult instrumentum sibi format aptum suis operibus, quod gnarum suæ ineptiæ, bona Deo, malâ sibi tribuere sciat. Hinc videas rudes vulgò homines, plus suavitatis in orando experiri, quàm doctos; imperitos facilius & felicius magna etiam exequi, quàm peritos & versatos; scilicet Deus magis præsto est ijs, qui se ejus auxilio magis egere sentiunt. Itaq; & tu si vis promptum auxilium Dei experiri, nihil te esse posseq; practicè agnosce; quanto melius id in te de te senseris, tantò celerius ac robustius iuvaberis.

2. **L**achrymis compassionem super Christum ostendunt, hæ miserabiles Sanctæ Matronæ, & quidem illæ in IESV nihil fortè aliud præter purum hominem calamitosum, nuper in aliquos suorum beneficium, nunc verò indignissimè habitum, & turpissimæ morti destinatum agnoscebant. Quid iam me hoc, quod verè est, de Christo credentem, facere addebet, cum illum tam indignè tractatum video? & quidem cum me in causâ esse agnosco? pro pudor & duritia cordium! quàm sæpe vincimur à mulierculis & rudibus, & sæcularibus, & occupatis hoc mundo, nos scilicet viri spirituales, sapientes, Deo devoti, quot ego totâ vitâ meâ, imò hoc anno in Christi gratiam, in laudem Dei lachrymas fudi, & quid dicam? quot adij pericula, labores pertuli, onera sustinui.

3. **O** Nunquam frustra in Christi compassionem profusa



se lachrymæ plorant mulieres, vertitur IESVS, & sui oblitus, alienum fletum solatur. O quam promptus est ad beneficia repetenda IESVS; quam tardus idem ad vindicandas iniurias; tot accepit in Passione sua iniurias, neminem tamen ultus est; unicum accepit compassionis affectum, mox rependit. O miram IESV fœvitatē! ô raram gratitudinis virtutem in nobis, & præsertim erga Deum! utinam illam discam ab IESV!

### Feriâ 3.

35. *Beata steriles. Montes cadite. Si in viridi.*

1. **B**EATÆ steriles animæ, quæ peccatis suis **CHRISTO** mortis causam non præbuerunt, vel leviolem præbuerunt; quisquis est, magnus est: ego autem talis non sum, qui super multitudinem arenæ maris peccavi. Vtinam sterilior essem, aut planè sterilis ad peccandum, ut beatus hodie abs te IESV essem, & quando tandem pigebit me offendere te? quando tandem renuntiabo perfectè omni non solum malitiæ, sed etiam vanitati, tepiditati, imperfectioni. Beata illa sterilitas, quæ frenans concupiscentiam, domans irascibilitatem, emendans malitias, supplens ignorantiam, fetum peccatorum extingvit, & concepta suggestionum pravarum femina elidit. Istam sterilitatem animæ meæ quando tribues mi IESV? ô quare non modo? quare non hâc horâ finis turpitudini meæ?

2. **M**ontes cadite super nos, quorsum iste imber mi IESV? formidanda hæc pluvia est. Sed tamen iustitia tua Deus, sicut montes Dei: & quis sustinebit eam, quando congregabis gentes & disceptabis cum eis? Duplices montes habet Deus, alij sunt fœvitatē, alij severitatis. Primi sunt mons Misericordiæ, mons Gratix, mons Expectationis ad pœnitentiam, mons Beneficiæ, mons admonitionis

R

tionis



tionis, inspirationis, vocationis, mons Paternæ correctionis, mons promissionum æternarum: Beati verò montes & optandi, qui utinam cadant super nos, & obruant nos, absorbentq; ad salutem. Secundi montes sunt mons Iustitiæ, mons Vindictæ, mons reprobationis, mons tribulationum & pænarum: mons iræ & furoris, mons exprobrationis, mons damnationis æternæ & ardorum sempiternorum. O montes graves & intolerabiles, quorum memoriam recolens Iob, ne ipsius quidem memoriæ eorum pondus ferre valuit. Illos priores montes, qui nunc negligunt, qui deiiciunt, qui dissipant, complanant, quando in mortis & iudicii die posteriores montes imminere sibi & impendere videbunt, tunc primum clamabunt: O montes pietatis, montes sancti, montes benigni, cadite super nos! at serò. Nunc, nunc hos montes excipiam, ut illos non timeam Domine IESV.

3. **V**erè virens lignum Christus, qui de flore Virgine Sancta excrevit; nunquam virore caruit, nunquam illum deperdidit, nunquam imminuit, sed potius sicut lignum plantatum secus decursus aquarum, ne folium quidem dimisit, fructum vitæ semper in tempore suo dedit. Virens lignum Christus, solus inter omnia ligna sylvarum & ariditatem, & sterilitatem non admittens, unde etiam nec securim, nec ignem metuens. Vnde autem in viridi isto ligno tanta faciunt, an hoc est severitatis exemplum Divinæ, quod ipsa proponit, ideo, ut sapiente flagellato, & innocente punito, pestilens sapiat, & peccator pœnitentiam agat: quoniam si naturalibus ramis non est parsum, quomodo parceretur adoptivis? Si ego adhuc in virente ætate tam sum tepidus & delicatus religiosus, quid fiet in ætate fractiore? Si tot præventus & vallatus gratiæ tamen cado, quantum caderem si illis carerem.



36. *IESVS sub Cruce deficit. Simon portare cogitur.*

1. **I**ESVS sub Cruce deficit. Docet Crucem patientiæ, abjectionis, mortificationis, laboris pro Christo & animarum salute, ad defectionem usq; esse portandam: cadere & mori sub Cruce Christianum, Religiosum, IESV Socium decet, abijcere illam non licet. IESVS sub Cruce deficit, tu non deficies adhuc sub peccato & à peccato, non deficies à libera & soluta, & tepida vita? IESVS sub tua cruce deficit, ne tu sub ejus unquam deficias iugo. Infirmitas enim ejus tua est confirmatio; ne accusa gravitatem & onera Christianæ vitæ, spiritualis vitæ, non dum te illa ad defectionem pressit, sicut tua vita mala Christum pressit, non dum vitam Christi & Crucem ad defectionem virium portasti; & esto portaveris: portavit & IESVS propter te, prior te; non dignus est ut posterior tu portes pro illo, IESVS fert Crucem usq; ad defectionem, non te pudet mollietati tuæ? digitus dolet, caput afflictum est, debilitas invasit, iam eximi à communibus officijs & pro te suppleri poscis. Robusti spiritus non est hæc natura, opprimi potest, quiescere non potest. IESVS sub Cruce deficit, & miraris mi IESV, nos illam horre, nos sub illa cadere infirmos, quæ te gigantem oppressit, auge gratiam, da patientiam, ideo enim tu gravitatem Crucis pertulisti, ut nobis alleviaretur. IESVS sub Cruce deficit, ejusq; ponderi succumbit; sed succumbendo. Cruci pondus ademit, horrorem & ignominiam detraxit; levitatem verò, sanctitatem, honorem indidit. Hinc tanti ad illam concursus, quos alioqui IESVS non futuros videbat, nisi ipse illi suas vires ademisset, cælestes verò proprietates impressisset.

R.

Dum



2. **D**VM IESVS sub Cruce deficit, Simon de villa veniens eam subit; mirum est, cur IESVS qui haecenus nullius pænz socium habere voluit, ad solius Crucis societatem admittit, & ut Crucem Simon pro se & post se ferret, permittit. An tanta est Crucis gravitas, ut ei ferendæ IESVS ipse par non fuerit? an potius tanta omnibus Crucem ferendi incumbit necessitas, ut nullus ab ea se excusare possit, sed velit nolit eam ferre debeat? An tanta est etiam ejus suavitas, ut eam IESVS abundè persentiens, in alios etiam effundi voluerit, & ab alijs gustari? An ostendere voluit Crucis fructum non sibi, sed alijs esse applicandum; applicandum autem non manentibus in villa, seu mundum amantibus, sed ex-euntibus de villa, scilicet mundum contemnentibus.

3. **S**imoni Cyreneo de villa Cruz imponitur post IESVM portanda, cur non alicui magnatum? cur non alicui sapientum? alicui discipulorum? Simon quærendus erat, quia solus Simon Cruci ferendæ idoneus est; quem scilicet non pudeat subijci alteri, qui non innitatur prudentiæ suæ, qui non solum spiritualis vitæ professione gloriatur, qui non ideo Christum sequatur, ut ditior, sed ut melior fiat; uno verbo qui obedire sciat Deo, & omnibus propter Deum: ille dignus est Cruce Christi. O Simon, quàm invidenda fors contigit tibi, vel coacto? O si mi IESV tuo id mihi contingat munere, ut Crucem tuam subire, post te ferre, ferre autem libenter, hilariter, avidè, imò etiam superbè possim & velim, quòd si tam ineptus sum, & tanti amoris Crucis tuæ incapax: cogi volo mi IESV. Saltem capax ero coactionis, si non sum voluntatis.

Feriâ 5.

37. *Vinum myrrbatum gustat IESVS.*

*Non tamen bibit.*

1. **N**Overcalem animum & odium plus quàm insatiabi-

le



le, quod neq; benefacere sine tormento novit: præbet vinum myrrhatum crucifigendo Christo, tanquam eum confortare, aut alienare à sensu doloreq; mortis volens, sed ne illa misericordia crudelis non esset, fel admiscet. O crudelitas! si à doloris sensu alienare vis, cur fellis amore crucias? An propinare odium Christo quo furebas, volebas? sed quia non poteras, ideo in symbolum & signum odij fel propinabas? An rimabaris viscera Christi, quæ sola à tua rabie adhuc immunità restabant? nullum sensum Christo & membrum reliqueras inviolatum; lingua supererat, hæc igitur erat felle crucianda. Molesta erat forsitan illa Christi tantis in doloribus patientia & taciturnitas felle carere videbatur lingua illa, & cor illud, ergo vel adventitio tingenda erat, ut saltem sic ad asperitatem & querelas proliceretur.

2. **G**ustat IESVS de felle, quia hoc opus erat ad cruciatum gulæ. O infelix sensualitas & ciborum deliciarum appetentia, quæ Christo fellis præbet pocula, at ego miser & ingratus, hoc Christi cruciatu ad gulæ mortificationem non excitor, sed post tot in vita spirituali transactos annos, adhuc tentationi quotidie succumbo carnali. O fel Christi! quando tamen mihi sapias? quando incentiva ista deliciarum ignisq; bestialis pabula perfecte detestabor & excutiam? IESV mi, per fellis abs te gustati acerbiterem, da mihi hostis huius perfectam, constantem, æternamq; debellationem. Mihi ciborum delicias, sibi felli amarorem IESVS reservavit, sic bonus Pastor & Pater sibi subtrahit, ut me pascat.

3. **N**on bibit IESVS vinum myrrhatum, quia confortari noluit ad Crucis cruciatum. Nudus ab omni omnino solatio & auxilio, pati & mori Christus noluit, ut sua Passio plena & solitaria, & sincera, nulliq; commoditati permixta esset. Et tu anima mea quando disces? quando asve-

ices



feces omni exui solatio, & merum Passionis Christi calicem gustare? Renuntia exnunc in conspectu IESV Christi omnibus solatijs quæ percipis ex convictu, ex amicis, ex commo-  
ditate, sanitate, successu aliorum, amore & cura, habitatio-  
ne, talentis. &c.

Feriã 6.

38. *Ventum ad locum mortis. Detrahuntur vestes.*  
*Crucifigitur IESVS.*

1. **A**D locum mortis venit Vita, ut ad locum vitæ ve-  
nirent mortui; & fortè ideo moriente in loco illo  
Christo surrexerunt mortui, & venerunt in sanctam civita-  
tem, ut quid ergo in loco mortis adhuc hæres homo? cur non  
festinas migrare ad regionem vitæ? Venit IESVS ad locum  
mortis, cur tu fugis locum & occasionem mortificationis?  
Non stetit Adam primus in loco vitæ, ideo stetit secundus  
in loco mortis, cur tu stulte primum potius quàm secundum  
Adam æmularis? Pijssime IESV gratiæ tibi, qui me à monte  
mortis ad montem vitæ terramq; viventium trahis, & trans-  
fers, confirma, & radica me in hoc loco sancto & monte san-  
ctificato, ut nunquam ad regionem morientium convertar  
animo.

2. **D**etrahuntur vestes Christo crucifigendo, an non po-  
tuit vestitus IESVS crucifigi? potuit, sed Crux ve-  
stitos non amat; facilius est in paupertate Christi nihil quàm  
vel minimum quietè possidere. Exue te homo, exue omnibus  
non solum superfluis, non solum utilibus, sed etiam quan-  
tùm potes necessarijs. Opus tibi aliquibus est, sed crux illa  
non admittit, abijce. Quòd non admittat perfectos crucis  
amatores aspice, pares tibi, meliores te, iuniores, posteriores  
te, egentiores te, carent quibusdam, quibus tu carere non po-  
tes; non te pudet deteriorem esse illis, quibus exemplo esse de-  
bueras



bueras? Non te pudet pauperiores alios videre, facere esse, velle, quam te; cum tamen tu plus illis ad puritatem paupertatis obligatus sis? si in Cruce nudus non es; in Cruce verè non es; quia plenè in Cruce non es, hoc enim quod retines, eò plus de Cruce diminuit, quò plus solatij terreni permittit. Nudos perfectè vult Crux, nudos solatio privato, solà vitâ communi contentos; si in Cruce nudus non es; ubi eris? aut in Cruce, aut in inferno perfectè nudari debes: elige, ubi potius velis. Adam cum gustasset ex ligno vetito, indutus est. IESVS gustaturus de ligno Crucis & tormento, exutus est: an ideo, ut sicut ille cum gustasset nudum se vidit; ita IESVS gustaturus nuditate suâ vestire illum voluit.

3. **T**otâ vitâ suâ IESVS Crucem portaverat ab instanti conceptionis suæ, tandem crucifigitur, & eidem configitur. Hoc est proficere, hoc est quotidie meliorem fieri, scilicet crucem quotidie plus amare, semper mortificationem suâ plus anhelare. Semper sensualitatis fomenta sibi subtrahere. Crucifigitur IESVS, quando crucifigeris tu? tu inquam, qui tam pridem Crucem amplexus es, qui tantòpere alijs crucifixionem suâ svades, qui te crucifixum esse ostentas, qui alios crucifigis, qui alios crucifixos tantòpere vis, & non esse indignaris. Crucifigitur IESVS Amor ille meus, & cur ego non sum? an ego melior sum eo quem amo? O quando tibi assimilabor Amor mi? quando tibi configar? gloriatur quidam magnus crucifixi amator, se Christo confixum esse Cruci: quasi dicat, Christum crucifixerunt milites, at non solum etiam me cum illo, quoniam ubi Amor meus est, & ego necessario sum, siquidem anima magis ibi est ubi amat, quam ubi animat. Item propter me mihi in meum bonum Christus Cruci affixus est, at ego quoq; propter Christum & Christo crucifixus sum. Præterea Christus Cruci affixus est clavis, at ego Christo, Christum in Cruce tenent clavi, me Christus



flus; deniq; quod est Crux Christo, hoc est Christus mihi, confixus est Christus Cruci, ego Christo tanquam Cruci. O mi IESV configantur tibi alij ut diviti, ut pulchro, ut syavi, ut potenti, ut mirabili, ut glorioso, ut triumphanti: ego non sic configi tibi cupio, sed tibi ut abjecto, ut pauperi, ut humili, ut nudo, ut dolenti, ut contempto, ut contumelijs affecto, ut crucifixo. Sapias alijs, in alijs, mihi absit gloriari nisi in Cruce tua, absit me scire aliquid in mundo nisi te, & quidem non alium quam crucifixum.

### Sabbato,

#### 39. *Titulus, Elevatio, Latrones.*

1. **C**hristum crucifigi & titulum affigi quid est? quam peccare & peccatum prædicare? & quoties gloriamur in rebus pessimis, si quem confudimus, si vexavimus, si irrisimus, si contristavimus, si in faciem restitimus, veluti rem bene gestam alijs referimus, quod quid est aliud, quam titulum Christo crucifixo apponere? Christus crucifixus titulum sibi adscribi & nomen addi volebat, qui miraculis coruscans, nomen suum sileri ab his quos sanabat, iubebat: & ego non sic: ego aliquid mali subij, aliquid probrosi, fileo & latere cupio: boni aliquid conatus sum, neminem nescire volo.

2. **C**onfurge tu qui evangelizas Sion, super montem ascende, elevare, quousq; sola terra, sola Ierusalem dolores tuos, & portenta virtutum, amorisq; tui spectat, spectet etiam æer, spectet orbis; anima mea quæ est ista? & cui usui parata machina quam elevari conspicias? An hoc pacto scelus suum Israël toti mundo patefecit, & tanquam Sodoma prædicavit? An ignominia dolorisq; causa attollitur? an ut tu quò tandem currere, quò confugere possis habeas; exponitur? An liber amoris, humilitatis patientia, paupertatis, doloris, ignominia, tibi legendus expanditur? Elevatur.

IE-



IESVS crucifixus à terra in altum: quousq; ergo tibi anima  
crucis tue parvæ humiles & quasi terrenæ sunt? & quando  
generosa & ardua perpeti incipies?

3. IESVS cum latronibus, te pudet agere cum vilibus.  
IESVS cum sceleratis deputatus est, te pudet humili-  
bus & contemptis accenferi. IESVS inter latrones est, ut  
inter Angelos & homines, inter reprobos & prædestinatos.  
Maledicit unus, defendit alter latro Christum, salvatur unus,  
perit alter, prò! quid hoc? non ambo æquè vicini Christo,  
non ambo crucifixi, audi ô homo, Religiosus es, in cruce es,  
cum Christo es, sed non dum securus es. Non in cruce pen-  
dere, sed Christum agnoscere, defendere, adorare, prædica-  
re, latroni saluti est. Non in Religione esse, sed inibi bonum  
esse, saluti est. Et de cruce, & de claustro, itur ad tartara.  
O IESV! quid prodest te sequi, si non contingat consequi?  
O IESV! Crux tua, professio scilicet vitæ huius ad salutem  
mihi sit, non ad ruinam suffigar cruce spirituali, sed verè Re-  
ligiosus sim, sed verè moriar tecum, sed non extra te.

#### DOMINICA Palmarum.

40. *Vestes Christi. Omnis generis blasphemia.*

*Oratio Christi pro crucifixoribus.*

I. Nudus Christus in Cruce pendet, vestimenta ipsius  
in oculis ejus aut scinduntur, aut sorte obtinentur.  
Quid est Christum nudum relinquere in Cruce, vestes autem  
rapere, animæ curam negligere, corpus verò & externa cu-  
rare, imitationem Christi crucifixi & passiones doloresq; ejus  
refugere: specioso autem servitutis ejus titulo gloriari, & ve-  
ste contegi, & ob hoc solum exterius Christum sectari, ut ho-  
nor habeatur, ut cura victus, vestitus, habitationis, aliarumq;  
necessitatum non sustineatur. Nudus etiam tunc Christus  
pendet, vestes verò ejus rapiuntur, quando quod gratiæ Dei



opus est, tamen industriæ humanæ propriæ attribuitur; quando etiam quod tu bene fecisti: alteri, vel ab altero imputatur: patitur hoc Christus in Cruce, patere & tu, solamq; facti conscientiam Deo reserva. Vestes Christi servi ejus sunt, has aliquando Christus relinquere videtur, quando tribulari, vel à sanctitate eos cadere permittit. Quare autem dividuntur vestes Christi? nisi quia non sunt crucifixæ cum Christo; ita ergo & servi Christi, si cum Christo in Cruce essent, dividi ab ipso non possent. Dividuntur autem à Christo ante crucifixionem, quia rarissimus est qui cum Christo possit sustinere tentationem & mortificationem. Hinc Dominica in Palmis Christo stratae sunt vestes, in Passione verò eidem suæ detractæ, quia scilicet triumphanti Christo & faventi multi sunt servi, ab afflicto verò etiam sui discedere non erubescunt. Rarus sanctus in tribulatione Christo conjunctus.

2. **S**I Filius Dei es, descende de Cruce. Alios salvos facit, se non potest. Sine; videamus an veniat Elias liberans eum. Christus Rex Israël descendat de Cruce, & credimus ei. Confidit in Deo, liberet eum nunc, si vult: salvum fac temetipsum & nos. Hæ, & infinitæ aliæ ab omni hominum genere in Christum crucifixum jactatae sunt blasphemias. Nullo tempore Christus plures legitur blasphemias, quàm pendens in Cruce pertulisse. An ideo, quia lingvæ peccata hæc ultimâ coronide Christum affligere & à Christo expiari debebant? An quia ubi ultimas Christus exerebat patientiæ vires, extremasq; ducebat mansuetudinis lineas, mox, mox manum de tabula ablaturus, ibi maximè ad impatientiam & indignationem fraude dæmonis occasiones præbebantur? An quia inchoata bene, & acta fortiter, ut quoq; perficiantur constanter, præcipuè est allaborandum, quippe finis maximè diabolus invidet, & calcaneo potissimum insidiatur. Cautus ergo esto tantò magis, quantò magis appropinquans  
fini



hui vel vitæ, vel operum, vel officiorum. Item tantò magis Dei laudibus & servitijs incumbere, quantò plures tibi adversarij consurgunt, & quantò magis opera tua hominibus displicent. Scito etiam extremam sanctorum & perfectorum vitam ordinariè tribulationibus & tentationibus inprimis verò detractionibus infestari, ad hoc ergo te præpara & obarma quantò eris sanctior, quantò perfectius Crucem Christi conscenderis, tantò magis lingvis aliorum & domesticorum laceraberis.

3. **O** Ineffabilis dulcedo cordis Pijssime IESV! O vocem ab initio mundi non auditam! O dignam Dei Filio patientiam! mansuetudinem! charitatem! Ad vocem istam creatus est quasi denuo mundus, alioquin ob scelus necati Filij Dei periturus. Ad vocem istam magis quàm ad ipsius crucifixi spectaculum mollita sunt saxa, excitati mortui, exultavit terra, erubuit mundus, quòd tantam impietatem in tantam Pietatem commississet. O vocem omnibus Christianis, & præcipuè perfectionis studiosis medullitus ediscendam! O si tu anima mea aliquantum tibi præfigas temporis, ut admirabilis hujus precationis vim, sensum, originem, proprietates, effectus, quàm solidissimè, fructuosissimè, efficacissimè consideres, ediscas, usurpare consvescas; IESVS orat pro hostibus, excusat crucifixores, tu eos, qui tibi minùs satisfaciunt, ægrius ferre audebis. Pete à Christo cor Christi erga inimicos tuos.

Feriâ 2.

41. *Hodie mecum eris. Mater iuxta Crucem.*

*Ecce Filius. Ecce Mater.*

1. **C**onsidera quàm ferventer conversus sit iste bonus Latro ad Christum, qui tam optandam promissionem obtinere, & dignus cælo evadere potuit. Vide te ipsum

S2

quam



quàm tu pridem in hac cruce vitæ religioſæ Chriſti cauſâ pen-  
des? necdum tamen mereris audire à Chriſto, hodie mecum  
eris: quòd ſcilicet non tam ferventer converteris. Et non te  
pudet, quòd publicani, peccatores, & latrones præcedunt te  
ad Regnum Dei? quantum dedecus eſt audire dum Latroni  
dicitur, hodie mecum: te autem formidare ne dicatur tibi:  
Nunquam mecum eris. Cur ergo non aliquando peccata &  
vitioſos mores deſeris? cur non reſoluto animo Crucem Chri-  
ſti amplecteris?

2. **C**onſidera anima mea Matrem hanc ſupra modum  
mirabilem iuxta Crucem Filij conſiſtentem. O ma-  
re æneum verè magnum, mare quidem ob amaritudinum co-  
piam, æneum ob animi tantam in lætibus & doloribus fir-  
mitatem! O Mater admirabilis & miſerabilis, magna eſt ve-  
lut mare contritio tua! & non eſt qui miſereatur tui. O ſtu-  
penda Mater, quæ Chriſtum IESVM Filium parturit iterum,  
ſed non ad vitam, verum ad mortem, non cum exultatione,  
ſed cum dolore, non in ſtabulo, ſed in Cruce; non in nocte,  
ſed in meridie. O admirabile & lachrymoſum puerperium!  
O dura Maternitas, quæ hæc lege paris, ut prolem amittas, &  
cujus parere, eſt Filio carere! O anima mea, mirare mecum  
hanc tam modeſtam in dolore, tam conſtantem in adverſis,  
tam quietam in tanta perturbatione, tam miſericordem in  
compatiendo, tam mitem in condonando, tam reſignatam in  
Dei voluntatem, tam magnanimam, in honore ſuo propter  
Filium crucifixum proſtituendo. Pete ſupplex à Matre iſta  
dotes iſtas, ardentè illi conformari concupiſce, ex corde illi  
compatere, & modo, quo Filio ſuo illa compatitur.

3. **E**cce Filius tuus: Ecce Mater tua. O voces miras!  
mortaliumq; cordibus optatiſſimas! Filium effici  
Virginis quid dulcius? Matrem habere MARIAM quid ſecu-  
rius? O Mater non dedignare nos filios, quoniam Deus non  
eſt



est dedignatus te Matrem, impares tibi sumus nos, sed & Deus te infinitè dignior. Facta tamen es tu Mater Dei propter nos, fias igitur Mater nostra propter Deum, peperisti nobis Deum, parias nos Deo. Non est hæc indigna dignitate tuâ prerogativa, ut fias Mater universitatis, quæ es Mater Majestatis. Facta eras Mater Dei, quando de Spiritu concepisti, facta es Mater omnium post Deum, quando à Filio vocem istam ecce Filius tuus audisti; dic igitur nunc etiam Virgo S. illud tuum solenne Ecce Ancilla Domini, fiat mihi Fili mi secundum verbum tuum. O anima mea, accipe ex hac hora Matrem hanc in tuas; ut sit deinceps Mater tua, ad illam filiali affectu accurre, illam filiali affectu venerare, illam filiali affectu dilige: illi filiali affectu fide, assiste, adhære. O MARIA: ecce tu Mater mea, da, & effice, ut sim ego dignus te filius tuus.

## Feriâ 3.

42. *Tenebra totius terræ. Derelictio.*

1. **C**onsidera crucifixo Christo Solem obscuratum in meridie, in Plenilunio. Ita scilicet dum Christus peccato crucifigitur, omnes hominis iustitiæ, omnis gratiæ splendor, omnis dignitas supernaturalis & meritum ab anima depellitur. Tenebris istis cæcitas Iudaici populi signatur, quæ hodieq; durat; designatur cæcitas gentilium, in qua vivebant, & ni Christus moreretur, perituri erant; designatur & enormitas omnis peccati, præsertim verò crucifixi Dei, ad cuius sceleris aspectum Sol exhorruerit, & mortem mundo induxerit, tanquam sepulturus æternis tenebris tanti sceleris memoriam. Ohe! horruit Sol peccatum: nos non horrescimus, in ò patramus; vide, quoties in te talis obscuratio solis contigerit, quando currebas bene, quando Spiritus Dei adfluebat, quando securus gratiæ Divinæ vivebas, in meridie ipso



ipso ad tenebras æternæ calamitatis devolutus. O! quando dignè exhorresces hanc præsumptuosam tuam securitatem, quæ te velut cæcum in foveam peccati detrudit.

2. **S**OL obscuratus est, & tenebræ per totam terram factæ sunt Christo dolente. Vsq; modò dolet, patiturq; Christus in peccatorum animabus. O tu! si Sol es, quare non contristaris? quare Christi iniurijs non condoles? quare non quantum in te est peccata tam in te si de horum numero es, quam in alijs impedis, & dolores Christi mitigas. An te obscurari pudet propter leniendos dolores Christi? & cur non puduit obscurari Christum propter destruendam damnationem tuam? An pretiosior tibi honor tuus, quam Christo sumus? An maior apud Christum tu, quam Christus apud te?

3. **D**Eus, Deus meus; ut quid me dereliquisti? verè dicis Pijssime IESV, & iustè quereris cur derelictus sis? quanquam non est vox & quæstio ista velut ignari, non est indignantis velut irati: nec est conquerentis velut offensis; sed est magnitudinem doloris opportuno tempore efficaciter declarantis, & se verè pati ac sentire grandia ostendentis. Derelictus enim eras Domine IESV, non quòd dissoluta esset unio illa naturalis & essentialis personarum & naturæ Divinæ; aut illa hypostatica unio naturæ humanæ cum Persona Verbi; aut unio gratiæ & voluntatis, aut unio gloriæ & beatificæ secundum partem superiorem visionis: sed quòd dissoluta fuit unio protectionis, quæ ad breve tempus rupta fuit, ut locum oblatio cruenti sacrificij haberet pro nostra redemptione. Placuit siquidem Patri, Verbo, & Spiritui Sancto ad exequendum commune decretum permittere, ut vis humanæ infirmitatis & possibilitatis in te ad tempus praveret, & sic transfigeretur illa hora, de qua olim dixeras ipsemet. Hæc est hora & potestas tenebrarum. Sic igitur derelictus es, quia permissum est à Deo, ut humana tua natura  
absq;



absq; omni consolatione acerbissimos dolores perferret. Sed quid dices anima, quando de Cruce pendens IESVS clamabit ad te: ô anima mea, ô mea creatione, mea tantâ & tali redemptione, ut quid derelinquis, ut quid dereliquisti me, affixum propter te, ne possem derelinquere te, quid ad hæc respondabis illi?

## Feriâ 4.

43. *Sitio. Spongia aceto plena porrecta Christo.*

1. **S**itio clamat IESVS; ô quanta vis illius sitis fuit! quæ hanc vocem expressit; naturalis fuit, violentissima fuit, ex summis longissimisq; cruciatibus, & ex multis ac copiosis sanguinis effusionibus, ex continua octodecim horarum pæna & iactatione, fatigationeq; contracta fuit. O quibus tibi austeritatibus corrupta tua natura, impotensq; gula frenanda est cum videas IESVM, tantâ siti affligi voluisse humanitatem suam.

2. **S**ed est alia Piissime IESV sitis tua gravior & svavior; sitis scilicet animarum nostrarum quas videbas pauculas salvandas, etsi tu tam copiosum sanguinem pro eis fudisses. Itaq; cupiens plures salvare, cupis etiam plus pro illis, si ita Patri placeret, cruciari. Itaq; clamas sitio; quasi dicas, quia plures animas meo sanguine efficaciter salvare cupio, ideo plures cruciatus & pænas sitio; quasi dicas: Attendite animæ quantum diligam vos, tot iam licet perpeffus propter vos, adhuc tamen dolores propter vos sitio, quasi dicas. Attendite iram & odium hostile: tu explevisti te pænis meis, & satiasti, at ego non dum. Sitio. tu iam fatigatus ô furor, at meus amor adhuc sitit & clamat, Sitio. O verè aquæ multæ non possunt extinguere charitatem! ô animæ Christianæ, ô mea anima cur tam crudelis es? cur tuo profectu sitim IESV non revelas? cur animas quas ita sitit IESVS, non sitis?

O si



O si posses obtinere, impetrare, experiri sitim illam IESV, quâ ille animas, quâ tuam animam quasivit, sitivit, curavit. Videte Christiani quid sitiat? vide tu anima quid sitis? patine pro Christo? laborare pro Christo? contemni pro Christo? an potius quiescere, honorari, bene habere, & vide quid te deceat, ita sitiente Christo.

3. **S**pongia aceto plena in siti Christo porrigitur. Natura humana spongia est, acetum corruptio. Natura ergo humana corrupta Christo propinatur sorbenda, quando illi præceptum datur de ipsa in Cruce redimenda, ideoq; sumpsisse legitur acetum, quia & infirmitatem naturæ, & passionem pro homine pertulit. Liceat quoq; mihi Pijssime IESV gustare de aceto tuo aliquando, hoc est dolores, contemptus, quæ tuos subire propter te, & sic amoris tuo conformari, nec usq; ad mortem de crucis & humiliationis studio remittere.

Feriâ 5.

44. *Consummatum est.*

1. **E**Cquid consummatum est Domine IESV peccatum Iuda, an peccatum meum? Heu quis scit, an non completa mensura malitiæ meæ, & succedat impænitens cor & reprobus sensus? O IESV libera me à consummatione ista, & serva me opus manuum tuarum; quia quæ utilitas tibi ex tanto sanguine tuo pro me fuso, si periëro nihilominus in peccato meo, tu autem anima mea time peccare, & quaslibet imperfectiones, præsertim deliberatas seriò & constanter vitare propone.

2. **Q**uid consummatum est Domine IESV? an vita tua & opus redemptionis nostræ, quod dederat tibi Pater ut faceres illud? verè, nec iota unum præteristi ex omnibus quæ audiëras à Patre; & ego quando ad tantam consummationem perfectionemq; virtutis me resolvam, ut mi-

nimum



nimum apicem de voluntate tua nutuq; & inspiratione mi IESV non præteream? ut examuffim exequar omnia quæ requiris à me, ut quàm perfectiffimè cupiam & connitar placere tibi, ſcio id non eſſe virium mearum, ſed auxiliorum tuorum. Tu ergo mi IESV conſummationem hanc operare in me, & uſq; ad ultimum anhelitum vitæ meæ conſerva illam, & adauge mihi.

3. **Q**uid conſummatum eſt Domine IESV? dolores tui, Paſſio tua, tempus poteſtatis in te inimicorum tuorum, charitas tua? Ita ſanè omnia tranſiêrunt, conſummata ſunt, perfecta ſunt, præcipuè autem caritas tua, quâ cum dilexiſſes nos uſq; in finem dilexiſti, à ſummo inchoaſti amare nos, & non niſi in ſummo deſiſti, dilexiſti nos in finem, quia in Sacramento reliquiſti nobis Corpus tuum uſq; ad conſummationem ſæculi; dilexiſti etiam in finem, quando idem Corpus tuum in dolores & mortem ipſam tradidiſti pro nobis, ita, ut tuæ Paſſionis efficacia ad finem mundi infinitis peccatis noſtris non ſit exhaurienda. O utinam propter te omnia diligam! adducam ad te omnes animas tuo ſanguine redemptas! omnia aſpera & abjecta, & vilia ſuſtineam propter te & propter amorem tui, & propter ſalutem animarum pretioſo ſanguine tuo redemptarum.

Feriâ 6.

45. *Anima commendata. Mors. Miracula.*

*Apertum Latus.*

1. **C**onſidera IESVM conſummatis omnibus cum clamore valido clamantem voce magnâ, inclinato capite, humili, & ardenti, plenâq; amoris & reverentiæ in Patrem oratione, Spiritum & animam ſuam manibus Eterni

T

Pa-



Patris commendare & mori. O miraculum super omnia miracula! ô calamitatem super omnia calamitosa, quæ mundo nunquam contigerunt! IESVS mortuus est, & pulcherrimus ille nexus purissimæ carnis cum Sanctissima anima dissolutus fte; sublatum est individuum ex humano genere maximum & excellentissimum Flos & Corona naturæ humanæ, mundi & omnis creaturæ decus, pretiosissimumq; margaritum. O damnum damnis majus! O damnum, quod scelus humanum facere potuit, reparare sola omnipotentia poterit! damnum, cui mundus universus comparari non potest, damnum, cuius solius inflictione deicidium puniri poterat, nisi per illud commissum esset. Defle hoc damnum anima mea, & ad deslendum omnes creaturas convoca.

2. **N**on est convocando opus: sponte veniunt: en terra mota est, en petræ scissæ, velum ruptum, en mortui surrexerunt. Perculit damni huius acerbitas etiam rupes, pertigit ad cadavera & in lymbum, sensumq; emortuis dedit, & tu non percelleris? O te saxis duriores, & mortuis magis mortuam animam! mota est terra mortuo Christo, tu etiamnum segnis, in torpore hæres? ruptæ sunt petræ, tu quando efficaciam tam copiosi & pretiosi in te fusi IESV Christi sanguinis emollefces? & in manibus Dei tractabilis evades? scissum est velum à summo usq; ad deorsum, & detexit Sancta Sanctorum; tu quando peccata confessione deteges? quando cor contritione scindes? quando pretium sanguinis Christi viam vitæ toti quantum in te est mundo evulgare conaberis? Monumenta aperta sunt, cur tu impiorum corda per claves pænitentiae & prædicationis Christo patefacere pigritas? surrexerunt mortui, & ad Sanctam Civitatem venerunt: tu quare non surgis? quare alios non excitas? quare ad Civitatem Sanctam Christi sanguine iam expugnatam & apertam

non



non festinas? non trahis? non compellis? Moriente Vitâ surgunt mortui, scilicet turbata sunt omnia, & in præposterarum abiêre leges. Mors non aliter occiditur aut vincitur, nisi cum ad vitam ducitur; quod enim est mors vitæ, hoc vita mortis; & sicut per lucem tenebræ, per tenebras lux occiditur, ita perniciēs vitæ mors, perniciēs mortis vita est: periit vita, revixit mors, atq; hâc ratione mortuo Christo prodierunt mortui ad vitam. Mortuus est IESVS propter te, tu quando mori incipies tibi propter IESVM? Vide quos effectus producat hæc mors Christi, quando illum incipies resuscitare in te, in alijs? Vide an tuâ culpâ, an tuâ negligentia non sit mortuus Christus? etiamnum in te, & in aliorum cordibus? Mortuus est IESVS clamans, orans, caput inclinans, Patri Spiritum tradens & committens, lachrymas fundens. Disce à Christo mori Christiane, ad mortemq; te præparare. Clamor est pænitentia & contritio: Oratio est veniæ postulatio, & auxilij contra luctas cum dæmonibus imploratio: caput inclinatum, animus est Divinæ misericordiæ & meritis Christi innixus & confusus. Comploratio & lachrymæ satisfactio est. Deniq; Patris compellatio, & Spiritus in manus ejus commendatio, nihil consciam sibi mentem & Deum videre desiderantem significat. Sic mori te IESVS docuit; sed si mori vis, quomodo mortuus est IESVS: vive, quomodo vixit IESVS.

3. **A** Pertum est latus Christi, ingredi; cor Christi cupis, patet porta; Sed adhuc illud non habes, tibi tuâq; desidiæ imputa. Et quid est habere cor Christi? inter pericula vivis, cur latus Christi non intras? ingredi anima mea, ingredi confidenter in hanc officinam bonorum & donorum, & gratiarum; si times, ibi abscondere: si nuda es, ibi vestire: Si egena es, ditare: Si ægra, sanare: si rudis, eru-



dire: si frigida, calefscito: si maculata, lavator: si fessa, quiescito: Hic habita anima mea, hic spira, hic vive, extra hoc latus nihil tibi placeat, nihil luceat, nihil sapiat, nihil vivat. O IESV, permitte me ingredi in latus tuum, permitte me in hoc Divinitatis Palatio, in hac sanctitatis sede, in hac amoris officina, in hoc gratiarum gazophilacio habitare; & da gratiam, ut in eo dignè possim degere, vivere, morari in æternum.

### Sabbato.

#### 46. *Deposito, Unguenta, Sepultura.*

1. **T**Andem accingere anima mea, & IESVM tuum de Cruce deponere; quousq; enim illum in Cruce imperfectionum tuarum extends? Considera has cruces, detestare illas, & emendationem propone. Non se ipsum Christus deposuit, sed deponi ab alijs voluit: perseverandum enim est in bonis & in voluntatis Divinæ impletionem, neq; pro tuo libitu cessandum, sed quamdiu placet Deo, manendum & patiendum; quòd si molestum est & probrosum, cogita non esse molestius dolore mortis, nec ignominiosius supplicio Crucis.

2. **D**eposisti de Cruce IESVM, non est satis; unge insuper, & mundâ syndone involve; unguenta tua, devotio voluntatis, puritas cordis, fervor orationis, stabilitas cogitationis, in Deum defixio mentis, vigor spiritûs, sublevatio à terrenorum sapore, non solum animæ, sed etiam corporis, sinceritas intentionis, constantia boni operis, deniq; iugis recogitatio & imitatio Crucis Christi & Passionis. His unguentis IESVM unge, & places; sed unde hæc tibi unguenta? pyxides aromaticas quære. En Apotheca plena & instructa IESVS ipse, tot pixides hic, quot vulnera, sanguis ejus, dolor ejus, mors ejus, hoc est unguentum ejus, hinc sume un-

guenta



genta, hæc effunde: nec metue repulsam, in hos usus exposita sunt; securus adi, fume, utere. O anima cur ergo hæc vulnera non amas? non usurpas? non oscularis? non nocte dieq; cogitas? non tibi efficaciter & medullitus imprimis? IESV, tui hoc muneris est, tu dona.

3. **S**I unxisti IESVM, etiam sepeli. Sepulchrum IESV cor tuum: saxeum sit contra peccata & tentationes, durum, cavatum tamen, excisum & novum, quia mundum & purificatum, & à turbis passionum secretum & liberum. Ibi sepeli IESVM anima mea, scilicet pactum æternum cum IESV ini, quod nempe illi servire, ipsum toto corde amare, memoriam Passionis ejus semper in corde habere, virtutes ipsius seriò imitari, in teq; exprimere, secundum cor IESV cor tuum dirigere, aliorum corda ad IESVM adducere, ipsiq; in perpetuum addicere velis. Mi IESV, mane in me sepultus, & ut tantò securius quiescas, sigillum vulnerum tuorum appone, custodijs tuis cor meum circumda, ut fiat in pace locus tuus quo maneat apud me quietus & tutus ad mortem. A.

*Meditatio & examen conscientie duo sunt præcipua vitæ sanctioris adiumenta, mutuò se adiuvantia. Meditatio lumina colligit: examen dispicit utrum hoc ad lumen incedas. Meditatio fructus profert in intellectu & voluntate, examen rationem exigit an iisdem fructibus vescatur anima per actionem. Et è converso examen conscientiam discutiendo, egestatem animæ cognoscit, ad meditationemq; velut ad opum spiritualium venam remittit, ut ibi quærat, ibi inveniat unde ditescat in Deum sumptis igitur meditando capitibus ex Passione Domini; legitime sequitur ut ex iisdem conscientie examinanda industriam eruanus. Non potes rationem salubrius tecum ponere, quam ubi totam rationem nostræ salutis posuit Christus.*

EXA-



# EXAMEN CONSCIEN TIÆ

Vulneribus IESU CHRISTI jungendum Ejusdem  
R.P. Gaspari, tam in Modo XLVI. meditandi Passio-  
nem Domini, quam in Tribunali Conscientiæ Industria  
III. descriptum.

Cujus hæc Praxis.

**Q** Vinque sunt Examinis Puncta, Vulnera Christi itidem quinque.  
In prima parte Examinis aguntur gratiæ pro beneficijs. Pri-  
mum Christi vulnus sit Gazophylacium, in quo beneficia, no-  
bis collata reponuntur. In secunda Examinis parte, petitur lumen  
ad cognoscendas animæ, & conscientiæ latebras. Secundum vul-  
nus Christi sit sol illuminans, è quo postulatur & sumitur radius, ad  
illuminandas cordis tenebras. In tertia Examinis parte indagantur  
vitia & peccata. Tertium Christi vulnus sit speculum, ad quod ani-  
ma intuetur se, & omnia dicta, facta, cogitata, omnia sua specula-  
tur, atque obliquitatem eorum cum Christi IESU rectitudine con-  
fert, ut contraria juxta se posita magis elucescant. In quarta Exami-  
nis parte, Contritione & detestatione abluuntur peccata omnia, præ-  
cipue nunc commissa, quod quia sine Christi IESV sanguine & me-  
ritis non fit, ideo Quartum Christi vulnus sit Contritionis balneum,  
in quo lavantur omnes iniquitates cordis. In quinta Examinis parte  
fit propositum emendationis, proponitur constantiæ robur. Ea pro-  
pter Quintum Christi vulnus sit petra refugij & munitio, ad quam  
anima confugit, ut sit tuta. &c. Hæc conjunctio Examinis, cum  
IESV Christi vulneribus, augeat in anima pietatem ad IESVM pro  
nobis vulneratum, reddit Examen Deo gratius, ad pellenda vitia ef-  
ficacius, ad delenda peccata validius, animam ad profectum excitat,  
& roborat, svavius Examen efficit, delectabilioremque hunc labo-  
rem facit. Porro operæ pretium erit Praxim hujus Examinis cum  
Christi vulneribus conjuncti hic apponere.

## PUNCTUM EXAMINIS I.

Vul-



### Vulnus Christi Primum in Pede dextro.

**V**ulnus *sacratissimi* Pedis tui dextri, dulcissime IESV, sit mihi gazophylacium donorum. 1. Naturæ. 2. Gratiæ. 3. Gloriæ: 4. Quibus abusus sum. 5. Quibus abs te tuâque gratiâ donandus eram, & essem, nisi me indignum fecissem, & facerem, ac deniq; omnium omnino beneficiorum totius vitæ meæ, ut in illo mihi conserventur, quoniam malè illis est, apud me, utpote qui illa dignè æstimare non sciens, facilè illa negligo, *dilapido, desperdo.*

### PUNCTUM EXAMINIS II.

#### Vulnus Christi secundum Pedis sinistri.

**V**ulnus *sacratissimi* Pedis tui sinistri Dulcissime IESV, sit sol meus, qui lucis suæ radium emittat in animam meam, ut cognoscā  
1. Quis tu sis? 2. Quis ego? 3. Quid feceris mihi? 4. Quid debeam tibi? 5. Quid sim mihi tecum, & quid sine te? utq; pervadam omnes perversi cordis mei latebras, & perspiciam omnia peccata mea, defleam illa dignè, & hujus tui vulneris *pretioso sanguine ablutam luculenter.*

### PUNCTUM EXAMINIS III.

#### Vulnus Christi tertium Manus sinistræ.

**V**ulnus *sacratissimæ* Manus Tuæ sinistræ Dulcissime IESV, sit speculum meum, in quo videam, & considerem peccatorum meorum vitiorumq; numerum, gravitatem, sæditatem. Hoc enim vulnus à Te pro meis peccatis susceptum est. Unde & meritò in eo dispici debent. Videam ergo in hoc *nitidissimo speculo.* 1. Particularia hujus temporis.

2. **COGITATIONES**, an fuerint otiosæ, vanæ, superbæ, impuræ, gulosæ, acediosæ, ac tepidæ, iracundiæ, absorptivæ, frustra sollicitæ, murmuratoriæ, inconstantes, respectuosæ, & ad spes, vel timores humanos attendentes.

**VERBA.** An fuerint superba, mordacia, iracunda, impetuosa, præcipitata, superlativa, ironica, immanisveta, detractoria, exaggerati-



rativa, contumeliosa, mendacia, ambigua, simulata, adulatoria, affectata, oriosa, ridicula, officiosa.

OPERA. An fuerint nulla, non rectâ in tentatione facta, ad hominum gratiam, spem, laudem, metum, ad commoditatem propriam directa? Non debito loco, ordine, modo, absque attentione, devotione, præsentia, & reverentia DEI, absque fructu, non cum prævia consideratione, electione, non ad regulas, nec cum adjunctione observationum solitarum, ex usu, temerè, casu, contra vel citra Dei, Ecclesiæ, superiorum, regularum præcepta, præter usum & vitam communem, disciplinamque, contra officium proprium, vel propositum, cum scandalo, cum conscientia remorsu, cum langvore, tædio, distractione animi, ex iudicio & voluntate propria, contra fraternam charitatem, vel absq; illa, cum effusione mentis, sine dominio & præsentia sui, cum festinatione, & angustiis temporis.

3. OMISSA per negligentiam, incitiam, effusionem ad unum, & impotentiam affectus, ob levem causam, & irrationabilem, ob neglectum ordinis, temporum & actionum, cum tamen debuerint, potuerintque fieri à me, in gratiam Dei, Proximi, & meum fructum, meritum, propter exemplum, obedientiam, disciplinam communem. &c.

4. ALIENA mihi tamen imputanda, ob imperium, consilium, exemplum, auctoritatem, dissimulationem, vel ejus spem, protectionem participationem, non impeditionem, negligentiam meam in officio, alijs vel notam, vel probratam, vel speratam. Item aliena quidem sed mea facta, ob indagacionem meam, censuram, reprehensionem, non cui intererat narrationem, cui intererat non narrationem, ob non promotionem, & favorem, cum potuerim, & quo adjecto fieri potuisset, vel simpliciter, vel commodius, vel facilius, vel utilius atq; perfectius, interea verò facta non sint. Vel si sunt, incompetenter tamen facta.

5. ORDO. temporum, actionum, & in actionibus occupationibusque observationum. An scilicet servatus sit ordo temporum, & horarum punctualiter, & cum dominio mei? an item actiones peractæ suo tempore, & omnes? an item omnes suo modo, & cum adhibitione perfectionum communium? ut sunt prævisio, electio, deliberatio, conclusio, atq; imperatio, Intentio, attentio, diligentia, fer-



fervor, intentio, perseverantia, sive constantia. Particularium quod; ut sunt. Intentio defœcata, conatus herôicus, gradus perfectionis ultimæ, charitas, & resignatio sublimis & gratuita. Fervor in majori & atomica proportionem major & major, nomine & affectu, & conatu omnium creaturarum, in unionem meritorum appropriatorum Christi, Pretiosissimæ Parentis, Sanctorum omnium, sacrificative, dignè dignissimo Deo.

## PUNCTUM EXAMINIS IV.

Vulnus Christi quartum Manus dextræ.

**V**ulnus Sacratissime Manus tuæ dextræ Dulcissime IESU sit mihi contritionis balneum, cujus virtute, efficaciâ, & merito, desco, & abluo omnia peccata mea admissa commissione, & omissione. 1. In Te. 2. In me. 3. In superiorem, & regulam, & vitam communem & officium. 4. In æqualem. 5. In inferiorem. Cui ablutioni & dolori meo peto vel guttulam Sacratissimi Tui sanguinis, ex hoc manûs Tuæ dextræ vulnere admisceri & tuo Divino conspectui per sanctum Angelum Custodem meum offerri, à Te autem Domino benignissimo acceptari mihi veram emendationem vitæ, & emundationem abs Te indulgeri.

## PUNCTUM EXAMINIS V.

Vulnus Christi quintum Lateris & Cordis.

**V**ulnus Sacratissimi Cordis tui Dulcissime IESU, sit mihi refugium, munitio & defensio. 1. Contra iram tuam. 2. Pœccata omnia præcipuè mortalia. 3. Fraudes dæmonum, carnis, mundi, amorisq; mei proprii. 4. damna corporis. 5. Damnationem æternam. Sit mihi etiam abyssus peccatorum meorum omnium, in quam ego, cum plena cordis detestatione, atq; dolore, abjicio, & demergo omnes omnino imperfectiones meas; nunquam inde extrahendas, aut revocandas. Tu tantummodo largire mihi, dulcissime IESU, ex pi-ssimo cordis tui vulnere, vel unicam guttulam, sanguinis tui, in pignus & arrham, peccatorum meorum omnium, abs te mihi in æter-



num remissorum. Include autem me in imis visceribus cordis tui, atq; ibi me detine, excoque, exure, expurga, accende, ignefac, sublima, in cordis tui naturam perfecte converte, ad purissimi cordis tui gustum atq; placitum, ad puram annihilationem meam Amen.

**Q**uos delectat usus coronæ de vulneribus Christi Domini confectæ, hos etiam prædicta Examini Præxis delectare potest, in quem finem in singulis Punctis quinque alia puncta annotata sunt, ut pro numero globorum in coronâ expendi hæc Puncta possint.

**P**ossunt hic addi suspiria pœnitentis, Authore R.P. Henr. Boderker. S. I. in *Beata Morta* descripta.

*Affectus fidei.*

**Q**uis tu mi Iesu, qui pro me in Cruce moreris? tu ne IESUS meus? meus Iesus? id est Salvator meus? Rex meus? Dominus meus? qui credam te mori pro me homuncione vili, terræ vermiculo? & mori in cruce?

Sed ita est, mi Deus crucifixe, ita est, quia veritas tua id revelavit, testati sunt Evangelistæ, & Apostoli, Ecclesia tua, Mater mea docet, clamat Centurio, *verè hic homo filius Dei erat.*

Obstupescite, Cæli super hoc; Deus ad columnam flagellatus est, Deus spinis coronatus est; Deus Cruci affixus est, Deus moriturus inter latrones, quis unquam audivit tale? aut, quis vidit huic simile?

Quid commisisti dulcissime Iesu, ut sic judiceris? quod scelus tuum? quæ causa mortis tam acerbæ?

Ah! fluite lachrymæ, resonate suspiria, luctu immensi cor extabescat, ego sum tui plaga doloris, tuæ culpa occisionis, ego sum tuæ mortis meritum; quod ego deliqui, id luit Deus meus, O res mirabilis! O mysterium ineffabile! quis crederet, nisi revelasset veritas tua Deus meus; id circo, credo, quod videtur incredibile. O veracissime Iesu! & pudore suffundor coram facie tua, ob iniquitates meas.

Ignosce o mater dolorosa! ego filium tuum in Cruce interemi.

*Affectus spei.*

**N**unquid mi Iesu crucifixe urbs es refugij pro quovis peccatore, qui fugit à facie irati Dei?

Nunquid accepisti, & retinuisti Vulnera, ut spem faceres peccator

cator



catori pœnitenti?

Sacratissima Vulnera tuâ, sunt anchora spei nostræ, quia sunt sedes Divinitatis, & thronus Clementiæ, ut in ijs speret, qui rectè sperat, & qui semper in desperat, non confundatur in æternum.

Licet igitur me premat conscientia delictorum meorum, licet infestet Satan ut in foveam desperationis præcipitet, tamen recordabor Vulnerum Domini, & stabo ut cautes immobilis.

Christus Deus meus fidelissimus, qui pœnitentibus veniam promissit delictorum, pro me mortuus est in cruce, cur desperem? nullum Animæ vulnus est tam lethale, quod ejus morte non curetur.

Tota spes mea est in morte, & Vulneribus Salvatoris mei, hæc sunt merita mea, refugium meum, vita mea, resurrectio mea; non deerunt mihi merita, quam diu Dominus misericordiarum vivit.

Peccavi peccatum grande, & multorum mihi conscius sum delictorum, non despero tamen; ubi enim abundavit iniquitas, ibi abundavit & gratia, qui peccatorum suorum veniam desperat, misericordiam Dei fidelissimi negat.

O Mater dolorosa! Mater sanctæ spei, in spe firma me roboram. Amen.

*Affectus amoris.*

Quousque exarsit amor tuus mi Iesu vulnerate! O prodigium amoris! ego iniquè egi, & tu pateris? tu flagellaris obdebita mea? ego cucurri adversus Patrem tuum erecto collo, rebellis fui ausu nefario, & tu, ut hanc luas impudentiam, obedis usque ad mortem Crucis?

O Iesu, mei amantissime! colliquescam totus amore tui, fiat cor meum amoris incendium, ut nihil amem extra te, nihil sine te sapiat, nihil æstimem præter te; ut mihi fateat quidquid tu non es.

Sit dulcissimum nomen tuum refectio mea, sit tui memoria dulcedo mea, tuum beneplacitum delicia mea, tua voluntas desiderium meum, sint mihi super aurum & argentum mandata mea.

Amore mei Deus meus incarnatus est, amore mei Rex altissimus servilem formam induit, amore mei vulneratus est propter iniquitates meas, & velut latro inter latrones mortuus. O Iesu vulnerate! O Iesu moriens! quantum es amoris prodigium! & non amem te?



qui non amat te sit anathema.

Amo te Iesu dulcissime, quia Deus es, & summe bonus es, ideo amo te ex toto corde super omnia, & quia amo te, amo pariter pedes tuos vulneratos, manus terebratas, latus transfossus, caput spinis coronatum. O! quam suave est hoc loqui! quam dulce Iesum crucifixum intueri! quam affectuosum Vulnera osculari! quam amabile Iesum diligere.

Quis nos separabit à Charitate Christi? tribulatio? an angustia? an fames? an nuditas? an periculum? an persecutio? an gladius? certus sum quia neq; mors, neq; vita, neq; Angeli, neque Principatus, neque Virtutes, neque instantia, neque futura, neque fortitudo, neq; altitudo, neq; profundum, neq; creatura alia poterit nos separare à Charitate Dei, quæ est in Christo Iesu Domino nostro.

O Mater dolorosa! Mater pulchræ dilectionis! pro desiderio quo flagras, ut filius tuus unice diligatur ab omnibus, da mihi flammam amoris seraphici. Amen.

## MISSÆ SACRIFICIUM,

**S**acrum Missæ Sacrificium atq; etiam Eucharistiæ Sacramentum ideo à Christo institutum, ut in eo, & per illud recogitemus, repræsentemus, renovemus Sacrificium ejusdem Cruentum in Crucis cum tota ejus Passione, juxta Christi verba: *hoc facite in meam commemorationem.* Luc. 22. 19. Sive ergo tum Sacrum peragitur sive etiam extra illud quolibet loco & tempore Passio Christi ad Missam, Missa ad Passionem relata fructuose & devote recoli possit. Ex. P. Druzicki modo 43.

1. Preparatio Sacerdotis in sacrario ad Sacrificandum: commemorat & repræsentat valedictionem Christi; quâ, iturus ad Passionem valedixit Sanctissimæ Matri, nec non alijs amicis, consolans illos, seseq; ad Passionem accingens, & ab omnibus alijs negotijs expediens, totumq; animum ad negotium Passionis convertens.

2. Egressus Sacerdotis è sacrario ad altare. Signat egressum Christi de Carnaculo versus Hortum & Oliveti Montem.

3. Depositio & Dispositio Calicis atq; Corporalis super altare: nec

non



non Missalis: signat ruminationem illam Christi pergentis in Gethsemani, & incipientis interea pavere, tædere, contristari, mæstitiâq; arctari & dicere. *Tristis est Anima mea usq; ad mortem.* Matth. 26. 38.

4. Mora Sacerdotis aliqua ad medium altaris, inclinatioq; Capitis: recessus ab altari, & descensus ad infimum gradum: signat relictionem discipulorum, quâ Christus eos reliquit, & ab eis avulsus est quantum jactus lapidis, orationis faciendæ gratiâ.

5. Psalmus, Confessio, aliæq; orationes: significant orationem Christi repetitam; prostrationem in genua, & in faciem, confortationem Angelicam, agoniam, sudoremq; sanguineum.

6. Accessus ad Altare: significat occursum & processum obviam hostibus. *Surgite eamus: ecce appropinquavit, qui me tradet.* Matth. 26. 46.

7. Osculum altaris: signat osculum Iudæ, quod retulit ab eo Christus, eiq; dixit. *Amice ad quid venisti?* Matth. 26. 50. *Iuda osculo Filium hominis tradis?* Luc. 22. 48.

8. Introitus Missæ, & signum Crucis. Significat sermonem Christi ad Iudæos. *Tanquam ad latronem existis cum gladiis, &c.* Marci 14. 48. *Sed hæc est bona vestra, & potestas tenebrarum.* Luc. 22. 53.

9. Sacerdos in in medio Altari Kyrie eleison repetens. Signat Captivitatem Christi & injurias ejus, derelictionemq; ac fugam discipulorum omnium.

10. Gloria in excelsis: signat exultationem & insultationem hostium, quâ capto Christo exultârunt, sicut solent victores captâ prædâ, in Palatio Annæ & Caiphæ.

11. Osculum Altaris, & Dominus vobiscum. Signat Examen Christi de doctrinâ & de discipulis, responsumq; Domini, ob quod enormem alapam accepit ab uno ex ministris.

12. Epistola. Signat accusationes falsaq; testimonia, adjurationes, injurias, condemnationes Christi apud Caipham ab universo Concilio.

13. Graduale & Tractus: Signat blasphemias, oculorum velationem, consputationes, colaphisationes, quas pertulit Dominus in eadem Caiphæ domo.

14. Evangelium, & osculum Missalis atq; signatio: signat Con-



feſſionem Chriſti, quā ſe Chriſtum, Dei Filium, inſuperq; Iudicem univerſorum confeſſus eſt.

15. Credo: ſignat Petri negationem, & converſionem, & amaras lachrymas, reſpiciente Petrum Domino: tum etiam: pernoctationem totam Domini, inſandis injurijs pleniffimam.

16. Oſculum Altaris, & Dominus vobiſcum: ſignat Matutinum Concilium Iudæorum, in quo de novo Chriſtus eſt Examinatus, Confeſſus, Damnatus.

17. Offertorium: ſignat deductionem Chriſti ab Iudæis ad Pilatum. Signat etiam Iudæ pænitentiam, & abjectionem ſanguineæ pecuniæ.

18. Oblatio Panis & Vini ſuper Altare. Signat interrogationes Pilati, accusationes Iudaicas, ſilentium, & demum reſponſa Chriſti ad Pilatum.

19. Ablutio manuum. Signat remiſſionem Chriſti ad Herodem, Hero i: exinde gaudium, Chriſti ſilentium, contemptum, & illuſionem ejus, ab Herode & Herodianis. Veſtem albam, &c.

20. Oratio, poſt abluſionem manuum, in ſilentio. Signat Pilati cum Chriſto ſermones, pro Chriſti innocentia & liberatione conatus, collationem cum Barabba latrone, homicida, ſeditioſo.

21. Oſculum Altaris: & Orate Fratres. Signat Chriſti nudationem, flagellationem, coronationem, ad populum productionem, cū, *Ecce Homo.*

22. Secretæ Orationes ante Præſationem. Signant perſaſionem Principum Iudaicorum, qua ſvaſerunt populo, ut peterent IESUM crucifigi, tum clamores populi varios, *Tolle, Crucifige, Sanguis eius ſuper nos, &c.* Cunctationē Pilati. Ejus uxoris denuntiationem.

23. Præſatio. Significat Damnatum IESUM, & traditum voluntati Iudæorum, ad crucifigendum, promulgationem quoque feralis ſententiæ in IESUM.

24. Sanctus, Sanctus, Sanctus. Signat triumphos Iudaicos de obſentia in Chriſtum ſententiā, feſtinationem ad ejus executionem: Signat verò multo magis gaudium cordis Chriſti, ex decreto Patris Aeterni, de ſalvando genere humano per ſuum ſanguinem.

25. Oratio poſt Sanctus, & Cruces tres. Significant bajulationem



Crucis à Christo, adjuvante Simone Cyrenæo.

26. Memento vivorum, (ut vocant) significat sermonem Domini, seu Prophetiam ad mulieres lamentantes super ipsum. *Filie Ierusalem nolite flere super me, &c.*

27. Communicantes. Signat perventionem Domini in montem cum Cruce, oblationem quoq; cum Matre dolorosissima. Vini quoq; Myrrhati, cum felle misti oblationem.

28. Manus Sacerdotis expansæ super oblatis hostias. *Hanc igitur oblationem, &c.* significat Positionem Nudati super Crucem. & oblationem illam quam Christus tunc fecit Patri Eternò, de se ipso, finaliter se ejus voluntati ad redimendum in Cruce humanum genus resignans.

29. Variæ Cruces formatæ quinquies. Signant affixionem Christi ad Crucem.

30. Consecratio tam Panis quam Vini: & utriusq; Elevatio. Signat affixum jam IESUM, & elevatum cum Cruce, statutumq; in sublimi, cum titulo IESUS NAZARENUS REX IUDÆORUM.

31. Orationes Sacerdotis post elevationem Hostiarum, passæ manus & Cruces variæ. Signant IESUM in Cruce pendentem jam, inter latrones, mediū, multitudinis adstantis varios affectus & sensus.

32. Aliā Oratio Sacerdotis extensis manibus. *Supra quæ propitius, &c.* Signat Christi orationem pro crucifixoribus. *Pater, dimitte illis non enim sciunt quid faciunt.* Luc. 23. 34.

33. Oratio Sacerdotis positus super Altare manibus: osculum Altaris & cruces super hostias. Signant verba Christi ad Matrem & Ioannem, proq; ambobus sollicitudinem. Situm quoq; Domini, & acetum in spongia & Hyssopo porrectum.

34. Memento mortuorum. Significat conversionem latronis: Christi; super eum misericordiam: indurationem alterius latronis & perditionem.

35. Sacerdos percutiens pectus, & aliquot verba clarius pronuntians: *Nobis quoq; &c.* Signat orationem Christi factam ad Patrem in Cruce cum lachrymis & clamore valido.

36. Cruces variæ à Sacerdote formatæ super hostias & genuflexio: signant incredibiles & infinitas blasphemias, insultationes, iniuriasq; Christo pendenti ab hostibus irrogatas.

37. Ora-



37. Oratio Dominica. Signat clamorem Christi ad Patrem. *Deus meus, Deus meus, ut quid dereliquisti me?*
38. Sacerdos frangens hostiam per medium, & Cruces faciens. Signat terræ motum, obscuracionem solis, scissionem petrarum, ruptionem veli, apertionem sepulchrorum.
39. Particula hostiæ Sangvini & Calici imposita. Significat verbum illud Domini, *Consummatum est.*
40. Pax Domini, sit semper. Significat commendationem quam fecit Dominus, Spiritus sui in manus Patris.
41. Agnus Dei, qui tollis, &c. Signat Christum inclinato capite expirantem, & populos à Cruce Christi revertentes, & percutientes pectora sua, ac dicentes; *Verè Filius Dei erat iste.*
42. Domine non sum dignus. Signat supplicantem Iosephum Pilato pro Christi corpore deponendo.
43. Sumptio Sanctissimi Sacramenti: Signat apertionem lateris Christi è quo Sangvis exivit cum aqua, loco contrafractionis ossium, quæ Christo non est facta.
44. Convolutio Corporalis. Signat depositionem Christi mortui de Cruce, inunctionem ejusdem, & involutionem in syndone munda.
45. Communio, & altaris osculum. Signat occupationem Beatissimæ Matris, aliarumq; piarum personarum circa IESUM mortuum ante sepulturam.
46. Postcommuniones, seu orationes, atq; collectæ ultimæ. Signant Sepulturam IESU.
47. Osculum Altaris. Signat devolutionem lapidis ad osium monumenti.
48. *Ite Missa est, & Dominus vobiscum.* Signat discessum amicorum à monumento IESU.
49. Osculum Altaris ultimum, & benedictio super populum. Signat descensum Christi ad Inferos.
50. Evangelium ultimum & discessus Sacerdotis ab Altari. Significat varios sermones hominum de nece Christi, ejusdemq; gesta in resurrectione, visitatione discipulorum, missione eorundem in orbem universum.
- H**unc in modum tota Passio Missæ, tota Missa Passioni, ad mensu-



rari potest, interq; ejus celebrationem illa meditatione reoli. Non defunt apud optimos Scriptores, aliæ accommodationes Missæ, ad totam vitam Christi aut etiam ad Passionem ipsius, quas liberum erit, devoto Passionis Christi meditatori sequi: erit tamen forte cui & hæc in minutiores articulos Passionem Missamq; partiens Meditatio minimè displicebit.

**I**llud tantummodo monitum velim, ut sola commemoratione articulorum Passionis nemo sit contentus: sed interim affectus etiam aliquos erga Patientem Dominum, tum Actus virtutum aliquarum congruarum; tum denique proposita aliqua bona & seria eliciat, pro ut sibi opportunum videbitur. Nisi enim hoc fiat, nuda illa commemoratio, erit quidem illa coram Christo meritoria non nihil, sterilis tamen permanebit, neq; animam impinguabit oleo devotionis, neq; verum meditationis nomen sortiri poterit.

**D**evotissimos affectus proponit R.P. Bodeker in præparatione ad *Communionem mensuram*. Sed potest quisque in quolibet Missæ sacrificio illos elicere, quando vel Sacramentaliter, vel Spiritualiter communicare intendit. Quinimò potest etiam & Sacerdos tam accedendo ad Sacrificandum, quam finito Missæ Sacrificio iuxta aptam Mysteriorum dispositionem commodè ipsidem, vix aliquibus mutatis mutandis, frui.

*A principio Missæ ad Epistolam elice affectus*

*Fidei. & suspiria.*

**A**ge anima mea, captiva intellectum tuum in obsequium fidei, 1. talia enim se produnt mysteria, quæ non intellectus, sed fides sola capit.

Ecce enim, Cæli aperientur, Filius Dei altissimi Dominus 2. Exercituum, coram quo tremunt, qui portant orbem, cujus sedes cælum est, & terra scabellum pedum ejus, se in altari præsentem sistet; pro tuis & mundi totius peccatis se Patri cælesti sub panis ac vini speciebus offeret. Obstupescite cæli super hoc!

Ecce anima mea, hic Dei Filius oblatione tali peracta, e- 3. rit tuus conviva, tuus cibus, tuus sponfus; in vitam æternam te reficiet cibo nobilissimo, qui est ipsemet, caro ejus ac sanguis pretiosus; amore æterno te sponfam complectetur. O admirabi-



lem summæ majestatis dignationem!

4. Tu, mi Iesu, semel factus es nobis Sacrificium cruentum in Cruce, dici verò non potest, quoties fias nobis Sacrificium incruentum in Altari. O sacrificium incomparabile!
5. Corpus tuum sacrosanctum, quod semel pro nobis pendere voluisti in Cruce, & sanguinem sacratissimi, quem in eadem voluisti pro nobis effundi, das in cibum ac potum animæ nostræ toties, quoties nobis placet, sumendum, O amoris immensum donum inæstimabile!
6. Quis crederet? o Deus admirabilis! quis crederet: nisi revelasset tua infallibilis veritas, id circò credo hanc veritatem firmiter, & si captum meum superet. Plus enim invenit tua sapientia, quàm intellectus meus capere sufficiat.
7. Credo igitur Missam esse Sacrificium incruentum, in quo Tu ipse Deus meus, Christus IESUS Æterno Patri pro meis totiusq; mundi peccatis, per manus sacerdotum immolaris in memoriam Sacrificij cruenti in Cruce semel oblati.
8. Sacrificium hoc incruentum Tu ipse manibus proprijs in cæna ultima obtulisti, cum sumpto in manus tuas sanctas pane ac calice, in cælum suspiciens, gratias agens, ac benedicens, panem & vinum in corpus tuum ac sanguinem transsubstantiasti, porrexisti discipulis, dicens: *Accipite & comeditate, hoc est corpus meum, bibite ex hoc omnes, hic est enim sanguis meus novi Testamenti.* Matth. 22.
9. Hoc sacrificium à Sacerdotibus offerri voluisti, cum præcipiebas: Hoc facite in meam commemorationem.
10. Indubitatè credo, in Sacrificio hoc totum panem ac vinum in corpus tuum ac sanguinem converti, & Te Deum ac hominem fisci præsentem sub qualibet specie, adeoq; sub panis specie non sumi corpus tuum emortuum, sine sanguine, sine anima; & sub specie vini non sumi sanguinem separatum à corpore, sed utrobique sumi Te totum, & carnem, & Sanguinem & corpus, & animam, & humanitatem & Divinitatem.
11. Credo, nec in Hostia consecrata esse panem, nec in calice benedicto vinum, sed nudas panis ac vini species, colorem,

vide-



videlicet, saporem & odorem &c.

Id credo veracissime Iesu, quia Tu revelasti, qui falli ne- 12.  
quis, cum sis æterna Dei sapientia, fallere ac mentiri non po-  
tes, cum infallibilis Veritas: & credo tam firmiter, ut malim è  
corpore evelli cor, è corde animam, quam me avelli ab hac fide:  
miserere mei dulcissime Iesu per tuam Passionem ac mortem, &  
adjuva incredulitatem meam, ut in hac fide beatè moriar.

Adesto mihi o constantissima Mater! fidei firmissimæ specu-  
lum, quæ nec in Archangeli salutatione, nec in Bethlemico sta-  
bulo, nec in fuga in Ægyptum, nec sub Cruce, nec in monte  
Calvaria ulla ratione dubitasti. Amen.

*Ab Epistola usq; ad Offertorium elice*

*Affectus spei.*

## SUSPIRIA SEU AFFECTUS

### SPEI.

O Iesu! spes mea, & refugium meum, non sperem sub 1.  
umbra alarum tuarum? qui pro me factus es Sacrificium Pro-  
pitiationis in sancto Altari tuo?

Spero Salvator fidelissime, & confido promissis Benignita- 2.  
tis tuæ, Tu enim fidelis es, cui impossibile est promittere, &  
promissis non stare, spero peccatorum meorum remissionem, tu-  
am gratiam, & mortem sanctam; Tu enim dixisti, *Nolo mortē*  
*morientis, revivificari, & vivere.* Ezech. 18. 32.

Non ergo me damnet malitia mea, quem tam caro redemit 3.  
Benignitas tua, non peream in miseria mea, quem è miseria e-  
ripuit summa Clementia tua; quæ est enim utilitas in Redempti-  
one tua, si descendam in corruptionem meam? nunquid enim va-  
nè redemisti filios hominum?

Redemisti me Domine Iesu per mortem tuam, cibus me 4.  
carne & sanguine tuo; quomodo me projicies à facie tua?

Si non redemisses me, perirem: si non cibares me, desice- 5.  
rem: nunc erigere me audeo, & sistere vultui tuo, ac dicere,  
quid prodest, quod te compulit Charitas tua ad redimendum me  
Passione tua, & cibandum Sacramento carnis ac sanguinis tui,  
si peream in malitia mea? non ergo in furore tuo arguas me, sed



secundum multitudinem miserationum tuarum dele iniquitatem meam.

6. Cogat Te, misericordissime Iesu, misericordia tua ad salvandum, quem tanto, pretio redemisti, quem reficis cibo tam electo, quæ cõegit Te illum redimere, qui perierat, & reficere, qui contabuerat, ipsa Te vincat Charitas ad salvandum, quæ Te vicit, ad redimendum ac cibandum, quæ & jam minor non est, quia ipsa Charitas Tu ipse es, qui semper idẽ es.
7. Respice ergo me oculis misericordiæ tuæ, stringe me brachijs Charitatis tuæ admirabilis, lava me pretioso sanguine tuo, in via salutis roboram me carne tua cibo fortium, ut sine defatigatione conscendam montem gloriæ tuæ. Id spero mi Salvator.
8. Adjuva me, o pia auxiliatrix Maria! Mater dolorosa! defectum meum suppleat abundantia meritorum tuorum. Amen.

*Ab Offeritorio usque ad Canonem seu Sanctus contere, & humilia cor tuum, cor contritum, ait David, & humiliatum*

Deus non despicias. B. 30.

### SUSPIRIA.

*Cordis contriti & humiliati.*

1. Domine Iesu Christe, fili Dei vivi, ecce, ego mendicus venio ad divitias tuas, ego miser ad misericordiam tuam, ne recedam vacuus & despectus.
2. Ego famelicus à te satiari flagito, noli me inpastum repellere, & si à te satiari non merear.
3. Confiteor coram Te mi Iesu, & coram Matre tua dolorosa, injustitias meas, ego in peccatis conceptus ac natus sum, & Tu abluisi me; postea gravioribus me inquinavi delictis, multa admisi illicita, aggravavi iniquitates meas, cum emendare debuisssem.
4. Svavissime Iesu, iniquitates meæ supergressæ sunt caput meum, & tanquam onus grave gravatæ sunt super me; peccavi coram Te, & in cælum, & jam non sum dignus vocari filius tuus.
5. Miserere mei misericordissime Iesu, secundum magnam misericordiam tuam, & secundum multitudinem miserationum tuarum



arum dele iniquitatem meam.

Pecasse me doleo, quia offendi infinitam Bonitatem tuam, 6.  
**Tu es Deus meus, Bonorum omnium mare, cur non amavi Te? cur iniquè egi contra Te?**

Defleo iniquitates meas multas & magnas, lachrymis stratum meum rigabo, non quia Cælum perdidi, aut infernum merui, sed quia contra Te Deum meum summè bonum egi.

Rogo veniam, mi Iesu, per sanguinem tuum pretiosissimū 8.  
 in Altari Crucis pro me effusum, per angustias Matris Crucis tue adstantis, ut abluas delicta mea, nec perire me finas in iniquitate mea, cui tanti stetit redemptio mea; agnosce in me quod tuum est, & abluè, quod tuum non est, induc animæ meæ vestem nuptialem Charitatis tuæ, ut in præsentī communione digna sit stare in conspectu tuo.

Exora hæc mihi o Mater amabilissima! per Charitatem quā 9.  
 complexa es unigenitum tuum in Cruce morientem. Amen,

*A Canone usq; ad Communionem exorta.  
 ardentes amoris affectus.*

### SUSPIRIA SEU AFFECTUS AMORIS.

**O** Anima mea! Imāge Dei consignata, Christi sanguine redempta; ecce Iesus tuus è Cælo in Altare descendet, ut te nutriat carne ac sanguine suo, & gratiæ suæ thesauros aperit, abyssum amoris!

Redama tam intensè te amantem, ipse enim & meritum tuum 2.  
 est, merces, & finis ultimus, & salus, & summum bonum, & omnia; etiam Matrem ejus dolorosam ama, quam ipse amat plus quàm omnia.

Quidquid amare potes, ipse est; omnis hominum affabilitas, 3.  
 florum pulchritudo, dulcedo fructuum, auri & argenti nobilitas, gemmarum pretium, siderum splendor, & quidquid est amabile, ipsi collatum nihil est, ea omnia ipse est, & infinitica melius ac perfectius, ab his ergò amores tuos transfer in ipsum, & in Matrem ejus super omnia amabilem.

Ama Iesum tuum, qui eduxit te de luto facis, & miseria- 4.  
 rum abysso, & Matrem ejus dolorosam, quæ id tibi exoravit.

**Ipsū**



5. Ipsum amicum elige, qui erit inter amicos omnes fidelissimus, cum deferent te in morte omnia, ipse non deferet. *Numquid oblivisci potest* ( sunt verba ejus Isai. 49. v. 15. ) *mulier infantem suum, ut non misceatur filio uteri sui? & si illa oblita fuerit, ego tamen non obliviscar tui.* O amicum fidelem, præ omnibus amandum!
6. Amant Iesus & Maria, ut redamentur, scientes amore salvos esse, qui ipsos amant.
7. Ecce anima mea, jam adest in Altari, qui te amat Iesus tuus, amicus tuus, sponsus tuus, Salvator tuus, amor tuus, nunc ama illum, & dilata amore cor tuum. O mi Iesu! qui te non amat, sit anathema.
8. Amo Te mi Iesu ex toto corde meo, ex tota anima mea, ex omnibus viribus meis, & post Te Matrem tuam dolorosam, si vel capillus in me esset, qui non emaret Te, evellatur in gehennæ flammis projiciendus.
9. Amo Te, magisq; amare Te desidero, quia melle dulcior es, lacte suavior, pretiosior metallo, sole fulgidior, coloribus pulchrior, affabilior hominibus, hinc mihi charior, & tecum Mater tua, quam argentum, quam aurum, quam gemmæ, quam omnia.
10. Væ tempori illi, quo non amavi Te, quo non amavi tecum Matrem tuam, quo mihi creaturæ chariores vobis; quid mihi est in Cælo? & à vobis quid volui super terram? quam eram infans, cum non amabam vos, aut vobiscum amabam aliud!
11. O dulcissime amor! ignis, qui semper ardes, & nunquam extingueris, accende me, ut totus inflammor à Te, ut totus vos amem o Iesu & Maria! nam minus vos amat, qui aliud præter vos amat, quod propter vos non amat.
12. Amo Te o Iesu! & Te o Maria! quia vos priores me amatis; quis dabit, ut exprimam mei in vos amoris argumenta? quis dabit ut re ipsa ostendam, quantum amem vos? utinam daretur sanguinem profundere amore vestri! uti Tu o Iesu! sanguinem tuum, & Tu o Maria! lachrymas profudisti amore mei.
13. Tu mi Iesu, paras venire ad me, & unire Te mihi vinculo



eulo Charitatis, tuâ me vis carne, tuo sanguine reficere, vis dare omne quod habes, & quod es, & ostendere, quantum ames me.

O! si & ego me uniam Tibi! dem Tibi, quidquid habeo! 14. quidquid sum! o amor! exardescere in me, evolate fursum o dulcissimæ amoris flammæ! accendite me, exurite me, liquefacite me, ut in Iesum meum disfluam, sim unum cum Iesu, sim totus illi mancipatus, nil audiam, nil videam, nil loquar, nisi Iesum.

Vade nunc anima mea, vade, ecce Iesus expectat te, desiderat te, obsequere desiderijs: clamat, *præbe cor tuum mihi*: aperi illud, & præbe ipsi, ut mansionem in eo apud te faciat, nam deliciæ ejus sunt esse cum filiis hominum, esto comes o Mater dulcissima!

*Hic Sacramentaliter vel spiritualiter communica corde humili & accensa Charitate, cogita te accipere eundem, qui amore tui sanguinem sudavit in horto, aut flagellatus, aut spinis coronatus est, unum è mysterijs amarissimæ Passionis expende.*

*A Communionem usque ad finem Sacri suspira ut sequitur.*

## SUSPIRIA POST COMMUNIONEM.

O Iesu! desiderium meum, amor meus, redemptio mea, ad 1. te clamo & rugio à gemitu cordis mei; Rogo Te per Sacratissima Vulnera, per sanguinem tuum pretiosissimum, per intercessionem Matris tuæ dolorosæ, intra nunc animam meam, munda & sanctifica illam, gratiâ tuâ reple, virtutibus exorna, ut sit dignum te habitaculum.

O Iesu! amor dulcedinis, & dulcedo amoris, manducavit 2. Te anima mea, utinam repleretur dulcedine amoris tui, & verbum bonum de Te cruciaret! id illi exora o Maria Mater pulchræ dilectionis!

O Iesu crucifixe! Amor meus, da ut crescam in Te, Tu 3. es vita mea, quâ vivo: spes mea, quâ tibi adhæreo: gloria mea quam desiderio. Posside cor meum, intellectum dirige, amorem excita, trahere sitientem animam meam ad Te, & ad Matrem

tu-



tuam gladio doleris confossum.

4. *Compeſce in me tumultum carnis, da nauſeam creaturarum, vanitatum, rerum omnium, quæ pereunt, mei ipſius, ut mihi & omni mundo mortuus tibi ſoli vivam, tuaq; gratiâ dives hinc migrem.*
5. *Da ut anima mea non ſe, ſed Te ſed Matrem tuam ac meam cogitet, Tu enim & poſt Te Mater tua eſtis tota ſpes mea, & pars mea in æternum.*
6. *Rogo Te per viſcera miſericordiæ tuæ, quâ animam meam ſatiaſti pane vivo, & per luctus Sanctiſſimæ Matris tuæ, mortifica cupiditates meas omnes, inprimis hanc NN. omnes paſſiones indomitas, inprimis has NN. omnem Creaturarum inordinatum amorem, maximè harum NN. Da animæ cæleſtium pennas deſideriorum, ut hinc avolet in Domum Paradifi, & habitet in tabernaculo ſancto tuo, ibi Te amet, Te laudet, Te ſolum cogitet, Te unum loquatur.*
7. *Quanta ſunt tua in me beneficia Deus meus! tu me creâſti ad imaginem & ſimilitudinem tuam, tu ab æterno me interitu vindicaſti, tu me nutris carne ac ſanguine tuo. O! quanto pretio me redemiſti!*
8. *Ago Tibi gratias mitiſſime Ieſu, & poſt Te ſacraſſimæ Matri tuæ, pro beneficijs omnibus & ſingulis, quantum poſſum, non quantum debeo, debitum enim nunquam explebo*
9. *Ago gratias carni, ac ſanguini tuo, cibo fortium, & pani Angelorum, vino progerminanti Virgines, quæ animam meam exhilarârunt, ſatiârunt, reſecerunt.*
10. *Ago gratias è toto cordis affectu, cordi tuo ſanctiſſimo, Divinitatis thalamo, throno amoris, quod bono meo eſt lanceâ perfoſſum, largire obſecro animæ meæ ut hoc vulnus tuum ingrediatur, ibiq; habitet ſuavitæ ſumma.*
11. *Ago gratias omnipotentî dextere tuæ, rerum mirabilium operatrici, pro me trabali clavo perforatæ, quæ exaltavit me, in qua eſt ignea lex amoris, longitudo dierum, felicitis æternitatis, hæc manus me amplexata eſt, & amplexabitur ſpero me ubi hinc diſceſſero, & collocabit me juxta Te; exoſcutor &*  
*vene-*



veneror illam ex toto cordis affectu.

Gratias ago felicissimæ sinistræ tuæ, fidelissimæ protectrici 12.  
meæ, quæ è multis me periculis eripuit, ceu scutum in expugnabile omnia tela nequissimi ignea retudit, pro me Cruci affixa est, ne me divinæ gladius justitiæ configeret, tunc supposuit mihi, ne cadam, & peream; & osculor & veneror illam affectu humillimo.

Gratias ago sanctissimo pedi dextro, immobili spei meæ 13.  
fundamento, triginta amplius annis duris passibus pro me fatigato, ac tandem infuncta trabe crudeli ferro transverberato, hic mihi viam ad Cælum aperuit, hic vestigia sanguine signavit, statuit supra petram pedes meos, & gressus meos direxit in viam pacis, exosculor, ac veneror illum amore ardenti.

Gratias ago fortissimo pedi tuo sinistro, pulcherrimæ tui sacratissimi corporis, divini templi, columnæ: qui maria perambulavit, nubes ascendit, sidera calcare potuit, & tamen pro me clavo terebrari, funibus extendi, affigi debuit, mihi ligatus libertatem attulit, salutem peperit; exosculor & veneror illum, totâ cordis inclinatione. 41

Gratias ago Tibi vulnere Iesu pro omni labore, sudore, 15.  
contumelia, plagis, verberibus, tormentis, angustiis, morte crudelissima, O! si pro his alijsque plurimis Te amare possem, laudare, glorificare, uti meruit tua inæstimabilis beneficentia.

Et Tibi gratias ago o Mater dulcissima! quod mihi conceperis, pepereris, educaveris Iesum tuum & meum, qui me carne, & sanguine suo redemit, refecit.

Offero Tibi mi Iesu, crucifixe, & Tibi dolorosa Mater, 17.  
intellectum meum, voluntatem, memoriam, sensus omnes interiores & exteriores, omnia corporis membra, corpus & animam, me totum, hoc erit studium meum, ut benedicam vobis, & omnia quæ intra me sunt, nomini sancto vestro, date hoc implendi gratiam, & felicem ex hac vita exitum. Amen.

Placuit illa Centurionis verba quibus ad Communionem Sanctissimi Sacramenti utimur Domine non sum dignus &c. Matth 8. à R. P. Laberbittel in scientia



salutis intercalata, hinc apponere.

1. **D**omine non sum dignus: ob defectus naturales, quia natura mea infinitæ tuæ, nullius indigæ, & absolute perfectæ impar est. 2. ob peccata, & abusus omnium potentiarum. 3. ob effectus peccati, qui sunt: propensio ad malum, aversio à divinis, passionum motus contra rationem, habitus mali, turpitudine animæ, vermibus, ulcere, cadavere, leprâ, contagione, cloacâ fordiosis. 4. ob præsentem indignitatem, & imperfectiones, & indispositionem, reliquaq; obstacula. 5. ob distantiam à perfectione Sanctorum hominum, Christi, & Dei, quem accepturus sum.
2. *Vt intres:* quia non sum dignus stare coram Te, quem toties offendi, quantò minùs ut intres ad me. 2. non sum dignus cogitare de Te mente tam sædata, quantò minùs te intrare recipere. 3. non sum dignus tangere Te, quia sum pejor Oza, & Tu melior, quàm Arca; non sum ita Tui amans sicut Magdalena, cui tamen dixisti: *Noli me tangere.* Ioan. 20. nec sum ut ille Seraphin, qui nuda manu noluit tangere carbonem. 5. non sum dignus aspicere Te, ut Bethsamithæ, qui aspicientes Arcam ultra quinquaginta millia occisi sunt à Te, quantò minùs ut intres.
3. *Sub tectum,* quod est tanquam stabulum plenum fordibus, & aspidibus venenatis spelunca latronum verior, quàm templum, hospitium dæmonum, pejus inferno, in quo nemo peccat demeritoriè: ego autem plenus cogitationibus contra Te novi semper reatus.
4. *Meum,* possessione naturali, quam nec merui, nec mereri potui, quia non fui in mundo priusquàm illa mihi data esset: tot lapsibus sædatum, tot donis spoliatum; ita meum, ut nulla creatura possit sibi usurpare me nolente, ut gratiam & gloriam Te adjuvante mihi propriè mereri possim.
5. *Sed tantum dico verbo:* tam efficaci, quàm fuit illud, quo creasti omnia, quo Lazarum suscitasti: tam salubri, quo paralytico peccata remisisti: tam extirpativo, sicut illam sicum arefecisti; tam facundo, sicut sunt fructus centesimi: tam læto, quo



quo nomina nostra in cælo scripsisti: tam pretioso, quale fuit,  
de quo scriptum: *Et VERBUM caro factum est*: Ioan. 1.

*Et sanabitur*: à peccatis præsentibus, & præteritis, ab 6.  
imperfectiõibus, à malis habitibus, ab inordinatis passioni-  
bus, à tentationibus periculosis, ab ommissione multorum bono-  
rum, ab inconstantia in bene captis, à defectu profectus in  
virtute continui.

*Asima mea*, à Te creata, à Te redempta, verà fide imbu- 7.  
ta, toties in peccatis tolerata, toties post peccata justificata, to-  
ties SS. Sacramentis refecta, tot auxilijs adjuta, à tot malis a-  
nimi, corporis, fortunarum liberata, totidemq; malis præser-  
vata; tot beneficijs naturæ & gratiæ ditata, ad gloriam cæle-  
stem vocata, à Te deniq; tam diu in tuo servitio conservata.

*Cum sacratissimum Missæ Sacrificium Memoria sit*  
*Passionis Domini, quam non solum pro vivis, verum eti-*  
*am & pro defunctis misericorditer sustinuit; nihil profectò*  
*efficacius juvandis Animabus purgatorij penas sustinenti-*  
*bus adhibetur, quàm Sacrificij Missæ vel etiam alio viso*  
*tempore præcipua Christi Passionis mysteria devota mente re-*  
*colere pijsq; manibus applicare. Ex eodẽ opusculo P. Bodeker.*

*Suspiria pro Defunctis,*

*Tristissime Iesu, qui in primo in hortum Gethsemani in-* 1.  
*gressu lethali pavore, tædio ac tristitiâ obrutus morti succubu-*  
*isses, nisi impedivisset Divinitas tua, recordare luctus ac mæro-*  
*ris animarum purgantium, illarum miserere per tuam tuæq;*  
*Matris Sanctissimæ immanem tristitiam, etiam nostri, qui luge-*  
*mus ac flemus in hac lachrymarum valle, tum in primis, cum*  
*mors appropriat.*

*O Iesu sanguinee! cui inauditæ cordis angustiae sudorem* 2.  
*sanguineum interras decurrentem expresserunt, vide rogo ad*  
*quantas angustias desiderium Regni tui perducat purgantes ani-*  
*mas, audi clamantes, Quemadmodum desiderat cervus ad fon-*  
*tes aquarum, ita desideramus ad te Deus. Miserere illarum*



per Agoniam tuam, tuæq; Matris tristissimæ angustias; consperge illas unicâ sudoris tui sanguinei guttulâ; quæ eluendis omnium illarum maculis abundè sufficit, ut conspectu tuo redantur dignæ. Miserere etiam nostri, in omnibus vitæ hujus, imminenti præcipuè mortis, angustijs,

3. *Desolatiſſime Ieſu*, quem nocte ſilenti deſeruerunt omnes, dormiebant enim diſcipuli, perfidus Iudas neſariæ proditiōi erat intentus, Mater tua domi clauſa flebat amarè, per hanc tuam deſolationem, per Matris tuæ mæſtiſſimas lachrymas miſerere animarum in flammis purgantibus adeo deſertarum, ut clamare cogantur, *Miſeremini mei, miſeremini mei, ſaltem vos amici mei*. Miſerere quoque noſtri, qui deſerti ac deſolati gemimus in hoc mundo miſero, tum maxime, cum in mortis articulo nos deſerent omnia.
4. *O Ieſu turpiſſimè prodite*, quem Iudas oſculo perfido Iudæorum hoſtium tuorum manibus tradidit, quis explicet luſtus Matris tuæ inde conceptos: recordare, quam manſvetè Proditorem hunc neſarium exceperis: *Amice*, inquebas, *ad quid veniſti?* Iuda, ſic oſculo filium hominis tradis? Pij manes proditores tui non ſunt, ſed amici perquam chari, miſere illarum per hanc tuam manſuetudinem tuæq; Matris luſtum, & dic illis vos amici mei, ego reſciam vos. Miſerere pariter noſtri, & quoties inſtat peccandi occaſio, alloquere nos vultu ſevero, *ad quid veniſti? itane trades me?* ut à peccatis ſemper mundi audire mereamur in hora mortis, *ſerve bone & fidelis, intra in gaudium Domini tui*.
5. *O Ieſu captivè!* qui vinculis crudeliter conſtrictus, ferro cateniſq; immitè oneratus, per torrentem Cedron, per ſpineta & ſaxeta, in humanè raptatus ad Annam duceris, per hanc tuam captivitatem, per Matris angores, cujus cor iſſdem vinculis & catenis ſtringebatur, miſerere captivorum in Purgatorio, exime illos è carcere iſto igneo. Miſerere quoq; noſtri, exue nos peccatorum vinculis, ut in hora mortis ijs expediſſi ad te liberè avolemus.
6. *O Ieſu crudeli manu percuſſe!* cui protervus nebulo, ſatanae potiùs, quàm Pontificis mancipium, Chirothecâ ferrea indutus



ductus immanem colaphum infregit, is colaphus quale vulnus infixit cordi amantissimæ Matris tuæ, quis explicet? per crudelem hanc plagam, per cor Matris tuæ vulneratum, miserere animarum purgantium, duris divinæ tuæ iustitiæ verberibus percussarum, dic, illos iam mox ijs plagis eripiendos. Miserere etiam nostri, nè in hora mortis percutiamur horrendo hoc verberare, *discede à me maledicte.*

*Iesu illuse, conspue; falso accusate, reus mortis iudicate.* 7.  
quem Caiphas blasphemix arguebat, totum Concilium mortis condemnabat, tota cohors conspuebat, illudebat percutiebat. Per iniquam hanc mortis sententiam, per illusiones, ac conspuationes, per dolores sanctissimæ Matri tuæ ijs illatos, respice benignis oculis pios manes à dæmone illusos & consputos, & ex hac tortura eripe. Iisdem oculis & nos respice, nè malignus satan nobis unquam, maxime in hora mortis ob admissa peccata illudat.

*Innocentissime Iesu,* qui silebas apud Pilatum, cum flagitijs confictis insimularis; per hoc tuum silentium miserere purgantium animarum, quæ in pænis suis optime promeritis libenter silent, ac sine querela castigantem iustitiæ tuæ manum sustinent. Miserere etiam nostri, & gratiam largire, ut angustias omnes & tribulationes, dolores ac morbos, opprobria & contumelias, quibus peccata nostra iuste castigas, silentes, & sine querela perferamus & lætemur in hora mortis, nos per tribulationes multas intrare in Regnum Dei. Id nobis exora o patientissima Mater! qua admirabilis silentio omnia innocentissimi filij opprobria pertulisti.

*O Iesu irris!* quem Herodes omnisq; exercitus ejus veste alba indutum irrisit; O quantum probrum infinitæ tuæ sapientiæ! quantus luctus Matris tuæ sapientissimæ! per hanc tuam irrisionem, per Matris tuæ luctum, miserere ardentium in purgatorio animarum, hæ non irrident Te ut fatuum, sed venerantur thesauros sapientiæ & scientiæ tuæ, reverentur Matrem tuam sedem sapientiæ, parce itaq; & eripe illos; etiam nobis parce, fatemur Te esse sapientiam Patris æterni, & Matrem tuam sedem sapientiæ, in hac confessione ad ultimum usq; ha-

litum



litum nos robora.

10. *O Iesu despecte!* quem Pilatus Barabbæ seditioso ac truculentissimo latroni composuit, plebs vero postposuit, cum illum dimitti petijt, Te autem ad mortem crucis reiecit; Compātere per hunc tuum despectum pijs Manibus, qui saltem in hora mortis Tibi res omnes posthabuerunt; compātere nobis, dando grātiā, ut contemptis omnibus Te unum quæramus, colamus, amemus, & in hora mortis. Succurre nobis o honestissima, in filio tuo summè despecta Mater!

11. *O Iesu crudelissimè flagellate!* quem sex carnifices, duo virgis spineis, duo loris nodosis, duo catenis ferreis immanissimè flagellarunt, ut à planta pedis usq; ad verticem capitis non esset in Te sanitas, neq; in corde altissimæ Matris tuæ, per hanc flagellationem tuam, per tua & amantissimæ Matris tuæ lethalia vulnera respice pijs oculis ardentes in purgatorio animas, quæ sentiunt flagella divinæ tuæ Iustitiæ, & eripe duris ictibus; nobis largire grātiā talis innocentiae, ut in hora mortis non timeamus flagella, sed æternæ felicitatis gaudia expectemus.

12. *O Iesu spinis coronate!* quem ceu Regem fatuum insana plebs quā ludicrè tam crudeliter spinis coronavit, aculeis per cranium adactis. Per hanc crudelissimam coronationem, per accerrimas, quas inde sensit cor tenerrimæ Matris tuæ puncturas, miserere animarum tuarum, quarum maculæ in purgantibus flammis exurantur, impone ijs coronam gloriæ, miserere nostri, qui in hoc exilio coronamur tribulatione & angustia, ut coronam hanc ita imprimamus capiti, ut in hora mortis coronā gloriæ digni esse mereamur. Amen.

13. *O Iesu morti crucis adiudicate!* quem Pilatus lotis frustra manibus, iudicio iniquissimo, morti Crucis, addixit; per hanc condemnationem tuam, per conceptos inde atrocissimos mæstissimæ Matris tuæ dolores miserere animarum purgantium, easq; ad vitæ æternæ gaudia admitte; effice ut & nos eorundem digni inveniamur, cum hinc migrabimus.

14. *O Iesu crucem bajulans!* qui patibulum tuum grave lignum ad locum supplicij, excelsum Calvariæ montem humeris portasti,



fi, sæpius onere depressus concidisti; quis explicabit, quantum immane hoc pondus cor virginæ tenerrimæ Matris tuæ pre-ferit? per hanc Crucis tuæ bajulationem, per Matris tuæ prefuras miserere piorum manium sub gravi immanium tormentorum pondere gementium, allevia illos, & perduc in montem quietis æternæ; & nostri miserere adauge gratiam, ut Cruci quotidianæ humeros patienter supponamus, ita fortiter conscendamus montem crucis, ut in fine vitæ digni simus, qui in monte æternæ suavitatis comparcamus.

O Iesu Crucifixus! qui clavibus obtusis per manus pedesq; 15. adactis ligno Crucis affixus es, ô quantum tormentum! per crudelem hanc crucifixionem, per confixionem atrocem dulcissimæ Matris tuæ, miserere animarum in igne purganti dolorosissimæ cruci affixarum, solve illas ab hac Cruce, nobis concede, ut carni ac mundo ita simus crucifixi, ut in hora mortis ab omni cruce soluti ingredi mereamur locum gaudiorum.

O Iesu à Cruce pendens, manibus pedibusq; imo toto 16. corpore vulnerata! qui in acerbissimis istis cruciatibus illusus & explosus es, ab improbis, per dolorum istorum atrocitatem, per illusiones istas inhumanas, per Matris tuæ Cruci adstantis luctus amarissimos miserere piarum animarum, quas in doloribus suis irridet crudelis satan, exime illas è statu isto luctuoso. Etiam nostri miserere, qui irridemur ab impijs dum nos in mundo crucifigimur, ut, dum vivimus, in hac Cruce perseveremus, & tecum gloriosa morte hinc decedamus.

O mitissime Iesu! qui latroni pœnitenti delicta relaxasti 17. dicens, *hodie mecum eris in paradyso*. Per hanc benignitatem miserere purgantium animarum, quas forte omnes latro iste multis partibus malitiâ superat, dic illis, *hodie mecum eris in paradyso*. Da nobis gratiam, tam amare, dum vivimus, desendi cum latrone peccata nostra, ut cum ipso in mortis articulo audire mereamur, *hodie mecum eris in paradyso*.

Liberalissime Iesu! qui dedisti nobis Matrem tuam dolo- 18. rosam, ut sit nobis Mater, ecce filij ejus sunt pij manes, adspice ergo Matrem tuam luctu plenam, & miserere filiorum ejus, tuorum fratrum, etiam nos adspice filios Matris tuæ tuosq; fra-



tres, ut propediem ibi simus, ubi est Mater nostra, & Tu noster Frater.

19. *O Mater dolorosa!* cujus animam gladius doloris pertransiit, ecce Filius tuus in Cruce moriens Te Matrem constituit electorum suorum, electi sunt, quotquot in purgatorio ardent, miserere ergo filiorum tuorum, fac ut & nos simus filij tui, id est electi, quam erit tum beata mors nostra!

20. *Amabilissima Mater!* Tu patiebaris in corde, quod Filius tuus in corpore, rogo Te per dolores tenerissimi cordis tui, ut maternis oculis intuearis tuam, & Filij tui in Cruce morientis congregationem, tam illam quæ in purgatorio ardet, quam illam, quæ certat interris, ut vobiscum æternum regnet in Cælis.

21. *O Iesu dolorosissime!* qui in Cruce dixisti, *Sitio:* sitiebas omnium omnino hominum salutem, miserere animarum in purgatorio ad te clamantium, *Sitio ad Deum fontem vivum, quando veniam & apparebo ante faciem Dei?* restingue hanc sitim illarum. In nobis verò sitim æternæ salutis accende, erit tum beata mors nostra. Id nobis exora o Mater dolorosa salutem nostram sitiens!

22. *O Iesu moriens!* qui post multos annorum triginta trium labores, sudores, dolores, animam in manus Patris commendans in Cruce expirasti: misere suspirantium ad te in acerbissimis doloribus animarum, recrea illas in loco quietis æternæ, miserere etiam nostri, qui lugemus & fleamus in hac lachrymarum valle, da pati patienter, ut deniq; tecum per beatam mortem æternum gaudeamus; succurre nobis o Mater misericordie! per luctus ac dolores tuos, quos sensisti, dum Filius tuus magna voce clamans expirabat. Amen.

Kyrie eleison, Christe eleison, Kyrie eleison. Pater noster &c. V. Et ne nos in ducas in tentationem R. Sed libera nos a malo. V. A porta inferi. R. Erue Domine animas eorum. V. Requiescant in pace. R. Amen. V. Domine exaudi orationem meam. R. Et clamor meus ad te veniat. V. Dominus vobiscum. R. Et cum spiritu tuo.

Orc-



**A**bsolve quæsumus Domine, animas famulorū famularumq̃ ue-  
tuarum, & omnium fidelium defunctorum, ab omni vincu-  
lo delictorum: ut in resurrectionis gloria inter sanctos &  
electos tuos resuscitati respirent. Per Christum Dominum no-  
strum. R. Amen.

℟. Requiem æternam dona eis Domine. R. Et lux perpetua  
luceat eis. ℟. Requiescant in pace. R. Amen.

Præcellit omnes orandi modos illa à Salvatore  
nostro, Apostolis, & per illos nobis tradita Oratio  
Dominica Matth. 6. 9. *Sic ergo vos orabitis: Pater no-  
ster. Quam varij Authores piè commentantur.*  
Prætermisissis tamen cæteris, R. P. Druzicki unam,  
& R. P. Laurentij Bartillij ejusdem S.I. duas so-  
lūm ( & si plures apud eosdem reperies ) brevitati  
indulgendo, devotis commentationibus interpola-  
tas exhibemus.

**S**anguis IESU Christi est clavis Cæli: quā ille omnibus,  
Cælum peccato oclusum referavit. Hanc ergo clavem ac-  
cipe & Cælum tibi referans, ingredi, & appropinquans  
ad Thronum Majestatis Dei cum fiducia, dic Patri cælesti. *Pa-  
ter noster, qui es in Cælis.*

Ex Evangelica narratione habemus, Christum Dominum  
sepius potissimum fudisse pretiosum sanguinem suum, ad has  
effusiones sanguinis conferre potes totidem Postulationes Do-  
minicæ Orationis.

Prima Petitio. *Sanctificetur nomen tuum.* Prima sanguinis  
Christi effusio fuit in Circumcisione, octavo à nativitate die, quo  
etiam Sacrosanctum nomen IESUS à Patre quidem Æterno do-  
natum, à pretiosissima autem Parente inditum accepit.

Consecrasti & perfudisti bone IESU sanctissimum tuum no-  
men, sanguine tuo: infunde etiam obsecro pretiosum istud no-  
men tuum, in corda omnium nostrū, ut in nobis per merita



sanguinis tui, semper & amplius sanctificetur & magnificetur.

Secunda Petitio. *Adveniat Regnum tuum.* Altera effusio sanguinis fuit in coronæ spineæ impositione, quâ Caput Christi Domini crudelissimè confossum, sauciatus, & cruentatus fuit. Hoc cruore Dominus IESUS nobis cæleste regnum mercatus est, fecitq; nos Patri Regale sacerdotium.

O Bone IESU! adveniat quæso hoc tuum Regnum in nos, & nos in illud: & per merita sanguinolentæ Coronæ tuæ, corona nos æternæ gloriæ coronâ, in beatissimo Regno tuo.

Tertia Petitio. *Fiat voluntas tua sicut in celo & in terra.* Tertia sanguinis effusio fuit in horto, quando inter orandum ad Patrem sanguinem fudit Dominus, submittens se ad omnem voluntatem ejus, & ad ebibendum calicem amarissimæ Passionis atq; mortis, sibi à paterna manu pro nobis propinatum.

Da & fac ô Bone IESU tuam sanctissimam voluntatem gustabilem, ut semper à nobis, & in nobis perfectissimè impleatur. Resperge sanguinei sudoris tui rore copioso corda nostra, & voluntates nostras, ut plenè, sincerè, æternaliter, voluntati tuæ subjectæ manentes, nullo unquam modo sese ab ea separant.

Quarta Petitio. *Panem nostrum quotidianum da nobis hodie.* Quarta Christi sanguinis effusio, fuit in flagellatione ad columnam: in qua corpus boni IESU multis vicibus, & vulneribus, instar frumenti planè in farinam commolitum; Anima verò sanctissima pane doloris & amaritudinis saginata fuit.

Da nobis Bone IESU gustum in pane quotidianæ tribulationis, propter amorem tuæ benedictæ voluntatis: condiens eum nobis condimento tui pretiosi sanguinis: ut nobis omne gaudium sit pati semper aliquid amarum, à suavissima tua providentia nobis ordinatum.

Quinta Petitio. *Et dimitte nobis debita nostra, sicut & nos dimittimus debitoribus nostris.* Quinta sanguinis Christi Profusio fuit, in detractione vestium, ad cruentum vulneratumq; Domini IESU Corpus, tenaciter adhærescentium: quæ  
detra-



detraçtio præter acutiffimum dolorem, vulnerumq; renovatio-  
nem, fieri non potuit absq; magna & multiplici sanguinis effu-  
sione.

O mi IESU quoties renovamus nos peccatores vulnera tua  
amariffima, dum ad inolita revertimur peccata? Attamen tu dis-  
simula inconstantiam nostram, renova autem indulgentiam tu-  
am. Effunde iterum atq; iterum balneum sanguinis tui super  
iniquitates nostras, propter quam & nos iteratò & iteratò con-  
donamus debitoribus nostris omnia debita nostra.

Sexta Petitio. *Et ne nos inducas in tentationem.* Sexta  
effusio sanguinis fuit, quando Christus Dominus noster Cruci  
affixus & inter latrones deputatus, venenatisq; & blasphemis  
omnium linguis tanquam signum, cui ab omnibus contradice-  
retur, expositus fuit.

Assume tibi crucifixum hunc IESUM in scutum contra o-  
mnes tentationes, adversitates, periculaq; corporis & animæ.  
Sanguine pedum ejus ablue, & emunda inordinatos affectus  
tuos. Sanguine manuum ipsius supple & adorna paupertatem,  
nuditatemq; operum tuorum, ut sanguine isto signata non i-  
ram, sed gratiam, nec pœnam, sed mercedem coram oculis Dei  
inveniant, & de manibus ejus referant.

Septima Petitio. *Sed libera nos à malo. Amen.* Septima  
sanguinis effusio fuit, in transfixione lateris & cordis Domini  
IESU iam mortui, ex quo vulnere exivit sanguis & aqua. San-  
guis quidem in pretium redemptionis: Aqua autem in ablutio-  
nem omnis peccatoris.

Pete, ac impetra, te admitti ad hoc balneum, & inibi ablue  
ac depone omnia inquinamenta cordis tui. Fuge sicut columba  
simplex, & imbellis à facie rapacium milvorum, ad foramina  
hujus petrae, & ibi secure inhabitans requiesce, non solum ni-  
hil mali formidans, sed etiam apertum æternæ felicitatis osti-  
um possidens.

R. R. Laurentij Bartilij pro Quadragesima &  
tempore pœnitentiæ Oratio Dominica.

Pater noster. En ego prodigus ille nomine Filij indignif-



simus. *Qui es in celis.* Inspector scelerum omnium & ultor iustissimus. *Sanctificetur* Per veram illuminationem peccatorum. *Nomen tuum,* Quod peccatis meis, toties blasphematum, *Adveniat* Per magnam dignationem tuam, *Regnum tuum* Iustitiæ, quod destruat regnum peccati. *Fiat voluntas tua.* Quâ non vis mortem peccatoris, sed ut magis convertatur & vivat. *Sicut in celo,* Imperialiter: *Et in terra* Efficaciter. *Panem nostrum quotidianum* Misericordiæ tuæ, quâ nos identidem reficis; & obedientiæ, quam nos tibi debemus: *Da nobis hodie,* ut illam perpetuò sentiamus, & hanc iugiter exhibeamus. *Et dimitte nobis,* Per congruum usum mediorum & meritum CHRISTI Passionis, *Debita nostra* Multiplicium peccatorum, quibus legem tuam prævaricatus sum, & Majestatem dehonoraui. *Sicut & nos dimittimus debitoribus nostris,* Injurias & offensas; omnem affectum odij, & vindictæ, excludendo. *Et ne nos inducas in tentationem* Cujuscunq; periculi peccandi, præsertim desperationis & contemptus. *Sed libera nos à malo,* Pænæ multiplicis temporariæ & æternæ. *Amen,* Ita fiat intercedente B. Mariâ Virgine cum omnibus Sanctis.

*Salutatio Angelica.*

*AVE MARIA,* Spes & refugium peccatorum. *Gratiâ plena.* Respice nos omni gratiâ, culpâ nostrâ indignissimos. *Dominus tecum.* Appropinquemus illi per te, à quo per peccatum sumus elongati. *Benedicta tu in mulieribus.* Nos in peccatis conceptos tua benedictione restaura. *Et benedictus fructus ventris tui.* Nos benedicere dignetur, qui venit vocare peccatores ad pœnitentiam *IESVS:* illius salutare per te consequamur. *Sancta MARIA,* ab omni peccato semper remotissima *Mater Dei,* peccatorum nihilominus *Advocata* benignissima, *Ora pro nobis peccatoribus,* ad libertatem iustorum suspirantibus: *Nunc* veram Contritionem, *Et in hora mortis nostræ,* Perseverantiam in iustitia impetrando. *Amen.*

*Pro Diebus Passionis D. N. IESU Christi*

*Ora*



## Oratio Dominica.

**Pater noster** Amantissime, qui pro ingratis Filijs temetipsum oblationem dedisti. *Qui es in celis*, adeò humiliatus in terris: *Sanctificetur* per dignam tanti beneficij recognitionem *Nomen tuum*, tot modis in tua Passione inhonoratum. *Adveniat* ex tua infinita liberalitate *Regnum tuum*, quod Latroni in cruce pendenti promissisti. *Fiat voluntas tua* circa crucem, quam nobis expedire iudicas. *Sicut in celo* per tui beneplaciti sanctionem: *Et in terra* per sortem & efficacem executionem. *Panem nostrum quotidianum* compunctionis & gratitudinis debitæ, *Da nobis hodie*, ut & de peccatis nostris ritè compungamur, & tibi gratam servitutem exhibeamus. *Et dimitte nobis* per infinita SS. Passionis tuæ merita, *Debita nostra*, tum ex multitudine peccatorum nostrorum, tum ex magnitudine donorum tuorum contracta. *Sicut & nos dimittimus*, amore & imitatione tui Patrem pro Crucifixoribus exorantis *debitoribus nostris*, tam ijs, qui nos apertè vel occultè offenderunt, quàm ijs, quos nos offendimus. *Et ne nos inducas*, per tuam in Cruce summam desolationem, *In tentationem*, præsertim obdurati cordis & insensibilis. *Sed libera nos à malo*, Peccati, Carnis, Sathanæ: ne nobis dominantur, à quorum servitute nos tuâ morte liberasti. *Amen.*

## Salutatio Angelica.

**AVE MARIA** semper & ubiq; ac vel in Passione omni veneratione dignissima *Gratiâ* compassionis amarosæ plena, nobis etiam de tua plenitudine communica. *Dominus* propter peccata nostra vulneratus, *Tecum* in memoria, in affectu & sensu. *Benedicta tu in mulieribus*, quæ fortissimè doloris gladium pertulisti. *Et benedictus fructus ventris tui*, qui nos cruce & Passione suâ Patri reconciliavit, **IESVS** Dominus Salvator noster. *Sancta MARIA*, per illam sub cruce stationem, & animæ transfixionem. *Mater DEI*, sicut Maternitatis titulo, ita compassionis affectu Christo proxima. *Ora pro nobis peccatoribus*, quos tibi sub nomine Ioannis, Filius è cruce commendavit: *Nunc* gratitudinem debitam, pro beneficio Redem-



demptionis. *Et in hora mortis nostræ, perseverantem in Filijs  
tui famulatu voluntatem nobis impetrando. Amen.*

## CORONA.

### De quinque Christi Domini nostri Vulneribus.

*Antiphona.*

Salvator mundi salva nos, qui per crucem &c. *ut infra.*

#### I. *Salutatio plage in lævo Pedes.*

Ave vulnus lævi Pedis,  
Dirum truci signum cædis,  
Fac beatæ dignos sedis,  
Compotes partæ mercedis.

Quinquies *Pater noster, & Ave Maria*, in ejus honorem.

*Oratio.* Per plagam lævi tui Pedis crudelissimam, da mihi Domine IESU, tuam imitari Humilitatem.

#### II. *Ad plagam dextri Pedis.*

Ave Pes dexter perfosse,  
Nervis ruptis, læso osse,  
Fac nos tantum donum nôsse,  
Amemus pro toto posse.

5. *Pater noster, & Ave Maria.*

Per plagam tui dextri Pedis crudelissimam, da mihi Domine IESU imitari tuam sanctam Patientiam.

#### III. *Ad plagam sinistræ Manus.*

Ave Christi Manus læva,  
Perforata manu sævâ,  
Nos ab omni malo leva,  
Cujus causa mater Eva.

5. *Pater noster, & Ave Maria.*

Per plagam tuæ sinistræ Manus crudelissimam, da mihi

Do.



Domine IESU, imitari tuam sanctam obedientiam.

IV. *Ad plagam dextræ Manûs.*

Ave Manus dextra Christi,  
Quæ mortem fixa fixisti,  
Et diabolum vicisti,  
Nos ad dextram jube fisti.

5. *Pater noster & Ave Maria.*

Per plagam tuæ dextræ Manus crudelissimam, da mihi  
Domine IESU, imitari tuam perfectissimam Charitatem.

V. *Ad plagam Lateris.*

Ave Latus lacinatum,  
Mucrone diro laxatum:  
Ad Cor Christi fac ducatum,  
Transfer nos in cæli statum.

5. *Pater noster & Ave Maria.*

Per plagam tui sanctissimi Lateris crudelissimam, da mihi  
Domine IESU, virtutem Castitatis, & in bono Perseveranti-  
am.

¶ Adoramus te CHRISTE & benedicimus tibi:

¶ Quia per Crucem & plagas tuas redemisti mundum.

*Oratio.* Domine IESU Christe, qui pro redemptione mun-  
di, quinque plagas in tuo sanctissimo Corpore, sustinuisti; con-  
cede quæsumus, ut omnes, qui illas pie veneramur in terris,  
illarum etiam perpetuo aspectu gaudere mereamur in Cælis.  
Qui vivis & regnas in sæcula. Amen.

**S**uper hæc, in quolibet vulnere nova gratia, novumque be-  
neficio petitur; in vulnere pedis sinistri remissio pecca-  
torum, in vulnere dextri acquisitio virtutum, maxime for-  
titudinis adversus tentationes: in vulnere manûs sinistrae libe-  
ratio ab inferno, in dextra adeptio gloriæ; in latere purus a-  
mor Iesu, & Mariæ. In fine cujuslibet decadis dices: *Sancta*  
*Mater istud agas, Crucifixi fige plagas cordi meo valide. A-*  
*men.*

Potest etiam addi modus dicendi Coronam  
sanctissimorum vulnerum per aclus internos

ab



ab A.R.P. Vincentio Caraffa in Fasciculo Myrrhæ  
propositus.

**C**ORONA vulnerum etiam dici potest mentaliter cum varijs actibus intellectus & voluntatis. In quolibet vulnere elicies tres actus intellectus, considerando amorem, dolorem & valorem illius vulneris; & tres actus voluntatis agendo gratias, de quibus dictum in corona vocali.

In quinque signaculis elicientur pariter alij quinque actus juxta modum sequentem.

1. **I**n signaculis primæ decadis vulneris pedis sinistri elicies quinque actus confusionis tui ipsius. Primò cognosces te eum, qui es; nihil, infirmum, peccatorem. Secundò æstimabis te talem. Tertiò, desiderabis, ut talem de te opinionem alij habeant. Quartò, confundens te coram omnibus creaturis, considerando in qualibet id, quod à Deo habet; in te verò id, quod à te habes. Quintò, cum omni patientia supportabis omnem adversitatem, dicendo cum bono latrone: *Nos quidem iuste, nam digna factis recipimus;* imò inferiora meritis, ut qui infernum meruimus.
2. **I**n signaculis secundæ decadis pedis dextri alios quinque actus imitationis Christi elicies. Primò, quod eum imitabere in Zelo propriæ perfectionis. Secundò, in Zelo salutis, & perfectionis proximi. Tertiò, in Zelo gloriæ Dei. Quartò, quod vives cum Christo in cruce. Christo confixus sum cruci. Quintò, cupies mori pro Christo. *Amore amoris tui moriar, qui amore amoris mei dignatus es mori.*
3. **I**N signaculo tertiæ decadis vulneris manûs dextræ elicies hos quinque Actus amoris Dei. Primò, approbabis in animo. Secundò, lætaberis. Tertiò, desiderabis omnem honorem extrinsecum omnium creaturarum. Quartò, conformabis te sanctissimæ ipsius voluntati. Quintò, desiderabis ipsum videre, & eo frui facie ad faciem.
4. **I**N signaculis quartæ decadis vulneris manûs sinistræ elicies quinque actus amoris proximi. Primò, considerabis eum, ut Filium Dei, ut Fratrem Christi redemptum preti-



oso ejus sanguine, ut templum Spiritus Sancti. Secundò, desiderabis illi omne bonum. Tertiò, propones te ei benefacturum verbo & opere, consideratis hisce Christi verbis: Quod uni ex minimis meis fecistis, mihi fecistis. Quartò, procurabis salutem animæ ejus. Quintò, offeres pro ipso vitam tuam.

3. **I**N signaculis ultimæ decadis vulneris lateris Christi elicies quinque actus desiderij vitæ alterius. Primò, contemptus vitæ præsentis, ut vilis & momentaneæ. Secundò, æstimationis alterius, ut infinitæ, & æternæ. Tertiò, eam à Domino petes. Quartò, offeres in pretium quinque vulnera Christi. Quintò, diriges omnes cogitationes, verba, & opera *ad Maiorem Dei gloriam, ad vitam eternam.*

Propositum, quod ex hac meditatione excerpatur, erit perfecta observatio illarum trium vocum, *Inspice, abstine, & sustine.* Inspicies cogitatione vulnera Christi, ac veluti in habitabis. Abstinebis eorum amore ab omni dulcedine, & consolatione creata, sustinebis hilariter adversa *in sanguine Christi, & gratia Mariæ.*

#### *Salutatio Sanctissimorum vulnerum Christi.*

1. **O** salutifera vulnera dulcissimi mei Iesu Christi: salvetes, salvetes; salvetes in omnipotentia Patris, qui vos dedit; in sapientia Filij, qui in vobis sustinuit, in benignitate Spiritus Sancti, qui in vobis nostræ redemptionis opus perfecit. His verbis devota quædam à Deo aspirata, salutabat vulnera sanctissima Salvatoris.

2. Salvete monumenta charitatis, testimonia obedientiæ, signa visionis paternæ, & pretia redemptionis humanæ. Salvete fortitudo Martyrum, patientia Confessorum, gaudium Apostolorum, gloria Sanctorum omnium.

3. *Salvete, salvate.* Sanctificate animas nostras in potentia Patris, in sapientia Filij, in bonitate Spiritus Sancti. Salvate nos ab æterna damnatione, & sanctificate nos in vestra dilectione; cum abundantia vestrarum gratiarum in hac vita, & cum plenitudine gloriæ in altera. Amen.

### **Actus Amoris Dei.**



*Ad amarosissima patientis ac amore aestuantis  
CHRISTI vulnera  
applicati.*

*I. Vulnus pedis sinistri.*

*Vulnus Sacratissimi pedis tui sinistri Dulcissime IESV  
sit remedium peccatrici anime mee & incentivum Amoris  
DEI. Amen.*

**A**Mo te eminentissime Deus meus amore illo, quo Te omnes inanimatae & irrationabiles creaturae amare deberent, sed naturam impediante non possunt. Suppleat rogo licet modicus hic amor meus defectum illum ut plenus sit amor Tui ab omnibus creaturis Tibi debitus, maxime quia istae creaturae tuae pleraque ex Imperio Tuo mihi serviant, ob quod dignum est, ut Te pro illis etiam amem. Amo igitur Te, amareque volo pro ipsis in omnem Eternitatem. Amen.

*II. Vulnus pedis dextri.*

*Vulnus Sacratissimi pedis Tui dextri Dulcissime IESV  
sit remedium peccatrici anime mee & incentivum Amoris  
DEI. Amen.*

**A**Mo Te omni amore dignissime DEUS, amo Te amore illo, quo Te deberent amare daemones etiam, & omnes damnati in inferno, sed quia Te amare contempserunt & noluerunt, ideo infelices non possunt, nec amplius digni sunt amare Te. O amor omni amore superdignissime, Domine DEUS meus! si majori, quam infernali incendio, possem amore tui aestuare, vellem Domine mi eo modo supplere defectum amoris illorum. Sed Te misericordissimum DEUM per omnes miserationes tuas rogo, non me permittas devenire illuc, ubi Te non amant, nec amare volunt, sed deducas me ubi amaris semper, ac dignos facis amore Tuo ut Te ament, nec amare deficiant per omnes aeternitates. Amen.

*III. Vulnus manus sinistae.*

*Vulnus Sacratissimae Manus Tuae sinistae Dulcissime IESV  
sit remedium peccatrici anime mee & incentivum Amoris Divini. Amen.*

Amo



**A** Mo Te desideratissime DEUS, amore illo quo Te Ethnici, Idololatrae & omnes à vera Christiana fide alieni, item infirmi peccatores amare debent, amare tamen Te verum DEUM alij ignorant, alij negligunt, alij creaturarum tuarum adeoq; alieno, non Tuo corda sua occupant amore. Suppleat Domine, oro submisſe, minutissimus amor meus defectum illorum, vel potius infinitus amor tuus suppleat, illuminet & accendat corda illorum, ut & ipsi agnoscant Te, ac diligere quandoq; incipiant, diligantq; in omnem æternitatem, quia ut ab omnibus diligaris dignus es DEUS meus. Amen.

*IV. Vulnus manus dextrae.*

*Vulnus Sanctissime Manus Tuae dextrae Dulcissime IESU sit remedium peccatricis animae meae & incentivum Amoris DEI. Amen.*

Amo Te Beatissime Domine DEUS meus amore illo, quo Te Ecclesia militans sponsa Tua, tum & prædestinati omnes Tui in hac vita amant, amare volunt, & si fortè aliquando negligunt, tamen amare Te debent, & amabunt in omnem æternitatem. Amen.

*V. Vulnus Lateris & cordis.*

*Vulnus Sacratissimi Lateris & Cordis Tui Dulcissime IESU sit remedium peccatricis animae meae & incentivum Amoris Divini. Amen.*

Amo Te perfectissime DEUS meus amore illo, quo Te omnes prædestinati, jam in cælo tecum regnantes, totaq; illa triumphans Ecclesia amat, amare debet, amare vult, amabitq; in omnem æternitatem. Amen.

*VI. Vulnura totius Corporis Christi.*

*Vulnura Totius Sacratissimi Corporis Domini ac Salvatoris nostri IESU Christi, in quo à planta pedis usq; adverticem, non est sanitas: vulnus, & livor, & plaga tumens. non est circumligata, nec curata medicamine, neque fota oleo: eiusdemq; ad extremam guttulam Sanctissimus sanguis in redemptionem mundi copiosissime effusus sit remedium peccatricis animae meae & incentivum Amoris Divini, Amen.*



**A**mo Te superamantissime DEVS charitate illa, qua Te omnes Sancti Angeli, Archangeli, Virtutes, Principatus, Potestates, Throni, Dominationes, Cherubin & Seraphim totiusq; Hierarchiæ Cælestis spiritus beatissimi illa purâ defectaq; charitate, illa quieti amoris vehementiâ, illo ineffabili dilectionis incendio per Te inflammantur, & Tibi ipsi per Te ipsum feliciter uniuntur: Sic Te nunc, ante & in perpetuum amant, amabuntq; infinite. Vellem Te Domine mihi eo amore amare, in illoq; totum me absorberi.

**VII. Anima Sanctissima IESV.**

*Sacratissima ac Deifica Anima Salvatoris ac Domini mei. IESV Christi toties pro mea totiusq; mundi salute conturbata, afflicta, usq; ad mortem tristis, in morte ab omnibus derelicta, tandem in separatione à Sanctissimo Corpore in manus Patris Eterni commendata, sit remedium & refugium peccatricis anime meae maxime in egressu illius à corpore, tum etiam sit incentivum ac augmentum Amoris Divini. Amen.*

**A**mo Te superbeatissime, & super omnes perfectiones perfectissime, ineffabilissime DEUS, ac amare vellem, amore illo, quo Beatissima Mater ac Virgo MARIA à primo instanti immaculatæ Cōceptionis suæ & Filius ejus ac Tuus IESUS Salvator meus in quo Tibi bene complacuit, ac ab æterno Te amavit, amat, amabitq; in æternum. Quinimò, si possibile esset vellem etiam illa dilectione Te diligere, quâ Te ipsum perfectissime & adæquate ab æterno dilexisti, diligis, & in omnem æternitatem diliges. Sed quia non possum, & minus amo Te infelix, quam debeo, quam volo, quam possum, oro Te misericordissime DEUS, tam meos, quam omnium creaturarum suppleas amoris defectus Tuo Divinissimo, perfectissimo, ac infinito amore, quia hæc est dignitas Tux o DEUS amor meus. Amen.

**PIJ AFFECTUS**

*Erga patientem IESVM & dolorosissimam Matrem ejus*  
**EX**



Ex Medulla Crucis perpetuæ  
*desumpti.*

VALEDICTIO MATRIS.

De postremo colloquio, quod seorsim cum Filio  
Mater instituit. Vide S. Bonavent: c. 72. Medit.  
vitæ Christi.

Typus. Sara.

Suum unigenitum Isaac, in montem Moria ad sacrificium  
tendentem, dolens à se dimittit. Nam conscia fuit necis  
futuræ, juxta S. August: de Temp. serm. 13. Tomo. 10.  
Gen. 22.

Prototypon.

Christus amantissimæ Matri valedicit, priusquam se accin-  
gat, ut mortem opperat in monte Calvariæ.

Affectus.

**Q**Uò vadit dilectus tuus ô Nôemi, ô pulcherrima mulie-  
rum, quò vadit? Ad cœnam cui intererit proditor: ad hor-  
tum ubi sudabit sanguinem; ad Annam ubi alapis cruen-  
tabitur? Ad Caipham ubi opprobrijs saturabitur; ad Herodem  
ubi illudetur ut demens; ad prætorium ubi cædetur ut reus; ad  
montem, ubi suspendetur ut latro. Hæc singula conferens in cor-  
de tuo, & profundè gemens dicis: Ne vocetis me Nôemi, id  
est, pulchram: sed vocate me Mara, id est, amaram; quia ama-  
ritudine valdè replevit me Omnipotens. O MARIA, ô MA-  
RIA, ô mæstissima mulierum, ô afflictissima Virginum! Eja  
Mater fons amoris, Me sentire vim doloris Fac, ut tecum lu-  
geam. Fac, ut ardeat cor meum, in amando Christum Deum,  
ut sibi complaceam. Vt & tibi complaceam, & utriusq; dolore  
& amore langveat, ardeat, liquefiat anima mea, præsertim dum  
accedo sacrosanctum Altare, in quo recolitur memoria Passio-  
nis istius. Amen.

Affectus in Valedictione euntis crucifigi.

**U**Bi jam illæ magnificæ Archangeli voces? Ave gratiâ ple-  
na,



na, Dominus tecum? Ecce jam immensis plena doloribus. Ecce jam Dominus à te per amplexum amarissimum divellendus. Vbi jam repleta Spiritu Sancto Elisabeth, quæ exclamavit voce magnâ, & dixit: Benedicta tu inter mulieres, & benedictus fructus ventris tui! Nunquid non jam voce majore exclamaret; ærumnosissima tu inter mulieres, & maledictus fructus ventris tui, quia maledictus omnis qui pendebit in ligno? Verum cum meæ salutis causâ ista sic fiant; terrâ cæloq; audieris, voce magna pronuntio, te milles & centies milles esse benedictam o Virgo piissima, Martyrum Regina! Quia etiam voce majore proclamo, Filium tuum infinities milles benedictum, ac benedicendum in æternum & ultra! Amen.

## ULTIMA CŒNA.

Edentibus illis dixit: Amen dico vobis, quia unus vestrum me traditurus est. Matth. 26.

Typus. Agnus Paschalis.

Tollat unusquisq; agnum per familias, & domos suas. Exod. 12.

Prototypon.

Christus verus Agnus se apposuit ad edendum in ulti-  
ma Cæna, etiam suo proditori.

Affectus.

**I**n vitas ad cœnam, cœnam magnam; o anima Christiana: noli te excusare, noli. Verè cœna magna, quia à magno DEO, magna charitate proposita. Magna, quia magno prodigio elaborata, in qua memoriam fecit suorum mirabilium misericors Dominus. Magna, quia magnis fereulis instructa corpore Christi, animâ Christi, divinitate Christi. Magna, quia pretij magni: ubi sunt omnes cæli terræq; thesauri. Magna, quia magna arte adornata, ubi tota cœna parvo concluditur frusto & suum hospitem simul includit. Magna, quia magnæ, imò universæ hominum multitudini præparata. Magna, quia magnis mysterijs ab omni retrò ætate præsignata. Magna, quia magno-



gnorum largitrix munerum: qui manducat hunc panem, vivet in æternum. Quid superest? Ut magna præparatione, ac curâ, magna contritione, & demissione; magna fame, & siti; magna fide ac fiducia, magna religione, ac reverentiâ, magno zelo, ac charitate, hanc mensam velis accedere. Amen.

## HORTUS GETHSEMANI.

*Pater si vis, transfer calicem istum à me: Veruntamen non mea voluntas, sed tua fiat. Apparuit illi Angelus de celo, confortans eum. Lucae 22.*

### Typus. Elias.

*Petivit anima sua ut moreretur, proiecitq; se, & obdormivit in umbra juniperi: & ecce Angelus Domini tetigit eum, 3. Reg. 19.*

### Prototypon.

Christus humi prostratus, & ad mortem usq; afflictus ab Angelo confortatur.

### Affectus.

**D**omine mi Iesu doce me orare: orare suppliciter, qui animi summa veneratione, & corporis infima inclinatione, non modò in genua. sed in faciem orans, prociditti. Orare ferventer, qui easdem preces ardenti contentione repetisti, junctis gemitibus inenarrabilibus. Orare amanter, qui clamasti, Abba Pater, id est, Pater, ô mi Pater ut dilectissimus Filius, amantissimo Patri supplicabundus. Orare constanter, qui orasti usq; ad sudorem sanguineum; usque ad supremam agoniam. Orare, cum omni resignatione, non obstantibus infinitis difficultatibus, veruntamen, non mea (inquebas) voluntas, sed tua fiat. Volo quidem Domine, sed non valeo sic orare: ut valeam oro iterum, & millies oro, Domine, doce me orare, idq; obtestor per preces tuas, tantâ demissione, tanto fervore, tanto amore, tantâ constantiâ, tantâ resignatione, pro me effusas, perq; placabile illud Altaris Sacrificium, in quo semper vivis ad interpellandum pro nobis. Amen.

Con-



## OSCULUM IUDÆ

*Confestim accedens ad IESVM, dixit: Ave Rabbi. Et osculatus est eum. Matth. 26.*

Typus. Amasa.

*Dixit itaq; Ioab ad Amasam: Salve mi frater. Et tenuit manu dexterâ mentum Amasæ, quasi osculans eum. 2. Reg. 20.*

Prototypon.

Christum Iudas amicè salutando, & osculando inimicis tradidit.

Affectus.

**I**uda quid agis? Amoris signo vulnus infligis? mellis oblatione venenum propinas? charitatis officio sanguinem fundis? instrumento pacis mortem irrogas? Iuda quid agis? quò decidisti? de Apostolatu ad apostasiam; de consortio Angelorum ad contubernium dæmonum; de primis Amicorum, ad ultimos hostium; de sublimi gratiæ folio, ad profundam damnationis abyssum; de participatione augustissimi corporis, ad venditionem ejus divinißimi sanguinis? Ah! quantum sæpè nequitiae sub fronte blanda; quantum mali sub larva boni tegitur! Id facis peccatrix anima, dum aliquem blanditijs ad peccand umallicis, dum rûis fraudibus decipis; dum per causam pietatis impietatem velas; dum sacram mensam sacrilegè accedis, non dijudicans Corpus Domini. Exeste proditores, procul à me exeste. Moveat nos divinæ dulcedo charitatis, & viscera misericordiae Christi: qui pro malevolentia favorem; pro odio amorem; pro morte vitam; pro isto osculo præbet amplexum. Hunc amplexum enixissime desidero, præsertim in hora mortis. Amen.

## TORRENS CEDRON.

*Egressus est cum discipulis suis trans Torrentem Cedron. Ioan. 18. In eundem præcipitatus est. Adrichom.*

Typus. David.

Omnes



*Omnes flebant voce magna, & universus populus transibat: Rex quoq; transgrediebatur torrentem Cedron. 2. Reg. 15.*

### Prototypon.

**Dominus per torrentem Cedron raptatus est, quem cum Discipulis ante transferat.**

### Affectus.

**O**Mnes de aquis tribulationum; omnes cum Christo de torrente in via bibimus; & trahimur de malo in malum, tolerandum est. Humores nos inflant, ardores exsiccant, escæ gravant; jejunia macerant, gaudia dissolvunt, tristitiæ consumunt: tolerandum est. Sollicitudo nos coarctat, incuria dissipat, divitiæ extollunt, paupertas dejicit, infirmitas frangit, mors interimit, tolerandum est. O quando corruptibile hoc induet incorruptionem, & mortale hoc induet immortalitatem? O quando replebimur ab ubertate domus DEI, & torrente voluptatis potabimur? O quando dicetur, jam hyems transiit, imber abiit: Veni de Libano, veni coronaberis, intra in gaudium Domini tui? Interea, dum tædia vitæ toleranda sunt, in loco hoc peregrinationis meæ, & exilij, pascor Eucharistico manna, pane Angelorum, delicijs cæli: donec aspi- ret dies æternitatis, & inclinentur umbræ hujus vitæ, donec videam facie ad faciem illum, qui modo absconditus hîc me respicit per cancellos. Amen.

### A N N A S.

*Vnus assistens ministrorum dedit alapam IESV. Ioan. 18.*

### Typus. Michæas.

*Accessit Sedecias filius Chanaana, & percussit Michæam in maxillam & dixit: Mene ergo dimisit Spiritus Domini & locutus est tibi? 3. Reg. 22.*

### Prototypon.

**Veridicus Servator impudenter in facie cæsus est.**

### Affectus.

**Quisnam ille est, qui a mancipio alapæ crudeli cæditur? Nunquid**

Aa

non



non est omnium innocentissimus? Ergo non plestendus. Nunquid non omnium Dominus? Ergo honorandus. Nunquid non omnium Pater? Ergo amandus. Nunquid non electarum sponsus Animarum? Ergo favore dignus. Nunquid non omnium Iudex? Ergo timendus. Nunquid non omnium Deus? Ergo adorandus. Qui igitur ut innocenti, & Domino, & Patri, & Sponso, & Iudici, & Deo verber tam ignominiosum inpingatur? O cæcitas o fatuitas, o crudelitas nimia! O mi Christe, pro injuriæ istius reparatione, te non jam quidem pro tribunali, sed in Altari stantem, omnis innocentie fontem esse confiteor, te Dominum veneror, te Patrem diligo; te animæ meæ sponsum amplector: te omnium Iudicem timeo: te Deum vivum ac verum cum omnibus Angelis adoro: impensè flagitans, hanc tuam modò a te gratiam consequi, ut omnium injuriam a quocunq; mihi impactam, libentissimè amore tui condonem, quod & nunc ex animo facio. Amen.

### CAIPHAS.

*Velaverunt eum, & percutiebant faciem eius: & interrogabant eum, dicentes: Prophetiza, quis est, qui te percussit? Luca. 22.*

### Typus. Samson.

*Quem cum apprehendissent Philistiim, statim cruerunt oculos eius, & duxerunt eum vincitum catenis, & clausum in carcere moleste fecerunt. Iudic. 16.*

### Prototypon.

Christo Iudæi oculos velarunt, multaq; percussione, & contumelijs per noctem onerarunt.

### Affectus.

**E**cce quomodo afflictio superaddatur afflicto, dum decora facies sordidis sputis inquinatur; divinæ aures, gravibus contumelijs laceantur; sereni oculi sædo linteo obteguntur; sacrum corpus duris colaphis oneratur. Sed cui bono hæc ludibria? O peccator, pro superfluo oris, vultusq; tui cultu il-



le conspuitur: pro nimia tua aviditate captandæ laudis humanæ subsannatur: pro petulanti oculorum tuorum libertate velatur: pro contumaci capitis tui duritie, ille durè excipitur. Sed jam ad eundem, quem sub Sacramento velatum, fide viva intrueris, accede; omniaq; peccata cordato dolore detestans, dic illi: Ostende mihi Domine faciem tuam, & salvus ero: inclina aurem tuam ad preces meas, ad preces etiam Latronis inclinatæ: converte oculos tuos ad me etiam Petro te neganti, non negatos: benigne annue capite tuo, etiam ad tui proditoris oscula tua incurvato; & cantabo misericordias tuas in æternum, & ultrâ. Amen.

### PILATUS.

*Cœperunt autem illum accusare, dicentes: Hunc invenimus subvertentem gentem nostram. Luc. 23.*

### Typus. Daniel.

*Tunc respondentes dixerunt coram Rege: Daniel de filiis captivitatis Iuda, non curavit de lege tua, & de edicto quod constituisti: Daniel. 6.*

### Prototypon.

Christus apud Præsidem Pilatum falsa accusatione traducitur.

### Affectus.

**R**omano Præsidi respondes ô Christe. Regnum meum non est de hoc mundo. Loquere ô Rex meus, & Deus meus, qui sub Sacramento lates, ecquinam sint candidati Regni tui, & qui sunt hujus mundi? Mei, qui ambiunt latere, nesciri, omnibus esse subiecti: illius sunt, qui per fas & nefas grassantur ad honores, & officia, cunctisq; ardent præesse. Mei sunt, qui credunt illud: Beati pauperes spiritu: illius sunt, qui illud: ô beati divites! Mei, qui bona propria elargiuntur: illius, qui rapiunt etiam aliena. Mei, qui in corde & ore habent: Quærite primum Regnum Dei: illius qui clamant, quærenda pecunia primum est, virtus post nummos. Quid insuper? Mei, qui castimoniam juxta statum suum rigide servant; illius, qui vagâ



libidine diffuunt. Mei, qui inimicos ex animo diligunt; illius; qui etiam amicos odio habent, Mei, qui sobrie, pie, iuste vivunt; illius, qui intemperanter, impie, inique. O Domine adveniat mihi hoc regnum tuum! hoc ingeminabo quotidie. Amen.

## HERODES.

*Sprevit illum Herodes cum exercitu suo: & illius indutum veste alba, & remisit ad Pilatum. Luc. 23.*

### Typus. David.

*Ait Abis ad servos suos: Vidistis hominem insanum: quare adduxistis eum ad me? 1. Reg. 21*

### Prototypon.

Christus ipsamet Patris æterni sapientia, ab Herode dementis instar, alba veste amicitur, & ad Pilatum remittitur.

### Affectus.

**Q**Uam diu procabitur amorem meum amor Divinus, qui etiamnum in Ara me quærit, quot ludos aget, quot mutabitur in personas? Egressus ut sponsus, cucurrit ut gigas; Tacuit ut infans; fugit ut exul: ambulavit ut peregrinus: obediit ut subditus; ministravit ut servus. Quid quod jejunavit ut penitens, luctatus ut miles, coronatus ut victor? Quid quod Medici partes inter ægros; Magistri inter discipulos; Patris inter filios explevit? Quid quod Samaritani, Pastoris, Vinitoris, Mercatoris, Regis, & plurium habitum induit? Et quas non actiones in mei gratiam egit in domibus, ac plateis: in templis, ac synagogis; in oppidis & urbibus; montibus & vallibus, terrâ ac mari? Nondum cessisti amori o cor durum? se dedit in pabulum; se obtulit in lytrum, se promisit in præmium. Sudavit ut agonizans: comprehensus ut latro: cæsus ut mancipium: velatus ut Pseudopropheta: accusatus ut seductor, habitus ut blasphemus: spretus hic & illusor ut stultus. Vicisti o Amor Divine, Vicisti, ecce cor meum & omnem amorem, nunc,



nunc & in æternum. Amen.

## FLAGELLATIO.

*Tunc ergo apprehendit Pilatus IESVM, & flagellavit.*  
Ioan. 19.

### Typus. Ieremias.

*Irati Principes contra Ieremiam, casum eum miserunt  
in carcerem. Hier. 37.*

### Prototypon.

Iussu Pilati Servator tuus ad columnam vinctus,  
atrocissimè flagellatur.

### Affectus.

**Q**uid hoc rei est? Peccat iniquus, & punitur iustus. Delinquit nocens, & plectitur innocens? Offendit impius, & damnatur pius. Quod perpetrat servus, exolvit Dominus: quod committit homo, sustinet DEUS? Nate Deo, quò tua decrevit Majestas, & increvit benignitas? Quò tua descendit humilitas, & ascendit charitas? Ego, ego iniquè egi, & tu pænâ mulctaris? Ego facinus admisi, & tu subjiceris laniationi? Mihi ista vincula, illa columna, illa tortorum sævitia, illa flagra, illa vulnorum multitudo debetur. O Pater æterne, qui ut mihi vermiculo terræ parceres, non pepercisti Vnigenito tuo, te vehementer obtestor per nimiam tuam & ipsius charitatem, ut tandem sistam fluxum sanguinis istius, & in his, & istis tuâ gratiâ desistam peccare. Ergone Virgineum illud corpus, divinos illos artus lacerare, talia cogitando, loquendo, agendo pergam? Absit. Ad piacularem hanc aram confugio, prius hinc moriturus, quam amplius peccaturus. Amen.

## CORONATIO.

*Imponunt ei plectentes spineam coronam, & coeperunt salutare eum: Ave Rex Iudeorum. Marci 15.*

### Typus. Aries Abrahami.

*Levitavit Abraham oculos suos, viditque post tergum arietem*



*tem inter vepres harentem cornibus, quem assumens obtulit  
holocaustum pro filio. Genes. 22.*

### Prototypon.

Ingenti tormento spineum sertum tenerrimo  
Christi capiti infigitur.

### Affectus.

**O** MI IESU, qui hîc idem es in templo, qui olim in Præ-  
torio, si me totum debeo pro me facto, quid dabo pro re-  
fecto, hoc modo? Nec enim tam facile refectus, quam  
factus. Nam qui me semel, & dicendo tantum fecisti, in resi-  
ciendo dixisti multa, fecisti mira; pertulisti dura: nec tantum  
dura, sed & indigna. Heu quam indigna vel in hoc mysterio  
Coronationis! Vilissimi enim homines plexo ex spinis acutissi-  
mis sero te coronant; coccineum tibi scrutum instar purpuræ  
in humeros conjiciunt: arundineum sceptrum dextræ imponunt;  
curvato poplite Regem Iudæorum ridiculè salutant: in te lin-  
gvas exerunt, dentibus frendent, labijs loquuntur; te digitis  
notant, te conspuunt; te palmis cædunt. Iterum rogo, o mi  
IESU, quid dabo pro me refeito, & refeito hoc modo? Fir-  
miter statuo, uti debeo, omnem mei despicientiam, omnem in-  
juriam, omnem ignominiam ferre tui amore toleranter, imò  
gratanter: quin etiam opto ex illis esse, qui gaudent pro nomi-  
ne tuo contumeliam pati. Amen.

### ECCE HOMO.

*Dicit eis: Ecce Homo. Clamabant, dicentes: Crucifige,  
Crucifige eum. Ioann. 19.*

### Typus. Iob.

*Percussit Iob ulcere pessimo, à planta pedis usq; verticem  
suis: Iob 2.*

### Prototypon.

Christus toto corpore saucius, exponitur innu-  
meræ hominum multitudini.

affe-



## Affectus.

**H**Ei misero mihi quot telis saucia, quot vulneribus lacera-  
ta, quot mortibus mortua est infelix anima mea! Væ mi-  
hi peccatori, cum venerit dies iudicii, dies iræ, calamita-  
tis & miseriæ: cum aperientur libri conscientiarum, cum dice-  
tur de me: Ecce homo, & opera ejus. Quid faciam tunc Do-  
mine DEUS meus, cum cæli revelabunt iniquitatem meam, &  
adversum me terra confurget, & clamabit. Crucifige, Cruci-  
fige eum? Ecce nihil respondere potero, sed demisso capite præ  
confusione coram te stabo trepidus; & confusus. Itane verò?  
at enim nec dum venit dies illa, dies iræ, dies magna & amara  
valde. Cognovi ego, & quidem in hac die mea, quæ ad pæ-  
cem mihi. Vivens, vivens confitebor tibi Domine, sicut & e-  
go hodie. Confitebor adversum me injustitiam meam Domino,  
& tu remittes iniquitatem peccati mei. Peccavi, peccavi Do-  
mino! & licet non audiam, quod semel audivit David: Domi-  
nus transtulit peccatum tuum; audio millies: Ecce Agnus Dei,  
ecce qui tollit peccata mundi; Ecce Homo. Amen.

## BAILULATIO CRUCIS.

*Bailulans sibi crucem, exiit in eum, qui dicitur Calva-  
ria, locum. Ioann. 19.*

## Typus. Isaac.

*Tulit quoque ligna holocausti, & imposuit super Isaac fi-  
lium suum. Gen. 22.*

## Prototypon.

**C**ruX gravis, humeris Servatoris graviter affe-  
ctis, injiciur.

## Affectus.

**D**EUS meus, qui ut ubique Divinitate, sic in hac sacra æ-  
de, mihi præsentissimus es tuâ humanitate; qui sit ut quo-  
ties crux aliqua, sive hæc N. sive ista submittitur, animo  
exhorream, voluntate averser, verbis oblueter, manus hume-  
rosq; subducam? Hic est sensus infirmitatis meæ. Verum exur-

ge a-



ge anime, confortare, & in omni adversitate audi vocem Christi tui sibi oblatam crucem alloquentis. Veni! o veni in amplexus meos Crux ab æternò electa; æternis desiderijs fota, infinitis amoribus concupita, omnibus votis expectata! Veni, o tandem, veni sponsa mea, formosa mea, dilecta mea, ab origine mundi præparata, à Prophetis prædicta, à Patribus expectata, tot Typis præsignata, tot sæculorum, tot Angelorum, tot hominum affectibus exoptata! Veni in manus, in lacertos, in humeros meos, quam die, noctuq; memoriâ, intellectu, voluntate, toto corde complexus fui: te feram, à te ferar: in te vixi, in te moriar, pro salute tua, o homo, quis quis es. Amen.

### PRIMUS LAPSUS SUB CRUCE.

In loco ad occasum vergente, Christus in terram subfidit. *Adrichom. in descript: Ierusal. n. 118.*

### Typus. Scala Iacob.

*Tulit de lapidibus, qui iacebant, & supponens capiti suo, dormivit in eodem loco. Viditq; in somnis Scalam stantem super terram. Genes. 28.*

### Prototypon.

Crux est scala cæli, sub quâ non dormiens, sed vigil, sed defectis viribus jacet Servator.

### Affectus.

**E**Cce vir dolorum, novissimus virorum Filius hominis, Filius Dei, vermis, & non homo, opprobrium hominum, & abjectio plebis, ah humiliatus est nimis! Quid superbis o homo, non homo, sed pulvis & cinis, quid superbis? quid deliciaris & gaudes? Dic putredini, pater meus es, & mater mea, & foror mea vermibus. Risum reputa errorem, & gaudio dic, quid frustra deciperis? Ecce Deus tuus circumvallatur ærumnis, & hominum pedibus conculeatur. Et tu contra o homo, animi nimis pusilli, nimiumque dejecti, dum foris pugna, cum intus timores, quid percelleris? quid turbaris? quid humi

jaces



jaces? Ad te in terra adrepit dilectus tuus, & suavissimè insu-  
ratur aures tuis. Noli timere fili mi, ego de tuo fui trepidus,  
tu de meo esse securus; ego cecidi, ut tu stares: ego pondere  
peccatorum tuorum pressus fui, ut omni onere levares: ego  
insumi peccata tua, noli timere. Hæc te, o bone IESU, in sa-  
cra Ara jacentem, mihi dicere audib, & obedio. Amen.

### VIRGINIS MATRIS OCCURSUS.

Mæstissimo Filio, mæstissima Mater occurrit. *S. Bona-  
vent: lib. Meditat. Vitæ Christi. cap. 77.*

**Typus. Virgines ad Oniam concursantes.**

*Accinctæ mulieres vilicis pectus, per plateas consuebant.  
sed & virgines, quæ concludere erant, procurrebant ad Oniam.  
2. Machab. 3.*

### Prototypon.

Virginum Virgo domo suâ in viam publicam e-  
gressa, Filio suo miserandum in modum afflicto, &  
affecto, obviam procedit.

### Affectus.

**O** Tristissima Matrum, te adjurat anima mea: & qualis est  
inquit, Vnigenitus tuus, qui occurrit tibi? Et dicis illi:  
Vnigenitus meus candidus & rubicundus, sed non illo co-  
lore ad miraculum amabili, sed flebili supra omnem modum. In  
Horto enim Gethsemani candidus sudore, rubicundus cruore.  
Apud Caipham albo linteis oculis velatis: apud Annam genis  
alapâ cruentatis. In aula Herodis indutus veste candenti; in  
Prætorio Pilati purpureâ. In ingressu ejusdem Prætorij toto  
corpore candidus: in egressu omnibus membris sangvinolentus.  
Et jam obviam mihi factus, solâ innocentia est candidus: alio-  
quin toto corpore purpuratus. Talis est Vnigenitus meus, o  
Filia Ierusalem, & ipse est dilectus tuus. O dilecte mi, qui  
etiam in Sacrificijs nostris inter albensia lilia, ac rubentes ro-  
sas; inter candidas hostias, ac vina rubra; inter alba purpure-  
aq; Paramenta conspiceris; da mihi de peccatis meis semper

Bb

erube-



erubescere, & in sanguine Agni super nivem dealbari. Amen.  
Affectus in concursu Filij.

**V**Nde venisti, inquit Mater, dilecte mi, ah! Vnde venisti? Pro dolor! à sanguineo sudore; ab arctis vinculis, à dura raptatione; à crinium vulsione, à crudeli flagellatione; ab horrida coronatione, ad hoc funestæ Crucis pondus, laceris humeris sustinendum. Et quonam iturus es? Ad atrocia tormenta; ad Calvariæ culmen; ad vestium spoliationem; ad vulnorum innovationem: ad fellis potum; ad acerbissimam fossis manibus, pedibusq; lanienam; ad infame suspendium; ad novos gemitus, ad clamorem validum, & lachrymas, & amarissimam mortem. Homo querule, quid toties quereris? ubi tuus sudor cruentus? ubi catenæ, flagra, spinæ? ubi felleus potus, clavi, vulnera, Crux talis? Tacebo confusus, & tantum ingeminabo: DEUS propitius esto mihi peccatori. Amen.

### SIMON CYRENÆUS.

*Invenierunt hominem Cyrenæum, nomine Simonem; hunc angariaverunt, ut tolleret Crucem eius. Matth. 27.*

### Typus. Ethai.

*In quocumq; loco fueris domine mi Rex, sive in morte, sive in vita, ibi erit servus tuus. 2. Reg. 15.*

### Prototypon.

Ne Christus omnino deficiat, auxiliatricem manum adhibet Cyrenæus.

### Affectus.

**D**Omine mi Rex, in Cruce ferenda te sequi, tibi servire desidero. Siquidem te sequi dominari est, tibi servire regnare. Vtinam ergo verè dicam: servus ego solum tuus, tu Dominus meus. Non enim omnes ausi sunt dicere, solum servus tuus sum ego: nam plures Dominos habent. Venit Ambitio, & dicit, Meus es; quia toti honoribus inhiant. Venit Luxuria, & dicit, Meus es: quia in omnem voluptatem projecti. Venit Avaritia, & dicit, Meus es; quia injusta lucra secantur.

Venit



Venit Ira, & dicit, Meus es; quia non nisi vindictam spirant.  
 Venit Gula, & dicit, Meus es; quia epulantur quotidie splendide. Veniunt omnia vitia, & singula dicunt, Meus es; Qui tot Dominos habent, quam multorum servi sunt; quot onera, quot iuga, quot Cruces tolerant, & heu quam amaras, quam graves! O si ego tali emancipatus vitiorum servitute, accurram ad aram tuam, mi Domine IESU, jugumq; suave, & onus leve, id est, Crucem tuam amplectar! Tu solus Dominus meus, & ego servus solum tuus.

### VERONICA.

Hæc Matrona sangvinolentam Servatoris faciem sindone sua expressit, ut passim notum. *Andricom. in Descript. Ierusal.*

### Typus. Tunica Ioseph cruenta.

*Tunica filii mei est, fera pessima comedit eum: bestia devoravit Ioseph. Genes. 37.*

### Prototypon.

Quis olim clamavit, Ostende nobis faciem tuam, & salvemur? Non tantum Domini facies mihi ostensa, sed data; nunquid non in salutis certum pignus, atq; eximium monumentum? Ita loquitur pia Beronice, & pergit loqui. O mi Creator, o mi Redemptor, quantum tibi debeo! Opus utriusq; mirabile, sed huius magis. In primo enim opere me mihi dedisti, in secundo te, & ubi te dedisti, me mihi reddidisti. Data ergo & reddita, me pro me debeo, & bis debeo, quidnam jam tibi retribuam pro te? Et si me millies rependere possum, quid sum ego ad te? Minus quam guttula ad Oceanum, arenula ad universum, momentum ad æternitatem. Perennem ego beneficii istius memoriam servabo in sindone ista. O anima mea, quantum tu tuo Redemptori debes, qui sui memoriam non in mortuo lineo, sed vivâ Hostiâ reliquit, ubi non exanimis facies, sed corpus ejus integrum continetur? O Domine, quia solvendo non sum, te tibi reddo, & me millies tibi. Amen.

### SECUNDUS LAPSVS AD PORTAM.

Ad portam Iudiciariam iterum cadit, *Andricom.*

Bb2

Ty.



## Typus. Dux Amasa.

*Amasa conpersus sanguine, iacebat in media via. 2. Reg. 20. inflatum fuerat vulnus proditoriâ manu Iobi.*

## Prototypon.

Denuò subsidit humi Servator, onerosâ sub Cruce, totus sangvinolentus.

## Affectus.

**P**atientissime Salvator hic iterum labens, & humum cruentans, exhibes an imaginem, an medicinam peccatoris recedentis, seq; pristino peccatorum tabo, ac sanguine inquinantis? Amantissime illi dicis: Transiens per te, vidi te conculcari in sanguine tuo, & dixi tibi, cum esses in sanguine tuo; Vive. Expandi amictum meum super te, & operui ignominiam tuam, & iuravi tibi: Vivit Dominus! quia nolo mortem peccatoris, sed magis, ut convertatur, & vivat. Surgam ergo, & ibo ad Patrem meum, & dicam ei: Pater peccavi in cælum & coram te: jam non sum dignus vocari filius tuus: fac me sicut unum de Mercenarijs tuis! Et ecce inclinati sunt cæli, & melliflui facti sunt. Misericordia motus Deus meus, descendit ad Altare istud; venitq; in occursum meum, & osculatur me osculo oris sui. Ad cor deinde loquitur, ac dicit mihi: Remissa sunt tibi peccata tua, jam amplius noli peccare. Da mihi Domine hanc gratiam, sed gratiam efficacem. Amen.

## FILIE IERUSALEM FLENTES.

*Filie Ierusalem, nolite flere super me, sed super vos ipsas flete, & super filios vestros. Luc. 23.*

## Typus. Super Iosiam mulierum planctus.

*Omnes Cantores atq; Cantatrices, usq; in presentem diem, lamentationes super Iosiam replicant. 2. Par. 35.*

## Prototypon.

Isrâelitides filix immensâ commiseratione tactæ, luctuosam Christi sortem deplorant.

## Affectus.



## Affectus.

**V**Is Domine me flere, jubes me flere peccata mea, & meorum? Ad Sacrum Altare, velut ad asylum reus accurro & ante illud toto corpore prostratus, exclamo: Heu! Heu! peccavi, Tibi soli peccavi Deus meus, qui potentiam tuam infirmitate, sapientiam ignorantia, bonitatem malitia offendi. Tibi soli, qui ex indole tua omnem iniquitatem odio habes. Qui solus etiam nostri pro gravitate sua aestimare peccatum. Tibi soli, quia leges tuas transgrediendo, tibi Legislatore præcipue injurius fui; quia & omnis proximorum læsio, te eorum ferit Auctorem. Tibi soli, qui peculiaribus favoribus præventus, gratijsq; cumulatus, pro tot bonis, tot mala retribuui. Tibi soli, quia animo, corpore, rebus externis, inique egi. Quia insuper tu Deus meus, & Accusator es, & Testis es, & Iudex es. Accusator, quem toties & tam graviter læsi: Testis in cujus oculis singula patravi: Iudex omnium, etiam minimorum. Precor ignosce, qui solus potes peccatis ignoscere, peccatis mederi. Ignosce, o DEUS, DEUS salutis meæ. Amen.

## VLTIMUS LAPSUS.

Ad montem Calvariae sub cruce prosternitur. *Adrichomius.*

## Typus. Onias.

*Sacerdotes ante Altare cum stolis Sacerdotalibus iactaverunt se. Iam vero, qui videbat summi sacerdotis vultum, mente vulnerabatur. 2. Machab. 3.*

## Prototypon.

Ad Calvariae montis ascensum postremo cadit.

## Affectus.

**E**N cadit per quem cuncti stant; infirmatur, per quem omnes roborantur; in terra DEUS jacet, per quem homines eriguntur in cælum. O dulcedo mea, quot amaritudinibus; o gaudium meum, quot lachrymis; o sanitas mea quot vulneribus; o vita mea, quot mortibus obrueris? Prodigia sunt ista! Non minora succedunt; incipiunt cæli inhorrescere, terra contremi-

scere,



scere, Templi velum dividi, sepulchra concuti, lapides conterere, elementa omnia commoveri. Quid tu peccator? Tu prodigiorum omnium longè es maximum, qui in rerum omnium motu, manes immotus: in communi elementorum sensu insensatus; in faxorum fractione non scinderis; in rerum animarum viventium vitâ, es mortuò similis. Si quid tamen vitæ in te melioris superest, in terram prorue, Patrem cælestem obtestare, ut illum sanguinem humi fustum, eundemq; qui in quotidiano sacrificio ipsi offertur, audiat pro te benigne loquentem, ut totus movearis, & convertaris. Amen.

### EXTRACTIO VESTIUM ET FELLIS OBLATIO.

Hic tunica illius extracta. Adrichom. *Dederunt ei vinum bibere cum felle mistum.* Matth. 27.

### Typus. Ieremias.

*Factus sum in derisum omni populo. Replevit me amaritudinibus, inebriavit me absinthio.* Thren. 3.

### Prototypon.

Ei vestis evellitur, & loco solatij felle potatur.

### Affectus.

**A**fflictæ animæ loquitur dilectus meus, & dicit: Vide si est dolor, sicut dolor meus: ad funestum Calvariæ montem, pro te adrepens, gravi onustus trabè, coronâ spineâ confixus: post mille gemitus, post sanguineum sudorem, post amaras lachrymas, post plures lapsus, post cruentos gressus, pallorem mortis præ me ferens, extremum spiritum traho. Vide, si est dolor, sicut dolor meus; post vitam innocenter transactam: post plurima patrata prodigia: post innumera in homines merita: nullo jure, ac lege servatâ; in ipso ætatis flore damnatus sum; postq; exhaustas crebris verberibus vires: post hiantia à capite ad imos pedes vulnera in conspectu infinitæ multitudinis, mihi vestes crudeliter extrahuntur: vulnera sædè innovantur: atq; inter sceleratos morituro, pro omni solatio fel offertur. Vide, si est dolor meus: mihi hoc identidem ingeminat



minat dilectus meus, præsertim dum inops solatij sacram mentem accedo: nec aliud solatium peto. Amen.

## HUMI CRUCIFIGITUR.

*Postquam venerunt in locum, qui dicitur Calvaria, ibi crucifixerunt eum. Luc. 23.*

**Typus. Samson.**

*Si septem crines capitis mei cum licio plexueris, & clavum his circumligatum terre fixeris, infirmus ero. Iud. 16.*

**Prototypon.**

Indignissimè Christus humi projicitur, & immani tormento super cruce extenditur, & clavis affigitur.

**Affectus.**

**I**ndica mihi, quem diligit anima mea, ubi pascas, ubi cubes in meridie? Hoc sæpenumero rogas, dum ante meridiem, domum illius inquis, ipsoq; pascaris. Indico ego tibi, nomine ejus, quis sit accubitus illius, & simul indico, quis sit ruus. Lectus ejus humi stratus est, in ignominie loco; tu lectum honoris, & locum sublimem, ambitiose quæris. Accubitus ejus inter infames latrones; tuus inter honorificas, & statu tuo majores consortia. Iacet is, inter opprobria, atq; ludibria; tu stas inter gratulationes & plausus. Rursum indico tibi, ubi cubet ille in meridie. Illius in paupertate imò in nuditate commoratio; tua in luxu, & abundantia vestium. Illius thalamus, quam duris in spinis est: tuus quam mollis in plumis est! illius manibus ac pedibus parantur crudeles clavi: tu manibus, pedibusq; quid agis? illius exhaustum vulneribus corpus, pulla quiete datâ projicitur in truncum crucis; tu post exiguos labores omne solatium petis. Dicam, non tantum volo nosse accubitus dilecti, sed & imitari. Amen.

## SUSPENDIUM IN CRUCE.

*Stabat iuxta crucem IESU Mater eius. Ioann. 19.*

**Typus. Serpens Mosaicus.**

*Fecit Moyses serpentem æneum, & posuit eum pro signo: quem*



quem cum percussi aspicerent, sanabantur. Num. 21.

### Prototypon.

Vulneratus pendet in ligno benedictus Filius Dei, velut maledictus, ut omnium vulneribus medeatur.

### Affectus.

**V**eni, accurre, Oriens, Occidens, Septentrio, Meridies. Ecce panditur terra Sancta, beati pedes, venerandæ manus, benigna brachia, amabile pectus. Eja quisquis es, humi te projice, & hunc adora, quia Deus est; hujus pedes osculare, quia summus Pontifex est: hujus manus prensa, quia Dominantium Dominus est: in brachia hujus invola, quia Pater est: in hujus pectus incumbe, quia sponsus est. Inspice vulnera pendentis, viscera miserentis, pretium redimentis. Hæc quanta sint cõgita, hæc in statera tui cordis appende, ut totus tibi figatur in corde, qui pro te totus est affixus in Cruce. Illud spectaculum quondam Christus uni Solymæ, & semel cruentus exhibuit; idem omnibus mortalibus, & locis innumeris, quotidie exhibet incruentus. Sedebõ igitur ad hos pedes cum Magdalena: palpabo has manus cum Thoma: pendebo sub his brachijs cum pio latrone: recumbam in hoc pectore cum Ioanne. Amen.

### IRRISIO.

*Et stabat populus spectans, & deridebant eum principes cum eis. Lucæ 23. 35.*

### Typus. Elisæus.

*Illudabant ei, dicentes: Ascende calve, ascende calve. 4. Reg. 2.*

### Prototypon.

Contumeliosus verbis Christus impetitur.

### Affectus.

**N**on tantum à Iudæis olim, ô mitissime Domine, passus es opprobrium & contemptum; sed etiamnum ab Ethnicis, ab hæ-



ab hæreticis, ab impijs Christianis, quid non injuriæ pateris? illi à fide alieni Venerabiles Aras tuas irrident; insuper isti perfidè destruunt: horum non pauci sacrilegè accedunt. Pro omnibus istis contumelijs, & indignissimis criminibus, ego tuorum omnium infimus, usq; ad abyssum nihili prostratus, flecto genu cordis mei, & cum omnibus Creaturis, quæ in mundis infinitis creari possent, te honoro, te laudo, te magnifico, te extollo, te adoro, te amo. Te præsentem, (audi orbis universe) te æquè præsentem in Templis, in Aris, in Sacerdotum manibus esse credo, atq; præsens & ad dexteram tui Patris in cælis. In hac orthodoxa fide vivo, eamq; Vitâ, & sanguine sigillare paratus, etiam hoc momento, opitulante tuâ gratiâ. In hac fide viva me moriturum esse confido: teq; propitio ad dexteram tuam auditurum? Fides tua te salvum fecit. Amen.

#### Affectus in Irrisione Christi.

**Q**Uæ participatio justitiæ cum iniquitate? aut quæ societas luci ad tenebras? quæ autem conventio Christi ad Belial? Contra Iudæi clamant, Matre licet ingemiscante; Non ne benè dicimus nos, quia Samaritanus es tu, & dæmonium habes? O portentum! Hæc audiens o mi Christe, vel taces, vel benigne respondes? Quando nam irato cælo fulmen erumpet, si nunc serenum est? Verum ille inculcat hoc insuper: Beati estis cum maledixerint vobis homines, & dixerint omne malum adversum vos. O impotentes animi mei motus, filete; jam fræna disce pati insane furor, ad duella profiliens. Hic Christus mundi leges, ac temeraria iussa condemnat; sed hoc addit solatium: Gaudete, & exultate, quoniam merces vestra copiosa est in cælis. Amen.

#### Affectus in Domini Crucifixione.

**E**Cce novum tribunal Iudicis vivorum, & mortuorum, sed jam Rei: Domini omnium, sed jam servi; Dei immortalis, sed jam morientis! Parce o Iudex, qui pro me Reus es: Parce, o Domine, qui pro me servus es! Parce DEUS, o qui pro me moreris! O mi Iudex, sed simul misericordiarum Pater es. O mi Domine, sed pariter primogenitus Frater es. O mi  
 Deus,



DEUS, sed idem sanguinum Sponsus es. Dicam ego spe erectus, ac plenus, non verebor hoc forum, ubi Patris est judicare; ubi Fratris est fidei jubere; ubi Sponsi est sententiam dicere. Quid porro? Accrescit fiducia, quia eadem in Curia, mihi patrocinabitur Mater. Ab ipsomet Iudice id solatium datur, qui non tantum Ioanni, sed in ipso dixit & mihi. Ecce Mater tua, Virginem Cruci adstantem mihi in Matrem consignans. Amen.

### Affectus Amoris.

**O** Crucifixe amor meus, Tua non modo Crux, sed ipsa corporis species, atq; potitio nos ad mortem vocat. Inclinas caput, ut peccatores, quantumlibet ab illis injuriâ affectus, osculeris: distendis brachia, ut amplectaris: ostendis trajectas manus, ut bona omnia largiaris, apertum pectus, ut intra viscera abscondas: confixos pedes, ut nos operiaris, atq; ut nullo unquam tempore a nobis recedas. Quamobrem cum te Domine, in Cruce contemplor, quidquid meis se objicit oculis, ad amandum invitat. Lignum, species, mysterium, vulnera tui corporis, sed imprimis amor interior clamat, ut amem: nec unquam ex memoria excidat amor tuus. Si oblitus fuero tui o bone IESU, oblivioni detur dextera mea: Adhæreat lingua mea faucibus meis, si non meminero tui, & si non proposuero te in principio lætitiæ mee. Pendens semper ante oculos meos o vita mea, obverseris semper menti meæ o amor meus; ad te semper suspirem o desiderium; ad te semper confugiam o asylum meum; semper advolvar pedibus tuis o mi Deus: semper exosculer manus tuas o mi Domine; semper inoleam in amplexus tuos o mi sponse; & immorem amori tuo, & immoriar!

### Actus Amoris.

**Q**ua ratione, o mi amantissime amator! compensabo ego istum tuum amorem; Illa vera ac sola compensatio est, cum sanguis sanguine solvitur. Dulcissime Domine agnosco hoc debitum, agnosco: ne quæso permittas me unquam ab eo exsolvi; jube potius me isto sanguine tuo delibutum, consummum; clavem ex ista Cruce pendere. **O** Crux recipe me sinu ac complexu



plexu tuo, recipe corpus meum & dimitte corpus Domini mei. Dilatare corona, ut intra istas spinas, caput quoq; meum inferam. Dimittite clavi istas innocentissimas manus, configite cor meum, illudq; compassione & amore vulnerate. Ob hanc causam Apostolus tuus scribit mortuum te esse, ut in vivos, & mortuos imperium obtineres, non minis & pænis, sed amoris operibus. Refer me in numerum sive malorum malis, sive mortuorum; & agnoscam me captivum sub tui amoris dominio.

### Affectus in depositione de Cruce.

**O** Viator stupende Christe IESU, qui ab itineribus æternitatis tuæ, & a summo cælorum digressus, per vias invias, per montes, & valles, per urbes & oppida, per terras, & maria, animam meam assiduo labore quæсивisti: Recordare IESU pie, quod sim causa tuæ viæ: Ne me perdas illa die. Die illa tremenda, quando cæli movendi sunt, & terræ; quando veneris judicare, noli me condemnare! Quærens me sedisti lassus. Redemisti Crucem passus; Tantus labor non sit cassus. Sedisti lassus ad fontem: flexisti lassus in horto: stetisti lassus ad columnam: ivisti lassus ad montem: pependisti lassus in Cruce: jam lassus, imò exanimis in hoc gremio iaces. Ah! tantus labor & dolor, sudor & cruor; tantus amor non sit cassus! Quare eligo prius mori, quam posthac te ostendere. Amen.

### EXCEPTIO IN SINUM MATERNUM.

E Cruce depositus, gremio Matris excipitur, etiamnum locus ostenditur. *Adrichom. in descript. Ierusal.*

### Typus. Sunamitis.

*Posuit filium illa super genua usq; ad meridiem, & mortuus est. 4. Reg. 4.*

### Prototypon.

Filium de Cruce depositum in sinum suum mæstissima Mater excepit.

### Affectus.

**O** Myrrhæ fasciculum venerabilem, myrrhæ primæ, myrrhæ probatissimæ! Ad expiationem peccatorum, quibus me a-



bundare, & ad cumulum meritorum, quæ mihi deesse cognosco. Hunc ego fasciculum inter brachia mea excipiam, & inter ubera collocabo, collectum ex omnibus anxietatibus, amaritudinibus, convitijs, sputis, colaphis, subsannationibus, exprobrationibus, flagellis, spinis, clavis, horumq; pluribus, quæ Dominus meus mei amore toleravit. Hunc myrrhæ tam charum fasciculum, omnis crucifixi amator, de principatu tui peccatoris, nec ad horam patiaris avelli. Amara illa omnia, quæ pro te ille perpeffus est, alto animo retine, & assidua meditatione perpende. Utinam in meditatione ista exardescat ignis doloris, ignis amoris; & verè dicas: O beatum incendium, amare Dei Filium, & Dei Filio condolere. Tum verò maxime exæstua, & totus accendere, cum Divinus Amor, id est Dominus ille tuus, ex Ara ad te convolat, labiis infidet, cor occupat, animam totam adurit. O si! Amen.

### SEPULTURA.

*Posuit eum in monumento, quod erat excisum de petra*  
*Marci 15.*

### Typus. Ionas.

*Erat Ionas in ventre piscis tribus diebus, & tribus noctibus.* Ionæ, 2.

### Prototypon.

*Sepulchro Christi corpus infertur, quod ibidem tri-duo mansit.*

### Affectus.

**A**spicio hoc sacrum depositum, priusquam sepulchro condatur, idemq; rediivum, antequam ex Altari ad me deferatur, & exclamo: Ecce quomodo amavit me! Dedit genas vellentibus; faciem conspuentibus; capillos extrahentibus; corpus percutientibus; caput coronantibus; humeros crucem imponentibus; manus, pedesq; perforantibus. Ecce quomodo amavit me! Quando unicâ guttulâ sudoris, unicâ lachrymulâ, gressu, gemitu, istu oculi, voluntatis actu me redimere potuisset: ah! quot guttas sanguinis, quot lachrymas, gressus, gemitus,



tus, horas, dies, annos impendit! Ecce quomodo amavit me, Omne passionis tempus, vocavit horam; Oceanum ærurnarum! vocavit calicem; paratissimus pro me non tantum semel, sed millies in horto jacere, pro tribunalibus stare, per vias rapi, in cruce pendere. Et cui tuum tu impendis amorem? an huic rei N? an illi N? vel isti N? Væ mihi si ampliùs fecero! Te solum o amator mi, amabo te solum! Amen.

### Affectus. in Sepultura,

**S**epeliaris Domine in corde meo: ibi invenes, quod quaeritur, marmor, & marmor novum. Siquidem in tuis, Matrisq; doloribus petrae scissæ sunt: marmorea sepulchra adaperata sunt; elementa omnia turbata sunt; & eheu! Cor meum novâ suâ duritie mansit immotum! At enim dixisti Domine auferam cor lapideum, & dabo vobis carneum. Da mihi cor illud carneum, ac facile ad parcendum inimicis, ad gratificandum Amicis, ad opitulandum miseris omnibus. Da cor illud carneum, quod compunctione scindatur, pietate molliatur, minis cedat, flagellis emendetur. Quod sit gratum in beneficijs, fidum in consilijs, benevolum in humanis, reverens in Divinis, circumspectum in omnibus. Da mihi cor illud carneum, quot tuo ac Matris dolore liquefiat, quod utriusq; amore moriatur. Hoc unum volo, ac peto. Amen.

### *Adhortatio Regina Martyrum ad suos clientes, ut sibi dolenti condescant.*

**E**ja nunc age, quisquis es, specta mulierem, naturâ teneram, uberibus lachrymis mersam, & miseresce. Specta Virginem, indole nobilem, doloris gladio fauciam, & ingemisce. Specta Matrem amore ebriam, super unigeniti, & talis unigeniti morte plangentem, & contabesce. At fortasse, quænam sit illa Mulier, quæ Virgo, quæ Mater inquiris? Illa ego Mulier, quæ ærumnis absorpta, sub cruenta Cruce te genui, Filium doloris mei, de quo sub alterius nomine dilectus meus: Mulier, ecce Filius tuus! hoc nomine te designans. Illa ego Virgo, notum miseris asylum, afflictis levamen, Fons omnis solæ-



solatij, jam misera, jam afflicta, jam omni solatio destituta. Illa ego, deniq; Mater, flebilis IESU Mater, quæ super unici illius morte lamentor, & tali morte, cujus immanitate, indoluere saxa; & inhorruit terra. Igitur, ligete mecum quotquot estis omnes! Sed o præ reliquis, miseremini mei, miseremini mei, saltem vos amici mei, vos clientes mei, quia amaritudine valde replevit me Omnipotens. Aspice iterum, aspice amaras hæc lachrymas, & cor altissimi doloris mucrone transixum. Verum si obdurescitis homines; si vel maximè vos Clientes, & sodales mei, filij mei, viscera mea, gemituum meorum, ne quidem recordamini? tu iterum mecum terra plange, saxa rumpimini: tu donuò cælum ingemisce, & vos Angeli pacis amare flete.

### ORATIUNCULA.

Quam S. P. Ignatius Fundator S. I. solebat usurpare, paululum aucta.

**O** Divinitas Christi, inhabita me. **O** Persona Christi, indovina me. **O** Anima Christi, sanctifica me. **O** Corpus Christi, salva me. **O** Cor Christi accende me. **O** Sanguis Christi, inebria me. **O** Aqua Lateris Christi, ablue me. **O** Sudor & agonia Christi, conforta me. **O** Passio Christi, sana me. **O** Bone IESU, exaudi me. Intra vulnera tua absconde me. Ne permittas me separari à te. Ab hoste maligno defende me. In hora mortis meæ, voca me. Et jube me venire ad te. Ut cum Sanctis tuis laudem te in sæcula sæculorum. Amen.

Hujus Orationis adinstar, devotio alicujus ex Doloribus Divinæ Matris, talem confecit Meditationem sive Orationem, quam nec ingratam, nec inutilem pietati fore existimo.

- O** Afflictissima Virginis MARIE Anima, solare me.
- O** Dolentissimum DEI Matris Corpus, conforta me.
- O** Amarissimæ Reginae Cæli lachrymæ, purificate me.
- O** Gemitus DEI paræ, conterite me.
- O** Tribulatum cor Angelorum Dominæ, recrea me.
- O** Luctuosi Dominæ nostræ sensus, sanate me.
- O** Angustiæ Matris gratiarum, liberate me.

O. DEI



O DEI Genitricis orbitas, associa me.

O Mors Genitricis vitæ, vivifica me.

O MARIE amarum Mare, ab omni culpa & pæna, erue me.

O Martyrum Regina, in servum & mancipium tuum recipere me, & in hora mortis meæ suscipe: ut cum omnibus DEI electis, potissimumq; tuis dilectis, diligam & glorificem te, in sæcula sæculorum. Amen.

Hujus quoque Modi est Meditatio illa.

**P**ES Christi sinister vulneratus est, qui omnia sustinet. Pes dexter vulneratus est, qui omnia possidet. Manus Christi sinistra faucia est, quæ omnia fecit. Manus Christi dextra faucia est, quæ omnia regit. Cor Christi vulneratum est, quod omnia vivificat. Caput Christi spinis horridum est, quod omnia coronat. Scapulæ Christi vulneratæ sunt, quæ omnia protegent. Brachia Christi vulnerata sunt, quæ omnia amplexantur. Pectus Christi cruentum est, quod omnia fovet. Vultus Christi despectus est, qui omnia lætificat. Sangvis Christi effusus est, qui omnia redemit & abluit. Caro Christi lacerata est, quæ omnia pascit. Anima Christi afflicta est, quæ omnia sanctificat. DEVS in carne passus est, qui omnia beatificat.

O Pes potentiae, pro me vulnerati IESU, humilia me, exalta Te.

O Pes Iustitiæ, pro me vulnerati IESU, quamvis dignus sum, ne abijcias me.

O Manus Gratiæ, pro me vulnerati IESU, sine Te nihil sum, adjuva me.

O Manus Misericordiæ, pro me vulnerati IESU, Tibi soli peccavi, sicut potes, scis & vis, miserere mei.

O Cor & Latus, pro me vulnerati IESU, sedes amoris, accende me, ut incessabiliter amem Te.

O Caput, sedes sapientiæ, pro me vulnerati IESU illumina me, ut noverim Te, & noverim me.

O VERBUM Caro pro me factum, & in carne pro me passum, habita in me, & habitem in Te, in æternum & ultra.

Amen.



Amen.

Singulis hisce Punctis manifestum est, suas, easq; copiosas inesse meditationum, reflexionum, affectuum, propositorum, postulationum, virtutisq; actionum materias: ut haud dubie multiplex cum spiritali fructu, atque gustu, pii meditatoris animus, eas versare possit; quod plenius ab experimento suo, quam a stylo meo, ut discat plurimum, eidem exopto.

## ORATIONES.

## B. Hugonis Carthusiani ad quinque Vulnera Christi Domini.

*Osculans ter vulnus lateris dices.*

O Benignissime IESU, gratias ago dulcissimo cordi tuo per hæc tria oscula, pro omni effluxu amoris, qui à te effluxit, effluit, & effluet absque fine in me, & in omnes electos tuos.

*Ad Vulnus manus dextre.*

O Benignissime IESU, gratias ago liberalissimæ dextræ tuæ, quia ipsa est collatrix & cooperatrix omnium bonorum meorum.

*Ad Vulnus sinistre.*

O Benignissime IESU, gratias ago fidelissimæ sinistræ tuæ, quia in omni tribulatione & angustia mea semper tuum in ea invenio refugium.

*Ad Vulnus pedis dextri.*

O Benignissime IESU, gratias ago tibi pro ferventi desiderio, quo post nos omnibus diebus vitæ tuæ in siti cucurristi.

*Ad Vulnus sinistri.*

O Creator & Redemptor meus, gratias tibi ago pro dulcissimo Vulnere sinistri pedis tui, quia in eo facillimè semper invenire possum remissionem omnium peccatorum meorum.

**D**omine IESU Christe, da mihi toto corde & pleno desiderio sitienti; anima ad te aspirare, & in te dulcissimo ac suavissimo respirare, totum Spiritum meum, & omnia interiora mea ad te, qui es vera beatitudo, anhelare. Scribe misericordissime Domine vulnera tua in corde meo pretioso sanguine

ne



ne tuo, ut in illis legam dolorem tuum & amorem. Vulnerum tuorum memoria jugiter in secreto cordis mei permaneat, & dolor passionis tuæ in me quotidie renovetur, & amor accendatur. Da ut mihi omnis creatura vilescat, & tu solus in corde meo dulcescas. Per tuum transvulneratum cor transfige amantissime Domine IESU, cor meum jaculis amoris tui, ita, ut nihil terrenum contineat, sed à sola efficacia tuæ Divinitatis contineatur.

### Aliæ Orationes ejusdem.

#### *Ad osculum Pedum.*

O Benignissime IESU, ego miser peccator dulcissimis Vulneribus pedum tuorum hoc osculo infigo & repono omnia desideria cordis mei, & tuis conjungo & unio desiderijs, ut exinde plenè purificata, nunquam in posterum terrenis valeant implicari.

#### *Ad osculum Manus dextre.*

O Benignissime IESU, in dulcissimo Vulnere dexterae manus tuæ recondo omnia spiritualia mea, & quæ in spirituali vita neglexi, ut per te mihi plenè restituantur, & conserventur.

#### *Ad osculum Manus sinistræ.*

O Benignissime Iesu, in dulcissimo Vulnere sinistræ manus tuæ repono omnes adversitates, & angustias meas: ut in unione amarissimæ passionis tuæ mihi dulcescant, in summa patientia coram te redolectant.

#### *Ad osculum Lateris.*

O Benignissime IESU, in hoc amoris Vulnere omnem amorem & voluntatem meam funditus resigno, & tuo Divino amoris & beneplacito unio, ut ex eo perficiatur & in unum amorem & voluntatem penitus transformetur. Amen.

**D**omine IESU Christe, tuis vulneribus cor meum faucia, tuo sanguine mentem meam inebria, ut quocunque me verterem, semper te videam Crucifixum, & quicquid aspexero, tuo mihi appareat sanguine rubricatum; ut sic totus in te tendens nihil præter te valeam invenire, nihil nisi tua vulnera intueri. Hæc mihi sit consolatio, tecum mi Domine vulnerari,

**Dd**

tecum



tecum despici, tecum pati. Hæc intima sit mihi afflictio, præter te aliquid cogitare, aut extra te consolari. Non quiescat, cor meum, bone IESU, donec inveniat te centrum suum ubi cubet, ubi requiescat, ubi suum appetitum terminet.

**D**omine IESU Christe, in honorem pretiosæ mortis tuæ toto corde & corpore prostratus obsecro te per amorem illum, qui te vivificatorem omnium creaturarum mori cōdēgit, ut mortifices in anima mea omnia, quæ tibi displicent in ea, & auferas omnia, quæ me impediunt, quo minus transformer in te.

**A**bsorbeat quæso, dulcis IESU, ignita & melliflua vis amoris tui, quæ penetret cor meum, purgetq; & rapiat omnia interiora mea: ut sicut flamma ardens totus ardeam, totus à me ipso deficiam. Te verò solum cogitem, te toto corde desiderem, te solum sciam ac sentiam, tibi soli perfectè placeam, & inseparabiliter adhæream. Amen.

**P**recor te, amantissime Domine IESU Christe, propter illam eximiam charitatem, qua humanum genus dilexisti, quando tu cælestis Rex pendebas in ara Crucis cum divina charitate, cum mitissima anima, cum tristissimo gestu, cum conturbatis sensibus, cum transfixo corde, cum perstreptentibus membris, cum verberato corpore, cum sanguineis vulneribus, cum defluentibus rivis, cum expansis brachijs, cum confixis pedibus, cum extensis venis, cum clamoroso ore, cum rauca voce, cum pallida facie, cum mortali colore, cum lachrymosis oculis, cum vertigine capitis, cum ardenti amore, cum gemitu gurgure, cum sitibundis desiderijs, cum amaro gustu fellicis & aceti, cum inclinato capite morti obviante, cum divisione tenerissimi corporis & animæ deificæ, cum aperto latere. In ea charitate precor te pijsime Domine IESU Christe, qua cor tuum amarosum fidebatur, ut sis mihi placabilis super multitudine peccatorum meorum, ut compleas in bonis desiderium meum, & bonum, ac sanctum finem vitæ meæ, nec non gloriosam, lætamq; resurrectionem mihi propter tuam largissimam misericordiam tribuere digneris. Qui vivis & regnas DEUS,

per



per omnia sæcula. Amen.

Y. Proprio Filio suo non pepercit DEUS.

R. Sed pro nobis omnibus tradidit illum.

*Oremus.*

**O**Mnipotens sempiterne DEUS, qui ex nimia charitate unicum filium tuum pro nobis incarnari, nasci, pati, flagellari, crucifigi, & mori voluisti: præsta nobis quæsumus ut per ejus sacratissima vulnera, quæ pro nobis pertulit, ejus pretiosissimo sanguine purificati à peccatis, erroribus & negligentijs nostris, tibi Domino Deo nostro placiti Templum Spiritus sancti & Patriæ cælestis participes efficiamur. Per Christum Dominum nostrum. Amen.

Salutatio SS. Vulnerum Christi.

*Ad dextram Manum.*

Ave Manus dextra Christi

Perforata plaga tristi,

Nos ad dextram jube fisti,

Quos per Crucem redemisti.

*Pater noster. Ave Maria.*

*Ad sinistram Manum.*

Ave Manus Christi læva,

Sic confixa manu sævâ,

Nos ab omni malo leva,

Quos produxit mater Evâ.

*Pater noster. Ave Maria.*

*Ad dexterum pedem.*

Ave vulnus dextri pedis,

Pedem mentis piè lædis,

Y. Vulneratus est propter iniquitates nostras.

R. Attritus est propter scelera nostra.

*Oremus.*

**D**omine IESU Christe, qui pro salute humani generis quinque vulnera pati voluisti: tribue quæsumus, ut ob reverentiam illorum vulnerum absolvi merear ab omnibus peccatis meis, & præsentem vitam bono fine terminare, & à tuæ

Dd2

dulcis.



dulcissimæ visionis contemplatione nunquam separari. Qui vis  
vis & regnas DEUS per omnia sæcula sæculorum. Amen.

## HYMNI.

*De Passione Domini nostri IESV Christi.*

Collecti ex R. P. Ioanne Hondemio Anglo,  
Ordinis Divi Francisci, qui Seraphicum planè affe-  
ctum spirant.

*Exhortatio ad meditantem Passionem Domini nostri  
IESV Christi.*

Monstruosum cor jure crederis,  
Dum in ejus morte non frangeris,  
Cujus ita tu corde conderis.  
Ut non spernat pro te vim funeris.  
Quem revera si rediligeres  
Aut migrâsses, aut migrans fieres,  
Aut compassum migrantem plangeres,  
Ne non amans amantem læderes.  
Plange sponsi turtur exequias,  
Turtur non es, si te non crucias,  
Voluptatum æstus abijcias,  
Et te solo fletu reficias.  
Sustentare panem dolentium,  
Et te liget iuge cilicium,  
Fletus fluat ad instar imbrium,  
Et cor gignat dulce suspirium.  
Velle genas, & cor eviscera  
Carnis libro dum legis vulnera,  
Cum attendis in carne tenera  
Desavire furoris funera.  
Os ad loca clavorum duplices  
Favos fugens, flores multiplices,  
Fontis hauri fluentes latices,  
Et amarum huiusmodi multiplices.  
Verè prudens apis efficeris;  
Si sacratos hos succos suxeris,  
Favum mellis divini congeris,  
Vitæ flori dum sic inhæseris.

*De vinculis Christi.*

Vinculis Princeps d'ris addiceris,  
Et ut latro ligatus daceris,

Dator vitæ qui dum sic læderis,  
A læticia nos sanas sceleris.  
Vincula regem vincentem vinciunt,  
Et à vinculis victos eripiunt,  
Adæ primi vincula sequantur,  
Adam novum cum nexus ambiunt.  
Vincula, vincula, nōtis quæ stringit?  
Nōtis, inquam, in quo vos jungitis?  
Ejus certe, quem sic affligitis,  
Myrrha prima stillat de digitis.  
Ligatus caro comprimitur  
Et sub ungue cruor congeritur,  
Cum rubore livor adducitur,  
Quibus unguis totus conteritur.  
Cum viventem unguem hunc video,  
Et perfusum ut rore roseo,  
Cur non statim colore liveo?  
Et fluenti fletu me immisceo?  
Cum te lumen ligatum videam,  
Opto quod tunc dolore peream,  
Et cum luce ligata langveam,  
Ut doloris langvore transeam.  
Quis donabit, ut luctus onere  
Farigatus possim deficere,  
Dum donatur mihi recolere  
Regem victum pro furum scelere.  
Vincula mea, qui fers in manibus  
Tuis, rogo me liga funibus,  
Fac persuadi me fuis flitibus,  
Doliturus tuis doloribus.  
Qui vinciris, ut victos liberes,

tui



Tui nexus ense me vulneres,  
Cordis petram, & saxum superes,  
Et mucrone langviores laceres.

*De alapa Christo infligta.*

Vultum summæ quot sunt deliciæ,  
Quo refloret flos amicitia  
Colaphizat genus perfidia  
Gens ingrata, fomes infamia.

Cum te, gena, casam meminero,  
Si plus vivam, indigne vixero,  
Cum rubentem ictu te videro,  
Sum dolendus, nisi doluero.

Gena Cæli descens cibus,  
Erubescis & rubes ictibus,  
Te depinxit cælis crudelibus  
Rubor duplex, causis duplicibus.

Ictu nec non erubescentiâ.

Simul rubes o gena Regia,

Et pallori nostro remedia

Tui donat ruboris gratia.

Pudor pœnam revera superat,

Et plus Regem piûm exasperat,

Qui cum cædi silenter iufferat,

Fit ut agnus, quem lictor lacerat.

Genæ tuæ quaffatio

Nostri vultus est reformatio,

Et ruboris ista perfusio

Genæ nostræ coloratio

*De Christi flagellatione.*

Virgis cadunt manus spurcitia  
Carnem caram, carentem carie:

Carnis rivus rubescit faucibus,

Et elangvet flos frontis regis.

Plausus plorat, luget lætitia:

Sanitatis langvet constantia,

Mixta livent pallore lilia,

Infirmatur firmans cælestia.

Ora pallent exhausto sanguine,

Gigas gemit naturæ geminæ:

Fortis certat acri certamine,

Fatigatur pugil luctamine.

Vt sub sole tristi nascentia,

Pressa gelu, pallent rosaria,

Regis langvent ora vernantia,

Et exangvis frons livet regia.

Sed, Rex pie, cur non compator

Cum te dolat manus immitior?

Adamante nonne sum durior,

Qui cruore merfus fit mollior?

Mors & dolor simul irruite,

Et cor mihi rogo confodite,

Mentis petram rigentem scindite,

Condolentem dolenti facite.

*De spine Corona.*

Spina, mihi cur non cor lacera?

Regis nonne fronte degenera?

Laureandum caput dum laceras,

Cordi meo te precor interas.

Flos, qui culpa spinâ non lœditur,

Cur pœnali spineto plectitur?

Spina nostra iuste reliditur,

Pro iniustis dum iustus pungitur.

Spina, spina, nôti quem laceras?

Rex est, sedes donans fidereas:

Fons, qui fauces facit neciareas,

Stillas siti propinans melleas.

Cum me mundi pungit malitia,

Adis mihi quæso memoria

Tui certè reminiscencia,

Dat puncturis nostris remedia.

Lege, Lector, sermone supplici

Frontem scriptam spina multipli.

Spina scribit amoris unici

Chirographum, in fronte simplici.

Me felicem o spina faceres,

Si compunctum cor mihi pungere.

Pungas ergo, cum pungens superes

Hautus mellis, & favos uberes.

Genu Regem flexum exasperat,

Et in risum honor degenerat:

Ave dicens, risum exaggerat,

Et irrisor regem eviscerat.

*De Arundine data Christo pro*

*sceptro.*

Gens furoris, genus vipereum,

Sceptrum regi dat arundinem:

Vt det nobis sceptrum fidere um

Sceptrum Princeps adluminat scriptum.

Quantum, Princeps, amore pramines,

qui



Qui probrosa sceptris sic retines?  
 Probra sumis, ut probra termines,  
 Ex quo Cæli clarescunt cardines.

Cæli cives, hoc sceptrum cernite,  
 Et sceptrum mecum deplangite,  
 Immortales, plangendo vivite,  
 Et migrare me planctu finite.

*De Baisulatione Crucis & nudatione.*

Moriturus multis pro miseris,  
 Crucem portas aptatam humeris,  
 Ad reorum locum adducis,  
 Ut probrosi vim sumas funeris.

Fit concursus grandis currentium,  
 Regem velut furem spectantium,  
 Princeps factus grande prodigium,  
 Iter agis, ambis ludibrium.

Duc me tecum, ut finem videam,  
 Ut migranti saltem condolescam,  
 Et ut mortis sacratæ frameam,  
 Auditor, dolens perferentiam.

Denudaris & vestes exuis,  
 Nuptialem vestem qui tribuis:  
 Stolum nobis dum nudus confuis,  
 Nuditate tua nos induis.

Denudaris, qui vestis liliæ,  
 Ut nudatis ministres pallia:  
 Caro, veste dum caret regia,  
 Sub amoris gemit potentia.

Hæc nos tua vestit nudatio,  
 Et honorat angens irrisio:  
 Dat coronam spinæ rotatio:  
 Et sceptrari nos facit passio.

Dolens donas dolori gaudium,  
 Penis pressus, das refrigerium:  
 Alas pandis adinstar avium,  
 Et pro pullis sit pectus saucium.

Diligentem si rediligerem  
 Te vel parum, non sic durescerem,  
 Imò totus fletu defluerem,  
 Pro me nudum dum te recolerem.

*De Christi crucifixione.*  
 Vestem missa fors dat militibus,  
 Et transfusus ferratis trabibus,  
 Conclavaris Rex cum latronibus,

Ut regnare des transgressoribus.

Impleturus Rex vaticinium,

Iniquorum subis consortium,

Et mercaris per improprium

Reprobando regale solium.

Caro candens livet sub malleo,

Fit & incus ex ossibus niveo.

Faber orbis sub fabro ferreo,

Rore tremat perfusus raseo.

Puri pedes, cum mundis manibus,

Conclavantur in crucis cornibus:

Fodiuntur vena cum ossibus

Et madescit crux mbris imbris.

Non sic sitis lupi luxuriat,

Quem agninus torrens inebriat,

Ut lupina gens cum te laniat,

Et in cruce cruenta sauciat.

Brachiorum illa nobilitas,

Digitum plana proceritas,

Et candentis palmæ serenitas

Ferò cedunt, & riget lenitas.

Rex amoris nectar perpetuum,

Quidnam volunt hæc plagæ manuum?

Cur sic haurit fontem irriguum

Ferri furor, frangens innocuum.

Vnde ferro tanta licentia?

Ut ingressum regis cellaria

Testis bibat vna vernantia,

Et deficiet dulcoris dolia?

Vnde ferro tale dominium,

Ut confringat Regis rosarium,

Et imponat more gaudentium,

Sertum sibi de rosis regium?

Ferrum certe frantum efficeris,

Luxum Adz refrægnans veteris:

Et dum Adam novum ingrederis.

Cæli nobis secretum aperis.

Manus summo sceptranda lumine,

Cum ex ferri rubes & cumine,

Et recenti signaris sanguine,

Fletus fundi deberent flumine.

Regis langvor addidit oculum,

Cujus lustrat pupilla scutum,

Et transcendit nascentem flosculum

Quem vernale gignit diluculum.

Pupillarum migrant delicia,

qua-



Quarum migrat amor in acie  
 Nox quid facis in lucis facie?  
 Cur in vadis solem meridie?  
 Lumen nescit frontale speculum,  
 Dum mors claudit amoris oculum.  
 O amoris pupillæ pabulum  
 In me migrans confige jaculum!

*Ad Christum crucifixum.*

Morti nihil debens quom interis,  
 Moriturus Rex vitam aperis:  
 Prædam morti dum te permiseris,  
 In prædantem victor inveheris.

Vt vinceris amores mentium,  
 Vltro subis mortis exitium  
 Parvi pendens lethalem gladium,  
 Vt lucreris ignes amantium.

Nec humana mors simplex sumitur,  
 Sed quæ mortes omnes transgreditur:  
 Sic clarescit, quantum diligitur,  
 Qui per mortem tantam redimitur.

Adhuc autem ut frigans ferveam,  
 Polliceris sedem fideream,  
 Repromittis, ut tecum teneam  
 Scepterum Regni, casuq; caream,

Ergo pastus pudoris ubere,  
 Quid reposcis pro tanto munere?  
 Quid met tibi jubes rependere?  
 Certè solum te rediligere.

Ergo vicem nisi reddidero,  
 Quales mihi penas accelero?  
 Quod tormentum, si non amavero  
 Quem amoris sic ense vulnero?

Sed cum omnis sis dator gratiæ,  
 Sis mentales mihi delicias,  
 Fac ut tibi flos amicitiz,  
 Mentis fragret in horto sauciz.

Et amari eum te præcipias,  
 Da quod jubes, & menti venias:  
 Et sic ægro cordi subvenias,  
 Ut ad tuas curram delicias.

Patres pascens panis placentiz,  
 Da mendico vel micam hodie,  
 Ut exempli sciam esurie,  
 Vitæ panis quæ sint delicias.

*Ad eundem.*

Cur pænosa pius amplectitur?  
 Cur in umbras splendor projicitur?  
 Quare squalet, quo pratum pingitur?  
 Grana gignens, granum cur moritur?  
 Cur potatur aceto vinea?  
 Cur pupillæ luget lux aurea?  
 Cur dolatur domus eburnea?  
 Cur expirat granum sub palea?

Quare strepit melos Angelicum?  
 Cur emarcescit vitæ viaticum?  
 Cur marcescit munna magnificum?  
 Cur velatur jubar Hierarchicum?

Cur clavatur, qui clausa referat?  
 Quare pendet, qui mentes ponderat?  
 Universi librum qui reserat  
 Torum legens, trabes cur tolerat?

Quare vivent regnantis latera?  
 Cur plagatur, qui placat vulnera?  
 Cur humatur, qui signat fidera?  
 Cur in vias planas sunt aspera?

Plaga livens colore rubeo  
 Non est lita, nec fota oleo,  
 Nil medetur cruori roseo,  
 Nil tumori valet vulnereo:  
 Non fomentum, non medicamina,  
 Sunt tumentis plagæ juvamina:  
 Non curatur ut cruciamina.  
 Cura curet lavantis crimina.

Hæc pro nobis Princeps sustinuit,  
 Qui se vinculis amoris præbuit:  
 Se dans nobis exemplar tribuit  
 Hoc eundem iter, quod tenuit.

*De Christo crucifixo.*

Vbi frontis prioris lilium?  
 Vbi labri dudum rosarium?  
 Singulare cur luget gaudium?  
 Cur mutatur in virum alium?  
 Faciei quod flos evanuit?  
 Vbi vultus quem Cælum stupuit?  
 Vbi decor, qui pari caruit?  
 Heu flos vernans totus exaruit.

Nonne Iesum videre pridè  
 Summæ nobis erant delicia?  
 Iam crampi horror in facie.  
 O quis dolor! quantæ tristitiæ!

Quod



Quò fluxere facta miracula,  
 Quæ fecerunt stupere sæcula?  
 Vbi vivens post mortis jacula?  
 Vbi cæcus immunis maculâ?  
 Vbi Panis qui mille paverat?  
 Vbi Vinum, unda quod fuderat?  
 Vbi mutus qui linguam referat?  
 Et quò rea quam verbo liberat?  
 Ejus heri fuit eloquium,  
 Auri melos, mel audientium,  
 Nunc adductus ad consistorium,  
 Linguam ligat & claudit labium.  
 Heri, stolam Sanctorum texuit,  
 Et nunc stola carens erubuit,  
 Heri doctum Cherub edocuit,  
 Hunc quæsitus ut ovis mutuit.  
 Heri dedit vincenti lauream,  
 Ecce portat jam frontem spineam;  
 Heri dixit se verè vineam,  
 Hunc labruscam degustat felleam.  
 Heri solem accinxit radio:  
 Hunc suspirat pressus sudario,  
 Sanctis erat heri refectio.  
 Hunc exclamat in cruce sitio.  
 Pro mærore qui donat pallium,  
 Hunc maroris deducit fluvium;  
 Solus sanans scissuras cordium,  
 Sauciatus sanxit suspirium.  
 Cuncta solus disponens sæcula,  
 Strictæ trabis tenetur tabula,  
 A qua datur cælestis insula,  
 Rex scepteratur arenti stipula.  
 Qui sic amat, quod nunquâ deserit,  
 Derelictus & dolens interit,  
 Latius cuius cum ferrum aperit;  
 Cælum fractum patenter asserit.  
 Regem clavi clavatum quatunt,  
 Per quem polum triones ambiunt,  
 Quem Cælestes senatus sitiunt,  
 Fures sibi consortem sentiunt.  
 Quicoronam donat pro cinere,  
 Iam humandus ponetur pulvere.  
 Vt quid plura? mors veni properè,  
 Nosq; simul velis invadere.  
 Sic affines, sic consanguinei

Prolem plangunt ventris Virginei,  
 Plangtus fluit tanquam turturei,  
 Rege morio morsurâ laquei.

*Oratio ad pectus Christi.*

O Amoris pectus ararium!  
 Tu divini vini cellarium!  
 Omnis cæli detraxit pallium,  
 Qui te nudat amictu vestium.  
 Te saluto complois manibus,  
 Cujus Cælum est impar laudibus,  
 Instar veris cum vernat floribus,  
 Delicatis fragras amoribus.  
 Pectus ave vena clementiæ,  
 Flos calorum, fons sapientiæ,  
 In te bibit fluentia gratiæ,  
 præco regis jubar Ecclesiæ.  
 Pectus gignens amoris gemitus,  
 Charitatis thronus & inclytus,  
 Fons dulcoris fluentis cæliis,  
 Te sitire fac me medullitus,  
 Deitatis ô pectus scrinium,  
 Cur non torquet cor hoc exitium,  
 Cur rubescis flagellis saucium,  
 Et livefcis ictu cadentium.  
 Tu bis tinctum colore duplici,  
 Candens rubes rore multiplici,  
 Scutum cordis factum magnifici,  
 Vitro sinis flagris te subijci.  
 Rogo scutum tu mihi facias,  
 Cum sensero mortis molestias,  
 Te complexus ejus infidias  
 Non verebor, sed nec versutias.  
*Ad Sacratissimum Christi vultû.*  
 Si daretur pennæ peritia,  
 Exararem vultû præconia,  
 Quem amoris omnipotentia  
 Decolorat ut hyems lilia.  
 Tibi vultus transcendens lilium  
 Magis placet palloris pallium,  
 Quam coloris decus eximium,  
 Vt colores, vultus pallentium.  
 Cum pro nobis gena pallueris,  
 Tuum nobis decorem inferis,  
 Ad hoc enim amore cogeris,



Cujus volens virtute vinceris.  
 Si timeres, mors aulā temere  
 In hunc vultum sacrum irruere;  
 Non obisses hoc rea scelere,  
 Alligata jam iusto funere.

*Ad Cor Christi.*

Cor cur libet ita diligere,  
 Vt claudaris amans in funere?  
 Nunquid tibi videris vivere,  
 Dum expiras amoris vulnere?  
 Nunquid amor hoc te docuerit,  
 Quod tu vincis, cum te devincerit,  
 Et tunc vivis cum letho læserit?  
 Et triumphas, cum te subegerit?  
 Nunquid docet, quod donat vivere,  
 Cum mucronem vibrat in vulnere?  
 Num oblectat dans fletus fluere?  
 Aut plus sanat, plus studens lædere?

Ita verè sic amor docuit,  
 Refer grates, quod te sic imbuat,  
 Et sic clamans paratum præbuit,  
 Contra letha, qui lethum tenuit.  
 Cor sic amans amoris stillulam  
 Cordi meo dones vel parvulam:  
 Fac amoris sacri nubeculam,  
 Non amantis lavare maculam.

Amor, alvo Matris te texerat.  
 Et nunc crucis altari lacerat  
 Nunc lethali telo te vulnerat,  
 Vt defunctos ad vitam efferat.

Cum te cano cor amans tenerè,  
 Pelicanum cogor recolere,  
 Lanceato qui rostro latere,  
 Proli migrans mercatur vivere.

Sacer amor secretum referat,  
 Vt defunctis medelam adferat:  
 Lethum donans à letho liberat:  
 Ense mortis mortem eviscerat.

Cor amaris conscriptum literis,  
 Turturina corda transgrederis:  
 Te saluto cor pium miseris,  
 Loris semper ligandum teneris.  
 Mihi mortis fundas dulcedinem  
 Mater limans culpæ rubiginem,  
 Pietatis fac plenitudinem

Serenare mentis caliginem.

*De Christi sepultura.*

Cavo tandem saxo reconditur,  
 Cujus mundus pugillo clauditur,  
 Quantus dolor cum stella sternitur,  
 Et sol verus mundo subtrahitur.

Dulcem Mater flet Vnigenitum;  
 Tenebroso lare reconditum;  
 Et dum corpus humatur inclutum,  
 Ense sentit mulctari spiritum.

Amor Iesu quod totus influit,  
 Te morari cogit cum mortuis,  
 Quam amandum te nobis astruit,  
 Cum humandum te tumbæ tribuit.

**H Y M N U S.**

*Religiosissimi ac devotissimi Pa-  
 tris Iosephi Anchieta S. I. ad  
 Beatissimam Virginem Mariam  
 de vulneribus Christi Domini.*

*De Capite.*

Ave Matris cor benignæ,  
 Quod crudeles pungunt spinae,  
 Nati fixæ capiti.  
 Illi caput perforatur,  
 Tibi pectus lacerarunt  
 Mundi culpā perditū.

Figge meum, ne vagetur,  
 Intellectum sed rimetur,  
 Plagas tuas dulciter.  
 Tu cum IESV, IESVS tecum,  
 Maneatis semper mecum,  
 Amplectendo fortiter.

*De manu dextera.*

Ave Matris cor lugentis,  
 Quo diris clavus tormentis.  
 Dextræ manus afficit.  
 Felix clavus, qui divinum  
 Natum, simul & benignum  
 Matris pectus conficit.

Pia Mater Redemptoris,  
 Tui leviter amoris,  
 Mihi manum adhibe.  
 Tange lepram, & mundabor,

**Ec**

**Tange**



Tange vulnus & sanabor,  
Et peccantem cohibet

*De sinistra.*

Ave partus Matris almæ,  
Cui sinistrum vulnus palmæ,  
Dirum vulnus imprimit;  
Iste clavus tibi impressus,  
Quo perimitur IESVS,  
Culpe mortem perimit.  
Tuo genitrix dolore,  
Salutariq; timore,  
Carnes meas laucia.

Vt peccata caveantur,  
Dum tremenda formidantur  
Domini iudicia.

*De pede dextero*

Ave Matris cor sacratum,  
Quod contemplor cruentatum,  
Dextri pedis cuspide.  
Ad te currit cor amantis,  
Animusq; singultantis,  
Te suspirat aride.  
O sit tuæ calientis,  
Sævis odor hamatis  
Me sagittis feriat;  
Vt extincto carnis bello,  
Tua pietas in cælo,  
Me victorem capiat.

*De sinistro.*

Ave Matris cor afflictum,  
Quod cum nato gravem ictum,  
Lævi pedis pateris.  
Nullam culpam cum patraris,  
Omni plenâ cruciaris,  
Omni plagâ laderis.  
Ne me culpis maculatum.  
Me sceleribus fædaturum,  
Pænis dede meritis.  
Vt cum miti humilitate  
Humiliq; paupertate,  
Tuis addi subditis.

*De latere.*

Ave Matris cor honestæ,  
Cujus Simeone teste

Ensis fudit intima.

Dum defuncti latus nati  
Rupit militis armati  
Hasta crudelissima.

In te spinæ conjurâunt,  
Clavi, crux, & quæ fædârunt,  
Flagra dura Filium.

Vt cum nato morienti,  
Maternæ super menti,  
Nullum refrigerium.

*Potest addi ob numerum septenarium*

*Sepultura Christi.*

Ave Matris Cor, Amoris  
Tumba factum, (heu!) doloris,  
Dum Christus sepelitur.

Mors & Amor sua tela  
Ponunt post cruentâ bella,  
Tumulus erigitur.

Cor Matris sit tumulus,  
Cur peccator non æmulus  
Tanti sum depositus

Sine Mater, cordis mei  
Saxum, fiat tumba Dei  
IESV reconditi.

*Lamentatio de morte Christi*

*Domini, P. Ioannis Hondemii.*

Ecce migrat, flos redolentior  
Omni flore, melleq; melior.  
Sed heu miser! cur non commorior,

Dum sermonem mortis aggredior?  
Ecce migrat, quem forti gladio

Verus amor premit in prælio:  
Cujus probat affectum passio,

Velut aurum ignis incendio.  
Ecce migrat cæli solatium.

Rosâ veris, & violarium,  
Melos lyra, viellæ gaudium,

Philomela promens præconium.  
Ecce migrat, quem semel cernere

Plûs est sanctis, quàm cælos igandere,  
Quem lugentes inferni carcere

Si viderent, carerent funere.  
Iugis migrat gemma lætitia

*Nocte*



Nocte micans ut sol meridie,  
Cujus semel lustrari facie  
Cælum cæli vocatur propriè  
Ecce migrat cæli fragrantia,  
Dux decoris, rex plenus gratiâ,  
Cuius mulcet semel præsentia  
Plûs, quàm torquent mille martyria.  
Petrus pede qui pressit maris,

Vera probat ista præconia,  
Dum in cruce litatur hostia  
Ipsâ lethi latus angustia.

*De prodigiis in Morte Christi  
& de plaga lateris.*

Sol ne cernat, extingvit radium,  
Vultum morte pallentem regium,  
Et ne cernat dolare liliû  
Virginale, manus dementium.  
Erubescit nudum respicere,  
Per quem cælum vestitum fide,se,  
Sibi mavult lumen adimere,  
Lucis fontem, quàm fractum cernere.

Triumphanti dans testimonium,  
Morte surgit cætus fidelium,  
Quod testatur vitæ principium,  
Dum confringit mortis imperium.  
Fenestratus latus in lancea,  
Et emanat unda sanguinea,  
Fons redundat in carne rosea,  
Quo lavatur mens, ut sit nivea.

Templi salit de dextro latere  
Aqua viva lavans à scelere,  
Dono Dei novit effluere:  
Fons iam patens, potens abluere.

Dormientis Adz subtrahitur  
Costa, de qua conjunx efficitur,  
Et dum somnus in cruce sumitur,  
Sacramentum de costa scinditur.

Regis latus mucrone saucium,  
Dum hoc nobis dat refrigerium,  
Salutarem ministrans fluvium,  
Doliturus propinat gaudium.

Te lætanter (ô latus) lamberem,  
Et me melle tuo tenerem,  
Felix certè, si te contingerem,  
Vel de longè saltem respicerem.

Ee2

Rex, qui latus in signum fæderis  
Nobis primum dignanter aperis,  
Aqua lotos tam digni lateris  
Nos exornes, & jungas superis.  
Amen.

*Adoratio Faciei Salva-  
toris.*

**S**alve Divina FACIES,  
Quam Cæli tremittacies.

Indignis habita modis,  
Vepreis obducta nodis:

Tam serviliter tractata,  
Tam crudeliter vexata,

Viliter dedecorata,  
Tot modis inhonorata.

Caput spinis terebratum,  
Arundine conquisatum.

Cæsaries lacerata,  
Cruentis grumis plicata.

Frons puncturis sauciata,  
Tuberibus deformata.

Aures rubo laniatz;  
Opprobrijs sauciatz.

Oculi pleni livore,  
Lachrymis, tabo, sudore.

Nasus pugnis violatus,  
Petro odore vexatus.

Gena vultur, deturpatz,  
Crebris palmis oneratz.

Barba tracta, vellicata,  
Sputamentis inquinata.

Os contusum, sorditatum,  
Lividum convulneratum.

Dentes colli, turbati,  
Alapis labefactati.

Lingua siti exsiccata,  
Myrrhâ, felle, cruciata.

Ego in hos cruciatus  
IESU eram destinatus,

Sed tu me sic dilexisti,  
Sic amasti, evexisti,

Vt his me solveres curis.  
O Amor cur me non uris.

Passi-



Passionis Dominicæ series per XXIV. horas,  
*quibus duravit, distributa.*

Ex P. Laur: Bartilij S. I.

Hora VI. à meridie.

*Adoro te Domine IESV*

Legales ceremonias accuratè observantem.

Desiderium vehemens, quod habueras Pascha illud extremum manducandi, testificantem.

Agnum Paschalem cum Discipulis religiosè manducantem.

Teipsum, in Figura tuì, singulari affectu contemplantem.

A cœna surgentem & vestimenta sua deponentem.

Accepto linteo temetipsum præcingentem.

Aquam in pelvim infundentem & circumferentem,

Pedes Discipulorum abluentem, & linteo extergentem,

Petrum, ni se lavari permitteret, excommunicatione terrentem.

Ad imitationem exempli sui Discipulos exhortantem.

*Per huius horæ sanctissimas actiones, & humillimam pedum lotionem, da nobis debitam in tuo servitio diligentiam, accuratam officij nostri persolutionem, & tuæ humilitatis imitationem.*

Hora VII.

*Adoro te Domine IESV.*

Acceptum panem, Deo actis gratijs benedicentem, frangentem, & distribuentem.

Apostolos, ut tuum Corpus ederent, invitantem,

Vt idem, in tuì commemorationem facerent, ordinantem.

Acceptum Calicem, gratijs actis benedicentem;

Illum esse Sangvinem tuum novi Testamenti, asserentem;

Eundem pro nobis effundendum, prædicentem.

Inter duodecim Apostolos distribuentem.

Turbatum Spiritu, & tuam prodicionem manifestantem,

Proditorum a scelere deterrentem,

Eundem, pane intincto, illi oblato, indicantem;

Discipulos de primatu contententes corripientem,

Eisdem.



Eisdem mandatum de dilectione novum inculcantem.

Tristitiâ afflictos consolantem,

Scandalum illa nocte passuros præmonentem.

Multa de persecutionibus futuris, de tuo ad eos reditu, de Spiritu promisso differentem.

*Per dignabundam sanctissimi Sacramenti institutionem, da nobis tantorum mysteriorum congruam frequentationem.*

### VIII.

*Adoro te Domine IESV.*

Pro tua clarificatione & Discipulorum custodia orantem,

Hymno dicto in montem Olivarum exeuntem,

In prædio Gethsemani partem Apostolorum relinquentem,

Eosdem ad orandum, ne intrarent in tentationem, admonentem;

Petrum cum Iacobo & Ioanne, tecum assumentem,

Pavere, mædere, & tædere incipientem.

Tristitiam tuam, usque ad mortem testificantem,

Ad sustinendum & vigilandum invitantem. (gentem,

Avulsam à Discipulis, ad iactum lapidis, Genua tua in terra des-

In Faciem tuam procidentem, & Patri DEO supplicantem,

Calicem quidem transferri petentē, te voluntati tui Patris resignatē.

*Per tristitiam & mærorem tuum, da nobis peccatorum veram detectionem: & salutarem compunctionem.*

### Hora IX.

*Adoro te Domine IESV.*

Discipulos dormientes revisentem ac excitantem,

Petro, quod unā tecum non potuerit vigilare, exprobrantem,

Ad vigilandum & orandum contra tentationes, exhortantem;

Secundò abeuntem, & iterum orantem,

Iterum pro Calice transferendo supplicantem,

Nihilominus te ad bibendum iuxta voluntatem Patris offerentem.

*Per tuam supplicationem & oblationem, da nobis donum orationis, & plenam ad tuum placitum resignationem.*

### Hora X.

*Ador*



*Adoro te Domine IESV.*

Denuò ad Discipulos revertentem,  
 Dormientes, quòd oculi eorum gravati essent, invenientem,  
 Ignorantes quid responderent, relinquentem,  
 Tertiò abeuntem, ac eundem sermonem orantem.  
*Per Paternam circa tuos providentiam, da nobis debitam in fu-*  
*ga peccatorum, & studio virtutum vigilantiam.*

## Hora XI.

*Adoro te Domine IESV.*

Ab Angelo de cælo confortatum,  
 Factum in agonia, prolixiùs orantem,  
 Sangvineum sudorem copiosè sudantem,  
 Tertiò ad discipulos dormitabundos redeuntem,  
 Surgere, quòd propè traditor esset, jubentem,  
 Proditori & militum cohorti spontè occurrentem,  
 Eundem ad osculum admittentem, & amicè monentem,  
 Quemnam armati quærerent, placidè interrogantem,  
 Voce tua EGO sum, omnes in terram prosterntem,  
 Vt illæfos Discipulos abire sinerent, mandantem.  
 Petro, ut evaginatam reconderet gladium, præcipientem,  
 Abscissam Malcho auriculam tangentem, & sanantem,  
 Principibus Sacerdotum & Magistratibus, quòd tanquam ad latronè  
 comprehendendum exissent, obijcientem.  
*Per tuam agoniam & sangvineum sudorem, da nobis spiritûs*  
*fervorem & strenuam passionum nostrarum mortificationem.*

## Hora XII.

*Adoro te Domine IESV.*

Potestatem tuis hostibus in te concedentem,  
 A ministris Iudæorum furiosè comprehensum,  
 Impulsum, tractum, raptatum,  
 Vinculis astrictum, & verberatum,  
 Ab omnibus Discipulis fugientibus derelictum,  
 A monte Oliveti, usque in Ierusalem, insultanter deductum,

Totâ



Totâ illâ viâ indignis modis tractatum,

Ad Annam Caiphæ focerum, primûm adductum.

*Per tuam comprehensorem, & laboriosam profectionem: libera nos  
à perenni servitute, da spiritûs libertatem, & cum tua sanctis-  
simâ voluntate conformitatem.*

### Hora I. à media nocte.

*Adoro te Domine IESU.*

Ab Anna de tuis Discipulis, & doctrinâ examinatum,

De satisfactione ad tuos Auditores remittentem,

Ab uno è ministris assistentibus, de responso obiurgatum,

Ab eodem gravi alapâ, & ignominiosâ, percussum,

Modestè de injuria cum Percussore expostulantem,

Ad Caipham Pontificè remissum, multas vexationes in via perpeffum.

*Per tuam coram Anna præsentationem, & alapam gravissi-  
mam, da nobis liberam veritatis confessionem, & laborum pro  
tuo honore generosam perpeffionem.*

### Hora II.

*Adoro te Domine IESU.*

Coram Caipha summo Pontifice præsentatum.

In medio malignantis Concilij constitutum,

Scurriliter exceptum & subsannatum,

Multis falsis testimonijs, & non convenientibus appetitum;

Ad ea, quæ tibi obijciebantur, nihil respondentem,

Per Deum vivum, num esses Christus Filius Dei, adjuratum,

Veritatem liberè confitentem, & Iudæis Maiestatem suam palam  
commemorantem,

A summo Sacerdote pro blasphemo propterea iudicatum,

Tanquam reus mortis esses, ab omnibus condemnatum.

A Petro coram ancilla ostiaria negatum.

*Per hujus horæ multiplices labores, & vexationes, da nobis pec-  
catorum contritionem, & veram humilitatem, & in studio san-  
ctitatis constantiam.*

**Hora**



## Hora III.

*Adoro te Domine IESV.*

Post condemnationem multis iniurijs divexatum,  
 Contemptibiliter in facie verecundâ consputum,  
 Ludibriosè oculis velatum,  
 Colaphis à circumstantibus cæsum,  
 Palmis & alapis in faciem pulsatum,  
 Quis te percussisset, prophetizare iussum?

*Per huius horæ acerbis passiones, & multiplices vexationes, da nobis peccatorum remissionem, seriam vitæ emendationem, congruam aduersitatum tolerantiam.*

## Hora IV.

*Adoro te Domine IESV.*

A Petro iterum, cum iuramento denegatum,  
 Ab impijs militibus in custodia detentum,  
 Varijs, ac indignis modis scurriliter illusum,  
 Multis blasphemis insolenter oneratum,  
 Pugnis iteratò cæsum, & in faciem percussum,  
 A Petro tertio & quidem cum detestatione abnegatum,  
 Conversum ad Petrum, & illum misericorditer respectantem,  
 Vt foras egressus culpam amare desleret, efficaciter permoventem.  
*Per huius horæ vexationes & iniurias gravissimas, da nobis veram nostræ despicientiam, & in te confidentiam, & erga proximum compassionem.*

## Hora V.

*Adoro te Domine IESV.*

In Concilio malignantium secundo constitutum,  
 Iterum num esses CHRISTUS examinatum,  
 Veritatem coram omnibus manifestè confitentem,  
 Iterum, quasi proprio testimonio convictû, ab omnibus condemnatû.  
 Tanquam impium, Tribunali Gentilitio adiudicatum,  
 A summis Sacerdotibus, & universo concilio, deductum,

Vincu-



Vinculis onustum, populo concurrente, tractum,  
In Prætorium, per satellites à Iudæis submissum.

*Per hujus horæ iniurias, fatigationes, & ignominias, da nobis  
peccatorum detestationem, sinceram tui proximiq<sup>3</sup> dilectionem,  
virtutum tuarum imitationem,*

### Hora VI.

*Adoro te Domine IESV.*

Coram præfide Pilato præsentatum,  
Tanquam malefactorum accusatum,  
Num esses Rex Iudæorum, à Pilato interrogatum,  
Regem te esse, sed non de hoc mundo, professum,  
Innocentem à Pilato nominatum,  
Tanquam subversorem, & tributa dare prohibentem, insimulatum,  
Ad ejusmodi occasiones, cum Prælidis admiratione, silentem.

*Per tuam in manus Gentium traditionem, ut malefactoris  
traductionem, da nobis propriæ voluntatis & reputationis abne-  
gationem,*

### Hora VII.

*Adoro te Domine IESV.*

A Pilato, tanquam hominem Galilæum, ad Herodem ablegatum,  
Ad Herodis curiam ab indignabundis abstractum,  
Coram Herode, quasi de ejus potestate esses, constitutum,  
Multis sermonibus ab Herode interrogatum,  
A principibus Sacerdotum & Scribis, constanter accusatum,  
Nihil penitus ad interrogationes, vel ad accusationes, respondentē;  
Ab Herode cum toto suo exercitu despectum,  
Veste albâ indutum, & illusum.  
Ad Pilatum, ab Herode, remissum,  
Herodem & Pilatum dissidentes reconciliantem.

*Per tuas relegationes, despectus, & altissimum inter iniurias  
silentium, da nobis nostrimet vilipensionē, & linguæ continentia.*

### Hora VIII.

Ff

Ado-



*Adoro te Domine IESV.*

Coram Pilato in veste alba præsentatum,  
 Iteratis Calumniis à Iudæis oneratum,  
 A Pilato coram Magistratu, & plebe, innocentem declaratum,  
 Cum Barraba, insigni latrone, indignissime comparatum,  
 Seditioso homini, & homicidæ, ab omnibus postpositum,  
 Nullam mortis causam te habere, à Pilato denunciatum,  
 Ad crucem magnis omnium vocibus postulatum,  
 Iustum ab uxore Pilati significatum.

*Per tuam, Iudiciorum perverſorum, & vilipenſionem, tolerantiam; da nobis tue divine, gloriæ, ſtudium; & humane placentiæ contemptum.*

**Hora IX.***Adoro te Domine IESV.*

Apprehenſum à Pilato, & immiſericorditer flagellatum,  
 A Capite uſque ad plantas pedum, crudeliter ſauciatum,  
 A militibus in atrium Prætorij deductum,  
 Veſte laceris membris ægre inieſtâ, diſpoliatum;  
 Chlamyde coccineâ ludibundè circumdatum,  
 Spineâ coronâ immaniter cruciatum,  
 Arundine in dextera poſitâ illuſum,  
 Genu flexo Regem deriſoriè ſalutatum,  
 Sputis inhumaniter deformatum,  
 Arundine in capite petulanter verberatum,  
 Alapis pulſatum, & opprobrijs ſaturatum.

*Per tuam acerbiffimam flagellationem, & spineam coronationem, & amariffimas illuſiones, da nobis veram de peccatis contritionem, debitam carnis macerationem, & omnis ſuperbiæ deſtationem.*

**Hora X.***Adoro te Domine IESV.*

In corona spineâ, & purpureo veſtimento, foras produſtum,  
 A Prælide, ECCE HOMO, demonſtratum,

Sine



Sine commiserationis sensu à Pontificibus despectum,  
 Ad crucis supplicium, invalescente clamore, postulatum,  
 Quasi falso te DEI Filium iactares, infimulatum;  
 A Pilato, num DEI Filius esses, examinatum.  
 Iterum foras productum, & Regem Iudæorum pronunciatum,  
 A Iudæis, Regem suum te negantibus, repudiatum;  
 Voluntati Iudæorum, à Pilato traditum,  
 Chlamyde exutum, & proprijs vestimentis indutum.

*Per Confusiones & reprobationes tuas, libera nos à cecitate  
 mentis ac duritie cordis, & inter electos connumerare digneris.*

### Hora XI.

*Adoro te Domine IESU.*

Crucem tibi impositam bajulantem,  
 Duobus Latronibus ad mortem dampnatis comitatum,  
 A mulieribus publico planctu deplofatum,  
 Filias Ierusalem alloquentem, & instruentem,  
 Multâ viâ, & cruce ponderosâ, fatigatum;  
 In montem Calvariæ supplicijs infamem, perductum.  
 Vestimentis ac tunicâ inconsutili, spoliatum,  
 Vino Myrrhato, & felle mixto, potatum,  
 Clavis horrendis cruci confixum,  
 Pro crucifixoribus Patrem tuum deprecantem;  
 Inter duos latrones medium collocatum,  
 A prætereuntibus blasphematum,  
 A summis Sacerdotibus illusum,  
 A Latronibus impropertum.  
 A militibus aceto vexatum,  
 A Latrone bono invocatum,  
 Paradisum invocanti promittentem,  
 Matrem tuam Ioanni commendantem,  
 Ioannis assistentiam favore singulari remunerantem.

*Per tuæ Crucis bajulationem, & crudelissimam crucifixionem:  
 da nobis congruam propriæ crucis tolerationem & sinceram iui-  
 micorum dilectionem.*



## Hora XII.

*Adoro te Domine IESV.*

Horâ sextâ, Sole lugente obscuratum,  
 Ab universâ terrâ, tenebris opertâ, defletum,  
 Crucis & clavorum tormenta perferentem,  
 Frigus & sitim continuam, sustinentem,  
 Cum lachrymis preces DEO Patri offerentem.

*Per tuam in Cruce exaltationem, & acerbissimam passionem:  
 da nobis affectuosam tuæ passionis meditationem, & seculam im-  
 mitationem.*

## Hora I. á meridie.

*Adoro te Domine IESV.*

In cruce pro Mundi salute pendentem,  
 Dolores distractorum nervorum perferentem,  
 Tormentorum incrementum vivaci sensu sustinentem,  
 Ab oratione inter tormenta non cessantem,  
 Matri iuxta crucem stanti, & dolenti tenerè compatientem,

*Per huius horæ acerbissimos dolores; da nobis veram patienti-  
 am, & fortitudinem in adversitatibus,*

## Hora II.

*Adoro te Domine IESV.*

Lassi Corporis pondere in Cruce degravatum,  
 Clavis fixuras exasperantibus cruciatum,  
 Aculeis Coronæ spinæ identidem compunctum,  
 Inter tormenta Crucis, siti vehementi vexatum,  
 Horrores ex aurâ refrigeratâ tolerantem,  
 Orationem cum lachrymis continuantem,  
 Heroicis actibus te ad Mortem disponentem.

*Per tuos innumeros ac diuturnos Crucis dolores; dona nobis  
 debitam carnis mortificationem, vitiorum extirpationem, & se-  
 riam vitæ emendationem.*

## Hora III.

Ado-



*Adoro te Domine IESV.*

Horâ nonâ, voce magnâ exclamantem,  
 Te a DEO Patre derelictum, manifestantem,  
 A circumstantibus, quasi Eliam invocares, irrisum,  
 Extremam tuam sitim testificantem,  
 Acetum cum hyssopo oblatum acceptantem,  
 Omnia te consumâsse promulgantem,  
 Subfannationes insultantium, in tantis cruciatibus, tolerantem,  
 Morituum voce magnâ clamantem,  
 Spiritum tuum in manus Patris commendantem,  
 Inclinato Capite Spiritum tradentem,  
 Virtute magnâ secundum animam ad inferos descendentem.

*Per tuam in Cruce desolationem, redemptionis nostræ consum-  
 mationem, & ultimam expirationem: da nobis in tuo servitio  
 profectum perseverantem, & felicem vitæ consummationem.*

*Hora IV.**Adoro te Domine IESV.*

Infernales Principatus, potentiâ suâ exspoliantem,  
 Potestates confidenter traduentem,  
 Vincos tuos, in sanguine testamenti, de lacu emittentem,  
 Palam de spiritibus tenebrosis triumphantem,  
 Velum Templi à summo usque deorsum, discindentem,  
 Terram commoventem, & petras findentem,  
 Multa corpora Sanctorum, qui dormierant, fuscitantem,  
 Multorum animos salutari timore permoventem,  
 A Centurione glorificatûm,  
 Verè Iustum, & Filium DEI, prædicatûm.

*Per tuum Gloriosum ad inferos descensum, & victoriosum  
 de Principe mundi triumphum: da nobis robur in tentationibus,  
 virilem resistantiam, & completam victoriam.*

*Hora V.**Adoro te Domine IESV.*

Secundum Corpus examine, Divinitati inseparabiliter unitum, in  
 Cruce



Cruce pendentem,  
 Ab uno e militibus, in Cruce, lanceâ perforatum,  
 Sangvine & aquâ, ex aperto latere, manantem,  
 Agnum mysticum, non contractum, nec osse comminutum,  
 Assistentia piarum Mulierum constanter custoditum,  
 Sollicitâ Ioseph & Nicodemi providentiâ honoratum,  
 Facultatem Pilati in depõsitione expectantem.  
*Per Lateris tui sanctissimi transfossionem, & totius Sangui-  
 nis effusionem: da nobis cordis puritatem, & indissolubilem tecum  
 unionem.*

### Hora VI.

*Adoro te Domine IESU.*

Ministerio fervorum tuorum de cruce depositum,  
 Myrrhâ & alôe, liberaliter inunctum,  
 Sindone mundâ involutum,  
 In novo monumento repositum,  
 Advoluto saxo magno ad ostium speluncæ, reclusum,  
 Triduò in sepulchro, gloriôsè requiescentem.  
*Per tuam de Cruce depõsitionem, & honorificam sepulturam:  
 dona nobis tue Passionis iugem memoriam, & copiosa redem-  
 ptionis consortes effice.*

### STATIONES DOMINI

*Diuturniores.*

In Horto plusquam tribus Horis,  
 In Domo Caiphæ quatuor Horis,  
 Totidem in Prætorio apud Pilatum,  
 In monte Calvariæ ferè septem Horis,  
 Vivus quidem in Cruce ultra 4. Horas,  
 Mortuus verò duabus circiter Horis,  
 In sepulchro triginta tribus Horis.

*Affectus de singulis articulis Passionis.*

DEUS



**D**EVUS qui pro redemptione mundi voluisti nasci, circumcidi, à Iudæis reprobari, à Iuda traditore osculo tradi, vinculis alligari, sicut agnus innocens ad victimam duci, atque conspectibus Annæ, Caiphæ, Pilati & Herodis indecenter offerri, falsis testibus accusari, flagellis & opprobrijs vexari, sputis conspui, spinis coronari, colaphis cædi, arundine pereuti, facie velari, vestibus exui, cruci clavis affigi, in cruce levari, inter latrones deputari, felle & aceto potari, & lanceâ vulnerari. Tu Domine per has sanctissimas pœnas tuas, quas ego indignus recolo, & per sanctam Crucem & mortem tuam, libera me à pœnis Inferni: & perducere digneris quo perduxisti latronem tecum crucifixum: Qui cum Patre & Spiritu sancto vivis & regnas in sæcula sæculorum, A.

*Affectus ad Crucem Domini.*

**B**ENIGNISSIME ac optime IESU, en me ad te recipio, ad te, ò pie, revertor. Sed rubore suffundor, & vehementer pudet, cùm tua isthæc specto vulnera, cùm cerno spineam coronam, tequæ hæc omnia meâ causâ perpeßum cognosco. Ego siquidem, ego sum, qui isthæc tam dira inflexi vulnera: ego coronam hanc spineam in tuum sacrû caput impressi: ego te in hanc Crucem adegi.

Sed ò quanta tua est Charitas? quæ tua clementia & misericordia? Peccavi ego, & tu plecteris, debitæq; necis pœnam pro me luis. Ego tuus hostis fui, sed tu per crucē tuam me Filium efficis: Servus fui, at tu sanguine tuo me liberum asseris.

O si semel concesseris, ut amore tui totus flagrem, tum verò tibi, cui me ipsum ac omnia mea debeo, libens hanc etiam vitam impendam, Amen.



Orationes ejaculatoriæ  
Ad sanguinem Christi. P. Vincentj Carasse.

1. Sanguis Christi Lava me  
*A maculis peccatorum.*
2. Sanguis Christi sana me  
*Ab inordinatis passionibus.*
3. Sanguis Christi sanctifica me  
*Gratia virtutumq; habitibus.*
4. Sanguis Christi illumina me  
*Vivacitate fidei.*
5. Sanguis Christi eleva me  
*Certitudine spei.*
6. Sanguis Christi accende me  
*Ignem charitatis.*
7. Sanguis Christi fortifica me  
*Tolerantia patiendi.*
8. Sanguis Christi inebria me.  
*Desiderio Martyrii.*
9. Sanguis Christi absorbe me  
*Ab omni esse creato, intotum esse increatum DEI.*  
Amen.

Ad Maiorem cultum Salutiferæ  
Christi Passionis.





Errores quos in prima & 2da Tetrachordij parte aut præceps incuria fudit, aut humana parùm cavit natura, Lector benevole, si te offendunt ex tabella sequenti corrige.

In Cathalogo Authorum facie 3. lineâ 30. Xaveilius lege Xaverius  
 Ibidem facie 5. lineâ 2. Ord: Præd: lege Carthusiensis  
 In præmio facie 7. lin: 3. à fine tam facilius lege tam facile  
 In Elencho: pag: 4. lin: 24. Ierololymitam lege Ierololymitani  
 Ibid: pag: 16. l. 3. à fine respondententi lege respondens

Deinceps in Historia Passionis litera p. paginam n. notas marginales t. textum l. lineam significat.

p. 24. n. l. 3. à fine  
 p. 26. t. 15. à fine  
 p. 30. n. l. 17.  
 p. 32. t. l. 7. à fine  
 p. 33. T. l. 6. à fine  
 p. 34. N. l. 10.  
 Ibid: l. 5. à fine  
 p. 35. T l. 11.  
 Ibid: N l. 11. à fine  
 p. 50. N l. 11.  
 Ibid: l. 30.  
 p. 51. N l. 16.  
 p. 57. N l. 5.  
 p. 60. N l. 28.  
 Ibid: l. 38.  
 p. 66. N 6. à fine  
 Ibid: l. 3. à fine  
 p. 67. N l. 10. à fine  
 Ibid: l. 4.

Iudæa lege  
 fihitacuerint lege  
 Gor alap d  
 dimittite  
 timens  
 tudicis  
 Patriarchæ  
 &  
 Labatata  
 in Iuda  
 sacrilegas  
 contra Sacram:  
 istu  
 ruore  
 f ciem  
 illectas  
 muneravit  
 subsistendo  
 favore

Iudæa  
 Si hi tacuerint  
 Corn: à lapid:  
 dimittite  
 timemus  
 iudicis  
 Patriarcha  
 ei  
 Labata  
 in Iudam  
 sacrilegos  
 contra Sacramentum  
 isto  
 furore  
 faciem  
 illectus  
 numeravit  
 sustinendo  
 fervore




|                       |               |               |
|-----------------------|---------------|---------------|
| p. 68. N l. 6.        | venia         | venia         |
| p. 71. N l. 3. à fine | indefertum    | in defertum   |
| p. 71. N l. 31.       | enipes        | turpes        |
| p. 81. N l. 12.       | zelum         | zelum         |
| p. 83. N l. ult:      | desideretur   | derideretur   |
| p. 85. N l. 25.       | à versa       | aversa        |
| p. 86. N l. 3. à fine | cripuere      | cripuere      |
| p. 91. N l. 4.        | lub ens       | lubens        |
| p. 100. N l. 12.      | de seruit     | deseruit      |
| Ibid: l. ult:         | a labastro    | alabastro     |
| p. 102. N l. 4.       | conditar      | conditur      |
| l. 14.                | suggefferunt  | suggefferunt  |
| p. 103. l. 4.         | inutile       | inutile       |
| Ibid:                 | manducentibus | manducentibus |
| l. 12.                | conicionem    | conpcionem    |





Probatio







Extra pre-  
montis L. N.  
Jesu Christi

11